





Digitized by the Internet Archive
in 2012 with funding from
Research Library, The Getty Research Institute


<http://archive.org/details/francisciaguilon00agui>

OPTICA
AGVILONII.

*Caroli de Calypris impreg
Cinconfiorre studen*

OFFICE


AGRICULTURE



FRANCISCI
AGVILONII
E SOCIETATE IESV
OPTICORVM
LIBRI SEX

*Philosophis iuxta ac Mathematicis
vtiles .*

ANTVERPIÆ,
EX OFFICINA PLANTINIANA,
Apud Viduam et Filios Io. Moreti.
M. DC. XIII.



ILLVSTRISSIMO
D. INIGO DE BORGIA,
REGI CATHOLICO
A CONSILIIS BELLI,
MILITVM HISPANORVM
CHILIARCHÆ,
ARCIS ANTVERPIENSIS
SVMMO PRÆFECTO.



ACIENDA est nobis, VIR ILLVSTRIS-
SIME, pænè dixerim
inuitis, existimationis alea; dum
OPTICA hæc sub Illustrissimi
Nominis tui splendore ocu-
lorum arbitrio committimus,

æqua atque iniqua variorum iudicia non iniquo
animo præstolaturi. Et latuissent illa sanè cum suo
auctore, nisi pertinax amicorù importunitas, quoti-
diano pænè conuitio de manibus extorsisset: quo-
rum ego si auctoritatem æquè ac rationes enerua-
re potuissem, dubio procul obfirmassem animum,
priuatáq; delectatione contentus illud Antigeni-
dæ vsurpassem: *Intus cano mihi & Musis.* Nam quod
nonnulli commemorabant, vestigium aliquod re-

linquendum esse, quo me postea ritati vixisse testarer, *ne totus morerer, magna pars mei vitaret Libitinam*, nihil admodum me commouebat, cui sola nominis immortalitas nimis exile præmium tantorum laborum semper est visa. Memineram etiam præclare illud à Seuerino Boëtio sapienterq; pronuntiatum:

*Quòd si putatis longius vitam trahi
Mortalis aura nominis;
Cum sera vobis rapiet hoc etiam dies,
Iam vos secunda mors manet.*

Porrò si gloriæ posteritatisque recordationi velificandum est, aliud à Propheta Regio viris religiosi æquor aperitur, vt assidua virtutum solidarum exercitatione numquam interituram nominis immortalitatē confectentur: in memoria enim æterna iustum fore, diuino illius vaticinio multò iam antè didicimus. Plus igitur aliquantò eorum rationes habere videbantur momenti, qui neminem sibi vni natum esse contendebant; ac proinde quæ quis assecutus esset publica luce aliorum iudicio non indigna, non esse publico inuidenda. Fateor lubens, me istiusmodi semper mystas scientiarum auersatum fuisse, qui si quid ingenio nacti fuerint haud ita passim vulgi pedibus obtritum, non secùs habent, atque si Cereris essent mysteria. Sed habebam tamen non pauca quæ his opponerem. Ac primùm quidem tenuitatis meæ conscius non satis incorruptum iudicem esse arbitrabar

trabar amicorum in me benevolentiam. Et occurrebat illud, quis leget hæc? Neque enim ignorabam acria Criticorum ætatis huius ingenia, & Aristarchis suis hoc sæculum abundare. nam, si presso pede Mathematicorum vestigiis institero, styli barbariem seuerioribus obeliscis iugulabunt: sin aliquantò liberiùs in Philologiæ campos excurrero, Mathematici ampullas projicere me dicentabunt. Hisce rationibus hoc agebam apud amicos, vt nihil agerem: plus illorum poterat exostulatoria exhortatio, blandiens auctoritas, armata deprecatio, & amica quædam vis: omnes potentes exactores; quibus agentibus perfectum est, vt ego qui popularem auram numquam magno æstimaui, ne maledicentiæ quidem fluctus declinare latendo potuerim: & cum negotij nihil fuerit silendo sapientem videri, nunc in eam me palæstram dederim, in qua non rarò, vt cum Comico loquar, existimationis damno defudascitur. Sed me reficit ac recreat Illustrissimi Nominis tui patrocinium; cuius eximio splendore frontem huius operis vt insignirẽ, variis sum rationibus adductus. In primis ea, cuius me nutibus addixi, hoc à me summo suo iure SOCIETAS exegit, cui auspiciatissimum esse nomen BORGIAE nemo ignorat, nisi qui SOCIETATEM ipsam ignorat, quæ FRANCISCVM auum tuum

(Illustrissimum Gandiæ Ducem dicerem, nisi ipse titulorum abdicatione nobilitari maluisset) virum inquam præcipua religione ac pietate pænè alterum suum parentem agnoscit; tantum scilicet splendoris atque ornamenti ex eius seu sanctimonia seu virtutibus accepit. Te verò quid memorem? ordines in Italia, Sabaudia, Gallia, Belgio terra marique duxisti: & manent etiamnum factorum vbique fortium vestigia, quæ animum meum suapte sponte inclinatum, multò maioribus incitamentis eodem impulerunt: ac præcipuè Antuerpia nostra, quæ non modò nobilissimæ arcis suæ te præesse gratulatur, verùm etiam salutem ac incolumitatem ciuium suorum virtuti auspiciisque tuis secundùm Deum refert acceptam; cùm nuper diu à Batauis meditata, ac propè ad exitum deducta nobilissimi emporij certa pernicies, tua prouidentia armisque decussa est; & stant etiam aggeres hostili pingues sanguine, retroactis nauibus, & qua via venerant, citatiore fuga quàm procursum redire iussis. Deinde seria sedulâque illa Illustrissimæ D. T. opera Mathematicis disciplinis impensè nauata, non iniucundum fore hoc munus mihi persuasit: præsertim quòd si quid ad rem militarem præsidij Mathesis confert, siue in castrorum metatione, siue in aciei instructione, siue in propugnaculorum, machinarum,

rum, tormentorum collocatione, id omne longè
maiori compendio, magisq̄ue perspicua ratione
ex OPTICA deduci possit. Maçte igitur animo
non degener auorum maiorúmque virtuti: hisce
tam felicibus initiis ad summa sternitur via, cùm
militari robori eruditio & pietas iungitur. Vósque
ite milites, & à BORGIANO vertice bellicam lau-
dem decerpite. Nulla verior, laus nulla maior
quàm coniuncta militi suo eruditio & pietas. Ad
hæc rationum momenta postremò accessit sin-
gularis tuus in SOCIETATEM nostram affe-
ctus, cui tametsi ex æquo me respondere posse dif-
fido, in parte tamen gratiarum reponendum est,
non ingratum esse conari. Quare offero Illustris-
simæ D. T. has curarum mearum subsociuarum
primitias, quæ sanè non exigui muneris instar ha-
bere poterunt, si non pretio suo, sed animo affe-
ctúque æstimentur: & affectus quidem plenus
est gratiarum significatione; animus verò hoc
meum symbolum in communem vtilitatem con-
ferendi. Cuius fructus quò ad plures dimanaret,
non existimaui mihi crudis illis & insipidis Mathe-
maticorum demonstrationibus, quæ ad paucissi-
morum palatum faciunt, semper esse insisten-
dum: sed interdum è naturalis Philosophiæ fonti-
bus scatebram hausi: interdum etiam Consecra-
riis ipsas demonstrationes locupletavi, & familiare
quod-

quoddam commercium cum iis rebus institui, quas aliæ sibi scientiæ possunt vindicare, ne eodem semper propolas A & B, nimis, meo quidem iudicio, ieiunos, in forum producerem. Neque tamen idcirco verborum lenocinia, fucosque, & calamistra sum confectatus: hanc hederam scriptis suis appédant licet, qui re tota sunt destituti; nobis OPTICE natiuo suo cultu castiùs videtur nitere. Occurret quidem subinde nomen aliquod recentis monetæ, sed indulgebit hoc facilè quilibet æquus rerum æstimator mihi non per omnia triam axibus orbitam ingredienti, si nouitate rei exigente signatum præfente nota nummum procudo. Et verò non potui non interdum à communibus Philosophorum placitis declinare. Dicam enim ingenuè quod sentio: res indigna mihi semper est visa, hominem natura sua ad indagationem veritatis impulsus, ad alienum arbitrium ingenium semper torquere; in ea præsertim facultate, in qua rationi plurimum, minimum verò aliorum præiudicio aut præscriptioni tribuendum est. Quod si mihi quispiam crimini vertendum putabit, tuo, VIR ILLVSTRIS SIM E, suffragio contentus (quem idem mecum sentire nihil ambigo) fructum me laboris mei non exiguum consecutum putabo. DEVS te Illustrissimæ familiæ tuæ decus atque ornamentum quàm diutissimè seruet incolumem. Vale.

LECTORI S.



VLLA omnino res est, amice Lector, quæ magis intuenti obuia sit, & tamen minùs perspecta, suauior cognitu, & parciùs gustu delibata, denique quæ ad Mathematicas disciplinas plus adferat momēti, quàm eximia illa ac propè diuina OPTICE, regina omnium quas

Mathesis complectitur scientiarum. Cuius enim in re omni, quam agimus, frequentior est vsura, imò necessitas maior, quàm aspectus, quàm oculorum, *qui lucis vsu vitam distinguunt à morte?* Dixerim verissimè tamen, non rudioribus modò ac plebeiis tantùm hominibus, sed acutissimis etiam philosophis OPTICA nihil minùs esse exploratum. Quam rem ego quidem admirari quàm maximè soleo, quando apud me statuo plurima maximaque eius commoda esse ad perfectam omnis reliquæ Matheseos, philosophiæque cognitionem assequendam: quippe quæ sola adinstar perennis scaturiginis sese in duos maximarum scientiarum amnes effundit, vt quos illæ fundos tenuibus ratiunculis aspergunt singulos, hæc libero campo exspatiata, pleno, vt sic dicam, rationum flumine perfundat vniuersos. Nec his limitibus circumscribi se patitur, nec isto

Riparum clausas margine finit aquas;

verùm ruptis aggeribus in secretiorum naturæ indagationem se proripit. In hoc itaque tam vastum, tamque periculosum huius scientiæ pelagus, magnorum ingeniorum bolide numquam non tentatum, at numquam exploratum, candoris ac fauentiæ tuæ aura prouectus inuehor. Facile negotium, nisi plurima me deficerent eorum præsidia, qui multùm etiam in iis rebus volutati sunt, quarum cognitio necessaria instituto meo. Quis enim est, qui in hoc scriptiois cursu non dicam Castoris aut Pollucis mihi vicem lucebit; sed viam etiam suaapte natura molestam, vano conatu non efficiet difficiliorem

Plin. l. xi.
cap. 37.

liorem? Absit dicto inuidia: non vehementius loquor
quàm veriùs; neque vt laboris aut ingenij famam maio-
rem colligam, argumento meo quæsitam appendo dif-
ficultatem. Ita res habet, &, quod video, omnes propè
quodã veluti impetu, *non quia eundum est, sed quia itur*, vt Se-
neca loquitur, rapi se sinunt: sic nimirum absque rerum
peruestigatione prima dux gregis ceteras oues in præci-
pitiũ traxit, altera alterius vestigiis cæco passu insistente.
Quam imprudentiam lubens plerisq; ignoscerem, nisi
illorum etiam simplicior fides peccasset, qui cùm sum-
mæ eruditionis nomen acceperint, frequentes tamen
paralogismos pro veris sincerisq; demonstrationibus
orbi obtruserunt: Pythagoricos fortassis nos esse arbi-
trati, qui ipsorum dictis tamquam oraculis fidem adhi-
beremus, iisq; velut mysteriis illud identidem accla-
maremus, *Αὐτῶς ἔφα.* Sed desinant aliquando hanc nobis
credendi legem imponere, vt pueri conuitium nobis
faciant scitissimo illo Tulliano: *Primò quidem decipi, incom-
modum est; iterum, stultum; tertium, planè turpe.* Incumbam
igitur in hoc vnum, vt quæ sola quorumdam auctori-
tate hæctenus pro veris accepta sunt, quæque obscu-
riùs tradita, personis detractis fidem apud omnes reci-
pian, & integritatem. Cuius quidem prouinciæ, quam-
uis immensos labores non ignorem; sciámque quàm
arduum sit doctorum hominum receptas sententias
falsitatis conuincere, obscuras in veram scientiæ lucem
vindicare; facit tamen OPTICE si ipsius quædam incre-
dibilis dignitas cùm fructu summo ac voluptate con-
iuncta, vt molestias omnes difficultatésque nihil per-
horrescam. Illa sanè quanta sit, quàm eximia, quàm
aliis rebus omnibus præstans, natura ipsa ostendit, cùm
oculos, *corporis pretiosissimam partem*, vni OPTICÆ tam-
quam famulos mancupio dedit. Nemo est enim qui
ignoret, cùm scientiarum omnium inuentio humano
ingenio transcribatur, oculos potissimùm in huius glo-
riæ communionem velut emissitios mentis explorato-
res, & perspicaces rerum indagatores esse adsciscendos.
Hinc cæcis postulare & nouum petere Magistratum,
legi-

Cicero de
Inuent.

Plin. l. xi.
cap. 37.

Gloss. L.
Cæcus, π. de
Iudiciu.

legibus interdictum ; quia quem oculorum dignitate
 casus priuauit , ei non conuenit Magistratus gerere
 dignitatem. Nec alia de causa uocatum est in contro- Seneca l. 4.
Contrauer-
sia 2.
 uersiam priuandúne sacerdotio esset Metellus, vir alio-
 qui sanctissimus, quàm quòd oculos, quamuis religio-
 sissima causa amisisset. Quare nihil iam miror, à nonnul- Calius l. 14
cap. 17.
 lis Roscio histrioni cetera præstantissimo hoc unum vi-
 tio datum fuisse, quòd personatus ueniret in scenam,
 uitamque omnem actioni eriperet oculorum obuela-
 tione. Quid? an illustrius aliquid ad OPTICES proban-
 dam dignitatem excogitari potest, quàm illud ipsum
 acuminis oculorumque discrimen, quod in cælestibus
 rebus ac terrenis contemplandis obseruamus? Si enim Cal. Rho-
dig. lib. 15.
cap. 4.
 in cælum vultum erigimus, totum illud quod stellas
 inter terramque quantum est spatium intercedit, inof-
 fenso obtutu perlustramus, neque eius hebescit acies
 etiam remotissimorum siderum immani interuallo. At
 verò, quàm breui terrarum intercapedine acies obrum-
 pitur, si Horizontem versus oculos intendamus? sum-
 mum dixero, si quadraginta passuum milia visu com-
 plecti quem posse affirmaro. Terram subiectaque hu-
 milius loca, si profundius dehiscant, nec conantes vi-
 deamus quidem. Nimirum vult Deus eo argumento
 diuinam prorsus ac cælestem esse OPTICEN demon-
 strare, longissimeque ab inferiorum rerum contagione
 familiaritateque positam. Quamquam quid longè eius
 è cælo dignitatem arcesso, cum eam Ægyptij ac Græci Cyroll. l. 9.
contra Iu-
lianũ Apo-
statam.
 nobiscum iuxtà commendarint? Illi sanè præfixo re-
 gum sceptris oculo, Deum ipsum ueluti hieroglyphico
 quodã expresserunt: hi nihil Deo se facturos acceptius
 arbitrati sunt, quàm si ab aspectus perspicuitate nomi- Plutarch.
in Iside &
Osiri.
 nis illi etymon deriuarent. Non committam ut Græco-
 rum mihi potior quàm Latinorum sit auctoritas. Um-
 ber ille Comædus aurem vellit, atque è Menæchmis
 quid nescio infuferrat de religioso per oculos iuramen- Plaut. in
Menæ-
chmis.
Plin. l. xi.
cap. 37.
 to; *Si uoltis*, inquit, *per oculos iurare*. Nec patitur Plinij
 cura, qui idemtidem suggerit illud: *Morientibus oculos*
operire, rursusq; in rogo patefacere, Quiritium magnoritu sa-

crum; ita more condito, ut neque ab homine supremum eos spectari fas sit, & calo non ostendi nefas. Sed quid etiamnum cæcutimus in meridiana luce? Apud omnes omnino homines in moribus positum est, præstantissimas quasque res oculi nomine designare. An non ratio, quæ potior homini pars est, oculus appellatur? An non solem principem cæli lucem, mundi oculum nuncupamus? Hoc certè (si Macrobio credimus) vult ea Argi fabula, quem Poëtæ oculis plenum comminiscuntur. *Argus*, inquit, est calum stellarum luce distinctum, quibus inesse quadam species videtur oculorum. Calum autem Argum vocari placuit à candore & velocitate, κατὰ τὸ ἀργὸν ἔλαρυ, & videtur terram desuper observare, quam Ægyptij hieroglyphicis litteris cum signare volunt, ponunt bovis figuram. Is ergo ambitus cæli, stellarum luminibus ornatus, tunc existimatur enectus à Mercurio, cum sol diurno tempore observando, sidera velut enecat; vi luminis sui conspectum eorum auferendo mortalibus. Hæc licet ingeniosè à Macrobio dicta sint; id tamen existimo potius, Argum illum luminibus nobilem, quorum media pars somno indulgebat, ceteris peruigilantibus, ea ratione cælum innumeris stellis ceu oculis insignitum repræsentare, qua pars illarum altera supra Horizontem tamquam in statione excubat, altera subtus procumbit velut consopita. Videor pro scientiæ nostræ dignitate dixisse satis, illiquè qui eam non videt, audeo exprobrare, quod cuidam Plautinus Pyrgopolynices;

Lib. 1. Saturn. c. 19.

In milite glorioso, act. 4.

— *Naso*, pol! iam hæc quidem plus videt,
Quàm oculis. —

Supereft, vt quæ innumeræ eius existunt commoditates aliquando dicam: quas ita figillatim percensere deliberatum mihi non est, vt earum nullam præteream, quæ Mathematicis disciplinis præsidio esse possit. Prætermittam enim quæcumque ex ea in rem Architectorum bona emanant. Silebo quæ eius vnius ignoratione in ædificiorum distributionibus ex malè coagmentatis partibus monstra, velut præcocium ingeniorum abortiui foetus pronascuntur, quantæ scaporum cum basibus, quantæ superiorum ordinum cum inferioribus, quantæ

quantæ proiectorum & intercolumniorum asym-
 metriæ. Nihil dicam de Pictorum erroribus, cum præ-
 fractos toties, abruptosque, quæ sensim cogi debebant,
 spatiorum pingunt anfractus. Nihil de illorum ineptia,
 qui quas res procul velut à conspectu submotas effin-
 gere conantur, eas aërio quidem colore offundunt, ta-
 men ita magnam partem accuratè effingunt, vt homu-
 lorum pilos numeres, & à quercu fagum, platanumque
 ex fronde discernas. Ridiculè profectò ac stolidè. Con-
 stat enim multò antè rerum imagines ac formas quàm
 colores aspectui nostro deperire. Illas præcipuè vtilita-
 tes attingam, quas in rebus maximis iuxtà ac minimis,
 vnius OPTICES beneficio quotidie experimur. Opi-
 nor enim omnino nihil esse siue in priuatis siue publi-
 cis negotiis, siue domi siue foris, siue militiæ siue in
 vrbe, quod absque scientiæ huius cognitione rectè
 atque ordine geri possit. Nam quid est, vt de domesticis
 prius dicam, quo decenter corporibus suis homines ve-
 stimenta inducunt, domesticam supellectilem compo-
 nunt, mēsas quotidianas honestè instruunt, nisi quod-
 dam quasi insitum naturæ iudicium ab hac arte acce-
 ptum? Quid foris in Magnatum congressibus decenti
 nos docet distare interuallo? quid in ambulationibus
 atque itineribus mutuas obuiorum corporum offen-
 siones, quid lapsus, quid præcipitia declinare, nisi ma-
 tura cautio oculorum? Militiæ verò, quid castrorū me-
 tatores? quid exploratores in speculis? quid excubito-
 res in vigiliis? quid in poscendis tesseris circitores? quid
 per diem sublimè erecti dracones à *δακρυν* seu à videndo
 dicti, quid Aquilæ, quid vexilla? quid noctu in pharis
 dispositæ faces, nisi quidam velut oculi disciplinæ mi-
 litaris? Quis tela vibrare in hostem? quis mœnia pulsa-
 re balistis? quis vrbium portas catapultis effringere nisi
 aspectus ad miniculo possit, certissimoque Optici radij
 præsidio? E diuerso etiam, quàm acerbæ clades acceptæ
 neglectu contemptuque; opportunissimi instituti! Num-
 quid Mithridatico bello, cum in noctē pugna incidisset,
 & luna Ponticis à tergo, à facie Romanis se præbuisset; Pontici

*Florus l. 3.
 cap. 5.*

per errorem longius cadentes, umbras suas quasi hostiū corpora pe-
tebant? Numquid Romana classis Archimedéo speculo
 deflagrauit, fatagente nequidquam Marcello, quibus
 artibus incendia amoliretur? Quod quamuis illi pera-
 cerbum, militibus funestū planè acciderit; Syracusas ta-
 men euersurus fertur eam fleuisse prius, & ante ciuium
 sanguinē suas vrbi lacrymas impendisse. Tantum nem-
 pe apud hostes etiam suos valuit vrbis illius memoria,
 in qua culta fuerat OPTICES nobilissima disciplina.
 Superuacaneum fuerit, & prorsus inutile, si plura de
 OPTICES vtilitate disputaro. Rem enim adeò clarā &
 domi videant Lamiaē, atque ipse vno oculo Polyphemus.
 Ad eam igitur partem, quæ & facillima & iucun-
 dissima est, OPTICES nempe voluptatem accedo, quam
 ego tantam esse semper mihi habui persuasum, vt qui
 scientiæ eius bona expertus non sit, eum putarim nul-
 lum vumquam veræ solidæque iucunditatis sensum ha-
 buisse. OPTICEN vnicam esse Astronomiæ viam, Ory-
 gepicto (quo Mathematicum notant) Ægyptij indica-
 runt. Est ea feræ illius natura vt Sothen Ægyptiorum
 Deam, nos Caniculam appellamus, quadam veluti συμ-
 παθεία exoriri sentiat. Eam igitur iam ortam ex aduerso
 Oryx exultabundus intuetur, & perinde quasi numine
 conspecto (sic illi interpretantur) venerabundus procū-
 bit, festoq; gestu ostendit, qua tandem via in Astrono-
 miæ cognitionē veniatur. Et cynocephalus miro quo-
 dam consensu ipsa lunæ solisq; coniunctione visu defi-
 cit, quasi nulla manifestiore ratione lunæ defectionem
 dolere possit, quàm aspectus orbitate, quo sub nouæ lu-
 næ principium redeunte ipsa fera erecto corpore, mani-
 búsq; in altum sublatis primum eius exortū gratulatur.
 In hac porrò OPTICES scientia illud magni momenti
 mihi semper est visum, quòd non solum compendio
 ad destinatam animo metam perducatur; sed etiam adeò
 perspicua methodo, vt animus eius luce perfusus incre-
 dibili voluptate pascatur. Ita enim natura comparatum
 est, vt intellectus noster sciendi quàm maximè cupidus,
 quemadmodum tenebris sibi offusis discruciat, ita re-

bus

bus clarè repræsentatis penitúsque perspectis non sine grata oblectatione conquiescat. Accedit ad hunc voluptatis cumulum, quòd ipsamet huic operi substrata materia abundè suo condimento sapit. Multa enim nouitate prima in lucem proferemus, multa etiam ipso genere singularia, & quæ vel curiosissimi cuiuslibet ingenij sitim explere queant. Desinam aliquando de affecta lite contendere, ne anxie nimiùm laudes omnes colligendo, quam commendandam scientiam suscepi, in uilitatis suspensionem adducam. Proponam eam igitur qualis est absque fuce, ne id mihi obueneat, quod Veneri accidisse scribit Philostratus, Momo eam quidem fuisse placituram, si sandalias crepitantes non habuisset. OPTICE igitur certissima quædam ratio est ad omnem Matheseos disciplinam breuiter complectendam; fax est obscurioribus eius partibus illustrandis, ceterisque molitionibus sustinendis fundamentum. denique vt in exploranda operum suorum fide faber

Epistola ad uxorem.

— *oculo rubricam dirigit uno:*

Persius.

ita accuratus esse Mathematicus nemo potest, qui tamquam oculum, tamquam amissum & obrussum OPTICEN non vsurpat. Stimulaui iam credo desiderium tuum, erudite Lector, splendoris tanti, tantorumque commodorum vtilitatúmque commemoratione, vt scire aueas, qua via nobilissimæ huius scientiæ tractationem ingressurus sim. Aduerte paulisper animum, oppidò noueris voluntatem meam. Nec sum, mihi crede, is, qui condicam multa, paucorum liberem fidem: repræsentatione soluere consueui; & ne diutiùs te morer, en velut in tabella operis totius instar delineatum.

Continetur omnis OPTICE triplici ferè videndi ratione, quam Franciscus Verinus triplici etiam modo, quo Deum creaturæ cognoscunt, ingeniosè profectò comparauit. Prima directà, quæ est oculi nostri, sic, vt in rem propositam intendit, cum illa cognitione componitur qua beatorum mentes præsentem Deum, facie ad faciem, vt D. loquitur Paulus, contemplantur. Altera repercussa, siue earum rerum perceptio, quarum à

Libro de Philosophia præstantia aduersus detractatores, cap. 3.

speculis ad nos imagines reuertuntur, cui non absimilis est illa cognitio, qua Deum per fidem in rebus creatis, veluti quodam speculo aut ænigmate videmus. Tertia denique, quam infractam vocant, ea est, qua rerum species per dissimilia diaphana transmissæ, & ab iisdem quasi deformatæ ac fractæ in oculos immittuntur. Sic Ethnici diuinitatis notionem aliquam, sed multis erroribus vitiatam, naturæ solius lumine assecuti sunt.

Hos tres vidēdi modos pluribus libris cōplexus sum Primus, qui & reliquorum erit veluti fundamentum, & prolegomenon loco, agit de organi siue oculi constructione, partibus, & varia qualitate. Atque hæc quidem partem maximam ex propria inuestigatione ac sensu, magnam etiam de principum Anatomicorum sententia differemus. Cetera de obiecto, vt loquuntur, ac natura aspectus, è vera atque interiore philosophia accepta sunt.

Alter diuersas iuxtà ac periucundas Optici radij & Horopteris proprietates explanat.

Tertius, qui de communibus obiectis interno scendis inscribitur, docet, qua ratione ea quæ pluribus aliis sensibus percipiuntur, qualia sunt Magnitudo, Distantia, Figura, Situs, Locus, Continuitas, Discretio, Numerus, Motus & Quies, visu cognoscantur.

Quartus oculorum illusiones, quæ in communibus præcipuè obiectis vsu veniunt, exponit.

Quintus naturam declarat effectusque Luminosi & Opaci. Huius quinque istæ sunt partes: De luminis profusione: De luminum concursu & occurso: De luminis illapsu: De vmbri: De luminis traiectu.

Sextus complectitur triplex Projectionis genus, Orthographicen, Stereographicen, & Scenographicen, ex quibus compendio præcipuas Mathematicæ partes addiscere possis.

Atque hi OPTICORVM sunt libri. Quatuor proximi in CATOPTRICORVM tractatione versantur, alterumque videndi modum, qui radiorum repercussione fit, declarant.

Septimus, qui & CATOPTRICORVM primus, ea tradit, quæ speculis vniuersè conueniunt.

Octauus agit de speculis planis.

Nonus de conuexis.

Decimus de cauis.

Qui sequuntur DIOPTRICORVM libri, in fractionis naturam, ac varios modos quibus ea fit depromunt. Hinc omne construemus Dioptrarum genus, illudque præcipuè nuper inuentum, quo res immani interuallo distantes, atque adeò extra aspectus vim constitutas, velut intra præfinitos naturæ terminos positas, ipsisque propemodum oculis cohærentes videmur intueri. Planè vt Argonautam illum qui ob intuitus perspicuitatem Lyncei cognomen accepit, orbi restitutum esse possis suspicari.

Postremus denique de iis agit, quæ sublimè eueniunt, solaris radij partim repercussione, partim in fractione. Hic Irides, Halones, Parelia, aliaque id genus Meteora ex scientiæ huius Porismatibus explicantur.

Hæc omnia quia constringi in tomum vnum non poterunt, in duos partitus sum. Et eccum tibi priorem sex OPTICORVM libris conflatum, qui omnes in ea, quæ per directos radios fit, visione versantur. Reliqui alterum tomum conficient, qui ex his principiis deductus ad alia subtilioris inuestigationis arcana maiorum cum voluptate descendet: ea verò vt ex OPTICORVM cognitione dependent, ita hoc tomo quasi in radice ac semine fuere præmittenda, vt perceptis rerum principiis, procliuior ad earum tractationem via sterneretur. Illud postremò te moneo, non esse quod mireris propositiones plurimas, quas alij ferè singulariis litteris exponere consueuerunt, à nobis faciliore quadam iucundiorique ratione demonstratas esse. Nonnullis enim adeò morosum ac tetricum illud videtur scriptionis genus, vt faciliùs ^a Lacedæmonum Scytalen, ^b aut Ephesias litteras, aut ^c Tironis notas, quàm characteres illos toties repetitos expedire se posse arbitrentur. Consulto igitur consilio à me mutata res, & vbi occasio tulit, vel

^a *Ausonius ep. ad Paulinum.*

^b *A. Gellius lib. 17. c. 9.*

^c *Cal. Rhodiginus.*

^c *A. Gellius lib. 17. c. 9.*

*Plutarch.
in Marcel-
lo.*

ab ipsius naturæ intimo recessu, vel ab experientia rationes deprompsi, ut à te gratiam inirem maiorem; alia etiam causa non parua, quòd rei, quam tractandam suscepi, ea conditio sit, ut plerumque connubiali materiæ lege vinciri gaudeat. Non enim facilè Platoni calculum adiecero, qui nisi quod à materia seiunctum esset, Mathematicum censebat nihil: artemque machinalem, & organicum demonstrandi modum aduersus Eudoxum & Architam Matheleos nomine indigna reputabat. Nimis profectò ieiunè: cum vix appareat, quo pacto quis à turpi otio vindicari possit, si nihil umquam ad communem usum ex illa tetrica sterilique contemplatione producat. Sanius hac de re Archimedes, qui rerum cum materia copulationem non modò nihil Mathesi derogare, sed verò exornare eam etiam ac perficere existimauit. Cuius nos auctoritate freti hanc Matheleos partem, quæ vtrumque genus, Philosophicum scilicet & Mathematicum comprehendit, suscepimus excolendam. Quod qui seriò etiam atque etiam expendit, non quouis loco, ut opinor, exangues illas atque exsuccas Euclidis demonstrationes desiderabit: sed pro rerum diuersitate varios vsurpari explanandi modos maximopere comprobabit. Fruere igitur hisce lucubrationibus meis: quas si laudaris, animos dederis ad CATOPTRICORVM & DIOPTRICORVM libros perficiendos; si reprehenderis; audiam cum Apelle post tabulam, & pergam porrò alterius tomi scriptione meliùs studere palato tuo. Vale.

ELEN-

ELENCHVS OPERIS.



OPTICORVM LIBER I.

DE

ORGANO, OBIECTO, NATVRAQ. VISVS.

DE ORGANO VISVS PROPOSITIONES.

1. **S**EPTEM tunica oculum constituunt, humores tres intus complexa. 2
2. Oculi à cerebro originem ducunt. 6
3. Oculum septem motibus totidem agitant muscoli. 7
4. Cetera externa oculi partes tutela gratia sunt instituta. 8
5. Visus organum sphericum esse conuenit. 9
6. Glacialis humor non est exacte sphericus, neque in oculi medio constitutus. 10
7. Oculus totus, & cornea superficies, crystallinusq; humor, centrīs differunt. 11
8. Omnium tum membranarum, tum humorum centra in directum iacent. 12
9. Cornea tunica & glacialis humoris suprema superficies non aequè distant; sed in medio sibi, quàm in ambitu, sunt viciniore. 12
10. Recta connectens centra totius oculi & glacialis humoris utrimque producta, medium pupillae neruiq; optici pertransit: eademq; omnibus oculi superficiebus normaliter insistit. 13
11. Per poros neruorum optidorum sensificus spiritus in oculorum orbem deriuatur, vim illis dignoscendi impertiens. 13
12. Neruus opticus communis non est vere vnus, sed duo simul concreti. 14
13. Nullum humano oculo insitum esse à natura lumen opinandum est. 15
14. Humores oculi coloris omnis sunt expertes. 18
15. Oculorum temperamentum humidum est & frigidum. 18
16. Crystallinus humor non à vitreo, sed à sanguine alimentum capessit. 19
17. Pupilla ambitus constringitur, & dilata-

tur, non pro arbitrio, sed cum necessitas impellit. 19

18. In totius oculi seu motu, seu quiete, situs partium stabilis perseuerat. 20
19. Oculi ita inter se sociati sunt, ut vno moto alterum pariter moueri sit necesse. 20
20. Motum oculorum interna anima facultas persentiscit. 21
21. Differentias motuum, quibus oculi concitantur, internus sensus distinguit. 22
22. Nerui optici longitudine sunt pares. 22
23. Crystallinus humor non est praecipuum visionis organum, aduersus Galenum. 22
24. Neque neruo optico communi primaria facultas cernendi inest. contra quàm Alhazen & Vitello. 23
25. Neque, ut multi existimarunt, spiritui animali ea vis tribuenda est. 24
26. Glaciali humori inest principium sensus. 26
27. Praecipuum visus organum est ea pars nerui optici quae Aranea nuncupatur. 26

DE OBIECTO VISVS.

28. Lux & color proprium sunt obiectum visus: lux quidem per se primo: color autem, lucis accessione. 28
29. Communia obiecta visus sunt, quantitas, figura, locus, situs, distantia, continuitas, discretio, motus & quies. 29
30. Diaphanum recte definitur, quod luminis rerumq; formis impunè est peruium. 31
31. Lux & color corporis opaci sunt proprietates. 31
32. Lumen est actus corporis perspicui. 33
33. Male Empedocles lumen corpus esse dixit. 33
34. Sed neque lumen corporea est qualitas, recte autem intentionalis vocari potest. 34
35. Nullum lumen omnis coloris est expertes. 34
36. Exquisitum lumen diutius spectatum, visus

- visus organum labefactat. 35
37. Color est, quod mouet actu perspicuum. 36
38. Non recte Plato colorem, lumen esse pronuntiauit. 37
39. Quinque sunt simplicium colorum species, ac tres compositae. 38
40. Colores omnes propriis facultatibus polent, quibus obtutum varie afficiunt. 41
41. Colores qui apparentes vocantur, à veris subiecto & effectrice causa distinguuntur. 43
42. Lumen colores otiosos suscitatur, & ceu propria hypostasis decisos ab obiectis uehit. 46
43. Dantur visibilia rerum species. 48
44. Communia sensibilia proprias species sensiteriis inurunt. 50
45. Species sunt virtuales rerum similitudines, non autem formales. 51
46. Species sunt omnino formae sensibiles. 51
47. Species sunt formae homogeniae. 52
48. Ex omni parte corporis aspectabilis, in omnem partem medij circumfusi species prosiliunt. 53
49. Species medium traiciunt in instanti. 54
50. Species rectis semper lineis protenduntur. 54
51. Species ordinate ad visum perueniunt. 55
52. Rerum imagines oculo impressae, amoto obiecto illic euanescent. 55

OBIECTI VISVS CONDITIONES.

53. Imperuim esse oportet, quidquid sub aspectum cadit. 58
54. Visibilia quadam ob paruitatem delitescunt. 59
55. Visibile in sola oppositione videtur. 59
56. Visus suapte natura infinite extenditur. 59
57. Vnumquodque obiectum spatio definitur, ultra quod videri non potest. 60
58. Perfecta visio non minorem obiecti distantiam postulat, quam qua a visibus continetur, cum quibus nerui optici angulos normales efficiunt. 60
59. Inter visum & visibile necesse est medium intercedere diaphanum. 62
60. Visibile nisi lumine illustretur non apparet. 64
61. Oculus quam optime videt è tenebris. 65
- ### DE NATURA VISVS.
62. Cernendi facultas ceteris sensibus externis dignitate praestat. 65
63. Non equa est omnibus cernendi potestas. 66
64. Visus non est irradiatio, sed vis organo ingenta. 68
65. Visio non fit sola obiecti praesentia. 69

66. Neque sola compassione fieri intuitus potest. 70
67. Neque emissitiis radiis cernendi facultas obiecto coniungitur. 71
68. Neque per conuersionem aspectus efficitur. 73
69. Visio fit per species, rerumque formas intus susceptas. 74
70. Species ad visionem formaliter, non autem effectiue concurrunt. 77
71. Visio non sola est passio, sed etiam actio ab interno vita principio elicitata. 78
72. Perperam nonnulli visum agentem inducere sunt conati. 79
73. Visus suapte vi nihil exterius operatur. 79
74. Visio per simplex medium rectis fit lineis. 80
75. Oculorum acies in vnum dumtaxat punctum desigi potest, quod distincte conspiciatur; cetera autem indistincte. 81
76. Robustior est visio ab utroque oculo, dum simul in rem vnam conspirant; quam ab altero tantum. 81
77. Visibile, quod vno tantum spectatur oculo, cum in id oclusi etiam alterius oculi acies tacite dirigitur, acutius videtur, quam cum in diuersa contendunt. 84
78. Vnus oculus plura simul obiecta videt. 84
79. Duobus oculis idem obiectum distincte videtur. 85
80. Fieri nequit, ut plura simul aequè perspicue videantur. 85
81. Simplex aspectus fit per quemlibet pyramidis opticae radium; obtutus vero per solum axem. 87
82. Simplex aspectus momento fit temporis. 87
83. Visio per obtutum in tempore fit. 88
84. Visio ex praenotione fit per collationem rei praesentis cum forma rei praecognita. 88
85. Visio ex anticipata notione in tempore fit; minore tamen quam intuitus. 89
86. Visus rerum formas primo aspectu exacte non comprehendit. 89
87. Absoluta rei comprehensio fit vel diligenti intuitu, vel syllogismo, vel anticipata notione. 89
88. Praeter externum visum necessaria est facultas quadam alia, quae circa omnia sensibilia in communi versetur. 90
89. Recte facultas iam explicata sensus communis nuncupatur. 91
90. Organum sensus communis est cerebrum. 92
91. Externus visus sine ope sensus communis perfectam visionem non producit. 93
92. Externus internusque visus ab obiecti praesentia. 93
93. Externo visu res absens videri ut praesens potest, asseruata in eo per diuinam potentiam specie. 94

94. Rem absentem ut absentem videri, essentia visionis penitus aduersatur. 95
95. Substantia corporea aspectu per se dignosci non potest, sed ex accidenti tantum. 95
96. Essentiam rei, seu quid res sit, visus non cognoscit, nisi accepta prius notionis presidio. 96
97. Essentia rerum tempore cognoscuntur. 96
98. Confusa cognitio naturam antecedit distinctionem. 97
99. E visibilibus proprietatibus unam per se solam visus apprehendere non potest. 97
100. Visus, post simplicem rei singularis aspectum, primo omnium essentiam lucis & coloris dignoscit. 98
101. Generica obiectorum ratio prius ac minori tempore percipitur quam specifica. 98
102. E proprietatibus que sub aspectum cadunt, alia aliis citius percipiuntur. 100
103. Ex indiuiduis diuersarum specierum sepius inspectis enascitur in animo vniuersalis notio, qua cuiusque speciei indiuidua dignoscuntur, & ab alterius speciei indiuiduis discriminantur. 101
104. Ex indiuiduis vnius speciei idemdem recognitis, gignuntur in animo particulares notiones, quibus singula ab inuicem distinguuntur. 101
105. Iterati intuitus formas rerum altius animo insigunt. 102
106. Tunc mentis oculus acutum incipit cernere, cum primum corporis oculus deflorescit. 103

OPTICORVM LIBER II.

DE

RADIO OPTICO ET HOROPTERE.

DEFINITIONES.

1. **R**ADIVS opticus recta est linea, per quam forma rei adspectabilis ad obtutum porrigitur. 107
2. Radius qui per ipsius visus ac totius oculi centra transit, proprio nomine Axis opticus nuncupatur. 107
3. Connectens centra visuum ea dicitur recta linea, que ab vnius centro ad centrum alterius ducta concipitur. 107
4. Connectens extrema neruorum opticorum ea dicitur recta linea, que ad terminos, unde pendent oculorum orbes, applicatur. 108
5. Que à neruo communi in connectentem extrema neruorum opticorum normaliter incidit recta linea, Axis communis vocatur. 108
6. Radius verò communis ea est recta linea, que ab axium opticorum concursu educta, connectentem centra visuum bifariam secat. 108
7. Pyramis optica est figura adspectabilis forme per medium diaphanum ad obtutum vsque diffuse, verticem habens centrum visus, basin verò rem ipsam. 109
8. Maxima pyramis optica ea omnia amplectitur, que oculus unico aspectu contueri potest. 109
9. Axis pyramidis optica illa vocatur recta linea, que per verticem rectamque basis

centrum transit. 110

10. Horopter recta est linea per axium opticorum congressionem, ei, que centra visum connectit, parallelus incedens. 110
11. Planum horopteris illud vocetur, quod per horopterem ducitur ad id quod per axes secundum normam constitutum. 111

HYPOTHESES.

1. Visum recta linea efferrì. 111
2. Id omne, ac solum videri, à quo ad oculum radius opticus extendi potest. 112
3. Rem omnem in illo apparere radio, quo ipsius simulachrum ad obtutum porrigitur. 112

DE RADIO OPTICO.

PROPOSITIONES.

1. Radij optici sunt vere formarum productiones, non autem imaginariæ. 112
2. Radij optici sunt forme partim insectiles, partim sensibili latitudine præditæ. 114
3. Distinctarum rerum forme non prohibita, singule singulis radiis in oculos illabuntur. 115
4. Possibile est vnius rei formam, directo simul atque inflexo infractove radio, ad centrum visus peruenire. 116
5. Radios omnes opticos in centrum visus congregi conglobariq; est necesse. 116
6. Ex vniuersis opticis radiis solus axis in super-

- superficiem visus rectis incidit angulis; ceteri autem obliquis. 118
7. Axis opticus recta in centrum visus penetrat. 119
8. Præter axem ceteri omnes radij optici per albugineum humorem ad perpendicularem inflectuntur. 119
9. Radij optici axi viciniore angulis maioribus, remotiores minoribus, æquidistantes æqualibus per albugineum oculi humorem franguntur. 124
10. Secundum omnes radios opticos fit rerum comprehensio, certissima quidem per axes; per ceteros autem tantò certior, quanto sunt axi propinquiores. 125
11. Axis communis eam, quæ extrema nervorum opticorum connectit, bifariam secat. 126
12. Axes optici in unum semper idemq; punctum conspirant. 126
13. Axes opticos cum ea quæ connectit centra visuum, eaq; quæ extrema nervorum opticorum iungit, in eodem plano necesse est esse. 127
14. Et nervi optici, cum ea quæ illorum connectit extrema, in uno sunt plano. 128
15. Si duo axes optici cum axe communi conveniant, erunt in eodem plano cum ea, quæ extrema nervorum opticorum connectit, & duabus à nervo communi eidem connectenti canterminis. 128
16. Radij omnes, qui à proposita quapiam recta linea ad centrū visus porriguntur, in eodem sunt plano. 128
17. Axis communis per se immutabilis est. 129
18. Motis oculis, axes quoque optici pariter loco dimouentur. 129
19. Radius communis omni oculorum motu, præterquam diuarcationis & contractionis, variat. 130
20. Oculi ita diuarcari nequeunt, ut axes firmentur paralleli. 130
21. Neque propius oculorum axes terminari possunt, quàm ubi cum nervis opticis angulos rectos efficiunt. 131
22. Axes optici eò adduci non possunt, ut ad normam concurrant. 132
23. Visus percipit angulum sub connectente centra visuum & axe optico comprehensum. 133
24. Longitudinem unius axis percipit alter oculus ex magnitudine anguli sub proprio axe & connectente centra visuum contenti. 133
25. Si radius communis, ei quæ centra visuum connectit, normalis fuerit, erunt axes optici inter se æquales. 134
26. Et si æquales inter se fuerint axes optici, radius communis, ei quæ connectit centra visuum, normalis erit. 134
27. Axes optici ad signum aliquod communis axis congregientes sunt inter se æquales; & cum ea, quæ extrema nervorum opticorum connectit ceu basi isosceles efficiunt; cuius angulum concurrentibus axibus comprehensum, axis communis bifariam secat. 134
28. Axe communi cum duobus opticis coeunte, quæ centra visuum connectit, illi quæ iungit extrema nervorum opticorum est parallela. 135
29. Axis communis cum duobus opticis conveniens, eam quæ centra visuum connectit, ad normam & bifariam secat. 135
30. Omnes radij ducti ab utroque oculo ad idem punctum eius lineæ, quæ cum æqualibus axibus rectos angulos facit, sunt inter se æquales. 136
31. Et qui ad diversa puncta lineæ axibus normalis, æquè tamen ab axium concursu disita procidunt radij, sunt inter se æquales. 136
32. Si fuerint axes optici inæquales, radij omnes ducti ad idem punctum eius lineæ, quæ cum axibus angulos rectos facit, inæquales inter se erunt. 137
33. Si axes optici æquales inter se sint, per illorum verò concursum recta agatur lineæ imparibus angulis: dico radios ab utroque visu ad quodvis eius lineæ punctum ductos inæquales inter se esse. 137
34. Si radius communis in rectam quamdam lineam connectenti centra visuum parallelam rectis incidat angulis, erunt radij omnes, qui ab alternis visibus ad puncta æquè à radio communi distantia procident, inter se æquales. 138
35. Si radius communis in subiectum planum rectis incidat angulis, & in eodem plano per punctum incidentiæ recta quædam linea ducatur, radij ab alternis visibus ad duo eius puncta pari intervallo à communi radio disjuncta, æquales inter se erunt. 138
36. Sint axes optici inter se æquales, radiusq; communis plano cuiuspiam rectis insistet angulis, dico alternos radios qui ad puncta æquè à radio communi disjuncta in linea connectenti centra visuum parallela porriguntur, æquales inter se esse. 139
37. Si unius oculi axis opticus in subiectum planum rectis incidat angulis, erunt omnes radij, ab eo ducti ad puncta in plano

- plano aequè ab axe distita, aequalis. 140.
38. A re una duobus oculis obiecta duae formantur pyramides, quarum communis basis res ipsa est qua spectatur; at vertex in oculis sunt. 140.
39. Pyramis optica per se immobilis est, mouetur autem ex accidenti, tota quidem moto obiecto, at moto oculo, solum ex parte. 141.
40. Axis pyramis optica mouetur quidem mota pyramide; at situm in ea non mutat. 142.
41. Axem opticum extra pyramidem subinde excurrere nil vetat. 142.
42. Visus percipit magnitudinem anguli, qui ad verticem est pyramidis opticae, ex magnitudine eius portionis araneae tunicae, quam rei simulachrum inuadit. 143.
43. Corpus opacum inter rem visilem aspectumque interiectum, si axibus comprehendatur, nullam quidem rei partem obteget; efficit tamen ut pars aliqua obscurius appareat. 145.
44. Iisdem resumtis quae in precedente propositione, si interpositum corpus axes opticos excedat; pars aliqua visibilis extra conspectum cadet, alia ab alte-

ro oculorum tantum conspicietur, quod reliquum est, uterque oculus comprehendet. 145.

45. Iterum repositis eisdem, si interiectum corpus axes non attingat; pars media & extrema rei visibilis ab utroque visu; duae verò hinc inde inter mediam & extremas posita, ab altero oculorum tantum conspiciuntur. 146.

DE HOROPTERE.

46. Horopter cum axibus opticis, eaq⁵ quae centra visuum connectit, in eodem est plano. 146.
47. Si radius communis in horopterem rectis incidat angulis, & cum axibus horopter aequalis angulos efficit. 147.
48. Si radius communis in horopterem obliquis incidat angulis, erunt & illi, quos horopter cum axibus facit, inaequales. 147.
49. Quidquid conspicitur in eodem cum axibus existens plano, id omne in horoptere verum vel apparentem locum habet. 148.
50. Quaecumque extra axium opticorum regionem excurrunt, ea omnia in horopteris plano cernuntur, eo loci, ubi illud radij producti attingunt. 149.

OPTICORVM LIBER III.

DE

COMMVNIVM OBIECTORVM

COGNITIONE.

HYPOTHESIS.

COMMVNIA obiecta visus alia ex aliis cognosci. 152.

DE DISTANTIÆ COGNITIONE.

PROPOSITIONES.

1. Distantiam vnus oculus per se definire non potest. 154.
2. Distantiam sepè vnus etiam oculus per vicina corpora quae intercedunt, ex accidenti cognoscit. 155.
3. Non rectè quidam ex axium coniuكتورum angulis distantiam per se cognosci affirmarunt. 155.
4. Distantia per se cognoscitur ex axium opticorum longitudine. 156.

5. Minores rerum distantiae ex axium longitudine, maiores per interiecta corpora exactius discernuntur. 157.
6. Sepè etiam ex nota rei magnitudine distantiam visus per argumentationem colligit. 158.
7. Aequalibus magnitudinibus ex inequali distantia conspectis, maior est ratio distantiarum quam angulorum sub quibus magnitudines illae conspiciuntur, si maior minori comparetur. 158.

DE QVANTITATIS COGNITIONE.

8. Apparentes rerum magnitudines ex quantitate anguli verticalis pyramidis opticae dignoscuntur. 159.

Apparen-

9. Apparentes rerum magnitudines ita inter se sunt, ut anguli pyramidum opticarum, quibus comprehenduntur. 160.
10. Res sensibiles sub angulo sensibili conspiciuntur. 161.
11. Verae magnitudines, ex collatione anguli pyramidis opticae cum distantia rei, à visu per syllogismum colliguntur. 162.
12. Verae magnitudines inaequales non ita se habent, ut anguli optici quibus conspiciuntur: sed maior est magnitudinum quam angulorum ratio, si maior minori comparetur. 162.

CONSECTARIVM I.

Maiorem esse verarum quam apparentium magnitudinum proportionem, si maior minori comparetur. 163.

CONSECTARIVM II.

Numquam ita apparere magnitudines rerum, ut sunt: sed maiores semper esse quam appareant. 163.

CONSECTARIVM III.

Non ut distantias, ita esse apparentes rerum magnitudines: sed aequales re ipsa magnitudines ex inaequali distantia visas, inaequales apparere: sic ut minor sit ratio apparentium magnitudinum quam distantiarum. 163.

13. Magnum & paruum, crassum ac tenue, longum latumq̄, visus comparatione percipit, interni sensus adiutus praesidio. 164.
14. Aequale & inaequale ex cognitarum magnitudinum proportionem internus sensus distinguit. 164.

DE FIGURÆ COGNITIONE.

15. Rectum ac planum aspectus dignoscit ex uniformiter difformi partium à visu distantia. 165.
16. Irregularis curvitas ex difformiter difformi partium à visu distantia internoscitur. 167.
17. Conuexum cognoscitur ex praecipiti partium extremarum recessu. 168.
18. Concauum ex minore partium extremarum elongatione, quam in rectis accidat lineis, cognoscitur. 168.
19. Corporum eminentias & profunditates, si exiguae sint, ex umbris praecipue aspectus dignoscit. 170.
20. Asperum & laeve ex luminis formarumq̄

- repulsione cognoscuntur. 170.
21. Acutum & obtusum ex eo cognoscuntur, quod eorum partes à summo fastigio celeri tardove motu secundum aspectum prolabantur. 171.
22. Figura circularis hac nota dignoscitur, quod eius peripheria à centro visus paribus undique distet radiis. 171.
23. Rectiliniam figuram laterum rectitudo conspicuam facit. 172.
24. Figura polygonica ex maiore angulorum, quam laterum à visu distantia recte colligitur. 173.
25. Figura solida cognoscitur ex laterum dispositione, interdum per se, alias syllogismo. 173.

DE LOCI COGNITIONE.

26. Locus visu cognoscitur ex rei distantia, respectuq̄ partium uniuersi. 173.
27. Vno oculo certus definitusq̄ rei locus designari non potest. 174.
28. In axium optidorum congressu locus exquisitissimè dignoscitur. 174.
29. Medius prospectus ex radio communi ad Horizontem librato, eique quæ centra visum connectit normali, cognoscitur. 175.
30. Positionum differentia ex comparatione medij prospectus colliguntur. 175.

DE SITVS COGNITIONE.

31. Situs qui ex aduerso est, ex obtutus perspicacitate cognoscitur. 178.
32. Declinationis situs ex affecta portione aranea tunica, & magnitudine anguli radiorum optidorum dignoscitur. 179.
33. Directus situs percipitur ex equali à visu distantia partium aequè ab axe disiunctarum. 179.
34. Obliquus situs ex inaequali à visu distantia partium aequè ab axe remotarum deprehenditur. 180.
35. Directus atque obliquus situs duobus oculis indubitacè cognoscitur. 180.
36. Perpendicularis situs inde cognoscitur, quod obiectum axisq̄ opticus ex aequo suas interiacent partes. 181.
37. Situs partium inter sese ex notis positionum differentiis perspicuus euadit. 182.
38. Compositi situs ex particularium notitia colliguntur. 182.
39. Quæ ad perpendicularum aut ad libram constituta sunt, ea in mutuam cognitionem aspectum inducunt. 182.

DE CONTINVI AC DISCRETI
COGNITIONE.

40. Continuum ex non interrupta partium
coniunctione, ex interrupta verò dis-
cretum aspectu colligitur. 183.
41. Identitas distinctioq³, percipitur ex iden-
titate vel distinctione formarum, que
in diuersas partes sentientis organi
consignantur. 184.
42. Vnitas ex continuatione vel identitate,
vti numerus ex discretione vel distin-
ctione, dignoscitur. 184.

DE MOTVS ET QUIETIS
COGNITIONE.

43. Motus plurimum cognoscitur ex oculi
matione. 186.
44. Si motus oculi insensibilis est, & rei mo-
tus imperceptibilis erit. 186.
44. Quiescente oculo, motus deprehenditur
ex diuerso corporis situ, distinctis mo-
mentis sensibilis temporis depre-
henso. 187.
46. Motum præterea quiescens oculus ex
parte organi successiue affecta per sen-
tiscit. 187.
47. Interdum etiam motus per se cognoscitur
ex loci ipsius mutatione. 187.
48. Motus accessus & recessus iisdem colligitur
modis, quibus distantia quantitas. 188.
49. Cetera motuum differentia percipiuntur
è spatio, per quod res visa cientur. 188.
50. Motus omnis sensibili percipitur tem-
pore. 189.

51. Velocitas tarditasq³, motus cognoscuntur
ex inequalitate temporis, quo mobile
equalia percurrit spatia; vel ex ine-
qualitate spatorum, que equalibus
temporibus conficiuntur. 189.
52. Motus, si tardus est, ex comparatione
vicini corporis quiescentis percipi-
tur. 190.
53. Que tarde mouentur, non moueri, sed
mota esse deprehenduntur. 190.
54. Quies percipitur è visibili eundem lo-
cum situmque tempore sensibili obti-
nente. 191.

DE MEDIORVM OBIECTORVM
COGNITIONE.

55. Transparentia è rebus post trans corpus
interiectum apparentibus syllogismo
colligitur. 192.
56. Opacitas ex aspectus prohibitione perci-
pitur. 192.
57. Umbra ex vicinia lucis maioris specta-
tur. 192.
58. Tenebræ ex totius luminis absentia cog-
noscuntur. 193.
59. Similitudo ex conuenientia, dissimilitu-
do ex diuersitate visibilium forma-
rum, virtute sensus communis elici-
tur. 193.
60. Pulchritudo ex omnium visibilium pro-
prietatum symmetria, turpitudine verò
ex earundem asymmetria per discursum
comprehenditur. 193.

OPTICORVM LIBER IV.

DE

FALLACIIS ASPECTVS.

LEMmata.

1. **A**EQVALIVM similiterq³, opposita-
rum magnitudinum propinquior
sub maiore, remotior verò sub minore
angulo conspicitur. 196.
2. Aspectu viciniora euidentiùs cernun-
tur. 197.
3. Cum quatuor magnitudinum prima fue-
rit maior quam tertia, secunda verò
minor quam quarta; maior erit pro-
portio primæ ad secundam, quam ter-
tiæ ad quartam. 197.
4. Propositis quatuor magnitudinibus, si
prima ad secundam maiorem rationem
habuerit, quam tertia ad quartam; sit

- verò prima secundæ equalis, erit tertia
minor quam quarta: at si tertia &
quarta equalis fuerint; erit prima
quam secunda maior. 198.
5. Si duo trianguli latera inequalia fuerint,
basissq³, secta bifariam; que à vertice
ad basis sectionem applicatur, angulum
qui ad verticem in duos inequales par-
titur: quorum is maior est, qui minore
latere; is verò minor, qui maiore con-
tinetur. 198.
6. Si duo triangula super equalibus basibus
ad idem punctum constituentur, eius
minor erit ad verticem angulus, cuius
latera, excepta basi, sunt maiora, & ad
basin

- effectus, ex iisdem apparentibus is sequi videtur. 227.
2. Totum apparet maius sua parte; si quidem excessus, quo totum superat partem, sub sensum cadit. 227.
 3. Quae sibi quoad aspectum congruunt, aequalia videntur. 227.
 4. Quae uni tertio videntur aequalia, & inter se aequalia videntur. 228.
 5. Et quorum alterum uni tertio videtur aequale, alterum inaequale, ea inter se inaequalia videntur. 228.
 6. Et quod uno aequalium maius videtur aut minus, maius quoque videtur aut minus altero aequalium. Et si unum aequalium maius aut minus videtur magnitudine quapiam, alterum quoque eadem magnitudine maius videtur aut minus. 228.

PROPOSITIONES.

9. Eodem conspecta angulo, quorum distantiae non perpendicularuntur, aequalia existimantur. 228.
10. Maioribus spectata angulis maiora, minor a minoribus, aequalibus aequalia videntur. 229.
11. Aequalium, similiterque oppositarum magnitudinum propinquior remotiore maior apparet. 230.

CONSECTARIUM I.

Res omnes minores semper apparent, quam sint reipsa. 231.

CONSECTARIUM II.

Res minime breui interuallo ab aspectu disunctae depereunt. 231.

CONSECTARIUM III.

Terrenus orbis solis comparatione puncti rationem habet. 232.

CONSECTARIUM IV.

Columnae quod sunt excelsiores, eò minorem admittunt summi scapi contracturam. 232.

12. Eorum quae simili dispositione visui exhibentur, & aequalibus spectantur angulis, id quod remotiore apparet loco, maius minus verò, quod propinquiori, indicatur. 233.
13. Idem seipso maius ac minus videri potest: item quod maius est, apparere potest minore minus; & quod minus est, maiore maius. 233.

CONSECTARIUM.

Sol altior à terra est quam luna. 233.

14. Sub tenebras & per nebulam spectata maiora existimantur. 234.
15. Pueris, somniantibus, amentibus omnia magna esse videntur. 234.

16. Recta linea perpendiculariter visui obiecta, spectatur ut punctum; directè verò aut obliquè, ut linea. 235.
17. Plana superficies perpendiculariter visui proposita, apparet ut linea; directè verò aut obliquè, ut superficies. 236.
18. Omne visile minus videtur obliquè spectatum quam directè. 237.

CONSECTARIUM.

Directius visui opposita, perfectius videntur; & quo obliquius, eò imperfectius. 238.

19. Oculo ei quod videtur appropinquante, spectatum augeri putatur. 239.
20. Et contrà, auctae magnitudines oculo appropinquare videntur. 239.
21. Altioris magnitudinis per verticem humilioris spectata eadem semper portio videtur; visu secundum lineam, quae ab oculo per verticem humilioris ducitur, transmutato. 239.
22. Altioris magnitudinis per verticem humilioris spectata, visu secundum lineam supra verticem humilioris productam accedente quidem maior, recedente verò minor portio conspicitur. 240.
23. Altioris magnitudinis per verticem humilioris spectata visu secundum lineam infra verticem humilioris cadentem accedente quidem minor, recedente verò maior portio conspicitur. 240.
24. Si radij optici per extremitates duarum parallelarum incedant: dico radiorum longitudines esse magnitudinibus proportionales. 241.

CONSECTARIUM I.

Propositam altitudinem, quanta sit, radio inuestigare. 242.

CONSECTARIUM II.

In cognitionem ignota profunditatis radio ducere. 242.

CONSECTARIUM III.

Ignotam longitudinem radij beneficio explorare. 242.

CONSECTARIUM IV.

Latitudinem oblatam radio demonstrare. 243.

25. Fieri potest, ut immoto visu, mutatum obiectum aequale semper appareat. 243.
26. Loca inuenire, quibus mutatum visile, oculo consistente immobili, aequale semper appareat. 247.
27. Nil vetat, quin & mutato aspectu, visile immotum aequale semper appareat. 247.
28. Loca definire, quibus oculo moto obiectum immotum aequale semper spectetur. 249.

Loca

29. *Loca in recta linea designare, è quibus immota magnitudo à visu moto, quandoque equalis, aliàs inaequalis conspiciatur.* 249.
30. *Posibile est, æquales magnitudines visu translato æquales nihilominus apparere.* 251.
31. *Est locus, è quo inæquales magnitudines aspectu æquales videntur, quem demonstrare oporteat.* 253.
32. *Postulantur etiam loca, è quibus inæquales magnitudines in idem compositæ, æquales utriusque inæqualium appareant.* 253.
33. *Locum assignare, ex quo data magnitudo appareat alterius pars aut multiplex in postulata ratione, qua quidem angulum secare vel augere conceditur.* 254.
34. *Loca inuenire è quibus eadem magnitudo appareat sui ipsius pars, aut multiplex, in data proportionem.* 255.

FALLACIÆ ASPECTVS CIRCA SITVM.

35. *Ob immoderatam distantiam contingit obiecti obliquitatẽ non perpendi.* 256.

CONSECTARIVM.

- Quæ à perpendicularo desciscunt, ex intervallo spectata, seu quæ aduersum imminet, seu quæ in diuersum propendent, recta indicantur.* 256.
36. *Quæ radiis sublimioribus cernuntur, sublimiora; & humiliora, quæ humilioribus videntur: idem verò, de iis quæ in dexteram aut in sinistram vergunt, iudicium esto.* 257.
37. *Rerum in anteriora expositarum remotiores partes, quæ à dextris sunt in sinistram; & quæ sunt à sinistris in dexteram educi videntur.* 257.
38. *Eorum quæ directè oculis obijciuntur remotiores partes, quæ à dextris dextro- uersum magis; quæ verò à sinistris, propius in sinistram accedere videntur.* 258.
39. *Planorum sub oculo iacentium remotiores à visu partes in altum efferrì videntur.* 258.

CONSECTARIVM I.

Templorum panimenta ingredientibus fastigiata videntur. 259.

CONSECTARIVM II.

Horizon editiori loco spectatur, quàm sit reuerà. 259.

CONSECTARIVM III.

- Maris conuexitas gibbi in morem protuberare videtur.* 259.
40. *Planorum verò, quæ supra visum incumbunt, remotiores partes ad ima prolabi videntur.* 260.

CONSECTARIVM I.

Contignationes domorum tanto altiori constituendæ sunt loco, quanto ampliora subtus loca habent. 260.

CONSECTARIVM II.

- Porticus, longæq; arborum series ab extremitate inspectæ, stringi in angustum videntur.* 260.
41. *Æqualium magnitudinum, quæ sub visu erectæ consistunt, remotiores altius euectæ apparent.* 261.
42. *Æqualium item magnitudinum quæ supra visum propendent, remotiores propinquiorum comparatione depressæ videntur.* 261.

CONSECTARIVM.

- Planæ superficies libellæ expensæ, cum visus altitudinem superant, alueolatæ apparent.* 261.
43. *Parallela interualla è distantia spectata, si æqualia sint inæqualia apparent, & maiora semper ea, quæ propius oculo adiacent.* 264.
44. *Parallele rectæ lineæ, quò longius à visu protenduntur, eò semper propius coire videntur.* 264.
45. *Punctum designare in quod parallele videntur.* 266.
46. *Posibile est locum visui assignare, unde non parallele rectæ lineæ sic appareant, quemadmodum veræ parallele lineæ spectari solent.* 266.
47. *Admirabilius erit oculo in sublimi dato duas lineas subiecto plano inscribere, quarum intercapedo æqualis ubi appareat.* 269.

FALLACIÆ ASPECTVS CIRCA FIGVRAM.

ANGVLVS.

48. *Si in altera linearum angulum continentium punctum quodcumque assumptum fuerit, ab eoq; perpendicularis excitetur ipsius anguli plano: dico è quouis eius perpendicularis lineæ puncto, angulum, si rectus est, rectum videri; si acutus, acutum; & obtusum, si obtusus est.* 272.

49. Eadem porrò anguli phantasia obueniet, si in altera earum, quæ angulum continent, exterius producta perpendicularis constituatur. 273.
50. Si autem perpendicularis, in qua oculus, per lineas angulum continentibus atque ex utraque parte productas incedat; rectus quidem angulus semper rectus apparebit; at acutus accessu minui, recessu augeri videbitur: obtusus verò contrà, accessu augeri, recessu minui conspicietur. 274.
51. Si recta quædam linea angulum per verticem bifariam secet; per hanc autem demissa ab oculo perpendicularis transferatur: dico in vertice angulum videri minimum, & quò hinc perpendicularis longius dimouetur, eò semper angulum maiorem spectari. 276.
52. Si ei, quæ propositum angulum bifariam secat, perpendicularis ducatur: aio contrarium euenire, hoc est oculo communi utriusque sectioni insidente angulum maximum videri; hinc verò semper minorem. 277.
53. Circum anguli ABC verticem B circulus describatur, in eumque incedat perpendicularis, in cuius fastigio est oculus: dico in F & G, ubi arcus ACLN, angulusque secantur bifariam, angulum maximum videri; minimum verò in H & K, ubi HK ipsi FG normalis est; ac deinceps recessu ab H vel K angulum semper augeri, accessu verò minui. 278.
54. Si à vertice spectati anguli per oculi centrum recta infinite producat, è quois eius linea signo æqualis ipse angulus conspicietur. 279.
55. Motus quo visus à subiecto plano altius subleuatur, ei respondet motui, quo in eadem altitudine oculus ad spectati anguli verticem propius adducitur: & contrà, oculi depressio proportionem respondet abscissui. 279.
56. Angulares formæ ex intervallo spectatae circulares apparent. 280.

CIRCULVS.

57. Si in eodem plano, in quo & oculus, circulus positus fuerit, recta linea ipsius circuli ambitus è longinquo apparebit. 280.
58. Oculus in caua circularis perimetri parte constitutus vniuersum ambitum contuetur. 281.

CONSECTARIVM.

Circularis forma theatro aptissima est. 281.

59. Visu in conuexa circularis perimetri parte constituto, nulla eius portio spectabilis est. 282.
60. Si oculus in eodem quidem plano, in quo & circulus, at extra circuli ambitum constitutus fuerit, pars minor hemicyclo videbitur. 282.
61. Loco visui extra circulum assignato, eam circuli portionem quæ videtur, definire. 283.
62. Visu existente in linea, quæ circuli centro perpendiculariter insistit, omnes diametri æquales apparent. 283.
63. Et si quæ ex centro excitatur, non fuerit ad angulos rectos ipsi plano, æqualis autem fuerit ei quæ ex centro; dimittentes nihilominus æquales apparent. 284.
64. Sed iam AG, in cuius fastigio est oculus, neque æqualis sit ei quæ ex centro, neque sit ad angulos rectos ipsius circuli plano; illæ tamen omnes dimittentes æquales apparebunt, cum quibus illa æquales angulos ad centrum facit. 284.
65. Si verò quæ ab oculo ad centrum proci-dens circuli, neque ad angulos fuerit rectos ipsius circuli plano, neque etiam ei, quæ ex centro, fuerit æqualis, neque æquos cum his quæ ex centro comprehenderit angulos, diametri ipsæ inæquales apparebunt. 285.
66. Circulus obliquè conspectus ut ellipsis apparet: oportet autem eam quæ à visu in centrum circuli proci-dit, semidiametro inæqualem esse. 286.

CONSECTARIVM.

- Curruum rotæ quandoque circulares, quandoque contractæ & velut ellipses apparent. 289.
67. In circulo obliquè spectato punctum designare, quod centrum appareat ellipsis. 289.
68. In eodem circuli aspectu, quæ ad BD ordinatim applicantur, sunt quidem ipsi AC re ipsa parallela, sed & videntur. 290.
69. Et quæ ex K ad circuli peripheriam educuntur, non sunt quidem, videntur autem & ipsi BD & inter se parallela. 291.
70. Omnium item quæ intra circuli peripheriam ipsi BD ad rectos angulos applicantur, aio maximam videri AC, quæ per H centrum apparentis ellipseos transit. 292.
71. Visui locum designare, unde datus circulus ellipsis appareat, centrum habens intra

- intra circuli peripheriam datum. 293.
72. Vti circulus obliquè visus ellipsis, ita vicissim ellipsis quodam oculi situ ut circulus apparet. 293.
73. Visui locum reperire, ex quo ellipsis ut circulus appareat. 294.

QVADRATVM.

74. Si visus positus fuerit in linea è centro quadrati normaliter excitata, ipsius quadrati latera equalia apparebunt, sed & dimetientes equalia. 295.
75. Si oculus positus fuerit in extremitate lineæ obliquè incidentis in centrum spectati quadrati, eaq; semidiametro quadrati equalis fuerit, equalis vtraque diametrus videbitur; sin autem vel maior fuerit vel minor, angulosq; fecerit inaequales, & diametri inaequales apparebunt. 297.
76. Et semidiametri illæ equalia apparent, cum quibus eadem FE obliquè in centrum quadrati pertinens equos angulos facit. 297.
77. Si verò FE inaequales angulos cum semidiametris quadrati effecerit, quandoque equalia illæ, quandoque maior illa cum qua maiorem angulum FE fecerit, alias minor hæc eadè conspicietur. 298.
78. Rursus si ea quæ ab oculo in centrum quadrati obliquè incidit, dimidio lateri equalis fuerit, illa quoque lineæ equalia apparebunt, quæ per centrum ad opposita latera perpendicularares ducuntur. 298.
79. Quadratum obliquè aspectatū, nec equaliterum, nec parallelogrammum videtur, nec eius oppositi anguli equalia. 299.

SPHÆRA.

80. Id spheræ, quod spectatur, radijs contingentibus, definitur. 302.
81. Pars spheræ visa circulo continetur. 303.
82. E spheræ vno oculo conspecta portio quæ apparet, hemispherio minor est. 303.
83. Oculo ad spheram propius accedente, portio quæ spectatur fit minor. 304.
84. Admiratione dignum illud videbitur; quòd dum minor est spheræ portio quæ spectatur, tum ea maior appareat. 304.

LEMMATION.

Si spheræ, ad binos intuentis oculos ita sit constituta, ut communis axis in centrum spheræ procidat; dico radios qui spheram contingunt, equalia inter se esse, eamq; quæ puncta contactuum iungit, distantia oculorū esse parallelam. 305.

85. Si spheræ diametrus, ei quæ centra visuum connectit, equalis fuerit; hemispherium erit, quod ambobus oculis circum communem axem normaliter actis comprehenditur. 306.
86. Si oculorum distantia spheræ diametro maior fuerit, binis oculis circum communem axem normaliter ductis, pars hemispherio maior conspicua erit. 307.
87. Si spheræ diametrus distantia oculorum fuerit maior, ipsiq; oculi ut prius circumacti, minor medietate portio sub aspectum cadet. 308.
88. Visu in superficie spheræ existente, vniuersa eius facies caua aspectabilis est: è conuexa autem nil præter punctum apparet. 308.
89. Visu intra aut extra spheræ superficiem existente, ea portio caua spheræ videbitur, in quam incidunt ab oculo emissi radij: eritq; pars visa quandoque hemispherium, interdum hemispherio maior, subinde minor. 309.
90. Quòd externus oculus propius ad spheram accesserit, eò maiorem portionem caue superficiem consequetur, quæ & maior apparebit. 310.
91. Oculo caue superficiem intra spheram appropinquate minor portio conspicitur: sed quæ equalis semper appareat. 310.
92. Si visus à duabus spheris inaequalibus æquè distet, maiorem proportionem habebit pars visa minoris quàm maioris ad totum suæ cuiusque spheræ ambitum. 311.
93. Sphericæ superficies siue concaue siue conuexæ è longinquo spectatæ, planæ videntur. 312.
94. Superficies tum concaue tum conuexæ ex interuallo spectatæ, non rarò conuersæ apparent. 312.

CYLINDRVS.

LEMMATION.

Quæ ab oculo ad cylindri superficiem tangentibus educuntur, ex vtraque parte omnes in rectis lineis tactiones faciunt. 313.

95. In cylindro equalia sunt omnium circumportiones; quas vnica aspectus comprehendit. 314.
96. In cylindro ut se habet circuli portio quæ videtur, ad eam quæ latet, sic visa superficies cylindri ad non visam. 315.
97. Pars cylindri visa oppositis parallelis circumscribitur. 315.
98. Cylindricæ superficiem vno oculo extrinsecus

- secus aspectata minus medietate apparet.* 316.
99. *Si distantia oculorum equalis fuerit cylindri diametro, semicylindri conuexum videbitur: si maior, maius; si minor, minus.* 316.
100. *Aspectu appropinquante cylindri conuexo, minus quidem est quod apparet, videtur autem maius esse.* 317.
101. *Si visus per lineam axi parallelam incedat, equalem semper cylindri portionem complectetur.* 318.
102. *Visu cum axe cylindri in rectam lineam incidente, sola conspicua est basis.* 319.
103. *Si radius opticus, qui vel axi parallelus est, vel eandem cum ipso rectam lineam efficit, intra cylindrum cadat, tota cylindri caua superficies apparet.* 320.

CONVS.

LEMMATION.

- Radij, qui ab oculo ad conij superficiem tangentes euocantur, omnes utrimque in rectis lineis actiones faciunt.* 320.
104. *In cono similes sunt omnium circulorum portiones, quas oculus unico aspectu contuetur.* 321.
105. *In cono ut se habet unius circuli portio quae videtur, ad eam quae latet; sic visa superficies conij, ad reliquam quae non apparet.* 322.
106. *Si radius opticus ab externo oculo ad verticem conij destinatus cum axe acutum angulum effecerit, minor pars medietate conij videbitur.* 322.
107. *Si radius opticus axi ad verticem normalis fuerit, medietas superficiei conicae excepta basi conspicua erit.* 323.
108. *Si radius opticus ad verticem conij pertinens obtusum cum axe angulum fecerit, nec in conum productus inciderit, maior pars medietate conij apparebit.* 324.
109. *Si axis conij sursum productus centrum visus attingat, uniuersa superficies conij excepta basi spectabitur; apparebit autem circulus.* 324.
110. *Si latus conij superne productum in centrum visus incurrat, tota conij superficies sub aspectum cadet; videbitur autem ellipsis.* 325.
111. *Si radius opticus ad conij verticem ductus in basin inciderit, hac sola videbitur; apparebit autem nunc circulus, nunc ellipsis.* 326.
112. *Oculo per planum, in quo est basis conij, propius accedente, minor conica super-*

- ficie portio conspicitur; videtur autem maior.* 326.
113. *Oculus per eundem radium opticum ad verticem conij exporrectum incedens, eandem semper conicae superficiei portionem intuetur.* 327.
114. *Quò radius opticus ab externo oculo ad verticem conij destinatus maiorem cum axe angulum fecerit, nisi in conum ipsum inciderit, eò maior erit conicae superficiei portio, quae sub aspectum cadet.* 328.

CONSECTARIUM.

Aequali à cono distantia quò sublimius oculus attollitur, eò maiorem conij portionem videt; sed ea minor apparet: quò verò humilius deprimitur, eo minus est conij, quod spectatur; apparet autem maius. 329.

FALLACIÆ ASPECTVS CIRCA LOCVM.

115. *Res qualibet in ea horoptere parte conspicitur, ubi ipsum radius per rem ductus attingit.* 330.
116. *Vno oculo, res vna unico spectatur loco.* 331.
117. *Plura vno spectata radio, eodem apparent loco.* 331.
118. *Vnumquodque eorum, quae in horoptere existunt, vno cernitur loco.* 331.
116. *Res vna extra horopterem constituta, utroque visu geminis locis distincta apparet.* 332.
120. *Duo signa extra horopterem in axibus opticis constituta, duobus visibus tribus numerantur locis; quorum medius in axium concursum incidit, è duobus effectus vnus.* 332.
121. *Res duae in eundem incidentes radium extra horopterem assumpta, tribus locis conspiciuntur, è quibus alter extremorum ex duobus efficitur vnus.* 333.
122. *Duo signa extra horopterem assumpta, nisi vel ambo in eundem, vel singuli in concurrentes ad horopterem radios incidant, quatuor numerantur locis.* 334.
123. *Si communis radius ei quae centra visuum connectit normalis fuerit, & in eo statuta res vna duobus appareat locis, phantasiae aequali spatio ab axium concursu reipsa distabunt, & distare videbuntur.* 334.
124. *At obliquato aspectu, cum res vna in communi existens radio duobus apparent locis, phantasiae pari quidem intervallo ab axium concursu distant; at*
minus

minus illud videtur, quod obliquioribus radiis comprehenditur. 335.

125. Si rursus communis radius connectenti centra visuum normalis fuerit, duosq; signa in axibus pari intervallo ab illorum concursu assumpta tribus appareant locis, tres phantasiae aequè ab invicem distabunt, & distare videbuntur. 336.

126. Si recta quaedam horopteri parallela utrumque axem opticum secet, & in communibus sectionibus duo signa constituentur: dico horum phantasias pari intervallo ab axium concursu distare; at si obliquus sit aspectus, propinquius videri id, quod obliquiori radio continetur. 336.

127. Si aequè ab horoptere distent signa, quorum singula geminis conspiciuntur locis, aequales erunt apparentium locorum intercapedines; at non semper aequales videbuntur. 337.

128. Eorum quae inter horopterem spectantur & oculos, phantasiae situm mutant: nam à dextro inspecta oculo, in partem sinistram; & à sinistro, in dextram porriguntur. 338.

129. Eorum verò quae ultra horopterem cernuntur, phantasiae situm retinent. 338.

130. Propositis in cōmuni radio duobus signis, si alterna vice nunc in unum, nunc in alterum axes optici desigantur, phantasiae eodem semper loco perstare videbuntur. 339.

131. Si spectata signa oculorumq; distantia non in eodem sint plano, nec in eadem recta linea signorum phaenomena conspiciuntur. 339.

132. Cum quid pluribus apparet locis, nullus illorum proprius est. 340.

133. Quod pluribus locis, id minus perspicuè videtur. 340.

134. Cum signum visibile duobus spectatur locis, quò id longius ab horoptere abest, eò maiore intervallo phantasia ab axium congressu distrahuntur. 340.

135. Ea quae distinctis apparent locis organicè representare. 341.

FALLACIÆ ASPECTVS CIRCA NUMERVM.

136. Quod distinctis spectatur locis, id geminum apparet. 342.

CONSECTARIVM I.

Fieri nequit, ut quod vno tantum videtur oculo, geminum appareat. 345.

CONSECTARIVM II.

Visibile in axium opticorum congressu po-

situm, necessario unum videtur. 345.

CONSECTARIVM III.

Distraeta luminum societate cuncta geminari videntur. 345.

CONSECTARIVM IV.

Res vna geminari etiam oculo suppresso videtur. 346.

FALLACIÆ ASPECTVS CIRCA MOTVM ET QUIETEM.

137. Proiecta ob eximiam motus pernicitatem saepe non videntur. 347.

138. Alias ocysimè delata, totum, per quod feruntur, spatium complere videntur. 347.

139. Motus circularis perpendiculariter spectatus eminè rectus apparet. 348.

140. Quae in orbem celerrimè agitantur, quiescere videntur. 348.

141. Spiritibus concitatis moueri, quae quiescunt, existimantur. 348.

142. Nauigantibus ipsa, quae vehuntur, nauis stare; cetera quae stant, praeterire videntur. 349.

143. Eorum quae pari velocitate cidentur, remotiora minus secundum aspectum promouent. 350.

144. Eorum quae pari celeritate incedunt, remotiora postera fieri videntur. 350.

145. Fieri etiam potest, ut quod ocys re ipsa mouetur, oculo segnius promoueri videatur. 351.

146. Quae loco procul disito mouentur, quiescere saepe existimantur. 351.

147. Si per eandem rectam lineam mobile oculosque pari velocitate incedant, quiescere ipsum mobile videbitur; accedere vero, si oculi motus fuerit concitator; si autem segnius, abscedere. 352.

FALLACIÆ ASPECTVS CIRCA TRANSPARENTIAM ET OPACITATEM.

148. Corpus medio-diaphanum opaco oppositum, transparens videtur; oppositum autem perspicuo, opacum. 352.

149. Terga corpora, siue qua obscuritatem praese ferunt, siue qua lumen à se remittunt, interdum translucida putantur. 353.

150. Crystallus supposito colore, cum ex aduerso spectatur, tota infecta videtur. 354.

151. Aquae perspicuo colore infecta, cum ex eo loco cernuntur unde lumen procidit, obscura videntur. 355.

OPTI-

OPTICORVM LIBER V.

DE

LUMINOSO ET OPACO.

DEFINITIONES.

1. **C**ORPVS luminosum id esse dicimus, à quo vtrumque lumen profunditur. 357.
2. Diaphanum corpus dicitur, quod lumini peruium est. 358.
3. Adiopton siue opacum dicitur corpus, quod lumini imperuium est. 358.
4. Lux dicitur quæ fulgenti corpori congenita est. 358.
5. Lumen est aspectabilis qualitas à luce prognata, ac per diaphanum medium longè lateq; diffusa. 358.
6. Splendor est lumen à tergo politoq; corpore repercussum. 359.
7. Lumen primum dicitur, quod immediatè à corpore lucido proficiscitur; lumen secundum, quod à lumine primo est; tertium, quod à secundo, atque eodem ordine cetera. 360.
8. Lumen perfectum illud dicitur, quod ab omnibus partibus luminosi procidit; quod verò à parte tantum, imperfectum. 360.
9. Radius luminosus recta est luminis profuentia. 360.
10. Pyramis luminosa est figura luminis à corpore fulgido ad vnum aliquod externum punctum collecti. 360.
11. Illuminationis verò pyramis figura est eibrati luminis, quod à puncto corporis luminosi ad superficiem corporis illustrati diffunditur. 361.
12. Umbra est lumen imminutum, maioris quod circumstat luminis comparatione. 361.
13. Umbra prima est absentia primi luminis, secunda secundi, ac sic deinceps. 361.
14. Umbra plena seu perfecta illa dicitur, ad quam nullus radius corporis luminosi pertinet. 362.
15. Umbra diminuta seu imperfecta est, in quam aliqui dumtaxat radij à corpore luminoso prociunt. 362.

LEMMA.

1. In homogeneis corporibus luminosis ea est proportio totius luminis ad totum corpus, quæ est partis luminis ad partem corporis proportionatam. 363.

2. Eadem quoque est proportio virtutis totius luminis ad totum lumen, quæ partis virtutis ad luminis partem. 363.
3. Plura luminaria iuxta se posita, eam virtutis rationem habent, quam partes vnius proportionate. 364.
4. Si ad vnum trianguli latus parallela adiuncta fuerit recta quedam linea, abscissum triangulum toti equiangulum erit. 364.
5. Si dua rectæ lineæ circum tangant concurrentes in idem aliquod punctum; quæ tactus iungit recta linea, abscindit à tangentibus portiones æquales, & cum eisdem triangulum Isosceles constituit. 365.
6. Si dua rectæ lineæ circum contingant concurrentes in vnum aliquod punctum; quæ à concursu ad centrum circuli ducitur, eam quæ tactus iungit, bifariam secat. 365.
7. Si recta quedam linea duos circulos tangat, erunt, quæ à centrīs ad contactus educuntur rectæ lineæ, inter se parallele. 366.
8. Si dua rectæ lineæ duos circulos contingant, erunt eæ quæ tactus iungunt, parallele. 366.
9. Si dua rectæ lineæ duos circulos tangant, erunt tangentibus inter se æquales. 367.
10. Si dua rectæ lineæ duos circulos tangant, quæ tactiones iungunt, diuidunt circulos in segmenta proportionalia. 378.

CONSECTARIVM.

- Si inæquales sint circuli quos dua rectæ lineæ contingunt, erunt & quæ tactus iungunt inæquales. 368.
11. Quæ duos circulos inæquales contingunt rectæ lineæ, productæ ad partes circuli minoris tandem concurrunt. 368.
 12. Si dua rectæ lineæ duos inæquales circulos tangant, productæ concurrent in eodem puncto eius lineæ, quæ per vtriusque circuli centrū transit. 369.
 13. Quæ inæquales circulos tactu complectuntur rectæ lineæ, citius concurrunt cum propinquiores sunt ipsi circuli quam cum sunt remotiores. 369.
 14. Quæ inæquales parallelas connectunt rectæ lineæ, si producantur, ad partes minoris

- minoris parallelæ concurrent. 370.
 15. Si duabus rectis lineis inæqualibus aquale adiungatur augmentum, ad quam composita minorem rationem habet, illa maior est. 370.

HYPOTHESES.

1. Id omne lumine collustrari, ad quod luminosi radij attingunt. 370.
2. Idq̄, perfundi uberiùs, in quod vel plures simul radij vel magis compacti incurrunr. 371.
3. Sublato lumine umbram inuchi, eoq̄, adueniente profligari. 371.

DE LUMINIS PROFVSIONE.

PROPOSITIONES.

1. Lumen non à centro tantum, sed ab omni parte extremae superficiei corporis luminosi emicat. 371.
2. Lumen rectis lineis euibratur. 372.
3. Lumen effusum circumquaque in sphaerae modum distenditur. 373.

CONSECTARIUM.

Radij luminosi alij æquidistant, alij sese interfecant, alij in diuersa abscedunt. 373.

4. Lumen temporis momento totam virtutis sphaeram complet. 374.
5. Lumen longius prouectum sensim languescit. 375.
6. Aequalibus spatiis inæqualia fiunt luminis decrementa. 376.
7. Aequalium spatiorum quæ longius absunt, minora efficiunt defectio- num momenta. 377.
8. Lumen aequalibus spatiis proportionalibus decrementis languescit. 379.
9. Lumē uniformi difformitate decre- scit. 379.
10. Quò intensius est lumen, eò longius prouehitur. 280.
11. Luminariū æquè intensorum, quod maius est, longius actionem producit. 381.
12. Singulae partes luminosi corporis ad extremam usque virtutis sphaeram lumen protendunt. 381.
13. Lumen sublato luminoso ne momēto quidem temporis in medio perseuerat. 383.
14. Lumen medium diaphanum per quod transit, non immutat. 383.
15. Luminis profusio in minimum naturale terminatur. 384.

DE LUMINVM CONCVRSV ET OCCVRSV.

16. Omnia lumina vnus sunt speciei atque essentia. 385.
17. Lumen lumini non obsistit. 386.
18. Diuersa lumina per idem medium distin-

cta penetrant. 387.

19. Lumen maius offuscat minus. 389.
20. Singula luminaria dum simul conspirant in qualibet parte mediij, non maiorem nec minorem edunt effectum, quàm vnumquodque per se seorsum. 390.
21. A pluribus simul luminariis in eadem parte mediij intensius lumen profluit, quàm à singulis. 390.
22. Singula luminosa iunctis viribus longius agunt quàm disiuncta. 391.
23. Vnumquodque luminare cōmuni actione in eadem parte mediij effectum producit suæ magnitudini proportionatum. 392.
24. Duo luminosa non tantò longius simul agunt, quantò vtrumque compositum altero tantum est maius. 392.
25. Cùm duo luminosa vnà agunt, vtriusque actio ad extremitatem sphaerae communis actiuitatis attingit. 393.
26. Propositum sit concurrentium luminum uniforme decrementum numeris explicare. 394.
27. Luminū actiones ex mutuo concursu nec se- gniores redduntur, nec vegetiores. 396.
28. Lumen alteri occurrens lumini in qua- cumque parte mediij, nec maiorem nec minorem effectum edit, quàm per se queat solitaria actione. 397.
29. Lumen alteri occurrens lumini, longius prouehitur. 397.
30. Duobus luminariis interuallo dis- iunctis, quod inter vtrumque diffusum est lumen, ab extremis ad medium usque perpetuò decrescit. 398.
31. Si æqualia sint ipsa luminaria, erit tenuissimum lumen quod ex concursu lu- minum conflatur, inter vtrumque lu- minare exactè medium. 399.

CONSECTARIUM.

- A caua superficie sphaerae luminosa, quod minimè illustratur, est centrum. 399.
32. Si verò inæqualia sint ipsa luminosa, mi- nimum lumen infirmiori luminari propinquius erit. 401.
 33. Propositum sit occurrentium luminum proportionem numeris explicare. 401.

DE LUMINIS ILLAPSV.

34. Lumen ad opacum corpus appulsum, non fit per se intensius. 403.
35. Quatuor de causis obuia quæq̄, corpora im- pensius illustrantur, vel propter lucidi magnitudinē, vel ob propinquitatē, vel propter fulgoris excellentiam, vel pro- pter directū radiorum incursum. 403.
36. A puncto sphaerae luminosae medius dum- taxat virtutis orbis illustratur. 404.

Que

37. Quae à luminoso aequaliter distant, ea pari illustrantur vigore, propinquiora uberiorius, remotiora parcius. 404.
38. Possibile est opacum corpus ex inequali distantia signi luminosi radiis ex aequo perfundi. 405.
39. Radiosum signum in centro, vel peripheria sphaerae constitutum, totam caenam superficiem aequali nitore perfundit. 405.
40. Fieri & id potest, ut radiosum punctum è propinquiori loco rem obiectam minus illuminet, quam è remotiori. 406.
41. Opacum planum à puncto lucido illic apprimè illustratur, ubi radius ad normam incidit; hinc verò quò longius abducuntur, eò semper obscurius. 406.
42. Sit lucida sphaera portio hemisphaerio minor, è cuius medio perpendicularis excitetur: dico circa hanc præcipuè lumen existere, inde verò semper minus. 407.
43. A sphaera luminosa ad externum signum remotius plures radij attingunt quam ad propinquius. 408.
44. Externum signum luminosum maiorem partem sphaerae remotioris irradiat quam propinquioris. 408.
45. Si sphaera luminosa sphaera opaca equalis fuerit, media pars opaca à media luminosa collustrabitur. 409.
46. Si sphaera luminosa maior fuerit opacà, à minore parte luminosa maior pars opaca illustrabitur. 410.

CONSECTARIVM I.

Sol maiorem portionem corporis lunaris illuminat. 410.

CONSECTARIVM II.

Terræ maiorem medietate plagam Sol perlustrat. 410.

CONSECTARIVM III.

Sol ante exortum & post occubitum etiam tum spectabilis est. 411.

47. Si sphaera luminosa minor fuerit opacà, à maiore parte luminosa ad minorem opaca lumen proueniet. 411.

CONSECTARIVM.

Luna oriens non videtur, & ante occubitum disparet. 411.

48. Spheroides luminosum maius è propinquo ampliolem partem opaci irradiat quam è remoto. 412.

CONSECTARIVM.

Luna numquam illustratur minus quam cum est plena. 412.

49. Contrà spheroides luminosum minus, si propinquius est opaco, minorem portionem illustrat, quam si remotius existat. 413.

50. Si pars sphaera collustrata, parsque visa bases habuerint parallelas, lumen aspectatum circulare & erit, & apparebit. 413.

51. Si pars sphaera qua illuminatur non fuerit parallela parti visa, nec se mutuo secent, sit autem quod videtur, minus, pars luminis visa circulo continebitur, & ut circulus apparebit. 414.

CONSECTARIVM.

Apparens luna fulgor non statim ab oppositione decrescit. 415.

52. Si rursus pars sphaera illustrata, & ea qua videtur non fuerint parallela, nec se mutuo secent, sit verò pars visa maior, erit quidem ambitus spectati luminis circularis, videbitur autem ellipsis. 415.

53. Si hemisphaerij illustrati, partisq; visa bases se mutuo secundum normam secent, quod de lucido hemisphaerio cernitur, sector quidem est sphaericae superficiei, at semicirculus apparet. 416.

54. Si rursus partium, luminosa & aspectata, bases se mutuo normaliter secent, sit autem pars illustrata hemisphaerio minor, quod de fulgido segmento conspiciatur, sector quidem est superficiei sphaericae, at unumquodque schema representat mixtum ab arcu circulari & arcu ellipseos intus curuato. 416.

55. Si denuò basis partis sphaericae illustratae basin portionis visa ad normam secet, sit autem hac illa maior, quod de splendido segmento cernitur, sector est sphaericae superficiei: at mixta figura apparet ex circulari ambitu, & ellipseos peripheria exterius curuata. 417.

CONSECTARIVM I.

Apparens luna splendor in quadrato aspectu semicirculo maior est. 418.

CONSECTARIVM II.

Fulgida luna portio, qua sub aspectum cadit, in quadrato situ, obingentem distantiam semicircularis apparet. 418.

56. In sphaera si bases partis illustratae, partisq; visa, se mutuo obliquè secent, portio luminis, qua sub aspectum cadit, mixta è circulo & ellipsi apparebit. 419.

DISPUTATIO.

Quo pacto luna à sole lumen accipiat, susceptumq; ad nos transmittat. 419.

DE VMBRIS.

57. Radius umbrosus, cum radio luminoso à quo procedit, in directum extenditur. 423.

Vmbra

58. *Vmbra finita partim opaco corpore, partim lumine circumfuso velut extrinseco termino definitur.* 423.
 59. *Idem corpus opaci tot de se umbras fundit, quot opponitur luminaribus.* 424.
 60. *Corpus opacum in aduersam luminis partem umbram projicit.* 424.
 61. *Corpus opacum quo plures radios luminosi intercipit, eò ampliorem umbram producit.* 425.

CONSECTARIUM.

Maius opacum corpus maiorem umbram progignit. 425.

62. *Vmbra iuxta ac lumen proprio quodam pacto intendi ac remitti potest.* 425.
 63. *Vmbra multiplicata obscurior est.* 426.
 64. *Vmbra secunda obscurior est quam prima, & tertia quam secunda, atque ita deinceps obscurior semper illa, quæ proximo gradu subsequitur.* 426.
 65. *Vmbra corpori opaco propinquior, obscurior est, & longè etiam quam re ipsa sit, obscurior apparet.* 427.
 66. *Puncti vmbra semper est linea infinita.* 428.
 67. *Si linea opaca lucenti corpori ita obiecta fuerit ut producta ipsum secet, erit vmbra eius linea interminata.* 428.
 68. *Si recta linea umbrosa producta corpus luminosum non secet, erit vmbra eius plana superficies.* 429.
 69. *Si opaca superficies producta corpus luminosum secet, erit vmbra eius plana superficies.* 430.
 70. *Si opaca superficies producta non secet luminosum corpus, erit vmbra eius quoddam solida figuræ genus.* 430.
 71. *Vti puncti vmbra semper est linea, ita corporis vmbra semper est corpus.* 431.
 72. *Si sphaera luminosa sphaera opacæ equalis fuerit, erit vmbra illius cylindrus interminatus.* 431.
 73. *Si sphaera luminosa maior fuerit opacâ, erit vmbra illius conus basin habens circum ex radiorum contactu descriptum, verticem autem in radiorum concursu.* 432.
 74. *Si sphaera luminosa minor fuerit opacâ, vmbra continuò aucta tum longitudine, tum latitudine in infinitum abibit.* 432.

CONSECTARIUM I.

Sol altiori celo est constitutus quam luna. 433.

CONSECTARIUM II.

Solis defectiones non semper æquales existunt. 433.

CONSECTARIUM III.

Luna à solari corpore longo magnitudi-

nis intervallo superatur. 434.

75. *Si maior fuerit luminosi quam opaci corporis altitudo, erunt extremitatum radij altitudinibus proportionales.* 434.
 76. *Si altitudo corporis opaci altitudini corporis luminosi æqualis fuerit, erit vmbra, quæ projicitur, interminata.* 434.
 77. *Quo altitudo corporis luminosi ad opaci corporis altitudinem minorem proportionem habuerit, eò maior vmbra producet.* 435.

CONSECTARIUM I.

Circa exortum atque occasum solis maiores sunt umbræ quam in meridie. 435.

CONSECTARIUM II.

Meridiana solis vmbra brumali tempore quàm æstivo nobis sunt prolixiores. 436.

CONSECTARIUM III.

Vmbra luxares solaribus sunt longiores, cum utrumque astrum in eadem fuerit altitudine supra Horizontem constitutum. 436.

78. *Si corpora aliquot opaca equalia fuerint secundum altitudinem, quod lucido corpori eminentiori propinquius est, breviorum umbram facit.* 436.

CONSECTARIUM I.

In equalibus altitudinibus corporum opacorum, distantia eam inter se proportionem habent, quam projectæ in planum umbrarum longitudines. 437.

CONSECTARIUM II.

Tota vmbra CDH, tota EFB est minor. 437.

79. *Si idem luminis radius è sublimi delapsus, per plarium inæqualium altitudinem vertices transeat, erunt umbræ altitudinibus proportionales.* 437.
 80. *Si luminosi radij, qui per summitates inæqualium altitudinum porriguntur, paralleli fuerint, erunt sic etiam umbræ altitudinibus proportionales.* 438.

CONSECTARIUM.

Ex vmbra nota altitudinis incognitam altitudinem inuestigare. 438.

81. *Moto seu luminoso, seu opaco, & vmbra pariter mouetur.* 438.
 82. *Lumen, vmbraque circum immotum opacum corpus oppositis mouentur latitudinibus.* 441.

CONSECTARIUM.

Luminosus umbrosusque radius pari motus velocitate cidentur. 441.

83. *Si Sol per ambitum circuli in sphaera maximi incedat, vmbra centri eundem percurrat circum.* 442.
 84. *Si Sol per sphaera circum non maximum*

incedat, due conica superficies ad centrum sphaera ceu ad communem verticem conuenient; vna luminosa ex radio circumacta, altera opaca ex ea umbra quam centrum profundit. 442.

DE LUMINIS TRAIECTV.

85. Radius luminis à puncto lucido per orbitulare foramen traiectus, coni figuram induit. 443.
86. Lumen à puncto per multilaterum foramen transfusum pyramis est. 443.
87. Lumen à puncto lucido per foramen transfusum vnius est intensiois, si in eadē distātia à prima origine assumatur. 443.
88. Lumen quod à corpore lucido per foramen in oppositum planum profunditur, in medio quàm in ambitu impensius nitet. 444.
89. Qui ab extremitatibus corporis lucidi, per oppositas extremitates foraminis radij prociidunt, inter foramen corpusq; lucidum se mutuò secant. 444.
90. Si pari interuallo à foramine distent, hinc corpus lucidum, illinc directè obuersum planum, erit lumen plano exceptum corpore luminoso maius. 445.
91. Luminis per foramen in oppositum directè planum transfusi perimetrus ambitu foraminis semper est maior. 445.
92. Perfectum lumen in obiectum planum per

idem foramen translapsum, ab equali corpore luminoso, equalis est; à maiore minus, & à minore, maius. 446.

93. Si planū foramini parallelum fuerit, erit lumē puncti luminosi quod plano excipitur, eiusdē cum foramine figura. 447.
94. Si planum obliquum fuerit, erit figura luminis à puncto emisi obliqua sectio coni vel pyramidis. 448.
95. Si foramen corpusq; luminosum diuerse fuerint figura, lumen plano exceptum foraminis simul ac corporis figuram imitabitur. 449.

CONSECTARIVM.

Sol per quadrilatera profluens, non rectis lineis figuram describit; sed circulum propius emulatur. 449.

96. Si foramen corpusq; luminosum figuram quidem eandem habuerint, at non eundem situm, erit luminis plano excepti figura mixta. 450.
97. Si foramen corpusq; luminosum figura dissideant, quò propius erit foramen luminari, planumq; remotius, eò perfectius transmissum lumen figuram lucidi corporis emulabitur. 450.
98. Formae per foramen transparentes, inuerse cernuntur. 451.
99. Formae quae post trans foramen apparent, interdum rebus ipsis aequales, aliàs vel maiores vel minores existunt. 451.

OPTICORVM LIBER VI.

DE

PROIECTIONIBVS.

LEMATA.

1. **S**I recta quaedam linea in rectas quocumq; parallelas lineas incidat, erunt omnes in vno eodemq; plano. 458.
2. Si à circuli peripheria ad diametrum perpendicularis ducatur, haec inter diametri segmenta mediam proportionem habebit. 458.
3. Si recta quaedam linea sit media proportionalis inter eius, cui secundum normam adiungitur, segmenta, adiuncte extremitas in circulum cadet, cuius diametrus illa est, ad quam applicatur. 458.
4. Cum recta linea è sublimi in planum obliquè incidit, propositum sit extremas illas lineas in plano inuenire, ad quarum alteram incidens linea ad rectos est angulos, ad alteram maximè obliqua. 459.

5. Si sint quocumque magnitudines, & aliae ipsis numero aequales, quae binae in maiore aut minore proportionem sumantur, & ex aequalitate in maiore aut minore proportionem erunt. 459.
6. Si duo semicirculi similiter secentur, à locis autem sectionum ad diametros perpendicularares ducantur: dico & diametrorum segmenta proportionalia esse: & contra, si haec proportionalia sint, ipsorum quoque semicirculorum segmenta esse proportionalia. 460.
7. Si duo circuli inaequales ex eodem centro descripti duabus rectis lineis parallelis secantur: dico arcum minoris circuli parallelis comprehensum ad totum sui circuli ambitum maiorem rationem habere, quàm habeat arcus maioris circuli ad totam sui circuli peripheriā. 461.

Si

8. Si duo circuli inaequales non ex eodem centro descripti, duabus rectis lineis secantur, cum inter se, tum ei quae centra circulorum connectit parallelis: dico minoris circuli interceptam portionem portione maioris circuli ad totum ambitum, maiorem rationem habere. 462.
9. Parallela recta linea quae aequales circuli peripherias intercipiunt, quod a centro sunt remotiores, eo minori intervallo ab invicem disiunguntur. 462.
10. Parallela recta linea aequali intervallo disposita, quod sunt a centro remotiores, eo maiores arcus de circuli peripheria intercipiunt. 463.
11. Data recta linea secta utcumque adiungere oporteat eiusmodi augmentum, ut tota ad adiunctam ita se habeat, quemadmodum primitiva linea maius segmentum ad minus. 464.
12. Si duae rectae lineae similiter secantur, erit ut quadratum prima ad quadratum secunda, ita rectangulum quod fit ex prima partibus, ad id quod ex secunda segmentis fit rectangulum, & contra. 464.
13. Si duo aequales circuli se mutuo per centra secant, eorumque peripheriae in similes partes diuidantur, quae unius partes partibus alterius connectunt recta linea, sunt inter se parallelae. 464.
14. In ellipsi ea recta linea, iuxta quam possumt, quae ordinatim ad diametrum adiunguntur, tertia est proportionalis, cui primo loco proportionalis est illa diametrum, ad quam recta ordinatim applicantur; secundo vero loco reliqua. 465.
15. Si in ellipsi sit, ut una diametrum AC ad alteram diametrum BD, ita haec ad quamdam AE ipsi AC perpendiculariorem, iuncta CE, ductaque FK, quae ipsam AC ordinatim secet in G: dico quadratum FG rectangulo AGK aequale esse. 467.
16. Iisdem repositis quae supra, dico rectangulum AGC ad rectangulum AGK, seu ad quadratum FG eandem rationem habere, quam diametrum AC ad AE. 467.
17. Si maxima diametrum ellipsis in quocumque partes secetur, a punctis autem sectionum rectae ordinatim educantur, erunt harum quadrata, ut a diametri segmentis rectangula, ea ratione, quae vocatur minoris ad maius. 467.
18. Si circum extremam diametrum ellipsis circulus describatur, rectae omnes lineae

quae a circuli peripheria ad diametrum rectis angulis protenduntur, a peripheria ellipsis secundum eandem rationem dissecantur. 468.

CONSECTARIVM I.

Si ut EI ad IG, ita sit FK ad KH, sitque K in ellipsi: dico & I in ellipsi incidere. 469.

CONSECTARIVM II.

Ut EG ad IG, vel FH ad KH, ita maxima diametrum AC ad minima BD. 469.

19. Si extremae diametri ellipsis in eandem rationem secantur, quae ab una diametro ad ellipsin perpendiculares excitantur, aequales sunt iis, quae a reciprocis punctis alterius diametri ad circuli peripheriam rectis angulis protenduntur. 469.
20. Si in ellipsi extremae diametri se mutuo bifariam & ad normam secant, & ab aliquo puncto circumferentiae ad minorem diametrum recta adiungatur dimidio maioris aequalis, haec a maiore diametro ita secabitur, ut segmentum puncto in circumferentia assumpto proximum dimidio minoris diametri sit aequale. 470.
21. Si in ellipsi extremae diametri se mutuo bifariam & ad normam secant, a quoquam autem puncto minima recta educatur dimidio minoris aequalis, de qua maxima diametrum portionem abscindat dimidio minoris aequalem: dico eius extremum punctum in ellipsin cadere. 471.
22. Circa extremas diametros datas ellipsin describere. 471.
23. Data maxima diametro, & alio quoquam puncto per quod ellipsis incedat, minimam diametrum reperire. 477.
24. Data minima diametro, & alio quouis puncto per quod ellipsis incedat, maximam diametrum inuenire. 478.
25. Datis quibuscumque diametrorum coniugationibus ellipsis circulo inscribenda, extremas diametros seu axes inuestigare. 479.
26. Data ellipsi, unaque eius diametro, alteram ei coniugatam assignare. 480.
27. Datum conum scalenum subcontrarie secare. 480.
28. Si coni scaleni basis circulus sit, & subcontraria sectio circulum exhibebit. 481.
29. Si conus scalenus, cuius basis circulus, alio secetur plano basi subcontrario: dico omnia triangula quae aguntur per axem ab his planis subcontrarie dissecari. 482.
30. Si subcontrariarum sectionum diametri a lateribus trianguli per axem aequales portiones abscindant, erunt ipse diametri

metri inter se aequales: aliàs quæ maiorem aufert portionē, ea erit maior. 482.

31. Fieri omnino nequit, ut in cono scaleno subcontrariarum sectionum diametri se mutuo bifariam secent; si autem una secetur bifariam, erit alterius maior portio ea, quæ minori angulo trianguli per axem adiacet. 483.
32. In cono scaleno, subcontrariarum sectionum quæ alteram bifariam secat, illa semper est maior. 483.
33. In sphaera si per aduersos polos duorum circularum equalium, alius quicumque circulus ducatur, abscindet is à primorum circularum peripheriis portiones aequales. 484.
34. Si per equalium circularum polos, qui ad eandem partem sunt, planum agatur utrumque circulum secans, assumet id à circularum peripheriis portiones aequales à communi circularum sectione inchoatas. 485.
35. Esto recta AS diametro circuli obliqui FG parallela: aio ductū per AS planū ASHI abscindere de circuli FDG peripheria portiones FI & GH aequales. 487.
36. Si duos sphaera circulos, eosq; maximos, alius quidam circulus non maximus contingat, erunt arcus à communi ipsorum sectione ad contactus pertinentes inter se aequales. 487.
37. Earum, quæ à puncto quodam ad rectam quamdam lineam ducuntur, breuissima omnium est perpendicularis: ceterarum autem remotiores à perpendiculari propinquioribus semper sunt maiores. 488.

CONSECTARIUM I.

E tribus quomodocumq; assumptis, ea quæ à perpendiculari remotissima est, ad eam quæ perpendiculari proxima, maiorem rationem habet quàm media ad eandem perpendiculari proximā. 488.

CONSECTARIUM II.

Si tres assumptæ AC, AD & AF aequales angulos contineant CAD & DAF; dico AF ad AD maiorem rationem habere quàm AD ad AC. 489.

CONSECTARIUM III.

E quatuor sumptis AB, AC, AD, AE, si extremae aequales angulos comprehendant; dico AE ad AD maiorem rationem habere quàm AC ad AB. 489.

CONSECTARIUM IV.

- Si ex iisdem quatuor AB, AC, AD, & AE, binæ alternæ angulos contineant BAD & CAE aequales; dico AE ad AC maiorem rationem habere quàm AD ad AB. 489.
38. Si demissa à vertice trianguli recta qua-

dam linea basin secet, sitq; maior proportio segmenti basis ad basis segmentum, quàm lateris ad latus: dico & angulum qui maiori basis segmento insistit, reliquo angulo maiorem esse. 490.

39. Inequalium circularum peripheriæ, quæ equalibus angulis subtenduntur, sunt inter se similes, siue ad centra, siue ad circumferentias anguli sint constituti. 490.
40. Si quæ duorum circularū centra coniungit recta linea, in eam rationem secetur, quam inter se habent circularum diametri: dico rectas omnes lineas, quæ per sectionis punctum ducuntur, similes portiones de circularum peripheriis rescare. 491.
41. Habeat AB ad AD eam rationem quam BC ad DE; sint verò BC & DE parallele: dico CE productam in A incidere. 492.
42. Data recta linea & portionem adiungere ea lege, ut tota ad aliam quampiam datam ita se habeat, quemadmodum hæc ad adiunctam. 492.

PRÆNOTATIONES.

1. Quid sit projectio. 493.
2. Tria ad projectionem necessaria. 493.
3. Quid inter rei apparentiam & projectionem intersit. 494.
4. Res & planum subinde ordinem permittant. 494.
5. In re & plano considerandus obuersionis situs. 494.
6. Obseruanda item plani atque oculi ad rem ipsam propinquitas distantia &c. 495.
7. Projectionum genera non ex ea figurarum diuersitate distinguenda sunt, quæ solam magnitudinem variat, sed ex ea quæ speciem essentiamq; mutat. 495.
8. Inter projectionum genera non censeri eam diuersitatem, quæ ex mutato rei situ oboritur. 496.
9. Plani accessus vel recessus speciem projectionis non immutat, sed solum auget vel minuit. 496.
10. Tria projectionum genera ex oculi transpositione. 497.
11. Triplex item projectionis genus ex ipsius plani conuersione. 498.
12. Quæ in projecturas veniunt, sunt vel puncta, vel lineæ, vel superficies. 498.
13. Linearum & circularum triplex aspectus. 498.
14. Sphaera in mobilem atque immobilem diuisio. 499.
15. Circuli sphaera primò mobilis. 499.
16. Circuli sphaera immobilis. 501.

AXIOMA.

Ibi est locus rei, ubi radius opticus per rem ductus planum attingit. 502.

DE ORTHOGRAPHICE
PRIMO PROIECTIONIS GENERE
EX INFINITA OCULI DISTANTIA.

PROPOSITIONES.

1. *In Orthographicis proiectionibus radios ducere conuenit parallelis.* 504.
2. *Punctum semper in unum aliquod subiecti plani punctum orthographicè profunditur.* 505.
3. *Recta linea perpendiculariter aspectata semper proicitur in punctum.* 505.
4. *Recta linea directè intuita in rectam proicitur lineam, eamq; maximam.* 506.
5. *Linea recta obliquè obuersa proicitur in rectam lineam, sed contractam.* 506.
6. *Exceptam plano lineam in partes representando secare.* 506.
7. *Seca utcumq; recta linea proiectura similiter secare prototypam.* 507.
8. *Plana superficies perpendiculariter aspectata proicitur in rectam lineam, cuius magnitudo tangentibus parallelis continetur.* 507.
9. *Superficies plana directè aut obliquè proposita in superficiem proicitur.* 507.
10. *Circulus perpendiculariter expositus, in rectam proicitur lineam, circuli diametro aequalem.* 508.
11. *Circulum perpendiculariter exhibitum in planum transcribere.* 508.
12. *Lineam à circulo proiectam in partes orthographicè secare, quæ circuli partes representent.* 509.
13. *Bina puncta dissecti circuli, quæ ab altero extremorum pari interuallo distant, in unum punctum linearis proiectura incidunt.* 509.
14. *Recta linea secata utcumq; circulum quem illa representat, in partes reciproce distribuere.* 510.
15. *Circulus directè aspectui obuersus in circulum proicitur.* 510.
16. *Circulus ex directo aspectu in planum orthographicè proiectus, primitiuo circulo est equalis.* 511.
17. *Circulum directè spectatum in planum transcribere.* 511.
18. *Circuli proiecti centrum idem & verum est, & apprensus.* 511.
19. *Cum circulus ex directo aspectu in circulum proicitur, utriusque partes quæ parallelis radiis continentur, sunt inter se aequales.* 512.

20. *Circulum ex directo aspectu proiecturæ in partes distribuere, quæ partes circuli primitiuo representent, & contra.* 512.
21. *Circulus obliquatus in formam ellipseos plano exceptus commutatur.* 512.
22. *Circulum ex obliquo aspectu in planum consignare.* 513.
23. *Circuli obliqui partes in ellipseos representando transcribere.* 514.
24. *Partes data ellipseos ad circulum primitiuum reuocare.* 515.
25. *Ellipseos perpendiculariter exposita semper quidè in rectam proicitur lineam, sed quæ maiorem diametrum non excedat, nec à minore vincatur.* 516.
26. *Ellipseos ex directo aspectu in ellipseos proicitur primitiuæ æqualem ac simile.* 516.
27. *Ellipseos uno quidem obliquo situ in circulum proicitur, alias in dissimilem ellipseos transmutatur.* 517.
28. *Proposita ellipseos eam situs obliquitatem inuenire, qua ut circulus in planum traducatur.* 519.
29. *Parallela recta linea, nisi in eandem incidant, in parallelas rectas lineas profunduntur.* 519.
30. *Parallela superficies perpendiculariter exposita in parallelas rectas lineas proiciuntur.* 519.
31. *Si visus secundum communem intersectionem plurium superficierum incedat, hæc in rectas lineas producentur, quæ sese in illo puncto secabunt, in quod communis omnium superficierum sectio incidit.* 520.
32. *Similes figuræ ex parallelis planis in similes incidunt proiecturarum formas.* 520.

ORTHOGRAPHICA
SPHÆRÆ DESCRIPTIO

Visu per Aequinoctia & Horizontis planum incedente.

33. *Meridianum in plano decircinare.* 522.
34. *Horizontem in plano delineare.* 522.
35. *Poli altitudinè in plano inuestigare.* 523.
36. *Vtrumque Colurum in planum conijcere.* 523.
37. *Aequatorem, Tropicos, & Polares designare.* 523.
38. *Eclipticam proprio loco annotare.* 524.

CONSECTARIUM.

Hinc Solis ascensiones descensionesq; cognoscere. 525.

39. *Eclipticam in duodecim signa & gradus partiri.* 526.
40. *Parallelos diurnos propriis sedibus orthographicè collocare.* 527.

CONSECTARIUM.

Latitudinem Solis ortiuam occiduamque expiscari. 527.

41. *Circulos altitudinum ducere.* 528.
 42. *Crepusculi terminum ponere.* 529.

CONSECTARIUM I.

Crepusculi magnitudinem in recta sphaera constitutione omni tēpore metiri. 529.

CONSECTARIUM II.

Magnitudinem crepusculi in sphaera obliqua determinare. 530.

CONSECTARIUM III.

Qua hora crepuscula incipiant & desinant, ex proiectura indagare. 531.

43. *Verticales circulos adscribere.* 532.

CONSECTARIUM.

Proposita stella locum proprium in plana sphaera assignare. 533.

44. *Horarios circulos describere, qui horas à Meridiano indicant.* 533.

CONSECTARIUM I.

Sciotericum horologium in quouis plano describere. 535.

CONSECTARIUM II.

Qua hora Sol oriatur & occidat, quouis anni tempore inuestigare. 537.

CONSECTARIUM III.

Diei noctisq; quantitatem omni anni tempore explorare. 538.

CONSECTARIUM IV.

Propositam sit definire, quot horas quavis stella supra infraq; Horizontem latatione primi mobilis immoretur. 539.

CONSECTARIUM V.

Ex altitudine Solis locog; eius in Signifero, horam pronuntiare. 539.

CONSECTARIUM VI.

Cognita hora locog; Solis in Zodiaco, altitudinem eius indagare. 540.

CONSECTARIUM VII.

Hora Solisq; altitudine cognita, locum ipsius in Zodiaco demonstrare. 540.

45. *Horarios illos circulos describere, qui horas à Finitore auspiciantur.* 541.

46. *Celestium domorum terminos definire.* 544.

47. *Circulus positionum constituere.* 545.

48. *Declinationum ac Latitudinum circulos orthographicè exhibere.* 545.

ORTHOGRAPHICA
 SPHÆRÆ PROIECTIO

Visu per utrumque mundi Polum procedente.

49. *Omnes sphaera circulos orthographicè in planum transcribere, visu per utrumque Polum mundi procedente.* 546.

ORTHOGRAPHICA
 SPHÆRÆ EXPLANATIO

Aspectu per verticem ac sphaeræ centrū translapso.

50. *Omnes sphaera circulos in planum ortho-*

graphicè consignare, visu per sphaera verticem centrumq; translapso. 550.

RELIQVORVM CORPORVM REGVLARIVM
 ORTHOGRAPHICÆ
 PROIECTIONES.

51. *Si visus in axem conici incidat, aut in lineam axi parallelam, spectatus conus circuli forma transferetur, cuius centrum erit ipsius conici vertex.* 552.

52. *Si visus in eodem sit plano, in quo & conici basis, spectatus conus in triangulum projicietur, ei quod per axem, simile & aequale.* 552.

53. *Si radius principalis planum conice basis secet, nec sit axi parallelus, conus ipse triangulari forma in plano describetur, cuius quidem duo crura recta erunt, basis autem dimidiata ellipsis.* 553.

54. *Proiecta cylindri forma, si radius axi parallelus sit, circularis est.* 553.

55. *Si radius axi normalis existat, erit cylindrus plano exceptus rectangulum, cuius duo latera axi, duo verò basis diametro aequalia erunt.* 553.

56. *Cum radius axem cylindri obliquè secat, proiecta figura quadrilatera est, cuius duo latera recta sunt & parallela linea, duo verò dimidiata ellipses.* 553.

57. *Cylindri & conici proiecturas in partes aequales secundum longitudinem representando secare.* 554.

58. *Pyramis tetraëdra ex facie directè spectata projicitur in triangulum aequilaterum.* 555.

59. *Si visus in duarum sedium commissuram directè incidat, pyramis tetraëdra in quadratum projicietur duobus triangulis demensum.* 555.

60. *Visu per angulum tetraëdrae pyramidis directè transeunte, ipsa in triangulum aequilaterum projicitur ex tribus aequalibus triangulis ad centrum constitutis compositum.* 556.

61. *Cubus ex directo lateris aspectu in quadratum projicitur.* 556.

62. *Cubus visu per oppositas superficierum commissuras directè procedente, in rectangulum projicitur, altera parte longius, ex duobus rectangulis inter se aequalibus, totique similibus compositum.* 556.

63. *Cubus, visu per oppositos angulos transmissio, projicitur in hexagonum è tribus aequalibus similibusq; rhombis conflatum.* 557.

64. *Octaëdrum, visu per opposita plana perpendi-*

pendiculariter transeunte, in hexagonum projicitur, cuius alterni anguli rectis coniunguntur, quæ triangulum æquilatrum efficiunt. 557.

65. Octaëdram per oppositas planorum commissuras spectatum in rhombum projicitur, cuius minor diametrus ad maiorem eam rationem habet, quam quadrati latus ad diametrum. 558.

66. Si per oppositos angulos visus incedat, octaëdram in quadrati formam projicitur, quod duabus dimetientibus seu decussis in quatuor triangula dispescitur. 558.

67. Dodecaëdram, visu per oppositas sedes directè translapso in Decagonum producitur, sex Pentagonis constans, è quibus id quod medio existit loco, æquiangulum & æquilatrum est. 558.

68. Si visus per opposita latera directè incedat, Dodecaëdri proiecta forma Sexagona erit, ex quatuor Pentagonis composita, neque æquilateris, neque æquiangulis. 559.

69. Visu per oppositos angulos Dodecaëdri trajecto, ipsum in Dodecagonum projicitur, cuius alterna latera equalia sunt. 559.

70. Icosaëdram ex superficie directè spectatū in Hexagonum projicitur decem triangulis distinctum, è quibus id, quod medium locum obtinet, æquilatrum est & æquiangulum. 560.

71. Ex directo oppositorum laterum aspectu Icosaëdru in Hexagonum projicitur ex octo triangulis compactum, quod neque æquilatrum est, neque æquiangulum. 560.

72. Icosaëdram per oppositos angulos spectatum, in Decagonum projicitur, inscriptum habens Pentagonum, in quo quinque triangula similia ad centrum conveniunt, totidemq; extra procurrunt & ipsa inter se similia. 361.

73. Aedificij frontem ex aduerso spectatam orthographicè in plano describere. 561.

VMBRARVM PROIECTIONES.

74. Si Sol Horarium quempiam circulum ex iis qui horas à Meridiano auspiciantur, attigerit, erit proiecta axis umbra recta linea, in eodem cum circulo existens plano. 563.

75. Sole in Horario quopiam existente ex iis qui ab Horizonte horarum initium ducunt, centri proiecta umbra punctum est, in eodem cum circulo existens plano. 563.

76. Cum Sol in diversis partibus eiusdem Ho-

rarij successivè existit, proiecta à centro umbrae in rectam lineam plani distendantur, quæ communis est plani atque Horarij intersectio. 564.

CONSECTARIUM.

Scioterica non necesse est in mundi centro collocari. 565.

77. In sciotericis Horolabiis gnomon qui longitudine horam signat, axem mundi, qui sola extremitate, centrum representat. 565.

78. Parallelorum gnomonum proiecta umbrae sunt inter se parallelae, nisi ambrae in eandem rectam lineam incidant. 566.

CONSECTARIUM.

Plurima scioterica uni corpori brevissimo tempore accuratissimeq; inscribere. 566.

79. In Astronomicis horis si axis mundi planum horologij secet, omnes umbrarum proiecturae in communi axis & plani sectione, quæ centrum horologij nuncupatur, conveniunt. 567.

80. Si horologij planum axi parallelum fuerit, erunt proiecta umbrae inter se parallelae. 568.

81. Sol per circuli maximi ambitum circumactus, umbram à centro in rectam plani lineam profundit. 568.

82. Si sol per circumulum Aequatori parallelum incedat, sitq; horologij planum eidem Aequatori parallelum, erit centri umbra ex solis motu in plano descripta circulus, centrum habens in axe mundi. 569.

83. Si Sol per circumulum Aequatori parallelum incedat, sitq; horologij planum circulo maximo, quo utramque basin conicarum superficierum contingit, parallelum, erit umbra à centro in planum proiecta sectio conici, quæ Parabola nuncupatur. 570.

84. Si Sol per circumulum Aequatori parallelum incedat, sitq; horologij planum circulo maximo qui utrumque conum secat parallelum, erit proiecta centri umbra Hyperbole. 570.

85. Si Sol per circumulum Aequatori parallelum incedat, sitq; horologij planum equidistans circulo maximo, qui neque basi bus conorum parallelus sit, neque eas tangat, neque secet, erit proiecta centri umbra Ellipsis. 571.

DE STEREOGRAPHICE ALTERO PROIECTIONIS GENERE EX OCULI CONTACTU.

86. Punctum omnifariam propositum stereographicè in punctum projicitur. 575.

87. Linea quæ producta per oculum transit, in punctum projicitur. 575.

Linea

88. Linea directè spectata in lineam proyicitur, cuius partes primitivæ lineæ partibus proportionè respondent. 575.
89. Linea obliquè exposita in lineam proyicitur, cuius partes primitivæ lineæ partibus non ex æquo respondent: sed quæ à propinquioribus oculo partibus obveniunt, eæ maiori analogia excrescunt. 576.
90. Lineam in planum proyicere, eiusq; proyecturam ita representando secare, ut primitiva lineæ secta proponitur: & contrà, proyecturæ partes ad primitivam lineam stereographicè reuocare. 577.
91. Circulus ex perpendiculari aspectu in retam proyicitur lineam ex utraque parte infinitam. 577.
92. Circulum ex perpendiculari aspectu in planum transcribere, eiusq; proyecturam in partes representando distribuere; & easdem vicissim ex proyectura ad primitivum circulum reuocare. 578.
93. Circuli perpendiculariter spectati æquales partes in inæquales partes rectæ lineæ proyiciuntur, è quibus illa semper maiores sunt quæ à propinquioribus oculo partibus obveniunt, binæ autem hinc inde à radio, qui per centrum ducitur, pari intervallo disjunctæ æquales. 580.
94. Circulus directè spectatus in circulum proyicitur, cuius idem est centrum verum & apparens; partesq; primitivi circuli partibus, quæ iisdem radiis continentur, proportionales. 581.
95. Circulum directè spectatum in planum profundere, eiusq; proyecturam in partes representando secare, & easdē vicissim ad primitivum circulum reuocare. 582.
96. Circulus ex obliquo aspectu in circulum transcribitur, cuius centrum non idem est verum & apparens. 582.
97. Circulum ex obliquo aspectu in planum transcribere. 583.
98. Verum obliquæ proyecturæ centrum reperire. 584.
99. Obliqui circuli polos in plano stereographicè designare. 586.

CONSECTARIUM I.

Obliquæ proyecturæ polus ab utroq; cetro, vero scilicet & apparente, distat. 586.

CONSECTARIUM II.

Quæ à communibus sectionibus directæ & obliquæ proyecturæ maximorum circulorum per polos obliquæ proyecturæ producuntur rectæ lineæ, eæ in extremitates diametri obliquæ proyecturæ terminantur. 587.

CONSECTARIUM III.

Si ab externo polo ducta recta lineæ dire-

ctam proyecturam circuli maximi contingat, ea producta in contactum obliquæ proyecturæ maximi circuli incidet. 587.

CONSECTARIUM IV.

Eductæ ab externo polo rectæ lineæ, de maximorum circulorum proyecturis similes peripherias rescindunt. 588.

100. Circulum maximum ex obliquo aspectu descriptum in partes stereographicè distribuere. 588.
101. Circulum non maximum ex obliquo situ proyectum in partes representando dissecare. 595.
102. In obliquis circulorum proyecturis præter eas medietates, quas vera diametrius dirimit, ceteræ omnes sunt inter se inæquales. 600.
103. In obliquis maximorum circulorum proyecturis, medietatum incrementa sunt decrementis proportionalia. 600.
104. In obliquis circulorum proyecturis apparentium diametrorum maxima quidem illa est, quæ per verum simul centrum incedit; minima verò quæ maxima est perpendicularis: at ceterarum illa maior, quæ centro vero propinquior; sola autē minima bifariam secatur. 601.
105. Partes obliquæ proyecturæ, quæ equalibus partibus primitivi circuli respondent, continua serie inæquales sunt: & quæ perpendiculari ab oculo in planum demissa propius adiacent, remotioribus sunt minores. 601.
106. Si obliqua circuli proyectura in partes representando distribuatur, erunt eæ quæ in maxima medietate sunt, partibus primitivi circuli maiores; eæ verò quæ in minima sunt medietate, minores. 603.
107. Partes circuli ex obliquo aspectu proyecti ad primitivum circulum reducere. 604.
108. Data obliqua proyectura, primitivi circuli obliquitatem situmque in sphaera designare. 605.
109. Data circuli non maximi directæ proyectura, locum eius in sphaera adinvenire. 607.

STEREOGRAPHICA

SPHÆRÆ DESCRIPTIO

Oculo in communi sectione Horizontis

& Æquatoris constituto.

110. Vtrumque Colurum plano stereographicè inscribere. 609.
111. Æquatorem, Tropicosq; & Polares circulos in planum conytere. 610.
112. Eclipticam designare, ipsamq; in signa & gradus distribuere. 611.
113. Parallelos circulos Æquatori Tropiciq; adinungere. 611.

Declin-

114. Declinationum ac latitudinum circulos stereographicè repræsentare. 612.
 115. Horizontem ad datam Poli altitudinem in plano exhibere. 612.

CONSECTARIUM.

- Latitudinem solis ortiuam occiduamq; inuestigare. 613.
 116. Circulos altitudinum describere. 613.
 117. Crepusculi limitem definire. 614.

CONSECTARIUM I.

Crepusculi magnitudinem in utraque sphaera, recta scilicet & obliqua, omni anni tempore dimetiri. 614.

CONSECTARIUM II.

- Qua hora crepuscula incipiant ac desinant, ex proiecturis inuestigare. 616.
 118. Verticales circulos in planum profunderere. 617.

CONSECTARIUM.

- Proprium stellæ locum in proiecta sphaera demonstrare. 618.
 119. Meridianum ceterosq; Horarios circulos, qui à meridie vel media nocte horas auspicantur, decircinare. 618.

CONSECTARIUM I.

Hinc quous in plano Horolabium describere. 618.

CONSECTARIUM II.

Horam ortus & occasus solis indagare, & diei noctisq; quantitatem metiri. 619.

CONSECTARIUM III.

Cognita solis altitudine, locoq; in Zodiaco, horam edicere. 620.

CONSECTARIUM IV.

Ex hora locoq; solis in Zodiaco altitudinem venari. 621.

CONSECTARIUM V.

Perspecta altitudine, horaq; locum solis in Signifero ostendere. 621.

120. Horarios illos circulos in planū projicere, qui ab Horizonte horarū seriē ducūt. 621.
 121. Celestium domorū terminos ponere. 623.
 122. Positionum circulos constituere. 623.

STEREOGRAPHICA

SPHÆRÆ TRANSFUSIO

Oculo in altero Polorum constituto.

123. Eos qui in sphaera mobili sunt circulos stereographicè explanare, oculo in antarctico Polo constituto. 624.
 124. Ex eadē oculi constitutione horarios circulos stereographicè in planum transcribere. 628.

STEREOGRAPHICA

SPHÆRÆ EXPLANATIO

Ex vario oculi situ.

125. Sphaera mobilis circulos, Horariosq; ex obliquo aspectu in plano designare. 630.
 126. Oculo in vertice constituto, Horizontem,

eiusq; parallelos, & verticales ac celestium domorum positionumq; circulos in planū stereographicè consignare. 633.

127. Visu in Horizontis & Meridiani communi intersectione collocato, celestium domorum & positionum circulos stereographicè in planum projicere. 634.
 128. Ex obliquo aspectu Horizontē, eiusq; parallelos, itē verticales, & celestium domorum ac positionū circulos projicere. 635.
 129. Omnes sphaera circulos in unum schema conscribere. 636.

DE SCENOGRAPHICÆ

TERTIO PROIECTIONIS GENERE

Ex iusto oculi interuallo.

130. Directæ omnes lineæ ad punctum tabulæ primarium contendunt. 643.
 131. Lineæ transversæ, & perpendiculares, & quæcumque demum directas ad normam secant, in parallelas tabulæ lineas transumptæ incidunt. 644.

CONSECTARIUM

Lineæ omnes libra perpendiculorū, expensæ, eundem situm proiectæ revinēt. 645.

132. Apparēitium in tabula parallelarum interualla secundum datum aspectum contrahere. 646.

CONSECTARIUM.

Vt datæ transversæ lineæ distantia à vidente, ad eiusdem à tabula distantiam, ita oculi altitudo ad transversæ sublimitatem in tabula apparentem. 646.

133. Fieri potest, ut non parallele rectæ lineæ in parallelas tabulæ lineas transcribātur. 647
 134. Locum oculo designare, unde non parallele datæ rectæ lineæ parallelis tabulæ lineis aspectu respondeant. 648.

135. Parallele omnes lineæ quæ directas obliquè secant, tabulæ exceptæ in unum aliquod idemq; punctum concurrunt. 648.

136. Quæ directas obliquè secant parallele lineæ in tabulam transcriptæ eo loci concurrunt, ubi radius opticus primitivus parallelis æquidistans tabulā inuadit. 650.

137. Cum proiectæ parallele lineæ in unum aliquod punctū cœunt, punctum concursus & oculus à plano in quo primitivæ parallele existunt, æquè distant. 651.

138. Parallele omnes lineæ quæ in uno plano ad varias partes ducuntur, si directas obliquè secant, in una etiam eademq; lineæ concursu loca nanciscuntur. 651.

139. Quæ obliquioribus angulis directas intersectant parallele lineæ, propius puncto primario in tabulam transumptæ congregiuntur. 652.

CONSECTARIUM I.

Dato oculo, punctum in tabula inuenire,

in quod proposita parallela secundum aspectum conueniunt. 652.

CONSECTARIUM II.

Si data recta linea producta tabulam secet, & à loco sectionis ad punctum concurrentium parallelarum recta ducatur; in hac necesse est datam rectam lineam apparere. 653.

140. Quaecumque in aduersis sunt planis, eadem proportione in tabula describuntur, quam in rebus ipsis habent. 653.

141. Obliqua parallela, quæ in plano horizontali existunt, ad puncta horozotalis lineæ in tabula designata contedunt. 655

142. Quaecumque in directis planis sunt obliqua parallela lineæ, proiecta in tabulam ad primariam perpendicularem porriguntur. 656.

143. Parallela obliqua lineæ, quæ è planis in latera inclinatis transcribuntur, ad eam lineam concurrunt, quæ in primario puncto Horizontis proiecturam obliquè secat. 656.

144. Linea obliqua parallela à planis in anteriorem vel posteriorem partem inclinatis, ad lineam horizontali lineæ parallelam destinantur. 657.

145. A planis declinantibus transumpta in tabulam obliqua parallela ad puncta lineæ, quæ primaria perpendiculi equidistet, congregiuntur. 657.

146. Si linea quæpiam horizontalem lineam extra punctum primarium obliquè secet, ad eam parallela plani inclinantis simul & declinantis conuenient. 657.

147. Si perpendicularis primaria extra primarium punctum linea quæpiam obliquè secetur, hæc puncta omnia concurrentium in tabula parallelarum plani in utramque partem inclinati excipiet. 658

148. Fieri potest ut oculo transmutato eadem equidistantes lineæ iisdem tabula proiecturis secundum aspectum respondeant. 658.

149. Datas quascumque directas lineas in tabulam traducere. 660.

150. Transuersas, ac perpendiculares, easquæ omnes quæ in directas normaliter incidunt, in tabulam consignare. 660.

151. Datam obliquam lineam, quæ tabula parallela non sit, scenographicè transcribere. 662.

152. Datam rectilineam figuram dato oculo in tabula representare. 663.

153. Apparens in tabula signum dato oculo ad primitiuum signum reuocare. 667.

154. Si datum sit in tabula punctum apparens, eiusquæ in plano prototypum, ex oculi distantia altitudinè, & contrà ex distantia ipsius sublimitatem explorare. 668.

155. Dato oculo, in scripta quæ tabula recta linea, aliam ei rectam lineam adiungere, quæ angulum cum ea efficiat dato angulo representatione equalem. 668.

156. Datum circulum in obiecta tabula scenographicè representare. 669.

157. Data oculi distantia, altitudinè ipsius definire, è qua datus in plano circulus in circulum scenographicè projectur. 670.

158. Data oculi altitudine distantiam inuenire, unde datus in plano circulus circuli instar in tabula appareat. 671.

159. Datum Prisma octogonas habens bases secundum datam oculi constitutionem scenographicè in tabulam transcribere. 672.

DE VMBRARVM

SCENOGRAPHICIS PROIECTVRIS.

160. Figura plana in subiectum parallelum planum similem sibi umbram profundit. 674.

161. Possibile est à figura non æquilatera in planum non parallelum umbram projecti æquilateram. 674.

162. Circuli umbra plano obliquo excepta est vel Circulus, vel Ellipsis, vel Parabola, vel Hyperbole. 675.

163. Dato lumine, umbram pyramidis, cuius basis in subiecto sit plano, inuestigare. 675

164. Dato lumine, profusam à cono recto umbram in subiecto plano definire. 676.

165. Dato lumine, recti Prismatis umbram in subiecto plano inuenire. 676.

166. Dato lumine, dato quæ cylindro recto, cuius basis in subiecto sit plano, eum plani locum, in quam umbra cylindri incidit, determinare. 677.

167. Dato lumine, umbram obliqui conici reperire, cuius basis in subiecto sit plano. 677.

168. Lumine dato, profusam ab obliquo cylindro umbram in subiecto plano designare. 678.

169. Dato lumine, corporis in sublimi pendentes umbram in plano describere. 679.

170. Sphære umbram, dato lumine, in planum consignare. 679.

171. Dato lumine, dato quæ cylindro recto, umbram à basis ambitu profusam, caue cylindri superficiem inscribere. 680.

172. Dato lumine, profusam ab hemisphærii ambitu umbram in caua ipsius superficie adnotare. 681.

DE SCENIS.

682.

FRANCISCI AGVILONII

E SOCIETATE IESV


OPTICORVM

LIBER PRIMVS

DE

ORGANO, OBIECTO, NATVRAQ.

VISVS.



ARGVMENTVM.



VISVS contemplatio tametsi ad naturalis philosophi institutum propriè spectet, cuius est de animæ instrumentis, ac facultatibus, functionibusque ex naturæ principis disputare; tamen quia per multa in hac Optices scientia occurrunt, quorum causa vel ab organo, vel ab obiecto, vel à natura visus peti debet, non alienum à proposita materia fore existimavi, de his primum hunc librum inscribere: medicorum exemplo, qui dum morbos partium enumerare instituunt, prius partes ipsas corporis describunt, sine quarum prænotione morborum definitiones, principia, causæ atque symptomata solidè cognosci nequeunt. Igitur singula eodem

quo antè proposita sunt ordine, diuina aspirante gratia prosequemur; sumendo initium ab organo: cuius primò quidem partes, deinde singularum usum functionemque exponemus, ea plurimum utentes demonstrandi ratione, quæ vel ab intima naturæ proprietate, vel ab experientia, vel à sectionis administratione desumitur; quorum auctoritas, si quis rectè aestimet, in re præsentì præcipuum momentum habet. Proprietas enim, cuiusque rei naturam per se ostendit. Dissectio verò, tum ea quæ oculis insunt, manifestat, tum in actionis facultatisque notitiam deducit. Experientia denique prima rerum magistra scientiam in hominibus efficit, Philosopho teste lib. 1. *Metaph. c. 1. imperitia verò, ut rectè Polus, casum. Quare verissimè dixit Plinius lib. 17. c. 3. optimè experimentis credi. Est enim experientia quiddam scientiæ simile, ad plurimarum rerum exactam cognitionem apprimè necessaria. Nam vt Aristot. scribit lib. 10. Ethicor. c. 9. qui rempublicam gerunt experientia potius quàm mente id faciunt, & medici non ex libris sed ab experientia fiunt. Itaque quod & gratius & utilius fore putauimus, hispidas illas demonstrationum formas, quæ singulariis fiunt litteris, pluribus in locis consulto prætermisimus, ab ipsius potius naturæ intimo recessu propriisque principiis, quàm ex alieno penu veritates eliciendas esse rati, ut unà cum effectu etiam causa perspecta habeatur.*

DE ORGANO VISVS.

PROPOSITIO I. THEOREMA.

Septem tunica oculum constituent, humores tres intus complexæ.



C V L I, pars corporis pretiosissima, tamquam speculatores altissimum locum obtinent; vnde eminus, quæcumque nocitura aut profutura sunt, prospiciunt. Tunicis septenis ac ternis humoribus constant. Musculis porrò exceptis, vti & pericranio, pinguedine, glandulis, palpebris, tarsis, ciliis, ac superciliis, quas rectè externas oculi partes appellaueris.

Prima tunica (*Adnatam* vocant) maiorem oculi partem contegit, atque ex pericranio originem ducit. Altera *Cornea* huic proximè adhærescit, in anteriore oculi parte conspicua, & vitri more pellucida. Hæc à *Sclerode*, quæ adnatæ subest, vtraque verò à dura meninge proficiscitur, qua etiam durior est, vniuersumque oculum vndique cingit.

Sub cornea tunica primus humor *Aqueus* concluditur, qui & *Albugineus*. Hic quarta tunica *Vnea* subtus coërcetur; sic vt in anteriore parte, vbi in planitiem subsidit, pertusa sit exiguo foramine, quod *Pupilla* nuncupatur, per quod rerum spectra intromittuntur. Nascitur autem hæc tunica à *Choroide*, & vtraque à tenui meninge, corneâ multò subtilior, intus omnino nigra, exterius sæpè subuiridis, quandoque glauca, interdum cæsia. Pupillæ, facultas Sphincteris inest; qua dilatari possit atque constringi, non pro arbitratu, sed cum necessitas impellit. In tenebris longè maximè dilatatur, vt rerum visibilium formas vberius admittat, coarctatur verò ad intensum lumen, ne eius affluentia lædatur.

Choroidem intus *Retina* tunica maiore parte succingit, à cerebro profecta, eaq; subtilissima. *Retina Araneam* tunicam progignit omnium tenuissimam, quæ Choroïdis cauum intersepit, *Crystallinumq; humorem* circumcercà complectitur. Hanc inter & vneam breui spatio albugineus humor continetur, cum illo, quem inter vneam & corneam esse diximus, communis, ita vt distinctis sedibus vnus idemq; humor discretus solo pupillæ hiatus sibi cohæreat.


Subtus

A Subtus, quod reliquum est spatium *vitreo* humore completur, cui *crystallinus* seu *glacialis* humor stabilis constansque innatat, non vt quidam voluere *sphærulæ* instar propria mole consistens; sed *tunica*, quam *araneam* diximus, arctissime coërcitus. Positus autem est is non in vitrei medio, sed parte eius priore *pupillæ* obiectus, membrana illa, quæ velut *diaphragma vitreum* humorem ab *albugineo* discriminat, complexus.

Est porro *glacialis* humor non perfecte *sphæricus*, sed parte anteriore aliquantò compressior ad instar *lentis*. Alitur per *venas* à *cerebro* cum *aranea tunica* deriuatas.

Hæc quæ de oculorum structura breuiter dicta sunt, vt illustriora euadant, hac tabella explicatiùs spectanda proponimus. In qua ea quæ primo loco ponitur figura,

B



C

secundionem oculi exhibet, quæ per *pupillæ*, *glacialis*que humoris, ac *nerui optici* centra transit, vniuersasque oculi partes vno aspectu repræsentat. A quidem *glaciale* humorem, B *araneam* membranam, quam *retinæ sobolem* esse diximus, *glaciali* humori obductam, C *neruum opticum*, D *retinam tunicam*, ex *neruo optico* progenitam, E *vitreum humorem*, F *tenuis meningis* portionem, G *choroidem tunicam*, quam *tenuis cerebri membrana*, seu *pia mater* gignit, H *duræ meningis* portionem, vnde I *sclerodes* & *cornea tunica* originem habent, K *humorem aqueum*, L *pupillam*, qua *vnea* pertunditur, P *musculos oculum mouentes*, Q *pinguedinem*, qua *musculorum caua* opplentur.

D

Secunda figura *glacialis humoris* formam continet, qua is ab anteriori oculi parte conspicitur, detractis tunicis, quibus obtegitur.

Tertia figura, eundem *crystallinum humorem* à latere visendum proponit.

Quarta *externam choroidis tunica* superficiem demonstrat, vt ex latere cernitur; è cuius ima parte *nerui optici* portiuncula eminet littera M signata, N *pupilla* est, O *venarum arteriarumque præsemina*, à *dura oculi tunica* in *vueam* pertinentium, R *crystallini humoris* sedes est.

E Quinta figura *corneæ tunica* lateralem faciem exprimit, *venis arteriisque* perfusam.

Sexta totius oculi formam à latere conspicuam præbet, cum *adnata tunica*, ac *musculis oculum cientibus*, quos *interiecta pinguedo* fulcit, vti *suprà* est commemoratum.

Hactenus succinctam habes enumerationem partium, è quibus totius oculi fabrica consurgit: nunc singulæ paulò accuratiùs sunt enucleanda. Nulla enim superuacanea, nullaque ad perfectam visionem non necessaria censeri debet.

F

Tunicarum numerus.

Atque in primis de numero *tunicarum* non vna est omnium sententia. Nam alij septem, quidam sex, nonnulli quinque, alij quatuor, sunt qui tres, & qui duas ponant. Septem hæc numerantur, *adnata*, *cornea*, *vnea*, *aranea*, *sclerodes*, *choroides*, *retina*. Qui pauciores censent, ex his alij alias prætermittunt. Sed re salua atque integra solis certant nominibus. Nam aliqui *adnatam* inter *externas oculi partes* connumerant, & sex dumtaxat reliquas proprie *oculo* tribui volunt. Rursus *cornea* & *sclerodes* vt verè vna est *continuataque substantia*, ita vno tantùm *corneæ nomine* à multis nuncupatur: sic & *vnea* cum *choroide*, & *aranea* cum *retina* *continuatione substantiæ vnitatem* obtinent; tamen quia *officiis, figurâ, ac situ* discrepant, vt & *cornea* à *sclerode*, vsus loquendi,

atque intelligentiæ ratio diuersam in iis nomenclaturam postulat, ne sub vno nomine A
vna pro altera accipiatur.

Neque verò ex solùm partes, quæcumque sibi quantitate cohærent, vno nomine designantur: sed ex omnes, quas vel ob peculiarem in corpore situm, vel ob insignem figuram, vel ob proprium munus functionemq; sæpè vsuuenit nominare; ne sub vno nomine, nunc vna nunc alia pars intelligatur, totaq; doctrinæ ratio pessum eat. Et sanè si quantitatis vnitas vnum nomen obtineat, nec aranea, nec retina, nec neruus opticus, sed cerebrum solùm nominari oporteret: siquidem hæc omnia vna quantitas copulat. Rursus neque ragoides, neque choroides, sed pia tantùm mater: imò verò nec caput, nec venter, nec manus, nec pes; sed omnia vnico corporis humani nomine appellarentur, cum vna sit totius corporis quantitas, quæ partes omnes sibi inuicem sociat. Quod quàm sit à ratione alienum, nemo non videt. Sunt ergo vel à situ, vel à figura, vel ab officiis potissimùm indita nomina: ob quas etiam causas consentaneum iudicamus partes illas distinctis nominibus appellari, ne dum sæpius nominantur, identitas nominis confusionem inducat. Quare septem numero tunicas, quæ tribus humoribus coërcendis opitulantur, vt situ, figurâ, atque officiis, ita propriis nominibus distinctas admittimus, quas modò singulas lubet accuratiùs discutere, ne quidquam, quod ad rem propositam faciat, quòdque iure desiderari possit, prætermissum esse videatur. B

Adnata tunica.

EXtima oculi tunica, quæ supra scleroticam consistit, & aspectui cum cornea sese offert, à pericranio porrigitur, totumq; exterius oculum ad corneam vsque inuestit, quò loco in eam inferitur, atque ei in orbem adnectitur. Hæc alligat firmatque oculum, tum ossibus, tum palpebris, tum ceteris tunicis, vt & in sua cavitate contineatur, & liberè moueri possit. Exteriùs, quæ spectabilis est, insignem habet albedinem, quæ ad corneæ ambitum terminatur: posteriori verò parte musculis, glandulis, pinguedineque obuoluitur, vt oculi benigno humore irrigati motui promptiores reddantur. Variis nominibus appellatur, Adnata, Alba, Adhærens, Coniunctiua, *ἑπιπεφυκῆς*, quæ vna vox multis Latinis respondet. C

Cornea & Sclerotica.

K*ερατοειδής*, id est cornea, seu cornicularis, aut corniformis tunica, eam dumtaxat significat, quæ ab alba circumscribitur, dura, lenta, densa, diaphana, tenuis, perpolita, ac tensa, cornu laternarum attenuato perfimilis. D

Dura est, vt incurstantibus corpusculis obsistat.

Lenta, ne leui ictu in partes dissiliat.

Densa, ne per eam humor aqueus exsudet.

Diaphana, vt lumini rerumq; formis peruia sit.

Tenuis, ne exigua eius opacitas luminis partem excludat.

Perpolita ac tersa, ne asperitas transparentiam impediatur.

Tensa, ne corrugata asperitatem induat, sicq; eminentiis pariter & cavitatibus exasperata diaphani naturam deperdat. E

Hæc eadem adnatæ in circuitu modicè iacumbit, forma in primis circulari, tum in medio oculi nonnihil protuberans. Vnde ea maxima consequitur utilitas, quòd pluri mi vndique radij ad pupillam perueniant, ac latius visus pateat.

Corneæ ea continuatur tunica, quæ reliquum oculum inuestit, à dura cerebri membrana profecta. Ab insigni duritie, quam ei confert pia mater, appositè *Σκληρωδής* & *Σκληρωπηή* nuncupatur. Hæc etsi à nonnullis candida dicatur, quòd nonnihil candoris habeat, nec ita, yti cornea, transparentis sit; tamen longè diuersa est, ab illa Alba, quæ corneæ continuari videtur. Nam alba à perioestio, & à tendinibus muscutorum oculos mouentium enascitur, cui ista succumbit, subijciturque dura siue sclerotica nuncupata, quæ corneæ continuatur, atque cum ea vniuersum oculum cingit. F

Vsus eius præcipuus isque maximus est, totum oculum, omnesque intus humores, atque imbecilliores tunicas stipare, ne fluxæ, figuram situmve mutant. Insuper propagines venarum arteriarumque suscipit, quas postea choroidi communicat, vt illarum ope in omnes partes alimentum distribuatur.

A

Vuea & Choroides.

PΑροφθής quasi vuea dicitur ea tunica, quæ acino vueæ detracto pedunculo per similis est: cuius hiatus, qui pupilla nuncupatur, in hominibus quidem semper exactè rotundus est; in plurimis verò animantibus, vt felibus & equis, oblongus, & velut incisio quædam à summo deorsum inflicta, quamuis piscibus nonnullis eius longitudo in latera protendatur. A choroide vuea proficiscitur, atque inter corneam & crystalloidem sita albugineum humorem interfecat, sic vt neque corneam neque crystalloidem attingat.

B Χοροειδής, siue implexa tunica, reliquam partem indicat, quam vuea à tenui meninge communem accepit. Vtraque plurimas venarum immisiones suscipit: diceres eas velut in alimenti emporium missas esse. In vtraque etiam maximè conspicua est impensa nigredo, præsertim ex interna facie, quæ crySTALLINUM respicit. Estque in primis hic color ad splendorem colligendum utilis, & vt lux debilis in crystalloide magis conspicua sit; nam lux in obscuro loco magis apparet. Galenus lib. 10. de part. vsu, colorem hunc medicamentosum oculo esse ait; vbi scilicet à vehementi luce præuè affectus, ad fuscum hunc spectandum clausis palpebris se conuertit, recreatur, reficitur, atque à molesto occurfu egregiè releuatur. Et Cælius Rhodiginus antiquarum lectionum l. 3. c. 28. perituram omnino fuisse rationem videndi arbitratur, ni artificis sapientia post id quod mirè pellucet, nigricans quidpiam appinxisset.

C Quemadmodum vuea cum choroide intus, quæ crySTALLINUM spectat, nigra est, ita exterius, quæ corneam respicit, diuersicolor apparet. Nam modò atrum, modò fuluum, modò glaucum, modò cæsiuum, modò alium colorem refert. Vnde is locus, qui spatio illo comprehenditur, quod inter pupillam & album oculi interiacet, *Iris* appellatur. Est enim, inquit Galen. lib. 10. de vsu part. *adeò Iridi similis, vt ne si velis quidem hunc locum aliter quàm Iridem appellare queas*. Hanc colorum diuersitatem, et si Aristotelis l. 1. histor. animal. c. 10. hominis propriam esse affirmet; tamen in ceteris quoque animantibus eam reperire est. Nam equi nonnulli & canes cæsius oculos habent, quibus tamen plurimum sunt nigri. Non est autem in his ea, quæ in hominibus spectatur, varietas.

D Infantibus, mirum est oculi Iridem pupulamque ea magnitudine adesse, qua adultis, quod & plerisque animantibus vsu venire comperimus. An eam ob causam quòd visus eis ab initio perfectus sit, ideoque & organum absolutum esse oporteat? Sanè licet reliqua pars oculi iusta portione minor sit, hæc tamen quæ potissimum visioni conducit iustam magnitudinem est adepta. vnde eam videmus totum pænè palpebrarum hiatus occupare. Sunt etiam puerorum oculi statim à partu cæsiusculi; pòst verò mutantur in eam naturam, quæ futura est: cuius rei causa est humiditas & partium teneritudo; quamobrem & cæsiaries ipsis primò subalbida, postea flauescit, ac temporis decursu in atrum transit.

Aranea & Retina.

E Aranea à retina producitur, totumque crySTALLINUM humorem in circuitu inuestit: non verò, vt Galenus, anteriorem tantum eius partem. Leuissima, tenuissima, densissimaque est, atque egregiè pellucida, telæ aranearum simillima. Vnde ἀρανοειδής nuncupatur. Hæc ita arctè crySTALLINO adhæret, vt rectè eam crySTALLINI superficiem vocaueris, Ruffo auctore: qui eam, ex quorundam sententia, nec tunicam quidem, sed membranofam quamdam congelationem esse dixit. Tunica tamen est reuerà crySTALLINIQUE operimentum atque amiculum, quod vndeque ad vueam vsque expanditur, ac velut interseptum aqueum humorem à vitreo determinat.

F Non differt ab hac, quam nonnulli Ciliarem vocant. Nam hæc ipsa quasdam productiones suscipit ciliorum pilis similes, ita dispositas, vt omnes in vnum velut centrum dirigantur.

Posterior eius pars, quæ vitreum humorem complectitur, Retina dicitur, non quòd in retis modum contexta sit, cum sit densa ac solida, sed quòd hemisphæricæ peripheriæ figuram referat, quale est quoddam retis genus, quod ex ligneo circulo, cui circum circa assuitur, dependet, perticæque affixum, piscibus captandis in aquam mittitur.

CrySTALLINUS humor.

A Transparentia cum quadam albedine, κρυσταλλοειδής, à condensatione verò, glacialis nuncupatur. Nam suapte mole consistit, aquam cōgelari cœptam representans. Hæc præstantissima esse videtur oculi pars, & cuius gratia factæ sunt ceteræ, ita vt sin-

gulæ earum aliquam seorsum functionem eius causa nactæ sint, vel vt contineant, vel vt foueant, vel vt nutriant, vel vt tueantur, vel vt vires roburque subministrant; vt ex iis, quæ de singulis diximus, liquidò constat.

CrySTALLINI substantia ceteris densior est crassiorque, ac minùs diaphana, præsertim in parte posteriore. Ea sanè de causa, vt lux in ipso commoriatur, ne longius progressa, vitreumque præteruecta, ad retinam redeat, ab eaque ad crystallinum resiliens noua affectione visum perturbet.

Aqueus ac vitreus humor.

CrySTALLINUM humorè aqueus vitreusque; velut molle stratum vtrimque sustinet. Ille B
impensè diaphanus, atque albumini oui simillimus, vnde & albugineus dicitur; hic verò crassior minusque diaphanus, ceu vitrum fufum, vnde nomen *υαλοειδης* accepit.

Per albugineum rerum formæ cum lumine infractæ ad pupillæ cauum perueniunt, indeque ad centrum crystalloïdis porriguntur. Vitreum autem post crystalloïdem natura collocavit, vt si quid luminis crystallinum prætergressum fuerit in eo hebetetur, ne, vt iam antè dictum est, ab opaco coloratoque; retinæ corpore fœdatum ad crystallinum reflectatur. Ad quod crystallini quoque postica conuexitas, & vitrei amplitudo non mediocriter conducit. Illa enim luminis radios propiùs finiri cogit: hæc verò transmissos absorbet. Cùm ergo eam luminis repercussionem visioni penitus repugnantem natura prospiceret, ita humores forma, magnitudine, diaphanique; proportione temperauit, vt C
lumen oculum subiens in vitreo humore omnino depereat, ne vltra, quàm fas est, progredi concedatur.

PROPOSITIO II. THEOREMA.

Oculi à cerebro originem ducunt.



B anteriore cerebri parte bini hinc inde nerui procedunt, duplici mem-
brana contacti: Optici dicuntur, quòd eam dignoscendi facultatem de- D
ferant, cuius gratia oculi sunt instituti. Hos nonnulli circa medium frontis locum in vnum neruum opticum coire arbitrati sunt, & in progressu iterum in duos discedere mutato priore situ, sic vt sese decussatim intersecent, & dexter modò sinister sit, & sinister dexter. Sed non ita se res habet: nam ita dumtaxat coniunguntur, vt sese mutuo contingant, latiores tamen in contactu effecti; vnde rursus discedentes, dexter dextrum, sinister sinistrum oculum adit.

In hunc ergo modum, nerui optici à cerebro, velut à communi principio sentiendi facultatem trahentes, in diuersas partes distracti, recta in caua ossium, quibus oculi continentur, traiciuntur; vbi expansi, atque ampliorem molem ab insertis humoribus adepti, varias tunicas constituunt, porriguntque: sic vt oculos neruorum opticorum apo- E
phyfes rectè possis appellare. Atque in primis intima pars, per quam sentiendi vis spiritusque; profiliunt, à cerebri substantia profecta in retinam atque araneam tunicam definit: proxima verò interiorque membrana, quam suggerit pia mater, in choroidem & vueam commutatur: extima autem à dura meninge deriuata, tandè finitur in corneam.

Itaque externis dumtaxat oculi partibus exceptis, internæ omnes, quæ ex proprio munere huic functioni deseruiunt, à cerebro eiusque membranis proficiuntur; quod præter dissectionis experimentum, etiam ratio ipsa luculenter confirmat. Cùm enim cerebrum sit rationis sedes; ratio autem sensus adminiculo indigeat, ex philosophi sententia; fit vt cerebro vim quoque sentiendi inesse existimemus. At cùm neque obiecta F
ad cerebrum, multoque; minùs cerebrum ad obiecta moueri possit, natura sapientissimè neruorum propagines instituit, sentiendi vi præditas, quibus velut brachiis animus externa sensibilia, quæ ad exteriora organa foris appellant, apprehenderet, atque acceptam ab eis notionem intrò assumeret, inque; cerebrum conlignaret.

Duos porrò ad hanc functionem oculos natura cõcessit, triplici potissimum de causa. Prima, vt vno defuncto superstes alter tam necessario munere pertungatur. Secunda, vt visio à duobus perspicacior eliciatur. Tertia, vt rerum distantias coniuncti percipiant, quas vnus solus non dignoscit. Accedit faciei ornatus, quem etiam naturæ architectum in tam eximia fabrica prospexisse credendum est.

PROPOSITIO III. THEOREMA.

Oculum septem motibus totidem agitant muscoli.

B VI oculum mouent, septem omnino muscoli numerantur, quatuor recti, qui sursum, deorsum, dextrorsum, sinistrorsum mouent; duo oblique positi illum circumagunt; septimus opticus obtutum defigit. Omnes ab exiguo, sed carnosio principio originem trahunt, plurima obducti pinguedine, glandulisque suffulti. Muscoli recti admodum lati sunt, & velut quaedam oculi inuolucra, suntque iidem circa oculum latiores, versus principium vero exiliores, ut simul omnes suo principio iuncti pyramidem turbinatamque figuram referre videantur. Musculus item superior inferiore maior est, quia validiore motu opus est ad attollendum, quam ad deprimendum, cum grauia quaeque, nisi contineantur, sponte decidant.

Eam actionem, qua obtutus defigitur, nonnulli à rectis musculis simul omnibus agentibus fieri volunt, ut alio musculo opus non sit, qui oculum defixum teneat. ita circulare motionem, ab iisdem musculis vicissim laxatis ac tensis, quidam perfici asserunt. At cum praeter quatuor rectos, tres insuper alij reperiuntur, quibus iam dictae actiones conueniant, necessum est has illis functiones tribuere, ne in superfluis abundasse naturam temerè affirmemus. Praeterea hos musculos, dum aliorum actionem iuuant, vel suscipiunt, vtilissimos esse concedendum est, ut à continuo labore fessi, alterna requie perfruantur.

C Antrorsum retrorsumque moueri oculus nequit: sed eius defectum supplet motus animalis progressiuus. Cum enim momento temporis obiecta ad visum perueniant, non est cur visus ad obiecta ferri debeat; quare motus antrorsum inutilis visui censerit debet: si verò obiecta aliqua longius distita sint, quam ut ad visum peruenire possint, satius est ut eò corpus progrediatur, cum oculos tanto spatio extra corpus efferri sit impossibile. estque omnino æquitati consonum, ut quemadmodum oculus in multis corpori, ita vicissim corpus in paucis oculo inseruiat.

D Quamobrem oculos in anteriore capitis parte rectè à natura constitutos fuisse ait Simon Portius lib. de coloribus oculorum cap. 2. eam ob causam, quòd motus progressiuus animalis in anteriorem partem fiat: *Eò enim, inquit, oculi spectare debuerunt, quòd motus agitur. & Sapiens monet Prouerb. 4. Oculi tui recta videant, & palpebrae tuae praecedant gressus tuos.* Quam ob causam hominum oculi minimo quoque distant intervallo proportionem magnitudinis, & ceterorum animalium respectu. Quae verò in posteriorem partem deflectunt, limis oculis cernuntur; quorum defectus à motu capitis ac totius corporis, qui in gyrum fit, suppletur.

E Sunt animantia nonnulla, quibus emissitios oculos natura concessit, quos ad arbitrium exerunt, & ad obiecta exporrectos tenent: impendente verò mali periculo, in quasdam cauitates eos, velut in domos, recipiunt, vbi ab iniuriis tuti conualescunt. Sic & limacibus oculos in extremitate cornuum datos aliqui arbitrantur, non sine probabili coniectura: habent enim in summitate productiones quasdam in sphaerae modum diductas, atque in eis velut quasdam oculorum efformationes: aut certè illis à natura caecis cornua pro baculis sunt. vnde Plinius lib. 11. natural. hist. cap. 37. ita scribit: *Cochleis oculorum vicem cornicula bina praetentatu implent?* Nam & in singulis manuum digitis depicti oculi caecitatis sunt hieroglyphicum, teste Pierio lib. 33. propterea quòd caeci tentabundi manibus oculorum vice vtantur. Sed motus ille cum breui spatio definiatur, eam tantum modò ob causam institutus videtur, quòd hisce animalibus adeò breuis sit obtutus, ut nihil videant, nisi quòd oculos pænè contingat.

F Exemptitios porrò oculos si quis desideret, ad lunarem regionem proficiscatur, vbi se vidisse homines Lucianus commentatur, qui cum velint exemptos oculos apud se seruent, donec illis ad visum egeant, eosque cum reposuerint, videant. Imò & locupletes esse quosdam, qui plures habeant, occultos quidem & reconditos.

Caio principi rigentes oculos fuisse scribit Plinius loco proximè citato: cuius causa fuisse videtur in musculorum concretionem, vel in praepedita motrice facultate; vel certè dicendum naturam illi piscium fuisse, quibus plurimum immoti sunt oculi: quemadmodum Tiberio Caesari natura fuit cattorum, qui nocte vident.

PROPOSITIO IV. THEOREMA.

Cetera externa oculi partes tutela gratia sunt instituta.

EXTERNAE oculi partes duorum sunt generum : vnum musculos comprehendit, & quæ illos fulcit, pinguedinem, ac glandulas, quæ omnes cum adnata tunica à pericranio proueniunt, & motui oculorum, vti iam dictum est, deseruiunt. Alterum continet frontem, malas, genas, palpebras, tarfos, cilia, & supercilia, quas modò dicimus ad oculi tutamen institutas esse. Nullum enim alterius sensus organum tot externis iniuriis expositum est, B neque ita facilè nocumentum accipit, vti oculus. Quare præter tot tunicas, easq; validas ac præduras, quibus cernendi interna facultas velut loricata, externis iniuriis obsistit; alia etiam esse debere munimenta, quæ oculum ipsum tuerentur.

Quæ oculis continuò occurrant mala hæc sunt, vehemens lumen, fumus, puluisculi, ictus, & si quid aliud tandem extrinsecus illapsum noxam adferre potest: quibus omnibus occurrit in primis hinc frontis cliuosa protuberatio, malarum inde decens tumor, quibus velut duobus vtrimque propugnaculis oculos natura communiuit, & duplici genarum obtentu tamquam valuis geminis conclusit. Accedit ad hæc salubre palpebrarum tegumen. quo etiam arcetur externus ipsè aër, qui oculorum humorem perpetuò exfugit, nisi crebrò palpebrarum motu identidem humectentur. C

Superiore palpebra oculi obteguntur pro arbitrio (nam inferior, præterquam in nonnullis auibus, immobilis est) ne quid obiter incidat, nitidissimaque lumina obliquet. Inferior item imbricis in morem lacrymosum humorem excipit, & per angulos emit. Palpebrarum extrema cilia dicuntur, dura cartilagine ceu toro firmata (tarfos vocant) quibus pili validè inserti sunt aduersus leuiorum incursum. Supercilia pili quoque sunt supra oculum constituti. qui velut *gemina sepes* (inquit D. Ambr. lib. 6. hexameron cap. 9.) *oculis munimenta prætendunt, prætexunt gratiam: vt & venustas decoris arrideat, & diligentia protectionis assistat. Si quid enim de capite sordium decidat, aut arena puluis, aut ros nebula, aut humescentis verticis sudor, excipitur supercilio, ne teneras offensa acie visiones mollium perturbet oculorum.* His igitur ac tot muniti præsidiiis oculorum orbis, ab omni externa iniuria tuti naturæ beneficio effecti sunt. D

Verùm cum tot mala oculis continuò impendeant, diceret fortasse aliquis satius esse eum perpetuò tectum esse, quemadmodum in somnis. At cum hoc nil aliud sit, quàm perpetuas illi tenebras offundere, omnemque eius vsum de medio tollere, prouidentissima natura mirabili quodam modo vtrique prospexit, vt scilicet perfectus videndi actus cum custodia habeatur, & neque à videndo, neque à protegendo oculus reuoceatur. Id quod per celeritatem & crebritatem motus palpebrarum factum est. Nam quòd continuo tempore natura non potuit, id celeritate & crebritate compensauit: vt quamuis vicissim nunc pateat, nunc occludatur oculus; numquam tamen perennis visio, quantum postulat necessitas, intermittatur. Quamobrem tenuissimæ illæ effectæ sunt, ne E moles celeritati officiat.

Quemadmodum ad comminationem nictare est naturale, quòd palpebrarum motum aduersus incurfantia mala natura concesserit, ita quibus id moris est, vt nictare non cessent, hi pauidiores iudicantur, Plinio auctore l. 11. nat. hist. c. 37. Vbi & hoc adiungit: In Caij Principis ludo xx. gladiatorum paria fuisse, atque in iis duos omnino, qui contra cõminationem aliquam non conuierent, & ob id inuidctos. Tantæ hoc difficultatis est homini, tantum verò potuit aspectus constantia vfu atque animo corroborata.

In somnis clauduntur lumina, tum quia nulla eo tempore occurrit vidèdi necessitas, tum quia arbitrium deest aperièdi claudendiq; cum lubet. Sunt tamen, vti lepores, ita & F homines *λαγρόφθαλμοι* qui apertis oculis dormiunt (quod Corybantiam Græci nominant) nil tamè tunc vident, quòd facultas sit consopita. Ex vitio id etiam accidit, cum superior palpebra non satis deprimitur, ac tum præcipuè, cum & inferior Ecstropia laborat.

Pisces palpebris destituti, quia eo loco naturaliter degunt, vbi perpetuo humore illorum oculi proluuntur, & vbi nec fumus, nec puluis, nec vehemès lumen, nec, quod præcipuum censerit debet, exsiccans aër, nec aliud quidquam occurrat mali. Quare eis aqua pro palpebris est aduersus externas iniurias circumfusa. Crustacea etiam testaceaq; non claudunt lumina, nec palpebras habent; hæc proinde oculos nacta sunt præduros, qui nec atteri, nec transfodi facilè possint, vt sunt cancri, aliaque animalia quamplurima.

A

PROPOSITIO V. THEOREMA.


Visus organum sphericum esse conuenit.



SCRIPTORES quidam Optices ex necessariis concludere se arbitrantur, oculi figuram non aliam quam sphericam esse oportere, quia si alia esset, capiendis rerum magnitudinibus minus foret idoneus. Id quod in hunc modum ex geometrice principii demonstrare nituntur: Si superficies visus plana esset, non maius obiectum comprehenderet, quam esset magna


B ipsa oculi superficies per quam rerum formam intromittuntur. nam breuissimis lineis visionem fieri necesse est, ut, quoad fieri potest, obiecta ad oculum propius accedant. At omnium, quae a puncto quoquam ad planam superficiem ducuntur, linearum breuissima est perpendicularis, per 21. lib. 1. Vitell. Igitur nullum maius obiectum videri poterit, quam quod intra perpendiculares a circumferentia superficiei visus ductas comprehenditur.

C Ut si plana visus superficies sit AB, & res visibilis CD, ita constituta, ut superficiei visus sit parallela: ex punctis vero A & B, quae in circumferentia visus existunt, perpendiculares excitentur AF, BG, quae aequales inter se erunt per 25. primi Vitell. Palam igitur est, non maiorem partem obiecti CD conspici, quam sit FG: sed FG, & AB, cum aequales & parallelas connectant, nempe AF, & BG, erunt per 33. primi Euclid. & ipsae inter se aequales. Non igitur comprehendet visus ex obiecto CD maiorem partem, quam FG sibi aequalem, quod probandum erat.



Simili demonstrandi forma probari poterit organum visus multo minus concauum esse posse. Nam eo dato visus breuissimo spatio terminaretur. Vnde fieret, ut vel nullam obiecti partem attingeret, vel punctum dumtaxat, aut partem aliquam sua omnino superficie minorem conspiceret.


D Ut si visus superficies sit AHB, res visibilis CD, ex A vero, & B perpendiculares superficiei visus euocentur AE, & BE; has concurrere necesse est in idem aliquod punctum, quod sit centrum arcus per A & B descripti. Nam si A & B connectantur per rectam AB, erit rectilineus angulus BAE minor recto, cum mixtus ex recta & curua linea HAE rectus sit, & quouis rectilineo intra ipsum contento maior per 16. lib. 3. Euclid. Similiter & angulus ABE rectilineus minor est recto, eandem ob causam. Ergo per 11. communem notio-



E rectae AE & BE concurrent. Hoc punctum concurrentium linearum, si in obiecti superficiem incidat, hoc solum visus comprehendet; si vero citra obiectum consistat, nullam eius partem oculus conspiciet, cum totum obiectum virtutis sphaeram excedat. Si denique radiorum concursus ultra obiectum procurrat, eam dumtaxat eius partem visus complectetur, quam radij intercipient, puta FG. haec vero superficiei visus minor est.

Cum igitur neque plana, neque concaua esse queat visus superficies, reliquum est, ut conuexam, seu sphericam eam esse dicamus. Sic enim


F maiora se oculus conspiciet, ut adiuncta figura manifeste ostendit. Nam si AB ponatur superficies visus conuexa, atque ab eius extremitatibus perpendiculares ducantur AF & BG; ex ab obiecto CD, intercipient portionem FG, utique maiorem, quam sit AB visus superficies.



Haec quibusdam necessariae videntur demonstrationes. Sunt autem insignes paralogismi, falso nitentes principio. Quod enim initio assumptum fuit, visionem breuissimis lineis fieri oportere, ut eo propius obiecta ad oculos accedant,

dant, futile omnino est. Nam tum per longissimas, tum per breuissimas lineas visio celebratur; etsi non æquè clarè & manifestè per longiores, ac per breuiiores.

Sit enim in primis superficies visus plana AB , centrum autem visus C , in quod radij optici terminantur, resque visibiles DE : quid obstat, quominus D & E perspicuè videantur, cum ex eis ad centrum visus radij visuales pertineant? Dices obstatè radiorum longitudinem; quòd scilicet longius distent D & E à visus superficie, quàm distet punctum F terminans perpendicularem HF à superficie visus excitatam: visiones autem fieri lineis breuissimis debere. Respondeo distantiam minimè obstatè. Producatùr enim HF in G , vt sit HG multò quàm AD , vel BE longior. Quæro an punctum G sub aspectum cadat, nec ne? Inficiari absurdum est, cum sit in perpendiculari, nec sphaeram actiuitatis opticae excedat: admittere autem absurdus, cum longius à superficie visus distet, quàm D aut E , quæ hanc solam ob causam extra conspectum consistere affirmantur. Haud igitur visioni obest radiorum longitudo, aut rerum à visu distantia, dummodò intra actiuitatis ambitum contineantur, liceatque ab illis, ad superficiem visus, qualiscumque tandem illa sit, rectam lineam ducere, quæ ad centrum visus pertingat.



Dices obesse angulorum obliquitatem, quos radij DC & EC cum AB superficie visus efficiunt. Dicendum eam obliquitatem, hoc quidem efficere vt minus distinctè ac manifestè puncta D & E videantur, quàm punctum F , aut punctum G , quæ in perpendiculari existunt, & oculi robustissimam aciem terminant: at vt omnino aspectum fugiant, nihil est, quod persuadeat, cum ex eis ad centrum visus per planam licet eius superficiem radij possint peruenire.

Sit deinde caua ipsius visus superficies, ceteraq; omnia eodem modo reposita quo supra, rursus ostendentur puncta D & E organum visus afficere posse, ac proinde ab eo conspici, quòd ab eis ad centrum visus, per cauam etiam superficiem radij optici accessum habeant. Hoc tamen fateri oportet numquam tam latè posse patere aspectum, si plana aut concaua sit eius superficies, quàm si conuexa. Ideoque beneficium naturæ auctorem hanc ei potius figuram tribuisse.

Reliquam verò, eamque maximam oculi partem, globosam etiam fieri rationi consentaneum fuit. Primò, quia ea figura omnium isoperimetrarum longè capacissima est. Secundò, quia continendis humidis corporibus aptissima. Sic enim videmus molles vtres humore distentos omni ex parte sphaericam figuram affectare. Tertio, cum ea figura nullum habeat prominentem angulum, minimè omnium læsioni obnoxia est. Quarto, denique quia motui, qui in loco fit, omnium maximè est accommodata.

PROPOSITIO VI. THEOREMA.

Glacialis humor non est exactè sphaericus, neque in oculi medio constitutus.



Formam porrò quod attinet situmque glacialis humoris, numquam satis mirari potui, quòd factum sit, vt in parte tam principali, tanta opinio-num discrepantia inter tam expertos iuxta ac doctos viros existeret. Galenus enim, eorum qui in humani corporis cura versati fuere facillè princeps, figuram ex vtraque parte compressiorem, ac situm in medio oculi ponit. Hunc per omnia secutus est Andreas Vesalius, multiq; alij: plures verò, qui alterum tantum admiserunt, aut situm medium cum figura sphaerica, aut figuram vtrimque pressam cum situ in anteriora proiecto. quibus studio prætermisiss,

Nobis cum doctissimo Ioanne Farnelio, accuratissimoq; Hieronymo Fabricio, placet forma anterior compressa lentis in morem, posterior verò magis sphaerica, ac situs pupillæ obiectus. Adstipulantur Alhazen & Vitello clarissimi Optici. Hic enim lib. 3. prop. 4. ille verò lib. 1. numero 4. disertè asserunt, anteriorem glacialis superficiem non-

nihil

A nihil compressam esse, maiorisq; sphaerae portionem esse, quam sit pars posterior. Rursus ex proposit. 7. & 11. lib. 3. Vitellonis : & ex 10. & 11. numero lib. 1. Alhazeni facile colligitur, glaciale humorem non in medio oculi, sed ad anteriorem partem situm esse.

Accedit omnium ferè peritorum anatomicorum experientia : ac rem ita se habere nullo negotio deprehendet, cuicumque lubebit sectione periculum facere.

Cur autem non sit effectus absolute sphaericus (esto ; ea figura naturæ sit amicissima) rationem hanc dat Galenus lib. 10. de usu part. quia alioquin, *in violento ac vehementi motu, aut plaga, quæ oculo nonnumquam accidunt, in periculum fuisset adductus, ne ex vitreo humore exturbaretur.* Fuit etiam conuenientissimum, vt non in oculi totius medio collocaretur, sed potius in anteriori parte, vt pupillæ obiectus, eâ tamquam fenestellâ rerum imagines latius vndique patentiusque exciperet.

B

PROPOSITIO VII. THEOREMA.

Oculus totus, & cornea superficies, crystallinusq; humor, centris differunt.

C **V**ITTELLO Optices lib. 3. prop. 7. atque Alhazen lib. 1. numero 12. demonstrare se arbitrantur idem esse dictarum superficierum centrum. Ratiocinatio ipsorum in summam collecta hæc est : Si centris differrent (per 75. prop. lib. 1. Vitell.) vna dumtaxat recta linea duci posset à re visa normaliter in vtramque, corneæ scilicet tunicæ & crystallini humoris superficiem incidens, per quam solum punctum rei visæ distinctè comprehenderetur : ceteræ verò obiecti partes, perturbatè, atque à propriis sedibus distractæ, sine ordine situque ac tumultuariè in oculum incurrerent, quòd videlicet ab illis ad superficiem corneæ orthogonaliter ductæ rectæ lineæ non etiam in superficiem glacialis humoris perpendiculariter incidant. Id verò cum manifestæ experientiæ aduersetur, fateri necessum est, corneæ tunicæ, seu oculi totius, & glacialis humoris idem centrum esse.


D At Corneæ in primis non idem esse centrum ac totius oculi, adèd patens est, vt nemo inficiari possit. Quis enim alterius oculum intuens non manifestè videt corneam supra adnatam protuberare, & minoris omnino sphaerae portionem repræsentare, quam sit totius oculi? Quare centrum eius à centro oculi totius diuersum, & anterius esse oportet.

Deinde si anteriorem superficiem crystallini corneæ superficiei parallelam esse conuenit ex Vitellonis & Alhazeni sententia, idemq; centrum habere ; necessariò sequitur huius quoque centrum aliud esse à centro totius oculi, ipsoque anterius.

Rursus cum ex anatomica serie constet hanc glacialis superficiem admodum parum depressam esse, nec multum à sphaerica figura discrepare, consequens est, vt eius centrum, neque cum centro oculi, neque cum corneæ centro conueniat : sed vtroque magis ad anteriorem partem accedat.

E Demum cum posterior glacialis superficies sphaerica sit, erit centrum eius adhuc pupillæ vicinius quam centrum anterioris partis. Est enim posterior glacialis facies minoris sphaerae portio, quam anterior. Eius itaque centrum propius pupillæ adiacet.

Quæ omnia in adiuncto schemate distinctius exhibentur, vbi quatuor in oculo centra annotantur. A totius oculi, B extantis corneæ, C anterioris superficiei humoris crystallini, D posterioris, quod idem visus ipsius centrum esse dicimus. Quæ veritas nulla potiore demonstratione astrui potest, quam anatomica ostensione, qua singularum tunicarum figuræ ac flexus dissimiles apertissimè ostenduntur.



F Ad argumentum porrò Vitellonis & Alhazeni, quo demonstrare se arbitrantur corneæ tunicæ & glacialis humoris (de anteriore superficie loquuntur) idem centrum esse, respondetur ; admissa infractioe per albugineum humorem, non sequi, rerum imagines permixtas atque confusas ad oculum peruenire. Infractio enim non obstat, quo minùs rerum formæ ad centrum visus ordinatè dirigantur, siue ea ad perpendicularem fiat, vt quidam, siue, vt alij, à perpendiculari : de qua re nos postea latius lib. 2. cum de radiis opticis ex instituto agemus. Radij enim qui à superficie corneæ ad centrum visus fracti penetrant, dum anteriorem faciem

faciem glacialis humoris pertranseunt, eundem seruant ordinem ac situm, quem in re- A
 ipsa, vnde profectę sunt, habebant. Deinde idem Vitello lib. 3. prop. 21. & Alhazen lib. 2.
 num. 2. aiunt formas rerum in centrum glacialis humoris non coire: sed prius quàm
 eò perueniant, à medio infringi, & rectà postea ad cavitatem nerui optici proficisci, vbi
 spiritus animalis eas ordinatè excipit, & prima notione persentiscit. Si hæc infractio non
 obstat, quo minùs visibilibus rerum species ordinatè percipiuntur, vt ostendit Vitello
 lib. 3. prop. 22. cur quæso ea infractio, quæ fit per albugineum humorem, radiorum
 dispositionem, atque ordinatum specierum appulsum obturbabit, cùm æquè, imò lon-
 gè perfectiùs, radij, qui in centrum crySTALLINI congregantur, ordinentur in superficie
 anteriore glacialis humoris, quàm in cavitatem nerui optici? quæ vix manifesta est, vt su- B
 præ diximus, adeoq; exigua, vt sagacissimi quique, nisi in magnis animalibus, eam
 dignoscere non potuerint.

PROPOSITIO VIII. THEOREMA.

*Omnium tum membranarum, tum humorum
 centra in directum iacent.*

CVM experientia doceat vnum semper aliquod punctum rei visibilis, in C
 quod acies dirigitur, manifestissime videri; cetera autem ab hoc distita,
 quò remotiora, eò obscuriùs, æqualiter verò distantia æquè obscure ap-
 parere: fateri omnino necessum est, lineam illam, per quam acies in
 obiecta dirigitur (axis nuncupatur) robustissime in omnes oculi superfi-
 cies incurrere; quod fieri nequit, nisi per omnium centra transeat. Sic enim fit, primò vt
 æqualiter ab hac distantes radij æquales semper inter se sint: deinde vt æquali obliqui-
 tate superficiem corneæ ac glacialis humoris interfecent: denique, quod hinc conse-
 quens est, vt paribus angulis per oculi densitatem frangantur.

PROPOSITIO IX. THEOREMA.

*Cornea tunica & glacialis humoris suprema superficies non æquè
 distant; sed in medio sibi, quàm in ambitu, sunt viciniores.*

SEPTIMA propòsitione ostensum fuit, corneę tunicę & glacialis humoris
 extimas superficies centris differre, esseq; centrum glacialis humoris ante-
 rius. Sit igitur externa visus superficies ABC, eiusq; centrum D. Rursus sit anterior superficies humo-
 ris crySTALLINI EFG, eiusque centrum H. Ex H
 rectæ quòtcumque lineæ ducantur HB, HI, & HC, omnes
 quidem ad corneæ superficiem pertinentes, sed ita, vt vna illarum
 puta HB per D centrum producta transeat. Cùm H non
 sit centrum circuli ABC, erit per 7. tertij Euclid. HB breuissima
 omnium illarum, quæ ex puncto H ad circumferentiam ABC
 ducuntur, rectarum linearum, & quæ illi vicinior HI ipsa HC, &
 subsequentes remotioribus semper minores: at quæ ex centro H ad glacialis circumi-
 ferentiam ducuntur, sunt inter se æquales, vtpote eiusdem circuli semidiametri per de-
 finit. 15. libri primi Euclidis. Hæ ergo portiones, si ab inæqualibus iam ostensis lineis F
 auferantur, quæ remanebunt, inæquales erunt per quintam communem notionem Eu-
 clidis. Sunt porrò BF, IK, & CL, breuissimæ lineæ, quæ à punctis B, I, C, ad circulum
 EFG duci possunt, per 8. tertij Euclid. quòd omnes in centrum H conueniant. Lon-
 giùs igitur distat punctum I à circulo glacialis humoris quàm punctum B, & C pun-
 ctum longiùs quàm punctum I. Quare glacialis humoris & corneæ tunicæ supremæ
 superficies non æquè distant, sed in medio sibi, quàm in ambitu, sunt viciniores; quod
 propositum fuit demonstrare.



Quanta porrò vtilitas ex hac inæqualitate tunicarum visui accidat non est huius loci
 proprium explicare: id verò postulat libri secundi propositio 8. & 9. qua, Deo promo-
 uente

A uente conatus nostros, diffusè ostendemus radios omnes obliquè in extimam visus superficiem *ABC* præcidentes à linea *BD*, quæ per vtriusque tunicæ centrum incedit, infringi, priusquam in centrum visus illabantur; atque eam potissimum ob causam aspectum nostrum quàm latissimè sese expandere, licet per angustum pupillæ hiatum formæ rerum porrigantur: quod in præsentī monuisse sufficiat; cùm oçuli solùm partes describere propositum habeamus.

PROPOSITIO X. THEOREMA.

B *Recta connectens centra totius oculi & glacialis humoris utrimque producta, medium pupillæ neruique optici pertransit: eademq; omnibus oculi superficiebus normaliter insistit.*



C *VM* pupilla sit velut patens ostium quo rerum spectra oculum subeunt, necesse omnino est, eam ad glacialè humorem ita se habere, vt centris respondeant. Sic enim axis opticus dum per medium pupillæ transit, æqualem aditum speciebus relinquit, nec patitur oculum à directo aspectu aciem deflectere. Quibus autem hoc vitij est, vt recta quæ per centra crystallini ac totius oculi ducitur, non etiam per pupillæ centrum transeat, hos strabones nuncupamus; qui omnia quidem vt nos vident, sed distorto atque ab alterius societate distracto illo oculo cui vitium inest.

Rursus cùm centro glacialis principium sensus sit attributum, vt infrà ostendemus; imò ex plurimorum sententia, etiam primaria cernendi facultas illi insit, necesse est, vt illi cauitas nerui optici, qua spiritus animalis erumpit, directò opponatur. Tantò enim maiore impetu ea oculi pars, cuius gratia factæ sunt ceteræ attestante Galeno, sensifico spiritu afflabitur, quantò directiùs spiritus in eam impingeret. Igitur non sola tunicarum atque humorum, verùm etiam pupillæ neruiq; optici centra in vnã rectam lineam constituta sunt.

D Hinc fit, vt eadem lineã quæ axis nuncupatur, omnibus oculi superficiebus orthogonaliter insistat. Quæ namque recta lineã per centrum ad circuli peripheriam ducitur; ea circuli diametrus est circulum secans bifariã, per 17. definitionem lib. 1. Euclid. At semicirculi anguli æquales sunt inter se vt pote recti, per 16. & 31. tertij Euclid. Igitur axis per omnium spherarum centra transiens, omnium etiam superficiebus orthogonaliter insistit; quod erat demonstrandum:

PROPOSITIO XI. THEOREMA.

E *Per poros nervorum opticorum sensificus spiritus in oculorum orbis deriuatur, vim illis dignoscendi impertiens.*



NERuos opticos utrimque manifestè perforatos esse, inquit Galenus lib. 7. de Hippocr. & Plat. decretis, & quæ à superiore origine emanant, & quæ oculis committuntur, in magnorum animalium dissectionibus videre licet: quamquam foramen, quod est in inferiore parte, vbi oculos attingunt, plerique dissectionis artifices perspectum habent; quod verò in suprema origine latet, omnibus ferè ignotum est.

Per hos meatus, quos poros Galenus vocat, spiritum animale m deferri, haud aliter quàm per arterias spiritus vitalis, aut sanguis per venas decurrit, constans est omnium sententia. Quæ hinc etiam comprobatur, quòd nulla alia pars corporis acutiori sensu prædita sit, quàm neruus, nec vllibi magis sensus vigeat in corpore, quàm vbi spiritus animales sunt vberiores. quod & subsequentes effectus confirmant. Neruis enim puncturâ cæsis acerbissima sequuntur symptomata, primò torpor in membro affecto, deinde peracutus dolor, acris inflammatio, grandis tumor, febris continua, ac cerebri consensu sæpè delirium, conuulsioneq; ac tandem, nisi salubri medicamine occurratur, citus interitus.

Lucidum esse animale hunc spiritum, tum ipse Galenus, tum alij plures attestantur, quorum sententiæ nos quoque libenter subscribimus. Atque hinc prouenire existi-

namus illam luminis phantasiā, quæ compresso circa angulum oculo perspicuè apparet. Hinc etiam illud, quod refert Galen. lib. 7. de Hippocratis & Plat. Decretis, his verbis: *Novi & ego quemdam, qui cū eodem hoc malo, agit de nervorum opticorum obstructione, spirituūque prohibitione, affectus esset, narrabat nobis, se prius, quā in eam calamitatem incidisset, in somnis, patefactis repente palpebris magnam ante oculos lucem solitum videre, (quod scilicet & mihi & aliis multis euenit) atque ita videndi sensum sibi obscuratum simili modo penitus interiisse*. Accidit & nobis aliquando in somnis hunc spiritum præter consuetum morem vehementius accendi, sic vt impetu quodam eruptura flamma, ac simul vita etiam ipsa videretur, ni soluto somno vigiliā succurrisset, quemadmodum in Ephialte vsuuenit. Arteriæ mirum in modum oppletæ erant, ac pulsu validissimo concitatæ, respiratio creberrima & pænè suppressa, sibilus in auribus acutissimus, denique, quod in ædium incendiis fieri videmus, tota corporis respublica perturbata. Quod autem maximè ad rem præsentem facit, perspicua lux oculis offusa videbatur, quæ etiam expergefacto aliquantisper inhærebat, quoad subfidente sensum tempestate ipsa pariter extinguebatur. Erat porrò illa eiusmodi, qua nihil eorum, quæ foris essent, discerni possset, sed nebula instar lucidæ externa omnia obtegebat. Vnde colligas eam in oculis tantum delituisse, non aliunde conceptam, quā a spiritu quo caput vniuersum ipsūque oculi distenti erant.

Est enim fulgoris illius causa effectrix flamma, quam spiritus à prima origine cōcepit. hunc namque perpetuo igne flagrare cum peritissimis medicis arbitramur. Nulla enim alia aptior causa reddi potest, qua perennetur in nobis viuificus ille ac salutaris calor, quo omnia quæcumque viuunt seruantur, alimenta sumunt, conficiunt, usq; nutriuntur, auferunt, sentiunt, ac mouentur. Siquidem oportet hunc vitæ calorem præstantioris cuiusdam esse originis, quā sit ille elementi naturam redolens, qui ex temperamenti mixtione confurgit. Quare, vt rectè Fernelius adnotauit, eximia quadam mentis agitatione videtur Aristoteles lib. de respiratione mortem definiens vitali. huic calori non frigus tamquam contrarium opposuisse, sed extinctionem, quæ eius est priuatio.

Atqui cum nequeat simplex calor in qualitatis genere constitutus sine vehiculo in omnes corporis partes permeare, fuit necessarium hunc corpore fluxu, substantia tenuissimo, pernitate veloci contineri, ac omnino tali, quod ætheris modo incensum semper arderet, vt simul esset caloris & vehiculum & pabulum. Et quemadmodum fumus in flamma caloris ignisq; pabulum, vehiculum & sedes est; ita hic spiritus calorem natium vehit, tuctur, ac fouet.

Cum verò corpus omne quod inflammari potest, olei cuiusdam sit particeps, vt multis ostenditur argumentis, necessarium est hunc quoque spiritum caloris capacem à pingui quadam substantia resolui. Spiritus namque quem in nobis esse constat, tenuis atque æthereæ substantiæ, calore natium perfusus, ei proportionem respondet quæ flamma nuncupatur; hunc autem alit sustinetque pinguis quædam oleoq; perquam similis humor, non adeps ille, quo plurimæ corporis partes resperguntur, sed alius in substantiam penitus confertus, omnem effugiens oculorum aciem, spiritus atque innati caloris fundamentum, quem humidum primogenium appellant, vulgò humidum radicale. Huius pabulum atque vicarius est humor alimentarius, refarciens quidquid à primogenio in spiritum resoluitur. Vterque adeò est necessarius; vt licet vitam etiamnum agente animali, aqueus seu alimentarius humor absorbeat siccatque; hic tamen numquam funditus, sed neq; maiori ex parte deperdi possit. Nam cum in id discrimen res venit, calor, spiritusque, ac totum viuens marcescit, vitamq; naturæ reddit.

PROPOSITIO XII. THEOREMA.

Nervus opticus communis non est verè vnus, sed duo simul concreti.



OMNES nervorum coniugationes, quæ septem numerantur, ad duas reuocantur origines: quarum vna cerebrum est, vnde sensifici omnes; altera est cerebellum, ac spinalis medulla, vnde motores propagantur. Sensifici quidem motoribus & ampliores & molliores sunt, eam puto ob causam, quòd ampla mollities sensioni sit aptior, vt in motoribus tenuitas agilitati confert, durities violentiæ motricis facultatis obsistit. Inter sensificos primi sunt optici,

A optici; per quos animalis spiritus, vt iam proximè dictum est, defertur, cernendi vim efficaciamque oculis impertiens. Hi cum primùm à cerebro hinc inde profiliunt, versus mediam frontis regionem iter capeffunt; vbi ex Galeni quidem sententia ita coniunguntur, vt verè in vnum coalescant, vnusque fiat vtrique communis porus.

Coniunctionem hanc necessariam fuisse probat Galenus lib. de oculis part. 2. cap. 4. his rationibus. Prima, vt si vnus ledatur, alter subuenire possit: quæ tamen ratio non conuincit; cum etiam si nerui optici penitus disiuncti sint, vt nerui aliorum sensuum, vno oculo euerso, alterius facultas nihilominus integra perseueret. Secunda, vt vno oculo clauso totus spiritus in alterum transfundatur, quo duplicata aliquando virtute acutior fiat visio. Experientia enim demonstrare nititur, vno oculo clariùs euidentiùsque nos cernere, quàm vtroque. At hæc ratio non subsistit, cum ei manifesta experientia repugnet, vt infra propositione 76. ostendemus. Tertia, quam ex necessariis vocat; quia aliàs eadem res gemina appareret, quod ex Galeni sententia ita proculdubiò accideret, ni visibilium rerum simulacra in communi spirituum conceptaculo simul conuenirent. Sed hæc ratio in aliis sensibus fallax reperitur. Etsi enim auditorij nerui in vnum minimè coëant, non tamen vnus ictus geminus sonus auditur. quod ipsum & in odorandi ratione locum habet. De gemino porrò aspectu, quo pacto is fiat, latius lib. 4. in falliciis quæ circa locum & numerum obueniunt, exponemus. Eiusdem generis est & hæc ratio, quòd omnis sensus ab vno principio ac fundamento procedere debeat. Sat enim si à cerebro, aut ab anima communi principio, sensum omnem emanare dicamus. Nec valet hæc ratio, vt mutua coniunctione roborentur, & vt Galenus loquitur, ne, si ab inuicem disiungantur, propter itineris longinquitatem facilè rumpantur. Nam id quidem non impossibile est: sed tamen non est via tam longa, vt, nisi coëant, rumpi debeant.

Igitur nostra quidem sententia nerui optici sese mutuò dumtaxat contingunt, latiores in contactu effecti: non verò sic, vt pori inter se communicent, quemadmodum Galenus scribit. Quæ thesis ex incisione probatur, quam Hieronymus Fabricius in oculorum sectione expertissimus se diligenter obseruasse lib. de visu, voce, & auditu profitetur. Et ipse Andreas Vesalius lib. 4. anatom. c. 4. quemdam se Patauij dissecauiffe asserit, cuius nerui optici à cerebro ad oculos perpetuò disiuncti erant: qui tamen cum in viuus esset, singularia omnia, ac more ceterorum simplicia videre solitus erat.

Neque verò, vt Vitello lib. 3. prop. 4. decussatim sese interfecant, ita vt ab eo contactu discedentes dexter sinistrum, & sinister dextrum oculum petat: sed mox à communi congressu discedentes dexter neruus oculum dextrum, sinister sinistrum adit, vt ex ipsa quoque anatome manifestè deprehenditur. Quare non vnus neruus, sed duo reuera sunt; simul tamen concreti, vt mutuo sese contactu foueant roborentque. Quæ in re nobis ipse consentit Galenus lib. 10. de part. vsu, ita scribens: *Non enim eos commutauit*, loquitur de neruis opticis, *illum quidem qui ex dextris emergit ad oculum sinistrum; eum verò, qui ex sinistris oritur, ad dextrum ducens: sed horum neruorum figura X Græca litteræ est simillima. Quos si quis negligentius dissecauerit, alternare fortè eos putauerit, & sese mutuò conscendere: at non est ita. Cum enim sibi ipsi mutuò intra cranion occurrerint, meatusque suos vnierint: protinus denuò separantur, apertè indicantes, se ob aliud nihil conuenisse, nisi vt meatus suos coniungerent.*

PROPOSITIO XIII. THEOREMA.

Nullum humano oculo insitum esse à natura lumen opinandum est.

F



M N I V M pænè veterum consensus est, similibus cognosci similia, ex illo Empedoclis versu;

*Terrea pars terras, pars vndea conspicit vndas,
Aethera dium æther, vis ignea percipit ignes.*

Vnde & de innato oculorum lumine celebris est Platonis in Timæo sententia, cui subscribit Galenus lib. de oculis part. 2. cap. 1. & lib. 7. de decret. Hippoc. & Platon. vbi ait, quòd *sicut auditus organum aërium est, & olfactus organum vaporosum,*

& gustus humidum, & tactus corporeum, ita visus organum lucidum esse debeat. Quod & A
Empedocles, inquit, significare volebat his versibus:

Conspicimus terram tellure, liquore liquorem,
Aëre naturam æriam, igni cernimus ignem.

Necessarium esse ad visionem hoc lumen ex D. Basilio cognosci potest lib. de vera
virginitate, vbi huius luminis vsum his verbis docet: *Iactis*, inquit, *luminum radius*,
veluti quibusdam corporeis manibus, quæcumque voluerit eminus tangit: & quæ corporeis
manibus attingere in potestate non habet, ea oculorum iactibus passimè complectitur. Deinde
feles non alio modo cernunt, quàm luce quadam ex ipsorum oculis ad res aspectabiles
diffusa, & rursus earum rerum simulacris affecta ad oculos redeunte. Tiberium quoque B
Cæsarem emissio oculorum lumine noctu videre solitum narrat Suetonius, & Plinius
lib. 11. nat. histor. cap. 37. *Ferunt*, inquit, *Tiberio Cæsari, nec alij genitorum mortalium,*
fuisse naturam, ut experire factus noctu paulisper, haud alio modo, quàm luce clara contue-
retur omnia, paulatim tenebris sese obducentibus. Huic similes apud Plinium habes lib. 7.
cap. 2. in Albania olim prognatos glauca oculorum acie, qui noctu plusquam interdiu
cernant, auctore Isogono. Et auctor cursus Academiae Conimbricensis Societatis IESV
in lib. 2. de anima c. 7. quæst. 9. narrat ciuem quemdam Brigantinæ vrbs sua ætate
noctu adedò clarè accurateque videre solitum, vt minutissima quæque distingueret.
Id ipsum Cælius Rhodiginus lib. 15. Antiquarum lectionum sibi quandoque accidisse
sub Numinis attestazione sanctè asseuerat. C

Præterèa compresso iuxta angulos oculo lux quædam emicare videtur, circularis pe-
ripheriæ imaginem referens, quam profectò intra oculum esse necesse est, cum clausis
æquè atque patentibus palpebris appareat.

Rursus quæ pupillæ proximè admouentur non apparent; idque proptereà accidit,
quia radius luminosus prohibetur, quo minùs extra sese effundat. Denique sicuti cor
mundi sol lumen ex se, & per lumen cælestes vires in hæc inferiora effundit; ita in no-
bis cor perenni suo motu spiritum agitans vnà cum illo quasdam luminum sciuitillas
ceteris membris oculisque vel maximè impertit. ad surrectas siquidem partes spiritus
insita leuitate contendit. Igitur oculis lumen quoddam familiare inest, quod inde
ad exteriora longè lateque dimanat. D

Hæc quia veri similitudinem præ se ferunt, diligentiori studio peruestigandum nobis
est, num quod lumen oculis insitum sit? Id enim si habeatur, continuò sequitur vt
emittatur, quando hæc luminis est natura, vt omnia diaphana corpora permeet, emis-
sumque externo lumini permisceatur.

Contineri quidem eiusmodi lumen in iis animantibus quæ noctu vident, perspicuum
est: ea autem sunt, quæ noctu alimoniam venantur. Hominibus eam lucem non inesse
argumento est, quòd in obscuro loco quantumuis prope oculum res aliqua sit sita, nullo
tamen modo cernatur: deinde quòd in densissimis tenebris nullum lumen in oculis
hominum appareat, cum tamen minimæ scintillæ procul videantur. Illorum igitur
oculis lux inest, quibus noctu vtilior est visio, vt felibus, noctuis, aliisque nonnullis ani- E
mantibus: hominibus verò quibus nox quieti, dies negotiationi concessus est, frustra
insitum esset à natura lumen, cuius noctu nullus vsus existeret.

Itaque ad oppositæ sententiæ argumenta sic respondebitur. Veteres in primis, qui cum
Empedocle volunt omnia similibus cognosci, Deum facere ignorantissimum, vt The-
mistius lib. 1. de anima c. 30. ingeniosè annotauit. Deo siquidem nil esse potest simile.

Deinde quemadmodum auditus organum aërium est, vt sonus per externum aërem
ad internum perueniat, itaque in ceteris: sic visus instrumentum diaphanum esse oportet,
vt lux rerum coloribus affecta per continuum transparens corpus ad glaciale
vsque humorem pertingat. Nec verò rectè Plato lucidum oculum ex eo esse conclusit, F
quòd externa lux per internam, hoc est simile per simile cognosci debeat. Ita enim co-
lore quoque imbutum dicere debuisset, vt scilicet externus color interni coloris ope
dignoscatur. Quod sanè longè à ratione distitum fuisset. Nam tot colores oculo inesse
debuissent, quot illorum distinctæ species sub aspectum cadunt, vt nempe *simile per*
simile in affectionis commutationem societatemque transire possit.

Ratio Platonis ex necessariis quidem constare videtur, in hypothesi tamen error de-
regitur. nam præcipuum oculi obiectum non tam color est, quàm lumen colore affe-
ctum, vt inferiùs dicturi sumus. Vt color à visu dignoscatur, omnino necessum est visus
organum lucidum esse: siquidem quod colore afficitur lumen est; at non rectè inde
conclu-

A concluditur ab infito lumine oculum illustrari, sed ab eodem qui colores vehit externo lumine oculos subeunte. Vt autem à visu percipiatur, sufficit organum diaphanum; cum id sit proprium luminis subiectum, per quod ab externo diaphano in centrum visus comeat.

Ad secundum, negandum omnino est visionem fieri ab interni luminis cum externo commistione. Nam si qua oculis lux inest, ea per exigua est, & quæ faciliè ab externo solis fulgore vincatur. Qualis etiam in nonnullis rebus apparet, vt fungis, sepia; ligno putri, & piscium squamis cincindelisque, quas propter nitorem terrestres stellulas liceat appellare: quibus omnibus id commune est, quod illorum splendor humori potius succoq̄ue, B quàm solidæ substantiæ insertus sit. Quod in dactylis notauit Plinius lib. 9. cap. 61. de his ita scribens: *Concharum è genere dactyli sunt, ab humanorum unguium similitudine appellati. His natura in tenebris fulgore clarere quanto magis humorem habeant, lucere in ore mandentium, lucere in manibus, atque etiam in solo ac veste decidentibus guttis: vt proculdubio pateat succi illam naturam esse, quam miremur in corpore.* Huc quoque illud accedit, quod ea omnia absumpto humore siccataq̄ue lucere desinant.

Neque feles, & quæ noctiuaga vocantur animalia, interdum quidquam præsidij ab interno lumine accipiunt, vt res obiectas cernant, cum hoc illarum lumen adeo exiguum sit, vt ab externo penitus opprimatur; sat verò illis est externum lumen, quod visibiles rerum species longè perfectiùs, quàm insitum, defert: noctu verò, absente solis splendore, ab interno iuantur, quantum eis natura concedit. Quod autem quibusdam hominibus insitum fuisse quendam fulgorem historiæ referant, mirandum quidem, sed minimè diffitendum est. Fieri enim potest, vt hominum oculi ad oculos beluarum quædam ex parte accedant, qui visum ipsum cum illis communem habent.

Ad tertium. Lux illa nequaquam ex eo prouenit, quod oculi sint polita & læuia corpora, vt cum multis philosophis censet auctor cursus Conimbricensis lib. 2. de anima cap. 7. q. 5. art. 3. qui eandem etiam ob causam piscium capita in tenebris fulgere autumat. Sanè terfa læuigataq̄ue corpora numquam per se splendent in tenebris; sed externo tantum præsentate lumine, cuius fulgor à terfo corpore repercussus ad oculos transfundi potest. Neque vt Alexand. Aphrodisæus lib. probl. 1. q. 60. ex eadem id causa D fit, qua ex attritis quassatisq̄; silicibus ignis quidam excitatur, solis in tenebris conspicuus. Nam hic ignis in solis præduris corporibus contingit, ex quorum collisione particulæ decidunt, quæ ex vehementi attritu eousq̄; incalescunt vt accendantur. Neque per se insita est ea lux oculorum orbibus, vt piscium squamis, lignoq̄; putri, ceterisq̄; rebus, quæ suapte natura in tenebris lucent; sed ab animali spiritu prouenit, quem prop. 11. lucidum esse à flamma, quam ab origine concepit, ostendimus. Compresso etenim oculo spiritus laceffitus vberius erumpit, totamq̄; intus acinalem tunicam illustrat, & qua parte fulgor ad centrum visus per aragnoidem remittitur, ea quidem perspicuè videtur. Est autem ea pars solus pupillæ internus ambitus circuli figuram referens. Nam in primis à pupillæ hiatu nulla fieri potest repercussio: quæ verò fit ab interiori parte acinalis tunice, E præter solum ambitum, ea ad visum non pertingit. Consequens igitur est, vt à solo pupillæ interno ambitu luminis reuerberatio ad centrum visus contingat, ipsiusq̄; luminis phantasia circularis perimetri speciem exhibeat, cuius medium spatium lumine vacans pupillæ hiatum repræsentat.

Est porrò hoc lumen tenuissimum, vti & spiritus cui insidet, ac proinde soli illi, cuius oculo inest, conspicuum.

Neque visionis gratia institutum esse hoc lumen videtur, cum non sit oculo proprium, sed illis omnibus partibus commune, quibus animalis aut vitalis spiritus inest, quem innati caloris vehiculum & pabulum esse, atque à prima sui origine perenni flamma succensum prop. 11. ostendimus. F

Illud quoque rationabiliter asserere audeo, in iis animantibus, quæ nocte vident, eam tantum partem splendidam ac luminosam esse, quæ iris appellatur: non verò, vt Galenus, crystallinum humorem. Si enim crystallinum lumen habeat, ipsum extra oculum profiliet, idemq̄; reflexum denuò ad crystallinum redibit, quare idem ab eodem patietur. At si iris dumtaxat lumen habeat, illo velut prætenta facula res externæ perfundentur, indeq̄; ad crystallinum cum rerum coloribus ac formis resultabit.

Præterea cum videndi facultas ex Galeni sententia crystalloidi præcipuè insit; si eidem insit lumen, omnia luminosa videbit. Rursus lumen à crystallino emissum, aut iam fortius redibit, quàm sit lumen ipsum oculo insitum, sicq̄; hoc obruetur, ac frustra

erit; aut debilius, & ita ab innato lumine vincetur, & sic nihil unquam oculus perspi- A
ciet. Experientia demum probat iridem solam splendescere. Nam intuentibus catto-
rum oculos latum apparet lumen, nigra in medio macula insignitum, quæ pupilla est
cristallino obiecta; hæc autem sola coruscaret, si ab intimis oculi recessibus lumen pro-
filiret. Non igitur cristallinus humor, sed sola iris in his animalibus splendet. Ad quar-
tum argumentum dicendum, aliam omnino causam esse, ob quam proximè oculis
admota minùs exactè cernantur, quòd scilicet nullum sit interiectum spatium per quod
species traduci queant, ut infra docebimus propositione 59.

Ad vltimum denique respondendum, hoc argumento nil aliud probari, quàm lumen
illud oculis inesse, quod à spiritibus natura accensis proficiscitur. At ostensum iam est B
hoc lumen intra oculum penitus occultari, nec ad videndi rationem quidquam per se
conducere.

PROPOSITIO XIV. THEOREMA.

Humores oculi coloris omnis sunt expertes.



VE M A D M O D V M superiore propositione ostensum est nullam crystal-
lino humori lucem insitam esse posse, quòd ita omnia lucida apparent: C
ita dicimus humores oculi, præsertim glaciali obiectos, nullo colore tin-
ctos esse posse: sic enim omnia colore eodem respersa viderentur. Id in
ictericis animaduertere licet, quibus omnia flaua apparent, propter bilis
flauedinem, qua illorum oculi perfunduntur. Rursus dum per vitra infecta prospicimus,
eorum colore tincta omnia videntur: lumen siquidem dum rerum formas per vitrum
defert, eius colore fœdatur, & ad oculos proiectum, eorum humores tunicasq; inficit;
ex quo tandem fit, ut eadem affectio rebus ipsis, quæ cernuntur, adpersa esse videatur.
Ut igitur natio colore res obiectæ cernantur, oportet oculorum humores tunicasque
coloris omnis expertes esse, quod erat propositum.

PROPOSITIO XV. THEOREMA.

Oculorum temperamentum humidum est & frigidum.



L A T O igneum oculum dixit, tum ob motus velocitatem, qua omnem
in partem se vertit, tum propter lumen, quod ipsi ingenitum à natura
existimabat. Aqueus porò factus est, ac proinde frigidus, ne calore, qui
magnam suscipit incrementi ac decrementi varietatem, nimum subinde
exarescat. Quamobrem pleræq; eius partes exangues effectæ sunt mul-
toq; humore distente, eius potissimum utilitatis gratia, ut diaphanus esset. At cur non E
aërius? Quia aër facillè dissipatur, nec susceptas rerum formas ita retinet ut aqua.
Deinde ut per aqueum humorem, cuius minùs perlucida est natura quàm aëris, infra-
ctio radiorum ad crystalloidem fieret, de qua secundo libro diffusius agemus. Itaque
pluribus iisq; diuersis humoribus constare oculus debuit. Aqueo in primis, qui ouorum
albumini similis est, ac mira perspicuitate tenuitateque præditus: deinde cristallino
aquam referente, quæ mediocriter sit in glaciem concreta: demum vitreo, qui liquato
vitro simillimus est. Sic enim dum vario modo humores oculi crassescunt, varias ra-
diorum infractiones præstant. Per albugineum lux primùm ab aëre fracta ingreditur, in
cristallino firmatur & vnitur, in vitreo tandem languescit, penitusq; emoritur. F

Scire hîc fortè non nemo volet, quo pacto oculi aded volubiles sint, cum eorum
temperamentum sit frigidum. Id enim Plato in argumentum adduxit, quo igneæ natu-
ræ oculos esse probauit; & certè videmus homines, in quibus abundat calor sanguisq;
viuidus, citatioribus habere membrorum agitationes. Respondeo duplicem eius motus
causam esse: alteram spirituum, quibus afflantur copiam; alteram musculos prægran-
des ac vegetos, qui eis ad motionem obseruiunt.

A

PROPOSITIO XVI. THEOREMA.

*Crystallinus humor non à vitreo ; sed à sanguine
alimentum capeſſit.*

B

SUNT qui crystalloidem à vitreo alimentum ſumere arbitrantur, Albugineum autem nil aliud eſſe, quàm aqueum excrementum ab ea nutritione ſecretum, poſtquam nempe glacialis ſolidiorem ſibi portionē aſſumpſit, quod proinde in partem oppoſitam, hoc eſt in remotiorem à cerebro, vnde alimentum provenit, amandatur. Hanc ſententiam dilucidè exponit Galenus lib. 10. de part. uſu, his verbis : *Comparatumq; ei (crystallo) à natura fuit alimentum accommodatum, humor vitreus, qui quanto craſſior eſt ſanguine, atque albus magis, tanto à crystallo humore humiditate atque albedine relinquitur.* Et paulò poſt : *Ex quo intelligi poteſt utrumque per diadoſin, id eſt tranſumptionem nutriri: crystalinum quidem à vitreo; vitreum autem à corpore ipſum ambiente, hoc eſt à retina.*

C

Verùm probabilius credo, crystalinum à ſanguine nutriri per venas retinae in aragnoidem deriuato, qui inibi ex craſſo & atro in aqueam pellucidamq; ſubſtantiam commutatur. Quod mirum non videbitur, ſi, vt res habet, dicamus ſanguinem per venas non tamquam per canales deferri, ſed à facultatibus partium trahi & proleſtari. Sic enim, qui mora ſepiamq; eſitant, candidum chylum gignunt. Dicit quoque poteſt, nigredinem eſſe excrementum craſſioris ſanguinis; à quo pura pellucidaq; ſubſtantia alendo crystallo ſit ſeparata: excrementum inquam familiare, & ad opportuniorem uſum à natura deſtinatum.

PROPOSITIO XVII. THEOREMA.

D

*Pupilla ambitus conſtringitur, & dilatatur, non pro
arbitrio, ſed cum neceſſitas impellit.*

E

VEHEMENS lux offendit oculos, tenuis verò non ſatis cernendi facultatem excitat, atque ita duobus extremis viſus nihil aut parum dignoſcere valet. Quocirca natura ſolers modum adinuenit, quò pupillæ conſtrictione; vehementioris luminis parum; dilatatione verò, debilioris plurimum oculus admitteret; vt modica lux vehemens videri ſine offenſa, ac multa debilis oculum mouere poſſit. Ergo pupillam ad vehementiores quidem luces aſtringi, ad debiliores verò ampliari natura voluit. Sic enim neque valètioreſ offendere poſſunt, cum earum affluentia ſit minor; neque debiliores non mouere, cum maior copia intus ſuſcipiatur. Itaque pro lucis vehementis ac debilis viciffitudine, modò in vnam, modò in alteram conſtitationem pupilla velociſſimè commutatur, vt admirationem ſpectantibus moueat. Sicque ſatis vtrique neceſſitati factum eſſe naturæ beneficio experimur.

F

Alioquin ſi pupillæ conſtrictio, quam oculi ſuapte vi præſtare poſſunt, non ſufficiat arcendo lumini, palpebras repente claudimus, ad naturale remedium properantes; aut certè conuiuentibus oculis, aut etiam per digitorum rimas illud contuemur, vt ſic tandem fractum debilitatumq; ſine noxa ſuſcipiatur. Quamobrem inter Myopès Nero perpetuò oculis conuiuebat. nam vt Plinius refert, Nat. hiſt. lib. 11. cap. 37. niſi cum conuiuerent, ad propè admota hebetes oculos habebat. Contra aquilis adeò firmus eſt obtutus, vt ſolem fixis oculis contueantur.

In hominum pupillis magna ſpectatur varietas. Quibuſdam enim ea in obſcuro loco iridis amplitudinem pænè exæquat: aliis perexigua eſt; nec omnino maior, quàm aliis in exquisita luce. Quod ſanè non ex pupillæ ipſius conſtitatione obuènire arbitror; ſed ex araneæ ſenſibilitate. Quibuſenim delicatius eſt hoc membrum, ij perpetuò pupillam aſtringunt: ſiquidem in hiſ ſenſus acutior eſt. Quibuſ autem organum eſt durius, ac ſenſus obtuſior, hi nimirum pupillam liberiùs diducunt: quare & firmiori acie conſtantiuſque & accuratiùs vident, utpote minùs externi luminis moleſtia laceſſiti: Hanc porrò genuinam eſſe eius inæqualitatis cauſam; illud experimentum confirmat,

quòd quibus plurimùm & quasi ex habitu latior est pupilla, ij exquisitum fulgorem A
facilius admittant: sic vt nonnulli eorum directos solis radios intrò aliquantisper sine
noxa excipiant, quos ne quidem à candido corpore repercussos alij absque insigni do-
lore sustinere possunt.

Altero etiam oculorum contexto, alterius pupilla dilatatur. Cùm enim omnino di-
midia lux ex altero ocluso euanescat, proculdubiò exigua alteri ad videndum superest
nisi dilatetur. Vnde in suffusis, si altero oculo obducto, affecta alterius pupilla diduca-
tur, certissimum indicium id est saluam adhuc inspiciendi facultatem esse; si autem
non mutetur, penitus interiisse eam certò constat.

Porrò cùm hæc constrictio ac dilatatio non subsit mouentis arbitrio, neutiquam B
existimandum est, eam à sphinctere seu annulari musculo concitari; sed cordis agita-
tioni similem esse, quæ à parte fit musculi vim facultatemq; obtinente. Non verò, vt
Galeno placet, fit pupillæ dilatatio ab vberiore spiritu vueam distendente. Si enim ita
esset, in magna dilatatione dolor, nullus autem sensus in constrictione perciperetur.
At, vt experientia docet, constrictio pupillæ dolorem infert, dilatatio verò anodyna est.

Quibus ex vitio pupilla præter morem dilatatur, nec adstringendi vis adest, cùm
volunt (id malum *μυδρίασις* Græci nominant) his propter assiduum luminis influxum
obtusus fit breuior, cunctaque minora, quàm sint, apparent. vnde eis visus quandoque
in totum adimitur. Causa verò diductionis est humor circa pupillæ ambitum coacer-
uatus, qui vires dissoluit. Causa verò mutati aspectus est aquei humoris diminutio. Hic C
enim dum sensim externo calore exsugitur, tenuiorem relinquit eam oculi partem, quæ
cristallino directè obijcitur, ac myoptræ similiorem: quòd specilli genus est in medio
quàm in ambitu tenuius, resq; minores spectandas offerens. Quare ij qui hoc vitio
laborant, specillis opus habent, quæ res adaugent: cuiusmodi illa sunt, quæ à crassitu-
dine, qua in medio extuberant, *ὀμφαλόπτρα* rectè dici possunt.

PROPOSITIO XVIII. THEOREMA.

*In totius oculi seu motu, seu quiete, situs
partium stabilis perscuerat.* D



CVLI tunicæ quamplurimis venarum arteriarumq; fibris aspersæ sunt,
quarum ope tam firmo nexu sibi mutuò colligantur, vt ab inuicem salua
incolumitate diuelli nequeant. Vnde necessariò sequitur, vt, vnâ motâ,
ceteræ omnes consequantur. Humores quoque quoniam tunicis arctissi-
mè impacti sunt, situs illorum firmus constansque permanet. Musculi
ergo, qui externæ tunicæ sunt adnati, dum oculum mouent, totum simul ducunt; so-
lusq; opticus, vnde oculus dependet, neruus mollis ac flexibilis, prope eam ossis par-
tem, qua in cauum traiecitur, circumagitur. E

Necessaria autem ad perfectam functionem fuit hæc partium constantia: siquidem
in firmitate axis optici, qui omnia tunicarum atque humorum centra pertransit, ex-
quisitæ visionis ratio essentiaque consistit. vt pluribus hætenus propositionibus osten-
sum est.

PROPOSITIO XIX. THEOREMA.

*Oculi ita inter se sociati sunt, vt uno moto alterum
pariter moueri sit necesse.* F



RSI liberum sit oculos mouere, aut continere, pro arbitrio; tamen necessi-
tate quadam simul in eandem partem moueri compelluntur. Seorsum
enim alterum in dextrum aut sinistrum latus, aut deorsum vnum, sur-
sumve alterum, aut quauis alia ratione distrahere in diuersas partes ocu-
los numquam possumus: at simul attollendi demittendive, aut simul in
vnum aliquem situm conuertendi facultas datur; quod sanè multis explicauit Aristo-
teles in Problematis sectione 31. q. 7. Remque ita se habere per se notissimum est,
at

A at propriam eius causam proferre non ita facile. Nam vario modo fit, vt membrorum motus se mutuò comitentur. Aut enim quòd muscoli sese contingentes diuturna quiete quodammodò coalescant. ita in multis plicato auriculari digito proximus etiam suapte spontè sequitur, neque priùs singulos per se inflectere licebit, quàm assiduo conaru ea musculorum concretio dissoluta fuerit. Interdum quædam intercedit sympathia, qua alterum membrum alterius motum studet imitari. Sic vna manu circumacta, altera in eundem cursum ita prona fertur, vt facilè contrario motu circumagi non possit, nisi longo vsu ac tempore consuescat. Quæ causa est, vt in iis qui rudes ad musicorum organorum exercitium accedunt, motum vnus manus statim excipiat altera, B pariterque moueatur.

Simili quadam ratione conuersiones oculorum sibi respondent. Nam vno moto alter necessariò mouetur, ita quidem, vt amborum axes vel vnà contrahantur, vel vnà distrahantur, vel simul ad vnàm quamcùmque partem deflectant. Cuius rei causa in musculorù concretionem nequaquam referri potest, cum vtriq; oculo proprij sint musculi, longè ab alterius oculi musculis disiuncti. Quare vel in eam, quam diximus, sympathiam, vel in neruorum opticorum coitionem causa coniicienda est. Nerui enim optici à cerebro, vnde primùm profecti, circa medium frontis locum congregiuntur, priusquam in caua ossium distrahantur. Ab hoc congressu animalis spiritus, qui vim motricem musculis impertit, ex æquo distribuitur, ita vt non modò æquali affluenria C vtrumque perfundat, verùm etiam eadem facultate similiq; operatione animet. Vnde postea ille, quem in oculorum motu cernimus, consensus exoritur.

Huius societatis ea præcipua est vrilitas, quòd directâ in vnum idemque punctum amborum luminum acie, idem obiectum in vtrumque oculum, vno tempore, simili radiorum inflexione subingrediatur, quo vnus fiat distinctus sensus, atque exacta dignotio; quam causam adfert Aristot. lib. problem. sect. 31. q. 7. quamobrem oculos pariter moueri sit necesse. Si enim in diuersas partes oculi axes dirigerentur, sequeretur vel eandem rem geminam apparere, vel diuersa obiecta æquè distinctè ac manifestè simul videri, quòd mortali oculo est denegatum. Neque enim equidem existimo aues quæ plurimùm non iungunt axes, vno oculo cælum, altero terram distinctè contueri, D sed alterius semper oculi vim alternis vicibus vel omnino vel ex parte feriri.

Furiosis subinde oculi in oppositas partes, nempe dexter in dextrum, sinister in sinistrum latus conuellantur. vt cogitabundis grauique curæ intentis oculi interdum nares versus contrahuntur. Quoties verò simili conuulsione globi oculorum ita distrahantur, vt illorum axes producti non concurrant, impossibile est rem aliquam distinctè videri. Quare ita sunt à natura oculi comparati vt in eas tantùm partes inflecti possint, quibus axes simul in vnum aliquem locum concurrunt: omnem verò illum motum respuant, quo axes nimium diuariantur, siue quòd dexter dextrum, sinister verò sinistrum latus petat, siue quòd vnus sursum, deorsum alter contendat, axibus enim adeò à se mutuò diuulsis nil cerni exactè potest.

E

PROPOSITIO XX. THEOREMA.

Motum oculorum interna anima facultas persentiscit.

F V M enim ab animæ vi motus oculorum imperetur, & ad imperantis arbitrium, non autem necessaria naturæ lege à motrice facultate musculis insita concitetur, necesse est aliquam eius notionem ad internum sensum peruenire. Nisi enim motum anima sentiat, quâ fieri poterit, vt aliquando ab imperio conquiescat? cum penitus ignoret, an id quod imperatum est, sit executioni mandatum. Deinde ipsa motrix facultas exercitationis otiique discrimen percipit, at non alia ratione, quàm motus & quietis perceptione. Ergo cum oculos agitat, motum; cum feriat, quietem agnoscit. Hæc enim si non sentiat, non poterit motum excitatum continere, neque cum opus fuerit à motione cessare. Ergo motum oculorum interna, animæ facultas persentiscit, quod propositum fuit ostendere.

PROPOSITIO XXI. THEOREMA.

*Differentias motuum, quibus oculi concitantur,
internus sensus distinguit.*



D perfectam oculorum motionem, præter eam facultatem quæ imperat, eamq; quæ mouet, opus omnino esse moderatrice perspicuum est. Hæc sitne ab imperante & motrice diuersa, modò non lubet pluribus B discutere: satis autem esse existimamus verbo indicasse, placere nobis, vt vna sit quæ imperet tum motum tum eius moderationem, alia verò quæ vtrumque exequatur.

Porro fieri non potest, vt facultas animæ oculorum agitationem moderetur, nisi differentias motuum, quibus oculi cientur, cognoscat. Quo modo enim poterit oculos in partem imperatam inflectere, obtutum in rem vnam defigere, lentum motum accelerare, præcipientem cohibere, nisi has differentias persentiat? Id igitur quandoquidem fieri nequeat, fateri omnino necesse est, internum sensum differentias motuum, quibus hi subijciuntur, perspectas habere.

C

PROPOSITIO XXII. THEOREMA.

Nervi optici longitudine sunt pares.



HANC nonnulli rationem astruunt, vt probent nervos opticos pares longitudine esse debere, ne scilicet res singulæ geminæ appareant. Quæ sanè ratio minùs nobis probatur. Nam quemadmodum si axes optici in rem aliquam ad latus sitam defigantur; tametsi tum impares sint longitudine, non tamen confestim sequitur rem illam geminam apparere. Itaque neque si nervi optici inæquales sint, rerum obiectarum phantasiæ duplicatæ D conspiciuntur. Par enim vtrorumque ratio hac in parte esse videtur, sicque se habere nervi optici, vt axes, nisi quòd per axes rerum formæ ab vno puncto ad distantes oculos distraherentur, per nervos verò, notiones rerum à diuersis oculis rursus in vnum principium conueniant.

Igitur pares longitudine nervos opticos natura est machinata, sicut & pares crassitie, vt sensificus spiritus ex æquo in vtrumque oculum distribueretur. At enim quamuis nulla peculiaris ac necessaria esset huius æqualitatis vtilitas, duo saltèm comperta & contestata sunt, vnde neruorum æqualitas probari facillè potest, hos scilicet nervos in medio frontis loco congressionem facere, & oculos in capite parem vndique à medio situm obtinere, sic vt non tantùm à medio nasi, aut oris, aut menti, sed etiam à medio E cerebri, ac proinde & à frontis medio pari interuallo disiungantur. Ex quo necessariò consequitur, nervos opticos triangulum Isosceles constituere: cuius quidem basis sit ea linea, quæ neruorum extremitates, qua in spherulæ modum dilatantur, connectit; reliqua verò latera sint nervi ipsi, qui Æquicrurium absoluunt clauduntque.

PROPOSITIO XXIII. THEOREMA.

*Crystallinus humor non est præcipuum visionis
organum. aduersus Galenum.*

F



HUMORI crystallino videndi facultatem inesse Galenus tribus de causis affirmat. Prima, quia crystalloides in oculo ea pars est, cui similem in toto corpore reperire non est, quare visionis præcipuam partem sibi vendicat. At hæc ratio sufficiens non est. Nam neque vitreo, neque albugineo similis in corpore pars reperitur, quibus tamen facultatem videndi eam ob causam nemo concesserit.

Secunda ratio Galeni hæc est, quia crystallinus solus inter partes oculi perspicuus est,

A est, unde fit vt à coloribus facile alteretur. At vitreus & albugineus non minùs perspicui sunt quàm glacialis. Non igitur hac ratione prerogatiuam aliquã glacialis obtinet.

Tertia, quia solus crystallinus inter reliquas oculi partes est luminosus. Verùm iam luculenter ostensum est propof. 13. nullum humano oculo lumen à natura inlitum esse. Si quispiam contendat Galenum intellexisse oculum aliunde illuminari, ille in primis à Galeni placito recedet, nam ipse Platonis sententiæ de ingenito lumine subscribit. Deinde quid obsecro peculiare adferet, quo glaciali faueat? cùm & ceteri humores, præsertim aqueus, ab externo lumine collustrentur.


Vitello lib. 3. prop. 4. & 18. & Alhazen lib. 1. num. 16. humorem crystallinum præcipuum esse visionis instrumentum disertis verbis affirmant. Atque Alhazen duobus id argumentis probat. Primum est, quia destructis anterioribus humoribus non statim perit visus, vt destructo glaciali. Secundum, quia suffusione glaciali obiecta impeditur visus, qui mox redit suffusione ablata.

Verùm hæc argumenta nihil aliud probant, quàm quòd sine ope crystallini visio perfici nequeat: quod sanè mirum non est, non modò enim organo destructo, sed etiam ceteris præfidiis denegatis visio tollitur. Quare non crystallino tantùm, verùm etiam albugineo funditus euerfo visus extinguitur: quòd hæc omnia de numero eorum sint, quibus velut adminiculis anima externas res apprehendit. Vnde nullo modo sequitur crystallinum potiùs esse visus instrumentum, quàm sit albugineus vel vitreus, aut quæpiam tunicarum. Suffusio etiam, quòd pupillæ obiecta tenebras oculo offundat, nullo modo crystallinum præ ceteris oculi partibus commendat, sed solùm argumento est, primarium visus instrumentum intra vueam delitescere.

Nunc ergo, quòd crystallinus non sit primarium visus organum, hoc modo demonstratur. Anima, cui propria est videndi facultas, corpore vitur quamdiu in hac mortali vita degit. Igitur omnes partes oculi ceu instrumenta quædam animæ ministrant, atque ad visionem opis aliquid conferunt. Instrumenti verò ea est natura atque conditio, vt vim ab agente accipiat. Quare inter oculi partes, ea potioris instrumenti rationem obtinet, cui anima maiorem vim efficaciamque impertit, hoc est cui vberiore spirituum animalium affluentiam communicat; eiusmodi autem est vel neruus opticus, vel spiritus ipse animalis, vel retina, aut aragnoides, aut aliud quidpiam proximè à cerebro profectum; non verò humorum aliquis, quòd ij omnes ex plurimorum philosophorum sententia probabiliq̃ ratione sensus omnis vitæque sint expertes. Non igitur crystalloides primarium est visionis instrumentum, quod Galenus putauit.

PROPOSITIO XXIV. THEOREMA.

*Neque neruo optico communi primaria facultas cer-
nendi inest. contra quàm Alhazen & Vitello.*

E  ALHAZEN lib. 1. num. 25. & Vitello lib. 3. propof. 20. visionem tum primùm compleri aiunt, cùm forma visibilis humore crystallino recepta ad neruum opticum communem peruenerit, hoc potissimùm argumento, quòd nulla alia ratione fieri possit, vt à duobus oculis vnus obiecti vna fiat dignotio. Quod in hunc modum ex illorum auctorum sententia explicatur. Cùm duobus oculis vna eademque res conspiciatur, nec fieri possit, vt vna vnusque numeri forma ad duos visus perueniat; vti duos oculos, ita geminas formas admittere necessum est; quarum vna ad vnum, altera ad alterum oculum profisciscatur. Si igitur visio completeretur, priusquam hæc formæ ad communem neruum

*Alhazen
l. 2. n. 2. 4. 5
Vitellol. 3.
propof. 20.
& 22.*

F pertingant, duplex fieret dignotio ac duplex sensus: quare non vna, sed duæ res viderentur. Non igitur ita se res habet, sed quàm primùm visibiles formæ cum lumine ad superficiem visus appellunt, irrefractæ versus centrum visus (quod idem & crystallini est) directò contendunt; ita tamen, vt priusquam eò perueniant, propter dissimilem crystalloidis & vitrei transparentiam ac densitatē, à medio ceu centro visus deflectant, & rectà cauitates neruorum opticorum petant, per quas, eundem semper situm partium atque ordinem seruantes, quem res ipsæ habent, progrediuntur, ac tandem in communi neruo ceu fida statione conquiescunt. Vbi insuper ita sibi mutuò incumbunt, vt exactè congruant, atque in vnã formam coalescant. Sicque fit, inquit Vitello propof. 20. vt propter communis nerui vnitatem, ambobus visibus, vnã & eandem rem accidat videri.

Non

Non pauca sunt quæ huic doctrinæ obijci possunt: ac primò quidem illud, quòd A nerui optici ex multorum opinione pertusi non sint; aut si verè caui sint, adedò exiguus sit meatus, vt multorum obtutum fugerit.

Secundò, quòd iidem nerui non verè in vnum communem neruum concreuant; sed tantùm sese contingant, vt prop. 12. ostendimus. Vbi etiam retulimus, Andream Vesalium Patavij quemdam dissecuisse, cuius nerui optici à cerebro ad oculos perpetuò disiuncti erant. Hic ergo vel nihil omnino vel omnia gemina conspiceret ex Alhazeni & Vitellonis sententia debuisset; at probè cuncta simpliciaq; ceterorum more antè videre solitus erat.

Tertiò, ea est visibilium formarum constans natura, vt rectis semper lineis ferantur, B quam proprietatem cum lumine; quo vehuntur, communem habent. Neque vlla vñquam vi ab ea rectitudine dimoueri se sinunt, nisi ob causam alterius diaphani, vel à perpendiculari, vel ad perpendicularem deflectere cogantur. Fieri ergo omnino non potest, vt rerum formæ, vbi ad neruos opticos peruenerint, longius progrediantur. Siquidem nerui optici cum opticis axibus numquam in directum iacent. Vnde necessarium foret, visibiles formas, quàm primùm per axes delatæ cavitates neruorum opticorum subeunt, mox à cœpto itinere abduci, atque per obliquos sinus tandem sese in communem neruum insinuare.

Quartò, nerui optici non minùs sensu præditi sunt, quàm ea illorum pars, qua in vnum neruum coeunt. Ergo statim ac formæ rerum ad neruos opticos pertigerint, fiet C perfectus sensus, etiãsi necdum sint ad communem neruum delatæ.

Quintò, si formæ visibiles per neruos opticos ad communem neruum proficisci valent, quid obstat quo minùs hinc vterius ad cerebrum vsque per easdem neruorum cavitates peruadant? Quod si fieri concedatur (vti necessarium est) iam duplex inconueniens subsequetur. Vnum est, quòd iterùm ex vna forma duæ fient, atque adedò duplex sensus, cum hæ neruorum portiones non minùs sentiant, quàm neruus communis, imò edò exquisitiùs quòd propiùs ad cerebrum accedunt: alterum, quòd dextra forma fiet sinistra & contrà, atque ita inuerso situ res spectandas exhibebunt. Quapropter iidem qui suprà Alhazen & Vitello, hic lib. 3. prop. 21. ille lib. 2. num. 2. nullo pacto admittunt radios visibilium rerum sese in oculi centro interfecare, nempe ne producti D inuersum situm adquirant, sicque rei pars dextra sinistra, & superior inferior, contràq; appareat. Quam præcipuè ob causam radios illos priùs quàm in centrum oculi conueniant, resilire à perpendiculari comminiscuntur, vt eundem semper situm obseruantes, proprio ordine res obiectas communi neruo representent.

Ex his liquidò constare videtur, neruum communem non esse propriè ac præcipuè visionis instrumentum, vt sentiunt Vitello & Alhazen. Quo verò pacto contingat, à duobus oculis rem vnam singularem & non geminam videri, dicemus prop. 79.

PROPOSITIO XXV. THEOREMA.

Neque, vt multi existimarunt, spiritui animali ea vis tribuenda est.



NON pauci, præsertim ex recentioribus philosophis, primariam cernendi vim spiritui animali tribuerunt. Inter quos reperiuntur Hieronymus Fabricius lib. de visu, voce, & auditu, aliiq; complures.

Magna est, fateor, in humano corpore spirituum vis atque potestas. F iis namque facultates omnes excitantur & gubernantur: quæ tres omnino cum sint, naturalis, vitalis, & animalis, tota specie disclusæ; totidem spiritus, qui illarum sint adiutores, pari interuallo disjungere oportet. Hos sanè eæ partes, quæ in corpore principatum obtinent, iecur, cor, ac cerebrum subministrant: quæ non tantùm spiritu præpotente valent, vt seipsas dumtaxat gubernent; sed etiam alios de se spiritus fundunt, & tamquam iugi de fonte in ceteras corporis partes propriis ductibus deriuant. Igitur præter spiritus illos, qui in vnaquaque parte corporis stabiles ac fixi sunt, tres alij numerantur fluentes ac mobiles, propriis ductibus in eas partes, quibus necessarij sunt, illabentes. Vnus naturalis è iecinore per venas ad extrema vsque corporis diffusus: alter vitalis, quem cor assiduè per arterias impellit: tertius animalis, qui ex vitali in cerebrum

A cerebri ventriculis genitus, hinc per neruos prolapsus, non omnes corporis partes, vt naturalis & vitalis; sed eas dumtaxat irrigat, quæ sensus motusq; sunt compotes.

Cum igitur animalis spiritus mobilis sit fluxusque, fieri nequit, vt illi præcipuè insit cernendi facultas, quæ firma est & constans. Deinde vt altrix, auctrix, & quibus corpus spirat facultates non insunt sanguini, aut vitali spiritui, ceu propriæ materiæ; sed firmæ solidæque substantiæ, cui spiritus robur efficaciamque confert: ita potentia intuendi solidiori alicui parti insidet, quam spiritus animalis roborat atque confirmat. Rursus vis intuitiua ei tantummodò parti inest, quam anima viuificat. Nam virtus omnis primò insita est animæ, deinde illi corporis membro, quod tamquam idoneum instrumentum animæ subseruit. Nequit autem pars vlla, nisi anima informetur, instrumenti rationem habere: siquidem sensus organo tamquam brachio, non autem vt fuste res externas attingit. Igitur soli membro anima informato vis aspiciendi inesse potest: at animalis spiritus viuat, necne, anceps est inter philosophos disceptatio: qui vero propius accedunt, negant. ergo ille non est primarium visionis instrumentum.

Hoc tamen animali spiritui tribuendum videtur, quod solis radio. vt enim sol æstiuo tempore rebus omnibus, quas brumæ algor torpentes ac velut emortuas reddidit, vitam quodammodò restituit, nouamque agendi vim confert, ob id solùm, quòd suo calore eas aptiores ad agendum efficiat: ita animalis spiritus viuifico ac salutari calore partes omnes, quibus assistit, fouet, atque insitas rebus facultates excitat, efficacique ac promptas reddit.

Itaque cum ab animali spiritu non minima actionis pars dependeat, fit, vt eius affectio in ipsam quoque actionem pertranseat. Vnde si motu is concitetur, res quoque obiectæ agitari videntur: quod in vertigine euidenter apparet, iisq; qui se plusculum inuitarunt. His enim larga vini copia volubiles fumos in cerebrum transmittit, qui prius, quàm temporis spatium concoctionem exhibeat, per cerebrum voluuntur, atque visoribus spiritibus confusi permixtique in oculos prolabantur, quos & vertigine tantisper tentant, & omnia gemina apparere faciunt, quòd axes firmari minimè patiantur. Vnde est illud Iuuenalis lib. 2. Satyra 6.

*Cum bibitur concha, cum iam vertigine tectum
Ambulat, & geminis exsurgit mensa lucernis.*

D Hinc illis difficile certò pedem figere, & vocalia instrumenta ad arbitrium mouere, & digitorum congressionem facere. Sic & phreneticis, si sanguis in caput conscenderit, omnia cruore respersa cernuntur. Deliri prætereà, è quorum cerebro desiliunt spiritus nebulis obducti ac minus puri, varias patiuntur phantasias, quibus illorum aspectus miris modis illuditur.

Demum illi etiam, qui nulla perturbatione laborant, quasdam interdum præternaturam affectiones sentiunt, vt ille apud Horat. Epistola 2. lib. 2.

— haud ignobilis Argis

*Qui se credebat miros audire Tragædos,
In vacuo letus sessor plausorq; teatro.
Cetera qui vitæ seruaret munia recto
More, —*

*Hic ubi cognatorum opibus, curisq; refectus,
Expulit elleboro morbum, bilemque meraco,
Et redit ad sese: Pol me occidistis amici,
Non seruastis, ait, cui sic extorta voluptas,
Et demptus per vim mentis gratissimus error.*

Sic & ij qui diu circumaguntur cadunt, propter spirituum motionem, quæ visum perturbat, & facultatem animalem à propria functione auocat. Sic ob spirituum inopiam quidam parum, aut nihil vident. Alij ob volubilitatē obtutum defigere diu nequeunt. Alij propter crassitiem hebetem patiuntur aciem. Qui aquam bibere consueuerunt, vt notat Aphrodisæus lib. 2. Problem. q. 55. acutiùs vident. Quibus autem lucidus est & constans spiritus, eaq; affluentia quæ ad perfectam functionem est necessaria, his visus est perspicax, & firma oculorum acies. Contrà verò *vti pinguis venter*, inquit Libro de vera Virginitate. D. Basilius, *non quia ita naturaliter affectus est, sed in quem pinguedo per gula intemperantiam assatim fluxit, perturbans & impinguans animam, non gignit sensum tenuem: ita & qui per imbecillitatem nimiam fuerit exilis & gracilis, in emortuo corpore tenuem quoque iam genitum prorsus extinguit.*

PROPOSITIO XXVI. THEOREMA.

Glaciali humori inest principium sensus.

D VOBVS præcipuè organis visio perficitur : alterum est quod formas rerum suscipit, vt centrum visus, & vertex pyramidis opticae; alterum quod harum imaginum ope res ipsas dignoscit. Quæ in hunc modum clariùs exponentur. A quolibet obiecti puncto infiniti radij vndique profiliunt. ex quo fit vt cuiusque illorum forma ad omnes partes superficiei visus B perueniat, nec non in quoduis punctum superficiei visus omnium punctorum obiecti species concurrant. Quare si eo ordine ac situ res obiectæ perspicerentur, quo ipsarum imagines ad superficiem visus appellunt, omnia perturbata atque confusa conspicerentur, nec vna ab alia discerni posset. Nam quodlibet punctum superficiei visus à quolibet obiecti puncto afficitur. Quocirca per pyramidem omnia videri necessè est, ita vt illarum rerum dumtaxat notiones accipiantur, quarum formæ in vnum aliquod oculi punctum, quod centrum visus, seu vertex pyramidis opticae nuncupatur, conueniant. Id in crystalloidis medio situm esse dicimus. Sic enim fiet, vt quandoquidem vnus puncti visibilis innumeri sint radij, per vnum dumtaxat ex illis omnibus, qui ad superficiem visus pertinent, conspiciatur, per illum nempe qui ad centrum visus perueniat; C per ceteros autem non item.

Hac ergo ratione dicimus crystalloidi principium sensus inesse, non quod verè dignoscatur; sed quod recipiat tantum, & ceu vertex opticae pyramidis omnium rerum imagines terminet, dignoscentique facultati præscribat, per quas ex infinitis quæ ad superficiem visus vnà appellunt, vnaquæque res comprehendi debeat.

Cumq; sit ad visionem apprimè necessaria hæc crystalloidis functio, atque præ ceteris nobilissima, eius consideratione existimo Vitellonem lib. 3. prop. 4. & Alhazenum lib. 1. num. 16. liberius pronuntiasse eam oculi partem primarium esse visionis instrumentum. Siquidem non solum disertè docent auctores illi in neruo communi vt in principali sede visionem celebrari, vt supra retulimus propof. 24. verum etiam Vitello D lib. 3. propof. 22. & Alhazen. lib. 2. num. 3. aperte asserunt crystalloidi principium tantum sensus inesse. Hoc tamen diuersum à nobis sentiunt, quod dicant radios à perpendiculari priùs infringi, quàm in centrum visus conueniant; vt ita ad neruum communem, præcipuam visionis officinam, peruenire possint. Quam sententiam quia supra reiecimus, reliquum est, vt verè sentientem oculi partem, hoc est primarium visus organum, ex propria sententia exponamus.

PROPOSITIO XXVII. THEOREMA.

Præcipuum visus organum est ea pars nervi optici qua Aranea nuncupatur.

E

CVM visio quædam sit passio, illud maximè quod patitur, erit præcipuum visus instrumentum. Hoc autem est neruus opticus. Ita enim in ceteris corporis partibus sensum omnem à neruis provenire manifestè deprehendimus. Nam & olfactus à graui odore, & auditus à vehementi sono, & ab acri sapore gustatus, & ab impenso calore aut frigore quæuis pars corporis, propter sentientem neruorum vim & facultatem læditur ac labefactatur. F Quod igitur patitur, idem & sentit; vnumquodque quidem secundum suæ naturæ atque ingenitæ dispositionis modum. Vnde vnus sensus passiõe, tactus, alterius gustatus, alterius olfactio, aurium auditio, oculorum visio nuncupatur. Eidem igitur dignoscendi & patiendi facultas inest. Nec aliam ob causam neruus opticus patitur, quàm propter dignoscentem, quæ ipsi inest, facultatem.

Rursus quod patitur, susceptione nociuæ qualitatis molestat. Quare necessum est videndi facultatem non ad totum neruum opticum, sed ad aliquam dumtaxat eius partem, quæ extrema sit, primò pertinere. Eamdem profectò ob causam, ob quam tactus potissimùm in digitorum extremitatibus viget, vt videlicet inde instantis mali prænotio

A prænotio ad internum sensum deriuetur, priusquam ceterę corporis partes in discrimen adducantur. Ita ergo aranea præcipuè tunica, quæ nerui optici apophylis est, cernendi sensu pollere debuit. Deinde cum sola corpora diaphana lumen rerumq; formas suscipiant; oportet eam nerui optici partem quæ sentit eiusmodi esse, vt ad eam rerum imagines ordinatè perueniant, hoc est eundem partium situm obseruantes, quem res ipsæ habent. Demum cum crystalloides colligendis in vnum velut centrum radiis opticis præcipuè deseruiat, necesse est sentientem nerui optici partem magnam insuper cum eo societatem habere. Eiusmodi autem est aranea tunica, quæ à retina primùm, inde à neruo optico, denique ab ipsa cerebri substantia producitur. Eademque impensè diaphana est, atque glaciale humorem arctissimè complectitur.

B Quare araneam tunicam primarium visionis organum esse pronuntiamus. Siquidem quæ diaphana, rerum formas, quæ cum lumine oculum subeunt, primò suscipit; non quidem vt crystalloides, in cuius medium omnes conueniunt, sed vt pars sentiens, cum sit de cerebri substantia propagata. Deinde cum eadem tunica crystalloidi obuoluatur, fit, vt rerum figuræ araneam prius ordinatè pertranseant, quàm in medium glacialis concurrant. Quapropter res ipsas distinctè atque ordinatè dignoscit, non verò permixtas atque confusas. Præterea cum crystalloidi ita arctè adnata sit, teste Ruffo, vt salua incolumitate separari nequeat, fit, vt humor ipse crystallinus spissamentum potiùs quoddam aranæ esse videatur, lumini rerumque figuris in vnum colligendis accommodatū, quàm quidpiam ab ea distinctum. Vnde mirabilis ille consensus prognafcitur araneam inter & crystalloidem, vt earum rerum dumtaxat notionem araneam accipiat, quarum radij in medium crystalloidis conueniunt. Igitur sola aranea verè lucis affectiones & suscipit vt diaphana, & quatenus à neruo optico cerebrique substantia proficiscitur etiam sentit; qui sensus per retinam neruumq; opticum delatus, tandem pertingit ad cerebrum.

C Superest modò perpendendum, quomodo ex lucis & aranæ contactu actio, hoc est visio, consequatur. Id sanè non alia ratione fit, quàm quòd lumen araneam natura diaphanam perfundat, cuius receptione patitur. At eiusmodi passio non statim visio est: nam & crystallinus & albugineus sola luminis susceptione patiuntur, etiam dum quis apertis oculis dormit. Præter hæc ergo aranea ex cerebro dignoscentem vim obtinet, qua (nisi somno sopita conquiescat) suscepti luminis notionem efformat, quam mox per retinam atque neruum opticum, ad cerebrum, vbi sensus communis viget, transmittit. Est autem hæc non puri luminis notio, sed rerum formis, hoc est colore, figura, quantitate, situ, ac ceteris proprietatibus quæ sub aspectum cadunt, affecti. Sic igitur postquam lux rerum visibilium proprietatibus affecta oculum subiit, neruo optico, qua parte is in araneam desinit, congregitur; sicque sentientis substantiæ contactu insitaq; animæ vi ac facultate dignotio seu visio tandem efficitur. A cavitatibus porrò neruorum opticorum, quas poros Galenus vocat, spiritus animales continuò efflantur, qui hanc facultatem excitent ac robovent.

E *His perspicuè explicatam existimo partem oculi principem, cuius gratia instituta sunt cetera, ac totius etiam oculi fabrica. Quocircà ad ea quæ oculis obijciuntur, quæq; sub aspectum cadunt, gradum facimus. Horum enim cognitio, non minùs quàm organi ipsius compositio, ad naturam affectionesque visus enucleatè explicandas est necessaria. Accedunt ea quoque sine quorum presidio visio perfici non potest, quas alij obiecti visibilis conditiones, alij conferentia nominant.*

F

DE OBIECTO VISVS.

PROPOSITIO XXVIII. THEOREMA.

Lux & color proprium sunt obiectum visus: lux quidem per se primò: color autem, lucis accessione.

B



VISIBILE bipartitò diuiditur. Vnum enim per se aspectum mouet, alterum ex accidente. Id quod per se, aliud proprium, aliud commune. Proprium quidem illud, quod nullo alio sensu percipitur: commune verò, quod aliis quoque sensibus sui notionem impertit, vt sunt magnitudo, figura, locus, situs, numerus, & reliqua, de quibus mox sequenti propositione agemus. Rursus proprium visibile aliud primò & per se visum mouet, vt lux; aliud per se quidem, sed lucis tantum accessione, vt color. Ex accidente videri dicuntur corporeæ substantiæ; quæ nisi aspectabili qualitate obfignentur, nullo per se modo sub visum cadunt: vt si album Cleonis sit filius, album quidem per se, at Cleonis filius per accidens videbitur. C Rectè quidem. nam sensus ipse ab huiusmodi sensibus nihil omnino patitur quæ talia sunt, sed tantum quæ spectabili qualitate obteguntur. Quæ Nemesius (lib. de natura hominis) nos intelligentia potius quàm sensu percipere caloris exemplo declarat: *Primo quidem aspectu solum colorem & figuram ignis accipimus; at tactu accedente & calidum esse cognoscimus, quod à tactu accipiens memoria conseruat. Post igitur, cum ignem spectabimus, nil aliud cernemus quàm figuram & colorem ignis: at intelligentia, cum his rebus quas videt, caliditatem quoque per memoriam concipit.* Et paulò post: *Cum ergo pomum cereum verum esse pomum arbitramur, non visus utique sed intelligentia fallitur.*

Communia igitur visibilia, inter propria, & ea quæ ex accidente dicuntur, medium locum obtinent. nam cum propriis id commune habent, quod verè sensum immu- D tent; quod verò nullam speciem à priorum visibilium forma reipsa distinctam sensiterio inurant, hoc ad ea, quæ per accidens visibilia sunt, propius accedunt. Hæc enim suoptè ingenio penitus visum latent. Cerni autem ex accidente dicuntur, quia iis, quæ per se sensum feriunt, naturali necessitudine cohærent. Inter propria igitur, & ea quæ ex accidenti videntur, communia spectabilia versantur; non tamen in illo exacto medio, quod ab extremis pari interuallo distat. nam cum propriis, quàm cum iis quæ ex accidenti, maiorem cognationem habent. Hæc enim verè non videntur, neque vllam sui similitudinem in organum inferunt: sed corporeis accidentibus obuoluta penitus delitescunt. Cùm verò externa accidentia percipimus, latentem quoque substantiam videre dicimur, improprio loquendi modo: quemadmodum ciuitatem E nos videre existimamus, cùm summas turrium cuspides è longinquo cernimus.

Hic meritò quæret aliquis, quo pacto vnus sensus plura obiecta esse queant; nempe lux & color, atque insuper ea quæ communia sensibilia nuncupantur. hæc enim etsi non vni sensui astricta sint, tamen non ex accidente, sed per se, ingenitaq; proprietate videndi potentiam ad munus suum obeundum excitant. Respondemus, hæc quæ enumerata sunt, ad materiam visuæ potentiæ obiectam per se attingere. quæ tametsi multiplex esse possit; ratio tamen, quam formalem vocant, & ob quam cuncta spectabilia sunt, semper est vna. Hanc nonnulli visibilitatem nominari volunt: at rectius visibilitatis principium esse dixeris. fluit enim visibilitas à quopiam innominato, quod luminis, colori, ceterisq; quæ sub aspectum cadunt commune est. Hoc ergo innominatum, est ratio formalis, ob quam ea omnia quibus inest, à visu dignosci queant. cetera verò omnia, vt sunt opacitas, collustratio, magnitudo, oppositio, distantia, medium diaphanum, & si quæ alia, eiusmodi sunt, sine quorum ope atque præsidio visio actu non celebratur. Colorata enim in tenebris constituta, suapte quidem natura visibilia habentur, quandoquidem etiam tum colores seruent, quorù naturam visibilitas comitatur; tamen actu videri non possunt, nisi illustrentur: ita nec lumine prædita sub aspectum venire, nisi quoad natura postulat compacta addensataq; sint. Quapropter aër lumine actu collustratus, est quidem per se visibilis, tametsi à nobis non conspiciatur, ob defectum necessa-

A necessariæ densitatis. Eademque est in ceteris demonstratio, quam in opportuniorem locum remittimus.

Dices, ut video, colores qui spectantur in iride, & qui in triangulari vitro apparent, & quos solares radij per infecta vitra in oppositum parietem transmittunt, omnem denique colorum varietatem, quam pavonum plumæ non sine voluptate ostentant, à solo visu hauriri, qui tamen neque luces neque colores verè ac propriè dici possunt. Igitur non sola lux solusque color sub proprio obiecto visus continentur. Respondendum colores illos quos apparentes vocant, aut luces veras esse, aut veros colores, aut quidpiam ex his mixtum. Quod enim nihil verum est, nihil est omnino; quod

B autem nihil est, nequit reali immutatione sensum, qui ex se est indeterminatus, ad agendum stimulare. Vtrum autem, lux ne an color verè sint colores illi apparentes, infra suo loco dicemus, propos. 41. Nunc ad proposiram obiectionem diluendam satis erit dicere, colores illos qui in iride, & qui in triangulari vitro conspiciuntur, veras esse luces, illos verò qui in pavonum plumis visuntur, veros esse colores, qui denique per tincta vitra luminis ope transfuehantur, medium quid esse ex lumine ac colore mistum.

Rursus nobis obijcies D. Augustinum qui libro ultimo de ciuitate Dei, cap. 29. de beatorum statu ita differit: *Vis, inquit, præcellentior oculorum erit illorum, non ut acutiùs videant, quàm quædam perhibentur videre serpentes vel aquilæ; quantalibet enim acrimonia cernendi ea animalia vigeant, nihil aliud possunt videre quàm corpora; sed ut*

C *videant etiam incorporalia.* Quibus verbis apertè indicat D. Doctor visum beatorum proprio cernendi actu percepturum etiam spiritualia, quæ extra metas obiecti visus posita esse videntur. Ex eodem capite soluitur hic nodus: beatos ex refulgentia diuinæ claritatis in corporibus apparente, Dei præsentiam singulari intellectus perspicuitate cognituros. Quætionem enim mouet D. August. his verbis: *Dico igitur quòd visuri sint Deum (beati) in ipso corpore: sed vtrum per corpus, non parua quæstio est. Durum est dicere, quòd Sancti talia corpora tum habebunt, ut non possint oculos claudere atque aperire, cum velint: durius autem, quòd ibi Deum, quisquis oculos clauserit, non videbit.* Ac tandem sic concludit: *Sancti in corpore videbunt Deum spiritu, quemadmodum (4. Reg. 5.) Helixæus puerum suum Giezi absens corpore vidit accipientem munera, quæ dedit ei Naaman Syrus, quem propheta à lepræ deformitate mundauerat.*

D

PROPOSITIO XXIX. THEOREMA.

Communia obiecta visus sunt: quantitas, figura, locus, situs, distantia, continuitas, discretio, motus, & quies.



A RISTOTELES lib. 2. de anima cap. 6. text. 64. quinque sensibilia communia enumerat, nempe motum; quietem; numerum; figuram, & magnitudinem.

E Quæ pauciora probent; hæc argumenta adferri possunt. Motus in primis natura inconstans perpetuo fluxu labitur, nec vsquam consistit. Igitur comprehendi nequit sine præteritarum partium memoria, & futurarum prospectione, quas postea mens cum præsentis momento componat. Hæc autem sublimioris sunt facultatis, & non externorum sensuum, qui circa præsentia tantum negotiantur. Secundò, quies nihil est, cum sit motus priuatio, nullo igitur sensu percipitur. Tertiò, humanus visus non differt essentiâ à visu beluarum; sed brutæ animantes nequaquam numerant, cum id soli homini competat. Igitur numerus non comprehenditur sensu, sed solo intellectu, quo homines à beluis distinguntur. Quartò demum, figura à magnitudine reipsa non differt, nec alio sensu quàm magnitudo dignoscitur. Igitur figura non est peculiare obiectum commune distinctum à magnitudine. Quare hæc

F sola relinquatur ex obiectis communibus ab Aristotele commemoratis.

Plura, quàm quinque superius ab Aristotele recensita, hæc argumenta inducunt. Primum, idem Aristoteles capite citato textu 63. ait sensum circa proprium sensibile non posse errare, at contingere non raro, ut circa vbi seu locum rei, visus hallucinetur. Igitur vbi seu locus est inter obiecta communia adnumerandum. Secundum, lib. 4. Physicorum c. 11. textu 98. ait Aristoteles tempus sensibus percipi. ergo æquè ac motus, cuius mensura est, inter communia sensibilia censeri debet. Tertium, accedunt distantia, situs, continuitas, discretio, asperitas, lauitas, æqualitas, inæqualitas, & cetera, quæ

nonnulli scriptores Optices superioribus annectunt; quòd tum visu tum aliis nonnullis A
sensibus per se, non verò ex accidenti percipiuntur. Hæc igitur omnia in eandem tri-
bun cum Aristotelicis obiectis communibus iure referri debent.

Pro Aristotele dici potest, eum non omnia communia sensibilia figillatim enume-
rare voluisse, sed quinque tantum summa capita, ad quæ cetera reuocari possint. Quare
iis qui motum tollunt, respondendum, motum perfectè ab intellectu cognosci, imper-
fectè verò & quodammodò materialiter ab externo sensu, citra vllam partium inter se
collationem. Neque aliud existimo voluisse Galenum de dignoscendis pulsibus, vbi
statuit motum ratione non sensu dignosci. agit enim de motu arteriæ, ex cuius diffe-
rentiis symptomata affectionesque cordis deprehenduntur. Quis enim neget arteriæ B
motu tactum cieri, cum medicus manum admouerit? quin imò motus & quietis vi-
cissitudinem sensus percipit; at vtriusque discrimina, varietates, ac mutationes, à qui-
bus pulsus velox, creber, constans, durus, validus, tenuis, serratus, formicans, caprifans,
vermicularis, vndosus, vocitantur, summam animi attentionem, longamque experien-
tiam requirunt; vt ipsemet Galenus lib. 1. de dignoscendis pulsibus ingenuè fateatur,
ad absolutissimam pulsuum cognitionem totam humanam vitam requiri.

Iis qui quietem tollunt, respòdetur, quietem non ita sensu percipi, quasi ipsa peculiari
actione sensum moueat atque immutet; sed negatiuè, more aliarum negationum ac pri-
uationum, nempe quatenus res eodem semper loco constans firmaque subsistere cernitur.

Iis qui numerum reijciunt, idem respondendum quod de motu diximus. Nam so- C
lius mentis opus est numerare, & per vnitatum incrementa ac decrementa numeros
augere atque minuere. Sensus autem externus confusam multitudinem percipit, hoc
est plura velut discreta, non quatenus vnum quidpiam indistinctum faciunt.

Nunc quid de numero communium sensibilium opinandum sit, ita accipe. Neque
pauciora quam Aristoteles posuit, neque omnia quæ à perspectiuis ingeruntur, statuenda
esse existimamus: sed hæc nouem. *Quantitatem*, sub qua magnum paruum, crassum
tenue, longum latum, æquale & inæquale, & cetera eiusmodi continentur. *Figuram*,
sub qua rectum curuum, asperum læue, obtusum acutum, conuexum concauum.
Locum seu *vbi*, sub quo supernum infernum, dextrum sinistrum, anterius posterius.
Situm, sub quo sessio, statio, ordo, dispositio. *Distantiam*, sub qua longinquum, pro- D
pinquum, altum, profundum. *Continuitatem*, sub qua vnitas. *Discretionem*, sub qua
numerus, multitudo, paucitas. *Motum*, sub quo tempus. ac demum *Quietem*.

Ad primum igitur argumentum illorum qui plura astruere conantur quam quinque;
admittimus vbi seu locum, inter sensibilia communia.

Ad secundum, diceadum tempus quidem sensu dignosci; sed quia (vt Aristotelis
verbis vtar) *simul motus ac temporis sensum habemus*, idcirco tempus sub motu compre-
hēdimus, vt magnum & paruum sub quantitate. Qui enim rei quantitatē cognoscit,
simul magnitudinis & paruitatis notionem accipit: at quantitatis notitiam, non ne-
cessariò distantiae, aut situs, aut continuationis sensus comitatur; sed si attentius im-
moreris, confestim subsequetur. Estque hæc non improbabilis ratio, vt ea sensibilia com- E
munia distinguantur, quorum plerumque distinctæ sunt notiones: ea verò, quorum
cognitio simul ferè accipitur, in vnum caput redigantur.

Ad tertium iam manifesta est ratio cur asperitas læuitas, æqualitas inæqualitas di-
stincta sensibilium capita non constituent, quòd videlicet simul cum quantitate cog-
noscantur. Item ad quartum patet, cur figura distinctum visile sit à quantitate.

Porrò non leuis error illorum est, qui similitudinem & dissimilitudinem in ordinem
ceterorum sensibilium communium redigunt, cum non parum inter hæc & illa inter-
sit. Nam eiusdem rei quantitas, figura, ac situs, visu tactuque percipiuntur: at simili-
tudo quæ in coloribus reperitur, solo visu; & quæ in sonis, solo auditu; & quæ in odo- F
ribus, solo odoratu: sicque in ceteris, quæcumque vna in re existit similitudo, vnico dum-
taxat sensu dignoscitur, nulla autem est, quæ pluribus. Itaque similitudo ac dissimilitudo
media sunt sensibilia inter propria & communia. nam cum propriis conueniunt, quòd
in singulis rebus vniuscuiusque similitudo aut dissimilitudo vni tantum sensui congruat;
conueniunt verò cum communibus, quòd in genere similitudo ac dissimilitudo pluri-
bus sensibus dignoscatur.

Maior verò illorum est error, qui transparentiam, opacitatem, (quam Alhazenus
corporeitatem vocat) obscuritatem, & vmbra ad hanc classē referunt. Hæc enim
quo alio sensu percipiuntur, quam visu?

A Maximus autem error illorum est qui pulchritudinem & deformitatem huc sistere non verentur. Nam pulchritudo in harmonica mediatione consistit, quam vix ratio ipsa humana dignoscit; turpitude verò, in occulta quadam lineamentorum qualitatūque asymmetria. Ex quo fit, ut quod vnus pulchrum, id alter turpe esse iudicet; quamuis vterque omnium partium conformationem, qualitatūque attemperatorem, ac physiognomiam vniuersam externo visu accuratissimè intueatur. Vnde non sensu, sed iudicio ac crisi laborare ij dicuntur, qui hac in re præter communem peritorum opinionem pronuntiant.

B *Hac de obiecto visus vniuersè dicta sint: nunc ut de eodem in particulari nonnulla explicemus, ratio visus exposcit. Si verò ita compertum est, ut color sine lumine visibilis esse non possit, nihil agimus, nisi prius quàm ad colores explicandos accedamus, de natura luminis commentemur. Nobis autem propositum hoc loco non est, de luminis propagatione, concursu occursuque agere: sed de iis tantum quæ ad ipsius naturam definitionemque propriè spectant; hæc enim ad rationem visus necessaria esse omnium testimonio comprobantur. De ceteris verò luminis proprietatibus quintus Opticorum liber inscribetur. Porrò ante omnia explicanda est natura diaphani, sine quo nec luminis nec colorum formæ ad aspectum nostrum porriguntur.*

PROPOSITIO XXX. THEOREMA.

Diaphanum rectè definitur, quod lumini rerumque formis impunè est peruium.

D **P**ERSPICVVM vno modo accipitur pro corpore luminoso, quod nempe luminis est particeps: alio modo dicitur idem, quod Diaphanum. Hoc, perspicuum indefinitum seu interminatum vocari solet, quod nimirum aspectus in illius extremitate non subsistat, sed vterius videndo commeet, ac totum peruadat. Rectè enim Diaphanum definitur, quod lumini peruium est. Illud verò vocatur perspicuum terminatum, sub quo comprehendi etiam potest omne corpus colore infectum, ut sit idem perspicuum atque conspicuum.

Magna est perspicui siue diaphani varietas, ex ea latitudine quæ secundum magis & minus æstimatur, proueniens. Nam omnium maximè diaphanum est cælum, secundo loco supernus ignis, si tamen aliquis sit supra aëris regionem constitutus; hinc aër, demum aqua, eodemque ordine quæ ex horum permixtione constant, ut crystallus, vitrum, ac gemmæ quamplurimæ. Eius ordinis ratio est, quoniam ab terrena crassitie & opacitate longissimè abest natura cælestis, tum ignis, inde aër; ac deinceps cetera.

Quemadmodum lumini, ita quoque coloribus rerumque aspectabilium formis peruium est diaphanum; quo fit ut visioni accommodatissimè obseruiat. Rerum namque imagines cum lumine per corpus diaphanum ad oculos transmissæ id efficiunt, ut res etiam ipsæ per interiectum licet densissimum corpus transpareant. Quod neutiquam accideret, si densitas corporum rerum simulachris obsisteret.

PROPOSITIO XXXI. THEOREMA.

F *Lux & color corporis opaci sunt proprietates.*

A **R**ISTOTELES libro de sensu ac sensili cap. 3. ait lumen quidem in indefinito esse, colorem verò in definito. Vnde non pauci philosophi in eam sententiam prolapsi sunt, lucem quidem corpori inesse diaphano, colorem verò opaco. At huic sententiæ in primis aduersantur cincindeg, & putres quercus, & pisces, ignisque ipse, & quæcumque demum in sub-lunaribus suapte vi splendent. Hæc enim omnia si vel extinguantur, vel maiore lumine absorbeantur, corpus opacum exhibent. Deinde cum diaphanum illud iam esse constet, quod lumen coloresque transmittit, perspicuum est, fieri non posse, ut in eo

quidpiam lucis vel coloris subsistat. Igitur in solo opaco hæc sedem firmare possunt. A
 Cuius rei hoc quoque indicium est, quòd lumen ipsum per medium diaphanum effu-
 sum, quamvis inter cetera visibilia sit maximè conspicuum, tamen eo minùs cernatur,
 quo medium purius; atque ab omni opacitatis contagione liberius existit. Præterea si
 per singula discurrere velimus, comperiemus omne corpus, quod vel proprio nitet ful-
 gore, vel quod colore aliquo infectum est, opacum esse; nullumque corpus opacum
 extare, quod non vel luce, vel colore conspicuum sit. Ita vt lucidum & coloratum cum
 opaco reciprocentur.

Cùm verò Aristoteles asserit, lumen quidem in indefinito esse, colorem verò in defi-
 nito, ex decursu sermonis manifestè constat, per indefinitum, corporis profunditatem; B
 per definitum verò, extimam eius superficiem intelligi debere. Agens enim de iis, quæ
 actu videntur, ait eorum, quæ suapte natura fulgēt, nitorem in profunditate conspi-
 cuum esse; colorem verò in extima dumtaxat corporis superficie.

Aduertendum autem in sublunaribus nullum corpus existere perfectè diaphanum,
 sed vnumquodque opaco permixtum esse, aliud quidem magis, aliud verò minùs. Quà
 opaca sunt, lumen coloresque admittunt, & eorum ope sub aspectum cadunt; quà verò
 diaphana, his omnibus peruia sunt. Rursus quæ eiusmodi sunt, vt nec lumen, nec re-
 rum imagines transmittant, ea absolutè opaca nuncupamus, vt sunt ligna, terræ, ac plu-
 rimi lapides. Quæ verò tum lumen, tum spectra rerum accuratè traiciunt, ea diapha-
 na censemus, vt sunt aër, aqua, crystallus, vitrum, & gemmæ non pauca; quæ demum C
 lumen quidem, sed non perfectas rerum formas reddunt, mediâ dicimus, &, si placet,
 nebulosa possunt appellari, cuiusmodi sunt cornu in laminas extenuatum, charta oleo
 perlita, & inter gemmas chalcedonius, agates, pluresque aliæ.

Eorum quæ absolutè diaphana appellamus, nil ita exquisitè perspicuum reperitur, vt
 omnino opacitate careat. Quinimò non pauca etiam manifestum colorem ingenitum
 habent, vt carbunculus, smaragdus, sapphyrus, hyacinthus, aliæque gemmæ; quarum
 proinde color non in summa tantum superficie, sed etiam in profunditate conspicitur.
 Nam cùm in his rebus tinctura pertenuis sit, in profundiore quidem corpore copiosior
 apparet, & color saturatior; in minùs profundo verò dilutior ac proinde minùs conspi-
 cuus. Sic aquæ tinctæ in amplo vase colorem robustum, in angusto languidum exhi- D
 bent. Eademque causa est cur aër, non eundem cominùs, quem eminus colorem re-
 ferat, quòd eius color in magna tantum profunditate conspiciatur. Sic mare eum illud
 intuemur,

— admittit in altum

*Cernentes oculos, & latè peruius humor
 Ducit inoffensos liquido sub gurgite visus,
 Imagis perspicui prodit secreta profundi.*

Claud. de
 raptu Pro-
 serp. lib. 2.

Nullus igitur color in superficie horum corporum apparere potest, quæ per se indiui-
 dua est. Accedit quòd nullus color appareat nisi lumine à colorato ad visum repercusso:
 at lumen ab horum corporum extremitate remitti non potest, nisi velut à speculo, igi-
 tur nec vllus in ea color potest apparere. In profunditate autem conspicuus est color, E
 quia lumen, à parte opaca quantulacumque; ea est, colorem refert ad sensum. Eodemque
 modo lumen in horum corporum profunditate spectatur, eoque magis quo corpus aut
 profundius aut opacius fuerit. Perfectè autem atque omni ex parte diaphanum dici-
 mus videri non posse, quòd nec lumen, nec colorem vllum retinere possit. Confirmat
 autem hanc nostram sententiam, quòd marina aqua, cui insitus est quidam fulgor, tum
 primùm splendeat cùm fuerit validè agitata: non sanè eam ob causam, quòd motus
 calorem, hic verò ignem lucemque producat, vt quidam voluere: nam motus in siccis
 quidem ac duris corporibus calorem excitat, in humidis verò mollibusque frigiditatem.
 Hinc aër impulsu frigescit, & aqua æstiuo tempore non ita incalescit agitata, vt dum F
 quiescit. Non igitur quòd motu calefiat, idcirco marina aqua in tenebris nitet, sed quòd
 agitatione in spumam acta deponat naturam diaphani, in qua insitus fulgor spectari
 non poterat. Sunt igitur lux & color opaci corporis proprietates, quod fuerat pro-
 positum.

Verùm sitne opacitas peculiaris qualitas, qua corpora, quibus insidet, lumini re-
 rumque formis, ceu vi quadam obstant; an verò omne corpus suapte natura per-
 spicuum sit atque pellucens, fiat autem opacum lucis aut coloris velut infectione, non
 leuis quæstio est. In qua tamen vtrumque rectè dici posse videam; id tamen vero simi-
 lius mihi videtur: omne corpus suapte ingenio diaphanum esse, quod Aristoteles lib. de
 sensu

A sensu & sensibili cap. 3. his verbis confirmat: *Quod autem perspicuum nuncupamus, id non aëri, aut aquæ, aut ulli elementorum proprium est: sed est facultas quædam & natura communis, quæ separabilis quidem non est; sed in illis est atque in ceteris corporibus, aliis plus, aliis minus.* Igitur corpus omne per se diaphanum est; visibiles autem qualitates per se opacæ, quæ proinde ea quibus insunt corpora opaca efficiunt: quod sanè non abs re ita natura comparatum est, ut in hisce qualitatibus visus terminaretur, qui si permearet, nullam illarum aspiceret: nunc verò, quæ propter translucidam naturam visum per se fugiunt, his qualitatibus sistuntur, & spectabilia fiunt: sublato autem colore innataq; luce, ab iis quibus hæc à natura insunt, diaphana omnia relinquentur.

B

PROPOSITIO XXXII. THEOREMA.

Lumen est actus corporis perspicui.



RISTOTELES lib. 2. de anima cap. 7. textu 69. lumen ait esse velut colorem corporis perspicui seu lucidi. Nam sicut colorata colore, ita lucida fulgore cõspicua fiunt. Ex quo fit, ut, eodem philosopho definitore, *lumen sit actus corporis perspicui, quæ perspicuum est, hoc est, actus quo formaliter corpus aliquod perspicuum seu lucidum efficitur.*

C Definiri etiam hoc modo lumen potest: *Lumen est quod per se absque alterius presidio sui est diffusivum.* Hæc enim præcipua esse videtur luminis proprietas, ut etiam in tenebris radiet, seu potius fugatis tenebris per se primò colluceat. Quam proprietatem nos lib. 5. Deo fauente, definitione prima diffusivus exponemus: ubi ostendemus id lumini proprium esse, ut missis vndique sui similibus radiis, sese amplissimum in orbem propria facultate effundat.

PROPOSITIO XXXIII. THEOREMA.

Malè Empedocles lumen corpus esse dixit.

D



RISTOTELES lib. 2. de anima c. 7. tex. 70. refellit eorum sententiam, qui lumen corpus esse existimabant. Primùm, quia in eodem medio plura sæpè lumina conueniunt. si igitur corpora essent, ea sese penetrarent: quod idem accideret cum lumen solis per cælos densissimos aut per vitrum translucet. atqui fieri nequit, ut plura corpora se mutuò intimè pervadant, atque eodem coërcita loco societatem ineant. Ergo, lumen non est corpus. Secundò, tenebræ sunt privatio actus ex præsentia corporis lucidi in perspicuo nati. Igitur lumen est forma quædam accidentaria, & non corpus. Tertiò, omne corpus loco moveri est natum, at loci mutatio tempus exigit, quo mobile ex vno loco in alium commeet. Lumen igitur non est corpus, cum illud videamus ocyssimè, & velut momento temporis, longissima spatia emetiri. *Neque rectè dixit Empedocles, & si quis itidem censuit, lumen ferri atque extendi, nosq; id ipsum latere. Hoc enim & rationis metas excedit, & est præter ea quæ apparent. In paruo namque spatio motus fortasse lateret, propter velocitatem, sed ab ortu solis vsque ad occasum, tanti corporis motum latere magna profectò est postulatio.* Hæc Aristoteles loco superius citato.

Prætereà si lumen corpus esset, tardius ferretur per durum meditum quàm per molle: at quo momento temporis penetrat molle diaphanum, eodem transfuerberat vel durissimum, cuiusmodi sunt cælestia corpora, & crySTALLUS, & vitrum. Incorporeum igitur est lumen, cui duritia corporis non obsistit.

F Neminem autem conturbet, quòd dicamus lucem moveri ac ferri, item accedere & recedere, contrahi ac dilatari: tametsi enim corpus sit quod movetur, & in tempore quodlibet moueatur; lux verò incorporea sit, & simul tota; non propterea damnandus est hic loquendi modus, cum potiore non habeamus, quo lucis naturam manifestemus, cum dicendum potius esset, simul atque præsentè diaphano lucidum corpus exponitur, mox illic lumen existere, illicque agere.

PROPOSITIO XXXIV. THEOREMA.

Sed neque lumen corporea est qualitas. rectè autem intentionalis vocari potest.



LUMEN duplicem habet existendi modum, vñum naturalem, intentionalem alterum. Naturalis est, quo in corpore, cui congenitum est, existit; vt in astris: in quibus subiecti extensione distenditur, nec ab vlla externa causa pendens, per se firmum ac constans permanet. Hæc lux propriè nuncupatur, de qua noster modo sermo non est. Alter modus existendi luminis intentionalis est, quo extra proprium subiectum, instar spiritualis substantiæ totum existit simul, vt in aëre, aliòve corpore impunè peruiò, in quo sese plura lumina penetrant, & momento temporis immensa spatia transcurrunt, more spirituum. Adeò vt in his quòque symptomatis, quæ ceteròquin corporum propria sunt, quamdam spiritualis essentiæ similitudinem ementita esse natura videatur, quæ à corporea mole soluta liberius euagetur.

Et sanè si lumen corporeum esset, proprio cuiuspiam subiecto esset congenitum, in quo proinde restaret ad tempus absente corpore lucido: deinde propriam elementi qualitatem in subiecto requireret: at neque momento quidem temporis in subiecto perseuerat sublato corpore luminoso; neque præuiam aliquam in subiecto dispositionem requirit, vt adsit, sed puritatem celo, animæq; persimilem, (vt Marsilius Ficinus loquitur in librum primum Enneadis secundæ Plotini) hoc est perspicuitatem, totumq; subito prorsus illuminat, & sine offensione totum implet, pluraq; statim absque resistentia in vnum coeunt, nec sordibus inquinatur. Idemq; absque collisione, condensatione, rarefactione, mora tam facile per spatium se fundit amplissimum, quam refundit se protinus in angustum.

PROPOSITIO XXXV. THEOREMA.

Nullum lumen omnis coloris est expers.



EST enim lux corporis opaci proprietas, vt prop. 31. diximus: vbi etiam ostensum est corpus omne opacum colore aliquo tale effectum esse. Igitur color lumini permiscetur, ceu quædam eius affectio, vnde quamplurimæ luminum differentiæ exoriuntur. Nisi enim vnumquodque lumen colore aliquo affectum sit, nihil superest, quo vnum ab altero distingui possit, cum lumen qualitas sit, quam præter nihil in rebus ipsis aspectabile sit. Necessum igitur est, quod propositum erat demonstrare, natiuum colorem corporis cum lumine in vnam speciem vnumq; aspectum coalescere, ex qua quidem concretione & contemperatione pro colorum varietate multiplex luminis differentia procreatur. Hinc enim lux solis aurea est, lunæ argentea, mercurij rubicunda, flammæ sulphureæ cærulea, aruginis accensæ viridis. Nec obstat, quod lib. de coloribus cap. 1. Aristoteles inquit: *Lux ignis color est, nullus enim alius præter hunc ignis color inuenitur, & ob id solus hic visibilis existit, cum cetera visibilia euadant huius beneficio, nulliq; alteri possimus ignis aspectum ferre acceptum, nisi luci.* Hæc enim rectè ab Aristotele dicuntur, cum nec color ignis sine lumine, nec lumen nisi colore affectum videri possit.

Marsilius Ficinus in librum primum Enneadis 2. Plotini omnem colorum varietatem, quam in diuersis luminibus cernimus, in materia raritatem & densitatem reponit. Sic enim ait: *Scimus ignis lumen, quo purius est, eo esse nitidius. contra verò rubet in materia crassa, pallet in media, sed in tenuissima nitet.* Et paulò inferius: *Quod autem diuersis in stellis aliter aliterq; lux fulgeat, non alia quidem & alia mistione contingit, sicut in coloribus nostris accidere solet; sed propriis quibusdam raritatis, densitatis, distantieq; gradibus.* Sic & croci color congregatus quidem rubet, diffusus verò pallet, diffusissimus denique nitet. *Mitto quantum in his è longinquo, & per media diuersa nos fallat aspectus. Sed præter lumina caelestibus adde virtutes quoque diuersas, ex quibus & colores ibi varij, & actiones inde proueniant: non quales ab elementis, sed proprietate quadam occultiore, scilicet speciali fermè, quali ferrum trahitur à magnete. Nam quæ apud nos sic agunt, agere dicuntur virtute caelesti.*

Equidem

A Equidem existimo Marsilium id potissimum expendisse, quod caelesti substantia nullus color possit esse congenitus, propterea quod omnis color ex mixtilium temperamento originem ducat. Causam igitur diuersorum luminum in mixtis perquirendam ratus, reperit in igne aliquam luminis varietatem ex maiore vel minore materiae diductione. Quapropter hanc caelestibus quoque astris accommodauit. quae proinde dixit eadem causam variè fulgere; qua croci color congregatus quidem rubet, diffusus verò pallet, diffusissimus denique nitet.

B Verum materiae raritas ac densitas hoc solummodo praestare possunt, ut color dilu-
tior sit aut saturator; non verò ut speciem immutet. Quare numquam fiet ut croci color caeruleus euadat, quantumuis materia diducatur aut constipetur. Vnde igitur
quarundam rerum flammæ aureæ, aliarum rubicundæ, aliarum purpureæ, aliarum caeruleæ, aliarum virides? sanè ex proprio colore materiae inflammabilis, qui lumini permixtus vnà fulget nitetque.

At caelestia corpora, queis propter naturam simplicitatem nullus color inesse potest, quoniam pacto variè coruscant? Respondeo fulgentibus astris proprios colores inesse, non quidem ex mixtilium concretionem oriundos, sed puriores ac lumini familiares. Omne enim quod opacum est, colorem aliquem habere oportet; nec magis repugnat corporum caelestium simplicitati color, quam opacitas. Ex horum igitur colorum con-
tagione fit, ut astrorum lumina vario colore infecta appareant.

C PROPOSITIO XXXVI. THEOREMA.

Exquisitum lumen diutius spectatum, visus organum labefactat.

D **N**EMINEM esse arbitror, cui perspectum non sit oculos ab exquisito splendore offendi, atque interdum etiam penitus occaecari. Id enim manifesta docet experientia: quam in primis testatam facit Galenus lib. 10. de usu partium, asserens multos per eclipsin solis visu destitutos fuisse, dum eam explicatis oculis fixius intueri conati sunt. Deinde quotidianum est intensioris lucis aspectu ita retundi atque hebetari oculorum aciem, si diutius immorentur, ut aliquanto post tempore nihil discernant, donec quiete ac temporis mora in pristinum statum restituantur. Preterea qui ad accensas fornaces opus faciunt, quales sunt qui ferrum cudunt, aut vitra conflant, aut metalla fecernunt, aliudve quid praestant simile, plurimum visu hebetantur propter continuum ignei fulgoris aspectum, qui post aliquot annorum spatium organum quoque ipsum insitamque organo facultatem pessumdat.

E Ex his atque sexcentis aliis tametsi constet ab excellenti actione vires patientis hebetari atque dissolui; non tamen satis apertum esse videtur, qua id peculiari vi ac causa fieri contingat. Non placet in primis ea ratio, quod vehementioris luminis appulsu pupilla supra vires constringatur, vnde dolor consequatur, ac tandem etiam vires fatiscant. Nam, ut propos. 17. ostendimus, idcirco pupilla astringitur, ut ingruenti lumini, quod organo perniciem machinatur, obsistat. Quare dolor, quem gignit pupillae coarctatio, grauioris mali arcendi causa suscipitur; non secus ac manus propria contempta laesione lapidi incidenti promptè opponitur, ne caput, pars corporis nobilior, nocumentum accipiat. Multò verò minus existimo hanc ob causam intensum lumen exactam organi harmoniam pessumdare, quod facta in centrum visus radiorum collectione per infrac-
tionem, quae accidit in humore aqueo, calor quidam excitetur, qui spiritus animales dissipet, & crystalloidis substantiam exlugat. Nam licet infractionem radiorum versus centrum crystalloidis fieri supra propos. 9. & 26. demonstrauius; ea tamen refractione à perpendiculari est, ut ex propos. 9. constat, & lib. 2. diffusius ostendemus; ac proinde illi, quae calorem accendere nata est, prorsus contraria.

F Geminam autem rationem huius effectus hanc adfert Aristoteles lib. 2. de anima, cap. 12. textu 123. quod sensibilis exuperatio superet vires. Ex quo fit, ut ratio instrumenti dissoluatur, non secus atque contentus nimia fidium intensione. Aptam enim organi compositionem, quam propria functio postulat, non solum in figura idonea; sed etiam in exquisita quadam primarum secundarumque qualitatum symmetria ac moderatione, quam

quam instrumenti rationem appellat philosophus, consistit: hanc verò cum excellens A
sensibile penitus, aut ex parte labefactat, fit vt facultas ipsa organo insidens pariter vitietur. Quod Themistius in lib. 2. de anima cap. 42. suæ paraphrasis pulchrè edisserit his verbis: *Constat, inquit, exuperantiam sensibilis perniciem afferre sensorio. Nam si vis maior ingruat, quàm vt sustineri à sensu possit, necessarium est eius partis interitum sequi, quia temperamentum & ratio soluitur desuiturque. Nihil enim aliud temperamentum est, quàm mensurata quædam & modificata medietas. Omnè verò moderatum ab immoderato dissoluitur; vt modulatio in fidibus atque cantu, si chordæ vocesq; aut validius obgravescant, aut impensius eubriissent, quàm intensionis & concentus ratio postulat, protinus dissidere incipit, mox & conspiratio tota confunditur.* Hæc ille. B

Fortè hîc quispiam naturæ auctorem prauæ institutionis redarguet, quòd à propriis obiectis organa fauciari permiserit, in quæ sensus ipsi natiua propensione feruntur. Absonum enim omnino videtur, vt quidquam naturali impetu perniciem sibi adsciscat, cum potiùs naturæ legibus consentaneum fit, vt omnia propriam incolumitatem ament, ac perfequantur. Verùm iniqua est ista expostulatio, cum in eiusmodi obiecta, à quibus organum prauè afficitur, sensus nulla ratione propendeant, sed potiùs velut interitum refugiant: nec sensibilia ipsa per se organum lædunt; sed tantum ex accidenti, cum nimirum ad exuperantiam deflectunt, ceu vinum immodicè sumptum.

PROPOSITIO XXXVII. THEOREMA. C

Color est, quod mouet actu perspicuum.



ANC coloris definitionem tradit Aristoteles lib. 2. de anima cap. 7. textu 73. quæ eam habet explicationem: Color mouet medium diaphanum, quod iam actu lumine illustratur. Distinguitur ergo color à lumine, quòd lumen dum medium diaphanum mouet, facit ipsum perspicuum seu luminosum; at color supponit medium actu illuminatum, vt illud moueat. Aduerte autem non supponi medium prius tempore collustratum, quàm à colore moueatur: sed vno eodemque tempore quo inficitur colore, etiam lumine col- D
lustratur, illo inquam lumine, quod à corpore colore conspicuo ad visum remittitur, secumque coloris imaginem ac formam defert. Nam formas rerum aspectabilium luminis ope ad visum transportari infrà planè demonstrabitur.

Huic definitioni nihil officit altera ex eodem philosopho lib. de sensu & sensibili cap. 3. petita, quæ sic habet: Color est terminus perspicui in corpore definito, seu terminato. Hæc enim de colore, quæ spectabilis est, intelligitur; non autem absolute, quemadmodum Pythagoras colorem esse extimam corporis superficiem censuit, hanc ob causam, quòd color sectilem naturam habeat; non tamen sit corpus, aut linea: superficiem ergo esse conclusit, non quamuis, sed extimam, quæ se palàm in conspectum dat. Veriùs itaque Aristoteles ea dumtaxat ratione colorem ad superficiem corporis E
retulit, quæ spectabilis est. Solus namque visibilis color in termino corporis inhabitat. Quare et si color intimè totam corporis substantiam peruadat, eò quòd ex primarum qualitatum permixtione confurgat; tamen is solùm est proximè aptus videri, qui extimam illius superficiem occupat.

Si quis objiciat multarum gemmarum colores etiam in profunditate conspicuos esse: itemque in succinis inclusas muscas, & culices, ac formicas, aliaque eiusmodi, subinde spectari, quæ, dum recens ac fluida etiamnum materia esset, lentore capta temporis decursu pariter siccata constrictaque; fuere, ac velut perpetuæ sepulturæ mandata. Dicitur id fieri, quòd corpora illa non penitus opaca sint, sed parte aliqua diaphana, quam obrem F
etiam ex profunditate illorum colores emergunt & spectabiles fiunt.

Ex his sanè perspicuè constat, colorem cum lumine magnam cognationem habere. Vti namque lumen, ita & color similem sui sobolem progignit, ac per transparens medium circumcircà latè diffundit. Quæ vis nulli alteri inesse comperitur. Si quæ enim effectum aliquem ex se fundunt, ea ferè aut sursum, aut deorsum, aut in vnam tantummodò rectam lineam vim facultatemque exerunt. Differt verò color à lumine, quòd lumen per sese, at color non nisi luminis adminiculo per suæ virtutis sphaeram deportetur, vt infrà dicemus propof. 42.

A

PROPOSITIO XXXVIII. THEOREMA.

Non rectè Plato colorem, lumen esse pronuntiauit.

TRIPARTITA est eorum sententia, qui colorem nil aliud quàm lumen esse existimarunt. Plato in Timæo, colorem genus quoddam luminis absolutè pronuntiauit, cùm eum his verbis descripsit: *Est autem color veluti flammula quedam, fulgorq; è singulis corporibus emicans, partes habens visui ad sentiendum accommodatas.* Deinde Auempace apud Auerroëm lib. 2. de anima comm. 67. asserit absente externo lumine nullum superesse colorem in corporibus, sed luminis tantùm appulsu colores suscitari. quò etiam spectare videtur illud Poëtæ lib. 6. Æneid.

— *Rebus nox abstulit atra colorem.*

Tertia est sententia Magni Alberti, lib. de sensu ac sensili tractatu 2. cap. 1. qui à ceteris hoc discrepat, quòd sublato lumine putet in corporibus superstitem manere qualitatem quamdam, ex primis qualitibus oriundam, quæ coloris veluti materia sit, eius verò forma actusque lux.

C Colorem nil aliud esse quàm lumen, his argumentis probari potest. Primò, quia colores qui in nubibus conspiciuntur, præsertim circa solis ortum atque occubitum, non aliam habere causam videntur, quàm diuersam solis irradiationem; vnde nunc albæ, nunc obscuræ, nunc rubentes ac velut sanguinæ apparent. Mare item ob eandem causam nunc purpurascit, nunc canescit, & eminus album, propiùs ex obscuro viridem colorem repræsentat. Videmus etiam columbarum ceruices, & pauonum caudas, diuerso lucis aspectu colores mirum in modum variare. Ex quibus omnibus hoc necessariò educi videtur, nil differre colores à lumine; sed vnam eandemque rem esse, quæ diuerso aspectu omnem hanc varietatem producat.

D Secundò, ex omnibus coloribus nullus ita officit visui sicuti albus: hunc enim si diutiùs oculi aspexerint, fatiscunt; nec sanè aliam ob causam, quàm quia candor multum habet de lumine, quo potissimùm censent philosophi organum visus dissipari. Igitur & ceteri pro rata portione, alij plus, alij minus, de natura luminis acceperunt.

Tertiò, absente lumine vniuersa corpora delitescunt, nec vllum eorum suapte vi speciem aliquam exerit, qua cerni possit. Ergo nullus color in rebus ante appulsu luminis conspicuus existit: sed tantùm, vt Albertus Magnus volebat, prima quædam coloris materies, quæ ex luminis consortio in diuersis corporibus omnem hanc, quæ nunc extat, colorum varietatem exhibet. Quare verus perfectusque color nil differt à luce; quæ eius perfectio, actus, ac forma, iure optimo dici potest & debet.

E Colores quidem illos quibus sensus illuditur, apparentes vocant, à lumine non differre perspicuum certumque habeo; cùm à solo lumine secundùm diuersum modum inflexo infractòve consurgant, & velut penduli in medio diaphano oberrantes: non verò, vti sinceri illi qui in corpore solido & opaco cernuntur, firmi stabileque consistant.

Veros tamen colores diuersam à luce naturam habere, his rationibus demonstratur. Prima, si veri colores aliud nihil essent quàm lumen, eadem in illis accideret phænomenon diuersitas, quæ in apparentibus cerni consuevit; siquidem vnus conceduntur esse naturæ: at hi maximè versatiles sunt, cùm ad omnem pænè aspectus diuersitatem perspicuè mutantur; illi autem firmi ac stabiles, cùm non à luce, sed à primarum qualitatum societate atque complexu gignantur. non sunt igitur colores de natura lucis.

F Deinde, quis dicere audeat, nigrorem, qui ab albedine tota natura distat, lumen esse, cùm nil lumini aduersetur. Dicere autem nigrorem tenebras esse, longè absurdus est, & à communi philosophantium sensu quàm maximè dissitum. Ergo nec nigror nec candor lumina dici possunt. Quod verò Aristoteles lib. de sensu & sensili c. 3. ita scribit: *Quemadmodum in aère modò lumen, modò tenebra insunt, ita in ipsis corporibus albor & nigror innascenti assolent.* id solùm per similitudinem dictum est. Rursus lux vnus dumtaxat speciei est: at colores, cyaneus, luteus, puniceus, ceterique specie differunt. Igitur hi aliud sunt quàm lux. Demum color mouet diaphanum actu illustratum. igitur non est idem quod lux. aliàs enim idem ab eodem moueretur, quod inter absurda numerari solet.

Nunc illa argumenta diluamus, quæ colorem à luce minimè distinguendum esse sua- A
debant. Ad primum, dicendum colores illos qui in nubibus densatisque vaporibus,
& qui in mari atque auium plumis sole radiante visuntur, veros colores esse, vt infra de-
monstrabitur: ac proinde eos aliam causam habere, quàm solis aspectum vel irradiationem. Et vt de genere illorum essent, qui apparentes vocantur, nil tamen aliud conclu-
deret argumentum, quàm quòd hi solùm à lumine minimè distinguantur.

Ad secundum, fatendum è veris coloribus albedinem similitudine quadam, at non
proprietae naturæ, ad lucem proximè accedere, vnde neutiquam sequitur, eandem
colorum ac lucis naturam esse, cùm ea similitudo ad speciem constituendam nihil
omnino conducat. Qua autem ratione candor visum hebetet, organumque labefaciet, B
infra dicemus, propof. 40. vbi de colorum sympathia & antipathia, quam erga visum
habent, sermo instituetur.

Ad tertium, non mirum est absente lumine colores oblitescere, & veluti oculis eripi,
cùm tunc illorum imagines de medio tollantur. sicque intelligendum illud Poëtæ,
quòd nox colorem ab oculis, non ex rebus ipsis sustulerit. Non enim concedimus abs-
cessu lucis colores funditus interire, aut ex se visibiles non esse, tametsi, nisi lucis con-
fortio, actu non videantur. Quæ proinde externa quidem ipsorum forma dici potest,
quatenus sui perfusione illos actu aspectabiles facit: non verò interna, quasi ex ipsa co-
lores, ceu ex proprio atque essentiali actu componantur, cùm lux & color species sint in
suo quæque genere perfectæ atque completæ, quæ proinde in naturam vnã coire C
minimè possunt.

Si quis ex Alberti sententia dixerit, colorem ex luce, & qualitate illa quæ ex primis
nascitur, non tamquam ex actu & potentia, sed velut ex mixtilibus componi; non se-
cùs atque ex luteo & ceruleo fit viridis, itemque ex rubro cyaneoque purpureus: id
profectò de colore, quò spectabilis est, concessero, absolutè autem non item. Nam qua-
litas illa ex primis oriunda, quam Albertus coloris materiam facit, verè ac propriè color
est, per se quidem spectabilis remota potentia, actu verò solùm lucis appulso.

Et sanè dicere tum solùm colores existere cùm luce perfunduntur, absente verò lu-
mine deperire, perinde est ac si quis dicat, orientia quidem astra succendi, occidentia
verò extingui; quod Epicurei opinabantur; aut quod Democritus, tum solùm colores D
esse, cùm illos quis videt, ac sublato aspectu interire. Hæc verò commenta quid
aliud sunt, quàm dicere (si modò sit quispiam qui affirmet) quos videas, homines esse;
quos videre desinas, mori: aut eundem colorem, dum ab vno videtur, alterum verò la-
tet, eodem simultempore generari & corrumpi.

PROPOSITIO XXXIX. THEOREMA.

Quinque sunt simplicium colorum species, ac tres composita.



Hic præmonendus est Lector, ne in æquiuoco versetur oratio, nos hoc E
loco non agere de coloribus concretis, quales sunt, minium, purpurif-
sum, lacca, cinnabaris, indicum, ochra, auripigmentum, cerussa, ac cete-
ris quos pictores tabulis inducunt, sed de iis quæ his insunt visibilibus
qualitatibus.

Rursus per simplices colores non intelligi à nobis illos qui elementorum sunt
proprii, nec per compositos, illos qui ex primarum qualitatum concursu gignuntur.
Quo pacto Aristoteles eos vsurpat libello de coloribus cap. 1. est enim ea colorum
consideratio pars scientiæ naturalis. Quare ad physicum spectat primas colorum causas
reddere, quo inquam pacto ex primarum qualitatum congressione vniuersa colorum F
numerositas in rebus singulis oriatur. Exempli gratia, cur fumus lignorum ater sit, stibij
albus, argenti viui sulphure mixti ruber: cur coralla per se rubra igne albescant, cerussa
alba è contrario vstulata rubescat: qua ex causa gallarum & chalcanti diluta per se
seorsum clara atque perspicua, si confundantur, momentanea conuersione impensissi-
mam nigredinem contrahant: simili modo cur violarum infusum, iniecta guttula olei
ex fæce vini, confestim ex puniceo in viridem colorem mutetur: pratereà cupri tinctura
insigni viriditate conspicua, cur iniecto sale ammoniaco, euadat cyanea: rara omnino
spectacula. Demum quis non iure miretur in hominum capillis insignem varietatem
colorum, præsertim cùm nigerrimi niueam canitiem induunt: ac in eodem etiam ani-
mali,

A mali, veluti taurò nigerrimo candidissimas maculas. Quid ? dicé sine contrarias temperamenti rationes partibus inesse, ex quibus contrarij colores proueniunt ? Difficilis omnino est persuasio. His adde, quod summum naturæ miraculum videri debet, multiformem, ac propemodum infinitam colorum varietatem, quam in floribus, idem herbæ viror, eademque tellus vberè fœtu progignit; qui omnes cum tempore ac rempestiuitate, pro ingenio suæ naturæ, hi quidem ocyùs, illi tardiùs colorem permutant. Arduum sanè est hoc negotium, & in quo plura esse existimo, quæ sub occultioribus causis latent, quàm quæ sciuntur; pluraque quæ dubitationem, quàm quæ cognitionem pariant. Quamobrem sapientissimè Plato in Timæo de elementorum permixtione, ex qua varij colores obueniunt, ita scribit: *Quo autem mensura modo singula singulis*

B *misceantur, etiam si quis nouerit, narrare prudentis non est; præsertim cum neque necessariam, neque verisimilem de his rationem adferre vllò modo possit.* Ea sanè est mentis nostræ imbecillitas, vt philosopho teste 2. Metaphys. c. 1. *quemadmodum vespertilionum oculi se habent ad lumen diei, ita intellectus animæ nostræ ad ea quæ omnium sunt manifestissima.*

Hoc igitur doctiores agant philosophi; nos ea, quæ nostri instituti sunt propria, repetamus. Agimus, inquam, hoc loco de coloribus qui nunc in rerum natura extant: inter quos simplices illos vocamus, ex quorum permixtione ceteri manifestè gignuntur; compositos verò, qui ex simplicibus.

C Præterea hoc prænotandum est, colores tribus modis componi; scilicet reipsa, quoad intentionem, & quoad aspectum. Primus compositionis modus fit in materia, secundus in medio peruoio, tertius in oculo.

Realis compositio colorum tunc accidit, cum materiæ coloribus affectæ inter se permiscenur: tunc enim ex ipsis quoque coloribus pariter commixtis vnus fit ex omnibus cinnus, quem reipsa compositum dicimus. Vt si auripigmento indicum interatur, color compositi viridis erit, nempe ex flauo cæruleoque mixtus.


D Intentionalis compositio est, cum in medio diaphano intentionales colores congregiuntur, vt si picturæ flauæ indicum, quod quadamtenus perspicuum est, tenui litura inducatur, neuter quidem color reipsa commiscetur; tamen alter per alrerum transpareat: vnde fit, vt in medio peruoio flauis coloris intentio, quæ indicum penetrat, cærulei coloris intentioni permixta colorem viridem repræsentet, compositum quidem secundum intentiones, non autem reipsa. Idem euenit cum crocus, aut curcumæ radix cæruleo panno affricatur: nam qui antè cæruleus erat, nunc viridis apparet, sic quoque cæruleum lumine candelæ perfusum subuiride cernitur: fluedo enim luminis, mixta intentione cærulei, viridis speciem refert. Hinc etiam pictores, cum sub aquis repræsentare aliquid volunt, aut velut per caliginem transparens, aqueum vel nebulosum colorem rei priùs depictæ inducunt.

E Tertia compositio, norionalis dici potest, veluti cum pannus maculis diuerforû colorum resperus est, ita exiguis vt visum fugiant. Tum enim etsi singulorû intentiones distincte per mediû deferantur, tamen in oculo quoad sensum cõueniunt, ita vt ex omnibus mixtus quidam color resultet, à singulis per se communi oculorû notione receptus.

His præcognitis, doctrinæ ordo postulat, vt tandem aliquando, quot sint colorum species ac differentia vltimæ, exponamus.

F Duo in primis sunt extremi colores, candor & nigror, maximo ab inuicem intervallo disiuncti: ex quibus candor præstantior est, quia luci similior; nigror verò deterior, quia vicinior tenebris. Hæ namque speciem nigri præ se ferunt, vt & vmbra, & opaca corpora si luce priuentur, & color ille qui in terfo læuigatoque corpore apparet eò loci vnde nulla fit luminis reuerberatio, quem *ζοφερόν* & *ὄρφνόν* propriè nuncupari voluit Aristoteles libro de coloribus. Ea denique omnia à quibus parum aut nihil luminis ad visum reflectitur, vt aquæ leuiter crispata, ac densa nubes: quæ omnia, propter lucis absentiam, nigrorem quemdam referre videntur. Quamobrem Aristoteles lib. de sensu sensilique cap. 3. colorem hunc priuationi comparauit; non quòd verè sit candoris absentia, sed quòd tenebris persimilis sit. Quæcumque verò. n. rara materia plurimum lucis obtinent, ea candida sese aspectui offerunt, vt sunt galaxia, nebula, vapores, ac rara nubes. Ex hac candoris lucisque cognatione consequitur ea proprietates, quam ex Aristotele passim schola philosophantium celebrat; nempe albedinem, tametsi non æquè ac lumen, præ ceteris tamen coloribus visum dissipare.

Medij autem colores tres dumtaxat numerantur, flauus, rubeus, & cæruleus, qui cum albedine atque nigredine quinarium numerum simplicium colorum implent.



Porro ex tribus mediis ter combinatis totidem nascuntur compositi. Nempe *Aureus* ex flauo & rubeo, *Purpureus* ex rubeo ac cæruleo, demum ex flauo cyaneoque *Viridis*; ex trium verò simplicium mediorum permixtione ingratus quidam color enascitur, liuidus luridusque, & velut cadauerosus. Sic vt præter iam dictas tres compositionum species (quas flammeas vocat Aristoteles libro de coloribus, Plinius autem floridas libro 35. cap. 6.) nulla alia dari possit aspectu iucunda ac venusta: sunt enim ceteræ omnes sordidæ, atque, vt Plinius loquitur, austeræ. His enim idem accidit quod consonantiis. Vnde Philosophus diuino quodam mentis acumine colorum symmetrias ita describit libro de sensu ac sensili, cap. 3. *Colores, inquit, misceri videntur, quemadmodum soni: ita enim qui eximium quoddam proportionis genus seruant, hi consonantiarum more omnium suauissimi sunt, ceu purpureus & puniceus. Atque eiusmodi paucos oportet esse eadem, qua concentus pauci sunt, causâ.* Hæc Aristoteles.

Extremi colores cum mediis omnibus tam simplicibus quàm compositis amicam societatem ineunt. Videntur tamen speciem illorum, quibus permiscentur, minimè immutare; sed tantùm illos intendere ac remittere. Albus enim cum sit omnium intensissimus, ceteros, quibus adiungitur, attollit. niger verò infimus ac tenebris proximus alios suapte natura offuscat, & obicuros atrosque reddit; seruata tamen singulorum specie atque essentia. Vnde forte putabit nonnemo candorem atque nigredinem veros colores non esse, sed tantùm quosdam colorum gradus, quibus singuli secundùm magis ac minus euariant. Hinc enim illa multiplex colorum diuersitas, quæ in vnaquaque specie reperitur: sub flauo quidem luteus, citrius, ruffus, mustelinus, ferrugineus, pullus, roanûs, tanatus, régius, leonatus. Sub rubeo, roseus, rubidus, rubicundus, rutilus, sanguineus, giluis, spadix, igneus, flammeus. Sub cæruleo, cæsius seu glaucus, plumbeus, venetus. quæ omnes differentiæ potiùs ex quadam intensione & remissione, quàm ex specifica ratione seu naturæ principii originem ducunt.


Et quemadmodum simplices, ita compositi colores suas habent accidentarias differentias. Nam aureo competunt arantius, croceus, fuluus. Ad viridem spectant ærugineus, herbaceus, prasinus, cymatilis seu marinus, à *κῶμα* dictus, id est vnda, illumque colorem significat, qui in aqua marina cernitur ex cæruleo tendens in viridem. Purpureus comites habet roseum, balasium, amethystinum, puniceum, violaceum: inter quos primo loco censeretur is, qui proprius est conchylij, ad mouendum aspectum viuacissimus, deinde qui ex cocco baphica seu grano tinctorio prouenit, tum qui ex coccinilla fit (vermiculi genus est, nuper ex India asportari cœptum:) denique ceteri quos enumerauimus. Hæ compositorum colorum differentiæ non tantùm ex albi nigrique varia aspersione, verùm etiam ex inæquali mixtilium proportione obueniunt. Herbaceus enim viror plus habet flauo coloris, quàm ærugineus; & puniceus plus cyanei, quàm amethystinus; & plus rubedinis croceus, quàm fuluus: itaque in ceteris. Nomina verò plurimùm à rebus, in quibus primò inuenti fuerunt, aut in quibus excellunt, acceperunt.

Quæ

- A Quæ de varia colorum permixtione hætenus proposita sunt, ita omnino se habent, uti diximus: at solæ illæ simplicium colorum species intelligendæ sunt, quas sola mens nostra à materia secretas assequitur; non verò illæ, quas rebus insertas videmus. quod initio quoque huius propositionis obiter monuimus. Nam, ut exemplis utar. rubei instar sunt lacca factitia, cinnabaris, & cerussa vstulata, quam hoc tempore ininium plumbi vocant. Quæ verò his insunt qualitates, non omnes æquè ad simplicem ruborem pertinent. Lacca siquidem nonnihil habet admixtum cærulei, quo purpureum imitatur: cerussa verò vsta flauï habet plusculum, quo in aureum tendit: cinnabaris autem medio loco constituta ad exquisitam rubedinem proximè accedere videtur,
- B quare & lacca, & cerussæ vstæ concinnè admiscetur. Plurimum verò interest an lacca, an cerussa vsta in aurei purpureive compositionem adsumatur. Sandaraca namque cerussæ tostæ indita aureum iucundum gignit, non item verò commista lacca, quòd hæc cærulei portionem habeat, quæ iuncta natiuo rubori, flauæque sandaracæ, trium simplicium miscellam producit austeram ac inuenustam. Rursus lacca rubedo, quæ cærulei quadamtenus est particeps, adiuncto quidem indico in viuidum purpureum commutatur; sandaracæ verò intrita, ob trium simplicium congressionem, liuescit, & prorsus austera euadit. His similia exempla, numero propemodum infinita, adferri possent ad ostendendas colorum permutationes, quæ ex simplicium commixtione oriuntur. At nulli hæc ita accuratè ut pictores norunt; quibus proinde hoc caput diffusius explicandum relinquimus.
- C

PROPOSITIO XL. THEOREMA.

Colores omnes propriis facultatibus polleant, quibus obtutum variè afficiunt.

- D  MNIVM experientia compertum est, extremos duos colores album atque atrum non mediocriter aspectui officere. Nam candor in primis mirum in modum visum disgregat, offendit, ac fauciat: quod luculenter testatum faciunt illustria illa exempla; quæ refert Galenus lib. 10. de vsu part. militum in primis Xenophontis, qui per multam niuem iter facientes, non leuem iacturam oculorum acceperunt: deinde illorum, qui à Dionysio Siciliae Tyranno ex obscurissimo carcere in splendidissimam domum calce illitam & læuigatam adducti, subitò occæcati fuerunt; minimè ferentes repentinum luminis atque exquisiti candoris occursum.

- Habet autem candor hanc facultatem cum lumine communem, tum propter naturæ similitudinem, tum propterea, quòd quantumuis excellens sit, numquam tamen vllum sensui nocumentum sit allaturus, nisi insigniter illustretur. Ac tunc organum, cui cernendi facultas inhæret, duarum simul ingruentium qualitatum excessu, luminis scilicet atque candoris, euerti contingit.
- E

- Est porrò visus disgregatio, confusio quædam ac dissipatio functioni cernendi obueniens, quòd lux vel impensus candor internas oculi partes occupet, quo minùs enucleatè ac distinctè res obiectas aspiciat. Oportet enim, ut propos. 13. & 14. docuimus, cauum oculi quod choroide & vnea continetur, omni tum lumine, tum colore liberum esse, ut sensus vigeat, & ritè proprio munere defungatur. Nam si lumine vel colore pars illa oculi præter naturæ modum sit affecta, omnia confusa quadam luce; vel tenui colore respersa conspiciuntur: quod sanè accidit insignis obiecti appulsu. Si autem interna illa oculi collustratio etiam vires patientis organi excedat, non modò videndi actum dissipari continget; verùm etiam instrumentum ipsum dissolui, ac vniuersam facultatem euerti, animum denique ipsum nimia luce lucis vsura priuari.
- F

Nigredo etsi visum per se colligat; tamen ut rectè annotauit Albert. Magnus lib. 2. de anima tract. 4. cap. 9. etiam suo modo aspectui officit. quatenus longiore eius intuitu spiritus sese in intima abdunt, ac nimia frigiditate partes oculi coguntur & consistantur. Hanc ob causam quosdam vidimus obscuro carcere paucorum annorum tantam hebetudinem oculorum contraxisse, ut vix quidquam perspicerent.

Rubedo peculiari actione oculos accendit propter igneæ naturæ similitudinem; quamobrem eius aspectus ac frequens vsus, iis qui ophthalmia laborant, noxius esse comprobatur. Quòd verò hic color leonibus terrori sit, multis experimentis constat.

vnde leones conspecto gallo gallinaceo, præsertim albo, fugere scribit Lucretius lib. 4. A
de Natura:

*Nimirum, quia sunt gallorum in corpore quædam
Semina, quæ cum sunt oculis immissa leonum
Pupillas interfodiunt, acremq; dolorem
Præbent, ut nequeant contra durare leones.*

Hæc femina ait Pierius lib. 1. Hieroglyphicorum esse occultam speciem diuinitatis; nos dicimus rutilantem esse cristæ rubedinem, in corpore albo maximè conspicuam, quæ occulta quadam proprietate & velut igneo quodam mucrone leonum oculos perstringit. Cui haud penitus absimile est illud, quòd qui lippos, aut phlegmone laborantes aliorum oculos attentius inspiciunt, eodem morbo corripiantur, contagione retroq; B
vapore admissò, qui ex affectis oculis exhalat, & occulto quodam impetu contuentium oculos inuadit.

Flauus ac cæruleus color suapte vi aspectum attemperant, quod Galenus in primis testatur lib. 10. de vsu partium, exemplo illorum qui in albis coriis depingunt, à quibus visus offendi solet. Hi enim, inquit, colores fuscòs & cæruleos iuxta ponunt, in quos dum subinde oculos conuertunt, recreantur, & à labore ac fatigatione releuantur; quod non aliunde, quàm ex arcana quadam facultate prouenire existimandum est.

In compositis verò hoc præcipuè admiratione dignum videtur, quòd iis, ex quibus conflantur, suauiores existant. Illis porrò exceptis, qui ex trium simplicium permixtione C
conflantur. hi namque, vti superiore propositione diximus, imperfecti sunt atque austeri, nec eam habent venustatem, quam ij qui è duobus tantùm constant, vt aureus, purpureus ac viridis, quos dico simplicibus gratiores esse; hanc fortè ob causam, quia inter simplices ex quibus fiunt, mediij còsistunt. Nam simplices, exempli gratia, flauus & rubeus, extemi quodammodò sunt; flauus quidem æquo pallidior, at rubeus quàm par est obscurior; inter quos mediocritatem obtinet aureus flauo obscurior, atque intensior rubeo, ac proinde vtroque, flauo nempe rubeoque, iucundior. Sic rubeum inter ac cæruleum medius consistit purpureus, iisdem, quibus constituitur, suauior. Demum qui ex flauo cæruleoque componitur, viridis, omnium tum simplicium tum mixtorum longè gratissimus est, quòd excluso pernicioso rubore è duobus tantùm consurgat, quo- D
rum neuter visui aduersatur. Hic planè ad voluptatem datus videtur, vt illo sese homines oblectent, atque oculos pascant; quamobrem herbæ ac plantæ, quas præcipuè oblectamenti causa naturæ auctor instituit, iucundissimo virore perfusæ conspiciuntur. Et verò quemadmodum inter compositos viridis, ita inter simplices cyaneus præstat. Vnde & cælum cæruleum est, vt ad sui aspectum & contemplationem homines alliciat.

Quætet non immeritò aliquis quo pacto albedo visum dissipet, nigredo colligat, rubedo inflammet, ceteri oblectent, cum hæc non nisi per species præstare possint, quæ ex se nullam realem actionem edunt, propterea quòd imperfectam tantùm ac diminutam essentiam habeant, quam nulli realem, sed alij intentionalem, alij notionalem E
vocant, vt pote quæ inter realium ac rationis entium naturam media sit. Respondendum, colorum species, vt infra planè demonstrabitur, sensibiles qualitates esse, atque agendi vi præditas, minore tamen, quàm qualitates ipsæ à quibus deciduntur. Quis enim neget lumen à sole sparsum per aëra, itemque calorem ab igne effusum exalfaciendi vim habere? Est autem lumen imago & species solis, sicut calor forma vicaria ignis. Nil igitur obstat quo minùs obiecta per species, tamquam per proprias ac naturales virtutes, organa sensuum realiter immutent, atque interdum etiam pessumdent. Deinde id etiam facit occulta quædam erga nonnullos colores aspectus sympathia, erga alios antipathia, qua hos quidem velut perniciem auersatur, illos verò tamquam fami- F
liare ac vtile quoddam bonum amplectitur.

Ergo albedo visum dissipat, tum quia eius aspectu pupillæ ambitus arctissimè stringitur, sic vt nequeant rerum species in propriam visionis officinam liberè commeare; tum quia exquisita albedo, dum oculi cavitatem implet, ceu lumen quoddam, aliarum rerum formas minùs per se efficaces ita offuscat, vt illas velut obuolutas obrutasq; ab aspectu surripiat. At nigredo contraria quadam ratione visum colligit firmatque. Nam eius aspectu oculus quodammodò obtenebrescit. Quocirca tamquam in opaco constitutus, liberius cetera contuetur.

A

PROPOSITIO XLI. THEOREMA.

*Colores, qui apparentes vocantur, à veris subiecto
& effectrice causa distinguuntur.*

B



ERMULTI sunt colores, qui à variis in numerum illorum censentur quos philosophi phantasticos seu apparentes vocant; rectene an secus, hoc loco inuestigandum est. Id verò haud erit difficile, si ad certa capita omnes reuocentur.

Primo loco occurrunt illi, qui sub auroram solisque occasum in nubibus apparent, quas interdum rutilas, interdum flauas, interdum cinereas, interdum obscuras ac velut opacas, alias aliò colore imbutas videre licet. Hos porrò colores veros esse perspicuum est, cùm proprio corpori insint, nempe exhalationi quæ permixta vapori vnà cum lumine transpatet. Illa enim si pinguis sit & caumatica, rubicundæ quidem nubes si copia adsit; sin minùs, subflauæ cernuntur. at, si exhalatio terrea sit, subcinericæ nubes videntur: pallidæ quidem, si rara constant materia; si copiosa, obscuræ. His enim idem per omnia accidit, quod aquarum infectionibus. Si aqua modico croco tingatur, color flauus quidem sed pallidior erit; si verò tinctura vberior sit, color quoque saturatior euadet, atque ad rubedinem verget. Rursus si terra aquæ inspergatur, eaquæ modica, cinericus color, at pallidus nascetur; si multa, iam in obscurum color mutabitur. Sunt igitur hi, qui trans nubes apparent, veri colores, atque exhalationibus congeniti, non autem de genere illorum qui apparentes vocantur. Vt enim per aquam infectio, ita natiuus exhalationis color in nubibus per medium vaporem sole aduerso translucet.

Deinde qui in auium plumis per solis irradiationem spectantur, à multis de genere apparentium esse creduntur, eam maximè ob causam, quòd ad omnem pænè aspectus diuersitatem in aliam speciem commutentur, ac tum maximè, cum insignis lux affulget, conspicui sint. Sed hi quoque veri colores sunt, auium plumis connaturales. Cùm autem murato aspectu, ipsi quoque variant; id ex eo euenit, quòd plumarum villi non vno vndique colore respersi sint, sed vna parte vnum, alia alium exhibeant: quod ars naturæ æmula, sagaciores quosdam homines qui hoc naturæ opus curiosius sunt perscrutati, docuit imitari. Nam hac tempestate multæ extant sericæ texturæ ex diuersorum colorum staminibus tramisque intertextis ita compositæ, vt vno oculi situ quæ vnus coloris sunt filamenta appareant, ac vicissim visu translato, ea in conspectû prodeant, quæ priùs latebant; vnde eadem consequitur colorum varietas ex oculi permutatione, quam natura columbarum & pauonum plumis inseuit. Quòd verò hi exquisito lumine spectabiliores fiant, id ea causa fit, quòd minutæ illæ plumarum superficies, quibus singuli colores insident, exactè planæ sint, à quibus proinde ad spectantium oculos repercussum lumen colores deuehit; quamobrem deserta statione pariter viuidi coloris aspectus euanesceat, nouaque admissa luminis repulsionem nouus itidem color repræsentatur, qui antea aliarum partium occurfu fuerat adumbratus.

Præterea qui per vitrum tinctum solaris radij præsidio transmittuntur, atque in opposito pariete conspicui cernuntur, nullam veritatem habere videntur, cùm nullum appareat idoneum agens, quod tam subito illos possit ad effectum perducere. Nam vitrum nullum colorem ex se proferre potest, lumen verò, aut lumen tantum, aut apparentes colores producit, quos à lumine ipsò reipsa non distingui superius prop. 38. docuimus. Igitur cùm nulla in promptu causa sit, cuius efficaciam adscribi possint, inter phantasticos hi saltem colores numerandi sunt. Atque eiusdem fortis esse videntur illi, qui ab infecto panno cum lumine in vicinum parietem reflectuntur; cùm hoc solum distent à prioribus, quòd hi inflexione, illi traiectu luminis gigni videantur. Sed nec hi nec illi ad apparentium classem detrudendi sunt. Etsi enim materialem essendi modum non habeant, habent tamen intentionalem, qui medius est inter eum quo veri ac materiales colores propriis subiectis fixi inhaerent, eumque quo apparentes in aëre diaphano velut penduli oberrant, nullius solidioris corporis nixi præsidio.

Rursus mare sole incidente quandoque canum, quandoque cæruleum, quandoque subuiride, quandoque purpureum spectatur, qui colores veri esse non possunt, cùm

nullus eorum marinæ aquæ propriè insit. Igitur ex apparentium genere fiat, necesse est. **A**
 At veros illos esse omnino existimandum est, ac partim proprios, partim ex illis qui in medio congregiuntur vnà confusi permixtiq̃ue sub aspectum cadunt. Nam subuiridis color non planè herbaceus sed cæruleus virore permixtus, aquæ proprius est & naturalis, qui proinde à *κῦμα*, id est vnda, cymatilis nuncupatur, Latine marinus seu vndosus. Hic mare pacatum cominus ad spectantibus sese offert, ex ea parte qua nulla sit luminis repercussio ad oculos, etsi in lacubus quàm in mari saturator sit: eminus verò ex auersa solis parte cæruleum magis conspicitur propter aërem interièctum. Est enim aër natura subcæruleus, vt mare subuiride. Non dico aërem, pythagoricum illud inane, aut puram illam atque sinceram essentiam ex materia primogenia ac propria forma cõstantem, vt nec aquam purum elementum; (nam tale in rerum natura extare haud existimo) sed quàm minimè mixtum, quemadmodum ab origine ex chao indigestaq̃; mole vtrumq̃ue diuino imperio secretum legimus. Hoc, inquam, pacto dico aquarum congeriem, quam naturæ auctor à cælestibus aquis diuisit, & inter extantem aridam fluitare iussit, subuiridem esse: aërem verò hunc nostrum, quem haurimus, subcæruleum. Cui nostræ sententiæ ipse in primis subscribit Aristot. lib. de coloribus. Nam de aëre primò c. 3. ita differit: *Aër quidem per se inspectus nullum videtur colorem habere. Nam propter raritatem à fulgore peruenitur, ab eo diuisus ac secretus. Est enim fulgor densior ac per aërem perspicuus, qui in profundo prospectus ex proximo videtur cyaneo, raritatis gratia. Qua enim parte lux deficit, eadem aër caligine defunctus, coloris cyanei representatur.* **C**
 De aqua deinde cap. 4. sic habet: *Omnes aquæ vetustescentes à principio sanè virides sunt:* quare ait, *hunc primum in omnibus ex terra nascentibus colorem constare.* Fortè autem rectius dixerimus puriorem aquæ portionem cæruleam esse, eaq̃; de causa aërem talem videri, quòd tenuioribus aquæ vaporibus confertus sit: terram verò suapte natura luteum colorem affectare, qualis est argillæ, qualisq̃ue sese altius sub terra fodientibus vbique ferè locorum purior ostendit. Hinc enim crassiores aquæ ex flauis cæruleiq̃ue congressione virescunt, cum scilicet partes non fortuito, sed naturali quadam societate vniuntur. Hinc etiam herbæ initiò quidem virides, post verò cum maturitatem prætergrediuntur, humore absumpto rursus terræ instar flauescunt. Hinc denique vitrum, quod aliud nil est quàm aqua terreæ portiunculæ admixtione densata, hoc eodem colore infectum prodit. **D**
 Quamobrem *ὑάλι* à Poëta hic color dicitur 4. Georgicorum:

— *Milesia vellera Nympha
 Carpebant hyali saturo fucata colore.*

Et Horat. lib. 1. Carminum Oda 17. vitream canit Circen. Prætereà ab aëris colore arbores, & rupes, & quæcumque demum remotiora sunt, cærulea videntur: cælum verò tanto impensius, quanto maiore à nobis interuallo distat, vnde hunc colorem à cælo nomen accepisse testatur Antonius Thylesius libello quem de coloribus inscripsit, qui cæruleum pro cæluleo dictum putat. Hinc pictores, qui naturæ vestigia proximè sequuntur, cum ea quæ longè distita sunt repræsentare moliuntur, non solum minora omnia, vt illos opticus radius edoet, sed etiam cærulea pingunt. Perspicua igitur **E**
 iam causa habetur, ob quam mare quandoque cæruleum, quandoque viride appareat. Canescit verò cum spumantes vndæ è longinquo cernuntur: tunc enim cum nil præter extantes vndarum cristas conspicuum sit, continuus quidam candor visui occurrit. Est enim spuma omnis candida, vt & nix, propter aërem aquæ insertum. Cum demum ex aduerso solis radio eminus mare prospicitur, purpurascit. Tum enim cæruleo rubedo miscetur, quæ ab exhalatione aëri permixta cum sole translucet. quare occiduo potissimum hic color in mari conspicitur, cum plurima exhalatio diurno calore in sublime euecta nubes occupauit.

De chamelæonte scripsere probati auctores (inter quos Plinius lib. 8. naturalis historiarum cap. 33. & Aristoteles lib. 2. hist. animal. cap. 11.) hunc mutare colorem subinde inflatum & oculis, & cauda, & toto corpore, quod Ouid. cecinit his versibus:

*Id quoque quod ventis animal nutritur & aura,
 Protinus assimilat tetigit quoscumque colores.*

reddit namque semper quemcumque proximè attingit, præter rubrum & candidum. Quam subitam colorum productionem putaret nonnullus phantasticam seu apparentem esse, quòd nihil in illis firmum ac stabile reperiat. Sed veros esse genuina ipsorum causa demonstrat. Ita enim generantur quemadmodum in hominibus metu percussis pallor, & in pudibundis rubor. Cum enim sanguis in interiora recipitur, fit pallor; rubor

A rubor verò cùm exteriora petit. Ita nimirum ex animi affectione, quæ in chamæleonte multiplex ac frequens est, concitatur humor, vnde necesse est extimam corporis partem colore mutari. Quod autem homini in sola facie vsu venire solet, id chamæleonti toto in corpore. Cur verò non rubeat, causa est sanguinis inopia: modico enim præditus est, eoque circa cor firmius persistente. Sed neque candicat, quòd nullum in corpore humorem habeat, cui is color natiuus sit. Ceterum vt homo sanguinem rubicundum, & flauam bilem; ita chamæleon varios humores continet propriis distinctos coloribus, ex quorum vario concursu & occurfu multiformes colores secundum varias animi affectiones exoriuntur: qui licet repente sub aspectum prodeant, ocyusque occi-

B dant; veros tamen esse dubitandum non est, cùm propriis singuli humoribus congeneriti sint.

Superfunt colores illi, quos triangulare vitrum in modum prismatis efformatum, maximè viuaces exhibet; deinde quos in Iride, tum quos in Halone, atque Pareliis, similibusque luminis infractionibus cernimus. Hos omnino phantasticos seu apparentes esse oportet, cùm nulli proprio subiecto insint. neque enim vitro, aut nubi, aut aëri connaturales sunt: sed penduli in medio diaphano oberrant, ceu extemporaneæ quædam, vti verè sunt, lucis affectiones, ex certa quadam radiorum infractione prognatæ.

Porro quot numero sint huiusmodi colorum species, & quo ordine ac situ appareant, & qua ratione exoriantur, dicemus in dioptriciis, cùm de Iride fiet sermo. Nunc

C id ostendisse sufficiat, hos colores ex illis esse, quos phantasticos vocant seu apparentes.

Pro cuius veritatis planiore intelligentia triplex colorum genus distinguendum est. Primum illorum, qui veri ac reales vocantur, quos rectius materiales aut corporeos appellabimus, quandoquidem qui secundo genere continentur etiam veri atque reales sunt. Corporeos igitur colores illos dicimus, qui vel ex primarum qualitatum congregatione gignuntur, vel quos formæ singulæ speciales propriæ naturæ indices ex se producant: qui proinde formis, à quibus proueniunt, ita adhærent, vt nulla vi è corporum substantia eradi possint, nisi formæ ipsæ vnà depereant. Eiusmodi sunt in creta albedo, in minio rubedo. Quare nil aliud est laterem lauare, quàm oleum operamque perdere, cùm prius atteratur, quàm natiuum colorem deponat. Secundum genus illos com-

D plectitur colores, quos intentionales seu notionales appellant. Quemadmodum enim à corpore lucido per se lumen emanat, ac trans medium diaphanum fertur; item vt à calore igni insidente, calor alius vnde quaque propagatur; ita à coloribus corporeis, quos proximè exposuimus, colores alij velut exuuiæ decidunt, ac luminis ope feruntur, quocumque luminis radij penetrant. Sunt verò hi colores longè tenuioris essentiæ, quàm corporei illi à quibus proueniunt; vt & lumen, quod per medium diaphanum oberrat, subtilius primæuo illo, quod in corpore lucido firmum fixumque natura constituit. Neque diutiùs in perspicuo corpore perseverant, quàm lumen adsit, cuius præsidio labilis illorum natura fulciatur. Hæc propria est ipsorum nota, qua à corporeis seu materialibus dignoscuntur. Vocantur autem intentionales seu notionales, quòd sint velut

E imagines rebus visu dignoscendis idoneæ, de quibus in sequentibus copiosior erit tractatio. Ad tertium genus spectant colores phantastici seu apparentes, ita vocati, quòd præter lumen nullam aliam veritatem habeant; quo potissimum defectu à superioribus duobus colorum generibus discriminantur: conueniunt autem cum mediis, quòd in solo corpore perspicuo versentur, nec vnquam à lumine secreti subsistere aut cerni possint.

His ita prælibatis, facile erit ostendere colores iridis ac similes, quos censuimus hac tertia classe contineri. Duo enim in his spectantur, nempe quòd soli insint corpori diaphano, & quòd à nullo alio corpore simili colore imbuto proueniant. Nulli autem

F alteri corpori quàm diaphano colores iridis inesse ex eo probatur, quòd nihil aliud sint, quàm lumen; hoc autem corpori opaco inesse non potest, nisi illi cui congenitum est. ergo colores iridis in solo corpore perspicuo versantur. Rursus quòd colores isti non sint propagine alterius corporis simili qualitate affecti, per se patet, cùm nullum tale præstò sit, à quo iridis colores proficiscantur; & vt tale corpus aliquod adesset, illud profectò prius sub aspectum caderet, quàm colores ab ipso decisi: at nullum comparet. igitur colores iridis, & qui similem habent productionem, vt halonum & pareliorum, & qui per vitrum triquetra figura cælatum visuntur; quales etiam polyedres exhibent adamantes; omnes de genere apparentium censerì debent. Quam verò habeant hi colores sui ortus causam, arduum sanè explicatu est, cùm nil appareat, cui ea vis efficaciaque adscri-

adscribi possit. Igitur in re tam sublimi & ardua, ne à vero longiùs quàm deceat aberremus, cum D. Augustino epist. 3. ad Volusianum, diuinam potiùs admiremur sapientiam; *demusq; Deum aliquid posse, quod nos fatcamur inuestigare non posse: atque in talibus rebus tota ratio facti sit potentia facientis.*

PROPOSITIO XLII. THEOREMA.

Lumen colores otiosos suscitatur, & cum propria hypostasis decisos ab obiectis uehit.



DIXIMVS sæpè, & sæpè dicemus, eam esse naturam luminis, ut quemcumque colorem attigerit, mox illo tingatur; ac iam non purum, sed affectum per medium diaphanum propagetur. Id verò hoc loco paulò accuratiùs explicandum, argumentisq; firmandum est. Lux igitur, quæ primò inest corpori lucido, eiusdem colore imbuitur, ut propos. 35. est demonstratum: quæ verò à corpore lucido emanat, etsi longe debilior sit, tenuiorisq; essentia, ipsum tamen colorem, quem à fonte accepit, perpetuò retinet; nisi quòd hic quoque attenuetur, & pari gradu, uti lumen, paulatim languescat, eò semper magis, quò longiùs ab origine recedit: & sanè nisi ita colore lumen affici dicamus, nulla existeret probabilis ratio, qua lumen à lumine discrepare ostendamus, cum tamen certò constet, vnum albidum, aliud flauum, aliud rubicundum, aut alio colore affectum esse. Vt igitur per lumen, quod à corpore lucido deciditur, ipsum corpus lucidum; ita per colorem luminis, color proprius corporis lucidi, velut per propriam imaginem conspicitur. Qua in re id notandum videtur, colorem corporis admodum coruscantis minùs spectabilem esse, quàm cuius lux minor est. Nam fulgor oculos perstringens, colorem obruit, quo minùs visum feriat.

Non modò à propria materia, vnde profluit, lumen colores mutuatur; sed etiam ab illis ipsis corporibus, in quæ impingit. A quocumque enim repulsum fuerit, eius colore fœdatur. Sic ut decisus color per medium diaphanum cum lumine deportetur, eodemq; peruadat, quò ipsum lumen:

Lucret.
lib. 4.

*Et volgò faciunt id lutea, ruffaq; vela
Et ferruginea, cum magnis intenta theatris,
Per malos volgata, trabesq; trementia fluitant.
Namque ibi confessum caueai subter & omnem
Scenai speciem patrum, matrumq; deorumq;
Inficiunt, coguntq; suo fluitare colore.*

Suntque hæ colorum exuuiæ multo tenuioris essentia, quàm colores ipsi; nec minùs differunt à veris, quàm lumen directum à reflexo, hoc est primum à secundo. His autem minimè aduersatur Aristoteles libro de sensu ac sensibili cap. 3. ita scribens: *Porro dicere, perinde ut antiqui, colores esse deflunia, & tali de causa videri, absurdum est: nam ipsis necessum est attactu sentiri omnia statuunt.* mox enim ita concludit: *Quare prestat dicamus sensum fieri, quòd à sensibili medium moueatur, quàm attactu aut defluxibus.* Quibus verbis significat haudquaquam colores ipsos corporeos ab obiectis decidi, sed medium tantummodò ab ipsis simili affectione alterari, non aliter quàm à corpore lucido medium illustratur, & ab ignis calore vicinus aër incalescit. Sic enim à colore, qui in rebus existit, mouetur actu perspicuum, hoc est primò quidem ipsum lumen, deinde luminis beneficio aër, qua tandem alteratione ad oculos delata facultas videndi ad propriam functionem obeundam excitatur.

Huius rei luculentissimum experimentum lubet adscribere, ex quo etiam spectator non mediocrem hauriet voluptatem. Conclauē ita occlusam sit, ut nullum omnino lumen admittat, præter orbiculare foramen, quo fenestra pertusa sit. Huic aptetur vitrum circulare in medio paulò crassius quàm in ambitu, quales sunt vulgares dioptræ, quæ ad res augendas conficiuntur; qualia item vitra illa, quibus ignis excitari solet radiorum solatium transmissione. His ita comparatis, charta candida intus vitro obijciatur, ea distantia qua radij solares nati sunt in vnum locum coire. Hic enim quæcumque foris sunt, propriis velut coloribus depicta in charta conspicientur, non sine magna aspectus illecebra, atque animi oblectatione, nihilq; à re ipsa imago discrepabit, nisi sola magni-

A magnitudine ac situ. Hic enim ex necessitate inuersus erit ; illa verò eo semper minor, quo res à vitro fuerit remotior.

Ita plebem imperitam circumuenire solent vani quidam præstigiatores , qui vt se Necromantiæ peritos ostendant , cuius vix nomen sciunt , iactant se posse dæmonum spectra ab inferis euocare , & ad spectantium oculis sistere. Introducunt illi curiosos rerum occultiorum in obscurum conclaue, quò nullum omnino lumen adspirat, nisi tantillum, quantulum exilis vitri orbis immittit. Ibi silentio feuerè indicto , simulatîsque mysteriis rerum ac verborum, atque adeò expectatione ipsa, dæmonem mox affuturum denuntiant. Intereà clanculum de eorum sodalibus vnus dæmonis personam induit, qua is vulgò pingi solet, vultu horrido ac monstroso , cornibus è fronte surgentibus, lupina pelle & cauda , manicis calceisq; vngulatis ; tum is foris meditabundus eo obambulat loco , ex quo suus & color & figura per vitreum orbem in conclaue transfundi potest. Rebus ita callidè comparatis silentium feueriùs imperatur, quasi proditurus quispiam sit è machina Deus. Hic pallere alij , alij sudare metu rei euenturæ. Profertur chartacea tabula, opponiturque radio luminis in conclaue immissi. Prodit in ea dæmonis simulachrum obumbulantis specie, cernunt timidi, intuentur, comtemplantur. Ita rudes illi homines, vt vmbra videant histrionis, operam perdunt & pecuniam ; nihilo profectò infantibus doctiores

— qui credunt signa omnia athena

Viuerè & esse homines.

Lucil. Satyr. lib. 20.

C Porro colores, qui hic apparent, non alij profectò sunt, quàm illi ipsi quos supra à veris refecari, atque vnà cum lumine per medium diaphanum deferri diximus. Hi enim vitri ipsius densitate infracti, tamquam per angustum foramen in obiectam chartam dilabuntur, in qua proinde conspicui apparent, qui aliàs in medio peruiò nullo modo perspicui poterant propter essentia tenuitatem. Sunt enim hi colores tantum intentionales, non verò corporei, eiusdem omnino naturæ cum illis, qui à coloratis rebus cum lumine in vicinos parietes remittuntur ; tametsi in his ob vicinitatem vis maior deprehendatur, ac tanta etiam, vt in aère illustrato subinde cernantur, aliòquin longè efficacius in tenebris.

D Petet aliquis, cur colores, qui in rebus existunt, sui similes non profundant sine luminis præsidio ? Causa est, quòd lumen sit velut colorum forma, sine qua sub obscura potestate illi delitescunt; ea verò accedente, ad actum aspectumque educuntur.

Rursus petes, cur non nisi in tenebris hæ colorum imagines perspiciantur ? Respondeo, quia lumen, quo velut hypostasi sustentantur, vt est pertenuè, ita à maiore lumine facillè deuincitur; quo superato, ipsæ colorum intèriones pariter oblitescunt. Non enim ea vis inest coloribus quæ solari astro. Hoc etenim luminis affatim ex se fundit, ita vt etiam secundum ac tertium, & quartum ad ciendum aspectum nostrum efficax sit : ac colores adeò sunt imbecilles, vt prima intentio, hoc est ea quæ proximè à primo colore præciditur, minimo lumine obruatur, nec aliud lumen maius patiatur, quàm illud

E quod repulsum à corporibus eam ad aspectum nostrum traducit.

Easdem rerum imagines, quas supra per dioptram transmissas spectauimus, per solum etiam foramen exiguum contueri licet ; non tamen æquè perspicuè, atque per vitrum. Illic enim præter simplicem radiorum traiectum, accedit etiam infractio qua species versus medium colliguntur, ac proinde viuaciores illustrioresque euadunt ; fit hinc etiam, vt per dioptram non nisi certo vno loco constituta charta formas distinctas admittat, illo nempe, quo ignem accendere vitrum est natum. At per solum foramen charta, quocumque loco constiterit, species recipit ; interdum re ipsa minores, cum videlicet charta foramini propinquior est, quàm res vera ; aliàs maiores, quod per

F 4. propof. lib. 6. Eucl. cuius facile erit demonstrare. vt illud etiam, cur situs necessariò commutetur. Radij enim qui colorum formas vehunt, primùm ab re ipsa profecti mox sese iuxta foramen interfecant, ac inde præteruecti situm priorem permutant. Igitur vbi chartam attingunt, ibi res situ inuerso exhibent, quod libro 5. accuratiùs erit demonstrandum, cum de luminis traiectu erit sermo. In præsentî verò sat nobis est, hanc apparentiam certissimo experimento comprobasse. Nam species magis astruere nitimur, quàm hæc arcana penitiùs inuestigare.

PROPOSITIO XLIII. THEOREMA.

Dantur visibilibus rerum species.

X iis quæ iam proximè ostensa sunt, constat species quasdam rerum aspectabilium existere, per quas veri colores, eorumq; magnitudo, figura, locus, situs, distantia, ceteraq; visibiles proprietates repræsentantur, tamquam per naturales accuratasque imagines; quarum proinde ope visionem celebrari inferiùs demonstrabimus. Nunc vtile fuerit argumenta quædam in medium assèrre, quæ totam specierum rationem in discrimen adducant, vt ex illorum solutione specierum natura atque vsus clariùs elucescat.

Primum est ex Durando desumptum, qui in 2. dist. 3. q. 6. specierum vsus de medio tollit, hoc potissimùm argumento: Si species dentur, cum sint rationes cognoscendi, oportet eas à sensu cognosci. Nam quod incognitum est, in alterius cognitionem ducere non potest, at liquidò cõstat, præter rem oculis obiectam, nullam prætereà speciem à nobis videri. Igitur inane est specierum commentum. Cuius argumenti vis hac similitudine augetur: quemadmodum Cæsarem ex imagine cognoscere non possumus, nisi imaginem ipsam priùs cognoscamus, ita nisi species ipsas priùs cernamus, fieri nequit, vt per illas quidquam cognoscatur. Respondetur, instrumentaria figura, cuiusmodi est expressa Cæsaris effigies, priùs accepta esse debere, quàm per ea res ipsæ cognoscantur: at species formales non item. Hæ namque naturales sunt, & ad aliarum rerum notitiam comparatæ; illas autem ars ex rerum prænotione elaborauit. Et quemadmodum sonus in remoto loco excitatus cognoscitur per sonum qui ad aures appellit, cum tamen non hic præcipuè, sed is potiùs qui remotus est, audiatur: aut sicut icterici, quorum oculos flaua bilis occupauit, non eam quæ in oculis est flauedinem cernunt, sed ea res ceteras asperfas esse arbitrantur: ita species, quas lumen à rebus depromptas ad oculos vehit, propriè ac præcipuè non videntur; per illas tamen colores qui in rebus sunt, ceu per naturales formas dignoscuntur. Porro an & quonam pacto species sentiantur, propof. sequenti explicabimus.

Secundum: Species quæruntur præcipuè ob similitudinem, quam cum obiectis eas habere necessum est: sed inter obiecta ac species nulla similitudo intercedit, cum essentia differant, totaq; natura pugnent. Igitur inutilis est specierum positio. Minor ex eo probatur, quòd species non ita cõstantes sint, vti res ipsæ; nam præfente lumine gignuntur, eodemq; sublato occidunt; res autem stabiles semper perseverant: Respondendum, species ab obiectis natura quidem longissimè distare: at repræsentando maximam cum illis similitudinem cognationemque habere: quo pacto Cæsaris imago, etsi ab ipso toto genere dissideat, eum tamen expressa similitudine repræsentat.

Tertium: Candoris atque nigroris species contrarias esse oportet, quia contrariæ causæ contrarios gignunt effectus. At enim ex alia parte contrariæ esse non possunt: siquidem in eodem oculo simul conueniunt. Species igitur si dentur, contrariæ erunt & non contrariæ; quod cum pugnet, fictitiæ prorsus existimandæ sunt. Respondemus haudquam necessum esse, vt contrariæ causæ, si æquiocæ sint, contrarios effectus edant, etsi id vniocis causis proprium esse concedamus. Nam calor & frigus pariter exsiccant, & album nigrumque dissimilitudinis relationes producunt, quæ non modò non sunt contrariæ, sed etiam sunt inter se similes.

Quartum: Species neque diuiduæ sunt, neque diuisionis expertes. Igitur nihil omnino sunt. Quòd non sint diuiduæ, probatur ex eo quòd pyramis optica in quouis puncto medij terminetur, vbi & tota res conspicitur. ergo in omni puncto medij sunt perfectæ species, & nequaquam secundùm medij distensionem expansæ. Deinde si quantitatis mole affectæ essent, & ad materiæ ingenium accommodatæ, nec temporis momento, nec sine præuia dispositione producerentur. Siquidem ex materiæ gremio eas educi necessè esset, quam priùs successiua transmutatione alterari oporteret. Quod cum nullo modo admittendum videatur, consequens est, vt species prorsus indiuiduæ sint. Altera verò antecedentis pars, quòd diuisibiles sint, hinc probatur, quòd subiecto extenso inhæreant. Respondetur, species secundùm naturam diuiduas esse, vt pote per medium perspicuum diffusas: at repræsentandi vi, diuisionis expertes. vocantur autem à D. Augustino lib. 12. super Genes. ad litteram c. 16. spirituales eo modo, quo ab Aristot. lib. 2.

A de anima c. 11. textu 121. vocantur formæ sine materia, qua proprietate prorsus cum lumine conueniunt. Est enim lumen, vt sæpè à nobis dictum est, species corporis luminosi, sicut intèntionalis color est species coloris corporei: differunt verò & à natura caloris, qui non sine igneo vapore per aërem defertur; & ab odore, qui exhalatione quadam subnixus expirat, quorum proinde motiones tempore perficiuntur: specierum autem productiones, lationesq; momentaneæ sunt. Quod non obstat, quo minùs sine villo præcedente apparatu, è materiæ sinu excitentur, diuiduæq; sint, cum extenso subiecto formaliter insint, ad cuius naturam sese accommodant. Quod de radiofa pyramide allatum fuit, id solùm probat repræsentandi vi species indiuisibiles esse. Quod ita est accipiendum, vt species, quæ ab obiecto ad visum porriguntur, figuram pyramidis habere intelligantur, cuius quidem basis sit res ipsa oculo obiecta, vertex autem puncto indiuisibili terminetur. Hoc ergo punctum cum in centro visus existat, atque cum oculo circumferatur, sic vt immota basi ad omnem oculi motionem tota pyramis vertexq; mutantur, quocumque autem loco pyramis terminetur, semper visio consequatur, hinc fit vt repræsentandi vim cuius puncto specierum inesse dicamus, ac proinde species ipsas repræsentando indiuiduas.

Quintum: Species nobiliores sunt obiectis, quippe mediæ inter materialia & spiritualia accidentia; crassioris quidem naturæ quàm hæc, sed defæcatoris quàm illa. Deinde sunt instrumenta vitalium facultatum & functionum, quæ accidentibus non viuentium excellentiora sunt. Non igitur species ab obiectis gigni possunt, alioquin effectus propriam causam dignitate superaret: sed neque aliam in rerum natura causam habent, vnde tandem sequitur species omnino fictitias esse. Negandum species dignioris naturæ esse, quàm sint obiecta. Re enim vera perfectius quiddam est color, quàm eius imago; & lux, quàm lumen. Neque mediæ inter materialia & spiritualia accidentia species dicuntur, quasi medium dignitatis locum obtineant, cum potius diminutam & imperfectam essentiam habeant: sed quod paululùm è materia emergant. Neque magna dignitas est vitalium functionum instrumenta esse, præsertim cum ad eas non concurrât, nisi tamquam formæ vicariæ obiectorum, quorum vicem munusq; subeunt.

Sextum: Haud verisimile videtur tot rerum spectra, quæ vno intuitu complectimur, simul oculis illabi posse, tantamque affluentium idolorum copiam pupillæ angustias posse subire, quin illa sibi mutuo officiant, seque perturbent atque impediant, præsertim cum nullius imperio excitæ in ordinem cogantur ac sustineantur, ne in turbatam congeriem misceantur. Respondetur nihil omnino obstare, quo minùs omnium simul occurrantiũ rerum imagines pariter atque ordine quodam oculo illabantur. Non enim multitudo obesse potest, cum neque contrarietate pugnent, neque vt corpora propria se mole extrudant. Sed nec obest pupillæ angustia quæ oppidò parua est, quia per pyramidem in oculum confluunt, cuius vertex in centro visus terminatur. Neque facultatis imbecillitas causari debet, cum potentiam nullo modo degrauent. Nec verenda confusio est ac perturbatio. vbicumque enim existunt, naturæ suæ distinctionem & significandi vim retinent. Sunt verò eiusmodi formæ perpetuò in diaphano actu illustrato, quia naturaliter ac sponte ab obiectis porriguntur: nec temerè huc atque illuc oberrant, sed lumen sequuntur, cuius adminiculo sustinentur. Quod verò vnico ictu tantam formarum multitudinem oculus accipiat, genuina hæc causa est, quod iis plenum sit totum medium actu illustratum. Quocumque igitur loco oculus constituerit, ea omnia simul cõplectitur, à quibus ad ipsum species rectis lineis pertinere possunt.

Septimum: Vel eiusmodi simulachra à rebus profiliunt dumtaxat, cum quispiam adest, qui illas videat; vel vtrò, etiam cum nullus aspicit. Si primum dicatur, cuius tunc imperio euocantur illæ, & confestim accurrunt? si secundum; perenni igitur fluxu ab obiectis emanant, non sine magno illorum dispendio: quo nomine Aristoteles libro de sensu ac sensili cap. 3. Democriticos reprehendit, quod species defluuia colorum esse dicerent, eaque de causa videri. Dicendum formas visibiles perpetuò à corporibus emitti, non tamquam Democriticorum defluxus, qui veros corporeosq; colores in minima seu atomos resolui putabant, atque attenuatos per medium diaphanum nullo ordine passim oberrare:

*Aut quasi membranas summo de corpore rerum
Dereptas volitare vtròq; citroq; per auras,
Robora ceu fumum mittunt ignesq; vaporem,
Et vituli cum membranas de corpore summo*

Eucretius
lib. 4. de
Natura.

*Nascentes mittunt, & item cum lubrica serpens
Exiit in spinis vestem.*

A

Ita enim vniuersa corpora breui dissoluta abiissent in aëra. Sed velut lumen à corpore lucido perenni fluxu emanat, sine vlla corporis lucidi imminutione; sic à coloratis corporibus, alterius essentiae colores produci, quos haurit visus citra materiam. Sicut enim cera sine auro aut ære symbolum excipit, ita oculus colorem sine creta aut minio.

Octauum: In speculis facies spectatorem suum aduersa respicit, quæ tamen, si recta ab ipso proficisceretur, posteram sui partem deberet ostendere. Non igitur à rebus vlla eiusmodi spectra emitti existimandum est, quibus tam manifesta experientia aduersatur. Nihil hoc argumentum conuincit. Non enim sunt species, vt larvæ seu fictæ quæpiam personæ, quæ aliud obuersa, auersa aliud facie repræsentant: sed sunt repræsentando indiuisibiles, sic vt singulæ earum particulæ rem totam exhibere sint natæ, etsi non semper actu exhibeant, quod præterea oppositio requiratur. Rectis siquidem lineis ab obiectis protenduntur, ad eum ferè modum quo in radice filicis nervos diuersorum colorum secundum longitudinem extensos videmus, qui, radice in transversum secta, geminam vtriusque aquilam ostendunt, mutato tantummodo dextri ac sinistri situ: ita namque facies hominis, qui alterum respicit, pars dextra læua apparet. Quia verò à speculis eodem modo simulachra redeunt, quo profecta fuerunt, fit vt repercussa ita res exhibeant, quemadmodum ab eis prodierunt, mutata dumtaxat positionis differentia quæ in dextra sinistraque consistit. Sed de hac re fusiùs in commentatione de speculis.

C

His ita explicatis, species dari à natura concedendum est, quibus ob signatæ potentiae rerum notiones effingant. Harum porrò vsus patebit, cum de visionis modo infra agemus.

PROPOSITIO XLIV. THEOREMA.

Communia sensilia proprias species sensiterius inuunt.



Hoc iam constat ex iis quæ hæcenus proposita sunt, sensilia communia per se, hoc est propria vi atque insita proprietate sensum mouere qua potissimum nota, ab iis quæ per accidens sensibilia vocantur, distinguuntur. Igitur propria imagine sensiterio inusta sensum excitant. Si enim aliena, iam non per se, sed ex accidenti sensibilia forent, quod antè ostensum est. A propriis verò sensilibus distinguuntur, quòd hæc vnico dumtaxat sensu, illa pluribus dignoscantur. Deinde res dum mouetur, vel aliquid amplius transmittit ad sensum, quam dum quiescebat, vel non: si illud concesseris, erit quod volumus, propriam speciem à motu prouenire: si verò negaueris, sequetur nos rei motum non percipere, & an res moueatur an non, penitus ignorare.

D

Præterea aliter Trapezium, aliter Rhombus sensui sese offert. Si enim eodem modo, nulla superest ratio, qua hinc Rhombum illic Trapezium visus aspiciat. Igitur præter coloris formam quæ ab utroque eadem proficiscitur, necessum est propriis, iisque diuersis typis visus organum ob signari, quibus hinc Rhombus, illic Trapezium conspiciatur.

E

Fateor speciem communium sensibilium à specie sensibilis proprii reipsa non distinguui. Nam quemadmodum figura (si exemplo vti licet) ab albo non distinguitur reipsa, quasi per se consistere queat; sed tantum velut modus, quo album exterius afficitur: ita figuræ imago, quam propriam dicimus, nihil reipsa diuersum est à forma albi, sed huius tantum modus ipsam exterius definiens atque determinans. Tamen vti figura non est ipsum album, sed eius modus: ita species figuræ non est ipsius albi species & imago, sed eius quidam modus. sic vt species albi propria sit albo, soli visui congruens, at modus quo species albi exterius definitur propria sit imago figuræ, quæ aliis etiam sensibus dignosci potest. Hoc ergo pacto dicimus obiecta communia, quæ velut appendices sunt priorum, proprias species sensibus imprimere, quòd ab illis necessum sit aliquid manare in sensum, quo & proprii sensibilis species quodammodo attemperetur, & commune sensibile verè ac per se dignoscatur.

F

Scot. in 4. Ex his per facile est, inter Scotum affirmantem, & D. Thomam negantem sensibilia
d. 12. q. 3. communia proprias imagines producere, fœdus constituere. Ille enim astruit veras illo-
D. Thom. rum sensilium formas, non autem vel fictas vel nullas: at D. Thomas negat à specie-
p. 1. q. 78. bus priorum sensibilium reipsa distinctas: quorum vtrumque rationi ac veritati con-
4. 3. sonum est.

A

PROPOSITIO XLV. THEOREMA.

Species sunt virtuales rerum similitudines, non autem formales.

FORMALIS similitudo vocatur imago in qua rei forma, ac figura, propriaque lineamenta expressa continentur. Qualis est Cæsaris effigies, siue picta, siue sculpta, siue cælata, siue plana, siue bullæ aut statuæ in modum conficta; siue ea magna sit siue parua, dummodò lineamenta veritati proportionem respondeant. Huius generis non esse visibiles species demonstratur. Nam cum necesse sit eiusmodi species magnitudine aliqua præditas esse, non modò ut illarum essentia integra sit, verùm etiam ut rem totam repræsentent, sequitur per eas visionem fieri non posse. Siquidem, ut propos. 26. ostensum est, eius quod videtur species debet in centrum glacialis humoris peruenire: at magnitudo aliqua centro visus, quod solum punctum est, exæquari non potest: igitur per species formales, quarum repræsentandi vis in magnitudine posita est, nequit visio celebrari. Quare species visibiles non sunt formales, seu expressæ rerum similitudines.

C Erunt ergo virtuales, hoc est eius naturæ qualitates, ut non in illis, sed per illas obiecta cernantur. Ita quidam philosophi rem obscuram haud sanè improprie paucis verbis elucidarunt. Nam in formali atque expressa imagine res ita apparet, ut imago primò ac per se visui spectanda exhibeatur, res verò interno tantùm sensu ex apparente similitudine colligatur: at per virtuales similitudines, res ipsa uti primarium obiectum oculis sistitur, ita ut imago, licet in oculo sit, facultatemque moueat, tamen ignoretur, nisi ratio intelligentiaque accedat, quæ obiectum non per se, sed vicaria aliqua sui similitudine videri argumento persuadeat.

PROPOSITIO XLVI. THEOREMA.

Species sunt omnino formæ sensibiles.

D

QUI species sensu percipi negant, id primò experientia comprobare nituntur; nusquam enim illas videmus, & præter corpora luce coloribusque affecta nil vspiam apparet: igitur quæ nusquam cernuntur species, omnino sensum fugiunt.

E Rationem quoque addunt. Quoniam si sensibiles essent, visioni officerent potius, quàm conducerent. Idcirco enim flava bilis, quæ oculi humorem occupavit, omnia suo colore perfundit, quia ipsa per se primò ad sui ad spectum sensum allicit: deinde per eius diaphanum, ceu per tinctum vitrum cetera flauedine respersa apparent. Sic & qui suffusione laborant, nihil præter ipsam vident. Ita ergo si species oculo insidentes, per se sensibiles sunt, visus ab ipsis præsidij nihil, impedimenti autem plurimum accipiet.

Rursus quemadmodum habitus qualitates quædam sunt vsu comparatæ, quas quidem facultas non percipit, iis tamen ad obeunda munia velut opportunis instrumentis utitur: sic & species ad videndi actum apprimè necessariæ sunt, etsi ipsas facultas non persentiat. Hinc colligas species non per se, at per ipsas cetera spectari.

F Verùm species sensibiles esse, ac visu quidem tum occultè percipi, tum etiam manifestè internosci, & ratio & experientia conuincunt. Cum enim visio, ac vniuersè omnis sensio quædam sit passio, quis neget (illos interrogo, qui specierum usum admittunt) ab obiecto remotè, proximè autem à specie sensum pati? hanc igitur facultas sentit, etsi nondum perfectè dignoscat. Deinde species coloris verus est color, non secus ac lumen à corpore lucente emissum verè est lumen, de quæ lucis natura prognatum, etsi defæctoris essentia, quàm sit vel lux vel color materiae congenitus. Quid ni igitur intentionalis hic color, æquè ac lumen, sub aspectum venire poterit?

Præterea hanc maximè ob rem species repræsentandi vim habent, quòd veri colores sint: hi enim dum ἀεγροειδὴν, cui principem cernendi vim inesse diximus, afficiunt, quidquid eis exterius respondet intra pyramidis opticae latera comprehensum, id omne simili colore perfusum videtur, ac talis etiam figuræ, qualem simulachrum in aranea obtinet; magnitudine verò maiore vel minore, pro amplitudine anguli in quem vertex

pyramidis opticæ terminatur. Igitur quod tinctum vitrum, hoc idem præstat sensorio **A** inusta species; quæ proinde iuxta ac vitrum proximè, obiectum autem per ipsam remotè sed primariè sentitur. Idemque confirmat philosophi auctoritas lib. 2. de anima cap. 11. textu 121. vbi sensum id esse ait, *quod sensibiles sine materia formas suscipere potest, perinde atque annuli signum sine ferro vel auro suscipit cera.*

Nunc, quo pacto etiam manifestè species dignoscantur adinstar obiectorum primariorum, certissima docent experimenta. In primis nemo, vt arbitror, inficias ibit lumen à corpore lucido profectum, atque in res quaslibet opacas receptum videri, nisi oculos occæcatos habeat. Hinc enim lucis vsura priuatos dicimus non eos tantum, qui solem **B** ipsum aut lucernæ flammam non dignoscunt: sed illos etiam, qui lucis intentionem **B** rebus omnibus affusam non perspiciunt. Et quis obsecro aërem lumine collustratum à tenebricoso & obscuro non discernit? Habet enim aër non nihil de substantiâ opaci, quo luminis portiunculam retinet, quam proinde in aëre manifestè contuemur. Est verò, vt iam sæpè diximus, intentionale lumen vera species atque imago corporis lucidi. vnde non semel Plato in Timæo lumen appellat solis imaginem. ergo negari omnino non potest, species, quas natura ad visum comparauit, formas esse sensibiles. Eademque proprietates inest coloribus, quorum intentiones, etsi propter imbecillitatem non ita conspicuæ sint, quemadmodum lumen; tamen secluso impensiori lumine, manifestè videntur, vt propositione 42. luculenter ostendimus: vbi insigni spectaculo species per dioptram transmissæ in charta conspicuæ à nobis exhibitæ sunt. Cuius etiam generis **C** esse diximus illam colorum phantasiam, quæ repercussione ab infectis corporibus, in vicinos parietes transmissa conspicuè apparet.

Sed an etiam illa imago quæ in speculo cernitur, species sit, an res ipsa? Alij aiunt, alij negant. Speciem esse his argumentis probari videtur. Primò, quia id quod in speculi profunditate oberrat, non tam verum aliquod corpus, quàm phantasticum atque imaginabile esse potest. Vnde illud ab Apostolo Iacobo in epistola vsurpatum cap. 1. *Si quis auditor est verbi, & non factor, hic comparabitur viro consideranti vultum nativitatæ suæ in speculo: considerauit enim se, & abiit, & statim oblitus est qualis fuerit.* Deinde res vera minimè ibi est, vbi idolum apparet. Est igitur hoc aliud à re ipsa; at nihil aliud esse potest quàm species. Ergo quod in speculo cernitur species est, non autem res vera. **D**

Contra, non speciem, sed rem ipsam in speculo videri; argumento est, quòd phantasia in profunditate speculi immersa appareat: si autem species esset, ea in speculi superficie, vbi terminatur, necessariò videretur. Non est ergo species, sed res ipsa, quam in speculo cernimus. At quomodo res intra speculum videtur, cum ibi non sit? Respondeo in omni specierum inflexione rem alio loco, quàm reuerà sit, apparere. Rursus cur adeò, debilis figura ostenditur? Respondeo, quia repercussione languescit. Vnde secunda inflexio obscurior est prima, & tertia quàm secunda, atque eodem ordine ceteræ. Sed de his ista sufficiant, cum fusiùs in Catoptricis sint pertractanda: quod & Deo dante facturi sumus, si vita sit comes.

Quæ de imaginibus in speculo apparentibus diximus, de illa quoque phantasia, **E** quam in alterius pupilla cernimus, sunt intelligenda; est enim illa velut à conuexo speculo repercussum intuentis simulachrum: cornea siquidem tunica propter leuorem formas rerum obiectarum remittit; at rebus ipsis minores, propter sphericam conuexitatem.

PROPOSITIO XLVII. THEOREMA.

Species sunt formæ homogeniæ.



QVI afferunt diuersa lumina in eodem medio concurrentia, in vnum lumen coire intensius quàm sint singula, non autem se mutuò distincta penetrare; ij hoc idem de colorum speciebus sentiunt, eos nempe in eodem medio diaphano in vnam speciem vniri, non quidem essentiæ vnitate, cum formæ diuersorum colorum essentiâ differant; sed partim quantitatis continuatione, partim intensiõis augmento, adeò vt ex omnibus simul colligatis, vna species heterogenia confletur: quam quidem ita ab obiectis omnibus pariter agentibus prouenire afferunt, vt non pars vna ab vno, alia ab alio, sed tota à singulis, singulorumque partibus obueniatur; ad eum modum quo boues coniugati singuli totum aratrum vti concausæ trahunt.

A Verisimilius autem nobis videtur notionalia lumina se mutuò distincta penetrare, cum iam sint suo modo à materiæ crassitie libera atque seiuncta. Non aliter quàm corpora beatorum sublata mole ac densitate, qua se mutuò extrudunt quæuis corpora, nullo obsistente, peruadent. Idem igitur de colorum formis sentiendum est, ac præsertim de illis, quæ essentia distinguuntur. Vt enim nemo dixerit, calorem, & sonum, & lumen, cum in eodem medio concurrunt, in vnâ heterogeniam qualitatem coire, ita nec diuersorum colorum species inter se, aut cum notionali lumine, dum in eodem medio conueniunt, vniri, atque vnâ speciem efficere existimandæ sunt.

Hoc tamen lubens concessero, vnus continuati coloris speciem continuam esse.
B Non enim minùs possibile est species, quàm colores ipsos quantitatis beneficio continuari. Si ergo colores, quamuis essentia diuersi, quantitate copulantur, cur non etiam illorum species?

At quamuis omnium rerum aspectabilium species in vnâ conflarentur, quemadmodum alij contendunt, necdum tamen ea species heterogenia esset. Non etenim heterogenium illud vocatur, quod ex diuersis natura mixtilibus constat; sic enim præter simplicia elementa, corporaque cælestia, quidquid reliquum est, dici heterogenium posset, & deberet, sed illud, quod ex integris partibus diuersarum naturarum coagmentatur, vt homo, belua, arbor: homogenium autem illud dicitur, cuius partes vnus sunt naturæ atque essentiæ, vt sunt metalla, lapides: hæc enim quamuis simplicibus
C constant natura diuersis, ea tamen ita sunt diuisa, atque permixta, vt nullam sit partem assignare, quæ non ex omnibus mixtilibus constet. Eodem prorsus modo, secundum aliorum sententiam, species intentionalis ex omnium colorum speciebus conflatur, ita permixtis, vt omni in parte omnium colorum species reperiantur. Cum enim quiuis color in omnem partem medij sui speciem mittat, necessum est, vt vicissim in quamuis medij partem omnium colorum species concurrant, atque ita omnium colorum species per totum medium diaphanum, quod sphaera actiuitatis continetur, confusæ erunt, nullamque eius partem designare licebit, quæ non sit pariter mixta vt ceteræ. Erit igitur hæc mixta species perfectissima partium similitudine homogenia, quod propositum erat demonstrare.

D

PROPOSITIO XLVIII. THEOREMA.

Ex omni parte corporis aspectabilis, in omnem partem medij circumfusi species profiliunt.

QUEMADMODUM à quauis parte corporis luminosi, ad omnem partem medij perspicui radij lucidi protenduntur, modò nullum corpus opacum rectæ luminis profluentiæ obuium occurrat: ita à quouis puncto corporis colorati, color decusus vehitur luminis ope ad quodlibet punctum medij diaphani, modò nullum item corpus interpositum viam obsepit.
E

Agentia enim naturalia necessitate quadam naturæ in proprias actiones feruntur, nec sublatis impedimentis possunt non agere, in omne illud spatium quod eis natura concessit, (sphaeram dicunt actiuitatis.) Igitur vnaquæque pars corporis colorati aget, & quidem in omnem partem medij circumfusi, quousque tandem positis à natura finibus terminetur.

Et sanè nisi in omnem partem medij quæcumque pars rei visibilis sui imaginem destinaret, sed vel omnes obiecti partes in aliquam medij, vel aliquæ partes obiecti in omnem partem medij; consequens esset, vt non ex quauis medij parte omnes obiecti partes perciperentur: sed vel ex aliqua tantum parte medij, vel aliquæ tantum obiecti partes ad visum pertinerent, quod manifesta euertit experientia. Igitur ex omni rei visibilis parte, in omnem partem medij actio deriuatur.
F

Hinc fit, vt corpora tam lucida, quàm colore infecta, quo maiora sunt, eo longius actionem protendant. Namque cum secundum omnes suas partes, in quoduis punctum medij actionem intendant, quanto plures illæ atque ampliores vnâ conspirant, tanto qualitas in singulis partibus excitata maiorem vim obtinet, vt longius progrediatur.

Sed & illud hinc consequitur, quòd grandiora corpora è remotiori loco conspici valeant quàm minora; siue ea à lumine, siue à colore aspectabilia sint, quòd illarum actio longius excurrat.

PROPOSITIO XLIX. THEOREMA.

Species medium traiciunt in instanti.

SÆPE iam dictum à nobis est, magnam esse specierum ac luminis cognitionem: ex qua permultæ affectiones vtrique communes obueniunt, inrer quas hæc quoque meritò connumerari debet, quòd species æquè ac lumen quantauis spatia, temporis momento emetiantur. Idque ex eo demonstrari potest, quòd species nusquam sine lumine subsistant; lumen autem, vt per se notissimum est, instanti temporis vniuersam actiuitatis sphaeram peruadit: igitur & species. Hoc argumento vsus est Lucret. lib. 4. naturalis hist.

Et quasi multa breui spatio submittere debet

Lumina sol, vt perpetuò sint omnia plena:

Sic à rebus item simili ratione necesse est

Temporis in puncto rerum simulacra ferantur.

Deinde eadem qua lumen causa, & ipsæ species instantanea motione totum spatium implent: quia nempe ipsis nil est contrarium, quod illarum productionem remoretur.

Rursus præter lumen nihil adeò ad spiritualium accidentium naturam accedit, quàm notionalis color, seu visibilis species. Oporter ergo huius emanationem, quæ simplicissima est, momentaneam esse; ac nulla mora per amplissima spatia diffundi. Vnde D. August. lib. 12. super Genes. ad litteram cap. 16. eam ob causam species sensuum spirituales vocat, quòd medium traiciant in instanti.

Idem demum experientia confirmat: etenim proposito obiecto, mox visio subsequitur; nec perinde vt in auditu, qui latione soni fit, sic inter obiecti propositionem actumq; cernendi temporis aliquid intercedere deprehenditur, quanrauis intercapedine obiectum visusque dissideant. Igitur species iuxta lumen instantaneos processus habent.

PROPOSITIO L. THEOREMA.

Species rectis semper lineis protenduntur.

VT superior, ita hæc quoque proprietàs in lumine atque coloribus communem causam habet. cum erenim nec lumen nec species qualitates firmæ sint, nec de illarum genere quæ semel productæ suapte vi consistunt; sed sint potiùs perennes quædam actiones à luminosis coloratisq; corporibus effusæ; necesse est eas à continuo causæ influxu ita pendere, vt eo obsepto, vel sublata de medio causa, ipsæ confestim intereant. At omnis actio secundum naturæ leges breuissimis semper lineis intentatur, vt eò sit efficacior quòd breuior. nam longiùs effusa languescit. Igitur rectis lineis, quæ breuissimæ sunt, & lumen & colorum species porriguntur, nisi rectæ illorum influentiæ corpus aliquod opacum interponatur, quod actionem intercipiat.

Simile quiddam, at longè admirabilius videre est in Herculeo lapide, cuius actio vnica dumtaxat recta linea perreptat penetratque, cuius extrema polorum vim obtinent, vt illis haud ignotum est, qui eius naturam inuestigarunt. Eodemque modo ignis propria actione sursum contendit, terra verò deorsum. At color iuxta ac lux imperum suæ actionis vndequaue diffundunt, rectis tamen, vt dictum est, lineis.

Propositione 48. dictum est, in quauis parte medij omnium circum iacentium rerum formas arque imagines permixtas contineri. vnde oritur non leuis dubitatio, quonam pacto confusa illa atque indigesta specierum miscella, res omnes distinctè queat representare? Cuius solutionem facile est ex hac proposit. elicere. Tametsi namque per vniuersum medium species omnes vagentur, vis tamen earum quæ in visum agunt secundum rectas tantum lineas ab obiecto ad centrum visus extensas, diffusa est, vt iam iam ostendimus. Ex quo fit, vt quidquid sub aspectum cadit, ordinatè priùs à centro pertranseat, quàm eius actio in centrum visus definiatur, vt mox proposit. sequente perspicuè demonstrabimus.

Hinc etiam corroboratur illa nostra sententia, quam proposit. 47. explicauimus; species nempe diuersorū obiectorum in eandem partem medij ita conuenire, vt tamen in vnâ

A vnā speciem minimè coalescant. Et si enim propter exactam mixtionem non liceat singulas specierum entitates re ipsa distinguere, possunt tamen mente disiungi, quòd vnāquæque propriam actionem habeat. Nam solæ illæ ex omnibus facultatem immutant, quarum actio per rectas productiones in centrum visus terminatur. Sicut & lumina quamuis in eadem parte medijs plurima conueniant, distinguì nihilominus ea dicimus, quòd ab eodem opaco corpore diuersas vmbraſ projiciant, vt fufius l. 5. explicabimus.

Hinc facile est causam elicere, cur res à tergo sitæ non videantur. nequeunt enim inde ad visus superficiem rectæ lineæ duci, propter corporis interiecti densitatem.


PROPOSITIO LI. THEOREMA.

B *Species ordinatè ad visum perveniunt.*

C *V* M iam ostensum sit visibilium rerum actiones rectis lineis efferri, perspicuè sequi videtur, ex omnibus speciebus, quæ circumquaque sparguntur, solas illas visum stimulare, quæ ab obiectis ad centrum crystalloidis attingunt. Ex quo ulterius fit, vt quamuis in eodem medio existat omnium specierum confusio, illæ tamen quæ potentiam excitant, minimè permisceantur: sed seruata distinctione, quam res ipsæ habent, sensum contrahantur, quousque tandem in centrum visus simul omnes illabantur.

C Quod ex adiuncta figura clariùs elucescet.

Estò in ea crystalloidis centrū *A*, obiectum verò *B C*, cuius pars *B D* flauo, pars *D E* rubro, pars *E C* caruleo colore conspicua sit. Dico punctum *B*, etsi infiniti radij ab eo exeant, vnico tantum, qui nempe in *A* pertingit, videri, quòd aliorum radiorum actio visum minimè feriat. Idemque de ceteris punctis *D*, *E*, & *C*, iudicium esto. Rursus dico partem *B D* solis radiis *B A*, *D A*, ceterisque in *A* pertinentibus conspici: iis verò, qui ab ea-



D dem parte *B D* infiniti omnem in partem producantur, non item; eandem ob causam, quam modò diximus, quòd videlicet hi nullam actionem in visum intendant, quòd & in ceteris partibus *D E*, *E C*, facile erit demonstrare. Præterea cum *FI* aranæ tunicæ portio omnes lineas *B A*, *D A*, *E A*, & *C A* interfecet, palàm est species partium *B D*, *D E*, *E C*, ita in superficie aranæ ordinari, vt singulæ partes tunicæ singulis obiecti partibus respondeant.

Et quamuis in eadem partem aranæ, verbi gratia, *G H*, præter *D E*, aliarum quoque partium obiecti species concurrant, ac pariter confundantur; hinc tamen nulla perturbatio in oculi functione obueneri potest, quòd per species, quæ in centrum crystalloidis non diriguntur, vt sunt *E K* & *C K*, videndi facultas nequiquam immutetur.

PROPOSITIO LII. THEOREMA.

Rerum imagines oculo impressæ, amoto obiecto illicò evanescent.

F *S* P E C I E S quæ in visum consignantur, non ita ab obiectorum præsentia pēdere, vt iis amotis illicò extinguantur, censuerunt nonnulli interpretes Aristotelis in librum de sensu & sensibili, & in librum de insomniis. Aiunt enim sublato sensibili relinqui adhuc sensationes quasdam perbreues elicatas ex speciebus nondum extinctis. Quæ sententia probari potest, primò, quia species acuuntur & hebetantur ratione subiectæ materiæ. Habent enim quosdam incrementi & decrementi gradus secundum eam latitudinem, quæ ex intensione & remissione desumitur, quibus successiuè augeri ac minui possunt. Ex quo fit, vt visibili subito ablato, etiamnum secundum aliquam huius latitudinis partem in organo perseuerent. Poterit igitur visus ad continuandam functionem hiantisper vt, dum sensum deficient, ac tandem etiam penitus evanescent. Assumptio probatur, quia obiectum quòd propinquius est (non tamen quàm par est) eò efficaciorē speciem iacit.

Hinc enim viciniora magis dearticulantur, distinctiusque secundum omnes partes cernuntur, quia nimirum species quæ cum lumine in oculum importantur robustiores sunt: remotiora videntur obscurius, quod tanto imbecilliores species euadant, quanto longius ab origine discedunt. Igitur species visibiles eam latitudinem admittunt, quæ secundum intensiorem & remissionem vocatur.

Secundò, color, odor, sapor, ceteraque sensibiles qualitates, prohibita effectrice causa in propriis subiectis perseverant. Poterunt ergo & species, quarum par ratio est, aliquanto saltem temporis spatio in potentiis perdurare, sublatis obiectis à quibus producuntur.

Tertiò, sæpè quæ in vigilia præcepta fuerunt, postmodum in somniis ita clarè repræsentantur, ut nemo dubitare iure possit, quin ea externis sensibus præsentia sint: at res ipsæ verè absunt. Igitur sola specie in sensorio asseruata coràm assistunt.

Quartò, certiora accedunt experimenta à vigilantibus deprompta. In primis D. Augustinus libro 11. de Trinitate cap. 2. ita scribit: *Cum diu scule attenderimus quacumque luminaria & inde oculos clausserimus, quasi versantur in conspectu quidam lucidi colores variè sese commutantes, & minis minusque fulgentes, donec omnino desistant: quos intelligendum est reliquias esse formæ illius, quæ facta erat in sensu, dum corpus lucidum videretur.* Idemque confirmat communis hominum sensus. Igitur ablato luminoso remanet illius species in sensu. Audi etiam, si placet, philosophum de eadem re ita scribentem lib. 5. de generat. animalium cap. 1. *Qui conspectum à colore validiore, aut de sole in opacum transtulerint, non cernunt. Motio enim quæ iam vehementer inest, impedit eam quæ extrinsecus accidit.* Et lib. de insomniis cap. 2. *Sensibilia, inquit, ipsa in nobis per singula sensoria sensationem efficiunt: & affectio, quam ea inuehunt, non modò in sensorio inest, cum sensus agunt, sed etiam cum ab opere discessere.* Et mox: *Si sensum de sole in opacum conuertamus, comitatur eum affectio: euenit enim ut nihil cernat, propterea quòd commotio, quæ à lumine profecta est, oculos adhuc possideat. Item si quid album aut viride diutius aspexerimus, ad quodcumque aspectum nostrum deferamus, concolor illi videtur.* Eadem Themistius lib. de insomniis pulchrè describit his verbis: *Si quis aspectum ab aliquo, quod intentissimè obtutus sit, conuerterit, comitabitur nihilominus eum formæ rei quam spectauerit, quasi affectis possessisque, priore pulsus oculis. Prohinc qui de sole in opacum se conferunt, confutatis præ nimio splendore luminibus non cernunt. Item si quid præcandidum aut viride diutius aspexeris, quidquid oculis inciderit, videbitur concolor. Sed & si oculos contra solem, aut aliquid quod fulgeat, tendas, deinde conuueas, primùm aliquis color videbitur, qualis albedo, aut viriditas est, tum is se in puniceum conuertet, proximè in purpureum, atque ita deinceps in alios, postremò in atrum, à quo euanescit, exolescitque. Eodem modo quæ motu cito mouentur, obtutus nostros confringunt, ut si in profluentem rapidum direxeris, facit porrò æstuatio & vertigo, ut quæ stant, moueri videantur.* Illustrius verò illud est, quod in insertis cancellatisque fenestris ex transennarum aspectu percipimus. Has enim si aliquamdiu firmiùs intuiti fuerimus, etiam figura distinctioque solidi & vacui oculis clausis inhærebit, ratione tamen contraria. Nam vacua per quæ lumen translapsum aspeximus, obscura apparebunt; solida autem, luminosa. Ex his ergo omnibus concludi posse videtur, ea quæ in sensuum organa inuehantur moram quamdam in illis trahere, non modò cum in actu sunt, verum etiam cum sublatis externis rebus ab opera discessere.

Contraria tamen opinio, quæ asserit sensuum externorum species non nisi præsentibus sensibilibus etiam breuissimo tempore conseruari, & communior, & verisimilior videtur: potestque ex eo demonstrari, quòd species non tam sint qualitates firmæ, quàm perennes quædam actiones, atque obiectorum conatus, quibus continuò potentias ad agendum existimulant: quamobrem earum productiones non simpliciter fiunt, sicut aliarum qualitatum, quæ proinde ibi consistunt, vbi eas effectrix causa ponit; sed rectis semper lineis, ac temporis momento protenduntur. At sublato obiecto, intercudit actio; igitur & species ipsæ, quæ nil aliud sunt quàm protractæ perennataque actionis affectiones, amoto obiecto illicò euanescent. Deinde species, inquit D. August. loco citato, *sunt velut in aqua impressum vestigium, quod tamdiu est, donec ipsum corpus, quod imprimitur, inest; quo ablato, nullum erit.* Et sanè si perdurarent aliquantisper a motis obiectis, id semper aut maiori parte, & alicuius utilitatis gratia eueniret; non accidit autem neque semper, neque pro maiori parte: si quando verò simile quidpiam experimur, ut superiora argumenta ostendunt, id nullo emolumento, sed potius magno organi dispendio fit, atque aliam ob causam, quàm nunc tempestiuum est explicare.

A Ad argumenta contraria. Et ad primum neganda est consecutio: iam enim proximè ostendimus eam esse specierum naturam ac conditionem, vt quantumlibet intensæ fuerint, sine perenni effectricis causæ influxu, ne momento quidem temporis possint subsistere.

Ad secundum eadem est responsio. Hoc enim inter species & firmas qualitates interest, quòd hæc firmum existendi modum accipiant; illæ verò à continua emanatione ac causæ præsentia dependeant.

Ad tertium respondeo, eam affectionem non inde prouenire, quòd, vt Auerroës comminiscitur, cõtingat nos in somniis verè sentire sensibilia per sensus externos, licet absentia sint; qui tractatu de somno & vigilia, id ait accidere redeuntibus ab internis sensibus ad externos absentium rerum imaginibus. Sicut enim, inquit, sensibilia externa mouent sensus externos, & hi sensum communem, is imaginatiuam: sic inter somniantium, conuerso ordine imaginatio mouet sensum communem, hic sensus externos. Non inquam ita se res habet. nam species quæ ab obiectis in sensus externos proueniunt, altius non prouehuntur, cum ab his sensus communis alias species altioris ordinis efformet, quas mox imaginatiuæ impertit. Prouenit ergo id ex eo tantum, quòd sæpè tam efficaciter internus sensus sibi quædam effingat, vt ea se externo sensu percipere arbitretur. Nam teste D. Augustino supra cap. 4. *tanta sæpè est similitudo externa speciei cum ea quæ intus ex memoria exprimitur, vt nec ipsa ratio discernere possit utrumne foris corpus ipsum videatur, an intus tale quid cogitetur.* Hoc autem non tantum in somnis, iisque præcipuè quos ephialtes inuadit, sed etiam in vigilia interdum contingit, vt cogitatione occupata voluntas sese auertat à sensibus, sicquæ formet animi aciem variis imaginibus sensibilem rerum, vt ipsa sensibilia coram assistere existimentur. Fiunt porro istæ impressiones imaginum, & cum appetendo in talia voluntas intenditur, & cum deuitandi causa rapitur animus in ea contuenda, quæ fugiat; idquæ siue sopitis sensibus, vt sunt dormientium, siue ab interiore compage turbatis, sicut sunt furentium. Quibus ipse quoque philosophus ad stipulatur libro de insomniis cap. 2. asserens *facile decipi circa sensus homines in aliqua affectione positos, vt meticulosum in metu, amatorem in amore, adeo vt ex tenui similitudine alter hostes se videre putet, alter quem amat. Et quò quis utique arctius ipso affectu possidetur, eò leniori similitudine talia sese illi offerunt. Eodem modo & qui ira, & qui demum quacumque alia cupiditate rapiuntur, facile circumscribi solent, ac tanto quidem procliuius, quanto magis libidine ipsa ducuntur. Vnde etiam fit vt febrientes interdum animalia quadam in parietinis videre videantur exigua similitudine permoti, quam lineamenta quadam congesta prætendunt.* Hæc ille.

Pro quarti argumenti solutione, sciendum est obiecta duobus modis in externos sensus agere: vno intentionaliter, cum scilicet propriam imaginem in organum obfignant; altero realiter, cum violenta motione organum concitant. Prior illa actio obiecto sublato pariter occidit: hæc verò etiam causa cessante aliquamdiu perseverat. Quod lationis atque alterationis exemplis idem philosophus superius citatus explanat his verbis: *Etenim quæ lationem subeunt, eo quod propulit non amplius tangente, cientur. Consimiliter & hoc quoque in alteratione fieri putandum est. Illud enim quod calentis rei opera incauit, quod sibi vicinum est calefacit, penetratq; successio hæc ad id vsque quod primum calefieri potest. Quare & ei cui sentiendi facultas commissa est, hoc idem accidere necesse est, cum sensum, qui in actu constitutus sit, alterationem esse quamdam constet.* Vnde eadem ex causa hæc mox idem subnectit philosophus: *Qui obtutum ab hisce quæ mouentur, vt ab annibus ocysimè labentibus, aliò transferunt, iis quæ stant, moueri videntur, & ab ingentibus sonis surdastris redduntur, & ab odoribus vehementibus ægerrimè olfaciunt:* ita inquam ab impenso lumine affectio quædam in sensiterio relinquatur, vehementi motu concitata, qua interdum sensus etiam ipse funditus euertitur. Vnde fit, vt cancellorum vacua, per quæ lumen in oculum receptum fuit, eo occluso obscura appareant; quòd nempe eas organi partes quæ vacuis respondebant, lumen hebetauerit. Præua siquidem affectio, tenebrarum speciem refert: vt incolunitas aliarum partium, quæ solidis obiectis fuerant, speciem præ se fert luminis, ob spirituum animalium affluxum, quos propositione 11. lucidos esse diximus.

OBIECTI VISUS CONDITIONES. A

IN ceteris naturæ actionibus, præter effectricem causam quæ agit, obiectamque materiam quæ patitur, nonnullæ conditiones postulatur, quibus ambæ ad propria munia ritè obeunda disponuntur. Ignis namque, exempli gratia, præter eam, quam ex essentia principis obtinuit agendi potentiam, requirit in super calorem quemdam instrumentarium, quo appositam materiam alteret, ac præterea nisi magnitudine aliqua ac densitate præditus sit, nihil omnino efficere poterit: materia verò nisi sit pinguis, atque igni utcumque vicina, nullam actionem formamque suscipiet. Ita oculus, atque res aspectabilis, ad visionem præstandam proprium exigunt apparatus. Ac de oculi quidem proprietatibus huc vsque dictum est satis: nunc de iis, quibus obiectum instructum esse oportet, pauca dicenda restant. Sex porro dumtaxat eiusmodi conditiones numerantur; videlicet, opacitas, magnitudo, oppositio, distantia, medium, atque illustratio: quas rectè Conditiones nuncupamus, quòd sine eis res aspectabiles sub obtutum venire omnino nequeunt. Plotinus Enneadis 4. lib. 5. Conferentia nominat, quòd ad visionem plurimum conferant ac conducant. B

PROPOSITIO LIII. THEOREMA.

Imperuium esse oportet quidquid sub aspectum cadit.

PERMULTA sunt quæ huic propositioni aduersari videntur. In primis gemmæ non pauca, etiam quæ inter perspicuas censentur, ut carbunculus, smaragdus, saphyrus, hyacinthus; vitrum item, crystallus, aqua, atque alia eiusdem generis plurima videntur, quæ tamen peruia sunt. Deinde aër ipse impensè diaphanus, sub aqua conspicuus est: quo pacto etiam corpus, quamuis summè pellucidum, cerni possit. Nullo igitur iure hæc proprietas in obiecto visus exigitur: quod quantumvis transparent, nihilo tamen minus videri atque internosci potest. D

Verùm opacum esse oportere omne quod videtur, ex natura tum obiecti tum visus ipsius demonstrari potest. Nam ea in primis extra controuersiam est obiecti conditio, ut vel lumine vel colore affectum esse debeat: at lumen & color solius corporis opaci sunt proprietates, ut propositione 31. ostendimus. Igitur omne quod videtur, opacum sit necesse est. Deinde hæc quoque visus natura est, ut in eo quod cernit terminari debeat; sed in diaphano obtutus terminari non potest, cum eiusmodi corpus & lumini & speciebus impunè sit peruium. Igitur in solo opaco oculorum acies figi terminarique potest, quod proinde solum videri est aptum. Accedit & ab incommodo desumpta argumentatio. Si enim perspicua corpora æquè atque opaca cerni possent, omnis pænè visio confusa ac perturbata foret. Nam vno corpore post aliud diaphanum existente (quod sanè frequentissimum est) æquè quod posterius, ac quod prius est, videretur; cum posterioris dignotio ab anteriore diaphano non intercipiatur. Vtrumque ergo eandem oculi partem eodem simul tempore, atque ex æquo afficiet; sicque confusa erit vtriusque imago, atque indistincta cognitio. E


Huic grauissimo incommodo sapientissimus naturæ architectus hoc modo prouidit, ut perspicua corpora visibiles qualitates transmitterent, opaca verò easdem sifterent, ac velut sufflamatas transitu prohiberent. Ita enim per illa velut per idonea media lucem opaca recipiunt, quam per eadem propriis iam coloribus affectam ad oculos refundunt. Ex quo visionem aptè celebrari contingit. F

Hinc illud fit, ut nec lux nec color in diaphano corpore recepta appareant, nisi fortè portiunculam aliquam opacitatis admixtam habeat, quæ lumen ac species colorum sistat, atque aciem oculorum firmet. Quam ob causam propositione 31. diximus, gemmas quæ diaphanæ habentur, uti & vitrum, & crystallum, aliaque eiusmodi ita videri,

A vt etiam profunditatem illorum visus attingat. Si autem aspectabile corpus minus opacum fuerit, quàm medium, tunc velut per quamdam priuationem illud conspicietur, vt sub aqua aër natura simplicior. Atque ita explicandę sunt obiectiones initio positę.

PROPOSITIO LIV. THEOREMA.


Visibilia quadam ob paruitatem delitescunt.

B  RÆTEREA obiectum vt iusta magnitudine diductum atque expansum sit, ad veram perfectamque visionem exigitur. nam certa experientia discimus, res quasdam ob paruitatem conspectum omnino effugere. Cuius rei primatem causam non tam obiecti, quàm visiuę facultatis natura in se continet. Cùm enim visio per pyramidem fiat (vt non semel est demonstratum) cuius vertex centrum sit visus, basıs verò res ipsa, necessarium est, vt ex anguli verticalis amplitudine rerum magnitudines dignoscantur. sic vt maiores illę appareant, quarum anguli qui ad verticem maiores sunt; minores verò illę videantur, quarum ad verticem anguli sunt minores. Quare si tandem eousque attenuentur angulorum spatia, vt sub sensum non cadant, & res ipsę visibiles, quę his angulis ceu bases subtenduntur, omnino oblitescunt.

C Datur ergo in iis quę videntur, quidam paruitatis status, infra quem discerni amplius res nequeant; at vagus incertusque, quandoquidem non minor distantię quàm magnitudinis habenda sit ratio. Vnde quod iusta dimensione præditum est, vt è propinquo exactè videatur, è longinquo spectatum vim omnem obtutus effugiet; nihilque tanta mole distentum animo concipi poterit, quod non acutissimam oculorum aciem excedat, si infinito propemodum interuallo obsistat.

PROPOSITIO LV. THEOREMA.


Visibile in sola oppositione videtur.

D  PROPOSITVM id esse definitur, à quo ad superficiem visus rectà duci potest, quę inde ad centrum glacialis humoris infringatur. Quare quęcumque visui opposita sunt, ea omnia intra maximam pyramidem opticam continentur: cetera verò quę extra hanc vagantur, nec visui opponuntur, nec in oculum actionem aliquam inferre possunt.

Ratio porrò huius oppositionis ex eo ducitur, quòd rerum aspectabilium formę re-ctis semper lineis protendantur, vt propof. 50. est demonstratum. Inde enim hoc velut confectarium infertur, nihil omnino conspici, nisi quod visui oppositum sit, hoc est eò loci constitutum, vnde sui similitudinem rectà in centrum glacialis humoris euiurare possit, quę dignoscendi facultatem ad sui obtutum excitet atque alliciat. Quę etiam causa est, cur ea quę à tergo sunt, non cernantur; non enim visui opposita, ibique locata sunt vnde illorum actionem visus excipiat.

PROPOSITIO LVI. THEOREMA.

Visus suapte natura infinite extenditur.

F  T emissionem visio fieret, quemadmodum Stoici volebant, & qui de Platonis secta fuerunt, profectò non modò spatio aliquo, sed etiam breuissimo definiretur. At cùm ex Peripateticorum doctrina, partim susceptione, partim interna atque immanente actione visio perficiatur, eaque sententia vero simillima sit, vt post, cùm de natura visus agemus, perspicuum fiet; consequens est, vt visionem infinite extendi suapte vi posse, nulloque ex se termino definiri statuamus. Siquidem non minùs aptum promptumque est visus organum ad suscipiendum formas rerum è longinquo promissas, quàm è propinquo: nec cùm specie visibili obsignatum fuerit sensiterium, disquirit animus, priusquam in actionem erumpat, an res, vnde illę proueniunt, vicina sit, an longè distita. Hęc enim abs re esse videntur, cùm ad actionem facultas sufficiat, obiectique per vicariam speciem presentia. Igitur visus potentia ex sese in infinitum protenditur, nec vllis distantię finibus coëretur: quod probasse oportuit.

PROPOSITIO LVII. THEOREMA.


Vnumquodque obiectum spatio definitur, ultra quod videri non potest.



TAMETS I aspectus, vt proximè ostensum est, nullo coërcitus termino in immensum protendi suapte natura possit; nequit tamen obiectum ad quamcumque distantiam sui imaginem ex se effundere: sed iisdem ex causis actio eius definitur, quas velut obiecti condiciones paulò antè recensuimus. B

Atque in primis nebulosus aër obiecti distantiam celerius terminat. Perspicuum est enim non æquè per nebulosum aërem, ac per sudum, res è longinquo spectari. Deinde obiectum qualitate minùs conspicua affectum, aut infirmiore lumine collustratum, segniùs agit, ac proinde minùs longè actionem diffundit. Quare è remotiori loco videtur, quod vel propria luce fulget, vel aliena collustratur, quàm quod subobscurum est, aut offusum tenebris. Rursus è remotiori interuallo aspicitur color rutilus, quàm fuscus. Igitur non tantùm mediij impedimenta, verumetiam ipsæ primæ visibiles qualitates, quarum beneficio res omnes sub visum cadunt, definitam actionem habent, quamobrem res ipsæ non ex quavis distantia cerni possunt. C

Præterea ex ipsa quoque magnitudine argumentum sumi potest; quæ eò



semper minor apparet, quò res longiùs abest, quoad tandem ob paruitatem oculorum aciem penitus fugiat. Esto namque BAC minimus angulus, sub quo obiectum BC videri potest: dimoueturque BC in D . Dico illud iam videri non posse. Si enim videretur, sub minori utique angulo comprehenderetur, quàm in priori statu: at cùm positus sit angulus BAC minimus, sub quo BC spectari possit; erit angulus, quo D videtur, minor minimo, quod absurdum est: ergo omnino insensibilis est, quod probare nitimur: ac proinde D obiectum in D constitutum cerni ex loco A nequit. Omne igitur obiectum spatio definitur, vltra quod videri non potest, quod erat demonstrandum.

PROPOSITIO LVIII. THEOREMA.

Perfecta visio non minorem obiecti distantiam postulat, quàm qua axibus continetur, cum quibus nervi optici angulos normales efficiunt.



NONNULLI ea quæ visui superposita, aut omnino propinqua sunt, videri quodammodò hisce argumentis persuadere nituntur. Primò, humor corneam inter & crystalloidem congestus cernitur. Nam quibus ille partem dumtaxat pupillæ occupauit, iis videtur macula quædam, ceu musca continuò ob oculos versari; quæ phantasia nil aliud est, quàm humoris obiecti contuitio. Secundò, non aliam ob causam ictericis omnia flaua ostenduntur, nisi quia inspersam oculis bilem primò percipiunt, quæ deinde affectio ad externa pertransit, & cuncta simili illuue coinquinat: Tertiò, lumen quod oculo compresso excitatur, intra oculum existit: videri autem illud nemo, qui visum habeat, inficias ibit. Nil igitur propinquitatis cernendi facultati officit, nec quidquam obstat, quin res etiam superposita visui conspiciatur. E

Pro huius proprietatis planiori intelligentia, notandum in primis est distinctè id solum internosci, in quod axes optici vnà concurrunt: reliqua verò omnia obscure atque confuse, & velut ἀδιάρπνοτα, aut, vt Sophoclis verbo vtar, ἀμόρφατα.

Deinde triplex eorum quæ in oculo sunt propinquitatis locus distinguendus est. Primus in ipso est glaciali humore, quem interdum glaucoma inuadit, immedicabile malum, hoc est natiui coloris in alienum mutatio: quibus id vitij adest, ij per fumum, aut nebulam, se videre arbitrantur. Secundus est in humore aqueo, ybi suffusio inter vueam tunicam,

A tunicam & humorem crystallinum enasci solet, id est; humoris præter naturam concretio, à cerebro per neruum opticum prolapsa. Tertius in cornea est tunica. Hanc caligo, nubecula, atque hallucinatio committit. Est porro caligo, tenebrosa visio ex densiore facta cornea tunica. Rarum hoc vitium ex morbo; ex senectute frequens, quæ membranæ & vngues crassescunt. Nubecula, tenuis est humor corneæ inhærens, quo quis per medium non omnino diaphanum se videre putat. Hallucinatio est, qua omnia foris tincta videntur, ex alieno colore tunicæ corneæ offuso, vt in ictero citrina, in phlegmone rubra.

In his omnibus affectionibus, si impactus humor perfectè opacus sit totamque pupillam obtegat, planè cernendi functionem impedit; etsi facultatem ipsam, quæ in anima residet, non tollat. Hoc probat omnium philosophantium consensus, ac medicorum experientia. Ratio etiam ipsa demonstrat: nam humor qui in oculo delitescit, nullo lumine collustratus, perspicui non potest; vt argumentatur Aristot. lib. 2. de anima cap. 7. text. 73. sed neque res ceteras videri patitur, cum visibilibus formis, quæ ab externis rebus in oculum destinantur, viam occludat. Idem enim præstat quod palpebræ clausæ, aut velum oculis obductum, per quæ, cum opaca sint, nullus speciebus transitus conceditur. At si partem dumtaxat pupillæ occupat humor ille opacus, rerum quoque obiectarum partem offuscabit, quasi macula illis inducta, quæ suffusionis obtineat figuram. Quod neutiquam ex eo prouenire credendum est, quasi ipsa suffusio cernatur, sed quod cernendi actum ex parte præpediat. Pars namque obiecti, quam contigit, dum per humoris opacitatem non percipitur, ostensionem quamdam facit maculæ rebus iniustæ, quæ interdum muscæ oberranti, aliàs telæ araneæ similis est; non quod verè illa phantasia sit alicuius rei conspectio, sed quod potiùs sit visionis priuatio, quæ obscuritatis speciem præ se fert.

Si autem perspicuus est humor qui oculum vitiat, vt bilis in ictericis, in ophthalmicis sanguis, is neque cernendi facultatem imminuit, neque actionem impedit; res tamen externas proprio colore infectas exhibet, colore nempe qui in oculo est, speciei vim obtinente. Vti enim species haud per se distinctè in oculo dignoscitur, per ipsam tamen, quidquid ei opponitur ita exhibetur, vt eiusdem colorè, figura, magnitudine; **D** ceterisque aspectabilibus proprietatibus affectum cernatur: ita si color aliquis oculum inuasit, qui perspicuus sit, aut tinctum vitrum oculo proximum teneatur; colores ipsi propinqui, siue qui in oculo insidet, siue qui in vitro est, distinctè non percipiuntur; at rebus externis affusi putantur. Cuius quidem hanc rationem esse existimo, quod tum propter vicinitatem, tum propter transparentiam nihil sit in coloribus illis quod visum terminet. Quare eò vsque affectio, quam oculo inferunt, peruat, dum corpus aliquod opacum in iusta distantia occurrat, in quod impingant, quodque illos pariter ac visum definiat, sistatque: tale enim esse oportere omne quod videtur, propof. 53. ostendimus: Vnde colligas infirmam esse rationem illam, qua nonnulli probare nituntur inter visum ac rem visibilem spatium aliquod intercedere debere; quod visio per species fiat, species **E** autem sine medio ab obiectis non resoluantur. Non subsistit inquam hæc ratio, quia species sunt distantium rerum vicariæ formæ, tum minimè opportuna, cum obiecta oculo præsentia sunt.

Denique si insertus oculo humor mediam naturam obtinet, quæ neque opaca omnino sit, neque exactè diaphana, nebulosam visionem efficit, qua quis velut per caliginem res obiectas se conspici existimat.

Præter triplicem hunc propinquitatis gradum, quem in oculo designauimus, quartum quoque extra oculum considerare licet. Continetur porro is spatium illo quod ab oculo ad id vsque punctum, vbi neruis opticis axes ad rectos angulos insistent, exporrigitur. **F** Quo loco visionem quidem fieri contingit, sed indistinctam tantò magis, quantò res oculo vicinior fuerit. Cum enim ex ipsius organi structura constet propinquius oculorum aciem terminari non posse, quam vbi coniuncti axes neruis opticis normales existunt, erit hoc punctum terminus minimæ distantia, in qua visio distincta perfici potest; reliquo ergo spatium ad oculum vsque visionem omnem confusam turbidamque esse oportet, quod in eo nullus axium concursus obuenerit.

Ex his facile est colligere propositæ proprietatis demonstrationem. Namque proximum illum, quem iam diximus, axium concursum extra oculum fieri necesse est; vti neruorum opticorum fabrica demonstrat. Igitur distincta accurataque inspectio, non nisi ex certa ac iusta distantia elici potest: cuius quidem breuissimum spatium puncto

illo terminatur, in quo concurrantes axes cum opticis netuis angulos rectos efficiunt. A
 Quò verò deinceps res obiectæ oculo viciniore existunt, eò grandiores apparent, proxima autem ad eò augescunt, vt tenebras oculo sua mole offundant, ac velut indigestum chaos repræsentent.

Faceſſat nunc quorundam opinio, qui huius rei causam in species visibiles conijciendam volunt, quarum natura odoribus sit quodammodò similis. Vt enim, inquit, Moschi odor è proximo grauis est propter admixtam crassam fæculentamque substantiam, quæ iniucundum odorem reddit; è longinquo verò deposita parte crassiore purior effectus nares suauius ferit: ita species è proximo oculorum aciem retundunt; interuallo autem proportionem quadam attenuatæ res distinctius spectandas exhibent. B

Hæc cum ita sint, obiectis initio argumentis nullo negotio fiet satis. Dicendum enim omnem opacitatem crystalloidi impactam discernendi functionem abolere; tollitur enim hoc vitio facultas radios in centrum colligendi, quam proposit. 26. visui apprimè necessariam esse diximus. Quæcumq; verò aranæ tunicæ intra oculum obijciuntur, ea nequaquam videntur, non solum ob propinquitatem, verum etiam quòd nullo lumine illustrentur, sine quo nihil in rebus aspectabile esse potest. Si verò lumine perfunderentur, hoc ipsum ita oculos oppleret, vt res obiecta dignosci non possent: sed nil præter confusum quoddam lumen extra oculos indefinito loco conspiceretur, vt oculo compresso accidit: quod tertium argumentum proponebat. De hac re consule proposit. 13. vbi diximus fulgorem illum ab interna parte vucæ tunicæ ad aranæ humoremque C crystallinum remitti, atque ita videri: apparere autem orbicularem circuli in modum, quòd à solo ambitu pupillæ repellatur. quæ enim patet pupilla, hinc nihil remitti potest. Videtur quoque extra oculum obuersari, propterea quòd nequeat oculus certam ei distantiam propriumque locum assignare. quod idem suffusionibus euenire, plurimorum hominum experimenta testantur:

PROPOSITIO LIX. THEOREMA.

*Inter visum & visile necesse est medium
intercedere diaphanum.* D

PERSPICVA est huius propositionis demonstratio ex superiore. Cum enim spatio aliquo distare ab inuicem debeant visus, resque aspectabilis, si inane fiat hoc interuallum, non modò non exactissimè, (quod Democritus credebatur, quem eo nomine reprehendit Aristoteles lib. 2. de anima cap. 7. textu 74.) sed nequidquam nos visuros constat, cum nulla actio ab obiecto ad oculos per vacuum traduci queat. Deinde, si nullus esset vsus intermedij corporis (inquit Themistius lib. 2. de anima cap. 25.) per quod colores veherentur ad sensum, summa ratio esset, quamobrem, quanto propius accederent imminerentq; oculis, E tanto clariùs & exquisitiùs cernerentur. Oportet ergo plenum hoc interstitium constituere, non quidem opaco aliquo ac densò corpore, quod lumini rerumq; spectris imperuium sit: igitur diaphano, per quod vnà cum lumine emissitæ rerum imagines, in omnem circum partem distribuuntur, tandemque ad aspectum vsque, quocumque in loco ille constiterit, pertinere possint. Præterea visus spirituali naturæ proximus est, obiectum verò quod videtur, nimis materiam respicit. Igitur duo hæc per se haudquaquam coire possunt, vt notionem aliquam perficiant: sed medio quodam opus est veluti spirituali, quod inuicem ista conciliet. Hoc profectò est diaphanum, inter crassam ac spiritualem naturam medio loco constitutum. F

In iis qui aquileges nuncupantur, reperiri quosdam aiunt, qui profitentur se aquas sub terra latètes contueri. Id verò ita se habere, ac reipsa fieri, non ignobile nostræ ætatis philosophi arbitrantur, non tam rationibus quam experientia in eam sententiam adducti. Fuisse enim, atque etiamnum extare narrantur, qui variis in locis oculari inspectione vberes aquarum prouentus inuenerunt. neque operam dæmonum huic negotio interuenisse credunt, quòd illorum hominum probitas publici iudicij auctoritate pro vtroque tribunali fuerit explorata & comprobata.

Deinde lynces naturali oculorum acie post trans parietes videre perhibentur, cur non id poterunt homines aliqui extraordinaria cernendi facultate præditi? An id longius

Agius fidei metas excedit, quàm res in tenebris perspicere? quod potuit Tiberius Caesar, sicut & brutæ illæ animantes quæ noctu alimoniam venantur, vt feles, noctuæ, vesper-tiliones, &c. Argonautam scribit Plinius lib. 2. cap. 17. non solùm terra interposita videre solitum: sed etiam exeuntem à Carthagine classem Punicam, numerumque nauium ex specula Libycana manifestissimè notasse: vnde illud Martialis;

Scit quota de Libyco littore puppis eat.

nec non primam lunam in signo arietis eodem die conspexisse; quamobrem Lyncei cognomen obtinuit. His longè etiam admirabiliora leguntur apud naturalium rerum scriptores: quæ modò non lubet enarrare, ne longiùs à proposito recedamus.

B Præterea terra porosa est. per hos igitur meatus poterit lumen aliquousque terræ crassitiem penetrare, indeque latentium subtus aquarum visibiles formas per eosdem poros reuehere, verùm ita attenuatas, vt communi cernendi facultati minimè congruant, sed ei, qua præditi sunt aquileges. Vnde aquam exploraturi meridianam lucem quærunt, & insignem solis splendorem, quo nimirum è profundo species hauriant & ad aspectum euocent.

Hæc ferè sunt ex quibus præcipuum huius sententiæ momentum pendet. qui verò contrariè sentiunt, experimenta illa aiunt esse vel veneficia vel mendacia. Cùm enim vsitatis signis, quæ referunt Plinius lib. 31. cap. 3. & Vitruuius lib. 8. cap. 1. aquarum loca tacitè explorauerint, ea designantes, aquas se videre ementiuntur. Neque par ratio in iis est qui noctu vident: hi enim non vident in tenebris, sed emissio oculorum lumine res, quas vident, illustrant, quarum tum species cum lumine ad oculum reuehuntur. Æquè verò absolum est dicere, sine lumine visionem fieri, eandemque opacum corpus penetrare, cùm vtrumque naturæ visionis aduersetur: nec enim sine lumine, nec trans corpus opacum species deferuntur.

C Quod verò de poris terræ adducebatur, non sapit philosophum. Quomodo enim species, quæ suapte vi rectis lineis proficiscuntur, per sinuosos terræ anfractus traduci possunt? Faceat ista philosophandi ratio. Ac nostra quidem sententia eiusdem generis habeatur aquarum inuentio per inspectionem, cuius est metallorum sub terra latentium inquisitio per virgulam furcatam: de qua scribit Georgius Agricola lib. 2. de re metallica, multas ac magnas contentiones inter metallicos existere, cùm alij asserant in venis inueniendis sibi maximo vsui fuisse, alij negent. Nonnulli furcam refecant columnam, quam præ ceteris idoneam censent, præsertim si corylus supra venam aliquam ereuerit. Alij pro varietate metalli diuersis virgulis ad venas inquirendas vtuntur. etenim coryli virgulas adhibent ad argenti venas; fraxini ad æris; piceastri ad plumbi maximè candidi, ferream ad auri. Vnus porrò earum sic se habet: Cornua virgulæ pugnis apprehendunt, ita vt digiti compressi cælum spectent, vtque virgula erigatur ea parte qua cornua coeunt: tum huc atque illuc passim per loca montosa vagantur; simul atque verò supra venam pedem posuerint, aiunt statim virgulam occulto quodam impulsu versari, motuque venam prodere: at vbi pedem retulerint, & ab ea recesserint, E rursum virgulam immobilem permanere. Cuius rei fides sit penes illos, qui eius aliquando periculum fecerunt.

Id tantùm nostræ rationi adiungere placet: Si acies oculi nostri corpora opaca penetraret, oporteret illa peruia esse rerum simulacris; quapropter non iam opaca, sed transparentia essent, quod in primis hypothefi repugnat. Deinde eo dato, duorum alterum consequens foret, aut quod nihil omnino in rerum natura occultum esset, aut quod nihil penitus cerneretur. Vtrum absurdius sit, tecum ipse lector expende. Occultum fore nihil, hinc probatur; quia nullum corpus, nec vlla aduersa qualitas ferùm formis obstitet, quò minus liberè ad oculos peruenirent. Si autem quæ in rerum natura sunt F fœda atque abominanda eundis paterent, perpetuo horrore hominum animi percellerentur, siquidem nullo loco possent à turpissimarum rerum aspectu esse liberi. Illis enim idem eueniret quod Marsil. Ficinus oratione 6. cap. 18. futurum monet, suum alloquens Socratem, his verbis: *Si oculos tibi lynceos natura dedisset mi Socrates, & aspectu qualibet occurrentia penetrares, formosissimum illud extrinsecus Alcibiadis tui corpus turpissimum tibi videretur.* Rectè igitur sapientissimus vniuersitatis architectus, qui tum propter vitæ honestatem, tum propter humanæ societatis vsu plurima latentia esse voluit, corporum opacitatem induxit, qua tamquam velo, quæ latere oportebat, oc- culerentur.

Verùm probabilius equidem existimo, sublata à corporibus opacitate, aut indita

oculis nostris tantâ perspicacitate vt opæa corpora visu penetrarent, nihil omnino in A rebus distinctum fore, quia omnium rerum imagines simul permixtæ atque confusæ in oculos tumultuariè irruerent. Nam plurium rerum formæ per eundem radium incederent, atque ad superficiem visus productæ sibi mutuò ita incumberent, vt vna præ alia dignosci non posset; quod ostensum est suprâ proposit. 53. & apertius infrâ lib. 2. cùm de radio optico agemus.

PROPOSITIO LX. THEOREMA.

Visibile nisi lumine illustretur non apparet. B



I vs rei duæ sunt primates causæ. Prima est, quòd lumen velut colorum hypostasis decisas ab obiectis species sustineat, atque ad oculum vehat: vt proposit. 42. est demonstratum. Altera est, quòd eadem colorum formæ dignoscendi facultatem suapte vi excitare non possint, nisi cum lumine permisceantur, vnamque cum eo velut mixtam qualitatem efficiant. Quamobrem proposit. 38. lucem colorum esse formam diximus; non internam, sed externam; non essentia, sed integritatis partem, quatenus sui perfusione illos actu spectabiles facit, quandoquidem nisi lucis consortio actu non videantur. Et D. Thomas lib. contra gentes primo, cap. 76. ait colorem esse obiectum materiale visus, lumen C verò formale. vnde, inquit, eadem visione intuemur colorem & lucem, qua color fit actu visibilis.

Etsi nemo aded lucis vsura orbatus sit, vt putet lucem ad cernendi actionem minimè necessariam esse; non desunt tamen, inter quos Auerroës, qui putent illam non obiecti causa, sed tantummodò ratione medij postulari. Quæ sententia primò probari potest, ex eo quòd color proprium habeatur obiectum visus, vt pote per se visibilis, non autem aliena vi, cùm, teste Aristotele lib. 2. de anima cap. 7. textu 66. *in se causam habeat, vt visibilis sit.* Secundò sonus, odor, sapor, ceteraque aliorum sensuum obiecta nullius alterius ope proprias species ad organa transmittunt; ergo & color, qui longiùs, ac proinde maiore efficacitate suam speciem diffundit. D

Verùm respondere his argumentis perfacile est. Primò, colorem habere quidem in se causam cur videatur, non tamen sine lumine actu videri. Secundò, peculiare id concedi debuisse coloribus, qui nobilissimam facultatem per spatia longissima moturi erant, vt ad species emittendas promouendasque lumen requirerent, huic sanè negotio aptissimum, cùm longissimè protendatur, maximamque, vt proposit. 38. diximus, cum coloribus cognationem societatemque habeat.

Igitur obiecti gratia lumen exigitur, vt illius species excipiat promoueatque. Sed an etiam medij ergò sit necessarium lumen, maior est controuersia. Negat Auicenna libro 6. nat. part. 3. cap. 1. solius obiecti causa lumen requiri ex eo probans, quòd obiectum ex obscuro loco, si ipsum affusum sit lumine, procul videatur, imò eò clariùs quòd E medium interiectum obscurius est: contrà verò si obiectum in obscuro sit, non cernatur, esto oculus in loco illustrato consistat. Deinde felium oculi, nitedulæ, & robusti caudices vetustate putres interlucent in tenebris, medio autem illustrato oblitescunt. Lumen ergo ex parte tantum obiecti est necessarium, cùm in medio officiat potius quàm proficit. Dicet fortè quispiam, ab his rebus semper aliquid luminis per medium diffundi. At contrà non videtur fieri posse, vt ad oculum vsque longissimè distitum, hoc tam exiguum lumen pertingat. Igitur non illud quod per medium oberrat lumen, sed quod propter obiectum versatur, ad visionem conducit. Prætereà cùm medium diaphanum sit, lumen, si quod in eo est, non apparet. Frustrà ergo exigitur medij causa F cùm nihil visui conferat.

Affirmant alij non tantum ratione obiecti, sed etiam ratione medij lumen necessarium esse, vt visio perficiatur. Quorum sententiæ philosophi inprimis auctoritas suffragatur lib. 2. de anima cap. 7. textu 73. Deinde ratio quoque in promptu est. Cùm enim agentia non in quoduis indiscriminatim agant, sed oporteat inter id quod agit, & id quod patitur, proportionem quamdam & reciprocam aptitudinem dari, vt quantitas prima præcipuaque dispositio est, quam agentia naturalia in patiente exigunt, & cuius defectu nulla physica alteratio procedit: ita dispositio, quam color in medio diaphano requirit, lux est, sine qua non potest in eo speciem gignere, neque ad oculum eam destinare,

A destinare, cùm nihil in medio sit, quod eam fulciat. Eam namque rationem habet lumen ad species visibiles, quam quantitas ad corporeas qualitates. Quemadmodum enim grauitas, leuitas, calor, frigus, sapor, color, ceteraque qualitates, quas vniuscuiusque corporis natura ex se profert, primò insunt quantitati, ac huius beneficio materiae: ita colorum species suapte natura primùm insunt lumini, ceu proximo subiecto ac basi, deinde luminis ope per medium diaphanum deferuntur. Ex quo fit vt eadem feruè sint specierum ac luminis proprietates. Nam & medium perspicuum exigunt, & instanti illud traijciunt, ac rectis lineis, longiusque prouectæ sensim languescunt, &c.

B Ad argumentum Auicennæ constabit solutio ex propos. sequente, qua causam dabimus ob quam res impensius illustratæ optimè videantur è tenebris.

Ad secundum eiusdem sententiæ aptè respondebatur; ad responsionis verò confutationem dicendum erit, quantumuis minimi luminis amplissimam esse sphaeram, quam actiuitatis vocant. Etsi enim lumen, quod res illæ ex se fundunt, in toto medio palam à nobis non dignoscatur propter eius diaphaniam; negandum tamen non est, luminis intentionem vniuersum medium ad oculum vsque completere, cùm per illam velut per propriam speciem atque imaginem ipsum corpus lucidum sentiatur.

Ad tertium dicendum, non postulari in medio lumen vt cernatur, sed vt speciem obiekti vehat. Et certè si obiektum ad primam speciei productionem lumen exigit, quod eam excipiat, multò magis medium id requirit ad eam vterius extendendam.

C PROPOSITIO LXI. THEOREMA.

Oculus quàm optimè videt è tenebris.

NEVTIQVAM existimandum est, lumen, quod species in medio exposcunt, illud esse quod immediatè à corpore luminoso procedit; sed hoc quod à corpore non perpolito ad visum repercutitur. Illud enim quia obiekti colore minimè tingitur, nihil omnino visioni conducit; quin etiam triplici de causa plurimum officere solet: primò si excellens sit, secundò si magnam portionem mediij occupat: tertio si oculo sit vicinum. Nam quò excellentius est, eò magis sua affluentia lumen, quod colorum formis affectum ad oculum repercutitur, offuscat. quod idem præstat, cùm magnam partem mediij implet, ac multò magis, quando oculo est vicinum: tunc etenim & cum speciebus concurrat, quas longinqua profectio debiliores effecit; & visum ita offundit, vt liberè nequeat cernendi actum exercere. Quamobrem oculus maiori lumine collustratus, minus videt.

Quò verò medium obscurius est, atque à primo immediatoque lumine liberius, eò clarius lumen cum rerum formis repercussum elucescit, viuaciusque obiektum oculis repræsentat. Cui rei multa suffragantur experimenta, quæ fidem faciant. Hac enim ex causa fit, vt è profundissimis puteis stellæ interdum conspiciantur, teste Galeno lib. 10. de usu part. & vt lucernam gestantes accuratiùs res obuias distinguant, qui manum lumini opponunt, ne in oculos illabatur: & vt ij, quibus oculi profundiores, acutiùs videant.

DE NATVRA VISVS.

PROPOSITIO LXII. THEOREMA.

Cernendi facultas ceteris sensibus dignitate præstat.

VISVM omnium sensuum externorum præstantissimum esse, demonstrant, in primis organum, quod nobilissimum est; deinde obiektum, quod præcipuas qualitates comprehendit, lucem & colores; tum cognitionis modus; qui tenuioribus & à materiae facie liberioribus vitur imaginibus; nullamque realem immutationem ab obiecto suscipit; sed tantummodò notionaleni: nec enim, verbi gratia, conspecta albedine oculus exalbescit. Præterea actio cernendi velocissima est, quippe momentanea, & è longiore tractu res attingit. Demum plurimas rerum differentias complectitur, omnem scilicet colorum varietatè, corporum magnitudinem, figuram, numerum, proportionem, situm; motum, & quietem; mundum

denique vniuersum, ac cælos ipsos oculis contuetur. Vnde maiores nostri statua[m] Ioui A
posuere tribus insignem oculis, quibus triplicem eius prouidentiam significabant, qua
cælestia, maritima terrestriaque, & inferna curare putabatur. Eius mentio est apud
Pausaniam in Corinthiacis.

Vt verò ad capeffendas disciplinas auditus, ita visus ad inueniendas aptissimus est.
Quare in Timæo Plato visui philosophiam acceptam refert. Siquidem homines ex iis
quæ oculis viderunt capti admiratione, cœperunt philosophari, causasque rerum inue-
stigare. Et Philo Iudæus lib. de specialibus legibus, *Defluxit, inquit, philosophia è celo
in hominum animos, sed oculis sequestris deducta est in hospitium. Nam hi primi con-*
spexerunt vias que à celo ad nos tendunt regias. B

Eodem Philone auctore libro de mundi opificio, *quod mens in animo est, id oculus
in corpore.* Nam profectò in oculis animus inhabitat. Vnde eos cum osculamur, ani-
mum ipsum videmur attingere. Neque vlla ex parte, quàm ex oculis, luculentiora ani-
mi indicia habentur. Ex multiformi enim contuitu cernuntur truces, torui, flagrantés,
limi, transuersi, graues, submissi, blandi. Ardent, inténduntur, conuiuent, arident,
derident, pauent, irascuntur, comminantur, promittunt. Sic in aliis, modestia, clemen-
tia, mansuetudo, hilaritas, misericordia, amor; in aliis contra, fastus, arrogantia, versu-
tia, mœstitia, odium, & indignatio, sese oculis produnt. Quin etiã lacrymas his na-
tura mentis indices dedit (inquit Quintilianus lib. 11. cap. 3. de pronuntiatione) quæ
aut erumpunt dolore, aut latitia manant. Ad ingenium quoque indicandum oculi C
magnam vim habent. Hinc enim, qui oculos paruos, aut valdè nigros habent, è signo
timidi & pusillanimes iudicantur: qui ad flauum declinantes, boni animi: qui conca-
uos, malefici: qui eminentes, fatui: qui igneos, iracundi: qui glaucos, crudeles. Vnde
D. Augustus natura mitissimus cui oculi glauci, diligentius eos inspectari indignè
ferebat, vt refert Plin. lib. 11. cap. 37. Plura de hac re vide apud Aristot. lib. 1. de hist.
animal. cap. 9. & 10.

Inest præterea oculis quoddam libertatis vestigium, ceteris externis sensibus denega-
tum. Nam palpebrarum vsu, cum volumus videmus, cum nolumus, obseratis fori-
bus omnem prospectum arcemus. Rursus manuum obiectu, ea tantum quæ lubet, cer-
nimus, ceteris obductis atque ab aspectu diremptis. Quæ omnia mirum in modum D
hunc sensum commendant.

Actiõnum omnium duces sunt oculi, artiumque magistri, ac soli lucis vsura vitam
distinguunt à morte. Vnde apud Pierium lib. 33. homo indice oculum demonstrans,
præstantiæ est hieroglyphicum, quòd oculo nil sit in vita præstantius cariusque. Rectè
igitur (vt Galenus scribit libro de cognoscendis curandisque animi morbis) seruus ille,
cui Adrianus Cæsar furore percitus oculum eruerat, sciscitanti postea quid repeteret
amissi luminis talione, non aliud, respondit, quàm oculum de capite auulsum, cui nil
par esse, nil etiam secundum, quod in vicem reponeres, Imperator, sum arbitratus.
Digna sanè vox quam liberi oris homo pronuntiaffet. Et Macrobius lib. 7. Saturna-
lium, scommata quibus corporis vitia tanguntur tantò ait leuioris esse doloris, quantò E
defectus ipsi minoris sunt infortunij: at oculorum orbitatem numquam sine excitatio-
ne commotionis obijci posse affirmat. Sed illud multò maximè oculorum commendat
dignitatem, quod Zaleucus Locrensium seuerissimus iudex prudenti sanè facinore de-
signauit. Hic filium adulterij compertum, ne vtroque oculo (quod lege cautum erat)
multaret, sibi alterum euelli iussit, vt patris simul clementiam, & iudicis præstaret inte-
gritatem. Qua obsecro gratia, nisi ne filio oculorum vsum voluptatemque totam au-
ferret? ratus eius etiam vnam solummodò partem vel maximè esse necessariam.

Cicero 1.
de legibus,
& Srobatus
serm. 42.

PROPOSITIO LXIII. THEOREMA. F

Non aqua est omnibus cernendi potestas.



VI humanum aspectum omnium præstantissimum esse contendunt, ij
sententiam suam ita exponunt, vt neque de visus essentia, quam omni-
bus communem agnoscunt; neque de accidentibus, hoc est quadam per-
spicacitate vel acrimonia cernendi, quibus

*Nos aper auditu, lynx visu, sermia gustu,
Vultur odoratu, præcedit, aranea tactu;*

sed de proprio visionis modo intelligi debeat. Verum quem modum hi philosophi
animo

A animo concipiant, nec ipsi explicant, nec equidem intelligo. Si de visus essentia agatur, eam ipsimet hominibus cum brutis animantibus communem esse, neque specie aut genere distare hominum visum & beluarum fatentur. Quæcumque igitur aspectuum discrimina reperiuntur, ea vel ab organo, vel à spiritibus animalibus, vel à facultate ipsa prouenire necesse est. Quare illis acutior visus inest, quibus vel organum clarius est, vel spiritus animalis vegetior aut vberior, vel ipsa cernendi vis acior: contra illis visus obtusior, quibus vel organum obscurius, vel spiritus animalis parcius crassiorve, vel facultas segnior est. Et quidem ex organi spirituumque diuersitate inæqualem visionem prouenire perspicuum videtur: sed ex ipsa etiam facultate ac vi id ipsum euenire, iisdem argumentis concludi potest, quibus non pauci graues philosophi potentiam intellectualem non omnibus parem esse probant, non modò ex ea diuersitate quam accidentia inducunt, sed etiam ex ea quam facultati inesse ostendunt. Sunt enim potentia omnes de genere illorum, quæ secundum magis & minus euariant.

Potrò quòd aquilæ fixis oculis solem contueantur, id non ex eo prouenit, quòd perspicacius videant: sed potius ex quadam duritie, ob quam à vehementiore lumine organum minus dissipatur. Vnde in his sæpè segnior est visus propter sensorij ignobilitatem, vt in catts, ac gallinis, aliisque quam plurimis, quibus frequens est obtutum in solem defigete. Et sane in ipsis hominibus magnum cernitur huius generis discrimen, è quibus alij aliis exquisitum fulgorem leuius fetunt. Inter quos insignes fuere philosophi C (si Plinio credete libeat lib. 7. cap. 2.) quos Gymnosophistas nuncuparunt, in ea India parte quæ Æthiopiæ adiacet. hi à primo solis exortu ad occasum vsque perstabant; alternis pedibus feruidæ arenæ insistentes, ac solem toto die immotis oculis contuentes, in quo & mira quædam se videre arbitrabantur.

De talpis, quos oculis captos vulgus prædicat, varij variè scripsere: quorum sententiis nobis subscribere omnino non licet. Nam alij videre illos aiunt, alij negant. & Plinius lib. 30. cap. 3. perpetua cecitate damnatos, defossos, sepultisque similes esse tradit. Oculorum item compositionem illos habere multi absolutè negant, afferunt alij: inter hos Aristoteles lib. 4. de hist. animal. cap. 8. illorum oculos ita describit: *Non enim oculos in aperto habent: cute tamen detracta, quæ crassiuscula obtenta sedem luminum opacat, oculi intus lacesiti imperfectique visuntur; sed ita, vt partes easdem habeant omnes, quibus oculi integri constant. Habent enim nigricantem illam orbiculum, & quod intra eum continetur, quam pupillam vocant, atque etiam portionis albide ambitionem: sed non tam liquido, quam oculi conspecti & eminentes.*

Quare minus sibi constare videntur qui oculorum effigiem talpis concedunt, ac visum derogant. ita enim in illis visus inest, vt organum. Rectius verò Aristoteles postquam variis in locis negasset talpas exactè perfecteque discernere, perfectum quoque organum iisdem inesse lib. 1. de hist. animal. cap. 9. his verbis pernegauit: *Habent profectò oculos, tum cetera animalium genera omnia, præterquam testa intacta, & si quid imperfectum aliud est; tum ea quæ animal generant, omnia, præter talpam, quem modo quodam habere dixerim, cum tamen habere omnino negem: quippe cum omnino quidem nec videat, nec perspicuos habeat oculos. Verùm si quis prætentam membranam detrahit, locus oculorum apparet, & pars nigra eorumdem: situs denique & descriptio eadem, quam legitimam conspici oculi obtinent.*

Ex quibus confici posse videtur, talpis visum aliquem inesse. Neque enim fieri potest, vt frustra sub cute oculos natura sit fabricata. Per eam ergo cutem operantur quidem, verùm obscurè admodum, & tamquam per nebulam. Sicque conciliari possunt discrepantes philosophorum sententiæ, quæ de talpatum cecitate celebrantur. Vti namque perfectum atque articulatum visum nemo talpis concesserit, propterea quòd organum F habeant, densiore cuticula obtectum: ita spectata latentis oculi fabrica, nefas erit omnem eis sensum visus denegare.

Nos in tantis opinionum ambagibus veritatis cupidine incitati, non semel talpatum oculos curiosius sumus perscrutati, cumque id semel atque iterum irritò conatu aggressi fuissimus, obsistente pilorum densitate quæ lanuginis in modum oculis aggesta erat, subiit in mentem talpam aquis inmergere: quod cum fecissimus, vidimus non longè supra rictum hinc inde pilos madore coactos in orbem abscedere, ac velut radios aut ciliorum titu citculum facere; in cuius vmbilico cutis tenuissimo foramine pertusa cernebatur, eique subiectus nitidissimus orbiculus perexiguus, prædurus, atque impensã nigredine præditus, quales esse solent cancerorum extantes oculi. Rem sanè aded man-

festam qui viderit, eum puto in posterum de talparū aspectu numquam posse dubitare. A

Perfectum igitur visum talpæ habent, nostra quidem sententia, cuiusmodi & oculos. Sapientissimè autem illos à rerum opifice paruos, reconditos, præduros, pilosos fabricatos esse arbitramur, vt hisce præsiidiis communiti perpetuam terræ impressionem tutius perferrent; & tenebris assuèti, cùm in lucem subinde prodeunt, minùs læderentur.

Balenam quoque plurimùm oculos habere ferunt, siue à natura, siue superciliorum mole ac pondere pressis palpebris, siue quòd visus ei obtusior sit ac minùs vsui: cui proinde arcta cum musculo societas intercedit: pisciculi id genus est quem illa sequitur prænatantem, ne in scopulos & vada incauta ruat: qua de re hos versus cecinit Claudianus lib. 2. in Eutropium:

*Sic ruit in rupes amisso pisce sodali
Bellua: sulcandas cui præuius edocet undas,
Immensumq; pecus parua moderamine cauda
Temperat, & tanto coniungit fœdera monstro.*

PROPOSITIO LXIV. THEOREMA.

Visus non est irradiatio; sed vis organo ingenua.



QVALENVS libro 7. de decretis Hippocratis & Platonis; aliique è veteribus complures medici opinati sunt externos sensus non esse virtutes facultatesque organis ingenuas; sed quamdam irradiationem, hoc est defluxum, qui à cerebro in organa dilabitur, quoties quis videt, quoties audit. Et quemadmodum à solis splendore in ambientem aërem; quamdam qualitas in totum eius corpus, solis substantia imota permanente, diffunditur; ita quamdam sine substantia vim in sensiteria influere dixerunt: feriarum autem hunc influxum in somnis, eoque subsistente omnem actionem tolli.

Probatur hic influxus ex eo primùm, quòd fieri possit, vt non desit in oculo spirituum animalium copia, vt in somnis, nec tamen quidquam perspiciat; igitur quidpiam aliud est, ob cuius defectum torpet visus: id verò irradiationem appellarunt; seu influxum, qui cùm ad sensoria deuehitur, omnes functiones, tamquam immediatum earum principium exequitur. In oculis namque cernendi actum edit, in auribus audiendi, atque ita in ceteris organis ceteras functiones. Deinde non secus atque vna virtus plures musici instrumenti chordas quatit, & vnus spiritus plures fistulas animat, ex quibus vnus concertus, grataque harmonia confurgit: præterea vt eadem solis influenza hinc hordeum, illic triticum progignit, pro vario materiæ apparatu: ita vna virtus à cerebro communi sentiendi principio delapsa, pro varia organorum dispositione, diuersas functiones elicit, vt præter hanc, nulla alia vi membro insita opus esse videatur. Vnde Galen. loco citato, proprietatem hanc omnibus sensificis facultatibus, quæ à cerebro oriuntur, communem esse ait, vt per nervos ad propria vsque instrumenta deferantur.

Nunc ea proponamus, quibus hoc medicorum placitum infirmetur, visusque potentia organo insita esse demonstretur. Primò, si quemadmodum lux à sole; ita sentiendi facultas à cerebro proficisceretur, consequens sanè esset, vt alia in priore, alia in posteriore capitis parte, alia denique in ipso organo sensitiuæ potentia portio existeret. Vti enim lumen aliud semper atque aliud in succedentibus sibi mutuo partibus medijs diaphani gignit: ita prima cernendi facultas quam cerebro tribuunt, secundam, hæc tertiam; atque ita deinceps antecedens semper proximè subsequentem ad organum vsque produceret, quæ omnes inter se quadam continuatione coalescerent; atque adeò multæ vnus speciei sentientes facultates numerarentur; aut si partes dumtaxat dici velis, iam non integra facultas organo inesset, quod non minùs à ratione alienum cense- F
feri debet.

Secundò, si ad modum radiantis splendoris vis sentiens à cerebro erumperet; profectò longius ab origine prouecta sensim languesceret. Ita enim assolent eiusmodi qualitates, quæ ab vno principio propagantur, vniformi difformitate imminui, quoad sphaera actiuitatis ad nihilum terminentur, ac penitus euanescant. Ex quo fieret, vt in partibus à cerebro remotioribus minùs sensus vigeret. At contrà se res habet. Nam ex medicorum doctrina, & quotidiana experientia constat, tactum in extremis manuum digitis quam in reliqua parte brachij exquisitiorem esse. Non igitur vis sentiens ad modum irradiationis à cerebro deriuatur.

Tertiò,

A Tertiò, sensus sunt animæ vires ac facultates, non verò corporis; ab ipsa igitur manant: cum verò eis anima uti nequeat sine instrumentorum ope, his statim à primo ortu infederunt, atque etiamnum fixæ stabilesq; hærent. Non igitur luminis instar continua vicissitudine euiuantur, atque identidem extinguuntur solo fomite in cerebro asseruato.

Quartò, irradiatio rectis necessariò lineis fieri debet; ea est enim radiorum natura; fieri autem nequit, ut rectis lineis radij sensuum porrigantur, nisi per media ossa, perque carnem, & musculos, & quodcumque aliud interiacet corpus opacum pertranseant: quod luminis quidem conditioni repugnat; ergo & sensuum, qui lumini similes esse in

B propagationis modo perhibentur.

Quintò, luminis promotio in omnem mediij circumfusi partem extenditur. Frustrà autem visorius, exempli gratia, influxus aliò, quàm ad oculos deriuaretur. Ergo commentitia est eiusmodi sensuum irradiatio; quæ si daretur, maxima sui parte superuacanea foret.

Equidem existimo veteres illos philosophos in ea constitutione influxus partim à vero aberrasse quidem, partim autem rectè sensisse. Nam præter ea quæ oculo insunt, aliud quidpiam ad exactam visionem necessarium esse rectè iudicarunt. Organicus enim siue externus visus vniuersalem dumtaxat obiecti rationem percipit, nempe colorem quæ visibilis est, lumen item quæ visibile: nihil verò distinguit aut comparat. Hæc

C igitur alterius cuiusdam facultatis sunt, quam nos sensum communem, illi irradiationem dixerunt, incognitæ rei nomen minùs proprium accommodantes, sicut Ephesij aram ignoto Deo.

Atque hinc facile est ipsorum argumenta dissoluere. Omnia enim vel spiritum animale ad visionem necessarium esse probant, vel sensum communem astruunt, de quo nos inferiùs suo loco. Quòd verò in somnis oculus nihil videat, quamuis apertus & spiritibus animalibus affluens, id ex eo euenit, quòd anima tum temporis quiescat: non verò conuincit irradiationem perenni influxu à cerebro subministrari debere ad videnti actionem, quæ cesset intercepto irradiationis comite.

D PROPOSITIO LXV. THEOREMA.

Visio non fit sola obiecti presentia.



SOLA obiecti præsentia facultatem cernendi excitari opinati sunt inter Peripateticos philosophos Durandus in 2. distinct. 3. q. 6. Ochamus in 2. q. 17. & 18. Gabriel q. 2. Gregorius in 1. dist. 3. q. 1. & in 2. dist. 7. q. 3. Thomas Garbius in sua summa lib. 1. tract. 5. q. 63. & alij plurimi, quos longum foret recensere. Hi, ut sensus in obiecta sua ferantur, sat esse putant, si hæc intra iusti interualli terminos constituta sint: duabus verò præcipuè rationibus in eam sententiam adducti sunt. Prima, quòd neque emissionem, neque introceptionem visio fieri possit. multa enim aduersus utramque thesin obiectant, quibus se illam funditus euertere arbitrantur. Secunda, quòd ea sit visus conditio, ut præsentem obiecto, suo pte nutu in actum prorumpat, nec quidquam requirat aliud præter seipsum, cum natura sua sit virtus, quæ rerum præsentium notiones ex se format, & ad internos sensus traducit.

E At non sola obiecti præsentia visionem fieri ita demonstratur. Vel enim obiectum ad visionis actum concurrat effectiuè, vel non. Si effectiuè dixeris, cum illud sæpè à dignoscante facultate longiùs absit, nihilque primò in rem distitam agere possit, quin priùs egerit in medium; aut actio in distans concedenda erit, aut in medio aliquid ab obiecto profectum admittere oportebit, quo tandem eius actio ad facultatem pertineat: atque ita non sola obiecti præsentia visionem efficiet, sed ea actio, quæ per medium ad potentiam vsque successiuè deriuatur. Si non effectiuè, sed extrinsecè, & quasi formaliter concurrere dixeris, actum scilicet potentiæ terminando, sequetur aspectum neque tenebris, neque quantauis spatij intercapedine impeditum iri. Ideò enim res in tenebris non videntur, quia lumine indigent, quo species colorum subnixæ ad obtutum deferantur. Item quia species per longa interualla debilitatæ languescunt, ac tandem etiam disperseunt, hinc fit, ut non ex quauis distantia res aspectabiles sint. Præterea si nil efficiendo obiecta aspectum definiant ac terminent, cur quæso ad visus functionem potius quàm

quàm ad actionem intellectricis aut imaginatiuæ facultatis oppositio postulatur? Cur etiam rectis solùm lineis visio emicat? Cur non plura simul æquè enucleatè cernuntur? Cur visus non infinitè extenditur? Cur opaci corporis interpositione prohibetur, cum siue illud intersit, siue absit, nihilo minùs obiectum sit præsens?

Sanè his obiectionibus nihil habent quod reponant, præter id solùm, EA EST VISVS NATVRA. Aiunt enim non sensum à sensilibus moueri; sed sensilia id agere, vt sine iis sentiri non possit. Sensum inquam araneis esse persimilem volunt, quæ muscas, culices, & asilos in pedicas telarum incidentes irretitasque aggrediuntur. Id verò non bestiolarum, inquit, facit infelix accessus, quamquam sine accessu illo non grassantur aranei; sed vis insita, & cibi cupiditas. Equidem fateor in omni causarum inuestigatione ad vnã tandem, quæ ipsa natura est, veniendum esse. Vt si quispiam quæreret, cur sol humentem terræ glebam obdurauit? aptè respondebitur, quia humorem absumpsit. Iterùm si causam postulet, qua sol humorem exsugat? rectè dabitur calor. Rursus si interroget, sol vnde excalfaciendi vim habeat? Alius dicit, quia igneus est; alius, quia lucidus. At hæc tandem vnde? Ex solis NATVRA. Ita tum maximè cuius dubitanti factum satis existimatur, cum proxima semper causã ad primã vsque ordine assignatur: non item verò cum mediis prætermisissis ad primã velut ad sacram anchoram recurritur. Nihil enim adeò reconditum in rebus latet, cuius genuinã causã, hoc est NATVRAM, indoctissimus quisque reddere non possit. Itaque sic se habet omnis causarum series, in quarum vltima etsi cesset disputatio, non tamen semper quiescit animus, proptereã quòd naturæ rerum nobis sint ignotissimæ, vtpote à sensibus quàm maximè remotæ. Quare num quæ alia visionis causã vicinior reperiri possit, perquiramus.

PROPOSITIO LXVI. THEOREMA.

Neque sola compassione fieri intuitus potest.



MPLIUS quiddam præter solam obiecti præsentiam reperisse videtur Plotinus lib. 5. Enneadis 4. cum visionem compassione seu consensu fieri arbitratur. Namque actionem aliquam agnoscit, non illam quidem manifestam, qualis est ignis in obiectam materiam: sed aliam quamdam, quæ ex occultiore prorumpat instinctu, ad quam nullam quidem postulat qualitatis traductionem per medium, exigit tamen corporum continuationem, ad eum modum, quo patiente digito pedis compatiuntur inguina, & hæc quidem potius quàm genua, quamuis remotiora sint. similiter ad passionem cerebri ventriculus patitur, atque vicissim: sunt enim hæc præcipuè inter se conformia. Ita ergo quòd sensus etiam longè distitis sensilibus annuat medio non patiente, efficit, inquit, vna mundi inter hæc continuata natura. sicut continuitas longissimi intentique nerui facit, vt vibrata parte vel infima, statim vibretur & summa. Hinc quoque contingit, vt sæpè rerum series cælitus imminentes, priusquam eueniant, præsentiamus, & amicum vel consanguineum è longinqua regione reuertentem nescij præueniamus, aut vita abeuntem mœstitia ac lacrymis prosequamur, sympathia quadam, occultioreque sensu. Quo etiam modo in testudinibus, si vna vibratur chorda, & altera quæ in eodem tenfa sit tono, vibrissat, contremittique, & consonat. Sic oscitante vno & alter oscitat. Demum toto fermè illo 5. libro Enneadis quartæ hoc vnicum molitur Plotinus, vt probet tantam esse compatiendi conformitatem inter visum atque visile, vt satis circa se moueant, ac moueantur, etiam si nulla passio contingat in medio.

Hæc Plotini ratiocinatio verum intuitus modum ex parte attingit. Nam præter obiecti præsentiam, quam omnes, qui de visu scripsere, necessariam ad id muneris esse iudicarunt, vim etiam aliquam obiecti deposcit, qua ad sensum delata, ipse insita propensione consentiat. Ita sanè quæ sympathia mouentur, non fortuito, sed impetu quodam, licet nobis occulto, concitantur. Quæ enim ex se indifferentia sunt, nisi ad arbitrium vrgere seipsa possint, alio incitamento opus habent, quo impellantur & ad agendum excitentur. Hæc porrò vis cum nos latet, recepto vsu dicere solemus compassione talia in actionem prorumpere. Quam ergo Plotinus occultam esse ait vim efficaciamque sensuum motricem, hæc nos vltèrius ex naturæ principii inuestigamus.

PROPOSITIO LXVII. THEOREMA.

Neque emissitiis radius cernendi facultas obiecto coniungitur.



CEREBRO præcipuam cernendi vim inesse, à nobis quidem superius est demonstratum propof. 27. At cum illi sensibilia præstò non sint, sed ab eo dissita separataque, quasdam ex se propagines porrigit, nervos, tamquam administratos, & rerum appellentium solertissimos exploratores. Hi; ex actione & munere cernendi quo potissimum funguntur; Græcis *ὀφθαλμοδ* dicuntur. Et quamuis hoc inter tactum reliquosque sensus discrimen Aristoteles ponat; quòd ille nullo fiat medio interiecto, sed re sensibili proximè sensui admota, tamen sine contactu, saltem virtutis, etiam reliquæ sensiones non fiunt. Quare necesse est, ut vnum ad alterum, nervus scilicet ad sensibile, vel contrà sensibile ad nervum; vel ad aliquam vsque partem vtrumque moueatur. Vnde inter celebratissimos philosophos tres præcipuæ natæ sunt de visionis modo sententiæ:

Verùm cum ipse etiam nervus opticus ab omni re aspectabili seiunctus sit, imò etiam iusta inter hæc distantia ad perfectam dignotionem exigatur; hinc saniores philosophi, non sine medio periuo visionem fieri posse, ratum sanctumque habuerunt: sed an à nervo ad visibile aliquid prodeat, an verò contrà à visibili ad nervum quidpiam mittatur, hinc omnis ambiguitas & concertatio. Nervus duo insunt, spiritus & sentiendi facultas: Plato etiam tertium adiungit; scilicet lumen.

Stoici spiritum ad rem videndam efferri dixerunt. an eam ob causam, quòd cernendi efficaciam illi inesse existimarent? sanè aduersus hanc hypothesin disputatum est supra propof. 25. Nunc verò etiam hoc fieri non posse, ut spiritus ad obiecta effundatur, efficacissimis rationibus ostendamus. Primò quidem, quia visio in tempore fieri deberet, cum spiritus, qui corpora sunt; momento temporis deferri ad res obiectas nequeant; est autem visio momentanea, imò velocior propemodum oculus quàm animus. Igitur à spirituum emissionem visio nequaquam dependet. Secundò, obiecta oculis crystallo non prohibetur obtutus: at quonam pacto quæso tam densum corpus sine dimensionum confusione spiritus corporeus penetrare potest? Tertiò, impossibile omnino est tantam spirituum affluentiam promere; ut omne id, quod vno intuitu conspicimus, impleatur: præsertim si obiectum longissimè distet, aut ex edito quidquid circumfusum est ad vsque horizonta oculus contempletur. tum enim omne interiectum spatium iis impleri oporteret: quod fieri nequit, cum non possit angustum cerebrum maiorem spirituum prouentum suppeditare, quàm ipsum capere valeat.

Denique quid hoc aliud esset quàm commentitia Stoicorum gutta, quæ toti mari; mox ut illud attingit, commiscetur? Quomodo etiam, dum continuata actione in eadem rem oculos intendimus, euntes reducesque spiritus perenni occursum mutuas functiones non impediunt? Quis item credat subtilissima corpora, & quæ aërem ipsum tenuitate superant, maximis ventorum procellis à recto tramite non disturbari? obseruato præsertim oculo, cum scilicet animæ vis qua sustinebantur, intus cohibetur. Rursus noctu præclusis oculorum foribus, vbi gentium spiritus illi demorantur? si dicas ocluso oculo illos deperire; (nec enim obsistente palpebrarum densitate in oculum relabi possunt.) dic quòd saltem ipsorum materia, quæ corruptioni obnoxia non est, sese recipiat? Dicere eam ad oculum reuerti, cum is denuò apertus fuerit, fictitium est; ut & illud; quouis oculi ictu vniuersam spirituum molem quæ aërem antè occupauit subito euahescere, nouoque com meatu totam mundi amplitudinem ex angustissimo oculi penitus impleri. Hæc namque tam veloces, tamque immanes lationes, & tam subitæ ortus interitusque; vicissitudines corporum crassitie repugnare videntur: faceffant igitur hæc commenta.

Alij de Stoicorum secta; propterea quòd hæc minùs consentanea iudicarentur; non spiritum aut corpus aliquod, sed ipsam dignoscentem vim ac facultatem ad res obiectas transferri pronuntiarunt. non aliter quàm magnes incorpoream quamdam vim ex se fundit, qua ferrum rapit.

Pro huius sententiæ confutatione; notandum duplicem rebus inesse potestatem; vnã principalem, alteram instrumentariam. Ignis, verbi gratia, suapte natura exalfacere est natus, eaque potestas primaria est, quæ cum natura ignis reciprocatur, eique semper

semper inhæret, vt individua proprietas: verùm actu calfacere non potest, nisi calore, A
 ceu instrumentaria virtute præditus sit. Hæc enim qualitas foras exeritur, tamquam ad-
 ministra ad illum effectum producendum, in quem natura ignis prona semper inclinatur.
 Sic magnes infatigabilem habet ferri appetentiam, illudque ad se alliacendi potestatem,
 quam tamen non nisi emissa quadam instrumentaria virtute exequitur. At iis rebus
 quarum actio immanens est, præter eam quæ ex naturæ principijs manat agendi apti-
 tudinem, nulla alia instrumentaria vis necessaria est ad actum eliciendum, cum eum
 intra se suapte vi edat: neque vniquam virtus illa primaria, aut naturam deserere, aut
 alteri communicari potest, cum proprium illud dicatur, quod omni, soli, ac semper
 conuenit. Igitur principalis cernendi facultas, naturæ illorum quæ videre sunt nata, in- B
 tegra semper, inseparabilisque inhæret; nec extra id, cui maximè propria est, effundi po-
 test. Alioquin enim visio extra oculum fieret; quippe facultas extra oculum egressa
 inibi ageret, propriamque functionem ederet: quod planè à ratione abhorret, cum
 hanc maximè ob causam oculus videre perhibeatur, quòd ei inuit potestas videndi, in
 eoque operetur.

Quare Plato eiusque sequaces, nec spiritum, nec facultatem, sed lumen ex oculis
 emicare decreuerunt. Sic enim Plato, illius ignis, qui non vrit, sed illuminando suaui-
 ter diem inuehit mundo, participes oculorum orbis effectos, diis primò acceptum refert:
 deinde hunc ignem, seu lucem quæ in oculis continetur, foras extra oculos ad res obie-
 ctas dimanare, atque cum diurno lumine coniungi censuit, resultareque ex illa coniun- C
 ctione & concursu passionem, quæ ad animam protinus euolet, & ipsam intus moueat.
 Verba eius in Timæo rem planiorem facient, quæ proinde sic accipe: *Itaque cum diur-
 num lumen applicat se visus radio, tunc ea duo inter se similia concurrentia atque com-
 mixta, quò oculorum acies diriguntur, ibi in vnius iam domestici corporis coherent speciem,
 ubicumque, videlicet tam intimi, quam externi luminis fit concursus. Totum igitur hoc pro-
 pter similitudinem, passionem eandem sortitum, cum quid aliud tangit, vel ipsum ab alio
 tangitur, motum huiusmodi ad corpus omne, perque id ad animam usque diffundens, sensum
 efficit qui visus vocatur. At postquam in noctem discesserit cognatus ignis, visionis radius
 euanescit. Nam in aërem sibi dissimilem erumpens permutatur, atque extinguatur, cum
 nullam habeat cum proximo aëre, utpote ignis splendore carente, natura communionem.* D

Eandem sententiam secutus est Galenus, tum plurimis aliis in locis, tum præcipuè
 lib. 7. de Hippocratis & Platonis decretis, vbi disertis verbis, cum ostendisset obiectum
 non partem aliquam sui, aut facultatem, aut simulachrum, aliãve qualitatem emit-
 tere, qua propriam sui dignotionem nobis ostendat; neque spiritum, aut vim aliquam
 intuitiuam ab oculis ad obiecta transcribi, suam de visionis modo sententiam ita expo-
 nit: *Restat igitur, vt aër circumfusus tale instrumentum nobis sit, quo tempore vide-
 mus, quale est semper neruus in corpore. Siquidem eodem pacto aër nos ambiens à spiri-
 tus visui occursum, quo à solis fulgore, affici videtur. Nam & ille supremo aëris termino
 contacto statim vim suam fulgidam in totum dispergit, & nostra per visorios neruos acies
 progressa spiritali substantia prædita, cum in aërem incidit, primo appulsu in eum alteratio- E
 nem inducit; quæ longè lateque in continuum scilicet nos ambiens corpus sparsa, repente in
 totum diffunditur.*

Probat hanc sententiam idem Galenus loco proximè citato in hunc modum: Cor-
 pus quod videtur duorum alterum, vel ex se ipso ad nos aliquid mittit, aut vim aliquam
 sensitiuam à nobis ad se usque prouenire expectat. Vtrum verius sit, ita iudicabimus.
 Per pupillæ exiguum foramen inspicimus. Quòd si à corporibus extrinsecus obiectis
 quidpiam accederet, veluti simulachrum, rerum magnitudinem nullo modo percipe-
 remus, verbi causa, vasti alicuius montis; tam magnum siquidem spectrum, quantum
 ipse mons est, in oculos nostros ingredi oporteret, quod penitus est absurdum; vt omit- F
 tam interim, quòd vel in vno eodemque temporis momento, etiamsi innumerabiles
 essent, qui viderent, ad singuloseadem imagines deferrentur. Si contrà spiritus intui-
 tiuus ex oculis exiret, nulla ratione posset tanta diffusionem dilatari, vt omnes visui expo-
 sitas res circumfusus complecteretur. Consequens igitur est, vt lumen ex oculis efferri
 credatur.

Deinde non aliam ob causam videtur natura oculis igneum lumen accendisse, quàm
 vt illius emissionem, & cum externo lumine commistione visio perficiatur.

Mathematici denique, qui opticam profrentur, quorum præcipua videtur esse
 debere in hac re auctoritas, lineas ab oculo ad res aspectabiles ducunt, quos radios
 vocant,

A vocant, quorum auxilio, ea quæ circa visum contingunt, explicant atque demonstrant. His igitur visio efficitur. At qui hos radios sincerè exponunt, neququam illos imaginabiles faciunt, vt imprudentes quidam existimarunt: sed aiunt nil aliud illos esse, quàm lumen rectis lineis quaquaversum extensum. Igitur, quod caput est, visio luminis emissionem perficitur.

Quamquam Plato, & quotquot eius sententiæ subscribere, liberè pronuntiant, internæ lucis euibratione visionem fieri; non tamen satis enucleatè rationem modumq; explicant, quo lux illa rebus aspersa suo eas contactu visibiles efficiat. Sat scio non deesse qui asserant, eam lucem, posteaquam res externas attigit, refundi ad oculum proprietatibus rerum visibilium iam affectam; vbi verò in pupilla confederit, visionem consequi.

B At quid hoc aliud est, quàm susceptione visionem fieri? Si enim lux emissitia externarum rerum proprietates secum reportat, non iam lux ipsa, vtpote oculo familiaris, sed aduectæ proprietates inertem naturâ visum excitabunt: & vnaquæque quidem earum, quæ in oculum iam receptæ sunt, similem foris oberrantem repræsentabit. nisi mauius dicere visum partim emissionem, partim admissionem fieri. Quod etiam Galenus superius insinuat, cum ait cernendi potentiam proprium obiectum medio aëre, non quasi baculo, sed quasi conformi sibi attingere: conformem autem visui aërem fieri asserit affluente à cerebro lucido spiritu. Hic enim in aërem incurrens, eum velut quadam percussione, vt Galeni verbis vtat, sibi similem reddit. & eodè loco clariùs rem exponit his verbis:

C *Ipse siquidem neruus cerebri pars cum sit, sicut arboris virga aut ramus, efficit vt membrum in quo inseritur, vi eius in totum recepta, habile ad omnia, quæ ipsum attigerint, sentienda reddatur. Simile etiam quid in ambiente nos aëre cuenit. Vbi enim illustratus à sole fuerit, tale continuò visus instrumentum efficitur, qualis est is, qui à cerebro proficiscitur spiritus. Priùs verò quàm lucem receperit, ex alteratione videlicet, quæ ex emissionem ictuq; spirituum causatur, consentiens cognatumq; instrumentum non euadit. Desinant igitur dicere Stoici, per circumfusum aërem quasi per baculum visionem nostram fieri. Renitentia enim corpora eo modo cognoscuntur, at oculorum sensus non soliditatem, aut duritiem, aut mollietatem, sed colorem, sed magnitudinem, sed situm corporis percipit, quorum nihil baculo dignosci potest.*

D Hæc sanè explicatio Platonis sententiam nonnihil iam vero similiorem reddit. Nisi enim hoc sit, dicere necesse est, lumen, quod nec per se videt, nec visui quidquam ab externis rebus acceptum confert, foris otari, aut cum diurno lumine in aëre tantisper colludere, dum ingruentibus tenebris in domum se recipiat, somno conciliando opportunum.

E Aduersus emissitios Platonis radios hoc maximè pugnare videtur, quòd nullum oculo lumen insitum esse propos. 13. à nobis sit demonstratum, quod quidem ad visionem vtile esse possit. Porro animalis spiritus, quem ipsi etiam fulgidum esse diximus, nullo pacto valet ad tam immensum spatium, quantum hinc ad cælos vsque expanditur, lumen suum euibrare. Est enim illud adeò tenue, vt ne ex propinquo quidem, ac densissimis tenebris circumseptum animaduerti à quoquam possit, præterquam ab ipso, cui inest, oculo, ex quo iuxta angulos compresso, circulari forma emicat.

PROPOSITIO LXVIII. THEOREMA.

Neque per συναρξείαν aspectus efficitur.

F **N**ONNULLI, vt Alhazenus lib. 1. numero 24. aliq; media incedentes via, per συναρξείαν seu coagentiam visionem fieri voluerunt, asserentes ad aliquod spatium ab oculo aliquid, & vicissim aliquid ab obiecto ad oculum commeare, quæ sibi occurrant, & se mutuis qualitatibus alterent, hancq; communem affectionem ad internum organum efferri, ceu ad primariam visionis officinam, omniumque rerum aspectabilium emporium. Quam sententiam eo maximè nomine complexi sunt, quòd eam Galeni esse existimarint.

Verùm hi mentè Galeni non sunt affecti. Etsi enim ille spiritû à cerebro ad vniuersum oculum deriuari, eiusq; vim in vicinum vsque aërem efferri millies dixerit; hoc tamen etiam disertè asserit, fulgorè quidem, qui à spiritû manat, longè lateq; per omnem circumfusum aërem diffundi, etsi ipse spiritus septa oculi minimè prætergrediatur.

Neque verò hi opinati sunt quod ratio suadebat, sed quod ipsis collibitum fuit. Nam A si ad cælos vsque lumen oculorum, aut cæli imago ad oculum pertingere valeat; iam non est, cur vtrunque aliquid excurrere fingatur, cum satis esse videatur, vt vel lumen ad obiectum, vel obiectum per vicariam speciem ad oculum perueniat. Si dicas nec oculi splendorem, nec speciem obiecti, ad tantum spatium posse attingere; terminum vtriusque definiri postulo. Et si quidem obiectum remotius sit, quam vt cum fulgore emicante ex oculis occurfare possit, tum illud nullo modo aspectabile erit, quantum mole distentum sit: quod nemo prudens concesserit. Si verò intra mutuos terminos conscribantur, rursus quod prius eueniet, vt nulla potior sit causa, ob quam vtrunque, scilicet & lumen ad obiectum efferri, & obiectum ad oculum aduentare debeat, cum B alterum sufficiat, quando se visus obiectumque mutua virtute contingunt. Commentitia est igitur prorsus hæc assertio, quæ mutuum occursum visus atque obiecti astruit.

PROPOSITIO LXIX. THEOREMA.

Visio fit per species, rerumque formas intus susceptas.



INTER eos, qui visionem susceptione alicuius rei ab obiecto immixtae fieri maluerunt, duæ fuere discrepantes sectæ. Vna Epicureorum, qui ab obiectis corporeum aliquid, quod obtutum ciendi vi polleat, resolui & ad C oculos vsque efferri censuerunt: ad eum modum, quo ab odoriferis rebus spiritus quidam exhalat, odorem deferens, odoratumque pulsans. Hi sanè in eam sententiam adducti sunt, quod physico actu actionem omnem fieri existimarent.

Verùm hæc sententia iisdem difficultatibus obnoxia est, quibus ea quæ spiritum ab oculis effundi statuebat. neque enim à cælis ad nos vsque tam immensum corpus concedendum videtur: neque salua incolumitate possunt visibilia corpora, tanto tempore, tantam vaporum copiam expromere. Idcirco enim odorifera omnia, quamuis non longè odorem spirent, citò tamen corrugantur, quia non nihil semper de illorum substantia decedit. Ita si visibilium corporum materia indefinenter exhalaret, iamdudum emar- D cuissent, ac penitus exhausta fuissent. Quid verò de iis, quæ corruptioni obnoxia non sunt? An & cælos ipsos defluere, ac sensim in hæc inferiora delabi asserere non dubitabunt? Difficilis sanè est ista postulatio. Præterea visio temporis momento absolvitur, fiet autem in tempore, si Epicureorum defluuia admittamus. Igitur cum id visionis naturæ aduersetur, nequiquam putandum est corporeum aliquid ab obiectis effluere, quod illorum notionem sensui repræsentet.

Altera Peripateticorum est, qui non corporeum simulachrum, sed qualitatem quamdam cum externo lumine per circumfusum aërem à rebus ad intuitum vsque nostrum prouenire tradunt. Quæ etiam diuini Platonis decreto aduersetur; liceat tamen nobis in præsentia ab ipsius sententia recedere, atque Aristotelis placitum vti rationi magis con- E sentaneum, ita verius pronuntiare. Hic enim lib. 2. de anima cap. 12. textu 121. & 124. docet sensum esse id, quod sensibiles absque materia formas suscipere potest. Et eodem libro cap. 7. textu 74. aduersus Democritum, qui putabat, si medium spatium vacuum fiat, formicam, etiam si in cælo sit, exactè perfecteque videri posse, sic arguit. Visio non fit sine passione: at ab obiecto tam remoto visus pati nequit: ergo à medio patitur. quare, inquit, si vacuum sit medium spatium, non modò non exactè, sed nequidquam omnino videbitur. His consentanea scribit tum multis aliis in locis, tum lib. 3. de anima cap. 1. 2. & 3. rursus lib. de sensu ac sensibili cap. 2.

Aërem eius esse naturæ, vt in colores quodammodò mutetur, eosdemque non tan- F tum ab obiectis ad oculos, sed etiam ab vno ad aliud corpus traducat, plurima fidem faciunt. Nam charta candida luci obiecta obscurum locum vicinum suo candore illustrat: & ea quæ colore aliquo infecta sunt, cum lumini opponuntur, vicina loca suo colore imbuunt. Cuius generis sunt etiam illa, quæ Galenus refert lib. 7. de Hippocr. & Plat. decretis: *Videre, inquit, est dum aër maximè purus est nitidusque, si sub arbore aliqua recubuerit quispiam, arboris colore eum totum perfundi. Quin etiam sepe numero accidit, vt aër clarus; ubi parietis colorem alicuius attigerit, eum subito recipiat, atque in alterum corpus etiam transferatur. Quod præcipue fit si color vel caruleus sit, vel flavus, aliquòve alio modo floridus extiterit.* Neque ea aëris immutatio aliter fit, quam tactu & conta-

A contagione quadam; luminis tamen ope, & aëris perspicuitate concurrente. Si enim tenebricosus ille sit, nullos colores recipiet; si autem turbidus, receptos non transmittet. Vnde idem Galenus: *Sicut à solari splendore solo ipso attactu totus aër repente assimilatur, eodem pacto à colore statim immutationem accipit.*

Sic igitur natura prouida, vt colores in aëre consignari impressiq; ad visum perferrentur, medium diaphanum fecit, & qualiratem quamdam adinuenit, quæ quodcumque corpus attigerit, ab ipso protinus alteretur; hæc lux est, quæ si colorem rigerit, coloratur; si magnitudinem, hanc ipsam suscipit; si numerum; si figuram, hæc iridem refert. Cum ergo neque materiam neque qualiratem à materia auellar, non aliud
B quàm rerum imagines assumit, quam siue formam, siue simulachrum, siue idolum, siue speciem aut spectrum appelles, nihil interest, si modò id solum, quod rem repræsentat, intelligas.

Porro species eiusmodi ab obiectis emitti, atque per vniuersum aërem circumquaque luminis beneficio deportari propos. 42. dilucidè est demonstratum. Nunc propositum sit ostendere easdem oculis inuectas cernendi facultatem ad propriam actionem excitare, sicq; tandem visionem consequi, omniumque rerum, quibus aut color aut lumen inest, dignotionem.

Primò, facultas cernendi est ex se indeterminata non modò ad agendum & non agendum; verùm etiam ad hoc vel illud particulare sensibile percipiendum. Ergo ab
C alio aliquo determinari in hanc vel in illam partem debet. Hoc verò solum obiectum per se præstare non valet, vt superius ostensum est, & ipse etiam Aristoteles lib. 2. de anima cap. 5. textu 52. exemplo docet: *Quemadmodum enim combustibile non ignescit sponte sua, sed opera ac vi alterius, quod possit vrere. Vreret enim seipsum, quod fieri nequit, cum tantum sit potestate, non actu.* Igitur aliud quidpiam ad id requiritur ab obiecto profectum, eiusque vicarium quod proinde similitudinem aliquam cum ipso habeat. Quare iam obiecti species formaque, quam astruimus, haberur, per quam potentia cernendi adactum euocatur.

Secundò, non est alia ratio cur in tenebris res non appareant, quàm quia lumen deest, cuius præsidio rerum species ad visum efferri debent. Neque cur certa requiratur obiecti
D distantia, quàm quia species longiore tractu prouectæ languescunt. Neque cur aliqui inspicillis clariùs videant, nisi quia species per illorum densitatem infractæ, pro visus conditione vel colliguntur, vel dissipantur. Igitur specierum ope visio efficitur.

Tertiò, oculus seipsum videri in speculo, aliàs non. Quid ita? quia ab obiecto ad speculum proficiscitur eius imago, quæ inde ad oculum repercussa ipsum ad sui ipsius dignotionem excitat.

Quarto, in interno sensu species dantur, quarum ope cognoscimus res quas antè præcepimus, modò autem absunt: & specierum refricacione in memoriã redeunt etiam ea, quorum formæ iam oblitteratæ esse videbantur. vnde Aristoteles lib. de memoria cap. 1. cum quæsiisset qua ratione contingat nos rei absentis recordari, respondet
E id fieri ob simulachra rerum in interno sensu asseruata. Ergo & in externo sensu species admittendæ erunt, tanto quidem magis ad visum, quàm ad reliquos sensus necessariæ, quanto ille à suo obiecto longiùs distat.

Quinò, hoc differunt apprehensiuæ potentia ab appetentibus, quòd hæc in obiecta ferantur, illæ verò obiecta ad se alliciant. Cum verò neque obiecta ipsa, neque corporeum quiddam ab ipsis decisum ad visum perueniat, restat, vt vicariæ quædam qualitates, quas species nominamus, eorum munere fungantur, propriaque obiecta oculis
sistant ac representent.

Sextò, D. August. lib. 11. de Trinit. cap. 2. ex eo hanc sententiam probat, quod quædam nonnumquam gemina conspiciantur: *Nisi, inquit, fieret in sensu nostro quadam imago simillima rei eius, quam cernimus, non secundum oculorum numerum rei species geminaretur, cum quidam cernendi modus adhibitus fuerit qui possit concursum separare radiorum.*

His itaque dilucidè, vt opinor, satis ostensum est, quo pacto visilia in machinamenta sensuum, seu partes sensorias incurrant, & tamquam irritamenta quædam eos ad comprehensionem sui prouocent aduocentque animum.

Aduersus autem hoc Peripatericorum dogma duò obiectare identidem solet Galenus: nempe non posse ex illorum principiis elici idoneam causam, ob quam rerum magnitudines oculus discernat, cum fieri nequeat, vt vel res ipsæ, vel earum imagines

tanta mole distentæ pupillæ angustiam subeant. Alterum est, non posse satis intelligi A quonam pacto tam innumerabilis aspectantium multitudo eamdem rem simul concitetur, cum non possit res vna formam suam tam multis simul oculis impertiri.

Obiectiones istæ facillimam habent explicationem ex iis quæ de specierum origine & propagatione superius sunt demonstrata. Etenim species à coloratis rebus sponte emanant, vt à lucentibus splendor, quod ipse Galenus agnoscit, cuius verba iam paulò antè sunt recitata. Deinde vt lux à fulgido corpore emissa in medium diaphanum, ira coloris species in medium lucidum, ceu proprium subiectum excipitur. Vnde philosophus colorem id esse definit, quod mouet actu perspicuum, & sanè opacus locus nullis colorum imaginibus afficitur, vt ipse Galenus iisdem verbis superius recitatis profite- B tur. Rursus vt lumen, ita colorum species per omnem circumcircuità diffusum aërem propagantur: sed hoc quoque eadem Galeni verba significant. Quid tandem? His colorum formis visum cieri Galenus negat: sed neque ab emissio ex fulgenti corpore splendore potentiam visus excitari concedit. Quo igitur? Interno lumine, quod dum externo miscetur, *simile per simile in affectionum commutationem societatemq; peruenit*. At ex ea luminum confusione nullam visionem sequi iam præcedente propos. est ostensum, quòd videlicet lumina non obtineant eam sentiendi facultatem, quam neruis inesse & ratione & experimentis constat.

Nos igitur, qui Aristotele duce visionem fieri dicimus obiectionum rerum imaginibus in organum destinatis, ostēdamus oportet, quonam pacto ipsas etiam magnitudines nos C visu capere contingat. Profectò si visibiles species essent expressæ imagines, quales sibi Galenum proposuisse equidem existimo, nulla ratione fieri posset, vt magnitudinem alicuius rei dignosceremus, nisi eius, cuius imago tanta, quanta esset res ipsa, oculum subintraret. Nunc verò cum eas virtute repræsentandi indiuiduas esse propos. 45. ostēderimus, poterit quæcumque speciei pars, rem totam ac tantam quanta est visui repræsentare. Nec hoc solum, sed eadem imagine cōtinget eamdem rem è propinquo maiorem, è longinquo verò minorem apparere: cuius discriminis germanam causam nunquam daturum fuisse Galenum ex Platonis sententia certò mihi persuadeo. Si enim idcirco ex Galeni placitis rei magnitudo percipitur, quia attingitur ab oculi lumine, per quod dignotio primùm ad oculum, & inde per neruum opticum ad cerebrum perre- D pnat; reuerà cum opticum lumen semper obiectum contingat, dum videt, nunquam non veram eius magnitudinem, quanta in se est, perspiciet. Nos verò hanc dabimus causam, quòd species turbinatim à rebus ad oculum pertingant, coni verticem in crystalloidis centro constituentes. Cum igitur ob vicinitatem angulus qui ad verticem est augetur, etiam res ipsa maior apparet; at minor, cum propter distantiam idem angulus coarctatur. qua de re planius, cum de deceptionibus visus libro 4. sermo erit.

Nunc alteram Galeni obiectionem diluamus, quæ ex eodem falso principio originem ducit: putat enim ille, vt iam dictum est, species esse quasdam expressas imagines, quarum singulæ ab vnaquaque re producantur ea magnitudine, quam res ipsæ habent. Eiusmodi vtique species ad plures simul aspicientes destinari non possunt, vt rectè Ga- E lenus. At non ita se res habet. Ab vnaquaque verò eiusdem obiecti parte, in omnem partem medij species diriguntur; sic vt nulla circumfusi medij pars exiit, in quam non alicuius coni optici vertex terminetur. vnde haud dubiè sequitur, ad quocumque intuentes vnius rei speciem pertinere, si nullum corpus opacum eius profluentiæ obstat.

Supereft alius priscorum scrupulus, qui emissionem radiorum visionem fieri persuasit: nempe quòd perspicuè intelligere non possent, quomodo si species, quæ proximè visum mouent, in oculo sint, fieri possit, vt rem proprio in loco constitutam exhibeant; non verò potiùs omnia oculo inesse videantur. Respondeo visibilem speciem, non tantum rem ipsam, sed etiam rei distantiam exhibere, sicut & magnitudinē & figuram, & situm, F ac denique omnes quæ sub aspectum cadere possunt affectiones. Eam sane ob causam, quòd non tantum color, sed & ceteræ omnes aspectabiles proprietates propriam speciem organo inferant, per quam dignoscantur, vt propos. 44. est demonstratum. Deinde hoc peculiare est iis rebus quæ oculo insunt, vt non in oculo, sed foris esse videantur: quod in suffutis, iisque quorum oculi infectione quapiam laborant, manifestè experimur. Hi namque concretionem humoris oculo impactam non tamquam in oculo vident: sed eâ, quidquid primò occurrit, respersum arbitrantur. Eo siquidem loci vnumquodque perspicitur, vbi iugati axes congregiuntur, quemadmodum supra non semel diximus, & libro 2. ex instituto docebimus, cum de horoptere sermo erit.

Idem

A Idem verò & speciebus accidit, vt nimirum in oculum transfusæ facultatem quidem ipsi insitam ad suam ipsarum dignotionem incitent; hæc tamen ipsas non tamquam idola quædam intus latentia, sed vt res veras foris existentes contemplatur, tales per omnia, quales ipsæ sunt species, colore, magnitudine, figura, loco, situ, ac ceteris proptietatibus, quas visus suapte natura persequitur.

PROPOSITIO LXX. THEOREMA.

Species ad visionem formaliter, non autem effectiue concurrunt.

B



PECIES ad videndi actum formaliter concurrere ex eo conuincitur, quòd dum potentia in actum prorumpit, ipsæ obiecti vice perfungantur. Est enim duplex obiecti munus, vnum instar ptopositi scopi functionem potentia terminare ac sistere, ne longius progrediatur; alterum ptopria essentia differentiam actioni quodammodò impertiri. Vtrumque verò species visibiles præstant: etenim potentiam, quæ suapte natura ad agendum & non agendum indifferens est, sola sui præsentia ad eliciendum actum inducunt, non vtique efficiendo aliquid, sed solùm obiecti absentiam, vicemq; supplendo. Deinde ipsam actionem, cuius nulla adhuc est ptopria differentia, sic determinant, vt illi proptiam essentiam, specificamque, vt vocant, rationem tribuant. Quæ causandi ratio formalis obiectiua in scholis nuncupatur.

Non autem effectiue species cum sentiente facultate concurrunt, quia actio vitalis à solo vitæ principio effectiue proficiscitur. species igitur, quæ extrinsecus obueniunt, nullam actionis partem visioni inferre possunt. Deinde partiales causæ effectrices ita sunt comparatæ, vt vna sine altera partem aliquam suæ virtuti proportionatam efficere queat: at species solæ nullam visionis partem ex se proferre possunt. ergo non effectiue concurrunt.

Non defuere tamen, qui vim effectricem speciebus attribuerint, quorum rationes hoc loco proponere atque dissoluere opportunum fuerit.

D Prima ratio: Per speciem constituitur visus in actu primo ad agendum, sicuti ignis per calorem ad calefaciendum. ergo vt calor cum igne, ita species cum visu effectiue concurrunt. Respondetur hoc discriminis esse inter calorem & speciem, quòd calor sit virtus quædam igni ad agendum data, sicut ipse visus facultas quædam est animæ ad intuendum concessa: at species solùm determinat potentiam, vti vicaria obiecti, in quod videndi actio intenditur.

Secunda: Ea forma agentis effectiue concurrunt, cui assimilatur effectus; vt forma equina ad equi productionem, leonina ad generationem leonis, itaque in ceteris: sed formæ rei visibilis assimilatur notio, seu species sensus interni, quæ visione producitur. ergo species rei visibilis effectiue ad visionem concurrunt. Respondendum non omnem

E formam habere rationem effectricis causæ, sed illam tantummodò, cui effectus similis secundùm substantiam euadit: species verò visibilis, internæ notioni sola repræsentatione similis existit. igitur non vt efficiens causa, sed vt vicaria tantùm obiecti forma visionem producit.

Tertia: Habitus vnà cum potentiis, quibus insunt, efficiendo coagunt. ergo & species, quarum est par ratio. Responde longè disparem esse specierum & habituum considerationem: habitus enim sunt supplementa potentiarum, quæ promptè agere per se non valent: at species obueniunt perfectæ facultati ad instar obiecti præsentis; quare maiorem cum obiecto, quàm cum habitibus, cognationem habent.

F Quarta: Nulla substantia creata potest per se sola operari, cum id ptoprium sit diuinæ essentia ab omni materialium accidentium iniquatione secretæ. ergo species pariter cum anima effectiue ad videndi actum concurrunt. Neganda est huius argumenti illatio. Etsi enim efficientia speciebus derogetur, non tamen his submotis adeò vacua ac naturæ bonis spoliata relinquatur animæ substantia, vt per se sola operari debeat, siquidem speciebus ablatis ipsa adhuc accidentariis facultatibus (quibus efficientis causæ ratio propria est) abundè instructa relinquatur.

Coronidis loco hoc addam, non magis speciem quàm obiectum effectiue ad visionem concurrere. Nam cum species in eum tantummodò finem ab obiecto producat, vt eius munere in organo perfungatur, profectò speciei actio ipsi obiecto vti primario

visus scopo tribuenda est. At nefas est dicere obiectum effectiuè videndi actum elicere, ergo nec species eo causandi genere concurrir: sed extrinsecè tantum obiecti loco visionem, quæ ad aliquid est, terminando.

PROPOSITIO LXXI. THEOREMA.

Visio non sola est passio, sed etiam actio ab interno vitæ principio elicita.



PHILOSOPHVS multis passim locis asserit visum potentiam esse passiuam: vnde nonnulli occasionem naçti, dicere sunt ausi visionem non in actione aliqua, sed in sola speciei susceptione consistere, sic vt nil omnino sit aliud videre, quàm obiecti similitudinem admittere. Quod nec aliunde efficacius probare possunt, quàm ex eo quòd simul atque species obiecti in oculum recepta est, confestim visionem fieri experiamur.

At his aduersatur, quòd lepores, quibus mos est apertis oculis dormire, rerum species oculis hauriant, cum tamen nihil videant. Rursus in aère & in speculo formæ rerum elucet; cur igitur hæc non æquè atque oculus vident, cum illis causâ videndi insit? Nulla sanè alia causâ reddi potest, quàm quia non idem est sentire ac speciem rei sensibilis accipere: sed præterea opus est vt anima effectiuè concurrat.

Præterea ex eo etiam sententiam suam confirmare nituntur, quòd potentia actiuæ exercitatione perficiantur, comparatisque habitibus promptiores ad agendum reddantur: at visus longiore vsu non modò non perficitur, sed potius atteritur consumiturque: igitur non ad actionem, sed ad solam passionem comparatus videtur. Respondendum idcirco visum non perfici habitibus exercitatione comparatis, quia eius actio non subest voluntatis arbitrio; ideoque atteri, quia ab iis rebus patitur, quæ offendunt ac fauciant.

Cum verò Aristoteles visum ait esse potentiam passiuam, non procul à vero aberrat. nam verè patitur ille quidem ab immissa extrinsecus specie, at non propriè, quia hæc ita passionem organo infert, vt cum potentia ad dignoscendi actum nullo modo effectiuè concurrat. Eam etiam ob causam, quòd, vt Themistiùs loquitur lib. 2. de anima cap. 42. *ita forma rei cieat impellatq; instrumentum, vt materia forinsecus sedeat; at corpora cum franguntur, caduntur, cremantur, non nisi ingressu & accessu materiae patiuntur. Cedit enim non acies sola aut mucro, sed gladius, id est, acies cum ferro: item deurit ignis, non forma ignis speciei sue. Quamobrem isthac propria pressa passio est, quia in mutationem & conuersionem aliquam decumbit.* Et Aristoteles lib. 12. de diuina sapientia secundum Ægyptios cap. 13. *Neque, inquit, sensus reipsa sentiendo similis efficitur ei, quod sentitur: alioquin oculus candorem videndo candidus efficeretur. Quare sentiens à simili non patietur, sed à reipsa perfectionem accipiet. nec erit necesse animum, quia corpora cognoscit, corpus quoddam existere.*

Quòd autem visio actio quædam sit, non verò sola passio; ipse in primis Aristoteles disertis verbis testatur lib. 2. de anima c. 4. textu 36. vbi docet animam triplicis causæ rationem habere: primò formalis, quia corporis appetitum explet, totumque viuens constituit: deinde finalis, quia eius gratia omnis materiae ornatus, atque membrorum compositio instituta est: tertio effectricis, quia omnes functiones viuentibus proprias exequitur & administrat. Deinde hoc differt visus à rerum inanimatarum passionibus; quòd non simpliciter obiecti speciem recipiat, sed eam etiam persentiscat, quæ est propria quædam animæ actio, quam in se producit, vt vitæ principium: ea porrò sensione excitata distinctiua potentia exactam postea rei propositæ notionem elicit, quo tandem pacto visio perficitur atque completur. Est igitur visio non sola passio, qua organum obiecti actionem recipit: sed actio quædam ab interno vitæ principio manans.

Confirmatur autem hoc ex iis, qui animo delinquant. hos enim solo spirituum animalium com meatu intercepto nihil omnino videre contingit, quantumuis eorum oculi salui & integri obiectarum rerum speciebus perfectè obsignentur. Cuius rei nulla alia probabilis causâ reddi potest, quàm quòd naturali vigore efficaciaque destituti vitalem illum actum, in quo visio consistit, proferre nequeant.

A

PROPOSITIO LXXII. THEOREMA.

Perperam nonnulli visum agentem inducere sunt conati.

NONNULLI ex iis qui visum in passione constituunt, addunt visum agentem, quo ille ad actum excitetur, ad similitudinem intellectus agentis. Oportet enim, inquit, omne quod in potentia est, per aliquid aliud ad actum deduci. Si quis obijciat potentiam visus ab obiecto ad actum perducere: negant id quidem fieri posse, quod obiectum sit materiale, visus autem spiritualis, ideoque speciem requiri tenuioris essentiae non ab obiecto, sed à visu agente productam; quam dum visui patienti impertit, is hoc solo, quod ab ea patitur, videat.

At cum externi sensus non minus beluis, quam hominibus insint, palam est eos ex materiae gremio, atque organorum potestate educi, ac proinde nequaquam spirituales; sed corporeos esse: Nil igitur obstat, quin ab obiectis patiantur, ut proinde nullo visu agente opus sit. Aliàs enim, & auditus agens, & sensus communis agens, & phantasia agens, & quaecumque demum facultas ex iis quae apprehensivae vocantur, gemina existeret. Quare solus intellectus agens rectè à philosopho constituitur lib. 3. de anima; quod constat ratiocinandi potentiam spiritualemente esse, nullamque cum materia necessitudinem habere, ac proinde nec posse rerum corporearum alias species in eum consignari; nisi quas intellectus agens prius efformauerit, propriae naturae accommodatas.

• Deinde species ab obiectis produci; atque per omne medium diaphanum ad oculos usque deportari, iam supra demonstratum est propos. 43. Quis igitur neget visus potentiam his excitari? nisi in superfluis abundasse naturae auctorem etiam audeat affirmare.

PROPOSITIO LXXIII. THEOREMA.

Visus suapte vi nihil exterius operatur.

D

INTER eos qui visum in actione ponunt, non defuere qui eum extra se agere aliquid sunt arbitrati, ex nonnullis effectis quae circa oculum eveniunt; atque in primis ex verbis philosophi lib. de insomniis cap. 2. quae sic se habent: *Et insuper ex eodem facile constat, visum ut pati, ita etiam agere aliquid solere. Nam cum mulieres tempore mensium speculum aliquod probe tersum inspiciant, tunc superficies speculi quadam velut nebula sanguinis obducitur. Causa autem est, sicut iam diximus, quod non solum ab aere visus quidpiam patitur, sed etiam in aërem quidpiam agat. Et paulò post: Ab ipsis autem mensibus; qui ad oculos penetrarunt, aër movetur & insicitur: aër infectus alium aërem, qui speculo proximus est, sibi harentem, talem qualis ipse est, reddit; à quo postremum speculo eluivacula quadam illinitur.* Cum verò indelebiles esse maculas illas eodem loco asserit, scito eum non de vitreis speculis agere, sed de metallicis (quae olim sola in usu fuerunt) hanc verò à corrosivo vapore facile corroduntur, & æruginem contrahunt ac maculas quae minimè delentur; nisi cotibus exterantur, ac denuò tergentibus pulvisculis læuigentur.

Deinde qui oculos illorum contuentur, qui vel lippitudine vel ophthalmia infestantur, facile idem malum contrahunt. Vnde est illud poetæ:

*Dum spectant oculi laesos, leduntur & ipsi;
Multaq; corporibus transitione nocent:*

Praeterea quorundam oculis vis quaedam inesse creditur, qua rebus conspectis varia nocumenta inferant: ut basilisco, qui solo venenato aspectu homines interimit. Eiusdem quoque generis homines in Triballis & Illyriis esse ex Iligono tradit Plinius lib. 7: cap. 2. qui visu effascinent, interimantque, quos diutiùs intueantur, iratis præcipue oculis. Et Hieron. Vidas lib. Bombycum 2. similem quemdam senem his versibus describit:

*Quandoquidem memini Tusci alta in rupe Viterbi,
Ipse senem vidisse ferum, cui dira vigeant
Ora, grauesq; oculi suffecti sanguine circum,
Fronsq; obscæna situ, hirtiq; in vertice cani;
Ille truci (scelus) obtutu genus omne necabat,*

*Reptantum, tenues animas, paruasq; volantes:
 Quin etiam si quando hortos ingressus, ubi annus
 Exiit expleto turpem nouus orbe senectam,
 Floribus & passim per agros incanuit arbor;
 Ille hortis stragem dedit, arboribusq; ruinam,
 Spemq; anni agricola maesti fleuere caducam.
 Nam quocumque aciem horribilem intendisset; ibi omnes
 Cernere erat subito afflatos languescere flores.*

Sic quibus naturæ vitio gemina pupilla in eodem oculo obrigit, iis fascinandi vis inesse existimatur, ex eadem causa noxia, quæ geminam pupillam præter naturæ ordinem B induxit, quod naturale esse quibusdam hominibus Plinius refert loco superius citato.

Verùm hos effectus nequaquam ex sola inspectione seu actu cernendi provenire inde constat, quòd visio actus vitalis sit, ac proinde immanens, vtpote ab interno vitæ principio elicitus. Non igitur foras exeritur, ad alicuius externi effectus euocationem.

Quæ verò allata sunt exempla, hanc causam habent: Vti ex inanimatis rebus odores continuò expirant, ita euaporationes quædam perennes in animantium corporibus fiunt, per occultos meatus, quibus externa cutis vndique pertusa est; longè autem vberiores eæ obueniunt in illis animantibus, quorum spiritus propter calorem & motum veluti pulsus quemdam, (vt Plutarchus loquitur) & concussionem habet. Id quod in iis manifestè apparet, quibus menses fluunt, aut quorum oculi phlegmone vel lippitudine vexantur: his enim acris calidusque humor inest, qui dum oculos inuadit, eos accendit; concitati autem eo calore spiritus confertim erumpunt, & proxima quæque inficiunt; maximè autem ea, in quæ oculorum acies defixæ fuerint, propter pupillarum, ex quibus illi vberius efflantur, conuersiones. C

Hinc igitur illa speculo inusta labes, hinc morbi traductio, hinc à basilisci aspectu interitus: neque enim ab ipsa visione, quæ visio est, fieri istiusmodi alterationes possunt; sed à tetro vapore, quem vitiata temperies, aut deprauatus habitus, aut putrescentes in corpore humores suggerunt. Ille siquidem à calore oculorum concitatus, foras profilit, vicinumque aërem virulentus inficit, & hic alium, vsque dum in rem aliquam offendat, cui solo adhæsu calamitatem affert. D

Addit tamen Richardus, tum maximè eiusmodi obtutum nocere, cum is qui morbidos oculos inspexerit opinatur se lædi; plurimum enim ad morborum contagium valet imaginatio. quod minimè improbat, cum id etiam in epidemicis morbis per frequens sit.

Quæ autem de admirandis ac portentosis quibusdam effectibus tum à Plinio lib. 7. cap. 15. & lib. 28. cap. 7. tum ab aliis conscripta leguntur, vt & illud ex Vida superius allatum, vel fabulosa vel magica esse existimamus. De eo autem fascini genere, quo assolent aliqui varias affectiones, puta amoris alteriusve cupiditatis in aliorum animos solo intuitu concitare, hoc vero similis dici videtur, ex imaginatione potius eiusmodi passiones, quàm ex illicio seu qualitate aliqua lasciuis oculis insita provenire. Plura de his qui desiderat, legat apud Martinum Delrium libro magicarum disquisitionum tertio, part. 1. q. 3. sect. 2. E

PROPOSITIO LXXIV. THEOREMA.

Visio per simplex medium rectis fit lineis.



HÆC propositio non aliam demonstrationem habet, quàm eam ipsam, qua species rectis lineis ferri proposit. 50. docuimus. Cum enim visionem rectis lineis fieri dicimus, nequaquam volumus visionem extra oculum celebrari, aut per visionem aliquid extra organum foras erumpere, quod recta incedere via intelligatur; sed tantum species ipsas recto tramite ad oculos peruenire. Ita enim sæpè loquendi modo minùs vero res obscuræ clariùs elucescunt: vt cum dicimus species aut lumen moueri ac ferri, appositè quidem loquimur, quòd hæc rem dilucidè explicant, non tamen verè. Etenim species ac lumen de subiecto in subiectum non commigrant: sed in successiuis partibus medij, alia semper qualitas, numero atque intensiõis gradu à priore distincta excitatur. Sic quosdam dicimus longius videre, aliorum visum breuiori spatio terminari, visionem non infinite extendi, F

A extendi, aliaque similia, quæ, ut iam dictum est, contrariam habent interpretationem. Nam de speciebus quidem ista veriùs, at de visu accommodatiùs secundùm captum proferuntur.

Rectis ergo lineis fit visio, ea inquam quæ per simplex traicitur medium: si quidem quæ per diuersa media pertransit, infringitur, ut in Dioptriciis docebimus. Quare in eum locum hæc consultò afferuamus.

PROPOSITIO LXXV. THEOREMA.

B *Oculorum acies in vnum dumtaxat punctum desigi potest, quod distinctè conspiciatur; cetera autem indistinctè.*

D V O hac propositione demonstranda sunt: primum illud est, oculorum aciem in vnum dumtaxat signum posse terminari: alterum, id solùm, in quod axes conueniunt, distinctè videri.

Primum quidem demonstrari potest ex indiuidua illa societate, quam proposit. 19. musculis oculos mouentibus inesse docuimus. Illi enim sic à natura sunt comparati, ut oculos pariter moueant, pariterque defixos teneant: cumque ita diuaricari nequeant, ut paralleli firmentur, consequens est, ut in vnum aliquod punctum indefinitè semper concurrant, vbi mutuam actionem iuuent, ac terminum visioni constituant.

Alterum verò ita etiam demonstrabitur. Quemadmodum in ceteris rebus fortior est actio, quæ per lineam perpendicularem in subiectam materiam dirigitur; ita visum res illæ efficacius mouent, quæ per axem, hoc est per lineam superficiem visus orthogonalem, oculum subeunt. At punctum, in quod axes visuales conueniunt, cum situm ad oculos habet, ut eius species perpendiculis lineis ad visum producat. Igitur hoc punctum ceteris clariùs, distinctiùs, certiusque dignoscitur. Cetera verò quæ circumstant, quod sunt ab illo remotiora, eò obscurius percipiuntur, quod illorum species obliquioribus radiis in visum irrepant.

D Tamen si secundùm subtilissimam loquendi rationem, quam Mathematicam vocant, solum punctum distinctè videatur, quod vnica tantùm indiuisibilis linea à re visa ad centrum glacialis humoris secundùm rectos angulos per visus superficiem duci queat, quæ axis nuncupatur; tamen quoniam species eorum, quæ axem proximè circumstant, angulis nil pænè à rectis discrepantibus ad oculos perueniunt, ea ita perfectè videntur, ut confusio in illis vix vlla appareat. Id quod portioni ferè tantillæ magnitudinis, quantula est pupillæ amplitudo, contingit. Ac deinceps quod longiùs ab axe res absunt, eò cernuntur obscurius imperfectiusque; sic ut ex inæqualitate distantie vniuersa imperfectionis latitudo in gradus distribuatur.

Quare, ut summam rem propositam complectar, distincta visio ea diceretur, quâ id cernitur, quod oculo directè, seu ad normam opponitur: confusa verò, quâ id, cuius species obliquo radio in superficiem visus illabitur.

PROPOSITIO LXXVI. THEOREMA.


Robustior est visio ab utroque oculo, dum simul in rem vnã conspirant, quàm ab altero tantum.

H V I C propositioni obstare videtur Aristotelis & Galeni auctoritas. ille lib. Problem. sect. 31. q. 2. hic verò libro de oculis parte 2. cap. 4. vbi inter ceteras causas, quibus varij asserunt neruos opticos, priusquam ossium caua subeant, coniungi debuisse, hanc probat & amplectitur, ut scilicet vno oculo obducto totus spiritus in alterum influat, fiatque in vno efficacior intuitus, quàm in utroque simul. Quod idem hoc experimento confirmat: Si, inquit, aliquod corpus super nasum ponatur, utroque oculo ad videndum directo, fit visio debilior & obscurior: sed vno clauso fit visus in altero fortior, quàm in utroque fuerat. Et quod vtrique cernere nequiverant, vnus solus clarissimè aspicit. Hoc ideò, quia spiritus qui in utroque fuerat, ad vnum conuertitur: altero enim clauso, alterius pupilla clarior efficitur.

Respondeti in primis posset exigui ponderis esse huius libri auctoritatem, quòd inter A spurios numeretur. Plus verò tribuendum libris de vſu partium, in quorùm decimo ita concludit: *Quapropter minùs obscurum est, quòd ambobus oculis simul videtur, quàm si altero dumtaxat (vterlibet eorum is sit) spectes.* Ad Aristotelis testimonium dici potest ipsum in plerisque Problematis vulgi opinionem secutum fuisse.

Deinde, quoniam nonnulli experimento proximè ex Galeno allato inducti fuere, vt crederent iunctis luminibus minùs perspicuam visionem fieri, quàm disiunctis alteroq; tantùm: opetæ etiam pretium erit, eius experimenti modum explicare, erroremq; detegere, ac demum hoc ipso aliisque tum experimentis, tum rationibus demonstrare ab vtroque oculo efficacissimam visionem prouenire. B

Manum naso ita imponunt, vt ipsius expansæ digiti omnes erecti sint, solusque pollex secundùm longitudinem naso incumbat, totaque manus velut septum oculorum acies disternat. Aut si maius, loco manus asserculum finge C, intet vtrumque oculum A & B constitutum: rem verò obiectam D E, cuius partes D F, G E ab altero dumtaxat oculorum; media autem F G ab vtroque visu cernatur, vt ducti ab oculis radij commonstrant. Quibus sic expositis dico partem quidem mediam ab vtroque lumine spectatam omnium maximè conspicuam esse, secundo dein loco extremas, si alter oculorum claudatur; tum demum easdem, si vterque oculus pateat, quamuis ab vno tantùm singulæ videantur.



Primum illud, nempe F G partem obiecti mediam, quæ ad vtrumque oculum pertingit distinctissimè videri, plurimorum, quos ad hanc fidem astruendam exactissimos exploratores adhibuimus experientia testatum facit: alterum autem extremam quamcumque partem, verbi gratia D F, ab oculo A clariùs videri B reſto, quàm aperto eadem experientia confirmat. At cuius consequentiæ vi hinc inferunt illi obiectum clariùs altero oculorum, quàm vtroque dignosci? An portionem D F vtroque oculo videri arbitrantur, quia vterque patulus in visionem adlaborat? Absit. namque interseptum C, actionem prohibet, quam oculus B in partem D ð intendit. Tolle autem obstaculum C D iam D F clariùs cernetur vtroque oculo, quàm solo A patente. Palàm igitur est non ob eam causam partem D F clariùs videri ab oculo A clauso B, quòd tum vberior spiritus in A confluat: sed quòd interseptum C impeditenti quidpiam perspicuitati visus adferat, quòd minùs accuratè vtroque oculo aperto pars D F videatur. Eam enim cuiusq; rei causam rectè definimus, qua posita effectus ponitur, qua sublata ille pariter tollitur. At posito intet vtrumque oculum obstaculo C, fit, vt pars D F oculo B clauso, ab A solo clariùs cernatur, quàm si oculus B pateat: sublato verò C id numquam contingit, sed quantumuis B clauso maior fiat spirituum ptouentus in A; semper tamen D F à solo A obscuriùs, quàm ab vtroque oculo dignoscitur. Igitur corpus C inter vtrumq; oculum positum impedimento est, cur minùs perspicua fiat visio ab vno oculo si vterque E pateat, quàm si alter occludatur.

Sed age nunc, quid tandem impeditenti C corpus affette potest? Nam mitum id quidem videtur, cum numquam D F nisi à solo A conspiciatur, siue B oculus pateat, siue non. Impedimentum hoc accipe. Propos. 39. ostendimus opaca corpora tenebrarum naturam affectare: hæ verò dum lumini permiscetur ipsum minùs conspicuum reddunt, non secùs ac nigror admixtus candori obscuriorem colorem gignit. Quate corpus C velut tenebras parti D F offundit, quas oculus B dum patens est conspici videtur, illi lumini permixtas, quo eandem partem D F oculus A affectam manifestè videt; sicque obscurior pars D F redditur, quàm si oculus B occludatur. tum enim F oculus A partem D F liberè intuetur, minùs tamen euidenter, quàm si subducto obstaculo vtriusque oculi axes iungerentur.

Nunc vniuersè demonstremus visionem, quæ ab vtroque oculo est, fortiorem, clarioremque ac vndequaque perfectiorem esse illa, quæ fit ab altero tantùm. Id in primis hoc experimentum conuincit: si quis minutos characteres, aut etiam maiotes eminus nunc altero, nunc vtroque oculo diligentiùs intueatur, comperiet ex interuallo aliquo legi quidem illos vtroque oculo sat commodè posse, altero autem tantùm non modò non legi: sed ne vix quidem posse internosci.

Quod autem fertur luscus quos altero oculo casus priuauit nunc perspicaciùs videre, quàm

A quàm prius, dum incolumem vtrumque oculum haberent; equidem diiudicare nequeo, cum diuina bonitate eam calamitatem non sim expertus: illi autem non semel rogati, planè fatentur se prioris status recentem memoriam non habere, nec posse aliquid de hac re certò affirmare, quòd iam nequeant de vtroque visionis modo periculum facere.

Quod item obijciunt alij, eos qui collimant alterum oculum claudere, vt euidentius scopum aspiciant, id nihil ad rem facit: non enim vt clarius, sed vt certius scopum videant, alterum claudunt oculum. Fieri siquidem nequit, vt vtriusque oculi radius per diuulsum in signum vnum directò feratur. Nam si vnus oculi radius per diuulsum ducatur, necesse est alterius oculi radium, aut non in scopum incidere; aut non per diuulsum transire: atque adeò ob distractam luminum societatem, aut scopus aut diuulsum geminus apparebit; quod ne accadat, alter oculus obseratur, vt alterius axis certius in scopum dirigatur.

Ratione etiam confirmare licet exquisitiorem visionem ab vtroque oculo esse, quàm ab altero tantum. Etenim vtrique oculo propria cernendi facultas inest, cuius robur & efficaciam sequitur visionis perfectio, sic vt robustior visus præstantiorem visionem eliciat, quemadmodum omnino excellentior virtus excellentiorem effectum producit. Oportet enim effectum propriæ causæ quadam proportionem ac similitudine respondere: at duæ causæ simul iunctæ vnâ intensiorem exæquant: igitur duorum oculorum virtutes dum in vnâ simul visionem conspirant, alterius solius oculi virtute potentiores sunt; quare ab vtroque oculo perspicacior intuitus proueniet, quàm ab altero tantum. Quod & plurima alia exempla corroborant: nam duæ manus grandiora præstant molimina, quàm vnâ; & plus duæ lucernæ, quàm vnâ illuminant; & duo ignes impensius aërem excalfaciunt, quàm eorum alter: ita ergo quod in prouerbio est, plus vident oculi, quàm oculus. Cuius sententiæ veritas ad oculos mentis translata, ab ea quæ in corporibus est, originem sumpsit. Quapropter inter ceteras causas, cur geminum visus organum esse oportuit, hanc non postremam censeo, vt nimirum excellentiorem visionem duo oculi, quàm vnus, præstarent.

Superest præcipuum aduersariorum argumentum diluere. Aiunt illi ex Galeno, altero oculo clauso maiorem spirituum affluentiam in alterum deriuari; totum nempe spiritum qui ad oclusum oculum mittebatur, per communem neruotum opticorum congressionem ad alterum diuertere; ex quo postea visio præstantior consequitur. Antecedens duplici argumento ex eodem Galeno probant. Primum est, quòd eam ob causam natura opticorum neruorum poros in vnum coniunxerit, vt spiritus ab vno in alterum oculum traduci possent. Alterum est, quòd pupillæ dilatatio fiat à spirituum copia acinalem tunicam intus distendente: at vno oculo clauso, alterius pupilla manifestè dilatatur: igitur iam vberior spiritus in hunc oculum confluxit, quàm antè. Ex quo necessariò efficitur, vt visio excellentior sequi debeat. Verum poros neruorum opticorum in vnum minimè coalescere, proposit. 12. ex dissectionibus sententiisque peritissimorum virorum ostendimus. Pupillæ item dilatationem à compressione spirituum haudquaquam excitari, proposit. 17. apertè est demonstratum. Quare neganda est vtriusque argumenti assumptio. Et certè minorem potius spirituum copiam in oculum apertum destinari altero clauso, argumento est, quòd si quis diutiùs perseueret vno oculo contuendo, sentiet visum sensim obscurari, ac velut in tenebras abire. Esto verò, concedatur duplicari in altero oculo spirituum prouentum; necdum tamen sequitur excellentiorem visionem ab altero oculo tantum, quàm à duobus prouenire. Numquam enim visionis præstantia mensuram spirituum superabit; at vno oculo clauso non fit in altero maior spirituum prouentus, quàm sit in vtroque dum ambo vident. Igitur summum erit, si visio vnus oculi, vtriusque simul oculi visionem exæquet.

His stabilitam esse arbitror propositam veritatem, atque etiam aduersariorum argumentis factum abundè satis. Id tantum scire forsitan quispiam volet, ex quo principio communis illa sententia originem duxerit: non enim leuis fuisse videtur causa, quæ præcipuorum philosophorum Aristotelis & Galeni ingenia occupauit. Sanè non aliam inuenio, quàm eam quæ ex diuulsum sumitur. Viderunt inquam philosophi eos, qui in scopum collimarent, alterum oculum obuolare; cum verò ipsi nec in scopum iacularentur, nec illius aspectus experientiam haberent, arbitrati sunt idcirco id fieri, quòd alterius oculi obductione alterius exquisitissima visio redderetur.

PROPOSITIO LXXVII. THEOREMA.


Visile, quod uno tantum spectatur oculo, cum in id occlusi etiam alterius oculi acies tacite dirigitur, acutiùs videtur, quàm cum in diuersa contendunt.



PARADOXVM fortassis id cuiusdam videbitur, quòd vix appareat, qui fieri possit, vt res vna, vno oculo ac radio eodem, nunc clariùs, nunc B obscuriùs cernatur. Sanè forma rei per eundem radium delata eandem semper notionem ingerit, præsertim si per axem oculum subeat: tum enim perfectissimam visionem efficit, vt propositione 75. ostendimus. Vt si, gratia exempli, alter oculus sit A, alter B, hic occlusus, apertus verò ille, cui C visile directè opponatur, ita vt eius notionem per opticum axem accipiat: ex iis quæ propof. 75. diximus, constat C punctum ab oculo A perfectissimè videri, quod per axem eius imaginem hauriat. Igitur siue oculi occlusi B axis tacite in C quoque, siue aliò intendatur, vt in D, æquè semper clarè atque perspicuè C ab oculo A videbitur.

Hæc profectò ratio non leue momentum esset habitura, nisi eam manifesta experientia confutaret. At verò cum alterum oculum nempe A, in signum quoddam, vtputa C, defixum tenemus; alterum verò scilicet B nunc in C nunc in D sub clausis palpebris conuertimus, perspicuè deprehendimus signum C ab oculo A tum accuratiùs euidentiusquè dignosci, cum in idem signum C oculi etiam B licet obteçti acies occultè contendit, quàm cum deflectit in D, ac tantò etiam obscuriùs videri punctum C, quantò longiùs ab eo oculi B acies abscedit.

Huius porrò rei non aliam esse arbitror causam, quàm quòd eò semper feratur animus, quòd & acies oculorum dirigitur. Externus siquidem visus, nisi animus præfens D adsit, nullam perfectam visionem elicit. Itaque insita naturæ vi, ac velut sympathia quadam occultiore, interna facultas externam perpetuò comitatur, non quidem ad id omne percipiendum, quod quouis oculi radio indiscriminatim attingitur: sed ad id tantum, in quod amborum luminum iugati axes conuertuntur. Hic enim, vt paulò antè dicebamus, perfecta fit visio. Cum igitur extra hunc concursum radiorum, iugatosquæ axes, res omnes minùs perspicuè cernantur, consequens est, vt ab vtrouis etiam oculo sigillatim id perfectiùs cernatur, in quod alterius simul oculi fortissimus mucro intenditur, licet oculus ipse obductus sit, atque ab aspectu propòsiti obieçti prohibitus.



PROPOSITIO LXXVIII. THEOREMA.

Vnus oculus plura simul obieçta videt.

PERFACILIS est huius propositionis demonstratio, ex iis quæ hæctenus non semel dicta sunt. Atque in primis ex propof. 48. qua ostensum est rerum aspectabilium formas ab omni obieçti parte ad omnem partem mediij diaphani profilire. Inde enim necessariò fit, vt plurimarum rerum imagines in idem centrum glacialis humoris vnà conueniant, quas proinde simul omnes videri est necesse. Siquidem, vt vulgatum habet axioma, id omne sub aspectum cadit, à quo ad centrum visus recta linea duci potest. Igitur vnus oculus plura F simul obieçta videt.

Porrò quo pacto fiat, vt innumerabilis illa specierum multitudo nullam perturbationem in visum inducat, ex ea demonstratione liquidò patet, qua propof. 51. probauimus aspectabiles formas ordinatè ad eam oculi partem peruenire, cui primò ac præcipuè dignoscendi facultas inest.

Quamuis ex his constet, res plurimas ordinatè, non autem confusè ac tumultuariè simul ab vno oculo videri; non tamen æquè omnes perspicuè atque explanatè dignoscuntur, cum propof. 75. ostensum sit, vnum solum punctum distinctè videri, in quod amborum luminum acies concurrunt.

A

PROPOSITIO LXXIX. THEOREMA.

Duobus oculis idem obiectum distinctè videtur.

B **E**x eodem principio elicitur huius propositionis demonstratio, vnde & præcedentis. Nam cum proposit. 48. sit demonstratum, à quavis obiecti parte, in omnem partem medij species diffundi: quocumque loco oculus constiterit, semper ad ipsum imago obiecti pertinet, dummodò non extra oppositionem fuerit, quam proposit. 55. ad visionem prorsus necessariam esse ostendimus. Igitur duobus, imò quocumque oculis idem obiectum videri potest.

Quod verò etiam distinctè à pluribus oculis res eadem spectari queat, ex eadem proposit. 75. facile colligi potest. si enim omnium oculorum axes in eam destinentur, ab omnibus distinctè perspicietur.

Magna hoc loco quæstio à quibusdam moueri solet, quæ fiat, vt duobus oculis res vna non appareat gemina: id enim necessarium esse videtur. Siquidem duæ sunt species, & duæ internæ notiones, cur non ergo & duæ externæ phantasiæ? Si quis dixerit ideò rem non geminam, sed vnã apparere, quòd verè vna sit, non autem gemina, non faciet dubitanti satis. Etenim compresso iuxta angulos oculo res gemina conspicitur, et si vnã sit, non verò duplex. Non igitur obiecti vnitas simplicis phantasiæ vera causa esse potest.

C Alhazenus lib. 1. num. 25. & 27. item lib. 3. num. 9. Vitello lib. 3. proposit. 20. & 28. huius difficultatis vitandæ causã, statuerunt visionem in neruo optico communi absolui, vbi aiunt species quæ vtrumque oculum subierunt, ita vniri, vt exactè sibi mutuo incumbant. tum verò rem vnã geminam apparere, cum species ab ea vnitate distrahuntur. Quæ ratio nequaquam subsistit, cum fateri oporteat quod res est, neruos opticos in congressu tantum sese contingere, non autem verè in vnum neruum coire, quod nos proposit. 12. & ratione & experientia ostendimus. Deinde proposit. 24. visionem in communi neruorum concursu fieri non posse demonstrauimus: non igitur **D** propter specierum vnitatem res vna pluribus oculis singularis apparet. Alij causam in facultatem cernendi referunt, quæ vna est. Quòd etiam facile refellitur. Si enim ita est, cum facultas semper sit vna, numquam contingere poterit, vt res vna duplex appareat, quod tamen interdum fieri ad eò notum est, vt nemo inficiari possit.

Nobis ea causa magis arridet, quòd plures formæ vnus rei, tametsi in multis oculis numero sint distinctæ, tamen vim habeant eandem rem representandi, propter exactam similitudinem, quam à rebus, vnde profectæ sunt, acceperunt. Quare internus sensus seu facultas superior, quæ externum visum complet, duabus, vel etiam pluribus speciebus excitata (vt in polyopthalmicis) vnus tantum rei notionem effingit: ad eum ferè modum quo pluribus inspectis imaginibus, vnum tantum Cæsarem mente concipimus: **E** & duabus auribus eandem soni notionem haurimus, quamuis externi soni, qui sese ad aures appellunt, numero sint diuersi, neruique auditorij nullibi congregiantur.

Quod verò res vnã presso oculo gemina appareat, hoc inter deceptiones erroresque visus censeri debet. Non enim tum duæ notiones à sensu formantur: sed vna eiusdem rei, quæ gemina putatur, quòd luminum societate distracta duobus illa locis existere videatur. sicut dum res vnã & intra & extra speculum simul conspicitur, eadem quidem res est quæ cernitur; sed propter repercussionem diuersis in locis apparet, quæ proinde gemina falsò existimatur.

F

PROPOSITIO LXXX. THEOREMA.

Fieri nequit, vt plura simul aequè perspicuè videantur.

Hæc propositio, velut consecutarium ex septuagesima quinta deducitur. Nec alia indiget demonstratione. Quare ne idem sæpius sine causa repetamus, præstat institutum prosequi.

Obiter tamen hoc loco notari volumus, plurima breuissimo tempore distinctè accurateque videri posse, oculorum ocysima circumuolutione. Admiranda enim vis est, quam eis natura indidit, vt momento ferè temporis amplissi-

H

marum

marum rerum partes omnes perlustrant, sola motus pernitate, qua coniunctos axes in A
quamcumque rem celerrimè transferunt : sicque cum solum punctum simul perspicuè
oculus videre possit, angustiam hanc defectumque, musculorum agilitate natura com-
pensauit.

DEFINITIONES.

VISIO fit vel simplici aspectu, vel intuitu seu obtutu. Aspectum sim-
plicem dicimus illum actum, quo imperfectè res percipiuntur, ut primò B
in oculum incurrunt, quem proinde primò primum alij appellant. Hic in
illis etiam esse potest, qui, quod vident, non aduertunt. Intuitus, verò
seu obtutus est actus illè, quo visus exactam rei comprehensionem profunda indaga-
tione, diligentique inspectione perquirat. Obtutu res minutissima internoscuntur, ac
illa etiam, quas simplex aspectus assequi non potest. hic enim rem simplicissimè tan-
tùm cernit; ille verò partes omnes lustrat, componit, ac distinguit.

Obtutus alius simplex, alius ex prænotione, seu, ut quibusdam placet, ex antici-
pata notione. C

Simplex obtutus aut sola fit visione, aut, quod frequentius est, etiam ratione &
syllogismo. Obtutus, qui sola visione fit, in iis tantùm rebus versatur, quæ sub pro-
prio obiecto visus continentur, ut sunt lux & color. Qui verò syllogismo, ea etiam
examinat, quæ sola ratiocinativa potentia dignoscit; cuiusmodi sunt similitudo dissi-
militudo, æqualitas inæqualitas, magnitudo paruitas, propinquum distitum, & quæ-
cumque eius generis dicuntur ad aliquid, quæ sub externum sensum per se non cadunt.
Nam videntur quidem oculis ipsa alba, ipsaque rubra; at eorum similitudo & dissi-
militudo sola comparatione vel distinctione cognoscitur, quæ functiones ex ratione D
sunt per discursum seu syllogismum.

Ex prænotione obtutus est, quo ea cognoscimus, quorum antè notionem accepimus;
ut cum hominem videmus nobis antè notum. Et sanè multa sunt, quorum exactam
notitiam habere non possumus sine anticipata notione. Vnde Aristoteles inquit: Si quis
fugitiuum seruum insequitur, quem antè non nouit, occurrentem sibi non agnoscet,
nec, si inuenerit, reperisse se sciet: sic quoque obuium nobis factum non modo esse ho-
minem, verum etiam hoc esse indiuiduum visu cognoscimus, at Socratem esse aut Pla-
tonem, non nisi ex anticipata notione. Est verò intuitus ex prænotione ille ipse, quem E
Nemesius philosophus lib. de natura hominis ex memoria appellat.

Si res antè præcepta insigniter sit immutata, ut si virgultum in arborem excre-
uerit, aut iuuenis impubes in virum πορνόςον sit mutatus, haud erit facile eam per-
fectè dignoscere, quod præsens status non fuerit prius cognitus: ea ergo quæ antecessit
qualiscumque cognitio non sat præsidij adferre potest, ad hanc rem quæ in præsentem oc-
currit exactè cognoscendam.

Rursus, si in antecedente cognitione notabilis aliqua circumstantia cognoscentem F
subterfugerit, ut in homine conspicua cicatrix, cum is occurret, ob eam, quæ se modo
offert, intentionem numquam antè perspectam, fortè non cognoscetur, quòd huic visioni
non satis præcognitio opituletur.

Demum si notio prius accepta temporis decursu è memoria exciderit, sequens
visio non erit ex antecedente notione. Hanc enim reminiscencia excitat, quæ esse non
potest, ubi ea quæ prius accepta fuerat rei forma, penitus est oblitterata.

A Ita igitur se habet visio quæ ex anticipata fit notione. Ea porrò duplex est, vna assuetorum, altera insuetorum. Assueta obiecta vocantur, quæ oculis sæpè antea vidit, & quorum formæ in memoria repositæ quiescunt. Insueta sunt, quæ tamen si aliquando fuerint cognita, perfectæ tamen eorum formæ non asseruantur. Extraneæ verò sunt, quæ vel oculus numquam antè percepit, vel certè quorum imagines ex animo penitus exciderunt.

B PROPOSITIO LXXXI. THEOREMA.

Simplex aspectus fit per quemlibet pyramidis optice radium; obtutus verò per solum axem.



Hoc visionis discrimen, ex iis quæ proximè antè sunt definita, ceu confectarium colligitur: quod perspicuum fiet, si vtriusque visionis, hoc est, simplicis aspectus atque obtutus definitiones paulò explanatiùs repetamus. Quemadmodum in actibus voluntatis subitæ illæ lationes, quibus in rem aliquam appetitus fertur (actus primò primos scholæ nominant)

C imperfectæ sunt & inuoluntariæ; posteaquàm verò in deliberationem venerunt, perficiuntur, & absolutam voluntarij rationem nanciscuntur: ita simulatque rei cuiuspiam forma oculis sese ingerit, prima illa affectio, qua illius appulsu facultas animæ concitatur, simplex dicitur aspectus; cùm autem diutiùs propositæ rei oculi inhaerent, partes eius omnes perlustrando atque accuratiùs contuendo, aspectus ille simplex in obtutum perfectamque inspectionem transit.

Quoniam igitur simplex aspectus imperfectissimum visionis gradum significat, obtutus verò in absolutissima videndi actione est positus; perspicuè sequitur visionem, quocumque tandem radio fiat, posse simplicis aspectus rationem habere: at solam illam, quæ omni ex parte excellentissima est, obtutus nomenclaturam sibi vindicare: visio autem

D numeris omnibus absoluta esse non potest, nisi per axem formæ rerum admittantur; quandoquidem id solum distinctè atque perspicuè videri, propof. 75. est demonstratum, in quod per axem oculi vis deriuatur, cetera autem quæ obliquis spectantur radiis, obscure atque confusè. Itaque aspectus simplex per quemcumque fit radium pyramidis optice, obtutus verò per solum axem, quod erat ostendendum:

PROPOSITIO LXXXII. THEOREMA.

Simplex aspectus momento fit temporis.

E**R**IMO quidem demonstrari potest hæc propositio ex natura specièrum: Nam propofit. 42. ostensum est, speciès rerum per lumen ad oculos transmitti: sed lumen momento temporis omniem suæ actiuitatis sphæram peruadit: ergo & speciès in instanti ad visum deferuntur, quod & suprà propofit. 49. est demonstratum: at verò simul atque speciès organo ob signatæ sunt, cernendi facultas operatur ac sentit: igitur simplex aspectus temporis momento perficitur.

Deinde, si in tempore aspectus fieret, ad ea quæ remotiora sunt percipienda plus temporis exigeretur, quàm ad ea quæ propiùs sunt constituta: nam pro ratione spatij seu distantie, ocyùs tardiùsve formæ rerum ad oculum perducerentur. Exempli causa, posito visu in **A**, si tempore opus esset quamuis exiguo ad obiecti in **B** constituti dignotione, **A** **B** **C** **D** **E** utique ad obiecti **C**, quod duplo interuallo distat, perceptionem, duplum omnino tempus postularetur; ad **D** verò triplum; ad **E** autem quadruplum, atque ita deinceps. Quare qui ad stellas oculos conuerteret, longissimo tempore expectaret, priusquam eas videret: quod manifestæ experientie aduersatur. nam æquè citò stellas remotissimas, atque res oculo propemodum adhærentes visus assequitur. Igitur simplex visio non in tempore fit, sed in instanti.

PROPOSITIO LXXXIII. THEOREMA.

Visio per obtutum in tempore fit.



INTUITUM tempus postulare, ipsa eius natura definitioque demonstrat. Nam cum in perfectissima ratione cernendi consistat, necesse est ut per intuitum singulas obiecti partes oculi percurrant, inspicendo non simplici illa visione, quæ quocumque fit radio, sed distincta perspicuaque, quæ fit per cõiunctos axes. Hos autem ad omnes obiecti partes sigillatim conuertere temporis momento oculi non possunt, propterea quod motus nequeat fieri in instanti: igitur tempore ad id opus est: quo verò plures partes erunt, eaq; minutiores, quarum omnium accurata inspectio obtutus perfici debet, eò plus temporis exigetur. Ut si quis progredientem centipedam contempletur, primò quidem figuram animalis, deinde pedum agitationem motumque, tum pedum numerum, post hæc magnitudinem, denique figuram intercapedinemque explorabit: verum tantò longiore tempore singula attentius inspectando distinebitur, quantò fuerint cognitu difficiliora.

Hæc profectò fuisse videtur mens illorum, qui visionem motu fieri sunt opinati: nam verissima quidem ea sententia est, si de perfecta visione agatur, quæ diligenti intuitu peragitur. Fieri enim omnino nequit, ut omnes partes rei accurate dignoscantur, nisi per coniugatorum axium motionem, qua aliæ semper atque aliæ partes obiecti distinctè videntur. Si autem de simplici aspectu intelligatur, vera non est. Hoc enim visionis modo totum simul obiectum temporis momento percipitur. Est porrò aded breue tempus illud, quo res perfectè exacteque cernuntur, ut non rarò simul spectari putentur, visibus celerrimè delatis. Ob nimiam autem festinationem contingit subinde exile quidpiam, quod diligenter perquiritur, aspectum fugere, ceteris omnibus quæ circumstant accuratè inspectis. quod opificibus aliquando accidit, qui vnum è multis instrumentis subinde inuenire non possunt, licet id quod querunt, maximè in conspectu versetur.

PROPOSITIO LXXXIV. THEOREMA.

Visio ex prænotione fit per collationem rei præsentis cum forma rei præcognita.



VISIO enim est ex præcedente scientia, iterata eiusdem rei cognitio, vel certè intuitus rei cuiuspiam, similis illi quam antè animus percepit, & cuius formam etiamnum retinet. Quocircà re quapiam visui obiecta, diiudicare animus nequit hanc eandem esse, quam antè vidit, nisi collatione eius facta cum forma rei priùs visæ, inuenerit illam per omnia similem esse, ac ne minimo quidem puncto discrepare. Verbi causa, obuiam facto Diagora, quem quispiam antè ex visu cognouit, non definit externus visus hunc hominem Diagoram esse, sed animus; nec hic priùs quam fuerit memor formæ antè acceptæ, eamque cum hoc homine contulerit, ac planè similem esse animaduernerit. Ex hac verò collatione, velut syllogismo ac ratiocinatione, mens concludit hunc hominem, quem oculi contuentur, Diagoram esse.

Fit igitur visio, quam ex prænotione nuncupamus, per rationem. quæ rem in præsentem vitam confert cum forma rei præcognitæ intus asseruatæ. Quod egregiè explicat Nemesius philosophus lib: de natura hominis: *In quibus, inquit, visibile maius est, quàm ut vna possit repercussione (hoc est simplici aspectu) comprehendi, in his ad rem visam memoria & intelligentia opus est. Per partes enim ipsam cernentes, quod priùs visum est, id custodit memoria: vtrumque autem cogit & componit intelligentia, & quod visum perceptum est, & quod memoria custoditum.* Ex quo satis constare arbitror quantum adferat momenti ad exactam rerum dignotionem antecedens cognitio, seu priùs cognitorum recordatio. Vnde & D. August. lib. 12. super Genesin ad litteram cap. 16. *In auditu, inquit, nisi auribus percepta vocis imaginem continuò spiritus in seipso formaret, ac memoria retineret, ignoraretur secunda syllaba, vtrum secunda esset, cum iam prima utique nulla esset, quæ percussa aure transiret: ac sic omnis locutionis usus, omnis cantandi suauitas, omnis postremò in actibus corporalis motus dilapsus concideret, neque ullum progressum*

A gressum rancisceretur, si transactos corporis motus memoriter spiritus non retineret, quibus consequentes in agendo connecteret.

PROPOSITIO LXXXV. THEOREMA.

Visio ex anticipata notione in tempore fit; minore tamen quam intuitus.

B **P**ROXIME antecedente propositione ostensum est, visionem ex anticipata notione fieri per collationem: at collatio tempore perficitur: ergo & ipsa, quæ ex præcognitione est, visio.

Dico autem hoc tempus minus esse illo; quò fit intuitus. Nam intuitus omnes rei obiectæ proprietates & visibiles intentiones successivè ac sigillatim perlustrat, quas (si quidem promptè occurrant) visioni ex prænotione memoria brevissimo tempore suggerit, & quasi simul omnes repræsentat. Deinde sæpè dum vna aliqua intentio obiecti propria visui offertur; statim animus rem totam, adiutus præcedente scientia, perfectè comprehendit. Sic qui homines videre solitus est, visa in obiecto humana facie, mox hominem esse pronuntiat, hoc est eiusmodi rem cui talis forma propriè convenit, idque priusquam ceteras partes videat. Sic exercitatus lector ex paucis litteris totam colligit dictionem; & ex paucis dictionibus orationem. Ergo visio ex anticipata notione breviori fit tempore, quam obtutus: ac omnium brevissimo illa, quæ in rebus familiaribus contingit, quibus nimirum animus ab initio assuevit, vel in quibus diu multumque est exercitatus. Hæc enim minimo tempore, & velut vnico oculi iactu mens vniuersè complectitur.

PROPOSITIO LXXXVI. THEOREMA.

Visus rerum formas primo aspectu exactè non comprehendit.

D **C**UM enim res omnes aspectabiles magnitudine aliqua præditæ sint, atque ex singularum partium inspectione perfecta illarum cognitio dependeat; fieri nullo modo potest, vt primo aspectu perfectè comprehendantur: Nam solum punctum quod per axem videtur, in instanti manifestè apparet; ceteræ autem circum axem partes obscurè. Vt ergo eæ omnes perspicuè videantur, & singularum circumstantiæ innotescant, totaque res perfectè comprehendatur, non sufficit aspectus simplex: sed diligenti obtutu opus est, qui singulas per se accurata consideratione peruideat.

PROPOSITIO LXXXVII. THEOREMA.

E *Absoluta rei comprehensio fit vel diligenti intuitu, vel syllogismo, vel anticipata notione.*

F **Q**UONIAM propositione præcedente ostensum est, simplici aspectu perfectam rei comprehensionem obtineri non posse, quòd ea omnium proprietatum exactam dignotionem requirat: palàm est vel diligenti obtutu opus esse, quo, vt supra diximus, visus sagaci indagazione omnes obiecti partes perlustret, vel syllogismo, quo singulas inter se comparet, & distinguat; vel certè antecedente notione. Si enim antea illius rei veram comprehensionem animus aliquando accepit, cum eadem denuò aspectui repræsentabitur, leuiori obtutu exactam eius cognitionem ex prænotione depromet. nam faciliè omnes partium notiones memoria subministrabit. Igitur illarum rerum; quas numquam antea vidimus, aut quarum species è memoria exciderunt, perfecta cognitio, solo diligenti obtutu, vel etiam syllogismo obtineri potest: ad exactam verò cognitionem illarum; quas antè præcepimus, leuis obtutus opitulante præscientia sufficiet.

PROPOSITIO LXXXVIII. THEOREMA.

Præter externum visum necessaria est facultas quadam alia, quæ circa omnia sensibilia in communi versetur.



RISTOTELIS lib. 2. de anima cap. 2. præter visum externum necessariam esse aliam aliquam internam facultatem; quæ circa omnia sensibilia occupetur, in hunc ferè modum demonstrat. Duas actiones circa res sensibiles experimur, præter eas quæ cuique sensui propriæ sunt, nam verbi gratia, in visu; præter eam functionem qua album intuemur, alia quædam operatio in nobis est, qua nos videre sentimus, hoc est; qua visionem ipsam percipimus; alia item; qua album à dulci distinguimus. Quæ duæ actiones, cum à simplici illa colorum perceptione longè diuersæ sint, necesse, inquit, est, vt ad aliam aliquam internam facultatem attineant. Assumptionem inprimis, quoad priorem partem probat: si visus ipsam visionem sentit, eam videt, cum sentire visum nil sit aliud quàm videre: at visio, cum nec luce nec colore imbuta sit, videri nullo modo potest, vt ipse etiam Plato in Charmide argumentatur: ergo visus proprium suum actum, hoc est visionem non percipit. Est igitur alia operatio qua coloratum; alia verò qua visio dignoscitur. Deinde alteram quoque partem assumptionis sic probat: cum album & dulce ad propria obiecta distinctorum sensuum spectent, fieri nequit, vt aut visus, aut gustus vtrumque simul percipiat; quare nec ea discernere aut distinguere hi sensus possunt, cum oporteat vnum eundemque arbitrum vtriusque partis causam cognoscere; ne de re ignota sententiam ferat; plures enim sensus perinde se habent ac multi homines; qui de rebus inter se discrepantibus, rectè iudicare nequeunt, quarum vnâ singuli norunt: ita nullus externus sensus alterius obiectum à proprio distinguere valet, cum vnusquisque illorum circa vnâ rem occupetur. Quod Themistius in libro 2. de anima cap. 7. suæ paraphrasis pulchrè his verbis edisserit: *Quemadmodum licet multi magistratibus libelliones atque exceptores pragmatici assideant, vnus tamen est qui ius habet sententia ferenda: ita & in corpore animalis, tametsi multa instrumenta machinamentaq; sint, in quæ rerum simulacra recipiantur; vna tamen vis arbitra esse debet, quæ de omnibus sciscat, iudicet; pronuntiet.* Igitur alterius erit facultatis, actionem sensus percipere, & diuersorum sensuum propria obiecta distinguere. Huic etiam somnus & vigilia propriè accidunt. Quare hac sopita ceteri quoque sensus feriantur. Non enim omnis externorum sensuum impotentia est propriè somnus; etsi in somno omnes reddantur impotentes: nec somnus erit si quis animo linquitur (quod genus *ληπτοψυχίαν*, id est, animæ defectiorem vocant:) quamquam enim & hoc nexu quidam & impotentia sensuum videtur, non tamen dici somnus potest. Præterea iugularibus venis validè exterius apprehensis collabuntur homines sensibus destituti; nec tamen dormire dicuntur; sed tum solummodò, cum principem hunc sensum frigidus vapor naturaliter occupauit.

Quæ his obijci possunt, nunc accipe. Primum: visio, cum sit ad aliquid, nempe ad obiectum, cognosci ea nullo modo potest, quin eodem actu obiectum eius, nempe color, dignoscatur: at coloris perceptio est visio; ergo functio, quæcumque demum illa est, qua visio sentitur, erit visio. Aut certè si quæpiam alia facultas, præter externum visum; etiam colorem perciperet; iam duæ potentia circa idem obiectum versarentur, quod fieri nequit. Non est igitur alius sensus inuehendus, cui proprium sit externorum sensuum actiones cognoscere, cum visio per visionem, & per auditionem auditio; itaque per singulas singulæ externorum sensuum functiones percipiantur.

Secundum: nisi aspectus, atque eodem modo ceteri externi sensus, suas singuli functiones persentiant, infinita quædam potentiarum series admittenda erit. Vt enim alius ad externorum sensuum actiones, ita ad huius functionem percipiendam alius, sicque interminata progressionem alius atque alius sensus dabitur; qui alterius semper actionem dignoscatur, quod sanæ veræque philosophiæ aduersatur. Igitur occurrendum principiis, nec concedendum externorum sensuum actiones alio sensu percipi; quàm visionem aspectu, auditu auditionem, & sic de ceteris.

Tertium: nulla extat species, quæ functiones externorum sensuum propriè repræsentet: non igitur alio sensu eæ actiones dignoscuntur, cum non minùs necessarium sit hunc, quàm alios sensus specie obiecti vicaria ad actum excitari.

Quartum:

A Quartum : intellectus proprios suos actus percipit ; igitur & sensus externi, quorum par ratio est.

Quintum : externi sensus ex conuenientium obiectorum perceptione delectantur, ex aliorum verò offenduntur. Ergò singuli suas perceptiones seu actiones sentiunt, à quibus, nisi eas sentirent, nullo modo afficerentur.

Primum argumentum non tam solidè quàm lepidè Claudianus Mamertus l. de statu animæ ita illudit: *Si gustare posset gustus, nemo posset esse ieiunus, nec extrinsecus adhibenda forent in qua semet sensus exerceret ; si se ipse sentiret.* Verùm vt etiam propositæ difficultati fiat fatis, negandum est omnem actionem ; quia color dignoscitur, visionem esse.

B Namque illa dumtaxat visio est, quæ colorem intuetur vt visibilis est ; quæ verò eum percipit vt sensibilem, sensio est, propria nempe functio eius facultatis, quam præter externos sensus circa sensibilia versari proximè est demonstratum. Quæ demum eundem colorem cognoscit vt intelligibilem, intelligentia dicitur, supremæ facultatis actio. Neque absurdum videri debet, plures potentias circa idem obiectum diuersa ratione versari : nam hominem physica, medicina, ethica, & plures aliæ scientiæ considerant, physica, vt naturalibus principiis & causis constat ; medicina, vt morbis obnoxius est ; ethica, vt morum est capax. Ita colorem, vt visibilem, visio ; vt sensibilem, internus sensus ; vt intelligibilem, intellectus dignoscit. Imò secundum eandem rationem ; puta visibilitatis, ab his potentiis color percipitur : sed licet ea consideratione sit totale obiectum

C visus ; est tamen solum partiale potentiæ sensitiuæ aut intellectiuæ. Nam sub intelligibili sensibile, & sub hoc visibile, vt pars subiecta continetur.

Ad secundum dicendum, progressionem illam non fore infinitam ; quia tandem in intellectu consistet, qui suam operationem inflexione dignoscit.

Ad tertium respondetur, quòd sicut visibilis species in organum recepta, non per aliam speciem, sed per seipsam sentitur, quòd præsens sit visui, vimque habeat eum excitandi non solum ad obiecti, sed etiam ad sui ipsius perceptionem ; ita rei visæ notio, hoc est visio, cum sensui interno sit præsens ; eum & ad sui & ad obiecti sensationem suapte vi prolecat.

Ad quartum: Quoniam proprium obiectum intellectus omne ens complectitur, necesse est & intellectum ipsum, eiusque actionem ; & speciem, & quidquid demum in rebus existit, sub ipsius obiecto contineri. vnde fit vt reciproca actione se supra se, supraque proprium actum reflectat, quòd alteri nulli potentiæ conceditur. Aliarum enim actiones sub proprio ipsarum obiecto non comprehenduntur : quare nec visio visione, nec auditione auditio ; sed omnium externorum sensuum functiones superiore alia virtute cognoscuntur.

Ad quintum : Oblectationes illæ non sunt in externis sensibus, sed in appetitu, qui per phantasiam cognitione quadam & sympathia concitatur. Cum verò dicimus externos sensus conuenientium obiectorum perceptione oblectari, id per consensum est intelligendum ; quemadmodum ventriculi dolorem cardialgiam medici nominant ; quòd ea ventriculi passione propter consensum cor dolere videatur. Sic verò, quæ in appetitu est delectatio, externis sensibus visitato loquendi modo adscribitur. ex quò tamen non rectè inferas externos sensus suas percipere sensationes.

PROPOSITIO LXXXIX. THEOREMA.

Rectè facultas iam explicata sensus communis nuncupatur.

F **S**UPERIORE demonstratione geminam operationem circa res sensibiles ostendimus, vnam qua externorum sensuum functiones sentimus, alteram qua illorum obiecta distinguimus ; quæ cum nullo externo sensui congruant, necessariò sunt ad altiore aliquam facultatem referendæ, quæ, vt Themistius loquitur lib. 3. de anima cap. 8. *cum externi sensus suis officiis perfuncti, ea qua cognouerunt intus annuntiant, ipsa expers corporis, & tamquam pro tribunali sedens, & spiritu illo curuli inuecta, vnde omnia instrumenta portionem suam carpunt hauriuntque, quantum ad explendum vite usum & obeundum munus sit satis ; ex quo, vt dixi, quinque interpretes, siue exploratores, & nuntij sensus, tamquam apparitores & ministri procedunt ; illa inquam virtus eo suggestu posita non patitur ipsas contrarias qualitates, sed ante se positas & ad pedes genuaque aduolutas contemplatur : ita*

demum iudicium suum promit, & dulce ab amaro incernit, & album à dulci discriminat. A

Hanc D. Nemesius lib. de hominis natura cap. 7. item Plutarchus apud Philoponum in lib. 2. de anima textu 103. putant esse intellectricem potentiam. Quæ sententia minùs nobis probatur, quòd functiones illæ, quarum effectricem causam perquirimus, facultatem animæ sensitivæ non excedant; cum alia præstantiora munia à brutis animalibus administrantur, quibus nonnulla illorum, vt simiæ & elephanti, non longè ab humano ratiocinandi modo abesse videantur.

Alij, vt Michael Ephesius lib. 9. & Philoponus loco citato, eas operationes sensui cui-dam attribuunt, quem *θεωρητικόν*, id est, attendentem appellant; nos verò commentitium potiùs appellandum iudicamus. Est enim ea quæ attendere fingitur potentia omnino superflua, cum nil sit aliud attendere, quàm in obiectum tendere; quod sanè vna-quæque facultas præstat, dum in propriam actionem incumbit. B

Nobis igitur cum plerisque philosophis placet, vnam illam communemque vim, ad quam sese omnes referunt exteriores potentiæ, nomine sensus communis honestare; tum quòd omnibus operam suam in commune elocet, dissimilia illorum obiecta distinguendo; tum quòd velut interstitium quoddam internorum externorumque sensuum ad utroque pertineat, quatenus externorum actiones notionesque percipit, & easdem ad internos transmittit.

Hanc sensus communis mediationem philosophus centri exemplo appositè explicauit l. 3. de anima c. 2. textu 149. quòd & plura dicitur, & vnum. Plura quatenus in multas lines ductas ad circumferentiam dispefcit, vnum quatenus multæ, à peripheria ductæ in illud vniuntur; ita sensus communis vnus in se, consideratione in plures se fundit. vnus quidem dicitur, quatenus omnes externorum sensuum notiones ad eum velut ad commune tribunal per species deferuntur; multiplex verò, prout vis eius sensifica in omnes externos sensus distribuitur. Vt igitur in circulo centrum in se quidem vnum, at cum peripheria collatum quodammodo multiplex est, quòd omnes radios copulet, quos ambitus multos facit; ita sensus communis secundùm se vnus, plurium sensuum notiones in vnam cogit, & dum singuli circa propria obiecta versantur, ipse in eorum dè dignotione ita occupatur, vt de ipsorum discrepantibus proprietatibus sententiam ferat. C

PROPOSITIO XC. THEOREMA.

Organum sensus communis est cerebrum.



RISTOTELES pluribus in locis, ac non pauci alij illustres philosophi hunc sensum in corde statuerunt, quòd crederent spiritum animale nervosque à corde originem ducere.

At medici horum sententiam validissimis arietibus impetunt, demonstrantque ex humani corporis dissectione aliisque rationibus, nervos spirituum animalium latores à cerebro proximè emanare. D

Si de remoto principio agatur, illud haud dubiè cor est, vt remotissimum iecur, ptoximum autem ipsa substantia cerebri. Naturalis enim spiritus, qui sanguinis speciem gerit, ex alimento vi iocinori ingenita procreatur, & per venæ cauæ rimum in cor sublatus illic denuò elaboratur, haustoque per pulmones aère attemperatus, fit spiritus vitalis, reliqua verò spiritus naturalis seu sanguinis portio per venas in omnes corporis partes diffunditur: vitalis autem spiritus è corde per arterias partim in vniversum corpus distribuitur, partim in cerebri basim euectus, contextuque admirabili attenuatus, conuersione alia fit spiritus animalis, ad sensum motumque comparatus, qui inde per nervos profectus partes omnes sensus motusque compotes irrigat, benignoque calore fouet, ac insita vi animat. E

Cor vitalis facultatis sedes, eiusdem ope ac vi, perpetua assiduitate mouetur. Neque enim hic motus ab animali facultate proficisci potest, vt cuius motus omnis est ad arbitrium, qui & defatigatione molestat: cordis autem & arteriarum agitatio arbitrij excedit imperium, neque vllò vmquam tempore intermitteri potest. Non igitur cor animalis facultatis sensuumque est sedes.

Deinde in ossibus & cartilagine nulla inest animalis facultas, cum nec sentiant; nec per se moueantur, vitalis tamen inest. Alia est igitur animalis facultas à vitali, atque adeò alia eius sedes: sed vitalis vis cordi primò insita est: ergo animalis virtus alteri aliqui

A cui parti tribuenda est; at nulli aptius quàm cerebro, ex quo nerui spirituum animalium latores propagantur. Huic igitur velut proprio subiecto sensus omnes sunt assignandi.

Præterea lethargus totam vim animæ sentientem stupidam torpentemque reddit, vt & paralyfis: cordis tamen agitatio, ac facultas vitalis perseverat. Cor itaque sentientis facultatis sedes propria esse non potest; sed cerebrum, cuius oppletionem & lethargus, & paralyfis, & epilepsia, & apoplexia, ac omnes denique morbi; quibus sensus motusve intercipitur, pronascuntur. Sed neque à naturali vi effici potest cordis agitatio, vt quæ alendo corpori dumtaxat incumbit; quare in stirpibus hic motus minimè reperitur.

Vt igitur iecur naturalis virtutis sedes est; ita cor vitalis; animalis verò cerebrum.

B Vtque vis naturalis per venas, ita vitalis per arterias, & animalis per nervos ad vniuersas corporis partes propagatur: porro qui sensus ipsos animat, spiritus animalis est, per nervos à cerebro profectos in externa organa effusus: igitur nulla pars corporis aptior sedes communis sensus esse potest, quàm cerebrum.

PROPOSITIO XCI. THEOREMA.

Externus visus sine ope sensus communis perfectam visionem non producit.

C **H**OC ita breuiter demonstratur: Visio perfecta non est, quæ rerum aspectabilium differentias non discernit: at externus visus non percipit albi & nigri, ceterorumque colorum distantias, cum id proprium esse munus sensus communis ostensum iam sit: igitur externus visus per se solus sine ope communis sensus perfectam visionem non producit. Quare sensus communis perfectio quædam est & complementum sensuum externorum. Mox enim vt species organa subeunt, sese vtrò communi sensui præsentant, qui illarum vi excitus eodem temporis puncto res suo modo dignoscit. sic vt externorum sensuum actiones sint velut rudes quædam adumbrationes, quas sensus communis perficit absoluitque. Vnde Aristoteles non semel hanc potentiam vltimum sentiens nuncupauit; quod vltimam formam sensationibus exteriorum organorum inducat. Alij primum, scilicet officio, quod sensuum internorum munia primus incipiat, suamque deinde notionem phantasia proxime impertiat: vnde postea ad superiores sensus acceptæ passionem naturali quodam ordine necessitudineque dimanant. Alij principem hunc sensum appellant; quod externis omnibus dignitate præstet, iisque ceu princeps aut arbiter altiori subsellio euectus præsideat. Alij vtramque ob causam primariū vocant; est enim & inter internos primus, & inter externos præcipuus. Hinc illa sensus communis cum externis consensio, vt nihil ad externos perueniat, quin illicò internus præstò præsidioque sit omnibus; ita tamen vt pluribus simul æquè subseruire atque adminiculari nequeat. Vnde est vulgatum illud:

E *Pluribus intentus minor est ad singula sensus.*

Quod sanè de communi sensu est accipiendum. Externi siquidem pluribus attendere non possunt, cum sint vni obiecto ac simplici operationi adstricti. At sensus communis omnibus intendit, cuius functionem proxime phantasia excipit, ac huius deinceps actionem ordine quodam potentia cetera, quæ ita inter se connexæ sunt, vt catenæ in morem vna ex altera pendeat.

PROPOSITIO XCII. THEOREMA.

F *Externus internusque visus ab obiecti presentia.*



XTERNVM quidem visum ab obiecto præsentem dependere ita demonstratur: Visio fit per species intus susceptas, vt propof. 69. ostendimus: igitur sublatis speciebus, & visio tollitur. at species amoto obiecto illicò euanescent, vt propof. 52. est demonstratum: igitur absente obiecto externa visio pariter extinguitur.

Quod etiam internus sensus nihil absque obiecto præsentem operari queat, ex eo patet; quod is sit complementum sensus externi, cum eodem in idem obiectum dignoscendum incumbens. Cessante igitur externo sensu; internum pariter ortiari necesse est.

Deinde

Deinde sensus communis non alia specie ad agendum excitatur, quàm illa ipsa quæ ab obiecto in externum organum infertur: at semoto obiecto species illa subito interit: ergo & actio interni sensus, obiecto remoto, vnà occidit. Præterea si internus hic sensus absque externorum sensuum adminiculo functionem aliquam exercere posset, oportet eum reminiscentiæ vi per species memoriæ commendatas ad agendum excitari. species enim quas memoria retinemus, in locum earum quæ amotis obiectis extinctæ fuerant, tamquam vicarias ad id muneris natura substituit. Quod si ita esset, nullum inter hunc sensum & imaginatiuam facultatem discrimen existeret. Hæc namque reminiscentiæ potentia vi asseruatas in memoria species ad arbitrium euocat, atque earum obiectu in res absentes fertur, perinde ac si præsentem essent. Id verò si communi quoque sensui concedatur, nil ab imaginatiua potentia discrepabit; nisi fortè dicere quisquam audeat, sensum communem propriis speciebus vt, non verò iis, quas memoria subministrat. At gratis omnino id, ac nullo fundamento dicitur. Nam si species illæ ablatis externis obiectis etiamnum superstites manent, oportebit facultatem quamdam astruere, quæ illas retineat, seruetque ad vsum opportunas. hæc autem memoria erit; & quæ ipsas commodo tempore euocabit, reminiscentiæ; sensus autem communis, imaginatio quædam, vt iam ostendimus, atque ita potentiarum numerus in infinitum augebitur. Quod ne fiat, dicere necessum est, internum hunc sensum, quem communem nuncupamus, vt & externum, ab obiecti præsentia pendere: quod fuit propositum demonstrare.

PROPOSITIO XCIII. THEOREMA.

Externo visu res absens videri vt præsens potest, asseruata in eo per diuinam potentiam specie.

REMITTERE hoc loco oportet vtriusque notitiæ, intuitiuæ scilicet & abstractiuæ, definitiones, vt ex propriis differentiis, quid inter vtramque intersit, perspicuum fiat. Notitiæ intuitiuam, quæ & visionis dicitur, definiunt cognitionem rei præsentis vt præsens est: id est, qua ita potentia in rem fertur, vt per eam cernatur obiecti præsentia, idque ex vi cognitionis, non verò quia præsens esse aliunde comprobatur. Eiusmodi est visio candoris in pariete re vera existentis, & qua beati diuinam intuebuntur naturam, quam D. Paulus 1. Cor. cap. 13. appellat facie ad faciem. Debet verò cognitio intuitiuæ esse immediata, vt res non in alio percipiatur, velut Cæsar in imagine. Nam per intuitiuam notitiæ cernitur res in se, quod esse non posset si alio aliquo mediante cognosceretur. Abstractiuæ cognitio, cui nonnulli simplicis intelligentiæ nomen indiderunt, est qua res cognoscitur non vt præsens, sed vt absens: exempli gratia, qua Astrologus domi suæ considerat præsentem eclipsin, quam tamen non intuetur, & qua mortales ex creaturis Deum agnoscunt.

His prænotatis dico, asseruata per diuinam potentiam visibili specie in organo, absente obiecto, oculum intuenturum rem verè absentem, sed tamquam præsentem. Sic legimus in sacrosancto Eucharistiæ Sacramento, quandoque puerum, quandoque carnem, quandoque aliud quidpiam oculis fuisse exhibitum, producta in visu talium rerum specie, cum tamen eiusmodi res præsentem non fuerint. Sic Isaias cap. 6. narrat se vidisse Dominum sedentem super solium: quod D. Thomas 1. p. q. 12. art. 3. ad 3. intelligendum ait de visione imaginaria Deum secundum aliquem modum corporeæ similitudinis repræsentante. In has verò res ita fertur aspectus, ac si præsentem essent, vnde & intellectus, nisi aliunde edoctus iudicium cohibeat, eas præsentem iudicat.

Ex quorundam philosophorum opinione non est hæc verè intuitiuæ cognitio, sed talis tantum esse videtur, quia obiectum præsentem esse putatur, quod verè est absens: intuitiuæ autem cognitio in rem præsentem vt præsentem fertur. Quare visio, inquiunt, non erit, si vel obiectum præsentem reuerà non sit, etsi vt præsentem cognoscatur; vel si non vt præsentem cognoscatur, etsi re ipsa sit præsentem.

Aliis placet magis hanc verè esse intuitiuam cognitionem. Non enim abstractiuæ esse potest, cuius est obiectum vt absens cognoscere, quantumuis præsentem sit. Erit ergo intuitiuæ, quia obiectum cognoscitur vt præsentem, & quamuis non re ipsa, tamen per vicariam speciem præsentem est.

Hæc duæ sententiæ solidis rationibus mutuè pugnant. Prior siquidem rectè ostendit, non esse eam notitiæ verè perfectæque intuitiuam, cum nihil extet quod vt præsentem cerna-

A cernatur. Altera verò firmissimè probat non posse eam cognitionem esse abstractiuam; quòd sit rei tamquam præsentis notitia. Vnde consequi videtur, eam (vt verè est) fallacem quamdam notitiam esse visioni simillimam, quam fascinationem siue præstigias licet appellare, quòd rem quæ abest, vel quæ omnino non est, præsentem esse supremæ facultati, cui omnia nosse conuenit, falsò attestetur.

PROPOSITIO XCIV. THEOREMA.

Rem absentem vt absentem videri, essentia visionis penitus aduersatur.

B



N AM externus sensus suapte natura fertur in obiectum, vt hic & nunc, colore, figura, situ, magnitudine, ceterisque corporeis proprietatibus affectum est, atque adeò quatenus tamquam præsens repræsentatur.

Intellectus quidem latissimum campum habet, in quem sese effundat. Namque in rem omnem fertur siue absentem siue præsentem, siue vniuersalem siue singularem. Phantasia autem in rem singularem tantum, sed tam absentem, quam præsentem. At externus sensus, & qui huic opitulatur sensus communis, in infimo cognoscentium facultatum gradu constitutus, in rem tantum singularem eamque præsentem. Cùm ergo ex his constet visionem natura sua eiusmodi cognitionem esse, quæ in obiectum, vt præsens est, fertur, fieri omnino non potest, vt res tamquam absens, visu seu intuitiua notitia cognoscatur. Id enim vti definitioni, ita quoque visioni definitionæ aduersari necesse est, quod ostendisse oportuit. Et sanè qui senserunt rem absentem vt absentem videri posse, ij naturam intuitus vel non considerarunt, vel penitus ignorarunt: si enim ea cognitio per speciem fiat, quam memoria per reminiscentiam subministrat, non erit visio, sed abstractiua cognitio: si verò fiat per speciem rei prius visæ, nunc autem absentis, in oculis diuina potentia asseruatam, cognitio erit rei tamquam præsentis: ea namque omnes rei circumstantias exhibet, atque adeò ipsam etiam præsentiam. Hanc igitur si à specie seu forma visibili tollas, quam ea pariet cognitionem, non visio erit; sed abstractiua, vt philosophi loquuntur, notitia.

D

PROPOSITIO XCV. THEOREMA.

Substantia corporea aspectu per se dignosci non potest, sed ex accidenti tantum.



VID QUID cernitur; id omne sub obiecto visus contineri necesse est, at substantia corporea sub obiecto visus non continetur; siquidem lux & color obiectum visus exæquant; quemadmodum propos. 28. est dictum: igitur substantia corporea per se sub aspectum non cadit.

E

Deinde, si substantia visu perciperetur, necesse esset ab ipsa propriam aliquam imaginem resolui, & ad aspectum deportari: at nulla imago potest à sola substantia produci: omnes siquidem creatæ substantiæ per se inertes sunt, atque actionis expertes, quòd fit vt accidentium ope vnaquæque illarum agat, idque molietur, quod propriæ naturæ est consentaneum. Igitur neque videri vlla substantia per se potest, cùm propos. 69. ostensum sit visionem per species fieri intus susceptas, nullumque posse existere proprium substantiæ simulacrum, quo per se videri possit.

F

Nec obstat huic vetitati passim receptus loquendi modus, quo nos turres; montes, campos, arbores, domos, homines, & quæcumque extant corpora cernere dicimus. Quamquam enim hæc non per se aspectum moueant, neque propriam sui similitudinem in oculos inferant; tamen ex accidenti videre illa perhibemur, quòd iis; quæ per se conspiciuntur; naturali quadam necessitudine coniuncta sint, iisdem tamquam bases substratæ, sine quarum præsidio nec illa quæ per se videntur subsistere vllò modo possent. Sic & in aliorum sensuum obiectis ipsas substantias sensibilibus qualitatibus subiectas sentire nos arbitramur, cùm ipsa accidentia percipimus quibus illæ subiunguntur, vt gustare mel, olfacere pomum, ac lapidem tangere; quorum tamen nil præter dulcedinem, vel odorem, vel tactilem qualitatem ad sensum propriè pertinet.

PROPOSITIO XCVI. THEOREMA.

Essentiam rei, seu quid res sit, visus non cognoscit, nisi accepta prius notionis praesidio.



x iis quæ hucusque sæpius repetita sunt, satis, vt opinor, constat, quantum præsidij adferat ad perfectam rerum cognitionem accepta prius scientia. Hæc enim excitis per reminiscentiam speciebus denuò quodammodò suscitatur, haud secus ac si res ipsæ prius visæ eadem numero restituerentur. Quare ex similitudine specierum præsentium ac prius acceptarum facile mens colligit, rem oblatam ex genere illius esse, quam similem illi antè præcepit. Itaque proposita re quapiam, vt primùm visus colorem, magnitudinem, figuram, totamque eius externam formam apprehendit; mox interna vis animæ, quæ phantasia nuncupatur, perquirat in memoriæ conceptaculo imaginem aliquam, ei, quæ in præfenti obijcitur, similem. Hac porrò inuenta cognoscit rem propositam non tantùm ex illorum genere esse, quibus talem imaginem communem esse experienciã didicit, vt puta hominum, beluarum, plantarum: verùm etiam illam ipsam esse iudicat, quam antea aliquando vidit, & cuius simulachrum etiamnum memoria retinet. Si verò omnibus formis, quæ in memoria reconditæ asseruantur, perlustratis, nullam ei similem reperiatur, planè rei propositæ genus ignorabit, nec quid illa sit perspectum habebit: sed de nouo eam cum aliis similibus rebus conferet, vt quoad fieri possit, eam ad aliquod genus aut speciem reducat, atque in ordinem cum ceteris formis memoriæ commendatis redigat, vt eius ope, si denuò res eadem occurrat, quid illa sit, promptè cognoscat. Si res quæ occurrunt eæ sint, quas numquam antè oculus vidit, vt leones, tigrides, elephantum, ad primam harum dignotionem magnam vim obtinent species à pictis illarum imaginibus acceptæ. Hæ siquidem perinde ac illæ, quæ à rebus veris subministrantur, rerum ipsarum vicariæ esse possunt, quandoquidem & expressæ ad viuum imagines rerum vicem suppleant. Est verò plurimùm vîtatam ac perfrequens, rerum absentium similitudines seu pictas seu sculptas domi asseruare, vt illarum inspectione excitetur sopitus animus, iucundaque recordatione oblectetur.

PROPOSITIO XCVII. THEOREMA.

Essentia rerum tempore cognoscuntur.



ERVM namque essentia anticipatæ notionis præsidio cognoscuntur, vt proximè est demonstratum; at visio ex prænotione tempore absoluitur, vt proposit. 85. ostendimus: ergo rerum essentia tempore cognoscuntur. Deinde rerum essentia per genus propriasque differentias definiuntur, iisdem ergo cognosci debent: at genus per assimilationem eorum quibus plura conueniunt, differentia verò per distinctionem eorum quibus discrepant, solent peruestigari; hæc verò tempus postulant, vt constat: fit igitur necessariò, vt rerum essentia mora aliqua temporis percipiantur.

Hoc autem tempus quod essentia rerum dignoscendis impenditur, non semper æquale est. Nam quæ ex plurium rerum præcognitione pendent, his percipiendis longiore temporis interuallo est opus. Tales porrò sunt species generum comparatione, & genera media, quæ subalterna vocantur, cum superioribus collata, & hæc cum summis. Vltima verò in hoc ordine censetur entis ratio, quæ cum supremo loco sit constituta omniaque peruadat, nec ab aliis rebus pendeat, facillima cognitu est, ac proinde tempore breuissimo comprehenditur. Quod ipsa etiam experientia confirmat. Nam oblata re qualibet, nil magis in promptu nobis est, quàm quod sit ens quoddam indefinitè acceptum, iudicare, vt infra explanatiùs ostendemus.

PROPOSITIO XCVIII. THEOREMA.

Confusa cognitio naturâ antecedit distinctam.

A **D** in primis argumento est, quòd omnes progressus ab imperfecto ad perfectum fieri debeant per medium: at còfusa cognitio inter ignorationem & perfectam notitiam media existit: igitur confusa cognitio naturâ antecedit distinctam. Hinc porrò est quòd homines, qui ad perquirendam exactam alicuius rei cognitionem animum appellant; primò rudem quamdam confusamque inspectionem accipiant, deinde ex rei partitione, ad singulas proprietates progrediantur, quoad nihil supersit omnino, quod non perspectum cognitumque habeatur.

B Deinde in huius rei confirmationem, omnium tam naturalium, quam arte-factarum rerum experientiæ conspirant. Quod certè, vt de multis naturæ operibus vnum exemplum accipiam, in animalium procreatione animaduertere possumus. fœtus namque materno in vtero primùm quidem vegetat, cùm adhuc nil præter rudem atque indigestam molem in eo videre licet, virtute scilicet materna in confusam seminum massam à prima conceptione transfusa; qua etiã vi, decursu temporis, secretionē aliquã facit; ac principum partium rudimenta quædam propriis in locis constituit. Hæc verò cùm sensim perficiuntur, ceteraq; membra conformantur, licet nondum sint consummata, sentire tamen iam fœtus incipit, ac tandem etiã moueri: atque ita per gradus in perfectum statum conscendit. Idem omnino liquet in iis rebus que artis industria elaborantur. Statuarij enim, qui signa faciunt, rudem priùs lapidem deligunt, quem detractione facta sensim expoliunt, ac denique ita efformant, vt rei propositæ imaginem referat. Pictores item ea quæ animo concepere, primò rudioribus lineamentis in tabula designant: deinde crassiori penicillo, emortuisque coloribus velut prima inducta formã adumbrant: postremò tandem vltima adhibita manu, singula perficiunt, donec exactam similitudinem sint adepta. Hoc igitur pacto naturæ instinctu intellectus noster, quem Aristoteles lib. 3. de anima cap. 4. textu 14. tabulæ rasæ ingeniosè comparauit, leuiorem primò conceptum rerum obiectarum accipit, quem deinde diligentiore animaduersione distinguit atque enucleat, donec eas tandem vndique perfectas habeat. Confusa ergò cognitio naturâ antecedit distinctam, quod ostendisse oportuit.

PROPOSITIO XCIX. THEOREMA.

E visibilibus proprietatibus vnã per se solam visus apprehendere non potest.

E **Q**uæ visibiles proprietates vocantur, sunt color, magnitudo, situs, locus, distantia, ac ceteræ naturales corporum affectiones, quas propos. 29. enumerauimus. his corpora omnia velut terminis quibusdam definiuntur, vt sensibus nostris sint accommodata. Sunt verò visibilium rerum formæ compositæ atque ex pluribus coagmentatæ; quarum multitudo vniuersa rem ipsam definit, atque visui symmetram facit. quocirca visus; obiectum percipit non vna, sed omnibus visibilibus proprietatibus affectum: Quæ quidem cognitio confusa est: at cùm interna facultas singulas distinguit, pedetentim cognitio ipsa graduum accessione perficitur.

F Deinde eæ, quas modò diximus, proprietates, arduissimo quodam naturæ vinculo inter se sociatæ sunt, itaque coherent, vt seiungi ab inuicem nullavi possint. Nullus enim color existere in rebus potest, cuius nulla sit magnitudo certis limitibus definita, nulla figura, nullus partium situs atque responsus, nullus locus, nulla distantia; aut nihil ceterorum. Rursus nec magnitudo expers figuræ esse potest, nec figura sine magnitudine subsistere, nec quidquam à proprio abesse loco, aut ceteris proprietatibus vacare omnino potest. Hæc igitur omnia mutuis adinimiculis fulciuntur: ex quo id manifestè conficitur, nihil horum per se solum aspectu comprehendi posse: ergo qui colorem videt, simul eodemque intuitu & magnitudinem, & figuram, & locum, & situm, & ceteras omnes naturæ proprietates videat necesse est.

PROPOSITIO C. THEOREMA.

A

*Visus, post simplicem rei singularis aspectum, primò omnium
essentiam lucis & coloris dignoscit.*



QVONIAM lux & color sunt per se ipsa ac primò visibilia, & quorum ope videntur cetera, necesse est, vt quod primò in visum incurrit, sit essentia lucis & coloris: vt videlicet, sicut primò ac per se indiuidua illorum intentio relucet in organo, ita illorum essentia per se primò internam virtutem pulset, atque ad sui cognitionem excitet.

B

Pro cuius rei planiori intellectu, aduertendum est, externam vim organo insitam nullum essentia gradum, nec vllam rerum aspectabilium differentiam dignoscere: hæc enim, vt superius dictum est, ad internam facultatem spectant, cui proprio ex munere conuenit similia inter se conferre, ac diuersa propriis notis distinguere. Solùm igitur virtus externa oculorum lucem & colores, vt aspectabiles sunt, percipit; non autem vt lucis aut coloris rationem habent. Colorem inquam ipsum non vt rubeum, cyaneum, aut prassinum, sed vt visibilem, hoc est vt organo facultatiq; visus familiarem accommodatumque cognoscit. At internus sensus, quem communem supra nominauimus, simul atque hæc organum subierunt, illicò adest, cui mox opitulatur phantasia, & quod reliquum est pro viribus enucleat atque discernit. Hoc cognitionis genus, vt

C

PROPOSITIO CI. THEOREMA.

*Generica obiectorum ratio prius ac minori tempore
percipitur quam specifica.*

D



Vt clarior illustriorque fiat huius propositionis explicatio, notandum est, nos hoc loco non agere de ea mentis operatione, qua intellectus in abstracto, vt scholastici loquuntur, & absque præsentis aspectus adminiculo, vniuersales generum ac specierum rationes componit & diuidit, quemadmodum metaphysica contemplatio illas tractare consuevit: sed de ea tantùm quæ visui subseruit, hoc est, quæ vnà cum facultate cernendi rerum conspectarum particulares intentiones distinguit. Hac inquam interna functione mens eodem

E

progredditur ordine, quo singula visus ipse antè apprehendit. Vti enim mens nostra, quam diu corporis mole grauatur, functionum suarum primordia à sensu accipit, ita sensum præeuntem sequi debet: illud ergo prius mens cognoscet, quod sensus prius renuntiarit; atque vniuersè eo ordine singula, quo à sensu oblata fuerint. Quod autem visus prius apprehendat singulares conceptus rationum magis vniuersalium quam minus vniuersalium, multis experimentis probari potest. Nam in primis conspecto eminens Diaris filio, principiò quidem ens aliquod esse supponitur, quod ea sit communis omnium ratio: deinde corpus esse colligitur ex eo quod sub aspectum cadat: tum animal, quod moueri cernatur: propius verò homo esse dignoscitur, quod ei figura

F

excelsa sit rectaque, atque os sublime: tandem è proximo Diaris occurrit filius, quod spectata forma, illi quæ ex præcognitione accepta fuit, similis per omnia existat. Deinde si tabula visui obijciatur, plurima rerum varietate depicta, primo quidem aspectu totam tabulam oculus confuse percipit, deinde quantum tempus concedit, singulas eius partes perlustrat, maiores prius inspectando, quæ ceu genera quædam plures sub se partes continent; tum minores, quæ sunt velut species generibus subiectæ, ex quarum cognitione vniuersæ tabulæ accurata cognitio dependet. Sic in essentialiù graduum perceptione visus prius vniuersales notiones accipit, quæ minus vniuersaliù comparatione quamdam vniuersitatis ratione habent, atque ideò promptius citiusq; cognoscuntur.

Præterea

A Præterea huic veritati argumento est puerorum vsus. Notiora siquidem ea esse existimanda sunt, quæ illi naturæ ductu impulsuque prius apprehendunt, quod illis liberior sit operatio, ac minus imperio voluntatis astricta: sed pueri; teste Aristotele lib. 1. physic. cap. 1. textu 5. principio vaga quadam notione viros omnes patres; & mulieres matres appellant, postea verò accedente rationis vsu hos sensim dignoscunt, ac parentes suos distinguunt: promior est igitur sensus in vniuersalium notionum perceptionem, quàm in minus communium:

Tandem ratio quoque huic sententiæ astipulatur. Genera enim pauciores intentiones continent, quàm species: ergo minori negotio internus sensus genericam notionem

B elicit, quàm specificam. facilius enim vnaquæque res absoluitur, quò pauciora ad sui integritatem requirit.

Hæc angelici Doctoris sententia est in Proœmio physicæ auscultationis, & in prima part. q. 85. artic. 3: cui aduersatur Scotus in 1. d. 3. q. 2. cum sequacibus, ac non pauci etiam alij. Quorum argumenta huc conferre lubet.

Primum ab auctoritate Philosophi desumitur: namque 1. lib. Metaphys. cap. 2. & 1. poster. cap. 2. textu 5. docet notiora esse nobis, quæ sensui sunt viciniora: natura verò notiora illa, quæ longiùs absunt à sensu: & vt vnumquodque maximè est vniuersale, ita esse à sensibus remotissimum.

C Respondendum illis locis agere Aristotelem de metaphysica vniuersalium abstractione, ad quam præcognita esse oportet inferiora, vt idem ipse lib. 2. poster. cap. 18: textu 27. apertius testatur, cum ait, intellectum abstrahendo progredi ab inferioribus, donec ad ea perueniat, quæ ampliùs in partes diuidi non possunt, quæ sunt summa genera. De illa autem metaphysica abstractione hoc loco non agimus, vt initio præmonuimus, sed de simplici tantum mentis operatione, quæ vnà cum externo visu intuitiuam cognitionem perficit & complet.

Secundum argumentum est. Id prius cognoscitur; quod magis externis sensibus obuium est: at eiusmodi est in primis singulare, deinde quæ huic proxima est species infima, tum genera omnia naturali ferie, quo semper minus communia sunt: igitur eodem ordine sub cognitione cadunt. Propositio quidem perspicua videtur: siquidè interiores sensus, atque ipse etiam intellectus noster ab exterioribus sensibus notitiam accipiunt: assumptio verò in primis quoad singulare à nemine iure negari potest, cum illud coloribus, ceterisque aspectabilibus proprietatibus affectum sit, quibus non ex accidenti, sed per se conspicuum est; de specie etiam ac minus vniuersalibus idem probatur, quia hæc singularibus sunt viciniora, nam paucioribus differentiis liberantur, vt homo à Socrate sola abest indiuidui proprietate, at animal ab eodem Socrate duabus differentiis distat, nempe indiuidua & specifica, atque ita deinceps, quò magis vniuersalia, eò ab indiuiduis remotiora sunt. Vnde Metaphysica, tametsi inter omnes disciplinas naturali lumine inuentas dignitate prima sit, ordine tamen acquisitionis postrema est, ac non nisi post ceteras scientias reperta.

E Respondebitur huic argumento, vt superiori. Si de ea intellectus operatione agatur, qua vniuersalia à singularibus distrahuntur, oportere præcognita esse inferiora, quandoquidem ex illorum comparatione, id quod omnibus commune est, abstrahatur, reiectis iis, quibus ab inuicem distinguuntur. Nos verò, vt iam aliquoties monuimus, agimus de simplici mentis intuitu, quo vnà cum externo visu animus in singularia intendit, eaq; præsentia; quo actu mentis dico primùm omnium hoc singulare vt aspectabile, deinde hoc aliquid, tum hoc corpus, postea hoc animal, tandem hunc hominem, ac demum Socratem dignosci: idque propterea quòd magis vniuersalium graduum intentiones notiores nobis sint, quàm minus vniuersalium, vt color notior quàm rubedo, & motus quàm statura erecta, & totius corporis figura, quàm cælij oculi, aut promissa barba, aut nasus simus. Vnde fit vt ex maiore distantia genus rei subinde cognoscatur; cum adhuc species lateret: quòd nempe tum visibiles proprietates generis conspicuæ sint, cum tamen specificæ nondum perspicuè appareant.

Tertium est. Causæ naturales, hoc est quæ naturæ necessitate agunt, non impeditæ, omnem vim suam agendo exerunt, atque ad eò præstantissimum semper producant effectum: sed visus est agens naturale, cum non ex arbitrio pendeat: igitur nobilissimum effectum, nempe speciei infimæ notionem, semper elicit.

Responderi huic argumento potest, præstantiam visionis non spectari ex materia obiecti. Non enim præstantior visio illa est, quæ cæcutiens equum, quàm quæ homo

perspicax asinum contuetur; cùm constet cæcutientis visionem obscuram ac debilem esse, alterius autem claram ac robustam. Fatendum itaque facultatem visus naturalis esse, atque impressa vi in propositum obiectum ferri, sublatiſque impedimentis secundùm omnes vires agere, ac proinde visionem producere, quantum potest celerem, claram, atque distinctam: vnde conuinci nequaquam potest, speciem infimam priùs quàm genus in cognitionem venire.

Quidam, graues alioquin philosophi, nituntur dissidentes D. Thomæ & Scoti sententias conciliare, asserentes tum vniuersaliora priùs percipi (vt aiebat D. Thomas) cùm visus à libera actione præpeditur: positis verò impedimentis, priùs speciem infimam, tum ordine reliqua vniuersaliora cognosci, vt Scotus assererat. Impedimentorum autem nomine intelligunt immoderatam videntis distantiam à re visa, medijs impuritatè, imbecillitatem potentia, & si quæ præterea sunt, quæ obesse possunt, quo minùs facultas cernendi, liberè actionè suam expromat. Nec minùs Scoti sententia, quàm D. Thomæ, experientia confirmari posse videtur. Siquidem proposito quopiam indiuiduo in iusta distantia, medio sincero ac puro, visu integro sanoque, organo insuper minimè labefactato, quod primùm in cognitionem incurrit, est Socrates; non autem hoc ens, aut hoc corpus, siue animal: ergo impedimentis sublatis, promptiùs ea quæ minùs quàm quæ magis communia sunt percipiuntur.

Verùm qui hanc explicationem penitiùs introspiciet, duo profectò liquidò comperiet. Vnum est, quòd nullum certius indicium optari possit, quo vniuersaliora priùs cognosci demonstreretur, quàm hoc ipsum, quòd ea etiam tum conspicua sint, cùm per impedimenta species infimæ oblitescunt. Hinc enim necessariò sequitur, communiorum graduum visibiles proprietates suoapte ingenio illustriores esse, magis que per se aspectabiles, ac proinde citiùs promptiusque cognosci, quàm minùs vniuersalium. Alterum est, genuinam causam, cur non rarò contingat speciem infimam, ac ipsum etiam proprium singulare, vt puta Socratem, primò in cognitionem venire, non esse visionis libertatem, quam impedimenta tollere assolent; sed anticipatam notionem. Qui enim Socratem aliquando præcepit, is absque notabili mora illicò eum agnoscit: cùm verò nulla rei propositæ notitia antecessit, sæpenuerò contingit de genere rei propositæ dubitari, cùm tamen species rei penitus ignota sit. Nam cui libet promptum est quamcumque rem ad aliquòd genus reuocare, si non ad infimum, saltem ad summum: de vltimis autem speciebus frequenter ipsi etiam sapientes disputant. Lapidem namque & herbæ (idemque de ceteris dictum sit) in qua altiori classe collocandæ sint, scimus; ad quam verò speciem attineant, sæpè ignoramus. Igitur generica obiectorum ratio priùs ac minori tempore percipitur quàm specifica.

PROPOSITIO CII. THEOREMA.

E proprietatibus quæ sub aspectum cadunt, aliæ aliis citiùs percipiuntur.



ACTENVS diuersos inter se essentia gradus contulimus. Nunc verò si eodem etiam ordine rem penitiùs inuestigare velimus, comperiemus profectò sub vno genere vnam speciem alia magis expedite in cognitionem venire; quòd vnus visibiles proprietates, quibus ceu propriis differentiis ab aliis speciebus discriminatur, magis sint obuia ac manifestæ: aliarum verò sint obscuriores. Atenim citiùs ea res cognoscuntur, quarum differentia promptiùs in oculos incurrunr: vt erecta hominis figura spectabilior est, quàm prona beluarum. Quare quod eminùs nobis occurrit, ocyùs homo esse intelligetur, quàm belua. Et quæ maiora sunt aut propè sita, leuiori negotio distinguntur, quàm quæ minora aut diffita, si cetera sint paria. Igitur è duabus rebus æquè diffitis, maior citiùs minore, & ex inæquali interuallo propinquior remotiore promptiùs dignoscetur. Rursus quarumdam rerum, quàm aliarum ampliores sunt differentia, vt inter hominem & equum latius discrimen intercedit, quàm inter equum & mulum: igitur obiecto dubio faciliùs homo ab equo, quàm equus à mulo distinguetur. Neque enim tam accurata disquisitione opus est vt homo ab equo, quàm vt equus à mulo non multùm absimili internoscatur. Igitur, quod initio propositum fuit, è proprietatibus quæ sub aspectum cadunt, aliæ aliis citiùs percipiuntur.

A

PROPOSITIO CIII. THEOREMA.

Ex indiuiduis diuersarum specierum sapius inspectis enascitur in animo vniuersalis notio, qua cuiusque speciei indiuidua dignoscuntur, & ab alterius speciei indiuiduis discriminantur.

SUPERIUS quidem proposit. 95. demonstratum est, substantiam corpoream per se aspectu non comprehendi; sed tantum aspectabilium qualitatum interuentu, vt puta coloris, quantitatis, figuræ, situs, loci, ac ceterarum quas proposit. 29. enumerauimus. Hæ verò (proposita nimirum re aliqua) dum simul omnes aspectui sese offerunt, confusam quamdam notionem in animo gignunt, non eam quidem simplicem, sed ex omnibus simul aggregatis conflata, qua nondum, quæcumque hac specie continentur, expedite cognosci possunt, quòd non omnes hæ proprietates singulis perpetuò insint. Cùm etiam ex illis non pauca aliis quoque speciebus congruant, necdum ex illa notione potest internus sensus hoc singulare obiectum ab aliarum specierum indiuiduis distinguere, nisi pluribus indiuiduis diuersarum specierum sapius conspectis attentè animaduernerit, quæ cuique sint propriæ. Tunc enim illarum dumtaxat notionem animus colligit, quæ simul omnes plerisque indiuiduis propriè competunt; quæ propterea sub vna specie complectitur. Hæc porrò notio seu forma animo concepta non tantum illius speciei indiuiduis pernoscendis, sed etiam iisdem ab aliarum specierum indiuiduis discernendis utilis est. Memoriam namque altius impacta diutissimè retinetur: & cùm lubet virtute reminiscendi euocatur, præsertim cùm res quæpiam externis sensibus sese exhibet; tum verò, si forma excita cum re obiecta conueniat, non modò cuius speciei res sit ex nota forma perspectum habetur, verum etiam à quibus aliis secerni debeat eadem forma edocet.

D

PROPOSITIO CIIII. THEOREMA.

Ex indiuiduis vnus speciei idemtidem recognitis, gignuntur in animo particulares notiones, quibus singula ab inuicem distinguuntur.

E

QUAMVIS omnibus vnus speciei indiuiduis insint color, quantitas, figura, ceteraque vnus essentia accidentia, vt in omnibus cignis eadem albedo, eadem magnitudo, eademque figura; tamen non ita sibi ista in omnibus singularibus similia sunt, vt nihil omnino discrepent. Est enim albedo in vno illustrior, in alio obscurior: magnitudo quoque ac moles in vno quàm in alio amplior: forma item in hoc quàm in illo augustior; atque ita in ceteris. Quare ex frequenti intuitus iteratione, sedulaque animaduersione colligit animus singulorum discrimina, sic vt non modò albedinem, & figuram; formamque; sed etiam singulorum dimensiones, proportiones, dignitates, ceterosque particulares modos, quoad potest, apprehendat, quarum notionum præsidio animus postea exactius singula, quæ sub vna eademque specie continentur, discernit atque distinguit, ratione sanè haud absimili ab illa, quam in generibus ac speciebus obseruari proximè antè docuimus. Hæc porrò similesque operationes nõ ab ea virtute proficiscuntur, quam Græci *καταλόγισαν*, nos imaginatiuam dicimus; sed ab intelligentia. Illa enim nequaquam componit connectitque, vt verum aut falsum argumentatione concludat, quod solius est mentis, verum quæcumque comprehenderit; aut seorsum discernit, aut temerè congesta nulla copulatione, nulla complexione in aceruum confert. Quo fit, vt actio illa, qua vel gallina pullos primùm cognoscit, deinde discernit, vel ouis lupum inimicum adnerit, secretio potius censerit debeat, quàm iudicium aut existimatio. Ex frequenti igitur particularium rerum intuitu mens; quæ comparando, quæ discernendo, proprias quasdam notiones intelligentiæ virtute sibi effingit, quibus velut proprijs notis res singulæ ab inuicem discriminantur, quod erat propositum.

PROPOSITIO CV. THEOREMA.

Iterati intuitus formas rerum altius animo insigunt.



QV M sensus exteriores rerum quæ foris sunt occurſu pulſantur, interiorē pariter impellunt & excitant illarum ſimulacra, quæ interioris ſensus obiecta ſunt, in quæ is incumbit, quemadmodum externi in res externas ſibi obiectas. Ab his verò ſpeciebus cū primū ad externa organa perueniunt, mox aliæ quædam formæ ſeu notionēs exſolutę per neruos opticos, vehente ſpiritu in cerebrum commēant, commune ſcilicet idemque principium, in quo primaria ſentiendi viſa ſita eſt, cui ſinguli ſensus omnia nuntiant, quæ ante ſe poſita prima cognoscendi facultate apprehenderunt. At non quemadmodum externa obiecta externorum ſenſuum ſpecies, ita hæ ipſas interni ſensus notionēs, vt effectrices cauſę, gignunt: ſed quæ ad internum primariumque ſenſum penetrant rerum imagines, ipſius animæ vi effinguntur, quæ proinde longè tenuioris eſſentiæ ſunt, quàm illæ quæ ab obiectis proximè obueniunt. & vt luminis radius à ſpeculo repercuſſus directo imbecillior eſt, ipſumque corpus lucidum in ſpeculo imperfectiùs exhibet; ita quoque internæ hæ formæ, res, quarum ſunt ſimilitudines, obſcuriùs multò repræſentant quàm externæ, ac omnium obſcuriſſimè ſpecies illæ, quas intellectus ab imaginatiua potentia ſibi efformat, vtpote ſpirituales magis. Sic videmus nil ita perſpicuè cognosci, vt id, quod oculis obuertiatur, deinde ea quæ in ſomnis ſola facultas imaginandi ſibi proponit; denique imperfectiſſimè ea quæ ſolo intellectu percipimus. Nam ſpecies quò ſunt à primis illis, quas res aſpectabiles ſuggerunt, remotiores, eò ſegniorem vim repræſentandi obtinent.

His functionibus eouſque perductis, in opus erumpens conſeruatrix facultas, notionēs ſeu rerum imagines, quas internus ſensus ab illis, quæ in internis ſunt organis, accepit, promptè amplectitur, & tum propria vi ac poteſtate, tum illarum adnixu impulſuque miro quodam modo in cerebri corpore inſculpit, citra vllum materiæ veſtigium; vbi velut in proprio conceptaculo diutiùs permanent, abeunte etiam ac ceſſante omni rerum cogitatione. Hæc quidem formarum conſeruatio memoria dicitur, quam frequens ſtabilit meditatio, atque identidem repetiti intuitus, Nam quemadmodum iteratis mallei ictibus clauī adiguntur, & nummi crebris percuſſionibus ſignantur, propterea quòd ſinguli ictus propriam vim habent, eamque cum primo ictu communem; ita vnus intuitus impulſu leue quoddam formæ rudimentum ponitur, quod ſecundo ac tertio ceteriſque deinceps altius quodammodo impactum, firmatur, conſtantiùsque efficitur.

Et verò ſi vnus intelligendi actus id poteſt, vt ſuſceptam ab intellectu agente imaginem cerebro inſigat, in quo velut actus radicibus aliquamdiu perſeueret, ceſſante omni mentis operatione; profectò fateri oportet, iteratum actum altius eam formam in animo inſigere, vt diutiùs conſeruetur; eamdemque perfectioribus quodammodo lineamentis efformare, vt rem, cuius eſt ſimilitudo, enucleatiùs repræſentet; ac demum eam ſibi magis reddere familiarem, vt tanto ocyùs prodeat, cū reminiscentiæ vi ad vſum euocatur. Singuli enim actus proprium effectum in commune conferunt, atque ex omnium conſurſu memoria obfirmatur, non ſecùs ac repetitis actibus, continuaque exercitatione habitus gignuntur.

Hoc ſanè quotidiana probat experientia. Nam qui memoria aliquid addiſcunt, ſæpiùs id quod imprimere ſtudent relegunt, maiori que animi contentione ac niſu apprehendere conantur. Sic porrò videmus rerum lectarum ſpecies efficaciùs memoriæ commendari. Ad id etiam plurimum conducit circumſtantiarum loci, & temporis ac ceterarum conſideratio. Hinc verò originem habet memoria illa, quæ localis dicitur, quæ nempe ſpecies non ſolitariè atque confuſe, ſed enucleatè, omniumque circumſtantiarum apparatu inſtructæ percipiuntur. Hinc etiam humana induſtria artem iuuandæ memoriæ excogitauit, qua per ſigna certis locis conſtituta, velut per claſſes rerum perceptarum formæ distribuuntur, vt eo promptiùs certiusque, cū lubet, ſuo ſingulæ ordine euocari poſſint. Palàm igitur, imagines interno ſenſu conceptas, iteratis identidem aſpectibus magis ac magis obfirmari, altiusque animo inſigi, quod oſtendiſſe oportuit.

A

PROPOSITIO CVI. THEOREMA.

Tunc mentis oculus acutum incipit cernere, cum primum corporis oculus deflorescit.

B



LACVIT hunc primum Opticorum librum diuina ista Platonis sententia concludere; quæ tamen verissima sit, atque omnium experimento comprobata, eius tamen causam à paucis video esse explicatam. Quam vt nos demonstramus, id primo loco astruendum videtur, magnam inter oculum mentemque nostram similitudinem dissimilitudinemque existere.

- Conuenire quidem inter se se, præcipuorum philosophorum auctoritas probat. Siquidem *vt est in corpore visus*, inquit philosophus libro primo Ethicorum cap. 6. *sic est in anima mens*. Et D. Augustinus libro primo Soliloquiorum cap. 6. *Oculus anime, mens est ab omni labe corporis pura*. Mox idem: *Cum ergo sanos habuerit oculos, quid restat? vt aspiciat. Aspectus anime, ratio est*. Ac tandem: *Ipsa autem visio intellectus est ille, qui in anima est, qui conficitur ex intelligente, & eo quod intelligitur: vt in oculis videre quod dicitur, ex ipso sensu constat atque sensibili; quorum detracto quolibet, videri nil potest*. His consonat Philo Iudæus lib. de mundi opificio: *Vt, inquit, in corpore quod maximè est princeps, visus est, & in hac rerum vniuersitate lucis natura; eodem modo quod in nobis primatum obtinet, est mens: hæc enim animi est visus, suis circumfulgens splendoribus, quibus multa ac densa caligo, quam rerum ignoratio superfudit, discutitur*. Marfiliius item Ficinus in argumento lib. 7. Platonis de Rep. *Quemadmodum se habet visus ad visibile summum, id est, solem; sic intellectus ad summum intelligibile lumen, scilicet Deum*. Diffusiùs verò ipse Plato oculi ac mentis similitudinem explanat libro de Rep. 6. *Oculi quoties non ad ea vertuntur, quorum colores diurnus fulgor illuminat ostendit, sed ad illa quæ nocturnis radiis attinguntur, cæcutiunt atque hallucinantur, & propè cæci esse videntur, perinde ac si purus in illis visus non insit: quoties verò ad ea, quæ sol illustrat, perspicuè cernunt, iisdemque ipsi in oculis visus esse apparet. Sic & de animo cogita.*
- D *Quando enim illi inhaeret, in quo veritas & ipsum ens emicat, intelligit illud cognoscitque, & intellectum habere videtur: sed cum ad id fertur, quod tenebris est permixtum, quod videlicet generatur atque corrumpitur, eius obtunditur acies, opinioneseque versat varias, ac mentis expers esse videtur. Illud igitur, quod veritatem illis, quæ intelliguntur, præbet, & intelligenti vim ad intelligendum porrigit. Hæc Plato. Simile quiddam legimus in lib. 12. de diuina sapientia secundum Ægyptios, qui Aristoteli adscribitur cap. 5. *Eadem est ratio animi ad ipsa intelligibilia, quæ oculi ad ea quæ aspectabilia sunt: vtque aspectus est oculi perfectio, sic intelligendi actus ipsius animi. Ac quemadmodum oculus sine discrimine se habet ad omnia aspectabilia: sic animus ad omnia intelligibilia. Amplius etiam, vt oculus re ipsa non videret, nisi ad videndum esset præparatus: sic neque animus re ipsa intelligeret,**
- E *nisi in eo antegressa esset ad intelligendum quedam aptitudo.*

Hoc igitur intellectus in anima est, quod in corpore est oculus. quo etiam pacto intelligendum illud Martialis distichon:

Hunc tu conuiuiam cautus vitare memento;

Tum furit, atque oculo luscus utroque videt.

- Luscus enim cum altero oculo corporis orbatum sit; necesse est per alterum oculum, mentis oculum debere intelligi. Vterque enim intuetur, hic intelligibilia, ille sensibilia; hic specie intelligibili, ille sensibili, quarum vinculo vterque suo obiecto quodammodo coniungitur. Præterea vt in id solum fertur oculus, quod lucè aspectabili perfunditur; ita mens in id tantum, quod veritatis est particeps. Et Plotino teste, loco superius citato, *quemadmodum visibile lumen in natura perspicua dumtaxat reperitur, ita inuisibile in natura perspicaci, id est, intellectuali; quæ tum cernit quam optimè, cum ei lumen veritatis affulget. Rursus vterque per angustum organum maximarum rerum notiones suscipit, itaque diffundit sese, vt nullis distantiarum finibus coercetur. Ad hæc momento temporis vterque sua operatione perfungitur. Intellectus item iuxta ac oculus se, quocumque libuerit, conuertit.*

Ob hanc tam exactam comparisonem, non pauci è sanctis Patribus arbitrati sunt, animas à corporibus secretas, proprio etiam loquendi modo videre; non vtrique corporeo oculo, à quo iam auulsæ sunt, igitur spirituali, hoc est mente seu intellectu, qui dum

omnia tamquam si coram existerent, suapte vi cognoscit, videre ea quodammodo existimatur. A

Quamuis ex his abundè constet mentis contemplationem cum externo obtutu, lumenque visibile cum lumine veritatis magnam habere consensionem, est tamen latum etiam inter vtrumque discrimen. nam, ut est apud philosophum libro 11. de diuina sapientia secundum Ægyptios cap. 2. *Aspectus quidem extremitatem rerum percipit, intellectus autem quæ interiora sunt & abdita. Quare firmiori vinculo vnitur cum iis quæ in intelligentiam cadunt, quàm sensus cum illis à quibus mouetur.* Deinde aliud discrimen subiungit: *Omnis, inquit, sensus functio, si diuturna sit, sensum fatigat. Intelligenti vero munus, quò diuturnius est, èo magis intellectum confirmat, purioremq; reddit.* B Tum obiecta quoque ipsa sensuum, quo sunt exquisitiora, èo magis sensus perstringunt ac sauciant; quæ verò intellectu percipiuntur, quò sunt in ratione cognitionis excellentiora, èo suauius intellectum afficiunt.

Denique, quòd præcipuè ad rem nostram facit, externus visus iisdem rebus crebrò inspectis nil proficit: sed simul atque aciem ab obiectis amouerit, eius omnis perit phantasia. Mens autem eorum, quæ semel cognouit, simulacra quædam in memoriæ sinum recondit, & repetitis actibus altius infigit. His porrò per reminiscendi facultatem in conspectu adductis, absentia velut præsentia cum libet intuetur; quò verò plures habet variarum rerum imagines in memoria asseruatas, èo res ceteras, quas etiam nullo antè tempore percepit, clariùs videt, ac promptius de eis iudicat. Sic Solon, ut Tullius refert in Catone, dicere solebat, se senescere quotidie multa discentem. Quòd verò ita progrediendo facultatem suam semper adauget, neque in hac finem vllum attingit; id virtutis est, quæ neque interrumpi potest, neque deficere. Cùm ergo constet corporei aspectus aciem breui hebetari propter aduersam obiectorum actionem, quæ organum pessumdat; mentis autem vim exercitatione exacui, palam fit, tum primùm incipere mentis oculum acutè cernere, cùm corporis oculus deflorescit. C

Quotidiano verò vsu experimur vires corporis ab anno quadagesimo minui: animi verò facultatem inde augeri. Viget enim in primo ætatis flore ingenium, & comprehendendi quædam facilitas; ab anno verò ætatis quadagesimo ad sexagesimū vsque iudicium, prudentia, atque consilium. Quæ nisi excelleret in senibus, numquam maiores nostri, ut Cicero ait in Catone, supremum consilium, à senio Senatū appellauissent. D Post annum denique sexagesimum intelligendi acumen retunditur, animiq; vigor marcescit, non quòd anima ipsa intus patiatur aliquid, cùm sit immortalis; sed quòd simulacra rerum, quæ memoriæ insculpta erant, affluente humore, obliterentur. vnde bis pueri dicuntur senes, quòd in puerorum ignorantiam relabantur. Hinc etiam pendet quæstio illa sanè grauissima, quam in Politicis tractat philosophus, sitne Reipublicæ vtile perpetuos esse magistratus, num potius verendum sit, ne aliquando illa incidat in delirantes senes: cui quid respondendum sit, iudicent illi, qui de Politicis agunt. Nobis huc vsque de visus organo, obiecto, naturaque differuisse sit satis.



FRANCISCI AGVILONII
 E SOCIETATE IESV
 OPTICORVM
 LIBER SECVNDVS
 DE
 RADIO OPTICO
 ET HOROPTERE.



ARGVMENTVM.

EXPOSITIS hætenus iis quæ naturæ visus insunt, ad ea progressum facimus, quæ ex ipsa natura, ceu ex fonte rivuli, emanant; philosophi affectiones vocant. In quibus quæ toti naturæ, ac soli, semper quæ conveniunt, maximè dicuntur propriæ; quæ verò soli, at non omni, aut non semper, propriæ illæ quidem, sed non maximè; quæ demum aliis quoque interdum obveniunt, communes vocitantur. Quæ primo genere continentur, eæ ex ipsis naturæ principiis proximè scaturiunt, ideoque nullam aliam causam habent, quàm naturam ipsam ita à prima origine constitutam. Ex his deinde propriæ affectiones deriuantur, quarum proinde superiores, quæ maximè propriæ

prie dicuntur, sunt causa. At communes ab extrinsecis causis pendent; quæ cum A non secus abesse atque adesse possint, fit ut ipsa quoque affectiones adsint absintque nullo rei subiecta interitu. Ad communes affectiones spectant communium obiectorum cognitiones, & quæ circa aspectum contingunt fallaciæ, de quibus, duobus sequentibus libris acturi sumus. Inter proprias verò aspectus proprietates, quas ferè superiore libro retulimus, naturæ proxima ea esse videtur, quod rerum species formasque rectis lineis euibratas admittat, ut propof. 50. & 74. superioris libri ostendimus; cumque hinc permulta, quæ in ratione visus posita sunt, seu consecutaria B eliciantur, roborentur, ac stabiliantur, pretium operæ erit diffusius hoc caput explicare. Quare presenti hoc libro de specierum appulsu, id est, de lineis, quibus rerum imagines ad organum visus protenduntur, agemus. Radios vulgò nominant, quod eundem habeant cum luminis splendore propagationis modum, quocum etiam à rebus profiliunt, & ad aspectum porriguntur. Est porrò amplissimus radiorum visus, non in terrenis solum rebus, verum etiam in celestibus: nam quæcumque sunt inaccessa, aut quæ vulgarem dimensionem superant, ut montes, turre, flumina, urbium mœnia, atque ipsa etiam sidera, hæc nulla re certius quàm oculari radio examinantur. C Cum castra disponit metator, cumque arbores in quincuncem decempedator æqualibus intervallis constituit, & architectus cum ædificiorum parietes columnasque in rectam seriem ducit, operis probitatem radio explorat. hic quippe, si quid extra regionem protenditur, expeditissimè renuntiat. Rursus agrorum spatia, urbium intercapedines, astrorum magnitudines atque abscessus, terram denique ac cælum ipsum numquid oculo aspectuque metimur? Hinc sanè instrumenta quamplurima à geometris, astronomisque, atque cosmographis ad hos visus excogitata fuerunt, quibus per diaviliscos opticus radius cogitur, ne vagus instabilisque à proposita meta aberret: è quibus proinde nonnulla Radij etiam nomen acceperunt, ut est celebris ille, atque in astronomicis rebus præstans, qui ab inuentore Ptolomæi radius est nuncupatus, & ille de quo Virgilius Eclog. 3.

Descripsit radio totum qui gentibus orbem.

Huius quoque generis sunt astrolabia, quadrantes, annuli, armilla, torqueta, regula, scala altimetra, baculi Iacob, graphometra, trigometra, holometra, pantometra, atque sexcenta alia, quæ quotidie in lucem prodeunt, specie quidem noua, & quæ portentum E aliquod scientiæ promittunt, re autem vera nil præter opticum radium continent. Non est autem nobis hoc loco propositum hæc organa describere, atque eorum rationem explicare, multo verò minùs eorum usum; sed naturam dumtaxat præcipuasque optici radij proprietates, cuius ope organa illa postulas dimensiones exhibent. Radio optico affinis est Horopter, cuius proinde naturam ac vim prorsus admirandam hoc etiam libro aperiemus, ceteris eius utilitatibus in librum quartum reiectis, ubi fallacias, quæ circa locum obueniunt, ab Horopteris natura pendere ostendemus. Verum F priusquam rem ipsam aggrediamur, ea definire oportet, quæ in nostrum usum veniunt.

DEFINITIONES.

I.

Radius opticus recta est linea, per quam forma rei aspectabilis ad obtutum porrigitur.



PERSPICVA est hæc definitio: quapropter eam breuitatis causa transcurramus, post enucleandam magis ex natura visibilium formarum, cum prima huius libri propositione radiorum opticorum essentiam altius inuestigabimus: id verò obiter monendum hoc loco est, per radiosam lineam non esse intelligendum aliquid imaginabile, sectile quidem, at latitudinis expertis; aut mathematicam longitudinem ab omni materia intellectu diuisam; sed formam ipsam rei aspectabilis, rectà in centrum visus exporrectam. Vt enim solis aut lucernæ radius est recta luminis eivibratio, ita & opticus radius est ipsa rei visibilis imago seu forma, quæ luminis ope à re obiecta ad aspectum nostrum recto itinere deportatur.

II.

Radius qui per ipsius visus ac totius oculi centra transit, proprio nomine Axis opticus nuncupatur.

Ex proposit. 48. superioris libri constat, innumeros esse radios, per quos rerum formis ad superficiem visus patet aditus; qui tamen omnes in centrum visus incidunt, tamen vno dempto ceteri à totius oculi centro deflectunt: eum ergo, qui per vtrumque centrum incedit, propria appellatione *Axem opticum* nuncuparunt, à rotis desumpta similitudine. uti enim in his axem reliqui circumstant radij, atque in eum simul omnes conueniunt: ita lineam quæ centra omnium tunicarum pertransit, ceteræ omnes, quæ à rebus educuntur, ambiunt, atque vnà in centrum visus illabuntur. Rursus quemadmodum in rotarum axe maximum robur esse oportet, quod in eum totius machinæ vis ac pondus incumbat; sic per eam quam diximus lineam, quæque directò in superficiem visus impingit, robustissima est specierum actio, ac proinde perfectissima visio, ut libro primo proposit. 75. demonstrauimus. Axis igitur omnium radiorum acerrimus & viuacissimus est, nec vsquam res clariùs perfectiùsque videri potest, quam vbi axe attingitur. Hic enim velut vnica congressione à ceteris radiis stipatus fouetur; ut meritò radiorum princeps ac rex dici mereatur. Et ut in totius mundi machina axis nuncupatur ea linea quæ per centrum transit, ita in oculo quæ per centrum ducta concipitur, axis opticus appellatur: est enim oculus quædam maioris mundi similitudo, in qua crystalloides tetram, tunicæ verò cælos repræsentant, interuallo ab illa discretos. Vocatur etiam oculi acies, quod veluti quodam acumine aut styli mucrone; res acutissimè certissimeq; attingat, ac proinde distinctissimè internoscât; quemadmodum & ingenij acies perspicacitas nuncupatur, seu vis illa quæ in abditas rerum causas facillimè penetrat. Ergo vis oculorum quæ per axem exeritur, acies dicitur; non verò pupilla ipsa, ut quidam voluerunt: illa inquam vis quæ radiis solis, cum in ipsum directè intuemur, ceu fortiori retunditur.


III.

Connectens centra visuum ea dicitur recta linea, quæ ab vnius centro ad centrum alterius ducta concipitur.

TAMETSI clarior videatur huius definitionis sensus, quam ut explicatione indigeat, lubet tamen eam adiecto schemate illustrare, in quo centra visuum notantur A & B: quæ verò centra visuum connectit recta linea AB, cum axis opticus in C concursantibus triangulum perficit, quibus etiam velut bāsis subster-

nitur.

nitut. DE autem, & DF nervos opticos repræsentant, quorum extrema quidem E & F oculos attingunt ea parte, qua ossis cavitas intus pertunditur; at reliqua parte in D conueniunt ea ratione quæ lib. I. proposit. I. 2. & 12. à nobis est explicata: vnde is locus nerui communis appellationem accepit; propterea quòd, tametsi in vnum neruum perfecte non coeant, tamen ita coniunguntur vt sese contingant. Quare vocatur etiam neruorum optidorum congressio atque commune principium. Quamuis enim altius originem suam repetant nerui optici, nimirum à cerebro ipso, vt propof. 2. l. I. ostendimus, tamen præter hunc locum, in quo conueniunt, nullum aliud commune illorum principium apparet. Quæ verò puncta A & B connectit, non incongruè etiam oculorum distantia & interuallum nuncupari potest.



IIII.

Connectens extrema neruorum optidorum ea dicitur recta linea, qua ad terminos, vnde pendent oculorum orbes, applicatur.

ET quæ centra visuum connectit, haud absimilis est illa quæ ad extremitates neruorum optidorum adiungitur: cuiusmodi est in superiori paradigmate linea EF neruis opticis ED, FD tamquam basis subiecta, ac triangulum cum iisdem efficiens, quod quidem Isosceles esse oportet. Siquidem pares longitudine esse nervos opticos, libro primo propositione vigesima secunda est demonstratum.

V.

Quæ à nervo communi in connectentem extrema neruorum optidorum normaliter incidit recta linea, Axis communis vocatur.

SI quidem in schemate definitionis tertiæ æquales sint anguli DGE, & DGF, ideoque recti, erit DGC *Axis communis*, utpote à communi neruorum principio in EF connectentem neruorum extrema, secundum normam incidens. Potest verò & *medius axis* appositè nuncupari, quòd inter vtrumque opticum axem medio loco sit constitutus. Huius quamuis nulla peculiaris actio visionem perficiat, vel adiuuet; est tamen ad cognitionem eorum, quæ de visu tradentur, eius pernecessarius vsus: idemque de iis, quæ tum centra visuum, tum extrema neruorum optidorum connectunt, iudicium esse debet.

VI.

Radius verò communis ea est recta linea, quæ ab axium optidorum concursu educta, connectentem centra visuum bifariam secat.

VELVTI in superiori schemate, si recta CH quæ ab axium congressione educitur, ipsam AB in H ex æquo diuidat, erit eadem CH *radius communis*, siue directis siue limis oculis rem propositam intueamur. Communis porò dicitur hic radius, sicut & *axis communis*, quòd aliquid cum axibus opticis vterque commune habeat. nam in concursum optidorum vterque perpetuò incidit, quorum proinde intersectionis signum huic & radio & axi commune est. Differt verò radius communis à communi axè, quòd hic arctiori lege astringatur; quippe qui connectenti extrema neruorum optidorum normalis postulatur: ex quo fit; vt immobilis sit, vnumque dumtaxat situm habeat; à quo si dimoueat, axis communis rationem amittat est necesse: at communis radius liberiorè vagatur, vt qui hoc solum requirit, ne connectentem centra visuum in partes inæquales secet, atque idcirco maiorem situs variationem admittit; quocumque enim oculorum acies obuertuntur, eodem ille medium aspectum defini-

A definiturus subsequitur nullo angulorum discrimine, quos cum ea efficit, quæ centra visuum connectit, nunc rectos nunc obliquos, ut fors tulerit. Recti quidem illi sunt, cum ita directè oculi in rem propositam intenduntur, ut axes æquales sint, qua oculorum constitutione idem est radius communis, qui & communis axis, ut in præcedenti schemate recta CH : cum autem in obliquum oculi torquentur, neruique optici inæquales inter se sunt, perspicuum est tum eam, quæ à communi axium opticorum intersectione in connectentem centra visum medio loco incidit, obliquos angulos efficere. Hæc igitur propria ac peculiari appellatione radius communis vocitatur.

B VII.

Pyramis optica est figura aspectabilis forma per medium diaphanum ad obtutum usque diffusa, verticem habens centrum visus, basin verò rem ipsam.

C VM ab omni parte corporis aspectabilis in omnem partem medij circumfusi species profiliant, ut lib. 1. propos. 48. ostensum est, eæque rectis lineis protendantur, ut propos. 50. fit profectò ut vniuersa radiorum collectio, quæ à singulis partibus rei visæ ad vnum quodcumque signum medij destinatur, acuminatam quamdam figuram efficiat, cuius basis quidem est res ipsa, vertex autem punctum illud ad quod radij omnes terminantur. Hæc figura tametsi nonnumquam sit conus, subinde pyramis propria appellatione nuncupata, pro varietate rei visæ, quæ oculis obuersa, ceu basis modum formamque determinat, tamen ob nominis penuriam quo pyramidis conique genus aptè significetur, pyramidis nomen vsus inuexit, & confirmauit.

Rursus licet innumeræ sint eiusmodi pyramides, tot nempe quot puncta medij perspicui, ad quæ radiorum illæ collectiones finiuntur: tamen vna dumtaxat optica dicitur, cuius nimirum vertex est centrum visus. Hæc enim sola visioni obseruit, quandoquidem, ut lib. 1. propos. 51. est demonstratum, radij omnes qui extra centrum crystalloidis vagantur, nullam actionem in visum intendant. Vnde propos. 26. superioris libri D ostensum est crystalloidi principium sensus inesse, quòd in eius centrum, omnium eorum quæ videntur, species colligantur. Est igitur pyramis optica vniuersa radiorum collectio, quæ à re visa ad centrum vsque obtutus extenditur forma turbinata, ad verticem habens ipsius visus centrum, pro basi verò rem ipsam.

VIII.

Maxima pyramis optica ea omnia amplectitur, quæ oculus unico aspectu contueri potest.

E M AGNITUDO pyramidis opticae non ex magnitudine rei visæ, sed ex amplitudine anguli verticalis æstimatur. Maior enim optica pyramis ea censetur, cuius maior est ad verticem angulus. Cum autem maius latus maiorem angulum subtendat per 18. primi Euclidis, maior erit illa pyramis optica, cuius maior erit basis; maxima verò, cuius basis maxima. at maxima illa est basis, qua maiorem complecti oculus vnico aspectu nequit. igitur maxima pyramis optica rectè ea definitur, quæ illa omnia comprehendit, quæ oculus vnico aspectu contueri potest. Hæc sanè optica figura, sublatis externis oculi impedimentis, non pyramis, sed conus est; propterea quòd pupillæ ambitus sit orbicularis, nunc verò obsunt frons, nasus, malæ: quæ si spectentur, perspicuum est hunc conum opticum natura maximum non habere basin circularem. siquidem versus tempora magis se visus expandit, quàm circa nasum, & infernè latiùs, quàm supernè, illic naso, hic obstantibus ciliis ac superciliis. Augetur etiam minuiturque ea figura per pupillæ diductionem & constrictionem: latior enim effecta, plures circa ambitum radios admittit, quàm dum in angustum se contrahit.

F Aduerte præterea maximam visus pyramidem, si propriè loqui velimus, nullam posse habere sibi subiectam basin. Nam infractionis ope non tantùm per eas lineas formæ rerum ad adspectum perferuntur, quæ rectà in centrum visus delatæ angulum in eo efficiunt; verumetiam per eas quæ ad normam optico axi occurrunt: quod manifesta docet experientia, cui refragari est nefas. ex quo fit, ut ne angulum quidem ad

K verticem

verticem habeat maxima hæc pyramis, nisi infractionis interuentu.

Demum hoc etiam aduerte, quòd brutæ quædam animantes pupillam minimè orbicularem habeant, vt equi ac feles; sed oblongam illi que figuræ similem, quam duorum æqualium circularum sese interfecantiũ communis portio repræsentat, cum vnus centrum in circumferentia alterius acceptum fuerit. His inquam animantibus ea quæ opticæ pyramidi subijcitur basis, circularis esse non potest. quamobrem eis contingit nonnulla etiam, quæ ad tergum defleunt, per pupillæ angulos obliquis radiis spectari.

IX.

Axis pyramidis optica illa vocatur recta linea, qua per verticem rectæq; basis centrum transit.

IN planis figuris rectilineis centrum dicitur punctum illud, per quod extensa à quouis angulo ad oppositum angulum latúsve quaquauerfus recta linea, ipsam figuræ aream bipartitò diuidit. In hoc punctum demissa à vertice pyramidis opticæ recta linea, axis nuncupatur, non ea omnino significatione, qua interdum axis dicitur ille, qui per centrum grauitatis, seu centrum corporis aut solidæ figuræ extenditur, & per quem ductum quodcumque planum, corpus secat bifariam; sed paulò fufiore intellectu, vt quandoque axis opticus per centrum solidæ figuræ agatur, quandoque extra illud ca-

dat. Ad rationem autem definitionemque axis pyramidis opticæ id iure postulari videtur, vt in centrum rectæ baseos incidat; est porrò recta basis ea, quæ cum oppositis lateribus ipsius pyramidis æquos angulos facit. Hæc quia paulò obscuriora videntur, adiecto schemate fient illustriora. Sit A vertex pyramidis opticæ, & recta quidem basis ea, cuius dimetiens BC, cum pyramidis lateribus AB & AC æquales angulos constituens ABC & ACB; obliquæ verò baseos diametrus sit BD efficiens cum AB & AD angulos ABD & ADB inæquales.

His ita positis, si centrum figuræ postuletur, singula trianguli ABD latera bifariam diuiduntur, nempe AB in E, AD in F, & BD in G, è quorum sectionibus rectæ ad oppositos angulos educuntur, sintque AG, ED, & FB; quæ sese in H interfecabunt, quod figuræ centrum esse aio. Siquidem singulæ lineæ AG, ED, & FB triangulum ABD æquas in partes diuidunt. Nam AG, exempli gratia, duo constituit triangula AGB & AGD, quæ cum in eadem sint altitudine, & super æqualibus basibus BG & GD constituta, erunt per primam sexti Euclidis ipsa inter se æqualia, similiq; modo in ceteris fiet demonstratio. Igitur lineæ per H, & angulorum vertices A, B, & D actæ, triangulum ipsum bifariam diuidunt, atque ea propter H ipsius trianguli est centrum.

Non est verò AG axis pyramidis opticæ; sed diuisa base recta BC in K bifariam, erit AI quæ per K transit, axis superius definitus: hic namque angulum, qui ad verticem opticæ pyramidis consistit, in angulos æquales determinat, ac totius prospectus medietatem signat.


X.

Horopter recta est linea per axium opticorum congressionem, ei, qua centra visuum connectit, parallelòs incedens.

SVNTO visuum centra A & B, quæ verò illa connectit recta linea sit AB, axesq; optici AC & BC coeuntes in C; per C recta ducatur ipsi AB parallela, nempe DE. Hanc ob propriæ vocis penuriam, *Horopterem* placuit nuncupare, ab insigni proprietate qua pollet, nemini, quantum animaduertere licuit, hæctenus perspecta.

Hæc visum finit ac terminat. quæcumque enim conspectui obijciuntur, si quidem in illo sint plano quod per axes opticos transit, in horoptere apparent; quoniam is neque

propius



A propiùs radijs opticos definiri, neque longiùs præteruehi finit: sed omnium rerum in plano illo obiectarum apparentia loca in se recipit. Exempli gratia, proposita re visibili F, radij optici AF & BF neutiquam in F conquiescunt, sed rei phantasiã vlteriùs prouehunt, quoad eam in horoptere velut in communi termino ac statione sistant, vbi gemina loca H & G sortitur. Sic radijs longiùs in I protensis, horopter signum I propiùs adducit & ad se reuocat, locaque ei in sua regione ad signa K & L constituit: sicq; horopter eorum omnium terminus est, quæ vltra citraque axium optidorum concursiõnem existunt, & in quo omnium, quæ vnico intuitu cernuntur, loca apparent. Qua de re diffusius infrà ad finem huius libri, & lib. 4. in fallacijs quæ circa locum eueniunt; nunc verò horopterem definiuisse sit satis, quoniam hoc libro eius facienda est mentio, propter eam, quam cum opticis radijs habet, cognationem.



XI.

Planum horopteris illud vocetur, quod per horopterem ducitur ad id quod per axes secundum normam constitutum.

QVEMADMODVM horopter ad eam se habet visionem, quæ per iugatos fit axes; ita horopteris planum ad eas visiones, quæ delatis per ceteros radios speciebus efficiuntur. Omnia siquidem quæ videntur, quibuscumque tandem radijs formæ ad oculos destinantur, ea in plano horopteris apparent, vt suo loco inferiùs explanatiùs dicemus. Vt verò horopter, sic & horopteris planum imaginabile quiddam est, ac neutiquam in rebus existens, sed sola mente conceptum: cuius definitio atque natura duabus proprietatibus circumscribitur, quarum altera est vt per horopterem ductum intelligatur, altera, vt illi plano, quod per iugatos axes opticos transit, rectum sit. Hoc planum ita animo conceptum tabulæ cuiusdam instar erit in termino visus collocatæ, ac directè oculis obuersæ, in quam eorum omnium quæ cernuntur apparentia loca recipiuntur. Nam seu citra seu vltra hoc planum res visiles sint constitutæ, siue etiam in ipso existant plano, vbi illud optici radij per rem quamlibet ducti inuadunt, ibi locum apparentem spectatæ rei signabunt, ita vt apparens locus propositæ rei sit huius plani, & radij optici per rem producti communis intersectio. Quocirca hoc planum cum horoptere magnum consensum habet, vt pote quod eorum omnium, quæ oculis obijciuntur, prospectum definit ac terminat.

Atque hæc ad eorum, quæ hoc libro tractanda erunt, explicationem dicta sufficiant; supponimus autem tria hæc, quæ sequuntur, vt sensui nota.

HYPOTHESES.

I.

Visum rectâ lineâ efferrî.

Hoc tametsi Euclides in suis Opticis præsupponat, vt per se notum; & verò non minùs notum sit, quàm quòd lumen recta linea protendatur, cum rerum species lumine tamquam vehiculo ad organum visus perferantur; tamen nos id lib. 1. propos. 74. ratione etiam à natura desumpta demonstrauimus. Quare non modò id vt sensui ac per se notum supponimus, verùm etiam, vt ex naturæ ipsius principijs firmatum probatumque concedi iure postulamus.

Porro cum visionem rectâ efferrî dicimus, non intelligimus visionem rei alicuius ab oculis emissionem; sed rectis tantummodò lineis fieri, siue per eas quidpiam ex oculo emittatur, quod lib. 1. propos. 67. confutauimus, siue aliquid intrò suscipiatur, quod propos. 69. superioris lib. vti rationi magis consonum, ita verius esse docuimus. Nunc enim cum Mathematicis loquimur, quorum nil omnino interest, vtrum elegeris, dummodò id constet visum rectis lineis efferrî, quod vt notum supponimus.

II.

A

Id omne, ac solum videri, à quo ad oculum radius opticus extendi potest.

EA sanè est intuitiue facultatis conditio, vt in actionem numquam prorumpat, nisi specierum appulsu excita, vt propof. 69. præcedentis lib. est demonstratum; hæc autem quoniam tum luminis tum suapte vi rectis semper lineis efferuntur, per propof. 50. primi lib. videri profectò id omne ac solum poterit, à quo ad aspectum opticus radius seu recta linea extendi conceditur, per quam species ad organum traducatur. Saluam autem esse oportet organi incolumitatem, speciesque ad ciendum obtutum efficaces, iustam etiam oculi & rei obiectæ intercapedinem, ac cetera denique, quæ ad exactam functionem conferunt, accommodata. Hæc enim si adsint, fieri nequit, vt id, à quo ad oculum imago defertur, non videatur: ergo id omne videbitur, à quo radius opticus ad ad aspectum liberè com meat. Si verò corpus aliquod rectæ specierum profluentiæ medium obsistat, quoniam per eius densitatem à re proposita ad oculum forma visibilis penetrare non potest, rei prospectus intercipientur. Quocircà id etiam solum videbitur, à quo ad organum radius opticus directò extendi potest: quod nemo inficiabitur, nisi pariter, quod nefas est, non hausta specie videri aliquid posse concedat.

B

III.

C

Rem omnem in illo apparere radio, quo ipsius simulachrum ad obtutum porrigitur.

HOC ex propria natura visus facillè ostendi potest: cùm namque is appulsu formarum, quas res ipsæ ex se tamquam iugi ex fonte emittunt, vt libro primo est demonstratum, ad intuendum concitetur, ex affecta parte aranæ tunicæ, cui præcipua sentiendi vis inest, anguloque quo imago rei inde ad centrum visus per aqueum humorè infringitur, propria facultate cognoscit, ex qua mundi plaga recta illa profluentia aspectabilis formæ obueniatur, atque in eius parte aliqua indefinita rem visilem constitutam esse vnus etiam oculus certò concludit, ex ea tantummodò insita persuasione, quòd oporteat rem aspectabilem eò versus locum habere, vnde ipsius simulachrum ad obtutum proficiscitur. Quæcumque enim extra hanc lineam loca existunt, quia nullam imaginem ad oculum transmittunt, nullam quoque seu rei seu loci notionem inferre possunt. Quare præter eam lineam qua forma porrigitur, in nulla ceterarum rem visilem constitutam esse visus cognoscit, ex eo quòd nulla actione per eas delata stimulari se sentiat. Itaque rem omnem in illo apparere radio oportet, quo species ad aspectum transfunditur, quod erat explicandum.

D

DE RADIO OPTICO.

E

PROPOSITIO I. THEOREMA.

Radij optici sunt vera formarum productiones, non autem imaginaria.



VARIÆ fuere de essentia ac definitione radiorum opticorum sententiæ, quæ omnes ad duas reuocari possunt. Vna realis est, imaginaria altera. Hanc secuti ferè sunt Mathematici fingentes lineas quasdam à materia secretas, siue ab oculo ad res aspectabiles, siue ab his ad oculum extensas; quas tametsi nihil reipsa visioni conferre existimauerint, tamen fundamentum quoddam illis substerni asseruerunt, quo sine visionem fieri impossibile esset: ad eum modum, quo spatia quædam imaginaria multi Philosophi constituerunt, quibus vnaquæque res hîc, aut alibi, & non nusquam esse dicatur: esto nullus existet mundus, vel de medio tollatur vniuersa, quibus etiam supra cælorum orbis moueri aliquid posset rectà vel obliquè, aut in orbem; quibus item res vna ab alia distet, inter quas scilicet nullus aër nullumve corpus interijciatur, quod medium spatium impleat.

F

Ira

A Ita inquam Mathematici materiæ insueti, cum nihil interesse ad suum ipsorum institutum animaduertent, fiatne visio alicuius rei emissionem, an susceptionem, an sola obiecti præsentia, rectas quasdam lineas ab oculo ad res obiectas descriperunt, quibus visionis naturam commodius explicarent, quas neque in materia concretas, neque omnino nihil esse voluerunt; cum constet visionem rectis lineis protendi, quacumque tandem ratione visio celebretur: sed mediam quamdam essentiam eis attribuerunt, eamque à materiæ crassitie liberam, puram sinceramque, quam imaginariam vocarunt.

Eadem opinio illis adscribi potest ex philosophantium numero, qui visionem sola obiecti propositione fieri opinati sunt. Hi enim, visionem rectis lineis fieri, inficiari non possunt, cum id per se notum sit omnibus: eo autem concessio radios admittunt, haud mente profus confictos, siquidem visio rectis lineis non imaginariè sed re ipsa fit; neque verò omnino sensibiles, cum in visionis ratione nihil extra organum præter obiecti præsentiam agnoscant: igitur medios, qualia esse spatia illa imaginaria diximus, quæ ab extrema supremi cæli superficie infinitè omnem in partem excurrunt.

Probari autem potest hæc sententia. quia si radij optici essent quidpiam sensibile, oporteret necessariò eos vel ab oculis emitti, vel in oculos recipi: at æquè vtrumque incertum est, cum fortè neutro modo, sed sola præsentia obiecti visio fiat, certum autem sit rectis eam fieri radiis: igitur radij non sunt quidquam sensibile.

Ceteri tamen Philosophi, rebus magis quam Mathematicis abstractionibus additi, radios opticos rectas quasdam luminis formarumque visibilium profluentias esse dixerunt, siue illos de suo quemque oculo emicantes, vt Platonici voluerunt; siue, vt Peripatetici, externus fulgor ab obiectis repercussus, rerumque formis affectus, earum simulachra oculis inferat. Nam hac in re dissentire à Platonice Peripateticos lib. 1. propositione 67. & 69. docuimus.

D Galenus libro de vsu partium 10. quandoquidem extra oculum efferri visorium lumen, idque foris minime otiosum esse cum Platone statuit, non ineptè opticos radios *visiones* appellari voluit, cuius hoc loco verba attexam: *Quod si id quoque planum tibi est, haudquaquam temerè à Mathematicis pronuntiatum esse tibi videatur, quæ cernuntur, ea per rectas lineas cerni: voca vique mihi rectas has lineas, visiones; tenuesque illas araneas, quæ à pupilla ad circuli (obiecti) circumferentiam extenduntur, non amplius araneas, sed visiones, circuliq; circumferentiam dic per visiones illas videri, ipsiusq; centrum per aliam visionem in axe Coni locatum, omnemq; circuli planitiam per multas quasdam visiones ad ipsam peruenientes.* Diuus autem Basilius lib. de vera virginitate passim *iactus oculorum* appellat: *Dux, inquit, & præuius, ac pronubus (ita vt dicam) oculorum iactus.* & alio loco: *Iactis enim luminum radiis, veluti quibusdam corporeis manibus, quacumque voluerit eminus tangit.*

Ex duabus hæc aduersis sententiis posterior nobis veritati magis consona videtur; non eo quidem intellectu, quo eam Plato, & qui hunc secuti sunt, explicarunt, docentes radios opticos esse tenues quasdam luminis productiones ab oculis ad res adspectabiles rectè effusas; multò verò minùs ex Stoicorum sensu, quorum alij spiritum, alij ipsam cernendi efficacitatem ab oculis foras proflire existimarunt: sed ea ratione, qua Aristoteles, ceterique Peripatetici hanc rem sunt interpretati, qui radios opticos nil aliud esse definiuerunt, quam formas rerum, luminis ope directò ad obtutum delatas. Rectè sanè. nam per opticos radios defertur illa virtus, quæ dignoscentem facultatem organo insitam ad agendum excitat: at hoc præstant rerum aspectabilium imagines, quæ rectè ad oculos perferuntur: igitur nil aliud sunt radij optici, quam eiusmodi formæ, non vtrumque, sed quæ directò ad visum destinantur. Ceteri enim, qui huc illucque vagantur, radij quidem dici possunt, at non optici; quòd nisi in oculos illabantur, nihil ad visionem conferant.

F Deinde quemadmodum solares radij sunt quidam fulgores de corpore solis emicantes, ac rectè per vniuersum medium vndequaque diffusi: ita optici radij sunt simulachra ac species rerum ad oculos rectè euibratæ. Cum verò ab vnaquaque re innumeri radij profiliant, ac in omnem circum partem medij propagentur, illos tantum, vt iam diximus, opticos iurè nominamus, qui ad visum appellant, cum horum dumtaxat ope visio efficiatur.

Vnde facile est confutare imperiti vulgi sententiam. Sunt verò inter vulgares non pauci, qui radios opticos ita ex oculis emicare arbitrantur, quemadmodum circum lucernæ flammam conuenientibus oculis quasdam luminis scintillationes nunc proflire,

nunc subito sese contrahere videmus, pro vario palpebrarum motu. At enim hi radij nil aliud sunt, quam ipsum lucernæ lumen per lacrymosum oculorum humorem infractum, non verò quidpiam ex ipsa flamma erumpens: si namque ex flamma eiusmodi radij exilirent, firmum situm obtinerent; nunc autem motis palpebris maximam subeunt loci situsque; mutatione igitur in oculis causam habent. unde fit, ut quo humidiores sunt oculi, eo plures magisque conferti eiusmodi radij conspiciantur, uti etiam cum palpebræ propemodum clauduntur. tum enim maior humoris affluentia ante pupillam congesta maiorem efficit luminis infractionem.

Hæc licet Philosophorum rationibus consentanea sint, hoc tamen Mathematicis concedendum putamus, posse radios opticos mente à rebus abstrahi, ac per se solitarios spectari, quo pacto à nobis deinceps considerabuntur. Id enim commune est omnium Mathematicarum disciplinarum obiectis, ut licet materiæ insint, non tamen ita spectentur; sed quatenus à materia secreta per se in considerationem veniunt.

Non autem iis assentimur, qui radios opticos lineas imaginarias vocant, ad id solum excogitatas, ut illarum beneficio natura proprietatesque visus commodius explicentur. Nam radios opticos veras, physicas, sensibilesque lineas esse, tum ex iam dictis, tum ex propos. 46. lib. primi manifestum est.

Ad argumentum pro Mathematicorum sententia superius allatum respondebitur, visionem haud dubiè fieri imaginum, quæ à rebus proficiuntur, susceptione, ut lib. 1. propos. 69. aperte est demonstratum; ideoque radios opticos nil posse aliud esse, quam re-
C

ctas earum profluentias à rebus ad oculos usque pertinentes. Obijciat fortè non nemo, aliud esse spatium, aliud aërem, aut corpus quodcumque quo spatium impletur; aërem quidem solidum quiddam esse, ac per se consistens: at spatium nil nisi imaginarium quid, utpote à rerum categoriis exclusum; non tamen penitus confictum, quòd à ratione nostra minimè pendeat. ita species quidpiam sensibile quidem esse; at radios nil nisi lineas imaginarias, per quas species deferuntur.

Respondeo aërem neutiquam posse rationem spatij obtinere, quòd in eo velut in spatio nullum corpus existere queat, etsi is possit corpus aliquod in se tamquam in vase, seu ambiente superficie continere: at species suapte natura radij quidam sunt, seu formæ, quas obiecta ex se fundunt, ut illarum vi organum stimulent, cernendi que facultatem ad sui dignotionem proleant: non sunt igitur præter species commentitij quærendi radij, quibus sanè nulla vis ad visionem concitandam inesse potest.

Sed adhuc aduersario relicta est anfa: dicet fortè opticum radium non formam ipsam esse, quæ ad oculum porrigitur: sed imaginarium formæ recto tramite delatæ vestigium, haud aliter, quam Æquator, Tropici, atque Ecliptica, ceterique cælestes circuli nihil reapse sunt; sed imaginabiles tantummodò astrorum viæ, ad illorum motus ac status commodius explicandos animo conceptæ, ac postea facilius vsus gratia ad materiam accommodatæ.

Huic argumento respondendum est, cælestia sidera à lumine rerumque formis longo distare interuallo, magnamque rationem esse, cur illa dum mouentur, nequeant radiorum similitudinem habere. Astra siquidem motu quo cientur, locum mutant, de que vno loco in alium perpetua circumlacione commigrant. At rerum formæ, ceu rectæ quædam lineæ à prima origine prolapsæ totum, quo porrigitur, spatium vna sui profusione implent. Hæ proinde iure optimo radij vocantur: non item verò circuli illi, quos in cælo mente depingimus; ceu signa, aut ab astrorum lationibus relicta vestigia.

PROPOSITIO II. THEOREMA.

Radij optici sunt formæ partim insectiles, partim sensibili latitudine præditæ.



VM formæ illæ, in quarum dignotionem aspectus insita facultate incumbit (lumen atque colorem intelligo) iis dumtaxat rebus insint, quæ magnitudinem habent, ac mole quadam distenduntur, ab iisdem ipsæ corporeo quodam modo porrigitur: sic ut maior formæ à maiore corporis parte, à minore autem minor, à diuisibili diuidua, ab atoma diuisionis expers decidatur: quæ omnes rectis, uti superiore libro sæpè ostensum est, lineis ab obiectis promissæ tandem in oculos illabuntur.

A A signo quidem indiuisibili, Mathematica tantum linea latitudine crassitieque vacans extenditur. Hæc tamen secundum longitudinem secari possit; quæ tamen puncti instar aspectui obijcitur, in partes distribui haud vllas potest.

Sic à linea superficies prodit, cum illam secundum longitudinem oculus intuetur. Hæc quoque in superficiem extensio, licet reuera geminam dimensionem habeat; nequit tamen, quæ obtutui exhibetur, in latitudinem diuidi, sed in longum tantum.

B A superficie demum forma prouenit tergemina dimensione prædita, quæ proinde omnifariam fecitilis est: re ipsa quidem triplici ratione (præter quam nullam aliam in potestate naturæ existere perspicuum est) secundum aspectum autem duplici tantummodo, nempe in longitudinem, latitudinemque.

A profunditate, quæ molem solidamque crassitiem corporibus præstat, nulla spectabilis forma erumpit, cum eius conspectum suapte natura arceat extima, luminibusque obuersa superficies, in quam visus impingit, ac propter ingenitam corpori opacitatem, qua visui obsistit, etiam terminatur. Quocirca quæcumque forma secundum latitudinem oculis obijcitur, ea absoluto simplici que loquendi modo sensibilis ac naturalis dicitur, ea nempe ratione diuisibilis, quam ingenium conditioque aspectus admittit. Quæ verò aut nullam, vt Mathematica linea ab indiuisibili signo proueniens, aut vnam tantum sectionem habet, cuiusmodi est à linea profecta superficies, quæ secundum aspectum in solam longitudinem secatur, ea Mathematica insensibilisque dicitur.

C Forma porro quæ à puncto lineæ defluit, et si forma, & species, & imago puncti aut lineæ vocitetur; non est tamen verè lumen aut coloris intentio, sed horum tantum aliquid, quod propriam rei appellationem non meretur. Vti enim in quantitatis ratione punctum aliquid est lineæ, & hæc superficiæ quidpiam, superficiæ autem, & linea, & punctum non nihil sunt corporis: ita in qualitatibus nihil propriè censetur, nisi quod omnes dimensiones habet.

Est tamen radij Mathematici multiplex ac omnino necessarius vsus. hic enim visibilis formæ partes inter se connectit & copulat; non secus atque in continua quantitate puncta lineæ partes, ipsæque lineæ, partes superficiæ; superficiæ autem partes corporis continuatione coniungunt. Igitur beneficio radij Mathematici totus visibilis formæ

D processus per medium diaphanum ad oculos vsque protenditur, continuatur, atque in vnam formam ex multarum obiecti partium intentionibus coalescit. Deinde huius etiam ope, quæcumque circa specierum eductionem emissionemque theoremata proponuntur, accommodatissimè demonstrantur; assumptis nimirum crassis, sensibilibusque re ipsa lineis, at mente hoc solum in eis concepto, quod indiuisibile est, atque omnis latitudinis densitatisque expers.

PROPOSITIO III. THEOREMA.

*Distinctarum rerum forma non prohibita, singula
singulis radiis in oculos illabuntur.*

E



FORMAS singulas rerum distinctarum singulis radiis ad oculos peruenire, in hunc modum vniuersè potest demonstrari. Quæ vno cernuntur radio vnum apparent: igitur quæ vt distincta cernuntur, ea distinctis radiis ad oculos peruenire necesse est. Legitima autem est hæc argumentatio, assumpto nimirum prioris consequentis opposito.

Deinde cum rectis lineis species ab obiectis efferantur, necesse est singulas singulis radiis ad aspectum promoueri. Nam neque ab vno puncto ad idem punctum plures lineæ, quàm vna, neque vna sola à pluribus punctis ad vnum aliquod duci possunt: igitur vnus rei forma vno radio, & distinctarum rerum formæ distinctis radiis ad centrum visus perferuntur.

Demum nisi singulæ res obiectæ singulis radiis ad oculum perueniant, sed vel vna eademque pluribus, vel plures eodem, nihil omnino cerneretur. Siquidem ita formæ rerum sibi superinducentur, quemadmodum si exaratis characteribus noui inscribantur à prioribus diuersi: quod cum accidit, posterioribus ita obscurantur priores, imò ambo ita confunduntur, vt nihil omnino legi discernere possit. Igitur distinctarum rerum formæ distinctis radiis singulæ in oculos illabuntur: quod initio propositum fuit demonstrare.


Ad huius autem propositionis veritatem ea conditio meritò postulatur, vt formæ liberè permeent, nec villo obfistente à recta productione depellantur. Nam si vel per diuersum medium radij infringantur, vel à terfo quopiam læuigatoque corpore versus propriam originem remittantur, fieri vtouis modo potest, vt & distinctarum rerum formæ eodem radio, & rei vnus forma pluribus radiis ad aspectum perueniat, quod propositione sequenti explanatiùs ostendemus. Si cui verò non placet hanc propositionem ad solas formas non prohibitas restringi, is nomine rerum distinctarum non eas simplici intelligentia accipiat, quæ reipsa distinctæ sunt, verùm eas vt quæ distinctæ apparent: has enim singulis radiis singulas ad obtutum porrigi perspicuum est, quandoquidem non distincta illa, sed vnum apparent quæ eodem radio conspiciuntur. Atque ita, ni singulis radiis singulæ formæ admitterentur, non distincta ea cernerentur, aduersus hypothesin, quæ velut distincta videri supponimus.

PROPOSITIO IV. THEOREMA.

Possibile est vnus rei formam, directo simul atque inflexo infractò-ue radio, ad centrum visus peruenire.

DVOBVS modis obueneri posse constat, vt distinctis radiis vnus rei intuitus habeatur: altero quidem formæ repercussione, altero verò infractione. Cùm nimirum alter quidem radius per æquale medium liberè directòq; producitur; alter autem, vi corporis læuigati repercussus, aut alterius mediij densitate fractus, tandem per ambages, à loco ad quem fuerat destinatus, ad oculos redit. Vtriusque exemplum habes in adiuncto schemate: in quo primò ostendi potest, quemadmodum eandem rem directo simul & inflexo radio videri contingat.

Esto inquam A res quæ spectanda proponitur; visus autem B: at CD sit corporis læuigati extima superficies, vnde velut à speculo forma rei A ad visum B resiliat ex puncto E. Dico A visibile duobus radiis videri, vno quidem directò, nempe AB; altero verò inflexo, scilicet EB. Vtroque enim radio imago rei visibilis A ad oculum B defertur. Id autem omne videtur à quo ad aspectum radius opticus extendi potest per 2. hypothesin huius libri. Igitur res visibilis A à visu B pluribus radiis spectari potest; altero quidem directò, altero verò repercussò.



Hoc porrò casu geminã apparere propositæ rei phantasiã, ex iis quæ in Catoptricus docebimus, fiet manifestum. Semel enim res visibilis A proprio apparet consistens loco per radium directum AB. iterùm verò apparet in speculi profunditate immersa ad signum F per radium inflexum BD, eo nimirum loci, vbi is productus cum catheto AF congregitur.

Idem alterius radij infractione euenit, quod eodem ferè modo licet demonstrare. Nam repositis iisdem quæ suprà, tantùm loco CD substituatur corpus diaphanum, per quod radius AE non directò transeat, sed ab E frangatur in F. Deinde visus ex B transferatur in F. Huic ergo visibile A vno quidem radio eoque directò AF proprio in loco conspicietur; altero verò fractò AEF apparebit ad partes B. Igitur vnus rei forma pluribus radiis, tum repercussione, tum infractione ad aspectum peruenire potest, quod erat ostendendum.


PROPOSITIO V. THEOREMA.

Radios omnes opticos in centrum visus congregari conglobarique est necesse.

VT planior fiat huius propositionis demonstratio, resumenda hoc loco est propof. 3. huius libri, nempe singula singulis radiis videri. Igitur si nullum sit in oculo certum definitumq; punctum, quod proprium cuiusque rei opticum radium, quo videatur, definiat atque determinet, sed illi omnes ad ciendum obtutum efficaces habeantur, qui ad superficiem visus, quæ datur via appellant; profectò continget, vnamquamque rem innumeris radiis videri, ac

A tot omnino quot rectæ lineæ à re ipsa ad superficiem visus duci possunt. quare totidem distinctis locis vnaquæque conspicietur, quot nimirum radiis forma in oculum illabatur. Ex quo id etiam consequens erit, vt plures rei locis communicent, simulque ac nullo interuallo determinatæ abiunctæque appareant: ac tandem, vt nihil profus visus discernat, sed simul omnia permixta confusaque aspiciat: quod hac ratione perspicue demonstrabitur.

Esto visus ipsius superficies *AB*; visile autem vnum quidem *c*, alterum verò *d*. Demusque punctum *c*, exempli gratia, omnibus illis radiis cerni, qui ad visus superficiem pertinent, puta radiis *CA* & *CB*: eodemque modo punctum *d* radiis *DB* & *DA* videri. Hoc posito continget vtriusque puncti phantasiam confundi, simulque permisceri. Nam vt in *A*, sic in *B*, ac ceteris omnibus partibus sentientis organi, vtriusque visilis simulachra conueniunt: sic vt tota portio *AB* formam vtriusque obiecti imbuta sit, quæ cum naturæ ingenitæ necessitate agat, misceri etiam atque confundi vtriusque obiecti dignotionem fatendum est. Eadem verò ratio, quandoquidem in ceteris quoque rebus existat quæ aspectui simul offeruntur, numero sanè infinitæ, confusæ erunt omnes, ac fortuito congestæ rerum omnium obiectarum phantasiam, nec quidquam omnino spectari poterit. Quod quàm sit à sana mente alienum, nemo non videt: ex eo enim fit, vt præstantissimus oculorum vsus, qui singula discernit, pessum eat, ipsaque videndi actio omnium nobilissima funditus euertatur.



Quocirca necesse est vnum aliquod punctum dari, quod proprium cuiusque rei optimum radium determinet, quo spectari queat. Quoniam enim plures reuera radij ab vnaquaque re ad superficiem visus appellunt, nec per plures, quàm per vnum res quælibet distinctè cerni possit, impossibile est vnum aliquem ex illis superficie terminari, sed punctum aliquod hoc præstabit, quod lib. 1. propos. 26. centrum visus esse diximus. Igitur radios omnes opticos in centrum visus coitionem facere oportet, sic vt per hos solos actio obiectorum in visum deriuetur, qui in centrum eius terminantur, per ceteros verò non item.

Hinc superiori lib. propos. 26. diximus centro glacialis humoris, quod & visus centrum est, sentiendi principium inesse, quatenus nimirum omnium radiorum, qui à distinctissimis rebus proueniunt, collectiones suscipit, atque ex innumeris, qui ab vna eademque re educuntur, definit, per quem vnaquæque conspiciatur. Atque ita etiam fit, vt externarum rerum, quæ distinctæ cernuntur, imagines eam in sensorio distinctionem obtineant, quam in seipsis habent.

Eodem etiam lib. propos. 24. Vitellonis sententiam confutauimus, opinantis radios opticos in centrum visus minimè coire; sed ab eo, priusquam illuc perueniant, infringi, ac deinceps rectam in cavitatem nerui optici protendi, quousque ad neruum communem præcipuam visionis officinam attingant. Propositionem illam lector, si velit, consulat: est enim ad huius propositi explicationem peropportuna.

Arbitrabitur fortasse aliquis ad articulatam rerum intuitionem haud necessum esse, vt formæ earum in superficie visus eodem ordine distribuuntur, quo in rebus ipsis: id verò esse pernecessarium, ac etiam satis, vt distinctis radiis importentur. Exempli gratia, obiecta *c* & *d* eam tantum ob causam videri distincta, quod radij *AC* & *BC*, quibus eorum imagines deferuntur, diuersi sint. Quod videtur probari posse ratione non improbabili: nam vnumquodque in eo apparet radio, quo ipsius imago ad superficiem organi sentientis defertur. Ergo *c* in radio *AC*, *d* verò in radio *AD* cernitur. At hi radij, quantumuis producantur, numquam tamen congruere possunt, nec quidquam habere commune, præter signum *A*, quod ipsius organi solitarium est punctum. Igitur distinctæ cernuntur res propositæ *c* & *d*, quarum formæ in idem licet punctum sentientis organi, distinctis tamen radiis inuehantur.

Quæ ratio ex contrario plurimum habet roboris. Neque enim id, quod re ipsa vnum est, multiplex ea sola causa apparet, quod ipsius forma pluribus radiis ad diuersas organi partes adueniat. Vt si *c* radiis videatur *AC* & *BC*, non confestim geminum his radiis videbitur, aut toties numero auctum, quot radiis distinctis cernitur. Nam ita se habent *A* & *B* vnus oculi partes, quemadmodum duo oculi. Enimverò nil interest, sintne *A* & *B*

vnus, an plures oculi, quandoquidem vtrique parti facultas cernendi non secus ac duobus oculis inesse concedatur. Vti ergo si quidpiam duobus oculis aspicitur vel etiam pluribus, non statim gemina aut multiplex ipsius phantasia sese exhibet; ita nec si vno oculo, quamuis distinctis radiis forma eius ad obtutum perueniat. Quamobrem è conuerso distincta ea omnia videntur, quæcumque distinctis radiis ingeruntur, tametsi in eandem organi partem radij illi omnes illabantur.

Respondeo non eandem esse horum contrariorum rationem. vnus siquidem rei phantasia non multiplicatur ex eo, quòd forma eius distinctis radiis ad alias atque alias partes superficiei visus porrigatur, vt obiectionis confirmatio luculenter probat: at contra, res plures in vnam conflatas permixtasq; videri oportet, si illarum formæ in eandem organi partem, distinctis licet radiis, incidant. Nam id, quod sentientem facultatem excitat, non est totius formæ delatæ radius, sed sola eius extremitas, qua superficiem visus, seu præcipuum visionis organum attingit. Totus siquidem radij processus, qui extra hunc locum contactus extenditur, nullam actionem in facultatem videndi infert, cum necesse sit obiectum per vicariam speciem coniungi organo, in quo facultas viget. Sola igitur illa pars radij, quæ visus superficiem proximè attingit, potentiam videndi excitat.

Simile quiddam in sensu tactus experimur. Nam summo quidem digito cuspide styli admoto tactus consequitur, eo tamen diiudicare non possumus quòd ipsius styli longitudo vergat; quia nimirum sensus non à tota styli longitudine, sed à solo mucrone concitatur. Ita ergo & in ratione visus, sola radij extremitas, quæ organum attingit, proximè in sensum agit. Quocircà si in eandem organi partem multi simul radij à diuersis rebus profecti conueniant, permixtæ hæ omnes atque confusæ videbuntur, nec vna ab alia scerni poterit. Ex quo tandem fit, vt distinctarum rerum imagines in superficie visus eundem situm obtinere debeant, quem res ipsæ habent: quod tum potissimum euenit, cum singulæ res singulis radiis cernuntur, illique omnes, per quos visio celebratur, in centrum visus congregiuntur.

Præterea si concedamus vnum idemque visile, puta c pluribus radiis, nempe A C & B C videri posse, consequens erit, vt vnus oculus rerum distantias certò liquidoque cognoscat; cui tamen manifesta experientia reclamatur, vt lib. 3. propos. 1. ostendemus. Itaque proprium aliquod punctum constituere necesse est, quod radios illos omnes, per quos fit visio, determinet, atque in vnum colligat. Sic enim fiet, vt dum oculi tunicas radiosæ formæ pertranseunt, communes illarum & sentientis organi sectiones eundem situm obseruent, quem res ipsæ habent.

PROPOSITIO VI. THEOREMA.


Ex vniuersis opticis radiis solus axis in superficiem visus rectis incidit angulis; ceteri autem obliquis.



I B R O primo propos. 1. geminam crySTALLINI humoris superficiem distinctimus, anticam & posticam, quas centris discrepare, vt & corneam, totumque oculum propos. 7. eiusdem libri est demonstratum.

Est igitur C D G ipsius visus superficies, seu anterior crySTALLOIDIS facies, eiusque centrum A; visus autem centrum B, & quæ per vtrumque centrum transit recta linea A E axis sit opticus per 2. huius libri definitionem. Hunc dico superficiei visus C D G ad signum D relictis angulis insistere. Nam circini pede immobili in A constituto, inchoatus C D G circulus perficiatur, quem quoniam E A producta secatur bifariam per 17. definit. primi Euclidis, erunt quæ vtriusque relinquuntur, segmenta similia, nempe semicirculi. quocircà anguli A D C & A D G æquales inter se erunt, vt ex propos. 31. tertij Euclidis facile colligi potest: ac proinde recti, quales nimirum in circulo aut sphaera recti esse possunt, quos proinde rectos sphaerales vulgò appellant.

At ceteri omnes radij, qui ad centrum visus B protrahuntur (vt hoc loco est F C B) obliquè superficiem visus interfecant. Cum enim per centrum A non transeant, totum circuli C D G ambitum in segmenta inæqualia dissecant. Quare obliquos angulos



A cum superficie visus efficiunt; obtusum videlicet ad maius segmentum, ad minus verò acutum, per 3. tertij Euclidis. Itaque solus opticus axis in superficiem visus rectis incurrit angulis; ceteri autem optici radij obliquis, quod erat demonstrandum.

PROPOSITIO VII. THEOREMA.

Axis opticus rectà in centrum visus penetrat.

B **N** L V D in confesso esse arbitror, radios omnes cùm luminis tum formarum, posteaquam per idem medium aliquousque recto tramite progressi sunt, alterius diaphani occursum subinde frangi inflectique, ac relicta, quam ceperant, viâ aliò pergere. Quod sanè tum neutiquam euenire potest, cùm in superficiem occurrentis alterius diaphani æqualibus angulis radius impingit: hoc namque appulsu rectà in eius profunditatem penetrat, totamque eius densitatem peruadit. Quando enim profusus radius æquales vndique angulos cum superficie secundi diaphani efficit, nulla esse potest ratio, cur in vnam partem potius quàm in aliam à recto cursu desleat. Omnem siquidem linearum infractionem, aut à perpendiculari, aut ad perpendicularem fieri necesse est: ergo non frangitur illa, quæ in superficiem alterius perspicui secundùm normam incidit. At ex omnibus radiis qui in C centrum glacialis humoris porriguntur, vnum dumtaxat reperire est, qui visus superficiem orthogonaliter pertransit, is nempe, qui centra glacialis humoris, ac totius oculi connectit per præcedentem propos. Hic igitur solus, ex omnibus, qui in centrum visus protenduntur, humorem albugineum rectà ac citra vllam inflexionem penetrat. qui proinde per 2. huius lib. definitionem axis opticus nuncupatur, quòd certum definitumque situm in oculi totius medio habeat, & circumcirca innumeris radiis cingatur, qui quidem fracti omnes in visum subeunt, vt iam dicemus.

PROPOSITIO VIII. THEOREMA.


D *Præter axem, ceteri omnes radij optici per albugineum humorem ad perpendicularem inflectuntur.*

D E radorum per albugineum humorem traiectu ac infractione dicere cœpimus; at fortasse excusatione potius nobis vtendum hoc loco fuisset, quàm prosequendi licentia, quòd de infractionis natura nihil huc vsque sit explicatum: quia tamen hæc visus proprietas inter præcipuas numeratur, & ad hunc locum propriè spectat, doctrinæ ordo exposcit, vt eam minimè prætermittamus. Igitur pro eius faciliore intellectu, nunc obiter,

E Præsciendum primò est, duplex diaphanum in ea quam tractamus radorum infractione spectari; vnum per quod radius opticus directò fertur, primumque dicitur; alterum per quod frangitur idem radius, & secundum alterumve nuncupatur.

Deinde præsciendum est, duplicem esse infractionis modum, vnum qui à perpendiculari fit, alterum qui ad perpendicularem. Vocatur autem perpendicularis recta illa linea quæ superficiem secundi diaphani ad incidentiæ signum rectis angulis adiungitur, ad quam infringi radius dicitur, cùm ad ipsam propius accedit; cùm verò longius ab illa digreditur, infringi dicitur à perpendiculari.

F Exempli gratia; sit secundi diaphani superficies A B, in quam incidat radius C D: ex D verò puncto incidentiæ perpendicularis excitetur D E, radiusque incidens C D producat in F directò, à quo duobus, vt dictum est, modis inflecti potest, vno quidem ad perpendicularem vt in D G, altero verò à perpendiculari, vt in D H. Dicitur autem illa inflexio ad perpendicularem; quòd per eam radius perpendiculari D E vicinior euadat. Siquidem D G, in quam D F primo modo flectitur, propinquior est ipsi D E perpendiculari, quàm D F: hæc verò à perpendiculari vocatur, quòd sit D H à perpendiculari D E remotior, quàm D F, quæ ob secundi medij dissimilitudinem in ipsam D H infractione transfertur.




Sciendum tertio, medium quoque vnum rarius esse, tenuiorisque substantiæ, cuiusmodi est aër; alterum densius, magisque compactum, vt aqua, vitrum, crystalus, & similia.

Quarto notandum est, radios à primo medio rariori per alterum densius transuetos ad perpendicularem inclinari: per secundum verò rarius à primo densiori abduci à perpendiculari, vt in Dioptrici Deo fauente latius explicabimus.

His prælibatis, planior iam fieri incipit propositionis sensus: nam eam elucidare potius quam demonstrare proponimus, quòd necdum iacta sint ea fundamenta, quæ demonstrationi construendæ firmandæque sunt necessaria. Quia albuginei humoris transparentia ab externi aëris perspicuitate diuersa est, hicque ab illo substantiæ soliditate distat, radiorum infractio per eum necessariò consequitur, illorum inquam, qui obliquè in superficiem visus incidunt. (nam perpendicularis rectà ad centrum visus pertransit, vt præcedente propositione diximus.) Obliqui autem quam ob causam frangantur, non est huius loci inuestigare, dicemus de hac re in mentione de fractionibus, cum de his ex instituto agemus in Dioptricum libris: satis verò in præsentiarum erit, si hoc ratum firmumque habeatur experientia suffragante, numquam siue opticos, siue luminis radios, qui quidem obliquè in superficiem alterius medij incidunt, rectà ac citra flexum traduci.

Deinde cum albugineus humor externo aëre solidior sit, & compactus magis, per eum radius ad perpendicularem inclinabitur, vt patet ex quarta prænotatione. Cumque rursus glacialis humor albugineo sit densior, fiet per hunc quoque noua versus perpendicularem inflexio; atque ita radius opticus ab externo aëre, priusquam in centrum visus consideat, bis fractus, semel per albugineum, ac iterum per glaciale seu crystallinum humorem, sensim propius ad perpendicularem accedet.

Quod in hunc modum declaratur. Sit corneæ extima superficies ABC, eiusque centrum M: sit etiam aranea tunica, seu crystalloidis operimentum DEF, ac eius centrum G: visus autem centrum esto H. His positis, dico in primis BM superficiem extimæ oculi perpendicularem esse, quòd M eiusdem superficiem sit centrum. Ac eodem modo EG perpendicularem esse aio superficiem crystallini DEF, quòd G eius sit centrum. Quæ enim ex centro circuli prodeunt, in circumferentiam rectis angulis incidunt.



Deinde dico ab L puncto visibili profectum radium LB minimè in K rectà produci: sed versus perpendicularem BM, nempe in BE infringi, vt ex quarta prænotatione liquidò patet, quòd scilicet medium BE à medio BL densitate substantiæ dissidet. Rursus eandem ob causam, quòd nimirum crystalloides aqueo humore sit densior, fit, vt BE non recta I versus incedat, sed in H propius ad perpendicularem EG flectatur.

Hoc igitur pacto rerum imagines non directò, sed fractis inclinatisque ad perpendicularem radiis in centrum visus illabuntur, idque propter mediorum diuersitatem. Quæ causa tametsi nondum cuilibet perspicua sit, fiet tamen manifesta cum de radiorum fractionibus ex professo in Dioptrici agemus.

Præter hanc aëris atque humorum, quibus oculus constat, diuersitatem, plurimum etiam conducit ad radiorum infractionem albuginei figura, in medio quàm circa ambitum tenuior, quam proinde propos. 9. lib. 1. myoptræ similem esse diximus (dioptræ id genus est in medio excauatum, quod res minores, quàm libero oculo videantur, repræsentat.) Huius porrò ea est natura, vt radios à subtiliore corpore, qualis aër est, promissos ad perpendicularem colligat, quos è contrario omphaloptra in medio quàm in ambitu crassior à perpendiculari abducat, atque ea propter res obiectas maiores exhibet.

In quibus verò albugineus humor iustitia temperatus est, atque in ea mediocritate constitutus, quam in plerisque passim videre licet naturæ visionis consentaneam ac familiarem, hi res obiectas optimo quodam modo intuentur, sic vt neque magnitudine enormes, neque paruitate exiles nimis illas conspiciant.

At quibus à cerebri intemperie albugineus humor abundat, oculusque supra naturæ conditionem distenditur, his ea pars oculi, quæ glaciale obijcitur, omphaloptræ figuram æmulatur: quare vt rectè cernant, myoptris opus habent, quòd nil eminens videant. Res liquidem

A dem quas turgentes illorum oculi informes auctioresque aspiciunt, myoptrarum interiectu iusta portione attenuantur atque ad naturalem aspectum reducuntur.

Denique, quibus albugineus humor siccitate exteritur minuiturque, hi res æquo minores vident, quod cornea oculi tunica illis subsidat, infraque naturæ modum ac exquisitæ visionis rationem deprimatur, qui proinde res eminens quidem sat clarè liquidoque perspiciunt, at cominus non item, nisi propè admoueantur. Myopes hos vocant, quales plurimum senes reperiuntur, extrema præsertim ætate. *Nam, vt Aristoteles scribit lib. 5. de generat. animalium cap. 1. oculi quoque, vt reliquum corpus, senectute siccescunt. Et paulò post: Senes eam ob rem acutè non cernunt, quòd vt ceterarum partium carnis, sic oculorum quoque senescentibus obrugatur.* Quamobrem hi omphaloptris iuuantur, quibus res aspectu augetur.

Ne varius loquendi modus lectori subinde moram adferat, cursumque orationis sistat, notatu dignum puto, quod in illo radiorum flexu, qui per oculi humores contingit, non minus propriè dicamus eam radij partem, quæ cœptum iter deserit, ab optico axe discedere, quàm ad perpendicularem appropinquare. Nam per 2. huius lib. definitionem opticus axis ea est recta linea, quæ per centra M, G, & H extenditur, cui profectò LB occurret citius si recta versus K producatur, quàm si in E frangatur. Itaque LB albugineum humorem subiens obliquum iter capessit, tantò longius ab axe disiunctum, quanto ad perpendicularem EM propius accedit. Ac simili prorsus modo radius BE crystalloidem penetrans, si quidem recta in I pergere intelligatur, in opticum axem compendio incurret, at fractus in H aliquantò longius ab axe digredietur, quod ambiguitatis tollendæ gratia præmonitum oportuit.

Nunc vtilitatem eius infractionis, quæ per oculi densitatem fit, si quis requirat, hanc præcipuam adferre licet, vt scilicet aspectus quàm latissimè pateat. Si enim rectis lineis ac citra infractionem species rerum hauriret oculus, non latius sese visus effunderet, quàm pateret rectarum linearum è centro visus per pupillæ ambitum emissarum diuaticatio, quæ sanè perexigua est, atque minor etiam foret si inflexio radiorum fieret versus axem seu à perpendiculari. Nunc verò repansis vndique qui à centro educuntur radiis, amplissimum spatium foris visus complectitur, latissimumque habet prospectum. Atque in hunc modum vastissima obiecta per collectam angustamque pupillæ fenestellam suscipit.

Hieronymus Fabricius libro quem de visu, voce, & auditu inscripsit, parte tertia prioris tractatus cap. 2. inter corneæ vtilitates hanc censet, quod per eam fiat radiorum opticorum infractio ad perpendicularem: idque duabus potissimum de causis, quarum vna hæc ipsa est, quam modò attulimus, nempe vt visus latissimè pateat, pluraque videat: altera verò vt per eam lumen in oculo roboretur, coëtuntibus in medio radiis, sicque facultas melius efficaciusque ea perspiciat, quorum imaginés cum lumine intrò suscipit, quas proinde vt ipsam lumen intendi augeri que est necesse. Hanc infractionis vtilitatem probat illorum exemplo, qui in minutissimis operibus occupantur. hi namque ampullam vitream aqua limpidissima plenam lumini obijciunt, vt radiorum à tergo collectione res minimas distinctius accuratiusque discernant.

Verum hæc ratio ex falso elicitur principio. Licet enim ex singulis partibus fulgentis corporis singuli radij in centrum visus perueniant, non tamen hanc solam ob causam in centro visus lumen intenditur, cum eiusmodi radiorum concursatio æquè extra oculum, ac in eius centro, & tam citra infractionem, quàm eius interuentu eueniat. Quocumque enim modo res se habeant, necessarium semper est, vt sicut à quouis puncto rei luminosæ in omnè medij partem radij effunduntur, ita ab omnibus partibus rei lucidæ, in vnum aliquod punctum radij concurrant. Atque ita si vera esset Fabricij sententia, non in centro visus tantum, sed in quouis puncto medij lumen augetur, propter radiorum in eo congressionem. Non est igitur ea radiorum intersectio ad augendam luminis intensionem idonea, quia nimirum in toto medio perspicuo (quod quidem à corpore lucido æquè distet) similis existit. Sed alia quædam est radiorum collectio, quæ lumen intendit; cum nimirum præter radios, qui suapte natura in eandem partem medij ab omni parte corporis luminosi prociunt, eodem etiam illi confluunt fractionis ope, qui aliàs per se numquam congregari possent, vt sunt paralleli omnes, atque illi etiam, qui in recessu diuariantur, & in diuersas partes abscedunt. Sic per omphaloptras (quod specilli genus antè descripsimus in medio quàm in ambitu densius crassiusque, ac velut extuberans) quicumque pari interuallo, vnaque incedunt radij, versus axem hoc

est à perpendiculari infringuntur, & in vnum aliquod idemque punctum colliguntur, in quo proinde lumen ita augetur, vt ignem accendi sit possibile: quod vulgò omnibus perceptum est, & quotidiano vsu comprobatum.

Quod omphaloptræ, hoc etiam præstat vitrea ampulla perspicuo humore ad summum oppleta, per cuius densitatem traiecti luminis radij franguntur coeuntque. Quamobrem illa insignem vsu præstat scalptoribus, & gemmariis, aliisque qui minutissima opera faciunt. Siquidem in auersa parte excellens quoddam lumen præbet, ex plurium radiorum conspiratione excitatum.

Huiusmodi autem luminis collectionem in oculi centro minimè fieri ex propof. 9. libri primi demonstrari potest. Ostensum est enim corneam araneamque tunicas non esse parallelas, sed in medio sibi, quàm in ambitu viciniores. Ex quo fit, vt albugineus humor formam myoptræ potiùs quàm omphaloptræ habeat. Myoptra autem eos, qui *παρὰλληλῶς* incidunt, radios dispergit, atque ab axe diuellit, quos omphaloptra colligit. Igitur in centro visus non fit ea radiorum collectio, quæ lumen augere possit.

Deinde cum oculorum temperamentum ab intensiore lumine facillimè oblædatur, quis non videt eam radiorum conspirationem, quæ lumen adauget intenditque, naturæ oculorum penitus aduersari; amicam verò oculis esse moderatam luminis remissionem? Ad quam in primis, ipsa albuginei figura myoptræ instar conducit; deinde pupilla ipsa sese dilatandi, astringendique vi pollens, quæ quidquid potest luminis excludit, sola ea portione asseruata, quam sine noxa sustinere potest. Denique impensa nigredo, quam choroidi insitam à natura esse lib. 1. propof. 1. diximus.

Præterea si albugineus humor forma omphaloptræ effectus esset, lumenque per ipsius densitatem in centrum visus illapsum infractione augetur, nihil omnino videri posset. Nam proprium id est omnibus, seu omphaloptris, seu cauis speculis, à quibus radij fracti aut repercussi in vnum aliquod punctum colliguntur, vt visu in concursu radiorum posito nihil perspiciatur. Quod experientia quidem satis, quod ad præsens institutum spectat, edocet: sed & ratio demonstrat. Nam res ex eo loco spectatæ aded augetur, vt penitus euanescant. Quod planius fiet, cum de his visionum modis suo loco agemus. Igitur non fit in oculo ea radiorum collectio, quæ lumen cõdenset augeatque, sed à singulis obiecti partibus, singuli radij proueniunt, qui non rectà in centrum visus pergunt, sed ad perpendicularem, seu ab axe priùs deflectunt quàm in centrum visus prolabantur, scilicet vt eò latius visus pateat.

Difficilis nodus hoc loco explicandus superest, quonam pacto admissa ea radiorum infractione non omnia extra proprium locum constituta spectentur. Nam quidquid fracto radio cernitur, alio in loco quàm re ipsa sit, apparet, vt etiam omne id cuius forma à terço corpore repercutitur: quod si fiat, fallax erit omnis aspectus noster, nec aptè quidquam discerni poterit.


Respondeo visum nostrum in multis quidem falli, vt libro quarto ostendemus, qui de visus erroribus instituetur: nec circa distantiam solùm, aut magnitudinem, vel figuram, situmve, sed etiam circa proprium cuiusque rei locum pluribus modis visum hallucinari contingit. Nil igitur mirum, si propter radiorum flexum, qui per albugineum & crystallinum humorem fit, res à propriis verisque locis distrahantur. Nec hoc accuratam distinctamque visionem impedit, cum sit malum oculo familiare, nec vna aliqua res alieno in loco appareat, ceteris loco proprio cõsistentibus, (id enim visionem omnino confunderet): sed cum simul omnes rerum phantasiæ proportionem quadam, atque vniformi difformitate cedant, apparentiaque loca capeffant, nulla in iis quæ videntur perturbatio confusioque inuehitur. Oculo enim idem euenit, quod iis qui per specilla res intuentur. Hi enim tamen omnia alienis in locis, atque à propriis sedibus abducta videant; putant tamen se proprio in loco vnumquodque contueri: vnde & res quaslibet digito rectè designant, & scopum in quem collimant, verè attingunt. Quod quo pacto fiat, sic accipe.

Sit corneæ tunicæ extrema superficies *A B C*, & centrum eius *H*; visus autem centrum sit *D*, res verò spectabilis *F*, cuius species fracto radio *F A E D* centrum visus subeat: appareatque *F* in *G*, vbi nempe *D E* producta tandem cum perpendiculari *H F* etiam producta congruitur.

Nunc si quis punctum *F* digito attingere conetur, is eum secundum rectam *A F* verè quidem extendet, at per rectam *D G* extendi videbitur, propterea quòd quidquid in *A F* verè existit, id omne in recta *D G* appareat. Quare si extensus digitus sensim in *F* promouea-

A moueatur per rectam AF , tunc versus G per rectam DG produci putabitur, cumque attinget punctum F , videbitur attingere punctum G , quod phantasia puncti F in G apparente locum habeat.

Idemque in iis, qui collimant, ostendi potest. cum **B** enim signum in scopum apparente dirigitur, verè in F tendit, quod punctum F in G , uti diximus, totaque inflexa linea $DEAF$ in recta DG extensa esse videatur.



Idem ergo oculo accidit, quod iis qui per specilla aspiciunt; hæc verò fallunt quidem, at usum aspectus non euertunt, quin potius perficiunt, collapsumque in pristinam integritatem ac statum naturalem restitunt.

Quamquam ea, quæ ad propositæ difficultatis explicationem huc usque sunt dicta, **C** magnam veri similitudinem præ se ferunt; tamen si in quæstione tam difficili ac dubia experientiam quoque rerum magistram in consilium aduocemus, experiemur profectò rem longè aliter se habere, radiorumque in fractionem, quæ per oculi humores fit, aspectui adeò esse naturalem, ut ea etiam quorum imagines fractis radiis in centrum visus comitant, propriis in locis singula conspiciantur. Cum enim iam constet ea quæ per axem videntur, in axe quoque apparentem locum habere, sanè si cetera non in illa recta linea apparent, quæ à centro visus ad vnumquodque illorum educitur, consequens est, ut axe optico à re vna in aliam procul translato res ipsa locum mutare videatur. Id enim ni fiat, eodem loco nunc res videbitur, cum per obliquum radium forma eius sese infinuat, quo priùs, cum axis opticus in eam defixus tenebatur. Sic verò iis qui per dioptras **D** seu specilla inspiciunt, dum caput circumagunt, res loco moueri videntur: positis autem specillis nullam rerum lationem percipiunt, quantumuis caput oculòsve in orbem ducant. Igitur seu per axem rerum imagines directò ferantur, seu per obliquum radium fractæ inclinataque porrigantur, in ea semper linea res proposita videtur, quæ ad ipsam à centro visus recta protenditur, tametsi non per eam semper videatur.

Deinde si tamdiu oculum conuertamus donec opticus axis in eum locum venerit, in quo res quæpiam obliquo radio antè cernebatur, experiemur haud dubiè nos iam distinctè ac velut per axem rem istam intueri. Itaque utroque visionis modo, hoc est illo qui per axem fit, illoque qui per obliquum radium, eodem semper loco res conspiciuntur. Si enim visibile F (exemplo quo priùs uti liceat) directò quidem aspectu in F , **E** quo verò in G appareat, cum axis DB , oculo circumacto, in locum DG delatus fuerit, nondum ipsum F perfectè videbitur; sed tum primùm, cum axis in F erit perductus: at verò experientia docet id quod priùs obliquè cernebatur & obscure, tum perfectissimè videri, cum in eum locum axis opticus reponitur, in quo res antè obliquo radio cernebatur: ergo seu rectis seu fractis per oculi densitatem radiis, res eo semper ordine ac loco videntur, quo reapse dispositæ sunt. Cuius effectus hanc esse arbitror causam, quod humores tunicaque oculi ab extrema superficie ad centrum usque perpetuo contactu, ac serie nullibi interrupta contineantur. Ita profectò familiari quodam partium omnium consensu contactuque sentientis organi visio rectè celebratur, licet per diuersa **F** media radij optici sæpiùs infringantur.

Huic sententiæ plurimùm fauet maxima illa diuersitas, quam in animalium oculis deprehendimus. Vix enim vllum animantis genus reperiri potest, cuius oculi alterius oculis per omnia sint similes, quin potius in singulis videas tunicarum humorumque figuras ac commensus plurimùm dissidere: quibus tamen nulla inest aspectus deprauatio, sed recto atque humano more res omnes externas intuentur, præterquam, quod nonnulla aliis acutiùs videant, alia obtusiùs. Sic supremus rerum artifex omnia moderari consuevit, ut ex iis quæ naturæ repugnare videntur, effectus eliciat naturales, sapientiam simul atque potentiam hominibus ostendens.

PROPOSITIO IX. THEOREMA.

Radij optici axi viciniores angulis maioribus, remotiores minoribus, æquè distantes æqualibus per albugineum oculi humorem franguntur.

PROPOSITVM in hunc modum demonstrabitur. Sit oculi superficies ABC , cuius centrũ D ; visus autem centrum sit K , ad quod perueniant radij GK , FK , EK , è quibus GK quidem axis esto superficiẽ visus rectis angulis insi- B stens; proximus verò hunc sequatur FK , dein EK , ambo superficiẽm oculi obliquè secantes.

Dico igitur FK , quàm EK maioribus angulis frangi. hoc est formam signi F non per rectam lineam FK , sed per fractam FBM : formã verò puncti E non per rectam EK , sed per EAL in K centrum visus peruenire: sic vt maior sit angulus FBM quàm EAL , & BMK , quàm ALK maior.

Quoniam enim infractionis causa est obliquitas angulorũ, quos incidentes radij, cum superficie secundi diaphani comprehendunt, necesse omnino est, vt

maiorẽ angulorum incidentium obliquitatem maior infractione consequatur: hoc est, vt quanto incidentiæ anguli à rectis longius absunt, tanto quoque incidentes radij obliquioribus angulis frangantur. At radij ab axe remotiores cum visus superficie obliquiores angulos faciunt, quàm qui axi sunt propinquiores; illi ergo per densitatem oculi obliquioribus angulis franguntur.

Quòd autem EK , quàm FK obliquiores angulos faciat cum oculi superficie, ita probatur. Producta EK in H , & FK in I , iungantur HI & ON . Quoniam igitur per 35. tertij Euclid. rectangulum sub NK & KH contentum, æquale est rectangulo comprehenso E sub OK & KI , erit per secundam partem decimæ sextæ sexti Euclid. quemadmodum KI ad KN , ita KH ad KO : est verò angulus IKH , angulo KNK æqualis per 15. primi Euclidis: est igitur & angulus KHI angulo KON æqualis per 6. sexti Euclidis. At cum in triangulo NKO maior sit latus NK latere KO per 7. tertij Euclid. erit per 18. primi Euclidis angulus KON angulo KHO maior. Hi igitur duo inæquales anguli, si addantur æqualibus angulis KHI , & KON , compositi inæquales erunt per communem notionem, maiorque erit is, cui maior adiunctus fuit, nempe NOH maior quàm IHO . Quare inæqualia sunt ipsa segmenta, ac maior quidem ICO , in quo minor est IHO angulus, minus verò HON , in quo angulus NOH est maior, vt ex 31. tertij Eucl. colligipote- F st. Inæqualium verò segmentorum maioris maior est angulus, qui sub recta linea & circuli peripheria continetur per eandem 31. tertij Euclidis. Igitur obliquior est EK superficiẽi oculi, quàm FK . Nam obliquior est ex minoribus recto angulis minor, vti ex maioribus recto maior: est autem vterque angulus KNO , KOC recto minor, quandoquidem neutra NH , OI per centrum D transeat; minor verò iam ostensus est KNO angulus, quàm KOC . Est igitur idem angulus KNO angulo KOC obliquior. Quare & linea EK superficiẽi oculi obliquior erit, quàm FK , quippe quæ obliquioribus incidit angulis. Ideoq; eadem EK ab axe GK remotior, magis infringitur, quàm FK eidem GK axi propinquior; propterea scilicet, quòd obliquitas incidentiæ fractionis sit causa, quam in Dioptrici explanatiùs tractabimus.

Deinde,

A Deinde, si omnes radij paribus angulis inflecterentur, quantumuis exigua portione hi à rectis dissiderent, sequeretur aliquorum radiorum fragmenta axem ipsum opticum interfecare, illorum nimirum qui huic proximi essent; atque ita res quædam ad vnam axis partem constitutæ, in altera apparerent; quod fieri nequit, cum axis medius sit, ea dirimens quæ ex omni circum parte cernuntur. Igitur radiorum inæquali spatio ab axe disjunctorum inæqualem esse oportet infractionem.

At eandem ob causam multò minùs fieri potest, vt radij propinquiores axi, minoribus angulis frangantur, quàm remotiores. Igitur contrà remotiorum quidem radiorum fractionem, minoribus angulis quàm propinquiorum, accidere est necesse. Ex quo facile **B** intelligi potest illorum radiorum, qui æquè ab axe disjuncti sunt, æquales quoque esse infractiones, quòd in his par causæ vis efficientiaq; conueniat, nempe angulorum æqualitas, quos incidentes radij cum superficie oculi ac visus complectuntur. Atque ita perspicuum relinquitur id quod initio propositum fuit ostendere.

Porrò hanc infractionis inæqualitatem eadem consequitur vtilitas, quam superiore propositione exposuimus, quòd nimirum hac etiam causa latiùs se visus expandat. Si enim æqualem omnes radij admitterent infractionem, ea pyramis optica, quæ maxima dicitur, angusta admodum basè definiretur, nec omnino maiore, quàm quæ pupillæ angustis proportione quadam responderet: nunc verò quo res magis à lateribus proueniunt, eo ipsarum radij minoribus angulis fracti in centrum visus aditum inueniunt.

C Hic obiter admonitum lectorem volumus, quamuis hactenus dictum sit radios opticos non directò in oculi centrum illabi, sed per albugineum crystallinumque humorem fractos penetrare; tamen ne quotiescumque in decursu orationis radiorum opticorum meminisse oportebit, necesse habeamus eius infractionis mentionem facere, non sine lectoris tædio ac graui molestia; nos cum in sermone, tum in schematibus vsupaturos in posterum radios opticos, non secùs ac si rectà in centrum visus citra infractionem vllam protenderentur. Ad ea enim quæ hoc libro & sequentibus dicenda sunt, nihil omnino interest, rectène an per anfractus radij optici humores oculi tunicalque pertranseant, cum constet species à re visa ad oculos per idem medium rectis lineis deportari.

D PROPOSITIO X. THEOREMA.

Secundum omnes radios opticos fit rerum comprehensio; certissima quidem per axes; per ceteros autem tantò certior, quantò sunt axi propinquiores.

E **P**RÆTER eam vtilitatem, quam superius ex radiorum infractione prouenire diximus, nempe vt latiùs visus pateat, alia quoque proprietas non minùs illustris ac vtilis infractionis inæqualitatem comitatur, nimirum aspectus difformitas, qua per axem quidem res delatæ ad oculum accuratissimè conspiciuntur; ceteræ autem, quantò per radios ab axe remotiores, tantò obscurius imperfectiusque: omnis enim infractione, vti & inflexio, species hebetat atque eneruat. quo igitur illa maior est, eo minùs enucleatè res ipsas aspectui repræsentat.

Deinde tantò clarior certiorq; est visio, quantò efficacior; tantò verò efficacior, quantò directius optici radij in superficiem visus incurrunt: siquidem hi magis feriunt, efficaciusq; actionem imprimunt: igitur per radios minùs obliquos, quales sunt axi viciniore, præstantior visio prouenit, quàm per remotiores ac fractos magis.

F Fuit autem ea visionis disparitas apprimè necessaria. Cum enim animus in vnam dumtaxat rem, non verò in plures simul possit intendere, ad eam totus conuertitur quæ organum acrius stimulat lacescitque, quam proinde externus sensus exactius dignoscit. Quòd si visus res omnes æquè articulatè perspiceret, animus circa omnes quoque simul totus occuparetur: perfecta siquidem visio animi attentionem postulet; hoc autem cum fieri nequeat, nec visus plura simul accuratè videre potest, sed vnum tantum, quod in axem cadit. Denique axi proxima perfectius videntur, quòd sicut oculorum, ita & mentis pronior sit erga hæc discursus.


Ex dictis sequitur, in axium opticorum congressu nobilissimam visionem celebrari. Cum enim sigillatim in vno quouis axe, præ ceteris qui hunc circumstant radiis, perfe-

ctissima sit formarum comprehensio, erit & coniunctim eo loci, vbi ambo simul axes A optici conueniunt, visio omnium exactissima, quod libro etiam superiore, proposit. 76. certissimo experimento ostendimus, vt præterea nulla alia demonstratione ad roborandum propositum sit opus.

PROPOSITIO XI. THEOREMA.

*Axis communis eam, qua extrema neruorum opti-
corum connectit, bifariam secat.*

ISTO commune neruorum opti-
corum principium A, eorundem autem
neruorum extrema B & C connexa per rectam BC, cadatque AD in BC ad
signum D normaliter. Dico eandem BC in D sectam esse bifariam. Cum
enim nerui optici longitudine sint pares, vt lib. 1. proposit. 22. ostensum
est, isosceles erit triangulum ABC, per definitionem, eiusque crura AB, & AC
inter se æqualia: perpendicularis verò
AD, quæ totum triangulum æquicru-
rium in duo triangula diuidit, vtrique
communis est; porro & angulus BAD,
angulo CAD æqualis esse ita demon-
stratur. Protensa BC vtriusque in E
& F, fit externus angulus EBA, an-
gulo externo FCA æqualis. Siquidem duo anguli EBA & ABD duobus rectis sunt pares
per 13. primi Euclid. item FCA & ACD pares sunt duobus rectis, per eandem 13. primi
Euclid. Si igitur ab his æqualibus auferantur ABD & ACD inter se æquales per 5. primi Eu-
clid. reliqui, scilicet externi anguli, per communem notionem æquales inter se erunt. At
externus angulus EBA æqualis est duobus internis & oppositis BDA & BAD per 32. primi
Euclid. Similiterque angulus FCA externus, duobus internis & oppositis CDA & CAD
æqualis est. Sunt igitur duo anguli BDA, BAD simul sumpti duobus angulis CDA, CAD
simul sumptis æquales. Ab his ergo si auferantur æquales recti, qui circa D consistunt, D
relinquentur BAD & CAD inter se æquales. Quare cum in triangulis BAD, CAD duo
latera AB, AD, duobus lateribus AC, AD vtrumque vtrique æqualia sint, & angulus
BAD angulo CAD æqualis, erit per 4. primi Euclid. & basis BD basi DC æqualis. Igitur
BC per communem axem AD qui normaliter in ipsam incidit, est secta bifariam, quod
propositum erat demonstrare.




PROPOSITIO XII. THEOREMA.

Axes optici in unum semper idemque punctum conspirant.

IBRO primo proposit. 19. insignem illam oculorum concordiam descripsi-
mus, qua in mutuam actionem ita consentiunt, vt quod vnus fertur, eodem
mox alter toto conatu, ac velut certo quodam definitoque naturæ impetu
rapiatur Vnde propositum theorema ceu confectarium elicitur. Cum
enim hæc virtus, perfecti intuitus causâ, oculis inesse videatur, ni ambo-
rum luminum axes firmissimo societatis vinculo colligentur, peribit omnis vsura lucis,
ac rerum quæ sub aspectum cadunt: quod in hunc modum ostendi potest.

Sint duorum visuum centra A & B, proposita au-
tem sit superficies CD ceu horopteris planum, in
cuius punctum G si vnus oculi axis terminetur, dico
& alterius oculi axem ibidem mox naturæ ductu
affuturum: manente siquidem visu A defixo in G,
acies oculi B si fieri potest in aliud punctum, puta H,
deflectat, sic vt axes in immensum producti nus-
quam concurrant; tunc non modò vtrumque pun-
ctum G & H, & quæcumque demum in eadē illa su-
perficie CD existunt, geminata apparebunt: verùm
etiam nullus omnino locus erit, e quo singulare ali-
quid ac distincte dignosci poterit. Quod cum naturæ visus penitus aduerfetur, oculorum



machi-

A machinator Deus, musculos, quibus illi cidentur, ita sociavit, ut suapte vi ipsos orbis aut pariter attollere, aut vnà deprimere, aut in dextram finistramve partem simul inflectere cogantur, vt lib. 1. propof. 19. ostensum est.

Quamquam autem oculorum conuersiones ita se habeant, vt suopte ingenio iugatos semper axes contineant; tamen haud diffitendum est, quin possint externa vi, aut praua alterius affectione, velut paralyfi aut conuulsione ab ea societate diuelli: id verò cum accidit, omnia item geminari videntur, & mutuo congressu ita se rerum aspectabilium imagines impediunt, vt velut turbata acie nil præter indigestam congeriem, & sine forma formam, intueri liceat.

B Non igitur in potestate oculorum positum est, axes ita diuelli vt nullo loco concurrant, ne aliquando proprio ac naturali vsu aspectus destituatur. Inutilis enim eiusmodi oculorum constitutio foret, qua nil vsquam exactè spectari posset. omne namque quod distinctè videtur, in axium concursu existat necesse est. Quocircà perpetuò axes ita iunguntur, vt semper in vnum aliquod idemq; punctum conspirent, quod fuit propositum.


PROPOSITIO XIII. THEOREMA.

Axes opticos cum ea quæ connectit centra visuum, eaq; qua extrema neruorum opticorum iungit, in eodem plano necesse est esse.

C **S**INT axes optici AC & BC, connectens autem centra visuum AB. Hæ tres lineæ cum triangulum claudant, in vno eodemq; sunt plano, vt per posteriorem partem 2. vndecimi Euclidis constat. Necesse autem esse, vt axes cum ea, quæ centra visuum connectit, triangulum perficiant, ex eo conuinci potest, quòd illi & inter se, & connectenti centra visuum naturaliter cohæreant:

D huic quidem ex necessitate, quia per centra visuum transire ipsi etiam axes necessariò debent. Est enim centrum visus punctum illud, in quod radij vniuersi simul conueniunt, quodque formas omnes aspectabilium rerum, per quoscumque demum radios inferantur, in se recipit; colligitque velut commune quoddam omnium conceptaculum, vt lib. 1. propof. 26. fusiùs est explicatum. Cum ergo per centra visuum axes transeant, fit vt illi quoque, quæ centra visuum iungit, necessariò cohærescant. At etiam inter sese. Nam ex præcedente propositione iam constat axes opticos perpetuò coniunctos esse, ne scilicet res à propriis abductæ locis geminatae conspiciantur. Sequenti etiam libro ostendemus non nisi in axium congressu res singulares videri. Duo ergo iugati axes cum ea, quæ centra visuum copulat, triangulum constituunt. Quocircà in vno hæc omnia sunt plano; quod primò propositum fuit demonstrare.

E Quod verò tres hæ lineæ, axes videlicet optici, eaque quæ centra visuum connectit, cum ea, quæ iungit extrema neruorum opticorum, in eodem sint plano, ex propof. 8. & 10. libri primi liquidò constat. Nam octaua quidem propositione ostensum est, omnium partium totius oculi centra in directum constituta esse: ex quo in primis illud efficitur, per hæc omnia rectam quamdam lineam extèdi posse, quandoquidem ea sit rectæ lineæ definitio, vt omnes eius partes ex æquo sibi respondeant. Deinde recta iam linea per omnia centra oculi acta intelligatur: hanc propositione 10. lib. 1. per eam nerui optici extremitatem, qua oculum attingit, incedere manifestè ostendimus; est porrò recta hæc linea eadem cum axe optico per secundam huius libri definitionem. Igitur triangulum efficiunt axes optici cum ea quæ extrema neruorum opticorum coniungit, in quo cum & illa sit, quæ per vtriusque visus centrum protenditur, perspicuè colligi potest vtrumque axem opticum cum vtraque connectente in eodem plano existere; quod secundo loco demonstrasse oportuit.



PROPOSITIO XIV. THEOREMA.

*Et nervi optici, cum ea qua illorum connectit
extrema, in vno sunt plano.*



HIVS propositionis eadem est quæ superioris demonstratio. Quoniam enim nervi optici communi principio ab origine connectuntur, & ea quæ illorum extrema copulat, triangulum perficit, fit per posteriorem partem secundæ propositionis libri vndecimi Euclidis vt omnes in vno sint plano, quod demonstrasse oportuit.


Non est tamen idem responsus neruorum opticorum cum connectente centra visuum, qui opticorum axium cum ea quæ neruorum opticorum extrema coniungit. Optici namque axes cum superioribus oculi partibus, vnde cernendi vis efficientiaque prolabitur, ita consentiunt, vt illorum congressum cum centrâ visuum, ac neruorum initiis, in eadem semper regione constituta esse oporteat: at nervi optici, qui insitam sibi facultatem cerebro potius, quàm subiectis oculi partibus acceptam referunt, non ita centrâ axibusque opticis, vt propriis extremitatibus ac communi principio respondent. Quocirca hi quidem, id est nervi optici, eaquæ recta linea, quæ ipsorum extrema colligat, in vno semper sunt plano; non verò in eodem in quo & centra visuum axesque optici.

PROPOSITIO XV. THEOREMA.

*Si duo axes optici cum axe communi conveniant, erunt in eodem
plano cum ea quæ extrema neruorum opticorum connectit,
& duabus à nervo communi eidem connectenti conterminis.*



SIT axis communis AB , duoque optici EB & FB concurrentes cum communi axe in B . Sit item ea quæ extrema neruorum opticorum connectit EF . Huic autem contermina, hoc est à nervo communi A ad eius extrema seu terminos E & F , ductæ sint AE & AF , quæ nervos ipsos opticos representant. Dico has omnes in vno eodemque plano esse, nam per posteriorem partem 2. vndecimi Euclid. trianguli EAF latera omnia in vno sunt plano, sic & latera trianguli EBF , vt duabus superioribus propositionibus est demonstratum. At vtrumque triangulum in eodem plano esse prior eiusdem 1. vndecimi Euclid. pars conuincit. Nam in vtroque simul duæ lineæ AB & EF sese interfecant in G per 11. propof. huius libri, quæ proinde in vno sunt plano: est verò vt EF sic & AB , quæ ab A communi neruorum principio originem ducit, & in B opticorum axium congressum procidit, vtrique triangulo communis. Igitur vtrumque triangulum in eodem illo est plano, in quo sese AB & EF interfecant. Quocirca & omnes supradictæ lineæ, vtpote horum triangulorum latera, in vno eodemque sunt plano, quod erat demonstrandum.



PROPOSITIO XVI. THEOREMA.

*Radij omnes, qui à proposita quapiam recta linea ad cen-
trum visus porriguntur, in eodem sunt plano.*



PERSPICVA est huius theorematis demonstratio, tum ex iis quæ tribus proximis propositionibus diximus, tum ex posteriore parte prop. 2. lib. 11. Euclidis. Constat enim triangulum esse oportere id, quod proposita recta linea ceu base, radiisque ab oculo ad ipsius extremitates pertinentibus continetur. In hoc ergo cum ceteri omnes radij existant, qui à proposita linea ad centrum visus porriguntur, consequens est per iam citatam Euclidis propositionem,

A nem, vt illi omnes in eodem sint plano. Hinc porrò colligi potest, eam formæ productionem, quæ à recta linea visili directè vel obliquè aspectui obiecta ad alterum oculorum protenditur, radiosam quamdam esse superficiem, cuius nos suprâ mentionem fecimus propof. 2. huius libri, & sæpè in posterum meminisse oportebit, libro præsertim sexto, in quò de proiecturis agemus.

PROPOSITIO XVII. THEOREMA.

Axis communis per se immutabilis est.

B



VE M A D M O D V M nerui optici propriis locis firmi consistunt, vna quidem extremitate neruo communi cohærentes, altera verò ossibus inferti, in quorum cauis sphæraulæ oculorum torquentur. Ita communis axis, qui angulum neruis opticis comprehensum, subiectamq; illi basin secat bifariam, immutabilis esse conuincitur. Cùm enim motis oculis, loca, per quæ axis communis siapte natura transit, immota perseuerent, necesse omnino est axem ipsum communem, sicut & neruos opticos, immutabilem esse.

Est verò hic situs oculorum, naturæ aspectus quàm maximè accommodatus, vt sicut nerui optici cum axe communi superiùs cohærent, ita & axes visuales cum eodem communi axe exteriùs concurrant, in eodemq; extendantur plano. Quare in ea constitutione situq; spontè oculi conuiescunt, nec inde facillè dimouentur nisi ope ac vi musculorum, qui voluntatis imperio ac motrice, qua pollent, facultate, cùm res exigit, eos vel attollunt, vel deprimunt, vel ad latera inflectunt.

PROPOSITIO XVIII. THEOREMA.

Motis oculis, axes quoque optici pariter loco dimouentur.

D



V M ex secunda huius libri definitione constet, axem opticum rectis angulis superficiei visus insistere, perspicuum est, mota visus superficiei & angulum incidentis axis vnà mutari, nisi axis ipse motum oculorum pari veitigio subsequatur. Essentia namque recti anguli in indiuiduo est constituta, cui nec addi nec detrahi quidquam potest citra essentia mutationem: detractione siquidem acutus, additione verò obtusus efficitur.

Cùm axem opticum mutari mouerique dicimus, neutiquam volumus, vt formæ visibiles, quæ rectà per aërem protenduntur, loco mutari intelligantur, quasi eadem numero ex vna in aliam partem medij commeent, quod fortè nos dicere quispiam arbitraretur, eam ob causam, quòd propositione prima huius libri ostensum sit, radios opticos esse ipsas aspectabiles formas directò ad centrum visus exporrectas, axemque proinde opticum esse eam formæ productionem, quæ rectis angulis in visus superficiem incidit. Cùm igitur axem moueri dicimus, existimabit aliquis indicare nos velle formam ipsam moueri loco, quod tamen à specierum natura alienum est, cùm vniuersam actiuitatis sphæram rectis vndique lineis profusæ impleant, nisi qua impediuntur adiaphani corporis interiectu.

Verùm non hoc astruimus, sed tantùm rectas illas formarum productiones, licet immotas, respectum appellationemque mutare. Vti enim idem luminis radius sola corporis conuersione, nunc posterior esse potest, qui priùs anterior erat, & nunc sinister, qui priùs dexter: sic oculi mutatione formæ visibiles, quæ priùs perpendiculares erant, nunc obliquæ fiunt, aliæque in perpendicularium, non dico locum, sed respectum appellationemque succedunt, licet immotæ loco consistant.


Quamobrem autem axes opticos motis oculis mutari necesse fuerit ex libro sequenti planum fiet, cùm ostendemus ex oculorum motu, eorum quæ foris versantur, motum plurimum cognosci. Nisi enim circumactis oculis & axes optici transferantur, nulla ratio erit cur internus sensus ex organi motione externarum rerum lationes cognoscat. mutantur itaque axes optici loco situque circumactis oculis, quod probasse oportuit.

PROPOSITIO XIX. THEOREMA.

Radius communis omni oculorum motu, præterquam diuarcationis & contractionis, variat.

RADIVS communis, non secùs ac optici axes, mutationi obnoxius est: attamen non omni oculorum motu situm immutat; sed eo dumtaxat, quo oculi vel attolluntur, vel deprimuntur, vel vnà in dextram aut sinistram partem flectuntur, vel in orbem torquentur. Illo autem motu, quo pariter diuarcantur, aut contrahuntur, ipse communis radius nullam mutationem suscipit. Tum siquidem ita oculi mouentur, vt axium concursus, per quem communis radius necessariò transit, in eadem semper recta linea existat.

Quod vt planiùs intelligatur, sint, exempli gratia, sphaeræ oculorum A & B, quæ autem visuum centra connectit AB secta sit bifariam in G. Ac primò quidem conueniant axes optici in C puncto communis radij GC: dico igitur posse oculos ita diuarcari, vt axium concursus in eundem radium communem incidat, ad signum D; hoc verò oculorum motu perspicuum est communem radium immotum atque inuariatum perstare; mutari autem si oculorum axes ad aliud quodcumque punctum conuertantur, quod extra communem radium GD assumptum sit siue suprà, siue infrà, siue ad latera, vt puta E. Nam cum C & E puncta non sint in directum cum puncto G posita, aliam esse oportet lineam GE à linea GC, vt ex definitione rectæ lineæ constat.



Rursus possibile est oculos ita constringi, vt axes optici à puncto E in F punctum radij communis GE adducantur: atque hoc item oculorum motu quo ab E in F axium congressus transfertur, nequaquam mutatur communis radius: igitur solo diuarcationis & constrictionis motu radius communis nullam mutationem subit. Quod autem omni alio oculorum motu, quo axium concursus à linea GE diuellitur, ipse simul communis radius moueatur, eodem argumento probari potest, quo in mutatione communis radij GD proximè vsi sumus. Nam omnis oculorum inflexio, præter solam diuarcationem & constrictionem, ad eiusmodi loca ducit, quæ cum G in directum constituta non sunt. Quare vna aliqua recta linea per ea omnia duci non potest: sed alia est quæ per GE, alia verò quæ per GD extenditur: at fieri nequit, vt radius communis immutatus alius atque alius existat: igitur omni alio motu oculorum, excepta diuarcatione & constrictione, radius communis variat; quod propositum fuit demonstrare.

PROPOSITIO XX. THEOREMA.

Oculi ita diuarcari nequeunt, vt axes firmentur paralleli.

PRÆTER illas musculorum coniugationes, quibus oculorum orbis concitantur, alium esse neruum docuimus lib. I. propof. 3. cuius proprium sit munus obtutum defigere, aciemque immotam continere. Id verò cum fieri non possit, nisi axes optici in rem aliquam vnà conueniant, consequens est, vt hi situ parallelo firmari ac contineri aliquanto temporis interuallo nequeant.

Subinde tamen euenire crediderim, at fortuitò, vt axes optici paralleli fiant; cum nimirum laxatis musculis, abiectoq; retentionis conamine oculi fluxum quemdam, atque incertum situm habent. Quemadmodum in somnis fortè nonnumquam contingit; at tum feriente motrice facultate nequaquam oculi in eo situ firmanantur. Igitur ea vis, quæ oculos continet figitque obtutum, ita est comparata, vt, nisi intentis in vnum aliquod punctum axibus, oculos diu continere non possit.

Neque in somnis modò, verumetiam ex deprauato habitu ea passio oculis accidere interdum solet. Nam musculi longo vsu validoque conatu debiliores aliquando effecti,

aut

A. aut morbo immutati vagum aspectum efficiunt, qualem persæpè videre est in iis, qui diu multumq; legere, aut assidua scriptioni incumbere consueuerunt: sic & in senibus, nec non in iis quibus crebriores sunt lacrymæ, aut quibus cerebrum vacillat, mensque titubat; in iis denique, qui vel paralyti, vel strabismo tentantur: quorum his propter conuulsionem oculi torquentur, vnde strabones à morbo dicti; illis verò, ob musculorum dissolutionem vires collabuntur: ac tandem propter motus abolitionem oculi volubiles & inconstantes fiunt; quibus autem id vitij in habitum transit, hos pætos vocant.

PROPOSITIO XXI. THEOREMA.


B. *Neque propius oculorum axes terminari possunt, quàm vbi cum nervis opticis angulos rectos efficiunt.*



C. **I**NTER illas condiciones, sine quarum præsidio res corporeæ aptè concinnæque aspectu dignosci non possunt, distantiam numerari lib. & diximus: vbi etiam propos. 58. non minorem obiecti distantiam ad accuratam visionem postulari ostendimus, quàm quæ axibus continetur, cum quibus nervi optici angulos rectos efficiunt. Id verò quoniam non tam ex aspectus natura efficientiaque, quàm ex radiorum promissione pendet, ad hunc locum propriè spectat veram causam inuestigare, ob quam axes optici propius adduci nequeant, quàm vbi cum nervis opticis rectos angulos comprehendunt. Quam inuenire arduum non erit, si oculorum constructionem attentius contemplemur.

D. Sint $A B$ & $A C$ nervi optici à communi principio A deriuati, qui sphaeras oculorum contingant in B & C . ex B autè & C orthogonales axes educantur $B D$ & $C D$, qui per centra oculorum transeant. Dico posse quidem in D obtutum terminari, quòd huc vsque nervi optici recta & citra vim vllam ad oculorum sphaeras extendantur. Siquidem per 16. tertij Euclidis, extra conuexitatem oculorum cadunt.

E. Non posse autem propinquiùs visum terminari, ita probatur. Adducantur, si fieri potest, oculi, ita vt visus propius terminetur, velut in E . Cum $E B$ & $E C$ axes necessariò per centra oculorum transeant, oportebit nervos opticos circa oculos inflecti. Est enim per 16. tertij Euclidis semicirculi angulus quouis acuto rectilineo maior: at angulus $A B E$ acutus est, quandoquidem $A B D$ positus sit rectus: igitur semicirculi angulus, qui maior est, acuto illo $A B E$ capi non poterit. Quare necesse erit, vt nervi optici circa oculorum conuexitates torqueantur, & in curuas lineas $B F A$ & $C G A$ flectantur. quod fieri non posse, certissima testatur experientia.



Quando enim eò adducere oculos conamur, vt nervi optici circa oculorum orbis curuari, tendiq; incipiant, manifestum dolorem percipimus, non aliunde profectò quàm ex ea coactione excitatum. Igitur propius adduci oculi non possunt, quàm vbi axes cum nervis opticis angulos rectos efficiunt; quod erat probandum.

F. Cum verò ad excitandam animi attentionem mirum in modum prodesset axium opticorum contractio (solent enim meditabundi oculos nasum versus adducere) vt ea facilius homini esset, minimam ei oculorum intercapedinem natura molita est; maximam autem beluis, iis præsertim quibus minima est cogitatio, vt equis & ouibus: quæ verò animantia rerum cogitatione plus occupantur, vt leones, simiæ, canes, feles, elephanti, his etiam pro rata corporis mole minus à natura concessum est oculorum intervallum. Sic vt vnumquodque pro suo ingenio eam oculorum constitutionem natum esse videatur, quæ excitandis internis facultatibus apprimè conducit. Quod etiam cuilibet promptum erit animaduertere, si quæ indies in oculos nostros incurunt, attentioni consideratione perpenderit. Neque enim oves aut equos videas ceruices circumagere, vt axibus iunctis utroque oculo in rem obiectam perfectius colliment; sed sat ipis est vnico oculo rem explorasse: contra verò simiæ, feles, & id genus animantia ad quemuis terrorem ac strepitum caput oculosque circumferunt, iunctisque axibus è directo sese opponunt ei rei, quam exactius volunt habere perspectam.

PROPOSITIO XXII. THEOREMA.

Axis optici eò adduci non possunt, ut ad normam concurrant.




NON æqua inest oculis axes producendi ac contrahendi facilitas. Nam *pedes*, inquit. D. Chrysoſtomus Homilia vñdecima ad populum Antiochenum, *paululum progressi fatiscunt & lassantur; oculus verò tantam altitudinem permeans, tantamq; latitudinem, nullam sentit imbecillitatem.* Cùm verò tantam oculorum vim admiremur in oculis, vt ad cælos vsque aspectum profundant, immensaque spatia nullo negotio, ac puncto ferè temporis videndo percurrant, an non id omnium maximè admiratione dignum videbitur, quòd ad proximè admotà laborent & cæcutiant? Igitur quamquam summa velocitate ac promptitudine ad remotissima spatia axes optici protendantur; non tamen pari facilitate ad res proximas contrahuntur: numquam enim vsu venit vt ad normam coëant.

Experientia in primis huic propositioni suffragatur. Qui enim summo conatu aspectum contrahunt, numquam axes eò adducunt, vt rectum angulum in congressu efficiant: summum verò, si ad verticem trianguli æquilateri super connectente centra visuum descripti pertingant; quod ex distincto aspectu, qui per solos fit iugatos axes, facilè colligitur. Nam re quapiam oculis obiecta eo interuallo, quo lineæ ab oculis eductæ, cum ea, quæ centra visuum connectit, triangulum æquilaterum perficiunt, nemo fermè reperitur, qui ex eo loco rem propositam liquidò perfectèq; intueatur, quòd scilicet opticos axes eo adducere non possint: est verò trianguli æquilateri acutus quilibet angulus. Multò igitur minùs fieri potest vt ad normam axes concurrant, hoc est, vt in concursu angulum rectum efficiant. Breuiore enim esse oportet axes normaliter concurrentes, quàm si acutum faciant angulù, quod ex 21. primi lib. Euclidis facilè potest demonstrari.

Deprehendimus autem non eandem omnibus inesse oculos contrahendi facultatem; sed quibusdam longiorem, aliis breuiorem terminum à natura positum esse, quo propiùs adducere oculos nequeunt. Proximum autem terminum esse comperimus. verticem trianguli æquilateri super connectente centra visuum descripti; quem tamen vix quisquam perfectè attingit.

Ratio autem huiusce propositionis ea est, quòd nerui optici in concursu seu communi principio obtusum angulum contineant, vt ex anatomica administratione constat. Quia verò per proximè antecedentem proposit. nerui optici perpendiculares esse axibus vt minimum debent, angulus, qui in concursu axium excitatur, acutus sit necesse est.

Exemplo res fiet illustrior. Sint AB & AC nerui optici; BD verò & CD optici axes. Quia ergo ABD & ACD anguli ex neruis opticis AB , AC & axibus BD , CD constituti minores rectis esse non possunt, vt superiore propositione est demonstratum, reliquos duos BAC & BDC aut duobus rectis pares, aut duobus rectis minores esse oportet. Ducta enim AD , si quidem in triangulo ABD angulus ABD rectus est, erunt duo reliqui, nempe BAD , BDA anguli vni recto æquales per 32. primi Euclidis: eademq; ratione in triangulo ACD probari possunt anguli CAD , CDA vni recto æquales esse. Erunt ergo simul omnes, hoc est duo BAC & BDC duobus rectis pares: at BAC obtusum esse ex dissectione constat. Reliquus igitur BDC acutus esse conuincitur. Si verò anguli ABD & ACD recti sint maiores, (quòd plurimum euenit propter neruorum opticorù crassitudinem, quæ tantos flexus sine vi atque insigni distensione non admittit) erunt reliqui BAC & BDC duobus rectis minores: quoniam igitur BAC recto est maior, erit BDC multò adhuc recto minor. Quare axes optici eò adduci non possunt, vt ad normam concurrant; quod probare fuit propositum.



A

PROPOSITIO XXIII. THEOREMA.

*Visus percipit angulum sub connectente centra visuum
& axe optico comprehensum.*

SUPERIORE libro propositione 20. ostensum est, motum oculorum interno sensu percipi. Cum igitur omnis illa diuersitas, quam subit angulus sub connectente centra visuum & axe optico comprehensus, ex oculorum mutatione dependeat: uti necesse est, oculo moto angulum augeri minuiue; ita consequens est, ut percepto motu, anguli quoque euariationem animus percipiat, augeri que oculorum diuariatione, contractione verò minui cognoscat. Tametsi verò præter motus quibus oculi cidentur, etiam motuum differentias interna facultas animæ distinguat, ut propos. 21. superioris libri docuimus, non inde tamen confestim sequitur eam cognitionem, qua angulus sub connectente centra visuum & axe optico comprehensus percipitur, ita exactam esse debere, ut ipsius anguli quantitatem ad unguem determinet, maioris que ac minoris discrimina ad amissim internoscat, nam neque ipsorum motuum differentias ita accuratè internus sensus dignoscit: uti ergo motuum, sic & angulorum discrimina sensus æstimat; ac rum angulos augeri, cum axes optici diuariantur; rum verò minui, cum axes contrahuntur. hæc enim necessitudine quadam ita sequuntur, ut perceptio motus in cognitionem anguli deducatur.


PROPOSITIO XXIV. THEOREMA.

Longitudinem unius axis percipit alter oculus ex magnitudine anguli sub proprio axe & connectente centra visuum contenti.

SINT duo centra visuum A & B, axis que oculi A sit AC, cuius magnitudinem cognosci dico à visu B, ex magnitudine anguli ABC sub BC axe proprio & AB connectente centra visuum comprehensi. Hic enim quo maior est aut minor, eò necesse est oppositum illi axem, cui insistit, maiorem aut minorem esse per 19. primi Euclidis. Non quidem eo sensu, ut quam proportionem habet angulus ad angulum, hoc est ABC ad ABD, eam proportionem habere intelligatur axis AC ad axem AD, id namque rationi aduersatur: sed ut maiori angulo ABD maior axis AD respondeat.

Hoc tamen prætereundum non est, quando inæquales axes æqualem angulum subtendunt, ut BC & BD angulum A, tunc visum A. haud posse suapte sola vi inæqualitatem axium BC & BD assequi, sed internæ facultatis præsidio opus esse. Hæc enim aduertens angulum ABD maiorem factum esse, quam erat ABC manente axe AD immoto, tacita argumentatione colligit BD axem BC maiorem esse. Cum enim acutus sit angulus BCA per 22. propos. huius libri, reliquum nempe BCD obtusum esse oportet per 13. primi Euclidis. Quare per 19. primi Euclidis maius esse conuincitur latus BD quod maiorem angulum subtendit, quam BC, quod acutum subtendit angulum BDC. sic que in diiudicandis axium opticorum longitudinibus mutuam sibi oculi opem conferunt.

Notandum etiam, quod quod anguli sub connectente centra visuum & axibus contenti maiores euadunt, diductis nempe diuariatis que plurimum axibus, eò incertius sit de illorum longitudine iudicium. cuius rei hæc est ratio, quod in triangulis non eadem sit proportio angulorum quæ subtensorum laterum; sed maior sit laterum ratio, quam angulorum, ut lib. sequenti propos. 7. & 12. demonstrabitur.



M


PRO-

PROPOSITIO XXV. THEOREMA.

Si radius communis, ei qua centra visuum connectit, normalis fuerit, erunt axes optici inter se aequales.



IT ea quæ centra visuum connectit $A B$, cui radius communis ad normam incidat ad signum D . dico axes opticos $A C$ & $B C$ æquales inter se esse. Cùm enim per radij cõmunis definitionem, quæ sexta est huius libri, æquales sint $A D$ & $D B$, sitque vtrique triangulo $A D C$ & $B D C$ latus $D C$ cõmune, & angulus $A D C$ angulo $B D C$ æqualis, vtpote rectus vterque, erit per 4. primi Euclidis & basi $A C$ basi $B C$ æqualis; quod erat demonstrandum. Est verò hæc axium opticorum dispositio ad videndi munus facilè obeundum accommodatissima; vtpote qua oculorum nerui musculiq; ex æquo tenduntur; ita scilicet moderatione quadam vnà laborant, seq; mutuò iuuant. Quod sanè contrà accidit, cùm limis oculis aliquid intuemur. tum namque distortis coactisque musculis validiore conatu est opus, vt aliquo temporis spatio in eodem situ contineantur.



PROPOSITIO XXVI. THEOREMA.

Et si aequales inter se fuerint axes optici, radius communis, ei qua connectit centra visuum, normalis erit.



HÆC superioris propositionis est conuersio, potestque eodem modo demonstrari. Cùm enim in triangulis $A D C$, $B D C$, æquales sint $A D$ & $D B$ per radij communis definitionem; sitque $D C$ vtrique triangulo communis, basi verò $A C$ basi $B C$ æqualis concedatur, erit quoque per 8. primi Euclidis angulus $A D C$ æqualibus lateribus contentus, angulo $B D C$ æqualis, ac proinde $C D$ ipsi $A B$ normalis per 10. definitionem primi Euclidis. Deinde per id, quod ex contrario sequitur impossibile, idem confirmari potest: esto enim $C D$ ipsi $A B$ obliqua, angulusque $A D C$ angulo $B D C$ maior: erit ergo per 24. primi Euclidis, & axis $A C$ maior axe $B C$; siquidem $A D$ ipsi $D B$ est æqualis, $D C$ verò vtrique triangulo communis: at ex hypothesi $A C$ ipsi $B C$ est æqualis: igitur nequit angulus $A D C$ angulo $B D C$ maior esse, sed neque minor, eandem ob causam. Est itaque rectus vterque & $C D$ ipsi $A B$ quæ centra visuum connectit normalis; quod ostendisse oportuit.

PROPOSITIO XXVII. THEOREMA.

Axes optici ad signum aliquod communis axis congregientes sunt inter se aequales; & cum ea, qua extrema neruorum opticorum connectit cum basi isosceles efficiunt; cuius angulum concurrentibus axibus comprehensum, axis communis bifariam secat.




XES optici sint $E B$ & $F B$, concurrentes cum axe communi $A B$ ad signum B . Quoniam per 11. propositionem huius libri $E F$ axe communi $A B$ bifariam discriminatur in G , erit latus $E G$ trianguli $E G B$ lateri $G F$ trianguli $E G B$ æquale; latus autem $G B$ vtrique commune est: sed & anguli $E G B$, $F G B$, æqualibus lateribus comprehensi sunt inter se æquales; vtpote recti ambo per axis communis definitionem: igitur per 4. primi Euclidis erit & basi $E B$ basi $F B$ æqualis; quod primò proponebatur.

Quare isosceles erit triangulum $E B F$, ex duobus æqualibus axibus & connectente extrema neruorum opticorum $E F$ constitutum; quod secundò propositum fuit.

Cumque

A Cumque per eandem 4. primi Euclidis, & reliqui anguli reliquis angulis æquales sint, uterque utriusque, quibus æqualia latera subiunguntur, erit angulus EBG angulo FBC æqualis: unde & illud sequitur, angulum EBF per communem axem AB bifariam sectum esse; quæ omnia proposita fuerant demonstranda.



Hæ & similes nonnullæ opticorum radiorum proprietates minorem in se subtilitatem habere videbuntur, quod absque demonstratione vel mediocriter versatis perspicuæ esse possint: tamen quia ad totius materiæ intelligentiam earum cognitionem necessariam esse deprehendimus; volumus non absque Mathematica demonstratione præterisse, in gratiam eorum, qui id in minimis etiam rebus pertinaciter exigunt.


PROPOSITIO XXVIII. THEOREMA.

C *Axe communi cum duobus opticis cœunte, quæ centra visuum connectit, illi quæ iungit extrema nervorum opticorum est parallela.*



PTICI nervi sint AE & AF , quæ verò illorum extrema iungit EF , quæque centra visuum cōnectit CD : cum æquales sint oculorum orbes, erunt & ipsorum diametri EG & FH inter se æquales. Rursus cum ex oculorum constructione centra visuum similem in suis orbibus situm habeant, erit EC ipsi FD æqualis, quæ si ab æqualibus iam antè ostensis EB & FB auferantur, relinquentur CB & DB æquales. Quare ut EB ad FB , ita erit CB ad DB , nempe æquale ad æquale; & alternatim, ut EB ad CB , ita FB ad DB : sunt igitur latera CB & FB in C & D secta proportionaliter. Ex quo tandem fit per secundam sexti Euclidis, ut quæ ad sectiones adiungitur recta linea CD , hoc est quæ centra visuum connectit, ad EF reliquum trianguli latus sit parallela; quod erat demonstrandum.

D



PROPOSITIO XXIX. THEOREMA.

Axis communis cum duobus opticis conveniens, eam quæ centra visuum connectit, ad normam & bifariam secat.




XTIS communis sit AB concurrentem cum duobus opticis CB & DB in B , secansque CD connectentem centra visuum in G . Dico primò BC ipsi CD perpendicularem esse. quoniam enim propositione præcedente parallelæ ostensæ sint CD & EF , quæ in illas incidit recta linea BGH (incidit autem in utramque, quoniam in eodem sunt plano per 15. huius) faciet per 29. primi Euclidis, angulos ENB & CGB æquales: at angulus ENB rectus est per axis communis definitionem, ergo & CGB rectus erit: quare AB est ipsi CD perpendicularis per 10. definitionem lib. primi Euclidis.

Deinde, dico CD in G sectam esse bifariam. Cum enim duo triangula CBG , DBG , latus CB lateri DB æquale habeant per 27. huius: latus verò GB utriusque sit commune, angulos item habeant CBG , DBG æqualibus lateribus contentos æquales per eandem

dem 27. huius, erit per 4. primi Euclidis & basis CG basi CD æqualis; quod erat demonstrandum.

Licet idem in hunc quoque modum demonstrare. Cum trianguli CBD angulus B sit sectus bifariam per 27. huius; secans autem angulum recta linea AB , secet & basin, propterea quòd in eodem sint plano per 14. huius: basis segmenta per 3. sexti Euclidis eandem habebunt rationem, quam reliqua ipsius trianguli latera: at reliqua trianguli latera CB & DB ostensa sunt æqualia propositione 27. huius: ergo & basis segmenta æqualia inter se erunt. Rursus cum æquilatera sint triangula CBG & DBG , erunt & æquiangula per 8. primi Euclidis: æquales igitur sunt inter se anguli CGB & DGB , ac proinde recti per 10. definitionem primi Euclidis; quod erat demonstrandum.




PROPOSITIO XXX. THEOREMA.

Omnes radij ducti ab utroque oculo ad idem punctum eius lineæ, quæ cum æqualibus axibus rectos angulos facit, sunt inter se æquales.



SINT centra visuum A & B in sublimi constituta, æquales autem axes AC & BC in rectam lineam DE subiecti plani FG normaliter incidant: dico omnes radios ad idem punctum huius lineæ DE protensos æquales inter se esse. Sint enim, verbi gratia, AD & BD ad idem punctum D eius lineæ DE ducti: quoniam in triangulis ACD & BCD duo latera AC & BC sunt æqualia ex hypothese: latus verò CD utrique est commune; angulus autem ACD angulo BCD æqualibus lateribus contentus æqualis est ex constructione, utpote rectus uterque, erit & basis basi, hoc est AD ipsi BD æqualis per 4. primi Euclidis; quod propositum fuit demonstrare.



Eodemque modo demonstrare licebit radios AE & BE ad idem punctum E lineæ DE protensos, atque adeò quoscumque alios iisdem legibus ductos æquales inter se esse.

PROPOSITIO XXXI. THEOREMA.

Et qui ad diversa puncta lineæ axibus normalis, æquè tamen ab axium concursu distita prociidunt radij, sunt inter se æquales.




REPOSITA eadem figurâ, quæ in præcedente propositione, ostendendum est radios AD & BD , radiis AE & BE singulos singulis æquales esse; si quidem puncta D & E pari intervallo ab C axium concursu distincta sint. Nam in triangulis ACD , ACE , latus CD lateri CE ex hypothese æquale est; latus verò AC utrique est commune, anguliq; ACD , ACE æquis lateribus contenti æquales sunt, ambo scilicet recti ex constructione: igitur per 4. primi Euclidis & basis AD basi AE æqualis erit. Cum verò eadem demonstratio in radiis BD & BE , ceterisq; omnibus locum habeat, constat radios qui ad diversa puncta lineæ DE axibus normalis æquè à concursu axium distincta porriguntur, æquales inter se esse; quod erat propositum demonstrare.

A PROPOSITIO XXXII. THEOREMA.

Si fuerint axes optici inæquales, radij omnes ducti ad idem punctum eius linea, quæ cum axibus angulos rectos facit, inæquales inter se erunt.

B OPTICI axes sint AC & BC inæquales, maior quidem AC , minor verò BC ; linea autem, quæ cum axibus rectos angulos facit, sit CE , punctumque in ea acceptum quodcumque E , ad quod ducti radij AE & BE inæquales quoque inter se sint necesse est. Sumatur enim ex AC ipsi BC æqualis CD per 3. primi Euclidis, iunganturque D & E per rectam DE . Cùm igitur æquales sint BC & DC in triangulis BCE & DCE , utriusque autem communis sit CE , angulique BCE , DCE æquis lateribus contenti æquales sint, nempe recti ambo ex hypothesis, erunt & BE , DE bases per 4. primi Euclidis æquales. At cùm DCE angulus rectus sit, erit per 16. primi Euclidis angulus externus ADE recto maior, atque idcirco per 32. primi Euclid. maximus eorum, qui sunt in triangulo ADE . Igitur per 19. primi Euclidis, quod ei subijcitur latus AE , latere DE maius est: est verò DE ipsi BE ostensa æqualis; erit ergo AE etiam quàm BE maior: sunt igitur AE , BE inæquales. Quæ demonstrandi ratio cùm in ceteris quoque locum habeat, erunt omnes radij ea lege ducti inæquales, quod erat propositum demonstrare.




PROPOSITIO XXXIII. THEOREMA.

D *Si axes optici æquales inter se sint, per illorum verò concursum recta agatur linea imparibus angulis: dico radios ab utroque visus ad quoduis eius linea punctum ductos inæquales inter se esse.*

S INT AC & BC axes optici æquales; per C autem, in quo axes conueniunt, recta ducatur MN , inæquales angulos cum axibus AC , BC efficiens, minorem quidem ACM , maiorem verò BCM ; & ad punctum eius quodcumque, exempli causa M radij optici emittantur AM , BM . Hos dico inæquales inter se esse.

Cùm verò duobus modis propositum eueniat, sit primò MN in eodem plano cum axibus AC & BC : atque ex C recta erigatur CH , quæ angulum ACB bipartitò secet; eadem ergo secabit & AB bifariam, quòd nimirum per 3. sexti Euclidis linea AB segmenta AH & HB eam inter se rationem habeant, quam radij AC & BC ex hypothesis æquales. Quare per 8. primi Euclid. erunt anguli AHC & BHC æquales, quoniam latera AH & HC lateribus BH & BC utrumque utriusque æqualia sunt, & basis AC basi BC æqualis. Cùm verò anguli AHC , BHC æquales sint, erunt per 10. definitionem libri primi Euclid. iidem recti. Rursus ex H recta ducatur HM , erit ergo angulus AHM recto minor, nempe pars toto, & BHM maior recto. Quocirca cùm in triangulis AHM & BHM duo latera AH & BH æqualia sint, latus verò HM utriusque commune, & angulus BHM angulo AHM maior, erit per 24. primi Euclidis & basis BM basi AM maior. Simili autem modo in ceteris, veluti AN & BN , ac quibuscumque aliis demonstratio instituetur.




Sit deinde MN non in eodem plano cum æqualibus axibus AC & BC , ducanturq; ad idem punctum M radij AM & BM . Hos dico inæquales esse. Cùm enim in triangu-

lis $A M C$, $B M C$ latera $A C$ & $B C$ æqualia sint ex hypothesi, & $M C$ vtrique sit cōmune; an- **A**
 gulus verò $A C M$ minor sit angulo $B C M$ sub æqualibus lateribus contento ex hypothesi,
 erit per eandem 24. primi Euclid. & basis $A M$ basi $B M$ minor. Cumque in ceteris veluti
 $A N$ & $B N$ eadem sit demonstratio, vniuersè concluditur radios omnes ductos ab vtro-
 que visu, &c. quod initio propositum fuit demonstrare.

PROPOSITIO XXXIV. THEOREMA.

*Si radius communis in rectam quamdam lineam connectenti cen-
 tra visuum parallelam rectis incidat angulis, erunt radij **B**
 omnes, qui ab alternis visibus ad puncta aequè à radio commu-
 ni distantia procident, inter se æquales.*

SIT ea quæ centra visuum connectit $A B$, eique parallela $G K$, in cuius pun-
 ctum C radius cōmunis
 $H C$ rectis incidat angulis,
 puncta autem in ea su-
 mantur D & E pari inter-
 uallo a C distita: dico radios $A E$ & $B D$
 ab alternis visibus ad puncta E & D per-
 tinentes æquales inter se esse.



Cum enim $A B$ & $G K$ parallelæ con-
 stituantur, in easque incidat $H C$, erunt
 per 29. primi Euclidis angulus $A H C$
 angulo $H C E$, item angulus $B H C$ angulo
 $H C D$ æquales: at rectus supponitur **G**
 vterque angulorum $H C E$ & $H C D$; ergo & $A H C$, $B H C$ recti erunt: ideoque recta $H C$
 vtrique $A B$ & $G K$ perpendicularis per 10. definitionem lib. 1. Euclidis: quare, per 25.
 huius, axes optici $A C$ & $B C$ æquales inter se erunt; & per 27. huius, angulus $A C B$ per re- **D**
 ctam $H C$ sectus erit bifariam.

Si ergo æqualibus angulis $H C D$ & $H C E$ addatur æquales, $H C B$ quidem angulo $H C D$,
 ipsi verò $H C E$ angulo angulus $H C A$, fient $B C D$ & $A C E$ anguli inter se æquales: at late-
 ra quibus hi anguli continentur æqualia quoque sunt, nempe $B C$ & $C D$ trianguli $B C D$
 lateribus $A C$ & $C E$ trianguli $A C E$, vtrumque vtrique, hoc est $B C$ ipsi $A C$ per iam factam
 demonstrationem; $C D$ verò ipsi $C E$. ex hypothesi igitur per 4. primi Euclidis subiectæ
 etiam bases $B D$ & $A E$ æquales inter se erunt; quod erat demonstrandum.


PROPOSITIO XXXV. THEOREMA.

*Si radius communis in subiectum planum rectis incidat angulis, & **E**
 in eodem plano per punctum incidentiæ recta quadam linea du-
 catur, radij ab alternis visibus ad duo eius puncta pari inter-
 uallo à communi radio disiuncta, æquales inter se erunt.*

HÆC propositio vniuersalior est antecedente: potestque simili ferè modo
 paucis mutatis demonstrari. Sit igitur $D E$ non parallela ipsi $A B$ conne-
 ctenti centra visuum: sed tamen in plano $F G$, cui $H C$ radius communis **F**
 rectis angulis insistit, perque C punctum communis sectionis $H C$ & pla-
 ni transiens. Sint etiam in eadem hac linea $D E$ signa D & E æquali inter-
 uallo ab C disiuncta.

Dico radios $A E$ & $B D$ ab alternis eductos visibus, æquales inter se esse. ducatur enim
 $I K$ ipsi $A B$ æqualis & parallela, sic vt æquales etiam sint eius $I C$ & $C K$, iunganturque
 $A I$ & $B K$, quæ per 33. primi Euclid. æquales & parallelæ erunt. iungatur item $I D$ & $K E$.
 His ita constructis, quoniam in triangulis $C I D$ & $C K E$, $C I$ ipsi $C K$, & $C D$ ipsi $C E$
 æquales sunt, hæc quidem ex hypothesi, illæ verò ex constructione; est autem & angulus
 $I C D$ angulo $K C E$ per 15. 1. Eucl. æqualis, erit per 4. 1. Eucl. & basis $I D$ basi $K E$ æqualis.
 Deinde,

A Deinde, cum in triangulis AID , BKE sint AI & ID æquales ipsis BK & KE vtrique vtrique per iam exhibitam demonstrationem, sitq; angulus AID , angulo BKE æqualis, vtpote rectus vterque per 8. vndecimi Euclidis; quia nimirum HC , quæ vtrique AI & BK est parallela, subiecto plano ad rectos est angulos, erit basis quoque AD , basi BE æqualis per 4. primi Euclidis.




B Rursus, quoniam in triangulis ACD , BCE , æquales sunt AD & AC ipsis BE & BC vtrique vtrique, hoc est AD ipsi BE per iam factam demonstrationem, & AC ipsi BC per 27. huius; sitque ex hypothese basis quoque CD , basi CE æqualis, erit per 8. primi Euclidis & angulus CAD angulo CBE æqualis, ac proinde per 4. primi Euclidis, & reliqui anguli reliquis angulis æquales erunt.

Demum, in triangulis ADE & BED quandoquidem æqualis iam ostensa sit AD ipsi BE , sitque DE vtrique communis, angulus item ADE æqualis quoque iam probatus sit angulo BED sub æquis lateribus contento, sequitur per eandem 4. primi Euclidis basim quoque AE basi BD æqualem esse. Similis autem est in ceteris demonstratio. Igitur si radius communis in subiectum planum, &c. quod erat demonstrandum.

PROPOSITIO XXXVI. THEOREMA.

Sint axes optici inter se æquales, radiusq; communis plano cuiuspiam rectis insistat angulis, dico alternos radios qui ad puncta æquæ à radio communi disuncta in linea connectenti centra visuum parallela porriguntur, æquales inter se esse.

SINT axes optici AC & BC æquales; radius autem communis HC plano FG rectis angulis insistat: sumanturque in linea DE , quæ connectenti cætra visuum sit parallela, duo signa D & E pari interuallo ab C remota. non transeat autem DE per punctum C : (nam casus quo hæc linea per punctum incidentiæ incedit, superius est explicatus propositione 34.) dico alternos radios AE , BD , æquales inter se esse.



E Ex H enim recta educatur HL connectenti centra visuum AB perpendicularis, quæ ipsi quoque DE perpendicularis erit, per 29. primi Euclidis. In parallelas namque AB , DE , recta incidens linea HL alternatim angulos æquales efficit; si igitur AHL & BHL anguli recti sint, vti supponimus, erunt & HLD , HLE recti.

Deinde, ducantur CD & CE quæ ex hypothese æquales inter se erunt; supponimus enim D & E ab C æquali interuallo distare.

Quoniam igitur in triangulis ACD & BCE æqualis est CD ipsi CE , & HC vtrique communis est; angulus autem ACD angulo BCE æquis lateribus contento æqualis est, vtpote rectus vterque per 3. definitionem vndecimi Euclidis, quod HC plano, cui CD & CE inscribuntur, recta supponatur, erit & basis AD basi BE æqualis.

Rursus, quia æquales sunt AD & BE , erunt anguli ADE & BED per 5. primi Euclid. æquales: est verò angulo ADE æqualis angulus AHD , quod nempe in parallelas AB & DE recta incidens linea HD alternatim angulos æquales efficiat per 29. primi Euclidis: sic & angulo BED angulus BHE est æqualis: igitur ipsi quoque AHD & BHE anguli inter


se erunt æquales. His proinde si communis addatur DHE , fient & compositi AHE , BHD A æquales per communem notionem.

Cum verò circum æquales iam ostensos angulos AHE & BHD , latera AH & HE lateribus BH & HD æqualia consistant vtrumque vtrique, erit & basis AE basi BD per 4. primi Euclidis æqualis; quod erat demonstrandum.

PROPOSITIO XXXVII. THEOREMA.

Si unius oculi axis opticus in subiectum planum rectis incidat angulis, erunt omnes radij, ab eo ducti ad puncta in plano aequè ab axe distita, æquales. B

SIT A centrum visus in sublimi constitutum, à quo axis opticus AD in subiectum planum BC rectis angulis proci-dat. Sumantur autem E & F gemina puncta æquali spatio a D remota, quæ iungantur per rectam EF . Hæc si per D transeat, erunt AE & AF radij per 4. primi Euclid. æquales. Quoniam enim in triangulis ADE , ADF latus DE lateri DF æquale supponitur: est verò AD vtrique commune, & anguli ADE & ADF æquales sunt, quippe recti initio positi, erunt & bases AE & AF inter se æquales; quod erat demonstrandum.



Si verò sumantur puncta G & H aequè etiam à D remota, connectens autem illa GH non per D transeat: nihilominus ostendemus radios ab oculo A ad puncta G & H pertinentes æquales inter se esse. ducantur enim DG & DH , quæ quoniam æquales sunt ex hypothesi in triangulis ADG & ADH , est verò AD vtrique commune, & anguli ADG , ADH æquis lateribus contenti, recti sunt per 3. definitionem vndecimi libri Euclid. erunt per superius citatam 4. proposit. primi Euclidis & bases AG & AH inter se æquales; quod erat demonstrandum. D

PROPOSITIO XXXVIII. THEOREMA.

A re una duobus oculis obiecta dua formantur pyramides, quarum communis basis res ipsa est, quæ spectatur; at vertices in oculis sunt.

TAMETSI in omnem partem medij perspicui emissitæ formæ à re spectabili destinentur, tamen illa sola dignoscenti facultati obseruiunt, quæ directò in centrum visus porriguntur, vti sæpius hactenus dictum ostensumque est. Harum verò productiones, quoniam à re visa, quæ sensibilem latitudinem habet, initium sumunt, indeque sensim in angustum coactæ, tandem in punctum, quod centrum visus esse diximus, definiuntur, formam cuiusdam corporis acuminati induunt, de genere illorum, quæ τὰ σέπεια Græcè nuncupantur, angulum in oculo tamquam in vertice habens, basim verò ipsius rei visæ superficiem oculis obiectam. E

Hæc corporea forma interdum quidem est conus, vt cum circulus planè obuersus spectatur; frequētius autem pyramis est basim habens rem ipsam quæ spectatur, subinde triangularem, interdum quadrangularem, aliàs alterius numeri multilateram superficiem. Vnde licet conici optici nomen interdum vsurpetur; frequentior tamen est vsus optiæ pyramidis, quo nos etiam in decursu orationis passim vtetur, ne multitudo synonymorum rem per se obscuram etiam reddat obscuriorem. F

Cumque eiusmodi sit, vti diximus, formarum eductio ac profluentia, necessariò efficitur, vt ab vna eademque re, non modò ad geminos oculos; sed ad quocumque etiam, ad quos rectis lineis formæ protenduntur, optiæ pyramides attineant. Id verò maximè ex eo apparet, quòd rerum imagines, à quacumque parte obiecti, in omnem partem medij perspicui destinentur. Ergo & ad quocumque oculos, quo tandem volueris loco consistant, dummodò ad illos liber pateat formarum per rectas lineas accessus. Igitur à re

A à re vna duobus oculis obiecta duæ formantur pyramides, quarum communis basis est res ipsa quæ spectatur, vertices autem centra sunt visuum; quod erat ostendendum.

Cum res vna duobus spectatur oculis, anguli qui ad vertices sunt pyramidum optiarum, non semper æquales inter se existunt: nam præter directum obtutum, quo pyramides æquales esse oportet, in quamcumque partem limi oculi conuertantur, imparibus semper angulis formas rerum admittunt, quorum is maior est, qui ad propinquiorem oculum terminatur; is verò minor, qui oculum spectat remotiorem. Quod sanè manifestum per se esse arbitror: id verò admiratione dignum puto, quo pacto fiat vt quæ limis oculis cernuntur, non omnia confusa ac velut informia videantur, etsi per axes

B opticos in res ipsas defixos intuitus fiant. Nam maioribus spectata angulis maiora, minoribus minoribus apparent. Si ergo res vna eademque altero quidem oculo maiora, altero verò minor propter angulorum, in quos pyramides terminantur, inæqualitatem conspiciatur, illa profectò seipsa maior & minor, eodem tempore & ab eodem intente videbitur: atque ita cum singulorum oculorum phantasiæ minimè sibi congruant, confusa quædam ac perturbata rei imago sensui principi exhibebitur.

Hæc certè rationi consentanea videtur oratio: at, quod planè mirum est, non ita se res habet, sed limis etiam oculis res obiectæ clarè atque perspicuè cernuntur, cum in eas optici axes intenduntur. Cuius rei causam hanc esse arbitror, quòd non ideò res obiectæ singulares appareant, quia apparentes imagines, quæ ab vnaquaque illarum ad


C distinctos oculos porriguntur, sibi mutuò exactè congruunt: sed quia singulorum oculorum functionibus communis sensus ex æquo opem suam impertit, eodem vim suam exerens, quòd per axes opticos oculorum acies intenduntur. Igitur eius, quod vterque simul oculus iugatis axibus intuetur, communis sensus vnam notionem effingit, non ex duabus illis, quæ ad singulos oculos pertinent, conflata; sed propriam atque imaginatiuæ facultati, cui eam consignat, accommodatam. Licet ergo pyramidum optiarum, quæ ab eadem re ad duos oculos obliquè spectantes proueniunt, inæquales sint anguli, atque eapropter vni quidem oculo res eadem maior, alteri verò minor offeratur; non tamen eadem diuersitas in primarium sensum transit, si modò per axes intuitus fiat, vt diximus: si autem axes citra vel vltra rem propositam congregiantur, gemina quidem

D eiusdem rei phantasia spectabitur, vt lib. 4. in fallaciis loci dicemus; at maior altera, altera minor apparebit, propter angulorum, quibus spectantur, inæqualitatem.

PROPOSITIO XXXIX. THEOREMA.

Pyramis optica per se immobilis est: mouetur autem ex accidenti, tota quidem moto obiecto; at moto oculo, solum ex parte.

E **S**I per se moueri loco posset optica pyramis, id euenire interdum posset, oculo reque visa immotis ac persistentibus. Id autem fieri nulla ratione posse perspicuum est, cum manente pyramidis vertice, ac basi immota, superficies, quæ præter basin reliqua est, mutare locum omnino nequeat: basi etenim quiescente, singula eius puncta, veluti sunt B, C, D, E, suis locis firma consistunt. Si ergo & A vertex quiescat, singulæ etiam lineæ à basi ad verticem protractæ, vt sunt B A, C A, D A, E A, ac ceteræ, quæ ab aliis punctis eiusdem basis ad verticem educi possunt, immotæ perseuerant, propterea nimirum quòd à puncto ad punctum vnam dumtaxat rectam lineam ducere concedatur, ne aduersus commune axioma duæ rectæ lineæ spatium comprehendant, quod profectò tum eueniret, si a basi puncto E, exempli causa, ad A verticem pyramidis optice alia quam E A recta linea extenderetur, cuiusmodi esset E F A. Fieri igitur non potest, vt basi ac vertice pyramidis optice persistentibus, superficies, quæ præter basin reliqua est, moueatur: quare pyramis optica per se immobilis est; quod primo loco ostendendum erat.



Deinde, motò obiecto, & basi pyramidis optice, & ea quæ præter basin est superficies, pariter mouentur; his autem duabus partibus tota pyramis continetur: igitur obiecto moto totam simul pyramidem opticam transferri manifestum est: verum hic motus

motus ex accidenti est, quoniam eius causa non ipsa est pyramis, sed obiectum transmutatum; quod secundo loco probandum fuit.

Demum, cum sola superficies excepta basi verticem communem habeat, basi nulla sui parte verticem contingente, perspicuum est, si basis immota perseveret visibili quiescenti adherens, solum autem centrum visus mutetur, in quod pyramidis opticae vertex terminatur, totam superficiem pyramidis opticae oculi motum subsequi. Ex quo proinde constat, translato solo oculo pyramidem opticam ex accidenti quidem, sed ex parte tantummodo transmutari; quod tertio loco propositum fuit demonstrare.

PROPOSITIO XL. THEOREMA.

*Axis pyramidis optica movetur quidem mota pyramide;
at situm in ea non mutat.*

NON æquè, fateor, in pyramide atque in cono axis nomenclatura usurpatur: propriè namque axis dicitur ea linea, circa quam res quæpiam circumagitur. Vnde in cono, qui ex conuerso circum quiescens alterum latus eorum, quæ rectum angulum continent, orthogonio triangulo gignitur, cum in eundem rursus locum triangulû restitutum fuerit, vnde moveri cœperat, axis propriè dicitur quiescens illa linea, circum quam triangulum vertitur.

Tamen in pyramide, ex quadam cum cono similitudine & cognatione, axem vocamus eam lineam, quæ à vertice in subiectam basin ita incidit, vt ductum per eam planum pyramidis angulum qui ad verticem est, secet bifariam, seu quæ per verticem, ac rectæ basis centrum transit; quod in definitione nona huius libri clariùs est explicatum. Hæc enim proprietas prima præcipuaque esse videtur ex illis, quæ in verum axem quadrant. Et vt non modò in circulo, verùm etiam in triangulo, quadratoque ac ceteris isoperimetris figuris planis centrum seu punctum quoddam reperitur, per quod ductæ ad circumferentiam lineæ, quas diametros vocant, eam bipartitò diuidunt: ita in solidis non tantum in cono, qui circulum basin habet, sed etiam in pyramide, cuius basis triangulum, vel quadratum, aliudve polypleuron, linea quæ à vertice in centrum basis terminatur, axis potest nuncupari, eam ob causam, quòd plana, quæ per eam aguntur, diametrisque basis insistant, ipsam solidum ita secent bifariam, quemadmodum basin diametri.

Exposita in hunc modum axis natura, perspicuum relinquitur axem pyramidis opticae moveri quidem mota pyramide: nam cum movetur optica pyramis, consequens est, vt aut vertex, aut basis, aut simul vtrumque locum mutet; at mutato vel vertice, vel basis centro, vel vtroque, axem sequi necesse est, cum is per vtrumque ducatur: igitur mota pyramide optica, axem quoque pariter transferri necesse est.

At situm propterea non mutat: quoniam enim vtrumque pyramis optica moueatur, vertex eius semper in oculo est, centrum autem basis numquam à medio ipsius discedat, perspicuè sequitur, axem qui per vtrumque transit, eundem semper ac firmum situm in optica pyramide retinere; quod erat ostendendum.


PROPOSITIO XLI. THEOREMA.

Axem opticum extra pyramidem subinde excurrere nil vetat.

PRÆNOTANDUM est alium esse axem opticum, alium verò pyramidis axem. Nam opticus axis ille dicitur radius, qui superficiem visus rectis angulis pertransit; pyramidis autem axis est, qui à vertice ad centrum rectæ basios ducitur. Vnde fit, vt mota pyramidis basi, oculo verò subsistente, moueatur axis pyramidis, optico axe immoto: at contra circumacto oculo, basi autem persistente, axis opticus maximam mutationem suscipiat, qua parte rem attingit; pyramidis autem axis ad rem visam quiescat.

His præcognitis, iam per se notum euadit, quí fieri possit, vt axis opticus extra visualem pyramidem procurrat, nimirum si obiectum in vno sit loco, axis autem opticus in alium dirigatur, fortè eueniet, vt axis obiectum non attingat. Exempli gratia, si axis opticus sit *AB*, visile autem *CD* obliquo oculo *A* ita spectatum, vt axis opticus in *B* defixus maneat;

A maneat; obiectum autem obliquis radiis ad aspectum perueniat. Quod si concedatur, consequens erit, ut axis opticus extra pyramidem ACD cadat. nam pyramis optica duabus tantum superficiebus circumscribitur, una rei spectatae, quae ipsi tamquam basis subster nitur: altera illa radiofa, quae à perimetro basis in centrum visus recta extenditur: at si opticus axis rem visilem non attingat, non incidet in basin pyramidis opticae, quae est ipsa rei superficies: ac propterea etiam



B extra eam superficiem cadet, quae praeter basin vndique pyramidem cingit. Est enim haec extrema omnium earum, tum superficierum, tum linearum, quae ab oculo ad basin porriguntur. Vnde si intra eam opticus axis incidere; & basis ipsum exciperet: at extra basin, id est rem visilem, protendi supponitur: ipsum igitur hac constitutione extra pyramidem procidere necesse est; quod propositum fuit demonstrare.

Fieri autem omnino nequit, ut axis opticus verticem pyramidis aliquando subtendat: cuius rei in promptu est perspicuaque demonstratio, inde desumpta, quod axis opticus verticem pyramidis visualis pertranseat: in centrum enim visus, velut in communem terminum, & pyramis & axis opticus definiuntur. nequit igitur axis angulum verticalem pyramidis opticae subtendere, per cuius communem linearum concursum necessario incedit.

PROPOSITIO XLII. THEOREMA.

Visus percipit magnitudinem anguli, qui ad verticem est pyramidis opticae, ex magnitudine eius portionis araneae tunicae, quam rei simulachrum innadit.

D E illo angulo hic sermo est, qui in centro obtutus ex concursu radorum efficitur, & in quem vertex pyramidis opticae definitur; cuius magnitudinem quo pacto visu percipi contingat, ab ipso specierum appulsu accipiendum est. Formae visibiles, quae ab externis rebus directo in centrum visus destinantur, prius araneam pertranseunt, quam in centro visus congregiantur, atque in ea eius parte quam occupant, velut in compendium redactae, eundem ordinem situmque obtinent, quem in rebus ipsis habebant. Inde enim ab ipsis rebus, vnde emanant, sensim coarctantur, atque per angustum pupillae aditum coactae ad centrum usque obtutus perstringuntur, araneam prius praeteruectae, vbi nouae quodammodo pyramidis basin efficiunt, cuius magnitudo propria est illius anguli mensura, qui in verticem pyramidis definit: cum vero praecipuam sentiendi vim ac facultatem ad araneam pertinere superiori libro propositione 27. sit demonstratum, dubio procul aranea dum speciem qua imbuitur percipit, eius pariter magnitudinem dignoscit, hoc ipso, quod non tota aranea in actionem videndi incumbat, sed ea tantum eius portio quam species inficit, ex cuius proinde magnitudine quantitatem anguli verticalis cognoscit.


Hic obiter notandum non recte Vitellonem asserere lib. 4. proposit. 17. ita se habere angulum pyramidis opticae ad octo rectos, quemadmodum pars superficiei visus quae forma rei insignitur ad totam oculi sphaeram. Neque enim ex ipsius sententia pyramis optica verticem proprie habet, cum nullam radorum coitionem faciat; sed ut ipse lib. 3. proposit. 21. & 22. fuse edisserit, radij à centro visus prius fracti discedunt, quam in illud conueniant.

F Deinde, nos etiam superiore libro proposit. 7. manifeste ostendimus non idem esse visus centrum, atque araneae tunicae, aut totius oculi. siquidem haec omnia centris differunt. Igitur non ita se habet angulus pyramidis opticae ad octo rectos, quemadmodum pars superficiei visus, quae angulum ad verticem pyramidis opticae constitutum subtendit, ad totam oculi sphaeram. id enim de angulo tantum, qui ad centrum sphaerae constituitur, veritatem habet.

Præterea radorum infractione, quam per oculi humores fieri diximus proposit. 8. & 9. huius libri, fit ut eadem proportio esse nequeat anguli verticalis opticae pyramidis ad octo angulos rectos, quae est superficiei visus ad totam oculi superficiem. Esto enim
(quoniam

(quoniam id Vitelloni placet) vt idem sit visus centrum , quod araneæ tunicæ ac totius A oculi. quoniam verò per oculi humores radij fracti penetrant , minor omnino angulus sit necesse est ad centrum visus ex concursu fractorum radiorum excitatus,quàm foret si radij liberè in centrum visus rectaque commearent. Ergo per 8. quinti Euclidis minor est ratio anguli ex congressu fractorum radiorum effecti ad octo rectos, quàm eius qui ex directis sit lineis. quocircà & minor ratio est anguli, qui ad verticem pyramidis optiçæ reipsa constituitur ad octo rectos, quàm sit illius partis superficièi visus , quæ simulachro rei mbuitur ad vniuersum oculi ambitum.

Quod vt clariùs elucescat , sciendum est circa vnum idemq; punctum octo angulos rectos solidos constitui posse. si enim per datum punctum A recta ducatur linea B C, in B eamq; ad datum punctum A alia quæpiam incidat recta D A , quæ cum priore duos æquales angulos efficiat,rectus erit vterque planorum angulorum D A B & D A C per 10. definitionè primi Euclidis. Si verò eadem D A producat in E, rectus iterùm erit vterque angulorum : namque E A B æqualis est ipsi D A C per 15. primi Euclid. & E A C ipsi D A B per eandem æqualis : quare erunt omnes quatuor plani anguli recti in eodem plano H L I K constituti per 2. vndecimi Euclidis.



Rursus si ex puncto A plani H I perpendicularis excitetur A G per 12. vndecimi Euclidis, ea per 3. definitionem vndecimi Euclidis cum iam dictis A B, A C, A D & A E, rectos angulos efficiet, eademque A G si producat in F, quatuor itidem rectos angulos infra planum H I constituet. Erunt ergo plani anguli recti omnino duodecim, nempe quatuor in plano H I his litteris signati B A E, E A C, C A D, D A B : totidem supra, nimirum B A G, E A G, C A G, D A G : ac totidem infra, videlicet B A F, E A F, C A F, D A F.

Cumq; in constitutione angulorum solidorum singuli bis assumantur, erunt vniuersi D potestate anguli recti plani viginti quatuor, è quibus cum terni rectum solidum conflent, erunt circa punctum A solidi anguli recti octo. nam ter octo vigintiquatuor efficiunt. Primus constat tribus rectangulis planis M A, R A, H A : secundus tribus hisce R A, P A, L A : tertius P A, Q A, I A : quartus Q A, M A & K A. atque hi superiores sunt ; inferiores autem totidem simili modo colliguntur . Primus enim tribus his constat planis O A, S A, H A : secundus S A, N A, L A : tertius N A, T A, I A : quartus T A, O A, K A.

Quemadmodum verò per secundum corollarium Clauij ad 33. propof. sexti Euclid. angulus qui ad centrû, eam habet rationem ad quatuor rectos planos, quam subtendens arcus ad totam circuli peripheriam , propterea quòd per vltimam sexti Euclidis anguli ad centrum circuli constituti eandem habeant rationem cum peripheriis , quibus insi- E stunt: ita in sphaera eam rationem habet angulus solidus ad centrum constitutus ad octo rectos solidos, quam pars peripheriæ , cui ille insistit ad vniuersum sphaeræ ambitum.

Ex his apertè conuincitur fieri non posse, vt eam rationem habeat angulus pyramidis optiçæ ad octo rectos, quam ea pars superficièi visus, quæ formâ obliquatur, habet ad totum oculi perimetrum, nisi centrum visus idem esse concedatur, quod araneæ tunicæ ac totius oculi, quod nos propof. 7. superioris lib. confutauimus. nec profectò hoc satis est : sed præterea opticos radios in centrum visus congregari est necesse, quod Vitellonis sententiæ aduersatur. & verò id etiam exigitur , vt radij per oculi humores tunicasque impunè ac citra flexum peruadant, quod nos propof. 8. & 9. superius citata reiecimus. F

Hæc igitur cum ita se habeant, liquidò patet Vitellonem non rectè pronuntiasse, eandem rationem esse anguli verticalis optiçæ pyramidis ad octo angulos rectos, quæ est superficièi visus forma rei insignitæ ad totum oculi ambitum.

Supereff igitur, vt non alia ratione amplitudinem anguli, qui ad verticem radiosæ pyramidis constituitur, ex affecta parte araneæ visus cognoscat, quàm quia communis sensus, qui suam etiam externo visui actionem impertit , hanc prænotionem quasi à natura insitam habet, maiorem sentientis organi partem maiori angulo ad centrum visus subijci debere. Centrum namque visus immobile est : ergo araneæ tunicæ , quæ potissimum in sentiendi vi pollet , pars maior radiis diductioribus circum ambitur , minor verò arctioribus;

A ribus; non quòd ad amiffim, atque exacta proportione ifta fibi refpondeant, fed quòd proximè ad iuftitiam accedant, propterea quòd centrú visus à centro aranæ tunicæ minimo diftet interuallo: Cùm ergo perexiguú difcrimen illud fit, quod ex centrorum diuerfitate in angulum pyramidis optiçæ aranæque tunicæ fuperficiem inuehitur, meritò dicimus ex affecta portione aranæ angulum radiofæ pyramidis, qui ad centrum visus protenditur, velut propria menfura æftimari.


PROPOSITIO XLIII. THEOREMA.

B *Corpus opacum inter rem vifilem aspectumq; interiectum, fi axibus comprehendatur, nullam quidem rei partem obteget; efficiet tamen vt pars aliqua obfcurius appareat.*



INT axes optici AC & BC defixi in punctum C rei vifibilis DE: hanc inter & vtrumque oculum corpus interieciatur FG ab axibus AC & BC

C comprehendum: dico totum vifile DE apparere, nullamque eius partè à corpore FG obtegi. Nam pars CD videtur à visu A, propterea quòd ab ea ad oculú radij directò extendi poffunt, per fecundam hypothefin huius libri: pars verò CE à visu B eadem ob caufam confpicitur. At tota DE obfcurius videtur, quàm partes ceteræ quæ deinceps hinc inde procurrunt: fiquidem totius DE nulla portio à duobus vifibus, fed vnaquæque ab altero tantum confpicitur. Excellentior autem clariorque est vifio ab vtroque oculo fimul, quàm ab altero tantum, vt libro primo propositiõne 76: est demonftratum: igitur perfpicuum est id, quod initio propositum fuit.




PROPOSITIO XLIV. THEOREMA.

E *fi fisdem refumptis qua in præcedente propositiõne, fi interpositum corpus axes opticos excedat, pars aliqua vifilis extra confpectum cadet, alia ab altero oculorum tantum confpicietur; quod reliquum est, vterque oculus comprehendet.*



VERVS fint axes optici AC & BC defixi in punctum C rei vifibilis HI; corpusque interiectum FG axes vtrimq; excedat: dico in primis DE

F vifilis partè omnino extra confpectum effe per fecundam hypothefin huius libri. Siquidem præter AD & BE radios, qui per extremitates corporis opaci deftinantur, multæ aliæ rectæ lineæ ab oculis ad lineam DE produci queunt.



Deinde dico DH & EI ab altero oculorum tantum confpici, nempe DH ab oculo A per radios AD, AH ac ceteros intermedios: EI verò ab oculo B, radiis BE, BI, ceterisque, qui inter hos medij duci poffunt. Quod etiam liquet per eandem fecundam hypothefin huius libri.


Demum, quidquid ab H & I utrumque reliquum est, uterque oculus assequitur. Est enim E extremum signorum, quæ versus C ab opaco corpore FG obteguntur, sic ut omne quod ab E ad partes I consequens est, oculus B attingat: I verò extremum est eorum quæ visui A ad partes C surripiuntur. Igitur quidquid post I deinceps sequitur, uterque visus complectitur, per eandem secundam hypothefin; quòd nimirum libera inde fit ad utrumque aspectum specierum educio: eodemque modo, de eo quod post H consequitur, ostendi potest. quare patet quod propositum fuit demonstrare.

PROPOSITIO XLV. THEOREMA.

Iterum repositis eisdem, si interiectum corpus axes non attingat, pars media & extrema rei visibilis ab utroque visu; dua verò hinc inde inter mediam & extremas posita, ab altero oculorum tantum conspicientur.



IN iterum repositi visus A & B , axesque optici AC & BC in punctum C rei visibilis HI defixi; corpus autem FG inter oculos ac rem visibilem positum, sic ut axes non attingat: dico primo, ductis per extrema corporis interpositi radiis AE , AI , item BD , BH , portionem DE utroque visu conspicuam esse. Cum enim FG axes non attingat, necesse est AE & BD intra axes sese interfecare, ac proinde AE ultra C versus I , item BD ultra C versus H protendi. Quare portionem DE uterque aspectus complectetur, a quidem radiis AE & AD ; B verò radiis BD & BE . Sic quæ ultra H & I longius à C portiones excurrunt, utriusque aspectui patent, ut manifestum est ex libera radiorum promissione, quemadmodum & in superiore propositione ostensum est.



At cum FG intra radios BH & BD contineatur, oculo B aspectum portionis DH surripit; videtur autem eadem portio DH ab oculo A , quonia radij AD & AH ab FG non interceptiuntur, ut ex eo manifestè constat, quòd corpus FG intra axes AC & BC contineatur; AD verò extra eosdem axes cadat. Cumque eodem modo ostendi possit E I oculo A occultari, patere autem eius prospectum oculo B , fit, ut DH & E I altero oculorum tantum conspiciantur; media verò DE & extrema, quæ ultra H & I vagantur, utriusque oculo expositæ sint.


DE HOROPTERE.

PROPOSITIO XLVI. THEOREMA.

Horopter cum axibus opticis, eaque qua centra visuum connectit, in eodem est plano.




VNT O A & B centra visuum, è quibus optici axes AC & BC profiliant (sive illi pares sint longitudine, ut in directo aspectu; sive impares, ut in obliquo, nihil interest) cetera autem visuum recta coniungat linea AB : denique per C axium concursum horopter incedat DE . hunc dico in eodem esse cum axibus plano; quoniam enim AB & DE parallelæ sunt inter sese per decimam huius libri definitionem, erunt AC & BC in eodem, in quo & AB & DE plano per 7. vndecimi Euclidis. Itaque horopter, axesque optici, & quæ centra visuum connectit, in vno eodemque plano simul omnes extenduntur; quod erat demonstrandum.



PROPOSITIO XLVII. THEOREMA.

*Si radius communis in horopterem rectis incidat angulis,
& cum axibus horopter aequales angulos efficiet.*


A Duobus visibus **A** & **B** axes optici promittantur **AC** & **BC**, radiusque communis **FC** in horopterem **DE** rectis incidat angulis. dico illos, quos horopter cum axibus facit angulos, nempe **ACD** & **BCE**, æquales inter se esse. Cùm enim per 10. huius libri definitionem constet horopterem, ei quæ connectit centra visuum, parallelam esse, erunt per 29. primi Euclidis etiam recti illi, quos idem communis radius cum connectente efficit, videlicet **AFC** & **BFC**: ac proinde per 27. huius libri & axes optici **AC**, **BC** æquales inter se erunt: est verò utriusque triangulo **AFC**, **BFC** communis **FC**, & basisque **AF** basi **BF** æqualis per 6. definitionem huius libri: ergo per 8. primi Euclidis anguli **ACF**, **BCF**, æquis lateribus contenti, æquales inter se erunt. Quos tandem si ab æqualibus rectis **FCD** & **FCE** detraxeris, reliqui **ACD**, **BCE** per communem notionem inter se æquales erunt; quod erat demonstrandum.



PROPOSITIO XLVIII. THEOREMA.

*Si radius communis in horopterem obliquis incidat angulis,
erunt & illi, quos horopter cum axibus facit, inæquales.*

D **E** **F** **S** **T** **O** rursus unius visus centrum **A**, alterius **B**, atque ab his in horopterem projecti axes **AC** & **BC**, ita ut radius communis **FC** obliquè in horopterem incidat: dico angulos quoque **ACD** & **BCE** obliquos & inæquales esse; siquidem horopter, & ea quæ centra visuum iungit, parallelæ cùm sint per 10. definitionem huius libri, incidens in utramque **AB** & **DE** communis radius **FC** alternos angulos æquales facit per 29. primi Euclidis, hoc est **AFC**, ipsi **FCE** & **BFC** ipsi **FCD**, eruntq; ad connectentem, quemadmodum ad horopterem, obliqui & inæquales; sit autem maior **AFC** quàm **BFC**: erit ergo per 24. primi Euclidis, & basis **AC** basi **BC** maior; quia nimirum in triangulis **AFC**, **BFC** latus **AF** lateri **BF** æquale est per radij communis definitionem; latus verò **FC** utriusque cõmune est, & angulus **AFC** iam suppositus maior angulo **BFC**: est igitur basis **AC** basi **BC** maior. Vnde ulterius efficitur per 18. primi Euclidis, ut in triangulo **ABC** angulus **ABC**, cui maius latus subijcitur, sit maior angulo **BAC** lateri minori insistente. Sed per 29. primi Euclidis angulo **ABC** æqualis est angulus **BCE**, angulo verò **BAC** angulus **ACD** æqualis: sunt igitur anguli, quos horopter cum axibus efficit, inæquales, & **BCE** quidem maior, quàm **ACD**; quod erat demonstrandum.



Hæc angulorum inæqualitas eo tantùm motu obuenire potest, quo oculi in obliquum torquentur, dextram aut sinistram versus; non verò illo quo vel in sublime efferuntur, vel in imum deprimuntur. Oculo siquidem in has plagas transmutato, & horopterem mutari necesse est, quia nimirum planum mutatur in quo optici axes existunt; quod minimè accidit, cùm solùm in latera oculi obliquantur.

PROPOSITIO XLIX. THEOREMA.

A

Quidquid conspicitur in eodem cum axibus existens plano, id omne in horoptere verum vel apparentem locum habet.



MAGNA sanè vis est atque potestas eius lineæ, quæ per iugatorum axium concursum ducitur, ei, quæ centra visuum connectit, parallela: (horopterem ab effectu antea nominauimus definitione 10. huius libri.) Hanc profectò nemo satis demirari poterit, qui naturam visionis curiosius fuerit **B** percurtatus: est enim illa intuitus ipsius velut meta, ad quam radij omnes ab oculo profecti contendunt, aut velut translucidum quoddam interseptum, ea ab inuicem dirimens, quæcumque ultra citraue axium concursum in eodem cum axibus plano existunt, in quod proinde eorum omnium quæ spectantur, loca vniuersa cum propria tum phantastica seu apparentia recipiuntur: propria quidem ac vera, cum in illo res etiam ipsæ spectatæ existunt; aliena verò seu apparentia, cum vel citra ipsum constitutæ sunt, vel ultra procurrunt. Omnia siquidem in horoptere apparent, ac nonnulla quidem distinctè, alia confusè; atque ex his quædam singularia, alia geminata.

Quorum omnium propriam ac genuinam causam si quis postulet, aliam equidem non reperio, quàm ipsam oculorum naturam, ita à prima sui origine comparatam, vt **C** quemadmodum in eo horopteris puncto, in quod axes conueniunt, res constitutæ distinctissimè cernuntur, ita secundo loco imperfectè quidem, sed minùs ea videantur, quæ in reliquis horopteris partibus versantur; ac tertio denique loco omnium imperfectissimè ea, quæ extra horopterem excurrunt, quæ proinde gemina etiam conspiciuntur, vt libro 4. in fallaciis loci & numeri, Deo propitio, docebimus: sic vt omnia quæ in eodem cum axibus plano constituta oculis obuersionem apparentem locum congressioni axium, quàm fieri potest proximum sortiantur: ea est enim conditio sensus communis, aut (si quæ alia est) attendentis facultatis, vt eò semper vires intendat, vbi axes conueniunt.

Hæc proprietas quia ex ipsius aspectus natura intimisque recessibus proximè ema- **D** nat, hæud facillè probari potest eo demonstrandi genere, quod A priori vocant. nam singularum rerum naturæ minùs nobis perspectæ sunt, aut si aliquarum notitiam habere videmur, hanc ab iis quæ natura sunt posteriora, accepimus. Quocirca hanc horopteris proprietatem, tum ab effectis, tum ab impossibili, quod oppositum comitatur, argumentando stabiliemus.

Primò quidem efficax huius rei argumentum est, quòd nisi statuamus omnia in horoptere videri, nulla idonea causa reddi possit, ob quam certa oculorum dispositione res quædam geminæ conspiciantur. Nam quæcumque ab aliis huius fallaciæ causæ in medium adducuntur, siue à communi neruorum opticorum principio, siue ab imaginum perturbatione, siue à spirituum animalium dissipatione, siue aliunde desumptæ, has om- **E** nes ad propositum explicandum minùs idoneas esse lib. 4. in fallaciis numeri perspicuè ostendemus. Quapropter vt in astronomicis rebus phænomena hypothetibus explicantur, illæque hypothèses præcipuè ab omnibus commendantur, quæ ad saluandas phænomenon rationes potissimùm valent: ita in confesso esse oportet hanc horopteris proprietatem, qua ad explicandas fallacias loci, geminosque aspectus, nil videtur excogitari posse accommodatius. Siquidem cum rei cuiuspiam phantasia geminatur, tum ea duobus spectatur locis; nam si vno tantùm loco cerneretur, res ipsa singularis appareret: nunc ergo cum gemina videri supponatur, duobus eam locis spectari est necesse: at horum neuter proprius esse potest, quod enim proprio in loco spectatur, singulare apparet: **F** vterque igitur locus alienus est. Nusquam verò commodius ac etiam veriùs apparens rei locus statui potest, quàm in horoptere, citra vel ultra quem nihil reperire est, quod radium opticum ab oculo per rem extensum definiat. Hic igitur eorum omnium, quæ oculis obijciuntur in plano, in quo axes, apparentia loca in se recipit.

Accedit ad hanc ipsam rem confirmandam hæud obscurum experimentum, à geminato aspectu desumptum. Cum enim duæ res in axibus opticis constitutæ tribus numerantur locis (id quo pacto fiat lib. 4. dicemus in fallaciis loci) tum tres apparentes phantasiæ in rectam lineam, illi quæ centra visuum connectit parallelam, dispositæ conspiciuntur. at mediam constat in horopterem transfundi, eo scilicet loci vbi inter se axes **commit-**

A committuntur. Igitur & reliquæ in eodem horoptere apparentem locum habent: is quippe per axium concursum mediamque phantasiâ incedit. Ex his duplex causa elici potest; cur è tribus phantasiis, illa quæ medio sita est loco, perfectius euidentiùsque cernatur: primò namque quia axibus cernitur; secundò quia ex duabus effecta est vna. Idem per omnia experimur in eo aspectu, quo subinde res duæ quatuor locis numerantur. omnes enim phantasiæ in rectam lineam oculorum distantia parallelam rediguntur, quamuis res ipsæ in lineam visibus parallelam constitutæ non sint.

Itaque quemadmodum in rebus aliis non paucis, ita in ratione aspectus, rei imaginariæ vim ac potestatem licet admirari. Est enim horopter non vera aliqua, atque in materiâ conferta linea; sed quam animus ex ratione confingit: non secus, atque in cælestibus orbibus coluros, tropicos, horarios, aliosque sine numero circulos Astronomi sola mente concipiunt, quorum ope, ea quæ in astrorum lationibus cernuntur, phænomena velut propria ex causa eliciunt, explicant, probant, inque veram scientiæ lucem transcribunt. aut velut tempus quoddam sibi mens nostra effingit, quod, tametsi nullus existat in rebus motus, interrumpi tamen numquam possit. aut velut supra extremum cæli ambitum spatia quædam imaginamur (vbi reipsa aliquid esse ratio dissuadet) in quibus alios mundos constitui nihil prohibeat, & per quæ cieri corpus aliquod posset ocius vel tardiùs; esto nullus ibi sit locus, à quo & ad quem motus fiat; quamuis item nullum sit tempus, secundùm quod citiùs tardiùsve res mobilis spatium decurrit. Ita inquam lineam quamdam per axium opticorum concursum animo ducimus, quæ tametsi nusquam reipsa sit, ea tamen aspectus noster definitur, & quodammodò à vago situ intra certos terminos constringitur, quæ proinde linea ad omnem intuitum mutabilis est: vti enim mutato aspectu axes optici mutantur, ita & horopterem pariter mutari est necesse.

Porro cum dicimus res omnes in horoptere apparentia loca capeffere, non intelligimus ea illic distinctè internosci, seu ea cognitione, quæ de rerum veritate sententiam fert; sed confusè ac velut indefinitè: non enim internus sensus suapte vi vnà cum re propriù etiam rei locum percipit; sed rem quasi indefinito loco. Vnde vnus oculus, licet communis sensus præsidio adiutus, verum rei locum non assequitur: sed præter communem facultatem, duorum præterea oculorum conspiratione ad distinctam loci dignotionem opus omnino est. & quamquam rem nullo loco propriè videri impossibile forsitan esse nonnullus arbitrabitur, ea ratione inductus, quòd quemadmodum nihil illud est quod nusquam est, ita omnino non videatur id quod nusquam videtur; est tamen illud non modò possibile, verùm etiam necessarium, quoties nimirum vel vnus tantùm oculus in visionem incumbit, vel extra axium concursum res constituta vtroque oculo cernitur. His namque casibus id primò constat, rem in illo radio, qui per ipsam ducitur, apparere; at in qua eius sit parte necdum compertum est, nisi iunctis amborum luminum axibus communis facultas accedat, quæ locum definitò decernat. Ergo præter id solum, quod in concursu axium existit, cetera omnia in horoptere indefinitè videri intelligenda sunt; non autem certa atque indubitata loci dignotione.

PROPOSITIO L. THEOREMA.

Quacumque extra axium opticorum regionem excurrunt, ea omnia in horopteris plano cernuntur, eo loci, vbi illud radij producti attingunt.


F VAM vim horopteri inesse diximus, eandem & horopteris plano communem esse satis superque ex superiùs demonstratis constat. Vti enim horopter ad ea se habet quæ in aliqua parte eius regionis seu superficiè existunt, per quam axes optici incedunt: ita horopteris planum se habet ad cetera, quæ extra opticorum axium plagam regionemque procurrunt. Horum enim omnium loca, seu vera seu apparentia, in se recipit ad eas partes, in quas radij per res visiles ducti impingunt. Quod sanè iisdem rationibus demonstrari potest, quibus in horopteris explicatione superiore propositione vsi fuimus. Est enim horopteris planum ex innumeris quodammodò horopteribus in axium congressu sese interfecantibus conflatum, cuius medium punctum, in quod axes conueniunt, tamquam umbilicus directum obtutum definit; cetera autem partes ad illos aspectus pertinent, qui extra

axium opticorum regionem emittuntur. Quocirca primarius sensus, qui suapte vi A
 cò semper contendit, quò axes coëunt, eorum omnium, quæ extra horopteris pla-
 num axiumque regionem oculis obijciuntur, phantasias in ipsum horopteris planum
 transfundit, incerta quadam, vti superiùs diximus, loci æstimatione; non verò ea
 dignotionis perfectione, qua res ipsæ in horopteris plano, ceu proprio ac definito loco,
 conspiciuntur.

Ex his colligas horopteris planum instar tabulæ esse natura perspicuæ, ac dire-
 ctò oculis obuersæ, in quam omnium eorum, quæ spectantur, phantasias se recipiunt:
 ita vt in ipsa omnium imagines opticè ac velut projectione quadam descriptæ esse vi-
 deantur.



FRANCISCI AGVILONII
 E SOCIETATE IESV
 OPTICORVM
 LIBER TERTIVS
 DE
 COMMVNIVM OBIECTORVM
 COGNITIONE.



ARGVMENTVM.

NATVRÆ simul ac doctrinæ ordo exposcit, vt definita visus essen-
 tia, præcipuaque eius affectione, quæ ad visionis modum optico-
 rumque radorum traductionem pertinet, explicata, ad communium
 visibilium cognitionem veniamus. Hæc enim per se quidem, at non
 primò, vt ea quæ propria dicuntur, sub aspectum cadunt. Nam lux
 & color simplici obtutu; hæc verò aut collatione, aut distinctione, aut antecedente no-
 tione, aut syllogismo, aut alia demum ratione, quam internus sensus variam ac multi-
 plicem administrat, cognoscuntur. Quod sanè ex eo provenire videtur, quòd hæc non
 propriè ad visus facultatem attineant, sed aliis quoque sensibus sese ingerant: vnde

non nisi communis sensus praesidio, cuius est de omnium externarum potentiarum differentis scire, iudicare, ac sententiam ferre, in cognitionem veniunt. Novem ea omnino numerari lib. 1. propos. 29. ostendimus, nempe DISTANTIAM, QUANTITATEM, FIGURAM, LOCVM, SITVM, CONTINUITATEM, DISCRETIONEM, MOTVM, QUIETEM. Inter quæ primo loco Distantiam numeramus. tamen si enim natura ordine prima sit Quantitas, eaq; de causa lib. 1. prop. 29. eam primo loco recensuimus; hic tamen doctrina ordinem sequentes, Distantiam præmittimus, ex cuius perceptione ceterorum cognitio dependet. Distantia completitur longinquum propinquum, altum profundum, & quædam alia. Sub Quantitate magnum & paruum, crassum tenue, longum latum, æquale & inæquale, aliaq; eiusmodi continentur. Figura sub se habet rectum curuum, conuexum concauum, asperum læue, acutum obtusum, ac cetera eiusmodi. Ad Locum spectant positionum differentia, quæ sex à philosophis numerantur; supernum infernum, dextrum sinistrum, ante & retro. Ad Situm pertinent sessio, statio, ordo, dispositio, aliaque permulta. A quibus erecti, iacentis, proni, supini, inclinati, & similes appellationes proueniunt. Continuitas Unitatem; Discretio numerum, multitudinem, paucitatemque gignit. Motum tempus consequitur. Quies demum de genere illorum cum sit, quæ in priuatione consistunt, sterilis est, nulliusque fecunda prolis. His adde media illa obiecta quæ nec propria nec communia esse diximus lib. 1. prop. 29. tamen non ex accidenti illa aspectu dignosci constat, ut sunt TRANSPARENTIA OPACITAS, VMBRAE TENEBRAE, SIMILITUDO DISSIMILITUDO, PVLCHRITUDO DEFORMITAS. Hæc quæ modò sunt recensita, quo pacto singula visu dignoscantur, tertio hoc libro explicare instituiamus ut, strata molliter via; pronior planiorque fiat errorum, qui circa visum contingunt, tractatio, in sequentem librum studio asseruata.

HYPOTHESIS.

Communia obiecta visus alia ex aliis cognosci.



HANC communium obiectorum proprietatem ut per se notam supponimus, cumq; nulli non conueniat, plurimaque eius exempla in singulis reperiantur, superuacaneum fore arbitror diffusius hanc veritatem explicare; ergo pauca, eaque illustriora exempla rem ipsam planam facient. Quis neget Distantiam ex nota rei magnitudine subinde argumentando colligi, ex illa præsertim communi notione, qua quisque longè abesse illa iudicat, quæ parua apparent, cum magna re ipsa sint? Et è conuerso quis ignorat astra, etiam quæ minora apparent, maiora pronuntiarum, perspecto ampliori illorum à nobis interuallo? Sic incertus rei locus non rarò ex nota distantia magnitudinèue solertia quadam eruitur. Et ex cognitis partium locis figura, situs, continuatio, discretio, motus, aliaque quæ ad locum spectant, deprehenduntur. Quid plura commemorem? cum ex his satis superque constet, communia visus obiecta in mutuam cognitionem ducere.

Inde verò hæc proprietates originem ducit, quòd non modò obiecta visus, sed etiam quæcumque ceterorum sensuum organa subeunt, mox inde in principem sensum mentemq; conscendant, ubi infinita quadam capacitate excepta, postquam singula suis perfuncta sunt muniis, ratione componuntur, atque in ordinem rediguntur. nec enim, ut Ecclesiastes cap. 1. oculus satiatur visu, nec auris auditu impletur. Quod fanè D. Gregorius Nyssenus præstantissimus philosophus oppidi similitudine doctè explicauit, cuius verba ex lib. de hominis opificio cap. 10. desumpta attexam: *Quæ res mihi maximè in nobis admiratione digna videtur, quæ nimirum illa sit interioris nostræ capacitatis amplitudo, in quam omnia per auditum infusa confluunt; qui sint quasi à commentariis, quorum*

opera

- A** opera consignentur ea quæ in aures penetrant, quæ receptacula sint rerum auditu perceptarum; quo pacto fieri possit, ut cum ad eò multa & varia immittantur, non in collocatione rerum aliarum super alias confusio ac perturbatio quædam contingat. Idem & in facultate vidente in admirationem venit. nam & per hanc modo quodam consimili mens extraria præhendit, receptisq; rerum apparentium simulachris, formas eorum quæ cerni possunt apud se depingit. Atque ut in ampla quadam urbe, quæ per diuersos aditus homines aduenientes recipit, non vnum quemdam ad locum omnes concurrunt; sed alios videre est ad forum, alios in edes tendentes: ita & mentis oppidum, quod est intra nos exstructum, diuersi quidam sensuum aditus quasi complent, mens tamen de singulis quæ ingrediuntur, iudicium faciens, & quælibet inquirens, sic deinde proprias ea velut in sedes notitiæ collocat. Ac quemadmodum vsu venire potest (libet enim uti eadem, qua cæpimus, ab oppido sumpta comparatione) ut tribules vel etiam cognati eadem urbem porta non ingrediantur, alio forte fortuna per alium aditum ad urbem itante, qui nihilominus postquam intra mæniorum ambitum venerunt, conueniunt, & necessitudine mutua sibi deuincti sunt: contraq; fieri potest, ut homines peregrè venientes, interq; sese ignoti, eodem ad urbem aditu contendant, quos tamen communis in urbem ingressus nullo modo coniungit, quando urbem ingressi pro libitu quisque se ab aliis separat, singulis suos quærentibus: non dissimilem intelligere videor etiam mentis amplitudinem esse. Nam sæpenumerò ex diuersis sensuum organis vnius rei cognitionem paramus, ipsa re diuersis modis sensibus se insinuante: contra videre est vno eodemq; sensu multa variâque percipi, quæ ceteroqui natura inter se non conueniunt.

Hoc ergo pacto quoniam communia obiecta visus partim sensu primario, partim intelligentia dignoscuntur, eaq; facultates sublimiores sunt externo visu, circa obiecta illa excellentiori etiam quodam cognitionis genere versantur: & intelligentia quidem primarij sensus prænotione adiuta componendo, secernendo, ac variè argumentando (quæ propriæ eius sunt functiones) ex assumptis cognitifque propositum deducit: sic ergo fit ut communia obiecta visus alia ex aliis cognoscantur.

- Deinde, id ratum ac firmum esse debet, communia visus obiecta ex iis cognosci debere, quæ sub aspectum cadunt: id enim nisi concedatur, nulla superest ratio qua dignosci aspectu possint: at præter lucem & colores quæ primò ad intuitum pertinent, & quibus solis distantia, quantitas, figura, locus, situs, ceteraque communia obiecta dignosci nequeunt, nihil aliud relinquitur nisi hæc ipsa obiecta communia, quæ proinde in mutuum cognitionem sese inducunt.

DE DISTANTIÆ COGNITIONE

E PRÆNOTATIONES.

I.

- P**RÆNOTANDVM hoc loco primò est duplicem esse Distantiam, vnâ rerum ab inuicem, qua nevtiquam conueniunt, aut se mutuo tangunt; sed spatio quodam atque interuallo à se inuicem distrahuntur. Hæc quoniam magnitudinis cuiusdam speciem aspectui refert, cuius mensura est vel corpus interiectum, vel id quo spatium ipsum oppleri est aptum, de ea hoc loco nulla mentio fiet, quòd eadem ratione in cognitionem deueniat, qua magnitudo, ut mox infra.

Alterâ est, qua res à visu plus minusve abducuntur, quæ tametsi non secùs ac superior, magnitudo quædam sit, tamen quia ex recta linea ab oculo ad rem ipsam pertinente æstimatur, non ita propriè ut illa magnitudinis notionem ingerit, sed cuiusdam potiùs recessus. De hac ergo Distantia in præsentem tantum agemus.

II.

SECVNDÒ prænotandum est, aliud esse *Distantiam*, aliud *Distantiæ* quantita-
tem. Sæpè namque, vt cum maximè res distant, nihil certiùs nouimus, quàm rem
à visu longè distitam esse; at nihil obscurius incertiùsque est, quàm intercapedinis
mensura & quantitas. *Distantia* nihil aliud est, quàm *contactus*, aut *coniunctionis*
privatio; at *Distantiæ* quantitas est *magnitudo corporis*, quod vel reipsa inter rem
visumque intercedit, vel interseri potest. B

III.

DISTANTIA absolutè prolata syllogismo probari hoc modo potest: Id quod
occluso oculo non videtur, cernitur autem apèrto, nequit esse in oculo, aut oculum
contingere, aliàs enim haud secùs clauso, atque patente oculo conspiceretur: distet ergo
necessè est. Verùm de hac vaga *Distantiæ* notione hoc loco non agimus, sed de eius quan-
titate ac mensura. Non enim quòd res distent, sed quantum absint, difficile cognitu
est. Hoc ergo quo pacto contingat, deinceps exponemus. C

PROPOSITIO I. THEOREMA.

Distantiam vnus oculus per se definire non potest.

DISTANTIA magnitudo quædam est, vt paulò antè est prænotatum: ne-
cessè est igitur, vt per eiusmodi aliquid cognoscatur, quod magnitudinis
notionem ingerat. Nam quod indiuidui specie exhibetur, indiuisibile ap-
paret. Quare, vt *Distantia* sub propria ratione cernatur, specie radioque
diuisibili proponi debet. At radius, qui ab vno oculo, verbi gratia A, ad
rem visibilem B emicat, recta est linea, ita vi-
sui obiecta, vt eius longitudo nentiquam ap-
pareat, sed solum puncti rationem obtineat, quemadmodum lib. 2. propof. 2. ostendi-
mus. Igitur signi B distantia, quæ in longitudine lineæ AB consistit, vno oculo determi-
nari non potest. D

Simile quiddam euenit, cum de duorum signorum inæquali distantia iudicium à
sensu exquiritur. Vt si oculo A obijciantur duo puncta B & C, quorum alterum, B nempe,
propinquius, alterum verò C remotius sit. Quandoquidem ambo in eadem recta linea
cum visu constituta sint, vnum alteri quoad aspectum exactè congruet, & B quod pro-
pinquius est, inter C remotius, & visum A ex æquo interiectum erit per rectæ lineæ defi-
nitionem. Ergo B ipsi C ex aduerso respondebit. Quapropter eodem omnino modo vi-
sum ambo afficient, sibi que mutuo prospectum surripiant, sic vt inæqualem illorum di-
stantiam vnus oculus percipere non possit, cum non secùs. BC, ac AB, imò tota AC vt
punctum appareat, per eandem 2. propof. lib. 2. igitur distantiam vnus oculus per se
definire non potest; quod erat explicandum. E

Hanc eandem rem illustria quædam experimenta confirmant, inter quæ haud igno-
bile illud est, quòd altero oculo tecto perdifficile sit, ac propemodù impossibile, signum
in aère constitutum, velut corpusculum aliquod ex iis quæ ob paruitatem leuissimo
aëris impulsu subuehantur, aut araneam ex filo pendulam indicis summitate attinge-
re, præsertim si à latere præmotionem digiti instituas, nisi id casu euenierit: fortuitò enim
& quafi ex insperato subinde fit, vt in postulatum contactum digitus incidat. Hinc etiam
filum per foramen acus transversum immittere, altero occluso oculo incerti negotij est. F

Simile & illud est ludicri experimenti genus, quod à pueris olim didicimus, sed phi-
losopho dignum sumus arbitrati, utpote cuius consideratione in eximiaz huius proprie-
tatis cognitionem deuenimus. Lusus hic erat: puerorum alter bacillum erectum tene-
bat manu, hunc alter protensò in transversum indice tangere nitentur vno tantùm cer-
nens oculo, ac quoties id moliebatur, toties panè à meta aberrabat. Id verò cum sæpius
euenisset, tandem sodalium cachinno exceptus suas alteri vices sponte resignabat; quas
proximus quisque auidè arripiebat: siquidem certatim omnes curiositatem suam explere
fatage-


A fatagebant. Hoc ergo illi cūm per iocum agerent, argumentum sagacioribus præbebant, quo facile colligi poterat, altero tantūm oculo rerum distantias certō definitoque cognosci non posse: non enim alia ex causa illorum manabat error, quā ex ignorata metæ distantia; hanc namque si perspectam habuissent, numquam in re tam facili, ac toties, tantoque interuallo eos errare contigisset.

PROPOSITIO II. THEOREMA.

B *Distantiam sæpè vnus etiam oculus per vicina corpora, quæ intercedunt, ex accidenti cognoscit.*



AMETSI vnus oculus suapte vi ac per se solus distantiam rei non discernat, tamen externarum rerum aspectu adiutus, in aliquam rei distantis cognitionem venire potest. Exempli gratia, sit in terræ superficie AB signum B oculo C propositum, cuius quidem distantiam radio CB propria virtute dignoscere nequeat; at conspiciatis variis corporibus, puta D, E, F & G in eadem terræ superficie AB visum inter & signum B interiectis, atque longo ordine sese consequentibus, facile colliget signum B non exiguo spatio disiunctum esse debere, inter quod & visum tot tantaque corpora intercedunt.



Hoc pacto non tantūm vnus oculus propriæ virtutis defectum supplet, verumetiam duo oculi non rarō adiuuantur, præsertim cūm ob nimiam disiunctionem distitarum rerum excessus minū exactè dignosci possunt.

D Deinde, cūm spatium seu intercapedo nulla res sit corporeis qualitatibus, quæ sub aspectum cadant, affecta; sed potiùs quædam continuationis priuatio, nullam sui imaginem in organum inferens; longè promptiùs efficaciusque dignoscetur in iis rebus, quæ spectabili aliquo corpore interposito dirimuntur, quā si inane tantūm spatium interiectum sit. Nam corpus inter rem visumque diffusum mensura quodammodo est eius spatij, quo res à visu semotæ cōspiciuntur. vnde cūm nullum corpus re ipsa adest mensuram distantia definiens, sæpenumerō aspectus fœdè hallucinatur, quod non æquè exactè intellectus æstimare possit magnitudinem corporis, quod inter rem & aspectum intercedere potest, ac cūm illud reuerà oculus interpositum videt.

E Hanc porrō cognitionem non ex se, sed ex accidenti oculus elicit; quoniam neque eam vim oculus sibi congenitam habet, neque id spatio naturæ legibus debetur, vt corpore aliquo oppleatur. Enimuerō non minū res distant, si vacuum sit intermedium spatium quā si corpore aliquo oppleatur, vt ex physicis rationibus constat. Itaque cūm spatij magnitudo, quam distantiam vocamus, ex corporum interiectorum magnitudine cognoscatur, ex accidenti erit ea cognitio, qua distantiam per interposita corpora percipimus, cūm neque ex natura distantia, neque ex aspectus conditione principium ducat.

PROPOSITIO III. THEOREMA.

F *Non rectè quidam ex axium coniunctorum angulis distantiam per se cognosci affirmarunt.*





VNT qui distantiam ex quantitate anguli, quem faciunt concurrentes axes, colligi volunt, sic vt remotiora illa sint, quæ minoribus axium angulis attinguntur, quæ verō maioribus, propinquiora. Quod in hunc modum nituntur demonstrare. Sint duo oculi A & B, communisque radius CD, siue is connectenti centra visum rectus sit siue obliquus, nihil interest: sit verō in communi radio signum visibile nunc in E, nunc in D. Ductis ex E & D ad vtrumque aspectum axibus opticis DA & DB; item EA & EB, erit angulus AEB angulo ADB

lo $A D B$ maior per 21. primi Euclidis: siquidem E intra triangulum $A D B$ cadat. Quare E propinquius indicabitur, quia maiore angulo conspicitur; D verò remotius, quia minore.

Firma illis videtur hæc demonstratio: verum duobus potissimum argumentis confutatur. Primum hoc est: Visus non percipit magnitudinẽ anguli, quem in concursu axes efficiunt:

est enim extra oculum; nec vllis visibilibus qualitatibus, quibus spectari possit, imbutum est. Quæ namque extra oculum sunt, non nisi per sensibiles species cognosci possunt; at quæ in oculo, per se ipsa quodam consensu sentiuntur, vt motus oculorum, eorumque situs, ipsa visionis operatio, & cetera huiusmodi: non igitur ope illius anguli visus rerum distantias cognoscere potest.

Alterum est, quo etiam superior demonstratio tamquam contraria demonstratione refellitur. Si obiecta in diuersos radios communes cadant, fieri potest, vt res inæqualiter distantes, æqualibus tamen angulis cernantur. vt si visibus A & B punctum C directò opponatur: descripto circum tria puncta $A, B,$ & C circulo per 5. quarti Euclidis, sumatur in eius circumferentia aliud quodpiam signũ, puta D , quod visibus propinquius sit quàm C , erit nihilominus angulus $A D B$ angulo $A C B$ æqualis per 21. tertij Euclidis. Æquè igitur ab oculis disiunctum id quod in D collocatum fuerit, ac quod in C visus arbitrabitur: at falsò, cum longiùs abesse constet punctum C quàm D . Quocirca fallax est distantiarũ cognitio, quæ ex angulis coniunctorum axium desumitur; quod erat probandum.




PROPOSITIO IV. THEOREMA.

Distantia per se cognoscitur ex axium opticorum longitudine.



QUIBUS non placuit ea ratio cognoscendi distantiam, quam superiore propositione confutauimus, illis potior visa est hæc, quæ ex axium opticorum longitudine desumitur: quo enim hi sunt maiores eo res longiùs distare haud dubiè colliguntur.

Quod ita potest demonstrari. Sint visuum centra A & B , res autem visibilis nunc in C , nunc in D . dico, quoniam axes $A D$ & $B D$ longiores sunt, quàm $A C$ & $B C$ per 21. primi Euclidis; idque visui perspectum est per 24. libri secundi, maiorem indicari distantiam signi D , quàm signi C . Cum enim nil sit aliud distantia, quàm recta linea ab aspectu ad rem ipsam extensa, eiusmodi linea ipse est axis opticus, profectò cognita axis longitudine per 24. libri secundi, nota erit rei distantia, quæ ignota quærebat.




Nec tantum hac ratione cognoscitur obiectum vnum altero magis à vidente distare: verum etiam vnũ idemque, puta C à visu A longiùs abesse quàm à visu B , non tantum propter communem illam notionem, qua constat visile à medio aspectu deflectens illi oculo propinquius esse oportere, qui est ad eandem partem, in quam obiectum vergit: sed ob id vel maximè, quod oculi axium opticorum inæqualitatem propria virtute percipiant, maioremque cognoscant axem $A C$ ipso $B C$ propter angulorum $A B C$ & $B A C$ inæqualitatem.



Fit

A Fit interdum, vt visile in eodem existens axe
B D, nunc propinquius sit, vt in C, nunc remotius,
vt in D: quod cum accedit, quemadmodum oculus
B vtrumque axem A C & A D æqualem videt,
quod vterque eundem angulum A B C subtendat;
ita idem oculus B puncta C & D propria quidem
facultate in eadem cernit distantia; vel vt
melius dicam, inæqualem illorum distantiam non




B demonstratum, solus oculus B distantiam eorum quæ in recto radio ab ipso educto existunt percipere valet. At oculus A suam quoque actionem in commune conferens, quæstionem dirimit. Is namque minorem complectens radius B C, quàm B D, definit signum C oculo B propinquius esse, quàm punctum D. sicq; ex nota axium opticorum longitudine, duo oculi iunctis viribus in cognitionem distantia ducunt, quod alter eorum solitaria actione præstare non potuit.

PROPOSITIO V. THEOREMA.

Minores rerum distantia ex axium longitudine, maiores per interiecta corpora exactius discernuntur.

C **M**INORES hoc loco distantias eas intelligi volumus, ad quas axes optici sensibilem angulum in concursu efficientes, attingunt. Maiores verò, ad quas, qui perueniunt axes optici, insensibilem angulum in cõkursu comprehendunt. Illæ quidem minores iure optimo vocantur, non modò quòd maioribus minores re vera sint, sed etiam quòd in se spectatæ per exiguæ sint. Cum enim concurrentibus axibus exigua basis subijciatur, ea nempe recta linea, quæ centra visuum connectit, profectò non longè excurrere axes debent, vt angulus, quem in congressu faciunt, aciem obtutus effugiat. Quod priusquam accidat, hoc est,
D cum adhuc minores distantia sunt, facile eas aspectus dignoscit ex axium opticorum longitudine, vt propositione 4. est demonstratum: cum verò iam maiores fieri incipiunt, nequit visus ex axium longitudine eas dignoscere: siquidem longitudinem axium ex magnitudine angulorum, qui iisdem axibus & connectente centra visuum continetur, percipit, vt libro secundo propositione 24. est ostensum. Insensibiles esse hos angulos in ea distantia qua angulus axibus contentus insensibilis est, hoc modo demonstrabitur.

Sit, exempli gratia, c concurrentium axium angulus insensibilis, sitq;
D in distantia maiori, quàm C; erit ergo angulus D angulo C minor, & ipse
E quoque insensibilis: at cum vniuscuiusque trianguli tres anguli duobus rectis sint pares per 32. primi Euclidis, erunt & vnius trianguli omnes simul anguli tribus alterius trianguli angulis simul sumptis æquales. Si igitur angulus D angulo C minor est, oportet duos reliquos D A B & D B A duobus reliquis C A B & C B A maiores esse per communem notionem. Quoniam verò vterque angulorum C & D insensibilis est, erit & illorum discrimen insensibile. Quare excessus quoque, quibus anguli D A B & D B A angulos C A B & C B A superant, imperceptibiles erunt. Atque idcirco excessus, quo apprensus axis A D axem apparentem A C excedit, omnem effugi & oculorum aciem. Fieri igitur nequit, vt maiores distantias ex longitudine axium visus distinguat.



Commodius autem id præstabit ex corporum interiectorum inspectione. Quoniam, licet angulus coëuntium axium in maximis distantia iudicari non possit, est tamen in iis angulus pyramidis opticae, quo spatia interiecta oculo contuetur, non modò sensibilis; sed eò etiam maior, quò distantia maior fuerit. At angulum hunc visu percipi ostendimus propof. 43. libri 2. Itaque maiores distantias per interiecta corpora certius distinctiusque visus internoscit, quàm ex axium opticorum longitudine; quod probasse oportuit.

PROPOSITIO VI. THEOREMA.

Sapè etiam ex nota rei magnitudine distantiam visus per argumentationem colligit.



HÆC ratio distantiam coniectandi tum potissimum locum habet, cum cetera præsidia denegantur, quibus necessario & quasi apodicticè in eius cognitionem induci solemus: sunt autem plurima eius exempla communi **B** vsu celebrata, quæ omnia aut pleraque illorum recensere pretium operæ non est, cum per se sint notissima, & ex paucis reliqua nullo negotio intelligi queant.

Si inquam, exempli gratia, ardea sublimè volans exigua apparet, procul eam abesse pronuntiamus, cum certum habeamus, quæ longè absunt ea minora apparere, & quod hinc consequens est, quæ parua apparent, cum sint magna, ea multum abesse oportere. Sic qui ingruentibus tenebris iter faciunt, turres, quas eminus atque ex incognita distantia conspiciunt, cum magnæ eis apparent, vicinas omnino arbitrantur, tamen propter aëris obscuritatem nequeant longitudinem axium definire, aut media corpora internoscere, quibus vera distantia cognosci solet; ex ea tantum notione omnibus ingenita, **C** quod quæ magna apparent, cum parua sint, ea propinqua necesse sit esse: siquidem quovnumquodque propius fit, eo apparet maius.

Has similesq; ratiocinationes in rebus præcognitis atque assuetis animus promptissimè absoluit, ita ut brevissimum tempus ipsi ad colligendam veritatem sufficiat. Mox enim ut rem aliquam consuetam oculus aspexit, multumne, an parum absit, celerrimè certissimeq; concludit. Tantum nimirum valet in rebus, quarum anceps dubiaq; cognitio est, assuefactio, quæ eam perficit visionem, quam lib. 1. in definitionibus ad propof. 81. ex prænotione vocauimus.

Est verò hæc distantia collectio ratione magis quàm ex aspectu, ad quam proinde non plus præsidij duo oculi adferre possunt, quàm alter tantum, nisi quòd ab utroque per- **D** spiciatior sit visio, ut lib. 1. propof. 72. est declaratum.


PROPOSITIO VII. THEOREMA.

Æqualibus magnitudinibus ex inæquali distantia conspectis, maior est ratio distantiarum, quàm angulorum sub quibus magnitudines illa conspiciuntur, si maior minori comparatur.



PER æquales magnitudines hoc loco intelligendæ sunt, non tantum eæ **E** quarum extensiones sese mutuò non excedunt, sed illæ etiam quæ eundem habent oppositionis situm. Fieri enim potest, ut in iis quæ diuersimodè opponuntur, eadem sit, aut etiam minor distantiarum, quàm angulorum proportio. Id sanè ex eo manifestè liquet, quòd res eadem ex eadem distantia visa, pro situs obliquitate, nunc maior, nunc minor appareat, ut libro 4. ostendemus. Igitur sic aptari quoad oppositionis situm possunt res obiectæ, ut anguli sub quibus illæ spectantur distantis ex æquo respondeant; vel etiam, ut minor ratio sit distantiarum, quàm angulorum. Itaque de æqualibus similiterq; obiectis rebus hoc loco agimus, in quibus maiorem esse distantiarum quàm angulorum rationem, hunc in modum demonstratur.

Esto ut æquales magnitudines AB & CD visui E similiter oppositæ, nempe parallels ab inæquali distantia videantur: AB quidem ex distantia EB , CD verò ex distantia ED . Statuantur verò eæ magnitudines eo pacto, ut B & D in vnum radium opticum EB cadant: palàm igitur A & C , distinctis radiis ad aspectum peruenire, quorum alter nempe AE magnitudinem CD interfecet in G . Cum enim ipsi AB sit po- **F**



A sita CD parallela, erunt in triangulis ABE , GDE angulus BAE angulo DGE , & angulus ABE angulo GDE per 29. primi Euclidis æquales: at angulus AEB vtrique communis est: sunt igitur æquiangula ipsa triangula ABE & GDE . Quare per 4. sexti Euclidis, vt est ED ad EB , ita est DG ad BA ; sed ED minor supponitur, quàm EB : est igitur & DG ipsa BA minor. Itaque diuersis radiis A & C in oculum incurrunt, quorum is qui ab A porrigitur, magnitudinem CD interfecat.

Per intersectionis verò signum G ex centro E arcus decircinetur HGF , qui secet radi-
 dum CE in F , BE verò in H . Quoniam itaque trigonum EGC maius est sectore EGF ,
 & trigonum EGD sectore EGH est minus, habebit EGC trigonum ad trigonum EGD
B maiorem rationem, quàm sector EGF ad EGH sectorem. Nam per 8. quinti Euclidis,
 cum maius sit trigonum EGC sectore EGF , erit trigoni EGC ad trigonum EGD maior
 proportio, quàm sectoris EGF ad idem trigonum EGD : sed per eandem 8. quinti Eu-
 clidis, maior est ratio sectoris EGF ad trigonum EGD , quàm eiusdem sectoris EGF ad
 EGH sectorem, quod trigonum EGD sectore EGH sit minus. Igitur multo maior est
 ratio trigoni EGC ad trigonum EGD , quàm sectoris EGF ad sectorem EGH . Quare
 per 28. quinti Euclidis, secundum Campanum erit coniunctim maior proportio trigoni
 ECD , hoc est trigoni EGC cum trigono EGD ad trigonum EGD , quàm sectoris compo-
 siti EFH ad sectorem EGH . Sed proportio trigoni ECD per 1. sexti Euclidis, ad trigo-
 num EGD est sicut basis CD ad basin GD . cumque sit CD æqualis ipsi AB ex hypothesi,
C erit per 7. quinti Euclidis AB ad GD , vt CD ad eandem GD . Est verò superius ostensum
 æquiangula esse triangula ABE & GDE : erit igitur per 4. sexti Euclidis, vt AB ad GD ,
 ita EB ad ED : ergo per 11. quinti Euclidis erit proportio lineæ EB ad ED maior quàm
 proportio sectoris EFH ad sectorem EGH . At quemadmodum se habet sector ad secto-
 rem, ita arcus ad arcum, per vltimam sexti Euclidis: vt verò arcus ad arcum, ita angulus
 FEH ad angulum GEH per eandem vltimam sexti Euclidis. Est itaque maior ratio
 distantie EB ad distantiam ED , quàm sit anguli FEH ad GEH angulum; quod erat
 demonstrandum.

DE QUANTITATIS COGNITIONE.

PROPOSITIO VIII. THEOREMA.

*Apparentes rerum magnitudines ex quantitate anguli
 verticalis pyramidis optica dignoscuntur.*

RERVM magnitudines visu percipi iuxta ac ceteras aspectabiles proprieta-
E tes, omnium intuentium oculis compertum est. At qui euenire id possit, si
 visio susceptione specierum perfici concedatur, Galenus lib. de Hippocra-
 tis & Platonis decretis videre non potuit, cum à ratione alienum id ei se im-
 per visum sit, tam vastas rerum moles tam exiguum pupillæ hiatum posse
 subire: quocirca in eam sententiam adductus est, vt visionem emissionem radiorum fieri
 cum Platone existimauerit.

Cuius sententia tamen libro primo propositione 67. abundè sit confutata, hoc tamen
 postulare prætereà liceat, vt Galenus edisserat, quonam pacto emissionem illud lumen,
 cuius ope visionem fieri ipse autumat, rerum, quas foris attingit, visibiles affectiones per
 pupillæ angustias in oculum inferat? Nam lumen res extra oculum per se non videt, sed
F spectandas organo importat, vt proximè citata propositione ostendimus. Si dixerit lu-
 men ab oculo effusum ampliari, atque in omnem circum partem distendi, receptum
 verò coarctari sensim, atque in angustum premi, sic vt spectabiles proprietates, quibus
 lumen affectum redit, in compendium redactæ pupillam, licet angustissimam, facile sub-
 eant: hoc ipsum & nos astruimus, species scilicet in externum lumen receptas, eius
 quoque ope in oculum inuehi, nullo ab oculis emicante nativo lumine, quo velut manu,
 vt Galenus ait, res externæ attingantur.

Sic igitur rerum magnitudines visu dignosci contingit, quoniam species in coni seu
 pyramidis modum sensim contractæ in oculum illabuntur, cuius qui ad verticem con-
 stituitur angulus mensura est apparentium magnitudinum. Hinc per exile tabulæ fora-

men res ampliffimas contuemur : ac tum plures maioresq; visu cōplectimur, cū tabula **A** oculo vicinior est ; tunc siquidem diducitur pyramidis opticae angulus, maiorque euadit. Quoniam ergo pyramide optica velut haustro rerum imagines confertim intrō suscipiantur : quāto eius ad verticem angulus maior fuerit, tantō plura capit, quā simul spectari queunt, atque vniuersē ex illius anguli mensura & quantitate apparentium magnitudinum dignotio existit ; quod erat ostendendum.

Vocantur autem ita spectatae magnitudines apparentes, quōd non verē tales sint, quales apparent ; sed longē alia videantur, quā sunt reipsa. Fieri namque potest, vt res vna, quā altera maior reipsa sit, minor appareat, nempe si angulo minore contineatur : & vt minor reuerā, maior visui exhibeatur, si videlicet maiore cōcludatur angulo, vt demum **B** inæquales æquales appareant, & è conuerso æquales cernantur inæquales : & vt idem seipso nunc maius nunc minus appareat, quā omnia libro sequenti diffusius explicabuntur in fallaciis quā circa magnitudinem eueniunt. Alia sunt igitur magnitudines verā, alia apparentes : illā, vt diximus, ex magnitudine anguli verticalis pyramidis opticae cognoscuntur ; hæ verō vt infra dicemus.

PROPOSITIO IX. THEOREMA.

Apparentes rerum magnitudines ita inter se sunt, vt anguli pyramidum opticarum, quibus comprehenduntur. **C**


A M E T S I ex superiore propositione iam constet, rerum magnitudines qua apparent, percipi ex quantitate anguli qui ad verticem pyramidis opticae constituitur ; nondum tamen compertum est, quam hæc inter se rationem habeant : an inquam quemadmodum non eadem proportio est distantiarum & angulorum, quibus æquales magnitudines conspiciuntur (quod propof. 7. docuimus) ita quoque alia fortē proportio sit apparentium magnitudinum & angulorum, quibus eæ comprehenduntur.

Eandem igitur horum proportionem esse, in hunc modum potest demonstrari. Spectatae rerum magnitudines ita se habent, quemadmodum arcus, quibus optici anguli insistant : at quam arcus, eandem proportionem habent anguli, quibus illi subtenduntur : **D** igitur apparentes rerum magnitudines ita inter se sunt, vt anguli pyramidum opticarum, quibus continentur. Assumptio patet ex vltima sexti Euclidis.

Propositio verō ita probatur : Apparentium magnitudinū proportio spectari in rebus debet, qua illā exactissimē cernuntur : at eō accuratiū vnaquæque percipitur, quō directiū visui opponitur ; exactissimē verō illā, quarum omnes omnino partes eundem habent oppositionis modum, seu in quas radij omnes æquis incidunt angulis. Itaque secundū directissimam oppositionem accipienda est apparentium magnitudinum proportio. Eiusmodi autem oppositionē habere nulla quidem recta magnitudo potest : sed illa tantū, quā in peripheriam circuli ex centro visus descripti conformatur.

Nam sit, verbi gratia, oculi centrum **A**, eiq; obiecta magnitudo recta **BC**, quoniam eius medietates **BD** & **DC** non directē opponuntur, quōd maior sit angulus **ADB** quā anguli **ABD** vel **ACD**, minū etiam accuratē ipsæ medietates videntur, quā si directæ vnaquæque illarum opponeretur. Quare si linea **BC** ita inflectatur, vt sit **GH** ipsi **BD**, & **HK** ipsi **DC** æqualis, iam directiū opposita erit linea inflexa **GHK**, quā recta **BC**, ac proinde accuratiū illa quā hæc conspicietur.

Rursus quia lineæ **GH** medietates inæqualibus obijciuntur angulis, quemadmodū prius medietates lineæ **BC**, si ipsa quoque linea **GH**, ac simul altera **HK** iterū inflectatur, vt prius tota **BC**, hæc iam in quatuor partes fracta accuratiū cernetur, quā prius cū in duas tantū dissecta erat, quoniam plures iam partes directum oppositionis situm sunt adeptæ.



ficque

A sicque vterius, quò in plures partes singulæ franguntur, eò accuratiùs semper videntur, quoad tandem in circuli perimetrum omnes incidant, vbi perfectissima est omnium comprehensio. Ille namque solus paribus vndique radiis à visu distat, partiumque radios omnes æqualibus angulis in visum destinat. Quare ex eius ratione apparentium magnitudinum proportionem æstimandæ sunt; aut certè ex iis qui ad centrum eius consistunt angulis: hi namque per vltimam sexti Euclidis, arcubus, quibus insistant, proportionem respondent.

Quocircà æquales videbuntur magnitudines, quæ sub æqualibus cernuntur angulis, & maiores quæ sub maioribus, & quæ sub minoribus minores; & quantò angulus maior erit aut minor, tantò quoque res conspecta maior aut minor: vti sub minimo angulo res minima; & sub duplo vel triplo, res ipsa dupla triplave conspicietur.

B Huius proprietatis origo ex eo duci videtur, quòd ita se habeant spectatæ rerum magnitudines, vt partes superficiei visus, quas rerum visarum formæ attingunt; at partes seu arcus superficiei visus, sunt inter se vt anguli pyramidum opticarum, vt lib. 2. propos. 43. ostendimus: ergo & apparentes rerum magnitudines eandem cum angulis opticis proportionem habent. Quamquam autem eadem propos. 43. lib. 2. ostensum sit aduersus Vitellonem, non ita exactam proportionem inter angulum pyramidis opticae, eamque araneæ tunicæ superficiem quæ visibili forma obsignatur, intercedere, vt ista ad amissim sibi respondeant; est tamen illorum responsus ad eò iustitiæ affinis, vt exiguum eorum **C** discrimen rationem, qua visus rerum magnitudines æstimare solet, minimè obturbet: quippe cum nec aspectus ipse, nec eius dignoscendi actus in indiuiduo sit constitutus.

PROPOSITIO X. THEOREMA.

Res sensibiles sub angulo sensibili conspiciuntur.

D **V**M ostensum iam sit ex magnitudine anguli, qui ad verticem est pyramidis opticae, rerum magnitudines dignosci, sic vt maior illa appareat, quæ maiore angulo continentur, & quæ minore minor, necessariò omnino efficitur, vt quorum insensibilis est angulus, eorum insensibilis sit magnitudo: hæc enim ita se habent, ac si nullum angulum in oculo efficerent: quandoquidem quod non percipitur, hoc nihil esse existimatur, quòd verò nihil est, angulum aliquem in oculo efficere non possit: at quæ nullo angulo continentur, ea visus non dignoscit: igitur quorum insensibilis est angulus, eorum insensibilis est magnitudo. Quare res sensibiles sensibili angulo spectantur. si enim insensibili, iam res ipsæ insensibiles forent, quod iam dictis repugnat. Sensibiles namque esse oportet, quas sensibili angulo spectari affirmamus.

Cur autem visus ita sit comparatus, vt nihil dignoscat, nisi quod sensibili magnitudine præditum est, eandem esse arbitror causam, quæ in ceteris rebus, quæ agunt & **E** quæ patiuntur: in quibus nulla actiò intentatur nisi ab eo, quod mole quapiam distenditur; nec actione quidquam recipit, nisi quod quantitatis dimensionem aliquam habet.

At quæ tandem ea est causa? Hæc sanè, quòd vis, quæ ad agendum rebus indita est, corporeo quodam modo illis insit, ita vt in maiore parte corporis maior virtus, in minore minor, in atoma indiuisibilis ac nulla existat, propterea nimirum, quòd corporeæ virtutes, non secus ac formæ ipsæ quæ ad essentiam pertinent, ex materiæ gremio eliciantur. Sic in maiore igne vim calfaciendi maiorem, & in ampliore magnete potentiorē attrahendi facultatem deprehendimus; atque in ceteris eodem modo. Igitur necesse est virtutes hæc omnes corporibus modo quodam quantitati accommodato inesse.

F Id ipsum verò in visibilibus quoque speciebus elucet, quæ quo maiorem in oculo distensionem habent, eo vim exerunt maiorem, validiutque inertem animæ facultatem ad agendum excitant. Vnde non ita in magnarum rerum aspectu oculi laborant, vt in minutarum curiosa peruestigatione: in his enim non modò oculi longiore vsu prauè afficiuntur, sed & acies hebetatur, & facultas ipsa sensim exhauritur; quod attestantur illi, qui subtilioribus operibus intendunt.

Igitur formæ visibiles nulla magnitudine præditæ visum cieri non possunt: consequens est ergo, vt quidquid videtur, magnitudinem aliquam habere debeat, ac tantam, quæ in oculi centro angulum opticum efficere possit à sensibili base in aranea subtensum: res itaque sensibiles sub angulo sensibili conspiciuntur, quod erat demonstrandum.

PROPOSITIO XI. THEOREMA.

A

Vera magnitudines, ex collatione anguli pyramidis opticae cum distantia rei, à visu per syllogismum colliguntur.



A D veræ magnitudinis dignotionem, non satis præsidij adferre potest anguli, qui ad verticem pyramidis opticae consistit, amplitudo, quippe qui nullam rei iustam exactamque mensuram definit, sed falsò omnia, vti ostensum est, repræsentat: idcirco vim oculis natura concessit, qua simul **B** rei distantiam percipiant, atque ex eius collatione cum angulo pyramidis opticae, veram magnitudinem quam proximè dignoscant. Manifestè enim deprehendimus errores omnes, qui in magnitudinis perceptionem irrepunt, ex distantia ignorantia originem ducere. Quocircà si res quæpiam angusto radorum spatio conspiciatur, parua illa quidem apparebit: at si longè distita esse intelligatur, magna iudicabitur. vti contrà, res parua esse pronuntiabitur, amplo licet angulo contineatur, si aliunde propinqua esse conuincatur.


Veras autem esse hoc pacto conspectas magnitudines dicimus, quòd in illarum dignotionem deceptio nulla interueniat, nisi fortè cum distantia minus probè perspecta est. Fieri enim haud vmquam poterit, vt res distita, si magno angulo comprehendatur, **C** parua iudicetur; aut contrà æstimetur magna, si paruo angulo è proximo conspiciatur: propterea videlicet, quòd res eadem in eadem distantia constituta, sub diuerso angulo spectari nullo modo possit.

Conducit ad hanc ipsam rem vsus experientiaque: nam ratio in magnitudinis æstimatione hanc tacitè format argumentationem. Res breui interuallo ab aspiciente disiuncta, si paruo angulo optico comprehendatur, exigua est magnitudine: at hæc res proposita non longè à vidente disiuncta est, paruoq; angulo continetur: ergo parua esse conuincitur. Assumptionis quidem pars prior, quòd nempe res proposita non longe sit distita, in præsentia nota supponitur ex iis quæ superius de distantia cognitione tradidimus: posterior verò, anguli videlicet pyramidis opticae magnitudo, visu cognoscitur, vt **D** libro 2. propos. 43. docuimus. At propositionis notitia, quanta nempe res sit, tanto angulo è tanta distantia conspecta, ex vsu experientiaque pendet: vnde eius quoque defectu in iudiciis, quæ de magnitudinibus fiunt, hallucinari atque à vero aberrare non rarò contingit, vt libro 4. ostendemus in fallaciis magnitudinis.

PROPOSITIO XII. THEOREMA.

Vera magnitudines inæquales non ita se habent, vt anguli optici quibus conspiciuntur: sed maior est magnitudinum quam angulorum ratio, si maior minori comparetur.

S INT ex eadem distantia **A C**, spectata inæquales magnitudines, maior quidem **B C**, minor verò **D C** (oportet verò præter magnitudinū ipsarum inæqualitatē, eundem esse oppositionis situm, ac cetera paria) visus autem sit **A**, ex quo in primis radij educantur **A B** & **A D**; deinde ex eodem tamquam centro per **D** arcus describatur **E D F**, qui radio quidem **A B** occurrat in **E**, productæ verò distantia in **F**.




His ita constitutis, dico maiorem esse rationem magnitudinis **B C** maioris ad minorem magnitudinem **D C**, quam sit anguli **B A C** ad **D A C** angulum. Quoniam enim triangulum **A B D** maius est sectore **A E D**, erit per priorem partem 8. quinti Euclidis maior ratio trianguli **A B D** ad **A D C** triangulum, quam sectoris **A E D** ad idem triangulū **A D C**. At cum triangulum **A D C** minus sit sectore **A D F**, erit per posteriorem partem 8. quinti Euclidis,

- A** Euclidis, eiusdem sectoris AED ad triangulum ADC maior ratio quàm ad ADF sectorem. Igitur longè maior est proportio trianguli ABD ad triangulum ADC , quàm sectoris AED ad sectorem ADF . Atque per 28. quinti Euclidis, secundùm Campanum erit coniunctim trianguli ABD cum triangulo ADC , hoc est compositi trianguli ABC ad triangulum ADC proportio maior, quàm sectoris AEF compositi ex AED & ADF ad sectorem ADF . Cùm verò sit per primam sexti Euclidis, triangulum ABC ad triangulum ADC , vt basis BC ad basim DC , & per 33. sexti Euclidis vt sector AEF ad ADF sectorem, ita arcus EDF ad arcum DF ; vt autem arcus ad arcum, ita angulus BAC ad angulum DAC per eandem 33. sexti Euclidis. Consequens est, vt maior sit proportio magnitudinis BC ad magnitudinem DC , quàm sit anguli BAC ad DAC angulum; quod erat demonstrandum.
- B**

CONSECTARIVM I.

Maiorem esse verarum, quàm apparentium magnitudinum proportionem, si maior minori comparetur.

- C**  **A**CTE hoc ex dictis colligitur. Quoniam enim hac propositione ostensum est veras magnitudines inter se maiorem rationem habere, quàm habeant anguli optici, quibus illæ comprehenduntur; per 9. autem propos. huius libri apparentes rerum magnitudines ita inter se sint, vt anguli quibus conspiciuntur: perspicuè sequitur, maiorem esse verarum, quàm apparentium magnitudinum rationem, si, quemadmodum dictum est, maior minori comparetur.

I I.

Numquam ita apparere magnitudines rerum, vt sunt: sed maiores semper esse quàm appareant.

- D** **S**I QUIDEM minor semper est apparentium magnitudinum proportio, quàm verarum. Vnde si dupla sit reuera BC ipsius DC , minor erit eadem BC apparens, quàm dupla ipsius DC apparentis. Nam ita apparent ipsæ magnitudines, vt sunt inter se anguli, quibus subrenduntur: at angulus BAC minor est quàm duplus anguli DAC , vt iam est demonstratum. Igitur & BC minor quàm dupla apparet ipsius DC . Quare liquet ex dictis non ita apparere magnitudines rerum vti sunt, sed semper, quàm reipsa sint, minores.

I I I.

- E** *Non vt distantias, ita esse apparentes rerum magnitudines: sed aequales reipsa magnitudines ex inequali distantia visas, inequales apparere: sic vt minor sit ratio apparentium magnitudinum, quàm distantiarum.*

- C**V enim propositione 7. sit demonstratum, maiorem esse proportionem distantiae maioris ad minorem, quàm sit anguli ad angulum; & rursus cùm propositione 9. ostensum sit ita se habere apparentes magnitudines inter se, quemadmodum se habent anguli sub quibus conspiciuntur: consequens est, vt maior quoque sit ratio distantiarum quàm apparentium magnitudinum, per scholium Clauij ad 13. propos. quinti Euclidis, quod sic se habet: Si prima ad secundam eandem habuerit rationem, quam tertia ad quartam, tertia verò ad quartam minorem rationem habuerit, quàm quinta ad sextam, prima quoque ad secundam minorem rationem habebit, quàm quinta ad sextam: cuius demonstrationem lector ex Clauio petat, atque hoc pacto proposito accomodat. Cùm sit apparens magnitudo ad magnitudinem apparentem, vt angulus opticus ad opticum angulum per 9. huius libri; sitque minor ratio anguli ad angulum, quàm distantiae ad distantiam, erit & magnitudinis apparentis ad apparentem magnitudinem minor ratio, quàm distantiae ad distantiam, & è conuerso distantiae ad distantiam maior ratio, quàm apparentis magnitudinis ad magnitudinem apparentem.

Quare si æqualium magnitudinum vna duplo remotior altera existat, nequaquam A propinquior duplo maior remotiore apparebit. Non enim angulus, sub quo propinquior videtur, duplo maior est angulo remotioris: minor igitur quàm dupla remotioris propinquior apparebit. Neque item si quis rem eandem longiore recessu iam dimidio minorem intrueatur, duplo eam spatio abesse argumentando concludat: in quem errorem fortè aliquis prolaberetur ex propositionis 6. intelligentia; nisi liquidò iam constaret, non eandem esse apparentium magnitudinum, quàm distantiarum proportionem. Quoniam ergo maior est distantiarum ratio, quàm apparentium magnitudinum, amplius cerrè quàm duplo spatio abesse rem oportet, prius quàm dimidio minor appareat: aut si duplo spatio abcesserit, minùs quàm dimidio minorem eam apparere oportebit. B

PROPOSITIO XIII. THEOREMA.

Magnum & paruum, crassum ac tenue, longum latumque, visus comparatione percipit, interni sensus adiutus presidio.



VANTITAS cuiusque rei interdum absolute dicitur, vt cum nullius alterius respectu hominem, verbi gratia, aut equum ea magnitudine animo comprehendimus, quam vel reuerà habent, vel habere existimantur. Aliàs dicitur ad aliquid, quo pacto non significat eam molem, ac partium C distensionem, quam vnaquæque res pro materiæ copia vel penuria accepit: sed vario respectu diuersa fortitur nomina. Minoris enim comparatione eadem res magna dicitur, quæ cum maiore collata habetur parua.

Similis est per omnia crassi ac tenuis, item longi & lati contemplatio. hæc namque ad species quantitatis referuntur. Et crassum quidem ac tenue in iis dumtaxat locum habent, quæ *σέπεια* nuncupantur: crassumq; dicitur id cuius duæ dimensiones tertiam maiorem propemodum exæquant; tenue verò id cuius duæ dimensiones tertiam longè sunt minores. Item quod tenuioris comparatione crassum est, id crassioris respectu est tenue: igitur hæc quoque ad aliquid dicuntur, sicut magnum & paruum.

Longum autem & latum in solis superficiebus locum habent. nam in linea tametsi D longitudo reperitur, ea tamen latitudinis est expertis, & ad eam reciprocè breuitas non latitudo refertur. Dicitur verò latitudo in superficiebus minor ex duabus dimensio; quæ autem maior est, longitudo vocatur.

Cum iam constet ad aliquid hæc omnia referri, ac *περὶ ἀντισπίφου* dici; perspicuè sequitur, non solo externo visu ea dignosci, sed sensus interni auxilio: cuius est ea inter se conferre, atque de illorum habitudine quid sentiendum sit, supremæ animæ facultati renuntiare. Non igitur prius externus visus quid magnum, quid paruum sit, quidve crassum aut tenue, longum latumve internoscit, quàm internus sensus ea inter se contulerit. Tum namque primùm, cuiusmodi vnumquodque sit, perfectè diiudicat.

PROPOSITIO XIV. THEOREMA. E

Æquale & inæquale ex cognitarum magnitudinum proportionem internus sensus distinguit.



VTI magnitudinum quædam veræ sunt, aliæ apparentes: ita æqualia aut inæqualia quædam sunt reuerà, alia apparent tantùm. Quare eo pacto hæc propositio intelligenda est, vt apprensus æqualitas inæqualitasque ex apparenrium magnitudinum cognitione distinguatur; vera autem ex verarum F perceptione.



Porrò cum hæc quantitatis affectiones sint habitudines quædam vnius ad alteram, qua nimirum vna quantitas alteri superposita vel exactè congruit, vel eam excedit, consequens est, vt non solo exteriori obtutu cognoscantur, sed interni sensus æstimatione, nempe vnius cum altera collatione; quod proprium munus esse interni sensus persæpè iam dictum est, atque abundè probatum. Hæc æqualitatis diiudicatio tum maximè locum habet, cum adhibita communi mensura palmi aut pedis alteriùsve similis, rerum quantitates dimerimus, singulas rei partes modulo exæquantem; aut cum rem vnam alteri reipsa adiungimus, vt excessus defectiùsve appareat.

- A** Fit autem plurimum ut spectatæ magnitudines non minimo intervallo ab inuicem disiunctæ sint, ita ut comparari inter se commodè nequeant. Hoc sanè euentu quod suapte vi præstare nequit internus sensus, ratio ipsa intelligentiaque supplet, quæ sagaciori quadam solertia obscuram rerum æqualitatē non vno modo inuestigat, sed vario, quod ipsius est ingenij & facultatis. Interdum alteram illarum transportari quodammodo atque ad alteram efferri imaginatur, ut ex mutua coniunctione illarum æqualitas inæqualitasve appareat. Aliàs mensuram quamdam sibi confingit alteri magnitudini æqualem, quam identidem ab vna magnitudine ad aliam sola cogitatione transfert, crebroque hoc transcurso de illarum æqualitate vel inæqualitate æstimat. Si aded locis discretæ sint quæ obijciuntur magnitudines, ut vno aspectu eas oculus videre nequeat:
- B** tum primò quidem de vera vnus quantitate mens iudicat, per ea quæ propos. 11. docuimus; deinde de vera quantitate alterius; ad extremum verò memoria prioris adhuc superstitè vtramque confert, sicque vtra maior sit aut minor, an autem æquales ambæ, pronuntiat. Plurimum autem ad hanc rem confert frequens modulorum vsus: qui enim in rebus per modulos dimetiendis sunt exercitati, sat promptè, quot palmos aut pedes propositæ res contineant, solo aspectu assequuntur. Id ergo cum de vtraque magnitudine factum fuerit, haud difficilis erit illarum comparatio. Qui geometriæ principiis imbuti sunt, siue à natura, siue ex disciplina, hi illorum etiam ope iuuantur, quamuis hoc ipsi plerumque ignorent. Propositis nempe duabus magnitudinibus, vtriusque
- C** extremitates rectis lineis connecti intelligunt; has si parallelas animaduertant, æquales esse magnitudines illas concludunt; sin minùs, inæquales. Habet verò tacita hæc argumentandi ratio in iis rebus præcipuè locum, quæ vel ad perpendicularum erectæ sunt, vel ad horizontem sunt perlibratæ. Has enim (quoniam parallelæ sunt) si connectant parallelæ rectæ lineæ cogitatione ductæ, æquales esse oportet per 34. primi Euclidis.
- Hæ omnes ratiocinationes atque argumentandi formæ multis erroribus obnoxia sunt. quocircà fit ut sæpè in illis sensum falli contingat, quod assidua docet experientia. Nec quisquam in hisce rebus aded est promptus aut tanta ingenij solertia pollet, aut in dimensionibus tantum est exercitatus, ut non persæpè à vero plus minùsve aberrer, quod non tam rebus ipsis optimè institutis, quàm ingenij nostri imbecillitati tribuendum est. In rebus enim nihil est quod non cognosci exactè possit; at nobis facultas deest, quæ latentes earum proprietates intelligendo assequatur.
- D**

DE FIGURAE COGNITIONE.


PROPOSITIO XV. THEOREMA.

*Rectum ac planum aspectus dignoscit ex uniformiter
difformi partium à visu distantia.*

- E**  **Q**UONIAM ex iis, quæ hactenus sunt demonstrata, constat visum percipere eam distantiam, qua res ab aspiciente disiunguntur: nunc ostendendū est rectæ propositæ lineæ partes quasdam aspectui viciniorese, alias remotiores. Ut si centrum visus sit A, recta autem proposita linea B F, cui occurrat
- radius A B in B orthogonally. Quoniam hæc minima est omnium quæ ex puncto A ad rectam B F duci possunt, per collarium Clauij ad 19. primi Euclidis, erit punctum B aspectui A proximum.
- F**  Quod verò A C maior sit, B C quam A B, ex 19. primi Euclidis liquet. Cum enim in trigono A B C angulus A B C ex hypothesis rectus sit, erunt reliqui anguli A C B & B A C acuti. Sunt enim per 32 primi Euclidis omnes tres duobus rectis pares. Quare idem A B C angulus maior est angulo A C B. Est igitur A C latus, quo rectus angulus subtenditur, latere A B maius per 19. 1. Euclidis.

Rursus


Rurfus maiorem esse AD quàm AC, ac sequentes semper prioribus maiores, ita demonstratur. Trianguli ABC externus angulus ACD vtrouis interno & opposito maior est per 16. 1. Euclidis: est igitur angulus ACD obtusus, quippe recto ABC maior. Quare ADC acutus



est, per 32. primi Euclidis. ex quo tandem fit, per 19. primi Euclidis, AD maiori angulo subtensam maiorem esse ipsa AC quæ minori angulo ADC subijcitur. Sicque deinceps qui sequuntur radij AE, AF, cum semper longiores euadant, erunt & puncta, ad quæ illi pertingunt, ab oculo remotiora; ita tamen vt incrementum vniiformi quadam difformitate procedat, cui cum visus longo vsu assucuerit, promptè ac simplici inspectione eius, quod rectum est, naturam conditionemque agnoscit.


Est verò longè certior rectitudinis dignotio ex obliquo aspectu, quàm ex directo. Vnde fit, vt euthygrammum seu rectitudinis regula obliquo aspectu secundum longitudinem extenso certissimè examinetur. Si quæ enim in illo eminentiæ directum obtutum latent, in has obliqui radij faciliùs impingunt, sicq; manifestiùs regulæ inæqualitas deprehenditur. Ea namque est rectæ lineæ conditio, vt perpendiculariter obiecta aspectui, instar puncti appareat; quouis autem alio situ opposita, videatur vt linea, cuius omnes simul partes conspiciantur.

Quare si proposita regula nequam recta ABC locus visui reperiri possit, puta D vnde extremas quidem partes A & C oculus videat, ex intermediis verò illas, quæ aspectui sunt propinquiores, (vt quæ inter A & B existunt)



radij non assequantur, depressam in medio esse regulam illam probè internus sensus iudicabit.

Si verò partes sibi viciniores visus percipiat, vt quæ inter A & B sunt, remotiores autè quæ nempe inter B & C non item protuberare hanc regulam certò cognoscer. Hoc ergo præstat obliquus aspectus, vt si quid in recta linea vitiosum est, id



mox se prodar, cuiusmodi vitia directo aspectu animaduertere vix vniquam licet. Nam oculus in E positus, vnde regulam directè prospicit, omnes eius partes simul completitur, & discrimen recti ac curui, præsertim in partibus, quæ circa medium consistunt minùs accuratè distinguit; at exactiùs circa extrema: hæc enim obliquiores radios excipiunt.

Similis per omnia ratio est diiudicandi exquisitè planum. cum enim illud rectis vndique lineis constet, ac nullibi in altum protrusis, aut in imum depressis: si in illius aspectu vniiformis illa difformitas diffitarum partium, quam diximus, appareat, procul dubio planum illud exactum esse iudicabitur. Sed vt in linearum, ita in planorum quoque peruestigatione certior est obliquus aspectus, quàm directus, ob eandem, quam in rectis lineis

A lineis diximus, causam. Quare qui pavementorum complanationes examinant, oculos in terram demittunt: & murorum planitiem solo aspectu illi certissimè denuntiant, qui oculos proximè admouent. Itaque in ceteris. Hoc namque pacto si quid è recta regione eminet, facillimo negotio animaduertunt.


Porrò tametsi in linearum rectorum disquisitione vnicus intuitus sufficiat; planorum tamen certa inuestigatio ex pluribus aspectibus dependet. Cùm enim planum sit per 7. definitionem primi Euclidis, quod ex æquo suas interiacet lines, eæ autem plurimæ sint, atque in omnem partem diffusæ, tum primùm certa erit plani indicatio, cùm illud pluribus aspectibus decussis in morem actis fuerit comprobatum.

B Quæ hæcenus de rectorum inspectione dicta sunt, in illis tantùm lineis locum habent, quæ cum radio aspicientis oculi in eodem descriptæ sunt plano. Fit autem interdum, vt oculus lines in subiecto plano existentes è sublimi contueatur: vt si duæ lines aliquantum longè in plana terræ superficie designatæ concurrant, angulum efficientes quàm maximè obtusum, oculus in sublimi positus, quò directiùs in punctum concurrentium linearum acies intenderit, eò difficiliùs iudicabit, sitne recta illa vna linea, an duæ: quo verò abfuerit longiùs versus alteram extremitatem, ac magis se demiserit, eò certiùs veritatem cognoscet, propter aspectus obliquitatem.

Ita in ædificiorum structuris, propter locorum seruitutes, interdum fit vt parietes non rectè producantur, sed fracti in angulos obliquentur. Hi si admodum obtusi sint, oculus ex aduerso oppositus perpetuos parietes ipsos arbitratur, quòd eorum angulos non percipiat: si verò ad alteram extremitatem abscesserit, illicò discrimen internoscit. Sic flexus viarum à medio conspecti insensibiles non rarò sunt, qui ab extremitatibus spectati adeò immanes sæpè videntur, vt ad finem protendi obrutum non sinant.

PROPOSITIO .XVI. THEOREMA.

Irregularis curuitas ex difformiter difformi partium à visu distantia internoscitur.

D  VANDÒ QVÏDEM curuum recto è diamètro opponatur, æquum est existimare partim eodem, partim diuerso modo illud à visu cognosci: siquidem & eadem est contrariorum disciplina, & contraria contrariorum ratio. Ergo ex distantia partium à visu curuum cognoscitur, sicut & rectum; at non ex eadem distantix proportione.

Inter ea quæ à rectorum desciscunt, nonnulla certam quamdam atque vniformem partium sequelam obtinent, vt circularis inflexio, quæ non in planis descriptionibus tantùm, verumetiam in solidis, vt sphæra, cylindro & cono locum habet. Alia irregularia sunt, quæ nulla certa lege curuantur: sed nunc in vnã, nunc in aliam partem proiecta velut fortuitò euariant. Hæc irregularis curuitas rectorum longè maximè aduersatur.


E In iis enim quæ certam legem obseruant, vniformitas quædam cernitur vt etiam in rectorum: at in irregularibus nihil est cum rectorum commune. Nam recta per 4. definitionem primi Euclidis, linea illa dicitur, quæ ex æquo sua interiacet puncta, quorum ordo in irregularibus sine lege interrumpitur.

Ex eo porrò quòd in rectorum lineis omnes partes in directum exporrectæ iacent, consequitur illa vniformiter difformis proportio, quam suprâ explicauimus. Si igitur æquabilis illa punctorum sequela per irregularem curuitatem intermittatur, necesse est quoque vniformem illam difformis analogix progressionem pariter interrumpi. Quapropter curuum sine lege illud oculus iudicat, cuius agnoscit non esse vniformiter difformem partium à se distantiam. Neque verò id simplici intuitu oculus internoscit, tametsi omnes simul radios à qualibet lineæ parte transmissos vnico obtutu percipiat; sed sensus communis oculorum nuntio admonitus, comparat inter se tum partium tum distantiarum proportionem: & ex vtriusque proportionis collatione, quasi per consequentiam, infert nullam esse legem, nullam æquabilitatem huius curuitatis; ex hoc velut antecedente, nimirum quòd pro rata portione productionis siue extensionis lineæ, non sit ea quæ esse deberet, certa mensura distantix partium, sed minor quàm si lineæ partes in directum porrigerentur: & ita minor, vt nullam seruet æqualem rationem decrementi.

PROPOSITIO XVII. THEOREMA.

Convexum cognoscitur ex præcipiti partium extremarum recessu.

PRO huius theorematis elucidatione animadvertendum est, extremas partes hoc loco vocari illas, quæ à perpendiculari radio sunt remotiores, idq; mediarum comparatione, quæ eidem radio sunt viciniore. Exempli gratia, sit centrum visus A, eiq; objecta circularis lineæ portio B C D, in cuius convexum incidat radius A C secundum æquales angulos: dico punctum C absolutè medium esse, quòd secundum aspectum centro K, quod medium est, respondeat. Nam quæcumque in circuli peripheriam æquis incidit angulis, producta centrum circuli transit. Cùm enim per 10. definitionem tertij Euclidis similia segmenta sint, quorum æquales sunt anguli, sit vt ea quæ in circuli peripheriam æquis angulis cadit, producta circum in duo similia segmenta, hoc est in duos semicirculos, diuidat. Quare recta illa linea per centrum acta erit. Rectè igitur punctum C medium absolutè nuncupatur, & quæ huic deinde viciniore sunt, cum remotioribus collata, media etiam dici possunt, aut medio propinquiora, vti extrema, quæ propinquioribus comparantur, & à medio sunt remotiora.




Nunc ad propositum veniamus. Longiora esse A E quàm A C, & A F longiorem quàm A E, ex 8. tertij Euclidis patet. At magis præceps esse hoc linearum incrementum illo, quo in rectam incidentes lineam excrescunt, ita potest demonstrari:

Ducatur C G ipsi A C perpendicularis; hæc per 16. tertij Euclidis extra circum B C D cadet: quare radios A E & A F secabit. Sint autem sectionum puncta H & I, erit ergo maior A E quàm A H, & A F maior quàm A I, nempe totæ suis partibus: igitur distantiarum progressio, qua longius ab A distat E quàm C, & F quàm E, itaque deinceps, difformior est ac magis præceps quàm illa, qua longius ab A distat H quàm C, & I quam H. Quocirca visus illam animadvertens, rectè conuexam esse propositam lineam enuntiat. Quantumvis enim & in recta, & in conuexa linea vniformis sit elongationis difformitas, non est tamen in recta linea difformitatis progressio tam celeris incrementi, quàm in cõuexa.

PROPOSITIO XVIII. THEOREMA.

Concauum ex minore partium extremarum elongatione, quàm in rectis accidat lineis, cognoscitur.


TRIBVS modis obuenire potest, vt minor sit extremarum partium à visu recessus, quàm in lineis rectis. Primò, si visus in concauæ inflexionis centro existat, vt in A: tum verò partes extremæ ac mediæ, nempe E, F, & C, æquè omnes à visu distant per circuli definitionem. Neque enim propriè extremæ ac mediæ partes hoc casu nominantur, quandoquidem in omnes radius opticus secundum normam cadat. At partes lineæ rectæ extremæ quàm mediæ longius à visu absunt, vt propositione 15. ostensum est. Igitur hoc situ oculus nullo negotio concauam inflexionem dignoscit.



Secundò, cùm visus à medio propositæ lineæ amplius quàm semidiametro distat, siue intra circum cadat, siue extra eum procurrat. Verbi gratia, sit linea proposita B C D, cuius centrum G, visus autem A, vnde radius A C per centrum actus medius est, omniumque longissimus; extremæ verò partes, nempe A F quàm A E, & hæc quàm A C breuiores.

Longissi-

A Longissimam quidem esse ipsam AC sic demonstratur: Connectantur GE & GF ; erunt ergo in triangulo AGE duo latera AG & GE , reliquo AE maiora, per 20. primi Euclidis: at duobus lateribus AG & GE æqualis est recta AC ; nam GC & GE æquales sunt, utpote semidiametri, quibus si addatur AG , erit AC ipsi AG & GE æqualis: est ergo AC ipsa AE maior.



Simili ratione ostendetur AC maior esse, quam AF ; quippe eadem AC est æqualis duabus AG & GF trianguli $BAGF$: at duæ AG & GF sunt maiores reliqua AF , per eandem 20. primi Euclidis: ergo AC ipsa AF maior est.


Esse verò AE maiorem quam AF , sic demonstratur:

Cum in triangulo AGE latera AG & GE æqualia sint lateribus AG & GF trianguli AGF ; sit verò angulus AGE angulo AGF maior, ut totus sua parte, erit per 24. primi Euclidis & basis AE basi AF maior, & ita deinceps, cum angulus AGF maior sit sequente, latera autem æqualia, erit semper basis, quæ mediæ lineæ AC propinquior erit, remotiore maior per 7. & 8. tertij Euclidis.

Tertio, cum visus ab objecta cõcaua linea circulari minus quam semidiametro distat. quo euenru extremæ quidem partès longius a visu abscedunt, quam mediæ: at minore

C difformitatis progressionè, quam in recta ostensum est linea. Ut si proposita sit concaua

linea BCD , in cuius punctum C à visu A cadat AC secundum rectos angulos circulares, sic ut producta eadem AC per G circuli cẽtrum transeat: sitque centrum G quam A visus à medio puncto C remotius: dico ergo AC minimam esse omnium illarum, quæ ab A in cauum lineæ BCD incidere possunt: deinde AE quam AF minorem, atque ita deinceps propinquioreni ipsi AC remotiore semper minorem esse, quæ



D omnia constant per 7. tertij Euclidis.

Quoniam enim GE æqualis est ipsi GC per circuli definitionem, GA verò & AE maiores sunt, quam GE per 20. primi Euclidis, erunt eadem GA & AE ipsa GC maiores; ab utrisque igitur si communis portio detrahatur GA , relinquetur AE ipsa AC maior per communem notionem. Eodemque modo ostendetur AF ipsa AC maior esse, quia videlicet GF ipsi GC est æqualis; duæ verò GA & AF ipsa GF maiores: est itaque AC minima omnium quæ ab A in propositam cauam lineam educi possunt.

Quòd verò AF sit maior ipsa AE sic probatur: cum trianguli GAE duo latera GA & GE æqualia sint duobus lateribus GA & GF trianguli GAF : sitque angulus AGF maior angulo AGE , nempe totus sua parte, erit per 24. primi Euclidis & basis AF basi AE maior.

E Verum licet in proposito casu extremæ partes longius distent à visu quam mediæ, hoc est E quam C , & F quam E , non est tamen tanta ea distantia euariatio, quanta est in lineis rectis, ideoque hinc concaui differentia quam optimè dignoscitur.

Nunc vniuersè etiam ostendamus, in quouis concauorum aspectu maiorem esse extremarum partium elongationem, quam in planis aut rectis. Ipsi AC perpendicularis excitetur ad punctum C , nempe CI . hæc per 16. tertij Euclidis extra circulum cadet: ergo maior erit AH quam AE , & AI quam AF maior. Sicque deinceps sequentium maior semper erit ea, quæ ad rectam CI pertinet, illâ quæ in concauam lineam BCD incidet.

Hic igitur verus est concaui pernoscenti modus, qui ex minore partium extremarum elongatione, quam in rectis planisve desumitur. At cum tantò euidentius sit hoc discrimen, quantò oculus puncto C propinquior est, sit ut concaui dignotio certior sit è propinquo, quam è remoto, quod & in conuexi perceptione locum habet.

Quæ de conuexo & concauo hæctenus explicata sunt in lineis, facile ad solida transferri possunt. nam sphaeræ conuexum est, quòd vndique conuexis constat circulis, & concauum, quòd concauis. Sic conus ac cylindrus transuersis circulis ambiuntur, hic æqualibus, ille inæqualibus, qui ambo in longitudinem rectis lineis distenduntur.

Quare vno tantum respectu conuexitatem & concauitatem habent, quæ, uti dictum est, ex linearum cavitatem aut conuexitatem pernoscitur.

PROPOSITIO XIX. THEOREMA.

A

Corporum eminentias & profunditates, si exigua sint, ex umbris præcipuè aspectus dignoscit.



QVONIAM ostensum iam est ex distantia partium à visu conuexitatem cauitatemque cognosci, perspicuè sequitur eminentias & profunditates, quæ nihil aliud sunt quàm quædam conuexa & caua, tunc minimè percipi posse, cum distantiarum discrimina, quibus ab vniformi difformitate rectorum linearum discrepant, non sentiuntur.

Contingit autem id vel ob paruitatem, vel ob immoderatam illarum longinquitatem, quia res ipsæ, perinde ac si reuera exiles ac paruæ essent, conspectui repræsentantur. Quæ enim adeò dissitæ sunt, vt iustum moderatumque interuallum excedant, illorum partes, quæ sensibilem proportionem ad totum habent non percipiuntur: ac proinde distantia quoque, quibus vna longius quàm altera à visu distat, penitus aspectum effugiunt. Quòd autem res quædam ob paruitatem oblitescant, ex proposit. 54. libri primi patet.

Duobus igitur hisce modis contingit, vt quarumdam rerum eminentias & profunditates obtutus non assequatur. Cum verò grandiores sunt atque illustriores, eundem habent cum conuexo & concauo dignotionis modum superiore propositione explicatum. At cum eam mediocritatem obtinent, quia neque omnino imperceptibiles sint, neque more conuexorū & concauorum dignosci possunt, tum plurimum visus in illarum perceptione subsidium ex umbris mutuatur. Nam extantes gibbi in cauas depressiones umbras proijciunt: ex his ergo colligit visus profundas esse partes illas, quæ obscuræ sunt; illas elatiores, quæ à lumine quo perfunduntur splendorem ad oculos remittunt. Iuuat ad hanc ipsam cognitionem corporis situs, si nimirum obliquè lumini obijciatur: sic enim profundæ partes vberius umbras excipiunt, aut si oculi acies obliquè in illud intendatur. ita namque euidentiùs partium difformitatem visus assequitur, quemadmodum propositione 15. ostendimus.

PROPOSITIO XX. THEOREMA.

Asperum & læue, ex luminis formarumque repulsione cognoscuntur.



ASPERITAS nil aliud est, quàm minutissimarum eminentiarum profunditatumque permixtio atque confusio. Læuitas verò perfecta quædam atque exquisita corporis complanatio. cumque ea sit natura læuis, vt lumen abs se repellat, ac proinde vnà cum lumine etiam rerum formas, hinc commodam nactus occasionem aspectus per ea quæ propriè ad ipsius obiectum pertinent, (lumen & colores) in cognitionem corporum læuium ingeniosè se insinuat.


Ergo si adeò exigua est asperitas, vt neque ex distantia diuersitate, neque ex umbris facile dignosci queat, periculum faciendum in luminis aut specierum repercussione, quæ si nulla accidat, quocumque tandem situ res oculis obuertatur, asperam eam esse aspectus iudicabit. Si enim læuis esset ac perpolita, lumen abs se formasque rerum ad inuentis oculos aliqua saltem oppositione remitteret.

Si autem insignis asperitas est, cognosci ea aliquando poterit oculis proximè admotis ex eminentium partium propinquitate, & depressarum distantia; percipiet autem visus distantiam & propinquitatem, vt initio huius libri dictum est. Aliàs etiam cognosci poterit insignis asperitas ex lumine, quo partes extantes perfunduntur: hæ namque, si solæ collustratæ resplendeant, profunditates autem obscuræ appareant, haud dubium erit sensibilis asperitatis argumentum.

PROPOSITIO XXI. THEOREMA.

Acutum & obtusum ex eo cognoscuntur, quòd eorum partes à summo fastigio celeri tardò-ue motu secundum aspectũ prolabantur.

S VNT O aspectui A obiecta duo corpora C B D & E B F eundem habentia verticem B, atque ad signa B, G, E, H, F, radij ab oculo A educantur, qui etiam in partes I, C, K & D alterius corporis incidant: dico, si longior sit radius A G quàm A I, & A H quàm A K; item A E longior quàm A C, & A F quàm A D; acutius esse corpus E B F quàm C B D. Est enim acutius id cuius minor est angulus, obtusius verò cuius angulus est maior: at angulus E B F minor est angulo C B D: ergo E B F corpus altero acutius est.



Quòd verò angulus E B F angulo C B D minor sit, ex hypothési colligi potest. Cùm enim concedatur radius A G maior esse radio A I, idque portione I G; itemque radius A E radio A C maior portione C E; inter B C & B E spatium intercedet lineas continens I G & C E: ac simili modo inter B D & B F spatium consistit, quod lineas K H & D F intercipit. Est igitur angulus C B D angulo E B F maior, vt totus sua parte; angulus verò E B F minor. Quare acutius est corpus E B F corpore C B D, propterea videlicet quòd huius partes à vertice deinceps ocyus prolabantur.

Constat verò per 4. proposit. huius libri inæqualitatem radiorum, qui à visu A ad vtrumque corpus C B D & E B F protenduntur, aspectu dignosci. Ergo cùm hanc visus animaduertit interna adiutus facultate, illud, ad quod prolixiores radij attinent, acutius pronuntiat, vtpote cuius partes G, H & E, F, ab ipso mucrone B celeriori motu secundum aspectum abscedunt.


D *Quæ hucusque proposita sunt, cognitioni figurarum præmississe oportuit, vtpote scitu necessaria. Cùm enim figurarum quedam rectilinea sint, aliæ curuilineæ; atque in his quedam latera habeant conuexa, aliæ concaua; in illis verò quedam eminentiores habeant angulorum productiones, aliæ depressiores, nisi recti ac curui, conuexi & concaui, acuti item & obtusi, ceterarumque proprietatum, quæ in figuras cadunt, discrimina aspectus internoscant, numquam veram figuræ notionem percipiet. Itaque quo pacto figuræ intuitu cognoscantur, deinceps aperiamus.*

PROPOSITIO XXII. THEOREMA.

E *Figura circularis hac nota dignoscitur, quòd eius peripheriæ à centro visus paribus vndique distet radiis.*

P R O P O S I T A figura quapiam, mox oculus in eius peripheriam iugatos axes opticos ducit, vt eius à visu distantiam exploret, idque natura duce. Cùm enim ambitus seu extremus terminus, speciem ac propriam differentiam figuræ conferat, eius τὸ ἐμβασθὲν peculiari quodam modo definiens, nulla certiore nota obiectæ figuræ essentiam visus dignoscere potest, quàm ea, quæ ex perimetri inspectione colligitur. Quare circumacta visuali acie, si pari vndique intervallo circumferentiæ partes à centro visus distare cognoscantur, rectè circularis figura ea esse pronuntiat. Quod sic potest demonstrari:

Sit visui A obiecta figura B C D E, promissique vtrumque ad circumferentiã figuræ radij A B, A C, A D, & A E sint inter se æquales, eaq; radiorum æqualitas perspecta visui esse concedatur per 24. proposit. libri secundi. Ex A verò in obiectam figuram perpendicularis demittatur A F per 12. primi Eu-



clidis, iunganturque FB , FC , FD , & FE : has dico omnes æquales inter se esse.

Si enim æquales non sint: sit autem verbi gratia FC quàm FB maior, de maiore FC abscindatur FG per 3. primi Euclidis, ipsi FB æqualis, iunctisq; G & A , ostendendum primò est GA ipsi BA æqualem esse per 4. primi Euclidis. Quòd videlicet trianguli AFG duo latera AF & FG æqualia sint duobus lateribus AF & FB trianguli AFB ; angulus autem AFG angulo AFB æqualis sit, utpote rectus vterque ex constructione. Est ergo & basis AG basi AB æqualis per eandem 4. primi Euclidis. Deinde cum angulus AFG rectus sit, erit per 17. primi Euclidis, angulus AGF recto minor, ac proinde angulus AGC recto maior per 13. primi Euclidis, & ACG minor recto per eandem 17. primi Euclidis; unde tandem consequitur per 19. primi Euclidis, latus AC latere AG in triangulo ACG maius esse: ergo erit AC & latere AB maius, quòd AB ipsi AG ostensum sit æquale. At latus AC suppositum initio fuit ipsi AB æquale. fieri ergo nequit ut FC ipsa FB maior existat.

Quare si fieri possit, minor esto FC ipsa FB , ponaturque per 2. primi Euclidis data recta linea FB æqualis recta linea FH . Cum ergo in triangulis $A FH$ & $A FB$ duo latera AF & FH duobus lateribus AF & FB sint æqualia vtrumque vtrique, fitque & angulus $A FH$ angulo $A FB$ æqualis, nempe rectus vterque per constructionem, erit & basis AH basi AB æqualis per 4. primi Euclidis. Cum verò per constructionem rectus sit angulus AFC , erit per 17. primi Euclidis ACF recto minor, ac proinde angulus $A CH$ maior recto per 13. primi Euclidis: & iterum per eandem 17. primi Euclidis, erit angulus $A HC$ minor recto, ex quo demum fit adiuante 19. primi Euclidis, ut in triangulo $A CH$ latus AC minus sit latere AH . Quare idem latus AC latere quoque AB minus erit, siquidem ostensum iam est latus AH ipsi AB æquale esse. Illud autem hypothesei aduersatur. supponimus enim radium AC ipsi AB æqualem esse. fieri ergo nequit, ut FC ipsa FB minor existat: sed neque maior esse potest, ut proximè est demonstratum: æqualis igitur est. Quod cum in ceteris eodem demonstrandi genere ostendi possit, erunt omnes à circumferentia B , C , D , E ad F punctum ductæ æquales, atque ad eò eiusmodi figura circulus esse conuincitur, per ipsius circuli definitionem.

Contingit subinde, ut figura verè circularis obliquè aspectui obijciatur, sic ut eius peripheria non paribus vndique à visu radiis distet, sed vna parte remotior sit, altera propinquior. Id iis quæ hactenus demonstrata sunt minimè aduersatur. Si quidem ita conspecta figura hanc ipsam ob causam non apparet sensui circularis: sed solum mentis præsidio talis iudicatur, cum habita ratione maioris distantiae, qua vna pars altera à visu remotior est, prudenter æstimat, quantum figura ipsa parte altera longius excurret, latiusve expandatur: quemadmodum proposuit. 11. huius libri de veris magnitudinibus discernendis docuimus.

PROPOSITIO XXIII. THEOREMA.

Rectilineam figuram laterum rectitudo conspicuam facit.



VM rectilinea figura ea sit, quæ rectis clauditur definiturque lineis, his visu cognitis, haud dubiè rectilinea figura nota erit. Tum enim maximè vnamquamque rem comprehendere nos arbitramur, cum eius proprietates, illas præsertim, quæ ad essentiam proximè pertinent, perspectas habemus. Igitur cum rectis lineis figuræ rectilineæ essentia circumscribatur, nulla re magis, quàm laterum rectitudine rectilinea figura conspicua euadit. Quo verò pacto rectæ lineæ visu dignoscantur, supra diximus propositione decimaquinta. Porro si præter laterum rectitudinem illorum etiam numerus, angulorumq; æqualitas vel inæqualitas cognita fuerit, nihil ampliùs ad absolutam figurarum rectilinearum cognitionem desiderabitur. Ita enim vniuersæ illarum species ac differentiæ perspectæ erunt.

A

PROPOSITIO XXIV. THEOREMA.

*Figura polygona ex maiore angulorum, quàm laterum,
à visu distantia rectè colligitur.*

QUÆMADMODVM rectilinearæ figuræ essentia in laterum rectitudine, ita polygonæ in angulorum numero consistit: vt ergo illa ex laterum rectitudine, sic ista ex angulorum productionibus, seu partium quarumdam prominentiis, quæ ex maiore earum à centro distantia æstimari debent, cognoscitur. Perspecta igitur, per 14. proposit. huius, inæqualitate earum linearum, quæ à centro ad circumferentiam educuntur, si longissimas quasque ad communes laterum congressiones pertinere animaduertit, polygonam esse eam figuram iudicat, & quot eiusmodi lineas, totidem angulos numerat. Si verò æquales inter se sint ex omnes longissimæ lineæ, circulo inscriptibilem esse eam polygonam figuram concludit.

Eadem cum sit in ceteris figuris ratio, facile prudens lector suopte ingenio colliget quæcumque circa earum cognitionem, quæ visus ope acquiritur, versantur: ea proinde studio præmittimus, ne in re per se notissima, diutiùs quàm par est, singula perscrutando immorari videamur.

C

PROPOSITIO XXV. THEOREMA.

*Figura solida cognoscitur ex laterum dispositione,
interdum per se, aliàs syllogismo.*

FIGURÆ solidæ vel vna constant conuexa superficie, vel pluribus lateribus, quæ vel plana sunt, vel concaua, vel conuexa, in solidos angulos vtcumque conformata. Ipsum ergo corpus solidum cognoscitur vel percepta conuexitate per 17. propos. huius, vel nota concauitate per 18. huius, vel cognitis lateribus planis per 15. eorumve situ, de quo infra, vel inspectis angulorum prominentiis per 24. iis enim cognitis ex quibus constant, & ipsæ figuræ solidæ perspectæ sint necesse est.

Hæc omnia in distantia mediocri tantummodò locū habent. nam maiore quàm par est interuallo, corporis figura, ac laterum angulorumque differentia non distinguuntur, nec aliud quàm corpus esse quod videtur, ratio tacita hac argumētatione concludit: Color in sola superficie videtur: at hinc quod videtur color est; ergo in superficie: superficies autem non est sine corpore. Quocirca corpus est quod hinc colore infectum videtur.

Ex dictis, quæcumque de figurarum cognitione in medium adferri possent, perspicua esse arbitror, vt ad rem tam facilem plura addere nihil sit opus. Ergo quæ reliqua sunt, tecum ipse Lector expende, & locum da, vt ad Locum nostra digrediatur oratio.

DE LOCI COGNITIONE.

PROPOSITIO XXVI. THEOREMA.

*Locus visu cognoscitur ex rei distantia,
respectuq; partium vniuersi.*

F

NON hinc agimus de loci essentia, neque de concaua illa superficie corporis ambientis locatum, aut de spatio quod corpore locato oppletur: sed de ea proprietate rei existentis in loco, quæ Vbi nuncupatur, cuius gratia res hinc aut alibi, & non nusquam esse dicuntur, vel horū aut illorū vergere.

Rei cuiusque locum aspectu cognosci per se notissimum est. nam qui rem quampiam persequuntur, non in incertum huc illucque oberrant; sed proprium eius locum directo petunt, ibique, cum rem aspectu fuerint, conquiescunt. Item rem aliquam de-

monstrantes, non decussatis indicibus, vt pueri per iocum affolent, quatuor mundi plagas indicant; sed exporrectis rem ipsam certo loco ostendunt. Visus ergo non rem modò, verùm etiam quo in loco constituta sit, agnoscit.


Nunc superest, vt qua nota rei locum obtutus discernat exponamus. Spectator in medio horizontis conspicui constitutus, eius velut centrum occupat, vnde emissio per rem visilem radio, eam horizontis partem, seu mundi plagam, cui res ipsa respondet, primò designat. Hoc enim ad loci essentiam definitionemque proximè accedit. Res siquidem quæ spectatur eam horizontis partem necessariò spectat, ad quam productus per rem opticus radius terminatur; nec extra eum existere res ipsa vllò modo potest, vt libro 2. pluribus in locis indicauimus. Quæ causa est, cur vnusquisque se rem accuratè demonstrasse arbitretur, cum exporrecto indice radium opticum, qui ad rem pertinet, ostenderit. Hoc itaque percepto, facilè quod reliquum est ad loci inuentionem, visus assequitur, cum deinde qua in parte huius optici radij existat res ipsa, propinquane an remota, perquirat ea ratione, qua initio huius libri distantiam cognosci docuimus. Inuenta igitur in hunc modum rei distantia, mundi que plaga, cui respondet, priùs accepta, verus ac proprius rei locus certò definitur, qui fuerat postulatus.

PROPOSITIO XXVII. THEOREMA.

Vno oculo certus definitusque rei locus designari non potest.

Ex superiore propositione liquidò constat, non solùm per respectum ad partes vniuersi, sed simul etiam ex distantia à visu cuiusque rei locum rectè designari. Quare perspicuè sequitur, ad loci determinationem duarum omnino linearum cognitione opus esse. Vna quidem, quæ doceat in quam mundi plagam res vergat, an inquam in anteriorem an in posteriorem, dextram an sinistram, quantumque à directo defleat. Hoc sanè præstat vnus oculi quicumque radius: oportet enim rem omnem apparere in aliqua illius radij parte, qui per rem transit. Altera verò priorem secans, ostendit quantum res à vidente distet, quod facit alterius oculi radius, vt propositione 4. huius libri est demonstratum.

Verbi gratia, sit res spectanda A; hanc oculus B in partem C interminatam vergere certò cognoscit radio AB, quo species ad oculum fertur, remque in aliquo loco radij infiniti in C existere pronuntiat: at quisnam ille locus sit, nequit idem oculus per se definire, vt propositione prima huius libri ostendimus: ergo illum determinat radius DA ab altero oculo ad rem eductus. Hic enim, cum longitudinem radij BA cognoscat per 24. propos. secundi libri, certò definit obiectum A à puncto B nec plus nec minus distare, quàm longitudine lineæ BA, vt propos. 4. huius libri docuimus. Vbi ergo duo radij BC, DA, sese interfecant, ibi est verus rei propositæ locus. cumque eiusmodi intersectio ab vno oculo prouenire non possit, sequitur vno oculo certum definitumque locum designari non posse; quod erat probandum.



PROPOSITIO XXVIII. THEOREMA.

In axium opticorum congressu locus exquisitissimè dignoscitur.

Ræ ceteris opticis radiis ea vis insita est axi, vt in certissimam distinctissimamque cognitionem deducat, quemadmodum lib. secundo propos. 10. est demonstratum: igitur consequens est, vt perspicacissimus aspectus à duobus axibus proueniat. Etenim, quod libro primo propos. 76. ostendimus, perspicacior est visio à duobus oculis simul agentibus, quàm ab altero tantum: at duobus axibus res vna videri non potest, nisi ea in parte vbi axes concurrunt: igitur licet proprius rei locus obliquo etiam aspectu conspiciatur, cum nimirum res quæ videtur in horoptere existit; nusquam tamen ita perspicuè absoluteque, vt in axium opticorum congressu. Hic namque amborum luminum vis in vnam eandemque actionem


A actionem conspirat, atque extremum potentia exerit: quare præstantissimam visionem sequi necesse est. Itaque in opticorum axium concursu, distinctissima loci cognitio obtingit; quod probandum erat.

Deinde, loci cognitio ex distantia cognitione pendet, ut propositione 26. docuimus: at distantia ex axium opticorum longitudine colligitur, per quartam propositionem huius; axium autem longitudo ab eorum concursu desumitur: ex quibus tandem sequitur perfectissimam loci visionem in axium opticorum societate compleri.

B Eorum verò quæ ab axium concursu digrediuntur, tanto locus videtur obscurius, quanto longius absunt. Hoc ex eadem propos. 10. libri secundi superius citata velut confectarium elicitur. Nam cum se mutuo res locuſq; consequantur, ut res ipsa, ita eius locus perspicue aut obscure videtur: neque alia postulanda est causa cur ita appareat locus, quam cur res ita videatur; hanc autem ibidem dedimus, nempe radiorum obliquitatem, quam proinde Lector consulat.

PROPOSITIO XXIX. THEOREMA.

Medius prospectus ex radio communi ad horizontem librato, eiꝰ, quæ centra visuum connectit normali, cognoscitur.


C  ST enim medius prospectus, qui inter omnes positionum differentias medius interiaceret, duplici relatione definitus, qui scilicet nec elatus nec depressus dici potest, nec in dextram aut in sinistram proiectus. Primò igitur elationis & depressionis medium, sensus internus libratione communis radij examinat: libratur autem communis radius horizontis inspectione, quemadmodum dioptris aquarum deductiones, alueorumque fastigia. nam quæ horizonti æquilibria sunt, medium situm inter elatum ac depressum obtinent. Est enim horizon (is inquam quem conspicuum & apparentem vocant) cæli terræque, hoc est superni atque inferni interseptum, vtrumque quoad aspectum dirimens.

D Librato igitur hunc in modum obtutu, sensus interior ad axes opticos sese conuertit, ut dextri quoque ac sinistri medium inueniat. Quare æqualésne illi inter se sint an inæquales, per 24. proposit. lib. 2. exquirat. Et si æquales deprehenderit, angulos quoque sub communi radio & connectente centra visuum contentos æquales esse concludit, quod & proposit. 26. secundi libri est demonstratum. Vnde & quoad latera medium esse hunc aspectum cognoscit, quod scilicet neutram in partem sociati axes deflectant.

E Cum igitur duplici comparatione medius prospectus definiatur, nempe horizontis conspicui, & eius quæ centra visuum connectit, rectè, uti diximus, libellæ ac normæ beneficio communis radius medium prospectum designat. Nam libella communem radium paricum horizonte libra constituit: norma verò eundem ei quæ connectit centra visuum rectis angulis adiungit. Quare ex communi radio ad horizontem perlibrato, & ei quæ connectit centra visuum normali, medius prospectus dignoscitur; quod erat ostendendum.

PROPOSITIO XXX. THEOREMA.

Positionum differentia ex comparatione mediꝰ prospectus colliguntur.

F  Positionum differentiis, quæ sex omnino à Philosophis numerantur, supernum, infernum, dextrum, sinistrum, antè & retrò, vna quidem quæ à tergo est, ab aspectu, corporis interpositione dirimitur; altera verò quæ in anteriora extenditur, ad distantiam pertinet, de qua initio huius libri ex professo est actum. Quæ autem reliquæ sunt, propriè ad hunc locum spectant. Ac supernum illud dicitur, quod supra libellam extollitur, infernum quidquid infra libellam spectatur, dextrum & sinistrum quod in hoc vel in illud latus aspicientis declinat.

Quocircà si radius communis ad horizontem libratus ei quæ centra visuum connectit rectis insistat angulis, hic mediꝰ prospectus index erit, ut proximè antecedente propositione ostensum est: vnde omnis declinationis ac positionis principium sumi debet.

Visus ergo aliquam ex positionum differentiis inuestigaturus, primò mediij prospectus **A** verum locum accipit, deinde ad rem propositam conuersus, atque idemtidem ab vno aspectu in alium prolapsus, facta semper cum medio prospectu comparatione, ex ipsis oculorum conuersionibus quam in partem res vergat, quamque loci positionem obtineat, inuestigando perquirat.

Posse autem obrutum eam comparationem facere, sensus interni auxilio, ex ipsius natura perspicuum est. Atque ex eo etiam, quòd oculorum lationes ac motuum differentias ipsa animæ facultas persentiscat, vt libro primo propositione 20. & 21. est declaratum: itemque ex eo quòd angulorum, qui sub connectente centra visuum & axibus continentur, inæqualitatem visus cognoscat, per 23. propositionem lib. 2. Igitur collatione mediij prospectus omnis differentia positionis visu dignoscitur. **B**

Quod vt planius euadat, finge eam quæ centra visuum connectit rectam lineam bipartitò diuidi, ac per sectionis punctum tria plana imaginariè duci; vnum ad horizontem libratum, cuius respectu dicuntur supernum & infernum: alterum huic ad perpendicularum insistens, ita vt vtriusque communis sectio sit illa ipsa, quæ centra visuum connectit, recta linea, cuius plani comparatione antè vel retrò aliquid esse dicitur: tertium quod vtrumque planum secundum normam fecerit, cuius intuitu dextri & sinistri appellationes proueniunt.

Quoniam verò hæc plana quæ singulas locorum differentias determinant, imaginaria sunt, minùsque sensu per se nota, aliorum quorundam signorum intuitu singulis positionum differentiis internoscendis aspectus iuuatur. sic supernum & infernum eomparatione visibilis horizontis oculus distinguit. Nam primum illud planum, quod per medium punctum connectentis centra visuum ad libellam distenditur, si produci intelligatur, tandem in visibilem horizontem incidet. Igitur cum horizontem intuemur, quidquid radio oculi nostri supereminet, absolutè supernum; quidquid infrà procumbit, absolutè infernū pronuntiamus. Quæ in anteriorem aut posteriorem partem vergunt, sui ipsius comparatione oculus diiudicat: sic vt illa omnia antè esse existimet, quæ in eam sui partem protenduntur, ad quam aspectus porrigitur; illa verò retrò esse, quæ in oppositam partem tendunt. Dextrum denique ac sinistrum ex axium opticorum inæqualitate visus colligit. Quoniam enim dextrum inter ac sinistrum medium consistit perpendicularare illud planum, quod directò in anteriora procurrit, quique ad huius plani punctum aliquod ditiguntur, axes optici sunt inter se æquales per proposit. 25. libri secundi; necessariò fit, vt id omne ad quod inæquales axes optici protenduntur, ab hoc plano in dextram sinistramve partem desciscat. Hinc ergo dextri sinistrique appellationes aspectui innotescunt, quòd axium opticorum inæqualitatem visus distinguat, vt proposit. 24. libri secundi est demonstratum. Et dextrum quidem illud cognoscitur, ad quod breuior dextri oculi axis, longior verò sinistri pertinet; illud autem sinistrum, quod contrarios axes admittit. **C**

Hæ sunt vltimatissimæ, vt opinor, locorum cognitiones, in quas insita procliuitate omnes panè natura duce feruntur: si quæ autem aliæ non minùs familiares alteri videbuntur, is suam sequatur sententiam; scimus enim proprium cuique esse ingenium, hominesque nulla re magis quàm iudicii discrepare. **D**

DE SITVS COGNITIONE.

DEFINITIONES.

TRIPLEX in iis, quæ visui obijciuntur situs spectari potest. Vnus est Oppositionis, alter Obuersionis, tertius Partium inter sese: Mixto **E** excepto, qui non alium habet suæ cognitionis modum, quàm partium ipsarum inspectionem.

Oppositionis situs bipartitam habet differentiam. Vnus quidem ex aduerso dicitur, cum rem obiectam non quicumque radius, sed opticus axis attingit: alter verò declinans, cum nempe res proposita ab axe optico in dextram vel sinistram, supernam vel infernam partem dimouetur. Inter quas situum differentias plurimæ **alie**


A alia reperiuntur media proprio nomine destituta. Hic positionum differentia non absolute sumuntur, qua ratione proximè antè sunt explicatae, sed axis optici comparatione. Sic ut illud declinare intelligatur, quod ab axe defleat, seu quod magis quàm axis ipse opticus in unam aut in alteram partem vergit. Est enim axis opticus totius velut aspectus directio, vna sua extremitate centrum visus, altera centrum basis pyramidis radiosæ, seu eorum quæ foris obijci possunt, medium attingens. Quare quæcumque ab axe optico quaquaversus discedunt, ea declinationis situm habent.

B Obuersionis situs est, quo res eodem consistens loco sola conuersione aut inclinatione respectum ad obtutum mutat. Estque omnis eius diuersitas secta trifariam. Aut enim directò res visui obuersatur, cum nimirum axis opticus rectis in eam angulis incurrit, aut perpendiculariter, cum videlicet res ipsa producta in centrum visus defertur, aut demum obliquè, quo in genere omnis reliqua varietas continetur.

Exempli causa, visui A linea spectabilis DE directò obuerti-

C tur, siquidem cum axe optico AB rectos angulos efficiat. Linea verò BC, si protracta ad oculum vsque eius superficiem ad rectos angulos incidat, perpendiculariter obuersari dicitur. At

obliquè, si cum axe obliquos angulos faciat, ut FG, in quamcumque demum partem ea inclinetur.



D Situs partium inter sese est, qui sola partium transpositione mutatur: ut in eodem exemplo, si linea DE, quæ directè aspectui obuersatur, pars D, quæ superior est, fiat inferior, mutatus erit non totius lineæ, sed partium dumtaxat situs: ita si linea FG inuertatur, tota quidem linea obliquè ut priùs visum respiciet, sed partium situs inuersus erit.

Mixti situs ij sunt, qui variè ex his permiscuntur, uti sessio, statio, cubatio, illæque dispositiones, quibus qui stant recti aut inclinati, qui iacent proni aut supini dicuntur, atque his similes.

E Tres situs iam explicati hanc habent inter se comparisonem, quòd primus, nempe oppositionis, motu ad locum, duo verò posteriores, videlicet obuersionis & partium inter sese, motu in loco euariant. At inter obuersionis situm ac partium hoc interest, quòd hic citra inclinationem ullam partium suarum respectum immutat, ille autem seruato partium ordine ac dispositione solummodo in hanc vel in illam partem inclinetur.

F Notandum hoc loco est, quòd licet partium situs rem ipsam potius quàm visum spectare videatur, tamen ea ratione ad præsens institutum pertineat, qua eius varietas sub aspectum cadit. Nam partibus rei visibilis permutatis, ipsa quoque simulacra in oculi superficie nouum in modum transmutantur, aliumque situm adquirunt, quandoquidem, ut libro primo proposit. 51. ostendimus, species rerum visibiles ordinatè ad aspectum perueniant.

Notandum etiam directum oppositionis situm fusiore significatione hoc loco accipi. Cum enim axis opticus in unum tantummodo punctum obiecti plani rectis angulis incidere possit, sequitur, strictissimo loquendi modo solum punctum visui directè

opponi; quòd ceteri radij, qui in reliquas obiekti partes incidunt, obliquos angulos faciunt. Quia verò latiore intellectu eò directiùs res visui obijci dici potest, quò magis circa medium eius punctum axis normaliter procidit: eò verò obliquiùs, quò normalis axis propiùs ad extremitates rei visibilis accedit. Idcirco individuum quidem signum directiùs visui obijcitur. Deinde ea circularis linea, aut spheræ portio, cuius idem est ac visus centrum. Tum linea aut superficies plana, in cuius medium opticus axis ad normam cadit. Demum ceteræ tum lineæ, tum superficies, quarum medio normalis axis propinquior est.

Notandum prætereà, in sphaera nullam esse posse obuersionis differentiam: quocumque enim modo sphaera conuertatur, semper eius visibilis terminus vt circulus apparet. Punctum verò nec obuersionis, nec partium inter se situm habet: sed oppositionis tantum. Nam cum moueri ad locum possit, nunc dextram nunc sinistram, nunc supernam nunc infernam partem tenere potest, sicque obtutui vario opponitur respectu. At cum nec mole distentum sit, nec partes habeat, nequit harum loca permutare, aut sui totius conuersione variam oculis phantasiam exhibere.

Similiter visui opponi ea dicuntur, in quorum mediū eadem recta linea à centro visus educta equalibus angulis pertingit. Ut si à cetro visus A educta recta linea AG in duas visibiles lineas BC & DE incidens angulos AFB & AFC angulis AGD & AGE æquales faciat, vtrumque vtrique, hoc est angulum AFB angulo AGD, & AFC angulum ipsi AGE angulo; propositæ lineæ BC & DE similiter visui A opponentur. Siquidem obuersionis situs ex incidentium radiorum angulis pensatur: quorum ergo æquales sunt anguli, similiter ea oculis obuersari necesse est.

Ex quo fit vt parallela omnes esse debeant, quæ similiter opponuntur, ad stipulante 27. primi Euclidis. Si enim in duas rectas lineas, verbi gratia BC & DE recta incidens linea AG alternatim angulos, hoc est AFB & AGD æquales inter se fecerit: parallela erunt illæ inter se rectæ lineæ. Rursus è conuerso quoque sequitur, parallelas omnes, si per vtriusque medium idem radius incedat, similiter visui opponi. Nam per 29. primi Euclidis, in parallelas rectas lineas recta incidens linea alternatim angulos inter se æquales facit.

PROPOSITIO XXXI. THEOREMA.

Situs qui ex aduerso est, ex obtutus perspicacitate cognoscitur.



quod ex aduerso obtutui obijcitur, vniuersaliorē significationem habet, quàm id quod in medio prospectu existit. Nam ex aduerso id omne videtur, quod axe optico attingitur, siue rectos angulos cōmunis radius, siue obliquos cum connectente centra visuum efficiat: at medio aspectu cerni id solūm dicitur, quod in communi radio ad horizontem librato, ac ei quæ centra visuum connectit normali constitutum est, vt superiùs est explicatum. Vnde sola oculorum conuersione aliud atque aliud ex aduerso spectari potest, medio autem aspectu non nisi totius capitis motu, quo scilicet connectens centra visuum pariter mouetur.

Cum


A Cùm ergo ex aduerso opponi illud superiùs sit definitum, in quod opticus axis incidit, fitque per propof. 9. secundi libri visio, quæ per axem fit, omnium perspicacissima; consequens profectò est, vt illud ex aduerso oppositum esse oculus iudicet, quod manifestissimè dignoscit. nam quantò remotior est ab axe radius, tantò res minùs perspicuè cernitur, per eandem propofit. 9. secundi libri. Ergo quod perfectiùs, id propinquiore radio; & quod perfectissimè, id in axe, hoc est ex aduerso, constitutum esse oportet.

PROPOSITIO XXXII. THEOREMA.

B. *Declinationis situs ex affecta portione aranea tunica, & magnitudine anguli radiorum opticorum dignoscitur.*

D V P L E X obiecti declinatio hæcenus à nobis exposita est; vna à prospectu medio, quæ propriè ad positionum differentias pertinet: hæc quo pacto visu dignoscatur, dictum est propofit. 29. Altera est, qua obiectum ab optico deflectit axe, de qua in præsentia agimus; estque de eorum genere, quæ ad aliquid dicuntur. Non enim illa est, qua absolutè in dextram aut in sinistram partem res vergit, sed respectu axis optici, qua nimirum ad aliquam positionis differentiam magis quàm ipse opticus axis accedit.

C Vnde fieri omnino potest vt axe, verbi gratia, A C à medio aspectu B in altum elato, obiectum illius comparatione inferius sit, si nimirum ab illo versus partem inferiorem aliquantum distet, vt constitutum in D; non tamen sit absolutè infernum, sed supernum, cùm inter axem & medium aspectum B sit situm. Illud enim absolutè supernum dicitur, quod supra medium aspectum eleuatur. Ita si axis opticus à medio aspectu in sinistram deflectat, resque visibilis hunc inter & axem consistat, ea quidem à dextris optici axis erit, at absolutè sinistram occupabit.



Hic ergo declinationis situs in duobus consistit, nimirum in remotione ab axe, & in respectu erga aliquam positionis differentiam. Priore ex capite dicitur obiectum ab axe multum vel parum declinare; ex posteriore verò in hanc aut in illam partem vergere. Quocircà ex duobus percipi hanc declinationem ostendendum est. Nempe ex araneæ portione, quam obiecti species formaque attingit, atque ex amplitudine anguli opticorum radiorum. siquidem disunctionem ab axe nempe C D (cùm ea quædam sit magnitudo) cognoscit visus, quemadmodum ceteras magnitudines, hoc est ex amplitudine anguli C A D qui ex radiorum concursu ad centrum visus constituitur, vt propositione 8.

E huius libri ostensum est.

Deinde cùm idem situs ac dispositio formarum in superficiem visus, seu anteriorem crystalloidis tunicam, quam araneam vocant, recipiatur, quæ in rebus ipsis cernitur, vt propositione 51. libri primi demonstrauius, sitque ea ipsa aranea primarium visionis organum, sentiet profectò ea non tantùm rei spectabilis formam, verùm etiam qua sui parte eam admittat cognoscet. Quòd si parte dextra, & rem ab axe in dextram declinare intelliget; si sinistra in sinistram, ac tantum, quantus est angulus quem opticus axis & radius in centrum visus coeuntes efficiunt per 9. huius libri.

PROPOSITIO XXXIII. THEOREMA.

F. *Directus situs percipitur ex equali à visu distantia partium æquè ab axe disiunctarum.*



I S T A N T I A M visu dignosci iam initio huius libri est demonstratum. Quare si axis opticus in obiectum quodpiam inciderit, & ab eius occurso æquè disiunctæ partes vtrumque sumantur, quarum à visu distantia sint æquales: dico axem in obiectum rectis angulis incurrere, ac proinde situm eius directum esse.

A visu namque A in obiectum C D axis opticus extendatur A B, sumanturque partes C & D

c & d pari intervallo ab axis occurſu B diſiunctæ, ad quas radij educantur AC & AD, qui à viſus facultate comprehendantur æquales per 4. propoſitionem huius libri. Cùm igitur in triangulis ABC & ABD latera AB & BC, lateribus AB & BD æqualia ſint vtrumque vtrique, ſitque iam cognita baſis AC baſi AD æqualis; erit per 8. primi Euclidis & angulus ABC ſub æqualibus lateribus contentus angulo ABD æqualis, atque aded rectus erit vterq; angulorum per 10. definitionem libri primi Euclidis, ipſeq; ſitus directus, vt ex præſinitionibus ad propoſitionem 31. perſpicuum eſt. Rectè igitur ex æquali diſtancia partium æquè ab axe diſiunctarum ſitus directus cognoscitur, quod erat probandum.



PROPOSITIO XXXIV. THEOREMA.

Obliquus ſitus ex inæquali à viſu diſtancia partium æquè ab axe remotarum deprehenditur.



ESTO viſus A, axis verò opticus AB cum obiecto CD concurrens in B; partes autem in re obiecta ſumantur ab axis occurſu æquè diſtantes C & D, quarum à viſu diſtantiæ ſi per 4. huius libri propoſitionem inæquales dignoſcantur, AC quidem maior, quàm AD: dico inæquales fore angulos ABC & ABD. Cùm enim æquales ponantur BC & BD, ſitque AB communis vtrique triangulo ABC & ABD; baſis autem AC baſi AD maior aſpectu deprehendatur, erit angulus ABC angulo ABD maior per 25. primi Euclidis, vnde certò viſus concludit obiectum CD obliquè ſitum obuerſumque eſſe, per obliqui ſitus definitionem ſuperius ad 31. propoſitionem explicatam.



PROPOSITIO XXXV. THEOREMA.

Directus atque obliquus ſitus duobus oculis indubitate cognoscitur.



NAM enim oſtenſum eſt proximè antecedente propoſitione, ex æquali vel inæquali à viſu diſtancia partium æquè ab axe remotarum hos ſitus deprehendi: at diſtancia per primam huius libri propoſitionem vno oculo certò deſiniri non poteſt: ergo duorum oculorum præſidio ad obliquitatis directioniſque inſpectionem opus eſt, quorum conſenſu certa atque indubitata obuerſionis cognitio habetur ſicut & diſtantiæ, vt propoſit. 4. huius libri oſtendimus. Nam vtraque vnus eſt facultatis, quandoquidem ex prænotione diſtantiæ, cognitio obuerſionis dependeat.

Hæc licet ita ſint, vti diximus, tamen cùm propoſitione 6. huius libri oſtenſum ſit viſui propinquiora accuratiùs videri; poterit directio atque obliquitas obiecti vno etiam oculo quodam modò dignoſci. Illa enim æſtimatrix facultas quæ diſcernit propinquiora, rectè iudicabit, quæ perſpicaciùs videt; illa verò remotiora, quæ obſcuriùs; illa denique æquè diſtancia, quæ eadem perfectione intuetur.

Simile iudiciù ex apparente magnitudine partium æquè ab axe remotarum deſumi poteſt. nam & propinquiora maiora, remotiora verò minora cõſpiciuntur. Vnde ſi viſui A magnitudo quæpiam obijciatur CD, in cuius medium B axis incidat opticus AB: ad extrema verò eius C & D radij perducantur AC & AD: ſi BC quàm BD minor appareat, cùm ſit æqualis, obliquè ſitam eſſe lineam CD oculus rectè iudicabit, & C quidem longiùs ab

A ab oculo abesse quàm D . siquidem longius abesse ea oportet quæ minor apparent, cum re ipsa æqualia sint.

Quod verò minor apparebit BC quàm BD , si obliquè linea CD aspectui obijciatur, inde potest demonstrari, quòd minor futurus sit angulus BAC quàm BAD . Centro namque A , interuallo autem AB arcus decircinetur EBF . quoniam obliqua ponitur



CD ipsi AB , illa circulum secabit per 16. tertij Euclidis, & pars quidem BC quæ cum axe AB obtusum angulum facit extra, reliqua verò BD intra circulum cadet: erit ergo trigonum ABC sectore ABE maius, trigonum verò ABD sectore ABF minus: sed per primam sexti Euclidis, trigona sunt quemadmodum bases BC & BD : sectores verò quemadmodum arcus BE & BF per 33. sexti Euclidis: ergo minor erit arcus BE recta BC , & BF arcus maior quàm recta BD : at BC æqualis supponitur ipsi BD , ergo BE arcus ipsa quoque BD recta minor erit, ac proinde multo minor arcu BF , qui eadem recta BD iam ostensus est minor. Sed ut arcus BE ad BF arcum, ita angulus BAE ad BAF angulum per eandem 33. sexti Euclidis: ergo vicissim per 16. quinti Euclidis, ut arcus BE ad angulum BAC , ita erit arcus BF ad BAF angulum. Ex quo tandem fit, per 14. quinti Euclidis, ut quoniam BE arcus minor est, quàm arcus BF , sit quoque angulus BAC angulo BAF minor: quocirca minor apparebit BC quàm BD , per nonam proposit. huius.


PROPOSITIO XXXVI. THEOREMA.

Perpendicularis situs inde cognoscitur, quòd obiectum axisq; opticus ex æquo suas interiacent partes.

D **E** namque præcipua est rectæ lineæ nota, quòd sua ex æquo interiacet puncta, ut Euclides docet 4. definitione libri primi. Quia igitur solus axis opticus superficiæ visus perpendicularis est, ut libro 2. proposit. 6. ostendimus, fit ut cum ea quæ perpendiculariter visui obijciatur, vnâ eandemque rectam lineam efficiat. Quare ex eo maximè perpendicularis situs dignoscitur, quòd obiecta linea axisq; opticus ex æquo suas interiacent partes, seu quòd ambæ in directum sint constitutæ.

Porro tametsi hoc loco, & in præfinitionibus ad proposit. 31. huius libri strictius paulò explicatus sit perpendicularis situs, quàm eius significatio pateat, cum non tantum illa linea obtutui perpendiculariter obijciatur, quæ in axem producta incidit; verumetiam omnis illa, quæ protracta in centrû visus terminatur: id tamen vitio nobis verti non debet, cum illic eum dumtaxat situm definire propositum fuerit, qui propriè perpendicularis dicitur; hinc verò eius cognitionis modum edocere, qui facillè ad omnem perpendicularem situm possit accommodari.

Uti ergo pressè acceptus perpendicularis situs, ille inquam, quo res obiecta ad superficiem visus rectis perducitur angulis, ex eo cognoscitur, quòd cum axe optico rectam lineam efficiat, ut in apposito schemate res obiecta BC cum axe optico AB ex A centro aspectus euocato in vnâ rectam lineam coit. Ita fusiori significatione ex omnes lineæ perpendiculariter visui exhibentur, quæ productæ cum radio quopiam optico rectam lineam constituunt, ac vnâ in centrum visus porriguntur, cuiusmodi est recta DE , quæ cum radio optico AD in directum protensa pariter cum illo in A centro visus terminatur, licet in superficiem oculi rectis nequaquam angulis incidat, ut ex sexta propositione libri secundi perspicuum est.



Rursus quemadmodum lineæ, ita & superficies perpendiculariter visui obijciuntur: strictè quidem cum productæ omnia oculi centra pertranseunt, ipsumque oculum bifariam secant; latè verò cum per visus quidem centrum, at non totius oculi incedunt, nec oculum secant bifariam. Perpendicularis situs, quo superficies oculis obuersione, & is

quo

quo rectæ lineæ idem diagnosticum signum habent, nempe partium inter sua puncta **A** centrumque visus æqualem interpositionem, ita ut radij omnes ab oculo ad profitam superficiem destinati in eodem cum ipsa sint plano: quare & eundem habent cognitionis modum. Si enim nulla pars præ ceteris eminere cernitur, aut à recta regione deflectere, quod ita apparet, planum perpendiculariter obiectum esse conuincitur.

PROPOSITIO XXXVII. THEOREMA.

Situs partium inter sese ex notis positionum differentis perspicuus euadit. **B**

DISPOSITIO partium in eo præcipuè consistit, quòd pars vna recta sit, altera inflexa; vna dextram, altera læuam occupet; vna elata, altera depressa sit, aliæ media inter hæc loca teneant: his igitur locorum differentis cognitis, uti propositione 30. huius libri docuimus, ipse partium situs, earumque omnium inter se consensus perfectè, quantum ipsius natura postulat, perspectus erit. In his verò sæpè etiam ratione est opus, quæ singulorum membrorum dispositiones, ex quibus totius corporis situs dependet, inter se conferat. Nam omnes situum differentia de illorum sunt genere, quæ ad aliquid ducuntur; nec minùs opus est tempore, quo primò quidem partes omnes sigillatim in cognitionem veniant, **C** postea verò in vnum totius corporis situm vniuersa illarum multitudo vniatur. Sic ergo ex particularium perceptione compositi situs colliguntur; quod erat explicandum.

PROPOSITIO XXXVIII. THEOREMA.

Compositi situs ex particularium notitia colliguntur.

COMPOSITI situs sunt, qui ex simplicibus, quos hætenus exposuimus, variè coalescunt, ut sunt pronus, supinus, erectus, inclinatus, obuersus, auersus, inuersus: item sessio, statio, eubatio, ac ceteri eiusmodi qui ex membrorum dispositione proueniunt, quibus propter varietatè non sunt imposita propria nomina. Hos omnes ex partium cognitione innotescere palàm est. Vti enim magnitudines ipsæ, quæ partibus constant, nequeunt vno simplici inuitu exactè dignosci, sed ex singularum partium inspectione comprehenduntur, ut libro primo propositione 83. ostendimus; ita situs, qui ex particularibus in vnum congestis efficiuntur, ex partibus sigillatim inspectis dignoscuntur. **D**

Huius rei hanc rationem adferre liceat, quòd totum ab omnibus simul sumptis partibus nihil discrepet, ut plerique rectè philosophantium probant. Et ut ex nonnullorum sententia concedatur, totum aliud quiddam esse à suis partibus; nihil tamen obstabit quin totius cognitio ex partium cognitione confletur, non secùs ac totum ipsum ex omnibus partibus coalescit. Igitur compositi situs omnes ex particularium notitia colliguntur; quod probandum erat. **E**

PROPOSITIO XXXIX. THEOREMA.

Quæ ad perpendicularum, aut ad libram constituta sunt, ea in mutuam cognitionem aspectum inducunt.

PRÆTER quamplurimos situs, quibus res aspectabiles variè obtutui præsentantur, & quos hætenus exposuimus, nonnulli etiam reperiuntur, quorum habitudines non tam ad oculum, quàm ad aliud aliquid referuntur: inter quos præcipui illi sunt, quibus res quædam rectæ aut librata dicuntur. recti, exempli gratia, sunt ædificiorum parietes, columnæ, stylobatæ, & quæcumque demum in altum eriguntur: librantur verò pauimenta, tabulata, epistylia, coronices, omnesque planæ sedes quibus noui ordines imponuntur. Rectitudo verticem ac centrum mundi respicit; libramentum verò horizontem. Rectitudinis regula perpendicularum est, libramenti verò libella, aut veterum more chorobates. **F**

Hæc sæpenumerò solo aspectu diiudicantur, cum vel perpendicularum, vel libella deest qua veritas expendatur. est porrò incerta horum ex solo aspectu æstimatio, nisi sibi animus

A mus perpendiculum aut libellam effingat, quam cogitatione rebus adiungat non secus ac faber reipsa: cum verò nec id mens possit, multò autem minùs adiunctione illa certum iudicium confirmare, ex iis fermè rebus præsidium quærit, in quibus aliquid perpendiculi aut libellæ fide exstructum animaduertit; vt sunt ædes in quibus parietes recti consistunt, coronæ verò ac fasciæ pari libra cum horizonte sunt collocatæ.


Si ergo erectum quippiam sit, quod propendere in aliquam partem videatur, duobus modis aspectus eius periculù facit. Primus est, cum eam partem, quæ inclinare videtur, ex aduerso firmi cuiusdam ædificij intuetur: si enim hæc mutuò sibi respondeant, ad perpendiculum consistere vtrumque pronuntiat. Alter est, cum nullum exstat vicinum
B ædificium, cuius comparatione aspectus iuuetur, vt in aperto campo; tum inquam dubium rei exstructæ latus cum libero horizonte confert, & si quidem rectum angulum deprehendat ad perpendiculum existere, id de quo ambigebat, intelligit. Hic modus non ita vt prior rem facit exploratam, tum quòd visibilis horizon non semper ad libram extentus sit ob terræ inæqualitatem, tum quòd recti anguli æstimatio à solo facta sit visu.

Eadem est libramenti inuestigatio, partim ex illorum aspectu, quæ ex arte librata sunt, partim ex comparatione illorum quæ ad perpendiculum sunt constituta; quamuis & hæc ratio minùsquàm prior sit exquisita.

C DE CONTINVI AC DISCRETI COGNITIONE.

PROPOSITIO XL. THEOREMA.

Continuum ex non interrupta partium coniunctione, ex interrupta verò discretum aspectu colligitur.

D  IRCVLVM argumentando committunt, qui continuitatem ex distantia priuatione, ac vicissim ex priuatione continuitatis distantiam cognosci volunt. Non enim continuitas distantia est priuatio, sed potiùs distantia continuitatis aut coniunctionis absentia meritò censerì debet. Est igitur continui verum diagnosticum, non interrupta partium coniunctio; interrupta verò, discreti. Siquidem cõtinuitatis essentia non in priuatione, sed in positiua partium vnione consistit, quam cum oculus perspicit, continuù corpus iudicat. Rectè verò: quemadmodum enim ratio mensq; ipsa ignotum interdum per definitionem explicat, alias per essentia proprietates in cognitionem adducit; ita visus res latentes aspectu eorum, quæ apparent & ad essentiam pertinent, conspicuas facit.

E Neque ea in re nugacitatis quidquam interuenit, sicut nec in rerum definitionibus. Licet namque idem omnino sint definitum eiusq; definitio, non tamen æquè vtrumque perspicuum est: ita licet idem sint, continuitas & partium coniunctio, hæc tamen quàm illa efficacius aspectum mouet. vnde numquam visus continuum aliquid concludit, nisi omnium partium vnionem coniunctionemque lustrando perceperit.

Discretio cum sit continuitatis oppositum, in priuatione potiùs quàm in positiua contrarietate consistit: quare ex disunctione partium, seu interrupta coniunctione cognoscitur.

Continuo affine est contiguum. Illa enim contigua esse dicuntur, defintore Aristotele, quorum extrema sunt simul, seque tangunt: illa verò quorum extrema communi
F vinculo colligantur, continua sunt. Quia verò vnio illa, qua partes rei continuæ inter se concrefcunt, sub aspectum per se non cadit, fit vt visus contigua à continuis non discernat. vnde ipsum non rarè hallucinari contingit, cum continua putat quæ se tantum contingunt; vt lapis recens præfractus, cuius partes arcè iunguntur, integer apparet, tametsi partes eius nullo vinculo inter se coalescant.

PROPOSITIO XLI. THEOREMA.

A

Identitas distinctioq; percipitur ex identitate vel distinctione formarum, quæ in diuersas partes sentientis organi consignantur.



QUÆ sub visum cadunt, multis distinguuntur modis; inter quos is solùm ad rem præsentẽ facit, qui in qualitibus aspectabilibus versatur. Has enim dumtaxat visus percipit: substantiam verò, & quæcumque sub his latent, non nisi ex accidenti; vt libro primo propositione 28. ostensum est.

B

Enimuerò rerum formæ, quæ ad organum visus appellant, eandem distinctionem secum inferunt, quam à rebus, à quibus proueniunt, & quarum sunt velut simulachra quædam, acceperunt. Hanc porrò cùm facultas cernendi percipit diuersis sui organi partibus insignitam, eandem in rebus distinctionem coloris ac luminis inesse cognoscit, quam in speciebus reperit. Non aliam profectò ob causam, quàm quòd intentionalibus formis ea insit potestas, vt res ipsas, quales sunt, repræsentent. Quarum igitur distinctæ formæ ad aspectum perferuntur, has distingui inter se aspectus diiudicat.

Quæ de colorum ac lucis distinctione diximus, sunt etiam de distinctione communium visibilium intelligenda. Cognoscuntur enim omnia per illos specierum modos, quibus res ipsæ facultatem animæ ad sui dignotionem excitant, vt libro primo propositione 44. est demonstratum. Vnde si species aliqua directè in mediam visus superficiem impingat, alia obliquè; ipsæ res quæ exhibentur, altera quidem directè, altera verò obliquè opponi concluditur, vtque formæ in oculo, ita res ipsæ foris situ oppositionisque modo distingui iudicantur. Rursus, cuius species maiorem portionem superficiei visus implet, maior apparet illa, cuius species minorem attingit portionem. Hæc proinde magnitudine distingui existimantur. eodemque modo se res habet in iis quæ loco, figura, ceterisque visibilibus proprietatibus afficiuntur.

C

Genericas & specificas indiuidualque distinctiones mens colligit ex illis proprietatibus, quæ vel genus, vel speciem, vel indiuiduum consequuntur. Natura enim vniciquæ rei quasdam affectiones indidit, easq; aspectabiles velut latentis essentia notas; in quarum numero nonnullæ communes sunt, quibus res illæ inter se conueniunt, quarum eadem est essentia ratio, alia propria, quibus res singulæ distinguuntur, quarum proinde diuersa esse naturæ principia conuincuntur. Et si quidem in propositis rebus omnes aspectabiles intentiones similes inter se sint, solo numero res illæ distinguuntur; si verò in paucis discrepent, diuersarum specierum indices erunt; at si multæ plurimumq; dissideant, generis diuersitatem inducent. Atque ita ex iis quæ sub sensum cadunt, mens latentes rerum identitates ac discrimina ingeniosè eruit. Ipsas autem visibiles qualitates ex propriis imaginibus cognosci in organum consignatis, libro primo propositione 69. est demonstratum. Quare ex iisdem formis ipsæ quoque rerum identitates ac discrimina cognoscuntur; quod erat demonstrandum.

E

PROPOSITIO XLII. THEOREMA.

Vnitas ex continuatione vel identitate, vti numerus ex discretione vel distinctione, dignoscitur.



VNUM duobus dicitur modis, continuatione scilicet, & identitate. Vnum continuatione illud vocatur, cuius partes licet indiuidua proprietate distinctæ, quantitatis tamen beneficio inter se copulantur: Identitate verò vnum illud solùm dicitur, quod alteri comparatum, diuersum ab illo reperitur.

F

Quot modis vnitas, totidem numerus dici potest. Vnus enim ex dissolutione continui, alter verò ex rerum quæ numerantur distinctione consurgit. Vnde consequens fit, vt continuationis vnitas, partium distinctionem ac numerum admittat: quemadmodum rebus accidit corporeis, quæ partibus quidem constant substantia ac numero distinctis, vno tamen quantitatis vinculo coherentibus: sic & vnitas identitatis cum diuisione quantitatis consentit, velut in aceruo lapidum, qui secundum se vnus idemque, in partibus numerum multiplicatamq; patitur. Porrò corpus omne vnum continuatione, in partibus

A partibus multiplex est; at spiritus vnus quidem est identitate, sed non continuatione, nec secundum partes numerari vlllo modo potest.

His ita explicatis perspicuum est id quod proponitur. nam ex iis vnumquodque cognoscitur, ex quibus constat, si videlicet hæc ipsa sub aspectum veniant: at vnitas ex continuatione vel identitate, numerus verò ex discretione vel distinctione consequitur, vt iam iam ostensum est; vtrumque autem aspectu dignoscitur, vt propositione præcedente est declaratum: igitur ex continuatione vel identitate vnitas, ex discretione autem vel distinctione numerus visu dignoscitur; quod erat exponendum.

B Quanta porro sit multitudo eorum, quæ aspectu discreta distinctiue cernuntur, solus intellectus numerando assequitur, adiuuante memoria. Postquam enim primum visus aspexit, dum ad secundum progreditur, iam prioris phantasia perit: nisi ergo primum memoria sit asseruatum, & perpetua recordatione velut præsens contineatur, atque eodem modo secundum ac tertium, cetera quæ deinceps, numquam poterit ratio secundum cum primo, ac tertium cum vtroque, cum his verò reliqua, quæ oculus intuetur, in vnã summam definitumque numerum colligere. Ergo ea, quæ visus discreta distinctiue agnoscit, connumerare, atque ex omnibus certum numerum constituere solius mentis est opus, quæ id potissimum intelligentia & recordatione efficit.

C DE MOTVS ET QUIETIS COGNITIONE.

MOTVVM PARTITIONES.

D **M**OTVS alius ad locum est, alius ad qualitatem. De motu locali in presenti non agimus, sed de eo qui est ad qualitatem. Hæc namque aut per se primo visu cognoscitur, vt cum lumen vel colores gignuntur, quod hæc sint proprium visus obiectum, aut certè nullo modo ad intuitiuam facultatem spectat, vt cum ad illas ducit qualitates, quæ visu non percipiuntur. At localis motus ex iis est, quæ visu quidem dignoscuntur, sed ad alios quoque nonnullos sensus pertinent. Quare presentis negotij est eius tractatio. Priusquam verò ad rem accedamus, operæ pretium erit illius species ac differentias recensere.

E Inter simplices loci mutationes prima illa est, quæ Latio nuncupatur. Est autem Latio, cum res tota de vno loco in alium commigrat. Vna quidem reëta, vt qua lapis deorsum, aut ignis sursum contendit; alia circularis, vt qua lunare corpus circum epicycli axem fertur. Ita enim hoc motu circumducitur, vt maculosa eius facies semper ad nos prospectet, quod ceterorum astrorum nulli contingit, ea tamen omnia circa calorū axes circulari latione feruntur, siue ab ortu in occasum per meridiem, siue contra ab occasu in ortum.

F Gyratione est cum res tota eodem consistens loco, secundum partes locum mutat, duobus dumtaxat punctis exceptis, quos polos vocant seu cardines: cuiusmodi est calorū motus, præter eum qui octauo proprius est.

Inter compositos motus, Volutatio est cum res gyratione simul & latione mouetur. Volutatio vna quidem ex gyratione & reëta latione constat, qualem videre est in currum rotis, & globo cum per decliuem descensum præceps ruit: alia verò ex gyratione & circulatione, vt qua planeta ceteri, præter solem ac lunam, epicycli simul ac celi motu voluuntur, sole inquam excepto, qui non habet epicyclum, & luna, quam paulò antè ostendimus ita ferri motu epicycli, vt eadē eius facies ad nos perpetuò conuertatur.

Agitatio seu trepidatio, una fit ex crebra motus recti in contrarias partes repetitione, qua in primis conspicuè cientur animalia illa quæ stabili sede degunt, nec loco efferruntur, vt conchæ, & quæ Lobopora seu plantanimalia à philosophis vocantur. Nil verò in presenti interest, siue ea mediam inter frutices & animalia naturam obtinere dicantur, siue animalia nuncupentur. Hæc inquam certis affixa locis ceu plantæ locū omnino mutare cum nequeant, identidem sese exerunt ac retrahunt, sicq; animantium ritu si pungantur, corporis agitatione doloris sensum indicant. Alia fit ex circulari motu nunquam peractò, sed vicissim eunte ac redeunte, qualis in horologiorum momentis cernitur. Alia fit ex diuersis orbicularibus motibus, qua vnum idemque corpus circum diuersos axes cietur, cuiusmodi est motus signiferi firmamenti, quem trepidationis Astronomi vocant. Alia ex recto ac circulari motu crebrò repetitis componitur, qualem subeunt curruum rota per loca aspera agitata.

Prætereo progressionem, reptationem, volatum, natationem, cursum, incessum, saltationem, ascensum, descensum, casum, & ceteros motus, qui præter præcedentes differentias solum respectum ad corporis situm, vel ad mundi plagas adsignificant.

PROPOSITIO XLIII. THEOREMA.

Motus plurimum cognoscitur ex oculi motione.



ROPOSITIONE IO. libri secundi ostensum est eam vim insitam esse oculis, vt in axium concursu res obiectas perspicacissimè videant. vnde & illud naturæ oculorum consentaneum esse oportet, vt rei obiectæ lationem promptissimè sequantur, iunctosq; axes in eam semper contineant: nempe vt accuratissimo obtutu eam perpetuò comitentur.

Hinc fit vt dum præterlabentes amnes attentius contemplamur, nequeamus etiam cum volumus aspectum continere, quin decurrentes fluctus intuenso prosequamur. cum enim maximè putamus nos firmasse acies, miramur subito eas cum prætereunte amne defluxisse: quòd nimirum id naturale sit oculis, vt motum rei sponte prosequatur, aciesque in rem motam continuò dirigant, non secus ac si quiesceret. Id verò quia fieri nequit, nisi ipsi oculi pariter moueantur; consequens est, vt rem motam ex eo maximè aspectus persentiat, quòd ipsi oculi in rem continuò defixi vnà moueantur. Quod sanè non minus perspicuè experimur, cum nocte emissitij quidam ignes cometarum more euibrantur: hos enim iugatis axibus intuenso prosequimur, indeq; in altum efferri cognoscimus. Tenebris namque omnem prospectum eripientibus, præter motum visui organi nil omnino præsidij superest, quo illorum lationem cognoscamus. Percipi verò oculorum motum ab interna animæ facultate libro primo proposit. 20. docuimus: igitur motus ex organi visui motione plurimum cognoscitur.

Ex hac organi motione, spiritus interdù ipsi præter naturam concitantur, ita vt ex aspectu eorum, quæ in gyrum ocyssimè aguntur, vertiginem subinde patiamur; & postquam celeribus equis diu vecti fuerimus, in quiete nihilominus equitare nos arbitremur, quæ quidem aspectus sunt fallaciæ, sed ex hac causa prognatæ, & ad confirmandum propositum maximè idoneæ.

PROPOSITIO XLIV. THEOREMA.

Si motus oculi insensibilis sit, & rei motus imperceptibilis erit.



PLICI de causa fieri potest vt oculi motus sit insensibilis, aut scilicet propter paruitatem, aut propter tarditatem. Ob paruitatem magnitudines quasdam aspectum latere, libro primo proposit. 54. ostendimus, & ex eo patet quòd ex intuitiuæ facultati corporeo membro insertæ minùs sint accommodatæ. Sic & ob tarditatem aliquando insensibilem esse motum hinc probatur, quia tarditas quietis quodam modò est æmula, motumque à propria seu volubili natura abductum, constantiæ ac firmitati propinquirem facit, quod videre est

A in solaribus vmbriſ, & in horologiorum indicibus, & in vegetantium incrementis, ac ſexcentis aliis; quæ non moueri ſed mota eſſe, poſt aliquod temporis interuallum animaduertimus.

Utrumque verò oculorum motus ſit inſenſibilis, dico & rei motum imperceptibilem eſſe. Priùs enim cognitum eſſe oportet id, quod in alterius cognitionem deducit, at motus oculi diagnosticum eſt eius motus, quo res aſpectabilis cietur, vt paulò antè eſt demonſtratum propoſit. 43. ergo ille, vt hunc cognitum faciat, priùs ſub aſpectum veniat neceſſe eſt. Ex cuius conſequentis oppoſito, ſi inſenſibilis ſit oculi motus, rectè concludere licet oppoſitum antecedentis, nempe & rei motum imperceptibilem eſſe; quod
B erat propoſitum.

PROPOSITIO XLV. THEOREMA.

Quiſcente oculo, motus deprehenditur ex diuerſo corporis ſitu, diſtinctis momentis ſenſibilis temporis deprehenſo.

C **P**ER ſitum hoc loco non illum tantùm intelligimus, quo partes ſingulæ certo quodam ordine in corpore diſponuntur; ſed illos etiam quos oppoſitionis & obuerſionis nominant, reliquosq; hoc libro ad propoſit. 31. explicatos nec non illum, quo res propiùs; aut remotiùs ſita eſſe dicitur, quamuis hic magis ad diſtantiã pertineat.

Cùm verò ſitus omnis, proprietã quædam ſit loci; fieri omnino non poteſt, vt citra loci mutationem ſitus vllus mutetur. Quare rectè ex diuerſo ſitu, diſtinctis instantibus ſenſibilis temporis annotato, motum cognosci aſſerimus. nam momento temporis ſitum mutari impoſſibile eſt; quæ autem eundem ſitum retinent, immota perſtant; & quæ inſenſibili tempore mutationem ſubeunt, mota quidem eſſe, at non moueri videntur. Igitur motum ex ſitus mutatione dignoſci perſpicuum eſt, quòd ſcilicet mutato conſpicuè ſitu tempore ſenſibili, mutari etiam perſpicuè locum ſit neceſſe.

D PROPOSITIO XLVI. THEOREMA.

Motum præterea quiſcens oculus ex parte organi ſucceſſiuè affecta perſentiſcit.

E **S**PECIEBUS organo impreſſis, omnia percipiuntur, vt ſæpè ſuperiùs oſtenſum eſt, & præcipuè libro primo propoſit. 69. Communia item viſibilia, quamuis à primariis obiectis reipſa non diſtinguantur, ſed ſint illorum dumtaxat modi, quibus quodammodò afficiuntur; tamen per proprias formas dignoſcuntur, quæ vt modi quidam ſpecies primarias tantummodo afficiunt, ab eiſdem reipſa minimè diſtincti, vt lib. primo propoſit. 44. docuimus. Igitur quemadmodum rei cuiuſpiam ſpecies organo impreſſa rem ipſam repræſentat, ita ſpecies eadem per organum continua quadam ſucceſſione delata rem exhibet motam. Nam diuerſa organi loca continuò occupans, rem quoque alio atque alio in loco ſucceſſiuè repræſentat.

Simile quiddam in ſenſorio tactus manifeſtè deprehendimus. hac namque vnica ratione contingit motum tactu ſentiri, quòd ſcilicet res per ſenſorij ſuperficiem continuò delata, alium atque alium ſemper obtineat. Quod autem tactui accidit per rei ipſius coniunctionem, hoc viſui per præſentem ſpeciem obiecti vicariam euenire neceſſe eſt; quod erat propoſitum.

F PROPOSITIO XLVII. THEOREMA.

Interdum etiam motus per ſe cognoscitur ex loci ipſius mutatione.

MOTVS nil aliud eſt, quàm continua quædam minimeque interrupta loci mutatio: locum autem viſu dignoſci, ſuperiùs propoſitione 26. eſt demonſtratum: ergo ſi res obiecta, quouis momento ſenſibilis temporis, alio ſemper atque alio in loco exiſtere cernatur, dubio procul moueri intelligetur.

¶ Eſt verò hic modus non infrequens; præſertim cùm viſus proprium rei locum è moderata

delata distantia exactè discernit: aliàs enim aut ex organi motu, vt propof. 43. aut ex fitus A
 mutatione, vt propof. 45. aut ex alia atque alia organi parte successiuè affecta rei motus
 cognoscitur. Quos omnes modos ceu quædam supplementa visuæ potentiz natura
 concessit, vt ipsi præsidio sint, cum per se motum percipere non valet, siue ob immoderata
 distantiam, siue quòd quis altero orbatu sit oculo. Neque enim vno tantum oculo,
 neque maximo interuallo ea loci mutatio, qua mobile accedit aut recedit, cognosci
 per se potest, sed ex accidenti solùm, adhibitaque ratiocinatione, vt iam dictum est.

PROPOSITIO XLVIII. THEOREMA.

*Motus accessus & recessus iisdem colligitur modis,
 quibus distantia quantitas.* B



N prima prænotatione ad primam huius libri propositionem, diximus di-
 stantiam rei designari radio optico, ab oculo ad rem ipsam pertinente, sic
 vt longius illa absint, ad quæ longior radius protenditur; ad quæ verò mi-
 nor, ea sint viciniora. Quare motus qui per opticum radium incedit, se-
 cundùm distantiam effertur, corpusque quod ea latrone accedit vel re-
 cedit, quantitatem distantiz immutat. Ex quo sequitur hunc motum, quem opticus ra-
 dius metitur, iisdem modis cognosci, quibus distantiz quantitas in cognitione deuenit. C

Est verò non vnus distantiam cognoscendi modus. nam per se quidem duorum oculo-
 rum beneficio ex axium opticorum longitudine percipitur, vt hoc libro propositione
 quarta ostendimus. Sic ergo & motus. Accessio scilicet ex contractis continuo axibus,
 ex productis autem recessio conuincitur.

Ex accidenti verò colligitur motus, vt & distantia ex corporibus, quæ inter rem atque
 intuentem re ipsa intercedunt, vt propositione secunda huius libri fusiùs est explicatum.
 Nam longius ea abducuntur, quæ plura semper corpora versus spectatorem relin-
 quunt; quæ verò pauciora, hæc propius adducuntur.

Deinde ex continua apparentis magnitudinis euariatione, licet quoque motum ex ac-
 cidenti colligere, vt propositio quinta edocet. Cum enim communi notione omnibus D
 persuasum sit, quæ propinquiora sunt maiora, quæ verò remotiora minora apparere;
 consequens est, vt res illæ oculo accedere existimantur, quæ sensim augescunt, illæ autem
 recedere, quæ paulatim minuuntur. Qua argumentandi forma non raro vtimur, cum
 volantes aues per directum visus radium ferri videmus, dubij an accedant, an verò rece-
 dant: nam cum propter interiecti spatij inanitatem non sat certò æstimari possit distan-
 tiz augmentum vel decrementum, quibus per se directus motus cognoscitur, necesse
 habet mens ad aliena hæc præsidia confugere, quibus licet ex accidenti, certò tamen in
 cognitionem ignoti motus ratiocinando ducitur.

Simile omnino argumentum ex propositione sexta sumi potest. Cum enim ex illa
 constet aspectui viciniora perspicaciùs videri, remotiora autem obscuriùs; necessariò se- E
 quitur ea appropinquare, quorum intuitus pedetentim clarescit; illaq; dimoueri, quæ
 magis magisque obscurantur. Hoc etiam mentis discursu ij persæpè vtuntur, qui iter fa-
 ciunt: contingit enim quandoque, vt penitus ignorent, an quos ante se vident, absce-
 dentes an accedentes dicere debeant: ac tunc considerata attentius aspectus mutatione,
 si articulatio fiat, accedere illos pronuntiant, si obscurior, recedere.

PROPOSITIO XLIX. THEOREMA.

*Cetera motuum differentia percipiuntur è spatio,
 per quod res visa ciuntur.* F



MOTVVM differentiz ac species, vt philosophi docent, sumuntur ex figura
 spatij quod res delatæ pertranscunt. Eiusmodi est enim motus, cuius for-
 mæ est spatium, quod percurritur. vt si quidpiam per rectam feratur li-
 neam, rectus erit ipsius motus; si per circularem, circularis; mixtus autem,
 si per circularem & rectam simul, quales sunt volutatio & trepidatio. At
 figuram aspectu dignosci superiùs hoc libro ostensum est. Ergo ex figura formaq;
 spatij, per quod vnumquodque ciuntur, motuum species ac differentiz cognoscuntur.

A Qui verò motus ad aliquid sunt, & respectum quemdam prætereà adsignificant, siue ad corporis partes, vt progressio, reptatio, volatus, natatio, incessus, cursus, saltatio; siue ad positionum, quas vocant differentias, vt ascensus, discensus, ac lateralis motus; hi omnes, perceptis simul cum loci continua mutatione partium situ aut positionum differentiis, exactè cognoscuntur. Hæc enim omnia visu cognosci, & quo pacto in cognitionem ex aspectu veniant, suo loco superius est explicatum.

PROPOSITIO L. THEOREMA.

B *Motus omnis sensibili percipitur tempore.*



Q VONIAM in tempore fit motus, non nisi tempore percipi à visu potest. Si enim instanti perciperetur, existeret in instanti; tum siquidem motum esse oportet, cum videtur: at in instanti motum existere est impossibile, quia partibus sibi mutuò succedentibus constat: ergo nec instanti percipi potest, sed tempore. Nam partes quæ prius existunt, prius cognitæ esse oportet, illas verò posterius quæ post sequuntur. Vnaquæque enim tum percipitur, cum præsens existit.

Iam verò motum, qui visu dignoscitur, tempore sensibili percipi, ita demonstratur:

C Motus percipi non potest, nisi partes eius priores ac posteriores, ex quibus componitur, distinctè comprehendantur: at singulis eius partibus, hoc est singulis locorum mutationibus, diuersa respondent temporis momenta, seu partes quibus illæ cognoscantur: ergo quo modo singulæ mutationes visu percipiuntur, ita & singula temporis momenta. Sed ex perceptibilibus mutationibus mutuò sibi succedentibus sensibilis fit motus, igitur ex sensibilibus momentis, tempus consurgit sensibile. Quare cum sibi vndique motus tempusque respondeant, visibilem motum tempore sensibili percipi necesse est; quod erat demonstrandum.

Hinc fit, vt quoad aspectum tempus mensura quædam sit motus, non quæ eius magnitudinem, sed quæ velocitatem ac tarditatem metiatur. Nam motus quantitatem, spatium quod conficitur, determinat: at velocitatem tempus breue, longum verò tempus in æquali spatio tarditatem inducit, vt mox dicemus.

PROPOSITIO LI. THEOREMA.

Velocitas tarditasq; motus cognoscuntur ex inæqualitate temporis, quo mobile æqualia percurrit spatia; vel ex inæqualitate spatiorum, quæ æqualibus temporibus conficiuntur.

E VLOX dicitur motus, quo mobile breui tempore magnum conficit spatium; tardus verò, quo paruum spatium longo tempore percurrit. Ex quo fit, vt pari velocitate illa moueantur, quæ æqualibus temporibus æqualia spatia traiciunt; impari autem, quæ vel inæqualia spatia æquis temporibus, vel inæqualibus temporibus æqualia spatia emetiuntur: oculusque illud feratur, quod aut breuiori tempore æquale spatium, aut minus spatium æquali tempore absoluit. Cum igitur spatiorum magnitudines aspectus complectatur, per superiores demonstrationes, tempusq; ex motu ipso, cuius est duratio, perspectum sit, ex horum paritate aut disparitate visus in cognitionem velocitatis tarditatisq; certissimè ducitur, quod probandum erat.

F Clarius hoc euadit ex vsu quotidiano: nam & in hippodromis, & olim in circensibus aliisque spectaculis, in quibus certamen erat velocitatis, aut certæ constitutæ erant metæ, quæ spatium aliquod definirent, quas qui prior attingisset, spectatorum aut agonothetarum suffragiis, velocitatis palmam obtinebat: aut certè si libero campo equi committebantur; ille generosissimus & perniciosissimus habebatur, cuius, vt ait Poëta,

Clara fuga ante alios, & primus in æquore puluis.

Idem in nauali certamine spectatur, in quo omnis nauarchorum sociorumq; naualium conatus est, vt se mutuò remis velisque præuertant, antequam aut ad designatum portum, aut ad præstitutum in mari terminum perueniant.

PROPOSITIO LII. THEOREMA.

A

Motus, si tardus est, ex comparatione vicini corporis quiescentis percipitur.



INTER cetera externa præsidia, quibus aspectus in cognitionem motus velut manu ducitur, familiarissimus ille est, quo facta collatione eius quod mouetur, cum vicino aliquo corpore quiescente, moueri illud colligit, cum intercapedinem vtriusque sensim ac successiue augeri minuiue animaduertit. Certissimum enim motus indicium est distantie euariatio. B

Hæc ratio motum cognoscendi tametsi per frequens sit, maximè tamen in tardioribus motibus locum habet. Hi namque cum per se minus conspicui sint, non rectè ex organi visui motu, aut ex loci ipsius situsve mutatione, aut ex speciei visibilis per sensorij superficiem discursu cognosci possunt. Siquidem hæc diagnostica signa non minus obscura sunt, quàm ipsi motus, cum eadem in illis tarditas spectetur, quæ in ipsis externis motibus. Quare diuina prorsus ratione effectum est, vt motus (cuius cognitio ad humanam vitam societatemque tuendam quam maximè est necessaria) pluribus modis dignosceretur; è quibus aliqui semper præstò essent, quorum ope facultas cernendi in aliorum defectu vti posset. Sic nubes ferri ex proximarum ædium aspectu cognoscimus, præsertim cum de earum velocitate aut tarditate certiores fieri volumus; hæc enim non æquè in patente campo percipi possunt, ac vbi propinqua quædam sunt signa, quorum intuitu cognitio iuuetur. Sic cælòs variis motibus circumferri ex mutatis siderum intervallis certò colligimus: sic præterlabentes amnes ac naues ex riparum vicinitate: sic denique rerum ferè omnium lationes nulla re promptiùs euidentiùsque, quàm ex quiescentium corporum propinquitate tacita quadam argumentatione obseruamus: tum verò maximè cum tardiòres sunt motus, qui nisi proximi alicuius signi quiescentis intuitu, percipi nulla alia ratione possunt. C

PROPOSITIO LIII. THEOREMA.

D

Quæ tardè mouentur, non moueri, sed mota esse deprehenduntur.



PROPRIUM est tardioribus motibus, vt ex comparatione corporis quiescentis agnosci debeant, quemadmodum antecedente propositione ostensum est, quòd scilicet ipsi per se non satis conspicui sint. Vnde ex continua euariatione distantie, quæ inter id quod mouetur, & id quod quiescit corpus interiacet, discernuntur. at quemadmodum ipsi motus per se obscuri sunt propter tarditatem, ita ipsæ quoque euariationes distantie sensibili tempore sint insensibiles. E

Quocirca moueri illa quidem non percipimus, cum spatia, quæ sensibili tempore conficiuntur, sensum penitus effugiant: sed mota esse post longiorem temporis moram deprehendimus, cum primùm nempe spatij decursi quantitas sensibilis esse incipit. Sic arbores videmus creuisse, non crescere; sic horologiorum indices, vmbraque gnomonis signa horarum pertransiisse, non circumagi; sic demum quæcumque tardè feruntur, non moueri, sed mota esse deprehendimus; quod erat ostendendum.

Est verò ea cognitio tempore interrupto, quàm continuato, magis conspicua: plus namque discriminis inter priorem & longè posteriorem mutationem intercedit, quàm hanc inter & proximè antecedentem. quare continuo intuitu minus perspicuæ sunt mutationes, quàm interrupto. Quod experientia quoque attestatur; nam adolescentium incrementa, non ita animaduertunt contubernales, qui illos perpetuò vident, vt illi, qui longa interposita mora, cum antè pueros nossent, iam viros mirantur. Quod & in ceteris grauioribus mutationibus quæ successiue fiunt, licet animaduertere. Quapropter superuacaneum foret plura huius farinae exempla attexere, cum res ipsa per se sit notissima. F

PRO-

A

PROPOSITIO LIV. THEOREMA.

*Quies percipitur è visibili eundem locum situmq̄
tempore sensibili obtinente.*

B

DE FIXA oculorum acie in rem quampiam sensibili tempore, si ea nullo temporis momento locum situmve mutasse deprehensa fuerit, quieuisse rectè iudicabitur: si enim mota fuisset, locum situmve mutasset; siquidem loci sensibili tempore situmve mutatio in definitionem motus venit: igitur si constans eodem loco situq̄ cognoscitur, quiescere conuincetur.

Quies ergo è visibili eundem locum situmq̄ tempore sensibili obtinente colligitur, quod erat probandum.

Scire autem quis volet, quo argumento res locum nullo temporis puncto mutasse cognoscatur. Respondeo non simplici aspectu aut solo intuitu id percipi, sed ex plurium negatione; si nimirum neque oculus mora aliqua temporis contuendo loco sit mutatus, neque res distantiam aut magnitudinem variauerit, neque alia pars sentientis organi sit affecta, neque aliud quidpiam deprehensum sit, vnde loci mutationem consequi sit necesse. Horum enim si nihil deprehensum sit, quieuisse id quod videtur, tractu illo temporis certissima ratiocinatione colligitur.

C

DE MEDIORVM OBIECTORVM COGNITIONE.

D

LIBRO primo prop. 29. à communium obiectorum numero reiecimus

TRANSPARENTIAM OPACITATEM, VMBRAM
TENEBRAS, SIMILITVDINEM DISSIMILI-
TVDINEM, PVLCHRITVDINEM DEFORMITA-
TEM; quamuis nonnulli ea inter communia adnumerent: at per-

peram nostra quidem sententia, quòd nullo alio sensu, quàm visu dignoscantur. Non sunt autem de genere illorum quæ eo loci propositione 28. propria diximus, quòd non tam visu, seu facultate cernendi oculis insita, quàm interno sensu communium obiectorum more colligantur, ut ex singulorum enarratione palàm fiet.

Quare media illa inter propria & communia esse ostendimus, utpote quibus com-
E mune aliquid cum vtrisque intercedit. Nam cum propriis hoc conueniunt, quòd nullo alio sensu cognoscantur, quàm visu: qua nota non tantum à communibus, verum etiam ab iis quæ ex accidenti sub aspectum cadunt, distinguuntur. Hæc enim uti communia aliis quoque sensibus ex accidenti sese ingerunt, velut corporea substantia sub tactilibus qualitatibus delitescens æquè tactu ac visu sub aspectabilibus ex accidenti percipitur: at media quæ vocamus obiecta solo hauriuntur aspectu, quod ex ceterorum sensuum dignotionibus patet. Communibus verò obiectis media in hoc consentiunt, quòd
F eorum species ac formæ visibiles non sint à speciebus colorum aut luminis reipsa diuersæ, sed vel modi harum tantum, aut earum priuationes, qua nota à propriis discriminantur.

De his igitur, quæ media obiecta vocamus, post communium explanationem pauca dicenda supersunt coronidis loco, ut huius libri epilogum claudant.

PRO-

PROPOSITIO LV. THEOREMA.

*Transparentia è rebus post trans corpus interiectum
apparentibus syllogismo colligitur.*

PER se quidem corpus diaphanum non videtur, nisi qua portiunculam aliquam opacitatis habet, vt libro primo propositione 53. ostendimus. Quæ verò mixtam habent perspicui atque opaci naturam, vt chalcidonium, cornu in laminas diductum, charta oleo perlita, ac similia, per hæc turbida quædam eaque pertenuis lux conspicitur, quemadmodum & per suffusiones: at formæ colorum, aut figuræ, lineamentaq; rerum non transparent. Vnde qui suffusionibus infestantur, præter confusam lucem nihil horû accurate dignoscunt. Quò porrò lux quædam per hæc corpora traicitur, eatenus diaphana quodammodò esse iudicantur. Sic igitur se habet natura perspicui, vt ex transmissione specierum, rebusque post trans corpus spectatis dignoscatur. qua in re mens apud se tacite in hunc modum ratiocinatur: Diaphanum esse oportet id, quod spectabiles rerum formas transmittit, vt ex ipsius natura libro primo explicata manifeste constat: at rerum propositarum species seu formæ visibiles per hoc interiectum corpus transfuehantur (siquidem per ipsius densitatem res apparent videnturque:) igitur ex rerum post trans interiectum corpus apparentium intuitu ipsa *diapareia* argumentando colligitur, quod erat propositum. B
C

PROPOSITIO LVI. THEOREMA.

Opacitas ex aspectus prohibitione percipitur.

VT diaphana corpora lumen formasq; rerum spectabiles ad visum transmittunt, sic adiopta has ipsas prohibent, atque obtutum ab eorum conspectu arcant, vt fusius libro primo propositione 53. est explicatum: ex quo fit, vt visum terminent ac finiant, ne scilicet ulterius protendantur. Sunt autem eiusmodi ea omnia corpora quæ colore aliquo aut luce fulgent, vt libro primo propositione 31. demonstrauimus. Cum enim in termino visus, quem horopterem libro secundo nominauimus, vniuersa conspiciantur, atque omnium perspicacissimè in axium opticorum concursu, vt propositione 10. libri secundi ostensum est: sanè si corpora quæ colore aut luce uidentur, quæque ad ciendum aspectum sunt comparata, perspicua essent, visum non terminarent, ac adeò minùs exacte perspicerentur. nunc verò opaca illa esse oportuit, vt visum terminent. Si igitur propositum aliquod corpus ita aspectum definiat, vt nullo modo ultrà progredi patiatur, opacum illud esse visus certissimò concludet, argumento ex natura opaci desumpto, cui proprium est aspectum à rebus post ipsum existentibus arcere. D
E

PROPOSITIO LVII. THEOREMA.

Vmbra ex vicinia lucis maioris spectatur.

QUAM QVAM vmbra lucis maioris priuatio quodammodò fit, eo nimirum sensu, quo lux minor non continet maiorem; non tamen absolute priuatio lucis dici potest, vt quidam malè arbitrantur, sed lux minor in luce maiore. Vnde lux secunda primæ comparatione est vmbra, & tertia cum secunda collata vmbra est, sicq; deinceps sequens semper prioris, hoc est minor maioris respectu dicitur vmbra: at tertia lux secunda, id est minor semper maiore densior est atque obscurior vmbra. F

Quapropter vmbra (quam lucem minorem iam esse constat) in minore luce existens, non vmbra sed lux absolute dici debet, nec eius comparatione vt vmbra cernitur, sed vt lux. Ex quo fit, vt vmbra, hoc est lux minor nequeat vt vmbra spectari, nisi in maioris lucis vicinia, quæ clariùs quàm illa elucescat.

A

PROPOSITIO LVIII. THEOREMA.

Tenebra ex totius luminis absentia cognoscuntur.

NON secùs umbra ac lux ipsa intensione & remissione euariat, semperque lux minor maioris collatione umbræ rationem habet. hinc autem fit ut nusquam umbra propter diminutionem deficiat; nisi ubi in tenebras, hoc est, in meram luminis priuationem desinit. Quare si ita obscura sint omnia, ut nullum omnino lumen spectetur (licet exiguum quoddam reuera adhuc supersit) has tenebras dicemus. At quandoquidem nullo umquam tempore id euenire potest, solemus densissimas umbras tenebras nuncupare; cum nimirum adeò obscuræ sunt, ut ne minimi quidem luminis appellationem mereantur. Sicq; accipienda est propositio, ut tenebræ ex totius luminis conspicui priuatione dignosci intelligantur: sic ut tum affusas rebus tenebras mens iudicet, cum externus visus nullum in aère lumen perspicuè deprehendit.

PROPOSITIO LIX. THEOREMA.

Similitudo ex conuenientia, dissimilitudo ex diuersitate visibilium formarum, virtute sensus communis elicitur.

DE ea tantum similitudine ac dissimilitudine hoc loco agimus, quæ in visibilibus qualitatibus reperitur; non autem de ea quæ in ceteris: hæc enim ad alios sensus spectat; nempe sonorum similitudo ac dissimilitudo ad auditum, odorum ad olfactum, saporum ad gustatum, tactilium qualitatium ad tactum; sic inquam visibilium qualitatium similitudo & dissimilitudo ad aspectum pertinet.

Hanc autem ex visibilium specierum similitudine ac dissimilitudine percipi ita demonstratur: Communi sensui ea vis inest, ut sensibilibus formarum proprias differentias agnoscat & distinguat, ut libro primo propositione 88. est declaratum. In quibus ergo visibilibus speciebus nullum discrimen visus perspiciet, harum primitiuas qualitates similes esse iudicabit; in quibus verò discrimen animaduertit, harum qualitates dissimiles arguet. Nam species, rebus à quibus profiliunt, similitudine quadam respondent, non quoad naturam, sed repræsentandi vi ac proprietate, ut libro primo propositione 45. ostendimus. Quare quæcumque discrimina ac similitudines speciebus insunt, has rebus primum inesse, velut in origine, necesse est, atque hinc in species transfundi, quæ postmodum, quidquid in obiectis existit, aspectui repræsentat.

PROPOSITIO LX. THEOREMA.

Pulchritudo ex omnium visibilium proprietatum symmetria, turpitudine verò ex earundem asymmetria per discursum comprehenditur.

PLATO in Hippiæ maiore apertè docet vim pulchri percipi primum ratione & intelligentia; deinde duobus sensibus, aspectu & auditu. Pulchrum enim illud censetur, quod ex grata iucundaque earum intentionum, quæ sub aspectum cadunt, proportionem constat. Absolutè illud quidem, in quod omnes omnino ex intentiones symmetræ conueniunt; ex parte vero id, in quod aliquæ tantum, reliquis existentibus asymmetris, è quibus turpitudinis deformitatisque nota colligitur. Interdum enim ex vnus aut alterius visibilis proprietatis mensura, aliàs ex plurium simul commensuratione pulchritudo æstimatur. Nam quibusdam in rebus sola magnitudo aut paruitas decori est, aliis figura gratiam confert, in nonnullis situs commendatur, in aliis ordo ac dispositio, sicque in ceteris, plurimum verò, ut est apud Aristotelem lib. 4. de diuina sapientia secundum Ægyptios cap. 5. in colore atque figura pulchritudo versatur, prout hæc sua moderatione oblectant: quorum omnium exempla superuacaneum esset recensere, quippe cum in vnoquoque rerum genere innumera pænè cuius occurrere possint.

R

Specta-

Spektatur verò etiam ea proportio quæ venustatem confert, non tantùm ex rei ipsius A natura, quemadmodum pulchrum illud in quouis genere dicitur, quod eam habet omnium partium compositionem, quam vsus functioque, ac finis, ob quem instituta res est, obtinuit; verùm etiam ex consuetudine ac hominum opinione.

Ex sine propriaque functione laudabilis ille est equus, cui

Virgil. 3.
Georg.

— ardua cervix

Argutumque caput, brevis aluus, obesaque terga,
Luxuriatque toris animosum pectus: honesti
Spadices, glaucique: color teterrimus albis,
Et giluo: tum si qua sonum procul arma dedere,
Stare loco nescit, micat auribus, & tremit artus,
Collectumque premens voluit sub naribus ignem.
Densa iuba, & dextro iactata recumbit in armis:
At duplex agitur per lumbos spina: cavatque
Tellurem, & solido graviter sonat ungula cornu.

B

cui inquam corpus breve, tibiaque alta & graciles, ad celerem cursum aptiores; caput paruum in erecta ceruice, ne pondere ac mole in anteriorem partem motum præcipitet; cauda densa promissaque, ad motus directionem; volubiles ac micantes oculi, ad circumspeditionem.

Ex consuetudine verò Æthiopibus niger torridusque color albo in hominum corpo- C ribus venustior. Et apud eundem Poetam,

— Optima torua

Forma bouis, cui turpe caput, cui plurima cervix,
Et crurum tenuis à mento palearia pendent.
Tum longo nullus lateri modus: omnia magna:
Pes etiam, & camuris hirtæ sub cornibus aures.
Nec mihi displiceat maculis insignis, & albo:
Aut iuga detrectans, interdumque aspera cornu,
Et faciem tauro propior, quæque ardua tota,
Et gradiens ima verrit vestigia cauda.

D

Denique ex hominum opinione illud omnino excellentius augustiusque existimatur, quod vniuscuiusque ingenio ac propensione magis est accommodatum. Cuius rei exempla in nulla re clarius, quam in pictoria elucet. Natura enim melancholici gravitatem in omnibus affectant, mansueti ac phlegmatici quamdam etiam in rebus ferocibus modestiam ac suavitatem: quorum ingenium acre & audax, hi figuras magnas, gestus liberales, vestes profusas, & omnia maiore efficacia atque energia depingunt: quibus angustus est animus, pectusque suppressum, his parvæ figuræ magis arrident, in quibus res ipsas mutilas contractasque efformant. Qualia nempe unusquisque animo concipit iuxta naturæ inclinationem, talibus delectatur & capitur, eademque præ ceteris sibi effingit, deligit atque collaudat.

E

Ex quibus perspicue inferri potest, pulchri ac turpis æstimationem ex ratione magis quam ex aspectu pendere, tametsi qualitates illæ, in quibus pulchritudo ac turpitudine consistit, visu percipiuntur. Cuius rei id quoque magnum est argumentum, quod hæ proprietates à subiecto nequaquam emanent: si enim è subiecto prodirent, oporteret pro maiore subiecti quantitate maiorem quoque pulchritudinem turpitudinemque existere: atqui animaduertimus in paruo corpore formam non minus, imò etiam interdum magis oblectare, quam in magno: igitur non ipsius pulchritudinis ratio, sed fundamentum in corpore est positum. Atque eapropter pulchritudo atque deformitas solo intellectu per discursum, non verò externo visu percipiuntur; quod erat propositum.

FRANCISCI AGVILONII

E SOCIETATE IESV

OPTICORVM

LIBER QVARTVS

DE

FALLACIIS ASPECTVS.



ARGVMENTVM.

RECENSITIS superiore libro communium obiectorum cognitionibus, ad aspectus errores (quod antè non semel promisimus) gradum facimus. Sunt verò ij adeò crebri ac varij, vt meritò dubitare quis possit, sapiùsne visus hallucinetur, quàm rectè sentiat. cùm enim communium obiectorum cognitiones, in quibus potissimùm fallaciae aspectus contingunt, non ita sint certæ ac euidentés vt propriorum, quemadmodum ex superiore libro constat, non dubium est, quin circa ea innumeris ferè modis hallucinetur aspectus. Sic prouidus naturæ machinator Deus Opt. Max. nobilissimam oculorum vim atque efficaciam attemperauit, vt ceteris quidem sensibus dignitate

præstaret, at mente inferior esset, tum propter ignobiliorem naturæ conditionem, tum ^A propter incertitudinem functionis. Si namque semper erraret, nulla existeret in rebus scientia, quod ineptè Academici contendebant. Si autem nulli errori subiaceret, ut Epicurei, plus oculis quàm rationi concederetur. Porro eundem ordinem hoc libro obseruaturi sumus, quem superiore in communium obiektorum dignotionibus explicandis tenuimus. Ac primùm quidem errores, qui circa distantiam eueniunt; deinde eos, qui circa magnitudinem, tum ceteros deinceps, ea breuitate, quam res concedent, prosequemur: duo in singulis obseruantes, alterum ut erroris causam assignemus, alterum ut ^B quo pacto mens, aut ceteri sensus errorem corrigant, aperiamus. His enim ea omnia comprehendendi videntur, quæ de proposita materia dicenda occurrent. At verò quia multæ sunt causæ quibus aspectus variè eluditur, ut mox secunda hypothesi ostendemus; duas ex his, nempe radiorum infractionem ac eorundem repercussionem, hoc libro non attingemus, erroribus etiam, qui ex his proueniunt, in causarum tractationem reiectis. Nam de repercussione, usque quæ eam consequuntur in Catoptricis; de refractione verò in Dioptricis, Deo iuuante, ex instituto agemus. Nunc prius quàm ad propria ^C huius tractationis accedamus, præter ea quæ ut per se nota concedi ab omnibus debent, nonnulla etiam Lemmata præmittemus, quorum usus in demonstrationibus huius libri frequentior erit: quæ eo consilio in unum simul locum congeessimus, ne eorum crebra usurpatio, plerasque demonstrationes per se obscuras satis, etiam reddat difficiliore; atque ob id vel maximè, quòd ea non propriè ad materiam nobis hoc libro propositam spectent; sed iis etiam quæ sequentibus libris dicturi sumus, toti quæ Mathesios facultati uniuersè conducant. Quare

Lemmata si quæris cur sint hîc scripta, docebo: ^D

Ut si malueris, lemmata sola legas.

Ad extremũ hoc te monitum Lector volo, pluribus consecutariis hunc librum respersum esse quibus Optices utilitas edocetur; quod & sequentibus libris, Deo propitio, obseruaturi sumus, ubi res postulabit. Ea verò à propositionibus seiuncta tradidimus, quòd sinceram opticorum theorematum naturam non habeant; sed potiùs effectus quidam esse videantur, quos Optice ex se fundit.


LEMMATA. ^E

LEMMA I.

Æqualium similiterq; oppositarum magnitudinum propinquior sub maiore, remotior verò sub minore angulo conspicitur.



STO UT AB & CD æquales magnitudines visui E eodè opponantur modo, fit verò AB propinquior visui quàm CD: dico AB sub maiori angulo spectari quàm CD, hoc est maiorem esse angulũ AEB, quàm fit angulus CED. Cùm enim AB & CD eodem modo visui opponantur, necesse est illas esse parallelas, ut in definitionibus ad proposit. 31. libri 3. expositum est. Quare si recta EF vni perpendicularis ducta fuerit, ea erit alteri quoque perpendicularis. Secet igitur EF ipsam AB ad angulos rectos in G: erit ergo angulus



Angulus AGE rectus, ac proinde & CFG rectus erit, utpote alternus per 29. primi Euclidis. Quocirca fingatur triangulum AEB ita moueri versus lineam CD , ut puncta E & G à recta EF non discedant, quousque AB in CD incidat, cui exactè congruet, cum ipsi posita sit æqualis. Itaque punctum A in C , & punctum B in D cadet; vertex autem E in H , ubi nimirum est FH ipsi GE æqualis. Iunctis igitur CH & DH fiet triangulum CHD triangulo AEB æquale, cuius vertex H intra triangulum CED cader, cum posita sit EF maior quàm EG atque etiam quàm HF ipsi EG æqualis. Quapropter per 21. primi Euclidis, erunt CH & DH minores quidem quàm CE & DE , at angulus CHD maior angulo CED erit: est verò angulus CHD angulo AEB æqualis: igitur & angulus AEB angulo CED maior erit; quod propositum erat demonstrare.

Potest idem hoc quoque alio modo demonstrari. Sit centrum visus E ; duæ autem magnitudines æquales AB & CD inæqualiter à visu distantes, similiterque oppositæ: quæ proinde parallelæ erunt, ut supra: sit verò AB propinquior. Ab extremitatibus autem vtriusque magnitudinis radij educantur ad visum AE , BE , CE , DE ; à quibus duo complebuntur triangula AEB & CED , iunganturque extrema propositarum magnitudinum rectis AC & BD , quæ per 33. libri primi Euclidis parallelæ erunt & æquales. Quare radius CE non transibit per punctum A , neque radius DE per punctum B , aliàs enim esset CAE vna recta linea, similiterque & DBE , ac proinde lineæ CA & DB productæ concurrent in puncto A ; quod impossibile est, cum sint ostensæ parallelæ. Palàm igitur, quòd C radij CE & DE intersecent magnitudinem AB in locis exempli gratia F & G . Quocirca minor erit FG ipsa AB , pars videlicet tota: igitur & angulus AEB angulo $FE G$ ut totus sua parte maior erit; quod erat demonstrandum.

LEMMA II.

Aspectui viciniora evidentius cernuntur.

CVM enim per proximè antecedens lemma propinquiora maioribus angulis cernantur, sit ut in propinquieribus obiectis minutissimæ quædam partes angulo sensibili contineantur, quæ in remotioribus angulos subtendunt imperceptibiles. **D** Quare in remotioribus obiectis multæ quædam partes latent, quæ patent in vicinioribus: at evidentius perfectiusque illa videntur, quorum partes visus enucleatius distinguit; hæc autem sunt quæ maioribus angulis comprehenduntur: igitur quæ aspectui viciniora sunt, ea perspicacius dignoscuntur.

Deinde alia quoque est huius rei certissima demonstratio ex natura simulacrorum desumpta. Nam ea perspicacius videntur, quorum imagines sunt viuaciores; hæc siquidem fortius agunt: at formæ aspectabiles quò propinquiores sunt suæ origini, eò sunt robustiores; inde autem longius prouectæ sensim languescunt, tum suapte natura, quam cum ceteris qualitatibus, quæ sphaera actiuitatis definiuntur, communem habent; tum propter lumen cuius ope ad organum vehuntur, & cuius etiam vi formæ ipsa natura sua **E** inertes agunt. At lumen longius à corporibus repercussum hebetatur, ut ceteræ qualitates omnes. Ergo & specierum actio è longinquo segnior, è propinquo vegetior est. Quocirca & visio rerum longè distitarum obscurior, viciniorum autem perspicacior est; quod erat demonstrandum.

LEMMA III.

Cum quatuor magnitudinum prima fuerit maior quàm tertia, secunda verò minor quàm quarta; maior erit proportio prima ad secundam, quàm tertia ad quartam.

HOC confectarium est ex octaua propositione quinti elementorum Euclidis, cuius etiam ope potest hoc lemma demonstrari. Sint propositæ quatuor magnitudines, **A** prima maior quàm **C** tertia; & **B** secunda minor quàm **D** quarta: dico maiorem rationem esse A ad B quàm sit C ad D . Quoniam enim magnitudo A maior ponitur quàm C , habebit A maiorem ad B , quàm C ad eandem B per priorem partem proposit. 8. quinti Euclidis, sed quia ex eadem hypothesi minor est B quàm D ; habebit C ad B maiorem rationem quàm eadem C ad D , per posteriorem partem

tem eiusdem 8. propos. quinti Euclidis. Est igitur multo maior proportio magnitudinis A ad B primæ ad B secundam, quàm C tertiæ ad D quartam, quod erat demonstrandum.

LEMMA IV.

Propositis quatuor magnitudinibus, si prima ad secundam maiore rationem habuerit, quàm tertia ad quartam; sit verò prima secunda æqualis; erit tertia minor quàm quarta: at si tertia & quarta æquales fuerint, erit prima quàm secunda maior. B

SINT quatuor magnitudines propositæ A, B, C, & D, habeatque A ad B maiorem rationem quàm C ad D; sitque insuper A ipsi B æqualis: dico C quàm D minorem esse. Ponatur enim E ipsi D æqualis, ac proinde eandem proportionem habens ad D quam A ad B: iam si ordo magnitudinum immutetur, fiatque E prima, D secunda, tertia A, quarta B, quinta C, & D rursus assumpta sexta, licebit ex 13. quinti Euclidis in hunc modum argumentari: Cùm sit per constructionem quemadmodum prima ad secundam, hoc est, E ad D, ita tertia ad quartam, id est, A ad B; habeatque A tertia ad B quartam maiorem rationem, quàm quinta C ad D sextam per hypothesin: prima quoque nempe E, per eandem 13. quinti Euclidis, ad D secundam maiorem habebit rationem, quàm quinta C ad eandem D sextam. At per 10. quinti Euclidis ad eandem, puta D, rationem habentium, quæ maiorem rationem habet, scilicet E, illa maior est. Igitur C minor est quàm E, ac proinde etiam minor quàm D, quæ ipsi E ex constructione æqualis est.


Si autem C ipsi D æqualis sit, dico A maiorem esse quàm B. nam si assumatur E ipsi B æqualis, ad quam proinde A eandem rationem habeat, quàm ad B, sitque A prima, E secunda, tertia iterum A, quarta B, quinta C, & D sexta, sic rursus formabitur demonstratio similis priori, ex 13. quinti Euclidis desumpta. Quemadmodum A ad E, ita per constructionem A ad B: sed per hypothesin A ad B maiorem rationem habet quàm C ad D: ergo & A ad E maiorem habet rationem, quàm C ad D: at eadem facta est proportio B ad E, quæ est C ad D: igitur si maior proportio est A ad E quàm C ad D, erit & A ad E maior proportio, quàm B ad eandem E. Sed per 10. quinti Euclidis ad eandem, puta E, rationem habentium, A quæ maiorem rationem habet quàm B, illa maior est; quod erat demonstrandum.

LEMMA V.

Si duo trianguli latera inæqualia fuerint, basisque secta bifariam; qua à vertice ad basis sectionem applicatur, angulum qui ad verticem in duos inæquales partitur: quorum is maior est, qui minore latere; is verò minor, qui maiore continetur. E

SVNTO trianguli ABC duo inæqualia latera, AB quidem minus, AC verò maius: basis autem BC secta sit bifariam in D, & ad eius sectionem D ab A vertice recta applicetur AD: dico angulum BAD angulo DAC maiorem esse.


Producta enim BA in E, ductaque CE ipsi DA parallela, erunt per secundam sexti Euclidis BA & AE æquales, quoniam BD & DC æquales sunt positæ: at AC maior est ex hypothesi quàm AB: ergo eadem AC ipsa AE maior erit. Quare per 18. primi



Euclidis, maior erit angulus E quàm angulus ACE: sed angulo ACE æqualis est angulus CAD per 29. primi Euclidis, & angulo E angulus BAD est æqualis per eandem 29. primi Euclidis: ergo maior est angulus BAD quàm DAC angulus; quod erat demonstrandum.

Idem


- A** Idem potest in hunc quoque modum demonstrari: Intra idem triangulum ABC à puncto D , in quo basis BC est diuisa bifariam, recta ducatur DE ipsi AC parallela. Quoniam æquales sunt positæ BD & BC , erunt & BE & EA æquales per secundam sexti Euclidis. Rursus, cum AC maior ponatur quàm AB , erit & DE quàm BE maior per quartam sexti Euclidis. Quare eadem DE ipsa quoque AE maior erit; quod videlicet AE sit ipsi EB iam ostensa æqualis. Erit igitur per 18. primi Euclidis angulus DAE angulo ADE maior; sed angulo ADE æqualis est DAC angulus per 29. primi Euclidis: igitur angulus BAD angulo DAC est maior, quod erat demonstrandum.



LEMMA VI.

Si duo triangula super æqualibus basibus ad idem punctum constituentur, eius minor erit ad verticem angulus, cuius latera, excepta basi, sunt maiora, & ad basin anguli obliquiores.

- C** **D**VO triangula super æqualibus basibus BC & DE ad idem punctum A constituentur: vnum quidem ABC maioribus contentum lateribus, alterum verò ADE minoribus: sint verò anguli ABC & ACB obliquiores angulis ADE & AED , sic vt maior maiori comparatus, & minor minori, maior vnus trianguli angulus, sit maior maiore alterius trianguli angulo, & minor vnus alterius minore minor: vt ACB maior quàm AED , ABC verò quàm ADE minor: dico eorum qui ad verticem sunt angulorum BAC quàm DAE minorem esse.



- D** Nam per alterutrum punctorum C aut D , vbi latera AC vel AD obliquè in lineam BE incidant, ex centro A circulus describatur $FCGH$. Hunc secabit BE per 16. tertij Euclidis, propterea quòd BE quæ ad C extremitatè semidiametri AC applicatur, non sit eidem AC perpendicularis ex hypothesi. quare pars eius, nempe BC extra, pars verò nempe CE intra circulum cadet. Ex quo necessariò consequitur, vt triangulum ABC maius sit sectore AFC ; triangulum verò ADE sectore AGH sit minus. Igitur si primo loco sumatur triangulum ABC , secundo loco triangulum ADE , tertio sector AFC , quarto sector AGH , erit per 3. lemma maior proportio trianguli ABC ad triangulum ADE , quàm sit sectoris AFC ad AGH sectorem: at triangula sunt vt bases per 1. sexti Euclidis: & sectores velut arcus quibus insistent per 33. sexti Euclidis. Ergo maior est ratio basis BC ad basin DE , quàm sit arcus FC ad arcum GH : sed vt arcus FC ad arcum GH , ita est angulus BAC ad DAE angulum per eandem 33. sexti Euclidis: est igitur maior ratio basis BC ad basin DE , quàm anguli BAC ad angulum DAE : ergo cum basis basi æqualis sit ex hypothesi, erit angulus BAC angulo DAE minor per 4. lemma, quod erat demonstrandum.

LEMMA VII.


- F** *Triangulorum super eadem basi, & in iisdem parallelis constitutorum, minimus est ad verticem angulus, cuius maximum est alterum eorum, quæ præter basin sunt, latera.*

SINT super eadem basi BC , & in eisdem parallelis BC , AF descripta triangula BAC & $BD C$; trianguli autem $BD C$ latus BD maximum sit eorum, quæ præter basin sunt, laterum: dico angulum $BD C$ angulo BAC minorem esse.

Si enim ponantur AE & DF æquales ipsi BC , erunt hæ quoque ipsæ inter se æquales, per primam communem notionem Euclidis. deinde si à puncto C ad E & F rectæ perducantur lineæ CE & CF , erit CE ipsi BA , & CE ipsi BD parallela per 33. primi Euclidis,

quia nimirum AE & BC , item DF & BC æquales sunt & parallelæ.


His ita constructis positisque, cum in duas parallelas AB & EC recta incidat linea AC , erit per 29. primi Euclidis, angulus ACE angulo BAC æqualis, nempe alternus: sic cum in parallelas BD & CF recta incidat linea DC , erit per eandem 29. primi Euclidis angulus DCF angulo BDC æqualis: at per sextum superius lemma minor est angulus DCF quàm ACE angulus: igitur & BDC angulus angulo BAC minor erit, quod erat demonstrandum.



LEMMA VIII.

Si duo triangula ad eundem verticem constituta inæquales habuerint bases, quarum maior complectatur minorem, eius maior erit ad verticem angulus, cuius basis maior fuerit.


DVO exponantur triangula ABC & ABD ad eundem verticem B constituta, sitq; trianguli ABD basis AD , basi AC trianguli ABC communis, maior autem AC quàm AD : dico & angulum ABC angulo ABD maiorem fore. Nam angulus ADB maior est angulo ACB per 16. primi Euclidis: addito ergo communi angulo A , erunt per communem notionem duo anguli ADB & A duobus ACB & A maiores. Cum ergo per 32. primi Euclidis tres anguli unius trianguli tribus angulis alterius sint æquales, nempe duobus rectis pares, relinquetur ABC angulus angulo ABD maior, per 3. communem notionem Euclidis; quod erat demonstrandum.



LEMMA IX.

Si duo triangula ad eundem verticem constituta æquales & parallelas ac similiter positas habuerint bases, eius maior erit ad verticem angulus, cuius basis vertici propinquior fuerit.

SVNTO æquales & parallelæ, ac similiter positæ bases BC & DE , in quibus duo triangula constituantur ad eundem verticem A : sit verò BC ipsi A propinquior quàm DE : dico angulum BAC angulo DAE maiorem esse. Cum enim in parallelas iam datas lineas BC & DE rectæ incidant lineæ AD & AE quæ ipsam BC secant in C & F , erunt in triangulis AFC & ADE anguli ACF & AED item AFC & ADE æquales: est autem DAE angulus vtrique triangulo communis: igitur æquiangula sunt ipsa triangula AFC & ADE . Quare per 4. sexti Euclidis, ut AC ad AE , ita se habet CF ad ED : sed AC minor est ipsa AE quia C vertici A propinquior est posita quàm E . Itaq; & CF ipsa ED minor erit. Ergo FB extra triangulū DAE procurrat, ac proinde per 16. primi Euclidis, angulus ABC angulo AFC minor erit, cumque angulo AFC æqualis iam ostensus sit angulus ADE , erit ABC angulus ipso quoque ADE minor: sunt verò anguli ABC & CAB simul sumpti angulis ADE & EAD simul sumptis æquales, propterea quòd ACB ipsi AED ostensus sit æqualis, & per 32. primi Euclidis tres anguli unius trianguli tribus alterius trianguli angulis sint æquales. Demptis igitur vtriusque C & E æqualibus angulis, relinquentur, ut dictum est, duo ABC & CAB duobus ADE & EAD æquales, à quibus si inæquales auferantur B & D , relinquentur inæquales, maior quidem CAB à detracto minore B relictus, minor autem EAD , qui ablato D maiore residuus est; quod erat demonstrandum.



- A Similiter verò poni hoc loco parallelas bases intelligimus, cum crura, quæ à vertice ad remotiorem basin protenduntur, neutiquam extra propinquiorem basin cadunt.
- Porro vniuersalius est hoc theorema illo, quod in solis isoscelibus triangulis à nonnullis proponitur hoc modo: *Isoſcelium triangulorum super æqualibus basibus constitutorum, eius maior est ad verticem angulus, cuius minora sunt crura.* Quæ propositio etſi illorum instituto fuerit satis, nobis tamen propter vniuersalioſum vſum, fuſiori ſenſu hoc theorema ponere neceſſe fuit.

LEMMA X.

- B *Si alteram parallelarum ſecet quapiam reſta linea, hac producta ſecabit & reliquam: oportet autem ſecantem cum parallelis in eodem plano exiſtere.*

HÆC Procli aſſumptio eſt ad proſitionem 29. libri primi Euclidis vſurpata, qua primùm demonſtrare nititur illud ſiue poſtulatam, ſiue communem notionem, quod ſic ſe habet: *Si in duas reſtas lineas altera reſta incidens, internos ad eaſdemq; partes angulos duobus reſtis minores faciat, dua ille reſta linea in infinitũ producta ſibi mutuò incident ad eas partes, ubi ſunt anguli duobus reſtis minores.* Vnde multa quæ circa parallelas proponuntur dependent. Cumq; illud Euclidis pronuntiatum à doctiſſimo Clauio aliter iam ſolidiùſque quàm à Proclo ſit confirmatum, licebit nobis hoc lemma aliter quoque, quàm Proclus fecit, demonſtrare. Ille enim huius ope parallelarum naturam proprietatemq; erat explicaturus, quam proinde aſſumere ipſi non licuit; nos verò ea iam ſuppoſita, atque ex alio capite comprobata, proſitionem hanc demonſtrabimus; quod etiam Vitello fecit libro primo proſitione 2.


Sint ergo dua parallelæ reſtæ lineæ AB & CD , in quarum alterâ AB reſta incidat linea EF : hanc dico vlteriùſ productam ſecare & reliquam CD in G , ſiquidem in eodem ſit cum parallelis plano. Si enim EF quantumuis producta non concurrat cum interminata CD , parallela erit eadem EF ipſi CD per parallelarum definitionem. ſunt enim parallelæ, quæ in infinitum productæ numquam concurrunt. Quòd ſi EF ipſi CD conceditur parallela, & ipſi AB parallela erit per 30. primi Euclidis: hoc autem hypotheſi aduerſatur. nam EF in ipſam AB incidere, eamq; ſecare ſupponitur: itaque neceſſe eſt EF productam, cum infinita CD tandem concurrere; quod erat proſiſitum.



LEMMA XI.

- E *Si inter duas parallelas reſtas lineas dua reſta linea ſe mutuò ſecent, erunt ſegmenta vnius ſegmentis, alterius proportionalia.*

INTER AB & CD parallelas reſtas lineas, dua reſtæ lineæ AD & BC ſe mutuò ſecent in E : dico ita eſſe AE ad ED , quemadmodum eſt BE ad EC . nam in triangulis AEB & DEC angulus EAB angulo EDC , & angulus EBA angulo ECD per 29. primi Euclidis eſt æqualis: angulus verò AEB angulo DEC æqualis eſt per 15. primi Euclidis. Æquiangularia igitur ſunt ipſa AEB & DEC triangula. Quare per 4. ſexti Euclidis proportionalia ſunt illa ipſorum latera, quæ circum æquales angulos exiſtunt. Vt igitur AE ad EB , ita ſe habet DE ad EC ; & alternatim, vt AE ad ED , ſic ſe habet BE ad EC . Sunt itaque ſegmenta vnius ſegmentis, alterius proportionalia; quod erat demonſtrandum.




LEMMA XII.

A

Si in duas rectas lineas parallelas dua recta incidant linea qua se mutuò secant, erunt parallelarum intercepta portiones ut secantium se segmenta.


I S D E M repositis quæ priùs, dico insuper vt AE ad ED , vel vt BE ad EC , ita se habere AB ad DC . Cùm enim triangula AEB & DEC ostensa iam sint æquiangula, erunt per 4. sexti Euclidis illa etiam homologa latera, quæ æqualibus angulis subtenduntur. Igitur quemadmodum AE ad ED , vel BE ad EC , ita erit AB ad DC , quibus æquales anguli insunt ad commune intersectionis signum E constituti; quod erat probandum.



LEMMA XIII.

Si inter duas parallelas rectas lineas dua recta linea se mutuò secant, & per communem sectionem alia ducatur, qua parallelarum interceptas portiones diuidat, erunt & harum portionum segmenta inter se similia.

S I N T vt priùs parallelæ rectæ lineæ AB & CD , inter quas sese AD & BC interfecent ad signum E ; per E autem communem sectionem agatur FG , vt cumque quæ AB & CD secet in F & G : dico ita esse AF ad FB , vt DG ad GC . Nam æquiangula sunt triangula AFE ipsi DGE , item BFE ipsi CGE , quoniam per 29. primi Euclidis æqualis est angulus AFE ipsi DGE , & FAE ipsi GDE ; angulus autem AEF angulo DEG æqualis est per 15. primi Euclidis, sicq; in ceteris. Igitur per 4. sexti Euclidis, similia sunt latera, quæ circum æquales angulos consistunt, nempe vt AF ad FE , ita DG ad GE , & per 16. quinti Euclidis vicissim vt AF ad DG , ita FE ad GE : sed quemadmodum se habet FE ad GE , ita per præcedens lemma se habet FB ad GC : igitur per 11. quinti Euclidis, vt AF ad FB , ita est DG ad GC ; quod erat demonstrandum.



His adiungere placuit sequentia Lemmata ex libro sexto Collectionum mathematicarum Pappi Alexandrini, ad propositiones non paucas apprime vtilia; ad eas præsertim, quæ de obliquo circuli aspectu in fallaciis figura tradentur. Sunt verò hæc Pappi lemmata aliquantulum à nobis immutata, tum vt clariora illa firmioraque redderemus, tum etiam vt proposito nostro magis efficeremus accommodata. Quo nomine nihil de eximia Pappi auctoritate detractum iri existimo, cùm non profiteamur eius hoc loco verba representare; sed tantummodo inuentis vti, quæ ipse hac causa posteritati reliquit. Imò si verum fateri volumus, non modò nihil Pappo decedet; verum etiam accedet non parum perspicuitatis ac luminis confusus eius ac proinde etiam obscuris principis. Quæ enim dicturi sumus de fallacia aspectus nostri in obliquum circulum incidentis, commentarij instar obtinebunt & corollarij respectu principiorum Pappi, quæ antè in confusam congeriem aggregata, determinatum scopum minus obuium habere videbantur: nunc autem & in se futura sunt illustriora, & multiplici velut prole fecundiora, deducta scilicet ex iis doctrina quæ maximum in Mathesi momentum afferre consuevit.

LEMMA

A

LEMMA XIV.


Duorum triangulorum rectangulorum si unius maximum latus ad alterum reliquorum maiorem rationem habuerit, quàm alterius maximum latus ad alterum reliquorum; maior erit angulus sub illis lateribus comprehensus, quæ maiorem rationem habuerint.

B

SINT duo triangula ABC & DEF rectos angulos habentia A & D ; sitque proportio BC ad BA maior, quàm EF ad ED : dico ABC angulum angulo DEF maiorem esse.

Ponatur enim per 12. sexti Euclidis BG eandem habens rationem ad BA , quam habet EF ad ED , ut sit quemadmodum DE ad EF , ita AB ad BG . Manifestum igitur quòd maiorem rationem habebit BC ad BA , quàm BG ad eandem BA : quare per 10. quinti maior est BC quàm BG . Ac rursus

Cùm duo triangula ABG & DEF angulum A angulo D æqualem habeant; sitque ut DE ad EF , ita AB ad BG & angulorum AGB & DFE vterque recto sit minor, erit per 7. sexti Euclidis angulus ABC angulo DEF æqualis. At angulus ABC angulo ABG maior est per 32. primi Euclidis (siquidem A communis est & rectus, itemque angulus ACB angulo AGB per 16. primi Euclidis est minor.) Igitur per communem notionem perspicuum est angulum ABC angulo quoque DEF maiorem esse; quod erat demonstrandum.



Huius propositionis conuersam ex Federico Commandino Urbinate ad 42. proposit. libri sexti Collectionum Pappi in hunc modum licebit demonstrare.

D

CONVERSIO.

Si maior sit angulus ABC quàm DEF : aio BC ad BA , quàm EF ad ED maiorem rationem habere.

PONATUR enim ad punctum B per 23. primi Euclidis, angulus ABG angulo DEF æqualis, erit igitur & AGB angulus angulo DFE æqualis, quòd per 32. primi Euclidis omnes tres duobus rectis sint pares: ac proinde & latera proportionalia erunt per 4. sexti Euclidis: ac totum triangulum AGB toti triangulo DFE simile per primam definitionem libri sexti Euclidis. Cùm ergo concedatur angulus ABC angulo DEF maior esse, idem angulus ABC angulo quoque ABG maior esse conuincetur. Quare per 32. primi Euclidis erit angulus ACB angulo AGB minor: sed angulus CGB maior est angulo AGB : nam per 16. primi Euclidis maior est angulo A qui rectus est. Quoniam igitur per 13. primi Euclidis AGB & BGC duobus rectis sunt pares, necesse est angulum BGC obtusum esse, ac proinde ipso AGB angulo maiorem. Quocirca per 19. 1. Euclidis maius est latus BC quàm BG , & per 8. quinti Euclidis BC ad BA maiorem rationem habet quàm BG ad idem latus BA : sed ut BG ad BA , ita ostensum est latus EF ad ED : ergo BC ad BA maiorem rationem habet quàm EF ad ED ; quod erat demonstrandum.

F

CONSECTARIUM.


Si duo triangula rectangula duo latera duobus lateribus equalia habuerint utrumque utrique, æquilatera & equiangula erunt ipsa triangula.

SVNTO triangula ABG & DEF rectos habentia angulos A & D : si ea quæ æqualia postulatur latera circa rectos ipsos fuerint angulos, ut AB & AG æqualia ipsis DE & DF per 4. primi Euclidis, concludetur propositum. Si autem de numero fuerint reliquorum,

quorum, ut AG & GB æqualia ipsis DF & FE : dico & basi AB basi DE , & angulum G angulo FAC ipsi E æquales esse, ac proinde æquilatera & æquiangula esse ipsa triangula.

Si enim AB non sit ipsi DE æqualis, esto ea primum maior. Erit ergo per 8. quinti Euclidis maior ratio BG ad DE quam eiusdem BG ad BA : quoniam verò æqualis est BG ipsi EF ex hypothesi, erit per 7. quinti Euclidis, ut BG ad DE , ita EF ad DE : sed iam ostensum est maiorem proportionem habere BG ad DE quam ad BA : ergo & EF ad DE maiorem habebit rationem quam BG ad BA . Atque idcirco per præsens lemma maior erit angulus E quam B ; cumque A & D recti sint, omnesq; tres duobus rectis pares per 32. primi Euclidis, erit G angulus angulo F maior. Quod si concedatur, ut argumentum cogit, erit per conuersionem huius lemmatis maior proportio BG ad GA , quam EF ad FD : ideoq; per 10. quinti Euclidis, adiuuante 7. eiusdem, erit BG quam EF maior: posita autem fuit æqualis: igitur nequit AB quam DE maior esse.

Sit deinde minor AB quam DE ; eodem modo ostendemus maiorem fore rationem BG ad BA quam EF ad ED , atque ita per præsens lemma angulum B angulo E fore maiorem. Quo dato erit & F angulus angulo G maior, ac proinde per huius lemmatis conuersionem erit EF quam BG maior; quod cum hypothesi aduerfetur, non potest AB ipsa DE minor esse: itaque æqualis est. quocirca & reliqui anguli æquales per 4. primi Euclidis. Sunt igitur æquilatera & æquiangula ipsa triangula; quod erat propositum demonstrare.




LEMMA XV.

Si à puncto sublimi A in subiectum planum perpendicularis demittatur, atque à puncto incidentia B ad aliam quamcumque, puta CD, perpendicularis educatur BD: dico & AD ipsi CD perpendicularis esse: si autem BDC angulus acutus fuerit vel obtusus; dico & ADC acutum vel obtusum esse.

IN recta linea CD sumatur quoduis punctum C , & AC , CB iungantur. Itaque quoniam AB perpendicularis est ad subiectum planum, angulus ABC rectus erit. Ergo quadratum ex AC est æquale quadratis ex AB & BC per 47. primi Euclidis: quadrato autem ex BC æqualia sunt quadrata ex BD & DC . Quadratum igitur ex AC est æquale quadratis ex AB , BD & DC : sed quadratis ex AB & BD æquale est id, quod fit ex AD . Ergo quadratum ex AC quadratis ex AD & DC æquale est: ac propterea rectus sit oportet angulus ADC . Recta igitur linea AD ad ipsam DC perpendicularis est; quod demonstrare oportebat.

Esto nunc angulus BDC acutus: dico & ADC angulum acutum fore. Nam quadratum ex AC quadratis ex AB & BC est æquale; quadratum autem ex BC minus quadratis ex BD & DC per 13. secundi Euclidis, ergo quadratum ex AC quadratis ex AB , BD & DC est minus: sed quadratum ex AD quadratis ex AB & BD æquale est: igitur ex AC quadratum minus etiam est quadratis ex AD & DC . quare per conuersam eiusdem 13. secundi Euclidis, angulus quoque ADC acutus est.

Eodemq; modo si obtusus sit angulus BDC , erit quadratum ex BC quadratis ex BD & DC maius per 12. secundi Euclidis. Quocirca eodem ratiocinandi modo ostenderetur ex AC quadratum, iis quæ ex AD & DC fiunt quadratis maius esse; ac propterea per conuersam eiusdem 12. secundi Euclidis, angulum quoque ADC obtusum esse; quod erat demonstrandum.



A

LEMMA XVI.

*Recta quæpiam linea subiecto plano ad signum B obliquis insistat
angulis, atque ab eius puncto sublimi A perpendicularis demittatur
cadens in C, ductâ BC: dico angulum ABC minimum esse
omnium eorum qui continentur linea AB, & quacumque per
B in plano ducta: atque eum qui ipsi propinquior est remotiore
minorem esse: duos autem tantum æquales ad utrasque ipsius
partes constitui.*

B


DUCATUR enim quæpiam recta linea BD in subiecto plano, & à puncto C ad
ipsam perpendicularis agatur CD per 12. primi
Euclidis: & AD iungatur: est igitur AD ipsi DB
perpendicularis per lemma proximè antecedens. &
quoniam rectus est angulus ACD, maior est DA quàm
AC per 47. primi Euclidis: ergo per 8. quinti Euclidis
maiolem rationem habet BA ad AC, quàm eadem BA
ad AD, sunt verò BCA & BDA anguli recti: maior igitur
est BAC angulus quàm BAD per 14. lemma. quare re-
liquus angulus ABC angulo ABD minor est. Cùm
autè simili demonstrandi genere ostendi possit angulus
ABC quocumque alio minor esse, minimus is erit om-
nium eorum, qui linea AB, & quacumque alia per B in
plano acta continentur, quod primò ostendendū fuit.

Dico etiam angulum, qui ipsi ABC propinquior est,
remotiore semper minorem esse. Ducatur enim ex B

D quæcumque linea in eodem plano, nempe BE à BC remotior quàm sit BD, atque à pun-
cto C ad ipsam BE perpendicularis agatur CE per 12. primi Euclidis, & AE iungatur:
ergo per antecedens lemma AE ipsi EB est perpendicularis. Et quoniam rectus est angulus
BDC, erit is æqualis recto BEC: angulus autem BCD maior est angulo BCE. Nam cùm
recta BE sit posita extra BD, angulus CBD minor erit angulo CBE, quare reliquus BCD,
reliquo BCE maior erit. Igitur per cõuersam 14. lemmatis superiùs demonstratam, quo-
niam BDC & BEC anguli recti sunt, & angulus DCB angulo ECB est maior, habebit BC
ad CD maiolem rationem, quàm eadem BC ad CE, ac proinde per 10. quinti Euclidis
minor est DC quàm EC. Est verò CA vtrique CD & CE ad rectos angulos, quare EA maior
est quàm DA: nam quadrata ex EC & CA maiora sunt quadratis ex DC & CA; at qua-
dratis ex EC & CA æquale est id quod ex EA fit quadratum: & iis quæ ex DC & CA
æquale est id quod ex DA per 47. primi Euclidis: ergo maius est ex EA quàm ex DA qua-
dratum; atque ob id recta EA quàm DA est maior: BA autem ad AD maiolem propor-
tionem habet, quàm eadem BA ad AE, suntq; anguli ad D & E recti. Igitur per 14. supe-
rius lemma BAD angulus angulo BAE maior est. quare angulus ABD per 32. primi Eu-
clidis angulo ABE est minor; quod secundo loco propositum fuit.

Dico præterea duos tantum constitui æquales angulos ad utrasque partes. Con-
stituatur enim ad BC rectam lineam, atque ad eius signum B in subiecto plano an-
gulus CBF æqualis angulo CBD, & à puncto C ad BF perpendicularis ducatur CF, &
AF iungatur; dico angulum ABF angulo ABD æqualem esse. Quoniam enim angulus
CBF angulo CBD æqualis est, & rectus vterque angulorum CDB & CFB, erit per 32. pri-
mi Euclidis & reliquus angulus BCF angulo BCD reliquo æqualis. Equiangula sunt
itaque triangula BCD & BCF: quare per 4. sexti Euclidis proportionalia sunt ipsorum la-
tera, quæ circum æquales consistunt angulos. Vt ergo CB ad BD, ita eadem CB ad BF, &
permutando, vt CB ad seipsam, ita BD ad BF, sed CB sibiipsi æqualis est: ergo & BD ipsi
BF est æqualis, & eadè ratione CD & CF inter se æquales sunt. Est autem AC & perpendi-
cularis & communis vtrique DC & CF: ergo AD est æqualis ipsi AF per 4. primi Eucli-
dis. Rursus cùm in triangulis ABD & ABF æqualia ostensa sint latera BD & BF, sitque
AB vtrique commune, basis item AD iam ostensa sit æqualis basi AF, erit per 8. primi

F



S


Eucli-

Euclidis & angulus ABF angulo ABD æqualis. Constat verò præter triangulum BFC nullum aliud in plano dari posse ipsi BDC æquiangulum & æquilaterum, ex quo hæc demonstratio pendet. Igitur duo tantum æquales anguli ad utrasque partes minimi anguli ABC constituuntur; quod tertio fuit propositum demonstrare.

LEMMA XVII.

Si à quouis puncto circularis diametri recta ad circumferentiam educatur; ea pars diametri, qua hac maior fuerit, & reliqua diametri parte maior erit; & qua minor, minor. B

VT si in diametro AB sumatur utcumque punctum D , ab eoque ad circumferentiam circuli recta educatur DC : dico si maior fuerit diametri portio AD quam DC , eandem portionem AD & reliquã DB maiorem fore. Iungantur enim AC & CB : quoniam igitur angulus ACD maior est angulo CAD per 18. primi Euclidis, erit reliquus DCB reliquo CBD minor. nam per 31. tertij Euclidis, angulus ACB rectus est, ideoque duobus DAC & DBC æqualis per 32. primi Euclidis, quare si ACD pars recti maior sit angulo CAD , erit reliqua pars recti, nempe DCB , reliquo angulo CBD minor. Ergo per 19. primi Euclidis, maior erit CD quam DB . Est autem AD posita maior quam DC , multo igitur maior est AD quam DB .




Quòd si AD minor sit quam DC , similiter ostendemus AD ipsã quoque DB minorem esse; angulus enim DCA angulo DAC per 18. primi Euclidis minor erit, ideoque reliquus DAC reliquo DBC maior. Ergo DC minor est, quam DB : sed AD minor ponitur quam DC , multo igitur minor est eadem AD ipsã DB ; quod erat demonstrandum.

LEMMA XVIII.

Si à quouis signo circularis diametri dua linea inæquales ad circumferentiam educantur, portio diametri maiori vicinior, reliqua parte diametri maior erit. D

SIT inquam ut prius in diametro AB acceptum signum D utcumque, ab eoque duæ educantur DC & DE : dico si DC maior concedatur ipsa DE , & AD quæ ipsi DC vicinior est, reliquã DB maiorem esse. Iungantur enim puncta C & E per rectam CE , cui ex D perpendicularis ducatur DF per 12. primi Euclidis: quoniam igitur maior ponitur CD quam DE , erit quadratum ex CD maius quadrato ex DE : sed quadrato ex CD æqualia sunt quæ fiunt ex CF & FD per 47. primi Euclidis, & quadrato ex DE æqualia sunt ex DF & FE quadrata per eandem: igitur quadrata ex CF & FD quadratis ex DF & FE sunt maiora: sublatis igitur quæ sunt ex DF , relinquetur per communem notionem ex CF quadratum, quadrato ex FE maius. Quare CF ipsa FE maior erit. Secetur ergo CE bifariam in G , vnde ducatur GH ipsi FD parallela per 31. primi Euclidis, ergo per 29. primi Euclidis GH ipsi CE perpendicularis erit. In recta igitur GH est circuli centrum ex corollario Clauij ad primam tertij Euclidis, sed est etiam in AB : punctum igitur H est circuli centrum, quare per 7. tertij Euclidis, maior erit AD quam DB ; quod erat demonstrandum.




A

LEMMA XIX.

Si à verticibus duorum triangulorum, quorum aequales sint bases, ad media signa basium aequales quidem recta linea, sed disparibus angulis pertineant, una videlicet rectis, altera obliquis, sitque utraque maior medietate sua basis: eius trianguli maior erit ad verticem angulus, in cuius basin demissa à vertice rectis incidit angulis.

B

SINT duo triangula ABC & DEF , quæ aequales habeant bases BC & EF : secentur BC & EF bifariam in punctis G & H , ad quæ delapsæ à verticibus A & D rectæ lineæ AG & DH aequales quidem sint inter sese; sed inæquales angulos ad bases efficiant: sitque AG ad BC perpendicularis, DH verò ad EF obliqua: utraque autem AG & DH sit medietate suæ basis maior, hoc est AG maiorquàm BG , & DH quàm EH maior: his ita positis, dico angulum BAC angulo EDF maiorem esse.



C

D


Describatur enim circa triangulum ABC circulus per 5. quarti Euclidis, quoniam igitur maior posita est AG quàm GB , patet per circuli definitionem G non esse descripti circuli centrum. Item cum AG ipsi BC sit perpendicularis producta AG in L , perspicuum est per corollarium Claij ad primam propositionem tertij Euclidis in AL centrum esse circuli. Rursus cum per 17. lemma constet AG quàm GL maiorem esse, sequitur cætrum circuli inter A & G constitutum esse. Quare per 7. tertij Euclidis erit AG maxima omnium illarum, quæ ex G in circuli peripheriam cadunt, & huic propinquior remotiore semper maior. Constituatur igitur super BC triangulum BKC ipsi EDF æquilaterum per 22. primi Euclidis: erit ergo & GK ipsi HD æqualis. Quocirca & AG ipsi GK æqualis erit per communem notionem. Est autem per 7. tertij Euclidis GM minor ipsa AG , ergo & ipsa GK minor erit. Igitur per 21. primi Euclidis angulus BMC angulo BKC maior erit: at BMC æqualis est angulo BAC per 21. tertij Euclidis; ergo & BAC angulus angulo BKC maior erit; quod propositum fuit demonstrare.

E

LEMMA XX.

Isdem positis sit AG minor quàm GB : dico angulum BAC angulo EDF minorem esse.

ERIGATUR enim vt prius super BC triangulum BKC triangulo EDF æquilaterum per 22. primi-Euclidis: quoniam igitur AG minor conceditur quàm GB , erit eadem AG minor quàm GL per 17. lemma: ergo non erit in AG circuli centrum, sed inter G & L situm erit. Quare per 7. tertij Euclidis erit AG minima omnium earum quæ ex G ad circuli circumferentiam educuntur, & quæ ab hac remotiores, propinquioribus semper maiores sunt. Igitur



S 2


G M maior

GM maior est quàm GA . Ponatur ergo GK ipsi GA æqualis per 3. primi Euclidis, & BK AC iungantur. Minor est igitur angulus BMC quàm BKC per 21. primi Euclidis, sed angulus BMC per 21. tertij Euclidis, æqualis est angulo BAC : ergo & BAC angulus angulo BKC minor erit: at angulus BKC positus est æqualis angulo EDF ; igitur, quod propositum fuit, concluditur angulum BAC angulo EDF minorem esse.


LEMMA XXI.

Non sit iam AG ipsi BC perpendicularis; sit autem DH ipsi EF quàm AG ipsi BC obliquior: dico, si maior quidem sit AGB quàm GC , etiam angulum BAC angulo EDF maiorem esse: si verò minor, minorem.

DESCRIBATUR rursus circa triangulum ABC circulus, & à puncto G ipsi BC ad rectos angulos excite-
tur GN per 11. primi Euclidis, in quam centrum cadet, quapropter NL diameter erit circuli per corollarium primæ tertij Euclidis: sit ergo primum AG quàm GC maior. Ex eo igitur quod ostensum fuit lemmate 18. NG maior est quàm GL . Quare in NG centrú erit circuli, quæ proinde per 7. tertij Euclidis maxima est omnium, quæ ex G in circuli peripheriam educuntur: erit ergo NG ipsa GA maior. Constituatur nunc ut prius super BC , quæ ipsi EF æqualis est, triangulú BKC triangulo EDF æquilaterum per 22. primi Euclidis: ergo GA , hoc est HD , maior est quàm GM . Est verò ipsi GA æqualis GK ; quare erit & GK maior quàm GM , & iunctis BM & CM erit per 21. primi Euclidis angulus BMC angulo BKC maior: sed angulus BAC æqualis est angulo BMC per 21. tertij Euclidis: igitur idem angulus BAC angulo BKC maior erit; quod primò erat demonstrandum.



At si AG minor sit quàm GC , similiter demonstrabimus BAC angulum angulo EDF minorem esse. Sint namque reposita eadem, quæ prius; & constituatur triangulum BKC triángulo EDF æquilaterú: cum minor ponatur AG quàm GC , erit per ea quæ demonstrata sunt NG ipsa GL minor. Quare in GL centrum existet circuli, & per 7. tertij Euclidis NG minima erit omnium earum, quæ ex G ad circumferentiam educuntur, ipsique propinquior remotiore semper minor. Quare AG quàm GM minor est, cumque ipsi AG ponatur æqualis GK , erit & GK minor quam GM : igitur per 21. primi Euclidis angulus BMC angulo BKC minor erit: est verò angulo BMC æqualis angulus BAC per 21. tertij Euclidis: ergo & BAC angulus angulo BKC minor erit; quod demonstrasse oportuit.




LEMMA

A LEMMA XXII.

Circulum ABC contingant recta linea AK & CK, in punctis A & C; iuncta AC & KB per centrum acta: dico ut BK ad KD, ita esse BH ad HD.

QUONIAM enim per 37. tertij Euclidis, vtriusque AK & CK quadratum æquale est ei quod sub BK & KD comprehenditur rectangulo, erunt AK & CK inter se æquales. Rursus ductis ex A & C ad cætrum E rectis lineis AE & CE, erunt hæ per circuli definitionem inter se æquales: igitur cum triânguli A EK duo latera AE & AK sint æqua-




lia duobus lateribus CE & CK triânguli CEK, & EK est vtrique cõmune; erit per 8. primi Euclidis & angulus EAK angulo ECK æqualis, sed & reliqui anguli reliquis angulis sub æqualibus lateribus contëtis per 4. 1. Euclidis æquales erunt. Quocircà cum in triângulis AKH & CKH æqualis iam ostensus sit angulus AKH angulo CKH, sintque circa hos ipsos angulos latera AK & KH lateribus CK & KH æqualia, erunt per 4. primi Euclidis & bases AH & HC, & anguli AHK & CHK æquales, qui proinde per 13. primi Euclidis recti erunt. Rectangulum igitur AHC (hoc est quadratum ex AH) vnà cum quadrato ex HK æquale est quadrato ex KA per 47. primi Euclidis: sed rectangulum AHC est æquale rectangulo BHD per 35. tertij Euclidis, & quadratum ex KA rectangulo BKD per 36. eiusdem. rectangulum igitur BHD vnà cum quadrato ex KH est æquale rectangulo BKD. Quod quidem cum ita sit, erit vt BK ad KD, ita BH ad HD: nam quoniam rectangulũ BHD vnà cum quadrato ex KH iam ostensum est æquale rectangulo BKD, quadratum autem ex KH est æquale rectangulo KHD vnà cum rectangulo HKD per 2. secundi Euclidis; erunt rectangula BHD, KHD & HKD, hoc est per 1. secundi Euclidis, rectangulum sub BK & HD cum rectangulo HKD æqualia rectangulo BKD, sed rectangulo BKD æqualia sunt duo rectangula, alterum sub BH & KD, alterum sub HKD contentum per eamde 1. secundi Euclidis: ablato igitur communi rectangulo HKD, relinquitur rectangulum sub BK & HD contentum, ei quod sub BH & KD comprehenditur æquale. Ergo per conuersam 16. sexti Euclidis erunt quatuor lineæ proportionales, hoc est vt BK ad KD, ita BH ad HD; quod erat demonstrandum.


E LEMMA XXIII.

Et si vt BK ad KD, ita est BH ad HD, aliaq; ex K ducta fuerit KL, qua circulum secet in X; ipsam AC in N: rursus quemadmodum LK ad KX, ita aio esse LN ad NX.

NAM circa LX velut diametrum circulus describatur LSXT, & per punctum N ipsi LK ad rectos angulos ducatur ST, & SK, TK iungantur: erit ergo quadratum ex NS, hoc est rectangulum SNT æquale rectangulo CNA, quod videlicet idem rectangulum SNT æquale sit rectangulo LNX, cui per 35. tertij Euclidis æquale est CNA rectangulum; quadratum autem ex NK æquale est duobus quadratis ex NH & HK per 47. primi



primi Euclidis, quorum alterum nempe quod ex NH unà cum rectangulo CNA æquale est quadrato ex CH per 5. secundi Euclidis, ergo quadrata ex NS & NK , hoc est quadratum ex KS æquale est quadratis CH & NK , videlicet quadrato ex CK : sed quadratum ex CK æquale est rectangulo LKX per 36. tertij Euclidis, quadratum igitur KS rectangulo LKX est æquale, ac propterea KS circulum ipsum contingit per 37. tertij Euclidis, & ita demonstrabitur KT circulum contingere: ergo ex demonstratis superiore lemmate ut LK ad KX , ita est LN ad NX ; quod erat demonstrandum.



CONVERSIO.


In circulo $ABCD$, si, ut LK ad KX , ita sit LN ad NX , agaturque KB per circuli centrum, & ab N ad KB perpendicularis ducatur NH : dico fore quoque ut BK ad KD ita BH ad HD .

DESCRIBATUR namque circa LX circulus $LSXT$, ut prius; ducaturque ST per N ipsi KL perpendicularis, & NH producat, donec ex utraque parte cum circuli $ABCD$ peripheria conveniat in A & C . Quoniam igitur rectus est angulus KNs , erit per 47. primi Euclidis quadratum KS æquale quadratis KN & NS , quorum alterum KN duobus item KN & HN est æquale per eandem 47. primi Euclidis, quod videlicet angulus quoque KNH rectus sit. Igitur KS quadratum æquale est tribus quadratis KN , HN & NS : sed NS quadratum seu rectangulum sNT æquale est rectangulo LNx per 35. tertij Euclidis; rectangulum autem LNx per eandem 35. tertij Euclidis æquale est rectangulo CNA : igitur quadratum NS rectangulo CNA est æquale. At cum CA in H sit secta per æqualia; in N verò per non æqualia, erit per 5. secundi Euclidis rectangulum CNA unà cum quadrato HN quadrato CH æquale. Quare eidem quadrato CH æqualia sunt ea, quæ ex HN & NS quadrata: ideoque quadratum KS quadratis KN & NC est æquale. Est autem & KC quadratum eisdem quadratis KN & NC æquale per 47. primi Euclidis: itaque KS & KC quadrata inter se sunt æqualia. Ostensum verò iam est hoc eodem 23. lemmate rectam KS circulum $LSXT$ contingere. Est igitur per 36. tertij Euclidis quadratum KS rectangulo LKX æquale. quomobrem & KC quadratum eidem rectangulo LKX æquale erit. Hinc porro fit per 37. tertij Euclidis KC quoque circulum $ABCD$ contingere: cumque & KA ob æqualitatem angulorum circulum contingat, erit per 22. lemma ut BK ad KD , sic BH ad HD ; quod erat demonstrandum.

LEMMA XXIII.

Sit ut recta linea BK ad KD , ita BH ad HD ; & sit angulus BFH æqualis angulo HFD , iuncta FK : dico HFK rectum angulum esse.

DUCATUR per H ipsi KF parallela CHG , & producat FD vsque in G : itaque F quoniam ut BK ad KD , ita est BH ad HD , erit permutando per 16. quinti Euclidis, ut BK ad BH , ita KD ad HD ; sed ut BK ad BH , ita est FK ad CH per 4. sexti Euclidis. (cum enim CH sit posita ipsi FK parallela, æquiangula erunt ipsa triangula FKB & CHB . nam angulus KFB an-



gulo

A ngulo $HC B$, & angulus $FK B$ angulo $CH B$ per 29. primi Euclidis æquales erunt, angulus autem $FB K$ vtrique communis est: sunt igitur $FK B$ & $CH B$ æquiangula triangula, quare per 4. sexti Euclidis vt BK ad BH , ita est FK ad CH .) quoniam itaque vt BK ad BH , ita ostensa est KD ad DH , erit vt FK ad CH , ita KD ad DH . Vt autem KD ad DH , ita per 12. lemma est FK ad HG propter triangulorum FKD & DGH similitudinem, & æquales angulos. Ergo FK ad vtramque ipsarum CH & HG eandem proportionem habet, ac propterea per 9. quinti Euclidis CH ipsi HG est æqualis. Et vt CH ad HG , ita CF ad FG per 3. sexti Euclidis, quoniam angulus CFG bipartitò diuisus fuit: est igitur & CF ipsi FG æqualis. Cùm igitur in triangulis CFH & HFG sit CH ipsi HG ostensa æqualis, & FH vtrique triangulo communis, sit quoque & basis CF basi FG æqualis; erit per 8. primi Euclidis angulus CHF angulo GHF æqualis: quare per 13. primi Euclidis erit vterque ipsorum rectus. Ac proinde & HFK rectus erit per 29. primi Euclidis, quòd videlicet CG ipsi FK sit posita parallela.

CONVERSIO EX COMMANDINO.

Esto vt BK ad KD , ita BH ad HD , sit verò angulus HFK rectus, iunctis BF & FD : dico angulum BFH angulo HFD æqualem esse:

C **S** i enim per H ipsi FK parallela ducatur CHG per 31. primi Euclidis, & FD ad G vsque producat; in primis, eodem modo quo supra, ostendemus CH ipsi HG æqualem esse: deinde cùm rectus ponatur angulus HFK & CG ipsi FK parallela, erunt per 29. primi Euclidis anguli CHF & GHF recti, ac proinde æquales inter sese per 13. primi Euclidis. In triángulis igitur CHF & GHF cùm sit latus CH lateri GH æquale, latusque HF vtrique commune, & anguli CHF & GHF æquis lateribus contèti æquales, erunt per 4. primi Euclidis & bases CF , GF , & anguli ad basem æquales, inter quos sunt CFH & GFH , quos æquales esse demonstrare oportebat.

D CONVERSIO ALIA EX EODEM.

Rursus angulus HFK rectus esto, angulusq; BFH angulo HFD æqualis: dico vt BK ad KD , ita esse BH ad HD .


R EPOSITIS iisdem, quoniam angulus CFH conceditur æqualis angulo HFG , & angulus CHF angulo GHF iam ostensus est æqualis, vtpote rectus vterque; erit reliquus HCF reliquo HGF æqualis per 32. primi Euclidis. Cùm ergo æquiangula sint triangula CHF & GHF , erunt ipsorù homologa latera, siue quæ circum æquales sunt angulos, siue quæ æqualibus angulis subtenduntur per 4. sexti Euclidis: igitur quemadmodum FH ad HC , ita eadem FH ad HG ; ac proinde per 9. quinti Euclidis est CH ipsi HG æqualis, eodemq; modo demonstrabitur FC æqualis ipsi FG , vt enim FH ad FC , ita eadem FH ad FG . Ergo vt FK ad CH , ita est FK ad HG per 7. quinti Euclidis: sed vt FK ad CH , ita KB ad BH ob triangulorum FBK & CBH similitudinem per 4. sexti Euclidis. Quapropter vt FK ad HG , ita est KB ad BH ; vt verò FK ad HG , ita est KD ad DH per 12. lemma: nam similia sunt triangula FDK & $H DG$, ideoque æquiangula. Vt igitur KB ad BH , sic est KD ad DH , & permutando vt BK ad KD , sic BH ad HD ; quod demonstrare oportebat.

LEMMA XXV.

F *Qua ab externo signo ad datum circulum ducitur ipsum contingens, maxima est illarum omnium, qua in conuexam peripheriam cadunt; illarum verò qua in cauam, omnium minima.*

C IRCVLVM $ABCD$ contingant rectæ lineæ AK & KC ductæ à signo K extra circulum posito: & per circuli centrum erecta agatur KB : dico KA & KC maximas esse omnium illarum, quæ ab externo signo K ad conuexam circuli peripheriam ADC porriguntur. Quoniam enim KA & KC ex hypothesi circulum contin-

gunt in A & C , erunt KA & KC extremæ omnium illarum, quæ ad ADC peripheriam extendi possunt. Siquidem recta linea circulum vno tantum in puncto contingere potest: ergo si quæ alia præter KA & KC ad datum circulum ducta fuerit, vt KX , ea in peripheriam ADC ad aliud punctum, quàm A & C , cadat necesse est. Enimuerò cum per



16. tertij Euclidis KA & KC extra circulum cadant, quòd nimirum AE & CE à centro E ad puncta contactuum A & C adiunctæ ipsis contingentibus sint perpendiculares, per 18. tertij, erit arcus ADC totus intra trigonum AKC positus. Quare KX & quæcumque alia ad conuexam peripheriam ADC ex K protrahetur, intra trigonum AKC incidet, ac proinde minor erit angulus AKX angulo AKC . Ergo KX quàm KC ipsi KD propinquior est, minorque KX quàm KC esse conuincitur per 8. tertij Euclidis. Sic verò & ceteræ quæcumque in peripheriam ADC incidunt, ipsa KC minores esse demonstrantur. Igitur quæ circulum contingunt KA & KC maximæ sunt omnium illarum, quæ à signo K ad conuexam circuli peripheriam educuntur; quod primò propositum fuit.


Quod verò eadem KA & KC minimæ sint omnium illarum, quæ in cauam circuli portionem incidunt, sic demonstratur: Producantur KA in T & KC in V . Quoniam per 16. tertij Euclidis AT & CV extra circulum cadunt, erit vt priùs, quodcumque punctum in caua peripheria ABC assumptum fuerit, vt puta L puncto B , totaque KL ipsi KB propinquior. Quare per 8. tertij maior est KL ipsa KC : cumque ceteræ eodem modo ipsa KC maiores possint demonstrari, fit vt quæ circulum contingit KC minima sit omnium illarum, quæ in cauam peripheriam circuli incidunt; quod secundo loco erat demonstrandum.

LEMMA XXVI.

Quæ ab eodem puncto ad circulum contingentes ducuntur, sunt inter se æquales.

Hoc lemma tametsi à Campano demonstratur corollario 2. ad proposit. 36. tertij Euclidis, libet tamen hoc loco illud aliter demonstrare. Sit

datus circulus BCD ex centro A descriptus, ad quem è signo F contingentes applicitæ sint FB & FC : rectæ præterea ex A euocentur AB & AC , iungaturque externum signum F cum circuli dati centro per rectam FA , circum quam velut diametrum alius circulus describatur FBA . Hunc constat in primis per loca contactuum B & C transire. Cum namque per 18. tertij Euclidis AB ipsi FB sit perpendicularis, rectus erit angulus FBA . Quare per conuersam 31. tertij Euclidis, segmentum, quod per F , B , & A transit, semicirculus est, quare & FCA semicirculus erit, quòd & FCA rectus sit angulus. Igitur circulus qui circum FA



cei diametrum describitur, per B & C contactuum loca transit. Iam verò quoniam æquales sunt rectæ AB & AC per circuli definitionem, vt pote à centro A ad circumferentiameductæ, erunt & arcus, quibus eæ subtenduntur, æquales per 28. tertij Euclidis: hi autem arcus si ab æqualibus semicirculis FBA & FCA subducantur, relinquentur peripheriæ FB & FC æquales per communem notionem. Quare & rectæ lineæ FB & FC quæ his æqualibus peripheriis subiunguntur, æquales erunt per 29. tertij Euclidis; quod erat demonstrandum.


A

LEMMA XXVII.

Si in triangulo ABC tres recta linea constituentur, una DE qua utrumque trianguli crus utcumque secet, altera FG qua ipsam DE secet bifariam in H, tertia AI qua à vertice delapsa ipsam FG bifariam diuidat in I: dico FG in H, & DE in K secundum eandem rationem diffecari.

B

DUCTA enim EO ipsi FG parallela, AI ad ipsam vsque EO producat, fiantque DL, HP parallelae ipsi AR. Quoniam igitur EO ponitur parallela FG, erunt triangula AIF, ARO, itemq; & AIG, ARE æquiangula per 4. lemma libri quinti: ideoq; per 4. sexti Euclidis proportionalia erunt ipsorum latera, hoc est ut AI ad AR, sic IF ad RO; & ut AI ad AR, sic quoque IG ad RE. Quare per 11. quinti Euclidis erit quoque ut IF ad IG, ita RO ad RE: sed FG in I ex hypothesi secta est bifariam: igitur & EO in R bifariam secta erit. Deinde cum in triangulo DEO sit DE secta bifariam, & GF ipsi EO parallela, erit quoque per 2. sexti Euclidis DO in F bifariam secta: sed & EO ostensa iam est bifariam diuisa in R: igitur quæ F & R connectit recta linea FR, ipsi DE parallela erit per eandem 2. sexti Euclidis. Eodemque modo MP eidem DE parallela probabitur. Cum enim MH basi LE & HP lateri DL ex constructione sint parallelae, sitque DE ex hypothesi in H secta bifariam, erunt quoque per 2. sexti Euclidis DL in M, & LE in P secta bifariam. Quare per eandem 2. sexti Euclidis, quæ M & P connectit recta linea, ipsi DE parallela erit: ac proinde ipsi quoque FR per 30. primi Euclidis. Cumque parallelae quoque sint positæ AR & HP, erunt per 34. primi Euclidis FM & IH ipsi RP æquales, ideoque & inter se per communem notionem. Adiuncta igitur ipsis communi portione MI, fiet MH tum ipsi FI, tum ipsi IG æqualis, quod ambæ inter se sint æquales. At per eandem 34. primi Euclidis æqualis est LP ipsi MH: igitur & ipsi IG, erit LP æqualis. A quibus si detrahantur RP & IH, & ipsæ per 34. primi Euclidis relinquentur LR & HG inter se æquales. Et quoniam ostensa est FR ipsi DE parallela, erunt per eandem iam sæpè citatam 34. primi Euclidis RE & HF æquales; additis itaque æqualibus LR & GH, erunt FG & LE æquales, & in eandem rationem diuisæ. Quamobrem cum ut LE in R, ita quoque diuisa sit DE in K, propterea quod sit KR ipsi DL parallela ex constructione, sequitur per 11. quinti Euclidis FG in H, & DE in K eadem ratione sectas esse; quod demonstrasse oportuit.



HYPOTHESES.

I.

Visum subinde & falli & fallere.

F



ISVM numquam errare circa vllum obiectum (quod Epicurei de externis sensibus docebant) his argumentis suaderi posse videtur.

Primo, quia si sensus erroribus obnoxij sunt, utique abrogata eorum fide, nulla erit certitudo in scientiis, nulla constantia, cum scientiæ nitantur principiis, hæc verò experimento & sensuum æstimatione. Quare

Lucretius:

*Denique ut in fabrica, si praua est regula prima,
Normaq; si fallax rectis regionibus exit,
Et libella aliqua si ex parti claudicat hilum;
Omnia mendosè fieri, atque obstipa necessum est,
Prava, cubantia, prona, supina, atque absona tecta,*

Iam

*Iam ruere ut quædam videantur velle, ruantq̄,
Prodit a iudiciis fallacibus omnia primis.*

A

Secundò, sensus apprehendit rem, ut specie sensibili repræsentatur: at species semper est obiecto similis, utpote naturalis eius imago: igitur in sensibus nullus relinquitur deceptioni locus.

Tertiò, Tertullianus libro de anima cap. 17. de sensuum auctoritate ita scribit: *Non licet nobis in dubium sensus istos (de externis loquitur) reuocare, ne & in Christo de fide eorum deliberetur; ne forè dicatur, quòd falsò satanam prospectarit de celo præcipitatum: aut falsò vocem Patris audierit de ipso testificatam: aut deceptus sit cum Petri socrum tetigit: aut alium postea vnguenti senserit spiritum, quod in sepulturam suam acceptauit: alium postea vini saporem, quod in sanguinis sui memoriam consecrauit. Sic enim & Marcion phantasma eum maluit credere, totius corporis in illo dedignatus veritatem. Atquin ne in Apostolis quidem eius ludificata natura est. fidelis fuit & visus & auditus in monte: fidelis & gustus vini illius, licet aquæ antè, in nuptiis Galileæ: fidelis & tactus exinde creduli Thome. Recita Ioannis testationem: Quod vidimus, inquit, quod audiimus, oculis nostris vidimus, & manus nostræ contrectauerunt de sermone vitæ. Falsa utique testatio, si oculorum, & aurium, & manuum sensus naturamentitur. Huic luculentissimo Tertulliani testimonio consentit auctoritas Philosophi, qui 8. physicorum cap. 3. text. 22. hebetem eum atque imbecillæ mentis censet qui sensibus fidem derogat.*

B

Epicurus verò eò rem dimittit, inquit Cicero lib. 2. Academ. quæst. ut si vnus sensus fenel in vita mentitus sit, nulli vnquam sit credendum: omnem ergo hallucinationem, quæ visui accidere videtur, animo Epicurus tribuebat. Et idem Lucret.

C

Nec tamen hic oculos falli concedimus hilum.

Nam si quid aliter videtur quàm sit,

Hoc animi demum ratio discernere debet,

Nec possunt oculi naturam noscere rerum.

Proinde animi vitium hoc oculis adfingere noli.

Sed ab his credulis, qui numquam sensus mentiri putant, discedamus.

Epicureis contrariè sentiant Academici, qui omnem prorsus fidem à sensibus ablegarunt, quòd semper illos falli putarent. Aduersus quos tres libros scripsit D. Augustinus, in quòrum tertio cap. 11. & 12. illorum de sensibus refellit opiniones. Tertullianus autem loco superius citato his verbis: *Quid agis Academice procacissime? totum vitæ statum euertis, omnem naturæ ordinem turbas, ipsius Dei prouidentiam excacas, qui cunctis operibus suis intelligendis, incolendis, dispensandis, fruendisq̄, fallaces & mendaces dominos præfecerit sensus. An non istis vniuersa conditio subministratur? an non per istos secunda quoque mundo instructio accessit, tot artes, tot ingenia, tot studia, negotia, officia, commercia, remedia, consilia, solatia, victus, cultus, ornatusque? omnia totum vitæ saporem condierunt, dum per hos sensus solus omnium homo animal rationale dignoscitur, intelligentiæ & scientiæ capax, & ipsius Academia.*

D

Et Lucretius aduersus eosdem Academicos scribens libro 4. de natura, illos ait

E

— conuellere tota

Fundamenta, quibus nixatur vita salusq̄.

Non modò enim ratio ruat omnis, vita quoque ipsa

Concidat extemplo, nisi credere sensibus ausis,

Præcipitisq̄, locos vitare, & cetera, quæ sint.

Peripatetici nec semper, nec numquam falli sensus asserunt. Quod ipsorum dogma perspicuum fiet, si triplex error antè fuerit explicatus. Primus est, cum solus externus sensus errat, internus verò sensus, aut mens ipsa errorem corrigit, ut cum circulus obliquè obiectus externo quidè aspectu, velut ellipsis cernitur, ratio autem sciens partes quædam aliis remotiores esse, non ellipsim, sed circulum esse iudicat. Error hic in sola est externa facultate, ex eò obueniens, quòd species, quamuis à circulo profecta, non tamen fit circularis aut circulo similis; sed propter situs obliquitatem, altera parte contractior, ut suo loco ostendetur in fallaciis figuræ. Sic res longè distitas externus visus paruas apprehendit, at ratio distantiam perpendens, magnas æstimat. Sic innumeris pænè in rebus aspectus eluditur, cuius fallaciis mens haudquaquam adstipulatur.

F

Alter est, cum sola mens hallucinatur: quod licet multis ex causis obueneri possit; nempe aut quia mens vacillat, aut quia contrariò affectu quodammodò occæcatur, aut quia per insaniam à propria sede deturbatur; præcipuè tamen ex eo, quòd animus mi-

nùs

A nùs sibi sit præfens, vt cùm quis equum, cui infidet, anxie perquirat, rebus aliis intentus.

Tertius est, cùm ratio simul & visus in eundem errorem prolabantur: quod tum sanè euenit, cùm fallax rei imago magnam veri similitudinem gerit, nec aliunde quidquam præsidij suppetit, quo error detegatur. Tunc enim primò quidem ipse aspectus deluditur, ac deinde mens ipsa falsa aspectus denuntiatione circumuenitur. Sic veteres quosdam pictores quædam ita ad viuum expressisse legimus, vt fictæ imagines peritorum etiam oculos veri specie occupauerint. Et hac tempestate innumeri reperiuntur artifices, qui recentes vuas, pomaq; & pyra, atque omnis generis fructus è cera in matrices fusa ita ementiuntur, vt nihil à veris secundùm aspectum discrepent, quibus proinde

B non rarò prudentes etiam capiuntur.

Ex hisce tribus errorum generibus, primum tantùm & vltimum ad rem præsentem conducunt, cùm videlicet aut sensus ipse exterior rem aliter, quam re ipsa est, apprehendit, imagine rem falsò exhibente; aut cùm eiusmodi noticiam sensus elicit, qua superior facultas, ad quam iudicium spectat, in falsam æstimationem inducitur. Secundum verò huc minimè spectat, quòd neque in visu sit, neque ex visu proueniat, sed solius sit mentis, atque ex propria causa proueniens. Vnde est illud D. Nemesij philosophi libro de natura hominis: *Sæpè obiecto amico eum querimus, aut conuentum præterimus, quòd aliis sit mens intenta: sed ne hîc quidem visus est error, at mentis. Visus siquidem nouit & retulit: mens verò relatis neuiquam adhesit.* Et Tertullianus lib. de anima, cap. 17. *Qui insaniunt, inquit, alios in aliis vident, vt Orestes matrem in sorore, & Ajax Vlysses in armento, vt Athamas & Agæe in filiis bestias. Oculi sine hoc mendacium exprobrabis, an furis?* Simile quiddam in iis videre licet, quorum animus cupidine diuitiarum stimularur: hi namque cùm sub terris venas perquirunt, quidquid ex fuluo splendet, facilè aurum esse arbitrantur.

C His prænotatis, dico primò externum visum circa proprium obiectum formale numquam falli. Est verò obiectum formale visus, lux & color quæ talia sunt, non verò quæ lux solis, aut lunæ, aut ignis, aut putris ligni: neque color quæ viridis, aut purpureus, aut croceus; sed quatenus vniuersali notione considerantur, vt libro primo propositione 100. dictum est.

D Secundò dico, circa materiam proprii obiecti, quæ species lucis & coloris in particulari complectitur, aspectum falli aliquando. Verbi gratia, si visui cæruleus color obijciatur, nullus vniquam error accidet, quamdiu illum visus vt colorem comprehendet, quæ est ratio obiecti formalis: at in specie coloris errabit is cuius oculi aurigine perfunduntur, quia illi viridis apparebit, ob transparentem bilis flauedinem, quæ cum cæruleo viridem componit, vt libro primo proposit. 39. ostensum est. Sic ophthalmicis, quorum oculi phlegmone accenduntur, ob sanguinis infectionem idem cæruleus color purpureus conspicietur. Nam rubeus cæruleo mixtus purpureum gignit, vt eodem loco libri primi docetur: his enim idem profus euenit, quod iis, qui per tinctâ vitra prospiciunt. Quocirca cùm Aristoteles libro secundo de anima c. 6. text. 63. sensibile proprium hoc

E nomine commendat, quòd circa illud non contingat sensum errare, intellige de formali ratione obiecti proprii, vt iam diximus, vel, vt ipsemet exponit Philosophus, visum non errare dum viridem colorem percipit; nec gustum errare, dum percipit amaritudinem; sed errare cùm has qualitates illis subiectis attribuunt, quibus verè non insunt, vt dum ictericus pannum hunc, qui cæruleus est, viridem putat; aut dum biliosa æstuans febre, mel iudicat amarum.

Dico tertio, circa communia obiecta plerasque aspectus hallucinationes versari, quarum exempla nihil attinet hoc loco repræsentare, cùm de his præcipuè totus hic quartus Opticorum liber inscribatur. cumque plurimæ earum eiusmodi sint, quæ negari omnino non possunt, & non paucæ extent causæ, quæ tanta veri similitudine oculos perstringunt, vt mentis etiam conceptum æstimationemque euertant; iure hoc nobis concedi postulamus, visum subinde & falli, & fallere.

F Restat, vt argumentis, quæ pro Epicureorum sententia initio proposita sunt, fiat satis. Ad primum igitur responderetur: Si perpetuò mentis aciem sensus eluderent, nulla scientia dari posset, quod Academici persuadere contendunt, & si numquam fallerent, vnicò actu certissima haberetur experientia. Nunc autem medio modo res se habet: nam tamen nonnumquam labantur sensus, plerumque tamen non errant. Hinc fit, vt tum primum certa sit experientia, cùm plurium actuum sibi consentientium repetitione firmatur. Non enim ad scientiarum primordia, communiumque notionum constitutionem,

vnicus actus magnopere iuuat; si quidem error huic subesse potest, qui lateat, at sæpè ac A
sæpiùs repetitus iudicium veritatis corroborat, quousque tandem in communem assen-
sum transeat. vnde postea velut ex primis principiis scientiæ per ratiocinationem colli-
guntur.

Ad secundum argumentum, negandum speciem semper esse obiecto similem. nam
sæpè vel ob nimiam distantiam, vel propter medij interiecti conditionem, aut situm,
aliãve ob causam, ex iis quas mox sumus allaturi, à rebus dissentit. Vt si quis per fla-
uum vitrum cæruleum pannum intueatur, viridem iudicabit: nam species viroris in
oculo reuerà existit, mixta nimirum ex vitri & panni qualitatibus. Sic obliquatæ magni-
tudines contractas species mittunt, quæ proinde res aliter, quàm sunt, repræsentant. Sic à B
rebus longè diffitis imagines attenuatæ, ac rebus minores protenduntur. Ac eodè modo
in ceteris. Hinc igitur fraus in intellectu interuenit, quòd species ad organum appulsæ,
diuersæ à rebus existant: alioquin, vt Cicero scribit lib. 2. Academ. quæst. *maxima est in
sensibus veritas, si & sani sunt & valentes, & omnia remouentur, quæ obstant & impediunt.*

Ad tertium respondetur nihil aliud reuinci, quàm sensus non semper errare, quod
Academici persuadere nitebantur, aduersus quos eo loci disputat Tertullianus: sed sæpè
etiam vera nuntiare; aut saltem, licet ipsi fallantur, veram tamen rei notionem animo
ingenerare, si videlicet ex aliarum circumstantiarum inspectione mens errorem externæ
potentiæ deprehendat, corrigatque.

HYPOTHESIS. II.

*Omnes aspectus fallacias aut deprauato intuitu, aut falsa æsti-
matione scientiæque, aut vitioso syllogismo inferri.*

Ex iis, quæ superiore libro sæpiùs sunt repetita, manifestè constat, omnia quæ oculis
objiciuntur, aut solo aspectu dignosci, aut adhibita externo obtutui mentis cogni-
tione scientiæque, aut accedente his etiam syllogismo seu argumentatione aliqua.
Solo aspectu percipiuntur illa, quæ propria vocantur obiecta visus, vt lux & color. Scien-
tiã verò illa omnia, quæ sunt ad aliquid, vt magnum paruù, simile dissimile, æquale inæ-
quale, ceteraq; eiusmodi. res enim ipsas simul intellectu acceptas esse oportet, ex quarum D
mutua comparatione habitudines illæ in cognitionem veniant. Syllogismo denique
cognoscuntur ea quæ ad sui perceptionem aliarum rerum præcognitione indigent: sic
distantia ex multitudine corporum, quæ inter rem & intuentem interijciuntur: sic locus
ex rei ipsius distantia; respectuque partium vniuersi: sic vera rei magnitudo ex magni-
tudine apparente distantiaque: sic motus, præsertim si tardior sit, ex corporis quiescen-
tis vicinitate: sic denique plurima alia ex aliis tacitè argumentando colligere solemus.

Igitur error in his quæ solo aspectu percipiuntur, ex deprauato intuitu proueniat ne-
cesse est, vt cum propter interualli immensitatem sol nobis pedalis magnitudinis appa-
ret. Ex falsa verò æstimatione error in iis tantùm rebus obuenire solet, quas sola interna
facultas assequitur, vt cum quis eminùs spectatum ignem stellam putat, aut tinctam cry- E
stallum pro gemma accipit, aut cognatum pro fratre, aut pro amico hostem, aut pro pere-
grino latronem videre se arbitratur. Denique ex vitioso syllogismo error accidit in iis
rebus, quæ ratiocinatione ex aliis colliguntur, vt cum delatis nubibus lunam moueri pu-
tamus, & quiescere quod loco procul dissito mouetur.

Vitiosus syllogismus proprio nomine paralogismus nuncupatur; in cuius vel propo-
sitione vel demonstratione peccatur. In propositione quidem tribus modis. Primò, cum
falsum pro vero assumitur, vt si res quæpiam è longinquo spectata remotior esse existi-
metur, quàm sit reuerà, atque ex ea persuasionem maior credatur, fallatur animus veram
rei magnitudinem ex falsa distantie præsumptione concludens. Secundò, cum ex parti- F
culari de vniuerso genere statuitur; quod per frequens est, vt cum inspectis nonnullis pi-
cturæ partibus totam nos perlustrasse arbitramur; aut cum ex vngue leonem colligimus.
Qua in re nullus quidem error accidit, quando in particulari assumitur proprietas alteri
speciei minimè conueniens: vt si ex vno homine disciplinæ capace vniuersos homines
capaces disciplinæ astruamus; tamen vniuersa conclusio ex particulari inefficax est ac sub-
iecta fallaciæ. Tertio, cum quidpiam à proposito alienum assumitur: vt cum quis rem obie-
ctam longiùs abesse putat, quòd eam obscuriùs videat, hoc inquam impertinens est ra-
tiocinandi genus: obscuritas siquidem visionis non ex sola distantia, verùm etiam ex
luminis absentia, atque ex ipsius organi visui infectione, facultatisque imbecillitate ob-
uenire

A uenire potest. Quare fallitur ille interdum, qui ita argumentabitur, remotum aliquid iudicans quod propè est, ex ipsius aspectus obscuritate. In argumentatione non secus ac in propositione ipsa multis erratur modis, vt docet Aristoteles in Analyticis, quos facile est ad fallacias aspectus per accommodationem transferre. At quia ea res per se clara est ac facilis, nobis in presenti sit satis hoc vniuersè supposuisse, tot modis circa res visiles falli nos posse, quot modis tum ab externis tum ab internis facultatibus error committi potest.

HYPOTHESIS III.

B *In octo circumstantiarum asymmetria omnes errorum causas constitutas esse.*

L I B R O primo sex omnino rei aspectabilis condiciones ad visionem necessarias esse diximus: Illustrationem, de qua proposit. 58. Distantiam ab oculo, de qua propositione 56. Situm seu oppositionem, de qua proposit. 55. Magnitudinem, de qua proposit. 54. Opacitatem, de qua proposit. 53. Medij perspicuitatem, de qua propositione 57. Quibus si adicias Moram, quam proposit. 78. ad perfectam visionem de- posci ostendimus; itemque Organi integritatem, quam stolidum esset in controuersiam vocare; octo erunt omnino, quæ ad accuratam visus functionem necessariò conspirant.

C In quibus sane amplissima est eius magnitudinis varietas, quæ maioris ac minoris ratione spectatur. atque in nonnullis mediocritas, in aliis extrema exquisitæ visioni magis conducunt: lux enim imprimis mediocris utilis est. quod eleganter edisserit D. Chryso- stomus homilia 5. de incomprehensibili Dei natura: *Quid, inquit, luce iucundius? quid radio solis acceptius? attamen res hæc tam iucunda, tam accepta & placida, ubi supra modum sese oculis nostris obtulerit, grauis molestaq; occurrit. Quamobrem Deus immortalis noctem diei succedere voluit, quæ oculos fatigatos demissis genis operiret, & pupillis quietem reconciliaret, atque ita vim recrearet videndi, & ad futurum officium redderet aptiorem. Hinc etiam vigilia & somnus, res inter se contrariæ, pariter iucundissimæ accidunt suæ moder- atione vicissitudinis; & cum lucem suauem nominemus, somnum quoque suauem dicimus,*

D *qui nos dimouere à luce consuevit. Ita omnibus in rebus graue molestumq; est, quod immodi- cum, suauem, utile, & iucundum, quod modicum.* Igitur lux maxima obtutum hebetat, atque aciem retundit; minima verò latentia obiecta ad actum non traducit. quo fit vt parietes impèsè nigri in obscuro loco subinde non appareant, cumq; transitum præbituri videan- tur, in eos nonnumquam homines incauti impingunt. Sic immensa distantia visilia extra conspectum defert, proxima verò obtutum confundit & dissipat. quare medium quod- dam utile est interuallum iustitia ad aspectum accommodatum. Sic quæ obliquè visui obijciuntur aut ab axe optico declinant, minùs conspicua sunt, vti & exigua corpuscula, quæ nisi directè opponantur, & propè sint, non apparent. Rursus si diaphana sint ea quæ oculis obiectantur, colores eorum nigri videntur. nam in spectabilibus rebus opacitas commendatur, quæ aspectum sistat ac terminet; in medio autem transparentia necessa- ria est, quæ rerum simulachra ad aspectum transfundat. Quocircà si medium fumo vaporibusve crassescit, res propositæ minùs articulatè cernuntur: & si tempore exiguo visus rei considerandæ immoretur, nihil perfectè comprehendet. Demum ob poten- tiæ imbecillitatem aut sensorij deprauationem, contingit quosdam propè, alios eminùs nihil distinctè contueri: hinc etiam nigredinis in re non nigra apparentia, visus arguit de- fectionem. Nam visionis interceptio, tenebrarum aut nigredinis speciem ostendit, vt in iis videre est, qui animo delinquant. Hinc præterè in pariete albo obscuræ maculæ in- terdum putantur umbræ.

Sunt itaque in his omnibus quidam gradus aspectui symmetri atque accommo- dati, quos ultra citraq; nequit res vlla videri: quare, vt idem loquitur D. Chryso- stomus loco superius citato, *singuli nostri sensus modum, normam, & limitem certum habent à na- tura datum.* Cùm verò oporteat conuenienti, & quasi harmonica proportione hæc om- nia ad visus facultatem se habere: consequens est, vt perturbata hac habitudine plurimæ deceptiones in visus functionem irrepant; quarum exempla referre superuacaneum du- cimus, tum quòd ex vniuersa hac tractatione innumera desumi possint, tum quòd ipsius hypothesis veritas adèd per se nota sit, vt meritò eam nobis nulla adhibita demonstra- tione concedi postulemus.

HYPOTHESIS IV.

A

*Errores visus posse corrigi, tum mente, tum aliis
internis externisque sensibus.*

NON posse aspectus fallacias ratione confutari, ex eo probari posse videtur, quòd ratio, visu decepto, pariter circumueniatur. Eius siquidem operatio ex sensus apprehensione dependet. Igitur si ratio visus errorem emendare posset, se ipsa reprehenderet, atque ita numquam falleretur. ex quo fit, vt mens sensum labentem fulcire non possit.

Sed quòd neque id sensus alij possint, probatur: quia circa distincta obiecta singuli verfantur, nec quidquam commercij inter se habent. Vnde de his ita præclare cecinit Lucretij Musa libro 4. de natura:

*An poterunt oculos aures reprehendere? an auris
Tactus? an hunc porro tactum sapor arguet oris?
An confutabunt nares, oculiue ruinent?
Non, vt opinor, ita est. nam seorsum cuique potestas
Diuisa est; sua vis cuique est. ideoque necesse est,
Quod molle aut durum est; gelidum feruensve; seorsum
Id molle aut durum, gelidum feruensve videri:
Et seorsum varios rerum sentire colores,
Et quæcumque coloribus sunt coniuncta necesse est.
Seorsus item sapor oris habet vim; seorsus odores
Nascuntur; seorsum sonitus: ideoque necesse est,
Non possint alios alij conuincere sensus.*

Verùm enim verò quoniam concessum nobis hoc iam est, errores omnes, qui in visus functionem irrepunt, ex aliqua causa prouenire; etsi non quoties causa erroris interuenit, aspectum falli sit necesse: dico tunc solummodò errorem obtingere, cum erroris causa ignoratur: nam perfacile est, cognita fallaciæ causa, errantem facultatem & se ipsam reprehendere, & ab aliis tum sensibus tum intellectu restitui. Magnam siquidem inter se sensus internæque potentia societatem habent, ac mutua sibi auxilia suppeticque ferunt. Vnde quod in picturis prominere oculo videtur, id tactus planum indicat: & vnum percipit idem tactus, quod distracta luminum societate geminum conspicitur. Eodem modo, si vera rei distantia mente internove sensu perspecta sit, vt libro tertio proposit. 4. docuimus, & vera eius magnitudo cognita erit. nam tum solùm res minor, quàm reuera est, apparet, cum eius distantia ignoratur, vt infra ostendemus suo loco. Quare si erroris causam mens, aut internus externusve alius sensus assequatur, errantem visum facillè coarguet, atque ex aliarum circumstantiarum vera notitia corrigit.

Ad argumentum, quo probari videbatur non posse errores aspectus ratione emendari, concedimus visu decepto mentem pariter in eumdem errorem protrahi, si lapsus causam non percipiat: at si eam deprehendat, errorem restitui, seque mentem ipsam reprehendere. Vnde nullo pacto sequitur, mentem numquam in errorem prolabi posse ductu oculorum: nam contingit subinde causam erroris ignorari.


Ad alterum argumentum, quo idem de aliis externis sensibus ostendebatur; dicendum quòd licet distincta sint singulorum obiecta propria, tamen quædam communia sint, ad quæ plures sensus attingunt. nec posse, vt argumentum rectè concludit, errores visus qui circa lumen aut colores obueniunt, alio sensu dignosci aut emendari; sed circa communia obiecta alterius errores altero corrigi, nemo inficias ibit. Quocirca, inquit, D. Nemesius libro de natura hominis cap. 7. interdum aspectus ceterorum sensuum testimonio indiget, cum id quod cernitur artificio ad fallendum factum fuerit, vt in pictura. Nam pingendi artis opus est, fallere aspectum non veris eminentiis & lacunis: si res eiusmodi natura est, ubi opus sit maximè quidem tactum adsciscere; interdum tamen etiam gustatum, aut odoratum, vt in pomo cereo. Igitur in illis rebus quæ pluribus sensibus sese offerunt, si vnus fallatur, alter verò rectè sentiat, non erit à ratione alienum existimare, illum qui falsa imagine decipitur, alterius incorrupto iudicio posse restitui: non ita quidem, vt sensus ille qui errat rectius iam sentiat quàm prius; sed vt primaria facultas vtriusque sensus functionem superiori potentia transcribat, quæ postea litem dirimit, atque alterum ex alterius veriore sensu erroris reum pronuntiat.

A

HYPOTHESIS V.

Maioribus spectata angulis distinctius evidentiusq; internosci.

SINT duæ magnitudines æquales AB & CD oppositæ visui E ; simili quidem oppositionis genere, at distantia inæquali: quemadmodum tota AB sub maiori angulo videtur, quàm tota CD ; ita quæcumque pars lineæ AB , puta AF , sub maiori angulo E conspicitur, quàm pars ei æqualis in linea CD , cuiusmodi esto CG . Est enim angulus AEF maior quàm angulus CEG ; & ita de ceteris partibus vtriusque lineæ existimandum est. Quare tota AB secundum omnes etiam suas partes maioribus angulis spectatur, quàm tota CD . Ideoque vnaquæque etiam pars lineæ AB perfectius dignoscitur, quàm quæ his æquales sunt in linea CD , vt per se notum est.



Hoc ipsum Euclides suppositione vndecima suorum opticorum his verbis proposuit: *Quæ sub pluribus angulis spectantur, expeditius videntur.* Quorum verborum idem est, qui superiorum sentus. Nani vt maiori angulo, ita pluribus AB spectatur quàm CD . Quales enim angulos numero quidem paucos, continet angulus CED , tales, sed plures, angulus AEB comprehendit. Exempli gratia, si ponatur angulus AEB duplus anguli CED , sitque angulus CEG quarta pars anguli CED , erit idem angulus CEG anguli AEB pars octaua. quocirca quales angulus CED continet quatuor, tales AEB angulus octo complectitur. Et quod de totis dictum est, id in partibus ostendi potest.

Verùm quamuis idem esse videatur pluribus angulis spectari, quod maioribus, tamen multitudo angulorum non ita euidenter causam perspicacioris intuitus exponit, vt magnitudo. Nam quo magis attenuantur anguli, eò minùs perfectè res cernuntur, quoad tandem sub insensilibus angulis res ipsæ insensibiles euadant. Et licet plures insensibiles anguli in vnum conueniant angulum; non tamen ratione multitudinis rem conspicuam facient: quoniam enim singuli sensum fugiunt, & partes singulis subtensæ penitus delitescunt; quare & totum imperceptibile sit necesse est. Non igitur ob multitudinem angulorum, sed ob eorum amplitudinem res obiectæ euidentius conspiciuntur.

FALLACIAE ASPECTVS CIRCA DISTANTIAM.

E

DEFINITIONES.

I.

Iusta Distantia ea est, in qua apparent partes, quæ totius comparatione sensibilem proportionem habent.



QUAMVIS libro primo propositione 56. ostensum sit, visum suapte natura infinite protendi; tamen ex sequente ibidem propositione 57. liquet obiecti conditionem obstare, quo minùs ad quodcumque spatium re ipsa extendatur, quòd nimirum omne obiectum spatio definiatur, vltra quod videri non potest. Quocirca ratione obiecti certa quædam distantia ad exactum intuitum exigitur, quam tum iustam seu mediocrem, ac visui proportionatam esse dicimus, cum in ea discerni queunt partes, non illæ quidem atomæ, sed quæ totius comparatione sensibilem magnitudinem proportionemque obtinent. Hæc iustæ distantie explicatio omnem illam latitudinem complectitur, quæ inter extrema interiacet. Non enim in præsentī nobis propositum est eam obiecti distantiam describere, qua omnes eius partes quàm commodissimè aspectus internoscat; sed illam tantum quæ ab immoderata seu nimia distinguitur.

II.

A

Immoderata distantia illa est, qua partes sensibilem habentes proportionem ad totum delitescunt.

EXPLICATA distantia mediocri, quæ immoderata ac nimia cenferi debeat, manifestè colligitur. Est namque maior æquo distantia, cùm partes, quarum totius comparatione notabilis est magnitudo, longiùs à visu abductæ, ita extenuantur, ut sensum penitus fugiant; quæ proinde distantia nimia dicitur, quòd visionis metam excedat, ad quam scilicet vis oculorum attingere nequeat. B

III.


Qua maiori visibili mediocris est distantia, ea minori est iusto maior.

PERSPICVVM fanè hoc est. siquidem in eadem distantia maioris obiecti maior est angulus quo spectatur, quàm minoris. nam per 18. primi Euclidis omnis trianguli maius latus maiorem angulum subtendit. Fieri itaque potest, ut duarum magnitudinum inæqualium pari interuallo ab aspectu disiunctarum, maioris quidem partes notabilem habentes proportionem ad totum, sensilibus angulis respondeant; minoris verò partes, insensilibus. Quare eadem distantia maioris obiecti comparatione mediocris est, at minoris respectu immoderata. C

Ex quo subinferre licet iustum iniustumque interuallum nequaquam absolute dici, sed obiecti comparatione. Vnde non modò eadem distantia, vnius obiecti respectu mediocris est, alterius verò nimia: verumetiam maior distantia moderata esse potest, atque obtutui proportionata; minor autem fines obtutus excedens: hæc scilicet minoris obiecti, illa verò maioris collatione: non enim vno eodemque modo in eadem distantia maius ac minus perspiciuntur.

PROPOSITIO I. THEOREMA. D

Distantia minores semper, quàm reipsa sint, conspiciuntur.



A visibus enim A & B radij ad B vtriusque distantia terminum educantur AD & AE , item BD & BE . quoniam igitur libro tertio propositione 4. ostensum est, distantias ex axium opticorum longitudinibus cognosci; ita erit apprens distantia CE ad CD distantiam apparentem, quemadmodum axis opticus AE apprens, ad axem opticum AD apparentem comparatus. Sed quemadmodum angulus ABE ad angulum ABD , ita axis apprens AE ad axem AD apparentem per 9. propos. libri tertij: angulus autem ABE maior quidem est, at non duplo maior angulo ABD , cùm per quintum lemma minor sit angulus DBE quàm angulus ABD . Minor ergo quàm dupla proportio est apparentis axis optici AE ad AD axem apparentem: ac proinde minor etiam quàm dupla proportio est apparentis distantia CE ad distantiam CD apparentem; est autem reipsa dupla proportio. Ergo apprens minor quàm reipsa sit, quòd erat demonstrandum. F

Deinde cùm dictum sit libro tertio propos. 2. per interiecta corpora, velut terræ superficiem, distantias cognosci: sit inter videntem & D punctum visibile interiecta terræ superficies CD ; inter signum verò E & videntem sit expansa terræ superficies CE dupla ipsius CD , sic ut DE æqualis sit ipsi CD , at illa remotior, idcirco erunt lineæ AE & AD rectis AD & AC

A & **A C** maiores, ac proinde per quintum lemma angulus **E A D** angulo **D A C** minor erit, & compositus **E A C** ipso **D A C** minor quàm duplus: at cùm per nonam proposit. lib. tertij ita sit apparens terræ superficies **C E** ad eius portionem **C D**, vt est angulus **C A E** ad angulum **C A D**, apparebit distantia **C E** minor, quàm dupla ipsius **C D**, atque adeò quàm reipsa sit minor, quod erat demonstrandum.


Erroris causa est inæquale angulorum incrementum; non enim illi æqualibus distantiarum adiectionibus pares admittunt accessiones, sed longiore semper recessu minores, vt ostensum est.

B Errorem mens corrigit ex comparatione similium distantiarum, quas aliàs sæpè peruidit. Comparationem porrò homines plerumque faciunt ad terræ superficiem, non verò ad alia interiecta corpora: illam enim frequentius explorare consueuerunt pedum aut passuum modulis, dum vel eam sæpè perambulant, vel dum adhibita regula eam ad amissim emetiuntur. Quo verò maiorem quis hac in re vsum experientiamque habet, eò certius iudicat de insuetis; inexpertus autem sæpius grauiusque hallucinatur.

PROPOSITIO II. THEOREMA.

Eorum qua in directum longo ordine exponuntur æquales intercapedines, quò remotiores eò semper minores apparent.

C **S**IT visus **A**, terræq; superficies **B C**, in qua sint longo ordine exposita signa **B, D, E, F & C**, paribus interuallis ab inuicè disiuncta, ad quæ radij emittantur ab visu **A**, nempe **A B, A D, A E, A F & A C**. Cùm per quintum lemma angulo **B A D** minor sit angulus **D A E**, & hoc minor angulus **E A F**, ac minimus omnium sit **F A C**, necesse



est ipsas signorum intercapedines, quò remotiores eò minores apparere, nempe ipsâ **B D** minorem **D E**, & hac **E F** minorem, minimam aurem **F C**. Nam per 9. propositionem lib. 3. ita se habent apparentes rerum magnitudines, vt anguli quibus subtenduntur.

Fallaciæ causâ eadem est, quæ præcedentis, nimirum anguli mutatio, quæ veræ distantie minimè respondet, sed quæ augmento veræ distantie semper est minor, decremento verò maior. Vel causa est aspectus, radiorumque incidentium obliquitas, qua fit vt per æqualia distantiarum incrementa, angulis ipsis minores semper fiant accessiones.

CONSECTARIVM.

E *Superiores adificiorum ordines resupinari videntur.*

F **E**x hac eadem fallacia ille quoque error emanat, quo in ædificiis superiores ordines resupinari, vt Vitruuius loquitur, hoc est posteriorem in partem reclinari videntur, cuius fallaciæ causam Vitruuius proposuit lib. 3. cap. 3. his verbis: *Quo enim aliis oculi scandit acies, non facile persequat æris crebritatem: dilapsa itaque altitudinis spatio, & viribus extrita, incertam modulorum renuntiat sensibus quantitatem. Quare semper adijciendum est rationis supplementum in symmetriarum membris, vt cùm fuerint in altioribus locis opera, aut etiam ipsa colossiciora, certam habeant magnitudinum rationem.* Et paulò post eodem capite, vt huic necessario malo aliqua saltem ex parte occurrat, hanc præscribit legem: *Membra omnia, quæ supra capitula columnarum sunt futura, id est, epistylia, zophori, coronæ, tympana, fastigia, acroteria, inclinanda sunt in frontis sue cuiusque altitudinis parte duodecima: idè quòd cùm steterimus contra frontes, ab oculo lineæ duæ si extensa fuerint, & vna tetigerit imam operis partem, altera summam, quæ summam tetigerit, longior fiet. Ita quo longior visus lineæ in superiorè partem procedit, resupinatam facit eius speciem; cùm autem, vti supra scriptum est, inclinata fuerint, tunc in aspectu videbuntur esse ad perpendiculum ac normam.* Picturis etiam, quæ editori loco collocantur, id magnam adfert venustatem, si anteriorem in partem non nihil inclinentur, sic enim aspectantibus ab imo propensiores fiunt, & tamen à perpendiculi reëtitudine minimè abesse videntur.

PROPOSITIO III. THEOREMA.

In rerum distantis tum maximè visus hallucinatur, cum aut visibile longius distat, aut cum hoc inter & visum nullum spectabile corpus intercedit.



Hæc propositio bipartitè diuiditur, quoniam duas exponit primates errorum causas, quarum altera est immoderata distantia, altera mediæ interiecti inanitas. Ac prior quidem propositionis pars ex eo potest demonstrari, quòd maior sit proportio distantiarum, quàm angulorum, sub quibus illæ continentur, vt libro tertio propositione septima est demonstratum. Hinc enim fit, vt postquam distantia plurimùm excreuerunt, licet deinceps magnis accessionibus producantur, anguli tamen non pro rata augeantur, sed semper minùs, vt propositione præcedente ostensum est, quoad tandem insensibilis fiat angulorum mutatio, quæ notabili distantiarum productioni respondet.

Posterioris verò partis ratio est, quoniam frequentius consuevit aspectus distantias per interiecta corpora explorare, vt lib. 3. propof. 2. docuimus, præsertim cum breui admodum termino definita sit ea distantia, quam visus ex axium opticorum longitudine dignoscere exactè potest. Cum verò corpora aliqua inter visum ac visibile interposita sunt, eaq; ordine quodam disposita, ex horum intuitu mens numerando faciliùs distantiam colligit. Exempli gratia, fingatur longissima porticus pedum quadringentorum aut ampliùs hinc perpetuo pariete, illinc columnis subnixa, sitq; eius longitudinis medium aspectu inuestigandum. Id sanè nullo negotio is assequetur, qui ad columnarum numerum attendat. nam eo consistens loco, vnde æqualem numerum columnarum vtrimque spectet, ibi medium longitudinis designabit. At si solam terræ superficiem inspiciat, aut perpetuum parietem incrustatum cui vicinus sit, haud facile erit medium longitudinis definire: siquidem distantia pedum ducentorum, quæ hinc inde relinquatur, ad altitudinem staturæ humanæ comparata metas iustæ proportionis excedit, sic vt decem aut etiam viginti pedes in fine adiuncti aut detracti, nullum sensibile discrimen quoad aspectus æstimationem inducant, propter anguli insensibilitatem.

Hinc multe obueniunt deceptiones, è quibus illustriores quasdam hinc attexere lubet, velut huius propositionis consectaria.

CONSECTARIUM I.

Arborum & columnarum anteriorem in partem longo ordine expositarum, quæ longissimè distat, coniunctæ videntur.

IN promptu est huius consectarij causa. Facit namque immoderata distantia, vt remotiorum arborum vel columnarum interstitia visu non percipiantur, scilicet propter angulorum, qui eis respondent, insensibilem tenuitatem. hi enim, vt propositione secunda est demonstratum, quantò ad remotiores distantias attinent, tantò semper pro rata angustiores euadunt, quousque tandem aspectum omnino effugiant: quod cum accidit, ipsæ etiam intercapedines rerum longius distitarum ab aspectu surripiuntur. Vnde resæ coniunctæ videntur, quæ alioquin non mediocri intervallo distat. Ea nimirum vis inest obliquitati obtutus, vt quo obliquior est, eò minores comprehendat eas magnitudines, quæ reipsa æquales sunt, aut etiam maiores. Est porrò remotiorum interstitiorum obliquior semper intuitus, igitur & minor angulus quo videntur, ac tandem etiam insensibilis. Quocirca arbores ac columnæ in directum expositæ, quæ longissimè distat, coniunctæ videntur.

Quod de arboribus atque columnis dictum est, hoc in rebus aliis quamplurimis locum habet. omnibus siquidem commune est longiore recessu earum magnitudines secundum aspectum minui, quòd pyramidum opticarum anguli, qui ad vertices consistunt, in angustum contrahantur, cum illarum bases longius absint. Quoniam itaque rerum intercapedines quamdam magnitudinum rationem habent, his idem quod rebus accidere ipsis necesse est.

A

CONSECTARIVM II.

Qui procul ab amne distant, res vltiores à ceterioribus non distinguunt.

SI QV IDEM propter aluei profunditatem aquæ superficies spectari non potest: quam Sobrem spatium, quod latitudo fluminis occupat, per se visus non assequitur. Vt enim libro tertio proposuit. §. ostensum est, distantia maiores per interiecta corpora distinguuntur. Igitur è toto spatio, quod inter videntem & res vltra amnem constitutas diffunditur, ea portio subduci debet, quam latitudo fluminis non apparentis complectitur; quod enim non spectatur, pro nihilo censi debet. Quare res vltiores ac ceteriores, quas delitescens aqua discriminat, coniunctæ videntur per præcedens consecrarium, nec eas visus distinguit. Vnde frequens hallucinatio contingit, qua etiam mens ipsa non raro dubitat, an quos oculus eminens conspicit montes, vel campos, aut arbores, aut turres, citta flumen sint, nec ne: cum vicinum esse flumen constat. Sic sæpè perpetuo gramine vestita apparent prata quæ intercurrentibus riuis dirimuntur; horum siquidem alueos surrecta herba ab aspectu suffutatur.

C Huic defectui duobus potissimum modis ratio occurrere consuevit. Alter est consideratio illarum rerum, quæ eandem fermè magnitudinem habent, vt sunt arbores ac domus; has namque si solito maiore inæqualitate dissidere conspexerit, minores vltiores iudicat, maiores verò ceteriores, vt pote propinquiores. Alter est coloris inspectio: nam quæ longius distant, cum per aëtis densitatem cernuntur, cæruleum quodammodo, seu nebulosum colorem affectant. vnde fit, vt arbores, quarum viror herbaceus est ac naturalis, propinquiores; quarum verò color ætugineus est magis, remotiores esse conuincantur.

CONSECTARIVM III.

Planeta ac stella fixa, quantum à nobis distent, aut quæ plus minusve, visus non assequitur.

D

SI vastissima terræ moles cæli comparatione puncti instat sit, vt veris rationibus Astro-nomi probant, perspicuum sanè est, quantum minus æstimari debeat oculorum intervallum: vnde liquidò constat, angulum qui huic ceu basi insistit, & ad cælos vsque verticem protendit in concursu, indiuiduum omnino atque imperceptibilem esse. Nec vllum eius notabile incrementum aut decrementum percipi posse, siue ad fixa, siue ad errabunda sidera iugati axes optici euibrentur. Nullum igitur distantia discrimen in his vumquam poterit notari, si soli aspectui ctedatur. At ratio huic obscuræ inuestigationi plurimum attulit adiumenti: multis siquidem præclare inuentis, quæ optica ex se fudit, illustres quasdam veritates patefecit, de quibus alius erit differendi locus; minimè tamen **E** ab hoc instituto alienus, cum illa ex huius scientiæ arcanis sint deprompta.

CONSECTARIVM IV.

Cælum terra coherere in ambitu horiZontis videtur.

HVIVS tei hæc est genuina causa, quòd spatium tertam inter cælumq; diffusum, quæ spectabilis horizon vtrumque attingit, visus non assequatur; vt pote solo aërio inani obseptum; omni autem solido corpore vacuum. Quod cum ita sit, soletque ex interiectis corporibus longiores distantias visus explorare, vt libro 3. proposuit. §. tradidimus; necessum est huic phantasiæ idem prorsus euenite, quod in rebus præterfluente amne diremptis consecrario secundo ostendimus, vt nimirum cælum terræ coniungi visus arbitretur, nisi mens cæli sublimitatem aliunde edocta errorem corrigat. Id Cleomedes quoque libro 1. circularis inspectionis his verbis proposuit: *Cum mare nauigamus, in quo terraloco non spectatur, circūcirca in horizonte nobis cælum imaginamur aquam contingere. At cum eò peruenerimus, ubi nobis imaginamur cælum maris aquas contingere, rursus spectatur supernè incubare: procedendoq; quouis nauigio id contingit. Proinde si nauigiis aut ambulando terra circumeatur, nulla pars erit, ubi cælum non supernè incubet.* Hinc idem Cleomedes cælum probat rotundum esse; sed & terrarum aquarumque congestam

molem sphæricum habere schema, ex eadem aspectus apparentia constat. Hinc fit etiam A
 vt sol occidens mergi sub vndas pelagi ab infantibus rudioribusque credatur, vti ex aquis
 prodire cum primùm oritur, propter eam quam diximus aspectus fallaciam.

PROPOSITIO IV. THEOREMA.

*Subinde remotiores, plurimum tamen propinquiores ea res existi-
 stimantur, quarum intermedium spatium non percipitur.*



x superiore propositione palàm est plurimos errores ex intermedij spatij B
 ignoratione prouenire, quod quidem tum maximè vsu venit. cum inter
 spectatorem & rem visilem nullum corpus conspicuum intercedit. Nunc
 verò duplex fallaciæ genus ex eadem illa causa prognatum proponitur.
 Alterum est, cum res per inane spectatæ æquo propinquiores videtur: alte-
 rum, cum iusto longiùs abesse existimatur. Ac falli quidem interdum ex hac causa aspe-
 ctum posse nemo inficiabitur, cum certò constet internum sensum omni externo præsi-
 dio destitutum non posse de proposita rei distantia per se iudicare. Fortuitò ergo & quasi
 diuinando de ea coniecturam facit. Coniecturale autem iudicium, quia non ex re ipsa,
 sed ex priuata opinione ducitur, sæpè fallit, & nunc in vnã nunc in alteram partem à
 vero abducit: ita scilicet subductis medijs corporibus aliquando propiùs, aliquando longi- C
 giùs ipsum visile abesse mens auguratur, quàm sit re ipsa. Nunc vtrumque subinde eue-
 nire, duobus his consecrariis è millibus desumptis ostendamus. nil enim verat à poste-
 riori effectum causam probari.

CONSECTARIVM I.

*Cælum prope horizontem longiùs à nobis distare vide-
 tur, quàm iuxta verticem.*

Hic enim nullum corpus, illic verò interiacet terræ superficies. Et quamuis reuerà
 longiùs à nobis cælum distet circa horizontem propter terræ latitudinem, hoc tamen D
 discrimen cæli comparatione insensibile est. Vnde in astronomicis considerationibus,
 quæ per visum fiunt, aut vmbra, nulla eius ratio habetur: sed, ac si centrum visus nostri
 in centro mundi existeret, omnia præstantur. Apparet autem cælum nobis ad horizon-
 tem manifestè remotius, propter interpositam terræ superficiem, ad verticem autem pro-
 pinquius, ob spatij interiecti ignorationem. Palàm igitur est subinde propinquiores res
 illas existimari, quarum interiectum spatium ignoratur.

CONSECTARIVM II.

Nubes terræ adhaerentes, propè; auulsa, longissimè abesse videntur. E

E Paludosis locis dum solaribus radiis percussa terra incalescunt, densi quidam vapo-
 res non rarè subleuari conspiciuntur, æstiuo præcipuè tempore, pacato tranquilloque;
 cælo, & horis aliquot post solis exortum. Hi cum primùm è terra aut superficie aquæ
 prorumpunt sensim coacti densantur; deinde ad miniculum quærentes secundùm terræ
 superficiem perreptant, & ad eminentiora loca naturæ ductu contendunt; vnde tandem
 insita leuitate auulsi in sublimi pendent, & more aliarum nubium ventorum impetu ra-
 piuntur.

Qui hoc naturæ opus attentius contemplantur, illas vaporum collectiones, priusquam
 à terræ contactu separentur, propinquas vident, cum nimirum breue terræ spatium in- F
 teriectum animaduertunt: vt autem à terra primùm secretæ liberè vagantur, longinqui-
 tatem illarum mirantur, cum cælo proximæ, aut multis passuum millibus abesse videan-
 tur. Ita enim omnino apparent, quemadmodum ceteræ nubes, quas longissimè distare
 imperitum vulgus solo aspectu arbitratur; cum tamen non rarè breui absint interuallo.

Huic experientiæ ipse in primis subscribo, oculatus testis, & non infrequens fallaciæ
 admirator. Siquidem numquam adedò vicinas esse nubes hasce credidissim, nisi momen-
 to antè temporis è proximo terræ loco diuelli eas conspexissem. quod ipsum ab aliis
 quoque non semel notatum fuisse comperi. Perspicuum est igitur remotiores interdum
 apparere res illas quarum interiectum spatium non percipitur.

A Hæc quamuis ita sint, crebrius tamen vsu venit, vt viciniora illa iudicentur, quorum spatia intermedia non perferuntur. Estq; hoc magis è ratione deductum: nam cum interiectum spatium sit ipsa rei distantia, sanè spatio ignorato, ipsa quoque distantia latet; hac verò non integrè percepta, minui censetur: siquidem quod non sentitur, non esse existimatur. Igitur propinquiora hæc videntur, cum propinquiora illa sint, quæ minus distant.

Simile quiddam in temporis transactione ostendi potest. Nam qui grauioribus occupationibus vrgentur, temporis prolixitatem non sentiunt, citiusque, quod longè futurum est tempus, aduentare mirantur, quòd nimirum multas intermedij temporis partes mens

B præoccupata non sentiat. Contra verò qui futurum breui tempore otiosè opperiantur, tarditatem inculant, idq; propter præsentis temporis, cui mens continuo intentà est, diurnitatem.

Sic qui à primo somno repente expergiscuntur, subinde multum, aliàs parum se dormiuisse existimant. Tum quidem plus, cum longas historias somniando percurrerint; siquidem tunc aliquam temporis intermedij notionem acceperunt: tum verò minus, cum profundè nec ad satietatem somno indulerint, vt potè qui nihil temporis tacitè decursi persenserint.

C Qui verò animo delinquant, ita instantia temporis præteriti ac subsequenti iungunt, vt continuum putent, quòd scilicet propter animi absentiam nullam omnino medij temporis cognitionem habere potuerint. Quare perinde ac si nihil temporis interlapsum sit, præteritum futuro coniungunt. Eodem prorsus modo aspectus disiunctarum rerum extrema connectit, cum interpositi spatij portio aliqua inuisa præterlabitur. Hac enim velut interpuncta, quod reliquum est, vnum videtur; atque adè quod longè distitum, propinquius fieri existimatur.

CONSECTARIVM III.

Ignes noctu procul conspecti viciniores apparent.

D **N**EMPE quòd spatium interiectum, propter tenebras rebus omnibus offusas, ex æquo æstimari non possit. quamquam & alia eius rei causa esse possit, videlicet opticorum radiorum infractio per aëris densitatem obueniens; vnde etiam fieri videtur, quòd eadem lumina maiora, quàm reipsa sint, conspiciantur: vt & sol, cum sub occasum per medios vapores terræ cohærentes transpareat; & luna, cum sole occumbente exoritur.

PROPOSITIO V. THEOREMA.

Sub tenebras, vt circa crepusculum, quæ propè sunt, remota esse creduntur.

E **Q**UOD hoc loco proponitur, ita quidem reipsa se habere frequens docet experientia. Causa verò erroris hæc esse videtur, quòd res offusæ tenebris obscuram incertamq; imaginem oculis ingerant: qui proinde firmas acies dirigere in obiecta nequeant. Cumque hoc ipsum iis quoque accidat, quæ longè distita sunt; arbitratur visus ea quæ hoc modo conspiciunt, longius distare, propter affectionis similitudinem, eandemque cum rebus distitis apparentiam.

Hoc deceptionis genere plurimum capiuntur illi, qui ingruentibus tenebris iter faciunt. nam proximas ædes, eminè se conspicari arbitrantur; & arbores longè remotas, quibus admodum sunt vicini; occurrentesque ipsis homines, cum proximi sunt, è longinquo aduentare existimant.

F Errorem verò mens corrigit ex perspecta rerum magnitudine, vt si arbores in tenebris appareant ea magnitudine, qua maximæ quæque è propinquo cernuntur, mens iudicat; eas longè abesse non posse, licet primò aspectu remotiores videantur. Huic quoque rei auditus præsidio est, quippe qui inter ceteros externos sensus distantiam percipiendi vi pollet. Nam & ex æris campani sono in turribus excitato, & ex humanis vocibus, musicisque organis in ædibus popinisque perstreptibus, distantia magnitudo auditus ope colligitur. hæc enina si clarè audiantur, vicina loca esse oportet vnde proueniunt.

PROPOSITIO VI. THEOREMA.

Per nebulam turres ac montes longius, quàm sereno celo distare existimantur.



Hæc fallacia superiori per omnia similis, quam & quotidiana experientia confirmat. perperam verò ex infractione eam fieri quidam arbitrantur. Nam quæ per nebulam fit radorum infractio, vti per densius medium rerum phantasias adauget, quæ verò augentur, propinquiora fieri videntur. B

Non igitur ex infractione hæc deceptio originem ducit.

Neque ex eo provenit quòd interiecta corpora ab aspectu surripiantur. Hinc enim viciniore potius res esse viderentur quàm longius distatæ, vt propositione quarta ostensum est: at remotiores apparent. non igitur ex hoc capite propositus error obuenire potest.

Dicimus ergo id ex eadem causa fieri, ob quam in tenebris res longius distare creduntur, quòd videlicet per nebulam iuxta ac in tenebris res obscure appareant, eò scilicet modo quo spectari illæ solent, quæ longissimè distant.

PROPOSITIO VII. THEOREMA.

Quibus obtusior est oculorum acies, his res quadam propinqua longius abesse videntur.



IT non rarò vt ij qui imbecilliozem habent obtutum, è duobus obiectis æquè à visu disunctis, id quod viuacitate colorum magis conspicuum est, propinquius videatur; id verò remotius, cuius colores sunt languidiores. Inde verò huius erroris causa ducitur, quòd propinquiora euidentius videantur, vt lemmate 2. superius est præmonstratum. Vnde mens ita secum tacite ratiocinatur: Hoc obiectum manifestius videtur, ergo propinquius est; illud verò remotius, siquidem obscurius cernitur. Errat autem, quòd aliunde possit claritas D aspectus provenire, quàm à colorum viuacitate: nam & ab aspectus perspicacitate, quemadmodum etiam à maiore incidente lumine, quo colores ad actum educuntur & spectabiliores fiunt, obtutus inclarescit, vt ex proposit. 60. lib. primi constat.

PROPOSITIO VIII. THEOREMA.

Ob temporis breuitatem nequit aspectus veram rei distantiam explorare.



VM enim per 3. propositionem huius libri ex longa corporum interiecto- Erum serie, tamquam ex re notissima, distantia cognitio plurimum soleat inuestigari; perspicuum sanè est moram requiri, qua opticus axis totum spatium per medium diffusum transcurrat. Si igitur res breuissimo tempore præsens, illicò ab oculis eripiat, incertam relinquet distantia notionem, & interdum quidem maior, aliàs verò minor existimabitur, qualem nimirum prima, eaque confusa inspectio suggererit. Ita sæpè hallucinari aspectum contingit in iis rebus, quas aliquis perfunctorie leuique oculorum iactu intuetur: vt cum quis palatium visendi causa ingreditur, vbi atria, porticus, aulæ, trichinia, ceteraq; loca prægrandia sunt, atque amplitudine consuetum morem excedunt; ibi si moram fecerit, singularum partium imagines veris simillimas hauriet: si verò obiter singulas aspexerit, illarum F notiones sibi extemplò effinget plurimis erroribus obnoxias. Præterea multæ sæpè accedunt erroris causæ; vt si distantia, quæ explorandæ proponuntur, accliuæ sint aut decliuæ, aut quocumque alio modo obliquæ: rursus si in aperto sint, minores existimantur, quàm in concluso. his verò omnibus intenta mens esse debet, ne inde maximè decipiatur, vnde minimè errorem provenire posse existimat; id quod momento temporis fieri non potest. Ergo quod demonstrasse oportuit, spatium aliquod temporis ad exactam distantia cognitionem est necessarium, vt quantum vnaquæque res ex aduerso spectata à vidente distet, rectè æstimari possit.

FALLACIAE ASPECTVS CIRCA MAGNITVDINEM.

A X I O M A T A.

A X I O M A I.

E quibus reipsa positae verus infertur effectus, ex iisdem apparentibus is sequi videtur.

C VIVS axiomatis intelligentia exemplis aliquot perspicua fiet. Vt si æquales apparent anguli, quos recta facit in rectam incidens linea, licet fortè obliqui reipsa sint, tamen recti apparebunt per 13. primi Euclidis. Et si in duas rectas lineas recta incidente linea externus angulus interno & opposito & ad easdem partes æqualis appareat, aut interni & ad easdem partes duobus rectis videntur æquales, parallelæ inter se conspiciuntur ipsæ rectæ lineæ per 28. primi Euclidis. Sic figura, è cuius puncto aliquo ad circumferentiam educti radij cernuntur æquales, circulus apparet, per circuli definitionem, tametsi aut ellipsis esse reuera queat. Ad eundem modum si duorum triangulorum duo latera duobus lateribus æqualia visui exhibeantur, baselq; cernuntur æquales, & anguli æquis lateribus comprehensi æquales videbuntur per 8. primi Euclidis. Rursus si duæ lineæ se mutuo secuerint, rectæque appareant, angulos ad verticem æquales esse aspectus existimabit per 15. primi Euclidis. Possunt verò eiusmodi exempla adferri quamplurima, quæ Lectori consideranda relinquo.

D Et sanè cum eiusmodi proprietates necessariam quamdam cum suis causis connexionem habeant, qui causas videt, aut se videre arbitratur, is effectus ipsos aut simul videt, aut se videre putat. Vt enim impossibile est hominis notionem animo concipere, & rationis capacem negare; aut canem nulla latrandi aptitudine præditum; aut magnetem, qui nulla ferrum alliciendi vi polleat: ita impossibile est circulum non agnoscere, è cuius medio omnes educti radij æquales spectantur; vel non rectos angulos, qui æquales ex vtraque parte incidentis lineæ conspiciuntur. Igitur apparentibus causis apparent effectus, qui ex iisdem reipsa positae inferuntur.

A X I O M A II.

Totum apparet maius sua parte; si quidem excessus, quo totum superat partem, sub sensum cadit.

PERSPICVVM est hoc pronuntiatum. Nam totum sua parte reipsa est maius, & discernendi facultas vtrumque distinguit, necesse est igitur maius illud videri, quod portionem aliquam continet, qua alterum excedat.

Oportet autem excessum illum sub sensum cadere. Nam eius gratia totum parte maius apparet. Quare si excessus visu non percipiatur, quæ relinquentur, æqualia apparebunt. Igitur necesse est portionem illam, qua totum suam excedit partem, sensibilem esse, vt eius adiunctione totius ac partis discrimen conspicuum fiat.

A X I O M A III.

Quæ sibi quoad aspectum congruunt, æqualia videntur.

VTI enim reipsa æqualia sunt per octauum Euclidis pronuntiatum, quæ sibi mutuo congruunt, hoc est, quæ ad se inuicem applicata ita se habent, vt extremis exactè respondeant: sic æqualia illa videntur, quorum extrema vno eodemque radio ad aspectum perferuntur. Siquidem tum vnus extrema cum extremis alterius ita coincidunt, vt visui vnus instar repræsententur.

AXIOMA IV.

A

Quæ uni tertio videntur æqualia, & inter se æqualia videntur.

IN hac quoque apparentia, aspectus rebus ipsis analogia quadam sese accommodat. Nam fieri omnino nequit, ut quæ uni tertio videntur æqualia, inter se inæqualia conspiciantur. Si enim vnum alterum excedere, aut ab illo superari deprehendatur, consequens erit, ut quod maius est, vincat non modò alterum, sed etiam ipsi æquale tertium; quod verò minus est, ab utroque superetur: quare aduersus hypothesin vnum illud tertio æquale non cerneretur. B

Simili modo fieri non potest, ut quæ inter se inæqualia videntur, ambo uni tertio æqualia appareant. Nam quod inæqualium maius est aut minus, hoc non modò superat secundum, sed etiam tertium, cui secundum æquale ponitur. Igitur quæ uni tertio videntur æqualia, & inter se æqualia videntur; quod erat explicandum.

AXIOMA V.

Et quorum alterum uni tertio videtur æquale, alterum inæquale, ea inter se inæqualia videntur. C

SI enim æqualia inter se viderentur, & tertio viderentur æqualia. Necessè siquidem est, ut id quod inæquale cernitur, cum æqualibus, hoc est secundo ac tertio, eandem analogiam habeat, seu ut idem ad æqualia eundem habeat respectum. Igitur quoniam duorum alterum ex hypothesi tertio videtur æquale, consequens est ut primum utriusque æquale aut inæquale appareat. Quocircà si primum seu quod tertio inæquale videri ponimus, secundo videretur æquale, & tertio æquale appareret aduersus hypothesin. Si ergo inæquale vnum tertio apparet, alterum æquale, ea inter se inæqualia videntur.

AXIOMA VI.

D


Et quod uno equalium maius videtur aut minus, maius quoque videtur aut minus altero equalium. Et si unum equalium maius aut minus videtur magnitudine quapiam, alterum quoque eadem magnitudine maius videtur aut minus.

EADEM est huius axiomatis, ac præcedentis explicatio. Quocircà ne diutiùs quàm par est, rebus primò ac per se notis immoremur, rem ipsam Deo duce aggrediamur, cœptumque fallaciarum ordinem prosequamur. E

PROPOSITIO IX. THEOREMA.

Eodem conspecta angulo, quorum distantia non perpendicularuntur, æqualia existimantur.

DEMONSTRARI in primis hæc propositio potest, dato quod obiectæ magnitudines eundem situm ad aspectum habeant, hoc modo: Sint propositæ magnitudines BC & DE , similiter visui oppositæ, atque aded inter se parallelæ, per ea quæ in definitionibus ad propositionem 31. libri tertij exposuimus. Hæ eodem quidem angulo DAE , sed ex inæquali distantia AC & AE spectentur, sic tamen, ut distantia inæqualitas non percipiatur; dico BC & DE magnitudines æquales æstimari.



Cùm enim in parallelas rectas lineas BC & DE recta incidat linea AE , erunt per 29. primi

A clidis anguli ACB & AED æquales, atque eadem ex causa anguli ABC & ADE inter se æquales erunt. Ergo æquiangula erunt triangula BAC & DAE , quibus nimirum angulus A communis est. quare per quartam sexti Euclidis proportionalia erunt ipsorum latera, quæ circum æquales angulos consistunt. Ut ergo AC distantia ad distantiam AE , ita BC magnitudo ad magnitudinem DE : sed ex hypothefi AC & AE æquales videntur, ut quarum inæqualitas non perpenditur: ergo & magnitudines BC & DE æquales apparebunt; quod erat demonstrandum.

Deinde vniuersè hoc ipsum sic demonstrabitur. Sit centrum visus A , res autem duæ BC & DE sub eodem quidem angulo spectatæ, at non eodem modo visui obiectæ: has æquales nihilominus videri affirmo, si quidem distantiarum discrimina non percipiuntur. Cùm enim puncta B & D in rectam lineam AD incidant, similiterque puncta C & E in rectam AE ; non perpendicularantur autem BD & CE distantiarum discrimina ex hypothefi; fit ut puncta D & B , item puncta E & C secundùm apparentiam coincident. Quare vtriusque lineæ BC & DE extrema secundùm aspectum congruunt; atque eodem modo puncta media sibi mutuo respondent. Ducta enim ex A quacumque alia linea, puta AF , quæ vtramque BC & DE in G & F vtrumque interfecet, incident vtraque communis sectionis puncta G & F in hanc eandem rectam lineam AF ; quocirca & ipsa sibi mutuo congruent. Ergo magnitudines BC & DE secundùm aspectum æquales erunt per 3. superius axioma; quod erat demonstrandum.

Hinc contingit multa per deceptionem æqualia videri sub crepusculum, aut noctu lucente luna, cùm nempe rerum distantia minus accuratè dignoscuntur: sic arbores inæquales, ex inæquali quidem distantia, sed sub eodem angulo visæ, æquales sæpè existimantur, cùm illarum inæqualis distantia non expenditur.

Est porrò hæc erroris causa eiusmodi, ut eâ mens quoque ipsa interdum circumueniatur, cùm nimirum nihil suppetit, cuius ope certa distantia cognitio haberi possit, aut quo errantes oculi in veram cognitionem restituantur.

PROPOSITIO X. THEOREMA.

Maioribus spectata angulis maiora, minora minoribus, æqualibus æqualia videntur.



E hoc Euclides in Opticis quarta, quinta, & sexta hypothefi, ceteriq; Auctores Perspectiuæ, Euclidis exemplo, ut per se notum supponunt. Nos etiam tantorum virorum auctoritate freti, in superioribus libris id non semel ut contestatum vsurpauimus. Potest tamen & ratione positissq; principiis demonstrari; quod priusquam faciamus, duo hæc prænotanda sunt.

Primò, idem in hac propositione subintelligendum esse, quod in præcedente; nimirum, ut ratio disparis interualli, quo magnitudines ab aspectu distant, penitus ignoretur.

Secundò, duplicem esse huius propositionis euentum: aut enim distincti omnino sunt anguli, totique ab inuicem disclusi, quibus propositæ magnitudines cernuntur; aut certè minor continetur maiore, ut pars toto.

Posterior itaque casus sic demonstrabitur. Sint propositæ magnitudines BC & DE inæqualibus angulis spectatæ, BC quidem maiore, minore autem DE ; (nihil verò interest æqualitè sint ipsæ magnitudines, an inæquales: item an similiter visui opponantur, an secus:) dico BC quàm DE maiorem apparere, quamuis fortè minor reipsa sit. Nam per propositionem præcedentem DE apparet æqualis ipsi FC : at per secundum axioma BC apparet maior quàm FC , ut totum sua parte. Ergo BC ipsa quoque DE maior apparet per quintum axioma.

Rursus BC & GE æquales iudicantur per propositionem præcedentem: at GE maior apparet,



apparet, quàm DE per idem secundum axioma. Ergo & BC eadem DE maior apparet A per 5. axioma.

E conuerso autem ostendetur DE, quæ minore angulo conspicitur, minorem videri quàm BC, quæ angulo cernitur maiore. Igitur perspicuus est hic propositionis euentus, qui fuerat demonstrandus.

Alter quoque propositionis casus, ac vnà propositio ipsa vniuersè ex nona propos. libri tertij sic demonstratur: Apparentes rerum magnitudines ita inter se sunt, vt anguli quibus comprehenduntur: hoc est quemadmodum angulus ad angulum, ita apprens magnitudo ad magnitudinem apparentem: & alternatim, vt angulus ad magnitudinem ipsi respondentem, ita alter angulus ad alteram magnitudinem. Igitur per 14. quinti Euclidis, si angulus angulo maior fuerit, & magnitudo magnitudine maior apparebit. Et si angulus angulo fuerit æqualis, & magnitudo magnitudini apparebit æqualis: si verò minor, & minor; quod erat demonstrandum.

PROPOSITIO XI. THEOREMA.

Æqualium, similiterq; oppositarum magnitudinum propinquior remotiore maior apparet.



HOC quamuis ex primo superiore lemmate velut consecrarium eliciatur; C studio tamen in hunc locum est asseruatum, cum propriè ad eas aspectus fallacias pertineat, quæ circa Magnitudinem obueniunt.

Potest verò in hunc etiam modum paucis demonstrari. Æqualium, similiterque obiectarum magnitudinum propinquior maiore angulo cernitur, per primum lemma: at quæ maiore angulo, ea maiora videntur, per præcedentem propositionem: igitur æqualium, similiterque oppositarum magnitudinum propinquior remotiore semper maior apparet; quod erat demonstrandum.

Inuincibilis sanè est hæc demonstratio: non placet verò ea causa cur propinquiora maiora appareant, quam Plotinus assignat Enneadis secundæ libro octauo, ita scribens: *Num quia secundum accidens cernitur magnitudo, cum color primò cernatur? Cominùs itaq; D quantum coloratum est, discernitur; eminùs autem dumtaxat coloratum esse: partes verò secundum quantitatem condistributæ non exactam quantitatis notitiam afferunt. Quando & colores ipsi debiles tenuesq; veniunt. Quid igitur mirum, si etiam magnitudines, quemadmodum & voces apparent minores, quatenus earum species exilis ac debilis aduenit?*

Confirmat autem hanc rationem ex eo, quòd idem sit in quantitate magnum & paruum, quod in essentiis formisque substantialibus perfectum & imperfectum, in qualitatibus intensio ac remissio, in motu velocitas tarditasque, in tempore diurnitas ac breuitas. Cum igitur maius & minus neutiquam per se visu dignoscantur, sed qualitatis adminiculo, vt color, ita magnitudo ex interuallo segnè aspectum ferit. Minor ergo ipsa E quantitas, vt color debilior apparet.

Præterè tribus indiciis eandem rationem corroborat. Primum est, si collem arboribus domibusque confertum ex eo loco conspexeris, vnde singulas formas gradatim intueri possis, magnitudinem regionis veriùs æstimabis, quàm si illas ipsas formas ex maiore interuallo distinguere nequeas. Deinde, tabulam variis figuris depictam è propinquo non tantam æstimabis, si confusè ac summatim partes omnes, quàm si sigillatim singulas intuitus fueris. Demum, si paries vno tantum colore perfusus occurrat, quantitatis, inquit, iudicium maximè fallit; quippe cum visus non facillè possit rem per partes discretè metiri.

Verùm hæc Plotini ratio multis experimentis conuelli potest: nam quæ per nebulam spectantur, nequaquam minora videntur, quàm si per nitidum purumque aërem, cum F ambo eadem intercapedine absistunt. Rursus sub tenebras nemo res minores videt, quàm medio claroque die: quæ tamen per nebulam, aut in obscuro cernuntur, hebetiorem reddunt colorum notionem. Itaque non eam ob causam, quòd colores minùs exactè dignoscuntur, minora obiecta apparent. Neque etiam voces ex interuallo minores sentiuntur, si eam magnitudinem spectes, quæ molem amplitudinemque concussi aëris comitatur, qua grauitas atque acumen seu tonus distinguitur: sed hebetiorem dumtaxat sonum ipsum è longinquo percipimus, quemadmodum & colores.

Ad confirmationem facillè respondebitur. Quamuis magnum & paruum in quantitatis

A tatis ratione analogia quadam respondeant perfectioni imperfectionique substantialium formarum, itemque qualitatum intensiōni ac remissioni, motusque velocitati tarditatisque, non tamen vno hæc modo se habere ad visum. Nam color propria imagine aspectum mouet, quæ itineris longinquitate sensim relaxata minus perfectam sui notionem infert. At magnitudo cognoscitur ex amplitudine partis araneæ tunicæ, quæ simulachro afficitur, vt lib. 3. propositione 9.

Tria porrò signa à Plotino allata nihil significant. Vti enim collis ex eadem intercapedine æquali semper angulo, ac proinde æqualis semper apparet, quantumuis partium formæ ob medijs inæqualitatem nunc magis nunc minus perspicue cernantur; ita è longinquo minor semper apparet quàm è propinquo, quamuis propter eandem medijs dissimilitudinem obtingere possit, vt colores obscurius cominus quàm eminens repræsententur. Nec vllus vnquam maiorem æstimauit tabulam variis signis depictam, quàm vno colore suffusam, si nimirum ex eodem spatio vtraque conspiciatur. testis experientia veritatis indagatrix, ac scientiæ mater; testis sensus ipse, quem tu Lector consulas.

Aduerte hîc quoque idem supponendum esse, quod in præcedentibus duabus propositionibus, nimirum vt propinquitatis & longinquitatis discrimen aspectum lateat. Si enim perspecta sit distantia diuersitas, mens facile errantem aspectum coarguet, docebitque fieri posse, vt æquales reipsa magnitudines sint, quæ ex inæquali distantia inæquales conspiciuntur.

C Quòd si propositæ æquales magnitudines in eadem recta linea se mutuo consequantur, inæquales illas apparere ex 2. propos. huius libri demonstrari potest: & quidem minores illas, quæ ex maiore distantia spectantur; illas autem maiores, quæ ex minore.

CONSECTARIVM I.

Res omnes minores semper apparent, quàm sunt reipsa.

Hoc quidem ex iis quæ iam docuimus manifestè sequitur, at quia libro 3. propos. 12. consectario 2. abundè est demonstratû, nihil amplius ad eius confirmationem addere pretium operæ duximus. Notandum verò de directo aspectu id esse intelligendum. D nam repulsione aut infractione radiorum res alioquin perexiguæ enormi magnitudine subinde spectantur, vt in Catoptricis ac Dioptricis ostendemus.

Epicurus, & eiusdem factionis homines non pauci, tantillum esse solem pronuntiarunt, quantillus apparet, visus sequentes imaginem, quam omnis magnitudinis iudicem statuerunt.

Refellitur autem stolidum istud Epicureorum commentû hoc modo: Si sol non maior esset quàm aspectui apparet, nec luna, nec stellæ, nec homines maiores essent, quàm apparent; at stellæ minores apparent quàm luna, homines autem maiores: absurdum verò est dicere homines luna maiores esse, stellæ verò minores, vt ex astronomicis rationibus constat. Falsum igitur solem tantulû esse, quantulus apparet. Deinde, Cleomedes l. 2. circularis inspectionis, *Intelligamus*, inquit, *equum amplam decurrere campi regionem, pariterque supra horizontis limitem solem emergere, quoad totus emicuerit, propè manifestum fuerit coniectantibus, non minus stadiis decem profecturum; si igitur æquè celerem fecerimus equi ac mundi viam, decem inuenietur stadiorum solis dimetiens*. Igitur pedalis non erit, quantulus videtur, sed maior.

CONSECTARIVM II.

Res minima, breui intervallo ab aspectu disuncta, depereunt.

I D etiam ex distantia atque aspectus nostri conditione tamquam propria ex causa magnat: sicut & ceteræ ferè omnes fallaciæ, quæ circa magnitudinem obueniunt. Porrò luculenta eius rei exempla in picturis habemus, sculptisque signis: his si maiora præcipuaque membra adsint, secundum constitutas artis symmetrias, aut ad viuum expressa, at partes desint minutiores, quibus illa perficiuntur & quodammodo definiuntur, eminens spectata imago elegans apparebit, sed cominus turpis ac fœda, quia minores partes malè efformatæ maiorum obtegunt venustatem. Sanè ita res depingere magnæ artis est opera, & ni pictor arte penicillum ducat, errabit omnino à vera idea, fallacem tantummodò oculi æstimationem è propinquo secutus. Contrà verò, si minimæ partes magno studio sint elaboratæ, partes autem principales ab artis præscripto desciscant, cominus venusta

& elegans imago videbitur, oculi verò recessu in aliam aspectu deformem atque ingratam commutabitur. Eiusmodi picturæ eæ plerumque sunt, quibus artis parum, plus autem inest laboris.

Quod in picturis signisque, id etiam in rebus ipsis experimur. humanus siquidem vultus à prima origine speciosus, postea lentigine, aut variolarum cicatricibus horrendum in modum fœdatus, tamen è propinquo turpis videatur, ex interuallo tamen non minus formosus apparet, quàm si nullum in eo extaret morbi vestigium, quia nimirum maiores partes tum etiam propriam formam retinent, cum minores omnem effugiunt oculorum aciem.

CONSECTARIVM III.

Terrenus orbis solis comparatione puncti rationem habet.

QVOD fanè facit immensa solis terræque distantia. *Quemadmodum*, inquit idem Cleomedes lib. 1. circularis inspectionis, *amphorarum centum millia per se inspecta magnitudinem ingentem habent; in maris autem comparatione nullam, sed ne quidem ad Nilum: ita terra per se in quaestione habita amplam habere videtur magnitudinem, neque tamen ad solare fastigium quampiam rationem habere videtur.* Et mox infra: *Pedalem nobis sol suggerit magnitudinem. Intelligere igitur nobis par est, si à solari fastigio in terram oculos deiecerimus, aut prorsus nihil nos visuros, aut stella per exigua magnitudinem.* Probat id quoque ex eo, quòd semper supra terram centum & octoginta partes, hoc est, æquatoris pars dimidia extare deprehendatur.

Aduersus hæc objiciet fortè aliquis: Si terra solis respectu punctum esset, neque alia inhorrescerent gelu, alia torrerentur æstu, alia perpetua fruerentur temperie: & nisi sat magna essent terrestriũ plagarum interualla, non diceretur ad nos sol accedere, rursusq; à nobis abire: sed occurrendum, huius rei causam esse terræ figuram; nam ex impari iaculatu solarium radiorum ad terræ climata, & torrentur partes aliæ, & aliæ refrigerantur, & temperiem aliæ consequuntur, & modò accedendo, modò recedendo sol ad verticem nostrum dicitur habere affectionem.

CONSECTARIVM IV.

Columnæ quòd sunt excelsiores, eò minorem admittunt summi scapi contracturam.

HÆC obseruatio Vitruuium non fugit: qui enim non semel architectum Optices peritum postulauerat, sui haud immemor capite 2. libri 3. summos columnarum scapos & hypotrachelia non vna semper symmetria contrahi debere ostendit, sed varia secundum aspectus diuersitatem: *Quod enim*, inquit, *oculos fallit, ratiocinatione est æquandum.* Et vniuersè quòd columnæ sunt excelsiores, eò minorem in eis contracturam exigit: quòd licet re ipsa crassiora sint hypotrachelia summiq; scapi; tamen propter interualli longinquitatem minores oculo appareant. Eius verba hîc libet adscribere, quoniam rem enucleatiùs explanant. *Contracturæ autem in summis columnarum hypotracheliis ita faciendæ videntur, uti si columna sit ab minimo ad pedes quinosdenos, ima crassitudo diuidatur in partes sex, & earum partium quinque summa constituatur. Item quæ erit ab quindecim pedibus ad pedes viginti, scapus imus in partes sex & semissem diuidatur, ex earumq; partium quinque & semisse superior crassitudo columnæ fiat. Item quæ erunt à pedibus viginti ad pedes triginta, scapus imus diuidatur in partes septem, earumq; sex summa contractura perficiatur. Quæ autem ab triginta pedibus ad quadraginta alta erit, ima crassitudo diuidatur in partes septem & dimidiam, ex his sex & dimidiam in summa habeat contracturæ ratione. Quæ erunt à quadraginta pedibus ad quinquaginta, item diuidendæ sunt in octo partes, & earum septem in summi scapi hypotrachelio contrahantur. Item si quæ altiores erunt his, eadem ratione pro rata constituantur contracturæ. Hæ autem propter altitudinis interuallum scandentis oculi speciem fallunt: quamobrem adijciantur crassitudinibus temperaturæ. Venustatem enim prosequitur visus, cuius si non blandimur voluptati proportionem & modulorum adiectionibus, uti id in quo fallitur temperatione adaugeatur, vastus & inuenustus conspicientibus remittitur aspectus.*


A

PROPOSITIO XII. THEOREMA.

Eorum quæ simili dispositione visui exhibentur, & equalibus spectantur angulis, id quod remotiore apparet loco, maius; minus verò, quod propinquiori, iudicatur.

VERAS rerum magnitudines explorare rationis opus esse libro tertio docuimus. Eius verò inuestigationis hinc sumitur argumentum, quòd quæ longius absunt, minora soleant apparere; ea autem semper maiora, quæ propius oculo adiacent, vt propositione præcedente demonstrauius. Si quid igitur eorum quæ longius distant, propinquiori æquale apparet, maius illud reipsa esse conuincitur: vt contrà minus, quod viciniore cernitur loco.

Quod geometrica ratione ita potest demonstrari: Sint à visu A eodem angulo conspectæ magnitudines BC & DE simili modo visui obiectæ, nimirum directè. Cùm per definitionem eorum, quæ similiter visui opponuntur, traditam libro tertio ad propositionem 31. æquales sint anguli ACB & AED, erunt BC & DE parallelæ per 27. primi Euclidis: ac per 29. eiusdem æquales quoque erunt anguli ABC & ADE. Est verò angulus A vtrique triangulo BAC & DAE communis. Sunt igitur ipsa triangula æquiangula: quare per 4. sexti Euclidis vt AC ad AE, ita BC ad DE: igitur quantò visus ratione adiutus maiorem complectitur AE quàm AC, tantò maiorem iudicat DE ipsâ BC. Igitur id quod remotiori apparet loco, maius; minus verò, quod propinquiori, iudicatur; quod erat demonstrandum.




PROPOSITIO XIII. THEOREMA.

Idem seipso maius ac minus videri potest: item quod maius est, apparere potest minore minus; & quod minus est, maiore maius.

PRIMA huius propositionis pars ex vndecima propositione demonstrari potest. nam eadem res propius adducta maior, longius verò abducta minor apparet: ergo eadem res seipsa maior & minor videri potest; quòd primò erat demonstrandum.

Altera deinde pars ex decima huius libri propositione sic demonstratur. Sint duæ magnitudines similiter visui oppositæ, DE quidem maior magnitudine BC: dimoueatque DE à visu A eousque vt radius AD per magnitudinem BC transeat, sitque angulus DAE angulo BAC minor, veluti pars toto: dico per 10. propos. huius libri, magnitudinem DE, quæ reipsa maior est, minorem apparere magnitudine BC; quæ minor est: quòd scilicet DE minore spectetur angulo, quàm BC. Ergo quod reuerà maius est, spectari potest minore minus; quod secundo loco erat propositum.

Tertia verò pars è conuerso demonstratur per eandem decimam propos. libri huius. nam BC, quæ minor est, maiore DE videtur maior; quòd nimirum angulus BAC angulo DAE sit maior: sicque patet id quod initio propositum fuit.



CONSECTARIUM.

Sol altior à terra est quàm luna.

CVM enim constet ex vmbri deflectionibusque solem luna maiorem esse, appareat autem minor, aut propè æqualis; perspicue patet ex secunda huius propos. parte,

solem longiùs à terra quàm lunam abesse oportere : inæqualium enim corporum, si A
quod maius est, spectetur minus, id profectò longiùs distitum esse necesse est.

PROPOSITIO XIV. THEOREMA.

Sub tenebras & per nebulam spectata maiora existimantur.



Hæc fallacia ex priua argumentatione proficiscitur. Mens enim nostra in
iis quæ obscura, aut minùs perspicuo medio externis oculis obijciuntur,
hac apud se tacita argumentatione uti consuevit : Per quintam & sextam
propositionem huius libri, quæ sub tenebras aut nebulam conspiciuntur, B
longiùs abesse putantur, quàm si eadem lucido ac sereno cælo viderentur :
non apparent autem idcirco minora, cum ex his causis anguli optici minuuntur (nisi fortè
ob nebulæ densitatem infractio radorum interueniat :) igitur per 12. propos. huius lib.
sub tenebras aut per nebulosum aërem spectata, maiora esse creduntur ; quod erat de-
monstrandum.

Hallucinatur inquam in hac re aspectus, sed præcipuè mens ipsa, atque ex vna fallacia
in aliam incauta prolabitur. nam falsò ea quæ sub tenebras aut per nebulam spectantur,
longiùs abesse credit. quare & falsò ex hac æstimatione maiora esse illa quæ ita viden-
tur, argumentando concludit. Quis enim ex falsis verum legitima inductione demon-
strari posse affirmabit ? Quia ergo intellectus noster quod fallum est verum putat, etiam C
quod ex illo sequitur verum arbitratur.

PROPOSITIO XV. THEOREMA.

Pueris, somniantibus, amentibus omnia magna esse videntur.



NON cuilibet obuia est huiusce rei causa, licet res ipsa sit apud omnes in con-
fesso. Nam pueros quidem videmus & ridemus dum obequitant in arun-
dine longa, ita tolitim incedentes, ita magnificè seipsum circumspicientes,
ut cum Poëta dicere possis : *Exhaustis Martem non amplius armis Bistonius*
portat sonipes. Iidem si fortè è fœno congestisque festucis ædiculam con- D
struxerunt, si in scrobem digitis circumductam aquæ guttas pauculas concha testæve in-
fuderunt, palatium in Oceano excitasse se credunt. His non absimilia amentibus vsu ve-
nire cernimus: quibus cum adhuc integra mens esset, licet speciosissima quæque fordue-
rint, & amplissima nimis visa sint angusta; in clathros tamen compactis, ipsa, qua coër-
centur, catasta regni instar videtur obtinere : in qua & palatia, & vrbes, & campos, ut in
sphæra Mathematici immensa cæli spatia imaginantur. Infinitus sim, si quoties in festu-
ca trabem, in culice camelum concipiant, velim percernere. Risimus interdum, cum
illos magister aut è familia quispiam alligaret straminis vel exigui fili nodo : atque illi sta-
bant & compecebantur certius, quàm Prometheus aliquis à Vulcano ferreis catenis
Caucaaso affixus. Nec illud minùs lepidum quod in pompa illa, qua sacrosancta Eucharis-
tia solenni ritu circumfertur, stultus quidam è suo carcere puerorum agmen tædas præ-
lucentium aspiciens, clamare cœpit, *Adeste milites mei, accipite regis vestri mandata.*
& certè nihil tam vsitatum est amentibus, quàm ut se reges ferant.

De somniantibus verò plura cuique sua suggerit experientia, quàm à me possint in me-
dium proferri. Nouit vnusquisque quoties in somnis ingens præcipitium aliquod exhor-
ruerit innocuo lapsu quasi ad vigiliam allisus; quoties gigantum mucronibus confossus
sit sine cæde ac sanguine; quoties denique in confesso Regum ac Principum ornatissi-
mam orationem pertexuerit, cuius filum, si iam vigil relegerit, nihil cohærens, nihil ex
ratione digestum reperiat.

Horum omnium ratio ex vno eodemque fonte mihi videtur deriuari : quæ ut clarior F
euadat, hoc imprimis statuendum est; omnem scilicet sinceram solidamque magnitudi-
nis æstimationem à iudicio rationis atque experientia proficisci : cum enim magnum &
paruum ex eorum genere sint, quæ ad aliquid dicuntur, ac respectum rerumque inter se
collationem inuoluant, necessariò & experientiam exigunt tamquam rerum inter se con-
ferendarum promptuarium, & iudicium rationis, quod æqua velut lance rerum momenta
perpédât. atqui utroque destituti sunt non pueri tantum, sed etiam amentes & somnian-
tes. Hi quidem, quoniam & vsu rationis amiserunt & experientiam (quam Philosophi à
speciebus rerum memoriæ impressarum non discernunt) altissima rerum omnium obli-
uione

A uione sepeliuerunt: illi verò, quoniam per ætatem neutrum eorum adhuc sunt consecuti. Hinc iisdem illi, si aliò quopiam commigrauerint, ætatis accessu postmodum ratione confirmata varioque rerum vsu instructa, in patriam reuersi vix oculis suis credunt, vix sibi persuadent in ædibus se paternis versari: ita cum despectu quodam vel expectatione sua minora perlustrant omnia, quæ paucis antè annis tamquam amplissima & maxima suspexerant.


Verùm, inquiet aliquis, si nullam rerum inter se comparisonem instituunt, quo pacto res vt magnas apprehendunt? Sed facile erit hunc scrupulum eximere, si quod res est, dixerimus, non illos quidem res rebus conferre (quod variam exigit experientiam) sed **B** animo suo cuncta metiri: qui cum pusillus admodum sit, maximè in pueris, facilè res quælibet ad hanc normam exacta, per exiguam illam quæ in ipsis emicat rationis scintillam, amplà, magnifica, eximia iudicabitur. Nec id mirum cuiquam videri debet, cum etiam ratione ad maturitatem perducta eadem illa non paucis ob nimiam abiectionem angustiamque animi contingere videamus. Ita enim exiguæ natalis soli glebæ montibus fluuiisque circumseptæ adhærescunt; vt non secus in eius periculis trepident, ac si terrarum orbis funditus esset euertendus: tanti eam faciunt, vt reliquo terrarum orbi conferre, imò præferre non dubitent: dum alij interim magno erectoque animo despiciunt istos ab opinione terminos, & cogitatione sensuque totum hoc vniuersum complectuntur. Expressit hanc rerum exiguarum magnam æstimationem peruenuitè Satyricus, **C** cuius hinc versus adscribendos existimaui, quòd multum lucis rationibus allatis afferant:


*Absentis ranae pullis vituli pede pressis
Vnus ibi effugit: matri denarrat, vt ingens
Bellua cognatos eliserit. illa rogare,
Quantane, num tandem, se inflans, sic magna fuisset?
Maior dimidio. Num tanto? Cum magis atque
Se magis inflaret: Non si te ruperis, inquit,
Par eris.*

Hic ranunculus ex Æsopico illo sæculo, nullius experientiæ, vitulum, ingentem vocat belluam: & ipsa mater, quæ nihil magnum, nec supra ranam concipiebat, ingentem se **D** belluam existimat, si se paululum inflauerit; sed ranunculus eius filius, qui iam absente matre vitulum nosse cœperat, hac saltem experientia auctior, matrem vituli comparatione parquam esse intellexit.

PROPOSITIO XVI. THEOREMA.

Recta linea perpendiculariter visui obiecta, spectatur vt punctum; directe verò aut obliquè, vt linea.

E  r enim quod minore angulo continetur apparet minus, ita quod nullo spectatur angulo indiuisibile videri est necesse; hoc autem est punctum. Nam omnis quantitas angulo alicui subtendi potest: at punctum solam rectam lineam potest terminare. Vnde si à centro visus **A**, cui linea **B C** perpendiculariter op-




ponitur recta ducatur ad **B**, ea cum **B C** vnâ rectam lineam efficiet, per definitionem perpendicularis situs ad propositionem 31. libri tertij propositam; vna autem recta linea angulum non facit per 8. definitionem libri primi Euclidis. Recta igitur linea perpendiculariter visui opposita vt punctum apparet. deinde eo lineæ situ, quo ipsa, si protrahatur, in centrum visus incidit, nil eius præter solitarium punctum aspicitur. Siquidem primum illud oculoque proximum, quod inter aspectum ceteraque puncta ex æquo interiacer, reliquorum omnium prospectum eripit. Igitur hoc solum videtur, atque idcirco tota linea puncti instar apparet; quod erat ostendendum.

F

Deinde quoniam directe vel obliquè obiecta linea non in directum cum centro visus exporrecta est, licebit ab eius extremis ad centrum visus distinctas lineas ducere, quæ in oculo coeuntes angulum faciant per 8. definitionem libri primi Euclidis; atque ita lineæ obiectæ longitudo apparebit, maior certè aut minor, pro magnitudine anguli cui sub-


Quod adiecto schemate clariùs potest demonstrari. Sit A centrum visus, obiectaque A linea BC, à cuius extremis B & C rectæ ad visum destinentur BA & CA. Cùm ex hypothesi A, B, & C, puncta non ex æquo seu perpendiculariter visum respiciant, fieri non potest, vt AC in lineas AB & BC incidat. Si enim incideret AB & BC, vnã eandemq; lineam cum AC efficerent. siquidem ab vno puncto ad aliud punctum vnã dumtaxat rectam lineam ducere conceditur: at non efficiunt vnã eandemque lineam. sic enim BC perpendiculariter visui obijceretur, non verò obliquè, vt ex eius situs definitione constat: quod quia hypothesi aduersatur, linea AC cum lineis AB & BC non coincidit. Ergo distinctæ sunt lineæ AB & AC, quæ proinde angulum comprehendunt per 8. definitionem primi Euclidis, cuius basis velut magnitudo quædam spectatur, maior aut minor, pro anguli BAC amplitudine.



PROPOSITIO XVII. THEOREMA.

Plana superficies perpendiculariter visui proposita, apparet ut linea; directè verò aut obliquè, ut superficies.

P R I M A propositio pars ita ostenditur. Ex definitione perpendicularis situs ad propositionem 31. libri tertij tradita, facile colligere licet centrum visus cum superficie perpendiculariter obiecta in eodẽ plano existere oportere. sit ergo visui A perpendiculariter obiecta quæcumque, puta quadrangula superficies BCDE, ad quam si ex A radij educantur, qui eam comprehendant, & in locis B & C tangant, latus BC vtique videbitur per secundam hypothesim libri secundi.




Ad reliquas deinde partes, verbi gratia D & E, si eodem modo radij destinentur AD & AE, hi cum pertranseant latus BC, secantque illud in punctis F & G, nequibunt punctorum D & E formas ad aspectum adducere. Quare D & E non videbuntur, quoniam illorum prospectum præripiunt puncta F & G; aut si quis contentiosè velit D & E videri posse, quòd puncta F & G, vt pote indiuisibilia & in superficie diaphana, nullum visibile obtegere possint; hoc tamen concedatur necesse est, punctorum D & E prospectus in F & G lineæ BC incidere. Cumque idem de ceteris propositæ superficiei signis ostendi possit, sequitur extra lineam BC nihil, quod ad obiectam superficiem attineat, spectari. Igitur tota superficies velut linea conspicitur; quod primò erat demonstrandum.

Posterior verò pars non aliam rationem habet quàm illam ipsam, qua propositionem decimam sextam demonstraui. Cùm enim quælibet superficies infinitis lineis vndique perfusa sit, profectò si ostensum fuerit lineas omnes superficiei directè vel obliquè spectatæ velut lineas apparere, ostensum quoque erit superficiem ipsam velut superficiem conspici: at omnes eius superficiei lineas, vt lineas apparere, ex 16. superiore propositione probatur, quòd scilicet omnes directè vel obliquè obijciantur. Si enim aliquæ illarum perpendiculariter ad aspectum dirigerentur, & ceteræ eodem contèderent, omnes siquidem in eodem existunt plano: atque ita tota superficies perpendiculariter aspectui obuerteretur, quod hypothesi aduersatur. Itaque quemadmodum omnes omnino lineæ vt lineæ, ita tota superficies directè vel obliquè obuerfa, vt superficies spectatur; quod secundo loco erat demonstrandum. Non est tamen eadem in obliquo atque in directo aspectu propositæ superficiei apparens forma. Nam directo aspectu res quaslibet propria figura affectas cernimus, quam obliquitas aspectus mirum in modum immutat; qua de re in mentione fallaciarum, quæ circa Situm eueniunt, aptiùs dicemus: nunc cœptum negotium prosequamur.

A

PROPOSITIO XVIII. THEOREMA.

Omne visile minus videtur obliquè spectatum quàm directè.



Cum verò A B non sit perpendicularis ipsi B C, secabit vtrumque circumulum per I & G. tertij Euclidis: sint autem sectionum loca F & G, atque ab F ad C C recta agatur F C; ex G verò per K recta traiciatur G L, quæ æqualis erit ipsi B C per circuli definitionem. Rursus ex C per G recta ducatur ad maioris circuli peripheriam, quæ sit C H. Præterea ab aliquo quouis signo in circumferentia F D intra triangulum B A C assumpto, puta I, recta producat I C. Demum ex C ad M punctum maioris perimetri, ad quod radius ex A per I ductus terminatur, recta emittatur C M, quæ tota ultra B C directè oppositam profiliet.

His ita constructis, dico obliquam lineam tribus modis posse ad directam se habere. Primò, si tota ultra directam constituta sit, vt C M, quam necesse est minorem directè opposita conspici. Secundò, si tota aspectui vicinior sit, quàm directæ, quo situ fieri potest, vt maior conspiciatur, quod in H C perspicuum est; fieri item potest, vt minor cernatur, quemadmodum I C; ac demum vt æqualis, quo pacto F C videtur. Tertio, si vna pars media aspectui propinquior sit, altera verò longius excurrat, vt G L.

Hoc tertio modo intelligenda est propositio. Nam mirum non est obliquam lineam, quæ tota remotior est directæ, minorem apparere, cùm ea apparentia ex maiore distantia obueneri possit, vt propositione 11. ostendimus. Falsum item est eam minorem semper videri quæ tota visui propinquior existit, cùm per 13. proposit. fieri possit ob propinquitatem, vt quæ minor est, appareat maiore maior. Itaque sic accipienda est propositio, vt obliquata minora cerni intelligantur, si quoad possunt eamdem distantiam habeant. Quod priusquam faciamus, lubet duas priores propositionis partes sigillatim demonstrare, eodem quo propositæ sunt ordine, quòd illarum veritas ceteris fortè non æquè ac nobis sit manifesta.

Primò igitur minorem apparere C M quàm C B sic probatur: Cùm puncta B & M in eandem circuli peripheriam D B E cadant, sitque M à visu remotius quàm B, recta A M maiorem circuli portionem resecat, quàm A B, quare A M magis intra circumulum ad centrum versus accedit. Secat igitur semidiametrum B C exempli gratia in puncto N, ac proinde ipsum quoque angulum B A C partitur. Quocirca minor est angulus N A C, quàm B A C vt pars toto: quæ verò minoribus angulis cernuntur, ea per 10. propositionem huius lib. minora videntur. Igitur C M quàm C B minor apparet; quod primò propositum fuit.

Ad secundæ partis, quæ tripartita est, confirmationem, primò ostendendum est maiorem apparere H C quàm B C. Quandoquidem A B secet circumulum D B E in F & B, palàm est maiorem esse C H quàm C G: quare maior quoque erit angulus H A C quàm angulus G A C, vt totus sua parte: at B C conspicitur angulo G A C, H C verò angulo H A C: ergo per 10. huius libri proposit. maior apparet H C quàm B C.


Deinde F C ipsi B C æqualem apparere ex nona proposit. huius lib. perspicuum est, quoniam eodem angulo B A C ambæ comprehenduntur.

Denique minorem conspici I C quàm B C, ex superiùs citata propositione 10. huius libri constat. Est enim angulus I A C minor angulo B A C, propterea quòd I per constructionem sumptum sit intra F & D maioris circuli puncta, in quæ latera anguli B A C incidunt.

Tertia item propositionis pars, nempe G L minorem videri ipsa B C sic ostenditur: Cùm vtraque

utraque AC & AL in concauam peripheriam minoris circuli cadat, sitque L à visu A remotius quam C , erit AL centro K propinquior quam AC ; atque idcirco minor erit angulus GAL quam angulus BAC . Quare per 10. huius lib. proposit. minor apparebit GL quam BC ; quod erat demonstrandum.

Quòd si proposita linea obliquior sit quam GL , sic vt alterum eius extremum propius quam G ad visum inclinetur, alterum verò longius abducatur quam L ; neutro autem extremo trianguli BAC latera contingat, qualis hinc est OP : hæc profectò minor apparebit quam superior GL , ergo multò quam BC minor. Nam angulus OAP vtrimq; partem anguli BAC excludit, hinc scilicet PAC , inde verò OAB : quare necesse est angulum OAP angulo BAC minorem esse, vt partem toto, atque ita OP minorem quam BC apparere per 10. propositionem lib. huius.



At si minus quam GL proposita linea obliquetur, sic vt angulo BAC aliquid addat, & vicissim detrahat aliquid, quo pacto QS angulo QAS spectata ab angulo BAC hinc detrahit partem SAC , illic verò addit partem BAQ , nihilominus ostendetur minorem videri QS quam BC , quoniam minor est angulus QAS quam BAC ; quod sic declaratur:

Arcui CS æqualis ponatur arcus BR , hunc dico & arcui BQ æqualem esse, quòd arcus BQ eidem CS æqualis sit per 26. tertij Euclidis. Ductis igitur à visu A rectis lineis AQ , AB , AR , & AS ; erit angulus BAR angulo CAS æqualis, quippe vtriusque trianguli BAR & CAS , duo latera BA & RA duobus lateribus CA & SA æqualia sunt, basis verò BR basi CS æqualis. Ergo per 8. primi Euclidis, & angulus BAR angulo CAS æqualis erit. At verò angulum BAR angulo BAQ maioré esse sic probatur: Ductis QG & RG , anguli BGQ & BGR æquales inter se sunt per 27. tertij Euclidis, cumq; maior sit GR quam GQ , abscindatur ab GR portio GT æqualis ipsi GQ per 3. primi Euclidis, iunctisque A & T erit recta AT ipsi AQ æqualis. siquidem in triangulis GAG & GAT latus GT lateri GQ æquale est, latus verò AG vtrique est commune, & angulus AGQ angulo AGT æqualis ostenditur, quoniam BGQ & GGA duobus rectis sunt pares per 13. primi Euclidis, item BGT , & TGA duobus rectis pares sunt: si igitur ab æqualibus duobus rectis æquales auferantur BGQ & BGT æquales relinquentur GGA & TGA per communem notionem. Quare & bases AQ & AT æquales inter se erunt per 4. primi Euclidis, & per eamdē anguli quoque QAB & BAT , æquales. Verùm angulus BAR maior est angulo BAT , quippe cui angulus TAR accedit. Est ergo idem angulus BAR angulo BAQ maior, ac proinde & angulus SAC , qui angulo BAR æqualis ostensus est, angulo BAQ maior erit. Quare maior erit angulus BAC quam QAS angulus. Atque ita minor spectabitur QS quam BC ; quod erat demonstrandum.

CONSECTARIUM.

Directius visui opposita, perfectius videntur; & quò obliquius, eò imperfectius.

Hoc ex iam demonstratis in hunc modum colligitur. Eadem magnitudines, quæ maioribus spectantur angulis, euidentiùs perfectiusque videntur, quam quæ sub minoribus: at directè visui obiectæ magnitudines maioribus angulis comprehenduntur, quam obliquatæ; illæ igitur perfectius videntur. Propositio per se constat, & à nobis superius quinta hypothefi est explicata. Assumptio verò iam demonstrata est. Igitur directius visui opposita perfectius videntur, & quò obliquius eò imperfectius; quod erat probandum.

Hinc fit vt scripturæ, si obliquæ obuertantur, ægrè interdum legi possint. Quod quidem manifesta testatur experientia; causa verò est obliquitas situs, ob quam characteres propriam figuram plurimùm immutant: siquidem non vno vndique modo ac pariter omnes

A omnes contrahuntur; sed partim longitudo, partim latitudo plus minusve deformatur, ut sæpè agnosci non possint.

PROPOSITIO XIX. THEOREMA.

Oculo ei quod videtur appropinquante, spectatum augetur putatur.

SIT linea BC spectata ab oculo A radiis AB & AC: accedat verò oculus A propius nempe in D, vnde obiectam lineam BC videat radiis DB & DC. (supponimus autem visum accedere per lineam quæ intra triangulum BAC cadat; ut obiectum visui in vtraque statione existenti simili modo opponatur. nam in diuersa oppositione fieri potest, ut oculo appropinquante obiectum semper æquale, vel etiam minus appareat, ut infra dicitur.) Quoniam igitur per 21. primi Euclidis, maior est angulus BDC angulo BAC, linea BC visui in D maior apparet, quàm in C A per decimam huius libri propositionem; quod erat demonstrandum.

PROPOSITIO XX. THEOREMA.

Et contrò, aucta magnitudines oculo appropinquare videntur.

SIT rursus proposita linea BC, quam oculus intueatur ex puncto A radiis AB & AC; augeatur verò magnitudo BC vsque in D, ut sit BD maior quàm BC. Quia igitur & angulus BAD angulo BAC maior est, ut totus sua parte, palàm per 10. proposit. huius libri, BD maiorem ipsa BC apparere: quod verò nunc maius quàm prius cernitur, cum sit idem, appropinquasse existimatur: propterea quòd eadem affectio iis quoque adueniat, quæ cum sint eadem, è propinquiore tamen loco videntur. Similitudine igitur affectionis delusus internus animæ sensus appropinquasse credit, quod propter augmentum nunc maius quàm antè videt; quod erat demonstrandum.

PROPOSITIO XXI. THEOREMA.

Altioris magnitudinis per verticem humilioris spectata eadem semper portio videtur; visu secundum lineam, quæ ab oculo per verticem humilioris ducitur, transmutato.

DVE magnitudines sint, AB quidem altior, CD verò humilior: per huius autem verticem C ex loco E visus prospiciens altioris portionem AF complectatur: dico visum secundum lineam EF transmutatum, cum in G verbi gratia, aut aliud quodcumque signum peruenerit, eandem semper maioris magnitudinis portionem contueri. Nam quandoquidem puncta F & C in eadem sunt recta linea, per quam oculi motus fieri postulatur, necesse est, ut quacumque in parte lineæ EF oculus existat, punctum F vno semper atque eodem in loco videatur, nempe in termino eius lineæ, quæ oculum, ac verticem minoris magnitudinis connectit. Punctum autem F eodem semper

semper spectatum loco, eandem semper portionem de maiore magnitudine rescindit. A Ergo hæc sola supra verticem minoris magnitudinis perpetuò conspicua eminet.


Fit tamen, vt nunc maior nunc minor eadem portio AF appareat, per vndecimam propositionem huius lib. quòd videlicet maior sit angulus AGF quàm AEF angulus, & propinquior ipsi AF , remotiore semper maior.

PROPOSITIO XXII. THEOREMA.

Altioris magnitudinis per Verticem humilioris spectata, visu secundum lineam supra Verticem humilioris productam accedente quidem maior, recedente Verò minor portio conspicitur.




SINT duæ magnitudines inæquales, eminentior quidem BC , depressior verò DE , quas visus contueatur incedens per lineam FH , quæ supra verticem D inferioris delata in lineam BC cadat ad punctum H . sitque visus nunc remotior, vt in F , nunc in G propinquior: dico à visu in F existente minorem portionem magnitudinis BC conspici, puta BI ; existente verò oculo in G maiorem vt BK . Cùm enim radij FI & GK à diuersis punctis F & G ad idem punctum D porrigantur, necesse est ad hoc ipsum punctum D ex concurrentibus in eo FD & GD lineis angulum constitui FDG per 8. definitionem libri primi Euclidis; & huic æqualem IDK ex productis FD in I , & GD in K , per 15. primi Euclidis, qui anguli subtentis basibus FG & IK in triangula perficiuntur. Rursus cùm species puncti I radio FI ad visum extendatur, puncti verò K forma per radium GK , fit vt visus ex puncto G maiorem portionem lineæ BC comprehendat, quàm ex F . nam maior profectò est BI adiuncta ei IK base trianguli IGK quàm BI sola: igitur altioris magnitudinis per verticem inferioris, &c. quod erat demonstrandum D



PROPOSITIO XXIII. THEOREMA.

Altioris magnitudinis per Verticem humilioris spectata visu secundum lineam infra Verticem humilioris cadentem accedente quidem minor, recedente Verò maior portio conspicitur.

EADEM est huius ac præcedentis propositionis demonstratio. Sint enim eadem quæ supra propositæ magnitudines, altior quidem BC , demissior verò DE , per cuius verticem D oculus altioris magnitudinem contueatur incedens per lineam FH , quæ infra D verticem cadat, & in magnitudinem BC terminetur ad punctum H : sit autem visus nunc in F remotior, nunc in G propinquior: dico ex loco F maiorem portionem spectari, nempe BI , quàm ex G , vnde BK tantum videtur. Cùm namque ipsi BK accedat portiunticula KI , vt supra ostensum est propositione præcedenti, & species puncti I ad visum in F existentem per rectum radium FI deportetur, non autem ad visum positum in G , quippe ad quem punctum K proximè attingit, fit vt maior portio magnitudinis BC ex F remotiori loco spectetur, quàm ex G propinquiore; quod erat demonstrandum.



Circa tres iam proximè explicatas propositiones, notandum primò est, non opus esse, vt linea per quam visus incedit, sit altiori magnitudini perpendicularis, quod Vitello postulat libro 4. propositione 41. & 42. Nam licet ea linea perpendicularis non sit,

A *fit*, æquè trium dictarum propositionum veritas ac demonstratio constat.

Secundò notandum est, non esse etiam necesse eam magnitudinem, quæ per alterius verticem aspicitur, eminentiorem esse: etsi enim depressior sit, eodem modo procedet demonstratio, si modò in eam visus ex editiori loco per verticem alterius despicat, quod mutata schematis delineatione ingeniosus Lector facillè colligere poterit.

Notandum tertio est, hæc quæ à nobis tribus hisce propositionibus dicta sunt de aspectu per alterius magnitudinis verticem, similem, sed contrarium sensum habere, in eo etiam aspectu, qui per alterius basin infernè fit, ut Vitello docet libro quarto propositione 43. Est porrò huius inuersi situs eadem demonstratio, quippe qui à priore non discrepat in hypothesi, sed solum in contraria terminorum dispositione, qua ipsæ figuræ proposiæ inuertuntur, sic ut qui vertices erant, nunc bases fiant. quæ cum per se nota sint, diffusiore expositione non indigent.


PROPOSITIO XXIV. THEOREMA.

Si radij optici per extremitates duarum parallelarum incedant:

C *dico radiorum longitudines esse magnitudinibus proportionales.*



IT oculus A, magnitudines autem B C & D E inæquales, & inæquali intervallo expositæ, sic vt longius ab oculo distet D E quàm B C: sint verò eadem ipsæ magnitudines parallelæ, & radij per illarum extremitates producatur ABD & ACE: dico vt AB




D ad A D, ita esse B C ad D E; & alternatim vt A B ad B C, ita A D ad D E. Cum namque parallelæ sint B C & D E, erit angulus A B C angulo A D E æqualis per 29. primi Euclidis. Eodemque modo ostendetur angulus A C B æqualis angulo A E D: at angulus A cõmunis est vtrique triangulo B A C & D A E: ergo æquiangula sunt hæc ipsa triangula. Quocircà per 4. sexti Euclidis proportionalia sunt latera, tum quæ circum æquales sunt angulos, tum quæ æqualibus angulis subtenduntur. Igitur vt A B ad A D, ita se habet B C ad D E: & per 16. quinti Euclidis alternatim vt A B ad B C, ita A D ad D E: conuertendo autem vt B C ad B A, ita D E ad D A; & vt D E ad B C, ita D A ad B A; quod erat demonstrandum.

Hæc propositio præcipuum est Geodesiæ fundamentum. Quæcumque enim de metiendis rerum altitudinibus, longitudinibus, latitudinibus, ac profunditatibus in ea arte docentur, hinc velut ex proprio Analemmate suæ demonstrationis principium petunt. Quod tametsi longum foret per omnia sigillatim ostendere; absurdus tamen, rem intactam præterire. proinde placuit sequentia adnectere consuetaria, è quibus huius propositionis utilitas appareat, & via monstretur, qua Lector in cetera Geodesiæ præcepta proprio ingenio ducatur. Quod sanè fiet si præmoncamus vniuersum Geodesiæ negotium in duorum triangulorũ similitudine positum esse, alterum quod è nota magnitudine & duobus radiis opticis ad eam pertinentibus, alterũ quod è magnitudine ignota radiisque opticis, ad eam velut basin protensis constituitur. Cum ergo hi radij ad ignotam magnitudinem ita se habeant, quemadmodum priores illi ad magnitudinem notam, facile erit ei, qui Regulam proportionum in numeris calluerit, ex tribus datis quartum inuenire, qui postulabatur. Hinc quæcumque instrumenta ad Geodesiæ vsum hæctenus reperta sunt, & adhuc in dies noua in lucem proferuntur, nihil omnino aliud continent quàm triangulum minus, ei quod ad ignotam magnitudinem porrigitur simile, vario tamen modo dispositum: sed rem totam sequentia consuetaria planius edocebunt.

CONSECTARIVM I.

Propositam altitudinem, quanta sit, radio inuestigare.


SIT oblatae turris cuiuspiam altitudo DE , quam radij beneficio inuestigare oporteat: assumatur regula quaedam exploratae magnitudinis BC , exempli gratia, modulorum 20. quae oculo defixo in A eousq; trasportetur, vel certè immotà ipsa B oculus tamdiu dimoueat, donec radij optici per vtriusque magnitudinis extremitates profundantur. Hoc porrò rerum situ erit per hanc proposit. vt AB ad BC , ita AD ad DE . Accipiantur itaque per accessam terrae superficiem distantiae AB & AD , sitque illa iam reperta modulorum 10. hæc verò modulorum 40. cum igitur sit vt AB ad BC , hoc est vt 10. ad 20. ita AD ad DE seu 40. ad quartum numerum proportionalem: si is per regulam proportionum quærat, inuenietur propositae turris altitudo DE modulorum 80. quod erat postulatum.



CONSECTARIVM II.

In cognitionem ignotae profunditatis radio ducere.

ESTO profunditas putei DE , quam radij beneficio inuestigare propositum sit: latitudo verò cognita CD , modulorum exempli gratia 6. orificio putei regula adiungatur BD per centrum acta, quae altera parte circuli ambitum excedat versus B . Visui ergo locus inueniatur vnde reclus euibratus radius per C & D procidat; sitque is locus A , ex quo demissum perpendicularum in B incidat: sit verò AB modulorum 6. BC autem modulorum 2. Quoniam igitur perpendicularares sunt AB & DE ipsi BD , erunt anguli B & D inter se æquales, ac proinde parallelæ ipsæ AB & DE per 28. primi Euclidis. quare & angulus A angulo E per 29. primi Euclidis æqualis erit. Est verò angulus ACB angulo DCE æqualis per 15. primi Euclidis. itaque æquiangula sunt ipsa triangula ABC & DCE . Atque ea propter per 4. sexti Euclidis vt BC ad BA , ita CD ad DE : sed BC est modulorum 2. BA verò modulorum 6. item CD modulorum 6. Igitur vt 2. ad 6. ita 6. ad numerum quarto loco proportionalem, quem Proportionum regula, quam vulgò Regulam trium appellant, ostendet esse modulorum 18. eaque erit putei profunditas, quæ postulabatur.



CONSECTARIVM III.

Ignotam longitudinem radij beneficio explorare.

PER longitudinem hoc loco intelligenda est ea linea, quæ in anteriorem partem directè protenditur, cui opponitur latitudo, ea scilicet linea quæ longitudinis lineam transuersè secat, & pari cum horizonte constituta est libra. Propositum itaque sit longitudinis lineam per radium opticum explorare.

Sit proposita longitudo DE , à cuius extremitate D perpendicularis excitetur DA per 11. primi Euclidis; ad hanc verò regula quaedam secundum normam adiungatur BC notæ magnitudinis, vtputa modulorum 15. Deinde oculus in linea DA tamdiu moueatur, donec in eum locum venerit, scilicet A , vnde ipsius radius per vtramque extremitatem C & E traiciatur. Tum metiendæ sunt binæ altitudines, nempe AB & AD , sitque AB reperta modulorum 5. AD verò modulorum 20. Ex his iam confici potest propositum. Cum enim vterque angulorum ABC & ADE reclus sit, propterea quòd AD vtrique BC & DE ad normam sit posita, erit BC ipsi DE parallela




per 28.

A per 28. primi Euclidis: quare & angulus ACB angulo AED æqualis per 29. primi Euclidis. Igitur ut AB ad BC ita AD ad DE , & adiuuante proportionum regula si ex altitudine AB modulorum 5. se visus extendat ad longitudinem BC modulorum 15. consequens est, ut ex altitudine AD modulorum 20. se visus ad modulos 60. quos longitudo DE completitur, extendat, quod erat propositum.

CONSECTARIVM IV.

Latitudinem oblatam radio demonstrare.

B **Q**UÆ hoc loco intelligenda sit latitudinis linea, superiore cōsectario est explicatum; nunc ad rem veniamus. Est proposita latitudo DE , aspicientis verò oculus A , è cuius regione signum quoddam in proposita latitudine noetur G . in hoc signum regula dirigatur AF , cui alia quædam regula adiungatur BC ipsi DE parallela, eoque loci firmetur, unde susceptos oculi radios AB & AC in D & E transmittat: sit verò AF modulorum 10.



BC autem modulorum 20. at AG per accessam terræ superficiem reperta sit modulorum 30. erit ergo per regulam proportionum latitudo proposita modulorum 60. Quoniam enim BC ipsi DE constituta est parallela, erunt anguli ABC & ADE , item ACB & AED æquales: est verò angulus DAE utrique triangulo BAC & DAE communis; æquiangula sunt igitur hæc ipsa triangula. Ergo per 4. sexti Euclidis, ut AB ad AD , ita BC ad DE ; sed ut AB ad AC , ita quoque est AF ad AG per 2. sexti Euclidis. Itaque ut AF ad AG , ita est BC ad DE : & alternatim ut AF modulorum 10. ad BC modulorum 20. ita AG modulorum 30. ad DE modulorum 60. quod erat demonstrandum.

PROPOSITIO XXV. THEOREMA.

Fieri potest, ut immoto visu, mutatum obiectum æquale semper appareat.

D




MIRVM id quidè primo aspectu nonnullus existimabit, quòd obiecti æquæ ac oculi mutatione rei phantasiã mutari necesse esse videatur; verum qui rationem consulit, inueniet profectò non minùs oculo quiescente visibile motum, quàm immotum visibile oculo transmutato, æquale interdum videri posse. Ac primò obiectum consistens, quàmuis oculus loco dimoueat, multis tamen modis æquale videri sequentes Demonstrationes edocebunt, quas magis exemplorù gratia in medium adferre decreuimus, quàm ut omnia quæ huc spectant, protulisse videamur: nam ex his similia colligere facillè prudens Lector addiscet.

E

I.

Si magnitudo quadam subiecto plano ad rectos sit angulos, positusq; fuerit oculus in aliquo signo ipsius plani, illa circa oculum pari intervallo delata æqualis semper spectabitur.

HVNC modum tradit Euclides Opticorum suorum theoremate 42. sic autem potest demonstrari: Sit AB spectata magnitudo ad subiectum planum recta; oculus autem esto in C puncto plani, connectanturque C & B ; & centro C , intervallo verò CB circulus describatur BD : dico si in circuli huius circumferentiã agatur magnitudo AB , sic ut subiecto plano recta semper sit, eam ex loco C æqualem semper spectari. Cùm enim æquales semper sint AB & CB , illa quidem ex hypothesi, hæc verò per circuli definitionem; sitque & angulus ABC æqualibus lateribus contentus ex eadem hypothesi perpetuò æqualis, utpote rectus, erit per 4. primi Euclidis & basis AC semper æqualis, ceterique anguli æquales, per eandem 4. primi Euclidis. Inter quos cùm sit ACB , sub quo



X 2

magni-


magnitudo AB spectatur, sequitur eandem magnitudinem AB subiecto plano perpendiculari, & circum C pari intervallo actam æqualem semper apparere per 10. propositionem huius libri; quod erat propositum demonstrare.

I I.

Si autem spectata magnitudo ad subiectum planum neutiquam recta fuerit, ea sic mutata, ut oppositionis modum retineat, etiam tum æqualis semper videbitur: sin autem oppositionem mutet, quandoque æqualis, quandoque maior, quandoque minor apparebit.

D v α sunt huius propositionis partes, pro quarum demonstratione animaduertendum est, lineam subiecto plano obliquam posse duobus modis per circuli peripheriam transmutari.


Vno modo, seruato obuersionis situ, hoc est, vt angulus ABC , quem proposita magnitudo AB cum semidiametro circuli facit, sit semper æqualis. Tunc verò per 4. primi Euclidis facilè ostendi potest propositam magnitudinem æqualem semper apparere. Nam cum in triangulo ABC æqualia semper sint latera AB & BC , illud quidem ex hypothesi, hoc verò per circuli definitionem, sitq; ex eadem hypothesi angulus ABC semper æqualis, erit & basis AC , & qui ad basin est angulus ACB perpetuò æqualis. Quare AB æqualis semper spectabitur per 10. huius libri propositionem; quod primò erat demonstrandum.



Altero modo potest obliqua ad subiectum planum linea per circuli ambitum ita duci, vt eius inclinatio ad eandem semper partem spectet, vt si nunc in B sit notata AB , nunc in E parte opposita signata DE , nunc in H aut I partibus mediis inscripta KH aut LI . Quo casu contingit magnitudinem ipsam sibi singulis in locis constitutam parallelam quidem esse; at non eundem habere obuersionis situ, oculi in centro C quiescentis comparatione: quare in hac constitutione contingit propositam magnitudinem non quouis loco æqualem videri; sed interdum æqualem, aliàs inæqualem.

Æqualis quidem apparebit, si eo loci sistatur, vbi cum semidiametro rectos angulos facit, nimirum in H & I . Hic enim quoniam triangula KHC & LIC duo latera KH & HC duobus lateribus LI & IC æqualia habent, vtrumque vtrique, habent verò & angulos KHC & LIC æquis lateribus contentos æquales; & basin KC basi LC , reliquosque ad basin angulos æquales habebunt per 4. primi Euclidis. Æquales igitur sunt KCH & LCI anguli, sub quibus proposita magnitudo in KH & LI constituta spectatur: his ergo locis proposita magnitudo æqualis apparet per propof. 10. huius libri; quod secundò erat demonstrandum.

Quòd autem quandoque maior, aliàs minor appareat, sic demonstrabitur: A puncto C ducatur CF propositæ magnitudini AB parallela per 31. primi Euclidis, eidemq; fiat æqualis per 2. primi Euclidis: à summitate verò lineæ CF , hoc est ab F ad subiectum planum, perpendicularis demittatur FG per 11. vndecimi Euclidis, ac per C ducta semidiameter producat ad circumferentiam, cadatque in aliquod eius punctum




A ctum, quodcumque (aut si libet, detur fortuitò in *B* incidere) dico ad hoc punctum constitutam magnitudinē *AB* minorem apparere; ad oppositum verò, puta *E*, maiorem.

B Quoniam enim *AB, FC, & DE* positæ sunt æquales inter se & parallele, erunt & quæ illas connectunt inter se æquales & parallele per 33. primi Euclidis, id est *AF* ipsi *BC*, & *FD* ipsi *CE*: at æquales inter se sunt *BC* & *CE* per circuli definitionem: ergo & *AF* ipsi *FD* æqualis erit per communem notionem. Rursus cùm parallele sint *AD* & *BE*, sitque *FG* ipsi *BE* ad rectos angulos ducta, erit & eadem *FG* ipsi quoque *AD* perpendicularis, rectosque cum ea angulos efficiens per 29. primi Euclidis. In triangulis ergo *AFG* & *DFG* latus *AF* lateri *FD* ostensum est æquale; latus verò *FG* vtrique est commune, angulusque *AFG* angulo *DFG* ostensus æqualis, vtpote rectus vterque: est igitur & basis *AG* basi *DG*, & angulus *AGF* angulo *DGF* æqualis per 4. primi Euclidis. Si autem angulus *AGF* à recto angulo *BGF*, & angulus *DGF* ab angulo *EGF* etiam recto atque angulo *BGF* æquali detrahatur, relinquentur per communem notionem anguli *AGB* & *DGE* inter se æquales: at angulus *DCE* per 16. primi Euclidis, maior est angulo *DGE*; ergo & angulo *AGB* maior erit per idem axioma: sed angulus *ACB* per eandem 16. primi Euclidis, minor est angulo *AGB*: igitur angulus *DCE* multo quàm angulus *ACB* est maior, ac proinde maior apparet *DE* quàm *AB* per 10. huius libri propositionem; quod tertio propositum erat demonstrare.

III.

C *Si à circuli centro sublimis erigatur recta linea, & in ipsa positus fuerit oculus: nihilominus circumacta magnitudo æqualis semper apparebit; si quidem & magnitudo, & ea in qua oculus, ad rectos amba persistant angulos.*

TERTIVM hunc modum idem Euclides Opticorum suorum theoremate 42. insinuat, potestq; in hunc modum demonstrari: Esto proposita magnitudo *AB* subiecto plano rectis insistentes angulis: ex *C* verò subiecti **D** **E** plani quocumque signo ad rectos quoque angulos excitetur *CD* per 12. vndecimi Euclidis, in qua oculus sistatur ad punctum *D*: dico magnitudinem *AB* circa punctum *C* pari interuallo nempe *BC* actam æqualē semper apparere. Nam cùm ambæ *AB* & *CD* subiecto plano sint perpendiculares, erunt & ipsæ per 6. vndecimi Euclidis parallelæ. Ducta ergo *BD*, erit per 4. primi Euclidis eadem *BD* semper æqualis; quoniã videlicet *CD* inuariata perseverat, *BC* verò semper æqualis est per circuli definitionem: sed & angulus *BCD* perpetuò æqualis, nempe rectus: quare & basis *BD*, & angulus *CBD* qui ad basin est, æquales semper erunt. Detracto igitur hoc **E** angulo *CBD* ab angulo *ABC* recto, relinquetur per communem notionem angulus *ABD* semper æqualis: at quæ circa ipsum sunt latera *AB* & *DB*, æqualia semper sunt, *DB* quidem per iam factam demonstrationem, *AB* verò ex hypothesi. Igitur per eandem 4. primi Euclidis, & basis *AD*, & qui ipsi adiacent anguli æquales semper erunt: cùm verò illorum altero *ADB* proposita magnitudo *AB* conspiciatur, æqualis ea semper apparebit per 10. propositionem huius libri, quod erat demonstrandum.




IV.


F *Si verò ea quidem, in qua oculus, recta ad planum fuerit; magnitudo autem visibilis obliqua: hac si circumlacione obuersionis situm non mutet, æqualis semper; at si mutet, inæqualis interdum spectabitur.*

QUEM AD MODVM in secundo superiore modo, ita in præsentem notandum est, lineam subiecto plano obliquam posse duplici ratione per circuli peripheriam circummagi; vno quo idem semper obuersionis situs tenetur, altero quo respectus ad visum mutatur, vt ibidem planius est explicatum.

Priori ratione circumlatam magnitudinem æqualem semper apparere ex tertij modi A demonstratione probari potest. Sit enim obliqua magnitudo A B, cetera verò eadem quæ supra: cum ostensum sit B D rectum oculi radium, itemq; angulum C B D æquales semper manere, supponaturque idem semper esse angulus A B C, deducto ab A B C, angulo C B D, relinquetur A B D angulus perpetuò æqualis, per vulgatum axioma: at circum æqualem angulum A B D, æqualia semper consistunt latera A B & B D, illud quidem ex hypothesi, hoc verò ex superiore demonstratione. Igitur per 4. primi Euclidis & basis A D, & qui iuxta eam est angulus A D B æqualis semper manet. Quare per 10. propof. huius libri magnitudo A F in circulum acta à visu D æqualis semper spectatur; quod primò erat probandum.



Posteriori verò ratione circumactam magnitudinem inæqualem interdum spectari sic demonstratur: Sit ea quidem in qua oculus C G ad subiectum planum recta, è cuius signo quopiam obliquam magnitudinẽ oculus contempletur nunc in A B, nunc in E F transmutatam: sint verò, vt in secundo modo superius est explicatum, A B & E F parallelæ, angulusque A B C acutus, E F C verò obtusus, iunganturque puncta A & E per rectam A E, quæ cum æquales & parallelas A B & E F connectat, erit per 33. primi Euclidis, & ipsa lineæ B F æqualis & parallela. quare C G erit ipsi quoque A E perpendicularis per 29. primi Euclidis.



Dico igitur primò, si oculus in D constituitur communi sectione linearum A E & C G, æquales A B & E F apparere. Cum enim in triangulis D C B & D C F æquales sint ex hypothesi B C & C F, vtrique verò communis sit C D, angulusque D C B angulo D C F æquis lateribus contento æqualis, erit per 4. primi Euclidis, & basis D B basi D F, & angulus C D B angulo C D F ad basim æqualis. Deducto igitur angulo C D B à C D A recto, & C D F ab C D E item recto, reliqui A D B & E D F æquales erunt per communem notionem. his ergo spectatæ magnitudines A B & E F per 10. huius libri propof. æquales apparebunt.

Deinde dico, si oculus supra D attollatur, vt in G, minorem spectari A B quàm E F. Nam in triangulis A D B & E D F duo latera A B & D B æqualia sunt duobus lateribus E F & D F vtrumque vtrique, hoc est A B ipsi E F ex hypothesi, & D B ipsi D F per 4. primi Euclidis. Est verò angulus A B D angulo E F D æquis lateribus contento minor, quia nimirum ab inæqualibus A B C & E F C æquales deducti sunt D B C & D F C: residui igitur A B D & E F D inæquales sunt; ac minor quidem A B D, quippe qui à minore relinquitur; E F D verò maior, vt qui à maiore residuusest. quare per 24. primi Euclidis & basis A D basi D E minor erit. Resecta igitur per tertiam primi Euclidis, D I ipsi D A æquali, iunctisq; G & I, erit per 4. primi Euclidis G I ipsi G A, & angulus D G I angulo D G A æqualis, quoniam æqualis est G I ipsi G A, & D G communis, angulusque G D I angulo G D A æqualis, vtpote rectus vterque: at maior est angulus D G E quàm D G I, nempe totus sua parte: ergo maior quoque est idem D G E, quàm D G A angulus; à quibus si æquales detrahantur C G F & C G B, relinquetur B G A quàm F G E minor. quocircà per 10. huius libri propof. minor A B quàm E F spectabitur; quod erat probandum.


Demum si visus infra D sistatur, vt in H: dico maiorem A B quàm E F videri. Nam cum per 4. primi Euclidis æquales sint B H & F H, H D verò communis, & basis B D basi F D æqualis, erunt per 8. primi Euclidis B H D & F H D anguli inter se æquales: ductaq; H I, cum iam antè posita sit D I ipsi D A æqualis, erit per 4. primi Euclidis, & H I ipsi H A, & angulus D H I angulo D H A æqualis. Quare maior erit D H E angulus rotus sua parte D H I: ac proinde & idem D H E maior erit quàm D H A. Hi verò inæquales D H E & D H A si ab æqualibus iam ostensis B H D & F H D detrahantur, relinquetur per comunẽ notionem B H A quàm F H E maior: ille siquidem ex minoris, hic verò ex maioris detractione relinquitur. quocircà per 10. huius libri propof. maior videtur A B quàm E F; quod demonstrandum erat.

A

V.

Visu in circuli centro vel peripheria constituto, si visile ita mutetur, ut utroque extremo circuli perimetrum tangat, æquale illud semper spectabitur.

B **E**t hunc modum Euclides habet Opticorum theoremate 45. sic autem potest demonstrari: Visus in A circuli centro, aut in B puncto quocumque perimetri firmus consistat, obiectumq; nunc in C D, nunc in D E translatum, vtraque extremitate circuli peripheriam attingat: dico fore, ut æquale illud semper appareat. Cum enim æquales ponantur C D & D E rectæ lineæ, erunt & peripheriæ ab his ablata, seu arcus illis respondentes, per 28. tertij Euclidis æquales: ac proinde & anguli qui his insistent, siue qui ad centrum C A B & D A E, siue qui ad circumferentiam C B D & D B E, per 27. tertij Euclidis æquales inter se erunt. Quapropter per 10. proposit. huius libri visibile in hunc modum per circuli ambitum transmutatum C æquale semper videbitur, quod erat demonstrandum.



PROPOSITIO XXVI. PROBLEMA.

Loca inuenire, quibus mutatum visile, oculo consistente immobili, æquale semper appareat.

D **H**oc problema ex proximo theoremate facilem habet expeditionem, at non vnus est modi. Primò itaque si visile à subiecto plano in quo est oculus, sublime erectum sit, visu ceu cetro, interuallo autem puncto illo cui visile insitit circulus describatur: dico in huius circuli peripheria loca existere, in quibus visile æquale semper apparet, iuxta primum & secundum modum superius recensitum.

Secundò, si visus in plano non sit cui visile insitit, à visu in subiectum planum perpendicularis demittatur per 11. vndecimi libri Euclidis; à puncto verò in quod ea cadit, interuallo autem puncto cui visile insitit, circulus describatur. per hunc enim actum visile, ut in tertio & quarto modo superius explicato, æquale semper spectatur.

Tertiò, si in eodem plano cum oculi centro visile existat, circulus describatur, cuius centrum idem sit cum centro visus, vel cuius peripheria ex quocumque centro descripta per visum ducatur: dico in huius quoque circuli perimetro loca reperiri, in quibus visile sic transmutatum, ut vtraque extremitate circumferentiam tangat, æquale semper videri, ut quintus modus edocet.

Horum demonstrationes, quoniam ex superioribus modis nullo negotio elici possunt, ut breuitati ac labori consultum sit, Lectori colligendas relinquimus.

PROPOSITIO XXVII. THEOREMA.

Nil vetat quin & mutato aspectu, visile immotum æquale semper appareat.


F **I**sta est propositionis vigesimæ quintæ conuersio, quam Euclides in Opticis totidem exemplis explicauit, quot superiorem illam quam diximus propositionem. Et verò nemini dubium esse potest, quin eadem sit visus ac visilis, si vicissim commutentur, ratio: quocirca si permutato situ visus in locum visilis succedat, eandem apparentiam obiecti existere necesse est translato visu, quæ prius visu immoto circa transmutatum obiectum ostendebatur. Igitur totidem modis è conuerso æquale semper spectatur immotum obiectum à visu moto, quot obiectum motum ab immoto visu. Vnde Euclides Opticorum 43. primum huius propositionis casum ita proponit:

I.

A

Si visibile ad subiectum planum rectum fuerit, muteturq; oculus in circumferentiam circuli, ex signo cui visibile insistit, descripti, æquale illud semper apparebit.

ESTO inquam spectata magnitudo AB sublimis, & ad rectos angulos subiecto insistens plano ad signum B ; oculus verò sit C : & centro quidem B , interuallo autem BC circulus decircinetur: dico fore, vt oculo per huius circuli ambitum mutato, visibile semper æquale spectetur. Ducta enim AC , erunt in triangulo ABC latera quidem AB & BC semper eadem, angulusque ABC perpetuò rectus; ergo per 4. primi Euclidis & basis AC eadem semper erit, & anguli reliqui semper iidem. Quare per 10. huius libri propositionem magnitudo AB angulo ACB spectata æqualis semper apparebit; quod erat demonstrandum.




I I.

C

Oculus à plano sublimis esto, moveaturq; in circumferentiam circuli subiecto plano paralleli, nihilominus æqualis semper, licet immota, magnitudo apparebit.


SIT, vt prius, spectata magnitudo AB subiecto plano rectis insistens angulis, visus autem D sublimis: dico magnitudinem AB visu per circulum subiecto plano parallelam transmutato æqualem semper apparere. A visu namque D ad A & B propositæ magnitudinis extremitates radij procidant DA & DB : itemque ex D per vndecimam vndecimi Element. Euclidis in subiectum planum perpendicularis demittatur DC , quæ per 6. vndecimi Euclidis ipsi AB parallela erit. Quare & angulus ABD angulo BCD æqualis erit per 29. primi Euclidis. At angulus BCD semper est æqualis per 4. primi Euclidis, quia videlicet BC & CD inuariatæ perseverant, & angulus BCD perpetuò rectus est. Igitur & angulus $BD C$, & basis BD semper eadem est. Cùm ergo angulus ABD , & quæ circa eum sunt latera AB & BD eadem semper sint, erit per 4. primi Euclidis non tantum basis AD semper eadem, sed & angulus ADB , sub quo proposita magnitudo spectatur, semper idem. Quare per 10. proposit. huius libri æqualis ipsa AB perpetuò videbitur; quod erat demonstrandum.



I I I.

Si spectatam magnitudinem circulus complectatur, ea, oculo per circuli segmentum circumducto, æqualis semper spectabitur.

HOC theorema Euclides Opticorum theoremate 46. in hunc modum demonstrat: Esto id quod spectatur AB , visus autem sit C , à quo procidant radij CA & CB qui cum spectata magnitudine trigonum perficiant; circa CAB verò per 5. quarti Euclidis circulus describatur: dico oculo per huius circuli ambitum permutato id quod spectatur AB æquale semper apparere: transferatur enim oculus ab C in D , procidantque hinc iam radij DA & DB . Igitur per 21. tertij Euclidis æqualis est angulus ADB angulo ACB , quòd ambo in eodem sint circuli segmento: quæ verò spectantur sub æqualibus angulis, per 10. huius æqualia apparent. Æqualis igitur AB semper conspicitur, oculo



per

A per hoc circuli segmentum transfinito : at eadem est ratio demonstrandi in segmento $A F B$: igitur perspicuum relinquitur id quod erat propositum.

In hoc casu & alia interuenit aspectus fallacia, mira sanè, & præter vulgi opinionem constituta : quòd nimirum idem obiectum è remotiori loco distinctiùs quàm è propinquiori videri possit, tametsi vterque locus intra iusti interualli metas sit assumptus : eam tantùm ob causam, quia diuersus est in vtroque aspectu oculi situs. Vt, si $A B$ directè quidem ex D , ex C verò obliquè conspiciatur ; quamuis D sit remotius ab obiecto $A B$ quàm C , videbitur tamen $A B$ ex D , quàm ex C distinctiùs perfectiusque : nam ducta $D F$, quæ ipsam $A B$ secet bifariam & ad normam in E : quoniam peripheriæ $A F$ & $F B$ æquales inter se sunt, erunt & qui his insistant ad D anguli inter se æquales per 33. sexti Euclidis : quare ipsius $A B$ medietates $A E$ & $E B$ æquali perfectione videntur. Ducta autem $C G$ per E ad angulos obliquos, quoniam maior est arcus $A G$ arcu $G B$, erit & angulus $A C G$ angulo $G C B$ maior per eandem 33. sexti Euclidis. Itaque $A B$ ex C propter situs obliquitatem imperfectiùs videri contingit, quàm ex D loco remotiori. Oportet autem, vt dictum est, vtrumque locum C & D intra iustæ distantiæ terminos contineri. nam si D æquo remotius sit, haud dubiè minùs accuratè cernetur $A B$ ex D quàm ex C , quamuis directiùs ; vt contrà si C sit propinquius quàm par est, videbitur $A B$ ex C imperfectiùs, non modò propter aspectus obliquitatem, verumetiam ob nimiam propinquitatem.

C PROPOSITIO XXVIII. PROBLEMA.

Loca definire, quibus oculo moto obiectum immotum æquale semper spectetur.



Hoc problema eadem ratione perficitur, qua illud quod propositione 26. est explicatum, à quo etiam istud nihil differt, nisi motus & quietis vicissitudine, cum hinc visus, illic visile moueatur, illic visus, hinc visile quiescat.

Quare si visus in eodem sit plano cui id quod spectatur insistit, circum obiectum circulus describatur, in eoque loca erunt quæ postulantur.

D Nam si visus per huius circuli circumferentiam permutetur, visile æquale semper apparebit, vt iam propositione superiore ostensum est exemplo primo.

Si autem visus sublimis sit, ab eo in subiectum planum perpendicularis demittatur per 11. vndecimi Euclidis, & per punctum incidentiæ, ex loco cui visile insistit, ceu centro circulus describatur, factumque erit propositum. Nam si per huius circuli ambitum perpendicularis ab oculo demissa ita circumducatur, vt à perpendiculo numquam discedat, ipse etiam oculus in orbem mouebitur, motuque circum imaginabilem velut sui vestigium relinquet subiecto circulo parallelum. Quæcumque enim rectæ lineæ per vtriusque circuli centrum ductæ easdem perpendiculares ab oculo dependentes connectunt, & ipsæ parallelæ sunt inter sese per 33. primi Euclidis, quòd ipsæ perpendiculares æquales sint inter sese & parallelæ. Quare per 8. definitionem vndecimi Euclidis circuli ipsi paralleli sunt. Itaque in illo, quem oculi motus describit, loca existunt è quibus visile quiescens æquale semper spectatur ab oculo translato ; cuius rei demonstratio ex propos. superiore petenda est, vbi id exemplo secundo est explicatum.

Rursus, si per 5. quarti Euclidis circulus describatur, cuius perimetris per visum, duoque extrema eius quod spectatur incidat, in illo loca reperientur, vnde visile quiescens æquale semper apparet, vt ex tertio exemplo superioris propositionis palàm est.

PROPOSITIO XXIX. PROBLEMA.


F *Loca in recta linea designare, è quibus immota magnitudo à visu moto, quandoque æqualis, aliàs inæqualis conspiciatur.*



Si primùm recta illa linea, in quam visus permutatur, propositæ magnitudini $A B$ parallela, literisque signata $C D$. diuidatur $A B$ in E bifariam per 10. primi Euclidis, exciteturque ex E ipsi $A B$ perpendicularis $E F$ per 11. primi Euclidis, quæ ipsam $C D$ secet in F , hæc eidem $C D$ ad rectos angulos erit per 29. primi Euclidis : dico ergo ex puncto F maximam spectari magnitudinem $A B$, è duobus verò punctis æquè ab F hinc inde disjunctis æqualem

æqualem : at è punctis inæqualiter ab F distantibus inæqualem.

Quod sic ostēditur: Ductis AF & BF circum AFB circuli segmentū describatur per 5. quarti Euclidis, quod capiat angulū AFB. quoniam igitur dimetiens est EF, & ad rectos angulos ipsi CD, fit per 16. tertij Euclidis, vt FC & FD extra circulum cadant. Quare sumpto quocumque signo in linea CD, præter F, vtputa C, rectæ ducantur CA & CB; quoniam altera harum CB circulum secat, à sectionis loco G recta ducatur GA. Erit ergo angulus AGB angulo ACB maior per 16. primi Euclidis: at angulus AGB æqualis est angulo AFB per 21. tertij Euclidis: igitur angulus ACB angulo AFB minor est. Itaque ex C quàm ex F magnitudo AB minor spectatur per 10. huius libri propositionem. cumque eadem demonstrandi ratio in omnibus punctis lineæ CD, præter F, locum habeat, probatum relinquatur magnitudinem AB è loco F omnium maximam apparere; quod primò ostendisse oportuit.




Assumpta verò FD ipsi FC æquali, ductisque DA & DB ostendendum sit angulos ADB & ACB æquales esse. In trigonis AFE & BFE æqualia sunt latera AE & EB, latuſq; EF vtrique commune, angulusque AEF angulo BEF æqualis; vtpote rectus vterque ex constructione; erit ergo per 4. primi Euclidis, & basis AF basi BF, & angulus AFE angulo BFE æqualis. Si itaque angulo DFE recto addatur AFE, & angulus BFE recto detur CFE; erunt compositi anguli DFA & CFB per communem notionem inter se æquales. At circum hos æquales angulos latera DF & FA lateribus CF & FB æqualia sunt, vtrumque vtrique, hoc est DF ipsi CF ex constructione, FA verò ipsi FB ex demonstratione. Ergo per 4. primi Euclidis angulus FDA angulo FCB æqualis erit. Rurſus si ab æqualibus iam ostensis angulis DFA & CFB idem communis angulus AFB auferatur, reliqui DFB & CFA æquales erunt, qui cum æquis lateribus comprehendantur, nempe FD ipsi FC ex constructione, FB verò ipsi FA ex demōstratione: erit per eandem 4. primi Euclidis, basis DB basi CA, & angulus FDB angulo FCA æqualis: à quibus si detrahantur anguli FDA & FCB iam ostensi æquales, reliqui ADB & BCA sub quibus magnitudo AB immota spectatur, æquales inter se erunt: quare per 10. propof. huius libri duobus hisce locis C & D magnitudo AB æqualis conspicitur, quod secundo loco demonstrandum fuit.

Demum quòd è signo H inter F & D assumpto minor quidem magnitudo AB appareat, quàm è signo F; maior autem, quàm ex D, per septimum lemma huius libri demonstrari potest. Quoniam enim æquales iam ostensæ sunt AF & BF, quæcumque aliæ super eadem basi AB ad lineam CD cōstituentur, per 7. primi Euclidis inæquales erunt, maiorque semper illa quæ ex A ad FD, aut ex B ad FC longius ab F producitur. Nam cum maior sit angulus AFH quàm AHF, erit per 19. primi Euclidis AH maior quàm AF; item quia angulus AHD quàm ADH est maior, erit per eandem 19. primi Euclidis AD quàm AH maior: itaque deinceps quo longius ab F recesseris, ed longiores semper erunt, quæ ex A aut B decussatim educuntur. Quare per 7. lemma huius libri minor est angulus AHB quàm AFB, & AHB maior quàm ADB, ac sic deinceps remotior semper minor. Itaque quiescens magnitudo AB, ex loco H maior quàm ex D; minor autem quàm ex F conspicitur per 10. propof. huius libri; quod erat demonstrandum.

Esto deinde linea CD, in quam visus permutatur, magnitudini spectabili AB obliqua, ac minimè parallela; ambæque

AB & CD, si producatur, concurrant in E. His positis, inter AE & BE media proportionalis inuestigetur per 13. sexti Euclidis, quæ per 3. primi Euclidis abs CE rescindatur, sitque EF, ita vt sit quemadmodum AE ad EF, ita eadem EF ad EB. Quare per 17. sexti, quod sub AE & EB comprehenditur, rectangulum æquale est ei, quod ab EF describitur, quadrato.



A quadrato. Iunctis igitur $A F$ & $B F$, si per 5. quarti Euclidis circa trigonum $A F B$ circulus describatur, hunc $E F$ tanget in F per 37. tertij Euclidis, eritque angulus $A F B$ maximus omnium illorum, qui à basi $A B$ ad obliquam lineam $C E$ excitari possunt. Sumpto enim in linea $C E$ quocumque alio puncto exempli causa D , iunctisq; $A D$ & $B D$, harum altera nempe $A D$ circulum $A F B$ secabit, quia nimirum tota $C E$, solo F puncto excepto, extra circulum $A F B$ cadit per 16. tertij Euclidis: secet igitur $A D$ circulum $A F B$ in G , & à G ad B recta ducatur $G B$; erit ergo angulus $A G B$ angulo $A F B$ æqualis per 21. tertij Euclidis: atqui angulus $A D B$ per 16. primi Euclidis minor est angulo $A G B$: ergo & angulo $A F B$ minor erit. Idemque in ceteris punctis ab F versus C aut E assumptis ostendi potest: imò


B verò tantò minorem semper angulum fore palàm est, quantò punctum longius ab F distans fuerit, sic vt in E , cum ambæ simul $A E$ & $C E$ coinciderint, nullus angulus sit futurus. Est igitur $A F B$ maximus angulus omnium illorum, qui super base $A B$ ad obliquam lineam $C E$ excitari possunt. Quocircà per 10. propos. huius libri ex loco F magnitudo $A B$ maxima spectabitur.

Nunc verò si quodcumque punctum in linea $C E$ acceptum sit, verbi gratia D , & circa perfectum triangulum $A D B$ circulus describatur per 5. quarti Euclidis secans lineam $C E$ etiam in C , iunganturq; $C A$ & $C B$, erit per 21. tertij Euclidis angulus $A C B$ angulo $A D B$ æqualis; quare per 10. huius lib. prop. duobus hisce locis D & C proposita magnitudo æqualis spectatur. Patet igitur in linea propositæ magnitudini obliqua idem euenire,

C quod in parallela antè ostensum fuit, nempe vt translato per illam aspectu, quiescens magnitudo quâdoque æqualis, quandoque inæqualis spectetur; quod erat demonstrandum.


Denique si linea illa per quam visus defertur, illi quæ spectanda proponitur perpendicularis sit, exempli gratia, $E C$ ipsi $A B$ productæ, si opus sit, in E : accipiatur $E F$ per 13. sexti Euclidis inter $A E$ & $E B$ proportione media. Igitur si per $A B F$ circulus describatur per 5. quarti Euclidis, hunc tanget $E C$ in F per 37. tertij Euclidis, quia nimirum per 17. sexti Euclidis, quod ex $E F$ existit quadratum, æquale est ei

D quod ex $A E B$ fit rectangulo. Quocircà præter punctum F tota linea $E C$ extra circulum $A B F$ cadet. Atque idcirco eodem quo priùs modo ostendemus oculo in F constituto magnitudinem $A B$ maximam apparere, ac eò semper minorem quò longius à puncto F oculus dimouetur: duobus autem tantummodò locis videri æqualem, nempe in D & C , vbi scilicet circulus per A, B , & D actus, lineam $E C$ intersectat. Ex quibus propositum problema expeditum demonstratumque relinquitur, quod fecisse oportuit.




E PROPOSITIO XXX. THEOREMA.
Possibile est, æquales magnitudines visu translato æquales nihilominus apparere.

SINT primùm æquales magnitudines in vnâ rectam lineam compositæ, vt $A B$ & $B C$; à coniunctionis autem puncto B , quod totius lineæ $A C$ medium est, perpendicularis ipsi $A C$ excitetur per 11. primi Euclidis: dico per hanc lineam si D oculus incedat, magnitudines $A B$ & $B C$ æquales semper apparere. Cum enim in triangulis $A B D$ & $C B D$ latus $A B$ lateri $C B$ æquale sit positum, sitq; $B D$ vtrique commune, & angulus $A B D$ angulo $C B D$ æqualis, nempe rectus vterque ex constructione, erit per 4. primi Euclidis angulus $A D B$ angulo $C D B$ semper æqualis. Quare per 10. huius libri proposit. æquales semper magnitudines $A B$ & $B C$ apparebunt.




Sint


Sint deinde eadem magnitudines non in rectam lineam extensæ, sed in angulum A coniunctæ ABC , diuidaturque is per 9. primi Euclidis bifariam per rectam BD , in quam si oculus permutetur, æquales nihilominus AB & BC apparebunt. Cùm enim ut priùs æquales sint ex hypothesi AB & BC in triangulis ABD & CBD , sitq; latus BD commune utrique, & angulus ABD angulo CBD ex constructione æqualis; erit per 4. primi Euclidis, & angulus ADB , angulo CDB semper æqualis. Quare per 10. propos. huius libri propositæ æquales magnitudines, visu per BD incedente, æquales semper videntur. Quòd si DB protrahatur, & in ea visus cõstituat ad E aut aliud quodcumque signum, nihilominus æquales conspiciuntur magnitudines AB & BC . Nam cùm duo anguli DBA & ABE ; item DBC & CBE per 13. primi Euclidis duobus rectis sint pares, resectis æqualibus DBA & DBC ; relinquentur anguli ABE & CBE æquales: at circum hos angulos latera AB & BE lateribus CB & BE æqualia sunt; ergo per 4. primi Euclidis angulus AEB angulo CEB est æqualis. Quare & spectatæ magnitudines AB & BC per 10. propos. huius libri æquales ex his etiam locis apparent.



Sunto præterea æquales magnitudines AB & CD à subiecto quopiam plano in sublimè perpendiculari fide erectæ: iungantur AC & BD , ipsa autem AC bifariam diuidatur in E per 10. primi Euclidis, atque à signo diuisionis E perpendicularis ipsi in subiecto plano ducatur EF per 11. primi Euclidis: dico in EF loca existere, è quibus spectatæ magnitudines AB & CD æquales semper apparent. Nam eductis radiis à visu ad extrema propositarum magnitudinum, patet per 4. primi Euclidis in triángulis AEF & CEF æqualia esse inter se latera AF & CF , quòd reliqua reliquis lateribus æqualia sint vtrumque utrique, & angulus AEF angulo CEF æqualis, utpote rectus: in triángulis verò BAF & DCF non tantum AF ipsi CF , sed etiam AB ipsi CD ex hypothesi æqualis est, & angulus BAF angulo DCF æqualis, ut pote rectus uterque: ergo per eandem 4. primi Euclidis & angulus AFB , angulo CFD æqualis est. Quare per 10. huius libri proposit. æquales apparent AB & CD ex quouis loco in linea EF designato.




Rursus sint propositæ magnitudines AB & CD eodem in plano cum centro visus F ita dispositæ, vt quæ illarum connectit extrema AC , rectos cum vtraque angulos faciat. Diuisa igitur AC bifariam per E per 10. primi Euclidis, atque à signo partitionis E excitata perpendiculari EF per 11. primi Euclidis, erunt in EF loca, è quibus AB & CD æquales appareant. Sit enim verbi gratia aspectus in F , vnde emissitij radij in A & C , item in B & D destinentur, erunt vt priùs FA & FC æquales per 4. primi Euclidis, sed & anguli FAE & FCE per eandem æquales sunt. Hi igitur si æqualibus rectis EAB & ECD addantur, fiet per communè notionem & angulus FAB angulo FCD æqualis: circa quos cùm latera cõsistant æqualia, vtrumque utrique, hoc est FA ipsi FC , vt iam ostesum est, & AB ipsi CD ex hypothesi, erunt per eandem 4. primi Euclidis, anguli AFB & CFD inter se æquales. Quare per 10. huius in EF loca reperiuntur, è quibus æquales magnitudines AB & CD æquales etiã aspectui apparent.



Sint demum propositæ magnitudines AB & CD in idem cum visu planum vtrumque proiectæ. Si circulus describi possit, in cuius peripheriam vtriusque magnitudinis extrema cadant, visu per idem segmentum ipsius circumferentiæ transmutato, æquales eæ magnitudines semper apparebunt. Quoniam enim per 28. tertij Euclidis in æqualibus circulis æquales rectæ lineæ æquales peripherias auferunt, erunt arcus AB & CD æqua-

A æquales, ac proinde per 27. tertij Euclidis angulus $A F B$ angulo $C F D$ æqualis erit. Quare per 10. huius libri propositionem ex quouis eius circumferentiæ loco, qui quidem in simili segmento assumptus fuerit, propositæ magnitudines $A B$ & $C D$ æquales conspiciuntur. Addenda porrò fuit ea cautio, vt visus per vnum idemque segmentum ipsius circumferentiæ transmutetur. Nam recta linea $A B$ duo segmenta distinguit, vnum maius $A F D C B$, alterum minus: in hoc ergo si oculus constituitur inter A & B , maior erit angulus quo $A B$ quàm quo $C D$ aspiciet, vt per se patet.




Cum ostensum iam sit, quot modis, quibusque locis contingat æquales re ipsa magnitudines æquales etiam aspectui videri; perspicuum est, extra hæc similiaque loca visu consistente, inæquales videri magnitudines, quæ reuera æquales sunt: idque fit propter angulorum, quibus comprehenduntur, inæqualitatem, vt sæpè iam citata 10. huius libri propositio demonstrat. Nunc ergo quo pacto contra inæquales magnitudines oculo æquales aut in postulata proportione appareant, paucis dicendum restat.

PROPOSITIO XXXI. PROBLEMA.

Est locus, è quo inæquales magnitudines aspectu æquales videntur, quem demonstrare oporteat.

D **S** I N T propositæ magnitudines inæquales, minor quidem $A B$, maior autem $B C$. super altera illarum puta $B C$, describatur circuli segmentum quodcumque $B E C$, in quo constituitur angulus $B E C$ vt fors tulerit. deinde super $A B$ per 33. tertij Euclidis describatur simile segmentum priori, hoc est capiens angulum æqualem angulo $B E C$. Vbi hæc duo segmenta sese interfecant, nempe in D , hinc aio locum esse vnde $A B$ & $B C$, inæquales licet magnitudines, æquales tamen spectantur. Iunctis enim $D A, D B, & D C$, æqualis est angulus $A D B$ angulo $B D C$ per 10. definitionem libri tertij Euclidis. Ergo per proposit. 10. huius libri æquales ipsæ magnitudines videntur, licet re ipsa inæquales sint.




Extra hunc autem locum inæquales apparere ipsas magnitudines ex inæqualitate angulorum, quibus continentur, demonstrari potest: quam probationem, vt per se inuentu facilem, studio prætermittimus, breuitati consulentes.


PROPOSITIO XXXII. PROBLEMA.

Postulantur etiam loca, è quibus inæquales magnitudines in idem composita, æquales utrique inæqualium appareant.

F **H** I S T O propositarum inæqualium magnitudinum minor quidem $A B$, maior autem $B C$: ambæ verò in vnam rectam lineam compositæ quæ litteris notatur $A C$. super hac, vt etiam super vnaquaque illarum semicirculi describantur $A F C, A D B, & B E C$, aut certè similia quæcumque circulorum segmenta per 33. tertij Euclidis. ex A verò recta emittatur $A F$ vt cumque ad extimam peripheriam maio-



ris semicirculi, iungaturque FC . quia ergo AF & FC secant reliqua segmenta, sunt loca sectionum D & E , iunganturque DB & EB . His ita constitutis dico visum per loca D , E , & F transmutatum conspiciere AB ipsi BC , utrique verò sigillatim totam AC æqualem. Cùm enim per 10. definitionem tertij Euclidis in similibus circulo- rum segmentis æquales consistant anguli, erunt ADB & BEC anguli quibus singulæ AB & BC conspiciuntur, tum inter se, tum ipsi AFC , quo tota AC videtur, æquales. Quare per 10. proposit. huius libri loca dantur, è quibus binæ magnitudines reipsa inæquales æquales aspectu videntur; & quæ ex utraque com- ponitur æqualis, utrique inæqualium apparet; quod erat demonstrandum.



PROPOSITIO XXXIII. PROBLEMA.

Locum assignare, ex quo data magnitudo appareat alterius pars aut multiplex in postulata ratione, qua quidem angulum secare vel augere conceditur.




APPARENTES rerum magnitudines ita se habere, quemadmodum inter se sunt anguli sub quibus conspiciuntur, ex 9. propositione libri tertij C perspicuum est. Quare constat ad huius problematis constructionem necessarium esse problema illud, quo angulus expetitur, qui ad datum angulum postulatam habeat proportionem; quod sanè perfici non potest, nisi vel additione vel partitione. Praxis verò, licet ex parte cognita sit, partim tamen hucusq; ignoratur, partim etiam omnino impossibilis est. Quod primò quidem ostendi potest in diuisione.

Si enim dati anguli pars, verbi gratia dimidia, aut tertia, aut alia quæcumque assignanda est, datus angulus bifariam, aut trifariam, aut alias in partes est diuidendus. Quod quidem hætenus à nemine vniuersè est demonstratum, ut nec illud: datam portionem circularis perimetri in quotuis partes secare; & circulo figuram æquilat- D ram inscribere quocumque laterum. Sunt enim hæc quæ sita hætenus, sed nondum inuenta; ut & inter duas datas rectas lineas duas medias proportionales inuenire, & circuli τὸ ἐμβαδὸν τετραγωνίῳ. Quæ omnia & plura alia eius generis summa hominum ingenia fatigarunt, à quibustamen nulla ad posteros utilitas dimanauit, si excipias admirabilem illam Paraboles quadraturam, quam ingeniosissimus Archimedes propo- fuit, rarum sanè inuentum, & omni commendatione dignum, ac tale omnino quod nisi ab Archimede repertum fuisset, ad hanc vsque diem sub ignorantia tenebris sepultum delituisse: ita sanè procul ab hominum sensu atque ingenio constitutum id erat, ut à nullo alio, meo quidem iudicio, quàm ab Archimede attingi posset.

Deinde si multiplex quicūque angulus dati anguli postuletur, hoc est duplus aut tri- E plus, aut alterius rationis: neq; hic dari vniuersè poterit. Nam recti anguli nullus est angulus in dupla proportione; neque triplus eius qui in triangulo est æquilat- Consultò igitur propositioni ea pars adiuncta est, qua quidem angulum secare vel augere conceditur.

Nunc quo pacto propositum problema solui possit, sic accipe: Quærantur in primis duo anguli quicumque in ea ratione, quæ postulatur: quod sic fiet; Descripto ex centro


A circulo utcumque, si exempli gratia angulus expetitur alterius quintuplus, sumatur in circuli descri- pti peripheria portio BD fortuitò quidem, at tam exi- gua, ut quinquies repetita totum circuli ambitum non expleat, sed partem aliquam relinquat nempe BCE , comprehensa sola parte BDE . In parte relicta BCE , signum notetur quocumque loco C , ad quod extendantur BC , DC , & EC . His peractis dico angulum BCE anguli BCD quintuplum esse, & BCD alterius subquintuplum, seu quintam partem. Cùm enim per 27. tertij Euclidis æquales sint anguli qui æqua- libus peripheriis insistent, sanè æquales esse oportet eos qui super æqualibus assumptis peripheriis BD , DF , FG , GH , & HE ad punctum C



consti-

A constituuntur. Ergo angulus BCE quinque continens angulos ipsi BCD æquales, ipsius BCD quintuplus erit, & BCD totius BCE subquintuplus.

Sint ergo iam propositæ magnitudines IK & KL (nihil verò interest an æquales eæ sint, an inæquales) sitq; IK spectanda pars quinta magnitudinis KL . super IK per 33. tertij Euclidis describatur segmentum IMK , quod capiat angulū angulo BCD superioris schematis æquale: n. ac simili modo super KL segmentum describatur KML , quod capiat angulū BCE superioris figuræ; iunganturque $IM, KM, & LM$. Quoniam igitur per constructionem angulus IMK angulo BCD est æqualis, & angulus KML æqualis angulo BCE , angulus autem BCD quinta est pars anguli BCE , vt iam ostensum est: erit & angulus IMK anguli KML pars quinta. Quare per 10. propos. huius libri in M locus inuentus erit, ex quo data magnitudo IK alterius KL apparet pars in postulata ratione; quod erat præstandum.




Si autem postuletur, vt IK ipsius KL multiplex appareat, verbi gratia quintupla; super CIK segmentum describatur quod capiat angulum BCE per eandem 33. tertij Euclidis, & super KL segmentum describatur capiens angulum BCD : tunc enim lineis ductis ad M communem segmentorum intersectionem, erunt hi anguli superioribus æquales, vterque vtrique. Ergo hîc locus inuentus erit, è quo vicissim data magnitudo IK apparet alterius KL multiplex in quintupla ratione, adiuuante eadem 10. prop. huius libri.

PROPOSITIO XXXIV. PROBLEMA.

Loca inuenire è quibus eadem magnitudo appareat suiipsius pars, aut multiplex, in data proportione.

D hoc problema eandem fermè habet constructionem cum præcedente.

Hoc problema eandem fermè habet constructionem cum præcedente. Nam inuentis duobus angulis E & F in ea proportione quæ postulatur, modo superius tradito, describantur super proposita linea, quæ sit AB , duo circulorum segmèta per 33. tertij Euclidis, quorum vnus vnus, alter alterum angulum capiat ex datis. Ducta itaque ab altero extremo propositæ magnitudinis, nempe A , recta linea AD , quæ vtrumque segmentū interfecet, vnum in C , & alterum in D , vt casus feret. Hęc intersectionum puncta loca esse aio è quibus proposita magnitudo apparet suiipsius pars, aut multiplex, in data proportione. Cùm enim ex constructione æqualis sit angulus ACB angulo E , erit per 7. quinti Euclidis eadem proportio anguli ACB ad F angulum, quæ est anguli E ad eundem angulum F : rursus cùm æqualis sit angulus ADB angulo F per constructionem, qualis proportio est anguli E ad angulum F , talis est eiusdem E anguli ad ADB angulum. Ergo permutando, vt est ACB ad E , ita est ADB ad F . Quate per 10. huius libri propositionem in signis C & D loca erunt, ex quibus proposita magnitudo AB apparet suiipsius pars, aut multiplex, in data proportione; pars quidem ex loco D , ex C verò multiplex; quod erat faciendum.



FALLACIAE ASPECTVS CIRCA SITVM.



AMETSI natura consecutione in corporibus situm figura antecedit, vti intimus corporea dimensionis terminus ac circumscriptio eam habitudinem, qua res externas intuentes variè respiciunt: tamen quia ex situs diuersitate rerum figurae quoad aspectum mirum in modum immutantur, vt orthogonium triangulum interdum in oxygonium, aliàs in amblygonium, aut scalenum; circulus item in ellipsin, rursus quadratum in rhombum, aut rhomboides schema, atque aliæ in alias, hanc ob rem errores, qui in situs dignotionem obrepunt, præmittendos esse duximus, ne aduersus doctrinae leges, quæ de figurarum erroribus deinceps proponere constituimus, per ignota porismata demonstrare cogamur.


PROPOSITIO XXXV. THEOREMA.

Ob immoderatam distantiam contingit obiecti obliquitatem non perpendi.



EX obliqui situs definitione, quæ habetur ad propositionem 31. libri 3. constat eius, quod obliquè aspectui obijcitur, alterum extremum visui propinquius, alterum verò remotius esse debere. Cùm verò proposit. 3. huius libri ostensum sit maximarum distantiarum discrimina visu non distingui, rectè concluditur obliquum rei situm ex immoderata distantia non internosci.

Sit enim exempli gratia visui A obliquè opposita magnitudo BC, extremo B quàm C propinquior: sit autem distantia AB plus quàm mediocris, eiq; æqualis distantia AD, quæ proinde ipsa quoque immoderata erit. Quare per 3. propos. huius lib. excessum DC visus non percipiet. Nam cum primùm immoderata censetur distantia AD, cùm portio DC, qua AC ipsam AD superat, ita quoad aspectum attenuatur, vt non discernatur, quemadmodum in definitionibus ad primam huius libri propositionem est explicatum. Igitur distantia AC ipsi distantia AD æqualis apparebit, & C ab A æquè ac B remotum. Quocirca directè existimabitur opposita linea BC, cuius nimirum extrema pari interuallo ab oculo disiuncta conspiciuntur; quod erat propositum.



CONSECTARIVM.

Quæ à perpendiculari desciscunt ex interuallo spectata, seu quæ aduersum imminet seu quæ in diuersum propendent, recta indicantur.

IN hoc fallaciae genus ij facile prolabantur, qui ex immoderato interuallo turres aut columnas à perpendiculari rectitudine desciscunt intuentur, siue qua parte inclinatum fastigium ad ipsos accedit, siue qua ab ipsis in aduersam partem recumbit. Quæ enim ita spectantur, incertam exhibent inclinationis speciem: propterea quòd perpendiculari linea à supremo fastigio demissa, resque ipsa in eodè sunt cum centro oculi plano. Hoc ergo planum, quoniam, si producat, in oculum incurrit, necesse est ipsum rectæ lineæ instar apparere per 17. propos. huius libri, omnesque quæ in ipso sunt lineas,

A in vnã eãdemq̃ue rectã lineã secundũm intuitũ incidere. Igitur nullũm hoc aspectũ apparet perpendiculari & inclinationis discrimen.

Quod vt planiũs intelligas, finge à summo rei inclinatæ cacumine perpendiculum demitti, & per locũ incidentiæ centrũq̃ue basis rei propendentis rectã lineã ex vtraque parte infinitè protendi: huic inquam lineæ si quis spectator insistat, & ex vtrauis eius parte prospexerit, rem minimè inclinãtã videbit; sed pari rectitudine cum perpendiculo expensã: radius enim opticus ab oculo ad perpendiculi lineã emissus, ipsã quoque inclinationis lineã pertransit. Quare si eouſque oculus absistat, vt lineæ perpendicularis ac propendentis discrimen non internoſcat, vtramque vnũs instar lineæ rectæ ac nullo pacto inclinãtæ intuebitur.

PROPOSITIO XXXVI. THEOREMA.


Qua radiis sublimioribus cernuntur, sublimiora; & humiliora, qua humilioribus videntur: idem verò, de iis qua in dextram aut in sinistram vergunt, iudicium est.

C E illo aspectũ intelligẽda est hæc propositio, qui fit speciebus per medium vniforme delatis. Nam is qui per diuersa media traiectas rerũ formas, aut à solido corpore reſperſas excipit, is fractis inclinatisq̃, fit radiis. Quare illis rebus quæ ita cernuntur, plurimũm vsueneri solet, vt cũ sublimioribus radiis videntur, humiliora appareant, & è conuerso; aut à dextris esse, cũ radij à sinistris proueniunt: nec id tantũm, verumetiam vt quæ à tergo sunt, ex aduerso conspiciantur: Cuius rei hæc profectò est ratio, quòd ea quæ videntur, non in ea cernuntur lineã, qua formæ visibiles à rebus emittuntur; sed in ea, qua ex solutæ iam à rebus formæ in oculos incurrunt. Hæc ergo si vna est eãdemq̃ue rectã lineã, in ipsa erit & verus & apparens rei locus; si verò ea non vna sit lineã, sed alia quã simulachrum euibratur, alia qua suscipitur, non erit quoque idem rei locus verus & apparens; sed pro radiorum diuersitate alius atque alius. Igitur si quis vniuersè accipiendam esse propositionem contendat, illos dumtaxat radios intelligat, qui oculis proximi sunt, seu quibus rerum imagines proximè in oculos illabuntur: in his namque quidquid aspicitur, locũm apparentem habere necesse est. Sunt enim hi radij proprio loquendi modo optici, ac velut rerum omnium quæ visui offeruntur indices, propriũm singularum locũm demonstrantes. Et quemadmodũ ipsa simulachra solo contactu sentientis organi ad videndum facultatem excitant, ita externo appulsu notionem aliquam loci ingerunt. Nam qua parte organum exstimulant, ex eãdem prouenire cognoscuntur: at non aliunde prouenire possunt, quàm à rebus ipsis: igitur primarius sensus in ea rectã lineã sitas esse ipsas res concludit, per quam earum imagines in organum externi sensus incurrunt. Quocirca quæ sublimioribus cernuntur radiis sublimiora, quæ humilioribus humiliora, & quorum radij à dextris aut sinistris porriguntur, ea in dextram sinistramve educi videntur.

PROPOSITIO XXXVII. THEOREMA.

Rerum in anteriora expositarum remotiores partes, quæ à dextris sunt in sinistram, & quæ sunt à sinistris in dextram educi videntur.

F I T oculus A, cuius dextrũm latus B, sinistruũm C, in anteriorem verò eius partem duæ lineæ exponantur B D & C E: dico illius, quæ à dextris est partem D, si à visu remotior sit quàm F, videri in sinistram educi, hoc est sinistrorsũm magis spectari quàm F, & E magis in dextram educi quàm G. Centro namque A circulus describatur vtcumque, atque ab oculo radij procidant A F, A D, A G, & A E, qui circulum secant in R, I, K, & L. Quoniam igitur lateri c sinistro propinquius est punctũm I quàm R, erit radius A D, qui per I transit, radio A F sinistrior, & radius A E dexterior quàm A G, quòd



fit K ipsi B propinquius quàm


quàm L. Quæ verò dexterioribus radiis cernuntur, dexteriores videntur, sinisteriora A autem quæ sinisterioribus, per antecedentem propositionem. Igitur linearum in anteriora exporrectarum remotiores partes, quæ à dextris sunt in sinistram, & quæ sunt à sinistris in dextram educi videntur; quod erat demonstrandum.

Hæc propof. non ita intelligenda est, vt linearum, quæ in anteriora extenduntur, remotiores partes absolutè in contrarium positionis situm abscedere videantur; hoc est, quæ à dextris sunt absolutè in sinistram, & quæ à sinistris simpliciter in dextram; sed propinquiorum partium comparatione: sic nimirum, vt linearum quæ à dextris sunt, remotiores partes sinistrorsum magis spectentur quàm propinquæ; & earum quæ sunt à sinistris partes remotiores propinquioribus dexteriores cernantur, non autem vt dexterioribus aut sinisterioribus appareant, quàm sint reuerà. De hoc enim situ agemus in fallaciis Loci; vbi ostendemus, si linea aliqua in comunè radium incidat, eam eius partem quæ ab illo puncto in quod amborum luminum acies defiguntur, & oculos interiaceret, illi quidem oculo cui ea à dextris est, in dextram magis videri quàm sit reipsa; reliquam verò partem magis iusto in sinistram protendi: oculo autem, cui ea à sinistris est, partem quæ est inter concursum axium & aspectum æquo magis in sinistram ferri, reliquam verò plus iusto in dextram obliquari. Ex quo fit vt ea linea vtroque spectata oculo geminata appareat, ambæque phantasæ sese interfecare videantur in eo signo, in quod axes optici diriguntur: quæ omnia in Loci fallaciis diffusius exponemus.

PROPOSITIO XXXVIII. THEOREMA.

Eorum qua directè oculis obijciuntur remotiores partes, qua à dextris dextrorsum magis; qua verò à sinistris, propius in sinistram accedere videntur.


HISTO: oculus A, eiquè directè obuerfa linea BC, cuius pars D anterior sit, erit proinde oculi latus dextrum E, F verò sinistrum, & propositæ lineæ pars DC à dextris erit, pars autem DB à sinistris: dico igitur C quàm G dextrorsum magis educi, si nimirum C longius à visu ablit quàm G; ac eodem modo B quàm H magis in sinistram vergere. Centro namque A circulus vtrumque decircinetur, radiique ex oculo ad C, G, H, & B profiliant, qui circulum secent. Quoniam itaque radius AC dexteriot est radio AG, & AB radius ipso AH sinisterior, consequens est per 36. propof. huius libri, vt C quàm G in dextram magis; B verò quàm H magis in sinistram produci videatur; quod erat demonstrandum.



PROPOSITIO XXXIX. THEOREMA.

Planorum sub oculo iacentium remotiores à visu partes in altum efferrì videntur.

VISVS A altiori constitutus sit loco quàm planum, in quo spectantur signa B, C, D, & E: sitque E causa exempli à visu remotius quàm D, & D quàm C remotius; B autem proximum: dico E altiori loco aspectari quàm D, & D quàm C; B autem infimo, vtpote visui proximū. Ducta enim AF pari libra cum horizonte, quæ medium prospectum inter elatum ac depressum definiat, vt proptofit. 29. libri tertij



docui.

A docuimus. Huic quò viciniore erunt radij qui in subiectum planum procidunt, eò ipsi quidem erunt altiores, ut puta $A E$ altior quàm $A D$, quòd ipsi $A F$ propinquior sit; & $A D$ altior ipso $A C$ eadem ob causam; $A B$ verò infimus, utpote ab $A F$ remotissimus. Igitur per 36. propos. huius libri elatior apparet C quàm B , & D quàm C , & E quàm D , sicq; deinceps, quòd remotiores sumuntur à visu partes, eò semper altiùs efferri videntur.

Deinde si ex C recta secundum perpendicularum excitetur $C G$ per 11. primi Euclidis, hanc radij $A E$ & $A D$ secabunt in signis H & I : sed H altiùs est quàm I , & I altiùs quàm C : ergo altior apparet pars D quàm C , & E quàm D . siquidem eodem spectantur radio D & I , item E & H . Itaque quemadmodum H altiùs quàm I , sic E quàm D altiùs attolli videtur, & D altiori loco quàm C , ut I quàm C altiori conspicitur; quod erat demonstrandum.

CONSECTARIVM I.

Templorum pauimenta ingredientibus fastigiata videntur.

ID profectò manifestè patet ex theoremate iam demonstrato. Hinc verò colligas licet, non rectè præcipere Architectos quosdam, qui templorum pauimenta ab ingressu ad aram supra libellam attolli moderato quodam fastigio iubent, ea adducti ratione, quòd qui sacrificant, si editiori sint loco, maiorem præ se ferant maiestatem, & augustius sit per ascensum, quàm per descensum ad sacrificia accedere. At enim cum per se assurgere templorum pauimenta videantur, non est cur ampliùs attolli ea debeant, præsertim cum phantasia hæc, quam diximus, licet ex aspectus natura pendeat, non tamen parum offensura esset oculos, ni longa iam consuetudine in usum transisset. Deinde si pauimenta supra libellam euehantur, necesse erit columnas, quæ in altiore regione constituuntur, breuiore fieri, ut scilicet eis capitula ad libellæ æqualitatem incumbant, quod etiam ingredientium aspectui non mediocriter officiet: siquidem remotiores ab ingressu columnæ licet æquales per se, tamen minores semper quàm reipsa sint, apparent. Demum hæc ratio nil aliud suadet, quàm ut ad sacrificia accessus populo difficilis fiat, recessus autem facilis, sicq; à diuino cultu hominum animi auocentur. Quare **D** satis superq; consultum sacrificantium dignitati fore arbitror, si ipsi, non autem cæteri per gradus ad aram conscendant.

CONSECTARIVM II.

Horizon editiori loco spectatur, quàm sit reuerà.

NAM propter immoderatam distantiam, qua à nobis disiunctus est horizon, in eadem qua oculus altitudine spectatur: siquidem attolli semper magis magisque ea videntur quæ remotiora sunt: ergo necessum est ut remotissima loco editissimo conspiciantur. Est vero hic locus in linea $A F$, quæ ad libellam constituitur, & cuius respectu **E** altum dicitur id omne quod supra eam eminent, depressum verò quidquid infra eam decumbit, ut lib. 3. propos. 29. docuimus. Quare horizon editiori loco spectatur, quàm sit reuerà.

CONSECTARIVM III.

Maris connexitas gibbi in morem protuberare videntur.


TAMETS I namque omnes eius partes infra oculum reipsa sint, quòd sphaeroides habeat schema, in cuius summo ad perpendicularum spectator consistit, quia tamen ex quò sunt à visu remotiores, eò semper in altum efferri magis ac magis videntur, sit, ut remotiores propinquorum respectu assurgere quodammodo, & gibbi instar prominere existimentur. Idcirco qui mare nauigant, scandere sese perpetuò arbitrantur, quòd nunquam maris fastigium attigisse videantur. Semper enim aliud atque aliud est, quod in supremo eminent, & quàm citò illi ad nauigant, tam citò phantasia deportatur. Idem per myricas, desertosq; campos iter facientibus euenit, siue enim eant, siue reuertantur, semper conscendere se putant: quare membrorum defatigationem, quam ex ambulatione sentiunt, locorum constitutioni adscribunt, dum illa quæ eadem cum horizonte sunt libra accliuia arbitrantur.

PROPOSITIO XL. THEOREMA.

Planorum verò, qua supra visum incumbunt, remotiores partes ad ima prolabi videntur.



H ADEM est huius & præcedentis proposit. ratio, sed conuersa. Si enim ab oculo A ad planum BE, quod supra visum eminent, radij destinentur AB, AC, AD, & AE, sitque remotior à visu pars E quàm D, & D quàm C, & C quàm B: dico tanto inferiorem videri vnamquamque partem lineæ BE, quanto longiori intervallo ab oculo distungitur. Acta namque AF ad libellæ æqualitatem quæ infernū supernūque locum discriminet, erunt omnes



quidem lineæ quæ ab oculo A ad planum BE protenduntur, supernæ: at quæ ex his ipsi AF propinquiores sunt, reliquis inferiores erunt. Est verò AE ipsi A E propinquior quàm AD; & hæc quàm AC. Ergo radius AE radio AD inferior est; & AD inferior quàm AC. Igitur per 36. proposit. huius libri E quàm D, & D quàm C inferior apparet. Quare remotiores à visu partes plani BE ad ima prolabi videntur; quod erat demonstrandum.

Potest etiam, vt prius, demissa à C perpendiculari CG, ostendi punctum E humiliori loco apparere quàm punctum D, quòd scilicet E eodem radio spectetur quo H, & D eodem quo I. Cùm ergo sit H quàm I depressius, consequens est vt & E quàm D humiliori loco spectetur; quod erat ostendendum.

CONSECTARIUM I.

Contignationes domorum tanto altiori constituenda sunt loco, quanto ampliora subtus loca habent.

Ex iis quæ hac propositione sunt demonstrata, perspicuè apparet inter Architecturæ symmetrias non infimum locum eam tenere, quam in contignationum altitudinibus obseruare hoc consectarium suadet: vt nimirum quò longiora subtus habent loca, eò illæ fiant altiores, ne propter locorum longitudinem in terram procidere, soloque hætere videantur: quod hæud dubiè futurum esset, si æquo fierent demissiores.

CONSECTARIUM II.

Porticus, longæq; arborum series ab extremitate inspecta, stringi in angustum videntur.

IN nulla sanè re æquè euidenter superiorum quatuor propositionum veritas elucet, atque in porticibus longo columnarum ordine suffultis; quas cùm ab extremo introspicimus, paullatim in angustum constringi videmus: latera siquidem omnia sensim in punctum vnum contendunt, &

*Tecta solo iunguntur, & omnia dextera lauis,
Donec in obscurum coni ducantur acumen.*


Eandem phantasiã exhibent arbores in longas strigas combinatæ: omnes enim sensim coeunt, & quò remotiores sunt ab oculo, eò longius à proprio situ diuulsæ medium versus accedunt.

Horum omnium vna est causa quòd superiorum planorum remotiores à visu partes ad ima prolabi, inferiorum verò in altum efferri, dextrorum autem sinistrorsum, & sinistrorum dextrorsum vergere manifestè videantur, vt paulò antè est demonstratum. Ergo in porticibus pauimenta, contabulationes, & latera in illud horizontis punctum secundum aspectum contendunt, in quod radius opticus planis illis parallelus, atque horizonti æquilibris protensus terminatur.

PROPOSITIO XLI. THEOREMA.

Æqualium magnitudinum, quæ sub visu erecta consistunt, remotiores altius euecta apparent.


SIT visus A, sub eoque erectæ æquales magnitudines BE, CF, & DG, sitque DG omnium remotissima, deinde CF, tum BE. Excitatis igitur à visu A ad B, C, & D radiis: aio DG quàm CF elatiorem videri; sic & CF quàm BE. Ducta namque recta BD, quæ omnium magnitudinum extrema connectat, cum per 39. propos. huius libri altior sit radius AD radio AC, & hic altior quàm AB, altius quoque spectabitur signum D quàm C, & C quàm B per 36. proposit. libri huius: sed & G altius spectabitur quàm F, & F quàm E eadem ob causam. Igitur tota DG elatior quàm CF conspicietur, & hæc quàm BE, quod erat demonstrandum.



PROPOSITIO XLII. THEOREMA.

Æqualium item magnitudinum, quæ supra visum propendent, remotiores propinquiorum comparatione depressa videntur.

REPOSITIS iisdem magnitudinibus æqualibus quæ prius, BE, CF, & DG: sint ex nunc supra oculum A positæ, & ab oculo A ad B, C, & D radij euocentur AB, AC, & AD. E quorum numero quoniam humillimus est AD per 19. propos. huius libri, & D signum humillimum spectabitur: deinde C per eandem 19. proposit. huius: ac demum B. cumq; eandem ob causam G quàm F, & F quàm E inferiore appareat loco, perspicuum est totam DG quàm CF, & hanc quàm BE magnitudinem demissio-riorem videri; quod erat demonstrandum. Quo autem altius supra oculum datæ magnitudines euehuntur, eò demissiores illæ apparent, quæ longius ab oculo absunt propinquiorum respectu: at contrà, quod minus fuerint elatæ, eò quoque minus decidere remotiores videntur, si cum propinquiore conferantur; quoad tandem oculo in eadem cum BD linea constituto, omnes æqualem altitudinem adeptæ esse videantur. Similem porrò diuersitatem in illis magnitudinibus animaduertere licet, quæ infra oculum existunt. hæc siquidem quæ sunt oculo inferiores, eò quæ ex maiore interuallo spectantur, demissiores apparent; oculo autem in eadem cum BD linea posito, pari omnes altitudine sublatæ conspiciuntur.



CONSECTARIVM.

Plana superficies libella expensa, cum visus altitudinem superant, alueolata apparent.

HANC fallaciam acutè notauit Vitruuius libro 3. cap. 3. his verbis: *Stylobatam hita oportet exequari, vi habeat per medium adiectionem per scamillos impares. Si enim ad libellam dirigitur, alueolatus oculo videbitur.* De illis agit stylobatis qui supra oculi

oculi altitudinem collocantur. horum enim supremas superficies si ad libellam disten- A
duntur, alueolatas seu alueoli in modum excauatas oculo videri necesse est. Quemad-
modum ab alueo alueatum dixit Cato de re rustica, cum ait sulcos, si locus aquosus
est, alueatos esse oportere: ita ab alueolo alueolatum dixit Vitruuius. Quo pacto verò
alueati seu alueolati stylobatæ appareant, Bernardinus Baldus Guastellæ Abbas inge-
niosè explicauit libello quem de imparibus Vitruuij scamillis nuper conscripsit. Sit in-
quam stylobatæ imposita basis cuius plinthus ab inferiore loco propter coronicis proie-
cturam videri non possit: hac oculi constitutione perinde basis spectabitur, ac si plintho
sublato torus stylobatæ incumberet, aut non secus ac si plinthus in alueolum depressus
oculi aciem effugeret. Ex qua consideratione quidam veritatis radius eidem Bernardi- B
no Baldo affulsit, quo in exponendo superiore Vitruuij loco de adiectione facienda sty-
lobatis per scamillos impares, & priorum interpretum errores detexit, & ipsum genui-
num sensum è tenebris in apertam lucem excitauit. Docuit enim ex optima Vitruuij
mente supremæ planitie stylobatæ, cum illa horizonti æquilibrium constituitur, in medio
adiectionem faciendam esse imposito alio velut plintho, cui ceu scamillo scamnuloue
basis plinthus insistet, ne coronicis obtentu ab aspectu subducatur, tamquam in alueo-
lum receptus impactusque. Quæ interpretatio mirè sanè nobis placet.

Impares porrò Vitruuij scamillos idem Baldus sic explicauit, vt quantò editiori loco
sunt stylobatæ, tantò fiant & scamilli sublimiores: cuius rei licet pauca exempla in ve-
terum structuris habeamus; illud tamen præcipuum videri debet, quod Pantheon tem- C
plorum omnium pulcherrimum ac vetustissimum tribus imparibus coronis in ambitu
cinctum sit, tamquam scamillis, quibus singulorum ordinum bases fulciuntur, vt inte-
græ ex inferiori loco spectari possint. Infimus, seu qui supra primum ordinem colloca-
tus secundum excipit, humillimus est; proximus huic, seu medius, elatior; tertius om-
nium excelssimus: quorum tota ratio ab opticis radiis, & coronicum proiectionibus, mani-
festè dependet. Quocirca & in testudinibus non statim à summa coronicis planitie ar-
cuum flexus inchoandi sunt, sed tanto altius, quantum radij eorum, qui ex ima cellæ
parte in altum suspiciunt, ab aspectu suffurantur. Scamillis etiam veteres sapientissimè
vsi fuerunt in iis stylobatis, quos solitariis columnis, aut statuis clarissimorum virorum
supposuere, vt tamquam è suggesto augustiorem ostenderent maiestatem; ac ob id D
etiam vel maximè, ne, quod alioquin Vitruuius fore ait, signorum imæ partes, cum ab
inferiore loco spectantur, intra pluteum defossæ videantur. Quamobrem Traiani col-
lumna, quæ etiamnum Romæ extat, scamillum habet subiectum plintho, propterea
quòd stylobatæ altitudo ab egesti montis solo humanæ staturæ proceritatem excedat.
Sunt & statuar editiores, quæ geminos scamillos habent, quasi gradus, è quibus infimum
nonnulli resimum fecere, non sine ratione: cum enim scamillo resimo plinthus impo-
nitur, aut scamillus alius ad normam quadrus, prior ille propter ambitus diuersitatem
propriam adfert operi ornamentum; minimè tamen necessarium: ex quo fit, vt qui ex
editiori loco vtrumque scamillum vident, nihil aduertant in opere superfluum; qui ve-
rò ex humiliori loco resimum scamillum non vident, his nihil de operis integritate de- E
cessisse videatur.

Quæ ratio scamillos inuexit, eadem statuas signaque factis adiectionibus detractio-
nibusque ad naturam loci moderari docuit, vt cum de constituta symmetriarum ratio-
ne & commensu detractum aut adiectum sit, res ita appareant, vt perfectæ aspectu vi-
deantur. *Alia enim*, inquit Vitruuius lib. 6. cap. 2. *ad manum species esse videtur, alia in*
excelfo: non eadem in concluso, dissimilis in aperto, in quibus magni iudicij est opera, quid
tandem faciendum sit. Non enim veros videtur habere visus effectus, sed fallitur sæpè ab
eius iudicio mens. & paulò post: Cum ergo quæ sunt vera falsa videantur, & nonnulla
aliter quàm sunt oculis probentur, non puto oportere esse dubium, quin ad locorum natu- F
ras aut necessitates, detractioes aut adiectiones fieri debeant: sed ita vt nihil in his ope-
ribus desideretur.

Harum rationum peritissimus Phidias de Alcamene victoriam reportauit, vt est apud
Tzetzem variæ historiæ libro octauo, histor. 193. Ambo statuariam exactè callebant:
& Phidias quidem Mathematicus cum esset atque Optices peritus, ad aspectus lociq,
naturam signa facere erat solitus; Alcamenes verò ad constitutas tantum partium sym-
metrias. quare cum aliquando oporteret populum Atheniensem duas statuas Miner-
uæ in excelsis columnis constituere, vtrique commissum est opus; Alcamenes speciem
effinxit gracilem, femineam, & cominùs venustam: at Phidias haud ignarus breuissima
apparere

A apparere quæ in sublimi sunt, fecit statuam hiantibus labris, & naso distracto, ac ceteris membris ad conditionem loci deformatis, quæ in excelsa collocata magnam præ se tulit artis dignitatem; Alcamenis autem opus cunctis risui fuit ac ludibrio. Horum certamen epigrammate descriptum placuit adiungere.

EPIGRAMMA

DE

B PHIDIÆ ET ALCAMENIS
CERTAMINE.

A LCAMENI patrias olim dedit Insula cunas,
Fingere in ære homines ars dedit Alcameni:
Et simul ars tantos tribuit conatibus ausus,
Ut cum Phidiaco mouerit arma stylo.

C Sedulus in formam; sed in artem & cetera segnis,
Nec Perspectiuus, nec Geometra fuit:
Captabat tamen immeritus per compita plausum;
Et plausum, immerito, compita multa dabant.
Non hæc Phidiacam vulgi poppysmata mentem
Flexere, aut populi mouit inane Sophos.

D Ast seruans oculique, rei que, loci que, decori que,
Ipse sibi laudis scena sat ampla fuit:
Nempe platearum, vulgi que abstemius, Arti
Et placuisse sibi, credidit esse satis.

Tandem igitur patuere aditus ambobus honorum,
Pallada cum geminam iussit Athena strui.
Alcameni altera, Phidiaco datur altera celo;
Utraque mox altâ constituenda basi.

Alcámenes facit arridentia comminùs ora,
Qualia credideris posse decere Deam:

E Contrà alter gnarus, quantum vicina remota,
Alta que quantum iterum distet imago humili;
Ora facit, quorum non laudes comminùs artem;
Sed si conspicias eminùs, arte placent.

Nempe, labra expansis diducit hiantia buccis,
Et nares patulo fingit utrimque sinu.
Adjicit & longum moderata cuspide nasum,
Lumina que excelsis cineta superciliis.

F Mox vt in arbitrium ciues venere vocati,
Phidiacæ Alcamenis preposuere manum:
Sed postquam in celsa stetit æs vtrumque columna,
Phidiacæ Alcamenis postposuere manum.
Tum suus Artifici decor, & data fama merenti,
Et risum Alcámenes ludibrium que tulit.

PROPOSITIO XLIII. THEOREMA.

Parallela intervalla è distantia spectata, si aequalia sint inaequalia apparent, & maiora semper ea, qua propius oculo adiacent.

SINT parallelae rectae lineae BC, DE, & FG, quarum aequalia sint intervalla HI, & IK. Visus autem in A constitutus sit, cui propinquus sit HI spatium quam IK, sic ut K punctum puncto I, & I puncto H remotius à visu sit, maiorque AK quam AI, & haec quam AH: dico intervallum HI ipso IK maius spectari. Cuius rei demonstratio ex quinto lem-

mate huius libri manifestè elici potest. Nam in triangulo HAK basis HK bipartitè secta est in I, quòd aequalia supponantur intervalla HI, & IK: latus verò AK latere AH maius est propter maiorem K quam H à visu distantiam. Igitur per quintum lemma minor est angulus KAI angulo IAH. quocircà maius apparet intervallum HI quam IK per 10. propos. huius libri.

Nihil porro interest, directène obiectas parallelas oculus intueatur, ut modo iam explicato; an verò obliquè, quemadmodum si in B, D, & F radij oculares procidant. Nam id vniuersè constat per iam citatum quintum lemma, si aequale sit intervallum BD ipsi DF, maiorque distantia AF quam AB, minorem omnino esse angulum FAD angulo DAB, atque ita BD quam DF maiorem spectari.

Si parallela, eaque aequalia intervalla non continua sumantur, sed interrupta, ut HI, & KL, educto radio AL eadem demonstrandi ratione ostendetur spatium KL spatio HI minus videri, cui praesidio erit sextum lemma huius libri. Pater igitur parallela intervalla è distantia spectata si aequalia sint, inaequalia apparere, eaque maiora quae propius oculo adiacent, ut initio propositum fuit.


PROPOSITIO XLIV. THEOREMA.

Parallela recta linea, quò longius à visu protendantur, eò semper propius coire videntur.

TRIBVS quidem modis se habere visus potest ad parallelas in anteriora extensas. Primò, si oculi centrum in eodem cum parallelis existat plano: secundò, si altior ille sit: tertio, si demissior. At omnium vna est demonstratio cuius principium ex nono superiore lemmate desumitur.

Sint enim aspectui A propositae parallelae BD, & CE in anteriora expositae: earum verò equum intervallum breuissimis, uti decet, lineis BC, & DE acceptum sit, quas proinde perpendiculares ipsis parallelis esse oportet, per corollariū propositionis 19. primi Euclid. ac per 29. primi Euclid. inter se etiam parallelas. Cum ergo triangula BAC, & DAE ad eundem verticem, & super aequalibus basibus sint constituta; basis autem DE ab A remotior sit ex hypothese quam BC; erit angulus DAE angulo BAC minor, ac propterea intervallum DE minus apparet intervallo BC per 10. huius libri propositionem.

Si oculus à plano, in quo & parallelae, sublimis sit, ut in F, promissis inde ad BC & DE radiis,



C

B

L

H

I

K


C

E

G



E



A

C

E

F

B

D

E

F

C

E

G

A radiis, quoniam triangulorū BFC & DFE idem est vertex, baselq; æquales ac parallelæ, DE autem quàm BC à visu remotior, erit per iam citatū 9. lemma huius libri angulus DFE angulo BFC minor, ac proinde interuallū quoque DE ipso BC aspectu minus per 10. huius.

Quod iam ostensum est visui euenire supra planū, in quo ipse sunt parallelæ, eleuato, idem omnino locum habet in ea cōstitutione, qua oculus subtus deprimitur, & ab imo superiores parallelas adspēctat. nam bases BC & DE parallelæ sunt, & quæ ipsis insunt triangula ad eundē verticem terminantur. Quare per 9. lemma maior ad verticē angulus ille est, cui propinquior basis subijcitur, ille verò minor, quē basis remotior subtēdit.

B Cūm autem hunc in modū quantò longius parallelæ abeunt, tantò illarum interuallum minus semper appareat, consequens est, vt stringi sensim videantur, & ad se mutuò propius accedere, quousque tandem angulus qui ad oculum constituitur, & remotissimæ insistit basi, insensibilis euadat, vbi ipsæ parallelæ ob immoderatam distantiam exactè coire existimantur. Vnde perspicue patet parallelas rectas lineas, vtcumque spectentur, numquam posse parallelas apparere, sic vt illarum interuallum, quocumque loco sumptum, æquale cernatur. Nam ea est parallelarum natura, vt remotiora ab oculo interualla minora appareant, quod ex dictis facilè cognosci potest.

Ex hac parallelarum proprietate consequi videtur, ipsas neutiquam vt rectas lineas apparere, quod quidem absurdum & à veritate alienum ostendi potest: prius verò quàm id præstemus, assumptio in hunc modum probabitur:

C Sint DBF & ECG non verè parallelæ, sed eo modo descriptæ, quo parallelæ ab oculo


A directè opposito conspiciuntur, sic nempe vt BC proximum oculo interuallum maximum sit, DE verò & FG æquè vtrimque à BC disiuncta, æqualia quidē inter se, sed quàm BC minora: dico fieri non posse, vt DBF & ECG rectæ lineæ sint.

Nam cū minus ponatur interuallum FG quàm BC , protractæ lineæ BF & CG tandem concurrent. Sit ergo H locus concursus.

D Quoniam BHC triangulum est, nequeunt duo anguli CBH & ACH duobus rectis pares esse per 17. primi Euclidis. cumque propter directum oculi aspectum BF & CG æqualiter cōstringantur, æqualia erunt trianguli BHC cetera BH & HC , ac proinde & anguli B & C qui iuxta basin existunt, æquales erunt per 5. primi Euclidis. Quare CBH recto minor erit, eodemque modo & CBH minor erit recto. Igitur DBC recta linea esse non potest. Si enim recta esset, quæ in eam incidit recta CB duobus rectis pares efficeret per 13. primi Euclidis: at minores duobus rectis efficit: igitur non est recta ipsa DBF linea. Sed nec ECG recta linea erit eamdē ob causam: itaque neque vt rectæ apparere illæ ipsæ lineæ DBF & ECG possunt. Vti enim nequeunt re ipsa rectæ esse, si spatia DE & FG ex vtraque parte medij interualli BC minora reuerà sint: ita nequeunt rectæ videri, si spatia DE & FG minora medio interuallo BC videantur, per primum axioma ad 9. prop. huius libri explicatum.

Id autem fieri non posse iam ostendamus. Radiosa illa superficies, qua simulachrum rectæ lineæ ad obtutum porrigitur, vt recta linea apparet: siquidem perpendiculariter oculo obijcitur. ergo fieri nequit, vt quæ opticam hanc superficiem terminat recta linea, incurua aut inflexa conspiciatur. Nam trigonum efficit optica superficies ab oculo ad rectam lineam protensa, cuius partes omnes per 2. vndecimi Euclidis in vno sunt plano: at si inflexa videretur illa linea quæ hanc radiosam seu opticam superficiem terminat, non vnum, sed duo trigona opticum radium constituerent. Itaque quemadmodum radius ab oculo ad rectam lineam productus aliter quàm vt recta linea apparere non potest, ob situm eius perpendicularem: ita absurdum est existimare illius radij terminum, aliam quàm rectæ lineæ speciem oculo posse ingenerare.

E Huic difficultati occurrendum erit, planè asserendo omnium linearum quæ horizonti æquilibres sunt, solam illam quæ pari est cum horizonte altitudine rectam videri, ceteras verò inflexas: ac illas quidem quæ supra horizontem eminent ab illo puncto in quod aspectus proximè dirigitur, vtrimque procidere; quæ autem infra horizontem proclumbunt, vtrimque secundum aspectum attolli, vt ex 39. & 40. propof. huius libri



manifestè constat. Rursus è perpendicularibus mediam illam in quam obtutus directò **A** intenditur videti rectam, ceteras autem quæ à dextris sinistrisque sunt à punctis oculo proximis mediam versus supernè æquè ac infernè inclinari, eaque ratione inflexas videri. Porro quæ ad has lineas in speciem fractas euibrantur radiosæ superficies, & ipsæ fractæ apparent, perinde ac si non vna esset, sed duæ ad se mutuo inclinatæ. Quod tamen non nemo rerum opticarum inexpertus haud ita se videre arbitrabitur, propter necessariæ fallaciæ assuetudinem; is tamen qui rem attentius perscrutatus fuerit, eam ita, ut diximus, se habere omnino comperiet.

PROPOSITIO XLV. PROBLEMA. **B**

Punctum designare in quod parallelae convenire videntur.



PROPOSITIS quocumque parallelis lineis, si ab oculo radius opticus parallelus educatur: dico illas omnes parallelas lineas procedendo videri ad hunc radium paulatim accedere. nam quæ huic à dextris sunt in sinistram, & quæ à sinistris in dextram educi videntur: item, quæ sub oculo sunt, in altum efferri; quæ verò suprà, ad ima delabi cernuntur. Igitur ad eam, quæ ab oculo propositis lineis parallela extenditur, sensim omnes accedunt, quousque tandem longissimè prouectæ ob distantiae immensitatem perfectè coire, & inter sese, & cum radio optico videantur. Quare punctum, quod postulatur, est **C** quoduis huius radij optici signum infinitè, hoc est immoderato interuallo ab oculo disiunctum; quod erat inuestigandum.

Verùm, quoniam totus hic radius opticus puncti instar spectatur, ut propof. 15. ostendimus, fit ut parallelae ipsæ lineæ non modò in illud infinitè dislito, sed etiam in quoduis punctum optici radij congrédi videantur: quandoquidem quoduis radij optici punctum cum illo infinitè dislito vnum idemque appareat.

PROPOSITIO XLVI. PROBLEMA.

Possibile est locum visui assignare, unde non parallela recta linea sic appareant, quemadmodum vera parallela linea spectari solent. **D**




SINT propositæ duæ rectæ lineæ non parallelæ XL & MR , quas quidem parallelas videri est possibile; locus autem postulatur, unde ita ut parallelæ spectentur. producantur eæ lineæ, qua parte minus est earum interual- lum, quousque in K , gratia exempli, concurrant, unde recta educatur KV , quæ angulum xKM secet bifariam per 9. primi Euclidis, sumanturque propositarum linearum interualla xM & LR ad rectos ipsi KV angulos, & circum $xLRM$ circulus describatur, ad quem ex K contingentes ducantur KA & KC ; per puncta autem contactus ducatur AC , quæ ipsi quoque KV ad rectos erit angulos, per 3. tertij Euclidis. Cùm enim in triangulis AKH & HKC æqualia sint latera KA & E KC per 26. lemma huius libri, latiusque KH commune utriusque, & angulus AKH per constructionem angulo HKC æqualis, erit & basis AH basi HC æqualis. Quare per 3. tertij Euclidis KV ipsam AC ad rectos angulos secabit, ac proinde AC ipsis xM & LR parallela erit per 28. primi Euclidis.

His ita constitutis, super KH ceu diametro semicirculus describatur, in quo si punctum quodcumque assumptum fuerit, ut puta F : dico F locum esse, è quo propositæ rectæ lineæ non parallelæ, xL & MR , ut parallelæ spectantur. nec id modò, verùm etiam utrimque productas, ex vna quidem parte in K , ex altera verò infinitè, aio semper illas parallelarum more apparere.

Quod quidem non eo sensu est accipiendum, ut quodcumque illarum interuallum **F** æquale videri intelligatur; hoc enim parallelarum naturæ aduersatur, ut proximè antè est demonstratum; sed eo modo ipsas apparere dicimus parallelas, sicut veræ parallelæ directè oculis obiectæ spectari consueuerunt: hoc est, quemadmodum in veris parallelis proximum oculo interuallū maximum; deinceps verò semper minus; & quæ utrimque proximo æqualiter adiacent interualla æqualia apparent; sic in propositis lineis xL & MR non parallelis quoddam spatium maximum videtur, reliqua verò quæ deinceps semper minora, utrimque autem bina quædam æqualia conspiciuntur.

Quod ut enucleatiùs explicetur: dico primò xM & LR interualla apparere æqualia: **secun-**

A secundò dico interuallum, quod per H transit, nempe NQ videri maximum: dico ter-
tiò, quæ ad eandem partem ab NQ remotiora sunt, ea semper minora spectari.




Priùs verò quàm hæc sigillatim demonstrare aggrediamur, libet rem ipsam diluci-
diore oratione explanare. Finge tres verè parallelas, vnam per H , reliquas per N & Q
actas, atque oculo F directè obiectas, sic vt radij optici FH , FN , & FQ in singulas illarum
rectis incidant angulis. Ipsæ verò tres parallelæ sint litteris notatæ ES , YT , ZV , quæ in-
fernè quidem infinite, supernè verò non vltra S , T , & V producantur, vbi cum plano SFV
ipsi LKR parallelo concurrant. Itaque dico lineam NS aspectui F obtegere lineam NL
infinite versus L productam; HT verò obtegere infinitam HB ; & QV infinitam QR .
rursus aio tres KN , KH , & KQ , tribus infinite NE , HY , & QZ , secundùm aspectum
congruere. Hoc igitur pacto propositæ lineæ XL & MR parallelæ apparent, ex loco
 E F , quòd parallelis directè visui oppositis exactè respondeant.

Hoc sanè experimento in primis addiscere facilè quiuis potest, figurâ è materia con-
structâ, in qua perspicuè animaduertet parallelas NE , HY , & QZ infinite productas sen-
sim stringi, atque in angustum premi, vt propositione 44. superius est demonstratum:
easdemque longius prouectas pedetentim assurgere, & ad radium FK propius accedere,
vt propositione 45. demonstrauius, quousque tandem cum radio ipso FK infinite ex-
tensò coire videantur, quemadmodum KN , KH , & KQ in eundem radium FK ad
signum K reipsa conueniunt.

Deinde hæc omnia & ratio ipsa comprobabit, si priùs, quæ paulò antè promissimus,
demonstremus. Primùm itaque ostendum sit XM & LR æquales videri. Cùm enim
 FKA & KCD circulum $ABCD$ contingant, erit per 22. lemma huius lib. vt BK ad KD , ita
 BH ad HD : per lemma autem 23. erit vt LK ad KX , ita LN ad NX : & vt RK ad KM ,
ita RQ ad QM . Quare per primam conuersionem lemmatis 24. erit angulus LFN angu-
lo NFX æqualis: siquidem NFK angulus rectus probatur per 3. definitionem libri vn-
decimi Euclidis, quòd nimirum FK ad planum NFQ rectum sit. Ergo vt LN ad NX , ita
erit LF ad FX per 3. sexti Euclidis: quòd iam ostensus sit angulus LFX per rectam FN
sectus bifariam; quare vt LK ad KX , ita LF ad FX : sed quemadmodum LK ad KX , ita
est RK ad KM per 2. sexti Euclidis, & per 4. sexti Euclid. vt RK ad KM , ita est LR ad XM :
propterea quòd æquiangula sunt ipsa LKR & XKM triangula. per superius verò 23. ci-
tatum

tatum lemma, vt $R K$ ad $K M$, sic se habet $R Q$ ad $Q M$, & vt $R Q$ ad $Q M$, sic per 3. sexti Euclidis $R F$ ad $F M$. Igitur per 11. quinti Euclidis, vt $L F$ ad $F X$, ita $R F$ ad $F M$, ac eodem



etiam modo $L R$ ad $X M$. Quocircà in triangulis $L F R$ & $X F M$, quorum proportionalia sunt latera, æquales omnes sunt anguli per 5. sexti Euclidis, inter quos $L F R$ & $X F M$, homologis lateribus contenti, ij sunt quibus $L R$ & $X M$ æquales spectantur per 10. huius libri propof. quod erat probandum.

Præterea quòd superficies optiçæ $X F L$ & $M F R$, quibus $X L$ & $M R$ conspiciuntur productæ, si opus fuerit, in parallelas $E S$ & $Z V$ incidant, ac puncta X & M in puncta α & γ proiciantur, puncta verò L & R in δ & ϵ retrahantur, sic ostendetur:

Cùm $F H$ sit ipsi $N Q$ perpendicularis per initio factam demonstrationem, ipsa verò $N Q$ sit perpendicularis lineæ $E S$ ex constructione, erit per 15. lemma eadem $E S$ ipsi quoque $F N$ perpendicularis: quo etiam pacto ostendetur $Z V$ radio $F Q$ perpendicularis esse. **E**
 Æquales igitur omnes sunt anguli $\delta N F$, $F N \alpha$; item $\epsilon Q F$ & $F Q \gamma$, nempe recti. Ergo ab $F L$ & $F R$ abscindantur $F \delta$ & $F \epsilon$, ipsis $F \alpha$ & $F \gamma$ æquales per 3. primi Euclidis: quoniam ergo iam antè ostensus est angulus $L F R$ angulo $X F M$ æqualis, erit per 4. primi Euclid. & basis $\delta \epsilon$ basi $\alpha \gamma$ æqualis: sed & parallela est $\delta \epsilon$ ipsi $\alpha \gamma$ per 30. primi Euclid. quòd ambæ eidem $N Q$ sint parallelæ. Igitur & $\alpha \delta$ ipsi $\gamma \epsilon$ est parallela per 33. primi Euclid. At cum $\alpha \delta$, & $E S$ per idem punctum N transeant, sintque ambæ eidem $Y T$ parallelæ, necesse est utramque in vnâ eandemque lineam cadere: sic & $\gamma \epsilon$ cum $Z V$. Igitur $\alpha \delta$ in parallelam $E S$, & $\gamma \epsilon$ in $Z V$ parallelam, & punctum X in α , & L in δ ; item R in ϵ , ac M in γ incidit; quod erat demonstrandum.

Iam $N Q$ maximam spectari ex eo probatur, quòd ipsa maior appareat quacumque **F**
 alia intra ipsas parallelas $K L$ & $K R$ infinite productas assumpta. Sit enim accepta exempli causa $X M$: hac dico maiorem apparere $N Q$. Nam productis $F X$, & $F M$ in α & γ , vbi nimirum cum parallelis $E S$ & $Z V$ conueniunt; (concurrent autem vt iam proximè est demonstratum) erunt in triangulis $\alpha F \gamma$ & $N F Q$ bases, $\alpha \gamma$ & $N Q$ æquales: sed latus αF lateri $F \gamma$, & $N F$ ipsi $F Q$ æqualia sunt. Igitur æquicrura sunt ipsa triangula $\alpha F \gamma$ & $N F Q$: at latus $F \alpha$ maius est latere $F N$, & $F \gamma$ ipso $F Q$ maius. Nam cum in triangulo $N F \alpha$ rectus sit angulus $\alpha N F$ ex superiùs demonstratis per lemma 15. erit angulus $N \alpha F$ recto minor per consectarium propositionis 17. primi Euclid. Quare per 19. primi Euclid.
 maius

A maius erit latus $F\alpha$ latere FN , sic & $F\gamma$ ipso FQ latere maius erit, quoniam angulus γQF est rectus. Cum ergo isoscelia triangula $\alpha F\gamma$, & NFQ æquales habeant bases $\alpha\gamma$ & NQ , sintque latera $F\alpha$ & $F\gamma$ lateribus FN & FQ maiora, vtrumque vtrique; maior erit ad verticem angulus NFQ quàm $\alpha F\gamma$ per 9. lemma; quare maior spectatur NQ quàm $\alpha\gamma$: sed ipsi $\alpha\gamma$ æqualis apparet xM , eodem scilicet angulo, quod iam antè ostensum est: igitur ipsa quoque xM maior apparet NQ . eodemque modo demonstratio fiet in ceteris. Quocirca maxima apparet NQ illarum omnium, quæ citra punctum H ; inter κN & κQ continentur. Ratione verò haud absimili ostendetur eadem NQ maxima apparere omnium illarum, quæ ultra H , B versus assumuntur. Sit enim, gratia
B exempli, LR vtrumque assumpta: huic sanè æqualis apparet $\delta\epsilon$ per 9. propos. libri huius; at $\delta\epsilon$, quàm NQ apparet minor per 9. lemma proximè citatum. Igitur & LR eadem NQ minor conspicitur: cumque in ceteris eadem ratio locum habeat, perspicuum est linearum κL & κR infinitè protensarum spatium ad NQ maximum videri; quod secundo loco erat propositum.


Demum interualla linearum κL & κR , quò ab NQ ad eandem partem remotiora sumuntur, eò semper minora videri sic demonstratur: Esto, verbi gratia, $\theta\lambda$ ab NQ remotior quàm xM : dico $\theta\lambda$ quàm xM minorem spectari. Productis namque $F\theta$ & $F\lambda$ ad π & σ : item Fx & Fm productis ad puncta α & γ : quoniam ostensum est iam angulum $F\gamma Q$ acutum esse, erit per 13. primi Euclid. angulus $F\gamma\sigma$ obtusus. Quare per
C 17. primi Euclid. & $F\sigma\gamma$ acutus erit, anguloque $F\gamma\sigma$ minor, ac ea propter latus $F\sigma$ latere $F\gamma$ maius erit per 19. primi Euclid. Eodemque modo ostendetur latus $F\pi$ latere $F\alpha$ maius esse: sunt verò ipsa triangula $\alpha F\gamma$ & $\omega F\sigma$ æquicrura, & super equalibus basibus $\alpha\gamma$, $\omega\sigma$, constituta. Minor igitur est angulus $\pi F\sigma$ angulo $\alpha F\gamma$ per 9. lemma: sed $\theta\lambda$ eodem spectatur angulo quo $\omega\sigma$, & xM eodem quo $\alpha\gamma$. Itaque interuallum $\theta\lambda$ minus apparet quàm $\alpha\gamma$ per propos. 9. huius lib. quod erat probandum.

Ex his patet propositas lineas xL & mR non parallelas, ex loco F non modò parallelas videri; sed etiam eadè his omnia euenire, quæ circa parallelarù inspectione contingunt.

PROPOSITIO XLVII. PROBLEMA.


D Admirabilius erit oculo in sublimi dato duas lineas subiecto plano inscribere, quarum intercapedo æqualis. Ubique apparent.

SIT oculus in sublimi datus F , ab eoque in subiectum planum perpendicularis demittatur FG per 11. vndecimi Euclidis: atque ex G rectæ duæ educantur GK & GH , quæ se mutuò ad normam fecent. Si per quoduis punctum lineæ GK , puta κ velut per verticem sectio conice describatur, quæ hyperbole nūcupatur, nempe κL ad rectos conicæ sectionis angulos: dico id quod hanc inter & lineam GH interiacet spatium, è loco F æquale vbique videri.



Finge namque ab F per G & κ duos radios produci interminatos FI , & FM , eosque pariter


pariter ita moueri in orbem, vt $F I$ numquam à linea $G H$ dimoueatur; sed eam perpetuò secet nunc in N , nunc in O , nunc in P , nunc in H : alter verò $F M$ priorem ita comi-



tetur, vt $N R, O S, P T, \& H L$ quæ communes sectiones radiorum & subiecti plani connectunt, tum ipsi $G K$, tum inter se sint parallelæ. Hoc inquam motu aio $F I$ quidem planum describere: propterea quòd radij omnes $F G, F N, F O, F P, F H$ numquam à triangulo $F G H$ discedant, cuius proinde & subiecti plani communis intersecctio est ipsa $G H$.

At linea $F M$ in sublimi superficiem conij, in plano verò sectionem producet $K L$, quam hyperbolem vocant. Nam $F M$ à plano $F G H$, cui ad F obliquè insistit, ex parte M subleuatur, angulum cum eo efficiens $G F K$. Quare si $F M$ circum F ita moueatur, vt cum plano $F G H$ angulum semper efficiat angulo $G F K$ æqualem; describet eadem $F M$ mucronatam quamdam superficiem, cuius quidem immotus vertex F erit, basis verò nulla: si quidem $F M$ infinita est linea. Reliqua ergo conij superficies, à subiecto plano secctà in communi intersecctione, lineam progignit $K L$.

Hanc verò hyperbolem esse dico. Cùm enim statuta sit $F K$ circum F ita moueri, vt æquali semper angulo à plano $F G H$ distet, consequens est, vt axis conij illo motu descripti sit eidem plano $F G H$ rectus. Esto etenim planum $F G H$ non iam directè, vt in præcedente schemate, sed perpendiculariter spectatù, ac linea notatum $G F V$, circa cuius punctum F linea $F K$ ita moueatur, vt æquales sint anguli $G F K$ infra & $V F K$ supra, ac toto etiam ambitu. Quoniam igitur axis conij angulù qui ad verticem est $K F K$ bifariàm diuidit, per conij definitionem; sit axis $F X$, angulusq; $X F K$ æqualibus addatur angulis $V F K$ & $G F K$, fientq; æquales anguli $V F X$ & $G F X$ per communem notionem, qui per 10. definitionem primi Euclidis recti erunt. Igitur axis conij ex motu lineæ $F K$ descripti ad planum $F G H$ superioris figuræ rectus erit: sed subiectum oculo planum eidem $F G H$ plano rectum est positum. Itaque secctio $K R S T L$ hyperbole est; quod erat demonstrandum.




Sic igitur se habet linearum in plano descriptio, quarum intercapedines ex assignato visui loco æquales conspiciuntur. Quam in solis rectis lineis attentare cassus est labor. Nam circum F plures quàm vna recta linea circumagi nequeunt, quæ planam superficiem motu describant: quandoquidem vna tantum sit, quæ in partem oppositam delata cum primo situ rectam lineam efficiat. Igitur vel curuæ omnes, vel vna solùm recta sit necesse est.

Porro quemadmodum rectam vnam $G H$ dedimus lineam, alteram curuam $K L$, ita duæ dari possunt curuæ, nec duæ tantum, sed & plures; si nimirum quotcumque sectiones conicæ constituentur, siue ex eadem parte lineæ $G H$, ad quam posita est $K L$, siue ex altera; quarum omnium interualla ex loco F æqua semper appareant. Vti enim quod inter $G H$ & $K L$, ita quod inter hanc ipsam $G H$ & quamcumq; aliam conij sectionem interiacet spatium æquale spectatur. Igitur composita ex æqualibus interualla ipsa

A ipsa quoque æqualia videri oportet, per communem notionem.


Et quamuis in præsentis sectione conica κL hyperbole sit, ipsa nimirum FC subiecto plano orthogonaliter incidente; tamen fieri æquè potest, vt vel parabola sit, vel ellipsis, si videlicet FC obliquis angulis subiecto plano insitat. Vniuersè autem conicæ sectionem esse necessum est, quæ neque recta sit, neque per axem, quod penitus rem inuenti perspicuum fiet.

Nunc si hyperbolica linea κL describi postuletur, id cõpendio fiet in hunc modum.



C Ducatur FH recta quæcumque linea infinita, ab eaque refecetur portio FG æqualis illi quæ in primo huius propositionis schemate iisdem literis designatur: ipsi verò FC rectis angulis adiungatur GK illi item æqualis quæ in superiori schemate iisdem litteris notatur, & FK infinite producat in L . præterea illis quæ in superiori schemate ab oculo in lineam GH prociidunt, æquales quoque hîc fiant iisdem litteris notatæ FN , FO , FP , & FH , à punctis autem N , O , P , & H perpendiculares excitentur in alterum trianguli latus FL terminatæ ad signa R , S , T , & L . His ergo si in superiori quoque schemate æquales fiant NR , OS , PT , & HL , perque signa R , S , T , & L firma manu vniformis linea ducatur, hæc illa erit hyperbolica linea quæ postulatur, vt ex ipsa patet constructione.

D FALLACIAE ASPECTVS CIRCA FIGVRAM.

E  *VM* latissimè pateat ea diuersitas, quæ in figuris cum planis tum solidis reperitur; plurimæque sint situum differentie, quibus ex accidenti res visiles intuentium oculis variè obiectantur; fit, vt ex vtrorumque congressione innumera errorum discrimina proueniant: quæ omnia breui sermone complecti non modò immensi esset laboris, verum omnino etiam impossibile. Quare illas dumtaxat aspectus fallacias recensebimus, quæ circa illustriora schemata obueniunt, cuiusmodi sunt in planis circulus, quadratum, trigonum; in solidis sphaera, cylindrus, conus: de quibus solis noster sermo erit. Nam quæcumque sunt τὸ πῶδες πα sedibus constant, in quibus eadem hallucinationes versantur, quæ in figuris planis. Porro cum figurarum principia sint anguli, de his primùm hæc pauca velut præambula proponemus. Ex his enim variè secundum aspectum mutatis, etiam figuræ ipsæ in alias atque alias formas transmutari videntur. Sic quadratum vno oculi aspectu in rhombum, alio in rhomboides mutatur, & è conuerso rhomboides in rhombum, vt vtraque figura in primam exactè quadram solo mutato oculi situ restituitur. Sic vnum idemque triangulum nunc orthogonium, nunc oxygonium, nunc amblygonium apparet, variatis scilicet angulis ex aspectus mutatione. Ergo de angulis primùm hæc quæ sequuntur.

ANGVLVS.


A

PROPOSITIO XLVIII. THEOREMA.

Si in altera linearum angulum continentium punctum quodcumque assumptum fuerit, ab eoq; perpendicularis excitetur ipsius anguli plano: dico e quouis eius perpendicularis linea puncto, angulum, si rectus est, rectum videri; si acutus, acutum; & obtusum, si obtusus est.




ESTO primùm propositus angulus ABC rectus, lineis comprehensus AB & BC , in quarum altera, nempe AB , punctum quodcumque assumatur A , ex quo perpendicularis excitetur AD ipsius anguli plano: dico ex D seu alio quouis puncto lineæ AD angulum ABC rectum videri. Producatu enim CB in E , fiatque BE ipsi BC æqualis, iunganturque AC & AE ; item DC , DB , & DE : quoniam igitur AD ipsi AB , & AB ipsi CE posita est perpendicularis, erit CE ipsi quoque DB perpendicularis per 15. lemma. Quare rectus erit vterque angulorum DBC , DBE , ac proinde æquales ambo: sunt verò & circum ipsos latera DB & BC lateribus DB & BE æqualia: ergo per 4. primi Euclidis & basi DC basi DE , & angulus DCB angulo DEB æqualis erit. Igitur BC æqualis apparet ipsi BE per 10. prop. libri huius: sed & AB vtrique triangulo ABC & ABE apparet communis. itaque demonstrandum relinquitur AC quoque ipsi AE videri æqualem, quod fiet hoc modo: Cùm in triangulis ABC & ABE sint AB & BC ipsi AB & BE , & contenti his ipsis anguli æquales, vt pote recti; erit per 4. primi Euclidis & basi AC basi AE re ipsa æqualis. Iam verò quòd etiam æquales appareant, sic probatur: Nam in triangulis ADC & ADE reliqua latera, nempe AD & DC reliquis lateribus AD & DE æqualia sunt: igitur & angulus ADC angulo ADE æqualis per 8. primi Euclidis. quare æqualis apparet AC ipsi AE . Ac propterea per primum axioma ante proposit. 9. huius lib. traditum, & angulus ABC angulo ABE æqualis spectabitur, ideoque rectus per 13. primi Euclidis; quod erat demonstrandum.



Sit deinde angulus ABC acutus; angulus verò ABE obtusus, iunctis vt prius AC & AE ; item DC , DB , & DE : dico hunc obtusum, illum autem acutum spectari. Quoniam enim in triangulis BCD & BED latus BC lateri BE est positum æquale, latusque BD vtrique triangulo est commune; angulus verò DBE angulo DBC maior per 15. lemma (quòd videlicet DA ipsi AB sit perpendicularis) erit per 24. primi Euclidis & basi DE basi DC maior.

Rursus cùm in triangulis ADC & ADE , anguli DAC & DAE recti sint per 3. definitionem vndecimi Euclidis: sitque iam ostensa DE quàm DC maior, habebit DE ad DA maiorem proportionem quàm DC ad eandem DA per 8. quinti Euclidis. Quocirca per 14. lemma huius libri maior erit angulus ADE angulo ADC . ideoque per 10. huius maior videbitur AE quàm AC ; & per 18. primi Euclidis in triangulo ACE angulus ACE angulo AEC apparebit maior. In triangulis verò ABC & ABE communis apparet AB , & basi BC basi BE maior, quòd per 5. lemma huius lib. angulus BCD angulo BDE maior existat. Igitur & BAC angulus angulo BAE maior apparebit. Si enim BC ipsi BE appareret æqualis, cùm




A cùm ostensum iam sit AB quàm AC maiorem videri, consequens esset per 5. lemma huius libri angulum BAC angulo BAE maiorem spectari: nunc ergo quando constat BC maiorem videri ipsa BE , necesse est angulum BAC multò quàm BAE spectari maiorem. Quamobrem & reliquus ABC reliquo ABE videbitur minor, ac proinde acutus, ABE verò obtusus; quod erat probandum.

PROPOSITIO XLIX. THEOREMA.

B *Eadem porrò anguli phantasia obuenerit, si in altera earum, quæ angulū continent, exterius producta perpendicularis constituatur.*




C **E**STO idem qui suprà angulus ABC rectus, cuius alterum latus AB producat in G vtrumque, inque G constituatur perpendicularis DG , in cuius fastigio est oculus ad signum D : dico angulum ABC rectum videri. Producta enim CB in E , fiat BE ipsi BC æqualis, iunganturque AC & AE , item DA , DC , DB , & DE . Quoniam in triangulis ABC & ABE æqualis est B ipsi BE ex constructione, & AB vtrique triangulo est communis, angulusque ABC angulo ABE æqualis, vtpote rectus vterque ex suppositione, erit per 4. primi Euclidis & basis AC basi AE æqualis.



Rursus quoniam DG ipsi GB , & GB ipsi CE posita est perpendicularis, erit per 15. lemma CE ipsi quoque BD perpendicularis. Æquales igitur sunt DBC & DBE , anguli nempe recti: sed quæ hos angulos comprehendunt latera DB & BC lateribus DB & BE æqualia sunt vtrumque vtrique. ergo per 4. primi Euclidis & basis DC basi DE , & angulus BCD angulo BDE est æqualis. Quare BC & BE æquales etiam spectantur: & in triangulis ADC & ADE , cùm præter æqualia latera DC & DE sit commune latus AD , basisque AC basi AE iam ostensa æqualis, erit per 8. primi Euclidis & angulus ADC angulo ADE æqualis. Quocircà AC ipsi AE æqualis quoque conspicietur: sed AB communis apparet vtrique triangulo ABC , & ABE . Ergo per eandem 8. primi Euclid. angulus quoque ABG angulo ABE videtur æqualis, ac proinde rectus vterque per 13. primi Euclidis; quod erat demonstrandum.

E Quòd si acutus sit ABC angulus, reliquus verò ABE obtusus: dico hunc obtusum, illum verò acutum apparere: nam, vt iam ostensum est, BC angulus obtusus, & CBE acutus apparet. At angulo BC æqualis apparet ABE angulus, & angulo CBE angulus ABC æqualis per primum axioma ad propositionem 9. huius libri traditam, adiuuante 15. primi Euclid. Igitur angulus quoque ABC acutus, ABE verò obtusus apparet; quod erat demonstrandum.



F Potest etiam hæc propositionis pars eodem modo demonstrari, quo superioris propositionis secundam partem probauimus, adiuuante posteriore parte lemmatis 15. verùm quia demonstratio illa visa fuit hac paulò prolixior, placuit iam hac vti breuiore, quæ in sequentibus etiam propositionibus subinde locum habebit. Habet enim in se quiddam omnibus rectilineis angulis commune; quod proinde in reliqua apparentium angulorum ac figurarum mentione vsu veniet, magnamque adferet rebus obscurioribus perspicuitatem: quamuis negari non debeat quamplurimis aliis modis hæc quæ tractamus demonstrari posse, quod Lectoris ingenio relinquimus.

PROPOSITIO L. THEOREMA.


Si autem perpendicularis in qua oculus per lineas angulum continentes atque ex utraque parte productas incedat; rectus quidem angulus semper rectus apparebit; acutus accessu minui, recessu augeri videbitur: obtusus verò contrà accessu augeri, recessu minui conspicietur.

PRIOR huius propositionis pars, quòd nimirum rectus angulus semper rectus videbitur, ex duabus superioribus propositionibus liquidò constat. Ostensum est enim quocumq; loco rectarum linearum angulum continentium perpendicularis constituta fuerit, rectum angulum semper videri rectum. Cùm ergo in indiuiduo posita sit recti anguli essentia, augeri vel minui quoad aspectum haudquaquam poterit, seruata essentia ratione. Igitur moto per hanc lineam oculo, rectus angulus semper rectus conspicietur.


At si obliquus fuerit angulus, is translato oculo mutari videbitur. Nam si acutus sit, vti ABC , visu puncto B appropinquante minui, recedente verò augeri videbitur: sit enim perpendicularis, quæ oculû defert nunc in H nunc in G ; visus autem nunc in D nunc in F æquè à subiecto plano sublimis: ex puncto verò C , ad rectam GB perpendicularis ducatur CA per 12. primi Euclid. & ex B eidem GB perpendicularis excitetur BK per 11. primi Euclidis, quæ per 29. primi Euclidis parallelæ erunt, iunctaque CK fiat parallelogrammum $ABKC$, cuius diameter sit CB . Quoniam AB latitudo parallelogrammi ex loco D minor apparet quàm sit reipsa, per consuetarium primum propositionis vndecimæ huius libri; esto apparens eius magnitudo AM , quæ nimirum abscindit DM ipsi DA æqualem; positaque AN ipsi AM æquali, ac ducta NL per N ad rectos ipsi GB angulos, palàm est CN diametrum CB repræsentare ex D spectatum, angulumq; ANC angulo ABC maiorem esse per 16. primi Euclidis, ac etiam videri per 1. axioma ad propos. 9. huius libri superiùs explicatum.

Rursus quoniam per 11. huius eadem AB ex F minor cernitur quàm ex D , sit eius apparens magnitudo AO quæ abscindit FO ipsi FA æqualem, fiatque ipsi AO æqualis AP , cui vt priùs perpendicularis applicetur ad punctum P , nempe PR , quæ ipsi NL parallela erit per 29. primi Euclidis. iuncta igitur CP , erit vt priùs angulus APC angulo ANC maior, quoniam enim per 7. lemma minor est angulus AFB angulo ADB , minor apparebit AB ex F quàm ex D . Igitur minor erit AO quàm AM , & AP quàm AN , ac proinde & CP ipsa CN minor, angulus verò APC angulo ANC maior vt priùs. Atque ita deinceps quo longiùs abducta fuerit perpendicularis in qua positus est oculus, eo semper acutus angulus maior conspicietur.

Sit iam obtusus angulus HBE , eademque aspectus transmutatio, quæ priùs: dico angulum HBE visu puncto B appropinquante quoad aspectum augeri, recedente verò minui. Per B namque & E perpendiculares ducantur ipsi GB , nempe BK & EA ; iunctaque; EK , parallelogrammum perficiatur $ABKE$, cuius diameter sit BE . Quoniam BA longitudo parallelogrammi ex D minor conspicitur, quàm reipsa sit, per consuetarium primum vndecimæ huius; esto BM longitudo apparens, cui æqualis ponatur BN , & ab N perpendicularis ipsi BA ducatur NL per 11. primi Euclid. erit ergo parallelogrammum $BNLK$, parallelogrammi $BAEK$ ex D spectati forma, & BL diametrum BE repræsentabit: sed minor est angulus KBL angulo KBE per 8. lemma, vt etiam per lemma



A Lemma 14. Quia enim BL ipsa BE est minor, erit ipsius BL ad BK minor proportio quam BE ad eandem BK per 8. quinti Euclid. est verò BKE rectus angulus. Igitur per iam citatú 14. lemma minor est angulus KBL angulo KBE ; addito itaque cõmuni angulo HBK , **B** erit per communem notioné angulus HBL angulo HBE minor.



Simili modo cum per 7. lemma minor sit angulus BFA angulo BDA , consequens est per 10. propos. huius, vt BA longitudo parallelogrammi ex loco F minor spectetur, quam ex D : sit igitur eius apparens longitudo BO , cui æqualis ponatur BP , atque ex P perpendicularis ipsi BA excutetur PR . Erit ergo vt prius parallelogrammum $BPBK$ ipsius parallelogrammi $BAEK$ ex F spectati contractura, & BR ipsius BE apparens forma. At verò angulus KBR minor est angulo KBL per 8. lemma superius citatum: adiuncto igitur cõmuni angulo HBK , erit HBR angulus angulo HBL minor. Sicque quo longius ad spectus à puncto B dimouebitur, linea BE eo semper propius ad perpendicularem BK accedere conspicietur, ac proinde angulus HBE semper minui. Igitur perspicuum est quod initio propositum fuit demonstrare.

Idem omnino eueniet, si oculus per lineas quæ angulũ comprehendunt in oppositam partem productas incedat. Nam sit, exempli gratia, in posteriore hoc schemate angulus acutus ABE , cuius vertex ad B oculum spectet, nunc in D nunc in F transmutatum: cum per 13. primi Euclid. ABE & EBH anguli duobus rectis sint pares, & obtusus angulus EBH , vt iam ostensum est, minui visu recedente, appropinquante verò augeri videatur; necesse est contrà acutum angulum ABE visu recedentẽ secundum aspectum augeri, minui verò appropinquante, quemadmodum in prima oculi mutatione ostendimus.

Eodemque pacto si ABC obtusus proponatur angulus vertice oculum spectans: cum iam antè demonstratum sit acutum HBC angulum oculo accedente minui, & recedente augeri, consequens profectò est, vt è conuerso obtusus ABC angulus oculi recessu minui, accessu verò augeri secundum aspectum videatur.

Hæc quamuis ita se habere ex necessariis sit demonstratum; placet tamen experimenti rationem adiungere, & ad oculum rem quoque ipsam exhibere. In amplo solo è duabus regulis non minimis vna alteri leuiter commissa transfixo clauo angulus aptetur, velut norma Lesbica, quæ ad arbitrium inquamcumque formam permutari possit. Secundum verò alteram illarum spectator incedas: si acutus est angulus, vt in priori schemate ABC , manifestè deprehendes punctum B in recessu nunc in N nunc in P videri, & quò longius abscesseris, eò semper B punctum propius ipsi A fieri; atque ita ipsam quoque CB lineam nunc in CN nunc in CP mutari perspicias; contrà verò quo propius puncto B accesseris. Sic ergo acutum angulum accedente oculo minui, recedente augeri manifestè deprehendes.

Conformato verò eiuſdem regulis angulo obtuso, vt in posteriori figura est HBE , **F** videbis in recessu punctum E sensim in L , atque hinc in R transmutari, totamq; BE nunc in BL nunc in BR , eoque semper propius adduci, quò longius abiueris. Quare & angulum HBE recedente obtutu minui, augeri verò accedente perspicias. Eodem verò modo quasuis angulorum mutationes experiri licebit, atque ex iis rationes adinuenire, quibus à priori, vt Philosophi loquuntur, seu, vt alij, ex necessariis repertæ veritates demonstrantur. Ita namque solemus in rebus arduis, atque inuentu difficillimis, à sensibus rebusque materialibus subsidia mutuari, quas intelligentia per se sola assequi nunquam potuisset.



PROPOSITIO LI. THEOREMA.

Si recta quadam linea angulum per Verticem bifariam secet; per hanc autem demissa ab oculo perpendicularis transferatur: dico in Vertice angulum videri minimum, & quò hinc perpendicularis longius dimouetur, eò semper angulũ maiorem spectari.

HISTO angulus ABC per rectam lineam BC sectus bifariam: dico perpen- **B**
diculari quæ oculum defert in **B** vertice anguli constituta, an-
gulum minimum oculo **D** ap-
parere, eademque perpendicu-
lari per BC trãsportata, eò maiorem angulum
videri, quò illa longius à **B** dimouetur. Nam sit
primùm perpendicularis ophthalmophora in
 C , oculus verò in E æquè ac D à plano sublimis:
quoniam BGE & GBD anguli recti sunt, ac
proinde æquales, & circum hos æqualia con-
sistunt latera GE & BD , BC verò commune
vtrique, erit per 4. primi Euclidis, & basis BE
basi GD , & angulus BEG angulo GBD æqualis.
Itaque ex vtroque loco D & E æqualis apparet
ipsa BC , hoc est altitudo trianguli ABC : at
verò AG & GC ex E maiores apparent quàm ex D . Quia enim AG ipsi GE ad rectos po-
sita est angulos, & DE ipsi GE ad rectos angulos erit: quare per 15. lemma AE ipsi
quoque DE ad angulos erit rectos, & per 47. primi Euclidis maior erit AD quàm AE :
ideoque per 8. quinti Euclidis AD ad AG maiorem rationem habebit quàm AE ad
eamdem AG . Maior igitur est angulus GAD angulo GAE per 14. lemma. Est enim per **D**
15. lemma AG vtrique GE & GD perpendicularis. Quocircà reliquus angulus ADG
reliquo AEG minor est, siquidem per 32. primi Euclidis tres anguli vnus trianguli
tribus alterius sunt æquales, vtpote duobus rectis pares: est verò GDC ipsi ADG æqua-
lis per 4. primi Euclidis, quòd latera AG & GD lateribus CG & GD sint æqualia, & an-
gulus AGD angulo CGD æqualis; ac eodẽ modo angulo AEG æqualis est angulus GEC .
igitur compositus ADC , composito AEC est minor. Quapropter AC ex D minor spe-
ctatur quàm ex E per 10. huius: ideoque & per 8. lemma maior apparet angulus ABC
ex E quàm ex D , adiuuante primo axioma ad 9. propositionem huius explicato.

Si iam longius à puncto **B** visus abducatur, vtpote in K insidens perpendiculari HK :
dico angulum ABC , ex K maio-
rem conspici quàm ex E . Iunctis
enim KA , KC , & KB : item EA ,
 EH , EC , & EB : quoniam trian-
gula HEB , & HKB in iisdem sunt
parallelis HB & KE , eademque
habent basim HB , maximum verò
illorum, quæ præter basim sunt,
latus est KB , erit per 7. lemma mi-
nor angulus HKB quàm HEB :
quare HB ex E maior spectabitur
quàm ex K .

Rursus quoniam AKE rectus
est angulus per 15. lemma, erit per
47. primi Euclid. AE ipsa AK ma-
ior; atque ita per 8. quinti Euclid. maior proportio AE ad AH , quàm AK ad eamdem
 AH , ac proinde per 14. lemma maior angulus HAE angulo HAK , cumque æquales sint
anguli AHE & AHK vtpote recti, erit reliquus AEN reliquo AKH minor. Sic & HEC
angulus angulo HCK minor ostendetur. Igitur totus AEC angulus toto AKC est mi-
nor.




A nor. quare AC basis trianguli ABC ex K maior apparet quàm ex E : altitudo verò HB ; contrà maior apparet ex E quàm ex K : ergo angulus ABC ex K multo maior apparet quàm ex E . Nam si altitudo eadem appareret, vt supra GB ; adhuc tum maior cerneretur angulus ABC ex K quàm ex E per 8. lemma; adiuuante primò axiomate ad propositionem 9. huius libri explicaro: & si basis AC ex vrroque loco æqualis appareret, altitudo verò maior, etiam tum maior videretur angulus ABC ex K quàm ex E per 21. primi Euclidis. Itaque cùm hæc ambo simul conueniant, scilicet basis AC phantasia maior ex K quàm ex E , & è conuerso altitudinis apparentia ex E maior quàm ex K ; conuincitur angulum ABC ex K quàm ex E multo maiorem spectari.


B

PROPOSITIO LII. PROBLEMA.

Si ei, quæ propositum angulum bifariam secat, perpendicularis ducatur: aio contrarium euenire, hoc est oculo communi vtriusq; sectioni insidente angulum maximum videri; hinc verò semper minorem.

C  **NGVLVM** ABC bipartitò secet BC , cui perpendicularis adiungatur HK infinitè vtrimque producta: per hæc si perpendicularis illa quæ oculum defert permuetur, aio aspectui in D posito angulum ABC maximum videri; hinc verò quo è remotiori loco spectatur, eò semper minorem apparere.

D Fiant enim AB & BC æquales



per 3. primi Euclidis, adiungaturque AC : ab A verò & C ad HK perpendiculares applicentur AH & CK per 11. primi Euclidis, quæ per 28. primi Euclidis parallelæ inter se erunt, ac parallelogrammum $ACKH$ perficient: ducantur item à visu D radij DH & DK : sic quoque à visu E radij EH & EK , itémque à visu M radij MH & MK protendantur: quoniam BD ad HK est perpendicularis ex hypothesi, æquales sint oportet anguli DBH & DBK , vtpote recti per 10. definitionem primi Euclidis: at circum æquales hos angulos æqualia consistunt latera BH & BK , commune verò vtrique BD . Igitur per 4. primi Euclidis & basis DH basi DK est æqualis.

E Rursus cùm rectus sit angulus BDE , erit HDE recto maior, vt totus sua parte. Igitur quæcumque ex H ad DE infinitè extensam attinere possunt rectæ lineæ, vt HE , HM ; omnes ipsa HD maiores esse necessum est; cùmque HD ipsi DK sit iam ostensa æqualis, erit HE ipsa quoque DK maior. Quapropter per 7. lemma minor erit angulus HEK angulo HDK : ergo HK seu AC , hoc est longitudo parallelogrammi minor ex E , imò & ex quocumque alio signo videbitur quàm ex D ; arque ita arctari videntur latera AB & BC . Atque adeò angulus ipse ABC ex E quàm ex D , ceteris punctis lineæ DM præter D minor apparet: quocircà ex D maximus videtur, quod primò erat demonstrandum.

Simili porrò ratione ostendemus, ex locis quantò à D remotioribus, tantò angulum ABC minorem semper videri. Cùm enim HEM obtusus sit angulus, vtpore maior angulo HDE per 16. primi Euclidis: quæcumque ex H ad EM infinire protractam ducuntur, ipsa HE maiores sunt per 19. primi Euclidis, ac proinde per 7. lemma angulus HMK angulo HEK minor erit; atque ita vt priùs minor videbitur HK ex M quàm ex E , angulique ABC latera constringi angustarique videbuntur, ac proinde ipse etiam angulus ex M quàm ex E , imò ex quocumque ab hinc remotiore loco minor semper conspicietur; quod posterius erat demonstrandum.

PROPOSITIO LIII. THEOREMA.

Circum anguli ABC verticem B circulus describatur, in eumq^{ue} incedat perpendicularis, in cuius fastigio est oculus: dico in F & G , ubi arcus $ACLN$ angulisq^{ue} secantur bifariam, angulum maximum videri; minimum vero in H & K , ubi HK ipsi FG normalis est; ac deinceps recessu ab H vel K angulum semper augetur, accessu vero minui.

P


RODVcantur AB & CB in N & L , iunctisq^{ue}; AC , CN , NL , & LA , perficiatur parallelogrammum $ACNL$: quoniam igitur parallelogrammi latus AC nullibi minus secundum aspectum mutatur, quam oculo ad perpendicularum signo F incumbenti ob directum situm; AL vero & CN ex eodem oculi loco maximam contracturam subeunt propter situs obliquitatem; perspicue fit ut ex hoc loco angulus ABC maximus appareat. Nam quod vertex B propinquior spectatur manente basi AC , eò necesse est maiorem videri ipsum ABC angulum per 21. primi Euclidis. Idem porro accidit oculo supra punctum G elato: hinc siquidem basis AC propinquior oculo cernitur; quare & angulus ABC apparet maior per 9. lemma. Item quoniam ex loco qui supra G eminet, maximus cernitur angulus LBN , & per 15. primi Euclidis oportet huic æqualem videri ABC , propter linearum AN & CL communem in B intersectionem, palam est oculo supra G constituto ipsum quoque ABC angulum maximum spectari. Contrà vero si oculus supra alterum punctorum H vel K atrollatur, dico illos ipsos angulos ABC & LBN videri minimos: tum quia parallelogrammi AN latera AC & LN aspectu maximè contrahuntur, lateribus AL & CN minimè variatis ob situm hic directum, illic obliquum; tum quia necesse est angulos ABC & LBN tantò apparere minores, quantò ABL & CBN maiores conspiciuntur: at hi, cum oculus alteri punctorum H vel K iuminet, maximi videntur, ut ex iam dictis constat: igitur illi ex eodem oculi loco apparent minimi.

Cum ergo FG & HK extremæ sint lineæ e quibus ABC angulus maximus minimusq^{ue} apparet, palam est, si perpendicularis illa, quæ oculum defert, per circuli ambitum circumducatur, ab minimo termino ad maximum, hoc est oculo ab H & K ad F & G recedente angulum ABC continuo augetur, accedente vero minui. Nam quemadmodum continuus est motus, quo oculus circumferrur, ita non interrupta variatione anguli, aspectus mutatur, atque ab minimo ad maximum continuis incrementis augetur; à maximo vero ad minimum vsque perperuis decrementis minuitur.

Quod sanè eò spectat, ut intelligas angulum ABC si rectus est, visu supra circumferentias AF & LG delato, obtusum apparere, recto scilicet ampliorem; incedente autem oculo supra arcus HL & KN videri acutum, recto videlicet minorem. Nam ex propositionibus 48. & 49. constat e locis supra A , C , N , & L constitutis rectum ipsum angulum spectari: à quibus proinde locis si versus minimos terminos H & K oculus feratur, acui ipsum angulum ABC necesse est; uti contrà expandi magis, si versus maximos terminos F & G oculus adsporretur.

Habes hinc Lector paucis explicatam omnem illam varietatem, qua rectus angulus secundum aspectum variat oculo circa propositi anguli verticem circumactò. Est verò hæc propositio velut compendium præcedentium. Nam quæ de aspectu anguli acuti & obtusi superius dicta sunt, facile possunt ad recti anguli normam explicari, quandoquidem iam constet angulum ABC , siue acutus sit, siue obtusus, siue rectus, ex H & K minimum videri, maximum vero ex F & G . Quare visu à minimo termino H vel K ad maximum F vel G delato, augetur anguli aspectum continuo incremento necesse est; minui autem, oculo à maximo termino ad minimum recedente.

PRO-




A

PROPOSITIO LIV. THEOREMA.

Si à vertice spectati anguli per oculi centrum recta infinite producat, è quouis eius linea signo æqualis ipse angulus conspicitur.


B **F** X B vertice propositi anguli ABC recta educatur, per D centrum oculi infinite exprorecta: dico ex quouis signo lineæ infinite DB, vtputa ex E angulum æqualem videri. Iungatur enim AC, & ex E ad A & C radij procidant EA & EC, ipsisque paralleli ducantur DG & DH: in triangulo igitur ABE, quoniam DG ipsi AE est parallela, erit per 2. sexti Euclid. vt AB ad GB, ita EB ad DB: est verò angulus ABE vtrique triangulo ABE & GBD communis: igitur æquiangula sunt ipsa triangula per 6. sexti Euclid. Quocirca AB ex E æqualis apparet ipsi GB spectatæ ex D: ac similiter CB ex E apparet æqualis ipsi HB ex D spectatæ. Et quoniam per 4. sexti Euclid. vt EB ad DB, ita est EA ad DG: & iterum, vt EB ad DB, ita EC ad DH; erunt per 11. quinti Euclid. eadem inter se rationes EA ad DG, & EC ad DH. Sed & eadem ratio est AC ad GH per eandem 11. quinti Euclidis. nam per 4. sexti Euclid. ita se habet AC ad GH, quemadmodum AB ad GB, & vt AB ad GB, ita est EB ad DB: est verò, vt iam ostensum est, vt EB ad DB, ita EA ad DG, item & EC ad DH. Igitur vt EA ad AC, ita est DG ad GH; & vt EC ad CA, sic DH ad HG. Sunt itaque triangulorum AEC & GDH proportionalia latera: quare & anguli æquales per 5. sexti Euclid. Ergo ACE, & CH ex D æquales spectantur: sed & AB & CB ex E ipsi GB & HB ex D cernuntur æquales, vt iam ostensum est; igitur æquilatera spectantur triangula ABC & GBH: quare & æquiangula per 5. sexti Euclid. Est verò vtrique triangulo communis angulus ABC. Hic igitur ex E & D, & quocumque alio signo in linea BD infinite producta assumpto æqualis conspicitur; quod erat demonstrandum.



PROPOSITIO LV. THEOREMA.

Motus, quo visus à subiecto plano altius subleuatur, ei respondet motui, quo in eadem altitudine oculus ad spectati anguli verticem propius adducitur: & contrà, oculi depressio proportionè respondet abcessui.

E **R** PRIMVM enim ex altitudine KD propositus spectetur angulus ABC, deinde oculus in E subleuetur: dico ex E angulum ABC ita videri, quemadmodum ex prima altitudine KD loco ipsi B propinquiore constituta. Nam ad punctum D ponatur DH ipsi KB parallela per 31. primi Euclidis, quæ ipsam BE secet in H, fiatque ipsi DH æqualis KG per 2. primi Euclid. & iungatur HG, quæ per 33. primi Euclid. ipsi KD parallela & æqualiserit. Quare per 2. sexti Euclid. vt EB ad HB, ita est KB ad GB: sed vt EB ad HB, ita est per eandem 2. sexti Euclidis EK ad DK, quod nimirum DH ipsi KB posita sit parallela. Igitur vt EK ad DK, ita est KB ad GB, & alternatim vt EK ad KB, ita DK ad GB: sed EK est maior quàm DK ex hypothesi: ergo & KB ipsa GB est maior per 14. quinti Euclid. Est ergo punctum G puncto B propinquius quàm punctum K: at per præcedentem angulus ABC ex H



& ex E æqualis videtur: igitur motus, quo visus altiùs à subiecto plano subleuatur, ei A proportionem respondet, quo oculus ad verticem spectati anguli propiùs adducitur, & è conuerso; quod erat demonstrandum.

PROPOSITIO LVI. THEOREMA.

Angulares forma ex intervallo spectata circulares apparent.

HÆC visus fallacia plurimùm obtingit in angularibus structuris, quales sunt turres, moles, propugnacula, præfractæ rupes, aliaque eiusmodi. Hæc B enim omnia è longinquo spectata angulorum summitates deperdere videntur, ac sensim circumduci: quod quidem omnium oculis testata experientia edocet; at causa requiritur, ob quam id fiat. hanc Tertullianus lib. de Anima cap. 17. à lucis atque interualli conditione desumit, quæ, inquit, compellit in aperto, vt æqualitas circumfusi aëris pari luce vestiens angulos, obliteret oculi lineas. Sed hoc obscure dictum videtur: nec satis apparet quid ad hanc rem conferat luminis affluentia.

Est igitur huius rei, vt opinor, nulla alia causa quàm sola distantiae longinquitas, imensaque intercapedo; hac enim fit, vt tenues angulorum extremitates extra conspectum deferantur, reliquo corpore etiamnum conspicuo. quod nos in fallaciis magnitudinis superiùs demonstraui. Hanc causam Lucretius libro 4. De rerum natura his versibus ingeniosè expressit:

*Quadrata sç, procul turris cum cernimus urbis,
Propterea fit, vti videantur sepè rotunda,
Angulus obtusus quia longè cernitur omnis,
Sive etiam potius non cernitur, ac perit eius
Plaga, nec ad nostras acies arlabitur ictus;
Aëra per multum quia dum simulacra feruntur,
Cogit hebescere cum crebris offensibus aër:
Hinc vbi suffugit sensum simul angulus omnis,
Fit, quasi vt ad tornum saxorum structa tuantur;
Non tamen vt coràm quæ sunt, verèq; rotunda,
Sed quasi adumbratim paulùm simulata videntur.*

Qua in re hoc etiam ipse prudenter obseruauit, non eodem modo angulosa eminus rotunda apparere, quemadmodum coràm ea, quæ verè rotunda sunt: hæc enim perspicuam oculis exhibent peripheriam: illa verò confusa quadam specie non tam circulari ambitu reipsa terminari, quàm non longiùs in angulorum productiones excurrere videntur. Eam sanè ob causam, quòd angulorum summitates ob nimium interuallum sese subducant, & aspectum penitus effugiant; quod Alexander quoque Aphrodisæus notauit libro 1. problematum quæst. 37. Quamobrem Vitruuius lib. 3. cap. 2. *Angulares*, inquit, *columnæ crassiores faciendæ sunt ex sua diametro quinquagesima parte, quòd eæ ab aère circumciduntur, & graciliores esse videntur aspicientibus.*

CIRCVLVS.

PROPOSITIO LVII. THEOREMA.


*Si in eodem plano, in quo & oculus, circulus positus fuerit, recta F
linea ipsius circuli ambitus è longinquo apparebit.*

SVNT O in eodem plano oculus A, circuli que peripheria BCDEF ex G centro descripta, ad quam ab oculo radij procidant AB, AC, AD, AE, & AF, sitq; AD acta per centrum: ex D verò perpendicularis excitetur ipsi AG per 11. primi Euclidis, quæ sit HI: hæc extra circuli peripheriam cadet per 16. tertij Euclidis; quare reliquos omnes radios ab oculo A eductos secabit: sintq; sectionum loca H, K, D, L, I: cum ergo B & H in eundem radium opticum cadant, sibi mutuò quoad aspectum exactè congruent, sic & C ipsi K, & E ipsi

A ipsi L, ac demum F ipsi I. Quocirca si propter oculi distantiam excessus, quo A B ipsam A C, & hæc ipsam A D excedit, non distinguatur, ipse circuli ambitus nullam inflexionem aspectui exhibebit. Nam per tertiam propositionem huius libri rerum distantia inæquales, eò semper minus perpendicularuntur, quò visile longius abest. Igitur è longinquo; circularis peripheria, visu in eodem plano existente, in rectam lineam H I extendi videbitur.

B Si verò in eodem plano non sint visus ac circuli ambitus, nequaquã recta linea videbitur. Sit enim aspectus à plano, in quo circulus, sublimis, ut in M; & ab M ad B, C, & D, radij porrigantur M B, M C, &

M D; ex his solus M D lineam H I secat, quòd circuli ambitus rectaque linea H I punctum D commune habeant: at M C & M B, lineam H I non attingunt: siquidem duæ lineæ in pluribus quàm in vno puncto sese interfecare non possunt: secant autem sese A C & M C in C, item A B & M B in B; non igitur harum aliquæ in K aut H vnà conueniunt. Quare signa B & C, visu sublimi existente, nulla ratione rectæ lineæ H I, in quam D incidit, secundum aspectum incumbunt. cùmque idem de signis E & F ostendi possit, fit ut circuli ambitus, si visus à plano sublimis existat, neutiqum ut recta linea conspiciatur.




PROPOSITIO LVIII. THEOREMA.

*Oculus in caua circularis perimetri parte constitutus
vniuersum ambitum contuetur.*

NON enim est signum aliquod in tota circuli peripheria, à quo ad quoduis signum eiusdem circumferentiæ duci recta linea non possit. Nam sit, verbi gratia, in circuli peripheria A B C assumptum signum vnum utcumque A, in quo oculus; aliud verò, quod spectandum sit, etiam utcumque designatum B aut C: hoc videri posse ex loco A hinc probatur, quòd per 2. tertij Euclidis si in circuli peripheria duo quælibet puncta accepta fuerint, recta linea, quæ ad ipsa adiungitur, intra circulum cadat. Quare poterit forma visibilis puncti B per radium B A, & puncti C forma per radium C A ad aspectum perducì: siquidem, ut libro primo propositione 50. ostendimus, species visibiles rectis semper lineis protenduntur.

Itaque per 2. hypothesin libri secundi B & C à visu in A constituto cerni possunt: quod cùm in ceteris punctis similem demonstrationem habeat, perspicuum relinquitur circulare perimetrum, in cuius parte caua visus constituitur, totam videri; quod erat demonstrandum.



CONSECTARIUM.

Circularis forma theatro aptissima est.

EX hac propositione manifesta ratio elici potest, cur olim theatra hemicycli forma construi fuerint solita: non modò enim ob figuræ capacitatem circinabantur, verum etiam propter aspectus libertatem æqualitatemque. nam quacumque podij aut orchestræ parte spectator confedisset, vniuersum theatri ambitum contuebatur, omnesque qui aderant à medio, vbi spectacula exhibebantur, pari interuallo dissidentes, pari quoque libertate atque aspectu æquali illa cernebant. Quæ ratio etiam in amphitheatris militat, quæ ipso nomine suo non paruam huic propositioni fidem adstruunt. Neque enim alia de causa ab Ammiano, Tertulliano, Firmico, aliisque caueæ nominantur, quàm quòd in iis concaua circuli pars, utpote spectaculis accommodatissima, maximè sit intenta.

PROPOSITIO LIX. THEOREMA.

*Visu in conuexa circularis perimetri parte constituto
nulla eius portio spectabilis est.*



IT circulus ABC, in cuius circumferentia constitutus oculus parti eius conuexæ incumbens ad signum A: dico nullam eius peripheriæ portionem posse spectari. agatur enim ex A per circuli centrum recta AC, & huic ad punctum A perpendicularis excitetur DE per 11. primi Euclidis. Per spicuum igitur per 16. tertij Euclidis, in locum inter DE & circuli peripheriam comprehensum nullum radium cadere posse. Igitur nulla circuli portio ex A videri potest, cum per secundam hypothesin lib. 2. id solùm aspectabile sit, à quo ad oculum visibilis forma recta extendi potest. Quare visu in conuexa circularis ambitus parte constituto, nulla eius portio spectabilis est; quod erat demonstrandum.




Et sanè si fieri possit, vt aliud quodpiam conuexæ peripheriæ signum, præter id in quo constitutus est oculus, cernatur, necesse erit illius imaginem recta linea ad oculum efferri per eandem 2. hypothesin libri secundi; at quæ ab vno puncto circularis perimetri, ad aliud (quod videri asseritur) protensa concipitur recta linea, ea intra circulum cadat oportet per 2. tertij Euclidis; hæc proinde vtrâque extremitate cauum circuli ambitum attingit, non verò conuexum. Igitur fieri nequit vt præter punctum, in quo est oculus, aliud conuexæ circumferentiæ punctum spectari queat, cum extra circulum nequeat recta vna linea duci, quæ conuexam peripheriam duobus in locis solùm contingat.

PROPOSITIO LX. THEOREMA.

Si oculus in eodem quidem plano, in quo & circulus, at extra circuli ambitum constitutus fuerit, pars minor hemicyclo videbitur.



STO circulus BCD spectatus à visu extra ipsum posito ad signum A, à quo ad circulum radij præcitant AB & AD, qui eum contingant in locis B & D: dico spectatam circuli portionem BCD semicirculo minorem esse: si enim æqualis ipsi esset, ea quæ B & D cõiungit recta BD, diametrus esset per 17. definitionem libri primi Euclid. ac proinde per centrum transiret. Vnde tandem sequeretur per 18. tertij Euclidis angulos ABD & ADB rectos esse, quod fieri nequit. Sic enim trianguli ABD tres anguli duobus rectis maiores essent, quod propositioni 32. primi Euclidis aduersatur. Non est igitur portio visa BCD semicirculo æqualis. Sed neque maior esse potest. nam tunc ABD & ADB anguli obtusi essent, ac simul duobus rectis maiores, quod longè est absurdus. Igitur minor hemicyclo est ea portio, quæ à visu extra circulum constituto videtur; quod erat demonstrandum.




Potest idem ex necessariis demonstrari in hunc modum: Quoniam AB & AD radij circulum contingunt, oportebit eam quæ tactus iungit BD circuli diametrum esse; si quidem BCD portio quæ videtur, semicirculus sit: at BD semidiametrus non est, nec per circuli centrum transiret: si enim per centrum transiret, recti essent ABD & ADB anguli per 18. tertij Euclidis. hi ergo cum recti non sint, sed acuti, erit BCD circuli portio medietate minor.

PROPOSITIO LXI. PROBLEMA.

*Loco visui extra circulum assignato, eam circuli portio-
nem, qua videtur, definire.*

SIT A locus visui assignatus extra circulum B C D, sed in eodem, in quo & circulus, plano; sitque centrum circuli visui E, ad quod ab A recta agatur A E, ac circa hanc velut diametrum alius circulus describatur, ex centro F, vbi A E prius per 10. primi Euclidis sit secta bifariam: hi duo circuli sese mutuo duobus in locis secabunt, per 10. tertij Euclid. Sint ergo sectionum loca B & D, ad quæ ex centro E rectæ applicentur E B & E D: dico portionem inter vtramque lineam E B & E D interceptam, eam esse, quæ ab oculo



C extra circulum in A constituto videtur. Si enim ex A radij ad B & D educantur; hi circulum tangent in iisdem locis B & D. nam cum angulus A B E in semicirculo sit, rectus erit per 31. tertij Euclid. Quare per 16. tertij Euclid. inter A B & peripheriam B C D alia recta linea non cadet: igitur A B circulum in B tangit, sic & A D per easdem propositiones Euclidis circulum in D tangit. Est igitur B C D ea circuli portio; quam visus in A constitutus radorum suorum diuarcatione complectitur, ac proinde quam solam videt per secundam hypothesein libri secundi.

PROPOSITIO LXII. THEOREMA.

D *Visu existente in linea, qua circuli centro perpendiculariter insistit, omnes diametri æquales apparent.*

D E S C R I P T V S sit in plano quopiam circulus B C D E, ex cuius centro G recta ad perpendiculum excitetur G A per 12. vndecimi Euclid. in eaque visus constituatur ad quodcumque signum A: dico ex loco A omnes diametros subiecti circuli æquales apparere. Ductis enim quocumq; diametris B D & C E, ab A ad diametrorum extrema radij procidant A B, A D, A C, & A E; hos æquales inter se esse, ex 4. primi Euclidis facile demonstrari potest. Quoniam enim in triangulis A G B, A G C, A G D, & A G E, latera B G, C G, D G, & E G sunt inter se æqualia, A G verò commune est omnibus; his comprehensi anguli ad commune punctum G æquales sunt inter se, utpote recti ex hypothese; erunt & bases A B, A C, A D, & A E inter se æquales per iam citatam 4. primi Euclidis. Rur-

F sus cum in triangulis A B D & A C E iam ostensa sint A B & A D latera lateribus A C & A E æqualia, vtrumque vtrique; sint verò & bases B D & C E, hoc est, ipsæ diametri per circuli definitionem æquales inter sese, erunt per 8. primi Euclidis & anguli qui ad signum A æqualibus lateribus continentur B A D & C A E æquales. Quare diametri B D & C E circuli ex A conspecti non modò æquales reipsa sunt, sed etiam æquales apparent; quod erat demonstrandum.




Hinc fit vt circulus eo pacto inspectus circularem formam quoad aspectum retineat. Vti enim circulare illud est schema, cuius dimetientes reipsa æquales sunt; ita illud videtur, cuius dimetientes æquales inter se apparent.

PROPOSITIO LXIII. THEOREMA.

Et si qua ex centro excitatur non fuerit ad angulos rectos ipsi plano; aequalis autem fuerit ei qua ex centro; dimetientes nihilo minus aequales apparent.



VR SVS sit in subiecto plano descriptus circulus B C D E, cui ad centrum G insistat A G non iam ad rectos, vt prius, angulos: fit verò A G semidia-
metro circuli æqualis, cōnectan-
turque A B, A C, A D, & A E: quo-
niam igitur æqualis est A G ipsis
G B & G D, erit B A D semicirculus per circuli
definitionem: quare per 31. tertij Euclidis, qui
in ipso est angulus B A D rectus erit. Rursus cum
eadem A G æqualis ponatur ipsis G C & G E, erit
& C A E hemicycli circumferentia. Igitur & an-
gulus C A E qui in ipso est, rectus erit: sicque in
ceteris diametris ostendi potest, eum qui ad
punctum A constitutus ipsis insistit, angulum rectum esse. Consequens igitur est vt
omnes diametri inter se æquales, totusque circulus in propria atque æquabili forma
appareat. Siquidem recti omnes anguli, quibus diametri conspiciuntur, per 10. commu-
nem notionem Euclidis sunt inter se æquales. Hoc tamen diffidendum non est, verum
circuli centrum non in ipsius apparentis circuli medio conspici, ac proinde nec semi-
diametros equales inter se apparere. Quoniam enim oculus A à puncto D longius quàm
à puncto B abest, & B G ac G D sunt inter se æquales, erit per 5. lemma huius libri angu-
lus B A G angulo G A D maior, ideoque maior apparebit semidiameter B G reliquã G D
semidiametro.




PROPOSITIO LXIV. THEOREMA.

Sed iam A G, in cuius fastigio est oculus, neque aequalis sit ei qua ex centro, neque sit ad angulos rectos ipsius circuli plano; illa tamen omnes dimetientes aequales apparebunt, cum quibus illa aequales angulos ad centrum facit.




STO vt anguli A G B & A G D, quos A G cum dimetiente B D ad centrum
facit, æquales sint angulis A G C &
A G E, vterque vtrique; hoc est, angu-
lus A G B angulo A G C; angulus verò
A G D angulo A G E: dico æquales
dimetientes B D & C E videri. Cum enim triangu-
la A G B & A G C æqualia duo latera G B & G C habeant
per circuli definitionem; sitque A G vtrique com-
mune, angulusque A G B angulo A G C æquis lateri-
bus contento positus sit æqualis; erit per 4. primi
Euclid. & angulus G A B angulo G A C æqualis. Quo
demonstrandi genere ostendetur quoque angulus
G A D angulo G A E æqualis esse. Si ergo his æqua-
libus illi æquales addantur, nempe G A B ipsi G A D, & G A C ipsi G A E, æquales con-
surgent B A D & C A E: quibus cum dimetientes B D & C E spectentur, æquales dubio
procul apparebunt per 10. propof. huius libri, quod erat demonstrandum.



Non omnes autem diametros contingit in hac oculi constitutione equales
videri: sed binos dumtaxat simul comparatos, atque æqualiter vtrisque ab ea, in quam
A G rectis angulis incidit deflectentes: vt si F H ea sit in quam A G normaliter incumbit,
ab

A ab FH verò vtrinq̄ æqualia abscindantur FI , FM , HL , & HK , continget IK & LM dimetientes æquales videri. Sic & NO , & PQ , si quidem æqualis est peripheria FN ipsi HP , & HO ipsi FQ . Idemque iudicium est de ceteris, atque idem etiam qui suprà, demonstradi modus: sunt enim æquales anguli AGI & AGL , itemq̄; AGM & AGK . Quoniam igitur circa hos angulos æqualia sint latera, AG quidem commune, GI verò ipsi GL , & GM ipsi GK per circuli definitionem; erunt, vt suprà, anguli quoque quibus IK & LM ex A videntur, æquales.




PROPOSITIO LXV. THEOREMA.

Si verò quæ ab oculo ad centrum procidens circuli, neque ad angulos fuerit rectos ipsius circuli plano, neque etiam ei quæ ex centro fuerit æqualis, neque æquos cum his quæ ex centro comprehendit angulos, diametri ipsa inæquales apparebunt.

C **S**IT inquam vt prius ea in cuius summitate oculus constituitur AG , quæque in centrum procidens circuli, neque ad rectos plano insistit angulos, neque ei quæ ex centro GB æqualis est, sed nunc quidem maior: neque cum his quæ ex centro æquales angulos facit, sed AGD quàm AGB maiorem, duosque AGC & AGE minores quidem angulo AGD , angulo autem AGB maiores: dico inæquales hæc diametros apparere. A visu namque A ad subiectum planum perpendicularis demittatur AF per II. vndecimi Euclidis: iunctaque FG recta producat in D , quæ & circulum in B secet: huic præterea FD ponatur perpendicularis ad punctum G per II. primi Euclidis; sitq̄; CE : ducantur item HK & IL æquales cum AG angulos efficientes, nempe AGH æqualem ipsi AGI , & AGK ipsi AGL æqualem: dico maximam quidem diametrum apparere CE , minimam verò BD , & quæ propinquior est ipsi BD remotiore semper minorem; duas autem tantum videri æquales ad vtrasque ipsius BD partes.


E Constat enim AG ipsi CE perpendicularē esse per decimum quintum lemma: siquidem à visu sublimi A ad subiectum planum perpendicularis acta est AF , & à puncto F ad CE ducta perpendicularis est FG ; ergo AG eidem CE est perpendicularis. Constat præterea per decimum sextum lemma angulum AGF minimum esse omnium eorum qui linea AG , & quavis per G ducta continentur; & qui ipsi propinquior est remotiore semper minorem esse; duos autem tantum æquales ad vtrasque partes constitui, nempe AGH ipsi AGI , & AGK ipsi AGL . Promissis igitur ab A radiis ad B , H , E , L , D , K , C , & I : quoniam triangula CAE & HAK bases æquales habent CE & HK sectas bifariam in G , & est AG eadem vtrique triangulo ad CE quidem perpendicularis, ad HK verò obliqua, estque AG posita maior semidiametro GC , erit per decimum nonum superius lemma angulus CAE angulo HAK maior. Similiterque ducta quacumque alia per G recta linea, cum AG ipsi CE sit perpendicularis, ostendetur angulus CAE quocumq̄; alio maior esse. Maxima igitur omnium apparet ipsa CE per 10. huius lib. propof.

Rursus quoniam triangulorum BAD & HAK æquales sunt bases BD & HK , eademque bipartita in G , atque ad punctum G communis vtrique adiuncta est AG , estq̄; maior angulus HGA quàm BGA (hic namque minimus omnium ostensus est per 16. lemma:) licet neutri basi sit AG perpendicularis; erit tamen angulus HAK maior angulo BAD , quod idem ostensum fuit lemmate vigesimo primo. Ergo HK quàm BD maior



maior apparet per 10. huius. Similiterque ostendemus quamcumque aliam ipsa BD maiorem videri, ergo BD omnium quæ per G duci possunt diametrorum minima apparet. Eademque demonstrandi ratione probare licebit propinquirem ipsi BD remotiore semper minorem conspici. Si igitur quæ ab oculo ad centrum procidit circuli, neque ad angulos fuerit rectos ipsius circuli plano, neque etiam ei quæ ex centro fuerit æqualis, neque æquos cum his quæ ex centro comprehenderit angulos, diametri ipsæ inæquales apparebunt; quod proposuimus demonstrare. Porro cum duæ tantum rectæ lineæ utrimque æquales angulos cum AG efficiant, duæ etiam tantum ad utrasque partes æquales apparebunt; quod superiore propositione est demonstratum.

Quòd si AG semidiametro BC minor existat, simili demonstrandi forma ostendemus BD quidem maximam videri, CE verò minimam, & quæ propinquior est ipsi CE remotiore semper minorem, duas aurem tantum ex utraque parte ipsius BD vel CE æquales apparere, adiuvantibus superioribus lemmatis vigesimo & vigesimo primo. Ex quibus propositum nullo negotio deduci cõcludiq; potest: cum ex illis constet angulum BAD omnium esse maximum, minimum verò EAC , ac huic propinquirem remotiore semper minorem.



B

C

PROPOSITIO LXVI. THEOREMA.

Circulus obliquè conspectus ut ellipsis apparet: oportet autem eam quæ à visu in centrũ circuli procidit, semidiametro inæqualẽ esse.

QVINTVPLEX CONI SECTIO.




planior fiat huius propositionis demonstratio, prænotandum est ex conicis elementis Apollonij Pergæi quinque modis posse conum dissecari.

Primò quidem plano per verticem, cuiusmodi in proposito cono ABC basin habente circulum est ABC . Hæc autem sectio perpetuò triangulũ producit, ut idem Apollonius ostendit lib. primo Conicorum propositione 3. siue ea sectio per axem incedat, siue extra axem cadat.

Secundò, si sectio sit basi parallela, ut in eodem schemate est DE , quæ semper figuram gignit basi similem, nimirum circulũ, si basis sit circulus, ut ibidem Apollonius docet propositione 4. hæc sectio quemadmodum priori directè contraria est, ita figuram gignit tota natura diuersam: hæc enim vnica tantum peripheria circumscribitur, nullumque angulum habet; illa verò pluribus cum lateribus, tum angulis constat.


Tertiò, si conus plano secetur per axem, cuiusmodi in eodem schemate est ABC ; secetur aurem & altero plano ad id quod per axem recto FHK , ita ut communis vtriusque plani sectio FG , alteri laterum trianguli per axem, ipsi nempe AC , sit parallela; erit FHK sectio conicæ quæ parabola nuncupatur, ut idem demonstrat Apollonius primo Conicorum libro propof. 11.

Quartò, si conus duobus secetur planis, vno quidem per axem ABC , ut priùs, altero verò ei quod per axem recto INK , sic tamen ut huius plani eiusque quod per axem, communis intersectio IG neutri laterum trianguli per axem parallela sit, productaque cum altero illorum supernè, hoc est, supra conici vertex conueniat, puta in N , hoc planum posterius in sectione figuram exhibebit, quæ hyperbole dicitur, ut demonstratum habes ab eodem Apollonio Pergæo libro primo Conicorum elementorum propof. 12.



D


E



F

Quintò

A Quintò, si præter planum ABC , quod per axem transit, idem conus altero secetur plano LMN , quod quidem rectum sit ei quod per axem, at basi non æquidistet, neque subcontrariè ponatur; communis autem vtriusque plani sectio LM producta, vtrumque latus trianguli per axem etiam productum, si opus sit, infra verticem conici fecet: hoc inquam planum in ipsa sectione figuram ostendit, quam ellipsin vocant. Quæ omnia in Conicis elemētis fusiùs explicātur ab Apollonio propo. 13. lib. 1. Huiusmodi autem figuræ speciem obtu-




B tui exhiberi à circulo obliquè spectato mox ex ipsis ellipseos primogenia definitione demonstrabimus.

Priùs tamen ad clariorem intelligentiam eorum, quæ de conici sectionibus breuiter dicta sunt, id notatu dignum existimo, Parabolam inter extremas sectiones, triangulum scilicet & circulum, vt positione medium locum obtinet, ita etiam schematis similitudine cum vtraque quodammodò conuenire: nam vnã quidem rectam lineam ceu basin subiectam habet, quemadmodum triangulum ex prima sectione prognatum; reliqua autem, qua sola præter basin constat linea, infernè vbi basin attingit, rectæ lineæ naturam veriùs æmulatur, at supernè iuxtaque verticem moderata quadam circulatione ab anguli rectilinei acuminae desciscit, propiusque ad circuli flexum accedit, qualem altera exhibet extrema sectio secundo loco proposita.

Rursus, parabolam inter & triangulum ex prima sectione procreatum Hyperbole medio constituta est loco, cuius forma à parabola haud multum absimilis est. Nam & recta basi constat vt triangulum, & iuxta verticem circuli in modum flectitur, minus tamen quam parabola, ac tantò etiam minus, quantò propius ad conici verticem sectio accedit: hæc enim cum in verticem conici incidit, iam perfectum triangulum producit. Simili prorsus modo inter parabolam circulumque, quem quinta sectio exhibet, media ellipsis interiacet, quæ vtraque parte, summa videlicet atque infima, circuli conditionem affectat: diceres circulum esse vna parte productum, alterave contractum, vt si in molli corio circulus descriptus sit, is sola corij extractione in ellipsin commutatur. Ita ergo gradatim à sectione basi parallela quæ circulum gignit, per ellipsin quam sectio modicè à parallelo deflectens ostendit, ad parabolam itur, atque hinc tandem velut ab exquisito medio digrediendo, aucta perpetuò sectionis declinatione, per hyperbolen ad triangulum conscenditur, quod alterum est conicæ sectionis extremum. His prænotatis, propositum demonstremus.


PROPOSITI DEMONSTRATIO.

E ESTO conus scalenus ABC , cuius vertex A , basis circulus BC : secetur autem conus plano recto DE : dico hanc ellipsin esse. Producta enim BC in K ducatur à vertice conici A K



diametro sectionis DE parallela, ipsa verò sectionis diameter protendatur vsque in C , fiatque

fiatq; GF cōmunis sectio plani DE & plani BC , quæ est basis conī. Ab E autē educatur EH A
ad E D perpendicularis, sic vt quemadmodū quadratum ex AK ad rectangulū BKC , ita



sit linea DE ad EH lineam. Id verò quomodo faciendū sit, mox ex Eutocio docebimus.

Hoc iam factō, aio EH illam esse secundū quam possunt omnes, quæ à sectione recta ad diametrum DE ordinatim applicātur. Assumpto enim in sectione signo aliquo, vt lubet, L , per L ipsi FG parallela ducatur LM , poterit LM spatium quod lineæ EH adiacet latitudinem habens EM , deficiensque figurā simili ei quæ DEH continetur. Iungatur etenim DH , perque M ducatur MN æquidistans ipsi EH , secans ipsam DH in X , & per H & X puncta æquidistantes ipsi EM ducantur HN & XO : postremò per M agatur PMR basi BC parallela.

His itaque in hunc modum constructis, quoniam PR ipsi BC est parallela, vt & LM ipsi FG , erit per 15. vndecimi Euclidis planum, quod per LM PR extenditur, plano per FG BC ducto parallelum. Erit igitur sectio per PLR transiens circulus, cuius diameter est PR per 4. primi Conicorum Apollonij. Est porrò LM ipsi DE perpendicularis, ideoq; inter PM & MR proportione media: ergo rectangulum PMR æquale est ei, quod ex LM fit quadrato per 17. sexti Euclidis. Cū itaque sit, vt quadratum AK ad rectangulum BKC , ita DE ad EH ; & per 23. sexti Euclidis proportio quadrati AK ad rectangulum BKC componatur ex proportione, quam habet AK ad KB , & ex ea quam eadem AK habet ad KC ; vt autem AK ad KB , ita EG ad GB , hoc est EM ad MP per 4. sexti Euclidis; quòd EG ipsi AK , & MP ipsi GB sint parallelæ ex constructione; & vt AK ad KC , ita sit DG ad GC , id est, DM ad MR per eandem 4. sexti Euclidis, erit proportio DE ad EH composita ex proportione EM ad MP , & ex ea quam DM habet ad MR : sed proportio cōposita ex proportione EM ad MP , & ex DM ad MR est ea, quam EMD rectangulum habet ad rectangulum PMR per eandem 23. sexti Euclidis. Quare vt rectangulum EMD ad PMR rectangulum, ita DE ad EH , videlicet DM ad MX , quòd MX ipsi EH posita sit parallela. Vt autem DM ad MX (sumpta ME cōmuni altitudine) ita rectangulum DME ad rectangulum XME per 1. sexti Euclid. Ergo vt DME rectangulum ad rectangulum PMR , ita erit DME rectangulum ad ipsum XME rectangulum. Æquale igitur est rectangulum PMR rectangulo XME per 9. quinti Euclidis: sed rectangulum PMR demonstratum est æquale quadrato LM : quocirca & ipsum XME rectangulum quadrato LM æquale erit. Linea igitur LM potest spatium MO , quod quidem lineæ EH adiacet altitudinem habens EM , deficiensque figurā NO simili ei, quæ DEH continetur. Cū verò conī sectio, cui ea proprietas conuenit, à prima sui origine ellipsis sit nuncupata per 13. primi Conicorum Apollonij, erit ELD ellipsis. Est porrò ELD sectio recta conī scæleni ABC , cuius basis BC circulus est. Igitur hæc ipsa basis ex A obliquè adspectata ellipsis apparet; quod erat demonstrandum.

ADDITIO EX EUTOCIO.

HVC demonstrationi hoc vnum solum modò explicandum superest, quoniam patet inueniri queat EH , ad quam ED eam rationem habeat quam quadratum ex AK ad

A **A** κ ad id quod ex $B \kappa C$ fit rectangulum, quod proinde ex Eutocio ad undecimam propositionem libri primi Conicorum Apollonij hoc loco adiungemus.

Sit, gratia exempli cuius non requiritur veritas, rectangulo $B \kappa C$ æquale ac simile rectangulum $O P R$: quadrato autem ex $A \kappa$ æquale id, quod ad lineam $P R$ adiacens rectangulum latitudinem habet $P S$ per 45. primi Euclid. & fiat vt hic $O P$ ad $P S$, ita superius $E H$ ad $D E$; factum siquidem erit quod postulatur. Nam quoniam vt $O P$ ad $P S$, ita est $E H$ ad $D E$, erit & conuertendo vt $D E$ ad $E H$, sic $S P$ ad $P O$. Vt verò $S P$ ad $P O$, ita per 1. sexti Euclid. rectangulum $S R$, id est quadratum ex $A \kappa$ ad rectangulum $O R$, quod æquale est ei quod ex $B \kappa C$ fit rectangulo. Igitur quemadmodum ex $A \kappa$ quadratum ad rectangulum $B \kappa C$, ita facta est $D E$ ad $E H$; quod fuerat postulatum.



Dixi eam quæ à visu in centrum circuli procidit, semidiametro neutiquam æqualem esse oportere; sed vel maiorem vel minorem; si enim æqualis esset, circularietiam forma ipse circulus apparet, vt suprâ propof. 63. libri huius est demonstratum.

CONSECTARIVM.

C *Curuum rotæ quandoque circulares, quandoque contractæ, & velut ellipses apparent.*


Hoc Euclides proponit Optices suæ theoremate 41. potestque ex iam dictis demonstrari. Si namque ea quæ ab oculo in centrum cadit rotæ, ad angulos fuerit rectos ipsius rotæ plano, vt propof. 62. vel æqualis ei quæ ex centro, vt propof. 63. æquales diametri apparebunt: atque propterea ipsa rota circularis. Protracto verò curru atque à priore situ dimoto, oculo verò persistente, sic vt is qui ab oculo in centrum rotæ destinatur radius, nec ad rectos sit angulos, nec ei quæ ex centro æqualis, contracta figura apparebit, formaque ellipsis; quod ex iam demonstratis liquidò constat.

D PROPOSITIO LXVII. PROBLEMA.

In circulo obliquè spectato punctum designare, quod centrum appareat ellipsis.




ST **O** circulus $A B C D$ ex signo F spectatus, in quo punctum designare oporteat, quod centrum appareat ellipsis. Ab F ad planum, in quo circulus, perpendicularis demittatur $F G$ per 11. undecimi Euclid. atque ex G per circuli centrum E recta agatur $G E$, quæ altera quidem parte producat in B signum circularis perimetri, altera verò infinite. Ab F item in



D & **B** radij protendantur $F D$ & $F B$; angulusque $B F D$ bifariam secetur rectâ lineâ $F H$:
B b dico

dico visu in Fposito circulum ABCD ellipsin apparere, cuius centrum H. nam per H A ipsi B D perpendicularis agarur A C per 11. primi Euclidis: ducanturque AK & CK, quæ circulum in A & C tangunt per 16. tertij Euclid. & AF, CF iungantur.



His positis, ostendendum in primis est omnes quæ per H ducuntur, vt AC & BD, in H bifariam sectas apparere. Cum AC ipsi BD posita sit ad angulos rectos, sitque BD per circuli centrum extensa, erit per 3. tertij Euclid. AC in H secta bifariam. In triangulis igitur AFH & HFC latus AH lateri HC est æquale; latus autem HF vtrique commune, & angulus AHF angulo CHF æqualis, vtpote rectus vterque per 15. lemma, quod videlicet FG ipsi GH, & GH ipsi AC sit perpendicularis. Igitur per 4. primi Euclid. & basis AF basi CF, & angulus AFH angulo HFC est æqualis: sed & DFH angulo HFB æqualis est positus. Ergo per 10. huius æqualis apparet HA ipsi HC, & HB D ipsi HD.

Quod si alia quæpiam linea per H ducatur vt LM, dico hanc quoque in H bipartitò sectam apparere: iungantur enim LK, KM, & MX; item FM, FX, FN, FL, & FK. Quoniam igitur per lemma 22. ob contingentes AK & KC, vt linea BK ad KD, ita est BH ad HD, atque angulus BFH æqualis est angulo HFD, erit per 24. lemma HFK angulus rectus. Et quoniam AH ipsi HF ad rectos ante ostensa est angulos, erit per 15. lemma FK ipsi quoque FA ad angulos rectos, quare per 4. vndecimi Euclidis erit KF plano quod per AFC ducitur perpendicularis, ac propterea per 3. definit. vndecimi Euclid. angulus NFK rectus erit. Cum verò lemme 23. ostensum sit ita se habere LK ad KX, quemadmodum LN ad NX, concluditur per primam conuersione vigesimi quarti E lemmatis angulum LFN angulo NFX æqualem esse. Quocirca per 3. sexti Euclidis vt LF ad FX, ita LN ad NX: sed FX est æqualis ipsi FM, ob eandem causam qua prius FC ipsi FA æqualem ostendimus: & vt LN ad NX, ita per 2. sexti Euclid. LH ad HM: ergo angulus LFH per eandem 3. sexti Euclidis angulo HFM est æqualis. Quare per 10. huius LH ipsi HM videtur æqualis. Similiter si alia recta linea per H ducatur, ostendemus eam in H bipartitam spectari: H igitur centrum est apparentis ellipsis; quod propositum fuit inuestigare.

PROPOSITIO LXVIII. THEOREMA.

In eodem circuli aspectu, quæ ad BD ordinatim applicantur, sunt F quidem ipsi AC reipsa parallela, sed & videntur.




IT idem qui suprâ obliquè conspectus circulus ABCD, perque eius centrum acta DB ex K profecta, ad quam ordinatim applicetur LR: hanc dico ipsi AC parallelam & esse, & videri.

Cum enim AC ipsi DB ad rectos angulos sit posita, erit & LR eidem DB ad rectos angulos: ergo æquales, & quidem recti erunt anguli AHO & ROH, ac propterea per 28. primi Euclidis parallelæ reuera sunt AC & LR.

Quòd

A Quod autem parallelæ etiam appareant, ex eo demonstrabitur, quod iidem anguli qui circa H & O consistunt, nempe AHO & $OH C$, item ROH & $HO L$ recti etiam ad-




C spectui videantur. Id verò quamvis perspicuum sit ex propositione 48: huius libri, potest tamen & hoc modo demonstrari: Ductis HL & HR , atque à visu F emissis radiis FL , FO , & FR : quoniam FG ad planum in quo est circulus, recta est posita, & GO ipsi LR in eodem plano ductæ est perpendicularis; erit eadem LR ipsi quoque FO perpendicularis per 15. lemma. Quare in triangulis LFO & $OF R$, angulus LOF angulo FOR æqualis est, utpote rectus vterque: sed & latus LO lateri OR est æquale per 3. tertij Euclid. & latus FO vtrique commune: ergo & basis FL basi FR , & angulus LFO angulo $OF R$ est æqualis per 4. primi Euclid. Igitur per 10. huius LO ipsi OR æqualis apparet: D sed & OH communis apparet vtrique triangulo LOH & ROH , & basis LH basi HR non tantum æqualis est per 4. primi Euclidis, quod in triangulis LOH & ROH sit LO ipsi OR æqualis, & OH vtrique communis, angulusque LOH angulo ROH æqualis; sed etiam æqualis apparet, quia in triangulis LHF & RHF præter æquales bases LH & HR est etiam LF æqualis ipsi FR , ut antè ostensum fuit, & HF vtrique communis: ergo per 8. primi Euclid. angulus $L FH$ angulo HFR est æqualis. Itaque LH ipsi HR æqualis etiam apparet per 10. huius. Quare per eandem 8. primi Euclid. angulus LOH angulo HOR æqualis apparebit, ac proinde rectus vterque per 13. primi Euclid. Simili autem modo iunctis A & C , ostendemus angulos AHO & $OH C$ æquales inter se rectosque apparere: ergo per 28. primi Euclid. LR ipsi AC parallela apparet. Sic & quæcumque alia recta linea ad BD ordinatim applicata fuerit, veluti XM , ea ostendetur ipsi AC parallela & esse & videri. Ex quo fit, ut inter se omnes illæ rectæ lineæ parallelæ appareant per 30. primi Euclidis; quod erat demonstrandum.

PROPOSITIO LXIX. THEOREMA.

Et quæ ex K ad circuli peripheriam educuntur non sunt quidem, videntur autem & ipsi BD & inter se parallela.

F **F** STO idem qui supra $ABCD$ circulus ex signo F obliquè spectatus, in eoque reperit H centrum apparentis ellipseos, per quod ducatur AC ipsi KB perpendicularis per 11. primi Euclid. Ex K porro recta educatur KL circulum secans in X & L , & ab L ad KB perpendicularis ponatur LR : per 12. primi Euclidis, iungaturque RK , quæ circulum secet in M , unde recta ducatur MX : dico LX & RM parallelas apparere. Atque in primis, quod LR & XM æquales appareant, sic demonstratur: A visu F radij profiliant FL , FX , FM , & FR . cum angulus LKR vtrique triangulo LKR & XKM communis sit, erunt reliqui duo anguli KLR & KRL simul sumpti duobus reliquis KXM & KMX simul sumptis æquales: sed in iisdem triangulis quoniam LK & RK æqualiter distant à KB , erit per 8. tertij Euclid. LK ipsi RK , & KX ipsi KM æqualis; quare per 5. primi Euclid. angulus KLR an-

gulo KRL æqualis est, & angulo KMX angulus KXM æqualis: detractis igitur utrimque æqualibus, relinquitur angulus KXM angulo KLR , & angulo KRL angulus KMX



æqualis. Sunt itaque æquiangula ipsa triangula LKR & XKM . Quare per 4. sexti Euclid. ut LR ad XM , ita LK ad KX : sed ut LK ad KX , ita est LN ad NX , per 23. lemma; & ut LN ad NX , ita per 3. sexti Euclid. LF ad FX ; quia angulus LFX bifariam est sectus per rectam FN , quod ex prima conuersione 24. lemmatis potest demonstrari. Ergo primo ad vltimum ratiocinando ut LR ad XM , ita LF ad FX : sed LF est æqualis ipsi RF , & XF ipsi MF æqualis: igitur triangulorum LFR & XFM proportionalia sunt latera per 4. sexti Euclid. & per 5. sexti Euclid. æquales sunt anguli LFR & XFM , quibus homologa latera subtenduntur: sed cum LR posita sit ipsi KB perpendicularis, erit LO ipsi OR per 3. tertij Euclid. æqualis, & XP æqualis ipsi PM , ideoque per tertiam sexti Euclidis erit & angulus LOF angulo ORF , & angulus FPX angulo PFM æqualis: atqui æqualium angulorum LFR & XFM , dimidia nempe LOF , FPX , sunt æqualia per communem notionem. Igitur per 10. huius æquales apparent LO & XP ; ideoque ipsæ LX & OP parallelæ apparent per 33. primi Euclid. Nam cum parallelæ sint LO & XP , appareantq; æquales, & quæ has connectunt LX & OP parallelas apparere necesse est, quod primò erat demonstrandum.

Cumque eodem modo ostendi possit quamcumque aliam rectam lineam ex K eductam ipsi BD parallelam videri, fit per 30. primi Euclidis ut ipsæ etiam inter se parallelæ videantur; quod secundò propositum erat.

PROPOSITIO LXX. THEOREMA.

Omnium item, quæ intra circuli peripheriam ipsi BD ad rectos angulos applicantur, aio maximam videri AC , quæ per H centrum apparentis ellipseos transit.


IN circulo $ABCD$ esto H centrum apparentis ellipseos per proposit. 67. huius libri inuentum, ac per illud acta AC ipsi BD normalis, quam dico maximam apparere omnium illarum, quæ ipsi BD ad rectos angulos applicantur. Sumpta enim quacumque, puta LR , ostendendum est hanc ipsam AC minorem apparere. Ductis AK & KC per 17. tertij Euclid. quæ circulum contingant: quoniam per 16. tertij Euclidis KC extra circulum cadit, quod præter hanc nulla alia duci possit à K remotior, quæ ad circulum pertineat; in locum verò inter rectam lineam KC & circuli peripheriam comprehensum altera recta linea non cadit per eandem 16. tertij Euclidis; fit ut quæcumq; alia, præter KC , ad circulum ducitur, ut KL ipsum necessariò secet, idque duobus in locis L & X , ac proinde XL intra circulum cadat necesse est per 2. tertij Euclidis. Oportet item duo illa puncta ad utramque partem ipsius contactus C existere: nam cum KC maxima sit omnium illarum quæ ex K ad conuexam peripheriam attingunt, breuissima autem illarum quæ intra

A tra circulum cadunt, vt lemmate 25. est demonstratum, maior erit KL quàm KC , & KX quàm KC minor. Igitur KL ipsam quoque AC secat in N , & similiter KR eandem AC secat in Q , ac proinde minor est NQ ipsa AC : ar NQ æqualis apparet ipsi LR . Nam supra prop. 69. ostensum est omnes quæ ex K ad circuli peripheriam educuntur, parallelas videri: ergo parallelæ apparent LN & RQ . Videntur autem LN & RQ æquales. Cùm enim in triangulis LFN & RFQ latus LF lateri RF iam antè ostensum sit æquale, sitque latus LN lateri RQ æquale propter triangulorum LKR & NKQ similitudinem, item per 8. primi Euclidis & angulus FLN angulo FRQ æqualis, (quoniam in triangulis LFK & RFK latera LF & LK lateribus RF & RK vtrumque vtrique æqualia sunt, B bñsisque FK communis) erit per 4. primi Euclid. & angulus LFN angulo RFQ æqualis: quare per 10. huius LN ipsi RQ æqualis videbitur. Quocirca LR , & NQ , quæ illas connectunt, æquales apparebunt per 33. primi Euclidis. Verùm NQ minor apparet quàm AC : quoniam angulus NFQ angulo AFC minor est, vt pars toto. Igitur & LR ipsa AC apparet minor. Cùmque in ceteris eadem sit demonstratio, perspicuè sequitur AC maximam apparere omnium illarum, quæ intra circuli ambitum ad rectos ipsi BD angulos applicantur; quod erat demonstrandum.

PROPOSITIO LXXI. PROBLEMA.

Visui locum designare, unde datus circulus ellipsis appareat, centrum habens intra circuli peripheriam datum.

C **D** ATVS sit circulus $ABCD$ ex centro E descriptus, in eoque sit datum punctum H , oporteat autem locum visui inuenire, ex quo circulus $ABCD$ ellipsis appareat, cuius centrum sit H punctum intra circuli peripheriam datum. Iungatur HE , quæ vtrimque in circumferentiam producarur ad signa B & D , & à D vltèrius infinite extendatur versus partem K . Rursus per H perpendicularis ipsi BD agatur AC per 11. primi Euclidis quæ circulum secet in A & C , è quibus punctis ad BD productam ad partem K applicentur contingentes AK & CK : ac demum super HK velut diametro semicirculus describatur ad planum dati circuli rectus.



E His ita constructis, dico è quouis puncto semicirculi HK , exempli causa, ex F propositum circulum $ABCD$ ellipsin videri, cuius centrum sit H datum. Iunctis enim FB , FH , FD , & FK , quoniam ob lineas contingentes AK & CK , quemadmodum BK ad KD , ita est BH ad HD per 22. lemma, & HF FK angulus rectus est per 31. tertij Euclidis, quia in semicirculo, erit angulus BFH angulo HFD æqualis per primam conuersionem lemmatis vigesimi quarti: quare BH ipsi HD æqualis videtur. Constat autem & HA ipsi HC videri æqualem, & cerera huic aspectui obuenire, quæ hactenus demonstrauiamus. Igitur in quouis puncto semicirculi HK locus existit, vnde datus circulus $ABCD$ ellipsis appareat, centrum habens H datum; quod erat postulatum.


PROPOSITIO LXXII. THEOREMA.

Vti circulus obliquè visus ellipsis, ita vicissim ellipsis quodam oculi situ vt circulus apparet.

F **B** x libri secundi definitione 7. & propositione 38. constat radium opticum, quo circulus planè seu directè obuersus aspicitur, conum esse. In cono autem si obliqua quædam sectio animo designetur, siue ellipsis, siue parabole, siue hyperbole, hanc perspicuum est oculo in vertice coni collocato velut circulum apparere: siquidem vniuersus conus ex vertice spectatus, circuli formam oculo exhibet. Quare datis extremis ellipseos diametris, si conus

nus perficiatur basin habens circulum, in cuius sectionem aliquam data ellipsis qua- A
drer, oculo in huius conii vertice posito, ellipsis circuli in morem videbitur.

Exempli gratia, si conus AFC , cuius recta
basis circulus FPG datam capiat ellipsin DPE ,
cuius maxima quidem diametrus DE , mini-
mæ verò pars media HP , dubiù non est, oculo
in A conii vertice constituto, vnum eum-
démque esse ellipsis & circuli aspectum. Nam
radij omnes qui per puncta arcus DP ab oculo
 A emittuntur, in basis quoque peripheriam
 FPG procidunt, qui autem ad arcum PE desti-
nantur, per PG basis circumferentiam trans-
eunt, propterea scilicet, quòd conii superficies,
excepta basi, circuli FPG & ellipseos DPE fi-
guras ambiat. Quoniam igitur distantia ex-
tremorum signorum D & E vno oculo non
perpenduntur per primam propositionem libri tertij, fit vt tota ellipsis DPE obliquè ab
oculo A spectata circulari forma appareat, quemadmodum & basis FPG quæ directè
oculo obuersatur.




PROPOSITIO LXXIII. PROBLEMA.

Visui locum reperire, ex quo ellipsis vt circulus appareat.



PRIMO quidem non sint ellipseos extremæ dimetientes positione datæ;
sit autem maxima il-
larum æqualis lineæ
 BC , minima verò æ-
qualis lineæ LP : quæ

ita committantur vt se mutuò bi-
fariam & ad normam secent in H ,
& circa vtramque circulus decirci-
netur, quorum alter sit $BDCE$, al-
ter $PKLF$. His peractis ex puncto F
ad maioris circuli peripheriam du-
catur FN ipsi BC perpendicularis
per 11. primi Euclidis, quæ & ipsi
 LP parallela erit per 28. primi Eu-
clidis, iunganturque NC , & huic
parallela excitetur ex puncto P ,
nempe PG per 31. primi Euclidis.



hæc triangulum perficiet HFG triangulo FGC æquiangulum: siquidem anguli HFG
& NFC recti sunt ex constructione; HGP verò & FCN æquales per 29. primi Euclidis,
igitur & reliqui HFG & FGC per 32. primi Euclidis inter se æquales erunt. quare per
4. sexti Euclidis vt FN ad FC , ita est HP ad HG . Accepro itaque centro I in recta linea
 BC , per duo puncta G & P semicirculus describatur GPV . Quoniam igitur vtraque HP
& FN ipsi BC est perpendicularis, erit per 8. & 13. sexti Euclidis FN inter CF & FB , item
 HP inter GH & HV , proportione media: cumq; ostensum iam sit vt FC ad FN , ita esse
 HG ad HP ; erit quoque vt FN ad FB , ita HP ad HV ; ideoque & ex æqualitate vt CF ad
 FB , sic GH ad HV per 22. quinti Euclidis. Porro per punctum I perpendicularis ipsi BC
agatur AR , ipsiq; LP parallela, quæ minoris circuli peripheriam secet in K , iunctaq; KH
vtrimque producatnr donec maioris circuli peripheriæ occurrat ad signa D & E ; ex E
item ducatur EO æquè à B disuncta, & per D & V recta producatnr, quæ altera parte oc-
currat lineæ EO in O , altera verò lineæ AR in A . Denique AE iungatur, factumq; erit
propositum. nam A locus erit ex quo ellipsis cuius maxima diametrus DE ipsi BC
æqualis, minima verò LP , vt circulus appareat. Quoniam enim AI per centrum circuli
 GPV transit, perspicuum est ipsam GV ab AR bifariam dissecari: sed GV secat ipsam
quoque DE bifariam, quia per centrum H maioris circuli incedit: igitur DE in K , & GV
in H secundum eandem rationem diuiduntur. id verò cum triangulo accidat per 27.
lemma,

A lemma, necesse est rectam AE per G transire. Finge itaque AOE conic sectionem esse per axem AK , GPV verò sectionem basi parallelam; quæ cum circulus sit, erit & basis circulus, cuius diametrus EO per 4. primi Conicorum Apollonij. Rursus quoniam GV secat ipsam DE bifariam in H , erit HP communi sectioni ellipseos & circuli GPV æqualis; ac proinde æqualis etiã minimæ semidiametro ellipseos propositæ, velut DE æqualis est toti diametro maximæ BC ; quod erat demonstrandum.


Deinde sint extremæ dimetientes ellipseos etiam positione datæ BC & LP , facile erit ex iam demonstratis conficere propositum. Nam si super BC ceu basi triangulum constituitur triangulo DAE simile, erit in ipsius vertice locus postulatus, ex quo nimirum **B** ellipseos, cuius extremæ diametri sunt positione datæ BC & LP , circuli instar apparebit, vt ex dictis constat.

QVADRATVM.

PROPOSITIO LXXIV. THEOREMA.

Si visus positus fuerit in linea è centro quadrati normaliter excitata, ipsius quadrati latera aequalia apparebunt, sed & dimetientes aequales.


C **S**IT quadratum AC , ex cuius centro E recta ad normam excitetur ipsi quadrati plano per 11. vndecimi Euclidis: in qua visus ponatur ad signum F vtcumque assumptum: ab F verò radij profiliant FA , FB , FC , & FD : dico primò quadrati propositi latera aequalia apparere. Quia namque æquales sunt EA , EB , EC , & ED , estque EF omnibus communis, & anguli circum E F ad planum æquales nempe recti, erunt per 4. primi Euclidis & bases FA , FB , FC , & FD æquales. **D** sed & AB , BC , BD , & DA ex hypothesi aequalia inter se sunt: igitur per 8. primi Euclidis æquales sunt anguli AFB , BFC , CFD , & DFA : quare per 10. huius aequalia spectantur quadrati latera; quod primò erat demonstrandum.



Deinde aio & ipsos dimetientes æquales apparere. cum enim ostensum iam sit radios omnes ab F ad A , B , C , & D procidentes æquales inter se esse, erunt per 2. communem notionem Euclidis bini AF & FC , binis BF & FD æquales: sunt verò & bases AC & BD æquales; igitur per 8. primi Euclidis & anguli AFG , BFD , quibus dimetientes conspiciuntur æquales: quare & ipsæ æquales apparent per 10. huius; quod secundò erat demonstrandum.

E Hinc fit, vt ea oculi constitutione quadratum in propria ac naturali forma conspiciatur. nam in eo positum est naturale quadrati schema, quòd & latera & angulos æquales habeat: at latera aequalia spectari iam ostensum est. Quod verò & anguli æquales appareant, sic demonstratur: In triangulis ABC & BAD latera AB & BC lateribus BA & AD aequalia videntur, per ea quæ iam demonstrata sunt: sed & basis AC basi BD per eadem iam demòstrata apparet æqualis: igitur per 8. primi Euclidis & ABC angulus angulo BAD æqualis apparet. Quare in propria ac naturali forma quadratum conspicitur.

Non leuis in speciem difficultas obiici hoc loco potest. Nam quæ per centrum quadrati aguntur rectæ lineæ **F** GH & IK lateribus parallelæ, ex maioribus angulis spectantur quàm latera, ac propterea maiores etiam lateribus ipsis apparent. Ex quo illud sequi videtur absurdum sanè ac etiam impossibile, recta quadrati latera infracta apparere, quemadmodum præsens paradigma ostendit



Quòd verò GH maiori angulo spectetur quàm AB , ex priori delineatione ita potest demonstrari: Cum MEF quadrati plano rectis insistat angulis, sitque EG ad ipsam AD in eodem quadrati plano ductam polita normalis, erit eadem AD ad FG quoque perpendicularis per 15. lemma. Rectus igitur est angulus AGF :

similiter & BHF rectus ostendetur. Quare in triangulis AFG & BFH erit per 9. lemma A angulus GFH , qui minoribus cruribus continetur, maior angulo AFB , qui maioribus. Ex quo tandem fit per 10. huius, ut AB minor conspiciatur quam GH : ideoque & DC quam GH minor conspicietur. & si per idem centrum E ducatur IK ipsi AD parallela, eodem modo ostendetur latera AD & BC ipsa IK minora apparere.


Ex his ita præmonstratis haud erit difficile ostendere AB nequaquam ut rectam lineam apparere, sed in I fractam videri. Iam enim constat AI in præfenti schemate minorem apparere ipsa GE , & AG ipsa IE minorem; apparent autem AI & AG inter se æquales. ducta igitur GI , quoniam triangula AIG & EIG in eadem sunt basi IG constituta, & sunt latera AI & AG lateribus. IE & EG secundum aspectum minora, erunt quadrata ex IE & EG quadratis ex AI & AG maiora: sed quadratis ex IE & EG æquale est quadratum ex IG per 47. primi Euclidis; quod angulus IEG rectus sit, rectusque appareat per 51. huius. Igitur quadratum ex IG quadratis ex AI & AG maius est. Quare per conuersionem 12. secundi Euclidis, angulus IAG obtusus est, ac proinde angulus AIG minor est semirecto, cum per 32. primi Euclidis omnes tres anguli trianguli IAG duobus rectis sint pares. Adiecto igitur semirecto GIE , erit totus AIE angulus recto minor: sic & BIE recto minor ostendetur. Igitur AB non est recta linea. Si enim recta esset, quæ in eam incidit EI duobus rectis æquales angulos efficeret per 13. primi Euclidis, facit autem duobus rectis minores: itaque AB non videtur recta linea, sed in angulum obtusum fracta.

Hoc autem absurdum esse, ac de numero eorum quæ fieri nequeunt, ex eo cognosci potest, quod radius opticus, quo recta linea directe vel oblique obuersa spectatur, sit plana superficies, ut libro 2. propositione 2. docuimus. Hanc autem ut rectam lineam apparere necesse est: igitur recta linea per simplex medium spectata (quod semper intelligi volumus) numquam aliter quam ut recta linea apparere potest.

Scio per diuersa media rerum species distinctis sæpe radiis ad oculos penetrare, atque ita rectam lineam subinde inflexam videri, ut in aqua remum. Scio pro situs ratione posse eandem lineam minorem quam reipsa sit, aut magis in dextram sinistramve protensam cerni: item duas vnus instar, cum nimirum in eadem sunt superficie perpendiculariter obtutui exposita. At vnam oculo vno fractam apparere, atque in angulum conformatam, omnino fieri non potest. iunctis namque extremis per aliam rectam lineam superficies videretur, quæ in rebus non est: impossibile. In ceteris deceptionibus latet semper aliquid, quo prætermisso reliquum falso conspicitur; nam falso simulachro necesse est eam aliter apparere quam reuera sit. Ita cum superficies perpendiculariter aspectui obiicitur, eius vnica tantum linea, quæ visui proxima est, videtur, ceteræ autem omnes oblitescunt; unde efficitur ut lineæ instar tota superficies conspiciatur: at ut de nouo res aliqua videatur quæ non extat, impossibile est: non igitur recta linea per simplex medium vnoque oculo fracta potest apparere. Deinde huic rationi manifesta succedit experientia. nemo enim qui quadratum directò intueatur, fracta eius latera arbitratur, sed potius ex æquo suas inter partes exposita perspicue videt.

Respondeo hoc fallaciæ genus ex illis esse quæ necessariò eueniunt, quemadmodum & illud, quæ longius absunt minora apparere, atque alia innumera; in quibus ferè solet ratio aliud iudicare quam oculus sentiat. Fracta videri quadrati latera è loco F spectata, cum ex proxima demonstratione, tum ex 51. & 53. propositione huius libri manifestè constat. Nam propositionibus illis ostensum est, singulos quadrati angulos, cum reipsa sint recti, obtusos apparere. quod sanè numquam accideret si latera recta minimeque inflexa conspicerentur: siquidem omnes quadrati angulos aut rectos esse oportet, aut quatuor rectis pares. Itaque si omnes quadrati anguli obtusi cernantur, necesse est latera ipsa secundum aspectum inflecti, ac propius congrredi quam si recti illi omnes viderentur.

At necdum dissolutus est nodus. Si namque mente concipias pyramidem opticam, quæ basin habeat propositum quadratum, verricem autem ipsius oculi centrum (per pyramidem enim visionem celebrari libro 2. propof. 38. docuimus) uti singulæ pyramidis superficies, ita & quadrati latera ut rectæ lineæ conspiciuntur, quandoquidem vnus sit idemque quadrati & pyramidis optice aspectus.




A Dicendum ergo non modò ipsius quadrati latera, sed etiam radios illas superficies quæ pyramidè claudunt fractas videri; non ea tamen ratione, vt externus oculus à vero aberrans mentem quoque ipsam in eundem errorem pertrahat: mens enim necessarix fallaciæ assueta, tum rectam æstimat propositâ lineam cum ea ita certitur, quemadmodum externus sensus eam intueri est natus, vt propof. 15. libri tertij diximus. Pro ampliore huius difficultatis explicatione consule; si placet, propositionem 44. huius libri, vbi in parallelarum aspectu similibus fallacia proposita est & explicata.

PROPOSITIO LXXV. THEOREMA.

B Si oculus positus fuerit in extremitate lineæ obliquè incidentis in centrum spectati quadrati, eaq; semidiametro quadrati equalis fuerit, equalis vtraque diameter videbitur; sin autem vel maior fuerit vel minor, angulosq; fecerit inæquales, & diametri inæquales apparebunt.

C **I**N centrum E quadrati ABCD obliquè procidat FE, in cuius extremitate constitutus est oculus ad signum F, sitque FE primùm ipsi EA semidiametro quadrati æqualis: dico AC & BD æquales apparere. Iunctis enim FA & FC, quoniã æqualis est FE ipsis EA & EC, erunt puncta A, F, & C in semicirculo, cuius centrum E per circuli definitionem. itaque per 31. tertij Euclidis, angulus AFC rectus erit. Eodemque modo rectus ostendetur BFD: igitur æquales apparêt diametri AC & BD; quod primò erat propositum.



Sit deinde FE semidiametro EA vel maior vel minor; faciat autem cum AC & BD diametris, angulos FEA & FEC angulis FEB & FED vtrumque vtrique æquales: dico dimetientes AC & BD æquales ex loco F conspici: si verò inæquales angulos FE cum dimetientibus AC & BD fecerit; dico ipsas inæquales apparere.

Finge namque circa quadratum ABCD descriptum circulum per 9. quarti Euclidis, erunt igitur quadrati & circuli dimetientes eadem AC & BD. Quare cum ex demonstratis propof. 64. & 65. huius constet diametros circuli, cum quibus æquos angulos facit ea quæ ab oculo in centrum obliquè pertinet, æquales videri; illas verò inæquales, cum quibus eadem obliquè incidens linea angulos facit inæquales: idem de quadrati diametris probatum relinquitur; quod erat propositum.

PROPOSITIO LXXVI. THEOREMA.

Et semidiametri illa æquales apparent, cum quibus eadem FE obliquè in centrum quadrati pertinens æquos angulos facit.

F **E**ST O enim vt suprà quadratum ABCD, in cuius centrum E visus è loco F obliquè procidat, sitque angulus FEA angulo FED æqualis: dico semidiametros AE & ED videri æquales. Cum enim in triangulis FEA & FED æquales ponantur anguli FEA & FED, sintque circum hos ipsos latera æqualia, nempe AE ipsi ED, & FE vtrique commune, erunt per 4. primi Euclidis, & bases, & qui iuxta bases sunt anguli, æquales. Ergo angulus AFE ipsi FED angulo æqualis est, ac proinde per 10. huius æquales apparent AE & ED; quod erat demonstrandum.


Simili autem modo demonstrabimus & BE ipsi EC æqualem apparere; quòd nimirum circa æquales angulos FEB & FEC latera consistant æqualia, nimirum BE ipsi EC, & FE commune vtrique. Igitur per eandem 4. primi Euclid. æquales sunt anguli BFE & BEC, quibus BE & EC æquales spectari necesse est per decimam huius libri propof.

PRO-

PROPOSITIO LXXVII. THEOREMA.

Si verò FE inaequales angulos cum semidiamentris quadrati effecerit, quandoque aequales illa, quandoque maior illa cum qua maiorem angulum FE fecerit, aliàs minor hac eadem conspicietur.

SUNT inaequales anguli, maior quidem $FE C$, minor verò $FE D$, quos FE cum semidiamentris EC & ED efficit: ductaque ex E ad FD longius protensa perpendiculari EH per 12. primi Euclidis, fiat HI ipsi DH aequalis, iungaturque EI . Si ea anguli portio, qua $FE C$ angulus angulum $FE D$ superat, aequalis sit angulo DEI : dico semidiamentros EC & ED ex loco F aequales apparere.



Cum enim in triangulis DEH & HEI anguli ad H aequales sint positi, utputa recti, & circum hos angulos latus DH lateri HI sit aequale, & HE utrique commune, erit per 4. primi Euclidis & basis IE basi DE aequalis: sed eidem DE aequalis est EC , nempe eiusdem quadrati semidiamentri; igitur per vulgatum axioma IE & EC inter se sunt aequales. Ex quo triangulum $FE C$ triangulo $FE I$ aequale esse conuincitur: nam IE ipsi EC est aequale, & FE utrique commune, angulusque FEI angulo $FE C$ aequis lateribus contentus aequalis supponitur. Ergo & FI basi FC est aequalis, ac ceteri anguli, totumque triangulum FEI toti triangulo $FE C$ aequale per 4. primi Euclidis. At vno eodemque angulo spectatur DE & EI . Itaque DE & EC aequales apparent per 10. huius, quod aequalibus cernantur angulis.


Quod si ea sit anguli $FE C$ ad angulum $FE D$ proportio, ut triangulo $FE C$ ad planum trianguli $FE D$ applicato EC non iam in lineam EI utantè, sed intra DE & EI cadat: dico maiorem apparere EC quam DE ; minorem autem si eadem EC extra DE & EI incidat. Quod quia manifestam habet demonstrationem, eam Lectori perficiendam causa breuitatis relinquo.

Ex quo fit, ut si FE semidiamentro quadrati minor fuerit, semper quoque minor illa semidiamentrus videatur, cum qua eadem FE maiorem angulum facit: si autem maior fuerit FE semidiamentro quadrati, quandoque maior, quandoque minor, quandoque aequalis illa, cum qua FE maiorem facit angulum, semidiamentrus apparebit.

PROPOSITIO LXXVIII. THEOREMA.

Rursus si ea qua ab oculo in centrū quadrati obliquè incidit, dimidio lateri aequalis fuerit; illa quoque linea aequales apparebunt, qua per centrum ad opposita latera perpendicularares ducuntur.

ESTO ut supra quadratum $ABCD$, in cuius centrum E procidens FE , aequalis sit dimidio lateri AH vel AK : dico HI & KL , quae ad opposita latera AB & DC , item AD & BC per centrum perpendicularares ducuntur, aequales apparere. Si namque circulus ipsi quadrato inscribatur per 8. quarti Euclidis, quoniam eadem quae per centrum ducuntur HI & KL , sunt etiam circuli diametri; fit ut quemadmodum circuli diametri hoc aspectu aequales apparent, quod superius propositione 63. est demonstratum, sic etiam quae per centrum ad oppo-



A fita latera quadrati perpendicularares ducuntur, æquales videantur, quod breuitatis studio Lectori examinandum relinquo.

PROPOSITIO LXXIX. THEOREMA.

Quadratum obliquè aspectatum, nec æquilaterum, nec parallelogrammum videtur, nec eius oppositi anguli æquales.

D VOBVS præcipuè modis aspectari obliquè potest quadratum schema. Primò si ab oculo **F** in duo eius latera, puta **A D** & **B C**, ad medietates illorum **H** & **I** radij optici normaliter incidant, sic vt directè illa obtutui exhibeantur. Quo aspectu aio latera **A B** & **D C** apparere æqualia: **B C** verò & **A D** parallela quidem, sed **B C** quàm **A D** minus: angulosque ad **A** & **D** acutos, & inter se æquales: reliquos autem, qui ad **B** & **C** æquales item, at obtusos videri: quæ deinceps sigillatim sunt demonstranda.


C Cum in triangulis **F H A** & **F H D** latus **H A** lateri **H D** sit æquale ex hypothesi, ac latus **H F** vtrique commune, angulique **F H A** & **F H D** æquis lateribus comprehensæ æquales, nimirum suppositione recti, erit per 4. primi Euclidis & basi **F A** basi **F D** æqualis: eodemque modo & **F B** ipsi **F C** par esse ostendetur. Igitur in triangulis **A F B** & **D F C** duo æqualia sunt latera, vtrumque vtrique, hoc est **F A** ipsi **F D**, & **F B** ipsi **F C**: sed & basi **A B** basi **D C** est æqualis ex natura quadrati: itaque per 8. primi Euclidis & angulus **A F B** angulo **D F C** æqualis erit, & per 10. huius æqualis spectabitur **A B** ipsi **D C**; quod primò propositum fuit,

D Deinde quoniam **F H** & **I H** ipsi **A D** perpendicularares positæ sunt, si producat **I H** in **G**, quæ ex **F** ad **I G** perpendicularis demittitur, & plano in quo est quadratum **A B C D** recta erit: nam iunctis **A G** & **G D**, quadratum, quod ex **F D**, æquale est quadratis duarum **F H** & **H D** per 47. primi Euclidis: sed quod ex **F H**, est æquale iis quæ ex **F G** & **G H** quadratis, quod angulus **F G H** rectus sit positus. Igitur ex **F D** quadratum tribus, quæ ex **F G**, **G H**, & **H D**, est æquale: at quadrata duarum **G H** & **H D**, ei quod ex **G D** sunt æqualia: ergo quod ex **F D** æquale est duobus quæ ex **F G** & **G D** sunt quadratis. Quare per conuersam 47. primi Euclidis, angulus **F G D** rectus est. eodemque modo & **F G A** angulus rectus ostendi potest. Itaque per 4. vndecimi Euclidis **F G** ad planum quod per **A G** & **G D** ducitur, recta erit: sed cum **F G** ipsi quoque **G I** ad rectos posita sit angulos, erunt per 5. vndecimi Euclidis, tres lineæ **G A**, **G I**, & **G D** in vno omnes planæ: at **G I** in eodem est plano, in quo & quadratum **A B C D**: igitur **F G** ad idem planum recta erit. Quocirca anguli **I H A** & **H I B** recti apparebunt, hic quidem per 49. huius, ille verò per 48. Ac ea propter per 28. primi Euclidis parallelæ videbuntur **A D** & **B C**.

E Iam verò quod **B C** ipsâ **A D** minor spectetur, ex 9. lemmate conuincitur. Cum enim Isoscelia sine **A F D** & **B F C** triangula, & propter obliquitatem aspectus angulus **F H I** angulo **F I H** sit maior, erit per 19. primi Euclidis latus **F I** latere **F H** maius. Quare erunt & **F B**, **F C**, ipsis **F A**, **F D** maiora: nam per 47. primi Euclid. **F C** potest id quod **F I** & **I C**; **F D** verò potest id quod **F H** & **H D**: sed cum æqualis sit **I C** ipsi **H D**, & **F I** ipsâ **F H** maior, erit quoque duarum **F I** & **I C** potestas maior quàm duarum **F H** & **H D**: quare & ipsius **F C** potestas maior est quàm **F D**, ideoque **F C** quàm **F D** longitudine est maior. Nam quæ plus potest maior est illa quæ potest minus. Sic & **F B** quàm **F A** maior ostendi potest: igitur longiore interuallo distat **B C** à visu **F** quàm **A D**. Quocirca per supracitatum 9. lemma maior est angulus **B F C** angulo **A F D**: atque ideo per 10. huius minor spectatur **B C** quàm **A D**; quod erat demonstrandum.

F Rursus quod anguli **A D C** & **D A B** acuti appareant, ex propositione 53. libri huius per se liquet. Cum enim **G D**, cui ad punctum **G** perpendicularis insistit, quæ oculum deserit, per anguli **A D C** verticem transeat, non tamen ipsum angulum secet, perspicuum est ex iis quæ eo loci sunt demonstrata in ea oculi constitutione angulum **A D C** recto minorem videri: sed eadem est in angulo **D A B** demonstratio: acutus igitur vterque apparet; quod erat propositum.

Quod





Quòd autem æquales inter se spectentur hi ipsi anguli $A D C$ & $D A B$, ex eo primùm A suaderi potest, quòd idem sit ad vtrumque angulum oculi situs: deinde triangula $A H B$ & $D H C$ æquilatera spectantur; igitur & æquiangula per 8. primi Euclidis. Assumptio ex partibus facillè demonstrabitur: nam in triangulis $F H A$ & $F H D$ æqualia sunt latera $A H$ & $H D$, latusque $F H$ commune vtrique, & angulus $F H A$ angulo $F H D$ æqualis. Igitur per 4. primi Euclidis & angulus $A F H$ angulo $H F D$ æqualis erit. Quare $A H$ & $H D$ æquales apparebunt per 10. huius: $A B$ verò & $D C$ æqualia videri iam proximè ostensum est. Sic & $H B$ & $H C$ æqualia spectari per 8. primi Euclidis probari potest: nam in triangulis $H F B$ & $H F C$ commune vtrique est latus $F H$; $F B$ verò ipsi $F C$ iam priùs ostensum est æquale: sed & basim $H B$ basi $H C$ æqualem testatur 4. primi Euclidis: quia $A H$ & $A B$ ipsis $D H$ & $D C$ æqualia sunt, & his contenti anguli $H A B$ & $H D C$ recti: igitur æqualis est angulus $H F B$ angulo $H F C$. Ideoque æquales spectantur $H B$ & $H C$, ac tota triangula $H A B$ & $H D C$ æquilatera, quod erat assumptum. Æquales igitur inter se spectantur $A D C$ & $D A B$ anguli; quod erat probandum.

Præterea obtusos videri reliquos $A B C$ & $D C B$ angulos, ex eadem propos. 53. huius libri patet. Quoniam enim ea quæ ex puncto G (cui perpendicularis insistit oculum F deferens) ad C verticem anguli $D C B$ ducitur, ipsum angulum secat, fit vt angulus $D C B$ qui rectus est, è loco F maior recto appareat: sed eodem modo $A B C$ rectus angulus maior apparet recto. Igitur obtusus spectatur vterque angulorum $A B C$ & $D C B$; quod erat propositum.

Sed & æquales iidem anguli $A B C$ & $D C B$ apparent; quod eodem modo probabitur, quemadmodum $A D C$ & $D A B$ æquales apparere paulò antè est demonstratum. Ductis enim $A I$ & $I D$ æquilatera videri triangula $A B I$ & $D C I$ per 4. & 8. primi Euclid. ostendemus vt supra, quare æquiangula conspicientur: igitur æquales apparent anguli $A B C$ & $D C B$; quod vltimo loco fuit propositum. Hæc de primo quadrati aspectu dicta sufficient: cetera enim quæ eidem accidunt phænomena, facillè studiosus Lector ex horum comparatione colliget.

Secundo modo obliquè videri quadratum potest, si nimirum ea quæ ab oculo ad planum, in quo est quadratum, perpendicularis demittitur, in alteram dimetientem productam cadat, sic vt altera saltem directè aspectui obiiciatur. Vt si quadratum expositum sit $A B C D$ cuius diametrus $A C$ producat, si opus fuerit in G , visus autem eo loci sit constitutus, vnde demissa $A G$ recta ad planum, in quo est quadratum, incidat in productam dimetientem $A C$ ad signum G : dico hac oculi constitutione $A B$ & $A D$ æquales videri, itemq; $B C$ & $D C$ æquales: at $B C$ & $D C$ ipsis $A B$ & $A D$ minores; angulum verò $B C D$ angulo $B A D$ maiorem, sed vtrumque obtusum: $A B C$ autem & $A D C$ acutum vtrumque, sed æquales. Rursus si $F E$ quàm $A E$ maior sit, minorem aio apparere diametrum $A C$ quàm $B D$: at contrà, si minor sit $F E$ quàm $A E$, dico $A C$ quàm $B D$ spectari maiorem. quæ omnia, vt priùs, suo quæque F ordine sunt demonstranda.

Primùm igitur $A B$ & $A D$ æquales videri, in hunc modum potest demonstrari: In triangulis $F E B$ & $F E D$ latus $E B$ lateri $E D$ est æquale ex natura quadrati, & latus $F E$ vtrique commune, angulusque $F E B$ æquis lateribus comprehensus angulo $F E D$ æqualis: quia rectus vterque ex hypothesi: igitur per 4. primi Euclidis & basis $F B$ basi $F D$ est æqualis. Rursus in triangulis $F A B$ & $F A D$ latera $F B$ & $B A$ lateribus $F D$ & $D A$ æqualia sunt, vtrumque vtrique, hoc est $F B$ ipsi $F D$ per iam factam demonstrationem, $B A$ verò ipsi $D A$ per quadrati definitionem: porrò $F A$ commune est vtrique. Æquilatera igitur sunt



A sunt ipsa triangula FAB & FAD , quòd æqualia latera & proportionalia habeant: Itaque per 5. sexti Euclid. eadem triangula sunt & æquiangula, æqualesque sunt anguli FAB & FAD , quibus æqualia latera AB & AD subtenduntur. Quocirca per 10. huius æqualia spectantur AB & AD ; quod primò propositum fuit.

Eodem verò modo ostendentur triangula CFB & CFD æquilatera & æquiangula esse: igitur & BC ipsi CD æqualis videtur; quod secundo loco erat demonstrandum.

Tum BC & CD ipsis BA & AD minores apparere, sic demonstratur: Producta BA ad

partem A infinitè, ex G perpendicularis ipsi BA protractæ excitetur GH per 12.

B primi Euclid. quæ etiam versus K extendatur: quoniam per 47. huius præter rectam BH , altera, cuius interuallum æquale vndique spectatur, est sectio quædam conii. Sit iam ea per D descripta, ac literis signata LKD , verticem habens in linea GH ad signum K , in quod incidat GK æquis ipsi sectioni angulis.

His itaque legibus descripta conii sectio LKD , consequens est, vt eam CL

C intersecet, idque duobus in locis, nempe in D ex constructione; & in L vbi est KL ipsi KD æqualis. Propinquior est igitur K ipsi BH quàm D , & D quàm M . At per eandem 47. propositionem huius æquales apparent HK , AD , & BM : igitur BC , quæ vt pars totâ minor videtur quàm BM , ipsâ quoque AD apparet minor per 5.

axioma ad 9. propositionem huius libri explicatum. Sed AB æqualis apparet eidem

AD , quod paulò antè est demonstratum; igitur BC ipsâ etiam AB minor apparet: cumque

D eodem modo ostendere possimus CD ipsâ AD minorem videri, probatum relinquatur BC & CD ipsis AB & AD minores spectari; quod erat probandum.

Præterea angulum BCD angulo BAD maiorem cerni, sed vtrumque obtusum, ex propositione 51. huius potest demonstrari. Cùm enim recti sint anguli BCD & BAD ,

vtrumque verò bipartitò diuidat GC ; profectò per iam citatam 51. propositionem huius, si FG quæ oculum defert, per lineam GC incedat, cùm in A peruenerit, minimus videbitur

BAD ; cumque in C , minimus ipse BCD angulus conspicietur: at per 52. huius ex loco A rectus apparet BAD angulus, vti & angulus BCD ex loco C apparet rectus;

igitur ex loco G vterque apparet obtusus. Rursus cùm per eandem supra citatam 51. huius, quò longius FG à vertice anguli transfertur, eò ipse appareat maior, absitque FG

E à C longius quàm ab A , consequens est, vt maior videatur BCD angulus angulo BAD ; quod erat ostendendum.

Simili modo ostendemus angulos ABC & ADC acutos videri. Cùm enim eæ quæ ex G ad B & D extendi possunt extra ipsos angulos cadant, nec illos vllo modo secant,

minores apparent ipsi anguli, si perpendicularis, quæ oculum defert, in G sistatur, quàm si in aliquo laterum AB vel AD angulos continentium per 53. huius; quòd GB & GD


longius absint à BD , quæ vtrumque angulum bifariam secat, quàm AB & AD : sed in AB posita perpendiculari oculum deferente rectus apparet ABC angulus per 48. huius;

& similiter posita perpendiculari oculum deferente in linea AD rectus apparet angulus

F ADC : itaque ex signo G , quod extra vtrumque angulum excurrit, minor recto vterque spectatur; ac ea propter acutus; quod erat propositum.

Æquales autem hos ipsos angulos ABC & ADC videri sic probatur: In triangulis ABC & ADC æqualia apparent latera AB & BC ipsis AD & DC , per ea quæ iam sunt demonstrata: & latus AC apparet commune vtrique: igitur & angulus ABC angulo ADC æqualis apparet per primum axioma ad 9. huius libri propositionem explicatum, adiuuante 8. primi Euclid.

Demum, si FE quàm AE maior sit, minorem apparere diametrum AC quàm BD ; & contrà, si FE quàm AE sit minor, AC quàm BD spectari maiorem, ex ijs colligi potest quæ propositione 65. huius de circuli aspectu proposuimus. Si enim proposito qua-



drato circularis perimeter circumscribatur per 9. quarti Euclidis, palàm est quoniam **A** diametris **A C** & **B D** quadratum circulusque conueniant. Eadem itaque in diametris quadrati erit demonstratio, quæ in circuli diametris.

*Hac de quadrati aspectu dicta sufficiant. Cetera enim, quæ tum ex his, tum ex innumeris aliis dispositionibus accidunt phenomèna, facillè studiosus Lector ex horum præceptione colliget. Ex quibus etiam in aliarum retilinearum figurarum cognitionem nullo negotio inducetur. Cùm namque hæc omnes lineis atque angulis constent variè aspectui obuersis, sanè ex iis quæ de linearum situ, deque angulorum obiectu supra **B** docuimus, omnium cognitio dependet. Nobis itaque, ne in re satis iam superque compluribus theorematibus explicata diutiùs quàm par est immoremur, viam aperuisse sufficiat, per quam Matheseos amatores in rerum arcanarum contemplationem non minori facilitate, quàm voluptate incedant, eamque scientiam exiguo labore adipiscantur, quam meritò prudens quisque admirari ac suspicere debeat.*

S P H Æ R A.


PROPOSITIO LXXX. THEOREMA.

Id sphaera, quod spectatur, radiis contingentibus, definitur.



Hoc theorema perspicuam habet rationem: nam qui sphaeram contingunt radij, maximi sunt omnium illorum qui ad conuexam sphaerae peripheriam ab eodem puncto duci possunt, vt lemmate 25. est demonstratum; ac proinde extimi sunt.

Si enim præter radium **F B**, exempli gratia, qui sphaeram ex centro **A** descriptam attingit in **B**, alia recta ad eandem sphaeram exterius pertineret, hæc vel circumulum contingeret, vel eum secaret. Si conringeret, aut in eodem puncto in quo **F B**, aut in alio, puta **D**, non vtrique in eodem: sic enim ab eodem puncto **F** ad idem punctum **B**, duæ rectæ lineæ ducerentur quæ sparium concluderent, quod impossibile est, & communi axiomati repugnans. Si in alio, nempe **D**; igitur per 16. tertij Euclid. in locum inter **F D** & circuli peripheriam **D B C** comprehensum altera recta linea non caderet, quæ circumulum non secaret; caderet autem per hypothesin ipsa **F B**: igitur vel **F B** circumulum non conringit, quod hypothesi aduersatur; vel **F D** ita extra circumulum vagatur, vt ipsum neutiquam attingat.



Demus iam **F D** circumulum secare, id profectò in duobus fiet locis, quæ gratia exempli finit **D** & **E**: ergo per 36. tertij Euclidis, quod sub rota secante **F E** & **F D** externa portione comprehenditur rectangulum, æquum est ei, quod ab **F B** tangente describitur, quadrato. Quare per 17. sexti Euclidis, vt **F E** ad **F B**, ita est eadem **F B** ad **F D**: ac proinde si maior sit **F E** quàm **F B**, & **F B** quàm **F D** maior erit, cui repugnat 8. propos. tertij Euclidis: nam si **F B** extrema non sit, sed ipsa exterior sit **F D**, erit **F D** ab **F A**, quæ per centrum transit, remotior quàm **F B**. Si remotior, igitur & maior. At minor iam ostensa est; cumque impossibile sit, vt & maior & minor ipsa **F B** esse queat, necesse est ipsam **F B**, & quæcumque demum alia maximum sphaerae circumulum contingunt, maximas & extimas esse. Quare hæc ipsæ eam sphaerae portionem definiunt, quæ oculo exterius ad signum **F** constituto apparet; quod propositum erat demonstrare.


A

PROPOSITIO LXXXI. THEOREMA.

Pars sphaera visa circulo continetur.

IT sphaera cuius centrum A , ad quam ab oculo F radij ducantur, qui ipsam contingant in circulo maximo ad signa B & C , iungaturque BC . Rursus ex F ad centrum A recta agatur FA , haec ipsam BC ad rectos secabit angulos in signo D . Quoniam

B enim in triangulis FBA & FCA latera FB & FC circulum contingunt, erunt eadem inter se aequalia per 26. lemma. Sed AB quoque ipsi AC aequale est per circuli definitionem, quod nimirum e centro A ad peripheriam maximi in sphaera circuli sinteducta; basis autem FA communis est



utriusque: igitur aequilatera sunt ipsa triangula FBA & FCA : ac proinde aequales habent eos angulos, quibus aequalia latera subtenduntur per 5. sexti Euclidis, hoc est BAD aequalem ipsi $DA C$; circa quos cum iterum aequalia sint latera BA ipsi AC , AD vero commune utriusque, erit & basis BD basi DC aequalis per 4. primi Euclid. Bifariam igitur est secta BC in D , ac proinde ad rectos erit FA ipsi BC angulos per 3. tertij Euclid.


Finge iam triangulum FBD circa immotum axem FD in orbem duci, quousque in eundem locum restituatur, unde digressum fuerat. Hoc profecto motu conus produceretur, cuius basis BC centrum habeat D , e quo ad circumferentiameducta recta omnes lineae, tum ipsi DB , tum inter se aequales erunt; quod omnes eidem DB congruant ex ratione propriaque natura circularis motionis. Quare circulus erit is, cuius perimenter partem sphaerae visam circumscribit; quod erat demonstrandum.

D

PROPOSITIO LXXXII. THEOREMA.

E sphaera uno oculo conspecta portio qua apparet, hemisphaerio minor est.

SPHAERAM cuius centrum A , oculus contineatur e loco F , unde radij procidant qui ipsam contingant in eodem circulo maximo ad signa B & C . Erit ergo pars sphaerae visa per superiorem 81. propositionem BGC , qua circulo continetur, cuius diameter est BC . Dico itaque BGC portionem sphaerae visam hemisphaerio minorem esse. Si enim hemisphaerio aequalis esset, profecto circulus BC maximus esset, ac



proinde per 6. primi Sphaericorum Theodosij per sphaerae centrum duceretur; atque ita BC ipsis FB & FC tangenti- bus perpendicularis esset per 18. tertij Euclidis: quocirca parallelae tandem forent FB & FC per 28. primi Euclidis: quod scilicet anguli BCF & FCB recti essent, & ad easdem partes constituti. At ab eodem puncto F , in quo & oculus,eductae sunt: itaque BGC pars sphaerae visa non est hemisphaerio aequalis: sed neque maior esse potest: sic enim anguli BCF & FCB non iam recti, ut prius, verum obtusi forent. Quare lineae FB & FC non conuenirent in puncto F : sed ex B & C digressae amplius diuarentur per 11. axioma Euclidis. Conueniunt autem in puncto F ex hypothesi; non est igitur BGC portio sphaerae qua videtur hemisphaerio maior: est itaque minor; quod erat demonstrandum.

Ex hac propositione intelligas Horizontem illum, qui sensu usurpatur, hoc est terrae

Cē 2

portio-

portionem quæ ab aspectu nostro ac termino visionis circumscribitur, dimidia terræ A portione minorem esse: nec enim, vt Proclus ait, in sphæra amplius duum millium stadiorum dimetientem habet, cum totius terræ dimetiens stadia contineat minimum quinquaginta millia.

PROPOSITIO LXXXIII. THEOREMA.

Oculo ad sphæram propius accedente, portio qua spectatur fit minor.



STO enim sphæra cuius centrum A; & ab oculo nunc quidem in F constituto radij educantur, qui sphæram contingant in punctis B & C: erit ergo BHC portio sphære à loco F spectata per 80. huius. Deinde oculus in locum G transferatur, qui sphære propinquior sit, ab eoque vt prius radij sphæram contingentes producantur GD & GE: erit igitur & ex hoc loco spectata sphære portio DHE, quam dico ipsa BHC minorem esse.

Cum enim FB & GD sphæram in eodem circulo maximo contingant in locis B & D, erunt AB & AD, quæ ex centro ad loca contactu educuntur, eisdem FB & GD perpendiculares per 18. tertij Euclid. Rectangula igitur sunt trian-

gula FBA & GDA, in quibus AB & AD latera inter se sunt æqualia: siquidem ambo è centro ad circumferentiam profiliunt. At illorù quæ rectis angulis subtenduntur maius est latus FA quàm GA, ex suppositione, quoniam videlicet F longius ponitur distare ab H quàm G, erit FH quàm GH maior. Addita igitur vtrique inæqualiù communi portione DHA, erit per tritum axioma FA maior quàm GA. Quocirca per 8. tertij Euclidis, maior est proportio FA ad AB, quàm GA ad AD: ideoq; per 14. lemma maior est angulus FAB quàm GAD: eodemque modo maior ostendi potest angulus FAC angulo GAE. Itaque totus BAC angulus toto angulo DAE maior est: siquidem ambo ex æqualibus partibus componuntur. Atque ea propter basis BC basi DE est maior per 24. primi Euclidis, quod scilicet latera AB & AC lateribus AD & AE æqualia sunt: at angulus BAC angulo DAE maior. Quoniam verò est maior BC quàm DE, vt iam probatum relinquitur, erit & arcus BHC arcu DHE maior per posteriorem partem propositionis 27. tertij Euclidis secundum Campanum. Quocirca è viciniore loco G minor sphære portio conspicitur, quàm ex F remotiore; quod demonstrasse oportuit. ex quo fit vt in mari aduentantes procul naues ex editiori loco prius conspiciantur, quàm ex inferiori. Hinc speculæ & phari locis semper sublimioribus eriguntur, vt latius ex eis prospectus pateat.


PROPOSITIO LXXXIV. THEOREMA.

Admiratione dignum illud videbitur; quòd dum minor est sphæra portio qua spectatur, tum ea maior appareat.



AMETSI primo aspectu paradoxum id quidem videatur, iis præsertim, qui in Opticorù demonstrationibus parum sunt exercitati; tamen necessariam habet demonstrationem.

Sit B C sphære portio ex



F loco


A F loco remotiore visa : ea verò quæ è propinquiori spectatur nempe ex G , sit DE, hæcque illâ minor esto per antecedentem propositionem : dico DE quàm BC maiorem apparere. Eductis enim ex centro A rectis lineis AB, AC, item AD & AE, quoniam per 18. tertij Euclidis AB ipsi FB, & AD ipsi FD perpendicularis est, erunt anguli ABF & ADG recti per 10. definitionem primi Euclidis. In triangulis autem ABF & ADG præter hos rectos angulos, duo reliqui simul sumpti vnius trianguli duobus reliquis alterius simul sumptis sunt æquales per corollarium propof. 32. primi Euclidis : at maior iam ostensus est BAF angulus angulo DAG : reliquus igitur DGA reliquo BFA maior est per tritum axioma, quo inæqualia iudicantur quæ ab æqualibus

B facta in æqualium detractioe relinquuntur : eodemq; modo EGA maior ostendi potest quàm CFA. Itaque totus DGE toto BFC est maior. Quocirca per 10. propof. huius libri maior apparet pars sphaeræ visa minor DHE, quàm maior BHC ; quod erat demonstrandum.

LEMMA TION.

Si sphaera ad binos intuentis oculos ita sit constituta, ut communis axis in centrum sphaera procidat ; dico radios, qui sphaeram contingunt, æquales inter se esse, eamq; quæ puncta contactuum iungit, distantia oculorum esse parallelam.

SIT sphaera, cuius centrum A, binis oculis D & E ita obiecta, vt communis axis GA in centrum sphaeræ incidat: ab oculis verò radij procidant DB & EC, qui sphaeram contingant in punctis B & C, quæ connectantur per rectam BC: dico DB & EC inter se æquales esse, itémque B C ipsi DE parallelam. Iunctis enim DA & EA, quoniam in triangulis DAG & GAE æquales sunt anguli DGA & AGE per 29. propof. libri secundi, & circum hos angulos æqualia sunt latera, nimirum DG ipsi GE per eandem 29. secundi, GA verò commune vtrique ; erit per 4. primi Euclidis & basis DA basi EA, angulusque DAG angulo GAE æqualis.



Rursus cum DB & EC sphaeram in eodem circulo maximo contingant, ex quæ ex centro A ad signa contactuum applicantur AB & AC, sunt iisdem contingentibus perpendiculares per 18. tertij Euclidis. In triangulis igitur ABD & ACE recti sunt anguli ABD & ACE: sunt autem æqualia latera DA ipsi AE per iam factam demonstrationem, & AB ipsi AC, quia ambæ ex centro ad circumferentiam educuntur. Igitur per consecrarium lemmatis 14. & reliquum latus DB reliquo EC æquale erit ; quod primò propositum fuit.

Deinde per idem consecrarium lemmatis 14. & angulus DAB angulo EAC æqualis erit. His itaque si addantur æquales iam ostensi DAG & EAG, erunt & compositi GAB & GAC per communem notionem æquales. Sunt autem quæ circum hos angulos consistunt latera AB & AC æqualia, AF verò commune vtrique. Igitur per 4. primi Euclidis basis quoque BF basi FC, & iuxta bases angulus AFB angulo AFC æqualis. Sed eidem angulo AFC æqualis est angulus BFG ad verticem per 15. primi Euclidis : igitur AFB & BFG inter se sunt æquales per vulgatum axioma, ac proinde rectus est BAG angulus per 10. definitionem primi Euclidis : sed & rectus est DGF angulus per 29. secundi libri. Itaque per 28. primi Euclidis parallelæ sunt DE & BC ; quod secundò propositum fuit.

Hoc sanè præmonstrasse oportuit, vtpote ad probationes eorum quæ mox dicturi sumus, necessarium : cur autem inter superiora lemmata initio huius libri proposita non sit recensitum, ea est ratio, quòd particularis eius sit vsus, ad sphaeræ aspectum accommodatus.

PROPOSITIO LXXXV. THEOREMA.

A

Si sphaera diametrus, ei qua centra visuum connectit, aequalis fuerit; hemisphaerium erit, quod ambobus oculis circum communem axem normaliter actis comprehenditur.

SPHÆRÆ EX A descriptæ diametrus esto B C, ei qua centra visuum D & E connectit æqualis; axis autem communis sit G A in centrum sphaeræ productus: circum quem centra oculorum D & E ita ducantur, vt DE ipsi G A semper normalis sit, hoc est, vt æquales semper sint anguli D G A & E G A: cumque prociderint ab oculis ad sphaeram vndique radij, qui ipsam contingant, ostendendum erit hos mediam sphaeræ portionem intercipere: cum enim G A in centrum sphaeræ incidat, erit per superius lemmation B C ipsi D E parallela. Quare si ad G recti sint anguli, & qui ad A, nempe G A B & G A C, recti erunt per 28. primi Euclid. Rursus, quoniam vtraque æqualium B C & D E per communem axem A G diuiditur bifariam, B C quidem in A, quia A centrum est circuli, D E verò in G per 29. secundi libri; erit A B ipsi D G, & A C ipsi G E æqualis. Quare per 33. primi Euclidis D B & E C tum ipsi A G, tum inter se parallelæ erunt: ideoque G A B & D B A duobus rectis æquales per 29. primi Euclidis. ac G A B rectus est ex demonstratione: igitur & D B A rectus est, eodemque modo & E C A. Igitur D B & E C sphaeram contingunt in B & C per 16. tertij Euclidis, & A B cum A C, quæ ex A sphaeræ centro ad loca contactuum B & C applicantur, vnam rectam lineam constituunt per 14. primi Euclidis. Quare A B D G parallelogrammum & rectangulum est: quod si vnà cum oculorum motu circumagi cogitetur circa immotum communem axem G A, quousque in eundem locum vnde digressum fuerat, restituatur, cylindrum describet per 21. definitionem vndecimi Euclidis, cuius circulares erunt bases, exque æquales ex diametris B C & D E descriptæ: cumque circulus B A C per centrum sphaeræ transeat, maximus erit per 6. primi Sphaericorum Theodosij: hic autem sphaeram bipartitò diuidit: itaque hemisphaerium est B H C normali oculorum motu, qui circa immotum communem axem sit, comprehensum; quod demonstrare oportebat.


1. Notandum hoc loco primum est, non posse hanc sphaeræ contuitionem fieri per axes, sed per alios tantum opticos radios. nam lib. 2. prop. 20. ostēdimus oculorum orbis ita diuaricari non posse, vt axes firmētur paralleli: quod sanè eueniret per 33. primi Eucl. si axes optici D B & E C æquales ac parallelas rectas lineas D E & B C connecterent.

2. Deinde obseruandum est, nos huic propof. adiunxisse ea verba; oculis circum communem axem normaliter actis, quæ in theoremate 25. Opticorū Euclid. sunt subintelligenda, quod sic se habet: Sphaera binis spectata oculis, si dimetiens sphaeræ æquus fuerit rectæ lineæ distantia ab oculis, ipsius hemisphaerium spectabitur. Quæ prop. si verba, non autem sensus pensetur, falsa erit. Uti enim vno oculo minor dimidiâ sphaeræ portio cernitur, quæ circulo continetur: ita duobus oculis duæ videntur eiusmodi portiones, quæ partem quidem communem habent: ipsi autem circuli quibus circumscribuntur, duobus locis se mutuò interfecant; vno autem puncto eundem circulum maximum sphaeræ quisque contingit.

Esto enim F G C portio sphaeræ, quam oculus E intuetur, circulo definita C H F I, ac hemisphaerio minor per 82. huius, accedatque oculus D, qui eiusdem sphaeræ portionem hemisphaerio minorem attingat B F G, circulo contentam B H G I: cum verò neuter

ter


A ter horum circulorum spheram per centrum partiatur, ambo maximo circulo minores erunt per 6. primi Sphæricorum Theodosij. Quare nihil cum maximo commune habere possunt, præter solitariū punctū, in quo circulus $CHFI$ maximum circulum BLC attingit ad signum C ; & circulus $BHGI$ eundem circulum maximum BLC contingit ad B , per 18. tertij Euclidis: quod nimirum DB & EC ipsi BC quæ per centrum ducitur sint perpendiculares. Itaque quod spheræ binis oculis immotis conspicitur, id hemisphærio minus est, ea superficie bis sumpta, quæ dimidia peripheria maximi circuli BLC , & duobus quadrantibus aspectorum circulorum BI & IC continetur. His enim sese minores illi circuli intersecant ad signa H & I ; quod erat ostendendum.



C PROPOSITIO LXXXVI. THEOREMA.

Si oculorum distantia spheræ diametro maior fuerit, binis oculis circum communem axem normaliter ductis, pars hemisphærio maior conspicienda erit.

HISTO enim oculorum interuallum DE spheræ BFC diametro maius: atque ab oculis radij procidant DB & EC spheram contingentes in B & C punctis circuli maximi BFC , qui cum DE connectente centra visuum in vno eodemq; sit plano: sint porro oculi ad spheram ita constituti, vt illorum distantia sit ei quæ puncta contactuum connectit BC parallela, quod fiet si communis axis GA in cætrum spheræ pertingat per superius lemmation. Quoniam igitur DE maior est spheræ diametro, erit & ipsa BC , quæ puncta contactuum copulat, maior: hanc enim spheræ diametro maiorem esse impossibile est. Quocirca DB & EC radij ad partes B & C producti tandem congregientur: nam posita EL ipsi BC æquali, erit BL ipsi EC parallela per 33. primi Euclidis, & DE ipsa EL maior erit, quod DE ipsa BC maior supponatur. Itaq; DB in BL incidens si producat, ipsam quoque EC productam attinget, secabitque per 10. lemma. Sit igitur coitionis punctum K : quoniam oculo posito in K , quod spheræ videtur BFC hemisphærio minus est per 82. huius, profectò reliquum, quod oculis D & E in orbem, vt dictum est, ageratis cernitur, hemisphærio maius erit; quod fuit propositum.




Potest sanè idem ex radorum natura facile probari. Quemadmodum enim paralleli radij spheram contingentes à punctis contactuum duo hemisphæria vtrimque intercipiunt, quod ipsorum interuallum ex vtraque spheræ parte sit æquale; ita radij non paralleli, quæ diducuntur ac magis ab inuicem magisque abscedunt, portionem spheræ medietate maiorem comprehendunt, vt iam iam est demonstratum; qua verò in angustum premuntur, congressuri aliquando si producantur, minorem medietate portionem spheræ ambiunt, vt proximè sequente theoremate demonstrabimus.

PROPOSITIO LXXXVII. THEOREMA.

Si sphaera diametrus distantia oculorum fuerit maior, ipsiq; oculi ut prius circumacti, minor medietate portio sub aspectum cadet.



SPHÆRA inquam BHC , ex centro A descripta, cuius diametrus distantia oculorum DE maior existat, ita ad binos intuentis oculos sit constituta, ut communis axis in centrum sphaeræ peringat: ex D verò & E radij ad sphaeram destinantur DB & EC eam contingentes in punctis B & C circuli maximi, qui cum DE in eodem sit plano: finganturque oculi D & E moueri normaliter circa communem axem GA . His ita positis, dico BHC portionem sphaeræ quæ videtur hemisphaerio minorem esse.



Quoniam enim DE minor conceditur sphaeræ diametro, necesse est eandem DE ipsâ quoque BC , quæ puncta contactuum iungit, minorem esse. Si namque esset æqualis, parallelæ forent DB & EC . Nam cum axis communis GA connectentem centra visuum DE secet normaliter per 29. prop. lib. secundi, equales erunt anguli DGA & EGA ; cumque idem axis communis in centrum sphaeræ A pertineat, erit per superius lemma BC ipsi DE parallela, ac proinde & angulus GIB rectus erit per 29. primi Euclidis, & BC in I per rectam GA diuidetur bifariam per 3. tertij Euclidis. Sed DE in G etiam est secta bifariam per 29. propof. lib. secundi: igitur si æquales sint BC & DE , erunt & BI ipsi DG , & IC ipsi GE æquales: atque eapropter quæ has connectunt DB & EC tum inter sese, tum ipsi GI parallelæ per 33. primi Euclidis. In ipsas ergo incidens recta BC rectos faciens angulos GIB & GIC , reliquos quoque internos, ad easdemque partes, nempe DBI & ECI rectos efficiet. Quare per 19. tertij Euclidis in BC erit circuli centrum, ac propterea dimetiens erit eadem BC , cui iam quidem ostenditur DE æqualis: initio autem positus fuit diametrus sphaeræ ipsâ DE maior, quod cum pugnet, nequit protectò DE ipsi BC , quæ loca contactuum iungit, æqualis esse. Longè verò minus potest DE ipsâ BC maior esse: nam sic probaretur, ut supra, DE sphaeræ dimetiente maior, quod multò absurdus est, quandoquidem supponatur minor. Itaque minor sit DE quam BC connectens loca contactuum est necesse.


Abscindatur ergo de BC portio CL , interuallo oculorum DE æqualis per 3. primi Euclidis, iungaturque DL , quæ per 33. primi Euclidis ipsi EC parallela erit: cumque maior sit BC ipsâ CL , BD ipsam DL secabit: quare secabit & reliquam EC per 10. lemma. Secet autem ipsam CE productam in K , quoniam oculo in K constituto, sphaeræ portio BHC quæ videtur hemisphaerio minor est per 82. huius: sitque eadem sphaeræ portio, quæ ab vno oculo ex K , & quæ à duobus ex D & E cernitur propter radiorum KDB & KEC identitatem, sanè & a binis oculis circumactis minor sphaeræ portio spectabitur.

PROPOSITIO LXXXVIII. THEOREMA.

Visu in superficie sphaera existente, uniuersa eius facies caua aspectabilis est: è conuexa autem nil præter punctum apparet.



ESTO sphaera data ABC , in cuius superficie positus sit oculus ad signum A , detur quoque præter punctum A in caua sphaeræ superficie aliud punctum B , perque A & punctum B circulus maximus describatur ABC per 20. primi Sphaericorum Theodosij: dico conspicuum esse punctum B per 58. huius. Cum verò eodem prorsus modo, si quoduis aliud punctum assignatum fuerit, per duo data puncta circulum maximum describere liceat, atque ostendere per 58. huius, illud quoque acceptum punctum posse per rectam lineam



sui ipsius

A sui ipsius imaginem ad oculum destinare: patet vniuersam sphaeræ cauam faciem ocu-
lo in superficie posito aspectari posse; quod primò erat demonstrandum.

Deinde per punctum *A* in quo est oculus, recta agatur *DE*, quæ circulum sphaeræ
maximum tangat per 17. tertij Euclidis: quoniam per 18. tertij Euclidis *DE* ei quæ per
centrum ducitur *AC* perpendicularis est, sit per 16. tertij Euclidis vt ipsa *DE* extra circu-
lum cadat, inque locum hanc inter & circuli peripheriam comprehensum altera recta
linea non cadat, quæ circulum non secet. Atque ea propter nullius signi aspectabilis for-
ma è conuexa circumferentia circuli ad aspectum pertinere potest. Cumque eadem sit
in quouis alio circulo per *A* ducto demonstrandi ratio, consequens est, vt è conuexa to-
Btius sphaeræ superficie, in qua est oculus, nihil præter solitarium signum appareat; quod
secundo loco demonstrasse oportebat.

PROPOSITIO LXXXIX. THEOREMA.


*Visa intra aut extra sphaera superficiem existente, ea portio caua
sphaera videbitur, in quam incidunt ab oculo emissi radij: eritque
pars visa quandoque hemisphaerium, interdum hemisphaerio
maior, subinde minor.*

C **R** I M V M constitutur oculus in sphaeræ centro *A*, cuius opticus axis *AF*
internè prospectet, ac circa oculum axem-
que opticum circulus maximus describa-
tur *BDCE* per 20. primi Sphaericorum
Theodosij: hunc totum videri ab oculo
in *A* posito perspicuum est: si verò sub hoc alius quicum-
que circulus in sphaeræ superficie designetur, vti is cuius
diameter est *HK*, siue ille priori parallelus sit, siue non;
dico & hunc totum conspicuum esse, quòd ab omni-
bus eius partibus libera pateat formarum promissio.
Didemque ostendere erit in ceteris. Cum itaque simul
omnes vniuersam hemisphaerij superficiem euacuent,
perspicuum est hanc totam ab oculo in centro *A* posito
spectari.

Deinde sit iam oculus supra centrum *A* intra sphaeræ
perimetrum constitutus in *O*, axisque opticus *OF*: dico
portionem sphaeræ visam *LFM* hemisphaerio maiorem esse. Circa *O* namque velut cen-
trum, interuallo autem *OL* aut *OM*, circulus describatur: hic totus videbitur, vt & quæ-
cumque pars sphaeræ infra ipsum accepta, per ea quæ iam ostensa sunt. Igitur to-
tum sphaeræ segmentum *LFM* conspicuum erit. Quòd autem illud dimidia sphaera
E maius sit, sic probatur: Quoniam *O* punctum extra sphaeræ centrum assumptum est; erit
circulus cuius diameter *LM* non maximus per 6. primi Sphaericorum Theodosij. Itaque
per inæqualia segmenta sphaeram diuidit, maiusque segmentum est *LFM*, quod maio-
rem axis partem sibi vendicat.

Rursus si in *N* extra sphaeræ ambitum oculus deferatur: aio nihilominus partem
sphaeræ cauam, quæ spectari potest, hemisphaerio maiorem esse. Ab *N* siquidem radij
procidant *NL* & *NM*, qui sphaeram contingant in *L* & *M*: quoniam per 82. huius sphaeræ
portio conuexa *LFM*, quæ ab oculo in *N* collocato conspicitur, hemisphaerio minor est;
reliqua sanè *LFM*, quæ oblitescit, maior erit. At cuius conuexum latet, eius cauum appa-
ret; cum ideò lateat conuexum, quòd optici radij in concauam superficiem directò im-
Fpingant. Illud ergo cauum videtur, cuius conuexum delitescit. Itaque tota interna fa-
cies *LFM*, quæ hemisphaerio iam ostensa est maior, ex loco *N* conspicitur; quod propo-
nebatur.

Demum si oculus infra centrum *A* deprimatur, vt in *G*, eiusque opticus axis sit *GF*:
dico minorem medietate portionem sphaeræ intus spectari. Ducto enim circulo cuius
diameter *HK* circa *G* velut centrum, hic totus quidem perspicietur, vti & quicumque
alius infra ipsum designatus, per superius demonstrata. Cumque circulus *HK* supremus
sit omnium illorum, qui intra sphaeræ portionem *HFK* continentur, tota sphaeræ por-
tio *HFK* conspicua erit, nihilque eorum quæ supra circulum *HK* existunt, cernetur, ob-
stante




stante opaca oculi postica, quò minus species inde in centrum visus illabi infractionis A ope queant. At quoniam G non est spheræ centrum ex hypothesi, non erit H K circulus maximus per G. primi Sphæricorum Theodosij. Quare spheram in segmenta inæqualia partitur, quorum minus illud est, quod minorem portionem axis, nempe G F continet, hoc est H F K.

Libro secundo definitione 8. maximæ pyramidis opticæ basin diximus haudquamquam circularem esse, quòd versus tempora latius se visus diffundat quàm circa nasum, & infernè magis quàm supernè: at hoc loco liber consideratur oculi orbiculus, sublatisque nasi, ciliorum, superciliorumque impedimentis. Sic enim cum extima ipsius superficies, eaque pars quæ Iris nuncupatur, exquisitum habeat circuli schema, ac velut E torno elaboratum, æquali vndique amplitudine rerum imagines excipit, pari que intervallo aspectum diffundit. Quare maximum id quod videtur, hemisphærio aut spheræ segmento contineri perspicuum est.

PROPOSITIO XC. THEOREMA.

Quò externus oculus propius ad spheram accesserit, eò maiorem portionem cauae superficiei consequetur, quæ & maior apparebit.

SI ad spheram B H C K propius accedat externus aspectus, nimirum ex F C in G: dico ex G maiorem portionem cauae peripheriæ spectari, quàm ex F. Ex F namque radij producantur spheram contingentes in B & C, eodemque modo ex G profilientes radij spheram contingant in D & E.



Quoniam inquam propositione 83. huius superius ostensum est ex G minorem portionem conuexæ peripheriæ spectari, quàm ex F; consequens est, vt cauae peripheriæ portio D K E, quæ ex G conspicitur, maior sit quàm B K C, quæ videtur ex F: nam vbi spectari desinit spheræ conuexum, ibi cauum apparere incipit. Itaque quò externus oculus propius ad spheram accesserit, &c. quod erat demonstrandum.

Rursus dico cauam spheræ portionem D K E, quæ è propinquiore loco aspicitur, maiorem apparere ipsâ B K C, quæ ex remotiori. Quod eodem prorsus modo demonstrari potest, quo superius propos. 84. huius ostensum est conuexam peripheriam D H E è propinquiore spectatam maiorem apparere illâ, quæ ex F loco remotiori cernitur, nempe B H C. Cum enim pars conuexa D H E, & concaua D K E, eodem spectentur angulo; sequitur, vt æquales appareant per 9. propos. huius: sic & B H C conuexa, & concaua B K C, æquales apparent. Igitur si D H E ipsâ B H C maior apparet, licet minor re ipsa sit per 83. huius, & D K E ipsâ B K C apparebit maior; quod erat demonstrandum.


PROPOSITIO XCI. THEOREMA.

Oculo cauae superficiei intra spheram appropinquante minor portio conspicitur: sed quæ æqualis semper appareat.

INTRA spheræ ambitum oculus per rectam lineam P F incedat, obtutum in F per axem dirigens, sitque nunc in O, nunc in A, nunc in G: dico portionem cauae peripheriæ quæ ex G spectatur minorem esse eâ quæ ex A, & quæ ex A cernitur eâ quæ ex O minorem esse. Ductis enim per O, A, & G ipsi P F perpendicularibus L M, C B, & H K per II. primi Euclidis: quoniam minor est ex hypothesi G F quàm A F, & hæc quàm O F, patet segmentum K F H segmento B F C minus esse, & segmentum B F C segmento M F L: igitur quò propior ipsi F oculus fuerit intra spheræ ambitum, eò semper minor portio

A tio erit, quæ de caua peripheria sub aspectum cadit.

Quòd autem spectata pars equalis semper appareat, inde conuinci potest, quòd maxima pyramide optica conspiciatur: quamquam nec hoc rectè dicimus, quòd equalis semper ea pars appareat: sed rectius veriusque infinita semper videri pronuntiabitur: maxima siquidem pyramis optica nullum ad verticem angulum, nullamque reipsa basin habet, quæ cono substerni possit, vt ex iis quæ libro 2. definit. 8. docuimus, perspicuè cognosci potest.




B Perspicuum igitur est, signum ν , quod in peripheria accipitur, medium terminum esse vtriusque motus, eius scilicet quo oculus extra sphaeram, eiusque quo intra eam transmutatur: nam in ν maximum sphaeræ est, quod intus spectatur, totus videlicet ambitus, vt propositione 58. huius ostendimus. Motu verò, quo oculus ab externo loco propius ad circuli peripheriam accedit, maior semper portio caua apparet, vt propositione proximè antecedente docuimus, vsque dum tandem in ν venerit, vbi tota peripheria caua videatur. Sic ergo & intra sphaeræ ambitum oculo à ν in ν translato, minor semper pars cernitur; maior autem, cum versus ν ab ν oculus dimouetur, quoad rursus in ν totus sphaeræ ambitus conspiciatur.

C PROPOSITIO XCII. THEOREMA.

Si visus à duabus sphaeris inaequalibus aequè distet, maiorem proportionem habebit pars visa minoris quam maioris ad totum suæ cuiusque sphaera ambitum.

D V A R V M inaequalium sphaerarum maximi circuli AEB & CED sese interius cõtingant in puncto E , iunganturque illorum cẽtra G & H per rectam GH , quæ infinitè protracta per E punctum contactus transibit per I . tertij Euclid. **F** Assumpto itaque in ea extra vtramque sphaeram quouis puncto puta F , erit F aequè ab vtraque sphaera distans. Quocircà si in F visus constituatur, atq; ab eo radij profluant, qui vtrumque circulum contingant, maiorem quidem in A & B , minorem verò in



E C & D , sic vt pars maioris visa sit AEB , minoris autem CED : hanc dico ad vniuersum suæ sphaeræ ambitum maiorem proportionem habere, quam habeat AEB ad totam suæ sphaeræ peripheriam.

Excitis namque ex vtriusque circuli centro ad loca contactuum rectis lineis HA & HB ; item GC & GD : quoniam in triangulis FAH & FCG recti sunt anguli FAH & FCG per 18. tertij Euclidis, erunt duo reliqui anguli vnus duobus reliquis alterius æquales. Siquidem cum per 32. primi Euclidis, cuiusque trianguli tres anguli pares sint duobus rectis; vno vtriusque sublato recto, reliqui vtriusque vni recto pares sint necesse est, ac proinde inter se æquales: at angulus CFG minor est AFH angulo vt pars toto: igitur per communem notionem CGF angulus angulo AHF est maior. Sed eodem modo angulus DGF angulo BHF maior ostendi potest: igitur totus CGD toto AHB est maior.

Fiat igitur in maiore circulo angulus HK æqualis angulo CGD : ductis nimirum IH & HK quæ ab CG & GD aequè distent: quoniam in eodem circulo maior est angulus HK angulo AHB , vt iam iam est demonstratum, erit quoque arcus IEK arcu AEB maior per 33. sexti Euclidis. Quare per 8. quinti Euclidis, maiorem proportionem habebit peripheria IEK ad totum maioris circuli ambitum, quam AEB ad eundem. Sed vt IEK ad totum ambitum maioris circuli, ita se habet CED ad totum ambitum circuli minoris: cum enim æquales positi sint anguli HK & CGD , erunt & ad circumferentias constituti anguli IMK & CLD æquales, vt pote dimidij priorum, qui ad centra G

& H terminantur per 20. tertij Euclidis. At anguli IMK & IEK duobus rectis sunt A æquales, vt quoque CLD & CED per 22. tertij Euclidis: ablatis igitur illis qui ad M & L protendantur, relinquentur IEK & CED æquales per vulgatum axioma. Quare segmenta IEK maioris circuli, & CED minoris, similia sunt inter sese per 10. definitionem tertij Euclidis. Vt igitur arcus IEK ad totum maioris circuli ambitum, sic CED arcus ad totum ambitum minoris. Itaque maiorem proportionem habet CED pars visa minoris sphaeræ, quàm AEB pars visa maioris, ad totum suæ cuiusque sphaeræ ambitum; quod erat demonstrandum.


PROPOSITIO XCIII. THEOREMA.

B

Spharica superficies siue concava siue conuexa è longinquo spectata, plana videntur.



IT sphaera $ABCD$, cuius spectata portio conuexa sit ABC , concava verò ADC , ad quas radij pertineant FA , FC , & FB , ab oculo educti F infinite distito: quoniam igitur ob immoderatam distantiam visus non dignoscit linearum FA & FB inæqualitatem, sed pares apprehendit per 3. huius; videtur omnino B in eadem plana superficie esse constitutum, in qua & A : sic & C in eadem esse videtur superficie, in qua A & B . Demum, cum nec distantiarum FD & FB discrimen percipiatur ob nimiam distantiam, videbuntur D & B , ac omnia simul puncta vtriusque peripheriæ, cauæ scilicet & conuexæ, in vna eademque plana superficie constituta esse: planæ itaque videntur, quod erat propositum.



Eodemque modo superius propositione 57. huius ostendimus, circula rem perimetrum ex immensa intercapedine rectam lineam apparere, si oculus in eodem plano sit, in quo & circulus. Ea namque vis inest distantie infinitæ, quod ea quæ plus minusve dissident, non discriminet. Igitur corporum eminentiæ ac profunditates ex infinita distantia diiudicari non possunt, vt lib. 3. propositione 19. ostendimus: atque ea propter planæ apparent; quod modò propositum fuit.

Hinc nonnullæ consequuntur insignes hallucinationes in iis rebus quæ è longinquo spectantur. Atque in primis in cælo ipso, cuius obiectam nobis cauitatem cum oculis minimè assequamur, planum ipsum aspectui videtur. Atque ita rem se habere, vt videtur, forsitan mens etiam concluderet, nisi aliundè deprompta euidentis ratio quæstionem dirimeret, persuaderetque cælum sphaeroides habere schema, idque adeò perfectum, Platone teste, nihil vt effici possit rotundius. Ita quoque solis ac lunæ orbes plani inuentibus videntur: nam propter distantie immensitatem qua distant à nobis, prominens illorum conuexitas non dignoscitur.

PROPOSITIO XCIV. THEOREMA.

Superficies tum concava tum conuexa ex intervallo spectata, non rarò conuersa apparent.



IN augustioribus ædificiorum structuris, præsertim in munitioibus ac propugnaculis, subinde videre est parietibus infixos globos, siue quos hostium tartareus puluis aliquando re ipsa immisit, siue quos humana industria posuit, ad repræsentandos hostiles impetus, quos aliquando sustinuerunt: subinde etiam iisdem in locis videre licet excisas scrobes, ceu loca è quibus emissitij tormentorum globi aliquando exciderunt. In aspectu autem harum superficierum, siue extantium, siue excauatarum, non rarò aspectus è longinquo deluditur, cum id quod cauum est, elatum arbitratur, & è conuersio.

Erroris vna quidem causa est interualli longinquitas, qua ab eis spectator disjungitur,

vt

A vt supra ostendimus: hac enim caui conuexiq; diuersitas non dignoscitur. Altera verò umbrarum in vtrisque, cōcauis scilicet conuexisque, similitudo, quæ facillimè imponit, dum minùs attenditur qua ex parte lumen proueniat. Verùm hoc discriminis interest, quòd in concauis umbra ad eandem sit partem, ex qua lumen affulget; in conuexis autem pars opaca auersa sit, atque in oppositum proiecta.

Vt si proposita figura **A B** umbram ostendat ad partem **A**, lumenque ex eadem parte **A** prouenire deprehendatur, euidentis argumentum erit, concauum esse id quod intra **A B** circulum apparet. Si verò ex parte **B** lumen adspiret, conuexum esse apparens schema **A B** conuincetur.



B In picturis etiam naturæ æmulis haud absimilis error interdum accidit, etiam in moderata, at verò non minima distantia, scilicet ex sola luminis ignoratione. Sit, exempli gratia, idem quod supra in plana tabula depictum circulare schema **A B**, altera parte scilicet **A** adumbratum: quoniam tabula, qua id cōtinetur, plana est; iam ex ea id habetur, quod priùs ex infinita intercapedine, nempe vt tam conuexa quàm concaua superficies plana videatur. ex umbra verò extare vel depressa esse eadem obiecta superficies indiscriminatim cognoscitur. Si ergo ex parte **A** lumen affulgere putetur, caua esse ipsa superficies colligetur; extare verò, si ex parte **B** lumen prouenire existimetur: at si non qua existimatur, parte lumen emittet, falli intuentem necesse est: nam quod extat, depressum; aut quod depressum est, extare arbitrabitur.

CYLINDRVS.



NON Sphæræ modò, verùm etiam Cylindro, & Cono, ac ceteris corporibus vniuersis conuenit, eam quæ spectatur portionem radiis tangentibus comprehendi. Cùm enim tangentes lineæ extremæ sint illarum omnium, quæ ab vno eodemque signo (in quo oculus positus esse intelligatur) ad


D propositũ corpus duci possunt; perspicuè sequitur, eam corporis partem quæ videtur, tangentibus vndique radiis contineri. In hac enim parte nullum punctum reperire est, à quo recta linea ad oculum duci non possit, per quam proinde aspectabilis forma recta efferatur. Ceterum pleniorẽ huius rei demonstrationem vide propos. 80. libri huius, vbi hanc eandem proprietatem in Sphæra ostendimus: quam modò iis quæ de Cylindri & Coni aspectu dicturi sumus, tamquam communem hypotesin, præmittimus.

LEMMA TION.

E Quæ ab oculo ad cylindri superficiem tangentes educuntur, ex vtraque parte omnes in rectis lineis tactiones faciunt.

HÆC propositio ex illa vniuersali thesi, quam Serenus libro primo propositione 29. demonstrat, desumpta est, atque ad aspectum quo cylindrus cernitur traducta; quare eodem ferè quo illa modo demonstrabitur.


F Estò cylindrus cuius axis **A B**, ab externo verò puncto **C** radij educantur **C D** & **C E** cylindrum contingentes ex eadem parte in **D** & **E**: dico **D** & **E** in vna recta linea superficiẽ cylindricæ constituta esse. Ab eodem namque puncto **C** ad axem **A B** perpen-



D d

dicula-

dicularis agatur CF , & per CF extendatur planum æquidistans basi A , quod faciet in cy-
lindro sectionem circulum circa
centrum F : & per axem BF pa-
rallelogrammum extensum fin-
gatur GH : ipsi verò FC ad rectos
angulos ducatur CK in eodem
existens plano cum basi F ; & per
 CK & vtramque ipsarum CD
& CE plana ducantur cylindrum
secantia, quæ in cylindri superfi-
cie faciant lineas LDM & NEX .
Diametri igitur sectionum sunt
 LM & NX , ad quas rectis an-
gulis applicentur DO & EP , quæ
in alteram partem sectionis pro-
ducantur ad R & S .




Itaque quoniam CD contin-
git peripheriam $LDMR$ in puncto D , & huiusmodi sectio cylindri ostensa est ellipsis
ab eodem Sereno libro primo proposit. 16. erit vt LC ad CM , ita LO ad OM per 36.
primi Apollonij: & eadem ratione vt NC ad CX , ita NP ad PX . Est autem NL ipsi MX **C**
æquidistans ex hypothæsi: quare vt LC ad CM , ita NC ad CX ; & propterea vt LO ad
 OM , sic NP ad PX per 11. quinti Euclidis. Linea igitur OP vtrique ipsarum LN & MX **C**
parallela erit per 2. sexti Euclidis. Rursus quoniam CK ipsi CG , & hæc ipsi GL ad re-
ctos sunt angulos, eadem CK ipsi quoque LC ad rectos angulos erit per 15. lemma
huius: quare DO & EP eidem CK parallelæ erunt per 29. primi Euclid. ac proinde etiam in-
ter se per 30. primi Euclid. Quocirca si per eas planum ducatur, hoc secabit planum LX
secundum rectam lineam OP per 3. vndecimi Euclid. atque ita erit planum $PEDO$ æqui-
distans plano alteri eorum quæ per AB ducta secant GH . Planum igitur $PEDO$ sectio-
nem facit in cylindro parallelogrammum, vt ostendit idem Serenus propositione 3. li-
bri primi; & linea ED est communis sectio ipsius & superficiæ cylindri: igitur ED est **D**
recta linea, sicque fiet demonstratio in SR . Quæ itaque ab oculo ad cylindrum educuntur
radiosæ lineæ, ex vtraque parte omnes in vnius parallelogrammi rectis lateribus tactio-
nes efficiunt, quod fuit propositum demonstrare.

PROPOSITIO CXV. THEOREMA.

*In cylindro æquales sunt omnium circulorum portiones,
quas vnicus aspectus comprehendit.*

SIT oculus A , atque in cylindro vnius circuli spectata portio BCD : si alius **E**
quicumq; circulus in
cylindro designetur,
vt EFG , dico portio-
nem eius, quæ ex loco
 A cernitur, ipsi BCD æqualem esse.
Ex B namque & D rectæ erigantur li-
neæ per cylindri longitudinem BE &
 DG : quoniam in his lineis radij om-
nes ab A emissi cylindrum ex vtraque
parte cõtینگunt per proximum lem-
mation, erit EFG pars visa circuli no-
uissime designati. Itaque assumpto in
segmento BCD quolibet alio puncto,
puta C , recta ab eo ad segmentum
 EFG perducatur, quæ illi occurrat ad
signum F , iunganturque CB , CD , EF ,
 FG . Cùm parallelæ sint atque etiam inter se æquales BE , CF , & DG , erunt quoque **E**
ipsi BC , & FG ipsi CD parallelæ per 33. primi Euclidis: quare per 10. vndecimi Euclidis
æquales



A æquales erunt anguli EFG & BCD : atque ea propter similia ipsa circularum segmenta per 10. definitionem tertij Euclidis. Cumque rursus parallelæ & æquales sint BE & DG , erit EG ipsi BD æqualis per eandem 33. primi Euclidis: sed per 24. tertij Euclidis super æqualibus rectis lineis similia circularum segmenta sunt inter se æqualia: igitur circularum portiones EFG & BCD , quæ ex A ambæ conspiciuntur, inter se sunt æquales. Atque eodem modo ceteræ omnes: siquidem vna omnium est demonstratio. Patet itaque id quod initio fuit propositum, quodque demonstrasse oportuit.

PROPOSITIO XCVI. THEOREMA.


B *In cylindro ut se habet circuli portio quæ videtur, ad eam quæ latet; sic visa superficies cylindri ad non visam.*



IN cylindro FH esto circuli portio quæ videtur BCD , ea autem quæ latet BHD : dico quemadmodum BCD ad BHD , ita esse cylindricæ superficiei partem, cui BCD adiacet, quæque videtur, ad reliquam quæ occultescit.

C Cùm enim ex circumuolutione rectanguli circa alterum quiescens latus cylindri originem ducat, ipsius quidem rectanguli planum cylindri solidum progignit: at superficiem præter bases, alterum illud latus, quod quiescenti opponitur; cuius singula puncta in orbem acta singulos producant circulos: igitur quemadmodum hoc latus punctis constat, atque illorû quodammodo multitudine completur; sic quoque cylindrum nil penè esse aliud dixeris, quàm ordinatam quamdam plurimorum circularum aggregationem, ita coniuكتورum, vt nec spatio aliquo ab inuicem diuellantur, nec inter singulos quidquam, quod circulus non sit, intercedat.


D Itaque cùm per superiorem propositionem æquales sint omnium circularum portiones, quas oculus vnico aspectu complectitur, vna erit omnium illorum ad eam partem, quæ occultatur, proportio; eademque & visæ superficiei cylindri ad non visam ratio erit. Quare vt se habet circuli portio, quæ videtur ad eam quæ latet, sic visa superficies cylindri ad reliquam quæ occultatur; quod erat ostendendum.



PROPOSITIO XCVII. THEOREMA.

Pars cylindri visa oppositis parallelis circumscribitur.

E **F** **I**STO enim $BHCFKG$ ea cylindri portio quam oculus ex A contuetur: quoniam BF & CG in quibus radij optici cylindrum vtrisque attingunt, rectæ sint lineæ per superius lemmation, si per has & axem plana extendantur BO & FP & CO & GP , erunt BO & FP , item CO & GP , nempe communes sectiones planorû ac basium cylindri, æquales per 16. vndecimi Euclidis: sed BO & FP , item CO & GP sunt inter se æquales, vtpote æqualium circularum semidiametri: igitur per 33. primi Euclidis BF ipsi OP , & CG eidem OP sunt parallelæ. quare inter sese parallelæ erunt per 30. primi Euclidis. Sunt verò & BC , FG , vtpote parallelarum baseon communes intersectiones, inter se parallelæ. Itaque pars cylindri quæ spectatur, oppositis parallelis circumscribitur; quod erat propositum demonstrare.



PROPOSITIO XCVIII. THEOREMA.


Cylindrica superficies uno oculo extrinsecus aspectata minus medietate apparet.



Ab oculo A per cylindri axem O P perpendicularis agatur A L pertransiens cylindri superficiem in I & L: ac circum I L circulus ductus intelligatur D I E L basi parallelus: quod fieri posse perspicuum est, quia I L iuxta ac K M ipsi axi ad rectos sunt angulos, ac proinde ambæ inter se parallelæ per 29. primi Euclidis.

Deinde ab eodem oculo A radij profiliant, qui circulum per I L animo conceptum tangant in D & E; ac eodem modo ad reliquam cylindri superficiem radij destinentur, è quibus bini singulos circulos basi parallelos hinc inde contingant, nempe A B & A C circulum B H C in B & C; & A F ac A G circulum F K G in F & G. Itaque dico portionem cylindri visam, quam planum B C G F à non visa dirimit, medietate minorem esse.

Sunt enim B F & C G, in quibus radiosque superficies A B F & A C G cylindrum contingunt, rectæ lineæ, ac etiam inter se parallelæ per proximè antecedentem propositionem; sunt verò & æquales, propterea quòd cylindrus ex circumuolutione rectanguli circum quiescens alterum latus productus sit per 21. definitionem vndecimi Euclidis. Itaque per 33. primi Euclidis erunt quoque B C & F G inter se æquales: at circuli B H C & F K G æquales sunt per eandem cylindri definitionem: igitur per 28. tertij Euclidis æqualia sunt circulorum segmenta B H C, D I E, & F K G: sed portio D I E per 60. huius semicirculo minor est: itaque & reliquæ spectabiles circulorum portiones, quas septum B G à non visis discriminat, semicirculis minores sunt. Cumque ex eiusmodi circulorum segmentis tota cylindri pars, quæ spectatur, consistat, perspicuè concluditur id cylindri quod videtur, medietate minus esse; quod erat demonstrandum.




PROPOSITIO XCIX. THEOREMA.

Si distantia oculorum aequalis fuerit cylindri diametro, semicylindri conuexum videbitur: si maior, maius; si minor, minus.



Esto oculorum distantia A B, è cuius medio C axis communis opticus C D ad cylindri axem rectis incedat angulis, ac per C D planum mente concipiatur E F G basi parallelum. quod fieri quidem posse haud dubium est, cum per 29. primi Euclidis C D alicui dimetienti basis sit parallela. Erit ergo planum E F G circulus, cuius centrum D per 5. primi Sereni. Per D verò alia agatur dimetiens E G ipsi A B centra visuum connectenti parallela per 31. primi Euclidis: atque eius extrema centraque oculorum A & B iungantur rectis lineis E A & G B, quæ radiorum optidorum subeant vicem.



Cum

A Cùm ergo parallelæ sint atque etiam æquales AB & EG , erunt & AE , BG æquales & parallelæ per 33. primi Euclidis, & anguli ACD , EDC , itemque AED , CDE duobus rectis pares per 29. primi Euclidis: at ACD rectus est per communis axis optici definitionem, quæ 5. est libri secundi: igitur & CDE rectus est, ac proinde & AED rectus. Eademque ratione BGD quoque rectus esse probabitur: itaq; AE & BG circulum contingunt in E & G per 16. tertij Euclidis. quare pars circuli visa EF & FG semicirculus est.

B Iam ab utroque visu radij ad cylindri latera promittantur, ab A quidem AH & AI ; à B verò BK & BL : erunt igitur HEI & KGL in quibus tactiones fiunt, rectæ lineæ per superius lemmation, eademque tum inter sese, tum ipsi MFN parallelæ. Sunt verò & eadem MFN æquales per cylindri definitionem: is siquidem ex rectanguli circa quiescens alterum latus circumuolutione efficitur. Itaque quæ ipsas HE & MF connectunt, HM & EF inter se sunt æquales per 33. primi Euclidis, ac proinde per 28. tertij æquales sunt, qui ipsis insistant, arcus HM & EF : sed eodem modo arcus MK & FG æquales ostendentur. Compositi igitur HMK & EFG æquales conuincuntur per commune axioma: at enim EFG semicirculus est, per iam factam demonstrationem: quocirca & HMK , simili que probandi ratione & INL , ceterorumque omnium circularum spectatæ portiones semicirculis æquales erunt. E quibus cùm ea cylindri portio confletur, quæ sub aspectum cadit, probatum relinquitur, si oculorum distantia æqualis fuerit cylindri diametro, dimidium cylindri conuexum spectari, quod erat propositum.


C Si verò maior sit oculorum distantia AB cylindri diametro, eodem modo quo supra propos. 86. & 87. huius ostendemus EFG semicirculo maiorem esse; minorem verò, si distantia oculorum AB ipsâ dimetiente cylindri minor fuerit. Quapropter cùm, ut iam demonstratum est, ipsi EFG æquales sint circularum portiones HMK & INL , ac etiam ceteræ omnes, quas planum HEL rescindit, palàm est, si maior extiterit oculorum distantia dimetiente cylindri, maiorem eius portionem sub aspectum produci: minorem verò, si ea minor fuerit; quæ omnia accuratiùs quidem demonstrasse oportebat, sed ea uti perspicua Lectori colligenda relinquimus.

D Porrò quæ hætenus dicta sunt, tum solùm vera esse intelligantur, cùm per D recta EG distantie oculorum parallela atque ipsi axi ad rectos duci potest angulos. Aliàs enim propter aspectus obliquitatem fiet, ut licet AB diametro cylindri sit æqualis, minor tamen medietate portio ea sit, quæ de conuexa cylindri superficie conspicitur. Nam planum per AB actum, axemque secans in D , faciet cum parallelogrammo HL quod per axem ducitur, communem sectionem EG ad eundem cylindri axem obliquam, ideoque in cylindro ellipsin progignet EFG per 16. prop. 1. lib. Sereni, cuius maxima quidè diameter EG erit, minima verò quæ huic ad normam adiungetur. Quare obliqua oculorum constitutione media pars cylindri videbitur, si AB ipsi EG parallelæ æqualis fuerit.

PROPOSITIO C. THEOREMA.

E *Aspectu appropinquante cylindri conuexo, minus quidem est quod apparet, videtur autem minus esse.*

D ER cylindri axem recta traijciatur AD , rectos cum axe angulos efficiens, ipsiusque cylindri superficiem penetrans in punctis C & D , visusque in ipsam AD incedat, sitque nunc in A remotior, nunc in B propinquior. Per CD verò planum actum intelligatur basi parallelum, quod proinde circulus erit diametrum habens CD : hic siquidem per cylindri axem transit: quare & per circuli ipsius centrum. Axis namque ea recta




Dd 3

linea

linea definitur, quæ omnium circularum centra peruadit.

Quoniam ergo A & B in eodem sunt plano, in quo & circulus C H D, visu in B constituto minor circuli portio aspectui patet, quàm si in A oculus transportetur per 83. huius. Sit itaque pars ex B spectata E C F; ex A verò G C H, ac per extrema linearum E F & G H rectæ in longitudinem cylindri extendantur I K, L M, N O, & P R, in quibus radij ab A & B educti cylindrum contingunt per superius lemmation, ac proinde cylindri



portiones, quæ obtutui patent, definiunt. Cùm verò uti in præcedente propositione ostensi sunt arcus H M K & I N L ipsi E F G æquales: ita hîc ostendi æquales possint I S L & K V M ipsi E C F; itemque N S P & O V R ipsi G C H, erit cylindri portio I S L K V M, quæ ex B propinquiori loco conspicitur, minor ipsâ N S P O V R, quæ ex A loco remotiore; quod erat propositum demonstrare.

Quòd autem maior esse videatur cylindri pars quæ ex B cernitur, quàm quæ ex A, licet illa minor re ipsa sit, eodem prorsus modo poterit demonstrari adiuuante 84. propositione huius. Cùm enim palàm ex ea iam sit portionem E C F videri maiorem quàm G C H, quòd angulus E B F angulo G A H ostensus sit maior; sequitur & totum id, quod de cylindri conuexo ex B conspicitur, illo maius videri quod cernitur ex A. Nam, ut sæpiùs iam dictum est, totus cylindrus ad visam partem ita se habet, quemadmodum tota basis ad basis partem quæ videtur; & ut pars basis ad partem basis, sic pars cylindri ad cylindri partem: cui quoque ad stipulatur I I. propositio duodecimi Euclidis. Igitur si maior apparet E C F ex B quàm G C H ex A, proportione quadam tota cylindri pars, quam E C F ceu basis sustinet, quæque ex B videtur, maior apparet ea portione cui G C H substernitur, & quæ ex A spectatur.


PROPOSITIO CI. THEOREMA.

Si visus per lineam axi parallelam incedat, æqualem semper cylindri portionem complectetur.



H S T O cylindri axis A B, cui parallela ponatur C D, per quam oculus incedat, & nunc in C, nunc in E, nunc in D paulisper subsistat demonstrationi nostræ obsecuturus: ex C, E, & D verò rectè ducantur lineæ axi normales C A, E G, & D B, centrisque A, G, & B, per cylindri superficiem circuli describantur, qui æquales quidem inter se erunt per cylindri definitionem, axisque his omnibus ad rectos insistet angulos.

Si itaque ex D radij porrigantur, qui cylindrum contingant in circulo ex B descripto ad signa H & K, erit pars circuli visa H I K. Et si ex H & K rectæ lineæ per cylindri longitudinem explicentur, quæ reliquos circulos secent in L, O, R, & N; quoniam radij omnes ex D ad cylindrum educti in rectis lineis tactiones faciunt per superius lemmation, erit pars cylindri ex D visa ea, quam planum O K à non visa determinat æquis constans



A circularum segmentis. Cùm enim per 97. huius parallelæ sint HL & KN , ipsæque inter se æquales, vt ex cylindri definitione colligi potest, erunt & HK & LN æquales & parallelæ per 33. primi Euclidis. Quare per 28. tertij Euclidis æqualia erunt circularum segmenta $H I K$ & $L M N$: eodemque modo & $O P R$, quippe cùm parallelæ & æquales quoque sint OL & $R N$.

Iam verò si aspectus in E transmutetur, ostendendum est eamdem circuli portionem $L M N$ ex E videri, quæ ex D conspiciebatur. Cùm enim parallela posita sit ED ipsi GB ; & $E G$ iuxrà ac DB applicitæ sint ad rectos ipsi $B G$ angulos, erunt & $DE G, E D B$ anguli recti per 29. primi Euclidis. Igitur rectangulum est $E G B D$. Quare & ipsum est parallelogrammum per 28. primi Euclidis. Ac proinde quæ ex aduerso sunt latera ED & GB inter se sunt æqualia per 34. primi Euclidis: sed eidem GB æqualis & parallela est NK per cylindri definitionem: igitur NK ipsi quoque ED æqualis & parallela esse conuincitur; æqualis quidem per communissimam notionem, parallela verò per 30. primi Euclidis: ideoque per 33. primi Euclidis & EN ipsi DB parallela est, iunctisque NG & KB , erunt per eandem 33. primi Euclidis & ipsæ NG, KB parallelæ, quòd scilicet æquales & parallelas connectant NK & GB . Quocirca æquales erunt anguli ENG & DKB per 10. vndecimi Euclidis: sed DKB rectus est per 18. tertij Euclidis, quòd DK circulum contingat in puncto K : itaque & ENG rectus erit. Atque ea propter per 16. tertij Euclidis, EN circulum contingit in N . Eodem verò modo EL circulum tangit in L : igitur eadem est circuli portio $L M N$, quæ ex E videtur, & quæ ex D . Sic quoque eadem erit $O P R$ visa ex C , quæ ex E & D . Quare eadem ex omnibus his locis cylindri portio cernitur. siquidem qualis videretur pars circuli, talis & cylindri. Perspicuum igitur est, si visus per lineam axi parallelam incedat, æqualem semper cylindri portionem videri; quod demonstrasse oportuit.


PROPOSITIO CII. THEOREMA.

Visu cum axe cylindri in rectam lineam incidente, sola conspicua est basis.

D




CYLINDRI axis esto BC , & qui ab oculo A ad B radius procidit opticus, rectam lineam cum BC efficiat: dico è cylindro nil præter basin $D F E$ oculo A spectabile esse. Ab A namq; ad circumferentiam $D F E$ radij quocumque euocentur $AD, AF, \& AE$, qui vltèrius producantur in $G, H, \& I$: quoniam axis BC ad basin $D F E$ rectus est, per definitionem 21. vndecimi Euclidis, & cum eo linea AB vnâ rectam efficit, erit & AB ad basin planum recta. Quare recti erunt anguli $ABD, ABF, \& ABE$ per 3. definitionem vndecimi Euclidis. Ex quo vltèrius efficitur per 32. primi Euclid. angulos $B D G, B F H, \& B E I$ rectis esse maiores. à quibus proinde si recti demâtur $B D K, B F L, \& B E N$, relinquentur acuti $G D K, H F L, \& I E N$: quorum latera quantumlibet producta, cùm in pluribus quàm vno in puncto secare se nequeant, congregiantur autem in $D, F, \& E$; consequens est vt radiis $AD, AF, \& AE$ nil omnino de cylindro præter $D, F, \& E$ attingi possit. idemque in reliquis eodem modo demonstrari potest. Perspicuum est igitur visu cum axe cylindri in rectam lineam incidente solam basin spectabilem esse.



Et quamuis si oculus per lineam CB versus B infinite protractam incedat, anguli $G D K, H F L, \& I E N$ mutentur, ac oculo obsistente minuantur; numquã tamen eueniet, vt radij ab oculo ad $D, F, \& E$ ducti, ipsas $DK, FL, \& EN$ non secent: erunt ergo semper anguli aliqui ex radiis opticis & cylindri lateribus $DK, FL, \& EN$ constituti: quo fiet, vt radij optici ambitum basis cylindricæ præteruerti, latera cylindri numquam attingant. Quare visu cum axe cylindri producto incidente, nil præter basin conspicuum est, quod erat demonstrandum.

Potest hoc ipsum theorema vniuersaliùs hoc modo proponi: Visu normaliter in basin cylindri incidente, nil præter basin spectari potest.

Opticus radius prolapsus à visu A normaliter in basin cylindri incidat, siue ad signum B, vt priùs, siue ad aliud quodcumque, puta D. Assumptis verò in basin perimetro quocumque punctis puta E & F, ad hæc ex D rectæ ducantur lineæ DE & DF: quoniam igitur anguli ADE & ADF recti sunt per 3. definitionem vndecimi Euclidis, erunt per 32. primi Euclidis DEG & DFH rectis maiores. è quibus si auferantur DEK & DFL, recti illi quidem per cylindri definitionem, relinquentur GEK & HFL rectis minores: quorum latera cum in E & F concurrant, indeq; à cylindri superficie longiùs semper abducantur, fieri nequit, vt radiis AE vel AF vlla cylindri pars, excepta basi, conspiciatur, sed neque vllis aliis radiis id fieri poterit, quòd idem in ceteris quibuscumq; radiis demonstrando probari queat, ob communem omnium rationem iam explicatam. Palàm est igitur visu normaliter in cylindri basin incidente, nil eius præter basin spectari posse; quod erat demonstrandum.




PROPOSITIO CIII. THEOREMA.

Si radius opticus, qui vel axi parallelus est, vel eandem cum ipso rectam lineam efficit, intra cylindrum cadat, tota cylindri caua superficies apparet.



SIT visus A, vnde opticus radius AB axi parallelus intra cylindrum cadat: dico totam cauam cylindri superficiem ad spectui patentem esse. Assumpta enim in cylindri superficie præter basin recta quapiam linea CD, ad eius extrema ab oculo A radij adiungantur AC & AD: quoniam igitur AC & AD angulum continent, poterit is infinite diuidi, cum sit magnitudo quæpiam: qui verò ipsum diuidunt radij AE, AF, &c. in subiectam illi angulo basin CD incidant necesse est. Igitur vnumquodque punctum eorum quæ in linea CD insunt, spectari ex loco A potest. Idemque intelligendum est de ceteris omnibus lineis, quæ in longitudinem cylindri duci possunt: eadem enim facilitate ad illarum puncta radij ab A possunt pertingere, imò eò faciliùs, quò directiùs à visu A aspicientur quàm linea CD, in quam visus maximè ex obliquo incidit. Itaque quia omnes radij, ad singula harum linearum puncta attinentia, intra cylindrum cadunt, perspicuum est totam eius cauam superficiem spectabilem esse; quod erat demonstrandum.



CONVS.

LEMMA TION.


Radij, qui ab oculo ad conij superficiem tangentes euocantur, omnes vtrinq; in rectis lineis tactiones faciunt.

HÆc Sereni Antinensis est propositio 32. libri primi de cylindri sectione. Ex c inquam, vbi est oculus, radij educantur CD & CE, conum ex eadem ambo parte contingentes in D & E: dico eam, quæ per D & E in conij superficie ducitur, rectam

A rectam lineam esse. Ipsi namque AC ad rectos excitetur angulos CK, quæ in eodem sit plano cum basi conigh.

Per CK verò, & vtramque ipsarum CD & CE, quæ conum attingunt, plana extendantur conum secantia, quæque in conii superficie faciant lineas NDX & MEL. Sint

B autem sectionum dime-
tientes NX & ML, ad
quas ordinatim appli-
centur DO & EP, quæ in
alteram sectionis partem
producantur, cum qua
conueniant ad signa R &
S. Itaque quoniam CD




contingit peripheriam NDXR in puncto D, & eiusmodi sectio conii ostensa est ellipsis ab Apollonio libro primo propos. 13. erit vt NC ad CX, ita NO ad OX per 36. primi

C Apollonij: eademque ratione vt MC ad CL, ita MP ad PL: quare ea quæ PO connectit, producta in verticem conii incidit per ea quæ idem Serenus demonstrat propositione 31. libri primi. Ducatur igitur POB: quoniam DR & ES ipsi CK sunt parallelæ, etiam inter se parallelæ erunt per 30. primi Euclidis: quare in eodem cum PO plano per 7. vndecimi Euclidis: itaque planum per lineas PO, DR, & ES ductum, sectionem facit in superficie conii; quod quia per B conii verticem transit, erit ea sectio triangulum per 3. propos. libri primi Conicorum Apollonij: quapropter puncta D & E quæ in conii sunt superficie, erunt & in trianguli latere; quocirca recta est linea ipsa DE in conii superficie, sic & RS. Cumque in ceteris eadem sit demonstratio, perspicuum est omnes radios, qui ab oculo ad conii superficiem tangentes emittuntur, vtrimque in rectis lineis tactiones facere; D quod erat probandum.

PROPOSITIO CIV. THEOREMA.


In cono similes sunt omnium circularum portiones, quas oculus unico aspectu contuetur.

EST O oculus
A extra conum
datus, ac
circuli vnus
spectata por-
tio CDE: dico huic propor-
tione similes esse quotquot
reliquorum circularum por-
tiones sub eodem aspe-
ctum A cadunt. Sit enim
circulus alius quicumque,
eiusque spectata portio FGH,
quæ nimirum rectis lineis
FCB & EGB per longitudinem
conii ductis intercipitur;
hanc ipsi CDE similem esse
hunc in modum demonstretur:



Secetur conus duobus planis, vno per axem BDK, altero per verticem B, & loca contactuum C & E quo circuli CDE partem visam à non visa discriminat: quoniam igitur in cono omnes circuli inter se sunt paralleli, vt ex 18. definitione vndecimi Euclidis colligere licet, erunt GL & DM, nempe communes sectiones plani BDK, & circularum FGH ACCDE parallelæ per 16. vndecimi Euclidis. eodemque modo erunt parallelæ HF & EC

& E C, ex quo fit primò, vt æquales sint anguli G L H & D M E per 10. vndecimi Euclidis. A
 deinde fit, vt circû æquales
 hos angulos proportiona-
 lia sint latera : nimirum in
 triangulo B M D, vt B M ad
 B L, ita D M ad G L ; & in
 triangulo B M E, vt eadem
 B M ad eandem B L, ita
 E M ad H L per 4. sexti Eu-
 clidis. quare per 11. quinti
 Euclidis, vt D M ad G L, ita
 E M ad H L : ac propterea
 æquiangula sunt ipsa trian-
 gula D M E & G L H per 6.
 sexti Euclidis. Est igitur
 angulus M D E angulo L G H
 æqualis. Eodemque modo
 æqualis ostendi potest angulus L G F angulo M D C : itaque totus angulus F G H toto an-
 gulo C D E est æqualis per communem notionem. Sunt autem similia circularum seg-
 menta in quibus anguli inter se sunt æquales per 10. definitionem tertij Euclidis : igitur
 segmenta F G H & C D E, ac eodem modo cetera omnia, quæ oculus vnico aspectu con-
 tuetur, inter se sunt similia ; quod erat demonstrandum.



PROPOSITIO CV. THEOREMA.

*In cono vt se habet vnus circuli portio qua videtur, ad eam qua
 latet ; sic visa superficies cono, ad reliquam qua non apparet.*


PROPOSITIO hæc eodem prorsus modo demonstratur, quo nonagesi-
 ma sexta propositio huius libri. Vt enim cylindrus ex æqualibus, ita conus
 ex inæqualibus circulis mutuo sibi superpositis confurgit. Cùm itaque
 per proximè antecedentem propositionem similes sint inter se omnium
 circularum visæ portiones, manifestè consequitur has omnes ad reliquas
 partes quæ non videntur, eandem rationem habere : nam per quintam quinti Euclidis,
 Si magnitudo magnitudinis fuerit æquè multiplex, atque ablata ablata ; etiam reliqua reli-
 qua ita multiplex erit, vt tota totius. Quod ita in cono locum habet, vt si quam ratio-
 nem habet circulus ad circulum, eandem habeat pars circuli visæ ad partem circuli vi-
 sam : etiam reliqua pars non visæ, ad reliquam quæ non videtur eandem rationem ha-
 beat. Proinde qualis inest vno circulo partis visæ ad non visam proportio, talis erit su-
 perficiei cono visæ ad reliquam quæ oblitescit ; quod erat ostendendum.

PROPOSITIO CVI. THEOREMA.

*Si radius opticus ab externo oculo ad verticem cono destinatus
 cum axe acutum angulum effecerit, minor pars medietate cono
 videbitur.*

SIT oculus in A positus, eò inquam loci, vnde eductus ad B verticem cono
 radius cum axe B C acutum angulum A B C efficiat : nec tamen A B
 in conum incidat ; dico ex A minus quàm medietatem cono spectari.
 Ducatur enim A D axi perpendicularis per 12. primi Euclidis (id autem
 fieri posse perspicuum est, propterea quòd A B D angulum acutum esse
 supposuimus) ac per A D planum extensum intelligatur basi parallelum, quod proinde
 in cono superficie sectionem producet circulum, cuius centrum D per 4. primi Coni-
 corum Apollonij. Ad hunc ergo circulum si radij destinètur, qui ipsum contingant, A E
 & A G, hi per 60. propositionem libri huius minorem medietate portionem interci-
 pient. Sit autem illa E F G, atque ab E & G rectæ per cono superficiem exponantur, quæ
 ad verticem ac basim pertingant : in his omnes radij ab A ad conum tangentes ducti ta-
 ctiones

A ctiones faciunt, quia vt superiore lem-
 mario à nobis est præmonstratū, radij,
 qui ab oculo ad conum tangentes du-
 cuntur, omnes in rectis lineis ractiones
 faciunt: quare BH & BK portionē con-
 visam cōprehendent, atque à non visa
 secernent. Cū autem EEG semicir-
 culo sit minor per 60. huius, & quale
 est circuli segmentum EEG , talis sit
B tota conij superficies aspectui patens
 $BHLK$ ad reliquam quæ oblitescit;
 perspicuum est, si ducta ab externo
 oculo ad verticem conij acutum an-
 gulum cum axe effecerit, minus me-
 dietate conij esse quod spectatur; quod
 demonstrasse oportuit.




PROPOSITIO CVII. THEOREMA.

C *Si radius opticus axi ad verticem normalis fuerit, medietas
 superficiē conicæ excepta basi conspicietur.*



H STO inquam locus in quo oculus A , & qui ab eo ad verticem conij
 B radius ducitur
 AB , sit axi BC per-
 pendicularis: di-
 co ex loco A me-
 dietatem conicæ superficiē ex-
 cepta basi videri. In ipsa nam-
D que basi ex centro ducatur CD
 ipsi AB parallela (quod fieri
 posse perspicuum est, cū axis
 BC vtrique, nempe radio AB &
 basi sit perpendicularis) deinde
 per idem centrū C ducatur EF
 ad rectos ipsi DC angulos per
 11. primi Euclidis: ac rursus ab
 E & F in eodem plano, in quo
 basis, perpendiculares excitentur
E EG & FH per eandem 11.




primi Euclidis, quæ per 28. primi Euclidis parallelæ erunt cū inter sese, tum ipsi CD :
 quare per 9. vndecimi Euclidis ipsi quoque AB parallelæ erunt, quod nimirum AB sit
 parallela ipsi CD per constructionem. Cū igitur EG & FH sint positæ ipsi EF perpen-
 diculares, sitque EF acta per centrū basis; consequens est vt GE & HF basin conij tan-
 gant in punctis E & F per 16. tertij Euclidis; & vt portio basis EDF tangentibus com-
 prehensa sit semicirculus per 17. definitionem primi Euclidis.

Præterea iungantur EB & FB , ipsiſque ponantur æquidistantes AG & AH : quo-
 niam igitur æque distant AB & GE , quæ ad ipsas applicantur AG & BE in eodem erunt
F cum ipsis AB & GE plano per 7. vndecimi Euclidis. Sic & AH & BF cum AB & HF in eo-
 dem plano erunt. Cū verò planum $ABEG$ conum tangat in B & E , vtrique in tota re-
 ctâ linea BE ractionem faciet per lemmation paulò antè demonstratum: eodemq; mo-
 do planum $ABFH$ tanget conum in rectâ linea BF . Igitur in quacumque parte plani
 $ABEG$ oculus positus fuerit, terminabitur conij aspectus in rectâ linea BE , siquidem ra-
 dij omnes optici in eodem cum rectâ BE plano erunt. Similiter & altera ex parte visu in
 plano $ABFH$ ad quoduis eius signum constituto, terminabitur conij aspectus in rectâ li-
 nea BF eandem scilicet ob causam. Itaque si in communi vtriusque plani congressu,
 hoc est, in rectâ AB oculus statuatur, is vtramque lineam BE & BF attinget, aspectuque
 mediam conij partem comprehendet; quod erat demonstrandum.

PROPOSITIO CVIII. THEOREMA.

Si radius opticus ad Verticem conii pertinens obtusum cum axe angulum fecerit, nec in conium productus incidet, maior pars medietate conii apparebit.

RADIVS inquam opticus ab oculo A ad B verticem conii pertinens, si cum axe BC obtusum fecerit angulū ABC, aio maiorem partē medietate conii oculo representari. Producat enim AB versus partem B, vsque dum plano, in quo est basis, occurrat: sitq; congressionis signum D, à quo rectæ ducantur DF & DG, quæ basin contingant in punctis F & G, iunganturque AF & AG: quoniam igitur ADF triangulum est, erunt tria eius latera, imò & totum triangulum in vno plano per 2. vndecimi Euclidis: quare quæcumq; ab A ad FD pro-



tendentur rectæ lineæ, omnes in eodem trianguli ADF plano erunt; ac similiter quotquot ducentur ab A ad GD in eodem erunt plano cum triangulo ADG per eandem 2. vndecimi Euclidis. at planum ADF cōtingit conum in B & F: igitur radij omnes optici ab A per planum ADF ad FD educti, conum contingunt in recta linea BF per superius lemmation. Sic & qui ab A ad GD per planum AGD extendentur, conum in recta linea BG tangent: quocircà quacumque in parte plani AFD oculus statuatur, extremum conii, quod visus assequetur, erit linea BF: sicut in quavis parte plani AGD si oculus collocetur, extremum conii, quod videbitur, erit linea BG: igitur si in communi sectione vtriusque plani, hoc est in linea AB oculus positus fuerit, ad vtramque lineam BF & BG aspectus terminabitur, eritque pars conii visa BFHG: est autem hæc dimidio maior, siquidem basis segmentum FHG segmento FKG est maius, quod FKG propof. 60. huius ostensum sit minus. Est autem vt segmentum FHG ad FKG segmentum, ita superficiæ conicæ excepta basi pars BFHG ad partem BFKG per 105. huius. Itaque si radius opticus ad verticem conii pertinens obtusum cum axe angulū fecerit, nec cum latere conii in rectam lineam incidet, maior pars medietate conii apparebit; quod erat demonstrandum.


PROPOSITIO CIX. THEOREMA.

Si axis conii sursum productus centrum visus attingat, vniuersa superficies conii excepta basi spectabitur; apparebit autem circulus.

CONI inquam BDE axis BC supernè productus in centrū visus A incidat: dico ex A vniuersam conii superficiem basi excepta spectari, quod scilicet nullum in ea punctum existat, à quo ad oculū non liceat rectam lineam ducere. Sit enim acceptum in ea quodcumque punctum F, ducaturque à vertice conii per F recta ad basin vsque protensa BG, & AF, AG iungantur: quoniam ABG triangulum est, cuius basis BG, vertex autem A, licebit à vertice ad quoduis punctum basis, atque etiam ad punctum ipsum F rectam lineam ducere; quæ producta conii solidum penetrabit, & cum basi concurret ad punctum H. Liber igitur est puncti F ex loco A prospectus. Cumque eodem modo in ceteris institui queat demonstratio, perspicuè liquet ex A vniuersam conii superficiem basi excepta spectari; quod primò erat propositum.

Quòd

- A** Quòd autem ex A spectata conì superficies vt circulus appareat, ex 62. huius probari potest. Cùm enim visus in linea ex centro basis perpendiculariter erecta sit cõstitutus, constat per eandem 62. huius omnes basis dimetientes æquales apparere : atque ea propter conì etiam basin vt circulum videri necesse est, ex quo denique & illud necessariò efficitur, vniuersam conì superficiem circuli in modum aspectui apparere, siquidem eius aspectus ad basis perimetrum circumquaque terminatur, nec enim vlla recta linea à oculo A ad extimam basis circumferentiã duci potest, quæ extra conì superficiem excepta basi non cadat : quoniam igitur totius superficiè conicæ prospectus intra spectatum basis ambitum incidit, illa profectò vt circulus apparebit; quod secundo loco propositum fuit.




PROPOSITIO CX. THEOREMA.

- C** Si latus conì supernè productum in centrum visus incurrat, tota conì superficies sub aspectum cadet; videbitur autem ellipsis.



LATVS conì BD supernè productum, in A centrum visus incidat : dico igitur primò lineam BD puncti instar spectari, quod attestatur propositio 15. huius : deinde dico reliquam omnem conì superficiem, excepta basi, sub aspectum venire; quòd nimirum, vt in superiore propositione, nullum

- punctum in ea notari queat, à quo non liceat rectam lineam ad oculum ducere, per quam proinde eius aspectabilis forma ad obtutum perferatur. Sit enim in superficie conì præter basin extra lineam BD acceptum punctum F quodcumque, ducaturq; per F recta à vertice B ad basin linea BE : hæc in lineam BD neutiquam incidet, quòd F extra ipsam BD sit acceptum : igitur AB & BE duæ erunt distinctæ lineæ angulum continentés ABE . Sed & AE ab vtraque diuersa est linea, quippe quæ vtriusque extrema connectit, angulumque ABE subtendit, igitur AE triangulum claudit ABE . Cùm verò à quouis signo lateris BE ad oppositum angulum BAE rectam lineam ducere liceat, etiam ab F ad A rectam porrigere concedetur, quæ longiùs protensa conì solidum peruadet, & ad basin vsque pertinet ad signum H ; siquidem & ADE triangulum est, in cuius plano est ipsa BE . Per hanc ergo forma puncti F ad aspectum in A positum transcribi poterit, quæ obtutum ad sui dignotionem permoueat. Hæc porrò demonstratio, quia in ceteris omnibus punctis superficiè conicæ, excepta basi, eandem habet ostensionem, palàm est, si latus conì supernè productum in centrum visus incidat, vniuersam conì superficiem aspectui pate-
Fre; quod demonstrare oportebat.



Iam quòd ellipsis appareat spectata hoc modo conì superficies, hinc ostendi potest, quòd ita basis propter obliquitatem aspectus appareat ellipsis per 66. propositionem libri huius. Cùm ergo eadem sit apparentis superficiè conicæ & basis circumscripção ac periphèria, necesse est ipsam superficiem eius formæ apparere, cuius apparet basis : at basis vt ellipsis spectatur, vt iam iam ostensum est: igitur & ipsa conì superficies apparet ellipsis; quod erat probandum.

PROPOSITIO CXI. THEOREMA.

Si radius opticus ad conicū verticem ductus in basin incidit, hac sola videbitur; apparebit autem nunc circulus, nunc ellipsis.



IT CONUS ABC , & sub ipso constitutus oculus in D , eo scilicet loci unde educta ad verticem A recta linea in basin incidat. Aut igitur ea quæ ex D ad verticem conicū exporrigitur; in ipsam cadet basis peripheriam, aut sanè eius planum penetrabit.

Cadat verò primùm in ipsius basis ambitum, exempli gratia, ad signum B , sumaturque in eadem circumferentia quodcumque aliud punctum, puta E , ad quod ex A & D rectæ protendantur AE , quæ quidem in superficie conicæ erit, & DE , quæ triangulum ADE claudet. Et quoniam triangulum ADE conum secat per verticem, estque BE communis sectio trianguli & basis, perspicue patet nullam posse rectam lineam ex D ad AE produci, quæ ipsam BE non secet, quandoquidem BE in eodem sit cum triangulo ADE plano. Quare & basin conicæ secabit quicumque ex D ad AB opticus radius incidit. Ergo tota AE aspectui eripitur: sed & ceteræ omnes quæ à vertice ad quoduis punctum circumferentiæ basis extendi possunt, à visu subducuntur: igitur sola basis ex loco D spectabilis est.

Cadat iam recta ex D ad verticem conicæ protensa intra ipsam basis circumferentiam ad punctum F , sumaturque ut priùs in circumferentia punctum quodcumque, exempli gratia C , iunganturque AC & DC . Quoniam itaque triangulum ADC conum secat per verticem, eiusque & basis communis sectio est FC , omnes etiam radij ex D ad AC producti ipsam FC secabunt, quòd scilicet FC in eodem sit plano cum triangulo ADC : quare iidem radij secabunt & basin; siquidem FC in eodem quoque est plano in quo & basis. Igitur nulla pars lineæ AC ex loco D videri potest. Cumque eodem modo si aliud quodcumque punctum in basis perimetro assumatur, ostendi possit, eam lineam quæ ab ipsa ad verticem per conicæ superficiem extenditur, penitus oblitescere; rectè concluditur, si radius opticus ad conicæ verticem ductus in basin incidit, solam basin spectari.

Porrò si radius opticus ad verticem conicæ ductus in centrum basis rectis incidit angulis, circulus ipsa basis apparebit per 62. propos. libri huius; sin autem, ellipsis per propositionem 66. quæ omnia propolita fuerant demonstranda.


PROPOSITIO CXII. THEOREMA.

Oculo per planum, in quo est basis conicæ, propius accedente, minor conicæ superficiei portio conspicitur; videtur autem maior.



CVLVS inquam A in eodem plano, in quo & basis conicæ GKF incidat, & in E cono propinquior sit quàm in A : dico ex loco E minorè conicæ portionem spectari quàm ex A . Nam per 83. propos. huius libri constat, si ex A & E ad basin contingentes ducantur, ex A quidem AG & AF ; ex E verò EC & ED , minorem fore basis portionem CKD , quæ ex E spectatur quàm GKF , quæ videtur ex A . At propositione 105. huius ostensum est, ita se habere superficiei conicæ portionem visam ad reliquam quæ latet, quemadmodum se habet vnus circuli (vt est hoc loco basis) segmentum visum ad reliquum quod non videtur. Igitur vt basis segmentum CKD ad reliquum segmentum CLD , ita conicæ superficiei portio $BCKD$ ad reliquam $BCLD$. Quare per 18. quinti Euclidis, & componendo, vt basis segmentum CKD ad CLD vna cum eodem CKD , hoc est ad totam basin, ita superfi-

A superficiē conicę portio $BCKD$ ad totam superficiem, excepta basi. Ac rursus componendo, vt basis segmentum GKF ad basin totam, ita superficiē conicę portio $BCKF$ ad totam coni superficiem: conuertēdo autem, vt tota basis ad segmentum CKD , sic tota superficies coni præter basin ad eius partem $BCKD$: & vt tota basis ad segmentum GKF , ita superficies tota ad partem $BCKF$. Igitur per II. quinti Euclidis, vt segmentum CKD ad GKF



segmentum, ita superficiē conicę pars $BCKD$ ad partem $BCKF$; & permutando, vt basis segmentum CKD ad superficiē conicę portionem $BCKD$, ita GKF segmentum basis ad $BCKF$ conicę superficiē portionem: sed segmentum CKD segmento GKF minus est per superius citatam 83. propositionem huius: quocirca per 14. quinti Euclidis & superficiē conicę portio $BCKD$ quæ ex E conspicitur, minor est quàm $BCKF$ quæ videtur ex A . Visu itaque in eodem plano in quo basis incedente, conoquę appropinquante, minor portio superficiē excepta basi conspicitur; quod erat demōstrandum. Videtur autem è propinquiori loco visa portio superficiē conicę maior quàm è remotiori: siquidem planorū BEC & BED diuaticatio maior est quàm planorū BAG & BAF . Vti enim AG & AF arctius cōstringuntur, ita & plana BAG & BAF propius ad se mutud inclinantur: at quia plana BEC & BED , quorū bases EC & ED ampliori spatio diuelluntur, maiorem quoque spatij amplitudinē continere necesse est; ac proinde portionē quoque conicę superficiē $BCKD$ quàm $BCKF$ maiorem apparere; quod erat probandum.

PROPOSITIO CXIII. THEOREMA.


Oculus per eundem radium opticum ad Verticē coni exporrectum incedens, eandem semper conica superficiē portionem intuetur.

E **S**T O coni vertex B , subiectaque basis CDE , & axis BL ; oculus verò A , vnde ad verticem recta protensa sit AB : dico visu


in lineam AB transmutato æqualem semper conicę superficiē portionem spectari. Ab A namque ad basin contingentes educantur AC & AE , quod fieri quidem poterit per 17. tertij Euclid. si oculus in eodem sit cum basi plano; sin minus, secetur conus per A plano quod basi sit parallelum, faciatq;

in cono sectionem circulum, ad quem ex A , vti dictum est, contingentes euocentur AC , & AE : ab ipsis autem contactibus C & E ad verticem rectæ procedant CB & EB , quæ vnâ cum tangentibus ipsâque AB duo triangula perficient, nempe ACB & AEB , quæ quoniam ambo per A & B transeunt, erit communis vtriusque sectio recta linea AB per 3. vndecimi Euclidis. Quoniam itaque AC & AE basin contingunt in C & E , constat portionem superficiē conicę ex A spectatam esse $ACDE$, quæ tangentibus continetur.

Si ergo visus in F aliudve quodcumque punctum lineæ AB transferatur, dico eandem



dem conicę superficię por-
tionem B C D E conspici. Per
F namque planũ extendatur
basi parallelũ, quod in cono
sectionem faciat circulum,
cuius centrũ M per 4. primi
Apollonij: cũ itaq; paral-
lela plana A C E & F G K pla-
no secetur A E B, erunt com-
munes sectiones A E & F K
rectę lineę parallele per 16.
vndecimi Euclid. Eodemq;
modo parallelę ostendetur
A C & F G, communes nĩ-
rum sectiones parallelorum



planorũ A C E & F G K, trianguliq; A C B Rursus eandem ob causam parallelę erunt C L
ipsi G M, & E L ipsi K M. Igitur per 10. vndecimi Eucl. æquales sunt anguli F G M ipsi A C L,
& F K M ipsi A E L: at A C L & A E L recti sunt per 18. tertij Eucl. quocircã & F G M, F K M
recti erunt, ac proinde F G & F K circulũ contingent in G & K per 16. tertij Euclid. Quare
cũ eę quę à vertice B per G & K ad basin vsque extenduntur, rectę lineę eadem illę
fint, quę ante ex C & E ad verticem perductę fuerant; erit quoque eadem conicę super-
ficię portio, quę ex F & quę ex A spectatur. Est verò in ceteris stationibus oculi per li-
neam A B transmutati eadem demonstrandi ratio. Igitur quacumque in parte lineę A B
oculus substituerit, eandem semper conı portionem videbit; quod erat demonstradum.


PROPOSITIO CXIV. THEOREMA.

*Quò radius opticus ab externo oculo ad verticem conı destinatus
maiořem cum axe angulum fecerit, nisi in conum ipsum incide-
rit, eò maioř erit conicę superficię portio, quę sub aspectum cadet.*



ONVS A B C, cuius axis A D, secetur triangulo per axem A B C; eiusq; trian-
guli alterum latus A C infernè versus E, alterum verò A B supernè G versus,
in infinitũ producantur. Patet igitur per 10. prop. huius lib. è quavis parte
lineę A B nihil conicę superficię videri præter rectam lineam A C, quę
vt punctum apparet; è quacumque autem parte lineę infinitę A G præter

solam lineam A B totam conı superficiẽ conspici. Con-
stat prætereà ex 107. propof. huius, si ex A perpẽdicularis
axi A D excitetur A F, è qua-
cumque parte lineę A F me-
dietatem conicę superficię
spectari. Rursus propof. 106.
huius ostensum est, ex omni
parte radorum qui infra A F
ad conı verticẽ protrahun-
tur, vt sunt A H & A K, &c.
portionem cerni conicę su-
perficię medietate minoře,
siquidem hi omnes cum axe



angulum faciunt recto minořem: sunt enim omnes recti anguli F A D partes. At ex ra-
dijs A L & A M, qui supra lineam A F attolluntur, maiořem medietate conicę superficię
comprehendi ex propof. 108. huius liquet, quòd nimirum hi omnes angulos faciant
cum axe obtusos, recto scilicet F A D maiořes.

Restat itaque vt inter se conferantur illę etiam lineę, quę vel supra perpẽdula-
rem A F, vel infra eam sunt. Quamobrem dico ex lineam A H maiořem conicę superfi-
cię portionem spectari quàm ex A K; & ex A M maiořem quàm ex A L; quòd videlicet
angulo

A angulo DAK angulus DAH fit maior; itemque maior angulus DAM quam DAL ; quæ iam sigillatim per se sunt enucleanda.

Ac primò quòd ex quavis parte lineæ AH , quàm ex quavis lineæ AK parte, maiorem conicæ superficiæ portionem videri contingat, sic demonstrabitur: BC , quæ & basis conicæ dimetiens est, & latus trianguli per axem ABC vertici subtensum, producatum versus C quoad lineas AK & AH etiam productis occurrat, sintque concurrentium linearum puncta H & K : quoniã igitur maior est angulus DAH angulo DAK , ut totus sua parte, erit & DH ipsâ DK maior, ut tota suâ parte. Sublata ergo cõmuni portiuncula DC , relinquetur CH quàm CK maior per communem notionem. Igitur per 83. huius ex H quàm ex K maior

B portio circularis perimetri conicæ basis apparebit: quare & maior portio superficiæ conicæ præter basin. Namque per 105. huius, in cono uti se habet basis portio quæ spectatur ad eam quæ latet, sic visa superficies conicæ, excepta basi, ad reliquam quæ non apparet.


Deinde quòd ex omni quoque parte lineæ AM quàm AL maior portio conicæ superficiæ conspiciatur, sic probabitur: Producantur MA & LA infinite, quibus CB similiter producta occurrat ad signa O & P : quoniam igitur anguli MAD & DAO duobus rectis sunt pares per 13. primi Euclidis, itemque LAD & DAP æquales duobus rectis per eandem 13. primi Euclidis, erunt duo anguli MAD & DAO , duobus LAD & DAP æquales. Ab his igitur si inæquales auferantur anguli, maior quidem DAM , & DAL minor ex hypothesi, relinquentur per vulgatum axioma inæquales, maior quidem DAP , minor verò DAO . Quare & his subiectæ bases DP & DO inæquales erunt, hæc minor, illa maior; à quibus si rursus communis portio detrahatur DB , relinquetur BP ipsâ BO maior: quocirca si ex P & O ad basin reliquamque conicæ superficiem contingentes ducantur, eductæ ex P maiorem portionem tum basis, tum superficiæ conicæ comprehendunt, quàm quæ ducuntur ex O per 83. huius: at quæ ex P , eam partem conicæ determinant, quæ oculo in linea AL posito occultatur, quæ verò ex O , eam definiunt partem, quæ oculum in linea AM constitutum latet. Cùm itaque aspectui in aliqua parte lineæ AM posito minor pars conicæ superficiæ subducatur, quàm constituto in linea AL , fit ut ex linea AM maior pars conicæ superficiæ videatur, quàm ex linea AL : atque ea propter quòd maior erit angulus quem radius opticus cum axe facit, eò maiorem fore necesse est conicæ superficiæ portionem quæ spectatur, nisi opticus radius in alterum latus trianguli per axem inciderit, quod erat demonstrandum.

Ex his colligi atque etiam demonstrari potest id quod nonnulli proponunt hoc modo:

CONSECTARIUM.

Æquali à cono distantia quo sublimius oculus attollitur, eò maiorẽ conicæ portionẽ videt; sed ea minor apparet: quo verò humilius deprimitur, eò minus est conicæ, quod spectatur, apparet autẽ maius.


E ESTO CONUS ABC , atque in eo triangulum per axem ABC , cuius lateri AC parallela ducatur DE , per quam oculus deportetur æquali semper à cono distantia: dico ex E loco eminentiore maiorem conicæ portionem spectari, quàm ex F loco demissiore; at quæ ex F cernitur, maiorem apparere eâ quæ ex E cõspicitur. Ducantur enim à vertice conicæ ad E & F , rectæ lineæ AE & AF , producanturque, quoad basis diametro BC productæ occurrant ad signa G & H , (concurrent autem, si quidem DE quàm AC minor fuerit, ut quivis demonstrare facile poterit) & quoniam



maior est angulus CAG angulo CAH , erit & CG ipsâ CH sua videlicet parte maior: itaque G longius à cono distat quàm H : quare per 12. proposit. huius ex G maior conicæ

portio videtur quàm ex H: at per 13. huius eadem apparet conì portio ex E quæ ex G, eademq; ex F quæ ex H. Igitur maior est conì portio quæ ex E spectatur, quàm quæ ex F. apparet autè hæc illâ maior; siquidem vt ex demonstratione propof. 13. huius euinci potest, pars conì spectata ex E æqualis apparet ei quæ ex G, & quæ ex F cernitur ei quæ ex H æqualis: sed quæ ex G aspicitur minor appa-

ret eâ quæ ex H per 12. propofit. huius: igitur & quæ ex F, eâ quæ ex E, maior apparet, quod erat demonstrandum.



FALLACIAE ASPECTVS CIRCA LOCVM.

PRIVS quàm ad Loci fallacias accedamus, perutile visum est, loci proprii atque alieni naturam definitionemque explicare. Proprius is locus dicitur, in quo res ¶ videtur ¶ est. Alienus verò is, in quo res videtur quidem, sed in eo minimè existit. Fit autem subinde vt res alio appareant loco ab illo cui reipsa assistunt: quod non modò radiorum flexu aut imaginum repulsione accidit, verùm etiam recta radiorum euibratione. hunc proinde locum phantasticum seu apparentem nuncupamus.

Per spicuum porrò ex hac definitione est vnius rei vnum tantum esse posse locum proprium, plura verò esse posse apparètia. Nam pluribus simul in locis reipsa existere nulla res suapte vi potest; quare nec pluribus simul propriis in locis videri: posse autem pluribus phantasticis in locis eandem rem spectari, specula in primis testatum faciunt: siquidem vna eademque res toties numero multiplicari videtur, quot specula sunt, à quibus imago ipsius repercussa diuersis lineis in oculum relabitur. Deinde per vitra pluribus planis calata, res vna toties numeratur, quot vitrum superficies habet, à quibus radij simulachro rei affecti ad obtutum infringuntur. Hoc ludicri genus est, quo cataphractus miles insignem armorum aciem exhibet; numusq; aureus congestum aureorum aceruum ostendit, cupidorum oblectamentum, ac lucerna vna multis numero æqualis impensius lumen transfundit. Sed de his in Catoptrici Dioptricique plura: nunc id ostendisse sufficiat, præter locum proprium qui vnicus est cuique rei plurima apparentia esse posse.

PROPOSITIO CXV. THEOREMA.

Res qualibet in ea horopteris parte conspicitur, vbi ipsum radius per rem ductus attingit.



DVPLICI ex capite pendet huius propof. demonstratio. Primum est, id omne quod videtur in illo radio apparere, per quem eius species in oculum inuehitur, quod iam lib. 2. hypothefi 3. vt sensui ac per se notum concedi postulauimus: alterum est, eam esse horopteris naturam ac conditionem, vt omnium quæ sub intuitum cadunt, phantasias excipiat, locaque singulis vera vel apparentia assignet; quod eodem libro secundo fusius est explicatum.

A Ex quibus sanè id quod propositum est, facilè concluditur. Nam duabus rectis lineis sese secantibus (horoptere inquam radioque optico) in quatum vtraque locum rei existere probatum iam sit; fieri nequit, vt is alia in parte sit, quàm vbi ex lineæ communi signo congregiuntur, ac mutuo sociantur complexu. Hoc autem nusquam alibi accidere potest, quàm vbi horopterem radius opticus, qui per rem ducitur, attingit, productusque interfecat. Hic igitur locus est apparentis obiecti; quod erat propositum.

PROPOSITIO CXVI. THEOREMA.

B *Vno oculo, res vna vnico spectatur loco.*



HÆC propositio ex iisdem proximè citatis hypothefibus, velut confectaria infertur. Quoniam enim in ea horopteris parte spectatus rei locus existit, vbi ipsum radius opticus per rem ductus interfecat; nec potest recta linea pluribus in locis quàm vno, rectam lineam secare: consequens est, vt res vna, vno oculo, vnico appareat loco: siquidem ab vno oculo per eandem rem vnus dumtaxat radius educi potest, qui horopterem vnico fecet loco. Quare cum pluribus locis quidpiam spectatur, id duorum oculorum intuitu contingit; quorum vnus rem vno, alter altero loco intuetur.

C Porro hæc de aspectu directo sunt intelligenda. etenim repercussione aut infractione optici radij fieri omnino potest, vt vna res visibilis, vno oculo pluribus locis aspiciatur; vno quidem proprio, reliquis autem alienis. Verùm hic cernendi modus ad præsens institutum minimè pertinet: nam de illo tantum agimus, qui per simplex sit medium.

PROPOSITIO CXVII. THEOREMA.

Plura vno spectata radio, eodem apparent loco.



D **Q**UÆ namque per 3. hypothefin libri secundi res quælibet in illo apparent radio, quo eius species ad aspectum defertur, in eaque eius parte per 115. propos. libri huius, qua horopterem attingit; perspicuum est, si plures res aspectabiles in eundem radium incidant, vno eodemque loco omnes apparere, illo scilicet vbi radius cum horoptere congregitur: siquidem non in pluribus locis quàm vno sese horopter radiusque opticus interfecant, ne aduersus Euclidis duodecimam communemque sententiam; duæ rectæ lineæ spatium concludant. Quamuis verius dixerim plura in eodem radio constituta non tam eodem loco, quàm non diuersis locis spectari. Si enim alio atque alio loco singula viderentur, oporteret singula singulis radiis sui imaginem ad organum destinare, quod hypothefi repugnat, quia in eodem radio omnia collocata esse supponuntur. Quare id solum E quod oculo proximum est videtur, ceteris post eius densitatem latentibus atque ab aspectu prohibitis.

PROPOSITIO CXVIII. THEOREMA.

Vnumquodque eorum, qua in horoptere existunt, vno cernitur loco.




F **P**ROPOSITIO hæc in hunc modum colligitur: Quidquid in horoptere existit, id proprio apparet loco: at quod proprio, id profectò vno loco cernitur; igitur quodcumque in horoptere existit, vno spectatur loco. Propositio ita probatur: Id proprio videtur loco, quod ibi est vbi apparet: sed per 49. propositionem libri secundi, omne quod videtur, seu verum seu apparentem locum in horoptere obtinet: si itaque in eodem horoptere res ipsa sit quæ videtur, vt supponitur, proprius erit is locus, vbi spectatur id quod in horoptere existit. Assumptio verò ex eo confirmatur, quòd vnus rei vnus tantum proprius locus esse possit. Cum enim proprius cuiusque rei is locus sit, in quo res simul apparet & est; nequeat verò vna eademque res naturæ conditione in pluribus simul locis existere, nec in pluribus

ſimul locis, iisque propriis, videri poterit. Quocirca probatum relinquitur quod propoſitum, vnumquodque eorum quæ in horoptere exiſtunt, vno dumtaxat loco ſpectari.


PROPOSITIO CXIX. THEOREMA.

Res vna extra horopterem conſtituta, vtroque viſu geminis locis diſtincta apparet.

SINT duo centra oculorum A & B, quorum acies in horopterem CD dirigantur, coeantque ad ſignum I per opticos axes AI & BI: extra horopterem verò ſumatur punctum quodcunque, exempli gratia F, ad quod radij deſtinentur AF & BF: hos inquam productos in diuerſa loca, horopteris incidere eſt neceſſe: nam ſi in idem punctum incidant, puta I, & quidem punctum F inter horopterem ipſoſq; viſus aſſumptum ſit, qui per F ad cõmune ſignum I producentur radij AFI & BFI, habebunt vnum & idem ſegmentum FI commune, quod omnium notioni aduerſatur. Cùm itaque radij optici F & BF ad horopterem protenſi diuerſa capeſſant loca G & H; dico ſignũ F duobus in his locis, G ſcilicet & H ſpectari: in G quidem à viſu A, in H verò à viſu B. Cùm enim per 115. ſuperiorem prop. in eà horopteris parte vnumquodque conſpiciatur, vbi horopterem radius opticus per rem ductus attingit; contingat verò radius AF productus horopterem in G, & BF radius productus eundem attingat in H; manifeſtè ſequitur ſignum F ab oculo A in G, & ab oculo B in H ſpectari; quod erat demonſtrandum.




Si verò punctum F vltra horopterem aſſumptum fuerit, ſimili modo oſtendentur radij AF & BF per diuerſa puncta horopteris tranſire. Si enim vnum idemque ſit punctum, exempli gratia I, quo radij ab oculis A & B ad propoſitum ſignum F ducti, horopterem interſecant, iam vt prius rectæ duæ lineæ AIF & BIF ſegmentum IF commune habebunt; quod cùm fieri nequeat, conſequens eſt vt radij optici ad punctum F vltra horopterem aſſumptum deſtinati, ipſum horopterem duobus in locis ſecent, ac proinde per ea quæ proximè demonſtrata ſunt, vt eadem res vltra horopterem conſtituta, duobus in locis G & H appareat; quod etiam demõſtraſſe oportuit.



PROPOSITIO CXX. THEOREMA.

Duo ſigna extra horopterem in axibus optiſis conſtituta, duobus viſibus tribus numerantur locis; quorum medius in axium concurſum incidit, è duobus effectus vnus.


DVORVM oculorum A & B axes optici, AE & BE in horopterẽ CD procidant ad ſignum E, ſintq; in eiſdem axibus aſſumpta duo ſigna F & G: hæc aio tribus locis numerari I, E, & H, quorum medius in axium concurſum incidit, è duobus vnus effectus: nam ſignum G à viſu A in loco H conſpicitur, ea ſcilicet horopteris parte, quam radius ab oculo A per G ductus attingit per 115. propoſ. libri huius: ſignum verò F à viſu B in I cernitur, eandem nimirum




rum

Arum ob causam; atque ita duo habentur loca, I & H : tertius autem in E axium optico-
rum congressione existit ex duobus compositus: nam F
quidem à visu A , G verò à visu B , eodem in loco E conspi-
ciuntur, attestante eadem 115 . propos. huius; quòd nem-
pe axes optici per F & G ad horopterem producti, in eo-
dem puncto E conueniant, vbi vtrique signo commu-
nem locum præscribunt; quod erat probandum.

B Simili prorsus modo ostendetur propositum, si signa
 F & G vltra horopterem assumpta fuerint, in opticis ni-
mirum axibus $A E$ & $B E$ longius productis: nam radij $A G$
& $B F$ horopterè duobus in locis interfecantes, duo in pri-
mis, eaque extrema loca H & I definiunt: medius verò E
ex duobus, quos axes $A F$ & $B G$ designant, vnus efficitur.
Vti enim axes, sic loca ipsa in E conueniunt; propterea
scilicet, quòd E sit vtriusque axis & horopteris commu-
nis sectio: quæ omnia ex superiore propositione 115 .
nullo negotio demonstrari possunt.




C Rursus idem omnino eueniet, si conspicua signa F & G non iam in axibus $A E$ & $B E$,
sed in quibusuis aliis radiis opticis
in horoptere concurrantibus, as-
sumpta fuerint. Radij namque $A K$
& $B K$ in horoptere congregiantur
ad punctum K , in eis que assuman-
tur signa F & G , per quæ radij agan-
tur $A H$ & $B I$: erunt itaque per
 115 . superiore propositionem H
& I extrema loca, in quibus F & G
conspiciuntur, nimirum G à visu A ,
& F à visu B ; medius verò erit K , è
D duobus conflatus. siquidem F à visu
 A , & G à visu B , in eodem loco K spectantur, quòd K sit vtriusque radij & horopteris
communis intersectio.



PROPOSITIO CXXI. THEOREMA.

*Res dua in eundem incidentes radij extra horopterem assum-
pta, tribus locis conspiciuntur, è quibus alter extremorum ex
duobus efficitur vnus.*

E**R**POSITIS visibus A , B , & horoptere CD vt suprà, sint res duæ spectabi-
les F & G , extra horopterem quidem, sed in eodem radio $A I$ assumptæ:
has dico tribus locis
spectari, vno quidem I
à visu A , vbi vtriusque
 F & G phantasia in vnum conuenit;
duobus verò à visu B , nimirum E & H :
quæ omnia ex suprà demonstratis,
partim hoc capite, partim libro se-
cundo propos. 49. manifestè possunt
demonstrari. Siquidem quia B extra
vtrumque punctum F & G , neque in
eamdem cum ipsis lineam cadere
supponitur, necesse est ex B eductos per F & G radios ad diuersa puncta horopteris ter-
minari. Si enim in eodem, verbi gratia K , iam duæ rectæ lineæ $B F K$ & $B G K$ spatium
concluderent, quod communi notioni aduersatur: ergo in diuersa puncta horopteris
radij $B F$ & $B G$ producti finiuntur. At enim cum per 115 . propositionem libri huius in
ea horopteris parte vnaquæque res locum sortiatur, quam radius per ipsam ductus at-
tingit, consequens fit, vt res duæ F & G à visu B distinctis spectentur locis; à visu autem




A vno eas loco cerni iam supra est demonstratum propositione 117. ergo duæ res in A eundem incidentes radius duobus visibus tribus locis conspiciuntur; quod erat propositum demonstrare.

PROPOSITIO CXXII. THEOREMA.

Duo signa extra horopterem assumpta, nisi vel ambo in eundem, vel singuli in concurrentes ad horopterem radios incidant, quatuor numerantur locis.



V A B V S proximè explicatis propositionibus duo ostensi sunt modi, quibus res duæ à duobus oculis tribus in locis conspiciuntur, eam scilicet ob causam, quòd duo loca in vnum confluant. At modò vniuersè pronuntiamus, extra duplicem illum casum res duas à duobus oculis quatuor locis distractas videri. Id enim postulat ratio conditioque aspectus, vt vnaxque res à duobus oculis spectata in horoptere gemina loca capeffat per 119. huius. Etenim à duobus oculis per idem signum, exempli causa F, duo radij euocari possunt, qui ad horopterem producti, signum ipsum F in duobus locis conspiciendum exhibent E & I: ac eodem rursus modo per signum G educi à duobus oculis radij ipsum in horoptere duobus aliis locis repræsentant H & K. Itaque F & G à duobus oculis A & B, quatuor locis E, H, I, & K cernuntur; quod erat demonstrandum.




PROPOSITIO CXXIII. THEOREMA.

Si communis radius ei qua centra visuum connectit normalis fuerit, & in eo statuta res vna duobus appareat locis, phantasia equali spatio ab axium concursu re ipsa distabunt, & distare videntur.



IT inquam res vna E, qua in communi radio FH normali ei qua centra visuum connectit AB constituta, duobus appareat locis C & D per 119. huius: aio in primis apparentialoca C & D ab H axium concursu æquali interuallo distare. Cum enim parallelæ sint AB & CD per 10. definitionem libri secundi, erunt intra illas secantium se AD & FH portiones, tum inter se, tum basibus proportionales per 11. & 12. lemma; & si per communem illarum sectione E, alia quepiam recta linea acta sit FH, que parallelarum interceptas portiones diuidat, erunt & harum segmenta similia per 13. lemma.



Nam æquales quidem erunt anguli EAF & EDH per 29. primi Euclidis: æquales item anguli AEF & DEH per 15. primi Euclidis: ac demum anguli AFE & DHE æquales, quippe ex hypothesi recti. Sunt ergo triangula AEF & DEH æquiangula, atque ea propter per 4. sexti Euclidis eorum proportionalia sunt latera. Eodemque modo ostendi possunt triangula BEF & CEH æquiangula esse, ac latera habere proportionalia: quocirca vt AF ad FE, ita DH ad HE: rursusque vt BF ad eandem FE, ita CH ad eandem HE. Igitur per 22. quinti Euclidis si binæ in eadem ratione sumantur, erit ex æquo vt AF ad DH, nempe prima ad tertiam, ita BF ad CH, videlicet quarta ad sextam. Alternatim

A natim verò per 16. quinti Euclidis; vt AF ad BF ; ita DH ad CH : at AF ipsi BF æqualis est ex hypothesi: itaque per 14. quinti Euclidis erit & DH ipsi CH æqualis; quod primo loco erat demonstrandum.

Deinde quòd æquales etiam appareant DH & CH , ex angulorum DAH & CBH æqualitate demonstrabitur. In triangulis enim DAH & CBH æquales in primis ostenduntur anguli AHD & BHC . quoniam enim parallelæ sunt AB & CD per 10. definitionem libri secundi, sintque anguli AFH & BFH ex hypothesi recti, erunt & DHF , CHF recti per 29. primi Euclid. ac propterea æquales per vulgatũ axioma. Sunt verò & AHF , BHF æquales per 4. primi Euclidis, quòd nimirum in triangulis AFH & BFH circum **B** æquales angulos rectos æqualia consistant latera AF ipsi FB , & FH commune vtrique. Igitur si angulus AHF adiungatur angulo FHD , & angulus BHF angulo FHC , erunt compositi anguli AHD & BHC æquales per communem notionem: at circum hos æquales angulos æqualia latera existere perspicuũ est, AH scilicet æquale ipsi BH per 25. libri secundi; DH verò ipsi CH ex iam demonstratis priore huius propositionis parte. Itaque per 4. primi Euclidis, & angulus DAH angulo CBH est æqualis: ac proinde æqualis apparet CH ipsi DH ; quod erat demonstrandum.

PROPOSITIO CXXIV. THEOREMA.


C At obliquato aspectu, cum res una in communi existens radio duobus apparet locis, phantasia pari quidem intervallo ab axium concursu distant; at minus illud videtur, quod obliquioribus radiis comprehenditur.

D **R**EPOSITI siisdem quæ supra visibus A & B , ac solo aspectu in obliquum mutato, sit communis radius FH obliquis angulis in eam quæ centra visuum connectit AB incidens, resque visibilis E in C & D ambobus visibus conspiciatur: dico in primis DH & CH , spatia inquam, quibus phantasiæ ab axium concursu distrahuntur, æqualia reipsa esse. Quod eadem om-

nino demonstrandi forma probari potest, quæ prior pars superioris propositionis confirmata fuit.

Minorem verò apparere intercapedinem CH obliquioribus radiis BC & BH comprehensam quàm DH , ita demonstrabitur: Producta BA , fiat AG ipsi DH æqualis,

cumque DH & AG sint parallelæ ex hypothesi, erunt & AD , GH parallelæ per 33. primi Euclidis. Rursus quoniam AG æqualis iam posita est ipsi DH , & eidem DH antè ostensa est æqualis CH , erunt CH & AG per communem notionem æquales. Sunt verò & parallelæ ex hypothesi; igitur per eandem 33. primi Euclidis, quæ has connectunt AH & GC parallelæ quoque erunt. Quocirca cum recta GH in parallelas incidat, rectas lineas AH & GC ea efficiet alternos angulos CGH & GHA æquales per 29. primi Euclidis: ac eodem modo cum AH in parallelas incidat GH & AD , erit angulus DAH , eidem angulo GHA , utpote alterno, æqualis per eandem 29. primi Euclidis: itaque æquales inter se sunt anguli CGH & HAD . Sed minor est angulus CBH angulo CGH per 7. lemma huius, quòd scilicet eidem ambo insistant basi, ac in eisdem sint parallelis CD & GB : at obliquiores sint radij BC & BH quàm GC & GH : igitur angulus CBH angulo quoque HAD minor erit, ideoque minus apparebit intervallum HC quàm HD ; quod demonstrasse oportuit. Atque hanc ipsam aspectus diuersitatem in ceteris quoque signorum phantasiis vsu venire necesse est, quoties communis radius ad horopterem oculorumque distantiam obliquus existit, vt ex iam demonstratis perspicuum relinquitur.




PROPOSITIO CXXV. THEOREMA.

Si rursus communis radius connectenti centra visuum normalis fuerit, duoq; signa in axibus pari intervallo ab illorum concursu assumpta tribus appareant locis, tres phantasia aequè ab invicem distabunt, & distare videbuntur.



ESTO communis radius GK normalis ei quæ iungit centra visuum A, B , axesque optici AG & BG in horoptere congregiantur ad punctum G , à quo pari intervallo distent signa C & D in axibus assumpta. Hæc inquam, tribus conspicientur locis per 120. propof. lib. huius; nempe in E, G , & F : dico verò eorum signorum phantasias, hoc est E, G , & F æqualibus ab invicem intervallis disiungi, ac ea etiam æqualia videri: quod sanè perspicuum fiet, si primum ostenderit triangula AGF & BGE æquiangula esse.



Itaque quoniam communis radius GK ipsi AB normalis est ex hypothese, erunt AG & BG axes videlicet optici inter se æquales per 25. propof. libri secundi: sed & CG, DG supponuntur æquales: igitur in triangulis AGD & BGC duo iam habentur æqualia latera AG & GD , ipsis BG & GC vtrumque vtrique: est verò angulus AGB communis vtrique. Quare per 4. primi Euclidis, non modò basis AD basi BC , verùm etiam angulus GAF angulo GBE conuincitur æqualis. Rursus cum isosceles sit AGB , æquales erunt ad basin anguli BAG & ABG per 5. primi Euclidis, sed angulo BAG æqualis est angulus AGE per 29. primi Euclidis, utpote alterni in parallelis AB & EF . Eodemque modo æqualis erit angulus BGF ipsi ABG angulo: igitur AGE & BGF anguli sunt inter se æquales: quapropter si eis addatur communis angulus AGB , fient per vulgatum axioma compositi AGF & BGE anguli æquales. Cum ergo in triangulis AGF & BGE duo iam habeantur anguli GAF & AGF duobus GBE & BGE æquales, sintque per 32. primi Euclidis, tres vnus trianguli tribus alterius, hoc est, duobus rectis pares, erit & reliquus angulus E reliquo angulo F æqualis per commune axioma. Quare per 4. sexti Euclidis proportionalia erunt vtriusque trianguli latera, quæ circum æquales sunt angulos. Ut igitur AG ad GF , ita BG ad GE ; & vicissim per 16. quinti Euclidis, ut AG ad BG , ita GF ad GE : sed AG æqualis iam ostensa est ipsi BG per 25. propof. libri secundi: itaque & GF ipsi GE est æqualis; quod primò erat demonstrandum.

Quòd verò GF & GE æquales quoque spectentur, iam palàm ex demonstratis relinquitur: siquidem anguli GAF & GBE ostensi sunt æquales.

PROPOSITIO CXXVI. THEOREMA.


Si recta quadam horopteri parallela vtrumque axem opticum secet, & in communibus sectionibus duo signa constituentur: dico horum phantasias pari intervallo ab axium concursu distare; at si obliquus sit aspectus, propinquius videri id, quod obliquiori radio continetur.



SVNTO visuum centra A & B , à quibus ad horopterem EF promissi axes optici AG & BG secentur recta quadam linea CD horopteri parallela, quæ & oculorum distantia parallela erit per 30. primi Euclidis: quòd nempe horopter, oculorumque distantia per 10. definitionem libri secundi sint parallela. In communibus autem sectionibus C & D , duo spectabilia signa constituentur, per quæ radij porrigantur AF & BE , qui extrema loca phænomenon definiant F & E . Nam medius locus in axium cõcursu est, ut superius est dumon-

A demonstratum propositione 120. huius libri: dico igitur E & F æquè ab G distare: ac spatio GF minus videri spatium EG ; siquidem radij BG & BE quàm AG & AF horopteri sunt obliquiores.

B Cùm enim parallela sit CD ipsi AB , erit per 2. sexti Euclidis in triangulo AGB , vt AC ad CG , ita BD ad DG ; & per 18. quinti Euclidis componendo, erit vt AC ad totam AG , sic BD ad totam BG . Rursus cùm parallela sit CD ipsi EF , erunt per 29. primi Euclidis anguli ACD & AGF , item ADC & AFG æquales; nempe alterni in parallelis CD & EF . Quare æquiangula erunt triangula ACD & AGF ; quam eandem ob causam & BDC , BGE triangula æquiangula erunt. Itaque per 4. sexti Euclidis in triangulo AGF vt se habet AC ad AG , ita CD ad GF : sed ostensum iam est, vt AC ad AG , ita se habere BD ad BG : vt igitur BD ad BG , ita CD ad GF : at in triangulo BGE , vt BD ad BG , ita est per eandem 4. sexti Euclidis DC ad GE : quamobrem proportio CD ad GE & ad GF eadem est per 11. quinti Euclidis, quòd proportioni quam habet BD ad BG sit eadem. Quocircà æquales inter se sunt GF & GE per 9. quinti Euclidis, siquidem ambæ ad eandem CD eandem conuincuntur habere rationem.




C Iam verò quòd in obliquo aspectu propinquius ipsi G appareat E quàm F , ex propositione 124. huius potest demonstrari, quam proinde Lector consule.

PROPOSITIO CXXVII. THEOREMA.

Si æquè ab horoptere distent signa, quorum singula geminis conspiciuntur locis, æquales erunt apparentium locorum intercapedines; at non semper æquales videbuntur.

D **V** I S V V M centra eadem quæ suprà sint A & B , horopter autem E & K , duo verò spectabilia signa C & D æquè ab horoptere disuncta, quorum vnumquodque geminis spectetur locis; alterum quidem, nempe C , in E & F ; alterum verò, puta D , in G & K : dico apparentium locorum interualla EF & GK æqualia esse; nam cùm C & D æquè ab horoptere distent, erit recta CD eidem horopteri parallela: quare ex demonstratione præcedentis propositionis facillè ostendi poterit EG æqualis ipsi FK : nam per 11. lemma vt AD ad DK , ita se habet BD ad DG ; & componendo per 18. quinti Euclidis, vt AD vnà cum DK , hoc est tota AK ad AD , ita tota BG ad BD : sed vt AK ad AD , ita per 4. sexti Euclidis se habet FK ad CD , propterea quòd triangula AFK & ACD æquiangula sint; eademque de causa vt BG ad BD , ita EG ad eandem CD ; sunt enim triangula quoque BEG & BCD æquiangula. Igitur per 9. quinti Euclidis æquales inter se sunt EG & FK , vt pote quæ ad eandem CD eandem habent rationem. Ab his ergo si communis portio FG subducatur, relinquetur EF ipsi GK æqualis, suffragante communi notione; quod erat probandum.




E Porro obliquo aspectu inæquales apparere intercapedines EF & GK , per 7. lemma huius libri nullo negotio demonstrari potest: nam ex illo lemmate constat angulum B B G angulo F A K minorem esse, si quidem BE & BG obliquiores sint radij quàm AK & AF ; quare minor apparet EG quàm FK : sublata ergo portione FG , quæ communis vtrique cernitur, relinquetur EF quàm GK aspectu minor; quod erat probandum.

PROPOSITIO CXXVIII. THEOREMA.

Eorum qua inter horopterem spectantur & oculos, phantasia situm mutant: nam à dextro conspecta oculo, in partem sinistram; & à sinistro in dextram porriguntur.


ESTO inquam signum E , inter horopterem CD & AB distantiam oculorum spectatum; AG verò & BG , ut prius, axes optici ad commune punctum G horopteris terminati: dico signi E geminam phantasia C & D situm permutare; sic ut locus C , ubi à dextro oculo B cernitur, in sinistram partem vergat; D verò, ubi à sinistro conspicitur, in dextram. Nam radij optici AD & BC quoniam in signo E sese interfecant, necessum est, ut ab intersectionis loco in contrarias partes abscedant. Inde ergo à puncto E profecti, cum ad horopterem perueniunt, loca designant opposita: siquidem ipsi inde à puncto E , ut dictum est, in alium situm sunt permutati. Cum igitur in C & D , signi E phantasia locum obtineant per 119. propos. huius libri, patet eorum qua inter horopterem oculosque spectantur phænomena, situm commutare; quod demonstrasse oportuit.



PROPOSITIO CXXIX. THEOREMA.

Eorum verò qua ultra horopterem cernuntur, phantasia situm retinent.

RURSUS esto horopter CD , & qua centra visuum iungit AB , unde optici axes ad horopterem profiliant ad punctum G : signum autem ultra horopterem spectatum sit E , cuius quidem gemina apparebunt loca C & D , per 119. propos. libri huius: dico autem hæc situm minimè commutare, sed dextrum in dextra, & sinistram in sinistra parte remanere; siquidem radij optici AE & BE , cum ultra horopterem concurrant in E ex hypothesi, citra concursus punctum E minimè sese interfecant: totus ergo radius AE ab A ad E vsque, & BE à B vsque ad E , eundem situm retinent; quare etiam omnes earum partes: igitur C sinistram, D verò dextrum latus occupat, & omnino eorum qua ultra horopterem cernuntur phantasia situm retinent; quod erat demonstrandum.




Est porro hoc loco obseruandum, quod & præcedente propositione admonuisse oportebat, dextrum ac sinistram non sumi à nobis absolute, sed medij intuitus comparatione, hoc est respectu communis radij per signum propositum transeuntis: vel certè sinistram dicimus, quod alterius collatione minus dextrum est; & dextrum, quod sinistri respectu minus est sinistram.

Quod admonuisse volumus, ne quis ex hac figura dictarum phantasiarum situm semper metiendum existimet. Contingit enim interdum ita obliquis oculis obiecta spectari, ut phænomena non inter ipsos oculos dextrorsum sinistrorsumque versentur, sed vtraque in partem aliquam abducta vtrique oculo vel dextra sint vel sinistra. Sed omnis nihilominus error facile declinabitur, si respectus habeatur ad medium intuitum seu radij communem ab eius lineæ medio, qua centra visuum connectit, ad terminum visionis protensum. hic enim, quantumcumque aspectus obliquetur, proportionem quadam medium situm inter phantasiarum loca obtinet; huius igitur comparatione certam suam positionem phantasia sortientur.

A PROPOSITIO CXXX. THEOREMA.

Propositis in communi radio duobus signis, si alterna vice nunc in unum, nunc in alterum axes optici defigantur, phantasia eodem semper loco perstare videbuntur.


SINT centra visuum A & B, communisque radius DK, in quo duo accipiantur signa C & D, in quæ alterna vice axes optici defigantur: ac primò in D: erunt igitur signi C gemina phænomena in G & H per 119. propof. libri huius, quæ à concursu axium D interuallis distabunt GD & DH. Deinde terminentur optici axes in C: erunt itaque signi D binæ phantasiæ in E & F per eandem 119. huius, quarum interualla ab axium congressione in C, erunt EC & CF. Dico verò EC ipsi DH, & CF ipsi DG apparere æqualem, hoc est, distantias phænomenon E & F, à concursu axium C illis interuallis æquales apparere, quibus H & G distant à concursu axium D: nam cum AD per E vnus phantasiæ locum incedat, & AC producta ad alterius phantasiæ locum pertingat, ambæ autem per vtrumq; concursum axium transeant; fit vt EC & DH eodem angulo conspiciantur: quamobrem æquales apparebunt per 9. propof. libri huius. Sic & CF ipsi DG apparet æqualis: igitur permutata oculorum acie nunc in D nunc in C, phantasiæ signorum D & C loco constare, eodemque semper interuallo ab axium concursu abesse videbuntur; quod erat demonstrandum.



D PROPOSITIO CXXXI. THEOREMA.

Si spectata signa oculorumq; distantia non in eodem sint plano, nec in eadem recta linea signorum phænomena conspicientur.

OCULORVM distantia AB, duoque signa G & H non in eodem sint plano; sed esto G sublimè à plano quod per oculorum distantiam & H ducitur: dico igitur geminam phantasiam signi G non in eadem recta linea conspici, in qua geminum apparet signum H. Cum enim per 50. libri secundi radij ab vtroque visu per signum aspectabile ducti in horopteris planum terminentur, erunt centra visuum A & B, signumque visile H, eiusque binæ phantasiæ C & D in vno plano: quoniam verò ab hoc plano sublime ponitur signum G, erunt & radij optici AG & BG sublimes: quare & reliquæ eorumdem radiorum productiones, nempe GE & GF sublimes erunt: neque enim fieri potest per 1. vndecimi Euclidis, vt eiusdem rectæ lineæ pars in subiecto sit plano, pars verò in sublimi: itaque & EF in sublimi erit, quia & ipsa in eodem est cum radiis AF & BE plano per iam demonstrata. Atque idcirco linea EF in qua bina spectantur phænomena signi G, alia erit à CD, in qua geminum apparet signum H, quod erat probandum.



Has porrò lines inter se parallelas esse oportet, propterea quòd singule earum distantia oculorum AB sint parallelæ: quoniam enim CD communis est intersectio plani horopteris, eiusque quod per AH B ducitur, si per AB planum quoddam actum intelligatur plano horopteris æquidistans, erit AB huius quoque plani, & eius quod per AH B transit,

communis interfectio, proinde erit CD oculorum distantia AB parallela per 16. vnde- A
 cimi Euclidis. Simili verò modo ostendetur EF eidem AB parallela: nam libro secundo
 ostendimus omnia quæ oculis obiiciuntur, vel in horoptere spectari, vt propositione 49.
 vel saltem in ipsius horopteris plano, eo loci vbi illud radij optici producti attingunt, vt
 propositione 50. est explicatum. Igitur CD & EF , omnesque in quibus singulorum obie-
 ctorum phænomena conspiciuntur, sunt inter se parallela.

PROPOSITIO CXXXII. THEOREMA.

Cum quid pluribus apparet locis, nullus illorum proprius est. B



AM si aliquis illorum proprius esset, oporteret rem eo loco vbi spectatur
 etiam existere: at omnis locus seu proprius, seu alienus, in horoptere ap-
 paret per 49. propos. libri secundi: igitur rem, quæ loco proprio cernitur,
 in horoptere existere est necesse. Quidquid verò in horoptere existit, id
 vno tantum loco cernitur per 118. libri huius; pluribus autem videri sup-
 ponitur. Igitur cum quid pluribus apparet locis, nullus illorum proprius est; quod erat
 demonstrandum.

PROPOSITIO CXXXIII. THEOREMA.

Quod pluribus locis, id minus perspicue videtur. C



LIBRO primo propositione 75. & libro secundo propos. 10. docuimus,
 eam intuitionem quæ per axes fit, nobiliorem esse illam quæ per quemcum-
 que fit radium. Libro verò primo propositione 76. ostendimus, visionem
 ab utroque simul oculo, quàm ab altero tantum, longè esse efficaciorum:
 ex quibus tandem libro secundo eadem propositione 10. velut confecta-
 rium subduximus, omnium perfectissimam visionem in axium concursu existere. At
 cum ex decima definitione libri secundi constet axes opticos in horoptere congradi,
 sequitur perfectissimam visionem ad horopterem necessariò terminari. Id verò quod in
 horoptere proprium locum sibi vendicat, id vnico videtur loco per 118. huius. Igitur D
 quod pluribus locis, seu quod extra axium congressum, id profectò minus perspicue cer-
 nitur; quod erat demonstrandum.


Sunt verò in visione illarum rerum quæ geminæ, ideoque minus enucleatè cernun-
 tur, quidam perfectionis & imperfectionis gradus, quemadmodum & propinquitatis at-
 que distantia. Nam quæ axium opticorum congressui viciniora sunt, ea perfectius; quæ
 autem remotiora, ea imperfectius internoscuntur. Quare si res quæpiam in vnus oculi
 axe sit constituta, illo quidem oculo euentius conspicietur in cuius est axe, altero verò
 obscurius imperfectiusque; ac vniuersè quò longius ab axium opticorum concursu ab-
 fuerit, eò minus perspicue minusque accuratè conspicietur.

PROPOSITIO CXXXIV. THEOREMA. E

*Cum signum visibile duobus spectatur locis; quò id longius ab ho-
 roptere abest, eò maiore intervallo phantasia ab axium congressu
 distrahuntur.*



STO idem quod hactenus oculorum interuallum AB , horopter verò CD ,
 in cuius puncto K optici axes
 congregiantur: sitque; præterea
 signum visibile extra horopte-
 rem constitutum nunc in G
 propinquius, nunc in H remotius: perspi-
 cuum igitur est ex propositione 119. huius
 libri vtrumque signum G & H duobus locis
 spectari. Dico verò signi H phantasias C & D
 longius ab axium concursu K procurrere,
 quàm phantasias signi G , puta E & F : iunctis
 enim KN , quoniam maior supponitur KN
 quàm KG , erit angulus KBN angulo KBG maior, ideoque & KC ipsa KE maior erit. Si



namque

A namque maior non sit, erit aut minor aut æqualis; si æqualis, igitur & angulus $\kappa \text{ B H}$ angulo $\kappa \text{ B G}$ æqualis erit, quod absurdum est: si verò minor, erit & angulus A B H angulo $\kappa \text{ B G}$ minor, nempe totus sua parte, quod longè absurdus est: itaque cum $\kappa \text{ B H}$ angulus angulo $\kappa \text{ B G}$ sit maior, erit & $\kappa \text{ C}$ ipsa $\kappa \text{ E}$ maior. Eadem verò ratione ostendetur & $\kappa \text{ D}$ maior quam $\kappa \text{ F}$: igitur puncti H binæ phantasiæ C & D in horoptere apparentes maiori interuallo ab axium concursu distant, quam puncta E & F , in quibus spectatur signum G .

Ex hac proprietate illud subinferre licet, rectam etiam lineam quandoque geminam apparere; ita tamen, ut si ea horopteris plano parallela sit, ambæ phantasiæ parallelae appareant; sin autem, decussatæ videantur eò loci, ubi proposita linea horopteris planum **B** in transitu attingit, unde etiam in diuersas partes secundum aspectum abscedunt: nam commune illud punctum spectatæ lineæ & horopteris singulare apparet per 118. propositionem libri huius, reliquorum verò vnumquodque geminum per 119. propositionem huius libri, quorum phantasiæ tanto maiori interuallo ab inuicem disiunguntur, quanto longius puncta ipsa ab horoptere absistunt. Igitur ipsa linea ab illo puncto, ubi planum horopteris interfecat, ex vtraque parte diuicari atque in duas dispesci conspicitur.

PROPOSITIO CXXXV. PROBLEMA.

Et qua distinctis apparent locis organice representare.

C **Q**UAS hætenus circa Locum fallacias aspectus enumerauimus, omnes ab experientia desumptæ sunt. Ita sanè plurimis in rebus vsu venire solet, ut ex ijs quæ externis sensibus antè accepta sunt, intelligendi potentia veritates eliciat, atque ab effectis in cognitionem causarum ducatur. Nobis enim notiora illa sunt quæ sensibus dignoscuntur, quam quæ solo intellectu, eâ ut opinor causâ, quod sensibiles formæ, seu imagines illæ quibus externi sensus incitantur, proximè à rebus proueniant, quas idcirco exquisitissimas esse oportet, atque ad ciendas sensuû vires efficacissimas. Deinde, quæ ab his formis velut repeticione quadam propriæ internorû sensuum imagines exfoluuntur, longo interuallo debiliores effectæ, non iam æquè ac superiores ad viuum externa res exhibent, sed longè inferiore gradu: quare & potentia earum appulsu concitatæ, obscuriores rerum notiones effingunt. Denique, quas ab hisce simulachris intelligentia formas elicit, rursus fractæ debilitatæq; omnium tenuissimam representandi vim habent. Hæc formarum discrimina in luminis effusione propria analogia expressa videre licet. Nam primus ille fulgor qui à corpore luminoso emicat, ad permouendum aspectum viuacissimus est: cum verò ipsius radius à corpore aliquo repulsus frangitur, magnam virium partem deponit, & quo frequentius obiectorum corporum percussu aliò atque aliò mittitur, eò semper hebetatur magis, vsque dum tandem penitus eneruetur. Sic ergo & rerum formæ, cum ab externis sensibus ad internos, & ab his ad intelligendi facultatem transmittuntur, perpetuò debiliores redduntur. Quam equidem existimo germanam causam esse, quam obrem **E** ea nobis minimè perspecta sint, quæ solo intellectu cognoscuntur; omnium verò maxime ea quæ externis hauriuntur sensibus, à quibus proinde originem ducit omnis nostra cognitio, illa præfertim quæ in corporeis rebus versatur.

Cum igitur experientia duce hæc theoremata primùm à nobis constituta sint, non exiguum pretium operæ nos facturos existimamus, si, quem in ea modum rationemque tenuimus, aperiamus. Mensa exponatur non admodum amplâ, vel certè planities quædam mensæ haud ab similibis, cui erecta ad normam insistant tabula tres quatuorve aut paullo ampliùs digitos alta, sed longitudine mensam æquans, vel etiam superâs, quæ horopteris planum representet. Sit verò ea tabula cursoris ritu mobilis, ac duplici geniculo à tergo munita, ut pro arbitrio diuersis in locis mensæ seu planities collocari firmariq; possit. Præterea à puncto medio eius lineæ, qua cursor seu erecta tabula mensæ committitur, duæ rectæ lineæ excitentur, altera in ipsius mensæ planities, que opposita latera bipartitò diuidat, altera huic perpendicularis in cursore, quæ, quocumq; is dimoueatur, à prioris contactu numquam discedat: cursor autem cum transferetur, obseruandum, ut semper oculorum distantia sit parallelus; sic quippe horopteris munere veriùs perfungetur.

His ita comparatis, in parte aliqua eius lineæ, quam mensæ inscripsimus; clauiculus defigatur sphærocephalus amplo aspectabiliq; capite, quod signi vitibilis vicem subeat. Spectator porrò ad alteram mensæ partem seu ex aduerso cursoris constitutus, opticos axes in lineam cursoris intendat figatque, clauiculi autem verticem obliquis radijs in-

tueatur: hunc perspicuè animaduertet, utroque oculo spectatum diuersis partibus cursoris respondere, ira ut geminata phantasia duobus locis distincta conspiciatur, quod propositione 119. ostendimus: quò verò propinquior fuerit clauiculus ipsius intuentis oculis, eò geminæ phantasiæ ad remotiores à medio partes cursoris attingent. Rursus si duo clauiculi constituentur, hi subinde tria, subinde quatuor apparentia loca in cursoris plano capeffent, ad eum, quem propositione 120. 121. & 122. diximus modum. Item si recta quædam linea ænea ligneave, seu stylus, in clauiculi locum substituatür ad ipsius mensæ planum recta, hæc axibus in cursorem defixis geminari, atque in duas parallelas lineas dispefci videbitur: at quæ mensæ inscripta est linea, eadem axium optidorum constitutione geminabitur quidè, sed neutiquam in parallelas lineas secundum aspectum distrahetur: concurrent enim apparentes lineæ ad cõmunem cursoris mensæque intersectionem; quæ omnia propositione 134. fufius à nobis sunt pertractata. Denique, cursore clauiculisque variè permutatis, omnes quæ circa locum obueniunt, quasque superioribus theorematibus proposuimus, fallaciæ organicè exhiberi possunt, quo in opere magnam veritatis lucem comperiet, quisquis singula curiosius fuerit persecutus. Eius in imagine expressum schéma habes initio huius libri argumenti loco propositum. Cùm enim variæ ac propemodum infinitæ essent aspectus fallaciæ, eas omnes tabellâ comprehendi erat impossibile, quare organicam hanc ostensionem instar omnium delineatam in fronte huius libri exhibuimus.

FALLACIÆ ASPECTVS CIRCA NUMERVM.

PROPOSITIO CXXXVI. THEOREMA.

Quod distinctis spectatur locis, id geminum apparet.



ERI profectò nequit, ut errorum qui circa Numerum obueniunt, rationes explicare is possit, qui causam ignoret, cur vnum idemque obiectum geminum videri aliquando contingat; idcirco statuimus hoc caput primo loco explicare, in quo variè dissentire grauissimos scriptores reperio, non tam ex propria quàm ex aliena sententia, cui subscribere vel inuiti non rarò coguntur ij, quibus in re obscura ac dubia nullus veritatis radius affulget. Ita fanè plerique cæcorum more præteritis manibus palpitando, si quem auctorem prehenderit, illi adhærescunt, illum viæ ducem sequuntur, nec præter ea quæ tradita sunt & iam passim recepta quidquam proprio ingenio freti persequuntur, satius existimantes aliorum stare periculo, quàm veritates proprio iudicio exploratas acutiorum ingeniorum censuræ committere.

Ex iis igitur, qui causam geminati aspectus reddere sunt conati, primus occurrit Galenus, qui libro de vsu partiũ decimo scribit his verbis: *Secundum autem disce, quòd corpus quod à solo dextro oculo cernitur, id si propius est, in sinistris magis partibus esse putatur, sin longius abest, magis quodammodo in dextris: quod verò à sinistro solo conspicitur, in dextris situm esse, si id est propinquius, magis autem in sinistris, si est remotius: quod autem ab utroque, in medio.* Id verò, quod altero inspicitur oculo, non eodem apparere loco, quo quando alio oculo aspicitur: neq; cùm ambobus simul oculis spectatur, eodem loco cerni, quo quando altero solo: sed in alio quidem loco à dextro oculo; in alio autem à sinistro; in alio denique ab utrisque videri, experimento ostendit ab inspectione columnæ desumpto. *Stans enim, inquit, iuxta columnam aliquam, deinde utrumque oculorum vicissim claudens, cùm dextrum quidem oculum clauserit, quædam eorum quæ prius à dextro in dextris columnæ partibus cernebantur, sinistro non videbit: cùm verò sinistrum clauserit, quædam eorum quæ à sinistro antè videbantur in partibus sinistris columnæ, rursus dextro non videbit: quando autem utrosq; simul oculos aperuerit, utraque videbit.* Et paulo post: *Quin & si à columna plusculum digressus, utrumque oculum aperire, & claudere vicissim intuens in columnam volueris, illa tibi repentè ac semel transilire videbitur, si dextrum clauseris, versus dextram partem, sin autem sinistrum, in alteram.* Atque etiam aperienti tibi dextrum, ad leuam transilire columna putabitur, sinistrum autem, ad dextram. Hanc geminæ phantasiæ causam astruit Galenus Medicorum princeps. At si quemadmodum

A modum ab ipſo iſta proferuntur, ita abſolutè vera eſſent, ſequeretur aut omnem aſpectũ geminari, aut nullum. Si enim propoſitæ rei phantafia talis eſſet, qualem offert ſingulorum oculorum aſpectus, profectò ſemper gemina eſſet, ſecundùm Galenum: ſi verò qualis res apparet duobus oculis vnà conſpirãtibus, ita phantafia numeratur, numquam vnã eademq; vtroque ſpectata oculo geminari videbitur. Ex Galeni namque ſententia, quod duobus ſimul cernitur oculis, nec in dextram nec in ſiniſtram educi videtur, ſed medio apparet loco, atquẽ ea propter vnum putatur. vel certè nullam propoſitæ rei Galenus cauſam attulit. Etſi enim id Galeno demus, ea quæ ſingulis viciffimã apertis cernuntur oculis, alio atque alio loco videri; nondum tamen data eſt cauſa, cur ſubinde, **B** quæ vtroque ſimul oculo ſpectantur, geminari videantur, cùm explicatum non ſit quo pacto contingat ea etiam diſtinctis locis ſpectari, quæ à duobus oculis cernuntur.

E Philoſophis quamplurimi eam geminati aſpectus cauſam dixerunt, quòd ſubinde contingat neruos opticos, à loco vbi ſeſe complectuntur, dimoueri; ea verò neruorum conſtitutione neceſſe eſſe ſingularum rerum aſpectus geminari, quandoquidem ſuſceptæ notiones in vnum aliquod commune punctum ſenſus communis non conueniant.

Verùm & ratio & experimenta huic ſententiæ reclamant. Ratio quidem, quia nerui optici non verè in vnum netuum conueniunt, vt propoſitione 12. libri primi docuimus. Quare omnia geminari oporteret, ſi neruorum diuulſio geminati aſpectus cauſa exiſteret. Deinde, illa neruorum opticorũ concretio, quam eodem loco explicauimus, adedò **C** firma eſt, vt citra membranarum quibus conueſtiuntur dilacerationem ſeiungi à ſe inuicem nequeant. At quis non videt ex ea ſubſtantię diſſipatione, quæ adedò propinqua eſt neruis, dolorem acerrimum ac propè inſanum enaſci debere? Equidem exiſtimo cauſam potiùs datam eſſe, qua & viſus & viſa è medio tollantur, quàm qua res ſingulares ſecundùm aſpectum geminentur. quod, vt arbitror, nemo incipias ibit, qui humani corporis fabricam, ac præſertim neruorum conditionem perſpectam habuerit.

Deinde, experientia docet obiectarũ rerum phantafias tum etiam non rarò geminari, cùm nulla vis intercedit, quæ neruos oculorum à naturali ſitu abducat, vt cum duo ſigna ambobus oculis diſpari interuallo exponuntur, ac viciffim nunc in vnum, nunc in alterum iugati oculorum axes intenduntur. Illud enim, cuius per axes notio ſuſcipitur, **D** vnum apparet; alterum verò geminum. An hęc vis aliqua oſtendi poterit, qua optici nerui à comuni ſocietate conuellantur? haud equidem video, cum vno eodemque oculorum ſitu, vnã res ſingularis, altera gemina conſpiciatur. Quis verò dixerit illam oculorum conſtitutionem, qua res propoſita accuratiſſimè cernitur, quaque axes in vnã operationem conſpirant, violentam ac præter naturam eſſe; cùm nullus alius ſitus æquè oculorum conditioni ingenioque ſit accommodatus? Itaque alia inueſtiganda eſt huius apparentiæ cauſa, quam fortè apud Mathematicos reperiemus; cùm ad eius præſentiam Philoſophi Medicique cæcutiant.

Vitello libro tertio propoſitione 37. fingit radios opticos, ſiue qui perpendiculariter, ſiue qui obliquè in ſuperficiem viſus incidunt, ad communem neruorum opticorum **E** originem penetrare, illos quidem directè, hos verò per anfractus; ita tamen omnes, vt ſitum eundem in congreſſu retineant, quem deciſi à rebus iſtis acceperunt. Ex quo fit, inquit, vt radij illi qui in mediam viſus ſuperficiem cadunt; medium quoque nerui optici petant; qui verò ab vmbilico viſui organi æquali ſpatio declinant, pari quoque interuallo à poro ſeu meditullio nerui optici deſlectãt. Rurſus quæ per axes, inquit, amborum luminũ deferuntur viſibiles formę, in vnum eundemque locum nerui communis incidunt, ſibiq; mutuò ita incumbunt, vt vnã formam efficiant, quæ proinde vnus rei ſingularem notionem ingerunt: vt ipſe docet libro 3. propoſitione 46. & 47. quæ verò per obliquos radios appellunt prouectę ad communem neruorum congreſſionem, **F** non ſibi mutuò exactè congruunt: que ambobrem fit, inquit propoſitione 103. & ſequentibus libri 4. vt res illæ geminæ conſpiciantur.

Hęc in ſpeciem non nihil ſignificare videntur: & ſanè magnam perſuadendi vim obtinerent, niſi ex iis quę hæcenus demonſtrata ſunt, hæc potiſſimum obſtarent. Primum quidem illud, quod libro primo propoſitione 26. oſtēdimus omnes formarum productiones, quarum appulſu cernendi facultas concitatur in centrum viſus, quod cryſtalloidis eſſe diximus, illabi congreſſique, ac velut ſufflamatas ſubſiſtere, tandemque commori. Non igitur longiùs verſus neruorum originem proferuntur; aut ſi progreſſus aliquis vltior concedatur, is fiet in partes oppoſitas, ceterarum linearum more, quæ ſeſe interſecant. Neque enim id fieri poſſe eodem libro primo oſtendimus, quòd Vitello aſ-

ferit libro 3. prop. 22. & aliàs sæpè, radiòs nimirum qui ad aspectum porriguntur, prius à centro visus infringi quàm eò perueniant, fractosq̃ ad communem neruorum complexum pergere, nulla facta in centro visus congressione, solumq̃ opticum axem per centrum visus incedere. A

Secundum, quòd eodem primo libro propositione 24. luculenter à nobis demonstratum sit, præcipuum visionis organum non esse eam neruorum opticorum partem, qua in vnum conueniunt, aduersus Vitellonem & Alhazenum: sed anteriore crystalloïdis faciem, quæ Aranea nuncupatur. Quorsum igitur aspectabilium rerum imagines supra crystalloïdem euectas, ad ipsam quoque neruorum communem congressionem penetrare comminiscamur? Hoc profectò Vitelloni consequens visum fuit: at vno absurdo dato, vt in prouerbio est, alia sequi, eaq̃ maiora necesse est. B

Tertium rem facit prorsus impossibilem, quòd nimirum radij optici seu formarum visibilium productiones cum neruis, à quibus oculorum orbiculi dependent, rectam neutiquam lineam efficiant. Nequeunt itaque eorum quæ spectantur simulachra per hos sinus flexusq̃ transferri, cum illorum ea sit natura, vt rectis semper lineis ferantur, vt libro primo propositione 50. demonstrauimus. Quamobrem hinc illa etiam nostra commendatur sententia, qua visionem in aranea tunica perfici libro primo propositione 27. diximus, scilicet quia visibiles species supra oculos efferri nequeunt. Ab aranea verò accepta rei notio ad communem sensum non proprie transfertur: sed per consensum superiores facultates ad sui dignotionem allicit: ita inquam affecto extremo digito phantasia mouetur, motaq̃ phantasia, appetitus concitatur; hoc verò imperante, quæ neruis inest facultas musculos agit, & corpus in eam quæ præcipitur partem dirigit. Quæ omnia non per qualitatum traductionem fiunt, sed per cõsensum singulis partibus à natura ingenitum, quo vna affecta, & altera compatitur. Sic ergo cum primum externum visus organum, araneam dico, admissam rei obiectæ imaginem percipit, mox sensus communis, acceteræ etiam superiores facultates naturali quadam propensione compatiuntur, & quod proprij est muneris exequantur. C

Quartum denique nihilominus Vitelloni aduersatur: quòd videlicet substantia neruorum opticorum crassa omnino sit, ac lumini imperuia. Quare fieri non potest, vt per hos simulachra rerum permeent, quæ lumine velut hypostasi sustinentur. D

Ex his constat, neminem eorum qui de geminato aspectu scripsere, propius ad veritatis scopum accessisse quàm Galenum, qui hoc rectè sensit, toties vnumquodque obiectum numerari, quot locis distinctis cernitur. Nam & propositione 42. libri tertij nos ipsi ostēdimus Numerum ex diuisione cognosci, eaq̃ omnia numerari solere, quæcunque ab inuicem loco disiunguntur, & interuallo distant. Vnde & vnum vt multa videmus, cum vnum pluribus in locis cernimus: quemadmodum in præfractis speculis, & per vitra multis planis lateribus cælata, sic multa quoque vnus instar vtiq; videremus, si fieri posset vt absque specierum perturbatione vno ea loco conspiceretur: Quamuis autem hæc multitudinis notio, quæ ex locorum distinctione sumitur, plurimis erroribus obnoxia sit, est tamen adeò familiaris, vt si res eadem pluribus locis reponeretur, (quod fieri posse nemo diffitebitur, qui de diuina omnipotentia rectè sentiat) non sensus modò, verum etiam ratio ipsa in errorem prolaberetur, & non vnam, sed plures iudicaret, ac tot prorsus numero, quot locis distingueretur. Itaque quidquid distinctis cernitur locis, id toties numeratur, ac velut multiplex conspicitur: siquidem quod pluribus locis videtur, id quodammodò sæpius conspicitur. *Quod verò* (vt Aristoteles loquitur in Problem. sect. 3. r. q. 11.) *bis noster animus inspexit, id geminum se inspexisse existimat. Proximum euenit, cum digitos mutatis vicibus implicamus, itaque aliquid tangimus: duo namque sentimus, eò quòd vnum bis tangimus.* In hac porrò fallacia tactum visus facile reprehendit: quod ipse etiam Philosophus adnotauit libro de insomniis cap. 2. scribens his verbis: *Item perplexis digitis quamuis quod vnum est, duo appareat; tamen esse duo neutiquam dicimus, quia visus superior tactu est: quòd si solus tactus esset, duo esse quod vnum est, iudicaremus.* Neque si quis causam postulet cur vnum geminum appareat, alia verior reddi poterit, quàm quòd duobus cernatur locis. Quibus autem modis contingat vnum idemque visibile pluribus locis spectari, abundè docuimus in fallacijs quæ circa Locum contingunt; quod Galenus non est affectus. E

Superest modò vt ostendamus exemplum à Galeno superius adductum non vniuersè verum esse. Si enim columna inter aspectum & aduersum parietem collocata sit, axesq̃ optici in eam defixi contineantur, ea eodem semper loco spectabitur, siue vtroque F

- A** vtroque oculo, siue altero tantum conspiciatur: at si in punctum quoddam parietis axes defigantur, tum sanè eueniet, vt aperto dextro oculo, in sinistram partem profilire columna videatur; aperto verò sinistro, in dextram. Est enim obiectus paries horopteris loco, quòd in eum axes optici conueniant: in ipso proinde duobus oculis gemina columnæ phantasia recipietur, vna dextro oculo in sinistris, altera sinistro in dextris, vt propositione 119. huius libri ostendimus; nec aliter vtroque simul oculo, quàm singulis vicissim obseratis, contrà quàm Galenus putauit. Nam is axes mutabat, & cum duobus intuebatur oculis acies in columnam intendebat, quam proinde vnam & medio loco constitutam cernebat; cum verò altero tantum, axes in parietem defigebat, in quo tum
- B** gemina phantasia alternis visibus apparebat, vti diximus: vna in dextris sinistro oculo, dextro altera in sinistris. Qua in re nos quoque aliquando hallucinati fuimus, priusquam horopteris naturam perspectam haberemus. Quòd si Galenus superstes etiamnum existeret, amicè ipsum orarem, vti oculorum acies in signum aliquod inter aspectum & columnam medium defigere, ac tum alterum vicissim oculum claudere & aperire ne grauaretur, videret vtique dextro oculo columnam in dextris, & sinistro in sinistris; non autem, vt antè, situ permutato in sinistris dextro, & in dextris sinistro, quod nos suprà eadem propositione 119. aperte demonstrauimus. Quid porò ad hæc Galenus? rem credo primò tacitus secum perpenderet, ac tandem experimento conuictus in nostram sententiam manus daret.
- C** Cum itaque errorum qui circa Numerum eueniunt eadem sit causa, qua nos circa Locum falli contingit; nil opus est plura hoc loco attexere, præter hæc pauca consectaria, quæ solum proposuisse sat erit, ne prolixiore oratione tædium Lectori afferamus.

CONSECTARIVM I.

*Fieri nequit, vt quod vno tantum videtur oculo,
geminum appareat.*

- D** Huius rei ex dictis perspicua est demonstratio: nam superiùs propositione prima ostendimus, vno oculo rem vnam vnico, dumtaxat loco spectari. Quoniam itaque secundum apparentium locorum numerum rerum phantasiæ quoad aspectum geminantur, necessariò efficitur, vt vnum appareat quidquid vno tantum oculo cernitur; quod erat ostendendum.

CONSECTARIVM II.

*Visibile in axium opticorum congressu positum, necessariò
vnum videtur.*

- E** Id ex propositione 118. huius libri perspicuè sequitur. Quia enim horopter per communem axium opticorum concursum transit, oportet in horoptere re ipsa existere id quod in axium opticorum communi congressu spectatur: id proinde cum per 118. propositionem proximè citatam vno appareat loco, etiam vnum appareat necesse est. Hinc fit vt visibile, in quo concurrat axis communis vel communis radius vna cum altero axe optico, vnum appareat; quòd scilicet in idem punctum necesse sit alterum quoque opticum axem conuenire. Hinc fit etiam, vt omne quod extra horopterem cernitur, multiplex ambobus oculis appareat; siquidem pluribus spectatur locis, ideoque & secundum numerum multiplex.

CONSECTARIVM III.

- F** *Distracta luminum societate cuncta geminari videntur.*

MIRABILIS ille oculorum consensus, quem libro primo propof. 19. explicauimus, non leue suggerit huius veritatis argumentum. Eam siquidem potissimum ob causam oculorum orbes naturali quadam velut propensione, insitæque vi eodem semper rapiuntur, vt coniunctis obtutibus res obiectas accuratiùs videant, hoc est proprio in loco, ac singulari numero singulas. Tum porò sociari obtutus dicimus, cum axes optici ad rem propositam congregiuntur; vel saltem cum res quæ cernitur, in ipso existit horoptere, tamquam in visionis termino, ultra quem citraque omnia pluribus locis spectantur;

stantur; quare & singula vt multa conspiciuntur. Distracta igitur hunc in modum luminum societate, seu axibus ultra citraue rem visilem congregientibus, geminari phantasiæ videntur, quòd in diuersa loca distrahantur. A

Sunt quibus ab vtero id vitij adhæsit, vt firmas acies continere nequeant, inque rem obiectâ axes opticos certò defigere: qualis nobis superioribus diebus visus est adolescens, adhuc impubes, corpore benè habitus, oculisq; integerrimis, præter id vnum, quòd comunus quidè res articulatas, eminè verò confusas spectaret, & quodammodò geminas, quarum phantasiæ diuturniore aspectu non eamdem semper intercapedinem obseruabant, sed nunc maiorem, nunc minorem; ex eo nimirum quòd optici axes interdum propiùs, aliàs remotiùs coniungerètur. Eius porrò rei causam, posteaquam multa interrogassemus, in musculorù imbecillitatem conijciendam putauimus; ea præcipuè coniectura adducti, quòd oculi, quamuis exteriùs perspicui essent, subtus tamen plurimo humore madere viderentur, non ex accidenti, sed ex vitiatò partis habitu: hinc nempe debiliores effecti musculi oculorum motores, ij præsertim qui obtutum defigunt, minùs etiam prompti ad exequendum arbitrij imperium reddebantur. B

Strabonibus ait Aristoteles in Probl. sect. 31. q. 7. omnia geminari, quòd eis oculus non in suo medio nexus locatusq; sit, ac proinde duplex in eis conspectus, perversaq; videndi ratio. Verùm satis constat, vel ipsorum qui distortos oculos habent, proprio testimonio, omnia ipsùs singularia videri, in quæ opticos axes defixerint. Cuius rei non satis idoneâ causam Alexander adfert Aphrodisæus l. 2. probl. q. 124. quòd oculos nõ sursum deorsumq; deprauatos habeant, sed dextrorsum ac sinistrorsum. Hæc ratio quàm parùm ad rem faciat, ex iis quæ sæpè huc vsque diximus satis constat. Nam & distortis in dextram sinistramq; oculis phantasiæ geminatur, quod in fallaciis, quæ circa Locum obueniunt, abundè ostendimus. Vera igitur causâ cur strabonibus non geminetur aspectus, hæc est, quòd non axes, sed crystallinos dumtaxat humores dissociatos habeant; hinc autem sequi libro primo prop. 10. ostendimus, vt cum axes iungunt, oculos à rectitudine deflectant; cumque oculos æquali situ continent, non eòdem axes spectent quòd oculi. Igitur licet oculos in diuersas partes abducant, (dum id proprio quodam pacto faciunt) non tamen illis ita vt nobis cuncta geminari videntur, quòd oculos torquere cogantur, vt axes coniungant. At nolumus hoc loco cum principe Philosophorum contentiosum funem trahere. nam de iis fortè eius est sermo, quorum oculi spasmo vel paralyfi tentantur: qui enim ex his causis efficitur strabismus, oculorum acies distorquet, & eorum que spectantur phantasias congeminat. C D

CONSECTARIVM IV.

Res vna geminari etiam oculo suppresso videtur.

Hoc experimenti genus abundè omnibus perspectum est, causaque ex dictis notissima. Constat enim alterius oculi compressione opticos axes in diuersas partes abduci, atque idcirco naturalem illam obtutuuum societatem dissipari: non ea profus ratione, qua ad voluntatis imperium aspectus contrahuntur aut diducuntur (hoc namque motu axes in eodem semper sunt plano per 13. propos. libri secundi) sed ita vt nequeat oculus externa vi compressus liberè moueri, eoque sese conuertere, quòd alter intenditur. Quamobrem alterius oculi suppressione plurimùm contingit axes ita dissociari, vt non in eodem sint plano, & apparentes phantasiæ ei quæ centra visuum connectit, minimè exæquentur; sed vna altera sublimior depressiorve existat, prout oculorum alter vel surrigitur altiùs, vel plus iusto deprimitur. Fit etiam, vt quæ presso cernitur oculo, illâ, quæ libero, obscurior appareat: propterea scilicet, quòd hæc per axem, illa per obliquum radium ad obtutum perueniat. E

FALLA-

A FALLACIAE ASPECTVS
CIRCA MOTVM ET QUIETEM.

PROPOSITIO CXXXVII. THEOREMA.

Proiecta ob eximiam motus pernicitatem sæpè non videntur.

B **X**EMPLA huius rei quamplurima sunt, in iis rebus quæ insigni vi eiiciuntur; vt sunt sagittæ à tensis balistis euibratæ, & plumbeæ glandes quas è bellicis fistulis sulphureus puluis intus accensus explodit. Hæc enim cum primùm accepta ab impulsu virtute erumpunt, aliquouſque omnem obtutus aciem effugiunt: nulla sanè alia de causa, quàm propter eximiam motus pernicitatem, qua priùs asportantur, quàm in eis quiescere aspectus possit. Libro primo propositione 83. ostendimus ad perfectam visionem tempus requiri, quo internus sensus, quem communem dicimus, singulas obiecti partes ac differentias explorare possit. Hoc verò tempus quò longius est, eò profectò accuratiùs obiectum percipitur; quò verò breuius, eò imperfectiùs. Cum ergo breuissimum est, ac velut momentaneum, fieri quidem potest, vt externum organum obiectum percipiat, visibili nimirum formâ puncto temporis in eo excitatâ; at vt communis facultas eius notionem aliquam seu internum simulacrum efformet, fieri omnino nequit, ob eam quam supponimus temporis breuitatem. Hæc ergo est germana causa, cur proiecta sæpè non videantur.

PROPOSITIO CXXXVIII. THEOREMA.

Aliàs ocysimè delata, totum, per quod feruntur, spatium complere videntur.

D **I**NCITIONIS accensi aut scintillæ rotatu lucidus orbis emicat: hinc lapsi ignes de suprema ætheris regione igneum post se relinquunt vestigium: quod etiam in emissitiis ignibus videre licet. Hinc trochis insignitæ maculæ, cum in orbem celerrimè agitantur, perspicuos circulos exhibent: quorum omnium vna est eademque causa, nempe motus quædam celeritas, ob quam fit, vt nequeat aspectus differentias locorum, in quibus res mobiles diuersis temporum momentis existunt, distinguere. Exempli gratia, si mobile quodpiam per spatium **A E** feratur, tanta velocitate, vt visus nequeat differentias locorum interiectorum **A B C D E** distinguere, videbitur id per totum spatium simul diffusum esse. Cum enim ab **A** latum erit in **B**, ob temporis breuitatem, qua ab vno in alium locum mobile transcurrit, non poterit communis sensus loci vtriusque discrimen internoscere. Apparebit itaque vnus & idem, atque idcirco res ipsa quæ mouetur eodem tempore in **A** simul & **B** existere putabitur. Cum verò eadem sit in ceteris locis **C, D, & E** ratiocinatio, totum spatium **A E**, eò quòd ocysimè defertur, compleri videbitur.

Si tempus quo spatium **A C** decurritur insensibile quidem sit, id verò omne quod spatium **A C** superat sensibile, cum primùm mobile ab **A** in **C** peruenerit, totum spatium **A C** rei motæ phantasia impletum videbitur; mox verò continuata latone, cum in **D** mobile delatum fuerit, ipsius quoque phantasia prioribus partibus derelictis, nouas inuadet; ac portionem spatij **B D** complebit: denique cum extremum punctum **E** mobile attigerit, ipsius phantasia spatium **C E** occupabit, deserta nimirum portione **B C**, & ad nouam **D E** protensa. Hac igitur ratione id quod mouetur, licet puncti formam habeat, tamen continuò delatum lineæ instar apparebit, quæ totum quidem per quod res decurrit spatium minimè complebit, sed priùs ab **A C** in **B D**, & hinc in **C E** spectabitur: cumque in **B D** erit, partem post se spatij relinquet **A B**, in qua iam videri desinet, partem verò ante se habebit **D E**, ad quam contendet, & in qua mox conspicietur. Hæc manifestè videre licet in scintillis, quæ flammæ impetu ab accenso rogo egeri solent: hæc namque velut igneæ quædam lucentesque lineæ apparent, plurimùm sanè incuruæ, ac fortuito conformatæ, secundùm spatia per quæ scintillæ sursum efferuntur.

PROPOSITIO CXXXIX. THEOREMA.

*Motus circularis perpendiculariter spectatus
eminus rectus apparet.*



Id præcipuè videre licet in Planetarum motibus, qui ab epicyclis fiunt; ac in illis item, quibus clavi peripheriis rotarum infixi circumactis rotis feruntur, cum perpendiculariter aspectui exhibentur. Vti enim circuli per quos hi motus fiunt, velut rectæ lineæ eminus conspiciuntur per 57. propos. libri huius: ita & motus spectantibus recti existimantur; vno siquidem modo lationes & spatia per quæ fiunt, oculis appatent. Hinc fit vt quæ circulari motu cientur, repetita crebrius eadem orbita, receptoco motu recto ire ac redire perpetuò videantur, cuius extremitates seu termini vltimi sunt puncta illa circularis motus, ad quæ radij optici circulum tangentes definiuntur. Hæc enim extrema sunt ad quæ visus pertingit, & à quibus se recipit motus. Ergo quoniam mobile sæpius in orbem actum identidem hæc puncta repetit, atque ab vno in aliud perpetuò com meat, non modò rectus hic motus, verum etiam reciprocus appatet. Portò inæqualis etiam videtur; siquidem mobile æqualibus tempoiibus inæquales partes appatentis spatij emetitur; hoc est maiores in medio, circa extremitates verò minores, ideoque hic tardius, illic ocius promouet: quamobrem Planetæ cum in epicyclo medias partes inter summas imasque obtinent, Stationarij vocantur ob motus tarditatem; cum verò secundum signorum ordinem feruntur, Progressiui dicuntur; at Retrogradi, cum aduersus signorum ordinem incedunt.

PROPOSITIO CXL. THEOREMA.

Quæ in orbem celerrimè agitantur, quiescere videntur.



EXEMPLE sunt trochi quibus pueri lusitant: illi namque, præsertim si torno exactè sint elaborati, impetu è spira excussi, tanta pernicitate circumaguntur, vt voluminum diuersitates sensu percipi nequeant, ob temporis breuitatem, quod inter initium ac finem cuiusque periodi intercedit. Si enim tempus hoc, sanè breuissimum, sensum omnem fugiat, etiam circulationes ipsæ per se singulæ imperceptæ transcurrent; atque ea propter quiescere, qui circumagitur trochus, putabitur.

PROPOSITIO CXLI. THEOREMA.

Spiritibus concitatis moueri, quæ quiescunt, existimantur.



Lucret l. 4.
de natura.

PERSPICVA huius rei exempla habemus in iis qui vertigine infestantur, & in pueris cum verti desierint. His enim videntur

*Atria versari, & circumcursare columna,
vix vt iam credere possint
Non supra sese ruere omnia tecta minari.*

Idem in ebriosis subinde animaduertete licet, ac in iracundis, iisq; qui vel ex graui febris ardore delirant, aut ex melancholia futunt atque insaniant.

Horum portò effectuum causa libro primo propos. 25. abundè est explicata. Quamuis enim vis efficaciaque cernendi non insit animali spiritui, ceu proprio ac principali organo, multo verò minùs excrementitio humori in spiritum resoluto; hæc tamen non minimam partem probæ functionis sibi vendicant: faciunt enim ad organi dispositionem; quæ si naturæ sit consentanea, perfectam facit operationem; si verò dissona, non aspectus modò, verum etiam internorum sensuum, ac ipsius denique rationis vsum peruertit, omniumque facultatum, quæ imperio voluntatis subiiciuntur, æconomiam pessumdat. Hinc ergo cum spiritus interni concitantur, siue illi viuifici sint & salutare, siue ab inferiori corporis officina feruore quopiam præter naturam in sublime elati, & quæ extrinsecus visui sese offerunt, simili motione agitari videntur.

A

PROPOSITIO CXLII. THEOREMA.

*Nauigantibus ipsa, qua uehuntur, nauis stare; cetera
qua stant, praterire uidentur.*



TRA de his cecinit Lucretij Musa libro 4. De natura rerum :

*Qua uehimur naui, fertur, cum stare uidetur,
Qua manet in statione, ea prater creditur ire:
Et fugere ad puppim colles campiꝫ uidentur,
Quos agimus prater nauim. —*

Sic arbores, sic quæ procul cernuntur turres, sic ipsa sidera, sic denique cetera quæcumque stabili loco consistunt, delatis nobis,

— in assiduo sunt omnia motu.

Si quæ porrò eam, qua nos uehimur, aliæ naues comitentur, hæ omnes stare unà cum nostra uidentur: quæ uerò occurrunt, dupla celeritate praterlabi. Quia enim ex organi uisui motione, ceterorum quæ mouentur lationes colligimus per 43. libri tertij, ea etiam quæ quiescunt, praterire existimamus, cum prateruectis nobis, noster oculus ad ea post relicta conuertitur: nihil enim est prater intelligentiam ipsam, quo nos potius quàm illa transferri cognoscamus. Cum uerò in eas quæ nobiscum uehuntur naues obtutum intendimus; quoniam oculi immoti manent, & naues eodem loco consistere arbitramur. Denique si occurrat aliqua pari uelocitate delata, hanc duplo ocyus ferri putamus illà quæ reipsa quiescit, propterea quòd oculus noster, dum eam aspectu insequimur, duplo celerius moueatur.

His uerò omnibus ratio intelligentiaque subuenit, quæ pluribus modis ueritatem edocta, errantem aspectum reprehendit: quare nulli in his rebus crebrius hallucinantur, quàm pueri, qui naturam ignorant aquarum, & scopulos littoraque immobilia esse non cogitant: idque his quoque usu uenire credunt, quod in ceteris experti sunt; tum scilicet res externas moueri, cum immoto corpore caput, uel capite immoto oculos ad res ipsas conuertunt: nam ut Philosophus scribit libro De insomniis cap. 2. *Non tantum quoties sensibile mouetur, sed etiam quoties sensus ipse mouetur, error euenit: sic littus uidetur nauigantibus moueri, dum uisus ab alio mouetur.*

Hinc facile est ueteris cuiusdam fabellæ commentum explicare. In ponto Euxino binæ sunt insulæ Syndromides dictæ, quas & Cyaneas alij, alij Symplegades nuncuparunt, teste Plinio lib. 4. cap. 13. Has Poëtæ in ipso ponti ingressu committere inter se fabulati sunt. Scribit de his Valerius Flaccus lib. 4. Argonauticò in hunc modum:

*Hinc iter ad ponti caput, errantesqꝫ per altum
Cyaneas, furor his medio concurrere ponto:
Nec dum ullas uidere rates, sua cominus actæ
Saxa petunt, cautesqꝫ suas, cum uincula mundi
Ima labant, tremere ecce solum, tremere ipsa repente
Tectæ uides, illæ redeunt, illæ aquare certant.*

Hanc ob rem & Planetas nonnulli eas appellarunt, sicut idem Plinius est auctor lib. 6. cap. 12. tamquam *παραπλάγος πέτρας*, id est, errabunda saxa. Quoniam, ut Plinij uerbis utar, *paruo discreta interuallo ex aduerso intuentibus geminæ cernebantur, paulumqꝫ deflexa acie coeuntium speciem præbebant.* Ita aspectu delusi homines, illas, non se, moueri, & conflictantium in morem congregi sunt arbitrati.

Potest certè haud absimili errore ita decipi uisus, ut rerum sinistrè acceptarum imaginum hominum animum faciant penitus cohorrere: quod quidem in certi generis ædificiis euenire necessum est, etiam prudenti viro & rerum opticarum perito. Statue tibi eodem, cuius in primis partem imam parietes toto ambitu cingant crebris angulorum flexibus infracti: ex his deinde fornix assurgat totidem angulis curuatus, qui in progressu in alias atque alias planarum partium commissuras distrahatur: tum finge in singulis partibus planis columnas singulas, quarum pars superior supra parietes in fornicis superiecti inclinatas partes procurrat, eo tamen modo, ut in ædis limine stantibus, columnæ omnes appareant rectæ; id quod hac ratione effici facillè potest, si angulorum omnium utraque linea aspectu recto uelut è diametro oculis obiciatur: ceteri denique ordines qui columnis imponentur, ita per singulorum planorum inclinationes duci intelligantur,

tur, vt qui ex eodem ædis limine in altum suspiciunt, eos inferiorum partium seriem ^A profequi arbitrentur. Rebus ita comparatis, illud eueniet profectò, vt ædem deinde concitato gradu ingredienti tibi omnes ex columnarum partes, quæ supra parietes in fornitem excurrunt, profum aliã, aliã retrorsum labi, ac ipsi etiam superiores ordines pariter diffracti inopinata ruina decidere videantur, & casu te elidere repentino. Nimirum qui ex ædis limine spectati anguli rectarum linearum speciem mentiebantur, alio de loco inflexi esse deprehenduntur; quo fit, vt quæ stare antè credebantur, mox soluta compage ruere subitò omnia existimentur.


Proxima huic illa est fallacia, qua subinde delatis iuxta lunam nubibus, hanc, non illas moueri existimamus; tum illarum quæ accedunt, tum illarum quæ iam præterue- ^B rta sunt comparatione: nam si has spectes, dices lunam ex eis velut è latebris in conspectum prodire ipsis persistentibus; si verò illas consideres, dices ad ipsas lunam sensim promoueri, ac tandem etiam sese in ipsis penitus abdere. Cuius fallaciæ causa ex eo pro-uenit, quòd propter nocturnas tenebras præter lunam ac circumfusas nubes, nullum aliud vicinum corpus videatur, cuius respectu colligi possit, è duobus vtrum moueatur; luna, inquam, an nubes? nam libro tertio propof. 52. ostendimus motum non rarò à nobis cognosci ex vicinia corporis alterius quiescentis, præcipuè si tardus est.

PROPOSITIO CXLIII. THEOREMA.

*Eorum quæ pari velocitate cientur, remotiora minus
secundum aspectum promouent.* ^C



IT oculus A, eique obiecta duo mobilia, vnum quidem B propinquius, alterum verò C remotius, quæ in parallelas lineas B D & C E pari velocitate incedant, hoc est, tempore æquali æquales illarum portiones B D & C E emetiantur: dico eo tempore quo mobile propinquius B absoluerit spatium B D, mobile C videri minus spatium confecisse; proinde & tardiùs promouisse: id namque tardiùs moueri dicitur, quod æquali tempore minus spatium percurrit. Illud verò sequi in hunc modum demonstrabitur: Radij ab oculo proci- ^D dant A D & A E: quoniam igitur parallelæ sunt B D & C E, erunt triangula A B F & A C E æquiangula; recti siquidè sunt B & C anguli, A verò vtrique communis: igitur & reliquus A F B reliquo A E C relinquitur æqualis, quando per 32. primi Euclidis cuiusque trian- ^E guli tres anguli duobus rectis sint pares. Quare per 4. sexti Euclid. proportionalia erunt triangulorum latera, vt quæ A B ad A C, ita B F ad C E: sed cum B propinquius sit oculo A quàm C ex hypothesi, minus erit latus A B latere A C. Quare & B F ipso C E minus erit; at ex hypothesi C E æquale est ipsi B D: igitur B F ipso quoque B D minus erit. Est verò B F spatium apparens quod mobile C eo tempore conficit, quo mobile B spatium B D emeritur: itaque C tardiùs quàm B promouisse videtur; quod ostendisse oportuit.



PROPOSITIO CXLIV. THEOREMA.

*Eorum quæ pari celeritate incedunt, remotiora
postera fieri videntur.* ^F



RODVCTO enim radio A D versus partem D, vsque dum lineæ C E item productæ occurrat in G, erit rursus triangulū A B D triangulo A C G æqui-angulum per iam paulò antè factam demonstrationem prop. præcedente. Igitur per 4. sexti Euclidis, vt A B ad A C, ita B D ad C G: sed minor est A B ipsâ AC ex hypothesi: igitur & B D ipsâ C G minor erit: ideoq; & C E eadè C G minor. Cum verò mobile C in G delatū fuerit, tum æquè promouisse videbitur ac B cum in D peruenerit, quòd D & G in eodem existant visus radio, vti quoque B & C. Itaque

A que c in E perlatum minùs secùdùm aspectum promouit quàm B, cùm attigerit signum D: nam B D & C G spatia æqualia videntur, C E verò minus. Quocircà cùm c eodem tempore perueniat in E quo B in D, posterum fieri ipsum c videbitur; quod erat demonstrandum.

PROPOSITIO CXLV. THEOREMA.

Fieri etiã potest, ut quod ocyùs reipsa mouetur, oculo segniùs promoueri videatur.

B **P**ARI velocitate ea moueri oculorum iudicio existimantur, quæ æquis temporibus proportionalia spatia emetiuntur, seu veriùs quæ æquis temporibus æquales angulos opticos transcurreunt: qualia perspicuè sunt, quæ circa idem punctum seu centrum in orbem acta similes circulorum peripherias æquis temporibus permeant. Horum enim spatia quoniam paribus angulis subtenduntur, vt ex 33. sexti Euclidis facillè colligi potest, æqualia è medio loco spectata apparent; ideoquæ & motus qui per illa fiunt æquales probantur. At perspicuum est, si dispari interuallo discretæ sint à medio res quæ mouentur, fieri omnino posse, vt quod ocyùs reipsa mouetur, lentiùs tamen procedere videatur: quia enim
C eorum quæ pari velocitate feruntur, id quod remotius est, tardiùs promoueri videtur per 143. propos. huius libri, necesse est mobile, quod longiùs abest, debere acriùs incitari, vt pari celeritate deferri putetur. Ergo fieri potest, vt quod velociùs fertur, si maximo absistat recessu, lentiùs procedere aspectu iudicetur.

Exemplo solis ac lunæ res planior illustriorquæ fiet. Quis hominum ignorat vtrumque hoc sidus propria latione secundùm signorum ordinem per Zodiaci circulum iter habere? luna verò, cùm sol expleto anno dierum 365. totam absoluit orbitam, prope modum tres & decem circulationes confecit: quocircà luna quàm sol ocyùs ferri videtur: at solis motus motum lunæ pernicitate superat; siquidem solaris eclipticæ ambitus vicies prope modum eclipticam lunæ comprehendit: igitur quoniam luna decies &
D ter suum peragit circulum, cùm sol suum semel absoluit; sequitur lunam tardiùs sole reipsa moueri. Ergo quod velociùs reipsa mouetur, aspectui segniùs tardiùsque subsequi existimatur; quod erat probandum.

Hinc disparia illa principalium luminarium interualla, & respectus quotidie varij, vt nunc mutuo congressu iungantur, nunc tota cæli diametro dissideant, nunc medium aliquem inter extrema locum teneant. A congressu quidem luna solem anteit, & quotidianis spatiorum incrementis sensim ab eo diuellitur: ab oppositione verò rursus mutuum congressum deposcit: quare similibus interuallis subsequens luna solem tandem assequitur, à quo iterum digressa, easdem denuò repetit vices.

E PROPOSITIO CXLVI. THEOREMA.

Qua loco procul dissito mouentur, quiescere sæpè existimantur.

VTI proximè antecedens, ita hæc quoque propositio ex centesima quadragesima tertia velut consecutarium elicitur. nam si eam ob causam mobile tardiùs secundùm aspectum videtur incedere, quòd paulò longiùs ab oculis distet, sanè cùm illud procul aberit, tardissimè summaque lentitudine promoueri videbitur, ac etiam quiescere omnino, si longissimo inter-
F uallo disiunctum erit.

Sic naues in altum mare delatæ, quamuis ocyssimè prouehantur, stare tamen loco putantur, non modò cùm à nobis digressæ recta linea abscedunt, verùm etiam (quod admirabilius est) cùm illarum cursus directum visus nostri radium transuersum secat. Sic astra, quæ summa alioquin pernicitate in orbem rapiuntur, propter immensam intercapedinem quiescere nemo non diceret, nisi aliquanto post tempore locum illa mutauisse deprehenderet. Idem euenit cùm

*Ingenti clangore grues æstina relinquunt
Thracia, cùm tepido permutant Strymona Nilo.*

Nam circa Augustas Kalendas, aut serius si minùs frigida est regio, seu condicta aut lege

præstituta die in eundem locum vnà omnes conueniunt, vnde in sublime euectæ sudo A
ac sereno cælo discedunt: volant autem ad prospiciendum altæ atque immotis alis; quo
fit, vt; ni diutiùs intenta acie aspicias, ipsæ immotæ pendere ab aëre videantur.

PROPOSITIO CXLVII. THEOREMA.

*Si per eandem rectam lineam mobile oculisq; pari velocitate ince-
dant, quiescere ipsum mobile videbitur; accedere vero, si oculi
motus fuerit concitator; si autem segnior, abscedere.* B



REQVENS est hæc fallacia, atque in iis præcipuè locum habet qui ma-
re nauigant, à terræ conspectu procul abducti. His enim ea quæ pari velo-
citate anteit naus, stare videtur, quòd eodem semper interuallo absit,
nullaque propinqua sint littora, quorum comparatione locum illa mutaf-
seprehendatur. At si amplioribus velis ea quæ spectantem vehit naus
incitetur, tum altera quæ segniùs anteit, accedere existimatur: siquidem eius minuitur
distantia, nec se prouehi spectator videt aut sentit. Quam etiam ob rem abscedere illa
putatur, cum minùs spectator promouet, scilicet quia distantia augetur, seque quiesce-
re ille arbitratur.

Huc usque fallacias enarrauimus, quibus circa communia obiecta aspectum falli
contingit. Superest vt his illas adiungamus quæ in mediis obiectis usu venire so-
lent: quando & libro tertio communium obiectorum cognitionibus, mediiorum etiam
cognitiones adiecimus. Sunt verò errores perpauci quibus circa media obiecta obtutus
noster decipitur: nec in pluribus illi quàm in transparentia & opacitate versantur.
Nam circa vmbra & tenebras vix oculus fallitur, cum in priuatione tota earum
essentia sit constituta, ac multò etiam minùs circa similitudinem & dissimilitudinem,
item circa pulchritudinem & deformitatem hallucinationes aspectus obueniunt, quòd D
circa hæc intelligentia potiùs quàm intuitus occupetur, vt eodem libro tertio ad cal-
cem ostendimus. Igitur ad id quod reliquum est huius tractationis, vltimum gradum
faciamus.

FALLACIAE ASPECTVS
CIRCA TRANSPARENTIAM,
ET OPACITATEM. E

PROPOSITIO CXLVIII. THEOREMA.

*Corpus mediodiaphanum opaco oppositum, transparentes
videtur; oppositum autem perspicuo, opacum.*



E iis quæ mediodiaphana propriè appellantur, libro primo proposit. 30. F
ac multò explicatiùs proposit. 31. à nobis est actum: verum hoc loco
paullo fufiore significatione quàm eodem libro primo mediodiaphana ac-
cipimus, nimirum pro iis omnibus, quæ magis quidem perspicua sunt,
quàm opaca quædam corpora, aliorum autem magis perspicuorum com-
paratione, minùs articulatè formas rerum transmittunt. Hæc aio cum altero extremo-
rum vicissim collata alterius extremi naturam conditionemque æmulari. An fortè ex
illa communi existimatione, quæ de contrariis iuxta se positis accipitur, sic vt minùs
opacum iuxta opacius constitutum magis elucescat, hoc est magis iusto perspicuum
appareat: ei verò comparatum quod impensius est diaphanum, minùs quàm sit reipsa
perspi-

A perspicuum videatur, seu naturæ opaci propinquius? An ideò id quod mediodiaphanum est, perspicuum videtur; quia per ipsum quod à tergo est, opacum corpus transparet; ideò aurem opacum puratur, quia quod post ipsum est magis diaphanum, non cernitur, tamquam opaci corporis interpositione aspectu prohibitum? Sanè vtraque nobis causa probarur: nam & contraria iuxta se posita magis conspicua esse in communi prouerbio est, & quod mediodiaphanum dicimus, opacitatis licet renuissima aspersione postposito diaphano impedimentum facit, quo minùs perspicuè videatur; contrà verò à postposito opaco mediodiaphani opacitas absorbetur, vt lux minor præsentia maioris.

B Sunt qui chalcedonio tessellæ in modum complanato insignia insculpunt, subiectisq; propriis coloribus annulo includunt: cùm verò per exiguam ipsius perspicuitatem subiecti colores transparent, prorsus diaphanus chalcedonius iudicatur. Er iterùm bullæ aëriæ sub aquis conspicuè cernuntur; quod sanè mirum cuiquam videri posset, nisi hac propositione explicata iam causa haberetur, siquidem aër impensius quàm aqua perspicuus est: at quia aqua inrer bullam & aspectum nostrum interiecta minùs est diaphana quàm aër, fit vt hæc opacior quàm reliqua circumfusa aqua videatur. Quare cùm aquam aëri incumbentem cernimus, bullam ipsam nos contueri existimamus. Eodemque modo se res habet in pluribus aliis exemplis, quæ quoridianus vsus docet. Igitur corpus mediodiaphanum opaco oppositum, transparens viderur; oppositum verò perspicuo, opacum; quod erat explicandum.

C PROPOSITIO CXLIX. THEOREMA.

Terfa corpora, siue quâ obscuritatem præ se ferunt, siue quâ lumen à se remittunt, interdum translucida putantur.

D **M**IRA profectò est vis illa, qua terfa læuigataque corpora lumen, atque vnâ cum lumine visibiles colorum formas à se repellunt. Huius quidem virtutis originem primamq; causam in Catoptrici, diuino adspirante Numine, inuestigare conabimur: ar in præsentia, quia non puto eam oportere cuiquam esse dubiam, cùm sit omnium hominum experienciâ comprobata, idcirco nobis hypothesis loco erit. Qua igitur parte terfa corpora lumen ad intuentium oculos remittunt, eadem ipsorum superficies lumine quodam perfusa cernitur: qua verò nullum ab eis lumen resilit, eadem obscurus quidam color oculis ostenditur: arque vt rous modo spectentur læuigata corpora, dico ea interdum translucida intuentibus apparere; quod nunc sigillatim ostendemus.

E Primò enim quâ lumen ad oculum retorquetur, diaphanum interdum videri id quod opacum est, ex eo accidit, quòd luminosi corporis phantasia vltra speculari corpus cernatur, ac velut in quamdam ipsius profunditatem demersum. (volumus aurem planam esse eam superficiem vnde repulsum ad nos lumen porrigitur.) Ergo cùm resum seu speculari corpus inter oculum inuenis & spectatum idolum inrerpositum sit, translucidum illud esse creditur, quia idolum ita cernitur, vt si per interiecti corporis læuis substantiam transpareat. Igitur ea rarione falli aspectum sæpius contingeret, nisi in proposito casu pars illa planæ superficiem, vnde sit radorum repercussio, manifestè conspiceretur; quod nimirum nequaquam accidit, cùm res aliqua trans corpus diaphanum videtur. Hinc itaque ratio intelligentiaque sagaciorum hominum externam visus potentiam subinde coarguit: ex iis namque quæ vsu didicerunt, facilius promptiusque iudicant, ac sæpè labentem externum sensum restituunt.

F Deinde quâ nullum lumen à terfo corpore redit, eadem quoque perspicuum subinde iudicatur: si enim opacum esset, in id visus definiretur. Nunc ergo quoniam hac parte visum non terminat, sed obscuram quamdam atque indefiniram profunditatem ostendit, qualem exhibet corpus re ipsa diaphanum, cum eius postica obscuro clauditur; fit vt corpus quod exquisitè est læuigatum, qua parte obscurum apparet, nullamq; luminis speciem offert, diaphanum videatur: imò quandoque omnino non videtur, ita vt perpetuum aërem nos contueri arbitremur à lucido in obscurum definentem; cuius rei ea est causa, quòd corporis læuis summa planities oculis proximè obiecta non appareat. Sic variè in vna eademq; re aspectus noister deluditur, cùm mens ex aliarum rerum vsu argumenta minùs solida deducit, atque ita se ipsa in errores varios præcipirat. quod toto hoc 4. Opticorum libro in omni rerum spectabilium genere abundè ostendimus.

PROPOSITIO CL. THEOREMA.

A

*Crystallus supposito colore, cum ex aduerso spectatur,
tota infecta videtur.*



RERSPICVA est huius fallaciæ causa ex natura diaphani. Color enim per crystalli densitatem fractis radijs transmissus, in ipsa tantisper herere, ac fluitantis in morem ludere videtur, prius quam ad obtutū perueniat. Deinde ea crystalli planities quæ subiecto colori è diametro opponitur, radios coloris sursum elatos ab interna seu caua sui parte suscipit, eosdemque ad infimam crystalli superficiem remittit; qui dum hinc rursus ad oculos redeunt primis radijs permixti, saturatiorem colorem in crystalli densitate, quam in circumfuso aëre ostendunt: quo fit, vt crystallus ipsa vniuersè tincta videatur.

Eximium sanè huius fallaciæ exemplum in factitijs gemmis habemus. Crystalli fragmentum natiuæ gemmæ forma cælatur, substrataque argentea bractea insigniter læuigata ac colore proprio infecta, suo loculamento committitur quàm fieri potest arctissimè, ne temerè excidat: ita enim fit vt crystallus vera ac naturalis gemma esse videatur.

Qui propius ad verarum gemmarum imitationem hac nostra tempestate accedunt, bina crystalli frustula ea figura cælant, vt simul iuncta vnius gemmæ formam referant: oportet verò superficies illas, quibus committuntur, exactè planas esse, has porrò inter se coniungunt expressâ è calenti mastiche puriore lacrymâ, cui intritus est perfectèq; mistus perspicuus color. Mastiche namque liquefcens igne, ac frigore obdurescens tamquam ferrumen partes crystalli in vnum corpus cogit, color autem cum ex aduerso spectatus per crystalli densitatem profunditatemque transparet, ipsam longè viuaciorè tinctura imbuat, ob varias vndique repercussiones, quàm si sola supposita sit infecta argenti bractea. Hæc ars natiuas gemmas ementiendi adedò veris similes exhibet, vt prudentioribus etiam imponant, nisi molè attritu durities exploretur, quæ veris semper maior quàm factitijs inest. Cum color ad manum non est, natura transparens, qualis expetitur, vitrea tessella simili colore tincta inter vtrumque crystalli fragmentum inferitur, pura mastiches lacryma perlita ac firmata, quæ eadem exhibet naturalis gemmæ apparentiam.

Possunt verò etiam colores variè permisceri, vti naturam ipsam in verarum gemmarum coloribus fecisse animaduertimus. Non enim carbunculi omnes eodem nitore rubent, neque omnes hyacinthi ex æquo flauescunt, neque smaragdi omnes pari virore perfusi cernuntur, sed alij herbaceū, alij ærugineum æmulatur, atque vniuersè omnium prope gemmarum colores aut essentia aut gradu perfectionis discrepant, secundum varias locorum, quibus velut matricibus increuerunt, proprietates. Ergo qui hanc artem profitentur, magnum habere debent factitorum colorum apparatus; sic namque fiet, vt vel simplici aliquo, vel pluribus vnà commixtis oblatam quamcumque gemmam perfectius imitentur.

Huic fallaciæ affinis est illa, qua interdum homines ludificantur aspectus errore circumuenti. Patera ex vitro conflatur, duplicata ea ratione, vt duæ quodammodò sint; quarum vna alteram complectitur exiguo spatio inter vtramque relicto, quod cum vino impletur, ita oculis imponit, vt simplex ipsa patera vinoque plena esse videatur, ex qua tamen bibere volentibus nihil sequitur. Quod facilius intelliges si fingas vitream bullam adhuc à fornace candentem, ductilemque tenui primùm foramine pertundi: deinde media sui parte reflecti, sic vt altera medietas alterius cavitatè subeat, pari vndique distans interuallo, sic item vt foramen prius factum in summitate ambitus relinquatur: huius is erit, quem dixi, fallax vsus. Per foramen, quod in ipsius vasis ambitu relicto fuit, siphunculo imposito, aqua infunditur, quæ interstitium nequaquam ad summum expleat. Pateram hanc qui intuentur, ex eadem illa parte qua lumen suscipit, simplicem putant, cuius cauum aqua infusa oppletum sit, ac tum præcipuè oculos fallit, cum minimè quiescit; siquidem aqua interstitio coërcita dum pariter agitur, speciem aquæ in medio pateræ fluitantis exhibet, haud secus ac si patenti ipsius conceptaculo infusa esset. Nec minus iucunda est hæc impostura, cum in vicem aquæ rubens ex atro merum infunditur, rubello siquidem plena patera existimatur, quæ dum epotanda aliqui porrigitur, foramine ab ore procul remoto, nihil profundit, moleste ferentibus ijs qui bibere ex ea conantur. Facile tamen error detegitur, quando ex aduerso incidentis

luminis

A luminis inspicitur. Si enim è pateræ cauo nullus luminis radius ad oculos intuentis porrigitur, tamquam à plana superficie innatantis liquoris repercussus; inuincibile est inanis vacui argumentum. nullum enim dubium esse potest, quin ab extrema liquoris superficie, si quis intra pateræ cauum existat, luminis radium in aduersam partem remitti, ac proinde etiam videri oporteat.

PROPOSITIO CLI. THEOREMA.

*Aqua perspicuo colore infecta, cum ex eo loco cernuntur
unde lumen procidit, obscuræ videntur.*

B




COLORES quibus aquæ tinguntur, aut crassi sunt & faculenti, minimeq; pellucidi, aut vitri in modum perspicui ac transparentes. Si primi generis sit color qui aquæ inspersus innatat, palàm est eum ex aduerso luminis spectatum atrum atque obscurum videri, propterea quòd corporis crassities luminis radium intercipiat, ac versus originem repellat. Quod manifestè apparet, cum vitream ampullam aqua tincta plenam luminis radio obiicimus. Idem verò color, si vitrum ea parte spectatur qua luminis radium suscipit, propriam speciem formamq; exhibet, quam nempe repercussus luminis radius ad oculos intuentis refert. At si apprimè perspicuus sit aquæ infectæ color, ex aduerso quidem luminis spectatus propriam repræsentat imaginem, tantò viuacius, quantò lumen est excellentius: ex eadem verò parte spectatus, qua lumen procidit, obscurus apparet; ac tantò etiam atrior, quantò est saturatior; tantoque clarior, quantò dilutior est. Cùm enim luminosus radius per aquæ simul ac coloris substantiam directò penetret nullo obsistente, nullaque parte ad intuitum repulsa, certè nec aqua nec color videbitur, sed atræ opacitatis speciem exhibebit: nam quod non videtur, similitudinem quamdam tenebrarum præ se fert, vt libro primo non vno loco diximus. Igitur aquæ perspicuo colore infectæ, cum ex eo loco spectantur vnde lumen procidit, obscuræ videntur.

Simile quiddam in mari videre licet, dum positis fluctibus planum ostenditæ quor: D nempe sub solis occasum; si ad orientem conuersi aquâ maris intuemur, opacam quamdam profunditatem in ea cernimus. Siquidem solis claritas in summam aquæ planitiem obliquè incidens vmbra subter adauget, inde verò in oppositam partem (orientem scilicet) reiecta, maiorem aspectui concedit penetratione; sic ergo fit, vt obscurior aqua ea parte appareat. At contrà, si aduerso sole mare aspiciamus, ipsius fulgor aquarum planitiem ita perfundit, vt nullus aspectui pateat in profunditatem aditus: idemque ab aquæ læuore resiliens, oculorum aciem ita perstringit, vt quamuis velit, nihil tamen perfectè videre possit.



FRANCISCI AGVILONII
 E SOCIETATE IESV
 OPTICORVM
 LIBER QVINTVS
 DE
 LVMINOSO ET OPACO.



ARGVMENTVM.

LIBRO primo propositione 30. & sequentibus explicata est quadamtenus natura luminis, quoad scilicet ad obiectum visus primò attinebat, eiusque cognitio ad intelligentiam visibilium specierum conducibilis erat. Quo etiam loco de coloribus utcumque est actum, quatenus nimirum ab ipsis alijs quidam tenuioris essentiae colores exoluti ac luminis ope ad aspectum delati, illos qui in rebus sunt, velut propriae imagines representant. Nunc de luminis profusione ac propagatione, de luminum concursu & occurssu, de luminis illapsu in varias corporum formas, de umbrarum productione, deq; varia figuratione luminis per foramen traiecti non pauca proponenda occurrunt, qua

- A** quæ omnia magnam habent cum Optica cognationem. Nam lucidum corpus est velut oculus, (quare sol à Philosophis mundi oculus nuncupatur:) opacum verò corpus instar obiecti est quod perspicitur: at lumen ceu radius opticus hinc solem corpùsve quod suapte natura collucet, illinc ad iopton attingit: sic enim D. Chrysostomus homil. 55: in cap. 9. Ioan. de cæco à natiuitate: Quod sol mundo, hoc oculus corpori. Extincto enim sole, omnia perduntur & perturbantur, ita amissis oculis pedes inutiles sunt, & manus, & animus. Item Plato de Rep. lib. 10. protendi asserit
- B** cæleste lumen per mundum vndique vniuersum, quasi mundanæ animæ visum, quo suum id totum cernat, tangat & foueat. Est verò opacum corpus à luminoso haud penitus absimile. Nam quemadmodum lucenti corpori congenita est lux, quæ de se lumen velut sobolem gignit: ita opaco corpori obscuritas quædam à prima origine inserta est, quæ vmbra de se profundit. Distant autem, quòd luminosum hoc solum à natura habeat, vt lumen ex se producat; at opacum, lumen vario modo suscipiat, & vmbra in diuersas partes proijciat. Hunc porrò locum propriè sibi vendicat hæc tractatio. Est enim quædam explanatio eorum, quæ hætenus de visu eiusque
- C** functione ac radio optico proposita sunt: præceptio autem eorum, quæ sequenti libro de proiectionibus vniuersè tractabuntur. Vti enim luminis profusio cum radio optico, ita vmbra in planum susceptio cum proiectionibus exactissimam habet comparisonem: vnde Gnomonica horarum descriptiones solaris radij vmbraque in subiectum planum proiectiones quædam esse videntur, quas proinde nullo negotio, ac velut propria Minerva addiscet, qui his primùm rebus operam dederit. Et Vitruuius ait per Opticen in edificiis à certis regionibus cæli lumina rectè duci. Quid ita? non aliam profectò ob-
- D** causam, quàm quia eadem propemodum est luminis atque aspectus productio. Quare idem ita monet: Quoniam aut communium parietum altitudines, aut angustia loci impediundo faciunt obscuritates, linea seu funiculus tendatur ab altitudine parietis qui videtur ob stare, ad eum locum cui lumen oporteat immittere, & si ab ea linea poterit puri cæli amplum spatium videri, in eo loco lumen erit sine impeditioe; sin autem officient trabes, seu limina, aut contignationes, de superioribus partibus aperiatur: & ad summam è quibuscunque partibus cælum prospici poterit, per eas fenestrarum loca relinquuntur: sic enim lucida erunt ædificia: una siquidem eademque est susceptio luminis atque aspectus via. Quocircà post eorum tractationem quæ visui propriè insunt, priùs quàm ad proiectiones accedamus, medias hæc luminosi opaci que corporis affectiones inserere placuit, quas partim physicis partim mathematicis rationibus, quod hætenus factum est, confirmabimus.

Vitruuius
lib. 1. c. 1.

Vitruuius
lib. 6. c. 9.

DEFINITIONES.

- F** I.
Corpus luminosum id esse dicimus, à quo vtcumque lumen profunditur.



PERSPICVA fanè est hæc definitio, & quæ expositione non indiget. Porrò nihil omnino ad præsens nostrum institutum attinet, an per luminosum corpus id solum intelligas, quod proprio coruscat fulgore, vt sol; an verò id etiam, quod non nisi externo lumine affluente splendet, vt luna. Nos id omne intelligimus à quo lumen vtcumque propagatur: sic vt futiore significatione luminosum, quàm lucidum splendidumve corpus accipiatur.

II. Dia-

II.

Diaphanum corpus dicitur, quod lumini pervium est.

DIAPHANVM idem est quod Aristoteli Perspicuum, cuius definitio tradita est libro primo propositione 30. atque etiam dilucidè ibidem explicata: quare superuacaneum erit eam in præsentì pluribus verbis enucleare. Fuit verò in memoriam hoc loco Lectori reuocanda, quòd ex ipsius cognitione definitio opaci dependeat, vt mox apertiùs licebit animaduertere. Ita quippe contrariorum alterum ex alterius perceptione internosci plurimùm solet.

III.

Adiopton siue opacum dicitur corpus, quod lumini impervium est.

Ex natura diaphani facilè colligi potest definitio vmbrosi: vtì enim transparens est, per quod lumini transitus patet; ita vmbrosum siue opacum, quod lumen prohibet arcetque. Porrò sitne opacitas propria ac peculiaris qualitas, qua corpora quæ vmbrosa dicuntur lumini obsistunt, an verò à luce coloribusve eam facultatem mutantur, libro primo propositione 31. diffusiùs est explicatum. Cuius quæstionis hæc est summa, Omne corpus naturæ conditione translucidum esse, perque colores lucè mve, quæ suapte vi aspectum terminant, adiopta fieri.

IV.

Lux dicitur quæ fulgenti corpori congenita est.

QVÆDAM innata luce fulgent, vt sol reliquaque sidera, præter lunam, quæ primarium lumen soli acceptum referre debet; proptio insuper lumine collucet ignis, nitedulæ, piscium squamæ, ac putres quercus: alia lumen ab aliis mutuatur, vt sunt specula, atque diaphana omnia, cum luminoso cuiuspiam corpori obiectantur. Quæ prioribus ingenita est qualitas fulgida atque coruscans, lux propriè nuncupatur, quæque ab hac velut soboles progignitur, ac per translucidum medium longè lateque diffunditur, lumen dicitur, lucisque imago, illi colorì similis qui ab alio colore, corpori penitus inserto, vi luminis appulsi deciditur; atque eiusdem luminis ope nixus, per diaphanum medium transuehitur.

V.

Lumen est aspectabilis qualitas à luce prognata, ac per diaphanum medium longè lateque diffusa.

HAC velut propria nota lux à ceteris manifestis qualitatibus distat, quòd de se sui simillimam qualitatem ceu quamdam propaginem fundat. Id verò nulli alteri per se contingit. Cuius rei explicandæ gratia notandum est qualitates omnes, quæ actiuæ vocantur, duùm esse generum. Quædam enim sunt cælestes, aliæ elementares. Cælestes sunt, calor solis, lunæ dominatus in humida vniuersa, aliorumque siderum occultæ vires. Quibus persimiles sunt eæ quæ in sublunaribus specificæ vocantur, ita dictæ, quòd per manifestas materiæ qualitates explicari non possunt, quas proinde admirari plerique solent propter causæ ignorationem, cuiusmodi sunt magnetis erga ferrum durumque chalybem; nephritidis aduersus renem calculosam saburram; rhabbarbari ad exturbandam bilem; aliaque sexcenta, quæ ad profligandas varias noxas vtilia hominum industria solertiaque adinuenit. His omnibus id commune in primis est, quòd effectus proferant dissimiles causas. quare nullam cum luce cognationem habent, quæ lumen simillimam sui sobolem procreat.

Deinde cum hæc omnes virtutes cominùs tantùm suapte natura agant, & quasi per contactum: cælestes autem illæ longissimo interuallo à nobis seiunctæ sint, probabilis ratio suadet, eas luminis ope in hæc inferiora influere, cum videamus astris omnibus quamdam lucis portionè esse cõgenitam, ac tum maximè agere, cum præcipuè fulgent.

Inter elementares duæ in primis, quæ passiuæ vocantur, longissimè à natura luminis distant: nam neque humiditas qualitatem, neque humectatio alterationem significat.

Est

A Est enim in aquea substantia humiditas, quod in oleacea pinguedo: & vt pinguedo illita pinguefacit, sic humiditas solo adhæsu humectat. Rursus siccitas humiditatis solius est defectus, exsiccatioque humoris absumptio.

Inter actiuas verò frigus nullam de se frigiditatem effundit: quod etsi mirum fortassis nonnulli videbitur; est tamen à ratione minimè alienum, & experientia hoc ipsum manifestè demonstrat. Nullum siquidem, quantumuis frigidum tactu corpus existat, vt glacies in proximè admota, vllum frigiditatis sensum ingerit: sed sola attrectatione frigidum vnumquodque sentitur. quod sæpè inficiantibus ludicro experimento ostendimus, cum exporrecta manu obuelatisque oculis edicere ipsos iuberemus, an admoti proximè frusti glacialis frigiditatem persentiscerent. Fiebat enim subinde vt sentire se quidpiam dicerent, cum nihil esset admotum, aliàs se nihil prorsus sentire affirmarent, cum frigidum corpus adèd propè admoueretur, vt solùm non tangeret. Sic igitur propria sententia conuicti, in veritatis agnitionem veniebant. Quæ verò aduersus hanc veritatem in speciem pugnare videntur, facillimam habent explicationem. Quod sanè luculenter ostendi hoc loco possiet, si huius esset instituti: at quia lucem noster opperitur discursus, cœptam qualitatum enumerationem prosequamur.

Supereft calor, sui, vt apparet, diffusiuus; quemadmodum lux: siquidem vt hæc lumen, ita calor calorem gignit. Verùm non sine luminis ope à calore qui in igne residet, alius calor propagatur: quocircà non per se primò calor sui est diffusiuus quemadmodum lux. Deinde verisimilius equidem existimo à materia igni succensa, vaporem item accensum efflari, qui occultè per aërem delatus, obuia quæque tactu calefacit, atque etiam deurit, si densitatem aliquam obtineat.

Hinc enim fit vt luculentiori igni propiùs admota vstulentur, tametsi aspectabilem ipsum ignem non contingant, id quod in charta ac stupa persæpè apparet; at longè manifestius in naphtha, asphalto, succinis, aliisque quæ è longinquo flammâ suffurantur.

Fit hinc etiam vt supernè validius acriusque quàm infernè aut ad latera ignis exalfaciat, quòd scilicet ignitus vapor calore attenuatus superna capeffat. Quod sanè qualitati non propriè conuenit, sed substantiæ: non enim rectè calorem leuem dixeris, sed id potiùs quod calidum est; hoc namque caloris vi diductum fit leuius, vti grauius id quod materiæ condensatione in angustiorem morem compingitur.

D Hinc præterea genuina causa elici potest, cur hieme acriusque gelu viuaciores sint flammæ. Frigus namque quod circumstat, expirationem prohibet, spiritusque inflammabiles in vnum cogit: sic ergo propter materiæ vnitatem ignis fit acrior.

Hinc demum superioris quoque experimenti causa perspicuè cognoscitur, cur inquam frigida corpora non perinde frigiditatem ex se effundant, vt calida calorem. Frigus namque corpora quibus inest, arctissime stringit, calor verò deducit: quare iste expirationem calidorum corpusculorum mouet, quorum subsidio deportatur; illud verò omnem expirationem prohibet.

E Perspicuum est igitur rectè lumen dici eam qualitatem, quæ à luce fulgenti corpori ingenita prognascitur, insitaque facultate in omnem circum partem medij diaphani diffunditur. Quæ vis luci ab Architecto naturæ sapientissime est attributa, quòd sit omnis vitæ actiuitatisque principium, fons & origo.

V I.

Splendor est lumen à terso politoque corpore repercussum.

V T lumen à luce, sic à lumine generari aliud lumen interdum potest, cum nimirum id quod in superficiem exactè perpoliti corporis incidit, inde nouam sui imaginem remittit: hic splendor nuncupatur. Et vt primum corpus lucidum à luce, ita secundum à splendore splendidum dicitur. Est verò splendor multò tenuioris essentiæ, quàm sit lumen; vt & lumen ipsum primaria luce tenuius. Et quamuis à corporibus asperis, minimèque læuibus, aliqua etiam fiat luminis repercussio, cum insigniter illustrantur; ab his tamen reiectum lumen, propter hebetudinem, splendoris nomine appellari receptus loquendi vsus non permittit.

Sunt porrò varij splendoris gradus ex alia atque alia repercussione prognati. Nam vt lumen à lucente corpore euibratum occurfu læuigati corporis in aduersam partem remittitur: ita & hic ipse splendoris radius in aliud tersum corpus incidens, noua propulsione retunditur ac hebetatur, idque toties dum penitus intereat.

VII.

Lumen primum dicitur, quod immediatè à corpore lucido proficiscitur; lumen secundum, quod à lumine primo est; tertium, quod à secundo, atque eodem ordine cetera.

CVM sol hæc inferiora suo fulgore perfundit, is locus, in quem directi à sole radij prociunt, primo siue primario lumine collustratus dicitur: estque hic ille præcipuus fulgor, quem sol in omnem circum partem directò vibrat, vbi nullo crassiore corpore obistente prohibetur. Ab hoc lumine propinquus aër participat: pars enim à corporibus, in quæ primarium lumen impingit, repercutitur; pars verò ab aëre, in quo præcipuum lumen nitet, in vicinum aërem traducitur. Non enim vsque adeò perlucida est ista qua fruimur substantia aëris, vt nullius omnino opacitatis sit particeps. Habet namque obscuritatis aliquid ex propria naturæ conditione: plurimum verò à vaporibus exhalationibusque, quibus perpetuò distenditur. His igitur primarium lumen infidet, atque inde sese in vicina loca transfundit, non ea excellentia, eoque insigni nitore, quo à natura priusquam retunderetur præditum erat; sed longè inferiore gradu, vt potius imminutum quoddam lumen, quàm lumen de lumine dici mereatur. Hoc ergo secundarium est lumen: quodque analogia quadam ab isto fit, vt istud à primo, tertium nuncupatur: atque ita deinceps.

VIII.

Lumen perfectum illud dicitur, quod ab omnibus partibus luminosi prociunt; quod verò à parte tantum, imperfectum.

SOL cùm totus supra finitorem exortus est, perfectum ad nos lumen transmittit: cùm verò pars eius subtus etiamnum latet, lumen ad aspectum nostrum porrigitur imperfectum. Rursus in solis defectione lunare corpus solari obiectum, si partem dumtaxat solis obtegat, quod à reliqua lumen emicat imperfectum est, perfectum mox futurum luna discedente. Ex his similibusque exemplis perspicua relinquitur perfecti imperfectique luminis definitio, vt longiore oratione ad ipsius explicationem opus non sit.

IX.

Radius luminosus recta est luminis profluentia.

QVÆCVMQVE libro secundo de radio optico diffusius pertractata sunt, ea radio luminoso proportionem quadam accommodari possunt. Quare radius luminosus non proprie est ea recta linea seu vera, seu imaginabilis, per quam lumen traducitur: sed est lumen ipsum rectè euibratum, vt eodem secundo libro propositione prima luculenter ostensum est. Vbi plura ad huius definitionis perceptionem vtilia legi possunt.

X.

Pyramis luminosa est figura luminis à corpore fulgido ad unum aliquod externum punctum collecti.

HÆC proportione respondet pyramidi opticae, vt enim optica pyramis verticem habet oculi centrum, ac basin in re visa: sic & luminosa pyramis verticem quodcumque punctum habet, cui luminosum corpus ceu basis substernitur: cuius profectò ratio inde ducitur, quod ab omnibus partibus corporis luminosi in omnes partes medijs perspicui, luminis radij destinentur. Ex quo id etiam subinferre licet, ab vno luminoso corpore pyramides porrigi numero infinitas; quod ex iis liquidò patet quæ primo & secundo libro sæpius sunt inculcata. Et sanè luminosa pyramis non modò similitudine quadam pyramidi opticae respondet; sed interdum etiam ipsa verè est optica, cùm nimirum eius vertex in centrum visus terminatur; tum siquidem totus luminis processus visibilis forma est qua corpus lucidum cernitur, vt ex propositione 46. libri primi manifestè constat.

A

XI.

Illuminationis verò pyramis figura est euibrati luminis, quod à puncto corporis luminosi ad superficiem corporis illustrati diffunditur.

B

PYRAMIS illustrationis conuersa proportione respondet pyramidi luminosæ: vt enim luminosa pyramis verticem habet vnum aliquod externum punctum, ac basin luminosum corpus; sic illuminationis pyramis verticem habet punctum quodcumque corporis luminosi, basin verò superficiem corporis illustrati. De hac quoque re plura vide Lector secundo libro definitione septima. Dicitur verò hæc illustrationis pyramis, quòd per eam res luminoso corpori obiectæ illustrentur, non secùs ac illa luminosa nuncupatur, quòd per eam luminosi corporis actio euibretur.

XII.

Vmbra est lumen imminutum, maioris quod circumstat luminis comparatione.

C

QUEMADMODVM inter obscuros Philosophos non rectè sentiunt, qui vmbra rem aliquam esse existimant, quòd à nonnullis arboribus prolapsæ vmbre graues infestæque esse deprehendantur

*Vsq̄ ad eò, capitis faciant vt sæpè dolores,
Si quis eas subter iacuit prostratus in herbis.*

ita inter doctiores non parum hallucinantur ij, qui vmbra luminis esse priuationem absolutè pronuntiant. Hæc enim propria est tenebrarum definitio, quas inter ac lumen, median naturam vmbra adeptæ est: hæc namque ex habitu simul & priuatione componitur. Quare lumen primarium vmbre rationem habere nunquam potest, siquidem

D nullius alterius luminis est priuatio: sed quod tertij comparatione est lumen secundarium, id cum primo collatum est vmbra.

Et quamuis perfectæ tenebræ omnino definiantur lucis priuatio, quia tamen eiusmodi supra terræ superficiem existere non possunt, quòd semper aliqua luminis portiuncula vel tenuissima ab excellenti solis fulgore superfit, sit vt familiari quodam loquendi vsu tenebras vocemus eam luminis artenuationem, seu vmbre obscuritatem, quæ res aspectui eripit, externasque hominum functiones obire non sinit. Densissimas verò appellamus tenebras, cum nil omnino perspicitur.

E Porrò non ex hac luminis admittione prouenit, quòd vmbre aliquarum arborum noxiæ sint, cum eò sint nocentiores, quòd obscuriores: sed id ab ipsis prouenit arboribus, quæ solis radiis percussæ æstuant, tetrumque spiritum profundunt; hic verò frigidiora loca ad sui conseruationem suapte vi petens proximum locum opacum inuadit, hominumque aut pecorum corporibus insidens, propriæ substantiæ contagione nocentum infert. Hinc autem nemo rectè concludet vmbra rem aliquam esse; sed potius luminis salutaris absentiam.

XIII.

Vmbra prima est absentia primi luminis, secunda secundi, ac sic deinceps.

F


VMBRA non secùs ac lumen suos habet intensiõnis & remissionis gradus: verum ij luminis gradibus non ex æquo respondent. Nam quod lumen secundum est, hoc prima est vmbra: & quod lumen tertium, id vmbra secunda est; atque ita deinceps vmbra vno semper gradu lumine inferior est. Cuius ordinis ratio ex præcedente definitione perspicua est: ex ea enim constat vmbra lumen esse diminutum. Ergo prima vmbra à primo lumine, & secunda à secundo vno saltem gradu distare debet, vt vmbre rationem habere queat: quandoquidem in eo posita sit vmbre qualiscumque essentia, vt alicuius, non verò omnis luminis sit priuatio.

XIV.

Vmbra plena seu perfecta illa dicitur, ad quam nullus radius corporis luminosi pertinet.

PERFECTO lumini, definitione octaua superius explicato, similis quoddam pacto est perfecta vmbra, sed ratione contraria: vti enim perfectum lumen ex totius luminosi omnium partium conspiratione progignitur; ita vmbra perfecta ex totius luminis priuatione inuehitur. Quod vt apertius ostendatur;

Esto corpus luminosum AB , ei que obiectum corpus opacum C , per cuius contactum gemini radij ab extremitatibus luminosi corporis protendantur, ab A videlicet AE & AI ; à B verò BE & BH : dico corporis C vmbra DEF plenam perfectamque esse; siquidem nullus ad eam radius à corpore luminoso attingit, vt ex schemate ipso patet.



Notandum verò, hanc vmbra, tamen si suapte natura vnus vndique obscuritatis sit, quòd videlicet totius luminis sit absentia, tamen ex accidenti minimè vniformem esse. Cum enim aliquid semper luminis à circumfuso aëre illustrato in obscurum ipsum locum deriuetur (quod definitione 7. est explanatum) idque non vniforme, fit vt vmbrae partes quæ longius absunt, à stipante lumine obscuriores relinquuntur.

XV.

Vmbra diminuta seu imperfecta est, in quam aliqui dumtaxat radij à corpore luminoso prociidunt.

EIVS MODI est in superiore schemate HKE . Hæc enim nec omnes, nec nullos radios luminosi corporis suscipit, sed aliquos dumtaxat. Cum enim BH radius ab extremitate corporis luminosi proueniat, erit HK extremus terminus perfecti luminis, quippe ad omnem eius lineæ partem à toto luminoso corpore lumen proficiscitur. Quare si vmbra HKE per lineam KM vtcumque diuidatur, hanc productam versus corpus luminosum inter A & B incidere est necesse. Cadat itaque in G . Manifestum igitur à tota parte GB corporis luminosi nullum luminis radium ad vmbra MKE affulgere, sed ab AG tantum. Quocircà MKE media solummodò est vmbra. Cumque simili modo ostendi idem possit, de quavis parte vmbrae HKE ; erit tota vmbra, quæ inter HK & KE comprehenditur, dimidiata, imminuta, & imperfecta.

Hic quoque idem quod in præcedente definitione obseruandum est, vmbra videlicet HKE minimè vniformem esse. Nam iuxta vmbra perfectam obscurior semper est, propterea quòd pauciores semper radios eò versus excipiat: at versus HK seu perfectum lumen dilucidior semper ex plurium radiorum susceptione efficitur, quoad tandem in perfectum lumen ad HK transmutetur.

Rursus patet radios AE & BE , qui ab extremitatibus corporis luminosi per contactum vmbrosi corporis protendantur, terminos esse perfectæ imperfectæque vmbrae. Nam vmbra perfectam finiunt, atque ab imperfecta discriminant: AI verò & BH perfecti luminis sunt initia, inter que ac terminos plenæ vmbrae media vmbra intercipitur. Rursus GM & GN imperfectam ipsam vmbra in magis ac minus dispescunt: siquidem quæ inter H & M intercipitur, illa quæ inter M & E continetur dilucidior est, ac perfecto lumini propinquior. Quæ omnia in descripta superius imagine accuratè conspiciuntur.

LEM-

A


L E M M A T A.

L E M M A I.

In homogeneis corporibus luminosis ea est proportio totius luminis ad totum corpus, qua est partis luminis ad partem corporis proportionatam.

B **I**n primis ex homogenei corporis natura ac definitione sic potest demonstrari: Homogeneum corpus id definitur, cuius omnes partes vnius sunt essentiae; quare & vnius materiae vniusque formae sint oportet. Haec enim prima sunt essentiae elementa & partes: non igitur materia hic rarior, illic densior; sed in aequalibus partibus quantitatis ac molis, aequales sunt materiae portiones: quapropter & aequales sunt portiones substantialis formae. Haec namque cum ex materiae sinu educatur, ex copiosiore materia, vberior forma; ex parciore materia, forma contractior; ac demum pro rata materiae quantitate, maior minorve elicitur substantialis formae prouentus; sic, ut forma materiae exacte sequetur. Ex quo tandem fit ut accidentaria quoque forma, quae substantiali propria est atque congenita, uti lux corpori lucido, totius corporis magnitudini proportionem respondeat. Cum enim a substantiali forma naturali quadam emanatione proueniat, eandem habebit in materia extensionem, quam forma ipsa: quocirca quam rationem habet vna pars luminis ad partem corporis cui inest, eandem pars reliqua luminis ad reliquam partem corporis habeat necesse est.

Est igitur corpus totum $A B$, eiusque partes $A E$ & $E B$. Est similiter $C D$ totum lumen corporis $A B$, & $C F$ quidem lumen partis $A E$, $F D$ autem lumen partis $E B$: cum sit quemadmodum $C F$ ad $A E$, ita $F D$ ad $E B$, ut iam proximè ex homogenei natura est demonstratum, erit per 18. quinti Euclidis $C F$ ad $A E$, ita totum lumen $C D$ ad totum corpus $A B$; quod erat propositum demonstrare.



L E M M A II.

Eadem quoque est proportio virtutis totius luminis ad totum lumen, qua partis virtutis ad luminis partem.

NAM ut substantialis forma è potestate materiae euocatur, ita proprietates compositi, ex potentia formae substantialis, & vis agendi que facultas ex ipsis proprietatibus, ceu ex fonte riuuli, naturali quadam scaturigine emanant. Quare necesse est haec omnia ad materiae amplitudinem ac molem aequali mensura simul extendi, sic ut partes formae materiae partibus, & luminis partes partibus formae, & partes virtutis partibus luminis exacta proportione respondeant. Vnde tandem, ut prius, per rationum compositionem efficitur, ut ita se habeat virtus tota ad totum lumen, ut pars virtutis ad luminis partem; quod erat demonstrandum.

Quod de magnitudine ac mole luminis, eiusque partibus, iam diximus, simili quodam pacto de gradibus intensiōis est intelligendum. Hi namque aequales cum inter se sint, parem quoque vim illos habere conuenit: quare cum ita se habeat pars virtutis ad virtutis partem, ut pars intensiōis ad intensiōis partem; erit quoque quemadmodum tota virtus ad totam intensiōem, ita pars virtutis ad intensiōis partem proportionatam.

Neque audiendi sunt Philosophi quidam, temerè asserentes gradus intensiōis, licet entitate aequales inter se sint, non esse tamen pares dignitate, agendi que efficacia: sed qui primùm adueniunt, hos imbecilliores esse; robustiores verò illos, qui posterius accedunt: quorum hoc potissimum est argumentum, quòd posterior quisque includat priores, ceu totum suas partes: quare efficacius agit posterior quisque ex priorum concursu ac coniuncta virtute, quàm hi per se seorsum valeant.

Sanè hoc diffidendum non est posteriores gradus efficacius agere collatis priorum viribus, quàm priores agant, cum nondum posteriores accesserunt: verum uti posteriores

ex priorum conspiratione, ita & priores ex accursu posteriorum fortius operantur. Nam ^A ut propositione 9. ostendendum est, singulæ luminosi partes, dum ceteræ in eandem actionem conueniunt, longius actionem protendunt, & in quavis parte medijs excellentiorem effectum producant, quàm cum per se ac solitariè sumptæ agunt. Quod æquè in gradibus intensiõnis, atque in partibus quantiratis veritatem habet: namque vna est omnium causâ, quam propositione 9. explicabimus. Non igitur ex eo quodd posteriores intensiõnis gradus includant seu potius supponant priores, aut quodd posteriores fortius agant, adiuti priorum concursu; sequitur ipsos per se consideratos prioribus dignitate præstare. At enim priores quoque accursu posteriorum perfici, longiusque actionem protendere, eadem ratio conuincit. Igitur nec hi illis, nec illi istis excellentiores ^B sunt, aut in actione validiores; sed pares omnes tum dignitate, tum agendi facultate.

LEMMA III.

Plura luminaria iuxta se posita, eam virtutis rationem habent, quam partes vnius proportionata.

Hoc primò te Lector admonitum volumus, ea luminaria intelligenda hîc esse, quorum æquè intensum sit lumen. Nam fieri potest, ut vnum duobus quidem ^C æquale sit magnitudine, at dispar agendi facultate, si nimirum non æqua sit luminis intensio.

Sint itaque tria luminaria vno intensa gradu, at magnitudine dispari; vnum quidem pedale, alterum bipedale, ac tertium tripedale: dico primum & secundum dum iuxta se posita simul agunt, eam virtutis rationem habere, quam partes tertij luminaris proportionatæ, hoc est, quam pars eius pedalis ad reliquam bipedalem. Ut enim pars pedalis tertij luminaris dimidium tantum effectum producit partis reliquæ, scilicet bipedalis; ita primum luminare dimidium tantum effectum gignit luminaris secundi. Et vtrumque simul primum ac secundum lumen proferunt luminis tertij corporis æquale: itemque primum vnâ cum secundo æquè longè actionem protendit, ac tertium per se solum. ^D Atque eodem modo cetera quæ ad actionem spectant, primo ac secundo simul eadem obueniunt, quæ tertio per se seorsum ac solitariè agenti.


Causa huius rei ex homogenij natura petenda est. Cum enim primo lemmate ostensum sit, homogenia agere virtute formæ substantiali congenita: sitque in primo ac secundo luminari simul sumpto tantum formæ substantialis, quantum in tertio solo, erit virtus duorum virtuti tertij æqualis. Quare duo illa simul agentia æquali efficacia, atque ad æquale spatium actionem producent, ac tertium. Rursus cum eadem forma per totam singulorum substantiam ex æquo diffusa sit, erit & virtus vbique vniformis. Quocircâ tantum virtutis erit in primo luminoso corpore, quantum in pedali parte tertij; & tantum in secundo, quantum in tertij parte reliqua. Igitur plura luminaria iuxta se posita, eam virtutis rationem habent, quam partes vnius luminaris proportionatæ; quod ^E erat probandum.

LEMMA IIII.

Si ad vnum trianguli latus parallela adiuncta fuerit recta quadam linea, abscissum triangulum toti æquiangulum erit.

EST O triangulū ABC , in eoq; ducta recta linea DE lateri BC parallela: dico resectum triangulū ADE toti triangulo ABC æquiangulum esse. Cum enim in duas parallelas BC & DE recta incidat linea AB , erunt alterni anguli ADE & ABC æquales per 29. primi Euclidis, eademq; ob causam æquales erunt anguli AED & ACB : at angulus A communis est vtrique triangulo, ipsa itaque æquiangula sunt; quod erat demonstrandum.

Potest idem aliter non minus commodè atque expedite demonstrari in hunc modum: Quoniam DE ipsi BC ex hypothesi est parallela, erit per 2. sexti Euclidis ut AB ad AD , sic AC ad AE ; & vicissim per 16. quinti Euclidis, ut AB ad AC , ita AD ad AE . Cum ergo in triangulis ABC & ADE latera AB &




A AB & AC lateribus AD & AE sint proportionalia, hisque contentus angulus ad verticem A communis, sequitur ipsa triangula ABC & ADE æquiangula esse per 6. sexti Euclidis, quod erat propositum.

LEMMA V.

Si dua recta linea circulum tangant concurrentes in idem aliquod punctum, qua tactus iungit recta linea, rescindit à tangentibus portiones æquales, & cum eisdem triangulū Isoceles constituit.


B **R**ECTÆ AB & AC circulum ex centro D contingant in B & C , quæ verò signa contactuum iungit recta linea esto BC : hanc dico rescindere à tangentibus portiones æquales, nimirum AB & AC . Si enim ex centro D ad loca contactuum B & C , semidiametri educantur DB & DC , erit DB ipsi AB , & DC ipsi AC normalis per 18. tertij Euclidis. Quare rectus erit vterque angulorum ABD & ACD , qui proinde æquales quoque inter se erunt. At angulus DBC æqualis est angulo DCB per 5. primi Euclidis, quod nimirum DB & DC ex centro sunt eductæ, ideoque inter se æquales per circuli definitionem. Si igitur æquales anguli DBC & DCB ab æqualibus rectis DBA & DCA subducantur, reliqui ABC & ACB æquales inter se erunt per communem notionem. Quocircà & AB , AC , quæ illis opponuntur inter se erunt æquales; si enim negentur æquales, concedatur AC quàm AB maior. Igitur per 18. primi Euclidis angulus ABC angulo ACB maior erit, cum omnis trianguli maius latus maiorem angulum subtendat: ponitur autem ABC angulus angulo ACB æqualis: fieri igitur nequit, ut AC ipsâ AB maior existat. Eodem verò modo ostendetur nec minorem esse posse AC quàm AB , si angulus ABC angulo ACB æqualis esse concedatur. Itaque AB & AC sunt inter se æquales; quod erat demonstrandum. Ex quo tandem fit, ut triangulum Isoceles ex his lineis AB & AC , & ea quæ puncta contactuum iungit BC perficiatur, ut ex definitione Isoceles, quæ est vigesimaquinta libri primi Euclidis, manifestè constat.



LEMMA VI.

Si dua recta linea circulum contingant concurrentes in unum aliquod punctum, qua à concursu ad centrum circuli ducitur, eam qua tactus iungit, bifariam secat.

E **C**IRCVLVM ex A centro descriptum dua contingant rectæ lineæ BD & CD , concurrentes in puncto D , unde ad circuli centrum A recta agatur linea DA : dico eam quæ tactiones copulat BC ab ipsa DA bipartitò secari in E . A contactibus enim ad centrum rectæ lineæ adiungantur AB & AC : quoniam igitur in triangulis ABD & ACD , latus AB æquale est lateri AC per circuli definitionem, estque latus AD vtrique commune, basis item BD basi CD æqualis per præcedens lemma, erit & angulus BAD angulo CAD æqualis per 8. primi Euclidis. Rursus cum in triangulis ABE & ACE æqualia sint latera AB & AC , nempe ex centro ad circuli ambitum proiecti radij, sitque AE commune vtrique, angulus autem BAE angulo CAE iam ostensus æqualis, erit per 4. primi Euclidis & basis BE basi EC æqualis. Igitur si dua rectæ lineæ circulum contingant concurrentes in vnum aliquod punctum; quæ à concursu ad centrum circuli ducitur, eam quæ tactus iungit bifariam secat; quod erat propositum demonstrare.




LEMMA VII.

Si recta quadam linea duos circulos tangat, erunt, quæ à centrīs ad contactus educuntur recta linea, inter se parallela.

Duos inquam circulos ex A & B centrīs descriptos recta tangat linea C D in punctis C & D, atque à centrīs ad tactionum signa rectæ applicentur A C & B D: has aio parallelas inter se esse. Quia enim per 18. tertij Euclidis A C & B D ipsi C D sunt perpendiculares, erunt anguli A C D & B D C recti per 10. definitionem lib. primi Euclidis: quare per 28. primi Euclidis parallelæ erunt ipsæ A C & B D rectæ lineæ, quæ nimirum à centrīs ad contactus prociunt; quod demonstrare propositum fuit.

Placuit hoc lemma in circulis inæqualibus demonstrare, ne si æquales assumpti à nobis fuissent, in suspicionem fortè particularis veritatis Lector incidisset. Ita enim sæpè fallimur; dum ex vno schemate vniuersè concludimus, quod in ceteris falsum esse deprehenditur. Iam verò ex circulorum inæqualitate manifestè constat, propositum theorema vniuersalem veritatem habere; cum semper necesse sit eas quæ ex centrīs ad contactus ducuntur tangenti normales sese, rectosque cum ea angulos efficere, per 18. tertij Euclidis.





LEMMA VIII.

Si dua recta linea duos circulos contingant, erunt ea, quæ tactus iungunt, parallela.

PLVRIBVS quidem modis obuenire potest, vt duæ rectæ lineæ duos circulos contingant, qui peculiare exigunt demonstrationes, atque ex propriis principiis deductas. singulos proinde casus sigillatim exponemus.


Primò sint duo circuli æquales, quorum centra A & B, hosque duæ rectæ lineæ contingant C D & E F, quarum tactiones iungantur per rectas C E & D F: has dico inter se parallelas esse. Iungantur enim circulorum centra per rectam A B, atque à centrīs rectæ ad contactus deducantur A C & A E, itemque B D & B F: quoniam igitur per antecedens lemma parallelæ sunt A C ipsi B D, & A E ipsi B F, si ostensum fuerit in directum extensas esse ipsas rectas lineas C A & A E, itemque D B & B F, perspicè concludetur propositum, scilicet parallelas esse inter se C E & D F, quæ tactiones copulant. Illud autem sic



probabitur: Cum parallelæ sint A C & B D per præcedens lemma: sint verò & inter se æquales per circuli definitionem, vtpote æqualium circulorum semidiametri, erunt quoque A B & C D parallelæ per 33. primi Euclidis. Quare per 29. primi Euclidis erunt duo anguli A B D & C D B, interni scilicet, & ad easdem partes duobus rectis æquales. Est autem C D B rectus per 18. tertij Euclidis: igitur & A B D rectus erit: quamobrem & rectus erit A B F; atque eodem modo illi quoque, qui iuxta A consistunt, recti ostendentur. Itaque per 14. primi Euclidis in directum constitutæ sunt ipsæ rectæ lineæ C A & A E, itemque D B & B F. Sunt igitur C E & D F, quæ tactus connectunt inter se parallelæ; quod erat demonstrandum.

A Sit iam vt rectæ lineæ CD & EF , quæ circulos ex A & B descriptos tangunt, productæ congregiantur ad signum H : quoniam per 5. lemma æquales sunt CH & EH , erunt quoque per 5. primi Euclid. æquales anguli HCE & HED , quippe qui ad basin consistunt trianguli Ifofcelis $CH E$; eodemq; modo æquales erunt & anguli HDF & HFD . Cùm igitur duobus triangulis $CH E$ & $DH F$ communis sit angulus H , erunt duo reliqui vnus trianguli duobus reliquis alterius trianguli æquales per 32. primi Euclidis, siquidem tres vnus trianguli anguli tribus alteritis sunt pares: at per commune axioma æqualium dimidia sunt

B inter se æqualia: itaque angulo HDF angulus HCE , & angulo HFD angulus HED æquales existunt. Quapropter CE & DF parallelæ sunt lineæ per 28. primi Euclidis; quod erat demonstrandum.



Rurfus CD & EF in oppositis partibus circulos ex centris A & B descriptos contingant, sic vt se mutuò inter vtrumque circulum secant ad signum H : dico nihilominus CE & DF , quæ tactiones copulant, parallelas inter se esse: quia namque per 5. lemma æquales inter se sunt CH & EH , erunt quoque ad basin CE anguli HCE & HED æquales per 5. primi Euclidis:

C eandemq; ob causam æquales quoque erunt anguli HDF & HFD , qui ad basin consistunt DF , quòd per idem 5. lemma DH & FH sint inter se æquales. Est porro $CH E$ angulus angulo $DH F$ ad verticem æqualis per 15. primi Euclid. Itaque residui duo ad basin CE æquales sunt duobus reliquis ad basin DF ; quorum proinde dimidij sunt inter se æquales per 7. Euclidis axioma, hoc est, HDF ipsi HCE , & HFD ipsi HED : quare per 28. primi Euclidis parallelæ sunt inter se ipsæ rectæ lineæ CE & DF ; quod demonstrasse oportuit.

LEMMA IX.

*Si dua recta linea duos circulos tangant, erunt
tangentes inter se æquales.*

D **H**oc lemma, vt & præcedens, tres casus habet, qui proinde totidem modis, ac iisdem repositis figuris demonstrandi erunt.

Sint igitur primò iidem qui suprâ circuli æquales ex centris A & B descripti, hosque contingant duæ rectæ lineæ CD & EF : dico CD & EF æquales inter se esse. Iungantur enim circulorum centra per rectam AB : quoniam igitur lemmate 7. ostensæ sunt AC & BD parallelæ, nempe quæ à centris ad contactuū loca prodeunt; sunt verò & eadem æquales per primam definitionem libri tertij Euclidis, quòd scilicet æquales ponantur ipsi circuli, erunt & quæ illas connectunt AB & CD æquales per 33. primi Euclid. Eodem verò modo ostendetur EF æqualis ipsi AB : igitur per communem notionem CD & EF inter se æquales erunt. Quæ enim vni tertio æqualia sunt, & inter se sunt æqualia.

Sint iterùm circuli ex A & B descripti, verùm inæquales, cuiusmodi expositi fuere in secundo casu superioris lemmatis; quæ autem hos circulos contingunt rectæ lineæ propter ipsorum inæqualitatem concurrant productæ in puncto quopiam, exempli gratia H : quoniam igitur per 5. lemma huius libri æquales sunt CH & EH , itemque DH & FH æquales per idem 5. lemma, resectis æqualibus portionibus DH & FH ab æqualibus CH & EH , relinquentur æquales CD & EF per communem notionem; quod **F** erat demonstrandum.


Si denique tangentes rectæ lineæ se mutuò inter vtrumque circulum secant, oppositisque in partibus circulos contingant, vt in postremo schemate superioris lemmatis CD & EF , eadem erit quæ suprâ demonstrandi forma: siquidem quintò præcedente lemmate æquales ostensæ sunt CH & EH ; atque eandem ob causam ipsæ quoque DH & FH æquales: erunt igitur & compositæ ex æqualibus CD & EF inter se æquales per tritum axioma; quod demonstrasse oportuit.

LEMMA X.

Si dua recta linea duos circulos tangant, qua tactiones iungunt, diuidunt circulos in segmenta proportionalia.

SINT circuli A & B, quos recta contingant linea CD & EF, iungantur contactus rectis CE & DF: his dico diuidi circulos in segmenta proportionalia; sic, vt quemadmodum circuli segmentum CAE se habet ad DBF segmentum, ita se habeat CGE ad DLF. Producta enim CD vtrisque in H & K, quoniam parallelæ sunt CE & DF per 8. lemma huius libri, erunt anguli DCE & HDF æquales per 29. primi Euclidis: at his angulis æquales sunt illi, qui in segmentis CAE & DBF constitui possunt anguli per 32. tertij Euclidis: igitur segmenta CAE & DBF inter se sunt similia per decimam definitionem tertij Euclidis.

Rursus cum æquales sint anguli KCE & CDF per eandem 29. primi Euclidis, erunt & anguli qui in reliquis segmentis inscribuntur æquales per eandem 32. tertij Euclidis: quocirca segmenta quoque CGE & DLF sunt inter se similia. Vt igitur segmentum CAE ad DBF segmentum, ita se habet reliquum CGE ad DLF reliquum; quod erat demonstrandum.



CONSECTARIUM.


Si inæquales sint circuli, quos dua recta linea contingunt, erunt & qua tactus iungunt inæquales.

VT enim segmentum CAE ad segmentum DBF, ita reliquum CGE ad DLF reliquum, vti iam ostensum est. Componendo igitur per 18. quinti Euclidis, vt segmentum CAE vnâ cum reliquo CGE ad segmentum CGE, ita est DBF segmentum vnâ cum reliquo DLF ad reliquum DLF; hoc est, vt totus circulus CAE ad segmentum CGE, ita totus circulus DBF ad segmentum DLF. quare & vicissim per 16. quinti Euclidis, vt circulus ad circulum, ita segmentum ad simile segmentum: sed circulus CAE circulo DBF maior est ex hypothesi; igitur & segmentum CGE segmento DLF est maius: quoniam maior quoque est CE quàm DF, siquidem per 23. tertij Euclidis fieri nequit, vt super eadem vel æqualibus rectis lineis duo circulorum segmenta similia & inæqualia ad easdem partes constituentur.

LEMMA XI.

Qua duos circulos inæquales contingunt recta linea, producta ad partes circuli minoris tandem concurrunt.

DVO expositi sint inæquales circuli, maior quidem ex centro A, minor verò ex centro B descriptus, quos dua recta linea contingant CD & EF: has dico, si producantur versus D & F, aliquando congressuras. Iungantur enim contactus rectis lineis CE & DF: à CE verò, quæ maior est per consectorium superioris lemmatis, abscindatur portio CG ipsi DF æqualis per 3. primi Euclidis, ducaturque GF: quoniam igitur parallelæ sunt CG & DF per 8. lemma huius libri, erunt & CD & GF æquales & parallelæ per 33. primi Euclidis: quare anguli CGF & GCD duobus rectis sunt pares per 29. primi Euclidis. Sed angulus CGF æqualis est duobus GEF & EFG per 32. primi Euclidis, vtpote externus duobus internis & oppositis; igitur tres anguli GCD, GEF, & GFE duobus rectis sunt æquales: reiecto itaque angulo GFE, reliqui duo GCD & GEF duobus rectis sunt




minores.

A minores. Quocirca per 11. Euclidis axioma CD & EF vterius producte concurrent versus D & F , vbi faciunt duos angulos duobus rectis minores; quod erat demonstrandum.

LEMMA XII.

Si dua recta linea duos inaequales circulos tangant, producta concurrent in eodem puncto eius linea, qua per vtriusque circuli centrum transit.

RURSUS sint duo inaequales circuli ex A & B centris descripti, quos dua recta linea contingant CD & EF ; & CD quidem producta concurret cum AB , qua per vtriusque circuli centrum ducitur in H , EF vero concurret cum eadem AB in puncto G : dico H & G vnum idemque punctum esse. Ducantur enim ex centris ad loca contactuum AC , AE , item BD & EF .




Quoniam igitur parallelae sunt AC & BD , itemq; AE & BF per 7. lemma huius libri, erunt per 4. lemma triangula ACH & AEH triangulis BDH & BFG aequiangula vtrumque vtrique, ac proinde per 4. sexti Euclidis, vt BD ad AC , ita est BH ad AH ; & vt BF ad AE , ita est BG ad AG . Quare ex aequalitate vt BD ad AH , ita est BF ad AG ; ac vicissim, vt BD ad BF , ita AH ad AG : sed BD aequalis est ipsi BF ; ambae siquidem eiusdem circuli sunt semidiametri; igitur & AH ipsi AG est aequalis. Ex quo perspicue conuincitur H & G vnum idemque punctum esse, ad quod dua tangentes CD & EF productae congregiuntur; quod erat demonstrandum.

LEMMA XIII.

Qua inaequales circulos tactis complectuntur recta linea, citius concurrunt cum propinquiores sunt ipsi circuli, quam cum sunt remotiores.

INEQVALES duo circuli ex A & B centris descripti sibi propinquiores sint, quam alij duo his pares magnitudine, quorum centra C & D . Istos autem contingant dua recta linea EG & FH , concurrentes in K ; illos vero contingant IL & MN , conuenientes in O : dico AO quam CK minorem esse. Eductis enim e centro cuiusque circuli ad signa contactuum semidiametris, iunctisque centris per rectas AB & CD , qua ad concursus tangentium O & K producantur: quoniam parallelae sunt AI & BL , item CE & DG , erit triangulum BOI triangulo AOI aequiangulum, vt & triangulo CKE aequiangulum triangulum DKG per 4. superius lemma.




F Quare per 4. sexti Euclidis vt AI ad BL , ita AO ad BO . Rursus vt CE ad DG , ita CK ad DK ; sed CE est aequalis ipsi AI , & DG ipsi BL ex hypothesi: itaque vt AI ad BL , ita CK ad DK , & AO ad BO . Quae autem eidem eadem sunt rationes, & inter se sunt eadem per 11. quinti Euclidis: vt igitur AO ad BO , ita CK ad DK , & diuidendo per 17. quinti Euclidis, vt AB ad BO , ita CD ad DK : at AB minor est quam CD ex hypothesi, quod propinquiores sibi sint positi circuli ex A & B , quam circuli ex C & D descripti.

scripti. quare & BO quàm DK minor erit. Si verò inæqualibus AB & CD inæqualia adiecta fuerint BO & DK , maius maiori, & minus minori, tota inæqualia erunt, ac minor AO cui minus augmentum accessit, quàm CD cui maius, per communem notionem; quod erat probandum.

LEMMA XIV.

Qua inæquales parallelas connectunt recta linea, si producantur, ad partes minoris parallela concurrent.

SINT duæ propositæ parallelæ rectæ lineæ, AB quidem maior, minor verò CD , quas connectant AC & BD : has dico, si ad partes minoris parallelæ CD producatur, congressuras in vno quopiam eodemque signo, puta E . Quoniam enim CD minor est ex hypothesi ipsâ AB , producatur CD , fiatque CF ipsi AB æqualis. Erunt igitur BF & AC parallelæ per 33. primi Euclidis: quare anguli ACF & BFC duobus rectis sunt æquales per 29. primi Euclidis. Sed ACF rectus est, quòd CF ad perpendicularum ipsi AB sit erecta. Igitur & BFC rectus est: quocircà angulus DFC recto est minor. Nam per 32. primi Euclidis tres cuiuscumque trianguli anguli duobus sunt rectis pares; itaque & ABD minor est recto: hîc siquidem per eandem 29. primi Euclidis ipsi DFC est æqualis. Verùm angulus A ex hypothesi rectus est, quòd AB perpendicularis sit posita ipsi AE . Quamobrem duo simul assumpti anguli A & ABD duobus sunt rectis minores. Concurrent igitur, si producantur AC & BD ad partes CD parallelæ minoris per 11. Euclidis axioma; quod erat demonstrandum.



LEMMA XV.

Si duabus rectis lineis inæqualibus æquale adiungatur augmentum, ad quam composita minorem rationem habet, illa maior est.

SINT duæ rectæ lineæ inæquales AB & CD , quibus æquale adiungatur augmentum, huic quidem DF , illi verò BE , sitq; minor CF AE , quàm BE AD : dico AB ipsâ CD maiorem esse. Quoniam enim magnitudines AB & BE in vnam compositæ minorem rationem habere supponuntur ad AB , quàm compositæ CD & DF habeant ad CD , habebit quoque diuisim per 17. quinti Euclidis BE minorem rationem ad AB , quàm DF ad CD : sed æquales ponuntur BE & DF ; igitur per 7. quinti Euclidis vt BE ad AB , sic quoque DF ad eandem AB : quare & DF ad AB minorem proportionem habebit, quàm eadem DF ad CD : ac proinde per 10. quinti Euclidis maior esse conuincitur AB ipsâ CD ; quod erat præstandum.

HYPOTHESES.

I.

Id omne lumine collustrari, ad quod luminosi radij attingunt.



HÆc hypothesis adeò perspicua est, vt expositione non egeat. Nam collustratio aliud non est quàm luminosi radij appulsus.

Id ergo omne lumine collustratur, ad quod luminosi radij attingunt. Accidit autem rem quampiam illustrari non solum radio directè in eam à corpore luminoso destinato; verùm etiam eùm is aliò missus alterius corporis occursum repellitur, indeque ad rem illam redit, quæ extra directam luminis profluentiam existit. Rursus euenire etiam interdum potest, vt res extra rectam luminis regionem constituta radiorum infractio illustretur, cum scilicet ij per alterius corporis

ris

Aris densitatem fracti, aliam ab illa, quam cœperant, viam capeffunt: quæ sanè omnia propositionibus 3. & 4. libri secundi in opticis radiis diffusius sunt explanata: nunc satis nobis esto propofitæ hypothefis veritatem conftare.

HYPOTHESIS II.

Idè perfundi uberius, in quod vel plures simul radij, vel magis compacti incurrunt.

B SED & hæc hypothefis manifestam habet intelligentiam: at cetera paria eſſe oportet. nempe illuminantium corporum æqualis nitor, par illuminatorum diſtancia, & ſi quæ alia ad rem præſentem conueniunt: tum verò plures radios in idem obiectum incurrere dicimus, cum duo luminaria in vnam actionem concurrunt. Plures enim radij ab vtroque ſimul in eamde obiecti partem prociidunt, quàm ab altero tantum. Compingi autem radij dicuntur, cum minores partes rei obiectæ intercipiunt. Exempli gratia, radij A D, B E, & C F, in obiectam lineam D F perpendiculariter incidant, in lineam verò G H obliquè: dico ad obiectum



C D F radios denſari, ad G H verò diduci, quòd ſpatia D E & E F ſpatiis G E & E H ſint minorâ. Quamobrem impenſius illustratur linea D F quàm G H; quod manifesta etiam docet experientia.

HYPOTHESIS III.

Sublato lumine umbram inuehi, eoque adueniente proſligari.

I D profectò conſtat ex ipſorum terminorum aduerſa natura. Nam habitus priuationem excludit, quam abſentia inuehit. Eſt verò lumen de genere habituum veraque qualitas; at umbra luminis eſt priuatio, vt definitione duodecima eſt explicatum: igitur lumine præſente umbram fugari, hanc autem inuehi abeunte lumine eſt necelle. Nemo autem ex iis qui ſe in paucis ſapere arbitrantur nos hîc reprehendat, quaſi improprie locutos: ſcimus enim non proprie luminis abſentia umbram inuehi, cum umbra ſit luminis abſentia: ſed loquimur vt multi, quod plerique etiam doctiores faciunt. ſatis porrò nobis eſt, ſi quod ſupponimus intelligatur.

DE LUMINIS PROVSIONE.

PROPOSITIO I. THEOREMA.

E

Lumen non à centro tantum, ſed ab omni parte extrema ſuperficiæ corporis luminofi emicat.



QVONIAM ſuperius definitione primâ oſtenſum eſt, luminofum corpus illud eſſe, quod ſuæ qualitatis eſt diffuſiuû; profectò ſi ſolum centrû lumen effundat, hoc ſolum, nec reliquum corpus luminofum erit, quod hypothefi aduerſatur. Supponimus enim totum corpus luminofum eſſe, è cuius ſolo centro lumen emicare Philoſophi quidam obſcurè mentis ineptiunt.

E Deinde ſi ab vnico ſolis aut lunæ centro lumen ad aſpectum noſtrum porrigeretur, id ſolum videri poſſet, vt habet 2. hypothefis libri ſecundi. Namque ab indiuiduo vno puncto ad aliud, hoc eſt à centro corporis luminofi ad centrum viſus, vnicus dumtaxat radius opticus extendi poteſt, ſecundum latitudinem inſectilis; quare nil præter punctum, hoc eſt centrum ſolaris aut lunaris corporis, cerneretur, ſi ſolum centrum lumen de ſe profunderet. At quis neget ſolarem totum orbem videri circuli ambitu comprehenſum? quis item non animaduertit lunam menſtruis incrementis ac decrementis mutari, nuncque plenam circuli aream, nunc dimidiatam, nunc prætentis cornibus ſpeciem ſinuofî arcus exhibere? igitur non à ſolo centro, ſed à toto corpore luminofi fulgor elucet.

Præter-

Præterea si lux opaci corporis proprietas est, ut libro primo propositione 31. est demonstratum, non à centro, neque ab alio aliquo puncto corpori immerso, sed ab extrema tantum superficie lumen promanat, ad eundem prorsus modum, quo intentionales colores seu visibiles formæ à sola superficie corporum procedunt.

Demum cum corpus omni parte luminosum conceditur, quidni reliquæ etiam partes præter centrum luminis radios euibrare possint; quandoquidem eandem cum centro lucidi naturam habeant, eisque lumen competat, quod agere suapte vi potest, lumenque profundere? Igitur, quod initio propositum fuit, non à centro solum, sed à tota superficie extrema lumen è corporibus emicat.

PROPOSITIO II. THEOREMA.

Lumen rectis lineis euibratur.

PROPOSITÆ veritati experiëntia in primis suffragatur. Nemo enim tam oculis captus est, aut mente hebes, qui non agnoscat lumen rectis lineis efferi, quod diopræ ac diaulisci luculenter probant, quorum nullus omnino usus existeret, nisi rectis lineis per eorum extrema lumen traiceretur. Deinde ipsæ umbræ testes sunt locupletes, quæ nullæ quoque forent, si per sinuosos anfractus lumen quocumque liberè permearet. Iam verò is locus umbratus relinquitur, ad quem rectæ luminis productiones non pertingunt. Præterea aspectus ipse attestatur umbras rectis lineis terminari: siquidem constat eas aut conoides, aut pyramidoides habere schema: at pyramidis planis lateribus constat, excepta basi, per quæ rectæ à vertice lineæ extenduntur; conus autem fit ex motione rectilinei trigoni circum quiescentem axem, ut habet 18. definitio libri vndecimi Euclidis. Igitur & lumen rectis defertur lineis, cum ipsum sit umbræ terminus ac circumscriptio.

Causa verò huius rei libro primo propositione 50. latius est explicata, quam proinde nunc in summa sic accipe. Cum lumen neque corpus sit, neque corporea qualitas, ut libro primo propof. 33. & 34. est demonstratum, nil aliud esse potest, quam perennis quedam actio, quam solum interiectum corpus opacum prohibeat. At omnis naturæ conatus, vis, efficientiaque breuissimis, hoc est, rectis lineis in res obiectas intenditur, quod citius validiusque effectum assequatur. Igitur lumen, ut & ceteræ actiones vniuersæ, rectis lineis porriguntur.

Video obiici hoc loco posse, calorem opposita tabula non ita prohiberi, quin obliquè post obiectam tabulam sese insinuet, & Herculeum lapidem, quem magnetem vocant, interposito densissimo vitro, aut ænea lamina, nihil de actione efficaciamque remittere: imò per obliquum sinum vim suam ad ferrum post interseptum transmittere: præterea ipsum lumen nisi obliquo incedat tramite, nullum crepusculi noctisque discrimen posse adferre. at enim mox ut sol finitorem subierit, densissimas tenebras ingruere necesse erit, nisi portio aliqua luminis de sub horizonte ad nos obliquè ascendere concedatur, tantisper dum sol propter horizontem versatur, idque sensim imminui, dum longius prouehitur.

Ad hæc perfacilis est responsio: atque ad primæ obiectionis solutionem, reuocandum in memoriam id quod definitione quinta huius libri diximus, calorem ignis nequam continuata actione traduci, sed vnà cum ignito vapore occultè per aërem deportari, non aliter quam odores tacita exhalatione subnixi, e corporibus odoriferis expirant, tenuisque aëre suscepti, huc illucque fortuito oberrant. Sic inquam igneus calor, succensò quodam spiritu vectus, rectà, quantum ignis potestas valet, extruditur; summo quidem impetu sursum versus, at eò segnius, quò inferne magis. Solutus verò iam & quasi rude donatus liberius per aërem vagatur, motuque vel leuissimo quamuis in partem propellitur, cuius adhæsiōne propinqua calefiunt, quemadmodum ea quæ iuxta odorifera collocantur, sola exhalationum adhæsiōne redolent. Experiuntur hoc in castris milites, cum casâ filuâ medio in campo pyram construunt, accendunt, circumstant. qui namque ventum à tergo habent, nil propemodum caloris sentiunt, quamuis proximi adstant, vento scilicet ignitos spiritus in oppositam partem propulsante; quod ventus præstare non posset, si sola qualitas per aërem traduceretur: hæc enim cum corpus non sit, vento liberum transitum concederet, quod facit lumen.

Ad secundam obiectionem respondendum, vim magnetis non per obliquum sinum ad ferrum post interpositum corpus perreptare, sed recta per densitatem corporis obiecti transfundi. Vti enim lumini densitas corporis non obstitit, sed sola opacitas; ita magneti

A gneti nec densitas nec opacitas impedimento est, quo minus recto tramite vim suam effundat.

Ad tertiam solutio patet ex 7. definit. vbi ostensum est ab aëre, qui primario lumine illustratur, portionem aliquam in vicinum aërem transfundi ad modum secundi luminis: sic vt non vna sit curua linea, qua lumen à sole ad nos post occasum appellit; sed duæ rectæ, vna qua in superiorem aërem immediatè à sole radij luminis primi diriguntur; altera qua inde tamquam ab alio luminoso corpore ad nos secundùm quoddam lumē remittitur, tantò clarius, quantò inferior aër superiori propinquior existit; tantò verò obscurior, quantò hic noster aër ab illo est remotior, seu quantò sol longiùs sub horizontè processit.

B

PROPOSITIO III. THEOREMA.

Lumen effusum circumquaque in sphaera modum distenditur.



ANC quoque propositionem luculenter probat magistra rerum experientia. Exposita enim lucerna, quocumque te conuertas, eius fulgorem conspicis, nisi interpositum corpus opacum prospectum interpellauerit. an alia causa adferri poterit, quàm quia luminis radij nullo corpore prohibiti, ad omnem circum partem sese extendunt?


Deinde cur ita constituta sit à prima sui origine luminis natura, hæc conueniens ratio adferri potest: Quæcunque ad vnam aliquam rem ex naturæ præscripto determinata sunt, velut graua & leuia, hæc eò duntaxat vim suam efficaciamque conferunt, quò natura impellit. At lumen cum totius vniuersitatis gratia sit institutum, omnibus sese impertiat, quantum valet, oportet. Duo autem præstat lumen in rerum natura; vnum, quòd totius vniuersi præcipuum decus sit & ornamentum: quamobrem omnia lumine compleri necesse fuit; aureo namque splendore amicta illustriora pulchrioraque existunt. Alterum est, quòd omnia aspectabilia faciat, quæ aliàs densis inuoluta tenebris, ac si non essent, oblitescerent.

Huius rei gratia solem luminare maius diuina iussio procreauit, vt præesset diei hominumque negotiationi; cui deinde nox succedit apta quieti in sola hac nostra inferiori regione, non autem in cælestibus, vbi cum nulla sit quietas, nulla etiam est nox. Nocti verò præesse luminare minus naturæ auctor voluit, in subsidium eorū, qui aliquid muneris nocte obeunt. Itaq; cum hæc præstet lumen, consentaneū fuit, vt vim suam circumquaque in sphaeræ modum exereret: sic enim omnia ornat, & vt spectari omnia possint, illustrat.

CONSECTARIVM.

Radij luminosi alij æquidistant, alij sese intersecant, alij in diuersa abscedunt.

E x hac simul & præcedente propositione facilè intelligi potest, à diuersis partibus corporis luminosi triplicis generis radios proflire. Quidam paralleli sunt, alij sese intersecant, alij in diuersa distracti longiùs semper ab inuicem in progressu diuaricantur, vt si corpus luminosum exponatur K , cuius duo puncta A & B connectat recta AB , atque à puncto A radius procidat AC , angulum cum recta AB vtcumque efficiens: dico ex omnibus radiis qui ex B procidunt vnum quempiam




priori parallelum esse, eum nempe, qui cum eadem AB æqualem priori angulum facit ad eandem partem, puta BD , per 28. primi Euclidis.

Deinde si ex A & B radij educantur AF & BE , qui cum eadem AB angulos faciant acutos, vel duobus rectis minores & ad easdem partes: dico illos productos tandem concurrere ad eam partem, vbi angulos duobus rectis minores faciunt per 11. communem notionem Euclidis.

Demum productis ex A & B radiis AG & BH , qui cum AB angulos duobus rectis maiores faciant: dico hos radios ab inuicem recedere, si longiùs protrahantur, quòd maius spatium comprehendant. Neque enim parallelis incedere possunt, quòd sic duobus rectis æquales anguli forent, qui sub his & AB continentur per 29. primi Euclid.

neque coire aliquando possunt; sic enim cum eadem *AB* triangulum concluderent, *A* cuius duo qui ad basin *AB* sunt anguli, duobus rectis minores essent per 17. primi Euclidis: at supponuntur maiores: igitur *AG* & *BH* radij protracti ab inuicem distrahuntur; quod erat probandum. Porro animaduersione dignum hoc loco est, ab indiuiduo puncto luminoso neque parallelas, neque secantes se radios emicare posse. Hi namque cum diuersas habeant origines, à sola magnitudine sensibili prosilire possunt, quæ partes habeat distinctas vnde ij principium ducant.



PROPOSITIO IV. THEOREMA.

Lumen temporis momento totam virtutis sphaeram complet.



MINIME placet ea quæ vulgò huius rei causa obtruditur, idè lumen instanti temporis produci ac propagari; quòd nihil ipsi sit contrarium: nam eadem quæstio est de contrario victo, quæ de victrice qualitate; cur scilicet ipsum contrarium non tollatur in instanti, succedente eodem momento fortiore qualitate. Si concesseris, contrarium quod antecedit, temporis puncto de medio tolli, quidni eodem instanti aderit id quod subsequitur, cum subiectum vtraque qualitate simul vacuum esse non possit? Si dicas antecedens contrarium tempore sensum ad interitum perducitur; postulatur eius rei causa: si hanc dederis, quòd subsequens contrarium tempore producatur, principium petes; nam sequentem qualitatem successiuè produci initio dictum fuit, idcirco, quòd contrarium habeat eius productioni renitens. Alia igitur inuestiganda est ratio quàm pugna contrarium.

Neque Vitellonis demonstratio subsistit libro secundo prop. 2. cum neuiquam impossibile sit, quòd ipse fieri non posse arbitratur. Argumenti eius ab impossibili hæc est summa: Si lumen temporis mora decurrit spatium sibi à natura præsumptum, id est virtutis sphaeram; igitur parte temporis partem spatij, & minimo tempore sensibili partem spatij minimam, quæ sentiri potest, conficiet. Quoniam, inquit, si in tempore sensibili ferretur per spatium insensibile, contingeret spatium sensibile ex insensibilibus componi. Ferretur ergo tempore minimo sensibili per minimum spatium sensibile: sed eodem tempore minimo conficiet idem spatium minimum lumen remissum iuxta ac intensissimum, cum minus minimo dari non possit, siue in tempore, siue in spatio. Itaque æqualis efficaciam erunt lumen remissum ac summè intensum; quòd fieri non potest: quocirca nequit lumen temporis mora sphaeræ suæ amplitudinem sensum permeare.

Sanè si hoc argumentum ad persuadendum efficax esset, probaret vniuersè nullam qualitatis productionem temperaneam esse, imò & ipsam loci mutatione puncto temporis fieri conuinceret. Quòd in hunc modum ostenditur eodem ipso Vitellonis argumento. Quòd aliqua temporis mora loco mouetur, id minimo tempore sensibili minimum spatium sensibile percurrit. Quoniam, vt Vitello inquit, si in tempore sensibili ferretur per spatium insensibile, contingeret spatium sensibile ex insensibilibus componi. Fertur ergo minimo tempore per minimum spatium sensibile: sed eodem tempore minimo per idem minimum spatium æquè fertur delapsa per aërem pluma, ac proiectus è funda lapis, cum minus minimo dari non possit, siue in tempore, siue in spatio. Igitur æqualis efficaciam erunt, insita plumæ grauitas, & summus lapidi funda incussus impetus. Absurdum. Itaque momento temporis & pluma, & lapis decurrit spatium, locumq; mutat.

Hinc facillè agnosci potest Vitellonis argumentationem paralogismum esse, non demonstrationem. Falsum enim est id quòd assumit, tempore minimo sensibili confici spatium sensibile minimum. Nam horologiorum indices, & solares vimbæ, & quæcumque vegetant, sensibili tempore spatium conficiunt insensibile. Quare non moueri ea, sed mota esse longo post tempore deprehenduntur. Et è contrario, stellæ firmamenti ac cælum supremum incredibili motus pernitate insensibili tempore maxima spatia emetiuntur. Non igitur necesse est, vt id quòd tempore mouetur, conficiat minimo tempore insensibili spatium insensibile minimum. Ad ipsius verò probationem respondeo, nec id absurdum esse, vt sensibile spatium ex insensibilibus componatur, sed necessarium prorsus: at vt ex solis insectilibus punctis coalescat, continui natura ingeniumque repugnat.

A Genuinam igitur causam hanc esse arbitror, cur lumen temporis momento totam virtutis sphaeram impleat, quod nihil omnino eius productionem propagationemque remoretur. Cur igitur calor non æquè puncto temporis producitur ac lumen? Enimuerò nonnullorum opinio est, frigus non realem qualitatem, sed caloris absentiam esse, vt umbra absentia est luminis. Respondeo, quamuis frigus nil nisi caloris absentia esset, exinde non sequi, calorem instanti temporis generari, cum alia causa tardioris generationis subesse possit. Deinde, esto frigus vera ac realis qualitas calori inimica, nondum ex eo probabitur calor tempore generari, cum initio huius propositionis ostensum sit, non minùs posse contrariam qualitatem quæ antecedit, hoc est frigus, momento tolli, quàm sequentem, id est calorem, generari. Quod si frigus momento temporis tollatur, & calor eodem puncto temporis exorietur; tum quia vtriusque vna est ratio, tum quia subiectum vtraque simul qualitate vacuum esse non potest. Nec dicere licebit frigus momento tolli non posse, quod illi contrarius sit calor; siquidem calor nondum existit, qui eius interitum impediatur.

Vera igitur ratio cur calor tempore generetur ea est, quod ipsum naturæ necessitate loci mutatio comitetur. Nequit enim calor nisi in materia rara diductaque existere: at materia puncto temporis diduci nõ potest, cum id sine partium motu euenire non possit: igitur nec in ea calor produci temporis instanti potest. At lumen omni procul remota momentaneo exortu totam virtutis sphaeram simul complet, quod erat probandum.

C PROPOSITIO V. THEOREMA.

Lumen longius prouectum sensim languescit.



NEMINI incompertum est, lumen in progressu sensim minui, eoque tenuius semper euadere, quod longius à causa aueritur. Hoc experiuntur ij qui ad lucernam aliquid operis faciunt: cum enim defectu luminis non satis vident, propius ad lucernam accedunt.

D Porro in assignanda huius rei causa video præcipuos Philosophos plurimum desudare, scopumque attingere neminem. Qui enim naturam inelamant, veram quidem causam adferunt, sed remotam: quamobrem non faciunt satis, cum proxima, vel saltem propinqua postuletur.

Fors quispiam hanc idoneam esse causam arbitrabitur, cur lumen progressionem languescat, quod lumen in sphaeræ modum diffundat sese, vt propositione 3. ostensum est. Erit itaque corpus lucidum velut centrum eius sphaeræ, quam actiuitatis vocant, cuius circumferentia erit illa superficies, ad quam actio corporis lucentis terminatur. Ab hoc ergo centro siue corpore lucido, si rectos vndique radios ad circumferentiam protensos animo concipias, animaduertes eos, quod longius à medio progrediuntur, eò semper ampliori interuallo ab inuicem diuaricari: è conuerso autem eò semper arctius stringi, quod

E propius ad centrum accesserint, quoad tandem in vnum simul omnes conueniant, seque mutuò amplectantur. At coniunctum lumen efficacius excellentiusque est disperso, per communem notionem: igitur iuxta sphaeræ centrum intensissimum est lumen; inde verò quod longius prouehitur, eò semper rarius segniusque euadit.

Hæc ratio, licet ex necessarijs concludere videatur, facile tamen conuelli potest. Nam quarumdam rerum actiones non in sphaeræ modum ampliantur, sed in rectam solummodò lineam extenduntur; qualis ea est, qua Hercules lapis sese ad Boream conuertit, ferrumque rapit. hæc autem quo pacto sensim languescat, data causa non explicat. Et quamuis lumen longè lateque sese effundat, tamen ea diffusio in vnoquoque radio solitariè sumpto locum non habet. At lumen per rectam lineam protensum profectioe minuitur; igitur hæc quæ astruitur decrementi causa esse non potest.

F Deinde si ea esset decrementi causa, sequeretur æqualibus spatijs æqualia fieri luminis decremента: at non ita rem se habere sequenti propositione fiet manifestum: igitur nequit radiorum diuaricatio causa esse cur lumen longius prouectum paulatim languescat.

Itaque nobis hæc potior causa videtur, quod luminis actio non infinitè procedat, sed definito spatio absoluator. Vniuersis siquidem agentibus, quorum actio extrà effunditur, commune id esse constat, quod ipsorum effectus longius producti sensim decrescat. Eius verò causam eam esse dicimus, quod illorum vis certo termino definiatur: hinc

namque consequens est, ut in proximo spatio tenuior qualitas excitetur, quàm in ipsa sit *A* effectrice causa. Si etenim, gratia exempli, primæua illa lux, quæ in fulgido corpore enitet, æquale sibi lumen in proximo medio diaphano excitaret; & hoc lumen aliud, istudque iterum, atque aliud identidem aliud semper procrearet: cumque eius progressionis nusquam futurus sit status, finisque agendi, in immensum ea actio progredietur. Absurdum: siquidem omnia agentia creata præscriptum habent actiuitatis terminum; disparem tamen, prout singulorum virtus & efficacia breui compendio est definita. Quare in quouis spatio intra actionis orbitam assumpto, obscurius semper lumen existit, quàm in proximè antecedente; quod erat explicandum.


PROPOSITIO VI. THEOREMA.

Æqualibus spatiis inæqualia sunt luminis decremента.



I eam ob causam lumen longius prouectum sensim languesceret, quòd radij à corpore luminoso per amplitudinem spheræ actiuitatis proiecti, quò longius à medio recedunt, eò magis magisque ab inuicem distrahantur, manifestè sequeretur æqualibus spatiis lumen æquis portionibus decrecere, quod in hunc modum potest demonstrari:

Esto corpus luminosum *A*, radiique ab *A* profusi *AB* & *AC*, à quibus æquales partes abscindantur per arcus *BC*, *DE*, *FG*, & *HK* ex eodem centro *A* descriptos: his verò arcubus rectæ subtendantur chordæ, quas dico parallelas esse. Cùm enim angulus *A* ad verticem communis sit omnibus triangulis, quorum subtensæ chordæ *BC*, *DE*, *FG*, & *HK* sunt bases; sublato à singulis triangulis communi angulo *A*, relinquentur



ad basin *BC* duo simul sumpti duobus simul sumptis angulis ad reliquas bases æquales: *D* siquidem per 32. primi Euclidis tres cuiusque trianguli anguli duobus rectis sunt pares. At cùm per circuli definitionem æqualia sint latera *AB* & *AC*, erunt anguli *ABC* & *ACB*, utpote ad basin trianguli isoscelij, inter se æquales per 5. primi Euclidis. Eodemque modo æquales inter se ostendentur, qui iuxta singulas sunt bases *DE*, *FG*, & *HK*. Igitur æquales quoque inter se erunt anguli *ABC*, *ADE*, *AFG*, & *AHK*; siquidem æqualium dimidia sunt inter se æqualia per communem notionem: ex quo demum fit ut parallelæ sint inter se bases *BC*, *DE*, *FG*, & *HK* per 28. primi Euclidis.

His ita præmonstratis, colligimus per 4. superius lemma triangula *BAC*, *DAE*, *FAG* & *HAK* æquiangula esse, ac proinde proportionalia ipsorum latera, tum quæ circa æquales sunt angulos, tum quæ æqualibus angulis subtendantur per 4. sexti Euclidis. Ut *E* igitur *AF* ad *AH*, ita *FG* ad *HK*; & ut *AD* ad *AF*, sic *DE* ad *FG*; utque *AB* ad *AD*, ita *BC* ad *DE*: eodemque modo ad finem vsque spheræ actiuitatis progrediendo. Sed *AB*, *AD*, *AF*, & *AH* se mutuo æqualibus portionibus superant: igitur ipsæ quoque *BC*, *DE*, *FG*, & *HK* se mutuo partibus æqualibus excedunt. At verò ex hypothesi lumina inuersam habent rationem eam inter se, quam triangulorum bases *BC*, *DE*, *FG*, & *HK*: nam quemadmodum *BC* ad *DE*, ita lumen *DE* ad lumen *BC*. Tantò etenim remissius est lumen in loco *BC*, quantò *BC* maior est ipsâ *DE*, aut quantò *DE* ipsâ *BC* est minor. Sequitur igitur, si eam ob causam lumen protensum languescit, quòd radij à corpore luminoso eui-


brati magis ac magis diuaricantur, lumina æqualibus spatiis æqualia pati decremента. *F* Hæc profectò demonstratio ex necessariis concluderet, si radiorum diuaricatio causa decrescens luminis probaretur. Nunc verò quoniam ea opinio reiecta à nobis est superiore propositione, exemplo illarum rerum quarum actiones itineris longinquitate minuuntur, tamen non in spheræ modum, sed recta tantum linea intendantur; quia etiam ibidem vera data est causa decrescens luminis, nihil momenti aduersus propositum ea assumptio habere potest.

Itaque depulso hoc ariete, id quod propositum est, ratione & experimento firmemus. Si ex æquo luminis profusio spatiumque diuiderentur, sequeretur æqualium causarum vnâ altera efficaciorē esse, imò verò & infirmiorē robustiorē esse potentiorē, quod

A quod absurdum ceneri debet. Id autem sequi facile ostendetur, si duo luminosa exponantur in proportione dupla, quorum alterum A sit, vt 8; alterum B, vt 4. Illa enim dicitur A * causa potentior, quæ maiorem edit effectum. B *
 At cum luminolum maius A per vnum spatium producit lumen vt 7. & per secundum spatium lumen vt 6. tum ad hunc effectum omnes simul partes luminaris A pro viribus concurrunt, vt propositione prima huius libri ostensum est. Eius igitur pars dimidia, puta 4. præstat luminis 6. partem dimidiam, hoc est 3. Alterum verò luminare B in proximo spatio edet lumen vt 3. in secundo autem lumen vt 2. ex hypothesi. Itaque robustior est pars dimidia luminaris maioris, quæ graduum quatuor est, quàm luminare B, item vt 4. solitariè agens: siquidem hoc per duo spatia lumen tantum vt 2. progignit, illud verò per duo item spatia lumen vt 3. Quare duorum æqualium luminarium vnum altero potentius esse conuincitur.

Sic quoque minus luminare maiore efficacius fore ex eadè hypothesi probabitur. Sunt enim duo luminaria, vnum vt 8 notatum A, alterum B vt 5: vbi A producit 5, ibi eius dimidium, quod est 4, producit dimidium quinque, nempe $2\frac{1}{2}$: at ibidem luminare B, quod dimidio luminaris A maius est, producit tantum 2: igitur luminare B quod maius est, infirmius est dimidio luminaris A, quod est minus. Absurdum: quoniam effectus omnis suæ causæ proportionatus esse debet, & vicissim causa effectum suis viribus accommodatum progignere. Non igitur æqualibus spatiis æqualia fiunt luminis decrementa.

Deinde in occurfantibus sibi luminibus, manifestius apparet propositum. Esto enim luminare A vt 4. in proximum spatium lumen profundens vt 3. deinde vt 2. tum vt 1. ac tandem in o, fenestram nihilum desinens. Sit & luminare B item vt 4: prope finem actiuitatis prioris expositum, illic producens 3, vbi A producit vnum; illic vero 2, vbi & A 2. at ibi 3. vbi A 1. ac tandem in loco A deficiens. Quod si hæc concedantur, vti oportet, & æqualibus spatiis æqualia fiant luminis decrementa; perspicue infertur, toto spatio, quod inter vtrumque luminare interiacet, æquale lumen diffusum esse, quod experientiæ aduersatur. Quis enim adeò luminibus destitutus est, qui non videat inter duas lucernas centum stadiis ab inuicem disiunctas, minus luminis circa medium esse, quàm circa extrema; esset autem æquale, si æqualibus spatiis æqualia fierent decrementa, vt ex apposito schemate conspici potest. Si enim singulis spatiis summæ vtriusque luminis in vnum collectæ subscribantur, hæc æquales vbique inueniuntur, nimirum 4. Neque necessum est, vt ad extremitates mutuarum sphaerarum luminaria constituentur: siue enim extra, siue intra mutuas sphaeras existant, æquale lumen, toto spatio inter vtrumque diffusum, ex vtroque consurgat necesse est. Ex his igitur perspicue colligitur, æqualibus spatiis inæqualia fieri luminis decrementa; quod erat probandum.



PROPOSITIO VII. THEOREMA.

Æqualium spatiorum qua longius absunt, minora efficiunt defectioinum momenta.

F **C**VM per superiorem propositionem nequeant æqualibus spatiis æqualia esse decrementa, necesse omnino est ea vel maiora esse vel minora. At maiora esse non possunt: sic enim grauiora absurda consequerentur, quàm si æqualia essent, vt maximè apparet in luminaribus interuallo disiunctis, à quibus ad medium interiecti spatij lumen, non modò æquale profundetur; verum etiam continuè augetur, quod longius à vero abest, cum experientia doceat lumen ad medium vsque perpetuè minui.

Deinde breuissimo actiuitatis termino luminis profusio definiretur: siquidem vix dum à lucido corpore decisum præcipiti cursu ad interitum prolaberetur: videmus au-

tem lumen habere sphæram actiuitatis amplissimam. Igitur necesse est vt remotioribus A
spatiis minora sint decrementa.

Prætereà manifesta accedit experientia. Si namque candidam chartam accensæ lucernæ proximè obijcias, sic vt luminis radij in chartæ planum directò procidant, eamque ad spatium aliquod, puta palmi vnus aut duorum idemtidem abducas, atque in pristinum locum reducas, videbis lumen, quod in charta enitet, magnum subire augmentum ac decrementum: at si longiore id recessu à corpore luminoso experiri tentaueris, nullum, aut certè vix vllum animaduertes mutationis discrimen, non aliam ob causam, quàm quòd lumen remotiori loco, per æquale spatium, minus patiatur decrementum, quod propositum fuit.

Adde, si placet, & aliam experimenti rationem, ad confirmandú propositum accommodatissimam. Exponatur mensa, quoad fieri potest, longissima; nam quò longior erit, eò maiorem concedet experiundi libertatem: huic iuxta alteram extremitatem duæ lucernæ imponantur, altera simplex vnica lucens flammula; gemina altera, cuius duæ flammulæ non procul ab inuicem disiunctæ sint, sic vt simul ambæ vnus corporis luminosi vicem subeant, quod alterius duplum sit & magnitudine & agendi facultate: id verò vt rectiùs fiat, singularum flammularum lychnos pares crassitie esse oportet, vt accensi pari nitore fulgeant. Tres porrò hæ flammulæ secundum mensæ latitudinem recto ordine disponantur, eisque tabella obijciatur duobus orbicularibus foraminibus pertusa, non profectò minoribus quàm vt ouum capere possint. Habeat prætereà tabella hæc è C
loco inter vtrumque foramen medio prominens interstitium, rectis angulis commissum, quod lucernarum radios dirimat, ne promiscuè in quoduis foramen illabantur; sed per vnum quidem foramen simplicis lucernæ lumen penetret, per alterum verò geminæ, vt in fronte huius quinti libri rem ipsam imagine expressam habes.

His ergo ita comparatis, propositum ostendetur in hunc modum: Simplicis lucernæ lumen, quod per alterú tabellæ foramen exeritur, candidâ chartâ à tergo oppositâ excipitur ad interuallum ab ipsis luminaribus quodcumque libuerit: atque eodem modo geminæ lucernæ lumen per alterum foramen transmissum, obiecta post tabulam charta terminetur interuallo à lucerna prioris duplo. Sanè si lumen æqualibus spatiis paribus momentis deficeret, hæ duæ chartæ æquale lumen exhiberent; quòd quemadmodum D
vnum luminare alterius est duplum, ita & spatia duplam rationem inter se habeant: at non ita res euenit, sed geminæ lucernæ fulgor clariùs in charta enitet quàm simplicis, sic vt duplicato spatio minus quàm duplum factum sit decrementum; igitur charta quæ geminæ lucernæ radios suscipit, longiore quàm dupla intercapedine abduci debet, vt apparens in ea splendor simplicis lucernæ lumini exæquetur. Et hæc quidem cum non procul à lucernis contingunt, spatiorum differentia minores deprehenduntur, maximè verò cum longiùs inde res peraguntur.

Nunc quo pacto conuersa ratione idem eueniat, explicemus. Immotâ iuxta alteram mensæ extremitatem tabellâ, post eam charta constituatur quæ vtriusque lucernæ radios excipiat: tum lucernæ ipsæ transferantur, dispari tamen à charta interuallo, sic vt E
geminæ lucernæ intercapedo sit dupla eius qua simplex distat lucerna: palàm igitur chartam intuenti geminæ lucernæ lumen clariùs apparere quàm simplicis; vtque paria fiant ea quæ in charta spectantur lumina, oportere geminam lucernam longiùs abduci, quia per duplex spatium minus quàm duplex factum fuit luminis decrementum. Et hæc item quo longiùs à luminaribus contingunt, illustriora certioraque redduntur, propter ingentia interuallorum discrimina, quæ in paribus luminum defectioibus obuenire cernuntur.

Hoc ipsum experimenti genus compendio fieri, si geminæ lucernæ loco simplex substituitur: nam si tabella pertusa tantillum obliquetur, fiet vt id quod è tabella prominens interstitium, alterius lucernæ radios ab altero foramine excludat, & per vnum eius foramen vnus tantum lucernæ lumen, per alterum verò vtriusque simul profundatur, atque ita alterius quodammodò geminum.

Potest & manus interpositione intersepti munus suppleri; quod quidem permolestum, subinde tamen necessarium est, cum nonnumquam procul à luminaribus tabellam dimouere oporteat. Has ac similes praxes, quia vsu faciliùs quàm lectione discuntur, consultò prætermittimus. Porrò pluribus luminaribus assumptis, atque ordinè dispositis, insignes veritates elici poterunt circa luminis profusionem ac decrementum, quas proinde inuestigare non pigeat.

A

PROPOSITIO VIII. THEOREMA.

Lumen aequalibus spatiis proportionalibus decrementis languescit.



B

DEMONSTRARI hæc propositio potest ex illo naturalis scientiæ vulgatissimo theoremate, quod docet effectum omnem suæ causæ proportionatum esse debere. Quod fanè in illis agentibus, quæ vim suam foras exerunt, verissimum esse comperitur, cum æqualis prorsus virtuti esse nunquam possit: sed tanto semper minor quanto causa cum ex se, tum ex longinquitate spatij, quo actionem producit, redditur imbecillior. Quocircà si per æqualia spatia actio diuidatur, effectus dectementum ex sola agentis imbecillitate originem ducet. Quantò igitur hoc infirmius, tantò ille remissior, non secundum æqualitatem, sed pro rata agentis potestate.

C

Exempli gratia, si lumen, cuius potestas 12. per datum spatium diffundit sui dimidium 6. dico aliud luminare vt 6. per æquale spatium proferre 3. sui item dimidium. Vt enim agens 6. ad agens 12. ita effectus 3. ad effectum 6. Si enim luminare 6. per datum spatium lumen maius quàm 3. produceret, aliud quoque luminare ipsi æquale plus luminis ederet per idem spatium quàm 3. quare simul iuncta effectum progignerent dimidio vtriusque maiorem. Essent ergo hæc duo luminaria iunctis viribus potentiora, quàm luminare 12. per se solitariè agens. Siquidem maioris illud est potestatis, quod aut æqualem effectum ad maius spatium profundit, aut quod effectum maiorem per idem spatium potens est excitate.

D

Quòd autem duo luminaria vt 6. simul agentia effectum edant ex vtriusque actione compositum, ex 2. lemmate huius libri potest demonstrari. Vt enim virtus partis ad lumen partis, ita se habet virtus totius, seu compositi agentis, ad totius lumen. At æqualium luminarium æqualis est virtus, & virtus æqualis æqualem gignit effectum: igitur duo luminaria & viribus & effectum vni luminari vt 12. æqualia sunt. Quare vbi luminare 12. edit lumen vt 6. ad idem interuallum luminare 6. edit 3. Hæc siquidem geminata edunt lumen vt 6. Ex quibus perspicuè colligitur, lumen aequalibus spatiis proportionalibus minui decrementis; quod erat ostendendum.

E

Obijciat forsitan aliquis: Si lumen per æqualia interualla proportionalibus, non verò aequalibus decrementis degeneraret, fore vt infinitè protensum nunquam deficeret. Si enim luminosum vt 12. in proximo medio produceret lumen vt 6. sui nempe dimidium; hoc deinde lumen in proximo spatio sui ederet dimidiu, puta 3. atque hoc postea dimidium videlicet 1½. itaque deinceps, sequeretur nunquam posse lumen omnino deficere, quantumvis producat. Semper enim per infinita licet interualla dimidium dimidij produci poterit, cum sint numero infinitæ proportionales partes, in quas data magnitudo secari potest.

Sed occurrendum huic argumento, licet non detur minimum quantitatis, dari tamen minimum luminis naturale, hoc est lumen adeò tenue, vt citra interitum magis attenuari non possit. Quo pacto & corporum naturalium minima dantur, quæ nimirum, si amplius diuidantur, formam essentiamque deperdunt. Vt namque corpora ad naturalem sustententiam nonnullam exposcunt quantitatis molem, cum ipsa nil aliud sit, quàm ipsius substantiæ corporeæ modulus; ita & qualitates, nisi aliquo excellentiæ gradu præditæ sint, sponte deperunt. Ita ergo cum luminis profusio ad minimum intensiõis gradum petuenerit, vltra non progredietur, sed in eo velut proprio circumscriptionis termino finietur, vt infra propositione 15. dicemus.

F

PROPOSITIO IX. THEOREMA.

Lumen uniformi difformitate decrescit.



HÆC propositio elicitur ex præcedentibus. Pro illius autem explicatione prænotandum, difformem dici luminis diffusionem, quòd, vt propositiõne 5. ostensum est, non æquale sit lumen, per totam virtutis spheram extensum; sed in discessu à corpore lucido sensim elanguat, donec tandem penitus intereat.

At duobus modis actio aliqua, motusve vniformis dici potest. Vno cum per æqualia

interualla, inæqualia quidem, sed proportionalia sunt incrementa vel decremēta. **A** Quo pacto vniformiter difformis est ille motus, quo sol ab æquatore ad tropicos bis in anno accedit, totiesque ab eisdem discedens iterum æquatorem repetit. In recessu enim ab æquatore æquis temporibus minora semper spatia conficit, in accessu verò maiora: quare solstitiorum tropici hinc etiam appellationem obtinuisse videntur, quòd æstiuo brumaliq̄ue initio circa tropicos sol perstare, & nec progredi nec regredi longo tempore videatur.

Eiusmodi quoque sunt per singula anni tempora dierum incrementa ac decremēta. Nam prope æquinoctiorum tempus maiora ea sunt æqualibus temporibus, quàm prope solstitia. Ex quo fit, vt vernalibus atque autumnalibus diebus exiguis temporibus in- **B** signes fiant accessiones vel detractiones: æstiuis verò atque brumalibus perexiguæ; sic vt statum quemdam magnitudinis & paruitatis his mensibus adepti, in eo persistere aliquantò diutiùs manifestè deprehendantur. Vniformes inquam sunt hæ mutationes, quòd inæqualitas, quam temporibus æqualibus subeunt, non fortuito, sed ordine ac certa definitaque lege procedat.

Alio modo, eoq̄; præstantiori vniformis dicitur actio, motusq̄ue, cùm incrementa ac decremēta æqualibus seu spatiis seu temporibus, non modò proportionalia sunt, verùm etiam æqualia: id enim propiùs ad vnitatem constantiamq̄ue accedit. Cùm autem propos. 8. ostensum sit lumen æqualibus spatiis proportionalia pati decremēta, rectè concludimus id quod initio propositum fuit demonstrare, lumen per spatium sibi à natura concessum vniformi decremēto minui, quamuis non perfectissima illa vniformi- **C** tate, quam aliæ quædam actiones habent.

PROPOSITIO X. THEOREMA.

Quò intensius est lumen, eò longiùs prouehitur.



Ad huius propositionis confirmationem ex physicis institutionibus prænotandum est, qualitatis intensiorem analogia quadam corporum quantitati respondere (loquor autem de interna corporum extensione, non verò de ea, qua secundum locum extrinsecus distenduntur: hæc enim & corporibus & qualitatibus communis est.) Est inquam in qualitatibus intensio quod interna quantitas in substantia corporea. Vt enim quantitas nil aliud est quàm materiæ copia atque vbertas, ita intensio nil aliud quàm qualitatis affluentia in eadem subiecti mole. Et vt maiora illa corpora dicuntur, quæ plus habent materiæ, ita intensiores dicuntur qualitates illæ, quæ in eadem molis amplitudine vberiores habent qualitatis prouentum, sic vt intensio à qualitate non magis quàm à substantia corporea quantitas reipsa distinguatur: & quemadmodum nullum sine quantitate corpus, ita nulla qualitas omni expers intensione animo concipi possit: siquidem vt corpora materiæ accessione augentur; ita qualitates intenduntur similis qualitatis exortu in eadem subiecti parte. **E**


Hæc cùm ita sint, perspicuè ostendi potest, lumen quò intensius est, eò longiùs propagari. Cùm enim remissius lumen ab intensiore superetur portione aliqua, sanè ea portio otiosa non erit, cùm omne lumen sui sit diffusiuum. Aget igitur: atq; in proximum diaphanum luminis aliquid transfundet, quo illud impensius illustrabit, quàm sola pars remissior poterat. Hoc itaque excellentius lumen in proximum deinceps medium maiorem iterum effectum producet; atq; ita continuata traductione, intensius lumen aliud semper intensius gignet, quousque ad terminum remissioris luminis perueniatur: vbi cùm ea etiam nū portio relinquatur, qua minus lumen à maiore vincebatur, poterit hæc naturæ lege vlteriùs actionem lumenque protendere, quousque ipsum quoque intereat. **F** Palàm igitur intensius lumen remissiore longiùs propagari; quod erat demonstrandum.

Notandum verò hoc loco est, non tantò longiùs prouehi luminis actionem, quantò luminosum est intensius, sic vt excellentiæ modum **A** **B** **E** **C**
non eadem proportionem sequatur extēsiōis quantitas. **8** **4** **2** **I**
Cùm enim 2. lemmate præmonstratum sit, eam ratio- * ————— *
nem habere virtutis partem ad partem luminis, quam * ————— *
habet tota virtus ad totū lumen; singe animo duo lumi- **4** **2** **I**
na, vnum altero intensius in proportione dupla, quæ non simul ambo, sed per se
singula

- A** singula lumen effundant; sitque lumen validius 8. imbecillius verò 4. esto item spatium quo lumen 8. agendo extenditur A C trifariam diuisum per A, B, E & C: quia ergo propositione 8. ostensum est lumina æqualibus spatiis proportionalia pati decremента, sit B spatium, quo lumen 8. sui producit dimidium, nempe 4; producet ergo in E 2. & in C 1. vbi deficiet; quare luminare 4. in B producet 2. & in E 1. vbi ipsum quoque desinet. At spatium A C vna tantum portione maius est spatio A E, cum hoc sit vt 2. illud verò vt 3; non igitur quemadmodum lumen maius 8. ad minus puta 4. ita spatium A C quo porrigitur lumen 8. ad spatium A E, quo lumen minus terminatur. Eadem verò in ceteris numeris est demonstratio. Quocirca vniuersè concludimus non eandem esse luminum & spatorum, quibus actionem intendunt, proportionem; quod erat probandum.

PROPOSITIO XI. THEOREMA.

Luminarium aquè intensorum, quod maius est, longius actionem producit.

- C**  S qui in naturali scientia sunt versati id perspicuum esse arbitror, plura agentia, dum simul in vnam eandemque actionem conspirant, excellentiorem effectum edere, quam vnumquodque si per se solum agat. Sic enim coniunctæ hominum vires ingentia præstant molimina, maximaque corpora promouent, quæ nullus per se vel tantillum loco dimouere potuisset. Sic multæ congestæ prunæ acrius excalfaciunt: sic quoque pensilibus lychnis maiora illustrantur triclinia.

Quod cum ita sit, liquidò apparet ipsum quoque luminare, quò maius est, eò impensius lumen in proximo medio gignere: nam quod maius est, plures habet partes eiusdem rationis, quam quod est minus. Exempli gratia, decempedale corpus plures habet partes pedales quam corpus bipedale: at per primam huius libri propositionem, singulæ luminosi corporis partes proprium effectum edunt: igitur quò maius est corpus luminosum, eò excellentius lumen in proximo medio progignit: quare & longius actionem producit;


- D** siquidem per proposit. proximè antecedentem lumen intensius longius prouehitur.

Confirmari hæc veritas potest ignis exemplo, cuius scintilla non minus quidem calida est quam ignis maximus; quoniam calefaciendi vis in igne proprietas est substantiæ, quæ, quia simul cum corpore eius diuidua est, omnibus particulis insit ex æquo necesse est. tamen nemo tam stupidus est sensusque expers, qui non sentiat ignem maximum per idem interuallum velocius pleniusque excalfacere, quam scintillam vnam; scilicet propter multiplicatam substantiæ agentis quantitatem, non propter virtutis aut proprietatis in substantia factam accessionem.

- E** Et hoc quoque ostendi potest, non eandem esse magnitudinis corporis luminosi & spatij quo lumen diffundit proportionem: nec enim tantò longius vnumquodque agit, quanto ipsum altero est maius. Cuius demonstratio cum nihil differat ab ea, qua proximè ostendimus non ita se habere spatia, quemadmodum dissimiles luminarium intentiones, eam prudentiæ Lectoris colligendam committimus.

PROPOSITIO XII. THEOREMA.

Singula partes luminosi corporis ad extremam usque virtutis spheram lumen protendant.

- F**  R O C V L à vero aberrant qui autumant maiores partes vnius luminosi corporis longius, minores verò propius actionem suam terminare: hoc delusi argumento, quòd illæ vti maiores, ita valentiores sint; hæc verò feigniores, utpote minores. Quamobrem vnamquamque earum secundum mensuram suæ magnitudinis agere contendunt.

Hoc si ita esset, perspicuè sequeretur effectum aliquem luminis ita à toto luminoso produci, vt in eum neque pars aliqua, neque simul omnes conspirent; quod fieri non potest, cum totius actio alia non sit ab omnium simul partium actione. Sit igitur propositum luminosum cubitali magnitudine, lumen ad centum passus effundens: quemadmodum totum ipsum luminosum corpus ex omnium partium aggregatione consurgit,

ita & lumen quod à toto effunditur, ab omnibus partibus vnà in actionem incumben- A
 tibus producitur. Iam peto, cuiam parti adscribi debeat lumen in centesimo passu ex-
 citatum? Si dimidiæ dixeris: profectò cum duæ medietates in toto sint, determinandum
 est, ab vtra illarum in tam longè distitum spatium effectus luminis proueniat. Nam ab
 vtraque dici non potest: sic enim non minùs procul ageret pars quàm totum, contra
 hypothefin. Ab vtra igitur medietate in vltimo sphæræ termino lumen progignitur?
 Sanè nulla ratio vni fauet potiùs, quàm alteri. Non igitur à medietate.

Ineptiùs autem respondebis à tertia, vel quarta, aut alia quapiam minore parte lumi-
 nosi corporis ad centesimum passum lumen propagari. Nam ex hypothefi quò mino-
 res sunt partes eiusdem luminosi, eò breuiorem habent actiuitatis terminum. Potiùs B
 igitur à maiore parte, quàm sit medietas, ille effectus proficisci credetur. Sed neque id
 probabile est. At enim maxima ea pars esse deberet, quod fieri nequit. Quauis enim da-
 rà maior dari potest. Si autem non sit maxima, eius actio ad extremum sphæræ actiuita-
 tis totius luminosi non perueniet. A nulla igitur parte solitaria extremum illud lumen
 produci potest. Sed neque ab omnibus simul agentibus, vt iam paulò antè dictum est;
 ita enim partes & totum æquali virtute pollerent: & si inæquales eæ partes sumerentur,
 minoris perinde ac maioris partis actio ad vltimum sphæræ actiuitatis terminum attingeret;
 quæ omnia propositæ repugnant sententiæ.

Deinde sequeretur, nullum omnino corpus luminosum, quantumuis immane, quid-
 quam extra fines proprii subiecti agere posse. Cum enim corpus luminosum, quanta C
 cumque mole distentum sit, partibus constet, ex quarum actione totius luminosi actio
 confurgit: sanè non longiùs porrigetur lumen totius quàm partium. Sed minutissimæ
 quæque particulæ ex minoribus componuntur in infinitum, vt ex diuisibilitate continui
 perspicuum est. Igitur nullum est spatiolum tam exiguum ad quod lumen diffundi pos-
 sit à luminoso vel maximo: si enim aliquod detur, huc actio ab aliqua diuidua parte lu-
 minosi perueniet. At nullam eiusmodi assignare vnumquam licebit, quòd eius actio ex
 minorum partium actione consistat: sed minores partes ad hoc spatium agendo num-
 quam attingent: igitur nec ea pars quæ fuerat assignata. Cumque eodem modo diui-
 dendo infinite progredi liceat, sequitur nullum corpus luminosum, etsi maximum, ex-
 tra propriæ quantitatis limites quidpiam luminis posse effundere. Non igitur luminosi D
 corporis partes aliqua longiùs, alia breuiùs lumen profundunt.

Quare dicendum singulas partes luminosi corporis ad extremam vsque virtutis spheram
 agendo pertinere. Argumento est patens experientia. Si enim pars vna luminosi
 corporis obtegatur, breuiorem fieri illustratæ sphæræ diametrum manifestè deprehen-
 dimus. Igitur pars aliqua luminis ab extremo sublata est, quæ si producta non erat à
 parte luminosi prohibita, quid obsecro causæ est, cur interiit? Nihil enim sublato eo, à
 quo minimè pendet, corrumpitur; nisi alia causa intercedat, quæ interitum adferat.

Petes, qua vi vna pars longiùs agat altera concurrente, quàm ipsa per se valeat. An ex
 alterius actione conualefcit, seque ipsa superat? Haud ita. An propter medij disposi-
 tionem promptior sit illuminatio? quia nimirum faciliùs mouetur motum, quàm id E
 quod nondum moueri cœptum est. Vnde leuiori impulsu incitantur currus dum mo-
 uentur, quàm dum quiescunt; & citiùs calefit aqua tepida, quàm frigida. Et ita vnum-
 quodque ceterorù agentium faciliùs agit in id quod iam gradum aliquem futuræ formæ
 præcepit, quàm in id quod ea omnino vacuum est. An inquam hoc eodem pacto lu-
 minosum corpus minori negotio illuminat proximum medium illustratum, quàm te-
 nebricosum? quòd scilicet partes corporis luminosi ad mutuas actiones proximum me-
 dium continuò disponunt, sic vt maiorem effectum vnaquæque illarum in singulis par-
 tibus medij producat, quàm per se sola potuisset?

Magna omnino est huius ratiocinationis probabilitas, quippe in multis veritatem ha- F
 bet. quare ne cuiquam imponat, monemus axioma illud; *Promptiùs mouetur motum,*
quàm id quod nondum moueri est cœptum; in illis tantum veritatem habere, quorum
 actiones aliqua repugnantia impediuntur; hac enim aliqua ex parte priùs superata faci-
 liores redduntur actiones: at nihil corporis luminosi conatibus obsistit: igitur ex me-
 dij dispositione non redduntur actiones luminosorum valentiores.

Quare genuina causa, cur luminare vnum ex alterius concursione longiùs agat, hæc
 est; quòd vbi vnum luminosum per se minimum edit naturale, suæque actiuitatis vlti-
 mum terminum, illic etiam adsit portio luminis ab altero luminari producta, quæ iuncta
 minimo illi, lumen conflatur non minimum, quod proinde longiùs actionem proferre po-
 test.

A test. Nec aliter se res habet in vno luminari, quando longius singularum partium actio protenditur ceteris vnà conspirantibus, quàm si solitariè vnaquæque fundatur. Quæ omnia illustriora fient, cum paulò post de concursu luminum diffusius agemus. Eodem namque modo agunt luminosa distincta, cum simul in eundem effectum incumbunt, quemadmodum eiusdem luminosi coniunctæ partes. Nihil enim ad actionem refert, sintne partiales causæ inter se vnitæ, an verò discretæ: fat verò est, vt in vnum mutuas vires conferant, simulque in eandem partem medijs actionem intendant.

PROPOSITIO XIII. THEOREMA.

Lumen sublato luminoso ne momento quidem temporis in medio perseuerat.

B **H**IVS proprietatis eadem omnino causa est, quæ & visibilium specierum, quas libro 1. propositione 52. ostendimus, amoto obiecto illicò euanescere. Neque enim simulacra illa, aut à lucido corpore profectum lumen, firmæ ac stabiles sunt qualitates, neque aliarum more è subiecti gremio excitæ, eius materiæ ad instar habituum pertinaciùs adhærent: sed sunt tenues quædam actiones perpetuò à causis effusæ, longè inferioris essentia, quàm sint materiales illæ qualitates, quas plerisque corporibus congenitas esse videmus, ac persistere sublatis causis, conseruarique formarum substantialium præsidio, cuiusmodi sunt natiui rerum omnium colores, ipsa lux in illo corpore, quod suapte natura collucet. Illæ inquam intentionales, quas vocant qualitates, seu veriùs profusiones, cum neque solidam entitatem habeant, neque proprium subiectum aliquod, cuius ope fulciri queant ac sustineri; fit, vt sublata causa, funditus pereant, & ne puncto quidem temporis perdurare possint; quod erat probandum.

C Existimare fortasse quispiam poterit, dubiam illam lucem, quæ in aëre post solis occasum superstes manet, crepusculum vocant, esse idem illud lumen, quod ante occasum à sole immediatè excitatum fuerat; non quidem eadem excellentia, sed imminutum. D Verùm non ita se res habet: nam crepera illa lux quæ inter diem noctemque intermicat, longè alia est ab illa primaria quæ directè à sole proficiscitur, vt definitione 7. & propositione 2. huius libri apertè docuimus. Primarium namque lumen à sole ipso originem ducit: at quod post occasum solis interlucet, proximè à stipante aëre, qui primo lumine coruscat, propria efficientia gignitur. Non igitur crepusculi lumen illud idem est imminutum, quod ante occasum in nostro aëre fulgebát, neque illius portio, etiamnum superstes absente sole, quasi principale lumen post corporis luminosi abitum in eodem medio ad tempus perseueret, non quidem in statu, sed in continuo motu quo ad interitum prolabitur. Enimverò vna eademque est ratio vespertini crepusculi & matutini: at nemo dixerit matutinum crepusculum alicuius maioris luminis reliquias esse, cum nullum proximè antecefferit: igitur nec vespertinum aliquid erit à præcedente solis lumine post relictum. E

PROPOSITIO XIV. THEOREMA.

Lumen medium diaphanum per quod transit, non immutat.

F **H**IVS rei potissimum argumentum est, quòd post luminis recessum nihil in medio diaphano à lumine remaneat: sed eodem temporis momento lumen euanescat, quo luminosum corpus de medio tollitur, vel quo per interpositionem corporis opaci luminis radius intercipitur.

Dices à lumine solis diurno tempore aërem manifestè incalescere, eamque affectionem post solis occasum non modico temporis spatio perdurare: igitur lumen id per quod transit, medium immutat. Respondeo calorem illum à lumine solis, velut ab effectrice causa prouenire, non verò tamquam à formali. Nam per radiorum collectionem ignem etiam accendi est possibile, quæ maxima est mutatio. At hæc quoque efficientis est virtus, non autem formalis; lumen verò formaliter aërem nec inquinat, nec ita immutat, vt aliquam sui portionem, sublato vel prohibito luminoso, temporis puncto relinquat, vt mox dicemus.

PROPOSITIO XV. THEOREMA.

A

Luminis profusio in minimum naturale terminatur.

MULTI inter se Philosophi disputant de naturalium facultatum terminis, deque finibus eorum quæ incipiunt ac desinunt, quorum opiniones discrepantesque sententiæ ex diuersa potius nominum usurpatione, quàm ex re ipsa originem ducunt. Nobis sanè illa semper assertio placuit, omnia intrinsecis terminis inchoari atque finiri, siue illa consistant siue motu fluant. Quod enim primum atque postremum est cuiusque rei, id vel res ipsa est tota, vel pars, vel indiuisibile aliquod; horum autem nihil extrinsecum iure dici potest, cum omnia in re ipsa insint: igitur intrinsecis omnia initiis finibusque oriuntur ac desinunt. Verùm hoc in præsentem non agimus, cum constet lumen per vniuersam virtutis sphaeram totum simul exoriri, ac simul totum occidere: id enim non solum lumini, sed & illis omnibus commune est, quorum productiones defectionesque sunt momentaneæ.

Rursus constat luminis actiuitatem nullo paruitatis termino limitari: quod si de paruitate intensiõnis intelligatur, dico nullum aded exiguum lumen mente concipi posse, quin illo minus ad indiuiduum vsq; produci queat, per tritum illud axioma; *Quod potest maius, & id quod minus est in sua habet potestate.* Verùm nec hoc in præsentem tractamus. Siquidem in maiore lumine minores omnes partes intensiõnis, imò & indiuisibilia ipsa continentur, quæ proinde simul cum illo à luminoso corpore producantur. Cumque ea latitudo intensiõnis, quantulacumque ea sit, infinitas numero partes proportionales complectatur, alias aliis minores; perspicuum est nullum in his dari posse minimum. Igitur luminosi actiuitas nullo paruitatis termino definitur.

Asserimus autem hac propositione lumen non sub quocumque intensiõnis modulo posse suapte vi solitariè existere, sed aliquem esse paruitatis terminum, ultra quem progredi diuidendo non liceat citra interitum, quem proinde minimum naturalem non incongruè possumus appellare: si autem maiori lumini aliud minus adiungatur, quantumvis exiguum, nil vetat quin hoc illius ope queat sustentari, dummodò vtrumque simul minimum naturale saltem attingat. Est porrò hæc subsistendi imbecillitas non his modò qualitatibus, quæ maioris ac minoris diuersitatem admittunt, verùm etiam omnibus corporibus, quæ magnitudinem variant, communis. Vt enim hæc sine aliqua mole, sic illæ sine aliquo excellentiæ gradu sese ab interitu vindicare non possunt. ultra namque vires attenuatæ, in nihilum collapsæ pereunt, nullo contrario interimente; sed solius mensuræ defectu, quæ ad propriam cuiusque tutelam velut necessaria conditio, irrefragabili naturæ lege exposcitur. Et sanè nisi ita esset, omnis profusio luminis infinite extenderetur, quod nimirum proportionalia decremента æqualibus fiant spatiis, vt propositione 8. apertius est explicatum.


DE LVMINVM CONCVRSV ET OCCVRSV.

DEFINITIONES.


PRIVSQVAM hoc caput explicare aggrediamur, necesse est quid luminis concursus sit, quidque occurus, definire, vt de illarum rerum essentia constet, quarum in decursu orationis frequentissimus erit vsus. Duobus igitur modis contingit à pluribus luminaribus idem medium illustrari. Vnus est, cum ipsa luminosa prope se mutuo constituta iunctis viribus agunt, & velut partes vnius luminosi corporis suum quodque lumen ad eandem partem vnâ protendant. Hic luminum concursus dicitur: vt si duæ lucernæ

A cernæ exponantur A & B, quæ simul ambæ versus C & D lumen profundant, sic ut AC & BD semidiametri sint spherarum, quibus actio utriusque circumscribitur, concurret utriusque lucernæ lumen, simulque eundo spatium inter AC & BD interceptum illustrabunt.

B Alter est modus, cum extra mutuas spheras actiuitatis abducta, aliquam tamen partem medijs simul attingunt. Hic occurfus luminum vocatur, quod ab oppositis terminis profecta lumina in medio loco inter utrumque luminosum sibi occurrant, mutuasque actiones inuadant: quemadmodum si alterum luminosum sit A, alterum B, extra mutuas spheras actiuitatis posita, lumenque ex A profusum occurrat lumini ex B in D, illudque inuadat penetretque ad C vsque, ac rursus lumen ex B occurrat lumini ex A in C, illudque ad vsque D peruadat. Palam profecto est ea lumina mutuo sibi occurrere, eandemque partem medijs DC suo unumquodque lumine perfundere. Sic ergo se habet luminum occurfus.



D Alius præterea quidam mixtus est modus, quo lumina partim vnâ procedunt, partim sibi mutuo obuiam fiunt: cum nimirum luminaria intra mutuas spheras constituta non mediocri spatio ab inuicem distrahuntur, ut si vnum luminosum A spherâ virtutis definiatur, cuius semidiameter sit AC, inque parte aliqua AC alterum luminosum collocetur B, cuius sphaera vltra A porrigitur in D: perspicuum est lumina ex A & B vnâ in C & D progredi, versus medium autem E sibi mutuo occurrere. Est igitur mixtus hic modus, atque ex occurfu concursuque compositus. Quæ omnia prius erant explicanda.



PROPOSITIO XVI. THEOREMA.

E Omnia lumina vnus sunt speciei atque essentia.



F VM rerum essentia longè à sensibus nostris recondita sint, nec mens nostra quidquam absque sensuum adminiculo comprehendere queat, consueuimus naturarum discrimina ex illis proprietatibus colligere, quas maxime proprias cuique rei esse videmus. Hæ namque quod essentia propinquiores sunt, eò certius illius discrimen indicant. Quare si omnium luminum proprias affectiones expendamus, inueniemus profecto præcipuas omnes vniuersis luminibus esse communes; distingui verò lumina iis dumtaxat accidentibus, quæ aliunde, quàm ex natura luminis prouenire manifestè constat: quod singulorum enumeratione perspicuum fiet.

Hoc in primis omnia lumina commune habent, quod sui sint diffusiuâ, idque non eo modo quo rerum simulachra, quæ ciendi obtutum vim habent; hæc enim non nisi luminis opitulatione, tamquam vehiculo subnixâ deferuntur; sed suapte ac propria facultate. Deinde eundem omnia habent diffusionis modum, nempe in spheræ ambitum, rectis item lineis, ac temporis puncto, decremento etiam vniformi, & absque medijs immutatione. Quæ omnia cum sint essentia luminis proxima, magna sunt specificæ vnitatis argumenta.

Nec dicere quisquam poterit has generis esse notas, non verò speciei infimæ. Nam si

generis sunt, peto cui alteri speciei, præter lumen, conueniant? Genus namque, & quæ A generis sunt propria, omnibus speciebus communia esse oportet: si autem præter lumen nulli alteri hæc inesse ostendi possunt, sanè non generis, sed speciei infimæ propriæ erunt differentia.

Discrepant verò lumina primò ac præcipuè coloribus, qui in multis diuersi spectantur, vt in prunis ignitis rubicundus; in sulphurea flamma cæruleus; in accensa æruginè viridis; in cincindelis argenteus ac nitens; in piscibus & putri quercu pallidior. Verùm hi non ex natura luminis, sed ex corporum, vnde lumina procidunt, innatis coloribus originem ducunt, vt libro primo propositione 35. docuimus. Quare nullum ex hoc capite discrimen essentia colligi potest. B

Deinde, quòd vnum altero longiùs agendo pertingat, causa est non essentia diuersa ratio, sed vel intensiõis dispar gradus, vel inæqualitas molis, vnde etiam nulla potest nature distinctio comprobari.

Præterea cælestium astrorum lumina varios in his inferioribus effectus edunt, quos hoc loco sigillatim omnes recensere superuacaneum foret, cum plurimi illorum omnium oculis pateant. Igitur essentia differunt ipsa lumina, à quibus tam dissimiles effectus proficiscuntur. Respondeo vnà cum cælesti lumine virtutes quædam in hæc sublunaria deriuari, quas influentias Philosophi nominant, plurimarum rerum occultiorum effectrices: at hæc luminis comites potiùs sunt quàm ministræ: sunt enim cælestium corporum vicaria formæ, quibus in hæc inferiora longè distita (cum id per se nequeant) vitam & actiuitatem infundunt. Non igitur hinc discrimen aliquod essentia luminibus inferitur. C

Ex quibus omnibus liquidò patet lumina omnia vnus esse speciei atque essentia, quod erat probandum.

PROPOSITIO XVII. THEOREMA.

Lumen lumini non obsistit.



DEO frequens est ac patens ea experientia, quæ omnino conuincit lumina sibi mutuò minimè obsistere, vt ne Empedocles quidem, tametsi lumen corpus esse contenderet, tamen lumina vi quadam se mutuò extrudere, vnumque alteri impedimento esse crediderit. D

Quæ autem id suadere videntur, hæc ferè sunt. Primum, maiore lumine præsentè minus non apparet; cessit igitur maioris deuietum potentia. Nisi enim profligatum esset, propriam sui imaginem in oculos aspectantium transfunderet, qua proinde videretur. At non videtur, vt manifesta experientia conuincit; igitur efficacius lumen hebetiori obsistit.

Secundum est, ea potentia, qua corpus transparens minoris luminis est capax, à maiore lumine tota impletur: itaque maius lumen excludit minus, nec in eodem subiecto secum patitur. Nam quod in actu iam est, alium actum eiusdem speciei non requirit. E Hunc ergo respuit, non secus atque vna albedo, quæ totam materia vacuitatem complet, appetentiamque exfatiat, aliam secum non admittit. Eodem igitur modo lumen maius, cum totam potentiam fatiet, qua minus lumen expetitur, suo aduentu illud extrudit, cumque sedem in subiecto fixerit, minori lumini pertinaciter obsistit.

Verùm his, vt diximus, manifesta experientia reclamat. Nemo enim non videt lumen luminis accessione in eodem subiecto augeri, illustriusque fieri: hinc namque plurimum luminarium inuentus est vsus, vt scilicet ampla vastaque loca, quibus vnum lumen fatis non est, pluribus simul conspirantibus affatim inclarescant.

Deinde & ratio id suadet. pro cuius perceptione aduertendum est, tribus modis vnum ab altero posse excludi. Primum est, cum vnum contrarium ab altero pugnà victum, loco cedere, ac stationem relinquere cogitur: qui modus in solis pugnacibus qualitatibus locum habere potest, quas i. Metamorph. hoc versu complexus est Ouidius: F

Frigida pugnabant calidis, humentia siccis.

non verò in luminibus, quæ probabili quidem sententia vnus sunt speciei atque essentia. Causa verò expulsiõis in illis quæ pugnantes habent actiones, est manifesta victoria.

Alter modus est, cum eiusdem proximi generis qualitates se mutuò in gradu perfecto non compatiuntur, cuiusmodi sunt colores. neque enim hi specie distincti atque intensiõis gradu perfecti simul in eodem subiecto pacificè comorari possunt. Sunt enim illis

A illis hominibus similes, qui eodem contubernio, communiq̄ue vtentes mensa, perpetuò rixantur; absentes verò necessitudinis vinculum arctissimè retinent, summamq̄ue animi propensionem & litteris & factis ostendunt. Sed neque hic modus in luminibus existere potest, cum ea omnia eiusdem speciei atque essentia esse existimemus, vt proximè antè ostendimus. Causa porrò dissidij in his est sola subiecti conditio, non verò actio aliqua; tota siquidem materiae potentia, qua colorum est capax, vno quocumque vel simplici perfecto, vel ex imperfectis misto completur.

B Tertius est modus, cum propter infinitam quamdam crassitudinem res quaedam imperuix sunt, ita vt nec se mutuò inuadere, nec in vnum eundemq̄ue locum simul conuenire possint. Qui modus in solis corporibus cernitur: hæc enim præter quantitatem tum propriam substantia, tum externa molis, aliam quamdam qualitatem habent, qua sibi mutuò impedimento sunt; hac autem sublata, nullo obsistente se mutuò penetrant atque inuadunt. Hic etiam modus à luminibus alienus est, quandoquidem illa nec corpora sunt, neque corporum subsidio, vt odores, deportantur.

Remotisigitur à natura luminis iis omnibus modis, quibus vnum alteri obluçtari aut officere potest, palàm relinquitur lumen lumini non obsistere. Quod etiam inde confirmari potest, quòd lumen non modò corpus non sit, verum nec corporeum quidem aliquid: sed longè ab omni corporea mole & crassitudine remotum; ac proinde simile beatis illis mentibus, quæ liberrimè quocumque libuerit transcurreunt, nullo prorsus reluçtante; ita inquam lumen vniuersam virtutis sphaeram momento temporis inuadit, & omnia quæ quidem translucida sunt, absque noxa tum propria tum aliena permeat.

C Ad argumenta igitur in contrarium proposita, & ad primum respondetur, ad præsentiam maioris luminis, minus in speciem obscurari, non autem reipsa corrumpi. Illud quidem quò fiat paulò infrà propositione 19. dicemus: nunc autem negasse sufficiat lumen minus vel ex parte destrui maiore aduentante. Quantulú enim illud est, exile ac tenue, suum tamen maiori adiungit modulú, & fœdere inito lumen pro rata adauget.

Ad secundum, negatur maius lumen exsatiare potentiam, qua materia minoris luminis est capax. Id enim solùm præstat lumen maximum, quod natura medij sustinere potest. Nam arca mille nummorum capax, ducentis impositis, quid ni alios centum **D** admittere poterit? An ducenti capacitatem aliorum expleuere? Nequaquam: sed illorum tantum, qui vt pars in ducentis comprehenduntur. at si mille iniiciantur, aliis centum non supererit locus, cum tota vacuitas sit expleta. Eodem inquam modo in aère, qui solarem fulgorem, ac etiam maiorem suscipere est aptus, non deerit locus stellarum lumini, tamen si in eo luna resplendat: siquidem vtrumque simul lumen in vnum coactum, solare lumen non adæquat. Idem prorsus in aliis qualitatibus quæ intenduntur ac remittuntur, videre licet. Quod enim calidum est, accedente calore alio, licet minore, incalescit magis; item quæ qualitates ceteræ, paruis licet accessibus, augentur tamen, & suum quæque incrementum vt familiare ac naturæ consentaneum, admittit & retinet.

E PROPOSITIO XVIII. THEOREMA.

Diuersa lumina per idem medium distincta penetrant.



E XPLICANDVM hoc loco ante omnia, quid sit confundi lumina, quid item ea se mutuò distincta penetrare. sic enim dilucidior erit quæstionis resolutio. Confundi ea dicuntur, quæ ita permiscentur, vt vnumquodque mixtilium in minimas particulas diuidatur; partes autem distractæ mutua loca subeant. Sic vinú aqua dilutum duobus constat pariter com-

F mistis atque confusis. Aqua enim item quæ & vinum in minimas particulas distrahuntur, quæ propriis relictis sedibus, mutua loca subingrediuntur. Non autem, quod quidam pertinacissimè astruunt, aut aqua fit vinum, aut vinum in aquam transmutatur, cum semper liceat ex diluto id quod vini facultatem ac vim habet, subiecti caloris beneficio stillatitiis organis segregare, vt experientia compertum est. Deinde qua vi, amabo te, vinum aquam in se, aut aqua in se vinum conuertit? Vitis agnosco proprietatem, quæ aquam succumque terræ prolectum in vnam traducit, vnde postea fit vinum: at vinum iam expressum non magis potest aquam in suam naturam commutare, quam emortuus arboris ramus alimentum capeffere ac nutriti: nam vinum nec feminalem nec plantalem vim habet. Deinde si ceræ liquatæ olei portio


infundatur, siene cera? Non autumo. Et plumbum auro mixtum in aurum conuertetur? Credant illi, qui aquam in vinum mutari contendunt, & cellas diluto repleant, arcaſque impuro auro.

Sed hac diſputatione prætermiſſa, propoſitam diſtinctionem repetamus. Ex dictis perſpicuum eſt tria poſtulari, vt mixtilia confundi dicantur. Primum eſt, vt in minimas partes vnumquodque diſſoluatur: alterum, vt partes ſingulæ, propriis relictis, mutua loca capeſſant: tertium, vt partes minimæ propriam naturam retineant: ſi enim vnum mixtilium in alterum, vel vtrumque in aliquod tertium permutetur, iam nullæ erunt res quæ permixtæ atque confuſæ dici poſſint, cum præter illud vnum aliquod nihil ſit reliquum. Cum autem mixtilium partiſio adeò minuta eſt, vt nulla particula à toto reſecari poſſit, in quam non omnium mixtilium naturæ conueniant, tum homogeneous dicitur ipſum compoſitum.

Diſtinctè ſe mutuò penetrare ea dicuntur, quæ ſeruata totius ſubſtantiæ vnitæ ac forma in vnum eundemque locum conueniunt. Quemadmodum corpora beatorum poſt communem mortaliū anafteſin, ſubtilitatis munere dotata, denſiſſima quæque corpora inuadent; tum verò nequaquam ea inter ſe confundentur, cum vnumquodque propriam vnitatem, formam, figuram, totamque integritatem ac perfectionem retineat. Sic diuerſi generis qualitates in idem ſæpè ſubiectum conueniunt, vt color & calor, quæ tum minimè permixcentur, non enim partes à propriis ſedibus auulſæ, mutua loca, vt fors tulerit, nullo ordine, ac confuſo quodam modo arripiunt.

His ita prænotatis, facile erit oſtendere diuerſa lumina per idem medium diſtincta penetrare, quod erat propoſitum. Atque in primis id ex eo probatur, quòd ſi tribus luminibus corpus vnicum opponatur, tres in oppoſitum vmbraſ reſultent. Et ſi tribus lucernis obiiciatur tabula foramine pertuſa, tria lumina in oppoſitum reſiliant, aliud quidem in directum, alia autem duo è tranſuerſo ſe inuicem interfecantia, neutiquam verò confuſa.

Veluti ſi tria exponantur corpora luminofa A, B, & C, quæ lumen per foramen D in oppoſitam tabulam E tranſfundant. concurrent quidem omnia ſimul lumina in ore foraminis D; ita tamen vt nequaquam permixcentur: ſed ſingula proprio tramite, ac recta linea pergant; ex A quidem in F; ex B verò in G; & ex C in H, non ſecus atque angelici ſpiritus, dum in eundem aliquem commune locum conueniunt. Quare ſublato luminari A, ceſſat lumen F; & obducto B, tollitur ipſius lumen G; prohibito verò C, id quod in H fuerat lumen, abſque vlla reliquorum luminum noxa vel diminutione extinguitur. Si autem loco D poſitum fuerit corpus opacum, erit F vmbra luminariſ A, & G vmbra corporis luminofi B, & H vmbra corporis C. Igitur tria lumina, cum in D conueniunt, nequaquam tumultuariè ac ſine ordine confunduntur: ſed vnumquodque propria integritate ſeruata, ſuam carpit viam, ac recto pergit tramite.



Accedunt huic experimento validiſſimæ rationes. Ac primò cum rectis lineis ferantur lumina, impoſſibile eſt ea commiſceri: nam, vt commiſceantur, neceſſe eſt vt ſe mutuò inuadant, id autem fieri nequit, niſi à recto itinere deſſectant: aliàs enim vnumquodque ſuo loco remaneret, nec poſſet alterius ſedem occupare, quare nec permixceri.

Deinde radij, qui à ſingulis partibus luminofi corporis circumcirca profiliunt, neutiquam permixcentur: ſed diſtincti quiſque ſuum rectum iter tenent. Igitur nec lumina, quæ à diſtinctis luminariſ proueniunt, inter ſe commiſcentur: ſed vnumquodque propria pergit via, eò quòd vis luminariſ impellit. Eſt enim eadem vtriuſque effectus ratio: nam ita agunt duo luminaria diſtincta, quemadmodum duæ vnuius luminariſ partes: quod omnibus homogeniſ commune eſt; nihil ſiquidem actionis intereſt, ſintne coniunctæ luminofi corporis partes, an verò ſolutæ.

Prætereà

A - Præterea cum ostensum iam sit propositione 17. lumen lumini non obsistere, quid obsecro causæ esse potest, cur lumen recta transire minus possit per medium iam illustratum, quam per obscurum? Sanè lumen antecedens obesse nequit, cum id sequenti non resistat; sed nec alia causa assignari potest: igitur quemadmodum permixta corporum penetratione, duo corpora se mutuo illesâ subeunt, sic lumen dum per aliud lumen fertur integrum penetrat, & id per quod transit inuiolatum relinquit.

Demum, quæ commiscetur tempus exigunt quo in partes dissoluantur, & hæc mutua loca arripiant: ex quo fit, ut sub initium quo misceri incipiunt, plus vnius in vnum locum confluat, quam alterius: at tale quidpiam neque in luminibus neque in vmbis licet deprehendere: igitur non permiscetur lumina, sed illibata per se mutuo transeunt.

Hinc etiam infertur, data luminum permissione non posse lumen ob alterius luminis occursum momento temporis ad extremum sphaeræ actiuitatis peruenire: nam lumini in quod incidit, prius misceri debet, quam vterius progrediatur: at ea commixtio tempus exigit, cum non sine loci mutatione fiat; itaque & luminis progressio tempus postulat quo absoluat: quod cum absurdum sit, ingenuè fatendum diuersa lumina per idem medium distincta penetrare.

Ad extremum duo dissoluendi sunt nodi. Qui lumina commisceri existimant, sic argumentantur: In illo medio quo duo lumina pariter conueniunt, nullam licet partem assignare, in qua non sit aliqua vtriusque luminis portio; igitur ambo simul permixta sunt atque confusa.

Secundò sic ratiocinantur: Si distincta sunt in eodem medio lumina, poterit hîc vnum, illic alterum designari, id autem fieri non potest, cum nusquam vnum sit, vbi non sit & alterum: nullo igitur modo sunt distincta, sed confusa.

Ad primum, admissio antecedente neganda est consequentia. Inde enim nil aliud sequitur, quam quòd vtrumque lumen in eodem sit loco, sicut duo angeli cum se mutuo pertranseunt, vel color & calor dum in eodem subiecto conueniunt.

Ad secundum, si hîc vnum lumen totum, illic totum alterum designari posset, distincta quidem essent ipsa lumina, sed non concurrerent: agimus autem de luminum concursu in eodem medio. Si verò hîc vnius luminis vna particula, illic vna alterius solitaria existeret, iam confusa essent ipsa lumina, & nequaquam distincta: itaque neganda assumptio est, nam si distincta in eodem loco existant lumina, necesse est, ut vbi vnum, illic sit & alterum.

PROPOSITIO XIX. THEOREMA.

Lumen maius offuscat minus.

E **I**n magnis Solis defectibus, inquit Galenus libro 10. de partium usu, stellæ apparent, quod & suis temporibus accidisse Thucydides memorat. Sed & ex puteis profundis stellæ conspiciuntur, præsertim quando sol non est in meridie. Hæc ille.

Tametsi his, ac præterea quotidianis experimentis satis constet lumen minus à maiore obscurari; causam tamen ob quam id contingat, reddere, subtilioris est inquisitionis. Equidem eandem esse huius effectus causam crediderim, ob quam oculus insigni colore imbutus obscuriores colores qui foris sunt non dignoscit; & cur ingens sonus, ut puta tympanorum aut campanarum, humanam vocem absorbeat; & cur compositorum mixtilia ex odore aut sapore distingui nequeant, vno præ ceteris eminente; & cur maiore dolore membrum vnum laceffente, minor dolor alterius partis vix percipiatur; & cur demum in ceteris omnibus minus à maiore obruatur: nempe excellentiore sensibili organum externi sensus complecte, internus, qui communis dicitur, in illius tantummodo dignotionem incumbit, sic ut præter hoc solum, à quo auelli nulla vi potest, nil aliud percipere valeat.

Alia quoque huius rei causa illa est, quòd excellentius lumen, non modò eam araneæ tunicæ seu sentientis organi partem illustret, quæ radiis à luminoso corpore in centrum visus destinatis attingitur, verùm etiam vniuersam araneam perfundat: quare ceteræ eius partes maiore lumine præoccupatæ minus lumen externum non vident: quod & ictericis usu venire solet; hi siquidem flauos colores externos non dignoscunt, flauabile illorum oculos occupante.

PROPOSITIO XX. THEOREMA.


A

Singula luminaria dum simul conspirant in qualibet parte medij, non maiorem nec minorem edunt effectum, quàm unumquodque per se seorsum.

EXPONATUR luminosum corpus A vt 4. primò quidem solitariè agens, cuius actiuitatis semidiameter in medietatum decremента diuidatur: palàm igitur omnino est in proximo spatio 4 2 1 B lumen futurum vt 2. deinde vt 1. qui virtutis A * terminus est. Hæc ita se habere ex propositione 8. huius libri probari potest: ex ea namque constat lumina æqualibus spatiis proportionalia pati decremента. Cùm itaque tota semidiameter in tot spacia sit distributa, quot luminosum corpus A continet partes virtutis proportionales, perspicuum est, singulis spatiis vna medietate lumen decrefcere, quousque demum in minimum naturale terminetur.

Sit iam idem luminare A quod vt 4. esse diximus, coniunctum luminoso B item vt 4. pariterq; ambo agant: dico in proximo spatio æqualem effectum ab A produci nunc, atque dum solitariè agebat.

Exponatur enim aliud quoddam luminare duobus A & B simul sumptis virtute æquale, nempe C vt 8: quis inficiabitur hoc luminare in proximum medium duplum lumen producere eius quod A per se solum? cum propositione 8. sit demonstratum, luminosam quò maius est, eò per æqualia spacia maiorem effectum edere; quod etiam ex primo lemmate conuinci potest. At duo luminaria A & B simul sumpta magnitudine æquant luminare C ex hypothesi: igitur per 3. lemma huius libri æqualia quoque huic sunt agendi potestate. Quare A & B dum simul agunt, lumen producunt singula in proximo medio suis viribus proportionatum, ac proinde nec maius nec minus quàm vnumquodque per se seorsum producere erat natum; quod propositum fuit demonstrare.



PROPOSITIO XXI. THEOREMA.

A pluribus simul luminaribus in eadem parte medij intensius lumen profluit, quàm à singulis.

ED sanè ex præcedente propositione apertè conuincitur. Cùm enim ostensum ibi sit vnumquodque luminare in quauis parte medij, eundem semper effectum edere, siue alteri adiungatur, siue per se seorsum agat; necesse est compositum effectum, effectum singulorum maiorem esse, velut totum sua parte. Accedit quoque omnium oculis testata experientia, quam inficiari est nefas. quis enim non videt vnus lucernæ lumen plurium accessione augefcere, eamdemque partem medij reddere clariorem? Id sanè perspicuè videre licet cùm maiora trichinia pensilibus lychnuchis polymyxis illustrantur.

Sed dicet fortè aliquis, ex hac propositione sequi, vnumquodque luminosum posse efficere lumen suo gradu intensius. Cùm enim duo luminosa æqualia, puta ambo vt 8. simul concurrunt, datur locus vbi vnumquodque illorum efficit lumen vt 6, quod duplicatum fit æquale 12. at lumen vt 12. intensius esse luminoso vt 8. igitur si singula luminosa ad hunc effectum communem conueniunt, ipsa producunt effectum suo gradu intensioris, suisque viribus maiorem, quod longè à fide alienum est.

Hac difficultate exterriti Philosophi quidam de genere pauidorum, quos propria etiam umbra percellit, in eam sententiam prolapsi sunt vt dicerent; lumina, quæ ab æqualibus luminaribus in eadem parte medij excitantur, mutua coniunctione non efficere lumen intensius: nec maius lumen aduentu minoris; sed solum minus maioris accessione

A cessione intendi. Sic vnum fugientes scopulum, incauti in alium incurrunt. nam lumen in eadem parte subiecti augetur, quid aliud est, quàm intendi? neque minus propriè dicitur maius lumen à minori intendi, quàm minus à maiore: cum intendere fit in eadem subiecti parte augere, & intendi idem quod augeri. Verùm non minus propriè ac verè maius lumen augetur aduentu minoris, ac minus maioris accessione, licet non æqua vtrimque portione. Igitur non secus lumen maius à minore, atque æquale ab æquali, ac contrà minus à maiore intendi possunt, cum in eandem partem medij simul confluerint. Quid ni enim magnum lumen gradu vel minimo intendi possit, si nondum ad fastigium peruenerit? Sanè quidquid medietatem latitudinis intensionalis excedit, reliquo est maius. Nullo igitur pacto supra mediocritatem lumen intendi poterit? Profectò id credere absurdissimum est. Quocirca dicendum luminis accessione, cum in eadem subiecti parte fit, semper lumen intendi.

Ad propositam verò obiectionem respondendū, intensus illud lumen vt 12. in eadem parte medij non ab altero tantum, sed ab utroq; simul luminari progigni, cumq; singula sint vt 8. erit totalis effectrix causa vt 16, quæ lumē producit vt 12. Non igitur hinc ostenditur luminare aliquod effectū edere propria facultate superiorem ac dignitatis gradu.

Si dicas duo luminaria vt 8. cubitali magnitudine in vnum coniuicta, quantitatis beneficio duplum quidem efficere luminare secundum molem, at non duplum, imò nec maius quidem secundum intensiōem: vnum verò luminare bicubitale intensum vt 8. non posse lumen edere intensum vt 8, cum nequeat effectum edere suæ intensiōni æqualem: igitur nec duo luminaria quorum singula sint cubiti vnus, intensa verò vt 8, posse collatis viribus producere lumen intensum vt 8, cum per 3. lemma ita agant plura luminaria per se singula, quemadmodum vnus partes proportionales, & ita simul plura, quemadmodum vnum aliquod omnibus simul sumptis æquale.

Respondendum verissimum id quidem esse quod assumitur, videlicet duo luminaria æquè intensa, si vniantur, efficere aliquid maius secundum magnitudinem, at non secundum intensiōem. Quantitas enim extrinseca adiunctione augetur: at intensiō tum solum, cum in eadem subiecti parte fit accessio. Verùm id quoque pro comperto haberi debet, si duo illa luminaria per condensationem in angustiolem molem redigantur, aut certè se mutuo penetrent, lumen tantò fore illustrius, quàm minus substantia ipsa distenditur. Atqui eadem facultate pollent duo luminaria iuxta se posita, atque eadem si in eundem locum diuina potentia compingantur, aut in angustiolem molem per condensationem redigantur. siquidem magnitudo potestatis ex abundantia formæ actiue æstimatur per 1. lemma. Igitur vbi nihil de forma luminis detrahitur, nihilque ipsi accedit, eadem semper erit facultas agendi, quocumque tandem pacto materia disponatur, dummodò tamen agens æquè semper subiecto patienti applicetur. Ex quo patet quid ad hanc replicam dicendum sit, nimirum absurdum non esse, lumen vt 12. à duobus luminaribus vt 8. procreari. Cum namque illa in eundem effectum simul incumbunt, æquivalent agendi facultate vni luminoso, quod dimidio quidem sit minus, at duplo intensus. Quod enim hinc præstat excellentia luminis, hoc illic confert radiorum multitudo in eandem partem medij confluentium. Sic radii solis à speculo concauo in vnum aliquod punctum repercussis, nitidissimum lumen excitatur, adeoque exquisitum, vt etiam ignem suscitare, & ad motum plumbum colliquare valeat. Hinc verò non rectè colligitur, effectum produci nobiliorem causa, cum omnia simul luminaria vnum luminare exæquent, quod minus quidem sit magnitudine, at intensus: si nimirum hoc vnum, & illa multa parem habeant luminis prouentum. Nihil enim ad actionem interest, sintne luminaria iuxta se posita, an vnita, an in eodem simul loco constituta; quippe vis actiua non ex corporis situ, sed ex vbertate formæ pensanda est, quæ omnia ex 1. lemmate sunt manifesta.

F. PROPOSITIO XXII. THEOREMA.

Singula luminosa iunctis viribus longius agunt, quàm disiuncta.



Hæc propositio ex vigesima & octaua huius libri facilem habet demonstrationem. Cum enim per vigesimam propositionem huius libri singula luminosa dum simul conspirant, eundem effectum in singulis partibus medij proferant, quem vnumquodque per se seorsum; fit, vt vbi cessat actio vnus solius, ibi adhuc lumen aliquod supersit communi actione productum, quod proinde vltèrius extendi potest. Igitur coniuictorum


lumen longiùs profertur , quàm disiunctorum ; quod erat probandum . A

Deinde, cùm per 3. lemma plura luminaria dum simul in eundem effectum incumbunt, eam inter se virtutis rationem habeant, quam partes vnus luminaris proportionata; finge animo tertium luminare aliquod duobus propositis simul sumptis virtute æquale, quod in eam rationem diuidatur, quam habet vnum datorum ad alterum. Exempli causa, sint duo luminaria, vnum vt 4. alterum vt 8. sitq; tertium animo conceptum duobus iam datis æquale, nempe vt 12. quod in duas diuidatur partes, nimirum in 4. & 8. quæ eandem inter se rationem habeant, quam primum & secundum. Quoniam igitur hoc tertium luminare 12. maius est qualibet sua parte per tritum axioma, longiùs quoq; actionem suam diffundet, quàm seorsum quælibet ipsius pars per 11. propositionem libri huius: at per 3. lemma primum ac secundum luminare simul virtute respondent luminari tertio: seiuncta verò luminare primum & secundum tertij partibus æquipollent. Igitur manifestè sequitur primum ac secundum simul longiùs agere, quàm alterum per se seorsum; quod erat demonstrandum. B

PROPOSITIO XXIII. THEOREMA.

Vnumquodque luminare communi actione in eadem parte medij effectum producit suæ magnitudini proportionatum. C

EXPONANTVR duo luminaria A & B, hoc vt 4, illud verò vt 8. quæ simul agendo lumen producant ad I: dico, quandoquidem luminare A luminaris B duplum est, vbi A inducit lumen vt 6, illic B proferre lumen vt 3, nempe dimidium luminis 6. Et quemadmodum 6. se habet ad A vt 8; ita se habere 3. ad B vt 4. Rursus 6 & 3 in vnum composita, hoc est 9, eandem proportionem habere ad luminare C, ex vtroque A & B compositum per 18. quinti Euclidis, quam habent 6 ad A, vel 3 ad B.



Huius porrò analogiæ causa est vniformitas tum subiecti, tum luminis, quæ in homogeneis corporibus reperitur. In his namque cùm per primum lemma qualitas sit vniformiter diffusa, & virtus sequatur vniformitatem qualitatis actiuæ, effectus autem proportionem respondeat virtuti, necesse est, vt quemadmodum se habet magnitudo vnus corporis ad alterius corporis molem, ita se habeat lumen ad lumen, ac eodem modo virtus ad virtutem, sic denique & effectus ad effectum.

Si itaque luminaris A effectus 6 subsesquitercius est, erit & luminaris B effectus 3 subsesquitercius: itemque & luminaris compositi C effectus 9 compositus totius 12 erit subsesquitercius. Quocirca vnumquodque luminare, cùm plura simul agunt, in eadem parte medij, effectum edit suæ magnitudini proportionatum; quod erat demonstrandum. E

PROPOSITIO XXIV. THEOREMA.

Duo luminosa non tantò longiùs simul agunt, quantò vtrumque compositum altero tantum est maius. F

EXISTIMABIT fortasse non nemo, coniunctorum luminarium actione tanto ampliori interuallo distendi, quanto vtrumque simul alterum excedit, idque eam ob causam, quòd vnumquodque luminare, quantò maioris est virtutis, tantò intensius lumen progignit. Siquidem in homogeneis corporibus effectus semper virtuti respondet. At quantò intensius est productum lumen, tantò longiùs propagatur: igitur quantò virtus luminaris est maior, tantò longiùs profert actionem.

Verumenimverò per 3. lemma duo luminaria simul agentia, eam quidem rationem virtutis habent ad alterum tantum, quam vnum luminare æquale vtrique ad suam partem

A partem proportionatam: sed hoc vnum luminare non tantò agit longiùs, quantò ipsum maius est sua parte per 11. huius. Itaque & duo luminaria simul agentia non tantò longiùs protendunt lumen, quantò vtrumque simul sumptum altero tantum est maius.

Ratio verò huius rei ea est, quòd non eadem sit spatiorum atque defectio-
 portio. Siquidem lumen per æqualia spatia proportionalia subit decrem-
 ta æqualia. hoc enim si fieret, sanè consequens esset, vt tantò longiùs actio produceretur,
 quantò luminare esset efficacius: nam spatia virtutibus respondere necesse esset. Nunc
 verò cùm non ita se res habeat, sed oporteat proportionales causas proportionatos sibi
 B effectus ad æqualia interualla transmittere, aut certè æquales effectus spatijs edere pro-
 portionalibus; sequitur non eandem esse spatiorum & defectio-
 rum comparationem.

Quare si æqualis virtutis sint duo luminosa, non statim duplo longiùs simul agunt,
 quàm disiuncta, quamuis in vnum composita duplam rationem habeant singulorum. Si
 item inæqualia fuerint agendi facultate, non ita se habebit spatium, quo duo simul agunt
 ad spatium alterius solius, quemadmodum vtrumque simul sumptum ad alterum tan-
 tum: veluti si vnum fuerit alterius duplum, non confestim sequitur fore vtriusque simul
 spatium alterius triplum, cùm proportio quæ in virtutibus effectisque cernitur, non
 item in spatijs eadem reperitur.

C PROPOSITIO XXV. THEOREMA.

*Cùm duo luminosa vnà agunt, vtriusq; actio ad extrema-
 tem sphaera communis actiuitatis attingit.*



ROPOSITIONE 12. huius libri ostensum est singulas vnus luminosi
 partes ad extremum vsq; sphaera actiuitatis lumen protendere. Cùm ergo
 per 3. lemma ita se habeant plura luminaria dum simul agunt ad sin-
 gula seorsum per se agentia, quemadmodum vnum luminosum ad suas
 partes, manifestè sequitur cùm plura luminosa simul agunt, lumenque ad

D aliquod spatium exerunt, singulorum actionem eòdem pertinere, quòd vtriusque simul
 agentis actio porrigitur.

Hinc fit, vt nulla sit pars medij circumfusi, cùm à pluribus simul luminaribus illustra-
 tur, in qua non existat portio aliqua luminis singulorum: quemadmodum per 12. huius
 omnes partes sphaera actiuitatis vnus luminosi singularum partium lumen participant.
 Quam verò ob causam id fiat, eadem propositione 12. est explicatum.

Obijciat aliquis duo ex hac positione absurda sequi, vtpote à sensu ac ratione profus
 aliena: ac primum illud, lucernæ flammulam, si iuxta corpus solare constituat, lon-
 giùs lumen proferre, quàm modò solares radij porrignantur. Alterum, minimæ candelæ
 lumen ex hac infima orbis regione ad summa vsque sidera per illustratum aërem
 E euehi, ibique occursum nitidissimorum siderum, ac solis præsertim, aliquam facere lumi-
 nis accessionem.

At mira hæc videri nullo pacto debent. Quantumuis enim exiguum sit spatiolum
 illud, quo solares radij lucernæ adiunctione longiùs prouehuntur; est tamen illud aded
 magnum, vt infinitè diuidi possit, & ei æqualia certo numero repetita totam diame-
 trum actiuitatis solis exæquent. sic portiuncula illa luminis, quæ lucernâ in terris positâ
 solari fulgori in supremo cælo accrescit, licet exigua re ipsa sit; est tamen tanta, vt æqua-
 les ipsi numero infinitæ, magnitudinè efficere possint infinitam. Non itaque absurdum,
 si hoc spatiolo, hacque luminis portiuncula, solis sphaera lumenque pro rata augeantur.

Deinde si fieri posse concedis, vt in ipso solari lumine exiguum aliquem gradum ani-
 F mo concipere liceat, illi, quem lucernæ flammula subministrat, æqualem; fateri quoque
 necesse est, posse hunc gradum è præsentia per cogitationem dimoueri: quod si factum
 iam sit, numquid imminutum erit solare lumen? At decremento minimo. Esto. Licet
 verò minimum illud sit, an ided imminutum esse lumen solis inficiabere? Absit: igitur
 auctum istud concede, quantumuis exigui luminis appulsu: sic & auctum actiuitatis
 spatium exigui licet moduli accessione. Haud ab simile exemplum habemus in quan-
 titatis augmento: Si enim aquæ gutta oceano infundatur, quis neget auctam esse infini-
 tam propemodum aquarum congeriem quæ terris incumbit? sic ergo lumen maximum
 minimi etiam luminis accessione augetur.


PROPOSITIO XXVI. PROBLEMA.

Propositum sit concurrentium luminum uniforme decrementum numeris explicare.



QUAE haecenus sigillatim de concurrentium luminum actione, propagatione, & vniformi decremento tradita sunt, ea nunc summatim in vnum sunt colligenda, ac numeris enucleatè explicanda. Qua in re duorum potissimum habenda est ratio, distantiae scilicet & virtutis. Excellentiora namque remissionibus, & maiora minoribus, & coniuncta solitariis longius efficaciusque agunt.

Sint itaque primo loco exposita duo luminosa aequalia, hoc est pari virtute praedita (nil verò interest, an ea virtus ex magnitudine corporum, an autem ex fulgoris excellentia proueniat.) sint inquam duo aequalia luminosa, vnum A vt 8, alterum B item vt 8, quae collatis viribus agant vsque in G totius actiuitatis terminum; sit rursus C E alterius actio separata, repraesentans semidiametrum actiuitatis luminosi A vel B solitariè ac seorsum



agentis: demum sit D F actio composita ex actionibus luminarium A & B, non iam solitariè, sed coniunctè agentium per semidiametros A G & B G. Postuletur verò, vt minimum naturale in quod diffusio luminis terminatur vnitate aestimare liceat, & vt decremента per medietates assignari iubeantur. Nam exempli potius gratia haec omnia à nobis dicuntur, quàm vt rem ipsam oculis spectandam proponamus: id enim cum praestari nequeat, rem obscuram si non omnino propriis, saltem non impropriis terminis explicare conabimur, quantum ratione & experimentis assequi potuimus, ad eum modum quo pictores in angusta tabella res maximas repraesentare nituntur. Est igitur minimum luminis naturale 1, decremента verò per medietates incedant: nam eadem erit in ceteris ratio: itaque actio luminaris A solitariè agentis per aequalia spatia his numeris proportionalibus minuetur 8. 4. 2. 1. in quos spatium C E diuiditur: coniunctis autem cum B viribus, idem luminare A his numeris actionem promouebit 8. 4. 2. 1. Vbi hoc aduertendum, lumen vt $\frac{1}{2}$, quamuis subsistere suapte vi nequeat, fulciatur tamen illius dimidij ope, quod à B in eandem partem medij excitatur. Cum enim ambo dimidia in vnum coalescunt, efficiunt lumen vt 1, minimum scilicet naturale in quod vtriusque A & B coniuncta actio definitur. Habet autem communis haec vtriusque agentis actio compositos hos numeros 16. 8. 4. 2. 1. vt in D F patet. Atque ita se habet aequalium luminum per aequalia spatia profusio.

Hic primùm apparet luminare C, quod pro altero datorum A vel B repositum fuit, ad finem vsque suae sphaerae, cuius semidiametrus est C E aequalibus spatiis proportionalibus gradibus decrescere, quousque tandem ad E in minimum naturale desinat; quod propositione 8. fusiùs est explicatum.

Deinde quoniam luminaria A & B in vnum composita faciunt 16 duplum singulorū, fit vt spatium D F, quo communis actio vtriusque A & B extenditur, maius quidem sit spatio C E, quo alterius tantum actio terminatur per 22. propositionem huius libri: at non duplum per 24. huius.

Tum patet non tantum communem actionem per spatium D F diffusam; verum etiam particularem tum solius A, tum solius B, per spatia A G & B G proportionalibus defectio-nibus minui per 8. & 20. propositionem huius libri.


Præterea cum luminare D compositum scilicet ex A & B, duplum sit singulorum, perspicuum est in eodem medio, vt puta proximo, compositum lumen 8 duplum esse singulorum 4, & intervallo sequente lumen 4 duplum esse luminum 2. atque eo modo deinceps, vt propositione 23. est demonstratum.

A Insuper vides hîc etiam singulorum actiones, dum simul conueniunt, ad extremum vsque sphaeræ actiuitatis pertinere: atque ita singulos effectus longius prouehi, dum causæ conueniunt, quàm dum separatae agunt, vt propositio 25. edocet.

Demum hoc quoque animaduertere licet, vnumquodque luminare, dum ambo simul agunt, non maiorem effectum in singulis partibus medij edere, quàm si seorsum singula propria agant facultate. nam vbi luminare C producit 4, illic A & B singula proferunt 4; & hæc eadem A scilicet & B coniuncta, singula duos gradus luminis edunt, vbi C item duos; & vbi C minimum naturale, hîc A & B singula eundem gradum minimum producant; quæ omnia diffusius propof. 20. sunt pertractata.

B Nunc si inæqualia proponantur luminaria A & B simul agentia vsque ad G, A quidem maius vt 24, B verò minus vt 8, eodem modo se habebit numerorû dispositio, quo supra. Primò enim singu-

C lorum per se actiones exponentur C & D per spatia æqualia proportionaliter diffuse, ita vt crepresen-



ter luminare A vt 24, D verò luminare B vt 8, quorum proinde actiones in singulis interuallis proportionem inter se habebunt, quam 24 ad 8, hoc est triplam. Rursus ad fingatur his luminare E ex vtroque A & B conflatum nempe vt 32, cuius item actio in singulis spatiis sit ex vtroque composita. Obserua insuper ad finem actiuitatis luminosi C inter $1\frac{1}{2}$, & 1 non integrum spatium constitui. Cùm enim minimo naturali, quod 1 esse diximus, lumen terminetur, sit autem 1 amplius quàm dimidium ipsius $1\frac{1}{2}$ manifestum est non posse inter $1\frac{1}{2}$ & 1 integrum spatium intercedere: nam integro spatio præcedens lumen dimidio minuitur; at sub $\frac{1}{2}$ quod dimidium est ipsius $1\frac{1}{2}$ lumen subsistere per se non potest: igitur ab $1\frac{1}{2}$ ad 1 minus quàm integrum spatium sit necesse est.

D Porro vt singulorum A & B lumen, quod in commune conferunt, numeris exprimat, eadem qua antè opus est praxi. Quoniam enim minimum naturale, seu terminus vniformiter decedentis luminis concessus est 1, & decremента per medietates produci iubentur, dato primo spatio ad quod luminare A sui profundit dimidium, nempe 12, in secundo spatio constituatur huius dimidium 6, tum sequente spatio 3, prioris item dimidium, postea $1\frac{1}{2}$, ac demum $\frac{1}{2}$. Eodem verò modo inuenietur vniforme decrementum luminis ex B profusi; si nimirum continuata serie in proximo semper spatio præcedentis luminis dimidium collocetur, vsque ad vnum quadrantem, qui cum $\frac{1}{4}$, quos luminare A in eandem partem medij contulit, efficit 1, minimum scilicet naturale, totiusque compositi luminis terminum.

Hoc itaque pacto se habent lumina à duobus inæqualibus luminaribus profusa, collatis in vnum viribus. Quo autem modo se habeant in solitaria actione, indicant C F & D H. Eademq; ratio numerorû obseruanda est, cùm plura quàm duo simul concurrunt, tam diu enim singulorû actiones ultra fines propriæ facultatis procedēt, quoad omnium effectus in vnum collati minimum æquent naturale: hîc enim iubet natura quiescere.

E In hac porro numerorum constitutione omnes degenerantis luminis proprietates ac differentias contemplari licet, quas paulò antè in æqualibus luminaribus retulimus exposuimusque. Quare quod reliquum est huius propositi, Lectoris prudentiæ ingenioque committimus.

De concursu luminum tantum: nunc de eorum occurſu, quod reliquum est huius capituli, prosequamur. Est porro in luminum occurſu idem vniuersè obseruandum quod in luminum concursu, totam scilicet luminum occurrentium intensiōnem ex singulorum effectibus componi: nec enim aliter agunt seorsum singula, aliter omnium viribus in vnum collatis.

PROPOSITIO XXVII. THEOREMA.

A

Luminum actiones ex mutuo occurſu nec ſegniores redduntur, nec uegetiores.

PRIOR huius proſitionis pars ex 17. huius libri prop. manifeſtè conuincitur. Siquidem nullo pacto ſibi mutuò lumina obſiſtunt : non enim corpora ſunt, uti contendebat Empedocles, quæ ſe mutuò protrudunt; neque inter pugnaces numerantur qualitates, quæ perpetuò ſibi bellum **B** indicunt; neque ſpecie eſſentiaque diſcrepant, velut colores, qui cum ad altiorem dignitatis gradum euecti fuerint, alios ſecum paræ excellentiæ in eodem ſubſellio conſidere non patiuntur. Igitur occurſantia ſibi mutuò lumina liberrimè penetrant, quamdiu nullum adiopton rectam radorum profluentiam ſuo obiectu interpellauerit: hoc ſolùm namque lumen ſiſtit, ac tranſitu prohibet arcetque.

Sed neque ex mutuo occurſu, quaſi ex familiari amicoque congreſſu, luminum actiones conualeſcunt, ſic ut in eadem mediæ parte nobiliorem effectum excitare eo modo poſſint, quàm ſolitaria actione. Quod tamen exiſtimare forſitan quiſpiam poſſet, præſertim ex illorum philoſophantium numero, qui ſentiunt in particularium cauſarum concurſu, vnamquamque earum totum effectum edere, non quidem, ut vulgò loquuntur, totaliter, hoc eſt uti totalem ac præcipuam cauſam; ſed uti partialem, cum tantum effectum nulla per ſe ac propria facultate, ſingulæ autem aliarum præſidio nixæ attingant. **C**

Sic, aiunt, coniuñctis hominum viribus ingentia præſtari molimina, quæ nullus eorum per ſe vniquam inchoare potuiſſet. Et niſi vniuſcuiusque vis ad totum effectum pertineat, diſtinctæ erunt effectus partes, quarum ſingulæ à ſingulis particularibus cauſis proficiſcantur: at nihil in effectum ſignari poſteſt, quod ita ab hac vel illa ſit cauſa, ut non omnium vim efficaciamque perſentiat: igitur totus effectus à ſingulis exiſtit cauſis. Quod cum ita ſit, conſequens eſt, ut validior ſit vnaquæque illarum ex reliquarum ſocietate, quàm per ſe ſola; quippe quæ ſola parum, aut nihil poſteſt; ceteris adiuncta totum **D** effectum præſtat.

Verùm dicimus fieri omnino non poſſe, ut luminum facultates ex mutuo occurſu valentiores euadant. Nam agentia naturalia, in quorum tribu lumina cenſentur, maximum ſemper, quem poſſunt, effectum moluntur; efficaci ſiquidem neceſſitate naturæ, ceu fato quodam, ac ſuperiore potentia ad agendum compelluntur; cui nec obſiſtere vlllo modo poſſunt, nec facere ſatis, niſi quidquid naçtæ ſunt virium, id totum expromiant. Deinde ignobilius lumen nequit producere aliud ſe excellentius, cum nihil poſſit alteri conferre, quod in ſua non habet poteſtate; id autem fieri omnino oporteret, ſi luminum vires, ex mutuo occurſu aliorumque conſortio fierent efficacioreſ. Hoc igitur fieri non poſteſt; quod erat oſtendendum. **E**

Ad primum verò argumentum eorum, qui vnamquamque particularium cauſarum totum effectum attingere ſentiunt, reſpondendum, cum plures homines ingentes ſimul agitant machinas, ex omnium conatibus in vnum collatis vnam conſtari virtutem, vniuſcuiusque hominis facultate maiorem, quæ illum effectum, ut adæquata effectrix cauſa præſtat. Nil igitur mirum videri debet, ſi quod vnus per ſe non poſteſt, id ſimul omnes perſiciant, cum vis illa ex omnium viribus conſtata effectui ſit ſymmetra atque accommodata. Ex quo proinde colligere nullo modo licet, totum effectum à ſingulis excitari, aut ſingularum cauſarum vires accreſcere ex aliarum conſortio: ſiquidem ſingulæ cauſæ uti partem virtutis in commune conferunt, ita proportionatam partem effectus edunt, quæ pro rata iſtis reſpondet. **F**

Ad alterum dicendum, tametſi diſtingui ſenſu nequeant particulareſ effectus qui à ſingulis agentibus proueniunt, poſſe tamen eos & mente diſtingui, & à ſe mutuò re ipſa ſeparari. Ut ſi duo luminaria diſtinctis locis expoſita, in eandem partem mediæ lumen profundant: dico hoc lumen ex duobus luminibus conſtare, minimè inter ſe permiſtiſ atque confuſiſ, ut proſitione 18. eſt demonſtratum: mente autem ea exactè diſtinguuntur, cum vnum illud eſſe intelligitur, quod rectâ lineâ ab hoc luminari porrigitur; alterum verò, quod ab altero luminari rectâ item procidit lineâ. Quæ enim diuerſiſ radiiſ perferuntur, ea diuerſa ſunt lumina. Igitur quod ab vnoquoque luminari in eandem

A dem partem medij consignatur, mente distingui in hunc modum potest. Sed & re ipsa separari queunt. Quod enim sublato altero luminari iam minus est in eadem illa parte medij quàm antea, hoc non à superflite, sed à sublato luminari productum esse oportuit: nam persistente causa luminosa lumen sponte non interit, eâ autem sublata protinus extinguitur.

PROPOSITIO XXVIII. THEOREMA.

B *Lumen alteri occurrens lumini in quacunque parte medij, nec maiorem nec minorem effectum edit, quàm per se queat solitaria actione.*


PERSPICUE id colligi potest ex superiore propositione. Si enim luminis virtus ex alterius occurfu nec segnior, nec vegetior redditur, nil accidit ex occurfu alterius luminis, quo effectus nobilior aut ignobilior procreatur: minorem verò effectum ex agentis ignauiâ, uti maiorem ex vigore prouenire oportet.

Hoc tamen distindendum non est, in singulis partibus medij quibus lumina sibi obuiam fiunt, insigniorem splendorem affulgere, quàm ex vnius solius actione: siquidem per 17. propositionem huius lumina sibi mutuo impedimento non sunt. Igitur vnum alteri quoquo modo adiunctum, siue per concursum, siue per occursum, in eadem parte medij lumen adauget intenditque; quod & experientia edocet. Videmus enim altero luminarium sublato splendorem imminui; augescere verò, ac magis conspicuum fieri, ex plurium occurfu, quippè nil præter opacum corpus luminibus officere potest.

PROPOSITIO XXIX. THEOREMA.

Lumen alteri occurrens lumini longius prouehitur.

D **P**RO luminare A vt 16, lumen profundens vsque in c, quod per æqualia spatia proportionalibus minuatur decrementis secundum hos numeros 8, 4, 2, 1: exponatur & altero lumine B, vt 6, ab A disiunctum interuallo AB, cuius lumen per æqualia item spatia proportionalibus decrementis effusum, hinc lumini ex A occurrat, illinc in oppositam partem abscedens cum eodem lumine ex A concurrat vsque in D: dico lumen ex A prociens occurrente ipsi lumine ex B longius prouehi, quàm in solitaria actione. Quoniam enim extremus terminus solitariae actionis, qua luminare A lumen porrigit, est c, vbi minimus naturæ terminus procreatur, eodem autem loci luminare B excitat lumen vt 3, quæ simul iuncta efficiunt 4; perspicuum est hoc lumen vt 4, posse in proximo spatio edere lumen vt 2: quod nimirum proximè sequitur in continuæ rationis progressionem, compositum ex effectu luminaris A, qui est vt $\frac{1}{2}$. & effectu luminaris C, qui est vt $1\frac{1}{2}$. Eodem verò pacto hoc duorum graduum lumen in sequente deinceps spatio lumen vt vnum procreabit, compositum scilicet ex $\frac{1}{4}$. luminaris B, & $\frac{1}{4}$ luminaris A, quod cum sit minimum naturale, hinc finis erit coniunctæ actionis, vltimusque terminus ad quem vtrumque luminare A & B, dum simul conspirant, attingere possunt per 15. propositionem libri huius: at longius est spatium A D quàm A C, nempe totum sua parte: igitur lumen alteri occurrens lumini longius prouehitur; quod erat demonstrandum.



Hæc quamuis in particulari rectè demonstrata esse videantur; possunt tamen & vniuersè probari eadem ratione, qua superius propositione 22. simile in concursu luminum ostendimus. Concipe igitur animo tertium quoddam luminare E vt 8, vtrique scilicet B & F simul sumptis æquale, idque in eam rationem secetur, quam habet B ad F, hoc est 6 ad 2: quoniam igitur lumen 8 maius est alterutra sua parte 6, & 2 longius quo-

que actionem producet per II. propositionem libri huius : at per 3. lemma eodem modo agunt distincta luminaria B & F, vt alterius cuiuspiam æqualis luminaris partes proportionatæ : igitur longiùs actionem diffundit luminare E, quàm alterum propositorum B aut F : sed luminare A coniunctis viribus cum luminari B eodem modo spatium B D illuminat, quemadmodum tertium luminare E : igitur & luminis ex A profusio occurrente luminari B longiùs prouehitur, quàm solitaria actione ; quod rursus demonstrandum erat.

PROPOSITIO XXX. THEOREMA.

Diobus luminaribus intervallo disiunctis, quod inter vtrumque B diffusum est lumen, ab extremis ad medium vsque perpetuò decrescit.



INT duo luminaria A & B, intervallo ab inuicem disiuncta: inter quæ dico profusum lumē, quod ab vtriusque A * simul actione conflatur, ad medium vsque spatium E continuò decrescere. Quod in primis manifesta docet experientia. Videmus


quippe in maioribus tricliniis, cum maiore intervallo distiti lychni accenduntur, propinquiorens mensarum partes impensius illustrari; illas verò omnium minimè, quæ propius medium accedunt, vtpote quæ non æquè ac priores lumen participant. Verùm quia ad hunc effectum conducit etiam certus quidam radiorum illapsus, quo ij qui longiùs prouehuntur obliquioribus angulis in planas mensarum superficies incidunt, quàm propinquiorens; ostendendum est non solum radiorum incidentiam illius inæqualitatis effectricem esse, verùm lumen quoque inæqualiter per medium diffusum in partem huius causæ venire : quod factu haud erit difficile ex iis quæ hæcenus sunt demonstrata.

Sint itaque eadem, quæ supra exposuimus, luminaria A & B, ambo, gratia exempli, vt 16: horum igitur actiones æqualibus spatiis proportionalia subibunt decrementsa per 8. propositionem huius; quare si in proximo spatio producant 8, dimidium nempe ipsius 16, in sequenti item producent ipsius 8 dimidium, videlicet 4, tum 2, denique 1. Patet igitur si vtriusque luminis summæ colligantur, in vtraque extremitate futurum lumen vt 17; deinde proximè post hoc vtrimque vt 10; ac tandem in medio, vt 8. Quare lumen quod ex occurso luminum conflatur, ab extremis ad medium vsque continuò decrescit; quod erat probandum.

Amadeus Maygret, Philosophus fanè peracutus, ex fratrum Prædicatorum familia, in lib. 1. De generat. & corrup. quæst. 2. art. 3. cum multa pronuntiaffet de luminis profusione, partim proprias sententias confirmando, partim diluendo aliorum obiecta, tandem consequens ex propriis dictis esse animaduertit, in occurso luminum debere totum spatium intermedium æqualiter illustrari aduersus manifestam experientiam. Quamobrem vt sibi effugium compararet, hanc sumpsit auxiliarem thesin: Luminosum adueniens medio iam illuminato, non causare tam intensum lumen in eo, quàm produceret si medium non foret aliunde illustratum. Eam verò non aliter probat, quàm ex illo ipso incommodo quod obiiciebatur, scilicet fore alioquin vt in occurso luminum totum spatium interiectum æquali lumine perfunderetur. Ex hæc porrò thesi ostendere conatur, quamuis vnumquodque luminare natum sit solitaria actione per æqualia spatia æquali decremento lumen profundere, non ita tamen rem se habere, dum sibi mutuò opponuntur: sed compositum lumen inter vtrumque extremum, versus medium semper minus esse quàm versus extrema.

Quod vt enucleatiùs explicet, dicit primò, minore luminari aduentante medio impensius illustrato, nihil propemodum luminis priori adiungi ex minoris actione: at contra si maius luminare accedat minori, maximam fieri luminis accessionem.

Secundò ait luminosum minus vel equale adueniens medio illustrato, efficacius agere in remotum quàm in propinquum. Vtriusq; verò pronuntiat hanc reddit rationem, quòd tantò segniùs agat vnumquodque luminare, quantò reperit medium altiùs e potestate



A state ad actum reuocatum. Quod enim agit, conatur id quod ipsi simile non est, simile reddere: igitur quò liberius est subiectum magisque vacans, eò maiorem qualitatem ab agente suscipit. Hæc omnia iis manifestè aduersantur, quæ propof. 20. & sequentibus à nobis sunt demonstrata. Deinde quod toto sermonis decursu supponit, luminis profusionem suapte natura æqualibus spatiis æqualia pati decrementsa, manifestæ repugnat experientiæ, quod propositione 6. luculenter ostendimus. Quare cum falsum illud sit, cuius gratia Amadeus has actionum varietates excogitauit; decebat potius errorem corrigi; quàm admissum peregrinis falsisque hypothefibus obscurari.

B PROPOSITIO XXXI. THEOREMA.

Si æqualia sint ipsa luminaria, erit tenuissimum lumen quod ex cursu luminū conflatur, inter utrumq; luminare exactè medium.



REPOSITI enim iisdem quæ suprà, quoniam æquales sunt AD & BC , nempe semidiametri æqualium spherarum, quibus æqualia luminosa A & B actionem profundunt, erunt & AE & BE æquales, utpote æqualium semidiametrorum dimidia. Ambo siquidem AD & BC in E bipartitò exactè diuiduntur, vt ex propositione 8. facile colligi potest, quoniam

C proportionalia luminū decrementsa æqualibus fiunt spatiis: at 16, 4, 1, sunt numeri continuò proportionales: igitur spatia AE & ED , per quæ lumen ex A numeris 16, 4, 1, continuè decrescit, sunt inter se æqualia. Quocircà & minimum lumen quod in E , communem radorum AD & BC intersectionem incidit, medio semper loco inter ipsa luminaria existit.

CONSECTARIVM.

A caua superficie sphaera luminosa, quod minimè illustratur, est centrum.

DAUTOR Perspectiuæ communis, libro primo, vigesimo primo numero, hanc habet propositionem: *In luminosi concauo lumen efficacius reperitur in centro.* quæ huic nostro consecario è diametro aduersatur. Quod enim ille ait, id nos apertè negamus. Probat ille: *Quoniam ab omni puncto concaui perpendiculares radij, qui ceteris sunt fortiores, confluunt in centrum.* confirmatque ab effectu, quòd hanc ob causam virtutes corporum celestium, in centro è iuxta ipsum efficacius oriantur. Vnde hanc ait consequi vtilitatem, quòd *ita conformior sit hominum habitatio, vbi scilicet eorum complexio adpropinquat supremi corporis simplicitati.* At vim huius demonstrationis priùs videamus, quam nostrum consecarium ratione probemus. Attende igitur:

EAit ille: *Ab omni puncto concaui perpendiculares radij, qui ceteris sunt fortiores, confluunt in centrum.* Primùm nosse decet cui alteri sint perpendiculares hi radij, an corpori luminoso vnde procidunt, an centro? Nemo propriè centro perpendiculares dixerit, cum linea in solitarium punctum, neque rectis neque obliquis angulis incidere possit. Si corpori luminoso intelligas esse perpendiculares, fatebor id lubens. Sed ea assumptio nihil conducit ad firmandum propositum: nam fortiores dicuntur illi radij qui in oppositum subiectum ad perpendicularum incidunt; non verò ij qui luminoso corpori sunt perpendiculares. A quouis enim puncto cavitatis sphaericæ luminosæ pari efficacia radij vndique profiliunt, nec robustior est is qui rectà in centrum contendit, quàm ceteri qui quaquauerfus circumfunduntur, cum à puncto, atque eapropter vno modo omnes decisi recta via proficiscantur. Quòd autem robustiores illi sint, qui in oppositum corpus rectis angulis incidunt, id non ex propria fit radorum natura, sed quòd à loco incidentiæ reciprocati congeminentur: quamobrem meridie nobis iuxta terram, & intensissimum lumen, & feruentissimus est æstus, quippe solares radij à summo cæli fastigio directè prolapsi in seipsos redeunt, seque ipsos intendunt.

Deinde non quòd ab omni parte cavitatis sphaericæ radij in idem centrum confluant, idcirco lumen ibi excellentius esse conuincitur; cum non in centrum tantum, verum etiam in quoduis aliud punctum præter centrum quod intra sphaeræ cauum sit, ab omni parte superficie luminosæ accurrant. Nec iuuat, quòd qui in centrum conueniunt, æquales inter se sint; qui verò ad cetera puncta, inæquales: nam inæqualium radorum, quod segniùs præstant longiores, id breuiores compensant non ex æqualitate, sed longè


etiam efficacius, ut ex 8. propositione libri huius colligi potest. Ex quo efficitur, ut in A ceteris punctis, quæ longius à centro distant, non modò æquale lumen sit, verùm multò etiam excellentius, ut mox ostendemus.

Hinc apparet falsam quoque esse eam assumptionem: *Virtutes corporum celestium in centro, & iuxta ipsum efficacius dominari*: siquidem nusquam dominantur minus quàm in centro. Quod enim propinquius est effectrici causæ, id impensius efficientiam ipsius perferent; à cælestibus autem corporibus longissimè distat centrum.

Demum quod adfertur de commodiore hominum habitatione iuxta mundi centrum, rectè dictum puto; at causam non approbo: sed ideò potiùs id fieri credendum est, quòd qui in terra degunt medio loco constituta, beneficium cælorum influxum æqualiter B participant. Si enim longè à medio vniuersi terra abesset, qua parte propius cælum spectaret, Solis ardore torreretur, reliquâ verò intensissimo frigore algeret. Quare ob cæli inclementiam totus pænè terrarum orbis inhabitabilis foret. Sic namque in præsentì cõstitutione, quamvis terra ex æquo librata sit; ij tamen, qui propius ad Æquatorem accedunt, ingenti æstu soluuntur, ij verò qui longius à Signifero absunt, perpetuo frigore constringuntur; quantò magis vtrisque hæc eadem incommoda acciderent, si longius à centro mundi terra abesset? sanè hinc frigore, illinc calore tota exfugeretur. Quocircà maximè consentaneum fuit terram in medio vniuersi constitui, non quòd illic cælestes virtutes impensius vigeant, sed quòd illic singulis partibus ex æquo magis dispensentur.

Neque huic errori patrocinator, quòd solares radij, qui à concauo speculo sphericò C recipiuntur, in centrum confluere videantur: nam in Catoptricis demonstrabimus (Deo cursum nostrum dirigente) radios solares à cauo speculo sphericò repercuttos, inter centrum ac speculi superficiem congregari.

His præmonitis, ostendendum iam sit à cavitare spheræ luminosæ decisum lumen nequaquam præcipuè in centro fulgere. Esto caua spheræ facies A C B D, cuius centrum E, in eaque diametri quocumque agantur A B & C D, per quas ab extremis punctis A, B, C & D luminosi radij incedere cogitentur: quoniam igitur per hanc 3. propositionem iis spatiis quæ inter A B & C D interiacent, diffusum lumen ad centrum vsque continuò minuitur, idemque in ceteris accidit diametris, perspicuum est in E lumen esse tenuissimum: tota namque spheræ capacitas eiusmodi diametris completur.



Deinde fingas cælum vniuersum minutissimis stellulis perfusum, quarum lumen ad nos vsque minimè attineat, (quales extare innumeras telescopij nuper inuenti beneficio didicimus) sole porrò lunaque, ac ceteris astris sublatis, quorum fulgorem ex hac infima habitatione manifestè contuemur: proh quantæ apud nos tenebræ erunt! Dicent autem perspicaces illi Optici excellentius hinc lumen fore quàm in cælo ipso. Ridiculum. An deesse cælo lumen poterit, vbi tot præsentia sunt lucidissima corpora, quæ totum terrenum orbem multis stadiorum millibus magnitudine superant? & quodnam hinc E lumen erit, quando propter distantiam immensitatem siderum vis atque actiuitas ad nos vsque non pertingit? Si respondeant lumen quòd ab omnibus stellulis simul agentibus manat, longius prouehi, atque ex radiorum omnium conspiratione circa mundi medium, vbi nostra est habitatio, intendi: concipiant illi cælos multò quàm isti sunt ampliores, ac minora quàm posuimus sidera, sic ut communis omnium actio priùs deficiat quàm ad nos porrigatur; dicentne adhuc medio hoc nostro loco excellentius lumen enitere quàm in cælo? quomodo hinc excellentius lumen erit, vbi nullum est? aut quomodo in cælo minus, vbi maximum? Verebuntur, arbitror, concedere quauis spheræ luminosæ amplitudine id euenire, ut in medio quàm circa ambitum nitidius sit lumen, ne, si infinita sit spheræ, infinitam quoque luminis profusionem admittere cogantur. vbi F ergo status magnitudinis erit? & quæ tandè moles hanc luminis proprietatem excludet? Id cum difficile sit explicatu ac etiam impossibile, satius est in spheræ luminosæ medullio tenuissimum lumen constituere, quòd & ratio ipsa probat. Nam quòd à luminoso corpore longius distat, parcius illustratur: at à caua spheræ superficie centrum longissimè distat; hoc igitur minimè omnium illuminatur.


Præterea, si in centro spheræ luminosæ præcipuum lumen fulget, propterea quòd illuc perpendiculares radij confluunt, idem in centro circuli luminosi eueniet, cum in hoc eadem sit causa. At experientia docet, si plurimæ lucernæ in amplum circulum disponantur,

A tur, minimum lumen in centro esse, indeque versus ambitum semper maius. Igitur & in centro sphaerae luminosae minimum lumen existere oportet; quod erat demonstrandum.

PROPOSITIO XXXII. THEOREMA.

Si vero inaequalia sint ipsa luminosa, minimum lumen infirmiori luminari propinquius erit.


VELUTI, si luminare A sit vt 16, B vero vt 8, erit per 8. propositionem huius libri luminis ex A effluu A* vniforme decrementu, quod per aequalia spatia distenditur his numeris expressum 16, 8, 4, 2, 1; luminis vero ex B decrementum per aequalia item spatia procedet his numeris 8, 4, 2, 1; vtriusque autem luminis summae si in vnum colligantur, quemadmodum in singulis spatiis sibi mutuo respondent, prouenient summarij numeri 16, 9, 6, 6, 9. At quoniam per 30. huius, lumen quod inter vtrumque luminare interiacet, ab extremis ad certum quemdam terminum perpetuo decrescit, suntque luminare B, & lumen 8, quod proxime a luminari A excitatur, inter se aequalia; perspicuum est summum decrementum, seu minimum lumen, inter haec locum exacte medium sibi vindicare, vtputa in E per praecedentem propositionem. Ex quo facile patet propositi veritas. Nam longitudo AE longitudinem EB vno interuallo excedit; quocirca breuior est distantia minimi luminis E a luminari B, quam a luminari A: est autem B ipso A minus ex hypothesi: igitur si inaequalia fuerint ipsa luminosa, minimum lumen, quod ex vtriusque occurso conflatur, infirmiori luminari propinquius erit; quod demonstrasse oportuit.



D PROPOSITIO XXXIII. PROBLEMA.

Propositum sit occurrentium luminum proportiones numeris explicare.

QUEMADMODUM supra proposit. 26. concurrentium luminum vniforme decrementum propriis numeris expressum, legentium oculis spectandum dedimus, simili modo in praesenti propositum sit, proportiones occurrentium luminum accommodatis numeris exhibere: vt quae hactenus fuse explicata sunt, hic velut in compendium breuemque summam redacta, simul omnia vnico intuitu conspiciantur.



Duo itaque exponantur luminaria A & B inter se aequalia, vtrumque vt 16, sitque A c semidiametrus actiuitatis luminaris A; B D vero semidiametrus luminaris B: deinde vtriusque luminaris actio ex vtraque parte producatnr numeris continue proportionalibus, qui per medietates incedant, iuxta propositionem 8. quousque ad partes F & G

duorum simul luminum summaria in minimum naturale definiantur per 15. proposit. A libri huius: tum summa ex luminum compositione singulis spatiis subscribantur, quæ quidem partim occursum indicabunt, qui inter A & B intercudit; partim concursum, qui fit ab A versus F, & à B versus G, ut in definitionibus ad propositionem 16. est explicatum. Sic itaque se habebit luminum profusio, siue per concursum, siue per occursum, in quâ ea omnia quæ hæcenus sparsim sunt demonstrata, simul congesta intueri licebit.

Primò namque apparet singulorum luminarium actiones ex mutuo concursu vel occursum nec seigniores fieri, nec vegetiores; sed eundem profusum effectum in singulis interuallis à singulis luminariis produci, quem suapte natura ac vi præstare sunt apta, & quem proferrent seorsum exposita, & solitaria actione; ut propositione 20. & 27. fusiùs est pertractatum.

Deinde animaduertent licet vtriusque luminaris A & B actionem ex vtraque parte longiùs prouehi ex alterius consortio, quàm si vnumquodque per se ageret, ut propositione 22. & 29. atque ex ea quidem parte, qua vnum alteri occurrit lumini, multò longiùs, quàm ex ea qua cum altero congreditur. Exempli causa, luminare A (idem verò iudicium esto de B) proportionalibus numeris lumen effundens, terminum propriæ actiuitatis habet C, vbi minimum naturale progignit vt 1. At cum eodem loci luminare B, propter concursum proferat $\frac{1}{2}$ eum scilicet numerum, qui continuata proportione per octo spatia ordinè subsequitur, fit vt in C lumen ex A nondum deficiat: siquidem summa totius luminis in C superat minimum naturale parte vna decima sexta. Igitur parte aliqua spatij C F, quæ vnum æqualium spatiorum non exæquet, longiùs prouehetur, eò scilicet vsque vbi lumen quod vt 1 esse dicimus producat $\frac{2}{3}$, lumen verò quòd vt $\frac{1}{2}$ proferat $\frac{1}{3}$. At enim hi numeri $\frac{2}{3}$ & $\frac{1}{3}$ in vnum compositi minimum naturale exæquant, & eam inter se rationem habent, quam 16 ad 1, quales ipsos esse oportet, cum ij qui in A, ac ceteris item interuallis inter A & C interiectis existunt, eandem proportionem habeant.

Nunc quòd idem luminare A multò longiùs actionem suam protendat versus B, quàm alteri lumini occurrit, quàm versus C, ex eo manifestè probatur, quòd versus B concursu simul & occursum alterius luminis ipsius actio promoueatur; illic verò solo concursu. D Verum ostendi id ipsum potest in descripto schemate: nam cum quatuor interuallis distet B ab A, vbi A propria facultate producit vnum, scilicet minimum naturale, ibi B primùm agere incipit; cum quæ in D eius actio peruenerit, nondum finem agendi faciet, sed tantumdem progredietur vlteriùs versus G, quantum actio luminaris A ex C progressa fuit in F; sic vt æquale futurum sit spatium D G ipsi C F: at distantia A D maior est quàm A C: igitur A G quàm A F maior erit. Quare longiùs protendetur actio luminaris A versus B, quàm ipsi occurrit lumen ex B, quàm versus C; quòd ostendisse oportuit.

Præterea videre est ab A ad C, & à B ad D, quibus spatijs lumina vnà congrediuntur, per singula spatia compositum lumen per medietates decrescere. Quoniam enim in constructione schematis ex B in D alterum lumen per medietates progreditur his numeris 16. 8. 4. 2. 1. alterum verò etiam per medietates his numeris 1. $\frac{1}{2}$. $\frac{1}{4}$. $\frac{1}{8}$. $\frac{1}{16}$ fit per 18. quinti Euclidis, vt & eorundem summæ, hoc est compositi ex ijs numeris, qui in singulis spatijs reperiuntur, eadem proportione continuò decrescant.

Rursus vides vtriusque luminaris actionem ad finem sphæræ actiuitatis alterius pertinere, vt propositione 25. diximus. Eousque enim ambo vnà procedunt, quoad lumen ex vtriusque actione conflatum minimum naturale exæquet. Hic autem finem natura imponit, vt propositione 15. est demonstratum.

Demum, quòd caput est, patet lumen ab vtroque luminari inter A & B diffusum inde ab ipsis luminariis ad medium vsque E perpetuo decremento minui, quòd propositione 30. ostendimus; esseque minimum lumen inter vtrumque; luminare exacte in medio, vt propositione 31. In A namque & B summaria luminum sunt vt 17, atque in proximis deinde spatijs vt 10, in medio verò E vt 8. Sic igitur in proposita numerorum serie ea omnia cernuntur, quæ de luminum concursu & occursum disputari possunt, quæ sagaci Lectori proprio studio atque industria perquirenda relinquimus.

Porro si inæqualia sint ipsa luminosa, nihil ab hac discrepabit numerorum constitutio; modus autem eos in ordinem redigendi, & quæ circa ipsos versantur explicandi, tum ex hac descriptione, tum ex ijs quæ propositione 26. proposuimus, desumi poterit. Itaque de his satis: nunc ad luminis illapsum gradum faciamus.

DE LVMINIS ILLAPSIV.

PROPOSITIO XXXIV. THEOREMA.

Lumen ad opacum corpus appulsum, non fit per se intensius.



BA fuit quorundam Philosophorum opinio, vt dicerent lumen obiectu corporis opaci prohibitum illustrius fieri, seu, vt loquuntur ipsi, impeditum ab extensione lumen conferre se ad intensiorem, quasi compensando in proprio subiecto, quod in alienum transfundere non potuit: eiusque rei causam in antiperistasi retulerunt, cuius etiam vi subterranea loca æstare frigidiora, hieme verò calidiora euadunt.

At prius huius sententiæ originem inspiciamus quàm eam confutemus. Quando lumen per diaphanum corpus translabitur, nec vlla inde recta profluentia ad adspæctum nostrum porrigitur, fit, vt in diaphano nullum lumen conspicuum sit: prohibitum verò corpore opaco terminatur, indeque ad nos reflectitur, quo ipsum opacum corpus videatur tamquam nitore quodam, quàm luminosum spectat perfusum. Hinc igitur arbitrati illi sunt lumen corpore opaco prohibitum, velut aduersus obstantem vim conualescere, fierique intensius.

Verùm cum nihil lumini aduersetur quod ei interitum machinari aliquando possit, non intendetur lumen ipsius occursum, velut contrarij circumstantia, quam Antiperistasi dicunt, fatendum tamen est, radijs ab opaco corpore repercussis, vicinum medium excellentiori gradu inclarescere. Quod namque proximo deinceps medio impertiri debuerat, obistente opaco, in se reciprocando sibi ipsi impendit, sicque ex accidenti, non verò per se prohibitum ab vltiore progressu lumen intenditur.

PROPOSITIO XXXV. THEOREMA.

Quatuor de causis obuia quæque corpora impensius illustrantur, vel propter lucidi magnitudinem, vel ob propinquitatem, vel propter fulgoris excellentiam, vel propter directum radiorum incursum.



PRÆNOTANDVM hoc loco est, cum ab hisce modis vberiore illuminationem prouenire dicimus, cetera paria esse oportere. Fieri namque potest, vt maius luminare propter luminis imbecillitatem segnius agat, vt etiam si remotius existat. Eodem modo interdum fit, vt quod præcul situm est, longius actionem producat, si aut grande sit, aut exquisito nitore fulgeat. Item contingit subinde id quod obscurius lucet, si aut propè sit, aut magnū, rem obiectam illustriorem reddere. Denique quod remotum est, subinde plus luminis recipit quàm quod propinquum, etiam ab obscuriori luminari, si directò in id radij procidat: quocirca iure vti cetera paria sint deposcimus. Iam verò singulas huius propositionis partes ordine explicemus.

Quod ad insigniorem illustrationem plurimum conducat lucentis corporis magnitudo, secunda hypothesis huius libri aperte conuincit. Vbi namque vberior est luminis profusio, illic amplior est obiecti corporis illustratio: at à maiore luminari maior radiorum affluentia subministratur: igitur luminare maius impensius rem propositam illuminat. Assumptio probatur, quia maius luminare plures partes habet, à quibus cum singuli radij procidant per primam proposit. huius libri, consequens est, vt maior prouentus luminis à maiore luminari obueniat, ac proinde & maior illuminationis effectus, quod primò ostendendum erat.

Deinde quod & propinquitas non parum ad hanc rem faciat, ex quinta propositione huius libri demonstratur. Cum enim longius effusum lumen sensim languescat, quod propinquius illud erit suæ origini, eò erit excellentius, ac propterea rem quoque propius adductam vberius perfundet, impensiusque illustrabit.

Tum & ab exquisitiore fulgore nobiliorem effectum emanare ex ipsa causæ essentia,

iisque quæ sæpè hæcenus sunt repetita, facile potest demonstrari. Etenim effectus omnis A
causæ naturam ingenium quæ æmulatur, tantum quæ accipit, quantum illa conferre sua-
pte vi potest: at lumen intensius ipsum quod quæ est efficacius: igitur quod luminis ap-
primè est particeps, exquisitiùs ea quæ obijciuntur illuminat; quod tertio erat demon-
strandum.


Denique, quod directæ radorum procidentia efficacius res obiectas illustret, quàm ob-
liqua, ex secunda hypothese huius libri manifestè patet. Nam si propiùs ad normam acce-
dit radorum illapsus, clariùs id quod obiecto corpore suscipitur lumen enitet, quod san-
tè nemo inficiabitur, qui intelligat radorum extrèmitates, quibus obiectum corpus at-
tingitur, tum minimo à se spatio diffidere, cum ad normam exactè incidunt, tum verò B
maximo, cum angulos faciunt quàm maxime obliquos. id quod experimento etiam fa-
cile addisces, si lucernæ obijcias fragmentum chartæ, nunc directè, nunc obliquè: per-
spicies enim chartam longè clariùs directo radorum illapsu illustrati, quàm obliquè.

PROPOSITIO XXXVI. THEOREMA.

*A puncto sphaera luminosa medius dumtaxat
virtutis orbis illustratur.*



NSTO lucida sphaera A, eiusque punctum B radios de se profundens B C C
& B D, qui sphaeram quidem in B con-
tingant, minimè autem secant: hos dico
radios rectam lineam efficere. Ducta enim
ex sphaeræ luminosæ centro A ad B recta
quodam linea A B, constat per 18. tertij Euclidis hanc
utrique B C & B D perpendicularem esse. Quare æqua-
les sunt anguli A B C & A B D, utpote recti. Ac proinde
recta erit C B D linea per 14. primi Euclidis: inter hanc
igitur & sphaeræ nitentis ambitum altera recta linea non
cadet per 16. tertij Euclidis. Quapropter B C & B D ex-
tremi sunt radij, qui à puncto B lucentis sphaeræ porri-
guntur. Quod si ergo centro B, interuallo autem B C vel B D sphaera actiuitatis descripta
intelligatur, erit C D eius dimetiens, planumque per C D actum sphaeram bipartitò diui-
det per 6. primi Sphæricorum Theodosij. Itaque quod demonstrasse oportuit, à puncto
sphaeræ luminosæ medius dumtaxat virtutis orbis illustratur.



Porro nomine puncti luminosi non intelligimus hoc loco indiuiduum omnino si-
gnum, quod sola mens assequitur, verum sensibile quiddam perexiguum, quod Philo-
sophi quidam indiuisibile physicum appellant, alij minimum naturale. Illud siquidem
vti nullam habet extensionem, ita nec qualitatem aliquam corpoream suscipere, nec ad
minimum interuallum actionem effundere potest. Quod quia in sequenti sermone sæpè E
intelligendum occurret, semel præmonuisse sufficiat.

PROPOSITIO XXXVII. THEOREMA.


*Qua à luminoso æqualiter distant, ea pari illustrantur vigore,
propinqua uberiùs, remotiora parcius.*



NAM quia per quintam propositionem huius libri lumen à corpore lumino-
so longè lateq; diffusum continuo decremento minuitur, sic vt in æquali
distantia æquale lumen existat, in propinquiori maius, & in remotiore mi-
nus; consequens omnino est, vt ea quæ lucido corpori sunt viciniore, in-
signiori lumine perfundantur; obscuriore verò, quæ sunt remotiora; æqua-
li autem, quæ pari interuallo à prima origine, seu sphaeræ centro distant. Nam æquè in-
tensa lumina æquali vigore, pariq; gradu obiecta illustant: at lumè intensius maiore pol-
lens virtute clariora reddit obiecta, obscuriora verò id quod tenuius est atque infirmius.
Ceterum, quod non semel monuimus, paria esse oportet reliqua omnia quæ circūstant.

Quod de puncto luminoso est dictum, simili, at proprio quodam pacto de sphaeroide
luminoso est intelligendum. Hoc enim si in medio sphaeræ luminosæ amplioris consti-
tuatur,

A tuatur, eius cauam superficiem æqualiter vndique illuminabit. Esto namque sphæroides
 luminosum EF , cuius centrum G ; quodque circumstat
 opacum corpus esto $CABD$ orbi lucido parallelum, atq;
 ex eodem centro G decircinatum: dico à singulis punctis
 corporis luminosi æquales partes opaci æquali lumine
 perfundi. Sint enim in superficie luminaris accepta quæ-
 cumque puncta E & F , per quæ rectè agantur tangentés
 AD & BC , per 17. tertij Euclidis: atque ad loca conta-
 ctuum E & F , ex centro G rectè educantur GE & GF ; quæ
 B per 18. tertij Euclidis ipsi AD & BC perpendiculares
 erunt. Quamobrem AD & BC , æqualiter à centro dista-
 bunt, per 4. definitionem tertij Euclidis; siquidem GE
 & GF , æquales sunt inter sese per circuli definitionem. Igitur & ipsæ AD & BC , inter se
 æquales erunt per 14. tertij Euclidis, quæ proinde æquales peripherias de maiore circu-
 lo $CABD$ auferent per 28. tertij Euclidis. Ex quo tandem id quod propositum fuit
 apertè concluditur. Nam per tertiam tertij Euclidis æquales sunt inter se radij EB & EC ,
 ac eodem modo FA & FD , inter se æquales. Cùm verò tota AD , toti BC ostensa iam sit
 æqualis, erunt & EB & EC ipsi FA & FD , singulæ singulis æquales. Igitur qui ab vno-
 quoque puncto sphæroidis luminosi in cauam superficiem opaci corporis procidunt ra-
 C dij, sunt inter se æquales: quare & lumina vndequaue diffusa ipsam $CABD$ superfi-
 ciem ex æquo perfundunt; quod erat probandum.



PROPOSITIO XXXVIII. THEOREMA.

*Possibile est opacum corpus ex inæquali distantia signi
 luminosi radiis ex æquo perfundi.*

D **C**ONSTAT ex 35. propositione huius libri, impensius lumen in obiecto
 opaco posse & ex propinquitate luminaris, & ex directa procidentia ra-
 diorum prouenire. Itaque nil vetat quin id quod luminis radios directò
 suscipit, tamen si longius absit, æquè tamen illustretur, ac id quod propius
 est, si in id radij obliquioribus angulis procident. Nam quod minus præ-
 stat luminaris distantia, id supplet directus radiorum illapsus, & quod confert propinqui-
 tas luminaris, id minuit corporis illustrati obliquitas. Ergo in vtraque constitutione,
 quoniam pares inter se causæ decertant, par sit vtriusque pugnæ euentus necesse est.

Porro locum, in quo hæc æqualitas suscepti luminis contingit, circulo designat
 Franciscus Maurolycus in Photismis recens in lu-
 cem editis, theoremate quinto, in hunc modum:

E **E**sto id quod illustratur AB , C verò locus vnde
 signum luminosum radios promittit: circa CAB cir-
 culus describatur per 5. propositionem quarti Euclidis, in cuius peripheria sumatur alius locus D , ipsi AB
 quam C propinquior: ait Maurolycus ex D & C obie-
 ctum AB radiis ex æquo perfundi, quòd scilicet
 per 21. tertij Euclidis æquales sint C & D anguli, vt-
 pote segmento eodem comprehensi; ideoque in eis
 par densitas radiorum, ad eandem AB quæ vtriusque
 subtenditur basin.



PROPOSITIO XXXIX. THEOREMA.

F *Radiosum signum in centro, vel peripheria sphæra constitutum,
 totam cauam superficiem æquali nitore perfundit.*

H **H**oc idem proximè citatus Maurolycus theoremate 7. ex eo demonstrat,
 quòd per vltimam sexti Euclidis in circulo anguli inter se eam rationem
 habeant, quam peripheriæ quibus insistent, siue ad centrum, siue ad cir-
 cumferentiam anguli sint constituti. Ergo, inquit, æquè densi radij à cen-
 tro vel signo quopiam circularis perimetri, ad omnem partem cauæ peri-
 pheriæ incident. Quòd verò in circulo, id quoque in sphæra locum habet. nam omni-
 bus


bus quotquot per signum radiosum ducuntur, circulis id euenit, vt ex æquo lumen participant. Igitur quandoquidem sphaera ex circuli ductu circum immotum axem conflatur, & toti sphaerae commune hoc erit, vt à radiante signo, in caua parte centrôve constituto, vniuersa interior superficies æquali nitore perfundatur, quod erat propositum.

PROPOSITIO XL. THEOREMA.

Fieri potest, vt radiosum punctum è propinquiori loco rem obiectam minus illuminet, quàm è remotiori.



IGNVM luminosum C, vt supra, subiectum opacum corpus AB irradiet. Circa tria verò hæc puncta A, B, & C, circulus describatur per S. propositionem quarti Euclidis: extra circuli verò ambitum locus alius signetur D, opaco AB propinquior quàm C: ait Maurolycus theoremate 4. è loco D viciniorè minus, quàm ex C remotiori obiectum AB illustrari, quòd angulus ADB angulo ACB fit minor, vt ex 21. proptertij libri Euclidis facilè colligi potest: siquidem si ad alterum punctorum quibus AD & BD circumlum interfecant super communi basi AB triangulum constituatur, erit huius ad verticem angulus angulo ADB maior per 21. primi Euclidis, at æqualis est ille ipsi ACB angulo: igitur ADB angulus angulo ACB est minor; atque idcirco ex D quàm ex C minus conferti radij procident, minorque luminis affluentia in obiectum opacum corpus suscipiatur.




PROPOSITIO XLI. THEOREMA.

Opacum planum à puncto lucido illic apprimè illustratur, vbi radius ad normam incidit; hinc verò quò longius abducuntur è semper obscurius.




ESTO punctum luminosum A, ex quo in planum opacum BC radij quotcumque procident AB, AC, AE, AF & AD, sitque AD ipsi BC perpendicularis. Erit igitur angulus ADE rectus per 10. definitionem primi Euclidis: cumque per 32. primi Euclidis, cuiuscumque trianguli tres anguli duobus rectis sint pares, erit in triangulo AED angulus ADE duobus reliquis AED & EAD æqualis, ac proinde vtrolibet illorum maior. Quare per 19. primi Euclidis, radius AE radio AD maior erit. Rursus cum angulus AEB æqualis sit duobus angulis ADE & EAD, internis scilicet, & oppositis trianguli ADE, per 16. primi Euclidis, sitque ADE rectus, erit AEB recto maior, ideoque & maximus trianguli AEB. Quocirca qui ei subtenditur radius AB, maximum latus trianguli AEB claudet, eritque proinde radio AE maior per eandem 19. primi Euclidis. Atque ita deinceps, quò remotiores erunt à perpendiculari AD radij, è semper longiores esse conuincuntur. Itaque per 37. superiore propositionem planum opacum BC à puncto lucido A ad partem D maximè illustratur, vbi perpendicularis radius AD omnium breuissimus incidit: deinde verò ad ceteras partes tantò vberius, quantò fuerint perpendiculari viciniores, ad quas scilicet radij breuiores attingunt: tum denique omnium minimè ad remotissimas, quæ longissimos radios excipiunt, quod erat enucleandum. Accedit huic rationi quæ ex prolixitate radiorum desumpta est, obliquus etiam remotiorum radiorum illapsus, quo obiectum minus illustrari contingit, vt proposit. 35. docuimus.



A PROPOSITIO XLII. THEOREMA.

Sit lucida sphaera portio hemisphaerio minor, è cuius medio perpendicularis excitetur: dico circa hanc præcipuum lumen existere, inde Verò semper minus.


B **S**T O sphaera cuius centrum D , parsque luminosa $A B C$, hemisphaerio minor, per cuius medium B ex centro D recta agatur $D E$: sit item opacum corpus ita oppositum, ut $D E$ ipsi sit perpendicularis per 11 . primi Euclidis: deinde ducatur $H I$ per 17 . tertij Euclidis, quæ sphaeram contingat in B : eodemque modo contingentes ducantur $A L$, $C K$, $N G$, & $M F$, quæ omnes per 18 . libri **C** tertij Euclidis perpendiculares erunt semidiametris $A D$, $C D$, $N D$, & $M D$, qui à contactibus ad centrum D destinantur.



Dico igitur partem $K L$ omnium impensissimè illuminari, quòd omnium punctorum A, N, B, M, C radios excipiat: minùs verò illustrari partes $F K$ & $L G$, à perpendiculari $D E$ remotiores, quòd quatuor tantùm punctorum, N, B, M & C , radij eò pertingant: siquidem ex A nequit radius ultra L versus G protendi, per 16 . tertij Euclidis, quòd $A L$ semidiametro $A D$ sit perpendicularis per 18 . tertij Euclidis: sic neque ex C ultra K radius educi potest versus F . Igitur partes perpendiculari $D E$ viciniores magis, ceteræ verò quòd remotiores, eò minùs illustrantur; quòd erat demonstrandum.

At quoniam in præsentì constructione non ob hanc solam causam contingit partes $E K$ & $E L$ magis collustrari, quàm partes $F K$ & $L G$, per 2 . hypothesin, quòd hæ pauciores luminis radios excipiant; verùm etiã quia à luminoso corpore longius abducuntur, ut propositione 37 . est explicatum: nam parciòs illuminatio tum à paucitate radiorum, tum à causâ imbecillitate provenit, ut propositione 35 . docuimus: idcirco fit ut partes lineæ $F G$ ab E ad extrèmitates vsque maiorem in modum minuantur ob plurius causarum concursum.

Ea propter lubet huius theorematis veritatem etiã in opaco corpore, quòd à luminoso æquidistet, ostendere. Sit enim corpus luminosum $A B C$ portio sphaeræ cuius centrum D : opacum verò corpus æquidistans, hoc est ex eodem centro descriptum sit $F E G$, in cuius sinum lumen recipitur: diuiso primùm arcu $A B C$ bifariã in B , è centro recta per B educatur $D E$: deinde per 17 . tertij Euclidis ducatur $H I$ contingens corpus luminosum in B : tum ex A & C , rectæ excitentur $A L$ & $C K$, semidiametris $A D$ & $C D$ perpendiculares per 11 . primi Euclidis, quæ vtrimque productæ corpus opacum duobus in locis attingant; hæc nempe in K & G , illa verò in F & L .



F His ita constructis, manifestum esse aio partem $K L$ omnium maximè illuminari, quòd trium punctorum A, B , & C radios excipiat; minùs verò illustrari $K H$ & $L I$, quòd duòrum dumtaxat punctorum radij eò pertingant; $K H$ quidem à punctis A & B , $L I$ verò à punctis B & C : siquidem à puncto C nullum lumen in partem $K H$ incidit, sed in punctum K solum per 16 . tertij Euclid. Ac similiter à puncto A nullum lumen in partem $L I$ deriuatur, cum ultra L lumen ex A versus I non progrediatur per eandem 16 . tertij Euclidis. Omnium denique minimè illuminantur $H F$ & $I G$, quòd vnus tantùm puncti radio perfundantur: nempe pars $H F$ radio puncti A : $I G$ verò radio puncti C . Itaque partes radio perpendiculari viciniores magis, ceteræ verò tantò minùs illustrantur, quantum fuerint remotiores; quòd erat demonstrandum.

A sphaera luminosa ad externum signum remotius plures radij attingunt, quam ad propinquius.



IT punctum A longius à sphaera lucida D C E distitum quàm punctum B: dico punctum A à maiore parte sphaeræ lumen recipere quàm punctum B. A sphaera namque ad signum A radij procidant D A & E A, qui sphaeram contingant in D & E: & à centro F ad puncta contactuum D & E rectæ educantur F D & F E, quæ per 18. tertij Euclidis ad contingentes D A & E A perpendiculares erunt: eodemque modo ad B radij profiliant contingentes sphaeram in G & H, atque ad hos quoque rectæ ex centro applicentur F G & F H; quæ etiam ad tangentes radios G B & H B perpendiculares erunt per eandem 18. tertij Euclidis.

His ita constitutis, dico sphaeræ lucidæ portionem D C E, quæ punctū A illustrat, maiorem esse portione G C H, à qua punctum B illuminatur, quod in hunc modum probatur: Angulus A D F rectus est; ostensum est enim F D ipsi A D perpendicularem esse per 18. tertij Euclidis, eandemque ob causam rectus est & B G F angulus: est verò latus G F lateri D F æquale, per circuli definitionem: sunt enim eiusdem circuli semidiametri. Igitur si linea F G lineæ F D, & angulus F G C angulo F D A superponi intelligatur, exactè sibi mutuo congruent: quare linea quoque G B in lineam D A incidet. Ponatur ergo mente D I ad punctum D ipsi G B æqualis per 2. primi Euclidis, erit quoque F I æqualis ipsi F B per 4. primi Euclidis: quoniam D I æqualis est ipsi G B, & F D ipsi F G æqualis, angulusque F D I angulo F G B æquis lateribus comprehenso æqualis. Quare reliquum latus F I, restquo lateri F B, ac totum triangulum F D I toti triangulo F G B æquale erit per eandem 4. primi Euclidis. At maior est angulus D F A angulo D F I, nempe totus sua parte. Igitur & angulo G F B, idem angulus D F A maior erit per communem notionem. Cum itaque angulus D F A angulo G F B sit maior, erit & arcus D C, cui ille insistit, arcu G C maior per 33. sexti Euclidis, & per scholium Clauij ad 27. tertij Euclidis; quod erat demonstrandum.

Hinc porrò non sequitur punctum A magis illuminari quàm punctum B. quod enim puncto A confert multitudo radorum à maiore parte luminosi promissa, hoc puncto B præstat luminis excellentia ex propinquitate orta, vt ex 35. propos. huius manifestè patet.



PROPOSITIO XLIV. THEOREMA.

Externum signum luminosum maiorem partem sphaera remotioris irradiat, quam propinquioris.



ESTO namque externum signum luminosum A, cui sphaera B C D propinquior sit quàm sphaera E F G: ab A verò radij procidant luminosi A B, A D, sphaeram B C D tangentes in B & D, radij item A E & A G sphaeram E F G contingant in E & G: erunt igitur B C D & E F G portiones sphaerarum, quas signum illustre A suo fulgore irradiat per 80. propositionem libri quarti.

Dico verò partem E F G remotioris sphaeræ maiorem esse parte B C D propinquioris. Namque sphaeræ ita disponantur, vt ab A per vtriusque sphaeræ centrum recta extendi possit A H K: à centris autem ad loca contactuum rectæ educantur, quæ tangentibus perpendiculares erunt per 18. tertij Euclidis: quare recti erunt anguli A B H & A E K, triangulaque ipsa rectangula, in quibus equale quidem est latus H B lateri K E per circuli definitionem: at eorum qui rectis angulis subtenduntur, maius est A K quàm A H ex suppositione: maiorem igitur per 8. quinti Eucl. rationem habebit A K ad K E, quàm A H ad H B: quamobrem per 14. lemma libri quarti maior est angulus E K A quam



A $\angle BHA$ angulus: sed angulo BHA æqualis est angulus DHA per 4. primi Euclidis, quod scilicet circa æquales angulos rectos ABH & ADH æqualia consistant latera, HB ipsi HD per circuli definitionem, AB verò ipsi AD per 5. lemma huius libri: eodem verò modo æqualis est angulus GKA angulo EKA : itaque trianguli EKG angulus EKG maior est trianguli BHD angulo BHD : siquidem inæqualium duplicia sunt inæqualia per communem notionem. Igitur duo reliqui anguli trianguli EKG , duobus reliquis trianguli BHD angulis sunt minores. cum enim vnus trianguli tres anguli tribus alterius sint pares per 32. primi Euclidis, si ab æqualibus inæquales detrahantur, anguli relinquentur inæquales. igitur duo anguli KEG & KGE , duobus HBD & HDB sunt minores. Est verò KGE ipsi KEG , & HDB ipsi HBD æqualis per quintam primi Euclidis: erunt itaque & horum dimidij inæquales, hoc est angulus KEG angulo HBD minor. Hi ergo si ab æqualibus rectis detrahantur, relinquetur angulus ABG angulo ABD maior, per communem notionem. Ex quo tandem colligitur per 32. tertij Euclidis, angulum in segmento EEG minorem esse illo qui segmento BCD inscribitur: ac proinde segmentum EEG segmento BCD est maius per 31. tertij Euclidis; quod erat demonstrandum.


Huic etiam veritati patrocinator vltima propositio sexti libri Euclidis, qua ostenduntur æqualium circularum peripheriæ eam inter se rationem habere, quam anguli ad centrum constituti. quoniam ergo ostensus iam est angulus EKG angulo BHD maior, erit & peripheria EEG ipsâ BCD maior.

PROPOSITIO XLV. THEOREMA.

Si sphaera luminosa sphaera opaca æqualis fuerit, media pars opaca à media luminosa collustrabitur.

D **H** ÆC & sequentes duæ propositiones ex Aristarcho Samio depromptæ sunt, libro De magnitudinibus & interuallis solis & lunæ: sunt verò & ad lunæ illustrationem, & ad defectiones vtriusque astri, & ad vmbra terræ, aliaque eius generis phænomena explicanda, apprimè vtilis. Hæc enim quæ imperitum vulgus summopere admirari solet, quo pacto fieri contingat, ex his velut propriis ex causis primisque principiis nullo negotio demonstrari poterit.

Propositio autem ita potest demonstrari: Esto luminosum corpus sphaericum A , corpus verò opacum E item sphaericum, ac luminoso æquale, per quorû centra A & E dimetientes agantur BC & DE ei quæ centra connectit AE perpendiculares per 11. primi Euclidis; quæ æquales erunt, quod sphaeræ supponantur æquales; ac proinde erunt & quæ à centro A, B, AC, ED, EF , item AG & EH inter se æquales. Igitur & dimidiæ sphaeræ BGC & DHF inter se æquales erunt per 7. Euclidis axioma. At si ab extremitatibus B & C radij porrigantur, qui sphaeram opacam E contactu amplectantur, aio hos in D & F opacum corpus attingere. nam cum BC & DF orthogonales constitutæ sint ipsi AE , erunt anguli, quos AE in BC & DF incidens facit, omnes recti per 13. primi Euclidis. Quare parallelæ erunt ipsæ BC & DF per 28. primi Euclidis, ac proinde & quæ has connectunt BD & CF



F parallelæ inter se erunt per 33. primi Euclidis: cumque anguli BDE & CFE recti ostendi possint, opitulante 18. tertij Euclidis, erunt & anguli DBA & FCA recti per 29. primi Euclidis. ex quo tandem efficitur rectas BD & CF vtramque sphaeram ita contingere, vt eas minimè secent. Cum ergo in punctis B, C, D & F tactiones fiant, radij BD & CF duo hemisphaeria sibi obuersa complectuntur, nempe BGC & DHF : itaque si sphaera luminosa sphaera opacæ æqualis fuerit, media pars opacæ à media luminosa collustrabitur; quod demonstrasse oportuit.

PROPOSITIO XLVI. THEOREMA.


Si sphaera luminosa maior fuerit opaca, à minore parte luminosa maior pars opaca illustrabitur.



IT sphaera luminosa A, maior; opaca verò B, minor: dico à minore segmento sphaerae A ad opacam sphaeram B lumen pertinere, maiorem autem medietate partem sphaerae B illustrari.

Prima huius theorematum pars sic demonstratur: Ductis à luminosa A radiis CE & DF, qui utramque sphaeram contingant in punctis C, D, E & F, iungantur puncta contactuum rectis CD & EF. Cum igitur maius sit corpus A corpore B, erit angulus ECD minor recto. si enim rectus esset, & FDC rectus foret; siquidem per 5. lemma huius libri angulus FDC angulo ECD est æqualis. quare CE & DF parallelæ essent per 28. primi Euclidis; ac proinde esset EF ipsi CD æqualis per 33. primi Euclidis. Est autem posita EF minor ipsa CD: ergo & angulus ECD recto est minor: nam maior recto esse non potest per 11. axioma Euclidis; quoniam CE & DF productæ tandem in G concurrunt. Est igitur ECD angulus minor recto: quocirca per 32. tertij Euclidis erit angulus in segmento CHD recto maior. Vnde fit per 31. tertij Euclidis, segmentum CHD, à quo lumen in corpus opacum provenit, reliquo minus esse; quod primò erat persuadendum.

Altera item pars huius theorematum, nempe maius segmentum corporis opaci illuminari, sic probatur: Angulus CEF recto maior est: si enim rectus esset, sequeretur vt supra, CD æqualem esse ipsi EF: posita est autem maior: ergo & angulus CEF recto est maior: neque enim minor recto esse potest, cum EG & FG concurrant in G per vndecimum Euclidis axioma. Quare per 32. tertij Euclidis erit angulus in segmento EK F recto minor. ex quo tandem efficitur segmentum ipsum EK F reliquo segmento maius esse per 31. tertij Euclidis; quod erat ostendendum.



CONSECTARIUM I.

Sol maiorem portionem corporis lunaris illuminat.

Hoc ex præsentem theoremate perspicue sequitur. Etenim sol lunari orbe multis partibus est maior: itaque radij ab ambitu solis profusi maiorem lunæ portionem comprehendunt. Quæ sanè causa est cur non statim ab oppositione solis luna manifestè decrescere incipiat: siquidem pars lunæ quæ à nobis aspicitur, medietate minor est per 82. propos. libri quarti. Cum ergo illa quæ illuminatur, hemisphærio sit maior; aliquanto adhuc tempore, postquam ab oppositione sol ac luna discessere, pars lunæ visa totius illustratæ partis ambitu continetur; atque eapropter nondum videtur decrescere. imò vix altero post oppositionem die præcisus imminutúsve esse circularis ipsius ambitus manifestè apprehenditur, quod menstrua docet observatio.

CONSECTARIUM II.

Terra maiorem medietate plagam sol perlustrat.

Id quoque ex eodem theoremate manifestè consequitur: quippe sol terrestri orbe longè maior existit. Fuit autem id mortalium habitationi peropportunum, vt scilicet in illa aëris temperie, qua singula procreantur, viuunt ac conseruantur, non ex æquo perfectaque iustitia calor & frigus decertarent; sed plus viuifici caloris quàm nocentis frigoris admitteretur; quod profectò contrà eueniret, si sol minorem medietate partem terræ suo fulgore illustraret, vt ex dictis manifestum est.

A

CONSECTARIVM III.

Sol ante exortum, & post occubitum etiam tum spectabilis est.

Ex secundo consecratio illud inferre licet planè paradoxum, solem posse à nobis spectari priusquam exoritur, & posteaquam occubuit. Quod ita est explicandum, vt tum oriri sol intelligatur, cum supra verum horizontem assurgit; occumbere verò, cum infra deprimitur. Est porò verus horizon circulus sphaeræ maximus, ipsam bipartitò diuidens in hemisphaerium superum, & in hemisphaerium inferum, qui pro regionis varietate alius semper atque alius est. Nos igitur in fastigio nostri hemisphaerij consistentes, quadrante vndique à finitore absumus, ab iis verò qui nobis tota diametro aduersantur, integro distamus semicirculo. Si itaque à pedibus nostris ad nostros antipodas semicirculus descriptus in terræ superficie intelligatur, per eam lineam quæ à sole ad centrum mundi extenditur, isque mundi centro affixus, animo circumducatur, hemisphaerium describet, vltra cuius ambitum solis radij vndique pertingent per 2. consecratio. Sint autem, gratia exempli, duo gradus ad quos vltra fines concepti hemisphaerij sol radios protendit. Palàm igitur solem gradu vno sub horizontemersum adhuc à nobis conspici posse: quippe eius imago, ad spectabilisque forma, hoc est lumen, recta ad nos linea protenditur, cum gradu vno vltra stationem nostram proferatur. Sic itaque ante exortum, postque occubitum sol adhuc spectari à nobis potest, quod erat explicandum.

PROPOSITIO XLVII. THEOREMA.

Si sphaera luminosa minor fuerit opacâ, à maiore parte luminosa ad minorem opaca lumen proueniet.

DEC propositio eodem modo demonstrari potest, quo præcedens. Eadem namque manet figuræ species, eademque partium dispositio; sola verò permutantur nomina, vt nunc luminosum dicatur, quod antè opacum erat, & è conuerso: quocirca eadem quoque demonstratio solis terminis commutatis subsistit. Habet autem locum hoc theorema in sphaeroidibus corporibus, quæ ab accensis lychnis illustrantur: item in luna, terræ comparatione; hac siquidem luna est minor ex Astronomorum sententia: quæ etiam causa est cur terræ umbra à sole promissa, subindè totum lunare corpus non inuoluat, quamuis hæc duo sidera è diametro sibi mutuò opponantur, vt inferius suo loco dicemus.

CONSECTARIVM.

Luna oriens non videtur, & ante occubitum disparet.

MIRVM id prima fronte videbitur, & præter sapientum etiam opinionem constitutum: nam qui fieri potest, vt luna, posteaquam finitorem subiit, nondum appareat, & priusquam subtus mergatur, aspectui nostro eripiatur, præsertim si terræ impedimenta sublata intelligantur: sed si rectè explicetur, mox veritas elucescet. Oriri atque occumbere tum altra dicuntur, cum verum horizontem attingunt, cumque assurgendo sensim supra horizontem emerferunt, tum perfectè exorta esse intelligendum, quemadmodum absolutè occubuisse, cum tota infra horizontem procubere. Est autem verus horizon, vt paulò antè dicebamus, circulus sphaeræ maximus, qui ipsam bipartitò diuidit, superumque hemisphaerium ab infero determinat.

FCum igitur luna terreno orbe sit minor, consequens est per iam demonstratum theorema, terræ portionem medietate minorem à luna illustrari. Cum ergo media lunæ pars supra horizontem scandendo peruenit, aut subtus occumbendo demersa est, tum terrestribus plagæ, quæ illustratur, ambitus procul à nobis disiunctus est: nos siquidem terræ fastigio insistentes, quarta orbis parte ab horizonte absumus. Quare si ad nos vsque orientis vel occumbentis lunæ splendor attineret, media terræ portio illuminaretur; quia igitur minorem medietate plagam suo fulgore luna irradiat, cuius extremitas non exiguo spatio à nobis disiungitur, palàm est lunam orientem necdum videri, & ante occubitum aspectibus nostris eripi.

PROPOSITIO XLVIII. THEOREMA.

Spharoides luminosum maius è propinquo amplio rem partem opaci irradiat quàm è remoto.



EST O lucida sphæra A remotior à sphæra opaca M D N quàm sphæra B : dico à B maiorem portionem opacæ irradiari quàm ab A. Sint namque sphæra ita constitutæ, vt recta A E per omnium centra transeat, radiique procidant tangentes F K, G I, H M, & L N, qui omnes producti ad partes sphæra opacæ in lineam A E congregiantur per 12. lemma, F K quidem & G I remotius puta in E; H M verò & L N propius, nimirum in O, per lemma 13. sic vt maior sit A E quàm B O : quoniam igitur in triangulis A F E & B H O reëtus est vterque angulorum A F E & B H O, latusque A F lateri B H æquale per circuli definitionem, maiorem proportionem habebit A E ad A F, quàm B O ad B H per 8. quinti Euclid. Itaque per 14. lemma libri quarti maior erit angulus F A E quàm angulus H B O.

Rursus cum A E, quæ per sphærarum centra extenditur, fecerit vtramque F G & H L bifariam per 6. lemma huius libri, & ad angulos reëtos ipsas secabit per 3. tertij Euclidis. In triangulis igitur A F Q & B H R anguli A Q F & B R H reëtus sunt: quare duo reliqui vnius trianguli simul sumpti, duobus reliquis alterius simul sumptis sunt æquales; quippe per 32. primi Euclidis cuiuscumque trianguli tres omnino anguli duobus reëtis sunt pares. Ab illis proinde si inæquales detrahantur anguli, maior quidem F A Q & H B R minor, relinquetur A F Q, altero B H R minor. Atque hi rursus si ab æqualibus reëtis A F E & B H O subducantur, relinquetur angulus Q F E angulo R H O maior per communem notionem. At qui in segmento F P G inscribitur angulus, æqualis est angulo Q F E per 32. tertij Euclidis: qui verò segmento continetur H C L, æqualis est angulo R H O per eamdem 32. tertij Euclidis. Igitur segmentum H C L segmento F P G maius est: quod scilicet minorem angulum capit, segmentum maius est; quod verò maiorem, minus, vt ex propositione 31. tertij Euclidis facile colligi potest. Verum segmento H C L simile est segmentum M D N, segmento verò F P G segmentum K D I simile per 10. lemma huius libri: itaque M D N segmentum segmento K D I est maius: quare sphæroides luminosum maius, quò propius ad opacum E accedit, eò amplio rem eius partem irradiat; quod erat demonstrandum.


CONSECTARIVM.

Luna nunquam illustratur minus quàm cum est plena.

HOc quoque insigne est paradoxum. Quis enim non arbitratur lunam tum maxime solis fulgore perfundi, cum plenitudinem fuerit adeptæ? Ea est vulgi æstimatione: verum non ita se res habet; quippe eius semper maior medietate portio illustratur, vt ex proposit. 46. liquidò constat: siquidem sol ex Astronomorum auctoritate lunarem globum multis partibus magnitudine excedit, cum in ipso etiam terrarum orbe luna sit minor. At ea portio, quæ lumine solis illustratur, non semper æqualis est; sed iisdem ex causis nunc maior, nunc minor, quibus lunam soli propinquo efficitur vel remotior. Est porro ea causa duplex: vna scilicet motus lunæ menstruus, quo nunc soli coniungitur, nunc aliqua cæli plaga ab eo discedit, nunc terra interposita tota ei dimetiente opponitur; altera est motus ille, quo nunc ad auge m euecta longissimè à medio vniuersi abducitur, nunc ab auge redux terræ proxima fit.

Perpicuum igitur est; lunam cum ad fastigium augis conscendit, tum & soli proximam, & à sole remotissimam fieri. Atque in coniunctione quidem proxima est, in opposi-

A
B
C
D
E



A fitione verò remotissima : quippe in coniunctione, si in auge emineat ; nihil solem inter & lunam intercedit, præter duorum cælorum Mercurij & Veneris densitates : hac ergo constitutione soli proxima est. In oppositione verò, cum nimirum plenam nobis faciem obuertit, si in eodem sit auge, longissimè à sole distidet : tum enim non modò cæli ipsi Mercurij & Veneris, sed etiam tota lunaris cæli diametrus ad conuexam peripheriam vtrimque extensa inter vtrumque astrum intercipitur. Palàm igitur per præsens theorema lunam numquam illustrari minùs, quàm cum est plena; quod erat ostendendum.


PROPOSITIO XLIX. THEOREMA.

B *Contra sphaeroides luminosum minus, si propinquius est opaco, minorem portionem illustrat, quàm si remotius existat.*



IT sphaera luminosa nunc in A opacè C maiori propinquior, nunc in B ab ea remotior : dico ab A quàm à B minorem partem sphaeræ opacæ illuminari. Ducantur enim contingentes radij DE & FG, qui producti concurrant in M : similiq̃ue modo ducantur HI & KL, qui protracti in N conueniant ; rectaq̃ue per omnium sphaerarum centra agatur CN. A centro autem C ad contactus sphaeræ opacæ semidiametri euocentur CD, CF, CH, & CK. Quoniam igitur in triangulis CDM & CHN, CD ipsi DM, & CH ipsi HN sunt perpendiculares per 18. tertij Euclidis ; erunt anguli CDM & CHN recti. Sunt verò CD & CH inter se æquales per circuli definitionem ; CN autem quàm CM maior per 13. lemma : igitur per 8. quinti Euclidis, maiorem proportionem habet CN ad CH, quàm CM ad CD : quare per 14. lemma libri quarti maior est angulus HCN quàm DCM angulus. Eodemq̃ue modo ostendetur angulus KCN angulo FCM maior.

D Compositus itaque HCK composito DCF est maior per communem notionem : igitur & arcus HOK arcu DOF maior conuincitur. Nam per vltimam sexti Euclidis in æqualibus circulis eandem rationem habent anguli cum peripheriis quibus insunt, siue ad centra siue ad peripherias constituti sint. Quare si sphaericum luminare minus, propinquius opaco fuerit, &c. quod erat demonstrandum.



Hæc & quæ proximè antecedit propositio, apprimè utilis est ad intelligendum siderum illorum phænomena, quæ vel excentrici orbis beneficio, vel etiam propria epicycli circumlacione, & à terra, & ab inuicem nunc longiùs nunc propiùs distant ; cuiusmodi præcipua sunt sol ac luna.

Sequentes verò septē propositiones ad lunæ incrementa ac decremента pertinent ; crescit enim perpetuò aut senescit, & modò curuatur in cornua, modò æqua portione diuiditur, modò sinuatur in orbem, eademq̃ue subitò enitet orbe pleno, ac repentè fit nulla, morata verò in coitu solis biduo, rursus ad easdem vices exit.

PROPOSITIO L. THEOREMA.

F *Si pars sphaeræ collustrata, parsque visa bases habuerint parallelas, lumen aspectatum circulare & erit, & apparebit.*




STO sphaeræ A pars collustrata BC, eaq̃ue parallelæ secundùm basin atque ambitum parti visæ EF ; aut permutata vice sit pars illuminata EF, pars autem visæ BC : dico EF eam scilicet partem, quæ illustratur & videtur, circularem esse, hoc est circulari ambitu circumscribi, & vt circulum apparere.

Prior huius theorematum pars ex propositione 81. libri quarti manifestè conuincitur. A

Posterior verò ita demonstratur: Ex G ad sphaeræ centrum A recta ducatur GA : hæc quoniam ipsam EF iungentem contactus radorum GE & GF bifariam diuidit, per 6. lemma, & ad angulos rectos eam secabit per 3. tertij Euclidis: simili autem modo secat & reliquas quæ tactus radorum ex G ad sphaeram procidentium connectunt: igitur GH & ad rectos angulos insitit basi eius segmenti, quod ex G conspicitur, & per eiusdem basis centrum transit. Quare per 62. libri 4. omnes dimetientes æquales visui repræsentantur, ipsaq; spectati segmenti basis, vt circulus conspicitur per circuli definitionem; quod secundo loco erat demonstrandum.

Eiusmodi porrò esset lunæ portio, quæ, nisi immanis terræ moles interpellaret, in directa solis oppositione à nobis conspiceretur: nunc verò quia terræ crassities inter vtrumque sidus interiecta solares radios prohibet arcetq; illa, cum directè opponitur, lumine deficit; nullum proinde à sole acceptum luminis orbem spectandum exhibere potest.



PROPOSITIO LI. THEOREMA.


Si pars sphaera quæ illuminatur, non fuerit parallela parti visa, nec se mutuò secent; sit autem quod videtur, minus; pars luminis visa circulo continebitur, & ut circulus apparebit.



QUEMADMODUM superioris propositionis, quæ bases partis visæ partisq; illustratæ parallelas supponit, geminus est casus, propterea quòd oculus corpusq; luminosum loco permutari queant; ita huius quoque constitutionis, quæ bases partis visæ ac partis illustratæ nec parallelas supponit, nec sese interfecare concedit, duplex est casus: aut enim oculus sphaeræ propinquior est quàm corpus luminosum, aut certè contrà corpus luminosum quàm oculus propinquus. Superiores duos casus vna propositione complexi sumus, quòd vna sit in vtroque spectatæ partis & illustratæ forma, eademq; demonstratio: at hoc loco, quia ex oculi corporisq; luminosi permutatione spectatæ partis forma magnam diuersitatem admittit, maioris claritatis gratia, distinctis propositionibus vtrumque casum studio proposuimus, quorum alter hac, sequenti alter explicabitur.

Igitur pars sphaeræ A quam punctum H illustrat, esto BFD ; pars autem quam oculus in G positus contuetur, esto $EF C$, cuius basis $E C$ basi $B D$ nec parallela sit, nec æqualis, sed minor, seque mutuò bases $B C$ & $E C$ non secent: dico $EF C$ segmentum circulo contineri, ac circuli instar aspectui exhiberi: siquidem per 81. propos. libri quarti id sphaeræ, quod spectatur, circulo definitur. At portio $EF C$, quæ ab oculo in G posito cernitur, tota luminosa est, cum nulla eius pars extra segmentum BFD excurrat: igitur pars luminis visa circuli peripheria circumscribitur. Quòd autem eadem vt circulus appareat, ex præcedentis propositionis demonstratione manifestè conuincitur. Itaque si pars sphaeræ collustrata non fuerit parallela parti visæ, nec se mutuò secent; sit autè quod videtur, minus; pars luminis visa vt circulus apparebit, quod secundo erat demonstrandum.

Id in luna manifestè videre licet: illa enim primo ac etiam secundo ab oppositione die luminis plenitudinem retinet, nec minus circulare apparet eius lumen, quàm si è diametro soli opponeretur; vt è conuerso, non statim à coniunctione discedens, splendorem suum nobis ostendit.



A

CONSECTARIVM.

Apparens luna fulgor non statim ab oppositione solis decrescit.

Ex hoc theoremate perspicuè sequitur, lunam, quamuis non mediocri spatio ab oppositione solis discesserit, nihilominus plenam nobis videri, totoque circulo lumen de se ad nos profundere. Cum enim maior medietate portio lunaris corporis à sole illustratur per consecarium primum propositionis 46. minor verò pars medietate à nobis conspiciatur per 82. libri quarti, sanè aliqua erit ea latitudo, qua licet ab oppositione solis aspectusque nostri directà interpositione diuellatur, nihilominus lucida appareat tota illa portio, quæ à nobis conspicitur, vt liquidò ex dictis constat.

B Est porrò non minimum vtriusque partis discrimen, eius scilicet quæ illuminatur, & eius quæ videtur, quod faciliè coniungere quis poterit, si intelligat non prius lunæ plenum ambitum manifestè incidi seu minui, quàm altero aut tertio ferè die à directà oppositione discesserit, vt aperta docet experientia. Cumque luna tredecim circiter gradus proprio motu diebus singulis conficiat, consequens est, vt magnum esse debeat partis illustratæ ac visæ discrimen.

PROPOSITIO LII. THEOREMA.

C *Si rursus pars sphaera illustrata, & ea qua videtur, non fuerint parallela, nec se mutuò secant, sit verò pars visa maior; erit quidè ambitus spectati luminis circularis, videbitur autem ellipsis.*



ESTO in præcedente schemate sphaeræ A pars illustrata EFC à puncto luminoso G; pars autem, quam oculus in H positus contuetur, BFD: palàm igitur segmentum EFC circulo definiiri per ea quæ proposit. 81. lib. 4. sunt demonstrata. Quòd verò eadem pars EFC ellipsis appareat, sic probatur: Quoniam segmenti EFC basis EC minor est basi BD, nec eam interfecat, necesse est segmentum EFC totum videri. Rursus cum EC ipsi BD parallela non sit, fieri nequit vt EC directè aspectui obijciatur, quandoquidem BD sit directè visui opposita. Obliquè igitur EC oculo in H constituto exhibetur. Quare per 66. libri quarti segmenti illustrati simul ac visi EFC basis EC vt ellipsis apparet, nisi eæ obfissent conditiones, quæ eadem propositione continentur; quod erat probandum.

In hac luminosi corporis oculique constitutione, id necessariò efficitur, vt pars sphaeræ quæ lumine perfunditur, tota semper sub aspectum cadat: nam extremus quidem terminus quo oculum in dextram dimouere licet, est linea EG, in quam si linea BH incidat vnâ efficiens, radius ab H ad sphaeram demissus, ipsam continget in E cõmune signum partis visæ & illustratæ, quæ proinde extrema est: vltra hanc enim si oculus ab H dextrouersum abscedat, sic vt punctum G extra triangulum BHD relinquatur, fiet profectò vt radius ab H promissus sphaeram inter E & F contingat; cum verò maior supponatur basis partis visæ basi partis illustratæ, radius ab H prociens sphaeram in puncto quopiam vltra C continget in parte opposita constituto. Igitur quæ hos contactus iunget recta linea, ipsam EC interfecabit, quod hypothesi aduersatur. Quocircà fieri omnino nequit, vt saluo proposito casu oculus à puncto H longius dextram versus dimouetur, quàm vt radius opticus ab oculo delapsus in lineam EG incidat, sphaeramque in E contingat.

F Simili prorsus ratione ostendemus in parte altera lineam CG extremum terminum esse, quo oculus ab H sinistram versus abduci potest: nam cum eousque oculus in sinistram abierit, vt radius sphaeram contingens, in lineam CG incumbat, nondum sese partis visæ, partisque illustratæ bases interfecarunt, quod propositio postulat; ab vltiore verò loco si sphaera spectetur, sese bases interfecabunt, vt proximè est demonstratum. Igitur in præsentī constitutione oculi ac corporis luminosi, qua se mutuò pars lumine collustrata parsque visæ nequaquam interfecant, pars sphaeræ illustrata tota semper aspicitur; quod erat ostendendum. Hinc autem consequens est per proximè demonstrata, ambitum spectati luminis EFC circulare esse; videri autem forma ellipsis, quod initio fuit propositum.

PROPOSITIO LIII. THEOREMA.


Si hemisphærij illustrati, partisque visa bases se mutuò secundum normam secent, quod de lucido hemisphærio cernitur, sector quidem est sphericæ superficiei: at semicirculus apparet.



IT sphærae ABCD media pars ABC illustrata; oculus autem in G constitutus, eò inquam loci unde portionem sphærae BCD cõspiciat, cuius basis BKDH basin AKCH ad normam secet: dico illustrati hemisphærij portionem BCKH quæ videtur, sectorem esse sphericæ superficiei, cui duo circulorum segmenta vtrimque assistunt, nempe KBH semicirculus, & KCH semicirculo minus, qualis est lunæ dimidiata facies cum quarta cæli parte à sole distat. Quod KBH semicirculus sit, ex Sphæricis Theodosij patet: cum enim ABC hemisphæriũ esse supponatur, quod lumine perfunditur, erit eius basis AKCH circulus sphærae maximus per 6. primi Sphæricorũ Theodosij, quippe qui per centrũ sphærae transit. Quoniam igitur ex hypothesi AKCH circulus maximus secat BKDH ad rectos angulos, & bifariam eum secabit per 13. primi Sphæricorum Theodosij. Est itaque KBH semicirculus; siquidem per 18. libri quarti portio BKDH, quæ videtur, circulus est.

Iam quod KCH semicirculo sit minor, sic probatur: E sphæra vno oculo quod spectatur, hemisphærio minus est per 82. libri quarti; igitur BCD segmentum circuli maximi, semicirculo minus est: at segmento BCD æquale est segmentum KCH per 24. tertij Euclidis, quod scilicet KH æqualis sit ipsi BD, nempe diametri eiusdem circuli BKDH: D igitur & KCH segmentum est semicirculo minus.

Demum quod BCKH superficies sphærae illustrata simul ac visa vt semicirculus appareat, ex eo demonstrari potest, quod arcus KBH semicirculari forma conspiciatur per 62. libri quarti. Cum enim EG sphærae centrum pertranseat, ea per 6. lemma diuidet ipsas BD & KH, quæ oppositas tactiones radiorum ex G procidentium iungunt bifariam. Quare E circuli BKDH centrum erit, è quo EG ad circuli planum ad rectos angulos excitata erit per 7. primi Sphæricorum Theodosij. Quocirca totus BKDH circulus vt circulus videbitur per eandem 62. libri quarti: eius proinde medietas KBH semicirculi instar conspicietur. At verò KCH propterea quod perpendiculariter aspectui G obijciatur, vt recta apparebit linea per 57. libri quarti. Quod autem rectâ lineâ & dimidiato E circuli ambitu continetur, semicirculus est: itaque BCKH portio sphærae illustrata iuxta ac visa vt semicirculus conspiciatur; quod erat probandum.



PROPOSITIO LIV. THEOREMA.


Si rursus partium, luminosa & aspectata, bases se mutuò normaliter secent; sit autem pars illustrata hemisphærio minor; quod de fulgido segmento conspiciatur, sector quidem est superficiei sphericæ, at μοοιδὸς schema repræsented mixtum ex arcu circulari & arcu ellipseos intus curuato.



REPONATUR eadem quæ supra sphæra ABCD, cuius pars illustrata sit hemisphærio minor ABC; pars autem ab oculo in G posito aspectata, esto BCD: harum verò partium bases se mutuò normaliter secent; sitque communis sectio HK: dico portionem sub KBHC comprehensam, quæ nimirum simul illustratur & videtur, sectorem quidem esse sphericæ superficiei, vt ex superiore demõstratione constat; speciem autem figuræ exhibere

A bere è duabus curuis lineis mixtam, quarū altera circularis perimetri portio est, altera ellipſeos peripheria intus ſinuata : qualem nobis ſpeciem exhibet lunæ ſplendor tertio ac quarto, ad ſeptimum vſque poſt coniunctionem die, cum illa nobis corniculata apparet.

B His explicatis, portionem $κ Β Η$, vt circuli ſegmentum apparere, in hunc modum probatur: Quoniam $Γ Ε$ à concurſu radorum, ſeu ab oculo per ſphæræ centrum acta eſt, eadem ſecat ipſam $Β D$, quæ tactiones $Β$ & D iungit, bifariam in $Ε$, per 6. lemma. Igitur & ad rectos angulos eam ſecat per 3. tertij Euclidis. Quare per 62. libri quarti circulus $Β Η D K$ propria forma, hoc eſt vt circulus apparet; ac proinde eius ſegmentum $κ Β Η$ circuli videtur ſegmentum, ac portio circularis perimetri: hac igitur parte aſpectabile lumen circulare conſpicitur.



C At circuli $Α Κ Σ Η$ portio $κ σ η$ ellipſis ſegmentum videtur. Cum enim totus ipſe circulus $Α Κ Σ Η$ propter aſpectus obliquitatem ellipſis appareat per 66. libri quarti, eius quoque portio $κ σ η$, vt pars ellipſis conſpiciatur neceſſe eſt. Quod verò intus curuata verſus $Β$ hæc portio ellipſeos ſpectetur, inde oſtenditur, quòd radij optici ex $Γ$ per circumferentiam $κ σ η$ ad planum $κ Β Η$ ducti, omnes intra ſegmentum $κ Β Η$ cadant, ibiq; phantaſiam peripheriæ $κ σ η$ ſiſtant: tota ergo forma luminis aſpectati mixta eſt ex circuli & ellipſeos peripheria.


Porro apparentis luminis ſchematicum ichnographicè hoc loco adſcripſimus iisdem litteris designatum, quibus in ſphæra ipſa rem explicare conati fuimus, vt clariùs appareat cuiuſmodi ſit ea apparentis luminis forma, quam fortè ex oculari inſpectione promptiùs quàm ex demonstratione quiſpiam aſſequetur.

D PROPOSITIO LV. THEOREMA.

Si denudò baſis partis ſphærica illuſtrata baſin portionis viſæ ad normam ſecat; ſit autem hac illa maior; quod de ſplendido ſegmento cernitur, ſector eſt ſphærica ſuperficiæ: at mixta figura apparet ex circulari ambitu, & ellipſeos peripheria exterius curuata.

E **H**ISTO vt ſuprà ſphæra $Α Β C D$, eiùſque pars illuſtrata $Α Β C$; pars autem conſpecta $Β C D$, quarum baſes $Α Κ Σ Η$, & $Β Κ D Η$ ſe mutuo ad normam ſecent, ſitque communis ſectio $Κ Η$: dico portionē ſphæricæ ſuperficiæ ſub $Κ Β Η C$ comprehenſam, quæ nimirum ſimul & illuſtratur & videtur, ſectionem quidem ſphæricæ ſuperficiæ eſſe, vt ex dictis iam perſpicuè patet;


F apparere autem formā vtrimque gibboſâ, partim circulari, partim ellipſoide exterius prominēte. Qualem refert ſpeciem luna ἀμφιυρόε, cum, vt Hermolaus ait, in ſolis triquetro ſemiambitur orbe, vti videre eſt decimo & duodecimo poſt coniunctionem die.



Quòd $κ Β Η$ vt circuli fragmentum appareat, eodem modo, quo ſuperiùs, probari potelt. Cum enim $Γ Ε$ per centrum ſphæræ acta ſit, ea per 6. lemma ſecabit ipſas $Β D$, $Κ Η$,

ac ceteras omnes, quæ radorum ex G procidentium oppositas tactiones iungunt, bifaria. **A**
 riam. Quamobrem E circuli BKH centrum est, & per 7. primi Sphæricorum Theodosij EG ad circuli planum recta est: igitur per 62. propositionem libri quarti totus BKH ambitus vt circulus apparet: quare & eius pars KBH , quæ lumen spectatum definit, vt circuli portio cernitur; quod primò ostendisse oportuit.

Circuli verò $AKCH$ portio KCH segmentum videtur ellipsis; siquidem totus $AKCH$ circulus propter situs obliquitarem ellipsis apparet per 66. propositionem libri quarti. Itaque eius portio KCH videtur segmentum ellipsis; ad eum modum, quo hîc eius formam propriumque apparens schema pro rudiorum captu ichnographicè adscripsimus iisdem litteris insignitum, quibus in sphaera ipsa singulæ partes notantur: sic enim genuina phantasia luminis aspectati oculis representata clariùs perspicitur.



CONSECTARIVM I.

*Apparens luna splendor in quadrato aspectu
 semicirculo maior est.*

Cum quadratus lunæ aspectus ille sit, quo luna quarta cæli plaga à sole distat, iamque ex consecratario 1. propos. 46. huius libri constet, maiorem hemisphærio partem orbis lunaris à sole illuminari, consequens est, vt in ea constitutione radius à sole ad lunam exporrectus, recto angulo inde ad nos flectatur. Nam quarta circuli portio lineis rectum angulum continentibus intercipitur: est igitur quadratus lunæ aspectus proposito schemati similis; siquidem BE luminis solaris radius est, CE verò radius opticus; & segmentum ABC semicirculo maius lunæ portionem illustraram representat, BCD autem eam quæ videtur; quarum communis sector sub $BKCH$ comprehensus, qui inquam simul & illuminatur, & cernitur, maiorem semicirculo portionem aspectui exhibet, vt iam ostensum est. Etenim circuli portio KBH vtî semicirculo reipsa est maior, ita maior semicirculo apparet: cui præterea accedit HCK ex obliquo aspectu portionem ellipsos representans, quæ exreriùs protuberat, & spectatum lumen sua proiectura adauget, vt ex demonstratis perspicuè conuincitur.

CONSECTARIVM II.

*Fulgida luna portio, quæ sub aspectum cadit, in quadrato situ,
 obingentem distantiam semicircularis apparet.*


Est quidem reuerà lunæ facies quæ spectatur in quadrato situ, semicirculo maior, vt proximè ostendimus. At propter immoderatam distantiam fit, vt quamuis sol lunâ multis partibus sit maior, lunæ tamen portio, quæ illustratur, minimo interuallo eoque insensibili penitus ab hemisphærio distet, quod nullo negotio demonstrari potest. Quoniam enim per quadragesimam octauam propositionem libri huius sphaeroides luminosum maius, quò longiùs à corpore opaco abfuerit, eò minorem eius portionem irradiat; profectò si longissimè absit ac spatio propemodum infinito, partem illustrat hemisphærio proximam; siquidem hemisphærio minor pars illustrata esse non potest. Igitur apparens lunæ fulgor in quadrato situ, velut semicirculus à nobis in terra positus conspicitur, ad eum modum qui propositione huius libri 53. superiùs est explicatus. Hæc eadem veritas proprio oculorum testimonio confirmatur: cum siquidem lunam intuemur medio loco inrer coniunctionem & oppositionem constitutam, eam exactè semicircularem videmus.

A PROPOSITIO LVI. THEOREMA.

In sphaera si bases partis illustrata, partisq; visa, se mutuo obliquè secent, portio luminis, quæ sub aspectum cadit, mixta è circulo & ellipsi apparebit.

SIT pars visa B C D eadem quæ supra, eiusq; basis B K D H; pars autem illustrata sit vel A B C, vel A D C, cuius vtriusque communis basis A K C H. B basin B K D H obliquè secet in communi linea K H: si itaque luminosa sphaeræ pars sit A B C, erit portio luminis visa ea, quæ sub K B H C continetur, videbiturque mixtum schema ex circulo atque ellipsi intus curuata, vt propositione 54. libri huius docuimus, quale est nascentis & senescentis lunæ, cum solem auersis cornibus è proximo intuetur. Si verò luminosa sphaeræ pars sit A D C, erit portio luminis aspectata K D H C, videbitur autem figura mixta ex circulo, & ellipsi exterius prominente, qualem prop. 55. huius lib. exposuimus. Quò verò magis obliquatur aspectus, post diè octauum, eò luna orbem nobis exhibet propensio-
C

Hæc quia ex dictis perspicua esse arbitror, possuntque ex iisdem principiis iam sæpius repetitis nullo negotio demonstrari, quod reliquum est huius propositionis sagaciæ Lectoris committimus, ne prolixitas in rebus per se notis fastidium pariat.



DISPV TATIO.

Quo pacto luna à sole lumen accipiat, susceptumq; ad nos transmittat.

QUONIAM de vario lunæ aspectu dicere cœpi, gratum Lectori, nec minus pretium operæ me facturum puravi, si hoc loco velut parergon eam quaestionem explicare conntar, quæ plerosque Philosophos latuit, ceteros aut suspensos, aut falsa persuasione imbutos tenuit. Constans est omnium Astronomorum sententia, planetas à sole lumen mutuari, quibus etiam Philosophi consentiunt, præter Auicennam & Macrobius, qui lunam dumtaxat soli acceptum lumen referre debere asseruerunt, reliquos verò de suo ac proprio nitore collucere. Inficiari certè hi ea minimè potuerunt, ex quibus potissimum lunam à sole illustrari conuincitur, vt sunt menstrua incrementa ac decrementa, eiusdemque defectiones, quæ terræ interpositione subinde eueniunt. at quonam pacto luna solares radios excipiat, eosdemque ad nos remittat, potissimum erat inuestigandum.

Nonnulli solis radios à lunari corpore tamquam à conuexa speculi superficie ad nos transmitti crediderunt. Qui hanc sententiam complexi sunt, in primis statuerunt lunare corpus opacum existere. quod sanè ita fieri oportuit, nam specula omnia è corpore definito seu terminato esse debent: ergo si luna speculi ratione habet, necesse est eam exquisitè opacam esse: ita siquidem in his inferioribus specula omnia vel suapte natura, ingenitaque opacitate terminata sunt, vt illa quæ ex variorum metallorum commistione in matrices primùm funduntur, postea cotibus tergentibusque puluisculis poliuntur; vel arte terminari opus habent, vt ea quæ ex materia fiunt translucida, nempe vitro aut crystallo, hæc enim plumbo aut stanni bractea hydrargyro perlita terminantur. Quæ namque transparent, susceptos radios transmittunt: quare nisi lunaris orbis intense opacus sit, nullos poterit ad nos solis radios destinare; siquidem omnes in aduersam solis partem penetrabunt, longiusque à nobis diuellentur. Lunaris corporis opacitatem ex eo probant, quòd luna soli è regione obiecta nobis ipsius radios surripiat, quæ proinde eclipsin vocant, quòd tum nobis sol lumine deficere, viribusque delinquere videatur: quod sanè haud accideret, nisi corpus lunæ perfectè opacum esset. Igitur hoc primo ad huius sententiæ robur & fundamentum erat constituendum.

Alterum,

Alterum, quod apud omnes ratum probatumque est, illud fuit, extimam lunaris corporis superficiem exquisitissime tersam ac læuam esse. nam & ceteras omnes cælestium orbium superficies tum cauas tum conuexas tales esse oportet, ne motus reddantur difficiles propter eminentiarum collisiones; deinde ne in depressionibus vacuum admittatur, aut in eminentijs corporum penetratio. His ergo duabus proprietatibus instructus lunaris orbis, susceptos solis radios à se velut à speculo ad nos transfundit, quando ea est læuis atque opaci natura, vt incidentes luminis radios continere non possit: quare cum permeare nequeant obsistente opacitate, resiliant necesse est.

Hæc sententia ex communi vsu originem accepisse videtur. nam cum viderent homines rerum obiectarum simulachra à vulgaribus speculis, quæ plurimum plana sunt, ad intuentium oculos transmitti, idem confestim lunari corpori accidere existimarunt. At scire illos decebat conuexa specula longè diuersum effectum edere ab illo qui à speculis planis producit: nam plana specula res obiectas eadè magnitudine per imaginem reddunt, nisi quod quantum hæc aspectantis recessu secundum apparentiam minuitur, tantum res ipsæ longiore recessu minores videntur. Specula verò conuexa res exhibent multò quàm re ipsa fiat. minores, ac tantò etiam idola attenuantur magis, quantò res ipsæ longius à speculo absistunt. Cum ergo tanto interuallo sol à luna dissideat, puto si quis iuxta lunam existeret, indeque solis imaginem intueretur, fore vt ne minimæ quidem stellæ magnitudinem solis phantasia exæquaret. Nunc verò cum & nos tanta iterum intercapedine à luna absumus, Deus bone, quàm exiguus sol in lunæ conuexitate apparebit! Perspicuum autem, à media fermè parte lunaris orbis radios ad nos pertinere: non igitur lunæ splendor est solis imago velut à speculi conuexitate repercussa.

Deinde qui in terris positi solem in conuexo speculo è propinquo intuentur, stellæ instar solem vident: nam & Canicula quæ æstiuis mensibus in conuexo speculo sub aquis demerso quidam ostendunt, non Canicula est, sed solis imago conuexitate speculi ad stellæ paruitatem contracta, & è fundo ad superficiem aquæ infractioe delata, ibique apprensus. Huius rei argumentum è pluribus illud vnum est, quod planis speculis hæc phantasia exhiberi non possit: alterum quod solis figura tantò appareat minor, quantò minoris spheræ portio speculum fuerit: tertium quod ea anni tempestate stellæ phantasia borealis appareat, cum tamen Canicula ultra Equatorem Austrum versus excurrat. Cum ergo in conuexis speculis solis imago tantilla cernatur, dubitandum non est, quin si ea experientia tanto accideret interuallo, quanto luna à sole distat dum ei è diametro opponitur, solis imago adeò exigua foret, vt visum effugeret, præsertim si nos in terris positi eam contempleremur. Non igitur solis simulachrum est id quod à luna ad nos lumen transmittitur. Hoc sanè argumentum adeò est efficax, vt reuinci à nemine queat, imò ne impugnari quidem, nisi ab eo qui conuexorum speculorum naturam penitus ignorauerit: nam constat specula conuexa numquam ab hemisphærio rerum formas exhibere (nisi fortè adeò sit immane corpus obiectum, vt qui ab eius extremis in centrum specularis spheræ pertinent radij, hemisphærium comprehendant,) quomodo igitur asserere quispiam non dubitabit, solares radios à parte lunaris orbis hemisphærio maiore tamquam à speculo ad nos transfundi?

Nunc tandem ad lunæ maculas, quid dicentne, Plinio auctore lib. 2. Nat. hist. c. 9. lunæ maculas sordes quasdam esse vnà cum terræ vapore sublatas, atq; lunæ, quod terræ proxima sit, inhærentes. Ita locuti fuere olim Stoici, vt & illi qui cælum animal esse crediderunt, terrenoque humore pasci. Verum postquam luna occumbens, vultum à partu conspurcatum, Oceano abluit, cur non maculis deterfis, pura nitidaq; rursus exoritur?

o Alij cum cæcutientibus quibusdam lippisve dicent, macularum in luna aspectum inter fallacias visus numerari debere, quasi hîc visus hallucinetur inani quadam specie circumuentus. At quam dabunt huius fallaciæ causam? & vnde ea quam cernimus macularum constantia, vt ab omnibus intuentibus, omni que tempore eadem, ac situ eodem conspiciantur? denique si hic error esset, emendaretur profectò aliquando, sublata occasione.

Nonnulli lunæ maculas, vallium, nemorum, atque opaciorum in terris locorum imagines esse dixerunt, inde velut à speculo ad nos redeunt. Verum cum singulis horis ac momentis terræ lunæque respectus mutetur, oportebit lunæ maculas continuò situm variare, ac neutiquam constantes esse. Deinde quis nescit formas rerum obliquè in specula incidentium, in aduersam partem abire? Eorum igitur quæ in terris sunt simulachra non ad nos redeunt, sed in cælum prouolant.

A Aptius fortè dicet alius lunæ maculas non earum rerum imagines esse, quæ in terris sunt, sed macularum, quas superiore anno Christophorus Scheiner, è Societate nostra, atque in Ingolstadiensi Academia Matheseos professor, nomine Apellis post tabulam primus in sole deprehendit, has scilicet vnà cum solis phantasia in luna tamquam in speculo à nobis conspici. Sed neque hoc rectè affirmare quispiam poterit: nam speculi ratio iam satis superque est refutata. Deinde constat solis maculas quotidie situm mutare, lunæ autem partes omnes constantes esse: non ergo hæ illarum imagines esse possunt.

B Tandem dicent partes lunæ quæ ob claritatem videntur montes reuerà esse, eas verò quæ obscuritatem præ se ferunt, valles. At non omne quod ex tanto interuallo quantum ad cælos vsque extenditur, magis conspicuum est, mons confestim credi debet, aut vallis id quod obscurius videtur. Nam eadem ratione totam illam cæli plagam; quæ lactea appellatur, arduum esse iter ad superos dicere oporteret, montibus, vallibusque, ac præruptis saxis asperum; totum item lunæ occiput refecandum esset; cælum denique vniuersum de medio tollendum, præter eas partes quæ luce spectabiles sunt.

Respondet fortè aliquis, nullam admitti in cælo asperitatem, sed valles appellari eas partes quæ iuxta aspectabiles peruiæ videntur. Ridiculum. Valles enim loca sunt inter extantes montes, non aspectui tantum, verum etiam lationi peruia. Facebant igitur hæc commenta, quibus nulla ratio adstipulatur quæ fidem faciat; nec si plurima eis appensa sit hedera, probabiliora fient.

C Aliorum opinio est (quæ etiam nobis magis arridet) alterum lunæ hemisphærium exquisitè diaphanum esse: alterum verò, quod scilicet humani vultus speciem nobis ostendit, medio-diaphanum tantum, hoc est, quadam opacitate respersum, quæ aliquid luminis transmittat: potiore verò partem non solum in extrema superficie, verum etiam in profunditate retineat; quod etiam in lacteo illo cæli circulo eodem modo accidere arbitrantur.

D Volunt prætereà lunæ orbem propriæ cavitati insertum esse, atque arctissimè coercitum, sic ut caua epicycli conuexaque lunæ superficies, licet discretæ, perpetuo tamen contactu cohæreant. Rursus & hoc addunt, lunæ orbem in ea cavitata nullo motu concitari, sed firmum stabilemque persistere, eo situ, ut pars medio-diaphana perpetuo versus terræ centrum dependeat, non quasi opacitatis admixtione ea pars facta sit grauior (absit enim ut elementorum sordes cælo inferamus) sed quia Deo rerum omnium creatori ita à prima origine placuit, & ut lunæ incrementa ac decremента faciliorem haberent explicationem. Solis namque lumen dum circa lunæ orbem fertur, alias continuè atque alias partes illustrat, ac nunc quidem id totum quod opacius est, nunc id solum quod perfectè translucet, nunc vtriusque simul partem aliquam. quare nunc plena, nunc obscura, nunc corniculata, nunc gibbosa vtriusque, nunc mediâ figurâ atque hemicycli formâ conspicitur.

E Est, inquam, ea pars lunaris orbis quæ opacior est, nubi haud absimilis. hæc siquidem qua parte lucidos solis radios admittit, candida apparet, ac tantò etiam alba magis, quanto densior est: soli verò prætenta nigra cernitur & obscura, solisque aspectum prohibet: hoc tamen discriminis intercedit, quòd nubes quia demissæ sunt, nisi ingentis sint magnitudinis, breuem tantummodò terræ tractum opacent; luna autem propter altitudinem, magnam terræ portionem radiis solis destituit: ex quo consequitur in solis defectibus magnas subinde tenebras in terris existere, quod nubium obtentu numquam euenire solet, nisi immanis sint magnitudinis. Porro quando vtrumque astrum, solem videlicet lunamque, interdiu simul videmus (quod longioribus diebus non raro euenit, etiam in ipsorum oppositione) tum propter solaris nitoris præsentiam, non luminosa luna, sed candida ac nubeculæ instar apparet; estque hic eius aspectus adeò nubi similis,

F vt nisi figura obstaret, nubeculæ portinnculam à maiore secretam esse nemo dubitaret. eadem namque ratio est, qua luna & qua nubes à sole lumen mutuatur.

Rursus simile quiddam in Sacris litteris memoriæ proditum habemus in columna nubis & ignis, quæ diuina assistente virtute filios Israël per deserta incognitaque loca quadraginta annorum spatio circumduxit, vsquè dum ad terram antepromissam peruenirent. de hac re lege cap. 13. Exodi. Erat igitur columna illa ex rariore quadam substantia seu vapore seu exhalatione nubis in morem concreta, ita ut verè ac proprie Sacre litteræ eam columnam nubis appellèt, hoc est, nubem columnæ specie efformatam. Habebat verò ea nubes lumen quoddam diuinitus insitum, solaris luminis excellentiâ lon-

gè inferius; par tamen lunari splendori, non illi quem luna reipsa habet, sed quem nobis A impertit maxima itineris longinquitate hebetatum, ne nimius fulgor quiescentium Israëliitarum oculos noctu perstringeret, ac quietem interturbaret, quos vix vnumquam noctu iter habuisse legimus.

An verò ea lux à vero igne, quo accensa columna arderet, profecta fuerit, disputant Theologi. Qui aiunt, illo argumento nituntur, quòd passim columna ignis in Sacris litteris appelletur. Qui verò negant, notarunt eam subinde nominari speciem ignis, vt lib. Numer. cap. 9. *Sic fiebat ingiter: per diem operiebat illud nubes, & per noctem quasi species ignis.* Nobis placet ignem quidem illum fuisse, at non alium quàm erat rubi ardentis, non tamen consumpti; hoc est, non lumen absque igne, sed potiùs ignem prohibita B vrendi facultate, qui propter obscuritatem quamdam & ruborem, quem forte à natura coniunctum habebat, communis ignis imaginem præ se ferebat.

Ergo vna eademque columna ob naturæ raritatem interdum solis radijs percussa nubem repræsentabat, noctu verò ignis subobscuri similitudinem, propter insertum diuinitus splendorem absque vrendi potestate. Non fuisse autem diuersas columnas, vnam nubis, alteram ignis, quæ sibi mutuo in vicem successerint, ex cap. 14. Exodi colligi potest, vbi sic legitur: *Et erat nubes tenebrosa & illuminans noctem.* Et mox: *Et respiciens Dominus super castra Aegyptiorum, per columnam nubis & ignis interfecit exercitum eorum.*

Quantæ autem molis fuisse hanc columnam credendum sit, ex eo colligit Benedic- C tus Pererius in cap. 13. Exod. disp. 3. quòd Israëliitarum castra propè tricies centena hominum millia numerauerint, quibus certè non minùs quàm 10. vel 12. millia passuum figendis tabernaculis opus erant. Stabat porrò dum quiescebat columna tabernaculo insistent, basi illud operiens, capitulo verò in sublime erecto: at dum profectio- nis tempus aderat, in altum sublata per aërem conspicuè ferebatur castra præcedens, non alia vi, quàm Angeli ministerio, vt Exod. c. 14. diuina Scriptura testatur: *Tollens se Angelus Domini qui præcedebat castra Israël, abiit post eos, & cum eo pariter columna nubis.*

Ex his id rectè colligi potest, nostram de lunæ illustratione sententiam nihil à ratio- ne alienum continere, quandoquidem perfectam eius similitudinem in columna nubis & ignis Sacris litteris contestatam habeamus. Et verò Deus Opt. Max. etiam in miraculorum ostensione naturales modos plurimum solet vsurpare: nec aptiùs, meo quidem iudicio, eam nubis ac fulgoris coniunctionem in eadem materia conciliare poterat, (sic enim salua Numinis potentia, humano nostro modo loqui liceat) quàm assumpta sub- stantia quæ medio modo pelluceret, eidemque inserto lumine, quod quidem solis radijs vinceretur, at nocturnas tenebras superaret.

Ad extrèmium explicandum superest quid de lunæ maculis sentiendum sit. Eius rei gratià notandum est, eam opacitatis asperionem, quam superiùs descripsimus, non omni ex parte æquabilem atque vniuniformem esse. Nam qua parte luna plus luminis suscipit, ea opacior est; qua verò minus, ea magis translucet: siquidem perspicuè partes lumen ebibunt, opacæ reddunt. Itaque lunæ maculæ (sic enim eas appellant) partes sunt ab opacitatis infectione liberiores. quòd enim translucet, nullos à se radios repellit, sed incidentes suscipit, sorbetque ac transmittit; quo fit, vt ex partes lunæ quæ minùs opacæ sunt, non visæ prætereantur, atque ita obscuritatis seu macularum speciem præ se ferant.

Sic intelligendos esse existimo Philosophos illos nostri sæculi, qui eas partes lunæ densiores esse dixerunt, quas nos opaciores; illas verò rariores, quas ab opacitatis infectione puriores esse diximus. Mirari verò nemo debet nos opacitatis nomen in cælis admittere, quandoquidem eam lumini propriam ac connaturalem esse propos. 31. lib. primi ostensum sit; minùs autem nobis probantur raritatis ac densitatis appellationes: nam quæ corruptioni obnoxia sunt, has primùm in materia velut conditiones exigunt, vt ad nouæ formæ susceptionem disponatur; quare inter præcipuas corruptibilitatis notas solent numerari.

Superest enodanda quorundam difficultas, quo pacto fieri possit, vt in maioribus solis defectibus tantæ apud nos tenebræ existant, cum alterum lunæ hemisphærium omnino diaphanum, alterum non profus opacum concedatur: mirum enim non aliquam luminis intensiorem per medio-opacam lunæ medietatem transperere. Respondeo duplici de causa id euenire: altera quidem, qua etiam nubes soli obiectæ nigrescunt propter luminis prohibitionem; quod tum maximè vsu venit, cum nubes densæ sunt ac profundæ. Ad eum ergo modum antica lunæ, quæ nubium magnitudinem innumeris partibus superat, in coitu non cernitur; quòd ob ingentem profunditatem multò difficiliorem

A ciliorem lumini traiectum præbeat, haustumque omnem lucis auersa illò regerat vnde accepit. Altera est figura spherica, quæ profectò facit, vt qui lunæ diaphanam præteruehantur radij, mox in punctum vnum conueniant, indeque in omnem circum partem diffusi procul ab aspectu nostro abscedant, id quod in crySTALLINIS spherulis manifestè apparet, quæ proinde ita conspectæ, obscuritatis potiùs quàm fulgoris speciem ostendunt. Quamuis fateri ingenuè oporteat, tenuem aliquam luminis portiunculam per lunæ obscuriorem partem transparere; quæ ad nos delata eo potissimum tempore, quo sol penitus delinquit, obscuram illam exhibet lucem, quæ à plerisque Philosophis lunæ propria esse existimatur.


B

DE VMBRIS.

PROPOSITIO LVII. THEOREMA.

Radius umbrosus, cum radio luminoso à quo procedit, in directum extenditur.


C **H**ISTO radius luminosus AB , cuius profluentia corpore opaco B intercipiatur: dico umbram corporis B cum radio luminoso AB in directum extendi, hoc est rectam lineam efficere, nempe AC . Si enim umbrosa linea cum luminosa AB non efficiat vnã rectam lineam, sit umbra corporis B à luminoso A proiecta BD , angulum cum luminoso radio AB efficiens ABD , cui recta subtendatur AD , quæ cum luminosa AB & umbrosa BD triangulum efficiat. Quoniam igitur angulus BAD infinite diuidi potest more ceterarum magnitudinum, poterunt & infinite rectæ lineæ à puncto A ad oppositum latus BD produci: at per 2. prop. huius libri ostensum est rectis lineis lumen efferri: ergo per singulas hæc rectas lineas poterunt quædam luminis productiones à luminoso corpore A ad lineam BD deriuari. imò nulum punctum in linea BD signari mente vel re ipsa poterit, ad quod radius aliquis luminis non pertineat: itaque linea BD non est umbrosa, sed luminis particeps contra hypothefin, quod fieri nequit. Eodemque modo ceteræ omnes rectæ lineæ, præter BC , quæ sola cum AB in directum extenditur, lumen ab A accipere ostendi possunt. Igitur radius umbrosus, cum luminoso à quo procedit, in directum extenditur; quod erat demonstrandum.



PROPOSITIO LVIII. THEOREMA.

E *Umbra finita partim opaco corpore, partim lumine circumfuso velut extrinseco termino definitur.*

LUMINOSVM exponatur corpus AB , opacum verò CD , cuius umbra in punctum E terminetur: dico umbram CDE partim corpore opaco CD , partim lumine vndique circumfuso velut extrinseco termino definiri. Cum enim opacum corpus CD radios omnes, qui ab AB in ipsum incidunt, intercipiat, nullumque eorum longius penetrare patiat, erit ipsum velut commune luminis atque umbræ interstitium, ac proinde & communis erit vtriusque terminus. Deinde cum radij luminosi AC & BD , ad extrema puncta corporis opaci porrigantur, erunt quoque CE & DE extremi radij umbrosi; siquidem per præcedentem propositionem radius umbrosus cum luminoso à quo procedit, in rectam lineam extenditur. Igitur quodcumque punctum extra umbram CDE assumptum fuerit, id omne luminis particeps erit, cum ad illud rectus luminis processus deriuari possit. Quare um-



bra C D E hinc lumine circumfuso, inde corpore opaco C D ceu termino extrinfeco de A finitur; quod erat demonstrandum.


PROPOSITIO LIX. THEOREMA.

Idem corpus opacum tot de se umbras fundit, quot opponitur luminaribus.



VOTIDIANA experientia illustriorem facit huius theorematum veritatem, quàm ut ratione probari debeat. Quis enim non videt in maioribus B tricliniis, vbi pensiles lychni accenduntur, à variis luminibus vndique promissis, plurimas umbras huc illucque passim oberrare, quasdam obscuriores ex plurium luminum interceptione, quasdam clariores pluribus luminibus expositas, quasdam velut insectas, atque ex diuersis compositas. Hæc licet omnium oculis pateant, libet tamen hanc etiam adiungere demonstrationem.

Cum propositione 18. huius libri ostensum sit diuersa lumina per idem medium se mutuò distincta penetrare; nunc autem propositione 57. probatum sit compositos ex lumine & umbra radios rectas lineas efficere; perspicuè sequitur umbras luminum multitudine numerari. Sint enim duo luminosa A & B, corpusque C adiopton non in directum cum ipsis luminosis expositum: palàm igitur non esse vnam rectam lineam, quæ ab utroque luminoso ad opacum corpus ducitur: itaque radij luminosi à diuersis luminaribus A & B, ad idem corpus adiopton C profusi numero distinguuntur, sicut & ipsa luminaria. Cumque omnes radij ab A & B promissi in corpore opaco C vnà congrédiantur, si producti illi fuerint, se mutuò necessariò interfecabunt per 11. axioma à Clauio Euclidi additum. At per præcedentem 57. propositionem radij umbrosi cum luminosis à quibus proueniunt, rectas lineas constituunt: igitur umbrosæ lineæ eadem multitudine numerantur, qua ipsæ luminosæ, quibus cohærent. Si enim umbrosæ, posteaquam iam inde ab opaco corpore in oppositas partes discessere, non distinctas, sed vnam dumtaxat lineam efficiant, habebit hæc vna plurima segmenta communia, omnes scilicet illos luminosos radios, quibus hic vnicus umbrosus continuari asseritur. At per 10. axioma Euclidis ex Clauij additione, plures rectæ lineæ nequeunt habere idem segmentum commune: itaque distincti sunt umbrosi radij, qui à distinctis luminosis radiis proficiuntur: quocirca idem corpus opacum tot de se profundit umbras, quot opponitur luminaribus; quod erat demonstrandum. E



PROPOSITIO LX. THEOREMA.

Corpus opacum in aduersam luminis partem umbram projicit.



CORPVS umbrosum luminoso expositum in duas distinguitur facies: altera luminosum prospectat, ab eoque vicissim nitentibus perfunditur radiis, altera benefico illo splendore destituta, mœstaque sui consortis luget absentiam: hanc aio fulgenti corpori oppositam esse; siquidem per 57. propositionem huius libri umbrosus radius cum luminoso à quo procedit, vnam rectam lineam componit, cuius partes opacum corpus ceu commune vinculum copulat, & hinc luminosam, illinc umbrosam ab inuicem discescit. At maximè ea opponuntur, quæ per eandem rectam lineam à medio quodam signo vtrimque discedunt: igitur luminosum corpus, & quæ ab intercepto eius radio umbra progignitur, opaci corporis respectu maximè opponuntur. hæc etenim in eadem linea constituta, medium corpus opacum relinquunt. Sic opaci quoque corporis ea facies quæ obumbratur, ei quæ lucido corpori directè obijcitur, è diametro aduersatur: siquidem vnus eiusdemque corporis ex partes maximè distant, quæ oppositas plagas respiciunt: itaque siue

A siue extrema cum medio, siue medium cum extremis comparentur, semper corpus opacum in aduersam luminis partem umbram projicit. Nam & umbra luminoso corpori, respectu medij opaci, opponitur, & opaci corporis facies quæ obtenebrescit, opponitur ei quæ lumine collustratur, si ambæ cum extremis, ad quæ respiciunt, conferantur. Patet igitur id quod propositum fuit.

PROPOSITIO LXI. THEOREMA.

Corpus opacum quò plures radios luminosi intercipit, eò amplio-rem umbram producit.

B

OBSERVA hoc loco non agi de umbræ longitudine, cum fieri queat, ut minimum corpus opacum umbram projiciat longitudine infinitam; sed de latitudine, crassitieque, quam eò amplio-rem esse dico, quò opacum corpus plures luminis radios intercipit. Cum enim umbra lumini quodammodo aduerfetur, velut habitui priuatio; necesse est eadem quæ lumini, ipsi etiam umbræ, sed contrariè obuenire. Itaque quemadmodum lumen eò est maius, quò plures radios continet, & obiectum corpus tantò latius illustratur, quantò plures radios suscipit; ita umbra tantò est maior, quantò plures continet umbrosos radios. At tot continet vnaquæque umbra radios umbrosos, quot luminosos opacum prohibet, cum nil aliud sit umbra, quàm luminis prohibitio. Ut igitur vnus radij luminosi interceptio vnus est radius umbrosus, ita plurium luminosorum absentia, plures umbrosos inuehit per 3. hypothefin; & veluti plures luminis radij maius lumen, sic plures umbrosi amplio-rem umbram conficiunt. Corpus igitur opacum quò plures radios luminosi puncti intercipit, eò amplio-rem umbram de se fundit; quod erat ostendendum.

C

CONSECTARIVM.

Maius opacum corpus, maiorem umbram progignit.

HOC perspicuè sequitur ex iam explicato theoremate. Siquidem quò maius est obiectum corpus, eò plures suscipit luminis radios: at hos omnes sistit arcetque idem opacum, ac tot umbrosos radios gignit, quot luminosis transitum prohibet: igitur quò maius est opacum corpus, eò maiorem umbram de se fundit; quod erat probandum.

PROPOSITIO LXII. THEOREMA.

Umbra iuxta ac lumen proprio quodam pacto intendi ac remitti potest.

E

SUPERIORE propositione obiter diximus nonnulla eorum, quæ lumini propria sunt, ipsi quoque umbræ, sed contrariè obuenire. Est autem id longè verissimum. Cum enim umbra sit luminis absentia, erit maior umbra maioris luminis, & minor minoris, & maxima omnis luminis absentia. Huic rei illa in primis fauet obseruatio, quòd videamus densissimas tenebras exiguo luminari non statim depelli, sed maximo ad id opus esse. Est igitur non in lumine tantum, verum etiam in umbris ipsis latitudo quædam secundum magis & minus æstimata.

F

Hinc obscuriores tenebras densas appellare solemus, nec omnino improprie. Nam lumen ac ceteræ qualitates omnes, quæ in eadem subiecti parte incrementum aliquod adipiscuntur, qualitatis accessione augentur; cum autem in eadem subiecti parte accessio fit qualitatis, tota quodammodo qualitas densatur, non secus ac plura corpora cum in angustum locum arctius compinguntur, densari ac propemodum coire videntur. Eodem igitur modo umbra minor, quoniam portiunculam aliquam luminis retinet, ut ex duodecima huius libri definitione liquet, cum hoc etiam lumine destituitur, tota umbra densior quodammodo iam facta videtur, sed contrariè quàm lumen: nam lumen luminis accessione densatur, umbra verò luminis priuatione, quæ velut umbræ accessio est; cum verè umbra sit luminis priuatio.

Ex hac augmenti & decrementi varietate diuersi existunt obscuritatis gradus: nam

umbra & tenebræ sola intensiōnis ac remissionis inæqualitate distinguuntur. siquidem **A** umbra minimè omnium obscura est; omnium verò maximè tenebræ: quæ si solaris luminis comparatione spectentur, umbra minoris luminis est absentia, maiore asseruato per 12. definitionem huius libri; tenebræ autem eam significant obscuritatem, quæ externa hominum opificia interrumpit, aspectusque vsuram tollit. Tenebras inter ac solis umbram media illa est crepera lux, quæ solis exortum proximè antecedit, atque occasum subsequitur: hanc Philosophi propter ambiguitatem, qua dubitare meritò quis posset, sitne umbra an tenebræ, dubiam esse voluerunt, propriaque appellatione Crepusculum appellarunt.

Rursus singulæ istæ obscuritatis differentiæ varios gradus secundùm magis & minus **B** sortiuntur. Umbra enim secunda obscurior est quàm prima, & tertia quàm secunda, ac sic deinceps, vt paulò infra ostendemus. Crepusculi item dubius ille fulgor, quantò sol propius accedit ortuui finitori, tantò clarius elucescit; at postquam sol occubuit, quò altius sub finitore demergitur, eò magis magisque aër obtenebrescit. Demum ipsæ quoque mediæ noctis tenebræ tum quidem densissimæ sunt, cum nubilo cælo sol lunaque coniungantur: mediocres autem, cum aliquis astrorum splendor sereno cælo ad nos profunditur.

Ex his itaque perspicuum esse arbitror, umbram iuxtà ac lumen quadamtenus intendi ac remitti, non, vt veræ qualitates assolent, qualitatis accessione, cum ipsa non qualitas sit, sed qualitatis priuatio: sed contrariè; hoc est, auctioris luminis prohibitione; quod **C** erat demonstrandum.

PROPOSITIO LXIII. THEOREMA.

Umbra multiplicata obscurior est.

HÆC quoque proprietas quamdam cum lumine affinitatem habet. Vti enim lumen alterius luminis accessione augefcit, ita & umbra accedente alia umbra, obscurior euadit. Nam si duo luminaria exponantur, hisque opacum corpus obiiciatur, non in eadem recta linea cum illis constitutum; **D** palàm est totidem umbras opacum ipsum corpus profundere, quot existant luminaria per 59. proposit. huius libri. Verùm vbi eæ sese interfecabunt, perspicuum est vel ipsis oculis testibus obscuriorem umbram iuxtà corpus opacum existere: non verò aliam ob causam, quàm quia hic locus vtriusque luminaris fulgore destituitur; reliquis autem alterius tantùm. Quod profectò nil aliud est, quàm locum illum corpori opaco proximum duplicata umbra obscurari: siquidem duplex luminis priuatio quid aliud esse potest quàm gemina umbra? cum definitio umbræ priuario sit luminis. Multiplicata igitur umbra proprio quodam pacto obscurior est, ac tenebris propinquior; quod demonstrare oportebat.

PROPOSITIO LXIV. THEOREMA. **E**

Umbra secunda obscurior est quàm prima, & tertia quàm secunda, atque ita deinceps obscurior semper illa, qua proximo gradu subsequitur.

RA T E T hæc propositio ex decima tertia huius libri definitione, ex qua constat umbram primam nil aliud esse quàm lumen illud imminutum, quod definitione septima secundum esse diximus, eodemque modo secundam umbram cum lumine tertio conuenire. Hoc autem cum ita sit, probatum **F** relinquatur umbram secundam prima obscuriorem esse, & tertiam secundam; siquidem lumen tertium, quæ secunda est umbra, secundo ignobilius est, & quartum tertio, eodemque ordine sequens semper vno dignitatis gradu inferius est. nam tertium lumen excludit secundum; & quod quarto sequitur loco, tertium simul & secundum. Igitur sequens semper lumen maioris luminis priuatione comitem habet. Quamobrem & umbræ ordine sese mutuò consequentes, vnum semper obscuritatis gradum nanciscuntur, cuius accessione tamdiu augentur, quoad tandem in densissimas tenebras permulentur.

A PROPOSITIO LXV. THEOREMA.

Vmbra corpori opaco propinquior, obscurior est; & longè etiam quam re ipsa sit, obscurior apparet.


B **D**E plena atque perfecta vmbra hæc propositio est accipienda; non autem de mediâ atque imperfecta, quam definitione decimaquinta huius libri plenâ vmbra minus obscuram, & in se minimè vniformem esse ostendimus: quod in ceteris quoque, quæ hætenus de vmbriis dicta sunt, præmonuisse oportuit.

Non rectè Vitello libro 2. suæ Opticæ propositione 31. in huius theorematum demonstratione ratiocinatur: nam assumptio quidem eius vera est, eam scilicet ob causam obscuriorem esse vmbra corpori opaco viciniorem, quòd hæc maius lumen excludat: at probatio assumpti ex falsis elicitur. Argumenti hæc est summa: Lumen à fulgenti corpore longiùs prouectum sensim velut contabescit: igitur prope opacum corpus quàm hinc deinceps robustius est. Quare vmbra inter extremos luminis radios coërcita, quò propinquior est opaco corpori, eò excellentius lumen à se excludit, ac proinde ipsa obscurior est; quandoquidem obscurior illa sit, quæ maius lumen excludit.

C In hac probatione illud quidem verissimè assumitur, lumen à primo suo exortu longiùs prolapsum continuo languescere, vt propositione 5. libri huius est demonstratum, ac maius proinde lumen circum corpus opacum, quàm hinc deinceps existere. Verùm nequaquam ex eo conficitur, vmbra quæ iuxta opacum corpus versatur maius lumen excludere, cum posterior quoque vmbra hoc ipso priuetur: opacum siquidem corpus omne lumen intercipit, quod rectis lineis in ipsum incurrit. Quare totum id spatij, quod ambientibus radiis continetur, toto lumine directè in opacum corpus procidente destituitur. Ac proinde si hæc sola causa spectetur, toto spatio quod directis interdicatur radiis, vmbra æqualiter diffusa est, contra Vitellonis sententiam.

D Fit autem ex accidenti, vt in loco corpori opaco proximo maior vmbra existat, quia scilicet circum luminosum corpus diffusus aër luminis quodammodo est particeps, à quo proinde in remotiores ab opaco corpore partes non minima portiuncula deriuatur, qua cum viciniore destituantur, hæc magis obtenebrescent. Exemplo res fiet illustrior.

E Est corpus luminosum A B corpori opaco C B æquale, sitque vmbra perfecta id totum quod radiis C E & D F continetur: circum vero luminosum corpus sit diffusus aër G H: hic quoniam tum propter ingenitam aliquâ densitatem, tum propter



vapores quibus distenditur, portiunculam aliquam luminis retinet; eiusque particeps sit spatium CEK vt & DFK, perspicuè colligitur remotiores ab opaco corpore partes CEK & DFK minus quàm CKD obumbrari: nam CEK & DFK, seu spatium quod intimam vmbra CKD circumcingit, solo lumine directè in corpus opacum incidente destituitur; non verò illo quod circumfusum aër promittit: at CKD vtroque priuetur.

F Nunc explicanda superest altera propositionis pars, quòd videlicet circa opacum corpus vmbra obscurior etiam quàm re ipsa sit, appareat. Cum vmbra lumen sit imminutum, maioris quod circumstat luminis comparatione, per 12. huius libri definitionem: quò excellentius erit circumstans lumen, eò efficacius perstringet intuentium acies, vberiusque id quod minus est obfuscabit. obscurius ergo hoc, quàm re ipsa sit, apparebit.

Hæc apparentiæ inæqualitas non ita euidenter in solis vmbra cernitur; vt in illa, quæ ab impedito lucernæ radio prouenit: nam solis fulgor propter excellentiam, ingentemque solis intercapedinem, totam ferè hanc nostrâ aëris regionem qua fruimur, ex æquo perfundit: vnde fit, vt iuxta opacum corpus non exquisitius lumen appareat, quàm in partibus procul distitis. at lucernæ flammula breuem aëris ambitum conspicuè illumina-

nat, ac mox non longo hinc recessu insigniter immutatur. Itaque vbi maior est splendor, ibi umbra manifestè obscurior apparet, ob eam quam diximus causam. A

PROPOSITIO LXVI. THEOREMA.

Puncti umbra semper est linea infinita.

PERSPICUA est huius veritatis demonstratio. cum enim umbræ magnitudo ex magnitudine intercepti luminis æstimerur, tanta erit umbra cuiusque corporis opaci, quantum est lumen, quod interiectu corporis umbrosi sistitur, ac transitu prohibetur. At punctum maiorem luminis partem prohibere non potest, quàm indiuisibilem; siquidem id tantum luminis impeditur, quod in ipsum corpus opacum cadit: in punctum verò opacum indiuisibile lumen procidit indiuisibile: igitur indiuisibile est id luminis, quod ab indiuiduo puncto opaco arcetur: quocirca umbra puncti semper est linea, illa scilicet, quæ cum interrupto luminis radio in directum extenditur. B

Est porrò infinita longitudine hæc linearis umbra: quippe eousque procedit, quousque luminis affluentia prohibetur. At hæc prohiberi non potest: nam præter vnicum radium nullus omnino alius potest à puncto luminoso ad umbram puncti opaci attingere. Quòd puncti luminosi radius, umbraque puncti opaci, in rectam lineam extendantur per 57. propositionem huius libri. quo fit vt qui eò peruenturi erant radij, occursum puncti opaci prohibeantur; qui verò non per opacum punctum porriguntur, quò longius abeunt, eò ampliori interuallo ab umbroso radio diuellantur. Igitur quantumuis producta fuerit linearis umbra, numquam deficiet, cum ad ipsam nullus lumini accessus pateat, obfistente à principio opaco puncto, ne vel tenuis aliquis luminis radius ad oppositam umbram pertineat. C

Notandum hoc loco est, nos per punctum luminosum atque opacum, itemque per linearem umbram non intelligere eiusmodi indiuidua, qualia subtilitate mathematica sola mens assequitur: sed crassiora ac physica, queis scilicet minora externus sensus non caperet, licet ea mentis aciem minimè fugiant: quod & in sequenti sermone sæpius erit aduertendum. D

Deinde hoc etiam notandum est, puncti umbrosi nullam esse posse umbram perfectam, si corpus ipsum luminosum amplitudine aliqua præditum sit. Nam umbra perfecta ea est, ad quam nullus radius corporis luminosi attingit. Sed si corpus luminosum amplitudinem quamdam habeat, omnes eius radij ad linearem umbram puncti opaci liberè pertinent, vno dumtaxat excepto, qui cum umbrosa linea in directum procumbit. Igitur longissime distat puncti umbra ab umbra perfecta: illa siquidem adeò tenuis est, vt solo indiuisibili à non umbra dissideat. At si ipsum quoque luminosum corpus sit punctum, erit linearis illa, quam diximus, puncti opaci umbra omnium perfectissima. D


Non vno modo linea umbrosa corpori lucido obijcitur; ex varia autem eius dispositione, nunc linearis, nunc superficiiei in modum umbra proijcitur: quod quamuis vniuersè pronuntiatum ita se habeat, placet tamen duabus sequentibus propositionibus singulos modos sigillatim enucleare, tum vt res clarior euadat, tum quia non vna est vtriusque explicatio. E

PROPOSITIO LXVII. THEOREMA.

Si linea opaca lucenti corpori ita obiecta fuerit, vt producta ipsum secet, erit umbra eius linea interminata. F

LUCIDO corpori A B recta obijciatur linea C D, eo inquam situ, vt versus luminosum producta, illud secet in E; nihil porrò interest rectos ne an obliquos angulos cum A B ad signum E faciat: dico umbram D F rectam lineam esse, eamque interminatam. Quoniam enim ex hypothesi E D recta est linea, & per 57. proposit. huius libri E C & D F in directum sunt constitutæ, erit tota E C D F in directum exposita: quare & pars eius D F ex æquo suas interiacet partes. Verùm quòd hæc ipsa D F latitudinis sit expers, ex eo probatur, quòd umbra

A umbra à puncto luminoso & opaco indiuisibili profecta latior esse non possit quàm punctum, vt propositione superiore est demonstratum. At cum CD linea sit secundum latitudinem infestilis, erit & E luminosi corporis punctum indiuiduum: igitur umbra DF quæ ab indiuiduo luminis puncto E infestilique linea CD proficiscitur, latitudinis est expers: quocirca ipsa recta est linea per 2. definitionem primi Euclidis.




B Quod autem interminata ea sit, eodem modo probari potest, quo superiore propositione umbra puncti ostensa est infinita. Quoniam enim DF cum puncto E in directum est sita, quantumuis producat, nullum unquam luminis radium à puncto E suscipere potest, ideoque interminata conuincitur; siquidem omnis umbra eousque procedit, quousque nullis à luminoso corpore eumbratis radiis prohibetur.

Idem quoque hoc loco obseruandum est, quod propositione 66. notandum esse diximus; uidelicet à linea umbrosa nullam posse obuenire perfectam umbram, si corpus luminosum magnitudine aliqua præditum sit, & linea umbrosa eam habeat constitutionem, vt producta luminosum secet. Cuius proprietatis eadem est causa, quæ & umbræ puncti: siquidem ab utraque parte corporis luminosi AB , scilicet ab A & E & E & B , ad umbram DF radij luminosi protenduntur. Quod si luminosum corpus sit solum punctum, idque cum linea umbrosa in directum expositum, erit umbra DF plena atque perfecta, cum proueniat à totius luminis interceptione. Cuiusmodi etiam umbra proueniet, si luminosum fuerit linea, umbrosæ seu opacæ lineæ parallela, aut quæ ita saltem illam respiciat, vt utramque intuenti inuicem se non videantur interfecare: tum enim ex totius luminis exclusione, perfecta itidem umbra producet. (cuius qualisnam futura sit figura, sequenti propositione declarabimus.) Si verò se mutuo interfecerint, tum certè perfectæ umbræ productionem luminis in ipsa intersectione circumfusio prohibebit.

PROPOSITIO LXVIII. THEOREMA.

D *Si recta linea umbrosa producta corpus luminosum non secet, erit umbra eius plana superficies.*

E **F** **H**ISTO corpus lucidum AB , eique linea opaca CD ita obiecta, vt, si producat, corpus luminosum non secet, sed vel attingat tantum, vel omnino non tangat: dico huius lineæ umbram planam esse superficiem CED : nam illud omne spatium umbrosum est, ad quod radij luminis non pertingunt. At productis radiis AC & BD ab extremitatibus corporis luminosi, per extrema lineæ opacæ, hi umbram illam definiunt, ad quam nulli, præter hos, radij attingere possunt, cum ipsi extremi sint. Igitur CED umbra est lineæ CD à prohibito fulgore corporis AB proiecta. Cum verò recta sit linea CD ex hypothesi, itemque CE & DE ex constructione rectæ, erit umbra CED plana superficies. nam per 2. vndecimi Euclidis, quod tribus rectis lineis continetur, plana est superficies.



Quemadmodum linea, ita & plana superficies duobus modis luminoso corpori obijci potest. Igitur qualem hæc umbram proijciat, ex sequentibus duabus propositionibus fiet manifestum: quarum altera quo situ superficiæ umbra sit superficies, altera quo situ eiusdem superficiæ umbra sit corpus, ostendet.


PROPOSITIO LXIX. THEOREMA.

A

Si opaca superficies producta corpus luminosum secet, erit umbra eius plana superficies.



IT AB corpus luminosum, eique obiecta superficies CD, sic vt producta concurrat cum corpore luminoso, illudq; secet in communi sectione EF: dico vmbra eius planam esse superficiem. Producatv enim vtrimque ipsa EF communis sectio corporis luminosi, & superfici opacæ, sintq; productæ ipsius EF extrema G & H, à quibus per D & I extremitates superfici opacæ radij producantur GK & HK: quoniam ergo per 58. proposit. libri huius vmbra cuiusque rei partim radiis luminosis vndique stipantibus, partim re ipsa opaca circumscribitur, pater vmbra obiectæ superfici CD eam esse, quæ lineis DK, IK, & DI continetur: at rectæ hæ lineæ DK, IK, & DI triangulum claudunt IKD: igitur per 2. vndecimi Euclidis vmbra superfici CD plana est superficies; quod erat demonstrandum.




Est porrò hæc quoque vmbra dimidiata seu imperfecta: siquidem solius luminis, quod ex GH proficiscitur, prohibitione exoritur. Nam quod ex AG & HB profunditur, ab vmbra IKD interpositione superfici CD minime arcetur: non potest itaque à plana superficie, perfecta vmbra plana provenire, nisi luminosum ipsum recta sit linea in eodem existens plano, in quo & opaca superficies quæ vmbra facit. Nam si corpus fuerit, vel superficies secundum latitudinem ab opaca superficie intersecta; ab omni eius parte, non qua ab opaca producta D non interfecatur, radij promissi vmbra perfectionem imminuent.

PROPOSITIO LXX. THEOREMA.

Si opaca superficies producta non secet luminosum corpus, erit umbra eius quoddam solida figura genus.



ESTO luminosum AB, exposita que opaca superficies CDEF, quæ producta ipsum luminosum non secet: dico vmbra CDEFK genus esse figuræ solidæ. Cum enim linea CD corpori ita luminoso AB obijciatur, vt producta, ipsum non secet ex hypothesi, erit vmbra eius CKD plana superficies per 69. propositione huius. Eodemque modo ostendetur vmbra linearum DE, EF, & FC



planæ superficies esse: igitur vmbra superfici CD EF, quæ his superficiebus vmbra tili- bus definitur, solidam figuram obtinet. etenim solidum est, quod longitudinem latitudinemque & crassitudinem habet per primam definitionem vndecimi Euclidis: at vmbra CDEFK, longitudinem habet CD, latitudinem verò CE, crassitudinem autem quæ a basi CE ad verticem K interiacet: igitur quæ à superficie CE profunditur vmbra, si illa corpus luminosum nulla sua parte interfecet, figuram quamdam nanciscitur de genere solidarum, cuius modus extremaque circumscrip- tio ex corporis luminosi & opacæ superfici comparatione dependet; quod erat demonstrandum.

PRO-

PROPOSITIO LXXI. THEOREMA.

Vti puncti umbra semper est linea, ita corporis umbra semper est corpus.



ROXIMIS superioribus propositionibus ostendimus lineæ umbram quandoque lineam, quandoque superficiem esse: itemque umbram superficiem interdum esse superficiem, interdum corpus. Cuius profectò ea est ratio, quòd & lineæ & superficies quodammodò sectiles sint, quodammodò insectiles. Quoniam enim puncta omnia lineæ in directum extendi possunt, fit vt quodam situ umbra eius recta sit linea, quemadmodum & puncti, cum nimirum longo post se ordine collocata simul omnia idem luminosum punctum spectant: tum enim vnus puncti rationem obtinent: quare omnium vna est linearis umbra sicut & puncti. Rursum quoniam longitudo rectæ lineæ sectilis est, fit, vt cum ipsa longitudo qua sectilis est, luminoso obuertitur, umbra eius sit superficies: at verò quia latitudinis est expers, fieri nequit vt eius umbra aliquando sit corpus, cum necesse sit corpoream umbram à gemina dimensione, quæ in linea nequaquam reperitur, prouenire.

Vti de lineæ, ita de superficie ratiocinari oportet. Hæc namque quoniam nequit omnia puncta in rectam lineam constituta habere, etiam fieri non potest vt linearem umbram proiciat. Est verò eius umbra subinde plana superficies, sicut & lineæ umbra, quòd omnes quotquot in ipsa sunt lineæ, ex æquo distendi possint, eaque ratione luminoso corpori obiectari. At quoniam præterea secundum latitudinem spectare ipsum luminosum potest, fit vt si ea ratione luminoso corpori obiectatur, tum eius umbra sit corpus. Siquidem longitudini latitudiniquæ quæ in proposita superficie ceu basi umbræ reperitur, etiam profunditas accedit ex umbrosi radij profusione.

Iam vti punctum vnde quaque insectile est, ita è contrario corpus omni ex parte diuiduum est. Ex quo illud consequitur, vtrumque vnicam dumtaxat umbram producere: punctum quidem linearem, vt superius est demonstratum; corpus verò, solidam siue tergemina dimensione extensam, quod secundo loco fuit propositum.

PROPOSITIO LXXII. THEOREMA.

Si sphaera luminosa sphaera opaca equalis fuerit, erit umbra illius cylindrus interminatus.



SIT luminosum spheroides AB æquale opaco D ; à luminoso autem ad opacum radij tangentes procidant, è quorum numero duo sunt AC & BD , qui infinite producantur versus E & F , quemadmodum & ceteri, qui à luminoso corpore ad opacum tangentes porriguntur: dico umbram radiis contingentibus,



inter quos CE & DF , comprehensam, cylindrum esse interminatum. Quoniam enim æquales ponuntur sphaeræ luminosa scilicet & opaca, erunt radij AC & BD , & quotquot eosdem circulos maximos attingunt, paralleli. A centrīs namque ad loca contactuum rectæ ducantur HA , HB , KC & KD : quoniam igitur æquales ponuntur sphaeræ, erunt & semidiametri HA & KC æquales. Sunt verò iidem & paralleli per 7. lemma huius libri: igitur quæ has connectunt AC & HK , sunt parallelæ per 33. primi Euclidis. Eodem verò modo quotquot alij vtramque sphaeram contingunt vt BD , parallelæ ipsi HK ostendi possunt. Itaque AC & BD , ac ceteri omnes qui sphaeras attingunt, inter se sunt paralleli per 30. primi Euclidis. Producti igitur versus E & F , licet infinite, numquam tamen concurrent, per 35. definitionem primi Euclidis: quare infinita erit corporis CD umbra, hæc enim eousque procedit, quoad radiis concursantibus terminetur: hoc autem cum nusquam eueniat, infinitam esse umbram oportet, erit porro eà umbra cylindrus: quoniam si bases ipsi ad rectos angulos subtendantur, hæc circuli erunt, maximis qui in sphaera CD sunt circulis æquales.

PROPOSITIO LXXIII. THEOREMA.

Si sphaera luminosa maior fuerit opaca, erit umbra illius conus basin habens circulum ex radiorum contactu descriptum, Verticem autem in radiorum concursu.




STO sphaera luminosa AB maior opaca CD ; radij autem luminis utramque sphaeram circumcirca contingant, inter quos numerentur AC & BD : hos aio productos ad partes minoris sphaerae CD , tandem aliquando congressuros per 11. lemma huius libri. Palam igitur umbram CDE conum esse, cuius basis circulus sit, circa diametrum CD exaratus, in quo nimirum omnes luminosi radij a sphaera AB delapsi, opacam sphaeram CD attingunt. Vertex autem sit punctum E , in quod iidem radij producti vna omnes congregiuntur.

Hic porro conus, si corporum intercapedo mutetur, nec eandem semper habet basin, nec semper altitudinem eandem: nam ex 48. propositione constat sphaericum luminosum maius est propinquo maiorem partem opaci corporis illustrare, quam est remoto: igitur conus umbrosi basin ex distantiae incremento vel decremento augeri minui oportet. Quod verò etiam altitudo mutetur, ex lemmate 13. perspicuam habet demonstrationem: quia namque per iam citatum lemma, qui utramque sphaeram contingunt radij, tum longius concurrunt, cum sphaerae longius ab inuicem distrahuntur, iamque constet ex propositione 58. umbram radiis tangentibus contineri, sit ut aucto corporum interuallo prolixiores umbrae euadant. Mutatur ergo conus umbrosi & basis & altitudo, mutata corporum distantia, quod erat ostendendum.

Hac observatio in Astronomicis rebus non leue momentum habet: si enimingas AB solare corpus esse, CD verò lunare, nullo negotio ea omnia demonstrari poterunt quaecunque circa utriusque astri distantias, defectiones, ac magnitudines phaenomena nobis in terra constitutis apparent, ut ex consecutariis, quae ad sequentem propositionem adiungemus, perspicuum fiet.

PROPOSITIO LXXIV. THEOREMA.



Si sphaera luminosa minor fuerit opaca, umbra continuo auctatum longitudine, tum latitudine in infinitum abibit.



MINOSA sphaera AB minor existat quam opaca CD , radij autem proci-
dat, qui utramque;
sphaera toto con-
tingant ambitu,
in quibus cen-
seantur AC & BD , qui versus
 E & F infinite cum ceteris pro-
ducantur: dico umbram cor-
poris CD radiis CE , DF , ac ce-
teris circumambientibus con-
tentam in infinitum abire, ac in
progressu perpetuo latitudinis

incremento ampliari, forma turbinis coluri, refecto scilicet mucrone, quam celebris ille Callimachus, ab Atheniensibus Catatechnos appellatus propter artis statuariæ elegantiam, capitulo Corinthio primus attribuit, ut scribit Vitruuius l. 4 c. 1. Hanc à calathi similitudine καλαθησίδω rectè possumus appellare. Nunc propositum ostendamus.

Cum sphaera AB minor sit sphaera CD ex hypothese, qui has contingunt radij AC & BD producti ad partes sphaerae minoris, tandem aliquando concurrent per 11. lemma huius



A huius libri. Sit ergo commune congressionis signum κ , & $\kappa C D$ triangulum, cuius basi CD si parallela ducatur EF , à concursu κ remotior quàm CD , erunt triangula $\kappa C D$ & $\kappa E F$ æquiangula per 4. lemma huius libri. quare proportionalia erunt latera, quæ circum æquales sunt angulos, per 4. sexti Euclidis: igitur, vt κE ad $E F$, ita κC ad CD ; & permutando, vt κE ad κC , ita $E F$ ad CD , sed κE maior est quàm κC , cum remotior $E F$ quàm CD à concursu κ esse supponatur: itaque & $E F$ quàm CD maior erit. Sic ergo quò longius itur, eò semper dilatari magis magisque vmbra conuincitur: siquidem vt iam ex 4. sexti Euclidis ostensum est, ita se habent inter se dilatationum incrementa, quemadmodum longitudinum productiones.

B Licere autem eo pacto infinite progredi, inde potest demonstrari, quòd radij luminosi versus E & F , quantumuis producti, numquam tamen congregiantur: scilicet anguli $E C D$ & $F D C$, duobus rectis sunt maiores; oportet autem vt ad eas partes coëant, vbi sunt anguli $A C D$ & $B D C$ duobus rectis minores per lemma 11. huius libri. Cum itaque radij $A C$ & $B D$, ad partes E & F numquam possint concurrere, sequitur necessariò vmbra corporis CD infinite protendi: non enim prius vmbra deesse potest, quam aduente lumine profligetur per 3. huius libri hypothesin.

Habet hæc etiam vmbra forma suos incrementi & decrementi modulus, ex corporis luminosi atque opaci propinquitate distantiaque oriundos. Nam cum duo hæc corpora sibi mutuo viciniora fiunt, minuitur quidem CD basis, vt ex propositione 49. constat; at in recessu vmbra diducitur, atque ampliolem in modum dilatatur: contrariè namque se habent vmbrosi luminosi que radij. vt ergo per 13. lemma huius libri, radij luminosi $A C$ & $B D$, cum propinquiora fiunt ipsa corpora, arcuius versus luminosum $A B$ constringuntur, ita e contrariò vmbrosos radios CE & DE , oppositam in partem productos expandi, latitudinisque incrementum capere est necesse.

CONSECTARIVM I

Sol altiori celo est constitutus quàm luna.

D NAM si oculus in κ transportetur, fiantque optici, qui antè luminis radij erant, κC & κD : quoniam igitur in solis ac lunæ perfectæ coniunctione, quando scilicet vtrumque sidus in rectam lineam cum aspectu nostro dispositum est, solis aspectus surripitur interiectu lunaris globi, necessariò concludimus solem lunâ altiolem esse. nequit enim quod propinquius est, eo quod longius distat ab aspectu nostro arceri. optici namque radij sola corporis opaci interpolatione prohibentur: igitur in solis defectionibus luna inter aspectum nostrum ac solem interuenit; quo fit vt sol altiori celo sit constitutus quàm luna. Nec mirum videri debet maioris astri prospectum à minori interpellari, cum demonstratum iam sit radios κE & κF , quò longius prouehuntur, eò semper amplius diuaricari; minus autem corpus AB omne illud obumbrat, quod intra radios AE & BF infinite protensos coërcetur.

E CONSECTARIVM II.

Solis defectiones non semper æquales existunt.

ESTO namque, vt supra, AB lunaris globus, oculus autem in κ radiorum concursu constitutus: quoniam igitur qui ante luminis radij erant, nunc optici sunt, idem modò aspectui eueniet circa solis defectiones, quod prius luminoso corpori, vmbrae projectæ comparatione. Cum enim sol propter excentricum motum nunc propior nobis sit, nunc à nobis remotior; consequens est, vt aliquando maiori, aliquando minori radiorum interuallo comprehendatur: siquidem dum propior est, minori radiorum spatio ambitur: quare tum breuiori temporis mora ab aspectu nostro ereptus post lunare obstaculum delitescit; dum verò remotior est, ampliori intercapedine radiorum circumseptus, diutius post lunam demoratur.

Sed & lunæ accessus recessusque non parum huic rei conducit. Namque tunc maximam esse oportet solis defectionem, cum luna proxima nobis est, sol autem hinc remotissimus. luna enim quò propior est, eò maiori angulo conspicitur per primum lemma libri quarti: quare & amplior est tum radiorum diuaricatio. Rursum sol quò remotior à nobis est, eò longius à se distitos habet circumquaque radios illos, qui per ambitum lunaris globi producuntur: palàm itaque in hac astrorum constitutione maximam esse

debere solis defectionem; omnium verò minimam, cum luna quidem longissimè à nobis abest; sol autem proximus est. Vtriusque præclara exempla habes recensita à Clauio in cap. 4. Sphærae Ioannis de Sacrobofco, quæ & se vidisse affirmat: Alterum Conimbricæ, anno partæ salutis 1559. circa meridiem, quo sol multo tempore post lunæ opacitatem delituit, tantæque fuerunt tenebræ, vt vbi quis pedem figeret non videret, & stellæ clarissimæ in cælo apparerent; auesque ex aëre in terram deciderent præ horrore tam tetre obscuritatis. Alterum Romæ, anno 1567. etiam non procul à meridiano tempore, quo luna totum solis orbem complecti non potuit, quamuis rectissima linea prætenderetur: rarum profectò exemplum, ita vt lucidus quidam ambitus, coronæ in modum, lunare corpus vndique cingeret.

CONSECTARIVM III.

Luna à solari corpore longo magnitudinis intervallo superatur.


DEPREHENSVM siquidem est aliquando in ea constitutione, qua sol quidem nobis est proximus, luna autem hinc remotissima, aliquando solis ambitum ipsos visus radios circumcercà excessisse, sic vt luminosus quidam ambitus circum lunare corpus manifestè cōspiceretur. Ex quo sanè efficitur solem lunâ maiorem esse. Quoniam enim radij optici; qui lunare corpus amplectuntur, altiùs prouecti magis semper ac magis à se inuicem diuelluntur; maius profectò esse oportet ipso lunari orbiculo quodcumque corpus supra lunam intra iam dictos visus radios coërcetur, ac multò etiam maius id, quod eosdem radios sua mole vndeque excedit. Sol porrò cum terræ proximus aliquando esset, luna autem altissima, vt pote in summo sui cæli fastigio constituta, visus est extra rādios opticos prosilire, ab eoque conspicuum quoddam lumen circum lunare corpus emicare. Quod suis temporibus anno partē salutis 1567. Romæ accidisse Clavius memorat in commentatione libri de Sphæra Ioannis de Sacrobofco, ad caput quartum; vt superiore consecario annotauimus.

PROPOSITIO LXXV. THEOREMA.

Si maior fuerit luminosi quàm opaci corporis altitudo, erunt extremitatum radij altitudinibus proportionales.



SIT luminosi corporis altitudo AB , opaci verò altitudo CD , hæcque illa minor: quoniam rerum altitudines perpendiculari æstimantur, esto ACE velut terræ superficies, aut planum quodcumque ad horizontem perlibratum, cui ad perpendicularum insistant AB & CD : si iam à luminoso B per summitatem opaci corporis D radius agatur BD , hunc in primis productum cum AE congregari necesse est per 14. lemma huius libri, sit autem congressionis punctum E : dico igitur, quod initio propositum fuit, radium luminosum DE , eam rationem ad vmbrosum BE habere, quam habet altitudo AB ad CD altitudinem. Cum enim triangulum sit ABE , eiusque basi AB parallela constituatur CD , erunt trianguula ABE & CDE æquiangula per 4. lemma huius libri; ac proinde per 4. sexti Euclidis homologa erunt latera, quæ æqualibus angulis subtenduntur: igitur quemadmodum BE ad AB , ita DE ad CD : & vicissim per 16. quinti Euclidis, vt radius BE ad DE radium, sic altitudo AB ad CD altitudinem; quod demonstrasse oportuit.




PROPOSITIO LXXVI. THEOREMA.

Si altitudo corporis opaci altitudini corporis luminosi æqualis fuerit, erit umbra, quæ projicitur, interminata.

EIA T luminosi corporis altitudini AB æqualis altitudo corporis opaci CD ; ex B autem ad D radius porrigatur BD : quo prohibito, dico à puncto D vmbra protendi versus F infinitam. Cum enim, vt superiore propositione diximus, altitudines rerum perpendiculari examinentur, sunt AB & CD ipsi AE perpendiculares: erunt igitur anguli iuxta A & C recti; ac proinde per 28. primi Euclidis parallelæ erunt AB & CD ; ponuntur autem & æquales:


A æquales: itaque ipsæ quoque AC & BD parallelæ erunt per 33. primi Euclidis. Quantumuis igitur productæ fuerint AC & BD, numquam sibi mutud incident per 35. definitionem primi Euclidis. Quare infinita erit umbra DF; quod demonstrasse oportuit.



PROPOSITIO LXXVII. THEOREMA.

B *Quò altitudo corporis luminosi ad opaci corporis altitudinem minorem proportionem habuerit, eò maior umbra producetur.*

RURSUS, vt supra, sit corporis luminosi altitudo AB, opaci verò altitudo CD, ambæ ipsæ AE perpendicularæ, ac proinde parallelæ: radius autem per B & D actus in lineam AE procidat ad signum E per 14. lemma huius libri; sitque umbræ proiectæ longitudo CE: dico si minor fiat proportio altitudinis corporis luminosi ad altitudinem opaci, quàm sit AB ad CD, umbram produci maiorem.



Duobus porrò modis euenire potest, vt minor sit proportio luminosi ad opacum, quàm sit AB ad CD, vel scilicet aucto corpore opaco minore vsque in F; vel luminoso AB, quod maius est, in H diminuto. Augeatur primò corpus opacum CD in F, ita tamen vt adhuc minor sit CF quàm AB, producanturque radij BF & BD, donec concurrant cum AG; concurrent enim per 14. superius lemma in puncto aliquo; altera in E, altera in G: dico umbram CG umbrâ CE longiorem esse. Quoniam enim parallelæ sunt AB & CF, erunt per 4. lemma huius libri æquiangula ipsa triangula ABG & CFG: eodemq; modo erunt & ABE, CDE triangula æquiangula. Quare per 4. sexti Euclidis sic se habet AB ad CF, quemadmodum AG ad CG; & vt AB ad CD, ita AE ad CE: sed minor est ratio AB ad CF, quàm eiusdem AB ad CD, per 8. quinti Euclidis, quòd videlicet ex hypothesis maior sit CF quàm CD: igitur minor quoque erit proportio AG ad CG, quàm AE ad CE. Cum ergo duabus CE & CG idem augmentum adiunctum sit AC, sitque minor proportio CG cum additamento AC, hoc est totius AG ad CG, quàm sit CE cum augmento AC, id est totius AE ad CE, erit per 15. lemma huius libri CG maior ipsâ CE; quod erat demonstrandum.

E Deinde manente CD altitudine corporis opaci, minuatur ipsius luminosi altitudo vsque in H, sic tamen vt AH maior sit quàm CD, radiusque ab H per D extendatur HD, qui per 14. lemma huius libri productus concurret cum linea AG in puncto quopiam, puta G: dico igitur umbram CG longiorem esse umbrâ CE. Nam per iam factam demonstrationem vt AB ad CD, ita est AE ad CE; rursus vt AH ad CD, ita AG ad CG. At quia minor est ex suppositione AH quàm AB, erit per 8. quinti Euclidis minor proportio AH ad CD quàm AB ad eandem CD: igitur minor quoque erit proportio AG ad CG quàm AE ad CE. Cum autem duabus CE & CG idem adiungatur augmentum AC, erit rursus per 15. lemma huius libri umbra CG maior umbrâ CE; quod erat demonstrandum.

F CONSECUTARIVM I.

Circa exortum atque occasum solis, maiores sunt umbra quàm in meridie.

SEQUITVR profectò id ex posteriore huius propositionis explicatione. Quò namque sol depressior est, ac propior finitori, eò minorem proportionem habet eius altitudo ad eandem altitudinem corporis opaci, vt ex 8. quinti Euclidis facillè colligi potest. Quare per ea, quæ iam proximè demonstrata sunt, minimam quidem meridie

vmbram esse oportet, quòd, vt Philosophus ait problematum sectione 15. q. 4. *sol meri-* **A**
die maximè è perpendicularo se nobis exhibeat; quamobrem tum quoque minimæ fiunt
 accessiones: at prope ortum atque occasum mirum in modum auferunt, exiguo licet
 spatio sol ad horizontem prolabatur. Vnde Poëta declinationem diei per vmbræ incre-
 mentum ingeniosè descripsit: *Maiorésque cadunt altis de montibus umbra.*

CONSECTARIVM II.


Meridiana solis umbra brumali tempore, quàm æstiuo
nobis sunt prolixiores. **B**

NAM eo motu, quo sol per obliquam signiferi viam incedit, æstiuo tempore verti-
 ci nostro propinquior fit, remotior verò brumali: siquidem quæ Boream spectant
 signa, eadem sunt & æstiuæ, quæ autem ad Austrum vergunt, hiemalia. Igitur sol bruma-
 li tempore, cùm diurno motu summum attingit cæli fastigium, remotior quidem à no-
 stro est apice, at horizonti propinquior depressiorque omnino, quàm tempore æstiuo.
 Quare per ea quæ paulò antè sunt demonstrata, prolixiores tum vmbras esse oportet.

CONSECTARIVM III.

Umbra lunares solaribus sunt longiores, cùm vtrumque astrum **C**
in eadem fuerit altitudine supra horizontem constitutum.

SIT enim centrum terræ **A**, **B** autem verus locus lunæ, at solis verus locus **C**, ambo in
 eadem altitudine graduum, verbi gra-
 tia 40. supra horizontem **HE** constituti, sic
 vt recta **AB**, quæ à centro mundi educitur,
 per **C** quoque transeat: demum sit **AD** cor-
 pus vmbrosus, cuius summitas **D** sit vtriuf-
 que astri, solis scilicet lunæque altitudine de-
 missior: ac per **D** radij porrigrantur **BD** & **CD**,
 qui producantur donec cum horizontali
 plano conueniant in **E** & **F**: concurrent au-
 tem per 14. lemma huius libri.




Dico igitur lunæ vmbram **AE** vmbrâ so-
 lis **AF** longiorem esse. Ex **B** namque & **C** de-
 mittantur in horizontalem lineam perpen-
 diculares **BG** & **CH** per 12. primi Euclidis,
 quæ proinde altitudini corporis vmbrosi
AD, (quod etiam ad perpendicularum ere-
 ctum est) parallelæ erunt. Cùm verò **D** extra triangulum **ACH** existat, producta **DB** se- **E**
 cabit vtrumque trianguli latus **AC** & **CH**, istud quidem in **K**, illud verò in **B**: minor igitur
 erit **HK** quàm **HC**. quare & **HK** minorem proportionem habebit ad **AD**, quàm
HC ad eandem **AD**, per 8. quinti Euclidis. Sed per ea quæ iam sunt demonstrata, vt se
 habet **HK** ad **HD**, ita se habet **HE** ad **AE**: & vt **HC** ad **AD**, ita **HF** ad **AF**. Igitur **HE** mi-
 norem rationem habet ad **AE** quàm **HF** ad **AF**: sublato itaque communi additamento
HA, maior relinquetur **AE** quàm **AF**, per 15. lemma huius lib. quod erat demonstrandū.

PROPOSITIO LXXVIII. THEOREMA.

Si corpora aliquot opaca æqualia fuerint secundum altitudinem;
quod lucido corpori eminentiori propinquius est, breuiorem um- **F**
bram facit.

SINT in superficie horizontis **AB** erecta secundum perpendicularum duo
 corpora opaca **CD** & **EF**, æqualia secundum altitudinem, sitque **CD**
 corpori luminoso **G** eminentiori propinquius: dico vmbram **CH** vm-
 brâ **EB** minorem esse. Producantur enim radij **GD** & **GF**, donec cum su-
 perficie horizontis **AB** congregiantur: (concurrent autem per 14. lemma
 huius libri) sint verò puncta congressuum **H** & **B**: connectantur etiam puncta **D** & **F**:
 iam

A Iam quoniam ex hypothesi CD & EF æquales inter se sunt & parallelæ, erunt & quæ illas connectunt CE & DF æquales & parallelæ per 33. primi Euclidis. Rursus cum ex cõstructione C & B in vna sint recta linea, erit quoque DF lineæ HB parallela, at minor illâ; siquidem per 4. lemma huius libri æquiangula sunt ipsa GDF & GHB triangua, erit itaq; per 4. sexti Euclidis vt GD ad GH , ita DF ad HB : sed GD minor est ipsâ GH , vt pars totâ: igitur DF ipsâ quoque HB minor erit. Est verò iam ostensa CE ipsi DF æqualis; erit igitur & CE ipsâ HB minor per 7. quinti Euclidis: quare si vtrique inæqualium addatur communis portio EH , minor erit CH quàm EB per communem notionem; quod erat demonstrandum.



CONSECTARIVM I.

In aequalibus altitudinibus corporum opacorum, distantia eam inter se proportionem habent, quam projecta in planum umbrarum longitudines.

PRODVCA TVR enim FD in K : quoniam igitur ob triangulorum AGH & CDH similitudinem, vt AG ad CD , ita est AH ad CH ; & vt AG ad EF , ita AB ad EB , eademq; est proportio AG ad CD , quæ eiusdem AG ad EF per 7. quinti Euclidis, quod nimirum æqualis sit CD ipsi EF ex hypothesi; erit quoque eadem proportio AH ad CH , quæ AB ad EB : & vicissim per 16. quinti Euclidis, vt AH ad AB , ita CH ad EB : sed vt AH ad AB , ita est KD ad KF per 4. sexti Euclidis; itaque CH ad EB est, quemadmodum KD ad KF : at KD ipsi AC & KF ipsi AE sunt æquales per 33. primi Euclidis: igitur eandem proportionem habet umbra CH ad EB umbram, quam AC distantia habet ad distantiam AE ; quod erat demonstrandum.

CONSECTARIVM II.


Tota umbra CDH, totâ EF B est minor.

CVM enim vtrumque triangulum CDH & EFB in eadem sint altitudine, in eisdemq; parallelis AB & KF ex suppositione, erunt ipsa inter se triangua, quemadmodum bases CH & EB per 1. sexti Euclidis: at iam ostensa est basis CH basi EB minor: igitur ipsa quoque umbra CDH , minor est umbrâ EFB ; quod erat demonstrandum. Atque eodem modo quò propinquiora fiunt umbrosa corpora, eò totum spatium, quod umbrâ completur, minus efficitur; augetur verò opaci corporis recessu.

PROPOSITIO LXXIX. THEOREMA.

Si idem luminis radius è sublimi delapsus, per plurium inæqualium altitudinum vertices transeat, erunt umbrae altitudinibus proportionales.

VNA quidem inæqualium altitudinum sit AB , altera verò CD , à corpore autem luminoso sublimi G per vtriusque altitudinis verricem B & D radius procidat GBD : hic profectò cum AC , si ambo producantur, concurrerit per 14. lemma huius libri. Esto ergo congressionis signum F , quo vtriusque altitudinis umbra terminabitur: dico ita se habere umbrâ AF ad CF umbram, quemadmodum se habet altitudo AB ad CD altitudinem. Quoniam enim parallelæ sunt




AB & CD , erunt triangula ABF & CDF equiangula, per 4. lemma huius libri. Quare per A 4. sexti Euclidis apertè concluditur propositum, ita nimirum se habere umbram AF ad CF umbram, ut se habet altitudo AB ad CD altitudinem; quod demonstrare oportebat.

PROPOSITIO LXXX. THEOREMA.

Si luminosi radij, qui per summities inæqualium altitudinum porriguntur, paralleli fuerint, erunt sic etiam umbrae altitudinibus proportionales.



D AE inæquales altitudines umbræ exponantur AB & CD , per quarum summitates in subiectum horizontis planum AF radij procidant paralleli BE & DF : dico ita se habere umbram AE ad CF umbram, quemadmodum altitudo AB se habet ad CD altitudinem; & vicissim per 16. quinti Euclidis, ut umbra AE ad altitudinem AB , sic umbram CF ad CD altitudinem. Quoniam enim AB & CD perpendiculares horizontis plano AF supponuntur, erunt anguli BAE & DCF recti per 10. definitionem primi Euclidis. Rursus quoniam parallelæ sunt ex hypothesi BE & DF , erunt anguli AEB & CFD æquales per 29. primi Euclidis. Quare & reliquus angulus B , reliquo D æqualis erit; siquidem per 32. primi Euclidis, tres unius trianguli anguli, tribus angulis alterius pares esse oportet. Sunt igitur æquiangula ipsa triangula ABE & CDF : ac proinde per 4. sexti Euclidis, ut umbra AE ad CF umbram, sic altitudo AB ad CD altitudinem: & alternè, ut umbra AE ad altitudinem AB , ita umbra CF ad CD altitudinem; quod erat demonstrandum.



CONSECTARIUM.

Ex umbra nota altitudinis incognitam altitudinem inuestigare.

PERFACILE est etiam demonstrato theoremate hoc quoque problema explicare. Cum enim propter ingentem solis distantiam umbræ radij, quos intercepto lumine opaca corpora proiciunt, nil à veris parallelis dissideant quoad sensus æstimationem; erunt, ut iam demonstratum est, solares umbræ ab inæqualibus altitudinibus projectæ, ipsis altitudinibus proportionales.

Itaque si ignota quæpiam altitudo, verbi gratia AB , per umbram solis exploranda sit: defixo in terram bacillo CD notæ altitudinis, puta 3. pedum, metienda in primis erit eius umbra CF , sitque ea pedum 2. deinde accipienda erit per rectam terræ lineam umbra AE ignotæ altitudinis, quæ, gratia exempli, reperta sit pedum 20. dico igitur si umbra duorum pedum ab altitudine pedum trium proficiscitur, umbram pedum 20. ab altitudine 30. pedum provenire; ut ex proportionum regula apertè colligitur. Ignota igitur altitudo 30. pedum esse reperitur, quæ erat inuestiganda.

PROPOSITIO LXXXI. THEOREMA.

Moto seu luminoso, seu opaco, & umbra pariter movetur.



PROPOSITIONE 57. huius libri ostensum est umbræ radij cum luminoso, à quo procedit, in rectam lineam semper extendi. Esto itaque luminosum corpus A , opacum verò B , radiusque luminis AB , umbræ autem radius BC , sitque AC recta, uti dictum est, linea: promoveatur luminosum corpus A in D , radiusque luminis ad opacum corpus profundat DB : si itaque umbræ radius BC immotus persistet, consequens erit ut DBC non sit recta linea, aduersus id quod propositione 57. huius libri est demonstratum; vel certè duæ rectæ luminosæ lineæ AB & DB habebunt idem segmentum BC commune, quod decimo



A decimo axiomati Euclidis ex additione Clauij repugnat. Fieri ergo nequit, vt moto corpore luminoso non pariter vmbra moueatur.

Si autem opacum ipsum corpus transmutetur, longè patientius ostendemus vmbra vnà moueri: nam opacum corpus, vt propositione 58. libri huius docuimus, alter est vmbra terminus. Moto autem rectæ lineæ termino totam lineam moueri est necesse, ne idem contingat inconueniens, quod suprâ, duas scilicet rectas lineas idem habere segmentum commune: etenim partes omnes mutuo sibi cohærent. Igitur translato corpore opaco, & vmbra transferri inuincibili quâdam naturæ sequela oportet, non aliter quàm adducto primo catenæ annulo, sponte sequuntur reliqui, in quos per consensum

B vis primò impellentis deriuatur.

His demonstrationibus, quæ ex necessariis deductæ sunt, ratio quoque ex ipsa vmbra natura deprompta adstipulatur. Cùm enim vmbra sit luminosi radij absentia, obiectu corporis opaci inuecta, sanè distinctorum & numero & loco radiorum prohibitio, distinctas & numero & loco vmbra inducet. vti namq. luminarium multitudine vmbra numerantur (quod propositione 59. libri huius demonstrauius:) ita idem luminare si successiuè pluribus reponatur locis, in loca distincta suam vmbra projiciet; tum enim plurium subit vicem. Ex quo cõsequens est, vt moto luminari, & ipsa vmbra moueatur.

Eodem verò modo, quoniam opacum ipsum corpus loco transmutatum alium continuò atque alium ab im moto luminari radium excipit, eiusque interceptione vmbra

C procreatur, fit profectò, suo vt motu aliò semper atque aliò propriam vmbra circumferat; quæ proinde videbitur,

— nobis in sole moueri,
Et vestigia nostra sequi, gestumque imitari.
Nimirum quia terra locis ex ordine certis
Lumine priuatur solis, quacunque meantes
Officimus. —

Lucret.
lib. 4. de
natura.

Porrò cur solis vmbra extremum tremere videatur, querit Aristoteles in suis problematis sect. 15. q. 12. Manifestè verò eum tremorè perspicimus, cùm longius vmbra profunditur; cuius causa sol esse non potest: nam sol in partes moueri contrarias nequit,

D tremorè autem ita fieri manifestum est. Quare idcirco id euenire Aristoteles affirmat, quia corpuscula contenta in aëre agitantur, quæ vulgò ramenta nominantur, conspicua in solis radiis, qui transmeant per fenestras. Hæc enim moueri solent etiam sine vllò spiritu. Ergo cùm vicissim modò de vmbra in lucem, modò de luce in vmbra moueantur assiduè, terminus quoque lucis ac vmbra communis continuò moueri videtur: partim enim veluti vmbra, partim lucem sua ipsa mutatione efficiunt: itaque moueri vmbra videtur, cùm non hæc, sed illa hunc in modum soleant agitari. Quod de corpusculis dixit Philosophus, longè

maximè intelligendum est de vaporibus, qui per aërem continuò vagantur mutuo occursum leuiter protrusi. Nam simili de causa sol ipse primo exortu tremere aspicientibus

E videtur, quòd educti è terra vapores totum id spatium, quòd solem inter aspectumque nostrum interiacet, conferti impleant: cumque perpetuò agitentur, qui illis inest motus, soli tribuitur propter aspectus hallucinationem. Rursus eadem de causa, cùm iam solares radij terram acrius feriunt, si quis proximos agros aspiciat, trepidare illos, glebasque inter se committere arbitrabitur: sic accensis prunis, quamuis nulla flamma adsit aut aspectabilis fumus, ipsi tamen ignei vapores, qui occultè exhalant, quamdam aëris agitationem ostendunt. His omnibus satis perspicuè explicatam esse arbitror genuinam causam cur vmbra extrema tremere videantur, ac tum potissimum cùm illæ longius protenduntur.

Eadem ob causam stellas quasdam ex ijs quæ firmamento inherescunt minùs constantes videri Philosophi quidam existimarunt, tremere nimirum illas non reipsa, sed

F videri, cùm vapores per aërem sparsi agitantur. Quemadmodum enim, inquiunt, si inter obiectum & oculos nostros fumus intercesserit, videmus obiectum tremere, sic inter stellas & visum nostrum perpetuus est motus corporum mediolorum; hic ergo minimè dubiam scintillationis causam manifestat. Verum ista sententia multis reuinci potest, atque in primis ex eo, quòd eadem vaporum quantitas inter errantes inerrantesque stellas interiecta sit: cur ergo non equè omnes scintillant, cùm vnà sit communis omnibus inquietudinis causa? Deinde stellæ illæ quibus hæc proprietates inest, sũdo etiam ac sereno cælo, & iuxta cæli fastigium intermicant (quamquam prope horizonem acrius, ob duplicis causæ concursum:) non ergo vapores interiecti istius motus sunt causa.

Alij solares radios flexo mucrone repelli ad nos, eamque scintillationis causam esse A
dixerunt. Quod si ita est, cur non etiam planetæ omnes eadem inquietudine agitantur,
quando & ab his omnibus solares radij ad nos reflectuntur?

Vitello lib. 10. suæ Optices propos. 55. formarum motui causam adscribit, formas au-
tem moueri ait, cum illarum radij sublunarem regionem variè infracti penetrant. Sta-
tuit enim fundamenti loco id totum quod inter nos ac lunæ cauam superficiem interia-
cet, ignem atque aërem perpetuo motu cieri, partim vaporum ascensu impulsuque, par-
tim ventorum procellis agitatum. Cum ergo hoc corpus in continuo sit motu, qui à stel-
lis procidunt radij variè fracti scintillationis atque inquietudinis causam præbêt. Quod B
exemplo aquarum confirmat, quæ dum leuiter crispantur, inconstantes reddunt ima-
gines. Quo pacto verò non eadem affectio æquè in planetas atque in stellas fixas per-
transeat, aut cur non pari agitatione omnes fixæ stellæ micent, non satis explicat. Qua-
re id ratum sanctumque esse debere existimo, non posse eam stellarum apparentiam in
sublunaribus rebus causam habere, utpote quæ planetas iuxta ac stellas ceteras compre-
hendat. Præterea quod Vitello ait de ventorum procellis, id potius ipsius sententiam
euertit, quàm roborat: nam venti procellis agitati amplissimis lationibus mouëtur, qua-
re oporteret stellas non breui reciprocatione agitari, sed procul è loco deferri. Si verò
non aliter stellas quàm solem à vaporibus tremulas fieri affirmet, nil agit, nam stellæ et-
iam prope cæli verticem micant, at sol non nisi cum primùm oritur: & si eadem causa
stellæ fixæ micant, qua & sol, quid quæso grande inclamant Philosophi, stellas firma- C
menti scintillare, planetas non item, cum eadem causa qua sol ceteri etiam planetæ
scintillent?

Aristoteles micantium stellarum causam longinquitati attribuit: ita enim scribit lib. 2.
de celo, cap. 8. text. 48. *Visus enim longè se extendens versatur ob infirmitatem, quæ qui-
dem fortasse causa est, ut & stellæ fixæ micare, vagantes autem non micare videantur. Va-
gæ namque stellæ sunt propè: quare visus sui compos ad istas accedit, ad fixas autem longè se
extendens, ob longitudinem tremit; tremor autem ipsius facit, ut hæc motio stellæ ipsius esse
videatur: nihil enim interest visus, an id quod cernitur, moueatur.* Hæc ille. Quid porro
causæ sit, cur stellæ remotiores inquietæ, planetæ verò, quia propinquiores sunt, constan-
tes perstent, & cur Saturnus firmamento proximus inter planetas minimè scintillet, D
non explicauit Philosophus. Quare

Cardanus alijque quàm plurimi potentia imbecillitate euenire dixerunt, ut stellæ
quidem fixæ tremere ac scintillare videantur, planetæ verò non item. Cum enim stellæ
longè à nobis absint, simulque earum fulgore aspectus noster suapte natura imbecillis,
etiam hebetetur magis; porrecta acie ægrè ad ipsas attingit: quare lassatus nutat ac tre-
mit. Hæc Platoniam philosophiam sapiunt, quæ visum extrâ efferrî docet: & quamuis
ea concedatur, nihil tamen efficitur; nam causa nondum apparet cur maiores quædam
stellæ nonnullis minoribus inquietiores sint; & è minoribus, cur quædam alias superent
maiores, cum ad omnium aspectum cæcutiat oculorum acies longinquitate itineris he-
bêtata. Deinde lib. 1. propos. 56. ostendimus visum suapte natura infinitè extendi; nulla E
ergo intercapedine definietur, dum modò cetera adsint ad visionem necessaria.

Alij formarum naturam incusarunt, quia scilicet species à stellis fixis promissæ ob
longissimi spatij intercapedinem deficient, ac præ tenuitate vix iam actionem aliquam
in visum inferre possunt, idè dum potentia intuitiua visionis actum elicere conatur, ni-
si fatiscit ac tremit, cuius affectio in rem visam transit. At quid interest an procul sint
stellæ, dum modò sat magnæ sint ut sui imagine ad obtutum destinata videantur? ea-
dem enim harum ratio est, quæ & planetarum: qui licet multis partibus minores sint
stellis, videntur tamen, quia propinquiores. Rursus pleræque stellæ ex ijs, quæ primæ
notæ vocantur, nonnullis planetis, ut Mercurio, Saturno, & Ioue apparent maiores at-
que illustriores: quæ ergo ratio suadet, ut ad illarum aspectum vacillet oculorum acies? F
Sunt qui ob motus diurni pernicitatem id fieri crediderunt, nempe idcirco radios à
stellis fractos ac tremulos procidere. Verùm si hæc causa foret, stellæ omnes, ac ipsi etiam
errabundi planetæ nullo discrimine scintillarent, cum pari circumactu ab ortu in occa-
sum vnà cum fixis astris rapiantur. Deinde hæc causâ nullæ iuxta polos stellæ micarent,
ob motus tarditatem: at plurimæ ibi inquietissimæ cernuntur; non ergo hæc vera est
scintillationis causa.

Ad extremum Iulius Scaliger exercit. 63. omnibus hisce coniunctim stellas micare
arbitratus est, adiuuantibus scilicet caulis. At miror profectò, hunc virum latere potuisse
causarum

A caufarum omnium conſpirationem errantibus æquè ac inerrantibus ſtellis patrocina-
ri. Deinde omnibus cauſis vnà agentibus, quo pacto fiet, vt fixarum ſtellarum nonnullæ
crebrioribus icibus micent, at velocioribus; aliæ maioribus, ſed rarioribus? Cur etiam
è minoribus ſtellis quædam, ac quædam item è maiorum numero præ ceteris viuacio-
res ſint? ſanè ex omnium cauſarum concuſſu, iuncta que actione, prouenire iſta poſſe ne-
mo facilè oſtenderit.

His ſententijs ſæpiùs à nobis expenſis, cum neque ex parte organi, neque ex parte ob-
iecti, neque ex parte medijs, aut ceterarum rerum quæ ad viſionem cõferunt, quidquam
occurreret, cui admirabilem hunc effectum adſcribere poſſemus; cõpimus, vt decebat,
B diuinam admirari ſapientiam, ac præcipuè ſpiritum illum Domini, qui ornat cælus, *Iob cap. 26*
cumque identidem hæc cogitatio in mentem rediret, in eam ſententiam adducti fui-
mus, vt crederemus ſcintillationem ſtellarum à nulla externa cauſa prouenire, ſed in-
ſitam eis fuiſſe à prima origine hanc conditionem, vt intermicare non deſinant, aliæ
plus, aliæ minùs, prout ſingulis diuina ſapientia præſcripſit.

Porro quo pacto reiſa id fiat, non eſt noſtrum definire: id enim ſolus nouit qui cæle-
ſtes naturas condidit, Deus. Si verò quiſpiam ſcire id ſaltem velit, qua ratione id fieri
poſſit; dicam, licet multis id quidem modis Deo poſſibile ſit, inter ceteros tamèn hunc
ab humanis rationibus non omnino alienum eſſe: Finge animo ſtellarum globos (quos
de ſuo lucere equidè exiſtimo) non vndique pari nitore perſuſos eſſe, voluĩ; in proprijs
C cauitatibus raptu celerrimo: cum igitur lucidiores partes obſcurioribus, atque hæ vicif-
ſim illis identidem ſuccedant, hac luminis inconstantia videri ſtellas quadam motus re-
ciprocatione agitari. Quod ſi ita ſit, omnis illa inquietudinis diſparitas, quæ in micanti-
bus ſtellis animaduertitur, ex lucis inſitæ inæqualitate originem ducet. quæ namque
ſtellæ extremis partibus conſtant lucidiſſimis ſcilicet atque obſcuriſſimis, hæ acriùs inci-
tari videntur, quòd ampliora oſtendant extremorum interualla: que verò ex medijs par-
tibus conſtitutæ ſunt, eandem ob cauſam obſcuriùs micant: rursus quæ in ſuis cauita-
tibus ocyùs circumaguntur, hæ crebriores faciunt viciffitudinem reuſus; illæ autem
tardiores, quæ longiores naçtæ ſunt motuum periodos. Hæc ſi tuo palato ſapiunt, ami-
ce Lector, probato; ſin minùs, ſtude, vt meliora inuenias: at caue ſis; vt non ſolum illa

D tuo, verum etiam noſtro palato ſapiant.

PROPOSITIO LXXXII. THEOREMA.

*Lumen, umbræque circum immotum opacum corpus
oppositis mouentur lationibus.*

E **H**ÆC proprietas ex natura ingenioque ſecantium ſeſe linearum pender.
Duæ inquam lineæ dum ſe mutuò ſecant, poſitionum, quas vocant, diſſe-
rentias mutant, vt ſi pars vna ſecantis dextera ſit ei quæ ſecatur, eiſdem
ſecantis pars altera ſectæ futura ſit ſiniſtra: vnde efficitur, vt cum ſol ab
Oriente per Meridiem fertur in Occidentem, tempore eodem terræ um-
bra ab Occaſu per mediæ noctis terminum Orientem verſus incedat: omnes ſiquidem
rectæ lineæ ex luminofis vmbroſisque radijs compoſitæ ſeſe ad opacum corpus, ceu ad
commune circulationis centrum interſecant. Quantum igitur verſus vnã cæli pla-
gam ſpatij conficit luminofus radius; tantum umbra promouet in oppoſitam.

CONSECTARIUM.

Luminofus vmbroſusque radius pari motus velocitate cientur.


F **P**ATET ſanè hoc ex iam explicata propoſitione. Eſt verò ita accipiendum, vt æquali
ab opaco diſtancia motiones æſtinentur. Si enim circum opacum corpus velut cen-
trum circulus deſcribatur, perſpicuum eſt æquis temporibus luminofum vmbroſumque
radius pares circuli peripherias tranſcurrere: ſiquidem anguli qui aduerſis peripherijs
inſiſtunt, ad centrum circulationis conſtituti, perpetuò ſunt æquales per 15. propoſitio-
nem primi libri Euclidis: æqualibus autem angulis æquales peripheriæ eiſdem circuli
ſubtenduntur per 26. tertij Euclidis: igitur luminofus vmbroſusque radius æquis tem-
poribus pares circuli peripherias tranſcurrunt; ideoque pari velocitate mouentur, quod
erat explicandum.

PROPOSITIO LXXXIII. THEOREMA.

Si sol per ambitum circuli in sphaera maximi incedat, Umbra centri eundem percurreret circulum.



EST sphaera ABC , cuius centrum D , maximus circulus $AFCG$; per cuius ambitum sol incedere animo concipiatur, iamque in signum A peruenisse: quoniam luminis radius AD ad centrum sphaerae pertinet in ipsius est circuli plano, erit & umbræ radius DC ; qui ex centro prodit, in eodem plano in quo & circulus: siquidem DC & AD radij vnam efficiunt rectam lineam per 57. propositionem huius libri. Fieri autem nequit, ut rectæ lineæ AC pars AD , hoc est luminosus radius, in plano quidem sit circuli, pars vero DC , id est radius umbrosus sit à circuli plano sublimis; velut in DE , quod Euclides demonstrat libro vndecimo propositione prima. Itaque & umbrosus ipse radius DC in eodem est circuli plano in quo & AD .




Deinde fingatur sol in F promotus, radij FD ad centrum protendere. Quoniam igitur per 1. vndecimi Euclidis umbræ radius DC luminoso FD in directum coniunctus nequit à plano, in quo FD , sublimis esse, verbi gratia in DE , erit is in eodem cum FD plano. Eodemque modo ad quemcumque locum sol peruenerit, semper ostendetur umbrosus radius in eodem plano versari, in quo & luminosus: igitur cum sol totum orbem decurrerit, & umbræ radius eundem emensus erit; quod erat demonstrandum.

PROPOSITIO LXXXIV. THEOREMA.

Si sol per sphaera circulum non maximum incedat, dua conica superficies ad centrum sphaerae seu ad communem Verticem conuenient; Una luminosa ex radio circumactò, altera opaca ex ea Umbra quam centrum profundit.



SIT sphaera $ABDC$, cuius centrum E , in eaque circulus non maximus ex diametro AB descriptus, per quem si sol circumduci intelligatur, radius eius, qui ad centrum E pertinet, circumactus, metè superficiem designabit coni in modum, ut ex ipsius coni definitione conuincitur: propterea quod basi habeat circulum in quem sol conuertitur, verticem autem immotum sphaerae centrum. Cum vero luminis radius AE in rectum continuumque productus, obiectu opaci centri E in umbròsam commutetur ED : dico hunc quoque circumactum conoidem superficiem describere, cuius quidem vertex perspicue idem est qui & luminosi coni, nempe sphaerae centrum E . At basis circa diametrum CD circulus est: ductis enim AB & CD , quoniam AE & BE æquales sunt ipsis ED & EC per sphaerae definitionem, estque angulus CED angulo AEB æqualis per 15. primi Euclidis; erunt & AB, CD æquales: eumque eodem modo æquales ostendi possint omnes vtriusque basis dimetientes, patet basin circum CD circulum esse, & quidem basi circum AB æqualem: quare figura sub vestigio conuersi radij umbrosi, & base CD contenta, conus est verticem habens cum superficie conica ex motu luminosi radij. descripta communem, ipsum scilicet sphaerae centrum; quod erat demonstrandum.



Hæc de Umbris dicta sufficiant. Nam quo pacto ea in varia corpora incidant, quasque figuras earum sectiones ostendant, in Proiecturis docebimus, de quibus, Deo conatus nostros benignè prosequente, sequenti libro ex professo agemus: vbi inter ceteras

umbra-

A *Umbrarum quoque proiectiones explicabimus, ea quæ ponemus fundamenta, quibus poterit studiosus Lector scioterica omnis generis absoluerè, eorumque rationes reddere, ac etiam plurima alia promptè adinuenire, quæ meritò cunctis admirationem pariant. Sed priusquam ad illa progrediamur, quæ reliqua sunt luminis absoluamus.*

DE LUMINIS TRAIECTV.

B PROPOSITIO LXXXV. THEOREMA.

Radius luminis à puncto lucido per orbiculare foramen traiectus, conij figuram induit.

A POLLONIVS Pergæus initio Conicorum elementorum, conum appellat eam figuram, quæ basin habet circulum, ac præter basin superficie cingitur à circuli ambitu ad vnum quodpiam idemque punctum (qui vertex est conij) protensa. hanc figuram Latini Metam vocant, seu formam turbinis mucronati. Est verò eius generis figura luminis à puncto per circulare foramen transfusi: quippe foramen, quod loco basis est, circulare supponitur; lumen verò ipsum superficie ambitur à puncto ad foraminis peripheriam extensa: igitur conoides est ipsum lumen. Et quidem si ea quæ à vertice ad centrum foraminis ducitur linea, quam axem vocant, foraminis plano recta fuerit, rectus erit ipse conus; sin verò, scalenus, vt idem docet Apollonius. Rursus si axis ei, quæ ex centro basis ducitur, æqualis fuerit, erit conus orthogonius; sin minor, amblygonius; at si maior, oxygonius erit, vt Euclides ostendit libro II. definitione 18.

Hæc licet patentiora sint, quàm vt demonstrationem exposcant, ea tamen præmississe oportuit, quoniam ad ea quæ deinceps habemus dicere, conducibilia sunt, vt ex ipso sermonis decursu fiet manifestum.

D PROPOSITIO LXXXVI. THEOREMA.

Lumen à puncto per multilaterum foramen transfusum Pyramis est.

PYRAMIDEM definit Euclides libro II. definitione 12. figuram solidam, quæ planis continetur ab vno plano ad vnum punctum collectis. Ex quo in primis illud perspicue patet, inter conum & pyramidem hoc discriminis interesse, quòd pyramis excepta basi pluribus constet planis: conus verò dumtaxat superficie basin totumque solidum corpus circumambiente. Quare lumen quod per multilaterum foramen traiecitur, nequiquam conus esse potest. etenim quæ à puncto luminoso ad singula foraminis latera rectæ luminis profluentiæ emicant, planas efficiunt sedes, easque triquetras: quæ cum totidem sint numero, quot sunt basis latera, omnesque ad punctum lucidum colligantur, erit lumen quod per foramen polypleuron transfunditur, in modum pyramidis conformatum; quod ostendisse oportuit.

E PROPOSITIO LXXXVII. THEOREMA.

Lumen à puncto lucido per foramen transmissum conius est intensio- nis, si in eadem distantia à prima origine assumatur.



SECUNDA huius libri hypothese ostensum fuit, ex plurium radiorum congressu lumen intendi, idque impensius illustrari, in quod plures simul radij conueniunt. At cum lumen ab indiuiduo puncto per amplum licet foramen transmittitur, inque oppositum directe planum excipitur, puncta vniuersa eius quod illustratur, singulos excipiunt radios, neque vllum est, in quod plures, aut in quod pauciores radij confluant: tota igitur pars obiecti plani à lucido puncto æquabili nitore perfunditur: quare & lumen ipsum vnus est intensio-

nis,

nis, si in æquali distantia à prima origine assumatur; quod expressisse oportuit. nam supra propositione 35. inter causas quibus intendi lumen docuimus, propinquitatem adnumerauimus. siquidem hoc insitum est luminari, ut longius ab origine prouectum continuo decremento languescat. Tantò ergo est exquisitius, quanto lucenti corpori propinquius existit.

PROPOSITIO LXXXVIII. THEOREMA.

Lumen quod à corpore lucido per foramen in oppositum planum profunditur, in medio quam in ambitu impensius nitet.



CORPV S lucidum AB per foramen CD lumen profundat, obiectumque luminis planum sit EF ; ductis ab extremitatibus corporis luminosi A & B per extrema foraminis C & D radii AF, AK, BE, BK : dico portionem luminis CKD exquisitam perfectamque esse per 8. definitionem huius libri, quò scilicet omnium partium luminosi corporis radios excipiat: quare GH portio obuersi plani apprimè illustratur: hinc verò deinceps versus E & F , quò longius proceditur, eò semper planum EF illuminatur obscurius; siquidem puncta à G & H remotiora, extremisque E & F viciniora, à paucioribus semper partibus luminosi corporis lumen admittunt, quousque tandem ad extrema E & F totum imperfecti luminis decrementum terminetur, ubi nimirum à solis punctis A & B lumen superstes existit.

Quod palàm fiet, si in eodem schemate inter puncta G & E signetur punctum aliud quodcumque, puta M , ab eoque per foraminis extremitatem D ad luminosum corpus recta agatur linea ML . erit namque LM extremus luminis radius eorum omnium, qui à portione luminosi corporis BL ad signum M pertinent: quare nullus à portione LA ad signum M radius luminosus affulget; quocirca non æquè lumen participat M atque G , minusque E quàm M , quippe E solius puncti B radium suscipit. Eademque in ceteris punctis quæ inter G & E signari possunt, est demonstratio. quæ namq; à G versus E remotiora existunt, parciorè semper luminis affluentia perfunduntur; quod explicare propositum erat.

PROPOSITIO LXXXIX. THEOREMA.

Qui ab extremitatibus corporis lucidi, per oppositas extremitates foraminis radij procedunt, inter foramen corpusque lucidum se mutuò secant.



SIT luminosum AB expositum foramini CD , per cuius opposita extrema C & D ab extremitatibus luminosi corporis A & B decussati procedant radij AC & BD : dico horum communem intersectionem E inter foramen corpusque lucidum incidere. Nam radij AC & BD , cum vtraque dimetiente foraminis, scilicet CD , lucentisque corporis AB , duo triangula constituunt, mutuò sese aduersis mucronibus respectantia AEB & CED : quorum bases AB & CD cum maximè distent, necesse est ipsos vertices inter vtramque medios existere. Est porrò radiorum AC & BD intersectio E communis vtriusque trianguli vertex: illa igitur inter foramen corpusque lucidum cadit; quod erat demonstrandum.


Si corporis luminosi atque foraminis dimetientes AB & CD æquales fuerint, erit E signum inter vtrumque exactè medium: si inæquales, erit E minori semper propinquius,

A vt ex 4. sexti Euclidis facile potest demonstrari. Quare imminuto sensum luminoso, ipsa quoque communis radiorum interfectio e sensum adducitur, ac minore semper interuallo à corpore luminoso distat, quousque tandem indiuiduum fiat ipsum luminosum, hoc est aded exiguum, vt si diuidatur in partes, hæ solitariae sub sensum non cadant, quod sensibile indiuiduū antè non semel nominauimus: hoc inquam si fiat, nullum quoque erit diuiduum interuallum à corpore luminoso ad radiorum interfectionem E. Quamobré roborari etiam hinc potest, quod non semel hæctenus diximus, à puncto videlicet luminoso secantes se radios profilire non posse, vt nec parallelos, quippe à sola magnitudine ij proueniunt, quæ partes habet, vnde eiusmodi radij originem ducunt.

B PROPOSITIO XC. THEOREMA.

Si pari interuallo à foramine distent, hinc corpus lucidum, illinc directè obuersum planum, erit lumen plano exceptum corpore luminoso maius.

C **L**UMINOSO corpori AB directè obuersum sit planum EF, ambo pari interuallo disincta ab interposito foramine CD; radij autem ab A & B per C & D in obuersum planum decussati penetrent AF & BE: dico lumen EF plano exceptum luminoso corpore AB maius esse. Quoniam enim directè opponi planum luminoso corpori supponitur, erunt AB & EF parallelæ, vt facile colligi ex iis potest, quæ libro tertio ante propositionem 31. definiuimus: quare angulus A ipsi F angulo,




D & B angulus angulo E æqualis esse conuincitur per 29. primi Euclidis. Est verò AGB angulus angulo EGF æqualis per 15. primi Euclidis: æquiangula igitur sunt ipsa AGB & EGF triangula: ideoque per 4. sexti Euclidis homologa sunt latera quæ æqualibus angulis subtenduntur. Vti igitur AG ad AB, sic FG ad FE: sed FG ipsa AG est maior, quoniam ex hypothesi AC æqualis est ipsi CF; at FG maior est quàm FC per proximè antecedentem proposit. igitur & ipsa AC maior est FG. Est verò AG minor eadem AC, vt pars totâ: itaque FG quàm AG multò est maior: quapropter ipsa quoque FE maior est quàm AB per iam citatam 4. sexti Euclidis, quod erat demonstrandum.


E PROPOSITIO XCI. THEOREMA.

Luminis per foramen in oppositum directè planum transfusi perimetrus ambitu foraminis semper est maior.

F **E**STO corpus luminosum AB, cui directè obiiciantur foramen DC, & planum EF. A luminosi autem corporis extremitatibus A & B per opposita extrema foraminis C & D radij, vt suprâ decussati incédant AF & BE: dico lumen EF plano exceptú perimetrum habere amplioem, quàm sit foraminis ambitus. Quoniam enim radij AC & BD inter foramen corpusque lucidum sese interfecât per 89. proposit. huius libri, sit interfectionis locus G: itaque iidem radij GC & GD ad planum vsque producti, vbi plano ac foramine intercipiuntur, duo efficiunt triangula CGD & EGF, quorum bases,



ses, foramen scilicet & planum, cum parallelæ sint ex hypothefi, propter directum oppo- A
 sitionis situm, erit per 29. primi
 Euclidis angulus GDC angulo
 GFE , & GCD angulus ipsi GFE
 angulo æqualis; est verò G angu-
 lus vtrique triangulo communis:
 igitur equiangula sunt ipsa trian-
 gula, vt lemmate 4. huius libri
 est demonstratum. Quare per 4.
 sexti Euclidis, vt GE ad GD , sic
 se habet lumen EF ad foramen
 CD : sed tota GE maior est sua
 parte GD per communem notio-
 nem: igitur dimetiens luminis EF foraminis dimetiente CD est maior. Perimetri autem
 circulorum eam inter se rationem habent, quam dimetientes: itaque luminis perime-
 trus ambitu foraminis maior est; quod erat demonstrandum.



Ex quo perspicue apparet hallucinari illos, qui cum videant solis splendorem per angu-
 stum foramen in oppositum parietem transfusum, maiorem in modum ampliari, eius
 causam illam esse arbitrantur, quod sol foramine ipso sit maior. Vnde etiam colligunt
 ita se habere solis magnitudinem ad magnitudinem luminis in pariete spectati, quemad- C
 modum se habet solis distantia à foramine, ad distantiam luminis. Inficiandum non est
 amplioris luminis radios per idem foramen patentius circumquaque diffundi: at cum
 ea sola causa non sit, cur transfusum lumen augetur, latiusque sese expandat, non rectè
 ex hac apparentia magnitudo solaris corporis demonstrari poterit. Accedit quod quam-
 uis sol foramine minor existat, imò verò sit puncti instar, nihilominus transmissum lu-
 men ad obiectum parietem futurum sit maius ipso foramine. Rectène igitur hoc etiam
 dato solem foramine maiorem aduersus hypothefin pronuntiabis?


PROPOSITIO XCII. THEOREMA.

Perfectum lumen in obiectum planum per idem foramen trans- D
 lapsum, ab æquali corpore luminoso, æquale est; à maiore, mi-
 nus; & à minore, maius.



Quæ superius dicta sunt, non de solo perfecto lumine, sed de toto illo quod
 per foramen
 translabitur,
 intelligenda
 sunt. Perfe-

ctum verò illud lumen, de
 quo nunc tantum agimus,
 non vno modo se habet ad
 foraminis amplitudinè: pro
 varietate enim corporis lu-
 minosi, quandoque fora-
 mini æquatur, quandoque
 minus est, quandoque ma-
 ius, quandoque etiam in obiecto planum nullum est.



Est in primis sphaeroides luminosum, cuius diameter AB , eique par magnitudine
 foramen CD : dico lumen EF plano directè opposito exceptum æquale esse foramini CD . F
 Quoniam enim per ea quæ propositione 72. de vmbriis sunt demonstrata, constat radios
 ACE & BDI parallelos esse: sunt verò & AB , CD , EF parallelæ ex hypothefi, nimirum
 propter situs directionem, erit $CDEF$ parallelogrammum per ipsius definitionem: quare
 per 34. primi Euclidis aduersa eius latera EF ipsi CD , hoc est lumen plano receptum,
 foramini est æquale; quod primò erat demonstrandum.

Sit deinde luminosum, cuius diameter GH , maius foramine CD : dico lumen IK in
 planum tractum foramine minus esse. Quoniam enim per 11. lemma huius libri ra-
 dios GC & HD ad partem foraminis producti tandem congrredi necessum est, sit con-
 gressio-

A gressionis signum L , idemque vertex luminis conoidis, cuius triangulum per axem CLD secans planum in I & K : cum itaque parallelæ sint CD & IK ex hypothefi, erunt triangula CLD & ILK æquiangula per 4. lemma huius libri. Quare per 4. sexti Euclidis, ut LI ad LC , ita IK ad CD : sed LI minor est quàm LC , nempe pars totâ: igitur & IK ipsâ CD , hoc est lumen quod in planum transcribitur, ipso foramine est minus; quod secundo demonstrandum erat.

B Præterea sit luminosum corpus NO foramine CD minus: dico lumen PR foramine CD maius esse. Si quidem per idem 11. lemma huius libri, radij PN & RO ad partes NO protracti tandem conuenient; esto igitur coitionis punctum M , idemque vertex luminis conoidis NO ORP , cuius coni triangulum per axem sit PMR , in quo cum parallelæ sint ex hypothefi CD & PR , erunt triangula CMD & PMR æquiangula per 4. lemma huius libri: atque ea propter per 4. sexti Euclidis, quemadmodum MP ad MC , ita PR ad CD : sed tota MP maior est suâ parte MC : itaque & PR ipsâ CD , hoc est lumen exceptum plano, ipso foramine est maius; quod tertio loco demonstrari postulabatur.


C Postremò si planum longius à foramine dimoueat, sic ut punctum L inter foramen planumque incidat, nulla perfecti luminis portio ad planum attinget: siquidem per 8. huius libri definitionem punctum L extremus est perfecti luminis terminus. Itaque quodcumque hunc terminum præteruehitur planum, nullo perfecto lumine irradiatur, sed imperfectum solum lumen participat; quia ad id aliqui saltem luminis radij attingunt, tamen non ab omni parte luminosi corporis profusi; quod vltimò erat explicandum.

PROPOSITIO XCIII. THEOREMA.

Si planum foramini parallelum fuerit, erit lumen puncti luminosi, quod plano excipitur, eiusdem cum foramine figura.

D VANDO iam partim ex natura radorum, partim ex propositione 85. & 86. huius lib. perspicue constat, lumen puncti per foramen prolapsum vel conum esse vel pyramidem, propositum explicaturi, primum in cono, deinde in pyramide demonstrationem instituemus.

E Propositione 85. huius libri ostendimus, si foramen circulare sit, puncti lumen in figuram cono effingi. Esto igitur punctum luminosum A expositum foramini circulari BGC , illiusque radij profundantur per foraminis ambitum ad planum vsque DFE : dico lumen quoque plano exceptum, uti & foramen, circulare esse. Quoniam enim per 85. prop. huius libri conoides est lumen ADE , esto eius axis AH per K centrum foraminis actus: sunt etiam triangula per axem AHE & AHF : igitur cum planum quod lumen recipitur sit foramini parallelum ex suppositione, erunt quæ ex centris educuntur rectæ lineæ KC & HE parallelæ per 16. vndecimi Euclidis. sunt namque KC & HE communes intersectiones, quibus triangulum per axem AHE , lumen plano exceptum simul ac foramen intersecat. Eodemque modo parallelæ erunt KG & HF , ac ceteræ item omnes, quæ ex centris ad eandem rectam lineam à vertice ad circumferentiam basis ductam terminantur: igitur æquiangula erunt triangula AKC & AHE ; itemque AKG & AHF , per 4. lemma huius libri: quare per 4. sexti Euclidis ut AK ad AH , sic KC ad HE : sed ut AK ad AH , ita & KG ad HF , per eandem 4. sexti Euclidis: itaque ut KC ad KG , ita HE ad HF , per 11. quinti Euclidis. Est verò KC ipsi KG æqualis ex hypothefi, quod scilicet foramen circulare esse supponatur, cuius centrum K : igitur & HE ipsi HF æqualis erit per 9. quinti Euclidis. non enim illæ solummodò æquales inter se esse probantur rectæ lineæ, quæ ad eandem; verum etiam quæ ad æquales eandem habent rationem. Cumque eodem modo æquales inter se ostendi possint ceteræ omnes, quotquot ex centro H ad peripheriam luminis in plano fulgentis educuntur lineæ, necessariò conuincitur lumen ipsum circulare esse per circuli definitionem, eiusdemque cum foramine figuræ.



Esto deinde multilaterum foramen $BIGC$, ceteraque eadem quæ supra: dico & lumen $DLFE$ totidem similitumque esselaterum, atque æqualium angulorum. Quod si ostensum fuerit, perspicuum erit luminis figuram foraminis figuræ similem esse per primam definitionem libri sexti Euclidis.

Cum verò duas condiciones ad figurarum similitudinem Euclides ea definitione exposcat, nempe laterum analogiam, & angulorum æqualitatem: primò quidem ostendemus singula latera luminis plano excepti singulis lateribus foraminis proportionalia esse: deinde & æquales esse angulos singulos singulis qui homologis lateribus continentur: ex quibus tandem propositum per se explicatum probatumque habebitur.

Quoniam planum, in quod lumen procidit, ipsumque foramen sunt parallela ex suppositione, erunt in triangulo AFE communes sectiones FE & GC parallelæ per 16. vndecimi Euclidis: ideoque æquiangula ipsa triangula AGC & AFE per 4. lemma huius libri: ac per 4. sexti Euclidis vt AG ad AF , ita GC ad FE . Sed vt AG ad AF , ita & GI ad FL per eandem 4. sexti Euclidis, quod scilicet GI & FL æquè ac GC & FE sint parallelæ per 16. vndecimi Euclidis: igitur per vndecimam quinti Euclidis vt GC ad GI , sic FE ad FL . Eodemque modo demonstratio locum habet in ceteris omnibus vtriusque figuræ lateribus: sunt igitur latera luminis in plano nitentis lateribus foraminis proportionalia.

Rursum quòd & anguli æquales sint, hoc modo demonstratur: Ductis CI & EL , quoniam triangulum ALE secat simul & foramen & planum, quæ ex hypothese sunt parallela, erunt quoque communes sectiones CI & EL parallelæ per 16. vndecimi Euclidis: ac propterea triangula ACI & AEL æquiangula per 4. lemma huius lib. Quare per quartam propositionem libri sexti Euclidis, vt AC ad AE , sic CI ad EL : igitur duo triangula CGI & EFL latera habent proportionalia; siquidem proximè antè ostensum est duo latera CG & GI duobus EF & FL proportionalia esse. Quocirca per 5. sexti Euclidis æquiangula sunt ipsa triangula. Angulus itaque CGI angulo EFL æqualis est. Sed eodem modo ceteri, reliquis pares amplitudine ostendi queunt: igitur lumen plano exceptum, quod à puncto per multilaterum foramen traducitur, eandem cum foramine figuram fortitur; quod demonstrasse oportuit.

PROPOSITIO XCIII. THEOREMA.

Si planum obliquum fuerit, erit figura luminis à puncto emissi obliqua sectio conii vel pyramidis.



Hoc in primis supponendum videtur, foramen aut circulare esse, aut multilaterum: at propositione 85. ostensum est lumen à puncto luminoso per circulare foramen coactum figuram habere conicam; per multilaterum verò foramen profusum, pyramidem æmulari, vt propositione 86. demonstrauius. Liquidò igitur patet lumen à puncto dato luminoso per foramen in obiectum à tergo planum effusum sectionem quamdam conii vel certè pyramidis repræsentare, eamque obliquam, si planum obliquè luminosum conum vel pyramidem secet.

Quot autem modis secari possit conus, docet Apollonius Pergæus initio libri primi Conicorum elementorum, & nos libro quarto propositione sexagesima sexta compendio exposuimus. De pyramidis autem sectione nihil attinet dicere, cum ea per se à quouis vel mediocriter in Geometricis rebus exercitato satis superque explicari possit. Itaque perspicuum quidem est id, quod proponebatur: at quando spectatum in obliquo plano lumen Parabola sit, quando Hyperbole, aut quando Ellipsis, ex conicis sectionibus ad descendum erit.

A

PROPOSITIO XCV. THEOREMA.

Si foramen corpusq; luminosum diuersa fuerint figura, lumen plano exceptum foraminis simul ac corporis figuram imitabitur.



B

STO inquam sphaeroides luminosum, quod per foramen quadrangulare lumen profundat: quoniam igitur lumen, quod à singulis punctis corporis luminosi deciditur, per quadrangulare foramen coactum, in obiecto plano quadrangularem figuram ostentat per præcedentem 93. propositionem; manifestè patet figuram totius luminis in planum profusi compositam esse ex innumeris basibus quadrilaterarum pyramidum, sibi mutuo incumbentibus: quarum mediæ quidem totæ sibi permiscuntur, ideoque exquisitissimum lumen progignunt; extremæ verò circumcircuità secundum partes dumtaxat se inuicem complectuntur; quamobrem lumen in extremo ambitu remissius efficiunt.

Cumque extremæ hæ luminosæ bases ex iis punctis porrigantur, quæ in ambitu luminosi corporis existunt, hoc est in circuli peripheria, perspicue sequitur luminis in plano nitentis figuram nec quadrangularem esse, neque exactè circulaem; propius tamen ad circulaem accedere: siquidem infinitæ quadrangulares figuræ eo modo dispositæ, ut omnium centra in eandem circuli peripheriam incidant, circulum propius imitantur quàm quadrangulum; quòd nimirum ipsæ quoque angulorum prominentiæ in orbem digestæ sint, atque eapropter in perfectum circuli ambitum continuari videantur.

CONSECTARIUM.

Sol per quadrilatera profluens, non rectis lineis figuram describit; sed circulum propius amulatur.

DHVIVS rei luculentissimum experimentum in cratibus videre licet, per quarum angulos radij solis in obiectum parietem prolapsi, circulum veriùs quàm quadrangulum describunt. Cuius geminam causam Philosophus in problematis, sectione 15. quaest. 5. persuadere conatur his verbis: 1. *An quòd aspectuum procidentia turbine agitur: turbine autem basis in orbem se colligit: quamobrem quocumque radij solis incurrerint, nimirum circulares apparent.* 2. *An quòd solis quoque figuram rectis lineis contineri necesse est: siquidem recti radij proueniunt.*

Verùm non est hoc loco Philosophus, meo quidem iudicio, genuinam apparentiæ causam assecutus. nam quod primò assumit, *aspectuum*, seu luminis, *procidentiam turbine fieri*; verum quidem subinde est, at non omnino: etenim radij qui à puncto corporis luminosi quaquaversus porriguntur, non ad circulare tantum, sed ad cuiusvis figuræ corpus sese adiungunt. Non itaque *quocumque radij solis incurrerint, in orbem sese colligunt*: sed nunc quidem eo modo, aliàs alio. Cùm verò à toto luminoso corpore in vnum quodpiam punctum lumen procidit, nec sic quoque turbine figuram perpetuò lumen adsciscit, sed eam, quam luminosum corpus variam suggerit. Non fit igitur vniuersè in modum coni luminis procidentia, quod Aristoteles assumit.

Deinde in altera responsione partem quidem assignat veræ causæ, nimirum orbicularem solis figuram, quam rectâ promissi luminis radij vndique cingunt. at quo pacto hinc effectus ille consequatur nequaquam ostendit. Non enim satis est ad propositi explicationem solis figuram circulaem esse, lumenq; rectis lineis efferri, nisi etiam ostendatur, quo pacto per cratium angulos lumen prolapsum hebetetur, atque ab angulorum processibus sese retrahat, sicque corporis potius luminosi quàm foraminis schema affectet, cratium figura repugnante.

Ioannes Archiepiscopus Cantuariensis in sua perspectiua communi huius effectus causam ex propria sententia ita describit: *Sciendum est igitur figuram sphericam luci esse cognatam, & omnibus mundi corporibus principalioribus consonam: utpote natura maximè seruatiuam, quæ omnes suas partes suo intimo perfectissimè contingit. unde & scintilla in rotunditatem incidit. Ad hanc igitur lux naturaliter mouetur, & eam protelata distantia paulatim acquirit.* Quibus verbis lumini eam proprietatem attribuit, quam ceteris quidem corporibus; at maximè conspicue aquæ hydrargyroque inesse videmus, ut sese in orbem

colligant, ea nempe figura, qua ipsorum partes minimè distrahuntur, seque efficacius A aduersus hostiles qualitates tueantur.

Sanè si quidpiam extaret lumini aduersum, quod eius actionem pessumdaret, ipsique luminoso interitum machinaretur, dicere oporteret lumen non modò per foramen quadrilaterum transmissum rotundari, sed etiam parcissimè sese effundere, semperque naturæ ductu originem repetere, inò vix septa corporis luminosi transilire. Verùm cum lumini nihil penitus aduersetur, sed omnia lucis vsuram expetant, ceu vitæ omnis auëtricem & conseruatricem, ratio suadet, vt eius profusionem nullo modo coarctemus, quin potius, quod oculis omnino cernimus, fateri oportet, lumen omnium maximè sui esse diffusiuum, suamque actionem longissimè latissimeque, atque in omnem B circum partem diffundere, ne quid sit quod eius benefico appulsu destituatur.

Est igitur huius rei ea causa, quam paulò antè diximus: nempe quòd illuminationum pyramides, quæ à singulis punctis solaris corporis per quadrilatera cratium foramina prociunt, in orbem disponantur: at enim earum axes iuxta foramina decussati, hinc vertices, illinc centra basium attingunt: quapropter circulum ex vtraque parte complent, quorum alter solarem orbem, alter eum locum plani occupat, ad quem soli axes pyramidum attingunt. Hunc portò circulum extantes circumcirca basium portiones ambiunt: ex quo nimirum fit, vt totum lumè, quod plano excipitur, circulum æmulari videatur.

PROPOSITIO XCVI. THEOREMA.

Si foramen corpusque luminosum figuram quidem eandem habuerint, C at non eundem situm, erit luminis plano excepti figura mixta.

QUOD superiore propositione figurarum dissimilitudo, hoc in præsentī efficit similibus figurarum respectus situsque dissimilis; vt si triangulare luminoso foramini item triangulari ita opponatur, vt anguli vnus alterius lateribus respondeant, dico fore, vt lumen plano exceptum hexagonam formam quodammodò imitetur. Erit enim luminis figura ex innumeris basibus trilaterarum pyramidum composita, quæ quidem omnes triangulares erunt, atque in triangularem ordinem digestæ, sed ita vt non idem sit ordinis atque basium D responsus: hæc enim contrariè quodammodò se habent; nam basium latera angulis triquetrae dispositionis respondent. Erit itaque figura luminis velut hexagona, qualis conflatur ex plurimis triangulis in trilateralem ordinem contrariè dispositis. Si quadrilatera sint figuræ corporis luminosi atque foraminis, lumen in plano nitens octogonam figuram affectabit. Atque eodem modo se res habebit in ceteris, præterquam in circulo, qui ad alterum circulum eundem semper habet respectum, nisi obliquetur: at hoc etiam casu transmissum lumen planoque susceptum à vera conī sectione nonnihil desciscet, propiusque ad circuli rotunditatem accedet, sicque mixta semper erit apparentis in plano luminis figura; quod erat ostendendum.

PROPOSITIO XCVII. THEOREMA.

Si foramen corpusque luminosum figuram dissideant, quò propius erit foramen luminari, planumque remotius, eò perfectius transmissum lumen figuram lucidi corporis æmulabitur.

QUOD primùm eius rei periculum fiet, si tabula lignea comparetur palmi vnus aut plurium magnitudine, in cuius medio bractea ænea committatur, tenui foramine perforata: huic enim si vna ex parte lucerna, ex altera candida charta opponatur recto ordine, sic vt flammulae lumen per foramen in chartam transpareat: dico si foramen chartæ propinquius fuerit, lumen figuram magis foraminis apparere; si verò contrà foramen lucernæ fuerit propinquius, formam flammæ distinctius chartæ impressam spectari. Quod idem in cratibus videre est lucente sole. Illis enim cum planum propius admouetur, anguli exacuuntur, nitidiusque figura transfennæ conspicitur: aucto verò interuallo, anguli hebetantur, formamque circuli affectant.

Nunc si quis rationem postulet, cur id fiat, illam eandem dabimus, quæ modò est explicata: nempe quia luminis configuratio nequaquam simplex est atque vnus modi, sed

A sed ex duabus mixta, foraminis scilicet corporisq̄ue luminosi, fit, vt cum planum foramini propius admouetur, euentius perspiciatur id quod foramen de sua confert figura in illam radiorum miscellam; idq̄ue cum aucto interuallo depereat, cratium forma oblitescit, hocq̄ue iam sensim incipit apparere, quod à corporis luminosi figura profiscitur.

PROPOSITIO XCVIII. THEOREMA.

Forma per foramen transparentes, inuersa cernuntur.

B **S** i fenestris omnibus obseratis obscurum reddatur conclaue, tenui tantum relicto foramine per quod externo lumini aditus pateat, formæ externarum rerum, quas solis splendor foris illustrat, in obscurum locum vnà cum lumine subeunt, obiectaque charta, in ea velut propriis lineamentis expressæ conspiciuntur, subobscurius tamen quàm res ipsæ sint, propter luminis transpasi imbecillitatem; cuius rei libro primo propositione 42. mentionem fecimus: nunc autem cur inuerso situ imago appareat, alius est repetendum, proprioque fundamento stabiliendum.

Cum propositione 89. huius libri ostensum sit, eos luminis radios, qui ab extremitatibus corporis luminosi per oppositas extremitates foraminis procidunt, inter foramen corpusq̄ue luminosum sese interfecare, perspicuum est hos ipsos, posteaquam foramen præteruecti fuerint, in contrarias partes abire: quo fit, vt formæ earum rerum, quæ luminis ope per foramen deferuntur, permutata incedant via, atque in postpositum planum ineurrentes, externis rebus contrariè respondeant, sic vt superior pars infra, & inferior supra, dextraq̄ue sinisterorsum, ac sinistra dextrorsum tendat. Ea est enim secantium sese linearum natura conditioq̄ue, vt ab intersectionis loco situm permutent, longiusq̄ue productæ in contrarias partes abscedant: quare & in eas quoque res quadrat hæc proprietas, quæ rectis lineis feruntur, vt sunt lumen atque aspectabiles formæ.

PROPOSITIO XCIX. THEOREMA.


D *Forma, quæ post trans-foramen apparent, interdum rebus ipsis æquales, aliàs vel maiores, vel minores existunt.*

E **H** I STO A B res quæpiam aspectabilis, cuius forma luminis beneficio per foramen C D transpareat radiis decussatis A H & B K, quorum commune intersectionis punctum sit E: igitur si planum aliquod rei aspectabili parallelum post foramen constituitur, ac primò quidem in F G, vbi sunt radiorum segmenta E F & E G segmentis E A & E B æqualia; dico formam rei A B plano F G terminatam ipsi A B æqualem fore. Quoniam enim parallelæ sunt A B & F G ex hypothesis, erit angulus A angulo E F G æqualis, & B angulus æqualis ipsi E G F angulo per 29. primæ Euclidis. Est verò & reliquus reliquo ad signum E æqualis per 15. primæ Euclidis: æquiangula igitur sunt ipsa triangula A E B & F E G: quare per 4. sexti Euclidis erit vt A E ad E F, sic A B ad F G: sed E F ipsi E A est æqualis ex suppositione. Itaque & F G ipsi A B conuincitur æqualis; quod erat propositum.

F Deinde si planum longius dimoueat, vt in H K, vbi nimirum est E H maior quàm E A: dico & formam H K re ipsa A B maiorem fore. Cum enim, vt supra, ostendi possint æquiangula triangula H E K & A E B, erit per eandem 4. sexti Euclidis, quemadmodum E H ad E A, sic H K ad A B: sed E H supponitur ipsa E A maior: igitur & H K ipsa A B maior erit.

Demum si propius ad planum adducatur, vt in L M, vbi est E L quàm E A minor; simili prorsus modo demonstrabimus & L M formam re ipsa A B minorem esse; quod erat præstandum.

FRANCISCI AGVILONII
 E SOCIETATE IESV
 OPTICORVM
 LIBER SEXTVS
 DE
 PROIECTIONIBVS.



ARGVMENTVM.

TAMETSI fateri oportet, ea quæ superioribus quinque libris sunt pertractata, magnam habere & voluptatem & utilitatem; hæc tamem pars, quæ de Proiecturis est, longè habet maximam. Etenim post Geometriæ elementa, quæ in Mathematicis rebus principatum tenent, nescio an quidpiam extare possit aliud, quod vel per se iucundius sit, vel æquè ceteris disciplinis deseruiat. Nam Astronomus, Cosmographus, Architectus, belli Dux, Nauarchus, Pictor, Calator, & si qui alij his subiiciuntur artifices, huius scientiæ præsidio destituti ratiocinari quidem utcumque possunt, multaq; verbis inanimè iactare, ut plurimum imperiti solent: at velut truncati manibus, præstare omnino

A omnino nihil. Quod quidem longum fortasse putabitur in singulis propria ratione demonstrare: non exiguum Verò pretium huic nostræ operæ constitutum fore arbitror, si ostendero præcipuas illas Matheseos facultates, nobilissimasque Reipublicæ artes, è Proiecturis traxisse originem.

Atque in primis, ut ab Astronomiæ scientia ordiamur, quæ ceteris dignitate præstat, recensitis eius primordiis atque incrementis, facile quivis perspiciet non minimam eius partem in Proiectionum rationibus positam esse. Maiores nostri (sic enim fas est credere) animi primùm oblectandi gratia cælum suspexerunt, ut nimirum siderum varietate ac nitore oculos mentemque pascerent. Deinde quæ in astrorum latitudinibus ipsi obseruarunt phenomena, posteris velut theses longo vsu probatas commendarunt. Hi postea eorum, quæ à maioribus acceperant, veramque ipsi compererant, causas inuestigantes, cum eas propter obiectorum longinquitatem assequi pro arbitrato non possent, hypotheses ipsis thesibus substituerunt, hoc est, ea in cælis mente cõfinxerunt, quæ quidem in se nihil à ratione alienum haberent, iis autem positis apparentes effectus consequi necessum esset. Sic inquam Astronomi non tam quid in cælo reipsa sit, querunt, quàm quibus positis saluari possint phenomena. Cumque in earum hypotheseon explicatione laborarent, nec quod ipsi animo præcipiebãt, id aliis æquè inculcare possent, solidos quosdam globos efformarunt ad amussim sphericos, in quibus vniuersam cæli faciem, variosque circulos velut à motu astrorum relicta vestigia consignarunt. Quod inuentum Atlanti primùm acceptum fertur, qui cum illud postea Græcos docuisset, magnam inde consecutus est gloriam, quòd cælum velut humeris sublatum in Græciam deportasset. Tum Verò sublimiori quodam artificio solos ipsos circulos mutuis intersectionum locis commiserunt in modum spheræ, quæ resecta globi soliditate aspectibus peruia esset, inque eius medio terram axe transfixo collocarunt, vnde apertius cæli motiones atque aspectus cognoscerentur. Quæ res eousque progressum habuit, ut pluribus orbibus in vnum impactis totam cæli harmoniam organicè spectabilem exhiberent. Hoc verò in opere Syracusius ille summo ingenio vir Archimedes ceteros facile antecelluit, de cuius vitreo opere hos elegantissimos versus cecinit Musa Claudiani:

Iuppiter in paruo cum cerneret æthera vitro,
Risit, & ad superos talia dicta dedit:

Claudian.
Epir. 21.

E Huccine mortalis progressa potentia curæ?
Iam meus in fragili luditur orbe labor.
Iura poli, rerumque fidem, legesque Deorum
Ecce Syracusius transtulit arte senex.
Inclusus variis famulatur spiritus astris,
Et viuum certis motibus vrget opus.
Percurrit proprium mentitus Signifer annum,
Et simulata nouo Cynthia mense redit.
F Iamque suum voluens audax industria mundum
Gaudet, & humana sidera mente regit.

Verum necdum ex satiata tam præclaris inuentis hominum industria, cum animadverteret crassos hos corporeosque circulos minùs idoneos esse, quibus exactè demonstrarentur astrorum ortus, occasus, distantie, situs, aspectus, congressiones, oppositiones, accessus, recessus, ceteraque motiones, quæ certa lege, definito tempore, ac propriis locis suas absolunt

solvunt periodos, abstrusa quadam inuestigatione, longè que à sensibus dissita Astrolabia, Horolabiaque, & Gnomones, & quadrantes, sola regula normaque, ac circino planis tabulis inscribere didicerunt, quæ profectò nil aliud erant, quàm caelestes circuli ac signa in planum proiecta. Quantam autem eæ projectiones utilitatem rei Astraria attulerint palàm omnino est, nec quisquam adeò parum illius est gnarus, qui testari ingenue non debeat, eas & ad accuratissimas schematum delineationes, & ad omnem demonstrandi rationem fuisse non modò utiles, verùm etiam apprimè necessarias. Harum namque ope caelestes observationes, quæ antè rudi quodam modo tradebantur, ad exactum calculum minutissimarum partium sunt reuocata. Et quamuis caelestes circuli in solido globo descripti, perfectiùs quàm in plano cali imaginem præ se ferant, propter figuræ rotunditatem torno elaboratam; tamen ob exquisitissimam formam, quam habere globus ipse debet, difficillima redditur eius constructio, ut vix quisquam perfectum se globum aliquando consecutum sperare audeat, ac proinde nec circulum in eo umquam valgo aut varo circino accuratè decircinasse. In plano autem quis non videt longè præstantius quidquid libuerit designari, cum circinus regulaque, certissima sint ad planas descriptiones instrumenta? Præterea non omnes circuli, qui in sphaera ad astrorum quæstiones explicandas necessarij sunt, in solido globo describi possunt, quales nimirum sunt paralleli horizontis, quos altitudinum circulos vocant, & verticales, itemque illi qui caelestes domos discriminant, & quicumque demum mutata cali plaga, pariter situm constitutionemque mutant. Quare hoc etiam nomine utilissimas existimare oportet Projectionum leges, quòd his ea omnia ac longè etiam plura in planis tabulis faciliè, accuratè, & compendiosè inscribi possint. Quamobrem si non licet, aut minùs lubet integrum Astrolabium seu Planisphaerium circumferre, satis erit regula ac circinus, quorum ope ex Projectionum institutionibus, quicumque sphaeræ circuli extemplo describi possunt. Proposita itaque quæstione, cuius solutio ex sphaera pendeat, si nec sphaera, nec Astrolabium præstò sit, cuius beneficio quæstio elucidetur, in assumpta charta illi tantummodò circuli designari è vestigio poterunt, quorum usus ad propositam quæstionem postulatur, ceteris prætermisissis. Neque enim id necesse est, ut is qui rationem tenet describendorum in plano omnium circularum, sphaeram vel Astrolabium semper penes se habeat, cum ex ea arte quam possidet, queat nunc hos, nunc illos circulos pro libitu representare. sic verò paucorum circularum descriptione consequemur id, cuius gratia Planisphaerium circumgestare non sine graui molestia oporteret. Ac multò etiam perfectiùs solo circino ac regula, quàm per Astrolabium ea omnia peragemus: siquidem plurima Astrolabia imperfectissimam habent deformationem, qualia illa sunt, quæ ex impressis chartis tabelle agglutinatis concinnantur. Humectatæ siquidem chartæ distenduntur, sicque lineamenta non parùm à vero situ discedunt. Quæ verò in æreis scalpuntur laminis, tamen si videantur punctim elaborata, hoc tamen habent incommodi, quòd paralleli circuli, qui per singulos gradus, atque etiam minuta ducendi erant, omitti debeant propter loci angustiam. Sunt autem illi omnes pernecessarij, ut exquisitè omnia ostendi possint, quæ in Astrolabij usu continentur. Si quid enim propositum sit, cuius demonstratio eorum circularum assumptionem deposcat qui in Astrolabio prætermittuntur, necesse est eius usum hac in parte incertum esse ac diminutum. Nam ad prudentem oculorum æstimationem confugiendum erit, magisque coniectura assequi id quod quaeritur oportebit, quàm certa necessariaque demonstratione: & si illorum dumtaxat

A circularum usus percipi potest, qui in eo pauci expressi cernuntur, manifestum est Astrolabij usum angustissimis terminis circumscribi. Quare propositum nobis hoc libro erit amplissimas omnium Proiectionum leges sancire, quarum periti omnes sphaerae circulos in planum transcribere vniuersè poterunt: Unde eadem, quae & sphaerae Astrolabijque utilitas longè vberior emanabit. Atque haec sanè maxima est Proiectionum dignitas, quòd, qui earum rationem teneat, caelum secum deferre videatur. Patet itaque iam quantum ad rem astrariam momenti habeat Proiectionum scientia; quod

B primo loco ostendisse oportuit.

Nunc ad Cosmographiam veniamus. Haec duobus constat: Historia & Delineatione. Historia docet quo pacto infimus iste vniuersitatis orbis in maria primùm ac patentes terras distribuendus sit. Deinde in cõtinente, quae regna, quae prouinciae, quae vrbes, quae promõtoria, quae littora, qui sinus, qui isthmi, qui montes, quae plana, quae flumina: extra verò quae insulae, quae freta, quae vada, qui scopuli, qui vortices, & quae sunt reliqua eius generis, quibus item haec omnia sita sint locis, & sub qua caeli plaga. Quae omnia ad Proiectionum institutum minimè pertinent. Est verò Proiectura velut propria soboles Delineatio, quae primùm quidem in solidis globis instituta fuit: at cùm ij circumferri sine magno incommodo non possent, ad planas chartas, quas Mappas vulgus à similitudine appellat, translata fuit, docuitque ea omnia quae in solido globo designantur, sic in planum representando describere, vt velut in propria imagine partium omnia vera loca ac situs accuratissimè dignoscantur. Quod multis quidem modis factitatum esse ex illis Mappis constat, quae à variis variè conscriptae passim venales prostant. Quarum omnium rationes descriptionumque modos, nos etiam hoc libro tradere

C instituimus. In praesenti autem satis omnino factum esse arbitramur, si constet Proiectiones in rebus cosmographicis plurimùm desiderari.

Simili quadam ratione ostendemus & ad Architectonicam Proiectiones fuisse pernecessarias, si aedificiorum, origines ac progressus altius repetamus. Viuebant olim primi mortales beluarum ritu palabundi, per auia montium atque siluarum dispersi, sub patulis arborum frondibus ferina contenti alimonia: cùm caeli inclementiam crebrò experti, id magno certatim studio agere sunt aggressi, vt se suaque aduersus externas iniurias tuerentur, solis ardores, pluuias, niues, grandines, tectis, ventorum procellas parietibus

E arcerent: quos, qui ceteris ingenio praestabant, ex arborum ramis terra defixis intextisque, ac luto illitis conficiebant, quae prima fuere artis structoriae incunabula. Hos verò qui proximè sunt secuti, minimè contenti iis initiis, quae ad humanae vitae conseruationem necessaria erant, ad ea quoque animum appulerunt, quae ad expeditas commoditates non parum conducere experientia in dies edocebat. Hinc primùm tuguriola, humilescque attegiae, ac rusticana mapalia, deinde aedicula, tum domus ampliores, exinde vici, demum oppida frequentesque vrbes, ad priuatum & communem usum constructae fuerunt: aduersus autem hostiles insultus machinae, tormenta, castra, propugnacula. Atque

F in hunc modum parentes nostri partim consiliis prudentium virorum permoti, partim disertorum orationibus deliniti, à fera agrestisque vita ad humanum ac civilem cultum sunt traducti. In omnibus verò quoad per bonos mores licuit, ea semper parsimonia adhibita fuit, quam Natura hominibus à prima origine inseuerat, ac ratio seruandã praescripserat. Porrò cùm iam rerum omnium affluentia atque otio abundarent, à commoditatibus ad voluptates, à frugali vita ad lautitiam, à bonis honestisque moribus ad omne flagitio-

flagitiorum genus sunt prolapsi; & necessitati fecisse satis leue quidem existimarunt. A
 commoditati autem prospexisse ingratum, nisi ea quoque molirentur, quæ vel ad corpo-
 ris molliem splendidamque habitationem facerent, vt sunt, porticus, palatia, thermæ,
 aquæductus; vel ad singularem animi voluptatem, vt amphitheatra, circi; vel ad no-
 minis amplitudinem, decusque stemmatis, vt pyramides, columnæ, obelisci, trophæa, ar-
 cus triumphales, mausolea; vel ad deorum cultum ac venerationem, vt aræ, delubra,
 templa. In quibus præcipuè admirari licebat immanès operū moles, miraculosas substru-
 ctiones, insanas altitudines, stupendos fornices. Quæ magna illi ædificabant, vt posteris B
 magni esse viderentur. Verùm cum hæc ad effectum perducere non possent, nisi conceptus
 animi, quas Ideas vocant, externis quibusdam imaginibus iis artificibus representa-
 rentur, qui ad perficienda opera necessarij essent: hinc primùm ex solida materia conce-
 ptum opus construere cœperunt, minori quidem forma, at partibus omnibus absolutum
 ceu ideam quãdam breuioribus modulis ad viuum expressam: post minori quidem im-
 pendio, pari verò vtilitate chartis vniuersum opus inscribere didicerunt, adiuti
 Proiectionum scientia. Cumque hac ratione non possent simul omnes structuræ facies C
 simplici aspectui exhibere, primùm substructionum lineamenta velut insistentis operis
 vestigium ichnographicè designarunt, vt omnium partium resposus, situs ac interualla
 vnico intuitu apertè cognosci possent: deinde assurgentis fabricæ singulas per se facies
 quasi directè obuersas ex Orthographicis præceptionibus depinxerunt. Est porrò Or-
 thographicè frontis obuersa imago, vt infra docebimus. Demum Scenographicè præsi-
 dio, quæ frontis simul & abscedentium laterum adumbratio est, vniuersum opus ex
 partibus compositum, quantum eius vnicus intuitus complecti poterat, spectabile fece-
 runt, vt quales futuræ essent ædificiorum distributiones, qualis omnium membrorum D
 consensus atque commensus, rectius posset æstimari. Hæc sanè præparamenta eò specta-
 bant, vt Architecti futura prospicerent errata, & paruo dispendio antè cauerent,
 quàm instituerent ædificia, ne factis operibus, grauia incommoda posteris relinqueren-
 tur. At quid obsecro hæc sunt aliud, quàm solidorum ædificiorum proiectiones, seu for-
 mæ in planum transcriptæ? Vides ergo, quantum eæ ad Architectonicam sint necessariae.
 Unde Vitruuius l. 1. c. 1. Optices non ignarum vult esse Architectum. Ego verò puto
 earum vsum in re structoria tanti esse momenti, vt qui eas ignoret, non possit iure se E
 profiteri Architectum.

Nec minùs ad res faciunt bellicas, quarum vsus Ducem postulat in designationibus
 & peritum & exercitatum. Cùm namque bellicæ scientiæ proprium sit, quouis in loco
 diiudicare, quibus præsidij sese tueri milites quàm optimè possint, hosti que grauiissima
 damna inferre, Duci incumbet munitionum, propugnaculorum, machinarum, cetera-
 rumque extructionum, quæ aduersus hostiles impetus parandæ erunt, commòdas ideas
 animo concipere, earumque formas minoribus modulis expressas artificibus præstare,
 qui postea de fundo, de materia, de firmitate, de que iis omnibus quæ ad executionem F
 pertinent, ex propriis Architecturæ principijs statuent. Prætereà oportet belli Ducem
 topographicis & chorographicis descriptionibus non mediocriter instructum esse. ex
 his enim tota ratio ducendi exercitus pendet. At hæc omnia ad proiecturas propriè spe-
 ctant: igitur liquidò constat eas & ad bellicam administrationem omnino esse ne-
 cessarias.

Sed & iis qui longos maris tractus enauigat, peropportunus est Proiectionum vsus.

Nisi

A Nisi enim expeditam illarum notitiam Nauarchi habeant, fieri nequit, ut ad præstitutos terminos navigia dirigat: siquidem ex caelestium phenomenum observationibus, locorum longitudes latitudinesque perdiscuntur, at illæ præcipuè habentur Astrolabij & Quadrantis adminiculo, descriptisq. idem idem in plano caelestium lationum circulis, ut eorum collatione habitudines inferiorum locorum per incognita maria dignoscantur. Quamobrem ad Nauarchos pars aliqua Astronomiæ & Cosmographiæ pertinet, utpote quorum interest caelestes apparentias non paucas perspectas habere, ac maritimorum locorum designationes facere, quæ cum partibus continentis aptè cohæreant.

B De Pictoria nil attinet dicere, cum per se constet propriam eius definitionem non esse aliam, quàm solidorum in planas tabulas proiectionem. Porro cum quatuor sint Picturæ partes, Delineatio, Lumen, Umbra & Color, non intelligo eam, quæ colores temperat, appositæque rebus accommodat, sed tres reliquas, ac præcipuè, ῥαϕιϑιϑιϑι, hoc est Designationem, quæ Anaglyptices, & Sculptoria, & Celatoria, & Statuaria, & Plastica est mater. Quare has etiam artes perspicuum est ex Proiectionum rationibus pendere. Nam qui signa facere instituunt, primum planas eorū delineationes calamo, creta, aut carbone ducunt: deinde è cera aut figulina proplasmata effingunt, quibûs propositum veriùs adumbrant: tum ad horum similitudinem signa ipsa quàm possunt accuratissimè perficiunt. Sic Pasiteles facere erat solitus, teste Plinio lib. 35. cap. 12. qui cum esset in his artibus summus, nihil fecit antequam finxit. Igitur eëtÿpa ex protypis fiunt, hæc verò ex designationibus, quæ vox propria usurpatione Proiectiones significat.

C Ex his satis superque constare arbitror, quantum momenti ceteris Mathematicæ disciplinis adferat scientia Proiectionum: quod ita per singulas ostendisse oportuit, ut quisque intelligat, sibi que persuasum habeat, eâ ignoratâ nullam omnino Mathesios partem ex fundamentis posse adquiri, uti contrâ, eum qui illam percalleat, nullo in posterum indigere præceptore, cum principia habeat, quorum præsidio mathemata omnia, quantumuis ardua, attingere possit, sibi que etiam plurima velut proprie inuentionis foetus adscribere.


D Ut verò in re tam præclara atque utili non oscitanter pauca duntaxat, eaq. leuiter perstringamus, ante omnia lemmatia quadam, ut superioribus libris; deinde prænotationes quasdam præmittemus, quæ omnibus Proiectionibus vniuersè deseruiant: tum ad singula genera descendendo, proprias cuiusque regulas explicabimus. Ex quarum præceptione, tametsi nullo negotio poterit Lector quidquid libuerit in quoduis planum suoapte ingenio transcribere, tamen non pigebit variis exemplis illarum regularum usum ostendere, ut illis quoque consulamus, quibus ingenium vel tardius, vel obscurius, vel minus laboris patiens nouerca natura largita est. Denique varia quoque consuetaria sparsim adiungemus ad usum accommodata, ut ex illis Lector similia colligere addiscat. Ac speciatim docebimus omnia quæ in Pictoria arte rectis aut circularibus lineis continentur, in planas tabulas expeditè transferre, quouis item Proiecturæ genere omnes spheræ circulos representando designare, rursus quasuis Astrolabiorum formas conficere, non tantum quæ ad usum, verum etiam quæ animi tantum gratia describi possunt; denique Horologiorum solarium varias praxes proponemus, hæctenus inusitata, non ut vulgares supprimamus, quas suspicimus & ambabus vlnis amplectimur: sed ut ampliorem campum aperiamus, quo Proiectionum studiosi liberius vagari possint, quod & singulari ipsorum voluptate futurum confidimus.

LEMMA I.

Si recta quadam linea in rectas quotcumque parallelas lineas incidat, erunt omnes in uno eodemque plano.




STO vt recta ABC in quotcumque parallelas rectas incidat lineas $DE, FG,$ & HK : dico has omnes in vno eodemque plano existere. Vnum enim in primis est planum, in quo $DE, HK,$ & AC distenduntur per 7. vndecimi Euclidis: in hoc ergo plano si negetur esse ipsa quoque FG , concedatur punctum eius F sublime esse. A puncto vero B in ipso plano recta ducatur BL ipsi AD parallela; quod fieri posse docet Euclides libro 1. propositione 31: erunt igitur ambæ BF & BL eidem AD parallelæ, hæc quidem ex constructione, illa vero ex hypothesi: quare & inter se parallelæ erunt per 30. primi Euclidis; quod absurdum est, ac parallelarum conditioni repugnans, cum in idem punctum B vnâ congregiantur. itaque fieri nequit vt FB à plano, in quo sunt DE & HK , discedat. Quocirca si recta quæpiam linea in rectas quotcumque parallelas lineas incidat, erunt omnes in vno eodemque plano, quod erat demonstrandum.



LEMMA II.

Si à circuli peripheria ad diametrum perpendicularis ducatur, hæc inter diametri segmenta mediam proportionem habebit.


A CIRCULI inquam peripheria ABC , ad ipsius diametrum AC recta ducatur BD , ad normam rectosque iuxta D angulos: dico BD proportionem mediam esse inter AD & DC , vtq; AD ad DB , sic esse eandem BD ad DC . Iungantur enim AB & BC : quoniam igitur per 31. tertij Euclidis angulus ABC in semicirculo rectus est, erunt per 8. sexti Euclidis, quæ ad perpendicularem triangula ABD & BDC , inter se similia: quare per primam definitionem sexti Euclidis, quemadmodum in triangulo ABD , AD ad DB ; sic se habebit in triangulo BDC , BD ad DC : igitur BD perpendicularis, eadem quoque est inter diametri segmenta AD & DC proportionem media; quod erat demonstrandum.



LEMMA III.

Si recta quadam linea sit media proportionalis inter eius, cui secundum normam adiungitur, segmenta, adiuncta extremas in circulum cadet, cuius diametrus illa est, ad quam applicatur.

HÆC propositio parum aut nihil distat à quarta propositione libri primi Sereni Antinensis Mathematici, estque conuersio præcedentis lemmatis. Demonstrari autem potest hoc modo: In rectam AC recta incidat BD secundum normam, sitque BD inter AD & DC proportionem media, ita vt quemadmodum AD ad BD , ita se habeat eadem BD ad DC : dico signum B circuli peripheriam attingere, cuius diametrus sit AC ; ideoque circa ipsam AC per punctum B semicirculum describi. Ipsa namque AC bifariam secetur in E : quoniam igitur per 5. secundi Euclidis rectangulum



A lum $A D C$ vnà cum quadrato $D E$, æquale est ei quod ab $A E$ quadrato; estque per 17. sexti Euclidis rectangulum $A D C$ quadrato $B D$ æquale, erunt quadrata $B D$ & $D E$ simul sumpta quadrato $A E$ æqualia: sed eadem quadrata $B D$ & $D E$ sunt æqualia quadrato $B E$ per 47. primi Euclidis; est enim angulus $B D E$ ex suppositione rectus: quare per communem notionem quadrata $A E$ & $B E$ inter se sunt æqualia; ac proinde ipsæ quoque rectæ lineæ $A E$ & $B E$ sunt inter se æquales. est verò $A E$ æqualis ipsi $E C$ ex constructione. igitur & $B E$ ipsi $E C$ est æqualis per eandem communem notionem: quocircà per circuli definitionem tria puncta A , B & C in circulum cadunt, cuius centrum E , ac diameter $A C$; quod demonstrandum erat.

B Potest verò & ab incommodo idem confirmari. Nisi enim circulus sit is qui per $A B C$ incedit, necesse est verum circulum, aut supra aut infra B perpendicularem $B D$ intersectare: secet igitur eam in F : Quoniam itaque $A F C$ circulus esse asseritur, cuius $A C$ diameter, erit $F D$ media proportionalis inter $A D$ & $D C$ per præcedens lemma: at ponitur $B D$ inter $A D$ & $D C$ proportione media: igitur vtrique $B D$ & $F D$ ad $A D$ vel $D C$ eandem habet rationem: quare per 9. quinti Euclidis æquales sunt inter se $B D$ & $F D$, nempe totum suæ parti, quod absurdum est: nequit igitur circulus circa $A C$ velut diametrum descriptus alio in loco quàm in B , perpendicularem $B D$ attingere; quod probasse oportuit.


LEMMA IV.

C *Cum recta linea è sublimi in planum obliquè incidit, propositum sit extremas illas lineas in plano inuenire, ad quarum alteram incidens linea ad rectos est angulos, ad alteram maximè obliqua.*

In planum $A B C D$ obliquè incidat recta linea $E G$ ex sublimi delapsa; oporteat autem primùm inuenire in plano eam lineam cui $E G$ ad rectos sit angulos. Ænea aut lignea norma plano adiungatur eo modo, vt eius caput seu recti anguli vertex puncto G , erectum verò latus lineæ $E G$ congruat, reliquum autem $G A$

D planum contingat, & per locum huius contactus linea signetur $A G$, quæ producat in C : dico igitur $A C$ eam esse lineam cui $E G$ ad rectos incidit angulos, quòd scilicet ambæ $A G$ & $E G$ normæ congruant, quæ recti anguli mensura est ac regula.


Deinde altera quoque cui $E G$ maximè obliqua est inuenietur, si per 11. primi Euclidis in ipso plano à puncto G ducatur $G B$ ad rectos ipsi $A C$ angulos, producatique in D . Hæc enim cum $A G$ angulos faciet maximè obliquos, hoc est $B G E$ minimum, & $E G D$ maximum: quoniam enim $A G$ vtrique $E G$ & $B G$ est perpendicularis ex constructione, erit eadem $A G$ ducto etiam per $E G B$ plano recta, per 4. vndecimi Euclidis. Quia verò $A G$ ipsi $B G$, id est communi intersectioni planorum $E G B$ & $A B C D$ recto adiuncta est angulo, erit planum $E G B$ ad planum $A B C D$ rectum per 4. definitionem libri vndecimi Euclidis: itaque si à quolibet puncto lineæ $E G$ ad planum $A B C D$ perpendicularis ducatur, ea in lineam $B G$ cadet per 38. vndecimi Euclidis: quocircà per 16. lemma libri quarti angulus $E G B$ minimus est omnium illorum, qui lineâ $E G$, & quacumque aliâ in plano $A B C D$ per G ducta continentur; reliquus verò $E G D$ omnium maximus, quòd per 13. primi Euclidis ambo simul sumpti duobus sint rectis æquales.

**F** LEMMA V.

Si sint quotcumque magnitudines, & alia ipsis numero æquales, quæ bina in maiore aut minore proportione sumantur; & ex æqualitate in maiore aut minore proportione erunt.

H $A B E A T$, inquam, A ad B maiorem rationem, quàm D ad E , & B ad C item maiorem rationem, quàm E ad F : dico & ex æqualitate A ad C , quàm D ad F maiorem rationem habere. Fiat enim G ipsi A æqualis, & H eam habens rationem ad C quam

E ad D, κ item ad η eamdem quam F ad E. Quoniam igitur maior est ratio A ad B quam A D ad E, erit quoque ratio A ad B quam G ad H maior; cumq; æquales ponantur A & G, habebit A ad H eamdem proportionem quam G habet ad H per 7. quinti Euclidis: igitur & A ad B maiorem habebit rationem quam eadem A ad H. Quare per 10. quinti Euclidis minor est B quam H.



Eodem verò modo cum maiorem rationem habeat B ad C quam H ad κ, minor ostendetur C quam M: fiat enim L ipsi B æqualis, & M eam habeat rationem ad L quam κ ad H: quoniam igitur maior est ratio B ad C quam H ad κ, erit quoque ratio B ad C ratione L ad M maior: quare, ut supra, minor est C quam M: at M minor est quam κ: siquidem L quam H est minor, cum sit L sumpta ipsi B æqualis; B autem ostensa sit minor quam H. Ergo & M quam κ minor est, cum sit M ad L, ut κ ad H. Quamobrem C multò minor erit quam κ. Ac propterea proportio A ad C maior quam G ad κ: est enim G æqualis ipsi A: igitur utralibet maiorem habet rationem ad C, quam ad κ per 8. quinti Euclidis. Est autem ex constructione ut D ad E, ita G ad H, & ut E ad F, sic H ad κ. Ergo per 22. quinti Euclidis ex æqualitate ut D ad F, ita G ad κ: sed iam ostensa est ratio A ad C, quam G ad κ maior: erit itaque ex æqualitate eadem A ad C ratio etiam ratione D ad F maior; quod erat demonstrandum.


Eademque est demonstrandi methodus in proportionè minore. Si enim minorem rationem habeat D ad E quam A ad B, & E ad F quam B ad C, dico & D ad F quam A ad C minorem rationem habere. Sumatur enim G ipsi A æqualis, fiatque H ea proportione ad C quam habet E ad D, & κ ad H, ut F ad E. Erit igitur & G ad H minor proportio quam A ad B: ac proinde per 10. quinti Euclidis H quam B maior est. Rursus fiat L ipsi B æqualis, & M eam proportionem habens ad L quam κ ad H: quoniam itaq; minorem rationem habet H ad κ quam B ad C, habebit quoque L ad M minorem proportionem quam B ad C: sed L ipsi B posita est æqualis: igitur M ipsa C est maior per eamdem 10. quinti Euclidis: est verò H maior quam B: ac proinde etiam maior quam L, quare & κ maior quam M: siquidem κ ad H ita se habet, ut M ad L: igitur cum M ipsa C sit maior, erit & κ eadem C multò maior. Quocirca per 8. quinti Euclidis G ad κ minorem rationem habebit quam A ad C: at ut G ad κ, ita D ad F per 22. quinti Euclidis: igitur & ex æqualitate D ad F minorem habebit rationem quam A ad C; quod erat demonstrandum.

LEMMA VI.

Si duo semicirculi similiter secantur; à locis autem sectionum ad diametros perpendiculares ducantur: dico & diametrorum segmenta proportionalia esse: & contrà, si hac proportionalia sint, ipsorum quoque semicirculorum segmenta esse proportionalia.

SINT duo inæquales semicirculi, maior quidem ABC sectus in B, minor verò DEF similiter sectus in E, sic ut quemadmodum peripheria AB ad peripheriam BC, ita se habeat peripheria DE ad EF peripheriam: dico si ducantur BG & EH diametris AC & DF perpendiculares, esse quoque ut AG ad GC, ita DH ad HF. Ducantur enim rectæ AB & BC, itemque DE & EF; circulo-

rum verò segmentis AB & DE anguli inscribatur AIB & DKE, qui per definitionem 10. tertij Euclidis æquales inter se erunt:



quoniam igitur per 22. tertij Euclidis AIB & ACB anguli, itemq; anguli DKE & DFE duobus sunt rectis pares, deductis æqualibus I & K, reliqui ACB & DFE sunt inter se æquales. Eodem verò modo æquales ostendi possunt BAC & EDF: igitur triangula ABG & DEH, quibus præter angulos A & D anguli quoque ad G & H æquales sunt, utpote recti ex hypothesi, æquiangula sunt per 32. Euclidis. Sic quoque æquiangula sunt ipsa BGC & EHF

A & E H F triangula. Quare per 4. sexti, vt A G ad G B, ita se habet D H ad H E: rursus vt G B ad G C, ita H E ad H F; ac proinde per 22. quinti Euclidis, ex æqualitate est quoque vt A G ad G C, ita D H ad H F; quod erat demonstrandum.

E conuerso autem, si proportionalia sint diametrorum segmenta, hoc est vt A G ad G C, ita sit D H ad H F: dico & ipsorum circularum segmenta proportionem habere; id est vt arcus A B ad arcum B C, ita esse D E arcum ad reliquum E F. Quoniam enim B C & E H ipsis diametris ad rectos sunt angulos, erunt eæ per 2. lemma huius libri mediæ proportionales inter suorum diametrorum segmenta: quare erunt tam A G, G B & G C, quàm D H, H E & H F continuè proportionales. Cùm igitur ex hypothesi, vt A G ad G C, ita se habeat D H ad H F, necesse est & medias proportionales G B & H E, ad extremas similiter B sumptas eandem rationem habere: si enim id negetur, fatendum A G ad G B maiorem aut minorem rationem habere, quàm sit D H ad H E. At impossibile esse vtrumque, sic ostendetur:

Esto primùm proportio A G ad G B proportione D H ad H E maior: erit igitur & proportio G B ad G C illâ, quam habet H E ad H F, maior per 13. quinti Euclidis: siquidem vt se habet G B prima magnitudo ad G C secundam, ita se habet A G tertia ad quartam G B, quod per 2. lemma huius libri A G, G B & G C sint continuè proportionales: at A G ad G B maiorem rationem habere asseritur, quàm D H quinta ad sextam H E: igitur per iam citatam 13. quinti Euclidis G B ad G C, quàm D H ad H E maiorem rationem habebit. Rursus vt D H ad H E, ita per 2. superius lemma H E ad H F: itaque G B ad G C C maiorem rationem habebit, quàm H E ad H F: quare per præcedens lemma 5. & ex æqualitate A G ad G C, quàm D H ad H F rationem maiorem habebit. Concessum verò est ab initio vt A G ad G C, ita se habere D H ad H F: nequit itaque A G ad G B maiorem habere rationem, quàm D H ad H E.

Sed nec minorem habere posse A G ad G B, quàm D H ad H E, eodem modo potest ostendi. Cùm enim G B ad G C eandem rationem habeat, quam A G ad G B per 2. superius lemma, habebit quoque G B ad G C minorem rationem quàm D H ad H E per 13. quinti Euclidis. Et rursus cùm vt D H ad H E, ita sit H E ad H F, habebit quoque G B ad G C, quàm H E ad H F rationem minorem per eandem 13. quinti Euclidis: quocircà per 5. præcedens lemma, & ex æqualitate minorem rationem habere conuincetur A G D ad G C, quàm habeat D H ad H F: at supponitur ratio A G ad G C rationi D H ad H F æqualis: nequit ergo illa esse minor: quocircà æqualis erit continuata vtriusque analogia, & in triangulis A G B & D H E, vt A G ad G B, ita D H ad H E, itemque vt G B ad G C in triangulo G B C, ita in triangulo H E F, H E ad H F. Sunt verò vtriusque anguli ad G & H recti, qui scilicet proportionalibus lateribus continentur: igitur æquiangula sunt triangula A G B & D H E, itemque G B C & H E F per 6. sexti Euclidis. Ex quo faciliè, vt supra, ostendi potest segmenta quoque A B & B C segmentis D E & E F proportionalia esse, hoc est vt A B arcus ad arcum B C, ita esse arcum D E ad E F arcum: si enim segmentis A B & D E anguli inscribantur A I B & D K E; quoniam per 22. tertij Euclidis anguli I & C duobus rectis sunt æquales, itemque K & F æquales duobus rectis, erunt hi duo illis duobus E æquales. Ab vtriusque igitur si æquales detrahantur C & F, reliqui I & K æquales inter se erunt; ac proinde per definitionem similibus segmentorum erunt ipsa segmenta similia. Eodemque modo & segmenta B C & E F ostendentur similia: itaque demonstratum relinquitur id quod initio propositum fuit.


LEMMA VII.

Si duo circuli inæquales ex eodem centro descripti duabus rectis lineis parallelis secantur: dico arcum minoris circuli parallelis comprehensum ad totum sui circuli ambitum maiorem rationem habere, quàm habeat arcus maioris circuli ad totam sui circuli peripheriam.

E s t o in primis, vt duo circuli inæquales circum idem centrum A descripti, à duabus parallelis rectis lineis secantur K B & C D, quorum altera K B per centrū transeat: dico arcum E F minoris circuli ad totam ipsius peripheriam maiorem habere rationem, quàm B D habeat ad totum maioris circuli ambitum. Ducatur enim ex centro A recta A D quæ arcum E F secet in G: erunt igitur arcus E G & B D similes per

ea quæ à Clauio demonstratur in scholio propositionis 22. tertij lib. Euclidis. Quare vt arcus EG ad minorem circulum, ita erit BD ad circulum maiorem: at EF arcus maior est ipso EG , vt totus sua parte: igitur EF ad minorem circulum, maiorem habet rationem quàm EG , ad eundem per 8. quinti Euclidis: quocirca & EF ad minorem circulum maiorem rationem habet, quàm BD ad circulum maiorem; quod demonstrasse oportuit.

Deinde neutra parallelarum per centrum agatur, quales in eodem schemate sunt HL & ON , quarum hæc quidem minorem circulum secet in R & T , maiorem verò in N ; illa minorem secet in S , at maiorem in L : igitur oppositæ extremitates linearum TO & SL , iungantur rectis lineis TS & LO in P decussatis. Quoniam itaque PTO triangulû est, erit per 16. primi Euclidis angulus STR angulo LOP maior, ac proinde & arcus



SR arcu LN proportione maior, si ad totum sui quisque circuli ambitum comparetur. Nam ducta TV ipsi OL parallela, erit angulus STR angulo LOP æqualis per 29. primi Euclidis. Ideoq; arcus VR arcui LN similis per scholion Clauij ad 22. prop. tertij Euclidis: est autem SR ipso VR maior: igitur SR quàm VR ad totum minorem circulum maiorem habet rationem per 8. quinti Euclidis: quocirca & SR ad minorem circulum maiorem habet rationem, quàm LN ad circulum maiorem; quod erat demonstrandum.

LEMMA VIII.

Si duo circuli inæquales non ex eodem centro descripti, duabus rectis D lineis secentur, cum inter se, tum ei qua centra circulorum connectit parallelis: dico minoris circuli interceptam portionem portione maioris circuli ad totum ambitum, maiorem ratione habere.


QUÆ in circulis ex eodem centro descriptis ostensa sunt, veritatem quoque habent in illis, quorum centra in eadem recta linea existunt, quæ quidem ceteris sit parallela, vt si ex centro X in linea KB assumpto circulus describatur circulo TRF æqualis, producanturq; parallelæ KB in Q, CD euin Z, HL in $I, & ON$ in M : dico peripheriam QZ peripheriæ EF & IM ipsi SR æqualem esse. Quod quia multis rationibus demonstrari potest, id studioso Lectori probandum relinquimus: nos interim inde colligimus arcum QZ ad totam circulum $MIQZ$ maiorem rationem habere, quàm habeat BD ad totam maioris circuli peripheriam. Nam quoniam æqualis est peripheria QZ peripheriæ EF , suntque circuli $MIQZ$ & TRF positi æquales, habebit peripheria QZ ad circulum $MIQZ$ eandem rationem, quam habet peripheria EF ad circulum TRF per 7. quinti Euclidis: at iam ostensum est superiore lemmate maiorem rationem esse ipsius EF ad circulum minorem, quàm sit BD ad circulum maiorem: igitur & QZ ad totum circuli $MIQZ$ ambitum maiorem rationem habebit, quàm BD habeat ad totum ambitum circuli maioris.

LEMMA IX.

Parallela recta linea, qua æquales circuli peripherias intercipiunt, quò à centro sunt remotiores, eò minori intervallo ab invicem disjunguntur.

IN circulo ex A descripto sint rectæ parallelæ lineæ $BC, DE, & FG$, inæquali à cetro distantia abductæ, sed quæ æquales circuli peripherias intercipiunt BD & DF : dico si per illas ad rectos angulos recta agatur PH , quæ ipsarum intervallo ex æquo metiatur,


A tur, minorem fore KL ipsâ LO . Quoniam enim BC quàm DE , & hæc quàm FG à cen-
tro remotior est, erit BC minor quàm
 DE , & hæc minor quàm FG per 15. ter-
tij Euclidis: igitur arcus DHE arcu FHG
minor erit per scholion Clauij ad 28.
tertij Euclidis; ac proinde arcus DPE
arcu FPG maior: quare ductis BD &
 BE , item DF & DG , erit per scholion
eiusdem Clauij ad 27. tertij Euclid. ang-
B ulus DBE angulo FDG maior; ac rur-
sus si ab horum angulorum verticibus
 B & D rectæ agantur BS & DR , ipsi HP
parallelæ, continget in triangulis BES
& DGR angulos BSE & DRG æquales
esse, nempe rectos per 29. primi Eucli-
dis: sed & anguli E & G æquales inter
se sunt per 27. tertij Euclidis, utpote qui
æqualibus periphæriis BD & DF infi-
C stunt: igitur & reliquus $EB S$, reliquo GDR æqualis erit per 32. primi Euclidis: quocir-
câ si æquales hi ab inæqualibus $D BE$ & $F DG$ subducantur, relinquetur $DB S$ angulus
angulo $FD R$ maior per communem notionem. Quapropter per conuersionem deci-
mi quarti lemmatis libri quarti, maiorem habebit portionem BD ad BS , quàm DF ad
 DR . Itaque per decimam propositionem libri quinti Euclidis minor est BS quàm DR :
at BS æqualis est ipsi KL , & DR ipsi LO æqualis per trigessimam quartam primi Eucli-
dis: quod scilicet parallelogramma sint spatia BL & DO : igitur minor est KL quàm LO ;
quod erat de-mostrandum:



LEMMA X.

D *Parallela recta linea equali intervallo disposita, quò sunt à centro
remotiores, eò maiores arcus de circuli periphæria intercipiunt.*

I N circulo, cuius centrum A , sint parallelæ rectæ lineæ BC , DE & FG æquali intervallo
dispositæ sic ut KL & LO sint inter
se æquales: dico arcus his paralle-
lis interceptos inæquales inter se esse,
maiorémque BD ipso DF , quod BC
longiùs distet à centro A quàm DE , &
hæc longiùs quàm FG . Quoniam enim
minor est DE quàm FG , per 15. tertij
E Euclidis, erit arcus DHE arcu FHG
minor, per scholion Clauij ad 28. ter-
tij Euclidis; ac proinde arcus DPE arcu
 FPG maior. Iunctis igitur BE & BD ;
item DG & DF , erit per scholion Clau-
ij ad 27. tertij Euclidis angulus $D BE$
angulo FDG maior: rursusque actis BS
& DR ipsi HP parallelis, seu ad rectos
angulos ipsi DE & FG , erunt eadem
 BS & DR inter se æquales: quoniam ve-
F rò DG circuli centro A propinquior est quàm BE , erit eadem DG quàm BE maior per 15.
tertij Euclidis; ideoque per 8. quinti Euclidis habebit DG ad DR maiorem rationem
quàm BE ad BS : quo fit ut per 14. lemma libri quarti maior sit angulus GDR quàm $EB S$
angulus: qui si ab inæqualibus GDF & EBD subducantur, relinquetur $FD R$ angulus
minor angulo $DB S$; quo tandem fit per conuersionem lemmatis 14. iam citati, ut BD ad
 BS maiorem rationem habeat quàm DF ad DR . Quare per 10. quinti Euclidis maior
conuincitur BD quàm DF , ideoque & arcus BD arcu DF maior: si enim æquales essent ar-
cus BD & DF , hos æquales recte subtēderent lineæ per 29. tertij Euclid. Cum ergo maior
probatâ sit BD quàm DF lineæ, erit & arcus BD arcu DF maior; quod erat de-mostrandum:



LEMMA XI.

Data recta linea secta utcumq; adiungere oportet eiusmodi augmentum, ut tota ad adiunctam ita se habeat, quemadmodum primitiva linea maius segmentum ad minus.

RECTA linea AB secta sit in C ut libet, adiungere autem oportet eidem AB portionē BD ea lege ut sit AD ad DB quemadmodum AC ad CB . Fiet porro id in hunc modum: $\overline{A \quad E \quad C \quad B \quad D}$
 Ponatur CE æqualis ipsi CB , fiatque per 12. sexti Euclidis ut AE ad EC , ita AB ad BD , factumque erit propositum: nam per 18. quinti Euclidis erit & componendo ut AE vnà cum EC , hoc est AC ad CE , seu ei æqualem CB , ita AB vnà cum BD , hoc est tota AD ad DB ; quod erat præstandum.

LEMMA XII.


Si dua recta linea similiter secentur, erit ut quadratum prima ad quadratum secunda, ita rectangulum quod fit è prima partibus, ad id quod è secunda segmentis fit rectangulum, & contrà.

RECTÆ namque AB & CD eadem proportione secentur in punctis E & F : dico in primis ut quadratum AB ad CD quadratum, ita esse rectangulum AEB ad CFD rectangulum. Quoniam enim ut AE ad EB , ita est ex hypothesi CF ad FD , erit & vicissim per 16. quinti Euclidis ut AE ad CF , ita EB ad FD . Quare per 20. sexti Euclidis rectangulum AEB ad CFD rectangulum duplicatam habebit rationem lateris AE ad CF , hoc est AB ad CD . Nam cum sit ut AE ad EB , ita CF ad FD , erit etiam componendo AB ad AE velut CD ad CF per 18. quinti Euclidis; & permutando, ut AE ad CF , sic AB ad CD : sed per eandem 20. sexti Euclidis quadratum quoque AB ad CD quadratum duplicatam habet rationem ipsius AB ad CD , hoc est AE ad CF : igitur per 11. quinti Euclidis ut quadratum AB ad CD quadratum, sic AEB rectangulum ad id quod sub CFD comprehenditur rectangulum, & retrò commeando, ut rectangulum AEB ad CFD rectangulum, ita quadratum AB ad CD quadratum; quod erat demonstrandum.

LEMMA XIII.

Si duo æquales circuli se mutuò per centra secant, eorumq; periphæria in similes partes diuidantur, quæ vnius partes partibus alterius connectunt recta linea sunt inter se parallela.

ÆQUALES circuli $ABCD$ & $AHCL$ sese per centrum E secant, erit proinde communis vtriusque sectio diametri AC , cui ad normam adiungantur per centrum BD & HL ; à puncto verò A similes periphæriæ notentur AR & AF , item AO & AG (quas quidem æquales esse oportet ob circulorum æqualitatem) dico rectas lineas OG & RF , quæ eas periphærias connectunt, parallelas inter se esse: ductis enim ab R & F ad AC perpendicularibus, has ostendendum est in vnum idemque punctum N incidere. Quoniam enim BE & RN sunt ipsi AC perpendiculares, erunt per 13. primi Euclidis earum anguli ad AC recti, ideoq; æquales, ac proinde per 29. primi Euclidis ipsæ BE & RN parallelae. Eodem verò modo parallelae ostendentur HE & FN , quòd scilicet ambæ ipsi AC sint



A AC sint perpendiculares. Rursus quoniam BE & HE ipsam AC ad rectos angulos & bifariam secant, erunt arcus AB & AH æquales, utpote æqualium circularum quadrantes. Sunt autem & peripheriæ AR & AF æquales: igitur per communem notionem & BR , HF , æquales inter se erunt: quocircâ EN , utriusque subtensa vna eademque linea erit, inter utrasque parallelas BE & RN , item HE & FN intercepta, per 29. tertij Euclidis: itaque planum per RNF ductum plano quod per BEH extenditur, parallelum erit per 15. vndecimi Euclidis; quæ rursus si mente intelligantur secari plano quopiam per B, H , & K ducto, erunt communes illorum sectiones RF & BH inter se parallelæ per 16. vndecimi Euclidis. At simili prorsus modo ostendi potest OG eidem BH parallela: igitur per 9. vndecimi Euclidis, & inter se ipsæ OG & RF sunt parallelæ; quod demonstrandum erat.

LEMMA XIV.

In ellipsi ea recta linea, iuxta quam possunt, quæ ordinatim ad diametrum adiunguntur, tertia est proportionalis, cui primo loco proportionalis est illa diametrum, ad quam recta ordinatim applicantur; secundo verò loco reliqua.


C **N**OMEN ellipsis tamen in multis rebus locum habeat, tamen primò omnium in conicis sectionibus fuit usurpatum, eiusque hæc fuit origo: Dato cono ABC , cuius basis circulus circa diametrum BC , sectioq. DE , si ducatur AK parallela ipsi ED , quæ cum BC producta concurrat in K , fiatque ut quadratum AK ad BK C rectangulum, ita recta DE ad EH ipsi DE perpendicularem: ex his demonstrat Apollonius libro 1. conicorum, propositio-
ne 13. omnes quæ ad DE

ordinatim applicantur, posse spatium quod ipsi EH adiacet, latitudinem habens eam lineam, quæ inter applicitam & E continetur, deficientisque figuram simili ei quæ sub DE & EH continetur: eamque figuram, cui id accidit, omnis Antiquitas ellipsin nuncupavit, vel quòd à circulari amplitudine capacitæque deficiat, (est enim ellipsis circulus diminutus) vel ob id, quòd quæ ordinatim ad diametrum adiunguntur, possint spatium recto lateri adiacens, deficientisque figuram simili ei quæ sub diametro seu transverso latere & recto latere continetur; velut hyperbole quæ ellipsi quodammodò contraria est, sic est appellata, quòd quæ ad transversum ipsius lateris ordinatim applicantur possint spatium recto lateri adiacens, atque excedens figuram simili ei quæ sub recto & transverso latere continetur. Illam porrò ellipsis proprietatem Serenus postea in obliqua sectione cylindri æquè ac in sectione conicæ inesse ostendit libro primo De sectione cylindri, quæ proinde cylindri sectio etiam ellipsis est appellata.

F Nobis verò propositum iam sit demonstrare lineam EH tertiam esse proportionalem, ad quam nempe minima sectionis diametrum LN eam proportionem habet, quam maxima diametrum DE ad LN minimam. Per centrum sectionis O ducatur planum $PLRN$ basi BC parallelum, quod per 4. primi Apollonij circulus erit, communemque habebit cum sectione DE rectam lineam LN : itemque DE producat, in G : quoniam igitur per 23. sexti Euclidis proportio quadrati AK ad rectangulum BK C ex laterum proportionibus componitur, erit ut quadratum AK ad rectangulum BK C , ita proportio quam habet AK ad BK , ad proportionem quam eadem AK habet ad KC : at EG parallela est ipsi AK ex constructione, & PR parallela ipsi BC per 16. vndecimi Euclidis


(quòd

(quòd videlicet planum $PLRN$ & conì basis fecentur plano ABC in communibus sectionibus PR & BC ;) igitur ED , DG , & PR de maioribus triangulis similia abscindunt, & æquiangula triangula per 4. lemma libri quinti. Quocircà vt AK ad BK , ita est EG ad BG , & EO ad OP : vt verò AK ad KC , ita DG ad GC , seu DO ad OR per 12. lib. 4. Vt autè proportio duarum EO & OP , ad proportionem duarum OD & OR , ita est per 23. sexti Euclidis rectangulum EOD ad POR (seu LON , quod illi per 35. tertij Euclid. æquale est) rectangulum. Cùm porò ambæ ED & LN in



eandem rationem fecentur ad punctum O , nimirum bifariàm, erit per 12. lemma, vt C rectangulum EOD ad LON rectangulum, ita quoque quadratum DE ad LN quadratum: sed rectangulum DOE ad rectangulum LON est vt DE ad EH : itaque & quadratum DE ad LN quadratum se habet, vt DE ad EH : quare per vigesimam propositionem libri sexti Euclidis, vt diameter DE ad diametrum LN , ita eadem LN ad EH ; quod propositum fuit demonstrare.

Hactenus ostendimus, vt maxima diameter ad minimam, sic esse hanc ad eam lineam, iuxta quam possunt, quæ ad maximam diametrum ordinatim applicantur. Nunc ostendendum quoque sit, vt minima diameter ad maximam, ita esse maximam ad



eam lineam, iuxta quam possunt, quæ minimæ diametro ordinatim adiunguntur, quod in conis scalenis manifestè deprehenditur.

Est enim conus scalenus ABC , cuius basis BC circulus; sectio autem $DLEN$ nec basi parallela, neque eidem subcontrariè posita, neque per verticem; cuius etiam diameter DE lateri trianguli, quod per axem, parallela non sit, neque cum producto latere supernè conueniat. Ducatur AK parallelòs ipsi DE , quæ cum BC producta concurrat in K , fiatque vt quadratum AK ad BKC rectangulum, ita DE ad EH , erit EH rectum sectionis $DLEN$ latus, seu ea iuxta quam possunt quotquot ad DE ordinatim applicantur: quamobrem & $DLEN$ ellipsis erit, cuius minima diameter DE , maxima verò LN , quæ omnia libro quarto propositione 66. luculenter sunt demonstrata.

Nunc autem si propositum sit edocere, vt priùs EH tertiam esse proportionalem, ad quam nimirum ita se habet maxima diameter LN , vt ad hanc minima DE , eadem ratiocinandi forma id fiet, qua proximè vsi sumus; atque idcirco satis prudenti Lectori esse existimamus, propriam dumtaxat figuram hoc loco adiunxisse iisdem litteris claritatis gratia explicatam.


A

LEMMA XV.

Si in ellipsi sit ut una diameter AC ad alteram diametrum BD, ita hac ad quamdam AE ipsi AC perpendiculararem; iunctâ CE, ductâque FK, quæ ipsam AC ordinatim secet in G, dico quadratum FG rectangulo AGK aequale esse.

B

HÆC propositio, ut & superior, geminum admittit casum. Aut enim constituitur AE tertia proportionalis maximæ & minimæ diametri, seu primæ & secundæ, sic ut quemadmodum maxima diameter ad minimam, ita hæc ad AE; aut certe fit AE tertia proportionalis minimæ & maximæ, ita ut quemadmodum minima diameter ad maximam, sic maxima ad AE. Vtrouis autem modo veritas proponatur, eodem modo demonstrabitur: nam cum per antecedens lemma sit AE ea, iuxta quam possunt ad diametrum (quæ proportione prima est) ordinatim applicatæ, poterit FG spatium, quod lineæ AE adiacet latitudinem habens AG, deficientisque figura simili ei, quæ sub AC & AE continetur. At eiusmodi est spatium AGKO quod lineæ AE adiacet, latitudinem habens AG, deficientisque figura OE LK, simili ei quæ sub AC & AE comprehenditur per 24. sexti Euclidis; siquidem circa diametrum parallelogrammi CAE consistit: igitur quadratum FG rectangulo AGKO est æquale; quod erat demonstrandum.



C

At eiusmodi est spatium AGKO quod lineæ AE adiacet, latitudinem habens AG, deficientisque figura OE LK, simili ei quæ sub AC & AE comprehenditur per 24. sexti Euclidis; siquidem circa diametrum parallelogrammi CAE consistit: igitur quadratum FG rectangulo AGKO est æquale; quod erat demonstrandum.

D

LEMMA XVI.

Iisdem repositis quæ supra, dico rectangulum AGC ad rectangulum AGK, seu ad quadratum FG eandem rationem habere, quam diameter AC ad AE.

E

QUONIAM enim rectangula AGK, & id quod sub AGC comprehenditur, eandem habent altitudinem AG, erunt ipsa inter se ut bases GC & GK per 1. sexti Euclidis: at GC ad GK ita se habet, ut AC ad AE: cum enim sit GK ex constructione parallela ipsi AE, erunt triangula CGK & CAE æquiangulara, per 4. lemma libri quinti: itaque per 4. sexti Euclidis ut CA ad AE, ita CG ad GK: quare & rectangulum AGC ad AGK rectangulum ita se habet, ut AC ad AE. Est verò rectangulo AGK æquale quadratum FG per proximum superius lemma: igitur est etiam rectangulum AGC ad FG quadratum, ut AC ad AE; quod erat demonstrandum.

LEMMA XVII.


Si maxima diameter ellipsis in quocumque partes secetur, à punctis autem sectionum rectæ ordinatim educantur, erunt harum quadrata, ut à diametri segmentis rectangula, ea ratione, quæ vocatur minoris ad maius.

F

HOC lemma, quia vniuersè proponitur, casum propriè non habet. Esto igitur ellipsis ABCD, eiusque diameter AC dissecta utcumque in locis G & K, unde ad circumferentiam ellipsis rectæ ordinatim excitentur GF & KH: dico ut quadratum GF ad rectangulum AGC, ita esse KH quadratum ad AKC rectangulum. Ducatur enim BD altera diameter ipsi AC coniugata, fiatque per 11. sexti Euclidis ut AC ad BD, ita

ita

ita BD ad AE , quæ ipsi AC rectis angulis adiungatur. Quoniam igitur per præcedens A lemma est rectangulum AGC ad quadratum GF , vt diameter AC ad rectum figuræ latus AE : itemque vt AC ad AE , ita quoque AKC rectangulū ad id, quod ex KH fit quadratum; erunt quoque per 11. quinti Euclidis, rectangulorum quæ ex diametri segmentis fiunt; ad quadrata rationes inter se eædem. Itaque vt rectangulum AGC ad quadratum GF , ita se habet AKC rectangulum ad KH quadratum; & inuertendo, vt quadratum GF ad AGC rectangulum, ita quadratum KH ad rectangulum AKC : & alternando, vt quadratum GF ad KH quadratum, ita rectangulum AGC ad AKC rectangulum.




Est porro quadratorum proportio ad rectangula minoris ad maius. Nam quadrata ad rectangula, vt iam ostensum est, ita se habent quemadmodum AE ad AC : at AE minor est quàm AC ; cum enim BD minor sit quàm AC , & AE quàm BD minor, necesse est AE multò quàm AC minorem esse. Igitur & quadrata earum, quæ ordinatim ad maximam diametrum ellipsis adiunguntur rectangulis, quæ ex diametri segmentis constant, minora sunt.

Quadrata verò earum quæ ad minimam diametrum ordinatim applicantur, ad rectangula sub eiusdem diametri segmentis comprehensa, eandem quidem proportionem habent, sed maioris ad minus. Nam ita inter se sunt, vt tertia proportionalis ad minimam diametrum, inter quas maxima diameter proportione media est. Est autem ea tertia proportionalis minima diametro maior; siquidem maior est diametro maxima, quæ minimam excedit.

LEMMA XVIII.

Si circum extremam diametrum ellipsis circulus describatur, rectæ omnes lineæ, quæ à circuli peripheria ad diametrum rectis angulis protenduntur, à peripheria ellipsis secundum eandem rationem dissecantur.

ESTO ellipsis $ABCD$, circa cuius extremam diametrum eamque maximam AC circulus describatur $A E F C$; à punctis autem E & F , in ipsius peripheria assumptis ad diametrum AC perpendiculares ducantur EG & FH , quæ ab ellipsi secantur in I & K : dico vt $E I$ ad IG , sic esse FK ad KH . Nam per 2. lemma cum EG inter AG & GC , itemque FH inter AH & HC mediæ sint proportionales, erit per 17. sexti Euclidis quadratum EG æquale rectangulo AGC , atque eodem modo FH quadratum rectangulo AHC æquale. Vicissim igitur, vt quadratum EG ad FH quadratum, sic rectangulum AGC ad AHC rectangulum. Sed vt rectangulum AGC ad rectangulum AHC , ita quoque est quadratum IG ad KH quadratum per præcedens lemma: itaque per 11. quinti Euclidis, vt quadratum EG ad quadratum IG , sic quadratum FH ad KH quadratum. Quocirca per 22. sexti Euclidis, vt EG ad IG , ita FH ad KH ; & diuidendo per 17. quinti Euclidis, vt $E I$ ad IG , sic FK ad KH ; quod erat probandum.



Simili modo si circum minimam diametrum BD circulus describatur $B P S D$, & ab F ellipsi ad diametrum perpendiculares ducantur LN & MO : dico has à circuli peripheria in eandem rationem secari; sic vt quemadmodum LP ad PN , ita sit MS ad SO . Quoniam enim per 2. lemma vt BN ad NP , ita se habet NP ad ND ; rursusque vt BO ad OS , ita OS ad OD , erit per 17. sexti Euclidis, quadratum PN rectangulo OND , & quadratum SO rectangulo $BO D$ æquale, & vicissim quadratum PN ad quadratum SO , sicut rectangulum OND ad $BO D$ rectangulū: at per præcedens lemma est quoque vt rectangulum OND ad $BO D$ rectangulum, ita quadratum LN ad MO quadratum: quate per 11. quinti Euclidis, vt quadratum PN ad quadratum SO , ita quadratum LN ad MO quadratum: ideoque & quemad-

A quemadmodum recta PN ad so, ita recta LN ad rectam MO, per 22. sexti Euclidis; diuidendoque per 17. quinti Euclidis, vt LP ad MS, ita PN ad so, & vicissim vt LP ad PN, sic MS ad so; quod erat demonstrandum.

CONSECTARIVM I.

Si vt EI ad IG, ita sit FK ad KH, sitq; K in ellipsi: dico EI in ellipsin incidere.

B **S**I enim id negetur, fatendum erit ellipsin vel infra vel supra punctum I transire. Destur ergo primum, vt infra transeat, puta per T: erit igitur per præcedens lemma quemadmodum FK ad KH, ita ET ad TG. Sed est quoque ex hypothesi EI ad IG, vt FK ad KH: itaque per 11. quinti Euclidis ET ad TG eandem rationem habet, quam EI ad IG, quod cum sit absurdum, nequit ellipsis infra punctum I transire: sed nec supra, quod eodem modo ostendi potest. Quamobrem ellipsis in ipsum punctum I incidit; quod erat probandum.

CONSECTARIVM II.

Vt EG ad IG, vel FH ad KH, ita maxima diameter AC ad minimam BD.


C **N**AM quia per 35. tertij Euclidis rectangulum AGC quadrato EG æquale est, erit per 7. quinti Euclidis, vt rectangulum AGC ad quadratum IG, quemadmodum quadratum EG ad idem IG quadratum: sed vt rectangulum AGC ad quadratum IG, sic se habet rectangulum AXC, hoc est quadratum AX ad BX quadratum per 17. præcedens lemma; quadratum autem AX ad quadratum BX, est vt quadratum AC ad quadratum BD: igitur vt quadratum AC ad quadratum BD, ita quadratum EG ad IG quadratum: ac proinde per 22. sexti Euclidis; vt EG ad IG, ita est maxima diameter AC ad minimam BD.

D Aliter ac breuius idem demonstrari potest hoc modo: Quoniam per præsens lemma vt EG ad IG, vel FH ad KH, ita quoque est VX ad BX. Vt autem VX semidiameter maioris circuli ad BX semidiameterum circuli minoris, sic tota AC diameter ad totam diametrum BD: igitur vt EG ad IG, vel FH ad KH, ita se habet AC maxima diameter ellipsis ad minimam BD; quod demonstrasse oportuit.

LEMMA XIX.

Si extrema diametri ellipsis in eandem rationem secantur; quæ ab una diametro ad ellipsin perpendiculares excitantur, æquales sunt iis, quæ à reciprocis punctis alterius diametri ad circuli peripheriam rectis angulis protenduntur.


E **E**STO inquam AB minimæ diametro ellipsis æqualis, à cuius extremis duæ perpendiculares erigantur AH & BG, quæ producantur in F & K, sic vt FK cylindrum repræsentet bases habentem circulos circa HK & FG descriptos, in quo accommodetur linea CD datæ maximæ diametro ellipsis æqualis, secetq; CD ipsam AB in E: ipsi verò AB parallele ducantur quotcunque lineæ LN, & OP, quæ CD secant in punctis V & Z, & per LN, AB, OP plana extensa intelligantur basibus cylindri æquidistantia LRN, ASB & OTB, quæ per 5. lib. primi Sereni Antinsensis circuli erunt, iique inter se æquales, & ad planum FK recti. Eodemque modo planum actum per CD ad idem planum FK rectum, quod per ea quæ à Sereno demonstrantur lib. 1. de cylindri sectione ellipsis erit circum CD descripta, secansque circulos in C, R, S, T & D. Quoniam igitur tam ellipsis, quam circuli recti sunt ad planum FK, erunt quoque, per 19. vndecimi Euclidis communes illorum sectiones VR, ES & ZT, ad idem planum FK rectæ. At cum parallelæ sint FH &



At cum parallelæ sint FH & KR, GK,

G K, erunt C D & L N in v sectæ similiter per 11. lemma libri 4 : igitur v R, quæ à maxi- A
 ma diametro ellipsis C D perpendiculariter excitatur,
 æqualis est ei (imò eadem) quæ à reciproco puncto v dia-
 metri L N ad R circuli peripheriam rectis item angulis
 protenditur. Quod cum in ceteris circulis eodem modo
 eueniat (nam diametri A B & O P, in E & Z eadem ratione
 secti sunt, qua ellipsis diameter per idem 11. lemma li-
 bri 4.) perspicuum est, si extreme diametri ellipsis in eam-
 dem rationem secentur, eas quæ à maxima diametro ad
 ellipsin perpendiculariter excitantur, æquales esse iis
 quæ à reciprocis punctis minimæ diametri ad circuli peri-
 pheriam rectis angulis protenduntur; quod demonst-
 randum fuit.


Eodem verò modo, si obliquus sit cylindrus, eiusque
 basis C R S T D circulus, ostendemus eandem esse, aut sal-
 tem æqualem eam, quæ à minima diametro ellipsis L N
 excitatur, ei quæ à proportionali puncto diametri C D ad
 circuli peripheriam rectis item angulis extenditur, vt hoc
 loco est v R; quare vniuersè concluditur propositum :
 porrò si C R S T D circulus sit, ellipsis fore L R N, cuius mi-
 nimæ diameter L N ex propos. 21. huius libri constabit.



LEMMA XX.

*Si in ellipsi extrema diametri se mutuò bifariam & ad normam
 secent, & ab aliquo puncto circumferentia ad minorem diame-
 trum recta adiungatur dimidio maioris æqualis; hac à maiore
 diametro ita secabitur, ut segmentum puncto in circumferentia
 assumpto proximum dimidio minoris diametri sit æquale.*

I N ellipsi A B C D extrema diametri A C & B D se mutuò in E bifariam & secundum
 normam secent: à puncto autem F in
 peripheria ellipsis assumpto ad mino-
 rem diametrum B C productam, si opus est,
 recta adiungatur F G, quæ ipsi A E, dimidio
 scilicet maioris diametri, sit æqualis: dico F G
 à maiore diametro A C ita secari in O, vt F O
 segmentum, quod puncto F proximè adiacet,
 dimidio minoris diametri B E sit æqua-
 le. Describatur enim circa A C circulus A K C,
 ad cuius circumferentiam ex E recta ducatur
 E L ipsi F G parallela, quæ æquales inter se
 erunt, cum ambæ æquales sint ipsi A E; iun-
 ctæque L F ad M vsque producat: erit igitur
 L F parallela ipsi E G, eidemque æqualis
 per 33. primi Euclidis. Ducatur item F N
 ipsi A E parallela; quæ cum parallelogram-
 mum perficiat F M E N, erunt eius opposita latera F M & N E æqualia per 34. primi Eucli-
 dis. At cum in triangulis N G F sit O E ipsi N F parallela, erit per 2. sexti Euclidis vt N E ad
 E G, ita F O ad O G: rursusque in triangulo M L E, quoniam F H parallela est ipsi M N, erit
 per eandem 2. sexti Euclidis vt M E ad F L, sic E H ad H L: quare per 22. quinti Euclidis
 & ex æqualitate erit vt N E ad F M, ita F O ad H E. Sed N E æqualis iam ostensa est ipsi F M:
 itaque & O F ipsi H E est æqualis. Est verò H E dimidio minoris diametri B E æqualis: nam
 E L æqualis est ipsi E K, vtque L F ad F M; ita L H ad H E; sed vt L F ad F M, ita quoque est
 per 18. lemma K B ad B E: igitur per 11. quinti Euclidis, vt K B ad B E, ita est L H ad H E; &
 componendo per 18. quinti Euclidis vt K B vnà cum B E, hoc est tota K E ad B E, ita tota
 L E ad H E. Est autem K E ipsi L E æqualis per circuli definitionem: igitur & B E ipsi H E
 æqualis



A æqualis erit : quocircà & FO eidem BE , hoc est dimidio minoris diametri, æqualis erit, quod erat demonstrandum.


LEMMA XXI.

Si in ellipsi extrema diametri se mutuò bifariam & ad normam secent, à quopiam autem puncto minima recta educatur dimidio minoris æqualis, de qua maxima diametrus portionem abscindat dimidio minoris æqualem : dico eius extremum punctum in ellipsin cadere.

IN ellipsi $ABCD$ extremæ diametri AC & BD se mutuò ad normam secent in E ; à puncto autem quocumque, puta G , minimæ diametri BD , si opus est productæ, recta educatur ipsi AE æqualis, nempe GF , de qua AC rescindat portionem FO ipsi BE , hoc est dimidio minoris diametri æqualem: dico punctum F in ellipsin cadere, cuius extremæ diametri AC & BD . Descripto namq;

Circum AC circulo, ex centro E ducatur EL ipsi GF parallela, iunctaque LF in M protendatur : quoniam igitur LE ipsi AE est æqualis per circuli definitionem, eidem autem AE æqualis est GF ex hypothesi, erunt EL & GF inter se æquales per communem notionem. Quare per 33. primi Euclidis parallela erit LM ipsi BD : ac proinde LM ipsi AE ad rectos erit angulos per 29. primi Euclidis.

Rursus ab F parallela ipsi AE demittatur FN , quæ ipsam EL secet in H : erit igitur in parallelogrammo $EHFO$, latus EH ipsi OF æquale: sed & BE ex hypothesi æqualis est eidem OF : itaque BE ipsi quoque EH est æqualis. Quare si ab æqualibus EL & EK æquales subducantur EB & EH , relinquentur BK & HL inter se æquales. Cùm verò in triangulo ELM est FH , basi ME parallela, erit per 2. sexti Euclidis vt LF ad FM , ita LH ad HE , id est KB ad BE . Igitur per 1. confectarium lemmatis 18. punctum F in ellipsin cadit, cuius extremæ diametri AC & BD ; quod erat demonstrandum.



LEMMA XXII.

Circa extremas diametros datas ellipsin describere.


FVERVNT ante nos viri doctissimi, qui de ellipsi scripsere, atque in his non pauci, qui in peruestiganda commoda eius descriptione plurimum desudarunt, nec quidquam protulerunt, quod posteris fatis esse debeat ad communem usum. Fecit hoc potissimum ea disparitas, qua ellipseos diametri & magnitudine & proportione plurimum discrepant. Non enim vna semper est in illis proportio; sed nunc maior, nunc minor: & vt eadem aliquando fit, non vna semper est magnitudo. Quamobrem nulla, vt dixi, hucusque expedita ratio designandi ellipsin est reperta; multò verò minus instrumentum aliquod excogitari potuit, quo, vt circulus, beneficio circini, ita ellipsis vna circumlatione accuratè describatur, quamuis id varijs modis plurimi sint conati.

Nobis in præsentì propositum non est præter ea, quæ à maioribus inuenta sunt, novum aliquid proferre, quod desiderio illorum qui huic rei incumbunt faciat fatis; sed tantum aliorum lucubrationibus gradum aliquem facilitatis adiungere, quò & praxis expeditior fiat, & demonstratio clarior: aliàs enim, Deo adiuuante, hac de re proprium tractatum instituemus, cùm ea quæ de Coni sectionibus meditari cœpimus, perfectionem nacta erunt.

Modi omnes describendi ellipsin, qui hætenus reperti sunt, & excogitari posse videntur, ad duos vniuersè sumptos reuocantur. Alter puncta primum quotcumque designat, per quæ postea diligenti manu ellipsis ducitur. Alter vnico ductu ellipsin totam, vel partem eius aliquam efformat, non ea quidem exquisita ratione, qua circulus decircinatur, sed longè inferiore perfectione.

I.

Inter eos qui per puncta ellipsin ducere sunt aggressi, primo loco occurrit Eutocius, qui ad propositionem 21. libri primi Conicorum Apollonij ita scribit: *Exponatur recta linea AB, à puncto autem A ad rectos angulos ipsi AB ducatur AC; iunctaque BC sumantur in linea AB puncta quedam E & G, à quibus ipsi AC equidistantes ducantur EH & GK: & fiat AGK rectangulum æquale quadrato FG, & rectangulum AEH æquale ipsi DE quadrato. Transibit iam ellipsis per puncta A, D & F.* Huius problematis demonstrationem colligendam relinquit prudenti Lectori ex eadem 21. propositione primi Apollonij proximè citata. Potest verò & ex 15. lemmate huius libri demonstrari, ut liquidò constat, cum hæc illius sit conuersio.






Ad huius porrò problematis absolutam constructionem duo desiderari videntur. Vnum illud est, quo pacto inuenienda sit AC quando altera diametrus ipsi AB coniugata præbetur. Quamuis enim libera sit AC ad AB comparatio, cum sola diametrus AB datur, non tamen, si ambæ proponantur AB & LN, collibitum erit ipsam AC quacumque magnitudine assumere, sed in ratione quapiam definita. Quare ex eodem 15. lemmate patet, si fiat ut AB ad LN, ita hæc ad AC, haberi quod postulatur, nempe rectangulo AEH C quadratum DE æquale, & AGK rectangulum, æquale ipsi FG quadrato. Alterum, qua ratione inuenire oporteat quadratum DE rectangulo AEH æquale. Fiet autem id inuestigata per 13. sexti Euclidis DE media proportionali inter AE & EH: nam per 17. sexti Euclidis, si tres lineæ sint continuè proportionales, quod sub extremis comprehenditur rectangulum, æquale est ei quod à media describitur quadrato.

II.

Secundò, Federicus Commandinus in libello de Horologiorum descriptione, quem

Analemmati Ptolemæi adiunxit, ex ipso cono: rationem deducit inueniendi puncta per quæ ellipsis incedat, quam nos hîc trademus, quòd libellus ille Ptolemæi ex Commandini editione paucis ad manum sit. Esto igitur conus ABC, eiusq; sectio DE ellipsin exhibens; ducantur autem rectæ quotcumque lineæ FG, HI, KL & MN omnes ipsi BC parallele, ipsamque DE secantes in O, P, R, & S: quoniam itaque sectiones, quæ per FG, HI, KL & MN ducuntur parallele sunt basi BC, erunt eadè circuli uti & basis BC, per 4. primi Conicorum Apollonij, & ipsarum plana ad triangulum ABC, quod per axem transit, recta; siquidem conû ipsum



rectum supponimus: sit verò & eidem triangulo ABC rectum planum sectionis obliquæ DE: igitur per 19. vndecimi Euclidis OT, PQ, RV & SX, communes nempe sectiones ellipsis DE, & circulorum FG, HI, KL & MN, ipsi quoque triangulo per axem ABC rectæ

A rectæ erunt : quare per 3. definitionem vndecimi Euclidis OT vtrique scilicet DE & FG ad rectos est angulos. Eodemq; modo PQ ipsis DE & HI , ac similiter ceteræ RV ipsis DE & KL , itemq; SV ipsis DE & MN ; & hæc quidem in prima figura exposita esse intelligantur.

Iam verò si quæ isthic secundùm oculi aspectum contracta exhibuimus, hæc eadem in secunda figura reipsa fiant, propiùs nonnihil ad puncta ellipsis, quæ inquirimus, accedemus. Sit in secunda figura linea $M\zeta$ vtrimque infinita, eiq; rectis angulis insistat YZ , fiatq; FZ æqualis ipsi FO primæ figuræ; ZG verò æqualis ipsi OG , sic vt tota FG secundæ figuræ æqualis sit ipsi FG primæ figuræ, & vt hæc in O , ita illa sit secta in Z :
B in secunda itaque figura circum FG describatur semicirculus $F\alpha G$, qui semicirculo primæ figuræ FTG æqualis erit, & $Z\alpha$ ipsi OT æqualis. Simili modo fiat HZ æqualis ipsi HP , & ZI , ipsi PI æqualis, ducaturq; semicirculus $H\gamma I$; hic quoque ipsi HQI æqualis erit, & $Z\gamma$ ipsi PQ æqualis propter diametrorum æqualitatem. Rursus fiat KZ æqualis KR , ZL verò æqualis RL : erit ergo & hic semicirculus $K\lambda L$ semicirculo KVL , & $Z\lambda$ ipsi RV æqualis. Demum fiat MZ æqualis MS , ZN verò ipsi SN æqualis; eritq; vt priùs semicirculus $M\epsilon N$ semicirculo MXN , & $Z\epsilon$ ipsi SX æqualis.

His confectis, in tertia figura ponatur DE æqualis ipsi DE primæ figuræ, sitq; vtraque in O, P, R & S , eadem secta ratione, perq; O, P, R & S , in tertia figura perpendiculares ducantur ipsi DE : ab ea verò quæ per O transit, abscindatur ex vtraque parte OT ipsi $Z\alpha$ secundæ figuræ æqualis: deinde ab ea, quæ per P incedit sumatur vtrimque PQ æqualis ipsi $Z\gamma$ secundæ figuræ: similiter fiat RV hinc inde æqualis ipsi $Z\lambda$: ac demum SX æqualis ipsi $Z\epsilon$. Perspicuum igitur est in tertia figura ellipsin per puncta D, T, Q, V, X, E incidere, cum rectæ OT, PQ, RV & SX , æquales sint iis, quæ in prima figura à diametro ellipsis DE ad communes interfectiones ellipsis & circulorum basi parallelorum applicantur. Igitur si in tertia figura per puncta D, T, Q, V, X, E linea quæpiam constanti manu ducatur, ea ellipsis erit.

Constat autem quòd crebriora assumpta fuerint puncta in diametro DE , eò accuratiùs rem peractam fore, cum facilius sit per exigua interualla lineam manu exactè ducere, quàm per longiora.

D

III.

Quæ duabus primis figuris ostendimus, ea fortè minori linearum dispendio vna operatione præstari poterunt hoc modo: Sit in quarta figura conus ABC , in eoq; sectio DE ellipsin exhibens: diuidatur DE in partes quotcumque, siue æquales siue inæquales, puta O, P, R, S , perq; hæc lineæ ducantur basi BC parallelæ, vt supra $FG, HI, KL, & MN$, quibus semicirculi circumscribantur, atq; ad eorum peripherias rectæ adiungantur $OT, PQ, RV, & SX$ ipsis parallelis orthogonales: dico $T, Q, V, & X$ in ellipsin incidere. Sunt enim eadem puncta quibus in prima figura circuli FTG, HQI, KVL, MXN ellipsin DE intersecant: quare si quemadmodum à prima figura in secundam, & hinc in tertiam, ita nunc à quarta immediatè in tertiam puncta, T, Q, V, X , transferantur ducta figura per E, D, T, Q, V, X, E , ellipsis erit.


Eadem hac arte & ceteræ conicæ sectiones, nempe Parabola atque Hyperbole, per puncta duci possunt, quod Federicus quidem Commandinus paucis, Clavius autem pluribus libro primo Gnomonices, propositione 8. ostendit. Verùm hæc inuentiones plurimum operæ requirunt, & vsum præstare cum debeant, solam propemodum habent contemplationem: quare faciliores hæc, quæ sequuntur, accipe.

IV.

Quemadmodum ex conicæ sectione, ita ex sectione cylindri modus elici potest sanè per commodus, quo puncta ellipsis, cuius data sunt extremæ diametri, inueniantur. Sic autem se habet: Esto proposita AB maxima diameter ellipsis, minima verò CD , quæ ita aptentur, vt se mutuo bifariam & ad normam fecent. Ducto itaque circum CD circulo, secetur CD in partes quotcumque F, G, H, K , vnde perpendiculares ad circuli peripheriam excitentur. Iunctis item AC & BD , his parallelæ ducantur FI, GL, HN, KX ; atque hinc rursus perpendiculares erigantur ipsi AB , à quibus abscindantur IP, LQ, NR, XS ipsis FV, GZ, HT, KO singulæ singulis æquales: dico ellipsin circa extremas diametros AB, CD descriptam per puncta $P, Q, R, & S$ transire. Quoniam enim FI, GL in triangulo AEC basi AC sunt parallelæ ex constructione, erunt per 2. sexti Euclidis partes lineæ AE partibus lineæ CE proportionales. Si igitur quispiam neget ellipsin

per punctum, exempli gratia P incedere, fateatur necesse est eam vel extra vel intra A punctum P cadere: igitur quæ ab 1 ad ellipsin perpendicularis ducetur, ipsi 1 P æqualis non erit: at æqualem esse oportere constat ex 19. lemmate, vbi in cylindro ostendimus eas, quæ ab vna diametro ad ellipsin perpendicularès excitantur, æquales esse iis quæ ab altera diametro rectis item angulis ad circuli peripheriam protenduntur: itaque consequens est vt ellipsis in P incidat.


Simili modo ducta DB , vt initio dicebamus, parallelæ eidem constituentur KX & HN , atque ex K & H perpendicularès ipsi DC excitentur KO & HT : his porrò si æquales fiant XS & NR , ipsi quoque AB perpendicularès; perspicuum est ex iam proximè demonstratis S & R puncta esse, per quæ ellipsis incedit. Eademque cum sit in ceteris omnibus demonstratio, reperta iam erunt quotlibet puncta, per quæ ductu manus ellipsis vtrumque describi poterit.



V.

Similis huic est modus ille, qui ex obliqui cylindri sectione originem ducit, neque etiam minùs expeditus. Is ita explicabitur: Sint datae extremæ diametri futuræ ellipsis maxima quidem AB , minima verò CD , eæque ita aptentur, vt in E se mutuo bifariam, & ad normam secent. Deinde circa vtramque circulus describatur, & CD ex vtraque parte producat, vsque dum maiori circulo occurrat in F & G . Tum ex centro E per vtriusque circuli peripheriam rectæ quocumque lineæ euocentur ELH , EKI ; ab H autem & I ducantur HM & IN ipsi CD parallelæ: item ab L & K agantur LM & KN parallelæ ipsi AB : dico M & N in ellipsin cadere, cuius extremæ diametri sunt AB & CD . Nam cum in triangulo EIO , sit KN parallela EO , erit per 2. sexti Euclidis vt IK ad KE , ita IN ad NO : sed IE ipsi FE est æqualis per circuli definitionem; ab vtraque autem æquales refecantur EK & EL : igitur & reliquæ IK & FC sunt inter se æquales per communem notionem. Quare est quoque vt FC ad CE , sic IN ad NO : ac proinde cum C in ellipsi sit per hypothèsin, & N in ellipsin cadet per primum confectarium lemmatis 18. quod demonstrasse oportuit.

Christophorus Clavius in corollario propositionis 26. libri primi Gnomonices hanc praxin demonstrat in duorum circulorum æqualium inclinatione: sed ea demonstratio parum aut nihil discrepat ab ea, qua nos infra propositione 21. ostendemus in cylindro obliquo, cuius basis circulus sit, rectam sectionem ellipsin esse. Quoniam verò neque Clauij demonstratio omnibus ad manum est, neque illa nostra etiamnum exhibitata; vtraque autem nonnihil operosior, placuit ex præmissis 18. lemmate propositi demonstrationem elicere.




VI.

Omniùm demum expeditissima ratio inuestigandi puncta ellipseos ex 21. lemmate superius proposito elici potest, quam Guidus quoque Vbaldus suggerit libro secundo Theoricæ planisphæriorum vniuersalium: sed nos eam paulò magis ad praxin accommodabimus. Sit maxima ellipsis diameter data AB , minima verò CD , quæ se mutuo in E bifariam & ad normam secent: ab E B dimidio scilicet maioris diametri, refecatur EF dimidio minoris diametri ED æqualis; ac circini beneficio, cuius interuallum sit FB , constituentur quocumque lineæ, puta HG , KI inter se æquales, vno scilicet pede in E C producta si opus fuerit defixo, altero autem ad ipsam A E delato. Deinde mutato

tato

A tato circini interuallo, vt iam dimidio minoris diametri DE sit æquale, adiungatur regula primùm ipsi HG , positoq; pede altero in G , altero secundùm regulæ longitudinem extenso, signetur punctum L , quod quidem in ellipsin cadet per 21. lemma, sicque ordine ceteris, vt puta KI applicetur regula; defixoque pede vno circini in puncto I , altero notetur punctum N , quod item in ellipsin incidere necessum erit.



Eodem igitur modo quotcumque libuerit puncta negotio sanè perfacili reperientur, per quæ ellipsis firma manu duci possit: quòd si regula ad manum non sit, aut ea vti non placeat, producantur HG & KI versus L & N , ab eisque, vt iam dictum est, abscindantur GL & IN dimidio minoris diametri ED æquales. Sic enim eadem, quæ prius, puncta habebuntur, per quæ figura, quoad fieri poterit, accuratè descripta ellipsis erit, per 21. lemma huius libri.


VII.

C Inter eos, qui organicè, vnoque ductu ellipsin describere cum laude docuerunt, palmam obtinet Guidus Vbaldus è Marchionibus Montis, summi ingenij vir, qui in ea, quam scripsit, Theorica planisphæriorum vniuersalium libro secundo duos præcipuè modos refert, quos hoc loco placuit recensere.

Alter est incerti quidem auctoris: sed inter architectos & cæmentarios vsitatissimus, qui dum ad cameras struendas asseres parant, lapideis fornicibus sustinendis accommodos, filo circa duos clauiculos circumactò mechanicè ellipsin describunt. Cuius praxis sic se habet:

Datis extremis diametris, maxima quidem AB , minima verò CD , ad rectos sese angulos bifariamque secantibus. Centro C , interuallo autem AE circuli peripheria describatur, quæ ipsam AB secet in F & G , hoc est, fiant CF & CG ipsis

D AE & EB æquales. Hoc facto in F & G duo figantur clauiculi, eisque filum aptetur, quod duplicatum, colligatisque extremis, longitudinem AG vel FB exæquet. Deinde filo clauiculis circumiecto graphicus stylus inseratur, isque tenso semper filo circumducatur, sic vt cuspide primùm tangat punctum A , deinde H , tum C , postea B , ac tandè cetera quæ sese ordine consequuntur, vsq. dum in A , vnde moueri cœperat, restituitur. Hoc namque ductu ellipsin describi idem Guidus ex 52. propositione libri tertij Conicorum Apollonij acutè demonstrat. Cùm enim triangula FCG , FHG isoperimetra sint, hoc est æqualium simul sumptorum laterum, quòd scilicet eodem filo contineantur; si commune latu



E FG subducatur, reliqua duo latera FH , HG simul sumpta duobus reliquis FC & CG simul sumptis æqualia erunt. At cùm FC æquale sit AE , & CG ipsi BE equale ex hypothesi & constructione, erunt FC & CG simul sumpta toti diametro AB æqualia: quare & FH HG eidem AB æqualia erunt: atque eapropter per 52. tertij Conicorum Apollonij figura per $AHCBD$ descripta ellipsis erit.

F Quoniam verò subinde euenit, vt AB obliquis admodum angulis secetur à circuli peripheria, quæ ex centro C per F & G ducitur, quod præsertim fit cùm CE ipsi AE propemodum est æqualis, hanc ob causam alium modum Clavius præscribit, quo loca clauiculorum accuratè designari queunt. Descripto nimirum circum AE semicirculo, accommodetur in eo AI dimidio minoris diametri CE æqualis, & EI iungatur. Erit igitur EI æqualis ipsis EF & EG . Quoniam enim in triangulis CEF & AEI anguli E & I recti sunt, erit per 47. primi Euclidis quadratum CF quadratis CE & EF ; itemque quadratum AE ipsis AI & IE quadratis æquale: sed quadratum CF æquale est quadrato AE , propterea quòd CF ipsi AE sit æqualis: igitur quadrata AI , IE quadratis CE & EF æqualia erunt. Est verò AI quadratum quadrato CE æquale ob laterum AI & CE æqualitatem: itaque & quadratum IE ipsi EF quadrato erit æquale: ac proinde & latera IE & EF æqualia, quod erat ostendendum.


Poterat igitur ex confectario lemmatis 14. libri quarti breuius demonstrari, hoc modo: A
Cùm in triangulis rectangulis $CE F$ & $A I E$ sit latus CF lateri AE & AI ipsi CE excon-
structione, erit per iam citatum confectarium & reliquum latus IE reliquo EF æquale.

Clavius libro primo Gnomonices, propositione 8. loco clauiculorum circinum de-
scribit, cuius infecta sunt crura, cochleisq̄e astricta, vt inflecti cùm libuerit possint, &
clauiculorum locis ad rectos angulos infigi; vult etiam vt eadem crura canaliculos ha-
beant iuxta extremas cuspides per circuitum incisos, quibus filum contineatur ne aut
sursum repat, aut infrà in ipsam cuspidis extremitatem prolabatur.

VIII.

Nos verò alium circinum aliquando construximus, cuius vna circulatione ellipsis **B**
egregiè describatur, alte-

ro crure quiescente, atque
in centrum ellipsis defixo;
cuius schema hoc loco ad-
iungere placuit, quòd ex
eadem demòstratione pen-
deat. Fabricetur regula AB
oblonga atque rectangula
ex orichalco, aut alia mate-
ria solida, in cuius medio
signetur punctum E , quòd
centro respondeat futuræ
elliptis: secundum longitu-
dinem verò canalem sub-
tus habeat excauatum per
quem cursores duo C & D ,
liberè moueantur, sitq̄e
is in imo latior paululùm,
quàm in summo, vt curso-
res vbi opus erit cochleolis
astringi possint. Habeant
& iam dicti cursores in ex-
trematibus clauiculos F



& G aliquantulum incisos, vt circumiectum filum circini ductu à proprio loco non di-
moueat. Circinus quoque comparetur à vulgari haud multum distans, nisi his tan-
tum: primò vt caput remissius sit ac minus, quàm in alijs solet, firmiter astrictum; deinde
vt alteri crurum intus affixa sit tensilis lamina ex chalybe leuiter temperato, quæ circini
compressione vltra statum coacta proprio renixu alterum crus in aduersam partem di-
uellat, cuiusmodi hoc loco signatur literis os , ad o quidem circino adherescens, parte
veròs alterum crus premens. Denique idem circinus ad mobilis cruris extremitatem **E**
habeat extantem lunulam notatam litera v , quæ filum excipiat contineatq̄e, ne quàm
par est liberiùs euagetur.


Hoc organo si circum extremas diametros HK quidem maximam, IL verò mini-
mam ellipsis vno ductu decircinanda sit: inueniantur primùm loca clauiculorum F & G
modo superiùs explicato: deinde cursores pari interuallo ab E dimoueantur, donec ipso-
rum clauiculi distantiam capiant lineæ FG : tum filum his circumponatur, quòd dupli-
catum iunctisq̄e extremitatibus æquale sit alteri linearum FK vel GH , vnoq̄e circini
pede in E defixo, altero autem nonnihil compresso filum intra lunulæ v sinum excipia-
tur. Hic porrò pes circumactus mucrone Q ellipsin describet, vt priùs: nam lamina os **F**
mobile quidem crus circini assidue premens à centro propellit, at filum renitens intra
ellipteos fines coercet, nec longiùs abire permittit.

IX.

Alter modus, quem Guidus Vbaldus proposuit, ex 21. lemmate huius libri originem
ducit, solaq̄e regula & tribus cursoribus rem peragit, cuius primùm constructionem,
deinde vsum, qui ad ellipses æneis laminis insculpendas accommodatior est, expone-
mus. Est igitur AB regula solida atque rectangula, quæ in longitudinem pertusa sit
longo canali rectangulo, ac parallelis lateribus contento CD , per quam tres cursores

A *F H & K* liberè discurrant, qui & cochleolis, vbi opus erit, firmari possint. Habeant por-

rò duo è cursoribus
subtus quadratas tes-
feras, velut bases; ter-
tius autem præacu-
tum mucronem ex
chalybe durè tempe-
rato, qui cum tessera-
rū lateribus in eam-




B dem rectam lineam
coincidat. Vt autem
hæc planius intelli-
gantur, seorsum bre-
uiter cursorum ac sty-
li formam ostendere operæ pretium erit.



Sit vnus cursoris solitariè expositi ima tessera *K*, cui alia incumbat tessella *G*, pauld
quidem angustior, sed quæ latitudini canalís exactè respondeat, sic tamen vt cursor libe-
rè moueri possit; altitudo verò crassitiem laminæ proximè exæquet: ex huius medio te-
res cylindrus emineat *I* helicen à summo ad imum insculptam habens, cui mater *M* he-
lice quoque intus incisâ perfectè congruat. sit quoque *L* tenuis lamella quadrato fora-
mine pertusa, per quod *I* traici possit. Huic cursori tribus partibus composito, alter *H*
per omnia similis construendus est; tertius autem *F* id tantummodò peculiare habeat,
quòd pars eius infima loco tesserae in cuspidem desinat præacutam, qua ellipsis designa-
tur. Igitur vt ad vsus hoc instrumentum aptetur, cursores omnes in canalem laminæ in-
ferantur, deinde lamellæ, cuiusmodi vna est *L*, in singulas extantes cochleas inijciantur,
hæc demum matribus perstringantur.

C Propositis iam futurae ellipseos extremis semidiamentris *A B* & *B C*, ad rectos angulos
compositis, norma ipsis applicetur
E B D; cursores verò instrumenti ita
D disponantur, vt interuallum duorum
H & *K* semidiamentro *B C* sit æquale,
extremi autem *F* & *K* maximam se-
midiametrum capiant *A B*. Iam si re-
gula ita moueatur, vt duorum curso-
rum *F* & *H*, quibus tesserae subsunt, la-
tera normam perpetuò premant, nec
vmquam ab eius contactu discedant;
perspicuū est styli mucronati incessu
quartâ partem ellipseos *A K C* vno ductu
E describi, quòd per 21. lemma eius styli
cuspidis perpetuò in ellipse sit, quocūq.
tandem loco existat. Eodemque mo-
do quadrantes reliqui delineabuntur,
translata, si opus erit, norma styloque.




Sed hoc obserua, normæ crassitiem minorem paululum esse debere
cursorum *F* & *H* tesseris, ne dum
regula supra normam mouetur, ipsa regula normaque inuicem confricentur.

F LEMMA XXIII.

*Data maxima diametro, & alio quopiam puncto per quod
ellipsis incedat, minimam diametrum reperire.*

E s t o maxima diameter data *A C*, punctumque *F* per quod ellipsis incedat; sit au-
tem inuestiganda minima diameter: circa maximam diametrum circulus de-
scribatur *A K C P*, ipsamque *A C* bifariam & ad normam secet *K P* in *E*; ab *F* verò
ad *A C* perpendicularis producat *F M*, quæ producta in circuli peripheriam incidat ad
signum

signum L: simili modo ab F ad KP perpendicularis demittatur FN, iunctaque EL secet A ipsam FN in H, & centro quidem E, interuallo aurem EH circulus describatur, qui secet ipsam KP in B & D: dico igitur BD minimam diametrum esse eius ellipsis, quæ per AFC transit. Cum enim in triangulo ELM parallela sit FH ipsi ME, erit per 2. sexti Euclidis, vt LH ad HE, ita LF ad FM: sed cum EL ipsi EK, & EH ipsi EB æquales sint per circuli definitionem, erit per commune axioma & LH ipsi KB æqualis: igitur per 7. quinti Euclidis vt KB ad BE, sic se habet LF ad FM. Quare cum F in ellipsi sit ex hypothesi, & B in ellipsi erit per consecarium primum 18. lemmatis; atque eapropter BD minima diameter est, quæ fuerat postulata: ipsa namque per centrum E, & ad rectos ipsi AC angulos ducitur.



Aliter idem ac etiam breuius hoc modo perficietur: Ab F ad KB ducatur FG ipsi AE æqualis, quæ secet AE in O: dico FO æqualem esse minimæ semidiametro postulatae. Quare si à puncto E ex linea KP vtrimq. abscindantur portiones EB & ED ipsi FO æquales, erit per 20. lemma tota BD minima diameter, quam inuestigare oportuit.

LEMMA XXIV.

Data minima diametro, & alio quouis puncto per quod ellipsis incedat, maximam diametrum inuenire.

IN eadem figura minima data diameter sit BD, punctumq; datum F, per quod ellipsis incedat: seceturque BD bifariam in E, ex E verò perpendicularis excitetur EA, quæ producat in C: deinde centro E, interuallo autem EB vel ED circulus describatur: tum per F ducantur FM & FN, ipsis BD & EA parallelæ, secetque FN circulum in H, ac per H ex E recta ducatur EL, quæ MF productam secet in L: dico EL dimidium esse maximæ diametri: quocircà si E centro, & interuallo EL circulus describatur qui ipsam AC secet in A & C, dico AC maximam esse diametrum postulatam. Quoniam enim LM parallela est ipsi BD ex constructione, erunt per 11. lemma lib. 4. segmenta linearum EL & FN proportionalia, hoc est, vt LH ad HE, sic FH ad HN: sed cum EH ipsi EI, & EL ipsi EA sit æqualis per circuli definitionem, erit LH ipsi EI æqualis, per communem notionem: quare per 7. quinti Euclidis erit quoque vt A I ad I E, sic FH ad HN; atque idcirco per primum consecarium lemmatis 18. cum F ex hypothesi in ellipsi sit, erit & A in ellipsi. Est verò AC ex ipsius BD medio puncto E ad rectos angulos excitata: itaque AC maxima est diameter postulata.


Aliter ac breuius inueniatur maxima diameter quæ sita hoc modo: AC ad medium ipsius BD normaliter constitutâ, fiat FO ipsi EB æqualis, producatque FO quoad cum BD producta, si opus fuerit, conueniat in G: dico FG dimidio maioris diametri æqualem esse. Ducatur enim FN ad rectos ipsi BD angulos, quæ circulum B I D secet in H; ducatur etiam FM ad rectos angulos ipsi AE: erunt igitur FN & FM ipsis AE & BD parallelæ; ex E autem per H recta agatur EH, quæ producta cum MF item producta conueniat in L: quoniam igitur in triangulis EHN & FOM anguli N & M recti sunt, & latus EH lateri FO ex hypothesi est æquale, itemque NE latus æquale lateri FM per 34. primi Euclidis, erunt ipsa triangula EHN & FOM æquiangulara, & æquilatera per consecarium conuersi lemmatis 14. libri quarti: æqualis igitur est angulus EHN angulo FOM: sed eidem angulo EHN æqualis est angulus HE O per 28. primi Euclidis, quod videlicet FN & AE constitutæ sint parallelæ: igitur & HE, FO parallelæ erunt per 29. primi Euclidis: quate tota EL ipsi FG parallela erit. Sunt verò & LF, & EG ex constructione parallelæ: itaque æquales inter se erunt BL & FG, per 34. primi Euclidis: à quibus si æquales detrahantur FO & EH, relinquentur OG & LH æquales: at iam proximè ostensum est EL dimidio maioris diametri æqualem esse: quod sit vt LH ad HE, sic FH ad HN: igitur

A igitur & FG dimidio maioris diametri æqualis erit. Quare si circa EL velut semidia-
metrum ex centro E circulus describatur qui secet AC (normalem scilicet minimæ dia-
metro BD) in A & C , erit eadem AC maxima diametrus quæ fuerat postulata, vt ex vi-
gesimo lemmate huius libri manifestè constat.

LEMMA XXV.

*Datis quibuscumque diametrorum coniugationibus ellipsis circulo
inscribenda, extremas diametros seu axes inuestigare.*

B **E**LLIPSIS datæ axem, seu maximam diametrum reperire docet Apollonius Per-
gæus libro 2. Conicorum, propositione 47. at quoniam eius constructio ellipsin
iam descriptam supponit, subinde autem hoc in libro axes quærendi sunt inscri-
bendæ circulo ellipsis, alia nobis ratio
ineunda fuit. Sunt igitur AB & CD
coniugatæ quidem, at non extremæ
diametri ellipsis nondum descriptæ,
quæ sese decussent in E ipsius ellipsis
centro. Sit verò $IKFO$ circulus, cui el-
lipsin inscribere oportet, quæ æqualem
C maximâ diametrum habeat ipsius qui-
dem circuli diametro æqualem, sed
cuius positio situsque ignoratur: igitur
per A recta ducatur alteri diametro CD
parallela, quæ circulum secet in F & K ,
versus K autem ea infinite producat:
hæc per 32. primi Conicorum Apollo-
nij ellipsin continget in A . Deinde per
11. lemma fiat vt FA ad AK , ita FG ad
 GK : à G autem per centrum E recta
D traiciatur GO circulum secans in I : di-
co IO maximam esse ellipsis diame-
trum postulatum. Si enim id negetur,
necesse est dicere maximâ diametrum
ellipsis productam cum FG tangente
vel infra vel supra punctum G conueni-
re. At impossibile vtrumque hoc pacto
ostenditur.



Sit primò maxima diametrus NS ,
eadem videlicet, quæ & circuli; hæc au-
tem producta concurrat cum FG ad signum Q : à puncto verò A rectis ipsi NS angulis
E ducatur AP : quoniam igitur per 32. primi Conicorum Apollonij FG ellipsin contingit,
erit per 36. eiusdem primi Conicorum Apollonij vt NP ad PS , ita NQ ad QS . Quare erit
quoque per lemma 23. libri quarti, vt FA ad AK , sic FQ ad QK : quod fieri nequit, cum
per constructionem effecta sit FG ad GK , quemadmodum FA ad AK . Non est igitur NS ,
aut quæcumque demum producta infra punctum G in lineam tangentem FG cadit,
maxima ellipsis diametrus.


Eodem verò modo demonstratio instituetur in illis, quæ productæ supra G cum FG
concurrunt, veluti in p̄posito schemate est RT , quæ producta in FG item productam
incidit ad signum X . Si enim ducatur AV ad rectos ipsi RT angulos, quoniam AX ellip-
F sin tangit, erit per 36. primi Conicorum Apollonij vt RV ad VT , ita RX ad XT , & per
lemma 23. libri quarti vt FA ad AK , ita FX ad XK , quod cum fieri non possit, (siquidem
facta est FG ad GK , vt FA ad AK) nec RT maximâ diametrum ellipsis esse poterit: sed nec
alia vlla, quæ producta supra vel infra G cum FG concurrat: igitur IO à G per centrum
 E ducta maxima est ellipsis diametrus postulata, cui si ad rectos angulos per centrum
quoque E adiungatur HZ , vt lemmate vigesimo tertio superius ostendimus, hæc mini-
ma erit priori coniugata.

LEMMA

LEMMA XXVI.

Data ellipsi, unaque eius diametro, alteram ei coniugatam assignare.


NON erit difficile in ellipsi vna diametro data, alteram ei coniugatam reperire, si data diameter sit figuræ axis, seu extrema linearum quæ per centrum duci possunt. Nam si data diameter secetur bifariam, ac per sectionis punctum alia agatur ad rectos eidem angulos, quæ vtrisque in peripheriam figuræ incidat, factum erit propositum: hæc enim erit altera diameter postulata; siquidem axes ellipsis, seu extremæ diametri, hoc est maxima & minima, se mutuo non tantum bifariam, (quod omnibus, licet non coniugatis diametris, continet) verum etiam ad normam secant. Itaque vt vniuersè rem concludamus, esto propositæ ellipsis $AEBF$, vna diameter quæcumque positione data AB , sitque invenienda altera ei coniugata: ducatur in ellipsi alia quæpiam linea CD ipsi AB æquidistans, vtraque verò secetur bifariam, hæc in K , illa in G ; per puncta autem G & K recta agatur EF , vtrisque in ellipsin incurrens: hanc dico alteram esse diametrum priori AB coniugatam, vt constat ex 17. definitione primi Conicorum Apollonij; hæc enim velut propria nota coniugatæ diametri à non coniugatis discriminantur, quod coniugatæ lineas omnes alteri parallelas bifariam secant: quamobrem lineæ quæ vni coniugarum diametrorum ducuntur parallelæ, ad alteram diametrum ordinatim applicari dicuntur, quod illa diametro cui adiunguntur, ita secentur vt partes continuam proportionem seruent: nam earum quadrata inter se eam rationem habent, quam quæ ex secantis diametri partibus fiunt rectangula, vt idem Apollonius docet libro primo Conicorum, propositione vigesima prima.



LEMMA XXVII.

Datum conum scalenum subcontrariè secare.

ESTO conus scalenus ABC , cuius basis BC circulus, oporteat autem conum subcontrariè secare, hoc est, portionem ab eo rescindere, cuius triangulum per axem, exempli gratia AEF , triangulo ABC simile sit, hoc est, æquales habens angulos, latera autem proportionalia: à vertice A demittatur AO basi BC perpendicularis, & sumpto in ea quouis puncto K , hoc velut centro, interuallo autem AK circulus describatur $AEDF$, qui per conii verticem incedat, secetque reliqua duo conii latera AB & AC in F & E : dico EF sectionem esse basi subcontrariam, hoc est, triangulum AEF triangulo ABC simile esse, seu æquiangulum, & lateribus proportionatū. Ductis enim ED & FD , erunt anguli DEA & DFA recti per 31. tertij Euclidis, utpote in semicirculis, & DE ad AC , vt DF ad AB perpendicularares per 10. definitionem primi Euclidis: sed & anguli AOB & AOC ex positione sunt recti: igitur rectangula sunt ipsa triangula AOB & AOD ; quibus cum angulus BAD communis sit, erit & reliquus angulus ABO reliquo angulo ADF æqualis. Quoniam enim per 32. primi Euclidis tres anguli cuiusque trianguli duobus rectis sunt parès, habetque vterque horum vnum rectum, erunt duo reliqui vnus, duobus reliquis alterius æquales; sublato igitur communi BAD , erit reliquus ABO reliquo ADF æqualis. Est verò eidem angulo ADF æqualis angulus AEF , tum quod in eodem sint $AEDF$ segmento, tum propter triangulorum FGD & AGE similitudinem. Cum enim per 35. tertij Euclidis sit rectangulum sub AG , & GD ei quod sub EG & GF comprehenditur æquale, erit per 16. sexti Euclidis vt AG prima ad secundam GE , ita DG tertia ad GF quartam; sunt verò per 15. primi Euclidis anguli intersecantium se linearum AD & EF ad verticem G æquales: igitur




A igitur per 6. sexti Euclidis æquiangula sunt ipsa triangula $A G E$ & $D G F$; & angulus quidem $A E F$ angulo $A D F$ æqualis: quare & angulus $A B C$ eidem angulo $A E F$ æqualis erit. At eodem modo æqualis probabitur $A C B$ angulus angulo $A F E$, quod angulus $A C O$ æqualis sit $A D E$ angulo; hic autem ipsi $A F E$, utpote in eodem segmento: igitur cum angulus $B A C$ communis sit, erit triangulum $A E F$ triangulo $A B C$ æquiangulum, ac propterea simile per 4. sexti Euclidis: utque $A B$ ad $A C$, & hæc ad $B C$, ita $A E$ ad $A F$, & hæc ad $E F$; quocirca $E F$ subcontraria est sectio postulata.

Si à certo quopiam puncto in altero latere trianguli per axem dato, puta F , subcontraria sectio inchoanda sit, secetur $A F$ bifariam in H , & à sectionis puncto H perpendicularis ipsi $A F$ excitetur $H K$, quæ ipsam $A D$ secet in K : dico K centrum esse, ex quo descriptus per A circulus, simul per F & E transit, vbi scilicet $F E$ conum $A B C$ subcontraria sectio à puncto F inchoata discindit. Ductis enim $F D$ & $E D$, eadem fiet demonstratio quæ suprâ: igitur constat propositum.

LEMMA XXVIII.

Si cono scaleni basis circulus sit, & subcontraria sectio circulum exhibebit.

C **S**IT, ut suprâ, conus scalenus $A B C$, cuius vertex quidem A , basis autem circulus circa diametrum $B C$ animo descriptus; seceturque conus plano $A B C$ per axem, & ad basin recto: quod fiet, si à vertice A perpendicularis ad basin productam, si opus erit, demittatur $A H$ per 11. vndecimi Euclidis, per $A H$ verò & axem planum extendatur; hoc enim per 18. vndecimi Euclid. ad basin rectum erit: secetur quoque conus alio quodâ plano $F G E$ ad idem triangulum per axem $A B C$ recto, sed basi subcontrariè posito, sic ut ex triangulo per axem abscindat triangulum $A E F$ triangulo $A B C$ simile, in quibus angulus quidem A communis sit, angulus verò $A E F$ angulo $A B C$, & reliquus $A F E$ reliquo $A C B$ æqualis: dico sectionem $F G E$ circulum esse. Nam si aliud planum intelligatur $O G D$ basi parallelum, quod ipsum $F G E$ interfecet in communi recta linea $G K$, perspicuum est planum $O G D$ circulum esse per 4. primi Conicorum Apollonij. Et quoniam utrumque planum $O G D$ & $F G E$ ad triangulum per axem $A B C$ rectum est, erit quoque per 19. vndecimi Euclidis communis illorum sectio $G K$, ad idem planum $A B C$ recta: quare per definitionem 3. vndecimi Euclidis eadem $G K$ utrique $O D$ & $F E$ perpendicularis erit: ac proinde per 17. sexti Euclidis quadratum $G K$ æquale est ei, quod sub $O K D$ comprehenditur, rectangulo, quod $G K$ inter $O K$ & $K D$ medium proportionis locum obtineat per 2. lemma huius libri. Sed angulus $F O K$ æqualis est angulo $A B C$ per 29. primi Euclidis; angulo autem $A B C$ æqualis angulus $D E K$ ex hypothesi: igitur $F O K$ angulus angulo $D E K$ est æqualis. Est verò & $F K O$ angulus æqualis angulo $D K E$ per 15. primi Euclidis: itaque & reliquus $O F K$ reliquo $E D K$ relinquitur æqualis: quocirca æquiangula sunt ipsa $F K O$ & $D K E$ triangula, in quibus proinde latera $E K$ ipsi $O K$, & $D K$ ipsi $F K$ proportionalia sunt: ideoque à prima & quarta rectangulum $E K F$ æquale est ei quod a mediis fit rectangulo $O K D$ per 16. sexti Euclidis: sed rectangulum $O K D$ ostensum iam est æquale quadrato $G K$: igitur & rectangulum $E K F$ eidem quadrato $G K$ est æquale. Ex quo fit per 3. lemma ut G in circulum cadat, cuius diametrus $E F$.



Cumque eodem modo omnes communes sectiones plani $E G F$, & eorum quæ basi æquidistantia ducuntur, quocumque loco acciderint, ostendi queant in circulum cadere; palàm relinquitur subcontrariam cono scaleni sectionem $E G F$ circulum esse, cuius $E F$ diametrus; quod erat demonstrandum. Habet hæc subcontrariæ sectionis contemplatio non exiguum momentum ad explicandas stereographicas obliquorum circulorum proiecturas, siue illi maximi sint, siue non maximi, de quibus infra suo loco; vbi ostendemus illos omnes circulari forma in planum transcribi.

LEMMA XXIX.

A

Si conus scalenus, cuius basis circulus alio secetur plano basi subcontrario: dico omnia triangula qua aguntur per axem ab his planis subcontrariè dissectari.

R VRSVS conus scalenus exponatur ABC, cuius basis BNC L circulus, axis verò AO; seceturque conus alio quodâ plano E H F K basi subcontrariè constituto, quod proinde per præcedens lemma circulum gignat, cuius diameter EF à triângulo per axem ABC, quod utrique circulo rectum est, portionem auferat AFE ipsi ABC similem: dico si per eundem axem AO agatur aliud triangulum quodcumque ANL, quod basin quidem secet in LN, subcontrarium autem circulum in HK, fore triangulum AHK triangulo ANL simile. Ducatur enim per A, H, & K circulus qui AO secet in D, & HD, KD iungantur: quoniam igitur AO ad basin BNC L recta est, erit quoque quod per ipsam ducitur triangulum ANL ad basin rectum per 18. vndecimi Euclidis, ac proinde per 3. definitionem vndecimi Euclidis recti erunt anguli AON & AOL; sed & recti sunt AHD & AKD, utpote in semicirculis: itaque cum triangula AOL & AHD rectos habeant angulos AOL & AHD, alterumque OAL communem, erunt reliqui ALO & ADH per 32. primi Euclid. æquales: at angulo ADH æqualis est angulus AKH, utpote in eodem segmento AKDH: igitur AKH angulus angulo ALO est æqualis. Eodem verò modo ostendetur AHK angulus æqualis ipsi ANL angulo: nam in rectangulis triangulis AON & AKD, quibus communis est angulus qui ad verticem A, reliquus quoque ADK reliquo ANO est æqualis; ADK autem est æqualis ipsi AHK, utpote in eodem AHDK segmento: igitur AHK ipsi ANL est æqualis. Quocircà æquiangula sunt AHK & ANL triangula; ac proinde per 4. sexti Euclidis proportionalia ipsorum latera, ipsaque similia, quod erat demonstrandum. Cumque in ceteris triangulis per axem ductis, eadem sit probandi ratio, perspicuum relinquitur id, quod vniuersè fuit propositum.



LEMMA XXX.

E

Si subcontrariarum sectionum diametri à lateribus trianguli per axem æquales portiones abscindant, erunt ipsa diametri inter se æquales: aliàs qua maiorem auferit portionem, ea erit maior.

IN cono scaleno ACE subcontrariarum sectionum diametri BC & DE, à lateribus trianguli per axem æquales portiones auferant AB & AD, vel AC & AE: dico ipsas BC & DE æquales inter se esse. Nam cum propter triangulorum ABC & ADE similitudinem sit ut AB ad BC, ita AD ad DE; erit quoque & permutando per 16. quinti Euclidis ut AB ad AD, ita BC ad DE: sed AB & AD ex hypothesisi sunt inter se æquales: igitur & BC, DE æquales inter se erunt.

Si verò sit FG sectio ipsi BC subcontraria, maiorque AF quam AB, vel AG quam AC maior: dico & FG ipsa BC maiorem esse. Est enim propter triangulorum similitudinem AB ad BC, quemadmodum



A dum AF ad FG : sed ex hypothesi maior est AF quàm AB , hoc est prima maior quàm tertia: igitur & FG secunda quàm quarta BC maior erit per 14. quinti Euclidis; quod erat probandum.

LEMMA XXXI.

Fieri omnino nequit, ut in cono scaleno subcontrariarum sectionum diametri se mutuo bifariam secent; si autem una secetur bifariam, erit alterius maior portio ea, quæ minori angulo trianguli per axem adiacet.

In eadem enim schematis constructione secet FG ipsam BC bifariam in H : dico FG à BC neutiquam ex æquo diuidi. Quoniam enim in triangulis BHG & FAC anguli ad communem verticem H per 15. primi Euclidis sunt inter se æquales, itemque G & C æquales propter triangulorum ABC & AFG similitudinem, erunt & reliqui B & F inter se æquales: quare per 4. sexti Euclidis proportionalia erunt ipsorum latera. Si itaque quemadmodum BH equalis est HC , ita esset FH , HG æqualis, sequeretur per 5. sexti Euclidis angulum FCH angulo GBH æqualem esse, quod nimirum ambo homologis lateribus obijciantur: quocircà parallelæ essent GB & CF per vigesimam octauam pro-

C positionem libri primi Euclidis: quod absurdum est; cum in puncto A ex hypothesi conueniant: nequit igitur angulus CFH angulo GBH æqualis esse, ac proinde nec FH ipsi HG esse æqualis; quod demonstrandum erat.

Aio verò GH , quæ minori angulo AGF trianguli per axem adiacet, ipsâ HF maiorem esse: nam cum rectæ lineæ GB & CF in A conueniant, necesse est angulum BGF angulo GFC minorem esse: si enim æqualis esset aut maior, rectæ GB & CF , quantumuis protractæ, ad partes B & F numquam concurrerent; concurrunt autem: igitur minor est angulus BGF angulo GFC : at angulus GFC est æqualis angulo GBH propter triangulorum BCH & FCH similitudinem: itaq; & angulo GBH angulus BGF est minor: quamobrem per 19. primi Euclidis maior est GH quàm HF , & propter triangulorum similitudinem etiam HC , id est BH maior quàm HF : igitur GH multò est quàm HF maior, quod erat probandum.

LEMMA XXXII.

In cono scaleno, subcontrariarum sectionum quæ alteram bifariam secat, illa semper est maior.

Vt si in superiore schemate linea BC ab FG secetur bifariam: dico FG quàm BC maiorem esse: non enim in primis æqualis esse potest; nam ob triangulorum ABC & AFG similitudinem essent quoque AB & AF , itemque AC & AG æquales; ab-


E latis autem æqualibus AB & AF ab æqualibus AC & AG , reliquæ etiam BG & FC æquales essent: ideoque & GH ipsi HC ; & BH , hoc est HC , ipsi HF ; ac tandem GH ipsi HF æquales ob triangulorum BHG & FHC similitudinem: sicque ambæ BC & FG sectæ essent bifariam, quod fieri non posse proximè ostendimus; non igitur esse potest FG ipsi BC æqualis.

Deinde nec minorem esse posse FG ipsâ BC ita ostenditur: Si minor esset FG quàm BC , esset quoque AF quàm AB , & AG quàm AC minor ob triangulorum similitudinem: sublataque AB , quæ ex absurda hypothesi ostensa est maior, ab AG quæ minor ex eadem hypothesi probatur quàm AC , itemque detracta minore AF de maiore AC , relin-

F queretur BG multò quàm FC minor: ac proinde ipsa quoque GH quàm HC , id est quàm BH minor esset: quare per 18. primi Euclidis & angulus GBH angulo G minor: sed angulus C angulo G est æqualis, ob triangulorum ACB & AGF similitudinem; angulus autem GBH , utpote externus trianguli ABC , maior est angulo C per 16. primi Euclidis: igitur & angulo G idem GBH angulus est maior: erit itaque angulus GBH angulo G maior & minor. quod cum fieri nequeat, nec FG quàm BC minor erit, quod fuerat assumptum: sed neque æqualem esse posse ostensum iam est: itaque consequens est, ut sit maior; quod erat probandum.

*In sphaera si per aduersos polos duorum circulorum aequalium, alius quicumque circulus ducatur, abscindet is à primorum circulo-
rum peripheriis portiones aequales.*

AEQVALES in sphaera circuli, vel maximi sunt, vel non maximi: quorum om-
nium tamen vna sit demonstratio, ne tamen impliciti casus discursum longio-
rem obscurioremque efficiant, placet in circulis primùm maximis propositum **B**
concludere, ac postea sigillatim ostendere eandem demonstrationem in circulis etiam
non maximis, sed æqualibus, locum habere.



Esto A polus supernus circuli maximi CDE, B verò polus infernus maximi circuli FDG; & per hosce aduersos polos, hoc est A superum, & B inferum, circulus quicumque ducatur AHKB: dico hunc æquales assumere circulo-
rum portiones, CK ipsi FH; & DH ipsi DK (dico autem superum polum oculo propinquiorem, inferum verò ab oculo remo-
torem:) quoniam enim A circuli CDE polus est, erunt AC & AK arcus inter se æquales per poli definitionem, quæ quinta est libri primi Sphæricorum Theodosij. Cum verò AC & BF eiusdem circuli quadrantes sint, ac prout inter se æquales, erunt & rectæ lineæ AC & BF, quæ ipsis subiiciuntur, inter se æquales: quamobrem rectæ quoque AK & BH æquales inter se erunt, vt & arcus quos sustinent per 28. tertij Euclidis æquales. **E**
Ab arcubus igitur AC & BF si communis portio detrahatur CF, relinquentur arcus AF & BC æquales; ideoque & anguli ABF, BAC æquales per 27. tertij Euclidis, & subtensa latera AE & LB æqualia per 6. primi Euclidis. Eodemque modo si ab æqualibus peripheriis AK & BH communis portio subducatur HK, relinquentur AH & BK æquales: quare & anguli ABH & BAK per 27. tertij Euclidis æquales, subtensaque latera AN, NB æqualia erunt. Cum itaque in triangulis LAN & LBN æqualia sint latera AL, AN, lateribus BL & BN, vtrumque vtrique, basi-
que LN communis, erit & angulus LAN angulo LBN æqualis per 8. primi Euclidis. Rursus quoniam in triangulis CAK, FBH sunt latera AC, AK, lateribus BF, BH æqualia, angulusque CAK angulo FBH æqualis, erit & basis CK basi FH æqualis per 4. primi Euclidis: quamobrem & arcus CK & FH æqua-
les inter se erunt per 28. tertij Euclidis; cumque æquales sint peripheriæ DC & DF, sub-
latis æqualibus CK & FH, relinquentur DH & DK æquales; quod erat demonstrandum. **F**

Idem, ac fortè breuius, demonstrari & in hunc modum poterit: Quoniam æquales sunt CDE & FDG circuli, vtpotem aximi, erunt & quæ ab ipsorum polis ad circumferentiam ducentur rectæ lineæ AK & BH inter se æquales: ablata verò ab æqualibus peripheriis AK & BH communi portione HK, relinquetur AH ipsi BK æqualis; ideoque per 27. tertij Euclidis & anguli ABH, BAK inter se æquales. Rursus quoniam in triangulis AOS & BOP recti sunt anguli AOS & BOP per 10. primi Sphæricorum Theodosij,

A sijn, atque idcirco æquales: itemque ABO angulus angulo BAO in triangulo isoscele AOB æqualis, lateraque AO & OB æqualia, utpote eiusdem circuli $ACBE$ semidiametri, erunt & reliqua latera trianguli AOS reliquis lateribus trianguli BOF æqualia per 26. primi Euclidis, hoc est AS æquale BF , & OS ipsi OF . Quare in triangulis AKS & BHP , cum iam ostensa sint latera AK, AS , lateribus BH, BF æqualia, angulusque KAS angulo HPB æqualis, erit per 4. primi Euclidis & basis KS basi HP æqualis. At in triangulis OSK & OFH in quibus æqualia sunt hæc ipsa iam dicta latera KS & HP , æqualia etiam sunt & reliqua, utrumque utriusque, OK scilicet ipsi OH , nempe equalium circulorum semidiametri, & OS ipsi OF per iam factam demonstrationem. Igitur per 8. primi Euclidis æquales erunt & anguli singuli singulis, id est KOC ipsi HOF , atque ea propter arcus CK arcui FH æqualis erit per 26. tertij Euclidis, quod demonstrasse oportuit.


Quæ in maximis circulis ostendimus, eadem fermè ratione ostendi possunt & in non maximis, si modò æquales ipsi inter se sint. Quoniam enim æquales circuli non maximi à sphaeræ centro æqualiter distant per 6. primi Sphaericorum Theodosij, æqualiter quoque distant ab aduersis polis necesse est: siquidem centrum circuli inter polos medium locum obtinet: quare æquales erunt omnes illæ rectæ lineæ, quæ à polis similiter sumptis ad circulorum peripherias extenduntur, ut superius AC & AK æquales ipsis BF & BH , posito quod circuli CDE & FDG æquales quidem sint, at non maximi: cumque & angulus $C AK$ angulo $F BH$ in non maximis circulis iuxta ac maximis ostendi possit æqualis, erunt & bases CK & FH inter se æquales per 4. primi Euclidis; ac proinde & arcus qui ipsis insistent per 28. tertij Euclidis, quod erat ostendendum.

Ex quibus colligi potest, si AF & AH producantur, usque dum plano, in quo circulus CDE , & circuli FDG proiectora describitur, occurrant ad V & T , productam quoque SK in T incidere. Cum enim AH & SK in vno sint plano, nempe circuli $AHKV$, nec sint inter se parallelæ, necesse est ipsas longius prouectas coire aliquando. At SK in eodem est plano, in quo & V, T , totaque circuli obliqui FDG proiectora; supponimus enim V & T in ipsius esse circuli CDE plano, in quo est SK : igitur eo loci SK cum AH producta congređitur, ubi AH protracta planum circuli CDE interfecat, hoc est in T , quod ostendisse oportuit, ut planior sit ad obliquarum proiectorarum partitiones accessus, quas in Stereographia exhibebimus.

LEMMA XXXIV.

Si per aequalium circulorum polos, qui ad eandem partem sunt, planum agatur utrumque circulum secans, assumet id à circulorum peripheriis portiones æquales à communi circulorum sectione inchoatas.

S VNTO duo circuli maximi, CDE cuius polus A , & FDG cuius polus B , ambo ad planum $ACGE$ recti; & AB , quæ propinquos sibi polos iungit, ex utraque parte producat, donec cum producta CE conueniat ad signum S , cum GF verò item producta ad signum P : si igitur per utriusque circuli polos A & B , qui ad eandem partem sunt, aliud quoddam planum ducatur, præter POS , puta PNS , quod circulum quidem CDE secet in L & K ,



circulum autem FDG in $I \& H$; dico peripherias $DK \& DH$, quæ à communi circulo-
rum sectione D initium sumunt, æquales inter se esse, itemque $DL \& DI$ æquales; vnde
consequens est vt & CK ipsi GH , & EL ipsi FI sint æquales.

Quoniam enim
 AO æqualis est BO
per circuli defini-
tionē, erit & an-
gulus ABO angu-
lo BAO æqualis per
5. primi Euclidis:
quare & duo an-
guli $AP O \& AOP$,
qui per 32. primi
Euclidis æquales
sunt externo BAO ,
duobus $BSO \&$
 $BO S$ æquales e-
runt, quod hi item
per 32. primi Eu-
clidis sint externo
 ABO seu BAO æ-
quales. At $AOP \&$
 $BO S$ sunt inter se
æquales per 27.



tertij Eucl. quod scilicet æqualibus peripheriis $AF \& BE$ insistant, quæ nimirum à
quadrantibus $AE \& BF$, detractâ communi portione AB , relinquuntur: itaque & $AP O$,
 BSO anguli æquales inter se erunt: ideoque & latera $PO \& OS$ per 6. primi Euclidis
æqualia. Rursus cum vterque circulus $CDE \& FDG$ ad planum $ACGE$ rectus sit ex
hypothesi, erit communis vtriusque sectio DO ad idem planum $ACGE$ recta per 19.
vndecimi Euclidis: igitur recti sunt anguli $PON \& SON$ per 3. definitionem vndecimi
Euclidis. Cum igitur in triangulis $PON \& SON$ æquales sint ad O anguli, vtpote recti,
& circum ipsos sit latus PO æquale lateri OS , ON verò commune vtrique; erit & an-
gulus PNO angulo SNO per 4. primi Euclidis æqualis, vterque autem recto minor, quod
 $PON \& SON$ recti sint: quocirca & qui deinceps $ONH \& ONK$ anguli æquales inter
se erunt; ambo verò rectis maiores, quod hi vnâ cum $PNO \& SNO$ bini sumpti duobus
rectis sint pares per 13. primi Euclidis: itaque in triangulis $ONK \& ONH$ anguli
quidem $OKN \& OHN$ singuli rectis minores erunt. Est verò ON commune vtrique tri-
angulo, OK autem ipsi OH æquale, nempe æqualium circulorum semidiametri: igitur
per 7. sexti Euclidis, & angulus KON angulo HON æqualis erit, & per 26. tertij Eucli-
dis peripheriæ $DK \& DH$ inter se æquales: quæ si ab æqualibus quadrantibus $DC \& DG$
auferantur, reliquæ etiam $CK \& GH$ æquales inter se erunt; quod demonstrandum erat.

Deinde ductis $OI \& OL$; quoniam in triangulis $OIN \& OLN$ æqualia sunt latera OI ,
& OL , vtpote æqualium circulorum semidiametri, sitque latus ON vtrique commune,
angulusque ONI angulo ONL iam ostensus æqualis, & vterque angulorum $OIN \&$
 OLN recto sit minor per 18. primi Euclidis, quod vterque minimo lateri ON insistant;
erunt & anguli $NOI \& NOL$, per 7. sexti Euclidis æquales; ac proinde & peripheriæ DI
& DL æquales: anguli verò illi $NOI \& NOL$, si ab æqualibus rectis $NOE \& NOF$ sub-
ducantur, relinquent $EOL \& FOI$ angulos æquales, ideoque & peripherias $EL \& FI$ per
26. tertij Euclidis æquales, quod etiam demonstrasse oportuit.


Ex quo id Lector colligas, ductis $AG \& AH$, quæ planum (in quo circulus CDE , & obli-
qui circuli FDG proiectura describitur) in locis $R \& T$ interfecent, ipsam SK per T signum
ipsius H vicarium transire. Quoniam enim AH in ipsius est trianguli AHP plano per 2.
vndecimi Euclidis, triangulum autem AHP in eodem est plano in quo & SK ex hypo-
thesi, necesse est $AH \& SK$ in vno plano esse: igitur cum parallelæ non sint, sese inter-
secent oportet; non vtique alio in puncto quàm T , vbi AH planum attingit CDE , in quo
etiam est SK : quare peripheria RT peripheriæ GH , ac proinde ipsi etiam CK aspectu re-
spondet. Quod obseruatione dignum duxi, vtpote ad obliquarum proiecturarum ste-
reographicas partitiones apprime vtile.

LEMMA

A LEMMA XXV.

Esto recta AS diametro circuli obliqui FG parallela: nio ductum per AS planum ASHI abscindere de circuli FDG peripheria portiones FI & GH æquales.

B FINGE namque animo per A s actum esse aliud quodpiam planum circulo FDG parallelum: cum ergo planum ASHI in vtrumque incidat, erunt per 16. vndecimi Euclidis communes illorum sectiones AS & HI parallelae: sed eidem AS parallela



D est FG ex hypothesi: itaque HI & FG inter se parallelae erunt per 9. vndecimi Euclidis: quocirca ducta FH, erit angulus FHI angulo GFH æqualis per 29. primi Euclidis; ideoq. & peripheria FI, GH, quibus illi insunt, æquales inter se erunt per 26. tertij Euclidis, quod probandum erat.


Nunc si AH & AI plano subiecto occurrant in T & P, manifestum est per commune Proiecturarum axioma P ipsius I, & T ipsius H proiecturam esse; itemque VP ipsam peripheriam FI, & RT ipsam GH repræsentare. Vt igitur FI & GH reipsa æquales inter se sunt, ita & VP, RT æquales sunt repræsentatione. At verò si per X communem intersectionem DO & HI recta ducatur KL ipsi CE parallela, erunt CK & EL æquales tum inter sese per iam factam demonstrationem, tum ipsis FI & GH per 13. lemma huius libri. Quare STP per X communem intersectionem DO & KL ducta arcus VP & RT arcibus CK & EL apparentiâ æquales intercipit. Atque hæc quoque obseruatio ad obliquarum proiecturarum stereographicas distributiones in posterum utilis erit.

LEMMA XXXVI.

F *Si duos sphaera circulos, eosque maximos, alius quidam circulus non maximus contingat, erunt arcus à communi ipsorum sectione ad contactus pertinentes inter se æquales.*

CIRCELLVS inquam OK, cuius polus L, duos sphaerae circulos, eosque maximos BDC & EDG contingat, hunc in K, illum in O: dico arcus DO & DK æquales inter se esse. Ducatur enim per L polum circelli OK, & per contactum O circulus maximus OL, qui circulum EDG secet in N: simili modo per L & contactum K, circulus ducatur maximus KL, qui circulum BDC secet in P: quoniam igitur circulus OLN transit per polum circelli OK, & contactum O, transibit is etiam per polos circuli BDC, nempe I & H, per 5. secundi Sphaericorum Theodosij. Eademque ratione KLP per A & V polos circuli EDG incedet: quocirca per 15. primi Sphaericorum


Theodosij anguli NOD & PKD recti erunt & æquales. Rursus cum L sit circuli OK po-
 lus, erunt arcus LO & LK inter se
 æquales, ut ex quinta definitione
 primi Sphæricorū Theodosij col-
 ligi potest. Ducto itaque per O &
 K circulo maximo OK , erit OLK
 triangulum isosceles, ac proinde
 eius, qui ad basin sunt anguli LOK
 & LKO inter se æquales, per
 octavam Triangulorum spherico-
 rū Claiij: qui proinde si ab æqua-
 libus rectis angulis NOD & PKD
 subducatur, reliqui OKD & KOD
 anguli æquales inter se erunt: qua-
 re & quæ ipsis subtenduntur latera
 DO & DK æqualia, per 9. Triangu-
 lorum spherico- rū Claiij. Igitur
 si duos spheræ circulos, eosque
 maximos, aliū quidam circulus,
 &c. quod probandum fuit.



LEMMA XXXVII.

*Earum, quæ à puncto quodam ad rectam quamdam lineam ducun-
 tur, breuissima omnium: est perpendicularis: ceterarum autem re-
 motiores à perpendiculari propinquioribus semper sunt maiores.*

EXPONATUR recta quædam linea infinita BF , ad quam à puncto quodam A extra eam
 dato rectæ quotcumque lineæ
 protendantur, e quarum nu-
 mero AB ipsi BF sit perpendicularis;
 ceteræ autem ductæ utcumque: dico
 primò, breuissimam omnium esse AB
 perpendicularem. Quoniam enim
 ABC rectus est angulus ex hypothesi,
 erunt singuli reliquorum in triangu-
 lo ABC recto minores, quòd per 32.



primi Euclidis ambo simul sumpti vni recto sint æquales. Maximus igitur est ABC an-
 gulus trianguli ABC , cui proinde maximum latus subtenditur AC per 19. primi Euclidis.
 Cumque eodem modo AD maximum ostendi possit latus trianguli ABD , & AE trian-
 guli ABE maximum, ac sic de ceteris, fit, ut AB minima sit illarum omnium, quæ à pun-
 cto A ad lineam BF extendi possunt.

Deinde per 16. primi Euclidis externus angulus ACD interno & opposito ABC est
 maior; erit ergo is quoque maximus eorum qui in triangulo ACD sunt angulorum.
 Quare per eandem 19. primi Euclidis, quod ei subtenditur latus AD omnium erit ma-
 ximum, ideoque ipso AC maius; id verò cum ostensum iam sit maius ipso AB , erit AD
 multò quàm AB maius. Hoc igitur pacto, quoniam remotiores lineæ maioribus semper
 angulis subtenduntur, consequens est ut illæ propinquioribus semper sint maiores; quod
 secundo loco propositum fuit.

CONSECTARIVM I.

*E tribus quomodocumque assumptis, ea, quæ à perpendiculari remo-
 tissima est, ad eam quæ perpendiculari proxima, maiorem ratio-
 nem habet, quàm media ad eandem perpendiculari proximam.*

PERSPICVA est huius proprietatis consecutio ex 8. propositione libri quinti Eu-
 clidis. E tribus enim assumptis lineis, exempli gratia AC , AE , & AF , quoniam
 maior est AF quàm AE per huius propositionis demonstrationem, habebit AF ad

AC ra-

A *A C* rationem maiorem, quàm *A E* ad eandem *A C* per 8. quinti Euclidis; quod probasse oportuit.

CONSECTARIVM II.

Si tres assumpta AC, AD, & AF aequales angulos contineant CAD & DAF; dico AF ad AD maiorem rationem habere, quàm AD ad AC.

B **Q**UONIAM enim angulus *A D F* angulo *A C D* maior est per 16. primi Euclidis, nempe externus interno & opposito, refecetur illius anguli portio *H D F*, sic vt relinquitur angulus *A D H* angulo *A C D* æqualis. Quia igitur ex hypothesi æqualis est *C A D* angulus ipsi *D A H* angulo, erit & reliquus *A H D* reliquo *A D C* æqualis, ac triangulum *A D H* triangulo *A C D* æquiangulum: vtriusque proinde proportionalia erunt latera per 4. sexti Euclidis, hoc est quemadmodum *A H* ad *AD*, sic *A D* ad *AC*. Sed *AF*, vt pote maior quàm *A H*, maiorem rationem habet ad *AD*, quàm *A H* ad eandem *AD* per 8. quinti Euclidis: itaque *AF* ad *AD* maiorem quoque rationem habebit, quàm eadem *AD* ad *AC*; quod demonstrasse oportuit.

CONSECTARIVM III.

C *E* quatuor sumptis *AB, AC, AD, AE*, si extrema aequales angulos comprehendant; dico *AE* ad *AD* maiorem rationem habere, quàm *AC* ad *AB*.

D **F**IAT enim angulus *AD I* angulo *ABC* æqualis, refecta nimirum portione *IDE*, quoniam & angulus *BAC* angulo *DAE* ex hypothesi est æqualis, erit & reliquus *AID* reliquo *ACB* æqualis: quare per 4. sexti Euclidis, vt *AI* ad *AD*, sic se habebit *AC* ad *AB*: at tota *AE* parte sua *AI* est maior; maiorem itaque rationem habebit *AE* ad *AD*, quàm *AI* ad eandem *AD* per 8. quinti Euclidis: igitur *AE* ad *AD* maiorem quoque rationem habebit quàm *AC* ad *AB*; quod erat propositum.

CONSECTARIVM IV.

Si ex iisdem quatuor AB, AC, AD, & AE, bina alterna angulos contineant BAD & CAE aequales; dico AE ad AC maiorem rationem habere, quàm AD ad AB.

E **A**B angulo enim *ACE*, qui maior est angulo *ABD*, abscindatur angulus *ACK* angulo *ABD* æqualis: quoniam igitur æqualis supponitur *BAD* angulus angulo *CAE*, erit & reliquus *AKC* trianguli *ACK* reliquo *ADB* trianguli *ABD* æqualis, ideoq. per 4. sexti Euclidis vt *AK* ad *AC*, ita *AD* ad *AB*: sed *AE* tota maior sua parte *AK*: igitur *AE* ad *AC* maiorem rationem habebit quàm *AK* ad *AC*; ac proinde etiam quàm *AD* ad *AB*; quod erat demonstrandum.


Notandum porrò, si angulus *CAF* quàm *BAD* maior fuerit, habituram *AF* ad *AC* multò maiorem rationem quàm *AD* ad *AB*. Si enim ab angulo *CAF* abscindatur angulus *CAE* angulo *BAD* æqualis per rectam *AE*, ostensum iam est maiorem rationem habere *AE* ad *AC* quàm *AD* ad *AB*, quòd nimirum *AE* maior sit quàm *AK*: at maior est *AF* quàm *AE*, ergo & quàm *AK* multò est maior: quare *AF* ad *AC* multò maiorem rationem habebit, quàm *AD* ad *AB*.

F At si minor sit angulus *CAE* quàm *BAD* angulus, non confestim sequitur lineæ *AE* ad lineam *AC* minorem rationem esse, quàm *AD* ad *AB*: siquidem vt diuidua est portiuncula illa qua iam angulus *CAE* angulo *BAD* minor supponitur, ita quoque discrimen quo proportio lineæ *AE* ad lineam *AC* proportionem *AD* ad *AB* antè superabat, dum æquales anguli *CAE* & *BAD* constituebantur, diuiduum est: Ergo si angulus *CAE* angulo *BAD* exigua portione fiat minor, non sequitur minorem rationem *AE* ad *AC*, quàm *AD* ad *AB* esse debere, vt liquidò constat.

LEMMA XXXVIII.

Si demissa à vertice trianguli recta quadam linea basin secet, sitq̄ maior proportio segmenti basis ad basis segmentum, quàm lateris ad latus: dico & angulum, qui maiori basis segmento insistit, reliquo angulo maiorem esse.

A vertice A trianguli ABC recta demittatur AD, quæ basin BC secet in D; sitque B maior proportio segmenti BD ad DC segmentum, quàm lateris AB ad latus AC: dico angulum BAD angulo DAC maiorem esse. Quoniam enim maior proportio est BD ad DC, quàm AB ad AC, resecta portione BE, fiat ED ad DC quemadmodum AE ad AC: erit igitur angulus EAD angulo DAC æqualis per 3. sexti Euclidis: at angulus BAD maior est angulo EAD, ut totus sua parte: itaque idem BAD angulus ipso etiam DAC angulo maior erit; quod erat probandum.




LEMMA XXXIX.

Inæqualium circulorum peripheria, quæ aequalibus angulis subtenduntur, sunt inter se similes, siue ad centra, siue ad circumferentias anguli sint constituti.

In circulis inquam inæqualibus ABCD & EFGH æquales in primis anguli ad centra constituantur CNL & GOK: dico arcus CL & GK, qui his subtenduntur, similes inter se esse, hoc est eandem ad totum circuli ambitum rationem habere, ita ut quemadmodum se habet CL ad totum ambitum ABCD, ita se habeat GK ad totum EFGH ambitum. Fiant enim anguli CND & GOH recti: cum ergo per ultimam sexti Euclidis in eodem quocumque circulo peripheriæ eam inter se rationem habeant, quam anguli quibus subiiciuntur, erit arcus CL ad CD arcum, ut angulus CNL ad CND angulum: ac rursus ut GOK angulus ad angulum GOH, ita arcus GK ad arcum GH. Sed angulus CND angulo GOH æqualis est ex constructione, angulus verò CNL angulo GOK æqualis ex hypothese: itaque ut angulus CNL ad angulum CND, ita quoque se habet GOK angulus ad GOH angulum; ac proinde ut CL arcus ad arcum CD, ita & arcus GK ad arcum GH: sunt autem arcus CD & GH similes, utpote suorum circulorum quadrantes: igitur & CL, GK similes sunt, hoc est eandem rationem habentes, non modo ad quadrantes CD & GH, ut iam ostensum est, verum etiam per 15. quinti Euclidis ad totos circulorum ambitus, qui quadratum æquè multiplices sunt, nempe quadrupli.

Præterea cum tota cuiusvis circuli peripheria quatuor rectos angulos ad centrum constitutos ambiat, erit ut angulus CNL ad quatuor rectos, ita arcus CL ad totum circuli ambitum; ac eodem modo ut GOK angulus ad quatuor rectos, sic arcus GK ad totum sui circuli ambitum: sed anguli CNL & GOK, quandoquidem æquales sint positi, eandem habent ad quatuor rectos angulos rationem: igitur & arcus CL & GK eandem rationem habent ad totas suorum circulorum peripherias, ac proinde similes sunt.

Nunc si ad circumferentias anguli constituantur ad signa A & E, cum hi eorum qui ad centra existunt sint partes in eadem ratione, nempe dimidij per 20. tertij Euclidis, erit quoque ut angulus A ad rectum, ita arcus CL ad CD, & ut E angulus ad rectum angulum, ita GK arcus ad arcum GH: cum ergo A & E anguli æquales inter se sint ex hypothese, itemq̄




A itemque recti CND & GOH inter se æquales, erunt vt prius arcus CL & GK , qui æqualibus angulis A & E subternuntur, tum quadrantibus, tum totis circulis proportionales, ac proinde similes, quod demonstrasse oportuit.

LEMMA XL.

B Si quæ duorum circulorum centra coniungit recta linea, in eam rationem secetur, quam inter se habent circulorum diametri: dico rectas omnes lineas, quæ per sectionis punctum ducuntur, similes portiones de circulorum peripheriis refecare.

Hoc theorema multos ac varios habet casus, qui omnes ad quinarum numerum reuocari possunt. Aut enim propositi circuli se mutuò secant, vt in prima figura, aut sese contingunt tantùm, vt in secunda ac tertia; aut sese nec contingunt neque secant, vt in quarta & quinta: quorum omnium cum vna eademque sit demonstratio, singulis figuris eosdem characteres addidimus, propriis lineis respondententes, vt ea ratione casus omnes vna eademque opera demonstrati habeantur.



Sint inquam circulorum centra A & B , & quæ illa connectit recta linea AB , quam primò secare oporteat in C , secundùm eam rationem, quam habent inter se circulorum diametri: ducantur diametri DL & OE paralleli: dico lineam DE , eam quæ circulorum centra connectit in C , ita secari, vt sit quemadmodum DL ad OE , ita AC ad CB : nam per 12. lemma libri 4. cum parallelæ sint AD & BE ex constructione, erit vt AD ad BE , ita AC ad CB : sed AD ad BE eam habet rationem quam DL ad OE , per 15. quinti Euclidis, quòd AD & BE ipsarum DL & OE sint dimidiæ: igitur AB in C ea ratione secata est per rectam DE , quam inter se habent circulorum diametri.

F Hoc præmonstrato, dico quamcumque lineam per C ductam, puta FG , similes portiones de circulorum peripheriis auferre, nempe FLK ipsi HOG , & FDK ipsi HEG similem, ac denique duabus ductis NP & FG , esse arcus inter vtramque interceptos FN & GP similes. Quia enim posita est AC ad CB , quemadmodum AD ad BE , hoc est AF ad BC , erunt in triangulis ACF & BCG , duo latera AC & AF duobus lateribus BC & BG proportionalia: sed angulus ACF angulo BCG per 15. primi Euclidis est æqualis, & vterque angulorum ACF & BCG minor est recto, æquiangula erunt ipsa triangula per 7. sexti Euclidis, æqualesque habebunt eos angulos, circum quos proportionalia sunt latera, nimirum CAF ipsi CBG . Eodem verò modo in triangulis CAK & CBH , quoniam proportio-

nalìa

nalia sunt latera CA & AK ipsis CB & BH , estque angulus ACK angulo BCH æqualis **A** per 15. primi Euclidis, erunt ipsa triangula æquiangula, & æquales illi anguli, quos latera proportionalia ambiunt CAK & CBH ; qui proinde si æqualibus CAF & CBG adiungantur, erunt compositi FAK & GBH æquales per communem notionem, atque ea propter per præcedens lemma arcus FLK & GOH sunt inter se similes: quare & reliqui FDK & GEH similes sunt inter se. Nam cum sit ut arcus FDK vnà cum arcu FLK , hoc est totus circulus, ad arcum GEH vnà cum GOH arcu, hoc est ad totum circulū; erit quoque per rationis diuisionem ut FLK ad GOH , ita FDK ad GEH . Prætereà cum per 32. primi Euclidis angulus FAN duobus internis & oppositis AFB & ACF sit æqualis, itemque angulus GBP æqualis duobus BGC & BCG ob eandem rationem, sitque iam ostensus angulus ACF angulo BGC , & AFB ipsi BGC æqualis, erit & FAN angulus angulo GBP æqualis: quamobrem per præcedens lemma erit & arcus FN arcui GP similis: quæ omnia demonstrasse oportuit.

LEMMA XLI.


Habeat AB ad AD eam rationem, quam BC ad DE ; sint uerò BC & DE parallela: dico CE productam in A incidere.

Si enim id negetur, cadet producta linea CE vel citra punctum A , ut in F ; vel ultra ut in G . Si primum dicatur, erit per 4. sexti Euclidis ut BC ad DE , sic BF ad DF ; est uerò ex hypothese, ut BC ad DE , ita BA ad DA : igitur per 11. quinti Euclidis BF ad DF eandem rationem habet, quam BA ad DA : & diuidendo per 17. quinti Euclidis, ut BD ad DF , ita eadem BD ad DA : quare per 9. quinti Euclidis æqualis erit DF ipsi DA , hoc est pars toti: quod cum fieri nequeat, non cadet CE producta in F , aut in aliud quodcumque punctum citra A acceptum. Eodem uerò modo ostendemus non posse CE productam ultra A procurrere, ut in G : sequeretur enim DA ipsi DG æqualem esse, nempe partem toti, quod fieri nequit. Itaque producta CE in A cadet; quod erat demonstrandum.

LEMMA XLII.

Data recta linea portionem adiungere ea lege, ut tota ad aliam quampiam datam ita se habeat, quemadmodum hæc ad adiunctam.

SIT data recta linea AB , cui adiungere oporteat portionem BE , sic ut tota AE ad aliam quampiam, puta AC , ita se habeat quemadmodum hæc ad adiunctam: duæ datæ rectæ lineæ AB & AC ad normam committantur, sectaque AB in D bifariam, centro D , interuallo autem DC semicirculus describatur ECF , qui productam utrimque AB secet in E & F : dico BE portionem esse postulatam, quæ nimirum vnà cum BA eam habet rationem ad alteram datam AC , quam AC ad BE : nam cum per circuli definitionem æqualis sit DE ipsi DF , sitque ex constructione AB in D secta bifariam, si ab æqualibus DE & DF æquales subducantur DB & DA , relinquentur æquales BE & AF per communem notionem. At per 2. lemma ut EA (hoc est EB vnà cum BA) ad AC , ita se habet eadem AC ad AF , seu ad BE : igitur factum est quod erat postulatum.



PRÆNOTATIONES.

I.

Quid sit Proiectio.

RÆMISISSIIS quæ ad Proiectionum scientiam firmis rationibus demonstrandam necessaria esse visa sunt, tempestiuum iam est propius ad rem ipsam accedere. Ut verò suscepti muneris negotium aliquantò felicius in gratiam studiosorum cedat, opportunum fore duximus nonnulla præmittere, tum notitiæ afferendæ, tum ambiguitatis tollendæ gratia: ante omnia verò quid Proiectio sit, quæq; ipsius essentia ac definitio. Quamobrem sciendum est duo præcipuè in visionis ratione notatu digna existere. Vnum est simulachrorum impulsus ad organum, vnde varij aspectus obueniunt, partim veri, partim phantastici, quos Apparentes Latini nominant: de vtrisque verò superioribus libris, tertio præsertim & quarto, plurima sunt demonstrata. Alterum est phantasiæ productæ concursus cum obiecto quopiam plano. is enim locus, in quem rei phantasia profusa incidit, figurâ quamdam exhibet, quam Proiectionem dicimus, quòd sit veluti respicua vi efficaciq; aspectus ad planum vsque proiecta. Hanc Guidus Vbaldus, vir in Mathematicis rebus apprime doctus, Sectionem appellat, eam puto ob causam, quòd sit communis intersectio plani & visuum per rem spectatam procedentium. Quo etiam loquendi modo eas figuras, quas fragmenta dissecti coni aut cylindri ostentant, Sectiones appellare Mathematici consueuerunt. Quo item pacto intelligendus est Federicus Commandinus in Commentario ad Ptolemæi Analemma, vbi ait Analemma esse communem sectionem Meridiani, & ceterorum qui in sphaera sunt circularum. Quod quidem omnino verum non est; ita enim oporteret omnes sphaeræ circulos in plano Meridiani rectis lineis designare: nam communes sectiones Meridiani & ceterorum circularum, rectæ sunt lineæ per 3. vndecimi Euclidis: nunc verò quidam in circulos, alij in rectas lineas, alij in ellipses transformantur, vt suo loco ostendemus: igitur non absolute intelligendum est Analemma esse communem sectionem Meridiani, & ceterorum, qui in sphaera sunt, circularum: sed quoad aspectum nostrum, quia nimirum singuli circuli parallelis radiis delati in planum Meridiani incurrunt: quamobrem posset quoque non ineptè Incidentia nuncupari: est enim tamquam rei similitudo plano inusta eo loci, vbi in illud radij per rem protracti incidunt. Et quamuis omnibus hisce modis rectè exprimi possit id de quo in præsentia agere instituimus: placet tamen præ ceteris Proiectionis appellatio, non eo quidem sensu, quo in Menianis ædificiis Proiecturæ appellantur superiores contignationes vltra columnas profusæ; nec eo item modo, quo Vitruuius balium crepidines, & coronarum ac cymatorum prominentias, eaque omnia quæ velut proiecta quædam, ac parietum supercilia, subgrundulavè arcendis stillicidiis inuenta sunt, Proiecturas nominat, siue quòd extra perpendicularum stillas reiiciant, siue quòd extra solidum procurrant, sed longè alia significatione; qua res solida per rectam radiorum profusionem ad obiectum quodcumque planum deportatur: vnde Proiectionem ita placet definiri: *Proiectio est rei solide in planum transcriptio.* ad cuius explicationem, quia præter dicta nihil videtur requiri posse amplius ad ea quæ deinceps dicturi sumus, attentum Lectoris animum deposcimus.

I I.

Tria ad Proiectionem necessaria.

Ex his patet tria in omni Proiectione necessariò conuenire, rem scilicet projiciendam, oculum ex quo radij optici ad omnes rei propositæ partes emicant, & planum in quod res ipsa per radiorum productionem transcribitur. Neque profectò, si quidpiam horum desideretur, esse proiectio vllò modo potest. Hæc enim naturam quodammodò lationis æmulatur. Vti igitur motus esse non potest, si vel nullum corpus sit, quod loci mutationem subeat, vel non sit vnde, aut quò deferatur: ita nisi id primùm adsit, quod projiciatur; deinde etiam oculus, vnde proiectio initium sumat; tum demum ipsum quoque planum, in quod proiectio terminetur; nulla proiectio esse potest.

I I I.

Quid inter rei apparentiam, & projectionem intersit.

HINC colligi potest latissimum discrimen inter rei apparentiam, eiusque projectionem: ac longè aliam quæstionem esse, qua quæritur cuius figuræ res obiecta oculis appareat, ab illa qua quis interrogat, quo ea pacto in propositum planum projiciatur. Nam manente oculo ac rei situ, quantumvis planum in omnem partem mutetur, eodem tamen semper modo res apparet: at secundùm plani situm alia atque alia erit rei projectio: apparentia scilicet ex duorum dumtaxat habitudine pendet, rei nempe obiectæ, atque intuentis oculi, projectio verò insuper planum deposcit, in quod profusi radij variè incidunt. Exempli causa, si circulus obliquè oculo obijciatur, neque sit ea quæ ab oculo in centrum procidit circuli, ei quæ ex centro ad circumferentiam ducitur, æqualis, apparebit quidem ipse circulus, vt ellipsis per 66. libri 4. at in planum projectus non necessariò in formam ellipseos commutabitur; sed si planum circulo parallelum sit, in circulum cadet ipsius circuli projectum schema: aliàs autem in ellipsin. Rursus si circulus aspectui directè obuersetur, apparebit vt circulus per 62. libri quarti: at si planum obliquum accedat, neutiquam in circulum projicietur; sed vel in parabolam, vel in hyperbolem, vel in ellipsin, pro varia sectione radiosæ coni, cuius vertex oculus, basis autem res visa, vt infra demonstrabimus. Quare non omnino à vero aberrarunt, qui Projectiones inter aspectus fallacias adnumerandas iudicarunt, eam ob causam, quòd res projectæ longè diuersam formam nanciscantur in plano, quàm in se habeant. Cùm igitur res projectæ, earumque projecturæ, vno semper atque eodem modo appareant; sint autem transcripta ab autographis plurimum distincta, an non fallaciæ iure dicendæ erunt? imò verò: & quandoque maximæ: cùm scilicet in plana admodum obliqua res visæ transcribuntur: vt ad finem huius libri ostendemus, cum de illis projectionum schematibus sermo erit, quæ directò intuita nullius rei probabilem speciem exhibent, at per exile foramen obliquissimo aspectu visa perfectam rei cuiuspiam similitudinem repræsentant.

IV.

Res & planum subinde ordinem permutant.

Etribus illis, quæ paulò antè ad projectionem necessaria esse docuimus, duo dumtaxat, res videlicet & planum, ordinem subinde permutant: namque interdum res, aliàs planum medium locum obtinet; at oculus semper extremum. Cuius rei hæc esse ratio videtur, quòd oculus sit omnium radorum principium, vnde illi velut à communi origine quandoque per planum ad rem vsque, quandoque verò per rem ad ipsum planum protenduntur. Et verò quamuis naturalior ille ordo quibusdam videatur, quo res inter oculum & planum media constituitur, nos tamen nihil penitus interesse arbitramur.

V.

In re & plano considerandus obuersionis situs.

PRÆTER ordinem, quem in his obseruari debere proximè monuimus, est etiam, ac longè potiori iure notandus obuersionis situs. Non enim parui refert ad projectionum varietatem, quo modo res aspectibus obuersentur. Certum est enim oculo ac plano persistentibus, si visile à directo situ in obliquum permutetur, vel è conuerso, non vnã fore eius in plano descriptionem; ita longè alia erit, si oculo ac re immotis solum planum ab vno situ in alium conuertatur. Quod experimento obseruari in hunc modum potest: Sphæra in mensa statuatur non procul à pariete incrustato & candido, in altera autem parte accensa candela exponatur, quæ vmbra sphæræ in pariete profundat, ipsæque vmbrales lineæ carbone signentur, vt mutatâ sphærâ, eius projectionis lineamenta remaneant: deinde, si sphæram tantillum conuertas, videbis iam in pariete longè aliud projectionis schema. Quod idem procul dubio eueniet, si parietis loco candidam chartam sphæræ ex auersa luminis parte opposueris, hancque vicissim in diuersos situs commutaueris.

A

VI.


*Observanda item plani atque oculi ad rem ipsam
propinquitatis distantia-ve.*

SI res, quæ proijcienda proponitur, firma consistat, fit vt interdum planum, interdum oculus, interdum & planum & oculus longius à re ipsa dimoueantur, vel propius accedant. Ex horum autem translatione non exigua mutatio in figuram proiectam inuehitur. Nam si planum inter rem oculumque statuatur, perspicuum est, quòd illud propinquius oculo fuerit, eò arctiorem fore projectionis figuram: si verò res medium locum obtineat, patet, quòd planum longius à re fuerit, eò amplius sese projectionem expandere, siue oculus rem ipsam contingat, siue interuallo aliquo, quod infinitum non sit, disiungatur. Rursus si sphaera ita oculo obijciatur, vt primarius radius per vtrumque Æquinoctiorum punctum incedat, continget primo quidem projectionis genere, quod ex infinita erit oculi distantia, tropicos & quotidianarum circulationum parallelos omnes in rectas lineas profundi: secundo verò projectionis genere, quod erit ex oculi contactu, accidet illos ipsos parallelos præter Æquatorem in circulos transformari: at tertio genere projectionis, quod ex iusto erit oculi interuallo, eosdem circulos proijci in ellipses continget, solo excepto Æquatore, cuius planum per oculi centrum transit: quæ omnia suis locis infra demonstranda erunt: nunc autem ostendisse sufficiat, inter cetera, ipsam quoque propinquitatem distantiamque cum oculi tum plani in Projectionum rationibus spectandam esse.

VII.

*Projectionum genera non ex ea figurarum diuersitate distinguenda
sunt, qua solam magnitudinem variat, sed ex ea qua speciem
essentiamque mutat.*

OMNIS illa diuersitas, quæ ex rei ipsius conuersione, vel ex oculi planive translatione in proiectam figuram infertur, ad duo genera reuocari potest. Quædam enim solummodò auget minuitve; alia verò speciem figuræ immutat, totamque formam penitus diuersam reddit. Prioris exemplum habetur, cum oculo **A** circulus **B C** obijciatur, cuius forma plano excipitur, quod nunc quidem propinquius existit, vt in **D E**; nunc verò remotius, vt in **F G**: at situm parallelum semper retinet, nam circulus **B C** in eiusmodi planum proiectus figuram circuli perpetuò obtinet per 4. propositionem primi Conicorum Apollonij, quamuis ea in remotiori loco **F G** maior sit, quàm in **D E** propinquiori. Quoniam enim radius opticus, circulum spectatum vndique ambiens, superficies est conij, vt ex prima definitione libri primi Apollonij constat; esto in eo triangulum per axem **A G**, & circulorum projectorum communes sectiones sint rectæ lineæ **D E** & **F G**: erunt igitur **D E** & **F G** parallelæ per 16. vndecimi Euclidis: quòd plana, in quæ circulus proijciatur, ex hypothesi sint parallela: quare per 4. lemma libri quinti æquiangula erunt triangula **D A E** & **F A G**; ac proinde per 4. sexti Euclidis vt **A F** ad **A D**, ita **F G** ad **D E**: sed **A F** maior est quàm **A D**, vt totum sua parte: igitur & **F G** diametrus diametro **D E** est maior; ac proinde & circulus **F G** maior est circulo **D E** per 2. duodecimi Euclidis.



Posterioris exemplum erit, si planum mutet obuersionis situm, & subinde quidem sit ipsi circulo **B C**, qui spectatur, parallelum, vt in **D E**; alias verò obliquum, vt in **F H**. Quia enim, vt iam antè dictum est, radius opticus circulum **B C** ambiens est superficies conij, erit in parallela sectione **D E** projectio circuli circulus per 4. primi Apollonij; in obliqua verò, nempe **F H**, nunc parabola, nunc hyperbole, nunc ellipsis, vt ex Conicis Apollonij perspicue patet.

Cum igitur duplex sit omnis projecturæ variatio, vna quæ speciem figuræ penitus immutat, altera quæ solum auget minuitve: dico ex illa dumtaxat discriminanda esse

projectionum genera, quæ essentiam figuræ diuersam reddit. Nam projectionum genera potissimum distinguuntur demonstrationum principiis & constructionum præceptis: at maiores minoresque figuræ eandem habent demonstrandi rationem, eundemque constructionis modum: igitur projectionum discrimina ex solo augmento vel decremento figuræ haberi non possunt; sed ex figurarum differentia, quæ essentiam mutat, peti debent.

VIII.

Inter projectionum genera non censeri eam diuersitatem, quæ ex mutato rei situ oboritur.

QUAMVIS mutato solius rei situ diuersissimæ projecturæ, totaque essentiâ discrepantes obuenant; has tamen inter projecturarum genera nequaquam censendas esse iudicamus, duplici de causa: quarum prima est, quod ea ratione infinita forent genera projecturarum; siquidem toties projectura mutatur, quoties rei situs vel minimam mutationem subit: altera est, eaque magis ex natura desumpta, quod mutato situ rei, iam non sit eadem res quæ projectioni subicitur, sed alia: quamobrem illa sunt diuersa genera projectionum, quibus eadem res immutata in varias formas proicitur; sicut illud unum est projectionis genus, quo quælibet res, quouis situ, in idem planum, oculo persistente transcribitur.

IX.


Plani accessus vel recessus speciem projectionis non immutat, sed solum auget vel minuit.

MULTI sunt huius obseruationis casus. Aut enim projecta figura circulus est, aut ellipsis, aut alia e sectionibus conii, aut certè de genere illarum quæ rectis lineis continentur, quas & multi lateras vocant.

Primò igitur esto oculus A , projectusque in planum circulus BC , cuius centrum O , sitque aliud planum huic quidem parallelum, sed à visu remotius, quod radios per circuli BC ambitum procedentes excipiat, secansque radiosum conum figuram præbeat DE , cuius centrum F : dico hanc quoque circulum esse. Nam quoniam parallela sunt plana BC & DE , eaq. secantur triangulis ADF & AEF , erunt BO & DF , itemque CO & EF rectæ lineæ parallelæ per 16. vndecimi Euclidis: quare per 4. lemma libri quinti equiangula sunt triangula ABO & ADF , rursusque ACO & AEF : igitur per 4. sexti Euclidis quemadmodum se habet AO ad AF , ita BO ad DF : sed ut AO ad AF , ita quoque se habet CO ad EF : igitur per 11. quinti Euclidis ut BO ad DF , sic CO ad EF : & vicissim per 16. quinti Euclidis ut BO ad CO , ita DF ad EF . est verò BO ipsi CO æqualis ex hypothesi, quod scilicet BC positus sit circulus: itaque & DF ipsi EF æqualis erit: quare & DE circulus erit per definitionem; quod erat demonstrandum.

Sit deinde BC ellipsis, coniugataque semidiametri BO & CO , reliquaque eodem modo constructa quo supra. Quoniam per definitionem 15. Sereni Antinensis similes ellipses sunt, quarum coniugatae diametri sese ad angulos æquales secantes eandem habent proportionem; ostendemus in primis angulum BOC , angulo DFE æqualem esse, adiuvante propositione 10. lib. vndecimi Euclidis: quia videlicet per proximè demonstrata BO ipsi DF , & CO ipsi EF sunt parallelæ; non verò in eodem plano: deinde cum per 4. sexti Euclidis sit BO ad DF velut AO ad AF , & CO ad EF sicut eadem AO ad eandem AF ; consequens est, ut sit BO ad DF , quemadmodum CO ad EF per 11. quinti Euclidis: igitur & CE ellipsis est, ipsique BC similis. Eodem verò modo in ceteris conii sectionibus fiet demonstratio.


Quare in rectilineis figuris propositum ostendamus. Sit itaque oculus A , planum verò BD , in quod forma quædam quadrilatera sit projecta $BCDH$: dico si planum remoueatur, ita ut locum tantum, non autem situm mutet, velut in EG , formam in illud



A illud transfusam $EFGK$ quadrilateram fore, ac ipsi BD similem. Quoniam enim parallela sunt plana BD & EG propter dispositionis similitudinem, vt ad propositionem 31. libri tertij ostendimus, erunt in triangulo EAF latera BC & EF parallela per 16. vndecimi Euclidis, quod scilicet triangulum EAF vtrumque planum parallelum secet: quare per 4. lemma libri quinti æquiangula erunt ipsa triangula ABC & AEF ; ac proinde per 4. sexti Euclidis vt AC ad AF , ita se habebit BC ad EF ; & vt AC ad AF , ita quoque CD ad FG : igitur per 11. quinti Euclidis vt BC ad EF , ita CD ad FG ; & alternatim, vt BC ad CD , ita EF ad FG . Eodem verò modo ostendi possunt & reliqua latera vnus quadranguli reliquis alterius quadranguli lateribus proportionalia.

B Quod autem & anguli angulis sint æquales, ex 10. propositione vndecimi Euclidis demonstrabitur, quoniam enim BC ipsi EF , & CD ipsi FG , ostensæ sunt parallelæ, nec in eodem sunt plano, sit per iam citatam 10. vndecimi Euclidis, vt angulus BCD angulo EFG sit æqualis: sed & ceteri ex eodem capite æquales ostendi possunt: igitur figuræ BD & EG sunt inter se similes per primam definitionem sexti Euclidis: quocircà accessus vel recessus plani, si idem situs seruetur, genus projectionis diuersitate figuræ non variat.

C Quod verò recessu plani projectio augeatur, ex eo patet, quod singula latera figuræ EG singulis figuræ BC lateribus sint maiora: ita quippe se habent latera projecturæ EG ad latera projecturæ BD , quemadmodum radij toti ad radiorum partes, hoc est vt AE ad AB , sic EF ad BC per 4. sexti Euclidis: sed AE maior est ipsâ AB , tota videlicet sua parte, quare & EF maior est quàm BC , atque ita de ceteris: igitur recessu plani, projectionis figura augetur, accessuque minuitur, quod erat propositum.



X.

D *Tria Projectionum genera ex oculi transpositione.*

E x his quæ modò exposuimus perspicuum relinquitur, omnia Projectionum genera partim ex oculi translatione, partim ex situ plani prouenire. Porro in oculi translatione triplex constitutio reperitur, quæ figuram rei in planum projectæ penitus immutat, videlicet distantia oculi infinita, eiusdem & rei contactus, ac denique iustum interuallum. Quocircà primum Projectionis genus ex infinita oculi distantia nuncupare decreuimus, alterum ex oculi contactu, tertium ex iusto interuallò.

E Quod autem tribus hisce oculi positionibus figura projectionis mutetur, vnico exemplo libet ostendere. Esto, gratia exempli, sphaera soli eo pacto exposita, vt Æquator in seipsum vmbra profundat, seu vt radius primarius per vtramque partem Æquatoris incedat, sitque postpositum planum quodpiam, cui primarius solis radius per centrum sphaeræ actus rectis incidat angulis; videbis inquam non tantum Æquatorem, qui perpendiculariter soli obijcitur, verum etiam ipsos Tropicos ac Polares, & quotquot his paralleli sunt, circulos, in rectas lineas procidere, quauis obliquè omnes, Æquatorè excepto, soli obijciantur: cuius rei non alia est causa quàm immensa solis intercapedo, ob quam eæ portiones luminosorum radiorum, quæ sphaeram pertranseunt, à veris parallelis sensu distingui non possunt, vt postea in primo Projectionis genere diffusius explicabimus.

F Si verò sublato sole, sphaerâ autem planoque consistentibus, candela moderato interuallò obijciatur ad aliquod signum eius lineæ, quæ à centro solaris corporis per sphaeræ centrum acta ad propositum planum recta est, ceteri omnes paralleli circuli præter Æquatorem in ellipses projicientur, vt ex sectione conii scaleni facillè demonstrari potest. At si candela sphaeræ proximè admoueat, vt eam ferè contingat in puncto aliquo Æquatoris, omnes iidem paralleli, excepto Æquatore, in circulos projicientur, vt suo loco demonstrabimus. Ex his itaque perspicuum cuius esse potest, triplex esse Projectionis genus ex triplici oculi statione proueniens, quæ omnia planius fusiùsque exponetur, cum de singulis Projectionum generibus ex instituto sermo instituetur.

Triplex item Projectionis genus ex ipsius plani conversione.

QUOT Proiecturarum genera ex oculi accessu recessuque, totidem ex variata plani obuersione proueniunt: nam planum quandoque directè aspectui obuersatur, sic vt radius principalis in id rectis incidat angulis, ex quo primum genus procreatur; aliàs primario radio parallelum est, quæ dispositio perpendicularem obiectionem quodam modo imitatur, & secundum genus projectionis constituit; aliàs demum radio principali obliquum est, vnde tertium enascitur genus, idque multiplex ac varium pro varia obliquitate: nam quæcumque præter hæc reliqua sunt plana, quoniam vtrumque reliquorum obliquè secant, ad vnum Proiecturæ genus commodissimè referuntur.

Hæc tria Projectionum genera, quamuis eo, vt dictum est, modo distingui possint; quia tamen nullum habent insignem aut peculiarem vsum, quemadmodum illa, quæ ex oculi transpositione proxima obseruatione recensuimus, neuiquam ea inter Projectionum genera, quæ absolute pronuntiantur, admittere decreuimus, ne multiplicatio nominum rebus vtioribus officiat. Tria itaque esse dicimus Projectionum genera absolute prolata. Primum, quod & Orthographice nuncupatur, ex infinita oculi distantia. Secundum, ex contactu, quod & Stereographice non incongruè potest appellari: quare vt ea vox in vsum venire liberè possit, dum alia melior non occurrit, Lector, veniam dabis. Tertium, quod Scenographice vulgò nominatur, ex iusto oculi interuallo.

XII.

Quæ in Proiecturas veniunt, sunt vel puncta, vel lineæ, vel superficies.

ENUMERATIS Projectionum generibus, superest ea quoque recensere, quæ in Projectionis vsum veniunt. Sunt autem ea vel puncta, vel rectæ curuæque lineæ, vel planæ superficies; eæque aut rectilineæ aut circulares: non quidem quæ hæc talia sunt (sic enim ad Geometriam spectant) nec quæ sub aspectum cadunt, quo pacto ea considerat Optice: sed quæ in oppositum quoddam planum velut transfusa cernuntur. Sic quod absolute totius Geometriæ est argumentum, id propria quadam adiectione Optice & Proiecturarum scientia in propriam adducunt contemplationem. Porro irregulares lineæ, & quæ nullo certo ordine incedunt, sed huc illucque oberrant, Projectionum legibus non continentur: sed designatis primùm aliquot locis per quæ transire debent, per horum postea interualla manu ducendæ sunt, quoad fieri potest accuratissimè.

Sub rectis lineis comprehendi volumus omnes quoque figuras rectilineas: nam proiectis ipsarum peripherijs per rectarum linearum præceptiones, iam ipsæ figuræ proiectæ erunt; cum ipsæ nil sint aliud, quàm spatia, seu areæ rectarum linearum ambitu comprehensæ.

Notandum verò hoc loco est, quod & non semel superioribus libris monuimus, quamuis linea latitudinis, punctum verò partium sit expers; asserimus tamen ea videri, non quidem vt puncta lineæve Mathematicas, seu penitus insectiles; sed punctum velut exiguum quiddam instarque minimi, & lineam ceu quamdam tenuissimam longitudinem. Nam tametsi id omne quod videtur magnitudine aliqua præditum necesse sit esse, vt libro primo, propositione 54. est demonstratum; tamen cum visus noster corporeo organo sit insertus, oportet in obiectis aliquem paruitatis terminum statumque agnoscere, infra quem ob nimiam attenuationem cerni nequaquam possit. Hoc itaque minimum, si spectabilem longitudinem latitudinemve habeat, dicimus lineam aut superficiem; sin minus, punctum: quo sensu quæ, deinceps de his dicentur, erunt intelligenda.

XIII.

Linearum & circuloꝝ triplex aspectus.

LINEÆ & circuli trifariam omnino conspiciuntur, tot scilicet modis, quot dispositionum differentijs aspectui obuersari possunt, nempe perpendiculariter, directè, & obliquè. De qua re plura vide Lector in præfinitionibus ad propositionem 31. libri tertij.

XIII.

Sphæra in mobilem atque immobilem diuisio.

QUONIAM ea cœpimus recensere, quæ in Proiectionis vsum veniunt, nempe puncta, lineas, & superficies; in his verò præcipuum locum obtinent illi qui in sphæra sunt circuli, vtpote quorum proiecturæ maximas adferunt utilitates: eam ob rem necessarium duxi illos quoque hoc loco breuiter explicare, in gratiam potissimum eorum, qui viuas illorum imagines memoriæ impressas non habent. Cælestes circuli in duas primum classes distribuendi sunt.

B Nam sphæra vna mobilis est, altera immobilis. Mobilem voco eam, quæ circulos continet lationum, ceu ab astrorum motu cælo impressa vestigia, cuiusmodi sunt Æquator, Tropici, Ecliptica, Polares, & qui hos in partes diuidunt, Coluri. Immobilem verò illam appello, in qua circuli sunt distinctores, qui videlicet partes lationum momentaque discriminant, in quorum numero continentur Horizon, Meridianus, & his paralleli, itemque Horarij, Verticales, declinationum, latitudinum, positionum, ac cælestium domorum. Rectè verò mobilis illa dicitur, quòd propria circulatione secum omnia astra circumducatur: hæc autem immobilis, quòd reuera quiescat, astrisque præterlabentibus firma consistat, non secus ac scopulo insitens pharus aduentantes opperitur naues, & prætereuntes nequaquam insequitur. Sic inquam Meridianus assurgentem solem immotus præstolatur, & occumbentem abire permittit; hoc tamen diffitendum non est sphæra immobilis circulos mutato Climate pariter mutari: non enim omnibus regionibus idem Horizon, aut idem Meridianus, aut ijdem reliqui circuli, sed cuique loco proprij, vt ex doctrina sphæra constat. Hinc tamen inferre minime licet, sphæram, in qua hi circuli sunt, mobilem esse: mutabilis quidem est pro regionis ac Climatis diuersitate; at neutiquam mobilis: non enim illa vsquam mouetur; ideoque verè *ἀπλανής*, quæ vox stabilitatem firmitatemque significat.

XV.

Circuli sphæra primò mobilis.

PRÆCIPVVS circulus sphæra primò mobilis ÆQUATOR est, siue ÆQUINOCTIALIS, ita dictus, quòd dies noctesque æquet: cum enim in illo est sol, dies noctibus æquales esse necesse est: siquidem Æquator circulus est maximus, cuius proinde media pars supra Finitorem eminet, media verò infra procumbit per 6. proposit. primi Sphæricorum Theodosij. Sunt autem Æquatoris poli ijdem, qui & totius mundi.

Huic concipiendi sunt animo circuli non maximi PARALLELI ex vtraque parte multitudine infiniti, per singulos gradus ac momenta incedentes, quorum proprium sit munus astrorum declinationes indicare, quæ nimirum stella longius ab Æquatore distet, quæve propinquior sit, aut æquè distans; quæ item magis minusve in Boream vel Austrum vergat; quo demum loco Horizontis singulæ orientur, & occidant. Nam quæ in eodem sunt parallelo, eandem habent declinationem, idemque in Horizonte ortus & occasus signum: quæ verò in minore sunt parallelo, declinationem habent maiorem, propiusque ad Boream vel Austrum orientur & occidunt.

Inter hos circulos parallelos celebrantur DIURNI, quorum medius Æquator, extremi Tropici, gradibus circiter viginti tribus & medio ab Æquatore disiuncti: ceteri autem ex vtraque parte Æquatoris ordine sequentes impari interuallo ab inuicem distident; nam versus Tropicos arctius coarctantur, quam iuxta Æquatorem, propter Eclipticæ obliquitatem: per singulas enim portiones Eclipticæ incedunt, quas sol vigintiquatuor horarum spatio proprio motu percurrit; quæ licet æquales inter se sint, quia tamen quantò longius ab Æquatore, tantò obliquius à diurnis parallelis intersectantur, fit, vt horum intercapedines angustiores semper euadant. Sunt porrò hi paralleli circuli vestigia illarum lationum, quas sol quotidie circa mundi axem persoluit. Ex quo perspicuum est, quamuis circulari forma in sphæra descripti cernantur, non esse tamen eos verè circulos, sed vnus spiralis lineæ volumina; quippe solis motus siue diurnus, siue annuus, continuus est, minimeque interruptus. Qui igitur ex vtroque conflatur, per vnicam incedit lineam multis circulationum voluminibus intortam, quam Spiram vocant. Quia tamen hæc in sphæra difficilem habet constructionem, & exi-

guum est eius & circulorum discrimen, solent pro circulis haberi. Horum munus est **A** dies cum naturales tum artificiales repræsentare: nam illorum portiones quæ supra Horizontem extant, dies, quæ verò infra depressæ latent, noctes indicant.

Post diurnos parallelos etiam nominantur Polares, **ARTICVS**, & **ANTARCTICVS**, tantum à Polis distracti, quantum Tropici ab Æquatore, hoc est gradibus fermè viginti tribus & medio. Sunt enim vestigia Polorum Eclipticæ qui circa mundi polos quotidie circumferuntur: neque alium vsum habent, quàm vt Zodiaci polos deferant: quantum ergo Ecliptica declinat ab Æquatore, tantum Polares circuli distant à polis mundi. Nam mundani poli ab Æquatore, sicut Poli Zodiaci ab Ecliptica quarta cæli parte absunt: quadrantibus verò qui à Polis mundi ad Æquatorem, & à Polis Zodiaci ad **B** Eclipticam pertinent, quoniam communer habent eam portionem, quæ inter Tropicos & Polares circulos interiacet, hac sublata relinquuntur distantia ab Æquatore ad Eclipticam, & à Polis mundi ad Polares circulos æquales per communem notionem.

Præter hos, insignes quoque sunt duo illi qui Horizontem leui tantum tactu lambunt, quorum alter qui supra Horizontem extat, omnium semper apparentium maximum est, alter verò qui subtus delitescit, maximus item omnium eorum qui nunquam apparent.

ZODIACVS lata quædam est zona totam sphæram in ambitu cingens, & omnium planetarum declinationes sua latitudine complectens, per cuius medium **ECLIPTICA** decurrit, circulus inquam maximus, à proprio motu solaris corporis **C** relictus, atq. obliquè Æquatorem duobus in locis interfecans, quæ Æquinoctia vocantur, quòd cum hæc sol attigerit, dies noctibus æquales vbique terrarum efficiat. Horum alterum vernum dicitur, à quo videlicet Eclipticæ semicirculus Borealis progressionem ab occasu in ortum facta, initium sumit; alterum verò autumnale, à quo alter semicirculus Eclipticæ eodem modo inchoatur. Reliqua autem duo puncta, quæ maximè ab Æquatore discedunt, Solstitia nuncupantur, quòd vbiuis locorum sol stare quodammodò videatur, cum primùm ad alterum illorum ab Æquatore discedens peruenerit. Et Boreale quidem solstitium illud, quod in Boream vergit, idemque nobis æstium; illud verò Australe, quod propius ad Austrum declinat, nobis hiemale nuncupatur. Distribuitur Ecliptica in signa duodecim, quorum hæc nomina versù comprehensa, **D** proprièque characterismi.

♈ ♉ ♊ ♋ ♌ ♍

Sunt **ARIES**, **TAVRVS**, **GEMINI**, **CANCER**, **LEO**, **VIRGO**,

♎ ♏ ♐ ♑ ♒ ♓

LIBRA que, **SCORPIVS**, **ARCITENENS**, **CAPER**, **AMPHORA**, **PISCES**.

Ex his signis sex illa, quæ priore versu continentur, Borealia sunt, nobisque æstiuæ; reliqua verò Australia, ac nobis hiberna. Rursus Aries & Libra Æquinoctialia sunt, quòd eorum initijs noctes diebus æquari contingat; Aries quidem vernum, Libra verò autumnale. Similiq. causa Cancer & Capricornus signa sunt Solstitialia; hoc brumale, **E** illud æstium.

Eclipticæ adiungendi sunt paralleli numero infiniti, quorum scilicet proprium sit munus stellarum latitudines indicare, hoc est, quantum vnaquæque ab Ecliptica disiungatur: nam quæ in eodem versantur parallelo, eandem habent latitudinem; quæ verò in propinquiori, minorem; at maiorem, quæ in remotiori sunt parallelo.

Quos hætenus enumerauimus circulos, duo sustinent Coluri, circuli in sphæra maximi, sese in vtroque mundi Cardine ad rectos sphærales angulos interfecantes, quorum alter vtrumque Æquinoctium, alter vtrumque Solstitium pertransit: quocirca hic Solstitorum, ille Æquinoctiorum Colurus vocatur. Præter Coluros sunt & alij circuli, quos **DECLINATIONVM** vocant, ijque maximi, & per mundi polos singulaque **F** puncta Æquatoris traducti, sic appellati, quòd stellarum declinationes ab Æquatore metiantur: est enim stellæ declinatio arcus circuli maximi per polos stellamque transeuntis, is inquam arcus, qui stellam inter & Æquatorem interiacet.

LATITVDINVM circuli sunt & ipsi maximi, per Eclipticæ polos & singula eius puncta descripti, ita vocati, quòd stellarum latitudines, id est distantias ab Ecliptica contineant: nam latitudo stellæ est circuli portio, quæ inter stellam & Eclipticam intercipitur.

Atque hi omnes circuli mobiles sunt, quippe indefessa latitudo supremi mobilis circumagun-

A cum aguntur: quos autem proximè recensebimus, immobiles sunt, utpote qui in eadem mundi plaga eundem semper situm dispositionemque retinent.

XVI.

Circuli sphaera immobilis.

IN sphaera quiescente primus est HORIZON, Latinè FINITOR, ita dictus quòd hemisphaerium superum ab infero dirimat. Ab isto sanè longo interuallo distat Horizon ille, qui non absolutè, sed additione quadam spectabilis dicitur: hic namque eam dumtaxat terræ portionem, quam visu complectimur, ceu extremus terminus circumscribit, non ampliùs duorum millium stadorum dimetientem habens, ut Proclus inquit in Sphaera, vel ut Macrobius in somnum Scipionis libro 1. & libro 7. Saturnalium, stadia trecenta sexaginta: putat enim aspectum nostrum per terræ planam superficiem non ultra centum octoginta stadia protendi, cum verò hucusque oculorum acies attigerit, deficere, quòd terra inde manifestè curuetur. Hic ergo numerus ex utraque parte geminatus visibilis Horizontis dimetientem complet stadorum 360. at is qui absolutè Horizon dicitur, cum sit de numero maximorum circularum, sphaeram vniuersam bifariam ex æquo partitur. Polos habet summum cæli fastigium, quod Arabes Zenith, imumque Nadir: Horizon orientium occumbentiumque siderum est index, ac diem artificialem à nocte seiungit.

Ex Polis Horizontis innumeri circuli non maximi in sphaera describuntur, qui omnes Horizonti sunt paralleli: hos Arabes ALMVCANTARATH nominant, nos ALTI TUDINVM circulos, eisque proprio ex munere incumbit stellarum eleuationes supra Horizontem indicare. Sæpè namque in rebus Astronomicis vsu venit scire quantum iter sol aliudve sidus supra Horizontem scandendo confecerit, id quod hi paralleli demonstrant: quoniam quæ in eodem sunt parallelo, eandem habent altitudinem, illa verò maiorem quæ in parallelo sunt vertici propinquiore. Dubia illa lux, quæ ante solis exortum diem antecedit, & post occasum subsequitur, quæ diei proxima est, Horizonte terminatur, quæ verò ad noctem accedit, CREPUSCULARI circulo: estque is altitudinum circulis haud absimilis, quippe ut illi, parallelus Horizonti, atque ex iisdem Polis descriptus: at gradibus 18. aut ut Alhazeno nonnullisque aliis placet, 19. subtus depressus.

MERIDIANVS est circulus maximus per vtrumque mundi cardinem ac cæli verticem incedens: is ad Horizontem rectus est, omnesque diurnorum parallelorum portiones, quæ vel supra Horizontem assurgunt, vel infra demerguntur, bipartitò diuidit. Quare inde acceptum videtur nominis Meridiani etymon, quòd medium diei signet: cum namque ad eum quodcumque sidus attigerit, medium cursum ab ortu ad occasum supra vel infra ab occasu ad ortum confecit.

VERTICALES, quos Arabes Azimuth nominant, circuli sunt in sphaera maximi, per Polos Horizontis acti, indeque velut à communibus congressionum punctis descendentes, in singula puncta Horizontis rectis angulis incidunt: è quibus is, qui per communes intersectiones Æquatoris & Horizontis transit, propria appellatione Verticalis primarius nuncupatur. Inter hos circulos connumeratur Meridianus, cum & ipse per verticem incedat, & ad planum Horizontis sit rectus. His circulis id muneris ex instituto iniunctum est, ut vnà cum parallelis Horizontis seu altitudinum circulis vera loca astrorum determinent. Si enim compertum fuerit quantum sol supra Horizontem conscenderit, quantumque à Meridiano deflectat, verus ipsius locus cognitus erit, illud verò paralleli Horizontis, hoc autem Verticales ostendunt.

HORARIJ circuli pro varietate horarum variam habent in sphaera constitutionem: nam qui horas Astronomicas seu à meridie vel media nocte inchoatas distinguunt, circuli sunt maximi per vtrumque Polum mundi, & æquales portiones Æquatoris, traiectioni: cumque ij sint numero duodecim, palàm est illis Æquatorem, omnesque ipsius parallelos in partes 24. distribui: singuli namque Æquatorem duobus in locis intersectant: horum præcipuus est Meridianus, in quo hora vtrimque notatur duodecima, ex vsu nostro, qui non ad viginti quatuor vsque horas numeramus, sed post duodecimam, iterum primam, ac reliquas deinceps, ut priùs, repetimus: alter verò est circulus Hætemorius, seu horæ sextæ, priorem ad rectos sphaerales angulos diuidens, eodemque ordine ceteri ab hora qua ex utraque parte signantur, nomen accipiunt.

Qui horas ab ortu vel occasu discriminant, sunt ipsi quoque circuli maximi, qui ta-

mèn in vnum aliquod punctum neutiquam congregiuntur : sed citulos illos Æquatori A
parallelas semper apparentium, semperque delitescentium maximos in iis locis contin-
gunt, vbi ab astronomis circulis horariis interfecantur. In quorum tribus præcipuè
referendus est Horizon, à quo horarum numeri principium ducunt; qui autem deinceps
sequuntur, per æquales portiones Æquatoris omniumque parallelorum incedunt.

Ad inæquales porrò antiquorum horas quod attinet, tametsi omnes qui hætenus de
Sciotericis scripsere, in ea fuerint sententia, vt existimarent horas illas maximis circulis
internosci, qui scilicet per trium circulorum, hoc est Æquatoris & Tropicorum, diurnas
aut nocturnas partes duodecimas describuntur : id tamen magnus noster Clavius, Ma- B
thematicorum præsentis æui facillè princeps, non minùs solidè quàm acutè in suo Astro-
labio, lemmate 39. primi libri confutauit, docuitque in sphaera obliqua non eosdem cir-
culos, qui per impares horas Æquatoris & Tropicorum incedunt, etiam per inæquales
horas intermediorum parallelorum transire.

Qui DOMOS cælestes dirimunt, sex omnino sunt circuli maximi, qui vniuersam cæli
amplitudinem in 12. velut domicilia distinguunt. E communibus interfectionibus Me-
ridiani & Horizontis principium ducunt, indeque ex sententia quidem Ioannis Regio-
montani per duodecimas partes Æquatoris, vt autem Campano placet, per duodecimas
partes verticalis primarij cuiusque loci abscedunt.

POSITIONVM circuli ipsi quoque de numero sunt maximorum, per communes inter-
fectiones Meridiani & Horizontis (vt illi qui domos cælestes discriminant) singulaque C
cæli puncta traiectioni: ita nuncupati, quòd positionem cuiusuis stellæ, comparatione do-
miciolorum cælestium indicent, an inquam ea in prima, an in secunda sit domo, & num
in principio, num in medio, num in fine. Ex quibus patet ipsos quoque domorum cæle-
stium circulos inter Positionum circulos connumerari.

Præter hos omnes vtriusque sphaeræ circulos innumeri alij haud dubiè mente con-
cipi possunt, cum maximi, tum non maximi; quandoquidem per quælibet duo puncta
maximus citulus in sphaera describi queat, vt ex Sphaericis elementis Theodosij con-
stat l. 1. prop. 20. Hi itaque omnes, non secùs ac illi quos proximè recensuimus, in Proie-
ctionum materia continentur, quos proinde iisdem legibus subiectos esse volumus, ne
quidquam, quod ad amplissimam huius scientiæ materiam spectet, prætermisum esse D
videatur.

A X I O M A.

Ibi est locus rei, vbi radius opticus per rem ductus planum attingit.

Hoc pronuntiatum maioris omnino momenti est, quàm prima fronte nonnulli
v. debitor: quamobrem prætermittendum non fuit, sed, vt patet, primo etiam
loco reponendum, vt pote omnium Proiectionum fundamentum. Est porrò de
numero illorum, quæ nulla possunt demonstratione fulciri, sed velut per se nota ab om- E
nibus, qui mente ac ratione pollent, liberè conceduntur. Et sanè qui Proiectionum natu-
ram penitus inspexerit, facillè animaduertet nullo alio loco plani rem visam excipi pos-
se, quàm vbi radius opticus per rem ductus planum attingit, cum hoc ipsum sit Proiectio,
ac rem proici nil aliud, quàm eius speciem recta profluentia ad planum vsque protendi.
Quocirca videtur hoc axioma tantæ esse consequentiæ, vt qui hoc solum diu mul-
tumque mente complexus sit, vniuersam Proiectionum scientiam propria industria
consequi possit. Perfacile namque est à dato oculo, per quoduis punctum rei propositæ,
ad planum vsque rectam lineam cogitatione extendere, atque ita totius rei proiectionem
in plano inuenire, quandoquidem communes horum radiorum, & plani contactus sint
loca proiectionum partium autographi, vt axioma significat: quia tamen non omnis tel- F
lus ex paruo semine ingentem messem proferre est apta, siue propter cæli inclemen-
tiam, siue quòd infertilior sit gleba; idè omnibus consulendum fuit, & iis scilicet qui
propter ingenij obscuritatem vim propositi principij non penetrant; & iis qui propter
hebetudinem ea quæ circumstant non prospiciunt; & iis qui propter tarditatem ea quæ
inde ceu ex fonte riuuli emanant per se elicere non valent: igitur quæcumque in post-
erum de Proiectionibus docebimus, nil erunt præter huius axiomatis explicationes,
eiusque velut exemplis enucleatus vsus.

A
DE ORTHOGRAPHICE
PRIMO PROIECTIONIS GENERE,
EX INFINITA OCULI DISTANTIA.

B
PRÆFATIO.



HOC Proiectionis genus in quo oculus à re infinitè abesse supponitur, præ ceteris ingeniosissimum est, atque ad plurimos usus necessarium. Eo verò non tantùm circuli qui in cælesti sphaera sunt, verùm etiam ædificia, & quæcumque libuerit describenda occurrunt. Sic enim Vitruuius monet l. 1. c. 2. posteaquam futuri ædificij planum, quod vocant, Geometricum ichnographicè delineatum est, è vestigio cuiusque lateris insistentis frontem directè obuersam orthographicè designari oportere, vt iam totius operis fabrica, atque ornatus tum interior tum exterior apertius conspiciatur. Ad hanc item normam celebre illud Ptolemæi Analemma deformatum est, de quo peculiarem libellum ipse inscripsit, & hunc postea Federicus Commandinus propria commentatione illustrauit. At quia obscurissima illa Ptolemæi tractatio Commandini industriâ non tantum splendoris est adeptæ, quantum pro dignitate atque amplissimo usu promerebatur, statuimus nostram quoque opellam huic negotio impendere, ac demonstrare ea omnia quæ ad perfectam Analemmatis Ptolemæici explanationem faciunt ex huius proiectionis arcanis manasse. Docebimus inquam, quo pacto hoc genere Proiectionis omnes sphaerae circuli, quouis situ obiectæ, in planam formam coniici possint: unde postea eæ utilitates proueniunt, numero sanè infinitæ, quæ ad Gnomonices, & ad Astrolabij, & ad Sphaerae cælestis ac terrestris usum pertinent, quas, uti aliàs polliciti sumus, sparsis hinc inde consertariis, ubi commodus locus erit, inseremus: si tamen, prius quàm ad usum veniamus vniuersè demonstremus, quo pacto individua signa, & lineæ, & circuli omnifariam spectati in planum transcribi debeant.

E Porro quoniam hoc Proiectionis genus ex infinita oculi distantia totum pendet, quænam ea sit, & quæ eam affectiones comitentur, ante omnia considerandum est. Ita-que infinitam distantiam in presenti tractatione illam eandem appellamus, quam libro quarto definitione 2. ad distantia fallacias immoderatam esse diximus, hoc est non simpliciter ac verè interminatam, sed rudiori quodam loquendi modo admodum magnam & comparatione aspectus nostri quodammodo infinitam, qua videlicet partes, quæ sensibilem habent proportionem ad totum, sic oblitescunt, vt excessus defectusq; discerni nequeant, qui alioquin è viciniori loco, minoriq; interuallo facile percipi possunt. Non est verò ea distantia infinitudo, seu potius iniustitia in individuo constituta: nam vt ibidem ostendimus quæ magno spectabili mediocris est, ea paruo est immoderata, & eo, quo nunc loquimur modo, infinita: magnum siquidem visibile è remotiori loco cernitur, quàm paruum, sic ea quæ terram inter lunamque distantia intercedit, infinita est, hominum quidem, at non totius terrei orbis comparatione. Ex quo fit, vt luna aspectus ad solem nobis non sit vbique terrarum idem, & cum sol nobis interposita luna eripitur, non eadem apparentia eodem tempore in ceteris terræ regionibus aspectantibus exhibeatur:

beatur: at solis intercapedo terræ comparatione est infinita: quare si quispiam è loco solis ^A terram despiceret, hæc puncti instar videretur. Vnde qui Gnomonica tractant, æquidistantium gnomonum umbras pro parallelis habent, nihilque interesse arbitrantur, an in centro uniuersi, an verò in terræ superficie solares indices constituantur, cum tamen si summo iure veritas exigatur, nec terræ ingens moles verè sit punctum, nec parallele sint æquidistantium gnomonum umbræ, nec vsquam alibi horolabia illa valere possint, præterquam in centro mundi collocata: vbi nimirum Gnomon mundano axi, & planum in quo horizontales horæ inscriptæ sunt, finitori ad amussim respondeat. ^B

Vt verò planius hæc infinitudo distantie intelligatur, libet hoc exemplum, quod ad rem propositam facit, attexere. Finge animo corpus spheroides à te eminus videri: & quamquam fieri nequeat, ut pars eius exactè media comprehendatur per 82. libri quarti, quò tamen oculus longius absuerit, eò pars spectata propior. hemispherio erit per 83. eiusdem libri quarti, ac tandem eò usque abduci oculus poterit, ut partis visæ à non visæ discrimen internosci nequeat. Quod cum accidet, infinita erit ea distantia, quæ hac velut propria nota à finita distinguitur, quòd visibilium diuersitatem, quæ ex minori ^C intervallo diiudicari commodè potest, extra conspectum deferat. Aut à siquidem distantia, res visiles sensim attenuantur, illà autem ad infinitum tandem productà, res ipsæ in punctum inuisibile, seu quod sensu percipi nequit, rediguntur.


PROPOSITIO I. THEOREMA.

In Orthographicis proiecturis radios ducere conuenit parallelòs.



Hæc præcipua est infinitæ distantie proprietatis, ac totius Orthographicæ fundamentum, radios nimirum, qui ad omnes rei transcribendæ partes ^D attinent, in plano pari interuallo ducendos esse. Id verò ex infinita distantia consequens esse ita ostenditur:

Exponatur recta quædam linea AB , cui AF , BG & CD ad rectos sint angulos, per quæ harum mediam CD infinitè protractam visus incedat, & nunc propinquior sit, ut in D , nunc remotior, ut in E : quoniam igitur per 21. primi Euclidis maior est angulus ADB angulo AEB , erunt duo reliqui anguli EAB & EBA , duobus reliquis DAB & DBA maiores: quare & lineæ EA & EB ad perpendiculares AF & BG propius accedunt quàm DA & DB ; atque ita, quò longius oculus deferretur, eò semper radiorum anguli ad basin AB duobus rectis propinquiores fiunt, cum residui anguli EAF & EBG semper minores euadant: si igitur E ab AB infinitè distet, consequens profectò est, ut anguli EAF & EBG insensibiles sint, cum hi anguli reliquos qui ad basin sunt, nempe EAB & EBA , à non rectis discriminent: ignoratà autem hac differentia, necesse est angulos EAB & EBA , qui ad basin sunt, pro rectis haberi per 28. primi Euclidis, adiuuante sexto axioma libri quarti huius operis.



Eius generis exempla quàm plurima in medium adferri possent, quæ idè prætermittimus, quòd illorum omnium vna sit causa, puta immensa visus rei quæ aspectatæ intercapedo, quæ si non rem totam, saltem minores aliquas eius partes, vel maiorum etiam differentias, hoc est excessus defectusque videri minimè concedit, ut proinde æqualia illa videantur, quorum nullum discrimen percipitur.

Hoc tamen ad propositi confirmationem iam dictis adiungi potest, si in planum AB ab oculo E longissimo interuallo disiuncto quotcumque radij obliquè procidant, puta EA & EB , ij videantur directè incidere: nam per 35 libri quarti obliquitas obiecti ex immoderata longinquitate non dignoscitur: igitur æquales apparebunt anguli EAB & EBA ,

^{EAB,}

A E A B, itemque E B K & E B A æquales: atque ea propter normalis aspectui apparebit vterque radiorum E A & E B ipsi A B; quare & pro parallelis habebuntur per vigesimam octauam propositionem libri primi Euclidis.

Rursus cum parallela rectæ lineæ; definitore Euclide, eæ sint quæ quantumuis productæ, numquam concurrunt, & illæ quoad aspectum parallelæ erunt quæ longius prosectæ nusquam concurrere videntur. Igitur quarum concursus aded est longè distitus, vt obrutus actiuitatem excedat, eæ ita se habent ac si nusquam conuenirent: & quemadmodum loco re ipsa infinite remoto congrredi, est nusquam verè congrèdi; sic illæ non videntur concurrere, quarum congressionis terminus vltra aspectum deportatur. **Q**uo- circa quæ à communi puncto procidunt infinite distito, hoc est extra aspectus actiuitatem constituto, eæ aspectui parallelæ apparent; ac proinde in orthographicis projectionibus radij paralleli ducendi sunt, nulla habita oculi ratione. Ex omnibus tamen qui ad varias partes rei obiectæ pertinent, vni principatum concedimus, eî scilicet qui per centrum transit, aut certè cui iam à principio liberè constituto ceteri ducuntur paralleli; quem proinde Principalem & Primarium deinceps appellabimus, vt potè eius comparatione tota projectionis ratio consistit.

Ex his facile apparet ratio, cur hoc projectionis genus Orthographicè sit nūcupatum, quasi enim dicas descriptionem ex radiis ad planum rectis: nam linea quæ plano ad perpendicularum insistit, Græcè ὀρθῶς, aptiusque Latinè Recta dicitur: plano autem quod directè aspectui obuertitur, radij omnes ad rectos angulos incidunt, vt iam ostensum est. **C** Quamuis & aliud esse possit huius nominis etymon, quòd videlicet hæc projectio non fiat profusis per rem ipsam radiis, sed re potius ad planum vsque recto itinere promotæ: sic enim omnia rei puncta lineis parallelis incidunt, seruato nimirum eodem semper interuallo; & vbi hæc planum interfecant, illic singulæ rei partes sui quodammodò imaginem imprimunt, quam primitiuæ rei dicimus projectionem.

PROPOSITIO II. THEOREMA.

Punctum semper in unum aliquod subiecti plani punctum orthographicè profunditur.

D **N**AM si non in punctum, sed in lineam projiceretur, consequens foret vt radius opticus per punctum visile extensus, dum plano occurrit, partem eius aliqua longitudine præditam attingeret: cumque pars plani, quam radius opticus attingit, cum ipso radio vnam eamdemque lineam efficiat, sequeretur porro eiusdem rectæ lineæ partem quidem in subiecto esse plano, partem verò in sublimi; quod primæ propositioni vndecimi libri Euclidis aduersatur: fieri ergo nequit vt punctum in lineam projiciatur, multò verò minùs in superficiem, seu plani subiecti portionem quæ latitudinem habeat, transferri potest, cum ipsum primitiuum punctum latitudinis sit expers: itaque necesse est punctum in plani punctum semper profundi, quod erat demonstrandum.

PROPOSITIO III. THEOREMA.

Recta linea perpendiculariter aspectata semper projicitur in punctum.


F **Q**UONIAM per definitionem perpendicularis situs ante propositionem 31. libri tertij explicatam, linea cum perpendiculariter cernitur, ita oculo obuertitur, vt in directum producta centrum visus attingat; hinc fit, vt obiecta perpendiculariter linea cum optico radio vnam rectam lineam efficiat: hæc autem ad planum vsque protracta illud in solo puncto interfecat, vt præcedente propositione ex eo ostensum est, quòd alioquin eiusdem rectæ lineæ pars quidem in subiecto foret plano, pars verò in sublimi, aduersus primam propositionem lib. vndecimi Euclidis: igitur recta linea perpendiculariter aspectata semper in punctum propositi plani orthographicè projicitur, quippe illic est locus rei in plano, vbi illud radius opticus per rem ductus in transitu attingit, per commune Projectionum axioma superius explicatum.

PROPOSITIO IV. THEOREMA.

Recta linea directè intuita in rectam projicitur lineam, eamq; maximam.

EST O linea AB directè aspectui obiecta, in quam proinde radius principalis CD rectis incidat angulis, per ea quæ ad propositionem 31. libri 3. sunt prædefinita. Si itaq; per extremitates propositæ lineæ A & B radij ducantur, tum principali radio, tum inter se paralleli, puta FA & EB , vt prima propositione faciendum esse docuimus, erunt duo hi radij vnà cum principali CD omnes in eodem simul plano per 1. lemma huius libri. Hoc ergo planum si producat versus tabulam KL , donec eidem occurrat in GH , erit GH , communis scilicet vtriusque sectio, recta linea per 3. vndecimi Euclidis: quam obrem recta linea directè intuita in rectam projicitur lineam; quod primò demonstrasse oportuit.

Nunc GH maximam esse omnium illarum in quas recta AB projici potest, ita probabitur: Finge rectam AB circum D velut centrum in orbem conuerti, sic vt eo motu AB à directo situ in obliquum MN commutetur: ductis igitur per extremitates M & N radijs parallelis OM & PN ; quoniam cum his ipsa MN obliquos angulos facit, secabunt OM & PN circulum per 16. tertij Euclidis: quare & diametrum AB secabunt in punctis, exempli gratia R & S ; erit igitur RS minor ipsa AB , vt pars totâ: quocircâ & proiectura TV ipsâ GH minor erit, vt pars totâ: itaque GH maxima est illarum omnium, in quas AB proiici potest; quod secundo loco fuit propositum.



PROPOSITIO V. THEOREMA.

Linea recta obliquè obuersa projicitur in rectam lineam, sed contractam.

HIVS propositionis explicatio ex demonstratione præcedentis perspicue patet. Nam linea MN obliquè obuersa, ipsiq; AB æqualis per circuli definitionem proiicitur quidem in lineam TV , sed minorem quàm sit GH , proiectura lineæ AB , quæ directè obtutui opponitur: cumq; eodem modo in ceteris obliquis lineis procedat superior demonstratio, aperte conuincitur propositum, scilicet lineam rectam obliquè obuersam, in rectam item lineam projici, sed contractam; ac tantò minorem, quâtò eius obliquior est situs. Cùm enim directè exposita appareat maxima, perpendiculariter verò nulla, estq; situs eò obliquior, quò perpendiculari vicinior, perspicuum est situ à minùs obliquo in obliquiorem mutato, lineæ proiecturam continuò minui, quousque tandem in punctum redigatur, quod tum accidit, cùm obliquus situs in perpendicularem tandem commutatur.

PROPOSITIO VI. PROBLEMA.

Exceptam plano lineam in partes repræsèntando secare.

SIT, vt priùs, AB proposita linea, eius verò proiectura GH : sitq; AB secta vtcumq; in R & S : oporteat autem & ipsam GH in similes partes orthographicè parti, sic vt partes lineæ GH ipsius AB partes repræsèntent: agantur per R & S radij RT & SV , ipsis AN & BC paralleli, vt faciendum propositione prima monuimus: erunt igitur T & V loca in quibus GH orthographicè ita secatur, vt AB secta est in R & S . Nam cùm per commune Projectionum axioma illic sit locus rei, vbi radius opticus per rem ductus attingit planum, & per primam huius libri propositionem oporteat in hoc genere projectionis radios ducere paralle-

A rallelas : quemadmodum H & G loca sunt proiectorum A & B punctorum , propterea quòd AH & BG radij ducti sint paralleli: sic T & V erunt loca signorum R & S , quòd radij RT & SV cum inter se, tum ipsis AH & BG sint paralleli. Hoc igitur modo excepta plano linea ita secabitur, ut secta est ipsa AB archetypa, quod erat perficiendum.

Quod de linea AB diximus directè visui obiecta, id de ceteris omnibus obliquo situ propositis est intelligendum: nam omnium vna eademque est & distributionis praxis, & demonstrandi ratio; si nimirum à signis, quibus primitiue lineæ partes distinguuntur, ad planum vsque radij protendantur principali radio paralleli, factum erit propositum: vbi enim hi planum attingent, ibi per commune Proiecturarum axioma primitiuorum signorum proiecturas exhibebunt, quæ postulabantur.

PROPOSITIO VII. PROBLEMA.

Secundum utcumque recta linea proiecturâ similiter secare prototypam.

HIVS problematis eadem est ratio quæ præcedentis. Cum namque oculus, ac res rei que figura in eodem radio optico existant, siue ducantur lineæ à plano ad rem ipsam, siue contrà à re ad planum, easdem semper sectiones produci necesse est. Esto itaque, ut prius, GH data proiectura lineæ AB seu directè seu obliquè aspectui exhibitæ, sitque GH secta

C utcumque in T & V : postuletur verò ut similiter secetur ipsa AB , hoc est in eas partes, quæ partibus lineæ GH quoad aspectum respondeant: à punctis T & V rectæ ducantur TR & VS ipsis AH & BG parallelæ, factumque erit propositum. Nam vbi hæ lineæ secant lineam AB , ibi erunt sectiones postulatae partibus ipsius GH representatione similes: siquidem R autographum est signi T , & S ipsius V per commune axioma projectionum. Quare solutum est problema.

PROPOSITIO VIII. THEOREMA.

Plana superficies perpendiculariter aspectata projicitur in rectam lineam, cuius magnitudo tangentibus parallelis continetur.

QUONIAM per ea quæ ad propositionem 31. lib. 3. prædefinita sunt, is perpendicularis est situs, quo res ita aspectui obuertitur, ut ad oculum protracta in eius centrum incidat, perspicue patet radios omnes, qui ab oculo ad superficiem perpendiculariter obiectam destinantur, in eodem cum ipsa plano existere. Hoc ergo planum si in aduersam partem producatur, quoad tandem cum tabula concurrat, erit communis ipsius & plani sectio recta linea per 3. vndecimi Euclidis: itaque superficies perpendiculariter obiecta in rectam projicitur lineam; quod primò erat demonstrandum.

E Quòd verò eius magnitudo tangentibus radiis contineatur, ex iam sæpius repetitis patet. Nam tangentes radij extremi sunt omnium illorum qui ad rem pertinent, ut libro 4. lemmate 25. docuimus: igitur quemadmodum tangentes radij totam rem quæ visui obijcitur, complectuntur, sic totam definiunt rei profusionem, quæ ad planum vsque extensa sectionem in eo exhibet secundum aspectum prototypo congruentem.

PROPOSITIO IX. THEOREMA.

Superficies plana directè aut obliquè proposita in superficiem projicitur.

PLANA superficies directè vel obliquè proposita, sic ad obtutum se habet, ut quaquaversus producta, numquam in centrum visus incurrat: quo fit, ut quotquot in eam incidunt radij, omnes ipsam secant: quare si per eius ambitum paralleli radij procidant, seu potius radiosæ quædam superficies ipsam, quæ spectatur, vndique cingat, illa solidum quoddam corpus concludet. Quod quidem prisma erit, si spectata superficies figuram habeat rectilineam: si verò circularem, cylindrus.

Finge itaque animo radiosum hoc corpus per aspectabilem superficiem ad planum vsque protendi, an non communis intersectio plani, & radiosæ illius corporis superficies

erit? Igitur superficies directè vel obliquè aspectui proposita in superficiem proijcietur, A quod erat demonstrandum.

Expositis linearum & superficierum projectionibus, ad figuras accedimus, quæ sunt spectabiles quædam superficierum affectiones. In his nonnullæ sunt rectilineæ, aliæ circulares: de illis quidem hoc loco nihil attinet dicere, cum constet proiectis lateribus eo quo iam dictum est modo, & ipsas figuras descriptas esse: nam figuræ rectilineæ nil sunt prorsus aliud, quàm spatia rectis lineis ambientibus comprehensa. His itaque in planum consignatis, ipsæ quoque figuræ rectilineæ quacumque tandem propositæ fuerint, projectæ habentur. Quare ad circulos progredimur, qui peculiarem habent projectionis modum, eumque ex diuersitate aspectus varium.


PROPOSITIO X. THEOREMA.

Circulus perpendiculariter expositus, in rectam proijcitur lineam, circuli diametro æqualem.



RIOR huius propositionis pars manifesta est ex octaua propositione huius libri, qua vniuersè demonstrauius omnem superficiem perpendiculariter exhibitam, in rectam lineam profundi.

Altera verò, projectam hanc lineam æqualem esse circuli diametro, sic probabitur: Esto circulus AB , cuius centrum C , perpendiculariter obiectus, ipsumque contingant paralleli radij AD & BE , & per loca contactuum diameter agatur AB : dico ipsius circuli projectionem DE , diametro AB æqualem esse. Quoniam enim ex hypothese planum FG directè aspectui obuersatur, necesse est angulos D & E rectos esse: sed & recti sunt ABE & BAD anguli per 18. tertij Euclidis: igitur parallelæ sunt ipsæ AB & DE rectæ lineæ per 28. primi Euclidis: sunt verò & AD , BE parallelæ ex constructione; itaque parallelogrammum est $ABED$: quare per 34. primi Euclidis æqualia sunt inter se quæ ex aduerso consistunt, latera AB & DE : quare circuli perpendiculariter spectati projectura recta est linea primitiui circuli diametro æqualis; quod erat demonstrandum.



PROPOSITIO XI. PROBLEMA.

Circulum perpendiculariter exhibitum in planum transcribere.



OC problema praxin superioris theorematis continet. Cum enim ex illo constet circulum perpendiculariter exhibitum in rectam lineam plano exceptum commutari, nunc modus postulatur, quo ea linea seu circuli imago in plano inueniri possit.


Esto, vt priùs, circulus AB descriptus ex centro C , planumque FG , primarij autem radius CH , cui ad normam ducatur AB per circuli centrum C traiecta, atque ab huius extremis A & B rectæ ducantur lineæ principali radio parallelæ AD & BE , quæ productæ secant planum FG in punctis D & E , hæc verò connectantur per rectam DE , quam dico esse propositi circuli projectionem. Quoniam enim AD & BE parallelæ sunt positæ ipsi CH , estque vterque angulorum ad C rectus, erunt & anguli CAD & CBE recti per 29. primi Euclidis: quare AD & BE circulum contingunt in A & B per 16. tertij Euclidis. Quod cum ita sit, quæcunque intra has primario radio parallelæ ducuntur, ipsum circulum secabunt, productæque intra D & E cadent: quocirca per commune axioma Projectionum omnia puncta propositi circuli in lineam DE transfundentur: atque ea propter DE ipsius est circuli imago plano FG impressa, quæ postulabatur.

PRO-

A PROPOSITIO XII. PROBLEMA.

Lineam à circulo proiectam in partes orthographicè secare, qua circuli partes representent.

ISTO circulo $ABCD$ in 12. partes æquales distributus, initio facto à puncto A , sitque circuli proiectura EH in plano FG radijs contenta parallelis AE & CH : per singulas itaque partes diuisi circuli ad lineam EH rectæ ducantur ipsi AE & CH parallelæ, factumque erit propositum. Nam ubi hæ in proiecturam EH incident, hic loca erunt sectionum, quibus linearis forma circuli $ABCD$ ita secatur quoad aspectum, quemadmodum sectus est ipse datus circulus: quod sanè perspicuum est per commune Projectionum axioma superius explicatum.



Porro quoniam huius problematis praxis, cum circulus à plano sublimis exiit, ut in præfenti schemate, minus est expedita, breuiori compendio eam absoluemus, si in subiecto plano circa linearem proiecturam velut diametrum circulum describamus, eumque in eas partes diuidamus, in quas sectus est primitiuus circulus; à signis autem sectionum ad diametrum perpendiculares applicemus; hæ enim diametrum secabunt in eas partes, quæ circuli partes repræsentent: nam cum omnes illæ eidem sint perpendiculares, erunt ipsæ inter se parallelæ per 28. primi Euclidis: quare radiorum instar ab oculo infinite distito protensorum, circuli puncta in rectam illam lineam promouebunt, cui ad normam applicantur.

Sunt verò linearis proiecturæ partes quæ ab æqualibus circuli peripherijs proueniunt, minimè inter se æquales, sed minores semper illæ quæ longius à medio absunt: nam remotiores à centro radij obliquioribus angulis circuli peripheriam interfecant; quare minori interuallo ab inuicem distant: sunt igitur prope extremitates minores æqualium peripheriarum proiecturæ; quod & ex lemmate 8. apertius potest demonstrari.

PROPOSITIO XIII. THEOREMA.

Bina puncta dissecti circuli, qua ab altero extremorum pari interuallo distant, in unum punctum linearis proiecturae incidunt.


IN eodem circulo $ABCD$ sint, exempli gratia, puncta K & L pari interuallo ab altero extremorum A vel B disiuncta: dico ea in idem simul punctum lineæ EH , puta in N , transfundi. Quoniam enim æquales sunt ex hypothese arcus AK & AL , erunt & rectæ illis subtensæ æquales per 29. tertij Euclidis: at cum AC per circuli centrum incedat, erunt & ABC , ADC , utpote semicirculi, æquales: ab his igitur si æquales auferantur supradictæ circulares portiones AK & AL , relinquentur arcus KC & LC æquales per communem notionem, quibus item æquales rectæ lineæ subtendentur per eandem 29. tertij Euclidis. Quocirca in triangulis AKC & ALC cum æquale sit latus AK lateri AL , & latus AC commune utrique, basisque KC basi LC æqualis, erit & angulus KAC angulo LAC æqualis per 8. primi Euclidis. Rursus cum circum hos æquales angulos duo sint latera AK & AO , duobus lateribus AL & AO æqualia, utrumque utrique, hoc est AK ipsi AL , AO verò utrique commune, erit & basis OK basi OL æqualis per 4. primi Euclidis, atque eapropter angulus AON rectus est per 3. tertij Euclidis: sed & OA angulus est rectus per 18. tertij Euclidis: igitur parallelæ sunt AE & KL per 29. primi Euclidis: ideoque puncta K & L in vnum punctum N proijciuntur: siquidem per commune axioma Projectionum ibi est locus utriusque puncti K & L , ubi radius opticus per utrumque ductus attingit planum: at utriusque puncti K & L cum vnicus sit radius, is in vnum solum punctum N contingit planum: itaque N utrumque simul punctum K & L representat; quod erat demonstrandum.

PROPOSITIO XIII. PROBLEMA.

Rectâ lineâ sectâ utcumque, circulum quem illa representat, in partes reciproçè distribuere.



IT circulus $A C D B$ ex perpendiculari aspectu proiectus in lineam $E F$ radijs $A E$ & $B F$, qui circulum in A & B contingant; sit verò $E F$ secta in I & K utcumque: oporteat autè in circulo partes inuenire, quæ his aspectu respondeant: ab I & K parallelæ ducantur ipsis $A E$ & $B F$, quæ radorum opticorum vicem subeant, ac circulum fecent, hæc quidem in H & D , illa verò in G & C : dico circulum in C & G similiter sectum esse quoad aspectum, vt recta $E F$ secta est in I : atque vt recta $E F$ secta est in K , ita sectum esse circulum in D & H ; sic vt punctum I vtrumque circuli punctum C & G , punctum verò K vtrumque D & H æquè representet; quod patet ex ipsa radorum procidentia, adiuuante communi axiomate superius proposito: siquidem cum necesse sit rem, eiusque projectionem, in eodem radio optico sitam esse, perspicuum est, ductis radijs opticis $I C$ & $K D$ parallelis ipsis $A E$ & $B F$, vt propositione prima præscribitur, projectionem I archetypum esse vtrumvis signorum C vel G , & projectionem K in circulo respondere vtrumvis punctorum D vel H : atque ita se habet praxis, & ratio eius, quod fuerat postulatum.




PROPOSITIO XV. THEOREMA.

Circulus directè aspectui obuersus, in circulum projicitur.



EST directè propositus circulus $C E G$, cuius centrum A , planum verò $L K$ etiam directè visui oppositum, ac proinde dato circulo parallelum, per ea quæ lib. 3. ad propositionem 31. prædefiniuimus: per centrum autem circuli A , radius primarius actus sit $A B$, & huic paralleli à circuli circumferètia producti $C D$, $E F$ & $G H$; erit igitur B projectionis centrum ipsius circuli centrum representans per superius axioma: dico verò puncta $D F$ & H , & quotquot à circuli $C E G$ circumferètia parallelis ipsi $A B$ radijs in planum $L K$ projiciuntur, omnia in circulem perimetrum, cuius centrum B , conuenire: nam ductis ex C, E & G ad centrum A rectis lineis $C A$, $E A$ & $G A$, similiter autem iunctis $D B$, $F B$ & $H B$, cum $A C D B$ planum duo simul secet parallela plana, circulum nimirum propositum, & id quod huic parallelis subijcitur, sit, vt communes horum intersectiones $A C$ & $B D$ sint inter se parallelæ per 16. vndecimi Euclidis: sunt verò & $C D$, $A B$ parallelæ ex constructione: igitur parallelogrammum est $A C D B$, vt constat ex propria ipsius parallelogrammi definitione. eodem quoque modo parallelogramma sunt $A F$ & $A H$: sed parallelogrammorum spatiorum æqualia sunt inter se quæ ex aduerso sibi opponuntur latera per 34. primi Euclidis: itaque æqualia sunt $A C$ ipsi $B D$, & $A E$ ipsi $B F$, & $A G$ ipsi $B H$. Sunt porro $A C$, $A E$ & $A G$ inter se æqualia per circuli definitionem: quare & $B D$, $B F$ & $B H$ æqualia inter se sunt per communem notionem: atque idcirco projectus in planum ambitus $D F H$, in quem radij optici ex peripheria obiecti circuli procidunt, circulus est; quod erat demonstrandum.



A

PROPOSITIO XVI. THEOREMA.

Circulus ex directo aspectu in planum orthographicè proiectus, primitiuo circulo est æqualis.



B

A C I L I S est huius propositionis demonstratio ex præcedente. Quoniam enim in parallelogrammis $A D$, $A F$ & $A H$ superioris schematis, æqualia ostensa sunt opposita latera per trigessimam quartam propositionem libri primi Euclidis, hoc est $A C$, $A E$ & $A G$, æqualia ipsis $B D$, $B F$ & $B H$; patet per primam definitionem libri tertij Euclidis, & ipsos circulos $C E G$ & $D F H$ æquales inter se esse; quod erat probandum.

Quod de circulo hoc loco ostendimus, id paulò infrà vsu veniet in iis projectionibus, quas de singulis spheræ partibus instituemus propositione 33. & sequentibus: nam ex hac tum propositione constabit non modò spheræ totius proiectum schema circulum esse, maximo eorum qui in spherà sunt circulorum equalem; verùm etiam id ratum erit, omnes circulos siue maximi illi sint, siue non maximi, in quos principalis radius re-ctis incidit angulis, in circulos transcribi orthographicè debere primitiuis æquales; quocirca ne magno Lectoris fastidio ac nausea eadem sæpiùs repetere cogamur, huius theorematismemoria in eum locum est asseruanda.

C

PROPOSITIO XVII. PROBLEMA.

Circulum directè spectatum in planum transcribere.



D

V I V S problematis executio ex dictis facilè colligi potest. Constat enim, si per singula puncta circuli propositi in subiectum planum radij optici demittantur ipsi principali radio paralleli, ex horum congressione cum plano subiecto figuram describi, quæ postulatur: nam per primam propositionem parallelis radiis quilibet in quodlibet planum orthographicè transfertur. Vbi ergo hi cum plano conueniunt, ibi est singulorum punctorum apparens locus per proprium huius scientiæ axioma: est porrò ea figura circulus per 15. huius, isque primitiuo circulo æqualis per propositionem proxime antecedentem: igitur accepto proiecturæ centro per radium principalem à centro propositi circuli demissum, interuallo autem semidiametro circuli primitiuus describatur circulus, factumque erit propositum; nam quæ parallelas semidiametros vtriusque circuli connectent rectæ lineæ, & ipsæ principali radio parallelæ erunt per trigessimam tertiam primi Euclidis, quare & inter se per 30. primi Euclidis, atque ea propter inscriptus plano circulus, proiectura erit eius circuli qui proponebatur.

E

PROPOSITIO XVIII. THEOREMA.

Circuli proiecti centrum idem verum est & apparens.



F


V E R I atque apparentis centri discrimen satis per se notum esse arbitror, cum nemo ignoret verum circuli centrum illud esse, quod totius figuræ exactum medium tenet, id verò quoniam subinde à medio proiectæ figuræ digreditur, nec eo spectatur loco vnde pari interuallo proiecturæ ambitus distat, fit vt apparens quidem hoc centrum vocetur, quod primitiuum centrum secundùm aspectum repræsentet, at non verum, quia à proiecturæ medio versus ambitum excurrit. Nunc ergo ostendamus circuli à directo aspectu proiecti centrum idem verum esse & apparens.

Radius in primis principalis per centrum circuli primitiuus actus, dum plano occurrit, locum in eo signat centri apparentis, siquidem per proprium huius scientiæ axioma superiùs explicatum, ibi est rei apparens locus, vbi planum radio per rem ducto attingitur. Quòd autem idem sit & verum centrum, ex eo probatur, quia omnis circa ipsum ambitus ex circuli peripheria proiectus paribus vndique radijs attingitur, vt propositione 15. supra ostendimus. Igitur circuli proiecti centrum idem est & verum, & apparens; quod erat demonstrandum.

PROPOSITIO XIX. THEOREMA.

Cum circulus ex directo aspectu in circulum projicitur, & utriusque partes qua parallelis radiis continentur, sunt inter se aequales.

HISTO inquam DFH circulus ex directo aspectu primitivi circuli CEG in planu LK projectus, sintq; utriusque partes CE & DF, parallelis radiis CD & EF contentae: dico has aequales inter se esse. Quoniam enim parallelae sunt AC & AE ipsi BD & BF per 3. vndecimi Euclidis, nec in eodem sunt plano, erunt anguli CAE & DBF inter se aequales per 10. vndecimi Euclidis. Sunt vero & ipsi circuli aequales per 16. propositionem huius libri: quocirca & peripheriae CE & DF aequalibus angulis subtensa aequales inter se erunt per 26. tertij Euclidis, quae docet in aequalibus circulis aequales angulos aequis peripherijs insistere, siue ad centra, siue ad circumferentias. Atque eodem modo se res habet in ceteris utriusque circuli partibus: igitur cum circulus ex directo aspectu in circulum projicitur, utriusque partes quae parallelis radiis continentur, sunt inter se aequales.



PROPOSITIO XX. PROBLEMA.


Circulum ex directo aspectu projectum in partes distribuere, quae partes circuli primitivi representent, & contra.

PERSPECTA est iam huius problematis praxis ex ijs quae proximè antè sunt demonstrata. Quoniam enim per 16. propositionem libri huius, circuli ipsi, hoc est verus, & is qui in plano apparet, itemq; amborum partes radiis parallelis contentae per 19. propositionem huius libri sunt inter se aequales: dato ipsorum altero in partes utcumque diuiso, si & alter in aequalia segmenta diuidatur, factum erit propositum: nam huius partes partibus alterius secundum aspectum infinito interuallo disiunctum respondebunt, utpote parallelis radiis contentae, quales scilicet hoc projectionis genus postulat, ut prop. 1. huius lib. docuimus.

PROPOSITIO XXI. THEOREMA.

Circulus obliquatus in formam ellipseos plano exceptus commutatur.

CIRCULVS ABCD obliquè exponatur, sic ut per eius centrum E actus principalis radius EG ad rectos quidem sit angulos diametro AC, reliquis autem obliquus, secetq; diametrum AC altera diametrum BD, ad rectos item angulos: sit verò forma propositi circuli in subiectum planum transfusa FHKL radiis à circuli peripheria vndique promissis AF, BH, CK & DL ac ceteris, qui quidem omnes sint principali radio EG paralleli: dico FHKL circuli projecti formam ellipseos esse, cuius extremae iugataeque diametri, maxima quidem sit FK, utpote circuli diametro AC aequalis per 4. propositionem huius libri; HL verò minima, quippe contracta, propter obliquè spectatam BD. Si namque in circuli peripheria aliud quodcumque punctum assumatur, puta O, idq; per radium OR, qui principali radio parallelus sit, ad planum vsque ad signum R producat, propositum nobis sit demonstrare punctum R in ellipseos cadere. Agatur per circuli centrum E aliud planum ipsu FHKL parallelu, nempe AMCN, quod à radio OR secetur in P, à radio



A verò BH in M , & à radio DL producto in N , ducanturque parallelæ rectæ lineæ OQ ipsi BE , & PQ ipsi ME , & RS ipsi HG . Quoniam itaque parallelum est planum $AMCN$ ipsi $FHKL$ plano, erit ME ipsi HG , & PQ ipsi RS parallela per 16. vndecimi Euclidis: sunt verò & radij ipsi inter se paralleli per 30. primi Euclidis, quòd scilicet omnes principali radio sint paralleli: igitur parallelogramma sunt MG & PS : quare æqualia sunt opposita ipsorum latera ME ipsi HG , & PQ ipsi RS per 34. primi Euclidis; ac proinde si ostensum fuerit punctum P in ellipsin cadere, cuius extremæ diametri sunt AC & MN , ipsum quoque R punctum in ellipsin incidere conuincetur, cuius extremæ diametri FK & HL .

Illud autem sic demonstrabitur: Quoniam ABC semicirculus est, & in eo BE ipsi AC ad rectos posita est angulos, erit per 2. lemma huius libri BE media proportionalis inter AE & EC : quare per 17. sexti Euclidis, quod ex BE fit quadratum, æquale est ei quod ex AEC fit rectangulo. Rursus quoniam OQ ostensa est ipsi BE parallela, & AEB angulus rectus est, erit & OQE angulus rectus per 29. primi Euclidis; ideoque OQ eidem AC diametro perpendicularis erit, & per idem lemma 2. huius libri media proportionalis inter AQ & QC : quocirca quadratum OQ rectangulo AQC est æquale. Ut igitur quadratum BE ad rectangulum AEC , ita OQ quadratum ad AQC rectangulum per 7. quinti Euclidis, nempe æqualia ad æqualia: quare per 16. quinti Euclidis vicissim quoque erit ut quadratum BE ad quadratum OQ , ita rectangulum AEC ad AQC rectangulum: sed ut recta BE ad rectam OQ , ita est ME ad PQ : nam quoniam BE ipsi OQ ex constructione, & BM ipsi OP ex radiorum natura est parallela, nec sunt BE & BM in eodem cum OQ & OP plano, erit angulus EBM angulo QOP æqualis per 10. vndecimi Euclidis. Eodem verò modo & reliqui anguli trianguli POQ reliquis trianguli MBE angulis ostendentur æquales; siquidem ME & PQ parallelæ sunt ex constructione: æquiangula sunt igitur ipsa triangula POQ & MBE : ac propterea per 4. sexti Euclidis ut BE ad OQ , ita ME ad PQ : quare ut quadratum BE ad quadratum OQ , ita ME quadratum ad quadratum PQ : sed quadratum BE ad quadratum OQ est, ut rectangulum AEC ad AQC rectangulum: igitur & ME quadratum ad quadratum PQ est, ut rectangulum AEC ad AQC rectangulum, non quidem ut æquale ad æquale, quemadmodum quadrata BE & OQ ; sed ut minus ad maius. Id verò cum ellipsi proprium sit, per ea quæ à Sereno Antinisenii demonstrantur libro primo de sectione Cylindri propositione 18. & nos quoque lemmate 17. supra exposuimus, consequens est, ut punctum P in ellipsin cadat.

Si enim id negetur, concedere oportebit illud vel extra ellipsin cadere, vel intra: si extra, igitur ellipsis inter P & Q viam carpit, sit autem T locus ubi ipsam PQ ellipsis interfecat: itaque per 17. lemma huius libri ut quadratum ME ad rectangulum AEC , ita erit TQ quadratum ad AQC rectangulum: sed iam ostensum est esse quadratum PQ ad rectangulum AQC , sicuti quadratum ME ad AEC rectangulum: quocirca æqualia inter se esse oportet ipsarum TQ & PQ quadrata per 9. quinti Euclidis. Cum enim quadrata ex TQ & PQ ad rectangulum AQC eamdem rationem habeant, eam videlicet, quam quadratum ME habet ad rectangulum AEC , erunt per iam citatam 9. quinti Euclidis quadrata ex TQ & PQ , inter se æqualia; ac proinde & horum latera TQ & PQ æqualia erunt, nempe pars toti, quod fieri nequit, non igitur cadet punctum P extra ellipsin.

Si autem intra ellipsin cadere dicatur, transibit ellipsis per signum aliquod lineæ PQ longius à puncto Q distito quàm punctum P : quare eodem modo ostendi poterit totum parti æquale esse: itaque punctum P , & quoduis ceterorum, quæ à circuli peripheria in planum $AMCN$ demittuntur, in ellipseos ambitum procidant necesse est. Atque eadem ratione punctum R ellipsin continget, cum RS & HG ipsi PQ & ME , itemque FK in S & G secta sit in partes ipsius AC partibus æquales: quare circulus obliquatus in formam ellipseos plano exceptus commutatur; quod demonstrasse oportuit.


F PROPOSITIO XXII. PROBLEMA.

Circulum ex obliquo aspectu in planum consignare.



PERCEPTO superiore theoremate haud erit difficilis huius problematis inuentio. Exposito namque obliquè circulo $ABCD$, primum ducendus erit per ipsius centrum E ad planum vsque primarius radius EG , secundum eam situs obliquitatem, qua circulus in planum transferri postulatur, quod sanè fiet, si à puncto E ducatur proposito plano perpendicularis EG per 11. vndecimi Euclidis: deinde in ipso circulo inueniendæ erunt extremæ illæ

illæ lineæ per 4. lemma huius lib. ad quarum alteram principalis radius normalis est, alteri verò maximè obliquus: sintque eæ iam repertæ, normalis quidem illa AC , obliqua verò BD : tum ab harum linearum extremitatibus radij ad planum vsque protendentur AF , BH , CK & DL ipsi principali radio paralleli, locaq; congressuum iungentur rectis FK & HL , circa quas velut coniugatas diametros ellipsis describetur per vigesimum secundum lemma, factumque erit propositum. Nam per præcedens theorema quæcumque rectæ lineæ parallelæ à circumferentia circuli obliquati ad subiectum planum demittuntur, omnes in ellipsin cadunt, cuius maxima diametrus FK ex ea diametro circuli profusa, cui radius principalis ad rectos est angulos; minima verò HL proiectura eius diametri, ad quam principalis radius maximè obliquus est: at per primam huius libri propositionem, ea est cuiusque rei proiectura orthographica, quæ radiis parallelis ad planum productis continetur: igitur ellipsis circum FK & HL velut extremas diametros descripta, est ipsius primitiui circuli $ABCD$ obliquati orthographica proiectura, quæ erat inuestiganda.




PROPOSITIO XXIII. PROBLEMA.

Circuli obliqui partes in ellipsin representando transcribere.



IRCA maximam diametrum propositæ ellipsis circulus describatur, isque eodem modo secetur, quo sectus est primitiuus circulus; à punctis verò sectionum rectæ lineæ ad communem circuli & ellipsis diametrum normaliter applicentur, factumque erit quod postulatur: nam vbi hæ attinent ellipsin, illic erunt puncta, quæ circuli diuisiones representant.

Exempli gratia, esto idem qui supra circulus $ABCD$, ex obliquo situ in ellipsin $AMCN$ proiectus: sit verò circulus utcumque diuisus in O & R ; oporteat autem eadem signa in ellipsin representando transferre, hoc est, ita secare ellipsin, vt sectæ ellipsis partes circuli partes representent. Circa maiorem diametrum ellipsis AC circulus describatur in eodẽ cum ellipsi plano, nempe $AHCL$, qui quidem proposito circulo $ABCD$ æqualis erit, quòd communem habeat vterque diametrum AC . Ex centro verò E ad rectos ipsi AC angulos excitetur altera diametrus HL , diuidaturque portio circularis perimetri AH in F & G , quemadmodum circuli portio AB diuisa est in R & O , ducanturque FV & GQ ipsi AC perpendiculares, hoc est ipsi AE parallelæ: dico portionem ellipsis AM in S & P , vbi eam FV & GQ interfecant, ita representando distributam esse, vt circuli primitiui portio AB secta est in R & O .



Nam iunctâ BH , quoniam duorum planorum AHC & HBE communis sectio est HE , ad eamque normaliter adiuncta est EC , quæ ipsi quoque BE ad rectos est angulos per constructionem, erit EC ad planum quoque HBE recta per 4. vndecimi Euclidis: quare per 4. definitionem vndecimi Euclidis planum HBE ad planum AHC rectum est: igitur quæ à puncto B ad planum AHC perpendicularis ducetur, in rectam HE incidet per 38. vndecimi Euclidis; cadit autem eadem perpendicularis in peripheriam ellipsis ex hypothesi: igitur eo loci incidit, vbi HE ellipsin interfecat, puta in M .

Eodem verò modo iungantur bina puncta O & G per rectam OG : quoniam igitur æquales sunt circulorum portiones BO & HG , si eæ ab æqualibus AB & AH subducantur, relin-

A relinquentur $A O$ & $A G$ æquales : quare per 13. lemma parallelæ erunt $B H$ & $O G$. Sunt verò & $H E$, $G Q$ parallelæ: igitur per 15. vndecimi Euclidis parallela sunt quæ per $B H E$ & $O G Q$ extenduntur plana: quæ cum plano secantur $B E Q O$, erunt $B E$ & $O Q$, communes nempe vtrorumque sectiones, parallelæ per 16. vndecimi Euclidis; ac proinde per 29. primi Euclidis $O Q$ ipsi $A C$ ad rectos est angulos, quia videlicet angulus $A E B$ rectus est ex constructione: ex quo fit, vt supra, planum $G O Q$ ad planum $A H C$ rectum esse.

Quoniam enim $Q C$, quæ ad $G O$ communem intersectionem planorum $G O Q$ & $A H C$ rectis angulis applicata est, ipsi quoque $O Q$ normaliter adiungitur, fit per 4. vndecimi Euclidis vt $Q C$ ad planum $G O Q$ recta fit: atque idcirco planum $G O Q$ ad planum $A H C$ rectum est per 4. definitionem vndecimi Euclidis: quocirca quæ à puncto O in planum $A H C$ perpendicularis demittitur $O P$, ea in rectam $G O$, communem scilicet vtriusq; plani $A H C$ & $G O Q$ sectionem, incidat necesse est, per 38. vndecimi Euclidis: sed & in ellipsin $A M C N$ eadem perpendicularis cadit ex suppositione: igitur non ad aliud quàm ad signum P in ellipsin incidit, vbi scilicet recta $G O$ ellipsin interfecat. Simili verò demonstratione ductâ $F V$ ipsi $A C$ perpendiculari, ostendetur signum S , in quo scilicet $F V$ ellipsin pertransit, puncti R proiecturam esse: & quemadmodum circuli $A B C D$ quadrans, aut perimetri portio $A B$ secta est in R , ita repræsentando sectam esse ellipsin in S : quare peractum demonstratumque est, quod postulabatur.

C PROPOSITIO XXIV. PROBLEMA.

Partes data ellipseos ad circulum primitiuum reuocare.



C I R C A maximam ellipsis diametrum, vt prius, circulus describatur, & à punctis sectæ ellipsis ad eandem diametrum normales excitentur per 12. primi Euclidis, quæ ad circulum vsque producantur, factumque erit propositum: nam communes harum & circuli sectiones loca erunt, in quibus circulus ita reipfa secabitur, quemadmodum repræsentando seu secundum oculi aspectum secta erat proposita ellipsis.

D Exempli causa, ellipsis $A M C N$, cuius maxima diametrus $A C$, minima verò $M N$, sit secta vtrumque in P & S : oporteat autem hæc signa ad eas partes primitiu circuli reuocare, quæ illis secundum aspectum respondent: circa diametrum $A C$ circulus describatur $A H C L$ in eodem cum ellipsi plano, & à punctis P & S rectæ protendantur $P Q$ & $S V$ ipsi $A C$ perpendiculares, æque producantur, quousque cum circuli $A H C L$ peripheria conueniant in G & F : dico G & F loca esse in quibus circulus $A H C L$ seu $A B C D$ ipsi æqualis ita secatur, vt repræsentando ellipsis secta est in P & S .

Quoniam enim $E C$ vtrique $B E$ & $H E$ est perpendicularis ex prima schematis constructione, erit quoque eadem $E C$ ad $H Q E$ planum recta per 4. vndecimi Euclidis. Est autem $E C$ ad $H E$, communem scilicet intersectionem planorum $H B E$ & $A H C$, normaliter adiuncta: igitur per 4. definitionem vndecimi Euclidis planum $H B E$ ad planum $A H C$ rectum est: quare $M B$, quæ à puncto ellipsis M ipsi $H E$ perpendicularis erigitur, in eodem est cum $H B E$ plano per 2. vndecimi Euclidis: concurrerit igitur cum vtroque latere $H B$ & $B E$, attingit autem & circulum $A B C D$, cum ex hypothesi subiecta ellipsis $A M C N$ ipsius $A B C D$ circuli sit proiectura: igitur eo loci $M B$ circulum $A B C D$ secabit, vbi $H B$ & $B E$ in eundem circulum incidunt, hoc est in B : hic enim cum circulus $A B C D$ eo modo secetur, vt circulus $A H C L$ in H , manifestum est punctum H idem cum illo esse, quod puncto M ex obliquo situ $B D$ proiecto repræsentatur, quod primò ostendisse oportuit.

Rursus cum $P Q$ ipsi $Q C$ ad rectos sit angulos ex positione, si ex P ad subiectum planum $A H C$ recta ad normam erigatur $P O$ per 12. vndecimi Euclidis, iungaturque $O Q$, erit huic quoque ipsa $Q C$ perpendicularis per 15. lemma libri quarti: quare $O Q$ & $G Q$ dimidiatæ sunt chordæ dimidiatis peripherijs $O A$ & $G A$ subtensæ per 3. tertij Euclidis: cumque $O Q$ & $G Q$ æqualiter distent à centro E , nempe interuallo $Q E$, erunt ipsæ etiam inter se æquales per 14. tertij Euclidis: igitur & dimidiati arcus $O A$ & $G A$ æquales erunt inter sese: his verò sublatis ab $A B$ & $A H$, quos iam æquales esse ostendimus, relinquentur æquales $O B$ & $G H$: itaque vterque æqualium circulorum $A B C$ & $A H C$ plano $G O Q$ vnus in G , alter in O æqualiter diuiduntur: at punctum O illud ipsum est quod in data ellipsi repræsentatur puncto P : nam $P O$, quæ ad planum $A H C$ recta est,

in eodem est cum GOQ plano per Z . vndecimi Euclidis: ac proinde in eum locum circuli $ABCD$ incidit, vbi vtraque GO & OQ eundem circulum interfecant: igitur puncto P ellipseos responder in circulo primitiuo $ABCD$ punctum O , huic verò cum ex æquo respondeat in circulo $AHCL$ punctum G , palàm est G punctum illud esse, ad quod punctum P ex ellipsi reuocandum erat. Eodem verò modo se res habet in puncto S ac ceteris omnibus, quæ in ellipsi designari possunt: itaque si circa maximam diametrum datæ ellipseos circulus decircinetur, & per singula puncta sectæ ellipseos, ad eandem diametrum rectæ secundum normam applicentur; vbi hæ productæ secabunt & circulum, ibi partes erunt postulatæ, effectumque præpositum, quod erat demonstrandum.

PROPOSITIO XXV. THEOREMA.

Ellipsis perpendiculariter exposita semper quidem in rectam projicitur lineam, sed quæ maiorem diametrum non excedat, nec à minore vincatur.




QVONIAM ellipsis figura est plana, perspicuum est ex propositione 8. huius libri eam perpendiculariter obiectam semper in rectam lineam proicere: quia verò eius magnitudo per eandem 8. propositionem radijs tangentibus coercetur, & hoc palàm est, non posse ellipseos proiecturam maioris dimetientis magnitudine longitudine superare, nec à minore vinci; siquidem maxima diametrum, cum ei radius principalis ad rectos est angulos, tum præcipuè directè obuerfatur: quare per 4. propositionem huius lib. in lineam projicitur, quàm fieri potest, maximam. Cum verò principalis radius minimæ diametro est normalis, tum quidem linearis forma ellipseos plano excepta minima est, at neutiquam minor minimâ illâ diametro, cui radius principalis est perpendicularis; sed æqualis per eandem 8. huius libri propos. Atque hi sunt extremi situs, quibus proiectura ellipseos perpendiculariter obiectæ vel maxima apparet vel minima. Quare patet numquam posse ellipseos profusionem ex perpendiculari situ maximam diametrum primitiuæ ellipseos longitudine excedere, aut à minore superari; quod erat ostendendum.

PROPOSITIO XXVI. THEOREMA.

Ellipsis ex directo aspectu in ellipseos projicitur primitiuæ æqualem ac similem.



ESTO ellipsis directè visui exposita $ABCD$ ex centro O descripta; cuius maxima diametrum AC ; minima BD , quæ proinde sese ad rectos angulos secant: radius autem principalis OP actus per centrum O ellipseos subiectoque plano rectis angulis insistat: ab extremitatibus porro oppositarum dimetientium radij ad subiectum planum promittantur AE , BF , CG ; & DH ipsi radio principali paralleli, qui proinde omnes per 30. primi Euclidis inter se quoque paralleli erunt. Cum igitur primitiuæ ellipseos subiectumque planum similiter aspectui obijciantur, erunt ambæ superficies inter se parallelæ per ea quæ libro 3. ad propositionem 31. prædefiniuimus: quare per 16. vndecimi Euclidis AC & EG , communes videlicet sectiones vtriusque superficiæ & plani $ACGE$, sunt inter se parallelæ; quo etiam modo parallelæ esse probantur BD & FH : itaque parallelogramma sunt AC & BH , quorum cum ea quæ ex aduerso latera æqualia sint per 34. primi Euclidis, erit AC ipsi EG & BD ipsi FH æqualis; quocircà æquales sunt ipsæ ellipseos: at verò etiam similes per 15. definitionem Sereni Antinensis libro primo de Cylindri sectione, quòd scilicet earum coniugatæ diametri, quæ sese ad rectos angulos secant, eandem proportionem habeant. Ut enim AC ad EG , ita se habet BD ad FH , nempe æquale ad æquale: sunt igitur ellipseos



Apes ipsæ inter se similes; quarum altera ex primitiuæ ellipsis directo aspectu in proposito planum secundum Orthographiæ leges transcribitur; quod erat demonstrandum.

PROPOSITIO XXVII. THEOREMA.

Ellipsis uno quidem obliquo situ in circulum proyicitur, aliàs in dissimilem ellipsin transmutatur.

Hæc propositio varios habet casus. Ac primò si radius principalis maximæ diametro sit perpendicularis, manente longitudine inuariata, sola latitudo ellipsis mutabitur, auctaque obliquitate minuetur. Exempli gratia: esto ellipsis $ABCD$, cuius maxima diameter AC , minima verò BD ; seceturque hæc plano $AMCN$ per centrum E , sic vt eius & ellipsis com-

munis sectio sit maxima diame-

trus AC : finge iam animo ellipsin

$ABCD$ circa quiescentem diame-

trum AC velut axem in orbem

conuerti, & nunc quidem ipsi pla-

no congruere; nunc verò ad per-

Cpendiculum ipsi insistere; nunc

autem medium quempiam, hoc

est obliquum situm tenere: perspi-

cuum igitur est, si ellipsis $ABCD$

plano cõgruat, tum eius minimam

diameterum BD ea magnitudine

apparere, qua quidẽ potest maxi-

mã per 8. proposit. libri huius,

quoniam directè aspectui exhibe-

tur, at non maiorem quàm sit HL :

D si verò eadem ellipsis ad planum recta sit, tum eandem eius diameterum BD puncti instar spectari per 3. propositionem libri huius, quòd perpendiculariter obijciatur: si autem medio quopiam situ, eoque obliquo ellipsis exhibeatur, tum eius diameterum BD minori forma in planum transcribi, quàm ex directo aspectu, qualem hinc vides ipsius MN contracturam. Hæc inquam perspicua sunt ex dictis; quare plura hoc loco addere ad ipsorum explicationem necesse non est.

Quòd autem semper ellipsis sit ea quæ ex obliquo aspectu plano excipitur figura, sic

potest demonstrari: Esto obliquitas primitiuæ ellipsis ad planum $AMCN$ ea quæ lit-

teris $ABCD$ in proposito schemate designatur, sintque in subiecto plano puncta A & C el-

lipsi primitiuæ, eiusque proiecturæ communia, punctorum verò B & D proiecturæ sint

E M & N per lineas perpendiculares BM & DN ad planum traductæ: accipiat autem in

ellipsi $ABCD$ aliud quodcumque punctum, puta O , cuius forma in planum procidat ad

signum P per radius OP , qui & ipse ad planum $AMCN$ sit perpendicularis: dico pun-

ctum P in ellipsin incidere, cuius maxima diameter AC , minima verò MN . Ducatur

enim PQ ad rectos ipsi AC angulos, quæ proinde per 28. primi Euclidis ipsi quoque

ME parallela erit, quòd scilicet angulus etiam MEQ sit rectus ex hypothesi.

Præterea quoniam OP & BM ambæ in planum $AMCN$ secundum normam inci-

dunt, erunt ipsæ quoque inter se parallelæ per sextam propositionem libri vndecimi Eu-

clidis: igitur quod per P & O extenditur planum, ipsi M & E plano est parallelum per de-

cimam quintam vndecimi Euclidis; quæ cùm secentur plano $BEQO$, erit quoque OQ

F parallela ipsi BE per decimam sextam vndecimi Euclidis: quare per 10. vndecimi Eu-

clidis æquiangula probantur ipsa triangula M & E & P & O : ideoque per 4. sexti Euclidis

vt BE ad ME , ita se habet OQ ad PQ : & per 16. quinti Euclidis vicissim vt BE ad OQ , ita

ME se habet ad PQ : ac proinde per vigesimam secundam sexti Euclidis, vt quadratum


BE ad OQ quadratum, ita ME quadratũ ad quadratũ PQ . Sed cùm $ABCD$ sit ellipsis

ex hypothesi, erit per 17. lemma huius libri quadratum BE ad OQ quadratum, quemad-

modum rectangulum AEC ad rectangulum AQC : igitur & quadratum ME ad PQ qua-


dratum, ita est vt AEC rectangulum ad rectangulum AQC ; atque idcirco signum P in

ellipsin cadit, cuius maxima diameter AC , minima vero MN . Si enim id negetur, con-



cedere oportebit signum P extra vel intra ellipsin incidere : at neutrum fieri posse pro- A
 positione 21. ad finem est demonstratum : igitur punctum P in ellipsin cadit. Cumque
 eadem in ceteris punctis demonstratio locum habeat ex vigesima prima propositione
 huius libri mutuata, patet certè hoc primo casu propositam ellipsin ex obliquo aspectu
 in aliam ellipsin incidere.

Quòd autem ea quæ plano excipitur primitivæ dissimilis sit, ex eo conuincitur,
 quòd coniugatae diametri quæ
 sese ad rectos angulos secant, non
 eandem rationem habeant. Non
 enim vt AC ad BD , ita eadem AC
 ad MN , siquidem MN ipsâ BD est
 minor per 5. proposit. libri huius:
 quare vt ex 15. definitione libri
 primi Sereni de Sectione cylindri
 colligi potest, dissimiles sunt ellip-
 ses $ABCD$ & $AMCN$; quod de-
 monstrandum erat.



Alter casus est priori oppositus,
 cum principalis radius minimæ
 diametro propositæ ellipsis per-
 pendicularis est : velut si in eadem
 figura permutata vice nunc sit AC

minima diameter, & circa eam tamquam immotum axem ellipsis circumduci fingatur, sic vt interdum in eodem sit cum $AMCN$ plano, interdum verò in sublimè erecta, illi secundum normam insistat, aliàs autem obliqua sit. Perspicuum igitur, si in eodem sit cum $AMCN$ plano, eam propter aspectus æqualitatem projici in ellipsin primitivæ æqualem ac similem per vigesimam sextam propositionem libri huius : si verò ad planum $AMCN$ recta sit, vt lineam apparere ipsi AC minimæ diametro æqualem ; at ex obliquo situ duplicem obuenerit differentiam, quam modò propositum sit sigillatim explicare, & propria demonstratione stabilire.

Prior itaque differentia huius casus est, cum proiectura MN ipsi AC est æqualis, quod obtingere posse manifestum est, quoniam per 5. huius libri propositionem diameter BD quò obliquiori situ offertur, eò minor ipsius proiectura euadit. Si igitur MN ipsi AC æqualis sit, dico proiecturam $AMCN$ circulum esse. quod ita demonstrabitur : Sumpto in ea quouis puncto, exempli gratia P , ducantur ab eo PO & PQ ipsi MB & ME parallelæ: erit igitur PQ ipsi AC perpendicularis per 29. primi Euclidis, quòd scilicet ME ipsi AC sit perpendicularis : per ea verò quæ proximè sunt demonstrata, æquiangula erunt ipsa triangula MBE & POQ : quare per 4. sexti Euclidis homologa ipsorum latera quæ circa æquales sunt angulos : ac propterea per 22. sexti Euclidis vt quadratum BE ad OQ quadratum, ita se habebit quadratum ME ad quadratum PQ : sed quadratum BE ad OQ quadratum est, vt rectangulum AEC ad AQC rectangulum per 17. lemma: igitur & quadratum ME ad quadratum PQ erit, vt rectangulum AEC ad AQC rectangulum; & vicissim vt quadratum ME ad rectangulum AEC , ita quadratum PQ ad AQC rectangulum: est autem quadratum ME rectangulo AEC æquale, quoniam ex hypothesi ME est æqualis ipsi AE vel EC : itaque quadratum quoque PQ æquale est ipsi AQC rectangulo ; atque ea propter signum P in circuli peripheriam eadit, per tertium lemma libri huius. Cum verò in ceteris signis eadem sit ratio, patet proiectum schema $AMCN$ circulum esse ; quod erat probandum.

Posterior verò differentia est, cum MN ipsâ AC vel maior est, vel minor. Vtroque autem modo ellipsis est $AMCN$ proiectura, at nequaquam primitivæ ellipsi $ABCD$ similis, cuius rei demonstratio eadem est quæ primi casus, quare eam repetere nil opus est; hoc tantum paucis insinuasse sufficiat, per decimum septimū lemma huius libri ostendi posse sumptum quodcumque punctum nimirum P , in ellipsin incidere : nam propter triangulorum MBE & POQ similitudinem, ita se habet quadratum ME ad rectangulum AEC , quemadmodum quadratum PQ ad id quod ex AQC fit rectangulum. quocirca per iam proximè citatum lemma assumptum signum P in ellipsin cadit, cumque in ceteris eadem sit demonstratio, patet $AMCN$ ellipsin esse.

A PROPOSITIO XXVIII. PROBLEMA.

*Proposita ellipsi eam situs obliquitatem inuenire, qua ut
circulus in planum traducatur.*


QUONIAM ea dumtaxat constitutione obtingere potest, ut ellipsis ex obliquo aspectu circuli instar in plano appareat, qua principalis radius minime diuerfenti ad rectos est angulos: esto ea, ut prius, AC, & circa ipsam circulus describatur AMCN, quem constat proiecturam esse eius ellipsis, cuius minima diameter AC, altera autem cognita quide est, at ignota obliquitas postulatur. Ab extremitatibus igitur M & N perpendiculares ipsi AMCN plano excitentur per 12. vndecimi Euclidis, centroque B, interuallo autem maximæ semidiametri propositæ ellipsis circulus describatur, qui ipsas perpendiculares secabit, quoniam propositæ ellipsis maxima semidiameter maior est ipsâ EM vel EN: secet itaque in punctis B & D, quibus adiungatur BD, hanc dico eam esse obliquitatem, ex qua proposita ellipsis, cuius datæ diametri sunt AC & BD, in planû AMCN circulari formâ procidit: quod sane ex hac ipsa, quam modò diximus, cõstructione & praxi manifestè constat. Nam cum MB & ND perpendiculares sint subiecto plano, erunt M & N signorum B & D propriæ proiecturæ: sunt verò MN & AC inter se æquales. Igitur per præcedentem propos. cetera ellipsis puncta vtcumque in ipsius peripheria assumpta, in figurâ AMCN procidunt. Est autem ex constructione AMCN circulus: igitur proposita ellipsis ex ea situs obliquitate, quæ per ABCD designatur, circulari forma in planû transcribitur, quæ erat inuestiganda.

PROPOSITIO XXIX. THEOREMA.

*Parallela recta linea, nisi in eandem incidant, in parallelas
rectas lineas profunduntur.*

SI quæ proponuntur parallelæ rectæ lineæ in eadẽ superficie perpendiculariter exposita simul existant, perspicuum est eas omnes in eandem lineam transfundi: siquidem eiusmodi superficies tota in rectam lineam commutatur per 8. propos. libri huius: quare & omnes, quæ in ipsa sunt, siue parallelæ eæ sint, siue non parallelæ, in vnam coincidunt rectam lineam.

Si verò in diuersis sint superficiebus, aut certè in eadem non perpendiculariter obiecta: dico eas in parallelas rectas lineas profundi. Sint enim AB & CD parallelæ rectæ lineæ ita expositæ, ut quæ per ipsas incedit superficies, non sit perpendiculariter obiecta: sintque linearum AB & CD proiecturæ EF & GH per radios parallelos AE & BF, item CG & DH in planum IK transfusæ: dico EF & GH parallelas inter se esse. Quoniã enim parallelæ sunt AB & CD ex hypothesi, itemque AE & CG ex constructione, & quæ per ipsas ducuntur superficies AF & CH parallelæ sunt per 15. vndecimi Euclidis: has verò secat planum IK: igitur per 16. vndecimi Euclidis communes huius, & illarum sectiones EF & GH sunt inter se parallelæ, quod erat demonstrandum.



PROPOSITIO XXX. THEOREMA.

F *Parallela superficies perpendiculariter exposita in parallelas
rectas lineas proyiciuntur.*



x iis quæ libro 3. ad propositionem 31. sunt prædefinita, constat illas omnes superficies quæ perpendiculariter obijciuntur, ob dispositionis similitudinem inter se parallelas esse; quare id quoque contestatum erit per 16. vndecimi Euclidis, earum & subiecti plani communes intersectiones rectas lineas esse, easque parallelas: sunt autem hæ ipsarum superficierum propriæ proiecturæ per 8. propositionem huius libri: igitur parallelæ superficies per-

pendiculariter expositæ in parallelas rectas lineas projiciuntur; quod erat demon- A
strandum.

PROPOSITIO XXXI. THEOREMA.

*Si visus secundum communem intersectionem plurimum superficierum
incedat, hæc in rectas lineas producentur, quæ sese in illo puncto se-
cabunt, in quod communis omnium superficierum sectio procidit.*



AM quoniam radius principalis per omnium superficierum communem B
intersectionem incidere supponitur, erit is in singularum superficierum
plano, utpote commune omnium vinculum atque complexus: quo fit ut
omnes illæ superficies perpendiculariter aspectui obijciantur: quare &
per 8. huius libri propositionem, in rectas lineas omnes projiciuntur quæ
commune habent intersectionis punctum illud, in quod ea projicitur linea, quam omnes
superficies communem habent, quod sanè ex eo perspicue patet, quod hæc præ ceteris,
quæ omnibus superficiibus communis est, vel maximè perpendiculariter visui obijcia-
tur, quandoquidem per ipsam visus protenditur. Ut igitur hæc communis est superficie-
bus omnibus, ita eius projectura, quæ punctum est, omnium linearum, in quas superficies
ipsæ transcribuntur, commune congressionis signum sit oportet, quod erat probandum. C

PROPOSITIO XXXII. THEOREMA.

*Similes figurae ex parallelis planis in similes incidunt
projecturarum formas.*



MANIFESTA est huius propositi veritas, ex eo, quod parallelæ illæ super- D
ficies, quibus inscriptæ sunt similes figuræ, eandem habeant oppositionis
situm. Similes, autem figuræ similiter expositæ in similes formas projectæ
incidunt, ut ex parallelorum radiorum natura facile potest demonstrari;
liquidem paralleli radij in parallelas superficies æqualibus angulis pro-
cumbunt: quocirca figurarum partes, quæ sibi mutuo proportionem respondent, eam-
dem habent cum projecturis analogiam: quod in vno situ ostendisse sufficiat, ut ex eo
de ceteris rectè liceat pronuntiare. Sint in parallelis superficiibus oblique expositis de-
scriptæ similes, quidem, at inæquales figuræ, puta circuli, quorum accipiantur diametri si-
militer obiectæ, hoc est inter se parallelæ: has finge seruato situ ad planum vsque depor-
tari dum vna extremitate planum attingant, altera verò sublimes emineant, atque ab
vtroque puncto extremo sublimes ad planum perpendiculares ducantur, quæ duo trian-
gula perficiant, erunt sanè hæc æquiangula, quippe recti sunt anguli, quos in planum in-
cidentes radij efficiunt: itemque æquales illi quos diametri faciunt ad planum similiter
inclinatæ: igitur & reliqui inter se sunt æquales per 32. primi Euclidis: quare per 4. sexti E
Euclidis proportionalia sunt latera, quæ circum æquales sunt angulos: ut ergo se habet
diametrus ad diametrum, ita diametri projectura ad projecturam diametri. Cumque ea-
dem sit in ceteris demonstratio, perspicue patet similes figuras ex parallelis planis trans-
scriptas in similes figuras procidere; quod erat demonstrandum.

ORTHOGRAPHICA

SPHÆRÆ DESCRIPTIO

Visu per Æquinocetia & Horizontis planum incedente. F



ACTIS huius Projectionis fundamentis, superstruere aggredimur,
atque ex simplicibus elementis compositarum rerum orthographicas pro-
ductiones elicere. Inter cetera autem, quorum projectiones peculiarem
usum habent, non infimum locum obtinet cælestis sphaera, cuius circuli ex
vario situ aspectuque in planum transcripti ea omnia præstant, quæ ipsa materiali sphae-
râ ex-

A rā exhibentur: & Verò longè etiam perfectiùs atque expeditiùs, vt suprā in argumen-
 ti explicatione docuimus, cū de Proiecturarum vtilitate ageremus. Igitur quo pacto
 ea omnifariam in plano describi possit, deinceps exponemus: ac primū eo situ, quo pri-
 marius oculi radius per communes intersecciones Æquinoctiorum & Horizontis ince-
 dit, vnde Ptolemaici Analemmatis delineatio originem traxit. Est enim illud aliud nihil,
 quā sphaera imago ex ea ipsa dispositione in planum Meridiani consignata, radiis ab
 oculo equali intercapedine profusis. Hinc etiam Astrolabium illud catholicum manauit,
B industria primū Huonis Held inchoatum, quod postea illustris vir Ioannes Roias per-
 fecit, propriaque commentatione illustrauit. Et quamuis Roias ipse non, vti decuit,
 sui Astrolabij originem explicauit, ex Perspectiua tamen illud sumpsisse principium
 paucis hisce verbis apertè indicauit: Vniuersa igitur ratio nobis hoc loco à
 Perspectiua trahatur. At Gemma Frisius primo capite sui Astrolabij, catholici ori-
 ginem Astrolabij D. Roias enucleatiùs ita describit: Huius autem deforma-
 tio vnde originem sumat difficile est explicare. Mihi verò videtur ab
C intuitu per sphaeram in planum produci, quemadmodum reliquæ iam
 dictæ sphaeræ planæ: sed intellectu potius id concipitur, quā manu
 perficitur. Si quis igitur cogitet sphaeram cum suis circulis meridianis &
 parallelis, qui omnium maximos habent vsus, proponi visui, oculus ve-
 rò in infinitum (si fieri potest) absistat, radiosque per hemisphaerium in
 planum subiectum fundat, ita vt puncta æquinoctialia in recta linea
 oculo opponantur, & quæ sequuntur. Ex quibus manifestè apparet horū Aucto-
 rum sententias cum nostra ad vnguem conuenire. At quia Guidus Vbaldus libro 2. de
D planisphaeriorum vniuersalium theoricā, acrius in vtrumque inuehitur, existimaui ali-
 quam huius causæ partem ad nos quoque pertinere. Sic inquit Guidus: Gemma Fri-
 sius oculum infinito (si fieri potest) interuallo distare determinat: quod
 vtiq; idem est, ac si nullibi collocaret: nam quo pacto fieri potest aliquid
 à Perspectiua ortum ducere, oculum verò infinita distantia absistere?
 Hoc nimirum ipsi Perspectiuae repugnat. Quo igitur pacto Guidus hoc Astro-
 labium describet? Parallelis inquit lineis, quemadmodum & Ptolemai Analemma,
E ex quo illud profluxit. Verū si rectè expendatur ea infinitæ distantiae explica-
 tio, quam initio huius proiectionis præmisimus, haud erit difficile proiectionis ratio-
 nem cum infinita oculi distantia conciliare, cū non absolutè infinita intelligatur, sed
 admodum magna, & quæ iusti interualli fines excedat. Deinde parallelis lineis Guidus
 singulas sphaeræ partes in planum traduci iubet, quod Ptolemaeus fecit in Analemmatis
 descriptione: at nullam præcepti rationem tradit. Nos verò id consequens esse ex ipsius
 proiectionis natura suprā ostendimus propositione prima. Demum ait ex Analemmate
F Astrolabium profluxisse, quod sanè fieri nequit. Cū enim vtriusque idem sit descri-
 ptionis modus, oportet vtrumque ex altiore capite manasse. Est igitur D. Roias catholi-
 cum Astrolabium ex eadem infinita oculi constitutione, & ex iisdem proiecturae legibus
 quibus Ptolemai Analemma descriptum, à quo etiam nihil discrepat, nisi quemadmo-
 dum cetera Astrolabia, à sphaeræ proiectura versatilibus regulis, indiculis, brachiolis,
 cursoribus, retibus, ceterisque adminiculis, quorum in Astrolabiis proprius est vsus.
 Ne autem in proposita sphaeræ descriptione doctrinæ ordo turbetur, cæptam propositio-
 num seriem prosequemur.

PROPOSITIO XXXIII. PROBLEMA.

Meridianum in plano decircinare.

QVONIAM in præfenti constitutione sphaera ad oculum ita est comparata, vt radius principalis per vtrumque æquinoctij signum transeat, perspicuè patet eam lineam, quæ æquinoctia iungit, perpendiculariter obtutui exhiberi, cum primario radio congruat: quare vtrumque æquinoctium in vnum idem punctum proiectum incidit. Si igitur circa hoc punctum, quod simulamborum æquinoctiorum vicem gerit, circulus describatur interuallo quocumque: dico hunc circulum Meridiani circuli esse productionem: nam in hac sphaera descriptione supponimus visum non modò per æquinoctia, verùm etiam per Horizontis planum incedere, sic vt principalis radius per communes interfectiones Æquatoris & Horizontis protendatur. Est verò Meridianus circulus, & ad Horizontis, & ad Æquatoris planum rectus: igitur per 19. vndecimi Euclidis communis vtriusque circuli sectio, per quam visus incedit, ad rectos est eidem Meridiano angulos: quocircà necesse est Meridianum ipsum directè aspectui obuersari, ac proinde in circulum procidere per 15. huius libri propositionem. Est autem eius proiecturæ centrum punctum illud, in quod projicitur recta illa linea, quæ cõmunes interfectiones Æquatoris & Horizontis coniungit: itaque descripto circa hoc punctum circulo, erit is Meridiani proiectura; quod erat demonstrandum.


Porro cum Meridianus de numero sit maximorù in sphaera circularum, sitq; directè expositus, palàm est eius proiecturam omnes sphaera partes suo ambitu complecti. Qui namq; ad sphaeram pertinent tangentes radij, hi & totam sphaeram coërcent, & Meridiani locum signant: quapropter ceterorum circularum productiones, quas deinceps subiungemus, resumpto semper eodem Meridiano, vice plani describemus, vt mutuus omniù consensus cum inter sese, tum respectu Meridiani, totaq; sphaera clariùs elucescat.

PROPOSITIO XXXIV. PROBLEMA.

Horizontem in plano delineare.

ESTO circa centrum A interuallo quocumque circumductus circulus BDCE, qui per superiorè propositionè Meridianum circulum ac ipsum etiam planum repræsenteret, in quod ceteri sphaeræ circuli designandi sunt, perque centrum A diametrus agatur BC: hanc dico propriam esse Horizontis designationem. Cum enim ex hypothesi, primaque huius descriptionis constitutione visus productus in eodem sit cum


Horizonte plano, constat Horizontem ipsum perpendiculariter obiectum esse, ac proinde per 10. propositionem huius libri in rectam lineam profundi, diametro circuli vnde



A unde proficiscitur, æqualem. Oportet autem Horizontis projectionem etiam per sphaeræ centrum duci: nam quia Horizon circulus maximus est, oportet eius ac totius sphaeræ idem centrum esse per 6. primi Theodosij: igitur per sphaeræ centrum ducere oportet Horizontis projectionem. Quoniam ergo hæc omnia in lineam BC conueniunt, erit per 11. huius libri propositionem AB propria Horizontis projectura, quam in Meridiani plano inuenire oportuit.


PROPOSITIO XXXV. PROBLEMA.

Poli altitudinem in plano inuestigare.

B  **M**ERIDIANO $BDCE$, & Horizonte BC iam constituto, si Meridianus in partes 360. æquales, quas gradus vocant, distribuatur, initio facto à B communi vtriusque circuli interfectione, & inde versus D numerentur partes quinquaginta, aut si placet vnus supra quinquaginta, quot scilicet hoc nostro climate alter polus supra Horizontem attollitur, erit D locus poli sublimis, eiusque altitudo BD : cui si æqualis ponatur sub Horizontem depressio CE , erit E alter polus, iunctaque DE , mundanum axem repræsentabit. Quæ omnia ex dictis facilem habent demonstrationem. Cùm enim Meridianus circulus ex directo aspectu sit descriptus, patet per 19. libri huius propositionem partes eius partibus primitiui Meridiani æquales esse: quare si is, qui in planum transcriptus est, in 360. gradus æquales diuidatur, hi gradibus veri Meridiani aspectu respondebunt: itaque D locus est poli sublimis, eiusque altitudo BD postulata, ac eodem modo E alter polus, qui sub Horizontem totidem gradibus decumbit, ex quo consequens est, vt DE sit axis totius mundi, circa quem sphaera diurno motu circumacta naturalem peragit diem; quod ostendisse oportuit.

PROPOSITIO XXXVI. PROBLEMA.


Vtrumque Colurum in planum conijcere.

D  **A**LTER Colurus per Æquinoctia, alter per Solstitia transit, ex quo patet hunc directè, illum perpendiculariter spectari; ac proinde illum, qui ab æquinoctiis nomen habet, in rectam projici lineam; hunc verò, qui à solstitiis nuncupatur, in circulum produci: quod apertius demonstrabitur in hunc modum: Cùm æquinoctiorum Colurus per vtrumque æquinoctium incedat, necesse est primarium radium in ipsius Coluri plano existere: nam & hic per centrum visus, & per vtrumque æquinoctium porrigitur: ergo ex perpendicularis situs definitione constat, æquinoctiorum Colurum perpendiculari situ spectari, atque idcirco per 10. huius libri propositionem in rectam lineam produci, quæ vtrumque simul polum mundi attingat, cuiusmodi est in superiore projectione DE .

E Rursus quoniam solstitia ab æquinoctiorum signis quarta cæli parte absistunt, consequens est, vt quæ ab vtriusque æquinoctiali signo ad solstitialis Coluri ambitum destinantur rectæ lineæ, sint inter se æquales, vtpote æqualibus peripheriis subtensæ: igitur per 5. definitionem primi Sphaericorum Theodosij, æquinoctialia puncta sunt poli solstitialis Coluri: quare per 10. primi Sphaericorum Theodosij recta linea, quæ per vtrumque æquinoctium traiecitur, ad planum Coluri solstitiorum recta est, transitq; per ipsius Coluri centrum; atq; ea propter per directi situs definitionem solstitiorum Colurus directè aspectui opponitur; & per 15. huius libri propositionem in circulum projicitur, ipsi primitiuo æqualem per 16. huius, qualis in præcedente schemate est $BCDE$ circulus, idem scilicet qui & Meridianus.

PROPOSITIO XXXVII. PROBLEMA.

Æquatorem, Tropicos, & Polares designare.

G  **G**VM Æquator sit circulus sphaeræ maximus, erit eius ac totius sphaeræ idem centrum per 6. primi Sphaericorum Theodosij. Transit autè Æquator per vtrumque æquinoctium: igitur ipsius planum, si producat, in oculum incurrer, quòd scilicet radius primarius per vtrumque æquinoctium traducatur: igitur iam ex his constat Æquatorem perpendiculariter obuersari, ideoque in rectam lineam produci per 10. huius libri propositionem, cuius longitudo

diametro sphaerae sit aequalis. Est vero idem Aequator circa mundi cardines, ceu proprios A polos, aequabili intervallo circumactus: itaque mundi axis eiusdem Aequatoris plano ad centrum rectus est, per 10. primi Sphaericorum Theodosij: quocirca si ex mundi centro A ipsi DE axi perpendicularis ducatur FG, quae utrimque ad sphaerae peripheriam pertineat, erit FG ipsius Aequatoris projectura, eiusque & Horizontis communes interfectiones vnico puncto A simul representatae.


Rursus quia Tropici ac Polares circuli Aequatori sunt paralleli, constat per 30. propos. huius libri, eos in rectas quoque lineas prociderere, tum Aequatori, tum inter se parallelas: quare in solstitiali Coluro BDC E à puncto Aequatoris F gradus viginti tres & dimidius hinc & inde abscindantur, quot scilicet Tropici ab Aequatore distant, signenturque ibidem loca H & K, ac totidem gradus ex vtraque parte puncti G sumantur I & L: ductis itaque HI & KL, dico his rectis lineis Tropicos circulos representari, siquidem illae tales omnino sunt, quales ostendimus debere esse Tropidorum projecturas. Simili autem modo polares constituentur, si facto initio à polis mundi D & E ex vtraque parte arcus sumantur continentes gradus viginti tres & dimidium, ut DM & DN, itemque EO & EP; tantum enim distant Polares circuli à mundi polis, quantum Tropici ab Aequatore; iunganturque MN & OP rectis lineis, quas dico proprias esse polarium circulorum projecturas, ut ex ipsorum natura & propositione 30. huius libri facile colligi potest.

PROPOSITIO XXXVIII. PROBLEMA.

Eclipticam proprio loco annotare.



ECLIPPTICAE descriptio, si quidem signa Arietis & Librae in radium visus primarium incidant, nil differt ab Aequatoris & Horizontis projectione: cum enim illa aequè ac duo iam dicti circuli per vtrumque Aequinoctium transeat, per quae & visus procidit, perspicuum est eam perpendiculariter obtutui exhiberi, ac proinde per 10. propos. huius libri in rectam lineam produci, cuiusmodi est HL, quam in primis necesse est sphaerae diametro aequalem esse, quodd ecliptica sit è numero maximorum in sphaera circularum: deinde & per sphaerae centrum ipsam transmitti oportet duplici de causa, tum scilicet, quodd vtrumque aequinoctium per quae incedit, in centrum profundatur; tum quodd eius projectura aequalis ostensa iam sit sphaerae diametro, qui suapte natura per centrum transit. Si igitur linearis projecturae per centrum actae extrema ad vtrumque Tropicum porrigantur, ad signa H & L, quibus solstitionum Colurum ecliptica interfecat, erit HL ecliptica in planum Meridiani representando transcripta; quod erat faciendum.



Si vero alio quopiam situ ecliptica aspectui obijciatur, in ellipsin procidit. Veluti si Arietis initium per Aequatorem diurno motu gradibus 40. processerit, sumantur in projectura

A iectura $\text{Æquatoris } FG$ ab A ad R gradus quadraginta per duodecimam propositionem libri huius; cumque iam consequens sit, ut & signum Cancr , quod prius $\text{sphære fastigium } H$ obtinebat, nunc totidem gradibus per proprium $\text{Tropicum } HI$ promouerit, sumantur per eandem 12. propositionem libri huius in proiectura HI gradus quadraginta ab H ad T , ductaque TA producat in V , & fiat AS ipsi AR æqualis. Constat igitur hoc situ $\text{Eclipticam oblique spectari}$, atque ea propter per vigesimam primam propositionem libri huius in ellipsin profundi, cuius ambitus per puncta $R, T, S, \& V$ transeat, sic tamen, ut $\text{Tropicos nequaquam secet}$, sed in punctis $T \& V$ solummodo contingat, siquidem primitiua $\text{Ecliptica Tropicos tantum contingit}$.

B Quare ut eius maxima diametris reperiatur, (quæ utique $\text{sphære diametro æqualis est}$, quod $\text{ecliptica è numero sit maximorum circularum}$) producta IH versus H infinite, fiat per II .

C lemma huius libri ut IT ad TH , sic IN ad NH : ab N verò recta per centrum agatur NP , quæ circulum $\text{Meridianum } BDCE$ secet in $O \& P$: dico igitur OP maximam esse diametrum postulatam,

D circa quam descripta ellipsis per puncta $T \& V$, in iisdem punctis $T \& V$ Tropicos $HI \& KL$ contingat, quod ex lemmate vigesimo tertio huius quarti adiuuante propositione trigesima quarta primi $\text{Conicorum Apollonij Pergæi}$ nullo negotio potest demonstrari. Nam si à T ad rectos ipsi OP angulos ducatur TM , erit per conuersionem lemmatis 23. libri quarti, ut PM ad MO , sic PN ad NO : quare per 34. primi $\text{Conicorum Apollonij}$ NT ellipsin contingit, cuius maxima diametris OP : igitur si per 23. lemma huius libri data OP , datisque punctis $T \& V$ ellipsis describatur, ea erit $\text{Eclipticæ proiectura}$ secundum propositam dispositionem.

E

CONSECTARIVM.

Hinc solis ascensiones descensionesq; cognoscere.

Ex his non erit difficile ascensiones ac descensiones colligere. Vbi namque $\text{Horizon Æquatorem simul \& Eclipticam intersecat}$, ibi eas portiones abscindit, quæ simul ascendunt aut descendunt. Quod quamuis ita vniuersè pronuntiatum sit perspicuè sit ijs, qui ascensionum descensionumq; notionem possidèt, exemplo tamen fiet manifestius.

F Quoniam $\text{Horizon } BC$ $\text{Æquatorem secat in } A$, $\text{Eclipticam verò in } Z$, est autem communis $\text{Æquatoris \& Eclipticæ intersectio } R$, hoc est principium Arietis , perspicuè patet portionem $\text{Æquatoris } AR$, & $\text{Eclipticæ portionem } RZ$ simul ascendere: est autem AR graduum 40. ex hypothesi, at quot graduum sit portio $\text{Eclipticæ } RZ$ per 24. propositionem libri huius facillè determinabitur, si inquam per $R \& Z$ ipsi OP perpendiculares ducantur $RX \& ZY$: hæ namque ad peripheriam circuli circum OP descripti productæ portionem intercipiunt XY , quam ellipsios portionem RZ orthographicè repræsentat. Secta igitur peripheria XY in gradus, totidem repræsentando continebit portio ellipsis RZ , quod erat inuestigandum.


PROPOSITIO XXXIX. PROBLEMA.

Eclipticam in duodecim signa & gradus partiri.



PROPOSITIONE 36: assumpti sunt arcus FH & DN æquales, nempe graduum vigintitrium & dimidij: addito igitur arcu communi HD , erunt FD & HN æquales: at FD est circuli quadrans: itaque & HN circuli est quadrans: quocirca N alter est eclipticæ polus, alter verò O eandem ob causam: quadrantes ergo HN , NL , LO & OH singuli tripartitò diuidantur; à locis autem sectionum, quæ pari interuallo distant à polis, ad easdem partes rectæ lineæ extendantur occultis notis signatæ, quales hîc sunt NO , & quæ ipsi parallelæ solis punctulis notantur. Hæ igitur vbi eclipticæ proiecturam HL interfecant, ibi faciunt postulas signorum diuisiones per 12. propositionem huius libri; sic vt præter H & L , quæ Cancrum & Capricornû repræsentant, singula puncta sint duorum signorû loca, videlicet A Libræ & Arietis, R Tauri & Virginis, Q Geminorû & Leonis, S Scorpij & Piscium, T Sagittarij & Aquarij.

Quod si plures diuisiones postulentur, veluti si in gradus distribuenda sit eclipticæ proiectura HL , primùm di-



uidenda erunt singula iam accepta circuli segmenta trifariàm, è quibus vnaquæque pars denos continebit gradus: tum singulæ hæ partes iterùm bifariàm, ac tandem hæ in quinque: sic enim in gradus sectam habebis totam circuli $HNLO$ perimetrum. si igitur à locis sectionum quæ pari interuallo ab H aut L distant, rectæ extendantur lineæ quæ ipsam HL secant, erunt hæc loca singulorum graduum proiecturæ, vt ex propositione 12. huius libri constat.

Est & alius modus distribuendi eclipticæ proiecturam in signa & gradus: si nimirum Tropicorum extremitates iungantur rectis lineis HK & IL , positoque circini pede immobili in ipsarum medio Y & Z , vbi ab Æquatore bifariàm dissecantur; interuallo autem YH & ZL semicirculi describantur HVK & IXL , iique in sex partes æquales diuidantur, locaque sectionum, quæ æqualiter ab V & X ad easdem partes distant, iungantur rectis lineis ipsi VX parallelis: hæ namque vbi ipsam HL eclipticæ proiecturam interfecant, ibi dabunt eadem signorum loca, quæ suprâ.

Nam quod à lineis ipsi VX parallelis proiectura eclipticæ HL in eandem rationem secetur, in quam antè secta fuit ab illis, quas ipsi NO parallelas occultis notulis protraximus, hunc in modum potest demonstrari. Ne verò ob linearum & sectionum multitudinem obscurior euadat noster discursus, ex vtrisque lineis duas duntaxat assumemus, nempe $a\gamma$ & $\delta\epsilon$, hanc quidem ipsi VX , illam verò ipsi NO parallelam, quibus dico lineam HL in eodem puncto R secari. Cùm enim semicirculi HAL & $H\delta K$, in sex partes æquales sint distributi; arcus autem $H\delta$ duas ex his complectatur, arcus verò Ha ex illis item duas, erunt arcus Ha & $H\delta$ proportionales, hoc est quemadmodum Ha ad semi-

A semicirculum HL , ita se habebit $H\delta$ arcus ad $H\delta\kappa$ semicirculum: si igitur ex δ ad diametrum HK perpendicularis agatur $\delta\lambda$ seu $\delta\epsilon$ ipsi vx parallela, quæ diametrum HK secet in λ ; itemque ex α ducatur $\alpha\gamma$ parallela ipsi NO , quæ ipsam HL normaliter secet in R , erit HL in R eadem proportione diuisa per lineam $\alpha\gamma$, quemadmodum HK in λ per lineam $\delta\epsilon$, suffragantè sexto lemmate huius libri. At quoniam in triangulo HKL est λR parallela ipsi κL ex constructione, erit per 2. sexti Euclidis vt $H\lambda$ ad $\lambda\kappa$, ita $H R$ ad RL : sed HK secta est in λ lineâ $\delta\lambda$ vt HL est secta in R lineâ αR : igitur & HL in eadem proportionem secatur siue à lineâ $\delta\epsilon$ siue à lineâ $\alpha\gamma$: itaque idem est punctum R in quo ab utraque $\delta\epsilon$ & $\alpha\gamma$ ipsa HL secatur. Cumque eadem sit demonstratio in punctis Q, s & T , patet eclipticæ proiectionem HL lineis ipsi vx parallelis in duodecim signa postulata repræsentatione distributam esse; imò & in gradus, si semicirculi $Hv\kappa$ & IxL in gradus diuidantur, ad binos autem pari interuallo ab v & x ad easdem partes diffitos rectæ adiungantur ipsi vx parallelæ: hæ enim secabunt HL in partes eiusdem rationis, vt prius eadem HL secta fuit ab illis, quas ipsi NO parallelas occultè duximus. Quæ omnia sic demonstrasse oportuit. Est porrò hic posterior modus non æquè commodus ac prior, præsertim cum admodum obliquo aspectu circulus offertur; necessaria tamen erat eius cognitio, quòd subinde ipsius necessarius sit vsus.

PROPOSITIO XL. PROBLEMA.

C *Parallelos diurnos proprijs sedibus orthographicè collocare.*

SECTA in gradus eclipticæ proiectione HL , haud erit difficile parallelos circulos, quos diurnos vocant, inter Tropicos aptè collocare. Primum enim in rectas lineas ipsos produci sic probabitur: Diurni circuli iuxta ac Æquator ob dispositionis similitudinem vno omnes modo aspectui opponuntur; quare & eundem habent proiectionis modum, vt propositione 30. huius libri est demonstratum: at Æquator perpendiculariter obijcitur, propterea quòd radius principalis in ipsius sit plano: igitur & diurni circuli in rectas lineas profunduntur.

D Deinde constat ipsos per æquales portiones seu gradus eclipticæ incedere: sunt enim à sole relicta vestigia, cum is spatio 24. horarum quotidie semel circa mundanum axem voluitur: at sol numquam ab ecliptica discedit; in ea autem vno ferme gradu diebus singulis aduersa latione ab Occidente in Orientem promouet: itaque circuli illi diurni per æquales eclipticæ portiones transeunt. Hinc verò aperte concluditur peractum fore propositum si eclipticæ proiectione HL in gradus diuidatur, qui inæquales quidem inter se erunt, at æquales gradus veræ primogeniæque eclipticæ orthographicè repræsentabunt, vt propositione 12. huius libri docuimus; per singulos autem hosce inæquales eclipticæ gradus rectæ lineæ protendantur Æquatori parallelæ, cuiusmodi in superiori schemate illæ sunt, quæ per signorum initia $Q, R, s,$ & T actæ ab Æquatore parallelis interuallis distant.

Hic animaduertere licet diurnorum circulorum lineares proiectiones inæqualibus interuallis ab inuicem distare; & quidem prope Æquatorem laxiora esse spatia, quam iuxta solstitia, cuius rei ea est causa, quòd eclipticæ HL gradus minores sint circa extremitates, quam circa medium, vt propositione 12. huius libri est demonstratum.

CONSECTARIVM.

Latitudinem solis ortiuam occidentamq; expiscari.

FESTO idem qui supra Horizon BC Æquatorem secans in A , eademque ecliptica HL , in qua sol primum gradum Tauri occupet; sitque eius inquirenda latitudo ortiua. Inueniatur primum in ecliptica HL per 39. huius primus gradus Tauri R : deinde per R diurnus parallelus projiciatur $\delta\epsilon$, vt propositione 40. explicatum est, vbi verò is Horizontem intersecat, puta in ρ , ibi determinatur $A\rho$ latitudo ortiua, eademque & occidua; nam hæ æquales inter se sunt: itaque si ab A & ρ ipsi BC perpendiculares ducantur AT & $\rho\sigma$, erit per 14. huius $t\sigma$ autographa circuli portio, quam $A\rho$ orthographicè repræsentat: quare diuisa $t\sigma$ in gradus, vera latitudo ortiua occidentaque sole in Tauro existente habebitur, quæ erat inuenienda.


Haecenus vniversos sphaerae mobilis circulos descripsimus, ex immobili autem sphaera duos dumtaxat, videlicet Meridianum, in cuius planum tota haec designatio profunditur, & Horizontem, cuius intuitu recta aut obliqua sphaera nuncupatur. Quos sane praemississe oportuit, erant enim ad aliorum circularum descriptiones perficiendas omnino necessarij. Quare deinceps reliquos sphaerae immobilis circulos subiungemus, & quo pacto singuli orthographicè in planum proiici debeant, ostendemus.

PROPOSITIO. XLI. PROBLEMA.

Circulos altitudinum ducere.

Hoc in primis constat ex 32. propositione huius libri similem esse horum circularum & Horizontis projectionem. Sunt enim hi circuli Horizonti paralleli, per ipsorum definitionem superius explicatam praenotatione 16. at Horizon in rectam procidit lineam per propositionem 34. huius libri: igitur & circuli altitudinum in rectas lineas profunduntur. Deinde parallelas esse horum circularum projectiones, cum inter sese, tum transcripto in planum Horizonti, ex 30. propositione libri huius manifestè conuincitur: nam eundem omnes respectum situmque habent ad oculum infinito recessu abductum, nempe perpendiculararem; quam etiam ob causam ipsi, velut & Horizon, in rectas lineas proiiciuntur: igitur parallelæ sunt ipsorum projectiones, & inter sese, & ipsi in planum consignato Horizonti.

His praemonstratis reponantur ex schemate propositionis 34. Meridianus BDC ex centro A ad vnguem decircinatus, itemque Horizon BC in rectam lineam productus, cuius vertex seu polus D : feceturque Meridianus BDC ut lubet, exempli gratia in denos gradus, perque sectionum puncta rectæ agantur ipsi BC parallelæ, qualis hinc proxima est EF , quæ ceteræ ordine consequuntur, factumque erit id quod fuerat postulatum. Etenim hæc omnes parallelæ rectæ lineæ circulos representabunt perpendiculariter aspectatos per 10. propositionem




libri huius, eosque parallelas Horizonti per 30. huius: eiusmodi autem sunt circuli altitudinum, quos superius exposuimus praenotatione 16. igitur sic se habet, ut dictum est, horum circularum in planum descriptio, quæ postulabatur.

Similes omnino circularum projectiones sub Horizonte BC institui possunt: illorum inquam quos depressionum circulos appellare possumus, quemadmodum altitudinum circuli illi vocantur, qui supra Horizontem assurgunt: talis in primis ille est qui noctem à crepusculo seu dubia luce determinat, litteris notatus GH : deinde ceteri nullo certo numero comprehensi, quibus astrorum depressiones, hoc est distantia ab Horizonte subtus aestimari possunt.

PROPOSITIO XLII. PROBLEMA.

Crepusculi terminum ponere.

RESUMATVR ex superiore proiectura Meridianus BDC, itemq; Horizon BC: quia verò circulus ille, qui à crepera luce nomen habet, ab altitudinum circulis haud abfimilis est, vtpote vnà cum ceteris Horizonti parallelus, atque ex iisdem Polis decircinatus, linearem quoque habet, vti illi, projectionem, eamque Horizonti in planum transfuso parallelam per 30. propositionem libri huius: itaque si in Meridiani circuli plano BDC à punctis Horizontis B & C ad G & H decem & octo gradus supputentur (quantum scilicet initio crepusculi matutini & vespertini exitu sol ab Horizonte abesse intelligitur) ijsque recta adiungatur linea GH, ea erit crepuscularis circuli proiectura, vt ex præcedentis propositionis demonstratione perspicuè constat.



CONSECTARIVM I.

Crepusculi magnitudinem in recta sphaera constitutione omni tempore metiri.

ESTO primùm in sphaera recta magnitudo crepusculi perquirenda eo anni tempore, quo sol Arietis signum ingreditur. Constituta iam crepusculari linea GH, addatur DK ipsi BC rectis insitens angulis, quæ rectum Æquatorem repræsentet. Quoniam igitur crepusculi magnitudo, dum sol Arietis signum ingreditur, continetur lineari proiectura AO, si illa ad primitium circulum reuocetur per 14. propositionem libri huius, inuenietur peripheria BG, quæ parallelis AB & OG comprehenditur, primæua esse Æquatoris portio, quam linea AO repræsentat: quare BG erit crepusculi magnitudo postulata, sole Æquatorem subeunte.

Si verò crepusculi quantitatem BG tempore æstimare velis, totum prius circulum BDC in tempus conuertes, hoc est in partes 24. æquales distribues: quot enim ex his portio BG complectetur, tot inquam horis crepusculum perdurabit: vt enim se habet peripheria BG ad totum circuli BDC ambitum, ita se habet tempus, quo sol spatium BG percurrit, ad tempus quo totam conficit orbitam:

Si quantitatem crepusculi vestigare oporteat sole ad æstium solstitium delato, de-


scribatur in eadem sphaerae projectione parallelus Cancrī, qui secundum leges Orthographicas, & per 37. & 40. propositionem huius libri in rectam incidet lineam LM, cuius portio NP crepusculi magnitudinem repraesentabit. Si itaque circum LM velut diametrum circulus describatur LQM, ab N verò & P ipsi LM perpendiculares ducantur NQ & PR, erit circularis peripheria QR, quae inter perpendiculares NQ & PR interceptitur, primitiua linearis proiecturae NP per 14. huius; ideoque & vera crepusculi magnitudo: quae proinde si in tempus redigatur, vt prius, diuiso semicirculo LQM in partes 12. aequales, quot ex his continebit QR, tot horis constabit crepusculi magnitudo, dum sol Cancrī initium tenet.

Ex his facile apparet in recta sphaerae dispositione crepuscula omni anni tempore nequāquam aequalia esse: sed minimum quidem esse cum sol Aequatorem percurrit; hinc inde verò perpetuo incremento augeri, sic vt in Tropicis maximum sit, atque in parallelis aequè ab Aequatore disunctis aequale. Cum enim Horizon BC per omnium parallelorum centra transeat, sitque Aequator omnium parallelorum maximus, sequitur cuiuscumque alterius paralleli, puta LM, crepusculum ipsius Aequatoris crepusculo maius esse: nam per 7. lemma huius libri constat QR ad circumulum LQM maiorem rationem habere quàm BG habeat ad DBK circumulum Aequatoris: quare si vterque circulus in partes similes ac numero aequales diuidatur, ex his plures QR quàm BG complectetur: itaque sol qui aequali tempore vtrumque circumulum percurrit, plus temporis in QR insumet, quàm in BG: quamobrem longius est crepusculum paralleli LM quàm DK. Cumque eodem prorsus modo ostendi possint crepuscula ceterorum parallelorum maiora esse crepusculo Aequatoris, hoc minimum esse conuincitur, maximum verò Tropicorum; ceterorum autem aequè ab Aequatore distantium aequalia.

CONSECTARIVM II.

Magnitudinem crepusculi in sphaera obliqua determinare.

Nō alia est crepusculorum determinatio in sphaera obliqua quàm in recta, vt ex decursu facile apparebit: quamobrè esto vt prius Meridianus BDCK ex centro A descriptus, itemque Horizon BC, & crepusculi circulus GH in rectam lineam profusus per superiores projectionum leges. Rursus sit Aequator DK secundum datam Poli altitudinem BF, in rectam lineam proiectus vt prop. 37. cuius portio AO magnitudinem crepusculi repraesentat eo anni tempore cum sol Arietem aut Libram ingreditur; quae proinde si ad primitiuam Aequatoris peripheriam reducatur, ducta nimirum OI ad rectos ipsi AF angulos per 14. propositionem huius libri, inuenietur FI vera crepusculi magnitudo sole in Aequatore existente.



- A** Eodem modo crepusculi magnitudo inuenietur sole Tropicum Capricorni tenente. Si descripto circa $s\tau$ (quæ eundem Tropicum repræsentat) circulo cuius centrum v , à p & e communibus scilicet interfectionibus ipsius $s\tau$ & Horizontis, circuli que crepuscularis, perpendiculares ducantur pr & eq : nam circuli portio rq per superius citatam 14. propositionem huius libri est primitiua peripheria, quam portio pe linearis proiecturæ $s\tau$ repræsentat, ac proinde ipsa rq est vera magnitudo crepusculi, dum sol in Tropico Capricorni versatur. Quia verò parallelæ pr & eq æquali intervallo ab inuicem distant, atque af & oi , quia item minor est Capricorni Tropicus ipso Æquatore, perspicuum est per 7. lemma huius libri peripheriam rq ad Tropicum maiorem rationem habere, quàm fi habeat ad Æquatorem, ac proinde Tropici quàm Æquatoris crepusculum maius esse.

Rursus si crepusculi magnitudo requiratur, cum sol Cancri Tropicum perambulat, inuenietur matutinum ac vespertinum nulla interiectione perfectæ noctis disiungi, sed in continuum produci, quod nimirum proiecturæ lm , quæ Tropicum Cancri repræsentat, portio xm depressa sub Horizontem, tota supra crepuscularem lineam ch emineat. Quare si quis eius crepusculi magnitudinem desideret, descripto circa lm circulo, ducat per x ipsi lm perpendicularem zy , eritque arcus zmy magnitudo crepusculi postulata per 14. libri huius propositionem.

- Porro ceteras crepusculorum comparationes, vide Lector apud Clauium, aliosque. **Auctores**, qui de hac materia acutè iuxta ac doctè scripserunt: nobis enim qui de projectionibus tantummodò dicere instituimus, sat esse debet circulum crepusculi ex Orthographiæ legibus in planum transcripsisse, atque exemplis aliquot ipsius usum ostendisse, ut ex eorum similitudine cetera colligere addiscas: quod ut præstares facilius, quatuor lemmata præmisimus, nempe septimum, octauum, nonum & decimum, ad rationes crepusculorum intelligendas prorsus necessaria; placuit verò hoc insuper problema reliquis quæ de crepusculis dicta sunt, adiungere.

CONSECTARIVM III.

- D** *Qua hora crepuscula incipiant & desinât, ex proiectura indagare.*

CIRCA linearem proiecturam paralleli, cuius crepusculum ad horam determinati postulatur, describendus est circulus, isque in 24. horas distribuendus: deinde per communem interfectionem eius proiecturæ & crepuscularis lineæ agenda est perpendicularis, quæ ex vtraque parte producta circulum duobus in locis secet, factumque erit quod fuerat postulatum: nam ad quam horam perpendicularis linea circulum vtriusque secat, eâ crepusculum incipit ac desinit.

- Exempli gratia, si in sphaera obliqua superioris cõsectarij postuletur, qua hora crepusculum incipiat desinatque sole in Capricorno existente: circa linearem proiecturam $s\tau$, quæ parallelum Capricorni repræsentat, ex centro v circulus describatur, isque in 24. horas diuidatur: deinde ex e communi scilicet interfectione ipsius $s\tau$ & lineæ crepuscularis gh , recta ducatur eq , ipsi $s\tau$ perpendicularis, quæ in alteram partem protensa cum circulo conueniat in f : hæc linea



nea QF , cùm paulò supra horam sextam circulum secet, palàm est crepusculum eò anni **A** tempore, quo sol in Capricorni initio existit, paulò post sextam inchoari, & paulò ante sextam desinere, quæ omnia ex dictis apertam habent demonstrationem: siquidem per 14. propositionem libri huius constat Q & F , signa primitiua esse puncti E : si ergo circulus in tempus conuertatur, perspicuum est illa hora crepusculi initium ac finem esse in quam signa Q & F incidunt.

Ex quo patet in sphaera recta toto anni tempore crepuscula ante sextam horam incipere, ac post sextam deficere: in obliqua verò magnam esse disparitatem, cùm subinde quædam post sextam incipiant & ante sextam desinant, & numquam Borealia Australibus respondeant, quæ omnia Lector, si ad exactum calculum reuocare volueris, meridia **B** nana luce clariùs, & tamquam ad oculum, factis proiecturis perspicies.


PROPOSITIO XLIII. PROBLEMA.

Verticales circulos adscribere.



Px prænotatione 16. initio huius libri præmissa constat verticales circulos de numero illorum esse, quos vocant maximos, omnesque in vertice congressionem facere: inde verò tamquam à communi principio distractos per æquales partes Horizontis viam capeffere. Quocircà resumpto Meridiano BCD formâ circulari ex A descripto, nec non Horizonte BC in re-

ctam lineam proiecto, ex puncto A , quod centrū mundi repræsentat, recta ducatur AD ipsi BC perpendicularis, quæ per 8. primi Sphaericorum Theodosij in polum Horizontis, qui nobis est vertex, incidet, & verticalem primarium orthographicè exhibebit. Cùm namque per cōmunem intersectionem Horizontis & Æquatoris incedat, in quam & visus procidit, erit is perpendiculariter visui obiectus: quamobrem in rectam lineā AD projicietur per 10. pro-



positionem libri huius: alter verò qui hunc ad normam secat, in circulum projicietur BCD , per 15. huius: reliqui autem propter situs obliquitatem in ellipses cadent, quarum gratia Horizontis proiectura BC in partes æquales repræsentando secetur, puta in denos gradus per 12. huius, perque bina sectionum puncta æquali intervallo ab A disiuncta, & verticem D , ellipses describantur per 22. lemma, eruntque hæ ellipses verticalium circulorum proiecturæ ex obliquo aspectu in planum Meridiani transcriptæ. nam per 21. huius libri propositionem, circulus obliquatus in ellipsin plano exceptus commutatur: itaq; si sumantur, gratia exempli, puncta I & K , triginta gradibus ab A disiuncta, perque ea & D ellipsis describatur, erit hæc vice tricesimi circuli verticalis ab A sumpto initio. Eodemque modo ratiocinandum in ceteris: omnium enim maxima diametruseadem est, quæ & sphaeræ; minima autem ea lineæ BC portio, quæ inter duo puncta æquali intervallo ab A distita intercipitur. Quæ omnia ex dictis satis superque demonstrata relinquuntur.

CONSECTARIVM.

Proposita stella locum proprium in plana sphaera assignare.

Vt proprius locus cuiusdam stellæ designari possit, duo exiguntur, nimirum altitudo eius supra Horizontem, & distantia à Meridiano, aut à verticali primario: quæ ut inueniantur, esto tabula ad Horizontem librata, inque ipsius plano signata recta quædam linea, sic disposita beneficio acus Herculeæ, ut altero extremo Austrum, altero Boream spectet: à quopiam autem puncto huius lineæ, quam Meridianam vocant, cœu centro circulus describatur, qui & in gradus diuidatur: huic porrò tabulæ alia insinat perpendiculari fide erecta, & per subiecti circuli centrum incedens, à quo æqualibus angulis excitetur recta linea, quæ per 38. vndecimi Euclidis in ipso erit perpendiculari plano; idque proinde sic aptetur, ut circum rectam illam lineam, velut quiescentem axem volui ac circumduci possit: sit verò etiam huic erectæ tabulæ inscriptus circulus ex centro in perpendiculari linea assumpto, qui & in gradus distribuatur, habeatque adiunctam versatilem regulam, cuius extremis dioptræ sint commissæ, ut per eas vel solis radius excipi possit, vel aspectus ad propositum sidus destinari.

Nunc si altitudo stellæ, eiusque distantia à Meridiano postuletur, dirigatur erecta tabula stellam versus, sic ut radius seu stellæ seu visus per vtrumque simul diuiscum traiciatur: tunc enim regula in circuli illius ambitu, qui verticali seu perpendiculari plano inscriptus est, gradum altitudinis designabit, ipsa verò tabula in subiecto circulo declinationem à Meridiano monstrabit: sitque, gratia exempli, reperta altitudo graduum triginta, declinatio verò à Meridiano graduum sexaginta.


His ita præceptis, resumantur Meridiani **B D C**, itemque Horizontis **B C**, & verticalis primarij **A D** proiecturæ ut supra; à **B** autem ad **L** gradus triginta supputentur, restaque linea ducatur **L N** Horizonti **B C** parallela, quæ per iam demonstrata, circulum altitudinis gradibus triginta supra Horizontem extantem representabit. Deinde accepto in lineari Horizontis proiectura **B C** per **12.** huius libri propositionem puncto **1** gradibus **60.** à Meridiano disuncto, per id simul & **D** portio ellipsis describatur per **22.** lemma, quæ circulum altitudinis **LN** secet in **M**. Perspicuum igitur est ex hætenus demonstratis **M** verum esse locum propositæ stellæ in plana sphaera postulatam, qui fuerat assignandus.

PROPOSITIO XLIV. PROBLEMA.


Horarios circulos describere, qui horas à Meridiano indicant.

PRÆNOTATIONE 16: superius ostēdimus Horariorū circulorū duo præcipua esse genera. Quidam enim horas à meridie vel media nocte; alij ab ortu vel occasu inchoatas indicat. Primum igitur illos describemus, qui horarum seriem à Meridiano incipiunt; posterius autem illos, qui ab Horizonte horas discriminant.

Esto itaque idem, qui supra; Meridianus **B D C E** per propositionē 33. decircinatus: Horizon verò idem qui prop. 34. ductus **B C**: & poli altitudo per prop. 35. assumpta **B D**, graduū quinquagin-



quaginta & vnus: repositusque *Æquator* *FG* vt prop. 37. quoniam Horarij, qui Meridiano horas indicant, sese in Polis mundi interfecant, & per æquales portiones *Æquatoris* incedunt, vt prænotatione 16. docuimus, oportebit ad horum circulorū cōstitutionem *Æquatorē FG* in partes duodecim æquales representādo diuidere per 12. prop. libri huius: quæ cum binas singulæ exhibeāt per 13. huius, efficiēt illæ in lineari *Æquatoris* proiectura *FG* partes imaginariē quatuor supra viginti: per has igitur partes & vtrumque mundi Polū, si maximi circuli ex Orthographiæ legibus describantur, hi profectò horas à meridiē vel media nocte indicabunt.



Perpicuum porrò est ex his circulis illum qui horam 12. signat eundem esse cum Meridiano; hinc siquidem horarum series initium ducit: at Meridianus in circulum proicitur., cuius diameter sphaeræ diametro æqualis est per 33. huius: itaque si circa centrum *A*, interuallo autem *AD* vel *AE*, quod est à centro mundi ad Polos, circulus describatur *BDCE*, is erit horæ duodecimæ circulus. Similiter cum horæ sextæ circulus, qui Meridianum rectis angulis secat, per communem interfectionem *Æquatoris* & *Horizontis* transeat, erit eius proiectura recta linea per 31. huius, quod scilicet in hac sphaeræ projectione visus per communem *Æquatoris* & *Horizontis* sectionem incedere supponatur: quare recta linea *DE* per *A* centrum proiectæ sphaeræ acta circulum representat hectemorion, seu horæ sextæ: ceteri autem in ellipses prociunt per 21. huius, propter situs obliquitatem, quarum omnium maxima diameter est comunis linea *DE*, minima verò cuique propria, quæ nimirum horarum punctis æqualiter ab *A* distitis ex vtraque parte terminatur: vt *zπ* diameter minima eius ellipsis, quæ horæ 5. & 7. circulos exhibet; *ρσ* verò diameter minima ellipsis, in quam circuli horæ 4. & 8. proiciuntur: atque ita in ceteris minimæ diametri sunt ex lineæ quæ inter puncta *Æquatoris* æqualiter ab *A* disuncta intercipiuntur.

Omnes porrò ellipses duorum Horariorum subeunt vicem: nam duo semper eadem obliquitate à Meridiano vel circulo hectemorio declinant, qui proinde in eandem ellipsin incidunt circa easdem coniugatas diametros descriptam. Atque ita se habet Horariorum, qui à Meridiano horas auspicantur, descriptio.

In quibus illud quoque licet animaduertere, quemadmodum circuli omnes primitiui, quotquot sunt *Æquatori* paralleli, ab Horariis circulis in partes secantur reipsa æquales, ita & parallelorum proiecturas à projectis in planum Horariis in eandem secari rationem; hoc est in partes inter se quidem similes, sed quæ æquales partes primitiuorum circulorum representant: vti inquam *FA* ad *ds*, ita se habere *ZA* ad *ts*. Nam cum per 35. tertij Euclidis sit quadratum *FA* æquale rectangulo *EAD*, itemque *ds* quadratum ipsi *ESD* rectangulo æquale, erit vt quadratum *FA* ad rectangulum *EAD*, ita *ds* quadratum ad *ESD* rectangulum. Est verò & in ellipsi *EZD*, vt quadratum *ZA* ad rectangulum *EAD*, ita *ts* quadratum ad *ESD* rectangulum per 17. lemma: igitur & vicissim vt quadratum *FA* ad *ds* quadratum, ita rectangulum *EAD* ad rectangulum *ESD*: rursumque, vt quadratum *ZA* ad *ts* quadratum, ita idem rectangulum *EAD* ad idem rectangulum *ESD*: quare per 11. quinti Euclidis vt *FA* quadratum ad quadratum *ds*,

A ita quadratum zA ad rs quadratum; atque ea propter vt FA ad δs , ita zA ad rs . Eodem autem modo probabitur in ellipsi $E\rho D$ se habere ρA ad rs , quemadmodum FA se habet ad δs . Atque ita deinceps ostendentur ceteræ parallelorum circulorum portiones ab vnoquoque Horario resectæ eam habere inter se rationem, quam FA ad δs ; & vicissim vt FA ad zA , sic δs ad rs , iterumque vt FA ad ρA , ita δs ad rs : quocirca & per 11. quinti Euclidis vt zA ad ρA , ita rs ad rs . Ex quo manifestè conuincitur parallelorum circulorum proiecturas FA & δs , à proiectis in planum Horariis in similem rationem dissecari, quod erat demonstrandum.

B Hinc etiam facile est Gemmæ Friisij errorem detegere, qui in suo Astrolabio catholico ait Meridianos Horariosque circulos in lineas projici anomalas, id est, vt ipse loquitur, neque circulos, neque certa lege constitutas, sed tantum per puncta designata manu diligenti traductas. Quibus & ipse Roias in suo Astrolabio proprium nomen imponere veritus fuit: siquidem passim eas innominatas vsurpat, quod non aliunde, quam ex ellipseos ignoratione prouenisse videtur. Cum enim ad illarum designationem iubeat singulos parallelos Æquatoris in eandem rationem diuidi, ac per singulas notas curuam lineam duci, vtique si intellexisset eam proprietatem ellipsei conuenire, quod nos lemimate 18. demonstrauius, non dubitasset lineas illas ellipses pronuntiare.

CONSECTARIVM I.

C *Sciotericum horologium in quouis plano describere.*

Ex hac Horariorum orthographica proiectione id in primis colligi potest, proprio quodam pacto, ac neutiquam vsitato horolabia cuius plano inscribi posse. Cum enim horarum signa nil aliud sint, quam communes Horariorum & dati plani intersectiones, perspicuum est, si eæ sectiones à proposito plano, in quo orthographicè apparent, ad primitiuum planum reuocentur per 14. vel 24. huius, in hoc reperta esse horarum loca.


Exempli gratia, sint inueniendæ astronomicæ horæ in plano horizontali: quoniam in proposito schemate Horizon est bc orthographicè in rectam lineam transcriptus, eumque secant Horarij circuli in idem planum cum Horizonte consignati: dico si circa

D bc circulus describatur, & à communibus Horariorum & Horizontis sectionibus perpendiculares excitentur ipsi bc , quæ ad circuli peripheriam pertingant circuli partes, earum, in quas bc ab horariis secatur, prototypas esse, ac proinde horas exhibere in vero Horizontis plano notatas.

Quod vt commodius intelligatur, sumatur seorsum ipsa bc aut alia eius loco maior vel

E minor, quæ tamen ita sit secta in $D, E, F, I,$ & K , quemadmodum in superiore schemate Horizontis proiectura bc secta est ab occursum Horariorum circulorum: circa bc verò

F ex centro A circulus describatur, qui sanè primitiuus erit, lineari proiectura bc representatus per 10. propositionem libri huius: à punctis autem quibus A c ab Horariis secatur nempe $D, E, F, I,$ & K perpendiculares ipsi A c excitentur





occultis notis, quæ circuli peripheriam ex vtraq; parte attingat, quales hæc eæ sunt, quæ punctu-

punctulis notantur : dico communes sectiones harum linearum & circularis peripheriæ **A** loca esse horarum in plano Horizontis descriptarum. Nam circulus ex **A C** descriptus primitiuum Horizontis planum directè spectandum exhibet, quod in lineam **B C** ex perpendiculari aspectu fuerat proiectum, & per 14. huius ita sectus est re ipsa circulus ex **A C** descriptus à perpendicularium productione, quemadmodum repræsentando secta est linea **A C** : at hæc communes continet Horariorum & Horizontis sectiones, id est horizontales horas : igitur & circulus, in quem partes lineæ **A C** transfusæ sunt, easdem continet horarum designationes, non iam à re ipsa difformes, vt in linea **A C** ; sed eadem proportione, qua veri Horarij verum Horizonta interfecant. Quocircà si à centro **A** ad circuli diuisiones rectæ producantur, erunt hæc vmbrearum notæ, in quas videlicet Gnomonis vmbre horis singulis incident.

Nunc si verticale sciotericum postuletur Meridiem aut Boream spectans, sumatur loco horizontalis lineæ **A C**, linea verticalis **A X** communibus horariorum circularum, & plani verticalis sectionibus insignita; descriptoque circa ipsam velut semidiametrum circulo, à punctis diuisionum occulta perpendicularares, vt prius euocentur. Hæc namque vbi cum circuli peripheria cõuenient, ibi in plano verticali horas signabunt genuino ac naturali situ, quemadmodum veri ipsi horarij circuli in materiali sphæra planum verticale Meridiæ aut Boream spectans re ipsa interfecant.

Rursus si verticale quidem sit planum, at declinans, quale in superiori schemate est, grãtia exempli **O X P Q**, per verticem quidem **X** incedens, at declinans ab **A** ad **O** & **P** gradibus triginta, assumendæ erunt seorsum coniugatae diametri **X Q** & **O P** ac circa eas describenda ellipsis per 22. lemma, quæ in eas partes



A partes diuidetur, in quas ab horarijs circulis in superiori schemate interfecatur. Ab his autem sectionum locis si rectæ euocentur ipsi A x perpendiculares, (vt hîc sunt quæ punctulis notantur) eæque ad circuli circa A x descripti peripheriam protendantur: dico vbi hæ circuli ambitum contingunt, illic esse horarum signa ea proportione disposita, quemadmodum reipsa horarij circuli planum verticale, quod triginta gradibus declinat, interfecant. Nam per 24. propositionem huius libri vti occultis illis perpendicularibus ellipsis repræsentando, ita reipsa sectus est circuli ambitus. Quare eadem sectiones, quæ in ellipsi cernuntur obliquo aspectu, eadem in circulo directè apparent; ac proinde primitiuæ æquales per 19. propositionem huius libri; quod erat demonstrandum.

B Si autem planum, in quo horæ designari postulantur, sit inclinatum, ita tamen vt Meridiem Boreamve spectet, seu vt ad Meridianum rectum sit, veluti est in proposito superiori schemate FG, aut aliud quodcumque, eadem praxi opus erit qua horizontale & verticale horolabium descriptum est. Nam si z, p, ceteræque communes intersectiones plani FG, & horariorum circulorum ad primitiuum circulum reuocentur per 14. huius, erunt circuli partes horarum loca in proposito plano inclinato.

Demum esto aliud quoddam planum inclinatum simul & declinans, cuiusmodi in sphaera est Eclipticæ circulus, cum Æquinoctiorum signa latitudo diurna ad Meridianum peruenerint, id quod in superiori schemate formâ ellipsis comprehenditur, cuius maxima diametrus FG; minima verò est Tropicorum intercapedo, seu contracta


C sphaeræ diametrus, quæ ad oppositas intersectiones circuli Hæstemorij & Tropicorum pertinet: sintque in hoc plano designandæ horæ Astronomicæ: sanè id non alia ratione perficietur, quàm illa ipsa, qua proximè in plano declinante illas inuenire docuimus; descriptâ videlicet seorsum eâ ellipsi, quæ obliquum planum repræsentat, istædemque punctis insignitâ, quibus ab horarijs circulis interfecatur, ac ducto circa maximam illius ellipsis diametrum circulo: si inquam à sectionibus ellipsis ad circuli peripheriam rectæ lineæ agantur maximæ diametro ellipsis perpendiculares; hæ vbi in peripheriam circuli incident, illic loca horarum in proposito plano inclinato simul & declinante exhibebunt, eo situ ac proportione, qua idem planum à veris horarijs circulis reipsa interfecatur. Quod quoniam ex dictis factis superque colligi potest, non placet

D aliam dilucidiorẽ addere demonstrationem.

CONSECTARIVM II.

Qua hora sol oriatur & occidat, quouis anni tẽpore inuestigare.

SIT inuestiganda hora ortus & occasus eo anni tempore, quo sol Tauri signum ingreditur. Sumatur in Eclipticæ proiectura HI primus Tauri gradus R per 39. huius libri, perque R parallelus Æquatori agatur d, vt propos. 41. qui diem naturalem repræsentabit, eamque periodum, quam sol Taurum subiens, raptu primi mobilis absoluit 24. horarum spatio. quare non alio loco tum tẽporis sol oriatur & occidet, quàm vbi is circulus Finitorem interfecat. Si



verò per eam communem congressionem paralleli circuli d: cum Finitore B C circulus duca-

ducatur horarius DVE per 41. huius, is horam ortus & occasus indicabit: nam quotus is erit à meridie vel media nocte, eius numeri horam ortui occasuique præfiniet: quemadmodum hac propositione 44. videre licet solis orientis locum in circulum horæ quintæ proximè incidere; occasus verò in circulum horæ septimæ, qui circuli tamen duo reipsa sint, in vnam tamen ellipsin projiciuntur, vt eadem propositione 44. ostensum est. Itaque sol primum Tauri gradum subiens, hora ferè 5. exoritur, hora autem 7. occidit, quod erat explicandum: eademque hora oriatur & occidet, cum primum ingreditur signum Virginis: nam duo hæc signa Taurus & Virgo æquè ab Æquatore distant; consequens igitur est vt in eundem parallelum circulum incidant; ac proinde sol eodem loco Finiorem diurna latatione pertranseat, eademque hora oriatur & occidat. B

Quia autem arduum esset longumque negotium, toties horarios circulos describere, quoties eiusmodi problema proponitur, præsertim cum plerique illorum in ellipses orthographicè projiciantur: hinc comodiore praxi, eaque etiam accuratiore, propositi solutionem exhibebimus. Sumatur seorsum linea $\delta\varepsilon$, proiectura videlicet eius paralleli circuli qui per principium Tauri incedit, sitque linea $\delta\varepsilon$ secta in v , quemadmodum supra propositione 44. eiusdem proiectura ab Horizonte proiecto secatur: per v verò ducatur KL ad rectos ipsi $\delta\varepsilon$ angulos: erit igitur kdL ea portio circularis perimetri, quæ lineæ $\delta\varepsilon$ segmentum δv repræsentat, &



portio keL ea, quam repræsentat ve per 14. huius, totusque circulus kdL è parallelo, qui per primum gradum Tauri traducitur, æqualis, sectusque in k & L eadem ratione, qua idem parallelus ab Horizonte reipsa secatur: quocirca k ortus, L verò occasus locum tenet: si itaque circulus kdL è in 24. partes æquales distribuatur, facto horæ primæ initio ad δ , vel ε , quorum punctorum istud noctis, illud verò diei medium significat, inuenietur k horæ quintæ ortiuæ, L autem septimæ occidæ proximum esse, vt antè dicebatur: igitur sol primum gradum Tauri subiens, hora quinta exoritur, hora autem septima occidit; quod erat inuestigandum. E

Porro circulum kdL è in partes 24. æquales secari præcepimus: nam is loco veri paralleli per initium Tauri incedentis ponitur. Verus autem parallelus, quemadmodum & Æquator ab horarijs circulis qui solum duodecim sunt, in 24. partes æquales reipsa secatur per 10. secundi Sphæricorum Theodosij: igitur & circulus kdL è in partes 24. æquales distribuendus erat; hæc quippe primitiuæ sunt illarum, in quas propositione 44. circuli kdL è proiectura $\delta\varepsilon$ à proiectis item in planum horarijs intersecatur. F

CONSECTARIVM III.

Diei noctisque quantitatem omni anni tempore explorare.

HVI s problematis praxis nil differt à præcedente. Si enim, exempli gratiâ, quantitas diei noctisque postuletur, cum sol primum gradum Tauri ingreditur, projiciendus in primis erit in planum Horizon per 34. propositionem libri huius, itemque primus

A primus Tauri parallelus ad propositam Poli altitudinem per 40. propof. huius: deinde assumetur feorsum, vt in præcedente conſectario, linea $d\epsilon$ ex ſchemate propoſitionis 44. quæ æqualis ſit ipſius paralleli proiecturæ, ſecabiturque $d\epsilon$ in v ea ratione qua eiufdem paralleli proiectura ſecta eſt à proiecto in planum Horizonte; perque v perpendicularis ipſi $d\epsilon$ transmittetur κL : tum circa $d\epsilon$ circulus deſcribetur $\kappa d L \epsilon$; hic ſi in partes viginti quatuor æquales diſtributus fuerit, perſpicuam diei noctiſque quantitatem exhibebit: nam portio $\kappa d L$ diei, $\kappa \epsilon L$ verò noctis magnitudinem repræſentat. Quot ergo horas eæ circuli peripheriæ in tempus conuerſæ continent, tot erunt diei ac noctis horæ ſole primum Tauri gradum ſubeunte; quod erat poſtulatumi.

B CONSECTARIUM IV.


Propoſitum ſit definire, quot horas quavis ſtella ſupra infraque Horizontem latione primi mobilis immoretur.

I STA quoque poſtulatatio ſuperiori affinis eſt. Non enim alia eſt ratio ſtellæ quàm ſolis, niſi quòd ſolis locus ſemper ſit in Ecliptica; ſtellæ autem in quavis cæli parte, vbi ſcilicet eam ab origine poſitam eſſe contigerit. Igitur per datum ſtellæ locum in ſuperiore proiectione recta ducatur linea Æquatoris proiecturæ parallela: hæc quoniam circulum illum repræſentat, per quem ſtella latione primi mobilis deſertur, ſi tota ſupra Horizontis proiecturam eminent, perſpicuum eſt ſtellam numquam occumbere; ſi verò tota ſub Horizontis proiecturam decumbit, palàm eſt illam numquam aſſurgere; ſi demum Horizontis proiecturam interſecat, orietur illa quidem & occidet: at quanto temporis ſpatio ſuprà infraque Horizontem immoretur, in hunc modum definietur: Sumatur feorsum, vt ſuprà, linearis illa paralleli proiectura $d\epsilon$, quæ per ſtellæ locum ducitur; deſcriptoque circa eam circulo $\kappa d L \epsilon$, ſecetur $d\epsilon$ in eam rationem, qua ipſa ab Horizontis proiectura in plano ſecatur, perque ſectionis punctum v perpendicularis ipſi $d\epsilon$ agatur, quæ vtrimque producta circuli peripheriam attingat, factumque erit propoſitum: nam pars circularis perimetri, quæ illi ſegmento diametri $d\epsilon$ adiacet, quod ſupra Horizontem eminent, tempus repræſentat, quo ſtella ſupra Horizontem verſatur; reliqua verò illud quod infra Horizontem inſumitur. Quare ſi circulus in tempus conuertatur, hoc eſt ſi in 24. horas diſtribuat, facile perſpicietur quot horas ſtella ſupra infraque Horizontem conſumat; quod erat poſtulatumi.

D CONSECTARIUM V.

Ex altitudine ſolis locoque eius in Signifero, horam pronuntiare.

E Conſectario propoſitionis 43. ex occasione circularum Almucantarath & Verticalium, oſtendimus quo pacto ex illorum concurſu verus locus cuiuſque aſtri in plana ſphæræ proiectione deſignari poſſit. Nunc dicimus non ex illorum tantum, verum etiam ex quorumcumque circularum congreſſu verum locum cognosci poſſe. Si enim oſtenſum ſit ſolem, exempli gratia, in duobus circularibus vno tempore exiſtere, nullus profecto alius ipſius locus eſſe poterit in plana




sphæra, quàm vbi duorum illorum circularum proiecturæ sese interfecant : nam solum intersectionis punctum commune vtrique est. Si igitur cognita sit solis altitudo locuſq; ipsius in Zodiaco, ex his autem oporteat horam inuestigare : sumantur in schemate propositionis 44. à b ad a , & à c ad λ tot gradus quot sol supra Horizontem præſenti tempore eminent, perque a & λ recta ducatur linea $a\lambda$ proiecturæ Horizontis bc parallela, quæ per 41. huius circulum altitudinis repræſentabit : deinde per datum solis locum in Signifero, puta r , parallelus agatur $\delta\epsilon$, hic inquam vbi parallelum altitudinis $a\lambda$ interfecat, nempe in s , illic verus est locus solis. Quæ si circum $\delta\epsilon$ descriptus circulus in tempus conuertatur, seceturque linea per s ad rectos eidem $\delta\epsilon$ angulos, vt superioribus consecarijs non semel est facti tatum, inuenietur hora sexta eo anni tempore, quo sol in Signiferi puncto r versatur, eaque diei parte, qua scandendo supra Horizontem ad circulum altitudinis $a\lambda$ attingit, quod erat præſtandum.

CONSECTARIUM VI.

Cognita hora locoſq; solis in Zodiaco, altitudinem eius indagare.

Hæc ex parte conuersio est præcedentis. Illic enim ex altitudine horam, hic verò ex hora altitudinem venamur : quare similis quodammodò est praxis, licet in-

uerſa. Esto igitur r locus solis in Zodiaco, per quem Æquatori FG parallelus ducatur $\delta\epsilon$ per 40. proposit. libri huius, vt in schemate propositionis 44. factum apparet: seorsum verò circa $\delta\epsilon$ velut diametrum circulus describatur, qui & in viginti quatuor horas diuidatur: ab hora autem cognita, puta sexta, ad diametrum $\delta\epsilon$ perpendicularis agatur, quæ ipsam secet in s : dico s in proiecturam sphære translátum, verum esse solis locum per superius demonstrata, atque ea propter si



per s recta ducatur $a\lambda$ Horizonti bc parallela, erit $b\alpha$ solis altitudo postulata, quod ex dictis abundè probatum relinquatur.

CONSECTARIUM VII.

Horâ solisq; altitudine cognitâ, locum ipsius in Zodiaco demonstrare.

Non absimili ratione colligetur solis locus in Zodiaco ex hora altitudineque præcepta: nam si per datam altitudinẽ circulus altitudinis orthographicè describatur $a\lambda$ per 41. propositionem libri huius, ducaturque in eodem plano horarius datæ horæ, puta sextæ, qui parallelum $a\lambda$ interfecat in s : dico in primis s verum esse locum solis in plana sphæra, vt ex dictis constat. Igitur si per s recta agatur $\delta\epsilon$ Æquatori FG parallela, hæc quoniam circulum illum parallelum repræſentat, quem sol percurrit dum hora sexta altitudinem habet $b\alpha$, perspicuè patet illic esse solis locum in Zodiaco, vbi paralleli proiectura $\delta\epsilon$ Eclipticæ proiecturam HL interfecat, nempe in r : siquidem solum punctum r vtrique $\delta\epsilon$ & HL commune est.


A PROPOSITIO XLV. PROBLEMA.

Horarios illos circulos describere, qui horas à Finitore auspicantur.



QVAMVIS longè diuersi sint hi circuli ab illis qui horas Astronomicas à meridie vel media nocte indicant, vt initio huius libri prænotatione. 16. ostensum fuit, sunt tamen eedem vtrorùmque describendorum leges, hoc tantùm discrimine, quòd non per eadem loca hi atque illi transeant: vnde fit vt pro vario aspectu in varias formas proiecti commutentur: hoc autem in primis constat, nullum omnino horum figura circulari spectari. Cùm enim circuli illi paralleli, quorum alter semper apparentium maximus est, alter verò maximus omnium semper latentium, perpendiculariter obtutui proponantur, ideoque in rectas lineas procidant, necesse est circulum illum, si quis est, qui circulari formà in plano apparet, directè obijci: atque ea propter maximos illos semper apparentium, semperque delitescentium rectis angulis secare: at nullus eorum qui horas ab ortu vel occasu inchoatas distinguunt, parallelos illos maximos latentium apparentiumque secat, quandoquidem omnes leui solùm tactu illorum peripherias lambant: igitur nullus omnino illorum in circularem formam procidit.

Illud item perspicuum est duos rectis lineis describi, eum scilicet, qui horam 24. & cum qui horam 12. distinguit, nempe $B C$ & $H K$. Pro cuius demonstratione, explicatio-




neque eorum quæ de reliquis circulis horas à Finitore auspicantibus dicturi sumus, esto planum meridianum idem, quod supra, $B D C$ forma circulari ex centro A descriptum: Horizon verò $B C$ in rectam proiectus lineam, supra quem alter Polus D emineat, alter autem E infra depressus procumbat, ab his porro æquidistet proiectura Æquatoris $F G$. His positis fiat $D H$ ipsi $D B$, & $E K$ ipsi $E C$ æqualis, iunganturque B & H , item C & K rectis lineis $B H$ & $C K$; erunt ergo $B H$ & $C K$ proiecturæ illorum circularum, quorum alter omnium semper apparentium maximus est, alter verò maximus omnium illorum qui

Z z

perpetuò

perpetuò deliteſcunt. Nam quoniam hi circuli ab Æquatore reipſa æquidistant, veluti A
& Coluri, reliquiq. diurni circuli, neceſſe eſt per 32. huius libri propoſitionem omnium



ſimiles eſſe proiectiones: at illi in rectas procidunt lineas, vt propoſitione 37. & 40. oſtenſum eſt: igitur & hi rectis lineis BH & CK , in plano orthographicè deſcribuntur.

Nunc propoſitum ſit inter hos duos circulos BH & CK , Horarios illos conſtituere, qui horas ab Horizonte inchoatas diſtingunt: ac primò oſtendamus duos illorum BC & HK in rectas lineas procidere. Patet verò id ex eo quòd ipſorum plana communem habeant eam lineam, per quam viſus incedit, & quæ in plano repræſentatur ſigno A ; hoc enim cum ita ſit, conſtat vtrumque circulum perpendiculariter obici, atque ea propter in rectas lineas profundi diametro ſphæræ æquales, per 10. libri huius propoſitionem. E

Reliqui autem, vtpote obliquè aſpectui exhibiti, in ellipſes conformantur, per 21. huius, quarum omnium vna quidem eſt maxima diameter ſphæræ diametro æqualis; nam circulos ſphæræ maximos repræſentant: minima verò pro diuerſa obliquitate, varia. Cum autem per 16. prænotationem maximos illos ſemper apparentium, ac ſemper deliteſcentium circulos in oppoſitis punctis æqualium ſectionum attingant, neceſſe primùm eſt illorum proiectiones BH & CK in partes 24. repræſentando partiri, quod fiet per 12. huius libri propoſ. ſi deſixo pede circini immobili in I & L , circa rectas BH & CK ſemicirculi deſcribantur, ac ſinguli in partes 12. æquales diſtribuantur; à locis autem ſectionum rectæ occultis notis protrahantur ipſi DE parallelæ: vbi enim hæc ipſas BH & CK pertranſeunt, illic loca horarum Aſtronomicarum ſignant, quorum bina tota ſphæræ F diametro oppoſita circulis horarum ab ortu vel occaſu attinguntur; hos verò, ne multitudo confuſionem induceret, per duarum horarum interualla deſcripſimus.

Quoniam igitur rectæ BH & CK duos ſemicirculos ſimul ſpectandos offerunt, ſinge primùm BH eam eſſe circuli medietatem, quæ tibi proxima eſt, ſeu quæ ad Orientem ſpectat, CK verò eam quæ ad Occidentem; ſitque Horariorum ſeries incipienda ab ortu: quoniam Horizon BC circulus eſt horæ 24. erit is qui interuallo duarum horarum proximè ſequitur, ellipſis, maximam quidem diametrum eandem habens cum ſphæræ diametro, ceterum per oppoſita puncta P & Q ita incedens, vt in iſdem punctis parallelas

A BH & CK solùm contingat, non verò secet: sequens autem easdem parallèlas BH & CK continget in oppositis punctis O & R , maximamque diametrum spheræ diametro equalem habebit, vti & ceteri: tertius dein circulus & ipse ellipsis erit, parallèlas BH & CK in I & L contingens: quartus in N & S : quintus in M & T : sextus denique recta iterùm linea erit HK .

Porro cum IL ipsi BH & CK sit perpendicularis, erit eadem IL minima diametrus ellipsis $IFLG$, quæ horam 6. & 18. ostendit, & cuius maxima diametrus est FG , vtpote normalis ipsi IL : ceterarum autem ellipseon maximæ diametri inuenientur in hunc modum: Fiat per IL lemma quemadmodum KQ ad QC , ita KV ad VC , & ab V recta per centrum A protendatur $V\delta$, quæ circulum Meridianum secet in i , erit enim $i\delta$ maxima diametrus, circa quam si ellipsis describatur quæ per puncta data P & Q incedat per 22. lemma, inuenta priùs minima diametro per 23. lemma, ea parallèlas BH & CK in P & Q attinget: nam quoniam ex constructione est vt KQ ad QC , ita KV ad VC , & $V\delta$ per centrum est acta, ducta $Q\pi$ ad rectos ipsi $i\delta$ angulos, erit quoque per conuersionem 23. lemmatis libri quarti vt $\delta\pi$ ad πi , sic δv ad vi : quare cum $Q\pi$ ad diametrum $i\delta$ ordinatim sit applicata, continget vq ellipsin in Q per 34. primi Conicorum Apollonij. Eodem verò modo ostendetur ellipsis ipsam BH in P contingere: igitur ellipsis $PiQ\delta$ circuli horæ 2. est proiectura.

Rursus si fiat vt KR ad RC , ita Kx ad $x c$ per 11. lemma, & ab x per centrum A recta **C** traiciatur $x\rho$ quæ circulum Meridianum secet in α , erit $\alpha\rho$ maxima diametrus eius ellipsis quæ per R & O ducta, vt suprâ lemmate 22. parallèlas BH & CK in iisdem punctis R & O contingit, & Horarium circulum horæ 4. repræsentat. Haud absimili ratione describendæ erunt duæ reliquæ ellipses, quarum altera $NzS\lambda$ circulum refert horæ 8: altera verò $M\gamma T\gamma$ circulum horæ 10.

Atque ita descriptæ sunt omnium Horariorum per duarum horarum interualla proiecturæ: in quibus id etiam obseruandum, quòd duæ lineares proiecturæ BC & HK singulæ vnum dumtaxat circulum repræsentent; at ellipses singulæ duos: quare postquam à B versus H scandendo perueneris, circulum horæ 12. præteruectus, finge iam BH semicirculū esse occiduum, CK verò ortiuum: erit igitur qui suprâ per M & T horæ 10. idem **D** nunc horæ 14. & qui per N & S horæ erat 8. idem nunc horæ 16. quiq; horæ 6. per I & L actus, nunc idem horæ 18. rursus qui erat horæ 4. per O & R ductus, nunc horæ 20. tandem qui horæ erat 2. per P & Q , nunc idem horæ 22.

Hoc igitur pacto, si sol per circulum BH diurna latione ferri intelligatur (quod quamuis fieri non possit, cum circulus BH Tropicos excedat, non est tamen à conceptu alienum, quoniam is est Æquatori parallelus) ab Horizonte digressus, perque semicirculum ortiuum BH progrediens hora diei secunda punctum attinget P , deinde hora 4. punctum O , tum hora 6. punctum I , ad hæc octaua hora punctum N , postea punctum M hora 10. tandem hora 12. fastigium attinget H , vnde per semicirculum occiduum HV regressus in M perueniet hora 14. in N hora 16. in I hora 18. in O hora 20. in P hora 22. ac **E** demum hora 24. in B punctum Horizontis, vnde primùm fuerat digressus.

Simili modo si per Æquatorem FG sol diurna latione circumueat, ab A puncto Horizontis ortiuo digressus, in Y hora diei 2. perueniet, quæ Y punctum est circuli per P & Q ducti; hora verò 4. in punctum Z . circuli per O & R : at hora 6. in F punctum circuli per I & L : inde autem versus Occidentem prolapsus hora 8. attinget idem punctum Z , non quæ iam ad circulum OR pertinet, sed quæ ad circulum NS ; hora verò 10. circulum per MT ductum attinget in Y ; hora 12. perueniet in punctum A linearis proiecturæ HK ; hora 14. in punctum γ circuli MT ; hora 16. in punctum λ circuli NS ; hora 18. in punctum G circuli $IFLG$; hinc rursus Horizontem versus ascendendo hora 20. attinget circulum OR in λ ; tum hora 22. circulum PQ in γ ; ac demum hora 24. ad punctum A Horizontem repetet, à quo primò fuerat digressus.

F Ex his perspicuè patet hos circulos Horarios non esse alios, quàm Horizontem ipsum, diurno motu vnà cum maximis illis circulis semper apparentium semperq; delitescentium circumactum, ac diuersis in locis repositum, iis scilicet, quibus singulis horis constituitur. Quod vt apertiùs intelligas, finge Horizontem circulis illis semper apparentium semperq; delitescentium maximis affixum esse, motaq; spheræ vnà conuerti: cum igitur spheræ vnus horæ spatium confecerit, tum Horizon vnà promotus circulum horæ primæ repræsentabit; cumque altera hora progressa fuerit spheræ, tum idem Horizon pariter digressus circuli horæ secundæ vicem geret; atque ita deinceps Horizon à contactu

A ampliores illæ sunt, quæ ab Horizonte sunt remotiores, quòd videlicet æquales portiones Æquatoris quòd longiùs ab Horizonte sumuntur, eò sint Polis B & C, seu congressioni horum circularum propinquiores; ex quo porrò consequens est, vt domorum cælestium interualla, quibus partes Æquatoris iam dictis Polis viciniore respondēt, medio inter vtrumque Polum loco sint ampliora.

PROPOSITIO XLVII. PROBLEMA.

Circulos Positionum constituere.

B **D**OMORVM cælestium circulis admodum affines illi sunt, quos Positionum vocant: hi namque per communes interfectiones Meridiani & Horizontis (vt illi) & per quodcumque signum in cæli superficie assumptum incedunt: estque ex numero horum vnus Meridianus, alter Horizon, ceteri innumeri atq; innominati: quare præter Horizontem & Meridianum, quorum hic in circulum, ille in lineam cadit, ceteri omnes per vigesimam primam propositionem huius libri in ellipses orthographicè profunduntur, quarum descriptio ex præcedente propositione petenda erit.

PROPOSITIO XLVIII. PROBLEMA.

C *Declinationum ac Latitudinum circulos orthographicè exhibere.*

HORVM quoque circularum eadem est ratio quæ & Horariorum, qui à Meridiano horas incipiunt: nam declinationum circuli ab Horariis illis situ positioneque non differunt, sed hoc solùm quòd plures sint numero quàm Horarij; hi quippe per quindenos dumtaxat gradus Æquatoris incedunt: at illi per gradusetiam singulos. Quamuis nil vetet per medias horas & quadrantes, imò verò etiam per minuta Horarios ducere. Circuli autem latitudinum tamen plus aliquid discriminis habeant, quòd videlicet non in Polis mundi, sed in Polis Zodiaci sese interfecent, quòdque non per æquales portiones Æquatoris, sed per æquales portiones Eclipticæ procedant: non est tamen alia hos atque illos proijciendi ratio, cum ita se habeant Poli Zodiaci ad Eclipticam, quemadmodum Poli mundi ad Æquatorem: quare quæ propositione 44. de Astronomicarum horarum circulis dicta sunt, de his quoque dicta esse intelligantur.

ORTHOGRAPHICA

SPHÆRÆ PROIECTIO

E Visu per vtrumque mundi Polum procedente.

HXPEDITA Sphæræ descriptione ex eo situ, quo radius principalis per Aequinoëtia simul & Horizontis planum extenditur, qui omnium maxime est ad vsus accommodatus, lubet duabus sequentibus propositionibus ex alio atque alio situ omnes spheræ circulos in planum denuò transcribere, vt appareat quanta sit huius scientiæ amplitudo, vberiorq; materia suggeratur iis, quos fortè inuabit aliquando ingenium in proiectionis exercuisse. At enim qui in illis aliquousque penetraverit, inueniet haud dubiè plurimarum inuentionum iucundam messem, qua non modo frui cum voluptate, verùm etiam ad aliarum veritatum indagacionem tamquam fecundo semine commoda tempestate vti poterit. Ne autem prolixitas tedium Lectori asserat, non quemadmodum hætenus, distinctis propositionibus singulos circulos, sed omnes vna propositione complectemur, eorum descriptiones simplici tantùm enarratione historico more persequentes, cum ex dictis facillimo negotio elici possint omnium demonstrationes.


PROPOSITIO XLIX. PROBLEMA.

*Omnes sphaera circulos orthographicè in planum transcribere,
visu per utrumque Polum mundi procidente.*



Vt à cir-
culis
sphaeræ
mobili-
s or-

diamur, esto in pri-
mis punctum *A*, id in
quod per 3. propos.
libri huius radius
principalis projici-
tur, vtriusque Poli
vicem gerens: cir-
cum *A* verò circulus
describatur *B D C E*
interuallo quocum-
que; qui cum per 15.
huius aliquem ex il-
lis circulis repræsen-
tet, qui directè visui
opponuntur, cuius-
modi sunt in præ-
senti sphaeræ consti-
tutione paralleli om-
nes, sit ille *Æ* quator,



nempe totius sphaeræ maximus, & intra cuius ambitum ceteri omnes conscribendi erunt: deinde per centrum *A* duæ rectæ lineæ agantur *B C* & *D E*, quæ sese ad rectos angulos secent; eruntque hæ duorum Colurorum proiecturæ per 10. propositionem libri huius; illi siquidem in Polis congregiuntur, per quos & visus procidit: sit autem *B C* æquinoctiorum Colurus, *D E* verò solstitorum: erunt igitur *B* & *C* duorum signorum initia, quæ æquinoctia distingunt: sit porro *B* Arietis, *C* verò Libræ initium.


Iam vt declinatio Eclipticæ inueniatur, sumendi erunt ex vtraque parte puncti *E* ad *F* & *G*, gradus viginti tres & dimidius, iunctaque *E G* interfecet Colurum *D E* in *H*: erit ergo *H* gradus vigesimus tertius & medius in linea *D E* assumptus, initio facto ab *E* per 12. proposit. huius: quare erit *E H* maxima Eclipticæ declinatio: posita verò ei æquali *D K*, *E* descriptaque circum *B C* & *K H* ellipsi per 22. lemma, erit hæc ipsa Eclipticæ proiectura per 21. libri huius, quæ per 23. propositionem huius libri in 12. signa distribuetur, si circulus *B D C E* primùm in totidem partes æquales diuidatur, binaque puncta sibi ex aduerso respondentia parallelis iungantur, quæ Eclipticam secent, quemadmodum vides in proposito schemate sectionum loca propriis characterismis signorum notata. Quod si per quælibet puncta in proiectura Eclipticæ accepta, circuli describantur ex centro *A*, perspicuum est eos esse diurnorum parallelorum proiecturas: hi namq; mundanos Polos pari vndique interuallo ambiunt; ideoq; per 15. propositionem libri huius in circulares formas procidunt. Ex his porro is, qui per *K* & *H* ducetur, vtrumque Tropicum repræsentabit. Simili modo polares describentur orbiculari forma circum *A* *F* velut centrum, sumpto in linea *D E* interuallo *A L*, quod gradus viginti tres cum dimidio repræsentando contineat.

Nunc ad circulos sphaeræ immobilis veniamus. Et quidem si sphaera recta sit, perspicuum est Horizontem esse *B C*, eam scilicet rectam lineam, quæ per vtrumque Polum littera *A* signatū transit: vertex igitur erit *D*, ac propterea circuli altitudinum iidem, qui supra propositione 41. verticales autem iidem qui propositione 43. linea verò crepuscularis eadem quæ propositione 42. circuli autem horarum Astronomicarum siue in recta siue in obliqua sphaera in rectas semper lineas profunduntur, quæ à centro *A* *E* ductæ

A eductæ in partes æquales Æquatoris vndique radiorum instar destinantur. Quod si obliqua sit sphaera, per datam Poli vnus altitudinem AM , depressionemque alterius AN

ellipsis describatur, quæ maximam diametrum habeat BC , ea Horizontem obliquum exhibebit, cuius, & Horariorum communes intersecciones N, O, P, Q, R, S, C ad primitiuum circulum occultis lineis (quæ ipsi BC sint perpendiculares) reuocatae per 24. huius, horas Astronomicas exhibebunt E, T, V, X, Y, Z, C , in horizontali plano designandas.


C Qua ratione etiam verticalis plani horæ inuenientur, si ellipsis per verticem describatur, eiusque, & Horariorum communes intersecciones ad primitiuum circulum reducantur, vt consecutariis aliquot ad propositionem 44. ostendimus. Quæ sanè praxis describendorum sciotericorum in quouis plano non minùs expedita est, quàm vulgaris illa, qua primùm à centro circuli omnium semper apparentium maximi, per æquales ipsius portiones ad lineam contingentia rectæ porriguntur; inde verò ad centrum proprii circuli, cuius semidiametrum ex Analemate peti debet, remittuntur. Illo autem modo innumeræ praxes describendorum horolaborum excogitari possunt: mutata namque proiecturæ forma, siue ex toto projectionis genere, siue ex solo sphaeræ situ, nouæ semper Horizontis & Horariorum circulorum figuræ prouenient, quarum communes intersecciones ad originem reuocatae, horas dabunt postulas. His circulis horariis similes omnino sunt illi, qui declinationes indicant: nam in Polis mundi omnes cõueniunt, in quo & visus: quare per 10. huius in rectas lineas projiciuntur, quæ à centro A ad punctum quodcumque datum extenduntur.



D


E

F




Sint iam ex hac sphaeræ dispositione describendi circuli illi, qui à Finitore horas auspiciantur. In eodem Æquatoris plano BD CE fit obliquus Horizon $BMCN$ ad datam

datam Poli elevationem $A N$ graduum triginta, cui æqualis sit Poli sub Horizontem de-
 pressio $M A$. Si igitur centro A , interuallo autè $A N$ circulus describatur, erit is duorum simul projectura, quorum alter omnium semper apparentium maximus est, alter verò maximus omnium illorum, qui perpetuò delitescunt; qui proinde rectis è centro radiis in partes æquales diuidantur, quemadmodum in apposita figura cernere est per duarum horarum interualla diuisiones procedere. Cùm verò hi circuli etiam per æquales sectiones Æquatoris transeant, oportebit illos qui à centro, ra-



dius ad ipsum quoque Æquatorem producere, cuius partibus numeri horarum commodè adscribi poterunt. Primus itaque eorum qui ab Horizonte horas indicant, est ipse Horizon $B M C N$ in ellipsin projectus, duorum perfungens munere, nempe horæ 24. (vnde prima hora incipit) & horæ 12. Proximus huic ille est, qui maximam habet diametrum horæ 2. & 14. minimam verò $F G$, in qua & circulos maximos semper apparentium, semperque delitescentium contingit: sequens dein is, cuius maxima diameter horarum 4. & 16. minima verò $H I$, atque ita ordine paribus semper interuallis se mutuò reliqui consequuntur, in ellipses longitudine latitudineque æquales profusi.

E verticalibus porrò circulis in sphæra obliqua vnus dumtaxat in rectam lineam cadit, nempe Meridianus DE perpendiculariter visui expositus; ceteri autè omnes in ellipses transformantur. Pro quarum descriptione primù designandus est Horizon $B M C N$ ad datam Poli elevationem, quæ sit, exèpli causa, graduum triginta: quod vt rectè fiat, sumendus est in circulo Æquatoris arcus $B H$ graduum triginta: hinc autem



A autem ad rectos ipsi DE angulos applicita HN , refecat ex Meridiani proiectura DE portionem AN graduum triginta: cui si æqualis accipiatur AM , quantum scilicet alter Polus sub Horizontem deprimitur: & circum extremas diametros BC & MN ellipsis describatur per 22. lemma, ea erit Horizontis obliqui proiectura, cuius Polus O in hunc modum inuenietur: Accipiatur in circulo Æquatoris arcus BI graduum sexaginta, ut cum BH sint in arcu HI omnino gradus nonaginta, fiatque DI ipsi DI æqualis, iunctaque IK ipsam DE interfecet in O : erit igitur O summum Horizontis fastigium, imum verò L ; ambo quippe nonaginta vndique gradibus ab Horizonte distant.

Iam quoniam verticales omnes in imo supremoque cæli vertice conueniunt, perque
 B æquales partes Horizontis transeunt, erit DE vnus illorum & idem, qui Meridianus; alter verò, qui & primarius nuncupatur, BOC per communes Æquatoris & Horizontis sectiones incedens, atque in formam ellipsis circum extremas diametros BC & OL descriptus: reliqui autem circa coniugatas quidem, at non extremas constituuntur diametros; quarum altera OL omnibus communis, altera propria cuiusque, nempe recta linea in plano Horizontis per centrum acta. Exempli causa, sit describendus verticalis circulus, qui per trigessimum gradum à Meridiano incedat: sumatur EP graduum triginta; à P verò ipsi BC recta secundum normam adiungatur, quæ Horizontis proiecturam fecerit in G : erit igitur NG portioni graduum triginta repræsentatione æqualis per 23. huius: ducta itaque GF per centrum A , erit MF ipsi NG æqualis, & FG altera diametrus, altera verò OL
 C ipsi FG coniugata (nam FO & OG circuli quadrantes repræsentant) circa quas descripta ellipsis FOG verticalem exhibet postulatam.

Eius autem inuentio sic se habet: Ducatur per O recta QV ipsi FG parallela, quæ per 32. primi Conicorum Apollonij ellipsin in O continget: fecerit verò QV circulum BPC in Q & S , fiatque per 11. lemma ut QO ad QS , ita QV ad VS , & ab V per centrum A traiciatur VX circulum BDC in R secans: dico RX maximam esse diametrum, circa quam & puncta F, O, G , & L ellipsis describenda erit per 22. lemma, adiuuante lemmate 5. Nam ducta OT ordinatim ad ipsam RX , erit quoque per lemma 23. libri quarti ut XT ad TR , sic XV ad VR : quamobrem per 34. primi Conicorum Apollonij VO ellipsin contingit, cuius quidem maxima diametrus RX , aliæ verò coniugatae OL & FG . Hæc igitur est ratio describendorum quorumcumque verticalium circulorum, præter Meridianum & primarium, quorum descriptiones antè explicatae.
 D

Altitudinum circuli, quoniam Horizonti sunt paralleli, omnes in vnus formæ proiecturam cadunt per 32. huius: at Horizon obliquè expositus in ellipsin procidit: igitur & circuli altitudinum in ellipses conformari debent, tum inter se, tum Horizontis proiecturæ similes. Esto itaque in proximo superiore schemate, in quo verticales descripsimus, Horizon $BMCN$, eiusque vertex O , oporteat autem Horizonti parallelum ducere: in verticalibus BOC & NDM sumatur puncta Y, Z, z & e æquali interuallo ab Horizonte $BMCN$ disiuncta, puta gradibus decem per 12. & 23. huius, & circa ea ellipsis describatur, ut lemmate 22. præcepimus, eritque hæc illius circuli proiectura, qui gradibus decem vndique supra Horizontem atollitur: eodemque modo se res habet in ceteris. Nec verò dissimilis est ratio constituendi circulum crepusculorum: nam & parallelus est Horizonti, ac gradibus 18. sub eo depressus.
 E

Circuli domorum cælestium, & positionum, ac latitudinum, eandem prorsus descriptionem habent, quam circuli verticales: nam commune aliquod habent congregationis punctum extra mundi Polos constitutum, & per æquales portiones alterius cuiuspiam circuli incedunt. Igitur ut domorum cælestium circuli in plano aptè designari possint, primò describendi erunt Horizon, Meridianus, & primarius verticalis: deinde diuidendus hic verticalis in 12. partes æquales: demum per oppositas eius sectiones, & communem Horizontis ac Meridiani sectionem ellipses describendæ erunt, ut de
 F verticalibus iam antè docuimus.

Si verò positionis circulus aliquis postuletur, per easdem Meridiani & Horizontis sectiones ac datum punctum ellipsis ducenda erit, eo qui lemmate 22. præcipitur modo. Nam recta illa linea quæ communes intersectiones Horizontis & Meridiani connectit, vna erit diametrus futuræ ellipsis, quæ positionis circulum repræsentet; dato igitur prætereà quouis alio puncto in cæli superficie, ellipsis, quæ per hæc intra circuli BDC ambitum describetur, circulum positionis postulatam exhibebit.

Latitudinum circuli non aliter describentur, quàm positionum circuli, aut ij qui domos cælestes distinguunt: nam eandem omnino habent in sphaera dispositionem aspe-

aspectumque ad nos similem, vt propositione 48. ostensum fuit; ideoque eundem A quoque projectionis modum.

ORTHOGRAPHICA SPHÆRÆ EXPLANATIO Aspectu per verticem ac sphaeræ centrum translapso.

PROPOSITIO L. PROBLEMA.


Omnes sphaera circulos in planum orthographicè consignare, visu per sphaera verticem centrumq; translapso.



Vrius haecenus variè Sphaeram descripsimus, ac vno quidem aspectu in plano Meridiani, altero verò in plano Æquatoris: ita nunc eandem in Horizontis planu transfundere decreuimus, aspectu ad perpendicularum à vertice in centrum sphaeræ delapso. Habet enim hic situs in rebus Astronomicis permultas, easq; insignes vtilitates. Hoc situ ipse in primis Horizonti circulari forma describitur, cuius centrum verticis locum obtinet; Meridianus autem, ac verticales circuli in rectas lineas, quæ in Projectionis centrum A omnes conueniunt: in quorum numero censetur Æquator, si sphaera recta sit; ceteri autem paralleli circuli in eadem recta sphaeræ constitutione, eandem projectionem habebunt, quam propositione 37. & 40. explicauimus: at in obliqua sphaera propter aspectus obliquitatem omnes paralleli, hoc est Æquator, Tropici, Polares, & qui diurni appellantur in ellipses describuntur, sumendo in Coluris loca per quæ transeunt, quæ ratio in Eclipticæ quoque projectione seruat.

Horarij porrò inuenientur, quemadmodum in superiore propositione verticales. Exempli gratia, sit Horizontis planum circulo expressum B D C E circa centrum A, quod verticem repræsentet; sitq; eleuatio Poli supra Horizontem D O, puta graduum triginta, totidemque alterius sub Horizontem depressio E L, ita vt duo Poli sint O quidem conspicuus, L verò delitescens: Æquator autem sit B M C N æquali spatio vndique à Polis distans. Iam si Horarius quicumque describendus sit, vt puta horæ secundæ, accipiendus erit per 23. huius in projectione Æquatoris à communi ipsius & Meridiani interfectione M ad F gradus triginta, qui duarum horarum spatium continent, ac totidem ab N ad G, iunctaq; F G, circa coniugatas diametros O L & F G describenda erit ellipsis per 22. & 25. lemma, quæ Horarium circulum secundæ horæ exhibebit. Eodemq; modo se res habet in ceteris.

Ex his patet ea loca circuli B D C E in quibus is ab Horariorum projectionibus attingitur, (velut hic punctum R quod à contactu



A tactu Horarij secundæ hore signatur) eadem esse, que in horizontalibus planis ad Horolaborum vsu, ex Gnomonices præceptionibus notantur: sic vt ex hac quoque Horariorum projectione omnis generis sciotherica proueniant; horizontale quidem per se, ac nulla facta reductione, cum proiectura Horizontis propter aspectus directionem primitiuo circulo similis sit, & æqualis per 15, & 16. huius libri propositionem: cetera autem reductione facta ad prototypum, vt verticale, Meridiem spectans, reducendo puncta lineæ *BC* in quibus ab Horarijs secatur, ad primitiuum circulum, cuius ipsa est proiectura per 14. huius: aut si verticale declinans poscitur, reducendo ad primitiuum circulum partes alterius rectæ lineæ per *A* ductæ, in quibus ea ab Horarijs intersecatur: si ad Meridiem, aut aliò inclinatum desideratur, describendo eius loco ellipsin, & reuocando eius ac Horariorum sectiones ad circulum primitiuum, vt prius. Hoc igitur pacto omnis generis Horolabia conscribentur: quorum praxès tametsi operosiores sint, quam vt vsui esse possint, earum tamen contemplatio magnam adfert iucunditatem, cum ex ijs appareat infinita quædam nouarum inuentionum varietas, ex quarum multitudine aliquis semper delectus haberi potest.

B De altitudinum circulis nil attinet dicere, cum constet illos omnes forma circulari describendos esse circa idem centrum *A*. Non sunt autem æqualiter reipsa distantium, æqualia proiecturarum interualla: nam cum verticales, per quorum æquales partes incedunt, in rectas lineas projiciantur, eisdem interuallis distabunt ab inuicem altitudinum circuli, quibus æquales partes verticalium in lineares proiecturas transferuntur; hæ autem inæquales sunt, & quæ longius à centro, minores per 12. huius: itaque æqualium reipsa altitudinum circuli, quò sunt à vertice remotiores, eò semper propius ad se mutuo accedunt, sic vt tandem in vnum multi propemodum confluant.

C Qui cælestia domicilia distinguunt circuli, & ipsi facilem habent projectionem: loca enim in quibus eorum figuræ congregentur, sunt *D* & *E*, communes nempe Horizontis *BDC* & Meridiani *DE* sectiones: hinc verò si per æquales portiones verticalis primarij *BC* eos ducere placet, diuidenda erit proiectura *BC* in sex partes representando æquales per 12. huius, & per bina puncta æqualiter ab *A* distita, itemque per *D* & *E* ducendæ ellipses: hæ namque illos circulos domorum cælestium exhibebunt, qui obliquo aspectu offeruntur; reliquorum autem vnus in circulum projicitur *BDC*, puta Horizon; alter, nempe Meridianus, in rectam lineam *DE*. At si per æquales partes Æquatoris hos circulos ducere mauis, secundum Regiomontani placitum, secandus erit Æquator *BMCN* in partes sex representatione æquales per 23. huius, perque oppositas ipsius sectiones, punctaq; *D* & *E* ellipses describendæ, perfectumq; erit quod postulatur.

D Eodem porro modo circuli positionum constituentur, si per puncta *D* & *E*, ac quoduis aliud in cæli superficie assumptum circulus, aut lineæ, aut ellipsis ducatur.

E Circuli autem declinationum ac latitudinum eadem via & ratione in planum orthographicè hoc spheræ situ profundentur, qua circuli Horarij, quippe ab his illi nil discrepant, nisi accidentaria aliqua nota, non autem propria aspectus sitùsve diuersitate, vt propositione 48. ostendimus.

Haectenus in spheræ circulis lusimus, atque etiam diutiùs forsitan quàm par fuit: sed si per specta omnia erunt quæ à nobis tradita sunt, non iniucundam fore eam varietatem confido. Si quid tumultuariè, si quid minùs enucleatè, si quid obscuriùs dictum, hanc nobis Lector culpam dona, si quid præter opinionem tuam, relege, attentiusque meditare: cum enim probè intellexeris, neutiquam laboris exactiq; temporis poenitebit.

RELIQVORVM CORPORVM REGVLARIVM

F ORTHOGRAPHICÆ PROIECTIONES.



INTER ea corpora quæ certa lege efformantur, primum locum obtinet spherà, utpote capacissima, simplicissimoque ambitu circumscripta. Quamobrem quocumque modo aspectui offeratur, in directo plano vnam semper habet proiecturæ formam, eamque circularem; de qua haectenus copiosè, vt opinor, satis. Nunc de reliquis eius generis corporibus agendum est, nimirum

rum Cono, Cylindro, Pyramide, Prismate, Tetraëdro, Cubo seu Hexaëdro, Octaëdro, ^A Dodecaëdro, & Icosaëdro, & ceteris quæcumque aliquam laterum uniformitatem habent. Ex horum enim vel rudi tantum adumbratione facile quivis irregularium corporum proiectiones assequetur. Porro ex ijs quæ modo recensuimus, scias Lector per regularia corpora non intelligi hoc loco ea dumtaxat, quæ vel Isoperimetra vocantur, vel quæ sedibus æquilateris constant, aut quæ spheræ inscribuntur: sed nonnulla etiam quæ nec spheræ inscribi possunt, ut quandoque sunt Prismata & Pyramides; nec æquilateras sedes habent, ut Coni & Cylindri, nec Isoperimetra sunt, ut quæ ^B eidem spheræ inscribuntur diuersa polyedra: sed ea omnia quæ aliquam laterum uniformitatem adeptæ sunt, qua in planum commodè transcribi possunt, cuiusmodi inter cetera sunt illa quæ superius nominauimus.

PROPOSITIO LI. THEOREMA.

Si visus in axem conici incidat, aut in lineam axi parallelam, spectatus conus circuli forma transferetur, cuius centrum erit ipsius ^C conici vertex.



DE cono hic agimus recto, cuius basis circulus, vertex autem à circumferentia basis æqualibus vndique distat radijs: is namque maximè regularis est. Procidat igitur visus primò per axem, sic ut axis radiusque opticus vna eademque sit recta linea: dico conici proiectionem circulo contineri, cuius centrum sit ipsius verticis axisque proiectione: nam axis centro basis perpendiculariter insistit. Quare basis directè visui opponitur, ipse autem axis perpendiculariter, ac proinde basis in circulum projicitur per decimam quintam propositionem libri huius: axis verò per tertiam huius ut punctum, quod idem cum basis centro esse oportet, quòd axis in centrum basis incidat: at reliquæ partes conici intra proiectionem ^D basis continentur, quoniam peripheria basis omnium partium, quæ ab axe distant, remotissima est: igitur totus conus in circulem formam projicitur, cuius centrum est ipsius conici vertex in idem planum proiectus.

Eadem prorsus conici transcriptio erit, si visus in lineam axi parallelam incidere concedatur. Nam cum ceteri omnes radij, æquè ab hoc distantes ducendi sint per primam huius libri propositionem, perspicuum est illum qui in verticem conici incidit, eundem esse cum axe, ac ceteros eodem modo se habere, quo prius: in hoc siquidem proiectionis genere nulla est principalis radij à ceteris distinctio, cum omnes nulla habita oculi ratione, tamquam ab infinito recessu euocandi sint, & tum principali radio, tum inter se ^E paralleli ducendi.

PROPOSITIO LII. THEOREMA.

Si visus in eodem sit plano, in quo & conici basis, spectatus conus in triangulum projicietur, ei quod per axem, simile & æquale.



CONSTAT in primis hoc oculi aspectu basin conici in rectam lineam projici ipsius diametro æqualem per 10. propositionem huius libri, propterea quòd radij omnes ad ipsam pertinentes in eodem sint cum ipsa plano: deinde si per latera conici radij ducantur tum inter se tum basi paralleli, ^F hi duas velut radiosas superficies complebunt, quarum communis sectio erit radius ille qui per verticem transit, cuiusmodi videre est in schemate propositionis centesimæ septimæ libri quarti. Hæ autem superficies, quoniam in rectis lineis conum attingunt per lemmationem ad propositionem centesimam quartam libri quarti explicatum, productæ ad planum vsque, in id conici latera propria magnitudine, ac situ deportabunt: nam & planum, & latera conici directè visui obuersantur. Quare ex his tribus lineis eadem magnitudine plano exceptis, triangulum conficietur ei, quod per axem conici ducitur, & simile & æquale; quod erat probandum.

A PROPOSITIO LIII. THEOREMA.

Si radius principalis planum conica basis secet, nec sit axi parallelus, conus ipse triangulari forma in plano describetur, cuius quidem duo crura recta erunt, basis autem dimidiata ellipsis.

B **V** T I superiore propositione, ita & in præfenti perspicuum est, latera conii in rectas lineas profundi: nam per lemmationem prop. 104. lib. 4. radij omnes, qui ad superficiem conii, excepta basi, pertinent, in rectis lineis eam contingunt: hæc verò, cum radij optici neque basi neque axi sint paralleli, oblique oculo obijciuntur: igitur per rectas lineas plano inscribuntur per 5. huius. Deinde cum & basis eandem ob causam oblique ad aspectum se habeat, erit ipsius projectura ellipsis per 21. huius: at eius dumtaxat medietas conspicua est, velut & totius conii: itaque hoc oculi situ conus in triangularem formam projicitur, cuius duo quidem crura recta sunt lineæ, basis autem dimidiata ellipsis, quod erat ostendendum.

PROPOSITIO LIV. THEOREMA.

Projecta cylindri forma, si radius axi parallelus sit, circularis est.

C **H** O C oculi aspectu basis cylindri directe cernitur, ut per se patet, quod scilicet, uti axis ita & ceteri omnes radij axi paralleli rectis angulis in eam incidant: igitur per 15. huius basis cylindri in circulum proiicitur, eumque primitivo circulo, hoc est basi æqualem per 16. huius. At eadem prorsus ratione, quotquot cylindri sectiones basi parallelæ producentur, omnes circulari forma in planum cadent: sunt enim omnes circuli quemadmodum & basis per 5. propositionem libri primi Sereni Antinensis de sectione Cylindri, & simili omnes dispositione cernuntur, quod basi sint parallelæ. Præterea cum cylindri axis perpendiculariter exhibeatur, cadet is in punctum per 3. propositionem libri huius, ac proinde omnium circulorum centra, quæ per eandem 5. libri primi Sereni in axe sunt constituta, unum punctum erunt: sed & omnium peripheriæ in unam incident, quod æquales sint omnium projecturæ per 16. huius, & ex eodem centro apparent descriptæ: igitur projecta cylindri forma, si radius opticus axi sit parallelus, circularis est, quod erat demonstrandum.

PROPOSITIO LV. THEOREMA.

Si radius axi normalis existat, erit cylindrus plano exceptus rectangulum, cuius duo latera axi, duo verò basis diametro æqualia erunt.

E **P** E R S P I C V A est huius propositionis explicatio ex iis quæ hætenus sunt demonstrata: nam bases in primis cum perpendiculariter exhibeantur, in rectas lineas procident, ipsarum diametris æquales per 15. & 16. libri huius: sed & latera in rectas lineas ipsis æquales directo aspectu producentur per 4. huius: siquidem radiosæ superficies, quæ ad cylindri latera pertinent, in rectis lineis ipsum contingunt per lemmationem prop. 95. li. 4. hæc igitur ad planum usque productæ, æquali, uti dictum est, magnitudine in planum cadent: quocirca cylindrus in rectangulum proiicietur, cuius duo latera longitudini, duo crassitie æquabuntur.

PROPOSITIO LVI. THEOREMA.

F **C** Ū M radius axem cylindri oblique secat, projecta figura quadrilatera est, cuius duo latera recta sunt & parallela lineæ, duo verò dimidiata ellipses.

H T HÆC propositio ex demonstratis liquet: nam per 5. propositionem libri huius constat latera in rectas proiici lineas, easque parallelas per 29. libri huius: sed & bases in ellipses procidunt propter aspectus obliquitatem, ut propositione 21. huius libri ostendimus, quarum cum solæ medietates ultra cylindri latera conspicue promineant, fit ut cylindri eo aspectu in planum producti, duo latera recta sint, eaque parallela; duo verò dimidiata ellipses, in diversum projectæ, quod erat ostendendum.

Ex his constat omnem cylindri ac conii proiecturam triplici differentia contineri, A] quam triplex aspectus suggerit: visus enim aut perpendiculariter, aut directè, aut obliquè in axem incidit; si perpendiculariter, figura proiecta tam cylindri quàm conii circulus est: si directè, conii quidem transcriptio triangulum est, cylindri verò quadrangulum; si denique obliquè, mixtæ figuræ producuntur ex rectis atque ellipsoïdibus lateribus, vt ex dictis constat.

PROPOSITIO LVII. PROBLEMA.

Cylindri & conii proiecturas in partes æquales secundum longitudinem representando secare. B



TRIBVS modis, vt iam dictum est, spectari possunt hæc corpora, atque ex triplici aspectu in varias formas proiici: primò in circulos, vt propositione 51. & 54. secundò in rectilineares figuras, vt propositione 52. & 55. hîc autem notantur litteris ABC & EFGH: tertio in mixtas figuras ex rectis lineis atque ellipsoïdion portionibus, vt propositione 53. & 56. quales hîc sunt ABC, & EFGHI.


Cùm in circulos proiiciuntur, non est difficile expedire propositum problema: nam secto in partes æquales circulo, perfectum erit quod postulatur, vt ex propositione 19. huius libri constat.

Cùm verò in figuras rectilineas transcribuntur, vt conus in triangulum ABC, cylindrus verò in rectangulum EFGH, describendi erunt circa bases BC, item EH & FG velut diametros semicirculi BLC, EMH & FNG, iique in partes quotcumque æquales distribuendi, vt hîc ipsos octifariam sectos vides: deinde à diuisionum signis ad diametros perpendiculares ducendæ; ac tum demum in cono quidem à diametri punctis rectæ ad verticem A sunt destinandæ, in cylindro verò, quæ à semicirculis prodeunt rectæ producendæ, ita vt similes semicirculorum peripherias, quæ ad easdem partes sunt attingant; sintque axi parallelæ, vt pote quæ æquales & parallelas diametrorum portiones connectunt.

Dico igitur hisce lineis conii ac cylindri superficies, exceptis basibus, in partes æquales representando difsecari: quoniam enim (vt in cono primùm demonstrationem instituumus) per 52. huius libri propositionem, basis conii in rectam proiicitur lineam BC, hæcque à perpendicularibus, quæ ab æqualibus peripheriis semicirculi ducuntur, in partes representatione æquales diuiditur per 12. libri huius, perspicuum est superficiem conii, excepta basi, lineis à vertice A ad partes lineæ BC demissis in partes æquales secundum aspectum distingui: quod enim reipsa præstant lineæ à vertice conii ad partes æquales basis ductæ, hoc ipsum secundum aspectum exhibent lineæ à proiecturæ vertice A in proiecturam basis BC procidentes. Eodemque modo se res habet in cylindri sectione: nam quoniam EH & FG sunt baseon proiecturæ, secanturque ab illis rectis lineis, quæ à semicirculis normaliter ducuntur, in partes representatione æquales, manifestum est & quæ has partes connectunt, rectas lineas axi parallelas secare cylindri superficiem, exceptis basibus, in partes aspectu æquales. E

Denique cùm ex obliquo intuitu bases in ellipsoïdion portiones proiectæ deformantur, quales hîc sunt BDC & FKG, non iam vt prius à locis in quibus rectæ lineæ BC & FG in partes representatione æquales distributæ sunt: sed à locis in quibus ellipses BDC & FKG orthographicè difsecantur, rectæ lineæ euocandæ sunt, & in cono quidem ad verticem A destinandæ, in cylindro verò pari ab axe interuallo producendæ.

Ex his facile est rationem colligere, qua in orthographicis ædificiorum descriptionibus columnarum striæ sint constituendæ, quas perperam aliquando pari interuallo distinctas




A stinctas in quorundam designationibus animaduertimus, cum ex dictis perspicuum sit earum interapedines à medio ad vtrumque latus hinc inde minui. Est tamen diuersa habenda ratio illarum columnarum, quæ in summitate contracturam admittunt; nec minor illarum quæ circa medium turgent, & ad apophysis extremitatem ventrem promittunt: in his enim medius canaliculus recta semper linea describendus est; ceteri autem quò propiùs ad latera accedunt, eò semper magis extimam scapi inflexionem æmularunt.

Eadem quoque ratio tenenda est dum columnæ describendæ sunt in circulum digestæ: hæ namque velut cylindrum quemdam efficiunt, cuius ima basis ille est circulus; B cui stylobatæ omnes insistent; summa verò is qui capitulorum abacis supernè incumbit; ipsa autem quæ exceptis basibus relinquitur superficies, ea est quæ columnarum ordinem toto in circuitu excipit: igitur in harum descriptionibus eadem, quæ in cylindris locum habet, ratio est obseruanda.

PROPOSITIO LVIII. THEOREMA.


Pyramis tetraëdra ex facie directè spectata proijcitur in triangulum æquilaterum.

C  ORPORA quæ *πολύεδρα* vocantur, hoc est multilatera, tribus partibus constant, nempe planis sedibus, ac rectis deinde lineis, velut planorum commissuris, tum denique punctis in quæ planorum linearumque anguli terminantur: quare tribus hæc modis spectari possunt; aut enim in planum aliquod, aut in commissuram, aut in angulum visus directò incidit, è quibus modis totidem proiectiones nascuntur.


Est itaque vt in latus pyramidis visus directè procidat: dico ipsius proiecturam fore triangulum æquilaterum: cum enim præter id corporis quod spectatur, nil in planum transcribi possit; spectetur autem solum triangulum æquilaterum, necesse est pyramidem ex eo aspectu in triangulum proijci, idque æquilaterum, propterea quòd rectæ illæ lineæ quæ spectatum pyramidis latus succingunt, in æquales lineas per quartam propositionem libri huius transcribantur.

PROPOSITIO LIX. THEOREMA.

Si visus in duarum sedium commissuram directè incidat, pyramis tetraëdra in quadratum proijcitur duobus triangulis dimensum.

E  D in primis obseruatione dignum hoc loco est, & ad sequentes etiam proiectiones vtile, omne corpus regulare, vti reipsa sphaeræ inscribi potest, ita quoque in figuram circulo inscriptam proijci, si directè aspectui obijciatur, hoc est si radius opticus, qui per centrum corporis ducitur, simul in angulum incidat, aut in centrum plani lateris, aut duorum laterum communem lineam bifariam secet. Hoc enim aspectu, quæ primarium radium vndique circumstant corporis partes, similem dispositionem ad oculum habent: quare proiectæ vel eandem magnitudinem retinent, vt quæ directè obijciuntur; vel pari obliquitate contrahuntur, vt ceteræ.

Cadat iam principalis radius directè in lineam A C ad medium ipsius signum E: palmam igitur per 4. propositionem libri huius A C in lineam proijci primitiuæ æqualem: at eadem ratione linea B D, quæ post corpus lateret, solaque extrema spectanda offert, in rectam proijcitur lineam primitiuæ æqualem: itaque harum duarum linearum proiecturæ sese in circuli centro E bifariam & ad rectos angulos intersecant: quare & A B, B C, C D & D A proiectæ in rectas quidem lineas cadent, sed contractas per 5. propositionem huius; & quia simili dispositionis obliquitate aspectui offeruntur, etiam inter se æquales erunt: quamobrem tetraëdra pyramis eo modo spectata, vt visus in duarum sedium communem commissuram directè incidat, in quadratum transcribitur duobus triangulis dimensum; quod erat explicandum.




PROPOSITIO LX. THEOREMA.

A

Visu per angulum tetraëdrae pyramidis directè transeunte, ipsa in triangulum æquilaterum projicitur ex tribus æqualibus triangulis ad centrum constitutis compositum.



QUONIAM hoc aspectu tres simul sedes pyramidis conspicuæ sunt, quartæ perimetro comprehensæ, necessum est totam pyramidis projectionem intra quartæ sedis projectionem contineri: hæc autem in triangulum æquilaterum ABC projicitur: quoniam enim radius opticus, qui per angulum D simul & centrum pyramidis traicitur, ad planum ABC re-
 ctus est, erit auersa pyramidis facies directè visui exposita; quare projecta in planum similis sibi erit & æqualis: est verò primitiua illa pyramidis facies triangulum æquilaterum: itaque & projectura æquilaterum triangulum erit. Quod autem ea projectura tribus triangulis æqualibus constet ad centrum terminatis, ita ostenditur: Radius omnis opticus in indiuiduo puncto planum interfecat: at pyramidis vertex D , centrumque in eodem sunt radio ex hypothesis: igitur D in centrum projectionis ABC cadit: æquales itaque sunt inter se AD , BD & CD per circuli ac trianguli definitionem: sunt verò, ut iam ostensum est, & AB , BC , CA æquales: igitur triangula quæ in basibus AB , BC & CA ad centrum D constituuntur, sunt inter se æqualia.



PROPOSITIO LXI. THEOREMA.

Cubus ex directo lateris aspectu in quadratum projicitur.

PERSPICUA est hæc propositio ex ipsa radiorum productione: nam radiosæ illæ superficies, quæ per extremitatem obiecti lateris ducuntur ad spectatum Cubi latus rectæ sunt ob situm directum: quare vnaquæque, illarum
 in eodem est plano cum latere proximo illi quod directè spectatur: igitur hoc aspectu nil Cubi cernitur præter solum latus directè obuersum; ideoque totius Cubi projecta forma, huius lateris projectura continetur. Quod autem quadratum directè obiectum in quadratum projiciatur, ex eo ostenditur, quod radiosæ illæ, quas diximus, superficies Prisma constituent, quod parallelis planis sectum similes exhibet sectiones: at visum Cubi latus & planum quo projectura excipitur parallela sunt ob situs similitudinem: itaque cum latus Cubi quadratum sit, erit & projectura ipsius quadratum; quod demonstrandum erat.

PROPOSITIO LXII. THEOREMA.

E

Cubus visu per oppositas superficierum commissuras directè procedente, in rectangulum projicitur, altera parte longius, ex duobus rectangulis inter se æqualibus, totique similibus compositum.




HOC in primis manifestum est, in hac visus obiectique dispositione duotantum Cubi latera simul videri, non autem plura: cum enim communis duorum laterum linea directè obijciatur, radij omnes optici in eam rectis angulis incident, è quibus ij qui ad extremitates pertinent, cum duobus planis coincidunt, quæ proinde ut rectæ lineæ parallelæ AD & BC in
 planum transcribuntur per 8. propositionem huius; reliqui autem radij in duo latera oblique incident, quæ proinde videntur quidem, sed contracta per 9. huius. Ex quo facile ostendi potest propositum: nam duorum laterum apparentium extremæ lineæ AB & DC in rectas lineas projiciuntur, easque, parallelas per 29. huius; siquidem ipsæ parallelæ inter se sunt: cumque circulo hæc omnia inscribi possint, sequitur $ABCD$ rectangulum esse.

Deinde cum AED & BGC projectiones sint duorum laterum Cubi ex eo aspectu, quo ipsorum diametri directè obuertuntur, fit ut AD & BC quadratorum diametris sint æquales, quorum latera lateribus AB & CD sunt æqualia: at in quadratis figuris maior est diame-

A diametris latere : itaque rectanguli latera AD & BC ipsis AB & CD sunt lateribus ma-
iora : quare ipsum rectangulum altera parte est longius.

Tum EG , quæ communis est apparentium sedium com-
missura, uti reipsa parallela est lateribus AB & CD , ita &
in proiectura per 79. huius; ac proinde $ABCD$ rectangu-
lum per lineam EG in duo dispecitur rectangula; quæ
etiam æqualia inter se esse dico, quòd latera AE , BG la-
teribus ED & GC in proiectura æqualia sint, propter similis
obliquitatis aspectum.



B Demum rectangula AG & GD toti AC similia esse ex eo
potest demonstrari, quòd in quadratis figuris dimidia dia-
metrus ad latus eam rationem habeat, quam latus ad totam diametrum; siquidem in
quadratis inæqualibus ita se habet latus ad latus, ut diametrum ad diametrum: sed qua-
drati latus diametrum est eius, quod ex dimidia diametro totius fit, quadrati: igitur ut di-
midia diametrum ad latus, ita latus ad totam diametrum: at AE dimidia est diametrum
eius quadrati quod ex latere fit AB , & cuius diametrum AD : itaq; ut AE ad AB , sic AB
ad AD ; est ergo AG rectangulum rectangulo AC simile: est verò EC rectangulum
ostensum rectangulo AG æquale; quocirca erit & EC rectangulú rectangulo AC simile.


PROPOSITIO LXIII. THEOREMA.

C *Cubus, visu per oppositos angulos transmisso, projicitur in Hexa-
gonum è tribus æqualibus similibusque Rhombis conflatum.*



I C tria simul spectantur latera AC , CE & EA , quot scilicet ad anguli spe-
ctati G constitutionem conueniunt: at cum singula hæc latera quatuor
lineis constent, è quibus binæ in G concurrunt; erunt præter has, quæ in G
terminantur, reliquæ numero sex, quibus tota Cubi proiectura contine-
tur AB , BC , CD , DE , EF & FA : itaque in Hexagonum projicitur Cubus, eo
quo dictum est modo aspectui obiectus.

D Deinde cum ea, quæ in G (quod & proiecturæ centrum
est) coeunt, singulæ duobus lateribus sint communes, tres
tantum AG , CG & EG intra proiecturæ extimos fines reli-
quæ sunt, quibus proinde Hexagonum trifariam diuidi-
tur. Quòd autem hæc mediæ AG , CG & EG extimis illis,
atque etiam inter se sint æquales, inde probatur, quòd sint
eiusdem circuli semidiametri: at circuli semidiametrum
æqualis est lateri Hexagoni circulo inscripti: igitur omnes
quæ apparent Cubi lineæ sunt inter se æquales. Sunt verò
E & anguli Hexagoni circulo inscripti æquales, quorum al-
ternos AE , CG , EG in æquales angulos dispecunt: itaque & qui ad centrum anguli con-
ueniunt sunt æquales: ideoque Rhombi AC , CE & EA , in quos Hexagonum diuidi-
tur, & inter se æquales, & similes sunt; quod erat ostendendum.




PROPOSITIO LXIV. THEOREMA.

*Octaedrum, visu per opposita plana perpendiculariter transeunte,
in Hexagonum projicitur, cuius alterni anguli rectis coniungun-
tur, qua triangulum æquilaterum efficiunt.*



F A M quatuor hoc situ aspectuque latera con-
spicua sunt: vnum quidè ACE directè, quod
proinde in triangulum æquilaterum, quale
reipsa est, projicitur; reliqua autem obliquè
hunc circumstant, quorum extremæ lineæ,
dempto triangulo ACE , sunt numero sex, nempe in singu-
lis duæ: quæ cum pari omnes obliquitate à directo aspectu
deflectant, pari etiam mensura à propria magnitudine proje-
ctæ contrahuntur; itaque Hexagonum in plano efficiunt,
quod ductis per alternos angulos rectis lineis, triangulum
æquilaterum inscriptum habeat.




PROPOSITIO LXV. THEOREMA.

Octaëdrum per oppositas planorum commissuras spectatum in Rhombum projicitur, cuius minor diameter ad maiorem eam rationem habet, quam quadrati latus ad diametrum.



duobus Octaëdri lateribus ABC & ADC , quæ hoc situ tantummodò videntur, quatuor lineæ totam projectionem complectuntur, AB, BC, CD & DA , quandoquidem vna AC communis est, vtrumque latus dirimens: est porro AC ad BD ea proportio quæ lateris quadrati ad diametrum; siquidem Octaëdrum quadrato, quod eidem circulo inscribitur cui & Octaëdrum, bifariam secatur, cuius quidè latus est AC , in quam visus directè incidit, diameter verò BD , quæ etiam directè spectatur. quare cum neutra in planum projecta magnitudinis mutationem suscipiat per 4. huius, erit, vti in re ipsa, ita quoque in plano ipsius AC ad BD ea proportio, quæ lateris quadrati ad diametrum: cum verò quatuor extremæ lineæ AB, BC, CD & DA , simili obliquitate ad aspectum se habeant, erunt ipsæ in planum profusæ minores quidem, quàm sint re ipsa, at inter se æquales: quare, quod propositum fuit, Rhombus erit $ABCD$ Octaëdri projectura, cuius minor diameter AC ad maiorem ita se habet vt quadrati latus ad eiusdem quadrati diametrum; quod probandum erat.




PROPOSITIO LXVI. THEOREMA.

Si per oppositos angulos visus incedat, Octaëdrum in quadrati formam projicitur, quod duabus dimetientibus seu decussis in quatuor triangula dissecitur.



quatuor hoc situ triangula Octaëdri videri perspicuum est: nam totidem in compositionem anguli E directè spectati conueniunt, quæ proinde vno intuitu visus complectitur. Cum verò ex eorum lateribus solæ basès AB, BC, CD , & DA extremæ sint, ceteris in E congressionem facientibus, necesse est vniuersam Octaëdri projectionem quatuor lateribus iam dictis contineri. Nunc eandem figuram in planum transcriptam quadratum esse propria appellatione nuncupatum, hinc demonstrabitur, quòd primitiuum planum $ABCD$, Octaëdrum per quatuor angulos bipartitò diuidens, sit re ipsa quadratum: quoniam ergo principalis radius per E , alterumque ei oppositum angulum incedens, per centrum quoque quadrati primitiuum $ABCD$ rectis angulis traiecitur, directò illud spectabitur, ac per 32. propositionem libri huius in quadratum æquale projicietur, quod erat probandum.



PROPOSITIO LXVII. THEOREMA.


Dodecaëdrum, visu per oppositas sedes directè translapso in Decagonum producitur, sex Pentagonis constans, è quibus id quod medio existit loco, æquiangulum & æquilaterum est.



quoniam Dodecaëdri plana obtusis angulis inter se committuntur, fit vt in proposita corporis constitutione medium omnino sedium numerum visus vno aspectu complectatur. Sunt autem singulæ sedes pentagonæ: igitur vniuersam projectionem sex Pentagona dispertiunt, è quibus id, quod medium locum obtinet $ABCDE$, æquiangulum est & æquilaterum, propterea quòd directè visui obijciatur ex hypothefi: cetera autem quæ circumstant,

A cumstant, nec æquilatera sunt, nec æquiangula, propter aspectus obliquitatem: sed in iis anguli FGH , HAB & FBA , primitiuis maiores sunt per 53. propositionem libri quarti; reliqui autem AHG & BFG primitiuis minores per eamdem 53. eiusdem libri; & latus AB omnium maximum est, utpote primitiuo æquale, deinde FG & GH ipso AB minora, propter situs obliquitatem; tum demum omnium minima AH & BF , quod à directo aspectu omnium maximè declinent.


B Nunc ostendendum sit hæc omnia in Decagonum proiici: quoniam singula illa Pentagona, quæ in ambitu medium stipant, quinque lineis concluduntur, atque ex his tres versus medium contrahuntur, duæ autem tantummodò ad extrema profiliunt, manifestum est ex binis lineis quinquies sumptis, quot scilicet Pentagona circa medium versantur, decem prouenire: quæ cum ob similem aspectus obliquitatem in æquales lineas transcribantur, Decagonum constituunt æquilaterum: sed & æquiangulum, quod omnium eadem sit ad inuicem inclinatio; igitur Dodecaëdram, visu per oppositas sedes perpendiculariter translapso in Decagonum proiicitur, sex Pentagonis distinctum, è quibus vnum, quod medium locum obtinet, **C** æquiangulum est & æquilaterum; quod ostendisse oportuit.



PROPOSITIO LXVIII. THEOREMA.

Si visus per opposita latera directè incedat, Dodecaëdri proiecta forma hexagona erit, ex quatuor pentagonis composita, neque æquilateris, neque æquiangulis.


D duodecim superficiebus, quæ Dodecaëdram ambiunt, quatuor omnino hoc situ ab aspectu subducuntur, quatuor item in rectas lineas proiectæ incidunt AB , BC , DE & EF , utpote perpendiculariter expositæ: itaque solæ quatuor superfunt conspicuæ à directo intuitu non-nihil deflectentes, quarum latera duobus exceptis AF & CD , vel ad medium contendunt, vel lateribus AB , BC , DE & EF congruunt: igitur sex dumtaxat latera totam corporis projectionem succingunt: quare hexagona ipsius est forma, ex quatuor Pentagonis composita, iis scilicet, quæ sola conspicua esse iam proximè diximus: sunt verò ea nec æquilatera, nec **E** æquiangula propter aspectus obliquitatem; ut superiore propositione ostensum est.



PROPOSITIO LXIX. THEOREMA.

Visu per oppositos angulos Dodecaëdri trajecto, ipsum in Decagonum proiicitur, cuius alterna latera æqualia sunt.

F PERSPICVVM est hoc aspectu, ut & illo. quo visus per oppositas sedes traiecitur, (de quo propositione 57.) sex plana Dodecaëdri simul videri, quæ proinde totam projectionis aream complent, quorum tria centrū projectionis G mucronibus attingunt, tria item paribus interuallis GH , GK & GL , à centro G sese retrahunt. Porro omnium bases ABC , DEF , &c. inter Dodecagoni latera connumerantur: sunt verò ipsæ inter se æquales, uti re ipsa, ita quoque in planum transfusæ, quod directè omnes cernantur: at quia inter singulas superficieum bases singula præterea latera sese interfecant, ut BC , DE , &c. minora quidem ipsis basi-




bus propter maiorem obliquitatem, sed æqualia inter sese, ob similem obliquitatem A aspectus, palàm est Dodecagonum esse ipsam corporis proiecturam, eiusque altera latera æqualia esse, quod erat ostendendum.

PROPOSITIO LXX. THEOREMA.

Icosaëdron ex superficie directè spectatum in Hexagonum projicitur decem triangulis distinctum, è quibus id, quod medium locum obtinet, æquilaterum est & æquiangulum.



Hæc propositio eandem habet explicationem, quam superiores: constat enim hoc situ medium superficierum numerum videri, hoc est decem è viginti, quòd nimirum anguli solidi ad puncta G, H, & K ex quinque planorum concursu effecti, obtusi sint, hoc est rectis angulis maiores, sunt porro recti anguli solidi qui tribus planis angulis rectis in vnum punctum collectis continentur, vt ij qui in Cubo visuntur: cumq; sex dumtaxat ex illis decem sedibus circa ambitum versentur, quarum duo quidem latera ad medium contendunt, sola autem basis extremum locum tenet, fit vt Hexagonum sit totius proiecturæ schema A B C D E F decem triangulis distinctum, è quibus id quod medium locum obtinet G H K æquiangulum est & æquilaterum: nam ex hypothesi directè aspicitur.




PROPOSITIO LXXI. THEOREMA.

Ex directo oppositorum laterum aspectu Icosaëdron in Hexagonum projicitur ex octo triangulis compactum, quod neque æquilaterum est, neque æquiangulum.



QVONIAM hoc aspectu quatuor superficies perpendiculariter obiectantur, eæ nimirum quæ lateribus B C, C D, E F & F A adiacent, & in has ipsas rectas lineas projiciuntur per 8. propositionem huius libri, consequens est vt è reliquis decem & sex planis, quibus Icosaëdron perficitur, octo è regione sint oculi atque conspicua, totidemque à tergo occultentur: igitur octo omnino triangula vniuersam Icosaëdri proiecturam explent, è quibus duo in medio ad commune latus G H sunt constituta, reliqua verò sex bina latera verticibusque ad G & H puncta protendant, solisque basibus A B, B C, C D, D E, E F & F A proiecturam claudunt, quæ proinde Hexagona est: at cum latera A B & D E directè obijciantur, vti & G H, cetera autè obliquè, erunt A B & D E ipsi quidem G H æqualia, ceteris autem B C, C D, E F & F A maiora, angulique B C D & A F E, reliquis maiores. quocirca Hexagonum proiecturæ schema, neque æquiangulum est, neque æquilaterum; quæ omnia ostendisse oportuit.




Sunt porro ipsa triangula isoscelia quidem, quoniam duobus æqualibus lateribus F omnia constant; at neutiquam inter se similia: siquidem illa dumtaxat quæ sibi ex aduerso opponuntur, laterum angulorumque æqualitate conueniunt. Itaque triangulum A G B opposito sibi E H D simile est & æquale; sic & G C H ipsi G F H, denique A G F ipsi D H C, & B G C ipsi E H F; quorum omnium vna est ratio aspectus similitudo: quo fit, vt A G F ipsi etiam B G C, itemque D H C ipsi E H F sit simile & æquale. Nam quia latus C G lateri C H, & latus C B lateri C D, rursusque latus B G lateri D H est æquale, erunt triangula B G C & D H C similia & æqualia. Eodemque modo A G F & E H F: igitur & inter se A G F & B G C, itemque D H C & E H F similia sunt & æqualia.

PRO-

A
PROPOSITIO LXXII. THEOREMA.

Icosaëdru[m] per oppositos angulos spectatum, in Decagonum projicitur inscriptum habens Pentagonum, in quo quinque triangula similia ad centrum conveniunt, totidemq[ue] extra procurrunt & ipsa inter se similia.

B **M** quinque triangula ad solidi anguli corporis Icosaëdri constitutionem conveniunt, palam est horum quinque triangulorum bases A B, B C, C D, D E & E A Pentagonum efficere, ipsaq[ue] triangula inter se similia esse, ob similem omnium laterum dispositionem. Rursus quia triangula, quæ deinceps hisce basibus proximè adiacent, ut est A F B, vertices protendant ad peripheriam circuli, cui Pentagonum inscribitur, necesse est singulis Pentagoni lateribus duo latera, qualia sunt A F & F B, insistere: quocirca Decagonum erit totius corporis Icosaëdri projectura. Sunt insuper quæ Pentagoni lateribus insistent, & ad circuli peripheriam protendantur triangula, simili dispositionis genere aspectui obiecta: igitur & ipsorum projecturæ similes inter se erunt, quamvis longè magis contractæ, quàm illorum quæ intra Pentagonum continentur, ob maiorem illorum obliquitatem. Quæ omnia quoniam ex ipsius corporis intuitu clariora sunt quàm ex prolixa singulorum demonstratione, nihil opus est pluribus verbis explicare.



D *Igitur de his tantum. Nunc, quo pacto totius frontis orthographica projectura instituenda sit, pretium operæ erit ostendere, quando ad eò frequens eius est usus, ut in omnibus penè structurarum molitionibus usurpetur, ceu forma quadam operis, atque idea vicaria quæ Architectum instruat, dirigat, & quod caput est, de totius operis probitate securum reddat.*

PROPOSITIO LXXIII. PROBLEMA.

Aedificij frontem ex adverso spectatam orthographice in plano describere.

E **N**OTANDUM hoc loco primùm est per frontem ædificij non eam dumtaxat faciem intelligi, quæ in anteriore parte sita ingredienti prospectat, & varijs columnarum ordinibus, signisque, ac fastigio exornatur: sed eam omnem, quæ vnico aspectu cerni directè potest, siue interna illa sit, siue externa, siue vno constet plano, siue pluribus post se murò constitutis; veluti si pars quædam ædificij columnis subnixæ ex fronte describenda sit, post hanc verò alia existat, quam etiam describere in eodem plano oporteat, qua per intercolumniorum vacua aspicitur, fieri inquam potest, ut vtriusque frontis spectata portio describatur, quamvis projecta figura nullam frontium intercapedinem profunditatemque exhibeat.

F Deinde & hoc notandum, in frontis designatione principalem radium eum vocari, qui ab intuentis oculo ad obuersam ædificij frontem rectis perducitur angulis: hunc ad Horizontis planum perlibratum esse ex eo constat, quòd structuræ parietes eidem plano Horizontis ad perpendicularum insistant: est enim libra recta perpendiculari intersectio, ut ex vtriusque perspicuum est definitione.

Principali radio ceteri ducentur paralleli, ut propositione 1. huius libri faciendum docuimus: ex quo eueniet ut lineæ omnes quæ secundùm libellam directò profunditatem petunt, in puncta procident per 3. propositionem huius libri: quæ verò ad eiusdem libellæ æqualitatem constitutæ has rectis angulis interfecant, (transuersas vocare liceat) in rectas plani lineas & ad Horizontem libratas transcribantur: quæ autem vtriusque

que ad perpendicularum insistant, etiam ut rectæ lineæ in plano designentur, quæ cum A
transuersis rectos angulos efficiant.

Demum cum proposita structuræ facies plano, cui inscribi postulatur, sit parallela, perspicue patet, orthographicam descriptionem primitiuæ figuræ ex aduerso spectatæ similem per omnia esse oportere; hoc solo discrimine, quod in proiectura nulla exprimi queat profunditas, quæ tamen in re ipsa existere subinde potest.

Et hoc dignum est obseruatione, quod Vitruuius in definitione Orthographicæ acutè notauit, posse ea quæ orthographicè in plano describuntur, coloribus depingi, ut illustriorum colorum perfusione partes quædam extare præ ceteris videantur velut lumine collustratæ; aliæ autem obscuriorum adumbratione sub his delitescere, ceu magis in profunditatis recessum abactæ: sic inquam definit ille libro primo capite 2. *Orthographia est erecta frontis imago, modiceq; picta rationibus operis futuri figura.* Ea namque colorum suffusione nihil de perfectione descriptæ figuræ decedit; accedit autem percommodè magna partium distinctio, ac nonnulla etiam profunditatis representatio, quæ solis linea mentis exhiberi nulla ratione potest.

Ex his ceterisq; Orthographiæ legibus prudenter obseruatis, haud erit difficile propositæ frontis orthographicam projectionem instituere: quamobrem ne Lectori tædium offeram, singulis eius partibus enucleandis, sat esse duxi ea tantummodò præmonuisse, quorum cognitione propositum absolui à quouis potest.

VMBRARVM PROIECTIONES. C



IC locus exposcit, ut de umbrarum projectionibus aliquid dicamus, quoniam id libro quinto nos facturos promissimus: atque eam etiam ob causam, quod umbrosa projectio optica projectioni simillima sit, atque ad scientiam Gnomonices perneccessaria. Etenim sol instar oculi est infinite à nobis abducti, id verò quod post se umbram fundit, velut corpus quod videtur, umbra demum tamquam radius est, quo forma corporis ad opti in planum deportatur, ipsiq; occurrens figuram aliquam in communi sectione exhibet, quam umbræ projectionem appellamus. Est verò hæc adeò exacta projectionis similitudo, ut eam, quæ per oculum fit, imaginariam potius esse dixerim, quàm veram, quod oculus, si infinite absistat, nullam rei ac plani dignotionem accipiat. Quamobrem ea descriptio, quam parallelis lineis per singulas rei partes protensis in planum consignamus, ab oculo fit, qui non re ipsa infinite distat, sed quem infinite abesse mente confingimus. Nunc quantum conducatur huius projectionis cognitio ad eam Mathematicæ partem, quam Gnomonices vocant, ex eo perspicue patet, quod sciotericorum descriptiones nil aliud sint, quàm umbrarum projectiones, quas sol quidem re ipsa facit, cum post opacum corpus umbram ad planum usque profundit, nos verò sola representatione, cum ex arte eiusmodi lineamenta proposito plano inscribimus, quæ umbras dati gnomonis statis temporibus excipiant.


Quare propositum nobis hoc loco sit de solaris tantum umbræ projectionibus agere, quod sol, uti Orthographia deposcit, infinite à nobis distet, secundum eam infiniti notionem, quam initio Orthographicæ explicauimus: deinde ea etiam tradere, è quibus tota facultas Gnomonices pendet, ut detecta fontis origine, riuulos ad se quisque inde deriuat. Nihil enim ad scientias capessendas æquè utile esse potest, atque earum prima fundamenta perspecta habere, ex quibus scilicet plurimæ veritates haud ita vulgi pedibus obtrita adinueniri possunt, & tum hæ, tum aliæ quæ à maioribus nulla probatione, nulla fide propositæ sunt, facillimo negotio demonstrari. Igitur cæptum propositio-
num ordinem prosequamur.

A PROPOSITIO LXXIV. THEOREMA.

Si sol Horarium quempiam circulum ex ijs, qui horas à Meridiano auspicantur, attigerit, erit proiecta axis umbra recta lineae, in eodem cum circulo existens plano.

B **S** I T sphaerae centrum A, axis verò BC, & Meridianus circulus BDCG in quo sol ad signum D; sit autem FNG planum quodcumque: dico umbram axis BC in rectam lineam HG plani FNG projici. Quoniam enim circulus Meridianus vnus est de numero maximorum qui in sphaera sunt circulorum, transibit is per sphaerae centrum, vt demonstrat Theodosius

propositione 6. libri primi Sphaericorum. Rursus cum idem Meridianus circulus per sphaerae Polos incedat, transibit is quoque per axem: nam Poli centrumque mundi in axe existunt. Demum cum per 57. libri quinti luminosum corpus, lumenque, & umbra in directum extendantur, erit semicirculus umbrosus BGC, & is qui illustratur BDC, in



vno eodemque circuli Meridiani plano: quare necesse est umbram axis in communem sectionem Meridiani BDCG & plani FNG incidere, nempe in FG: est autem FG, nimirum communis duorum planorum sectio, recta linea per 3. vndecimi Euclidis, in eodemque plano, in quo & Meridianus circulus: igitur si sol, maximusque sphaerae circulus, &c. quod erat demonstrandum.

Idem prorsus in alio quocumque Horario circulo per Polos ducto, puta BECN, ostendi potest: nam illustratus quidem semicirculus erit BEC, umbrosus verò BNC, cuius, & plani FNG, quoniam communis sectio est HN, perspicuum est eam rectam lineam esse per 3. vndecimi Euclidis, inque eodem cum circulo BECN plano, quod per 57. libri quinti sol E, axisque mundi BC, & umbra in vno eodemque plano existant.

PROPOSITIO LXXV. THEOREMA.

Sole in Horario quopiam existente ex ijs qui ab Horizonte horarum initium ducunt, centri proiecta umbra punctum est, in eodem cum circulo existens plano.

F **Q**UOD in circulis Horarijs, qui per Polos ducuntur, ostendimus, id non æquè in ijs circulis Horarijs demonstrari potest, qui horas ab Horizonte inchoatas indicant: quamuis enim hi maximi sint sphaerae circuli, vt prænotatione 16. huius libri diximus; quia tamen superior demonstratio non ex natura conditioneque maximi circuli desumpta est, sed ex eo quod axis in eodem sit cum Horarijs circulis plano, manifestum est sole in Horario quopiam existente, ex ijs qui seriem horarum ab Horizonte incipiunt, non posse axis umbram in eodem plano esse, in quo Horarius, quod nec axis ipse in Horarij plano existat, vt ex eadem prænotatione 16. huius libri constat: quocirca eius dumtaxat partis proiecta umbra in eodem plano cum Horario erit, quam Horarius cum axe communem habet, hoc

hoc est centri, cuius umbra cum per 66. propositionem libri quinti recta sit linea, erit A ipsius projectura punctum per 2. & 3. huius.


PROPOSITIO LXXVI. THEOREMA.

Cum sol in diuersis partibus eiusdem Horarij successiue existit, proiecta à centro umbra in rectam lineam plani distenduntur, quæ communis est plani atque Horarij intersectio.



Æ c propositio ex iam dictis patet, atque ex reposita superiore figura facillimam habet demonstrationem. Sol enim, qui prius in d parte Meridiani fuerat constitutus, sit modò in p eiusdem Meridiani punctum transmutatus, vnde ductus per centrum A radius cum plano concurrat: quoniam igitur radij d k z & p x q per centrum profusi sese in eodem

cetro interfecant, erunt ambæ in vno plano per 2. vndecimi Euclidis: at non in alio quàm ipsius Meridiani, cum puncta omnia per quæ ducuntur d, p, z, x in ipso sint Meridiano: itaque necesse est puncta k & q, atq; eodem etiam modo quotquot radiis à semicirculo BDC per centrum A in planum FNG profusis attinguntur, in rectam lineam H Q infinitè ex parte Q productam extendi; quod erat ostendendum.



Rursus si sol ab e in r aut in aliud quodcumq; punctum Horarij circuli BMCN transferatur, ex quo per centrum A radius ad planum produci queat, dico umbram à centro A in rectam semper lineam H N infinitè, si opus fuerit, extensam incidere, quemadmodum in proposita figura vides sole in e existente umbram centri A in l procidere, sole verò in r transmutato centri A umbram projici in s. Quoniam enim Horarij BMCN & plani FMGN communis sectio est MN, secabit axis BC ipsam MN in puncto quopiam, exempli gratia H: igitur axis BC & HS in eodem plano erunt, in quo & circulus BMCN: at radij ET & RV in eodem quoque sunt circuli BMCN plano: itaque radij ET & RV in eodem plano cum AH & HS erunt: est verò duorum planorum communis sectio recta linea per 3. vndecimi Euclidis: igitur radij omnes, qui à semicirculo BMC, in quem sol transmutatur, per centrum A in planum prociunt, omnes in rectam lineam HS, hoc est communem plani FMGN & Horarij BMCN intersectionem, infinitè, si opus est, productam distenduntur; quod erat demonstrandum.

Id verò quod in ijs circulis, qui horas à meridie vel media nocte indicant, ostendimus, locum etiam habet in ijs circulis, qui ab Horizonte ortiuo occiduoue horas aspiciantur: nam cum sint de numero maximorum sphaerae circularum, his æquè atque illis commune est mundi centrum per 6. primi Sphaericorum Theodosij, à quo proinde profusum umbræ radium cum radio luminoso in eodem circuli Horarij plano necesse est esse. Cum enim per 57. propositionem libri quinti umbrosus puncti radius cum luminoso in continuam rectam lineam extendatur, sitque radius luminosus qui à sole in Horario existente ad centrum ducitur in ipsius Horarij plano, nisi & umbrosus centri radius in eodem sit Horarij plano, erit rectæ lineæ pars quidem in dato plano, pars verò à plano sublimis, quod primæ propositioni vndecimi libri Euclidis aduersatur: itaque necesse est umbrosum centri radium in ipsius Horarij plano existere: quare quotquot à centro

A centro in subiectum planum procidunt umbrosi radij, sole in Horatio quouis seu circulo maximo existente, omnes in communem sectionem plani atque Horarij maximè circuli cadunt: est autem duorum planorum communis intersectio recta linea per 3. vndecimi Euclidis: igitur & in his circulis, qui horas ab ortu vel occasu significant, umbræ, quæ à centro in planum horologij procidunt, sole in quavis parte eiusdem Horarij constituto, omnes in rectam plani lineam, quæ communis est ipsius & Horarij sectio, terminantur, quod erat demonstrandum.

CONSECTARIVM.

Scioterica non necesse est in mundi centro collocari.

B **H**INC fit, vt solare horologium planum, siue quod à Meridiano, siue quod ab Horizonte inchoatas horas indicat, nil aliud sit quàm communes Horariorum & plani sectiones. Cùm verò sol infinitè à nobis distet, sitque ea propter vniuersa terræ moles puncti instar, nil interest, an horologium eò loci constituatur, vbi planum illud existit, cuius, & Horariorum communes sectiones in horologium transcriptæ sunt, dummodò horologij planum illi eidem plano sit parallelum. Vt in superiore schémate, si planum quodpiam horizontale $F M G N$ sub terræ centro depressum, Horarios circulos $B F C$ & $B M C$ secet in rectis lineis $H G$ & $H N$, quæ proinde horarum sint notæ, exque transferantur in aliud quodcunque planum ad Horolabij vsum accommodatum: dico hoc planum horologij posse quocunque loco collocari, siue in mundi centro, siue supra centrum, siue in terræ fastigio, siue etiam in ipsius Olympi montis vertice, dummodò ipsi $F M G N$ plano parallelum sit, propterea scilicet, quòd totus terrenus orbis ex solis loco spectatus, puncti rationem habeat. Nam ea mutatione, qua planum $F M G N$ locum tantummodò mutat, non verò etiam situm, hoc est manens Horizonti parallelum, linearum $H G$ & $H N$ dispositio eadem semper manet, mutatur autem, cum situs etiam plani mutatur: igitur quocumque loco horologium solare constituatur, dummodò illi plano sit parallelum, cuius, & Horariorum communes intersectiones inscriptas habet, æquè ad cognoscendas horas deseruiet, ac si proprio loco fuisset repositum.

D Porro cùm, vt iam proximè dicebamus, horologium planum nil aliud sit, quàm figura continens Horariorum & cuiuscumque propositi plani intersectiones, perspicuum est innumeras praxes excogitari posse Horolabia plana describendi: nam quot modis communes illæ Horariorum, & cuiusque plani intersectiones designari possunt, totidem modis Horolabia in quoduis planum transcribi possunt: id quod à nobis supra pluribus rationibus ex Orthographiæ præceptis secundum varios aspectus est factitatum: & verò infra ostensuri sumus ex Stereographicis projecturis non paucioribus modis idem posse præstari. Ex quo sanè patet non exiguum principium Gnomonices ex hac umbrarum projectione, & communibus planorum intersectionibus haberi, vt ea sola consideratio vnà cum projectionum legibus superius explicatis prudenti sat esse debeat ad horologia planis tabulis inscribenda.

E PROPOSITIO LXXVII. THEOREMA.


In sciotericis Horolabijs Gnomon, qui longitudine horam signat, axem mundi; qui sola extremitate, centrum representat.



D VPLICIS gnomonis vsus in solaribus horologijs reperitur: alter, qui à tota sua longitudine umbram producit, alter, qui à sola extremitate, quem styli verticem appellant; hic, inquam, centrum mundi, ille axem representat. Nam ex ijs quæ iam sunt demonstrata perspicue patet in horis Astronomicis, seu quæ à meridie vel media nocte initium ducunt, totum axem, vel saltem ipsius partem aliquam horas in Horolabij plano signare. Cùm enim umbra in eundem circulum incidat, in quem & lumen, necesse est lumen umbramque ab axe proiectam in æquabilem superficiem extendi per 57. proposit. libri 5. cuius, & plani, in quo horæ inscribuntur, communis sectio recta sit linea per 3. vndecimi Euclidis. Quare gnomon qui tota longitudine horam notat, axem mundi representat, quod in solis Astronomicis horis locum habere potest: non verò etiam in illis, quas quædam nationes ab ortu vel occasu pro more auspiciantur, quarum horarum definitores circuli per mundi Polos non transeunt: quia verò sunt eorum, qui in sphaera existunt, maximi, transeunt omnes per mundi centrum per 6. primi Sphæricorum Theodosij;

quare id solum cum axe commune habent: cumq; sol ad quempiam illorum attigerit, A folius centri umbra in eundem ipsum circulum incidet: quocirca in earum horarum designationibus gnomon solo vertice horam ostendens, centrum mundi repræsentat.

Quæ vt clariora fiant, reponatur eadē quæ supra sphaera ex centro A descripta, cuius axis BC, meridianus BDC, horæ autem secundæ à meridie vel media nocte circulus BEC: sit etiã planũ, in quod horarum umbræ projiciantur FMGN, cui duo gnomones insistant, vnus AH axi cõgruens, alter AO rectus, verticem autem habens ad centrũ mundi A: dico



sole in D puncto Meridiani circuli existente, centri quidem umbram in K recto radio DK produci; axis verò BC umbram projici in rectam lineam HK per iam proximè demonstrata: rursus sole in E signum circuli horæ secundæ delato, centri umbram in L terminari recto radio EL; axis autem BC umbram in HL incidere: igitur patet gnomonem AH, qui longitudine umbram horamq; signat, mundanum axem; qui verò solo vertice, A centrũ mundi repræsentare.

Porro quamuis hinc consequens esse videatur, vt gnomon, qui axis mundani vicarius est, & sua longitudine horariam umbram demonstrat, ita statui debeat, vt eidem mundano axi perfectè congruat; ille verò, cuius vertex centrum est mundi, sic debeat collocari; vt ipsius vertex in centrum mundi conueniat: tamen ob ingentem solis distantiam nihil refert qua in parte terreni globi hi gnomones horolabiaque collocentur, modò is qui axem repræsentat, vero axi mundi sit parallelus, vt consecratio propositionis antecedentis ostendimus.

PROPOSITIO LXXVIII. THEOREMA.

Parallelorum gnomonum proiecta umbra sunt inter se parallela, nisi amba in eandem rectam lineam incidant.



EMONSTRARI potest hæc propositio ex 29. propositione huius libri, qua ostendimus parallelas rectas lineas, nisi in eadem sint superficie perpendiculariter exposita, in rectas lineas profundi. Quæ demõstratio etiam in hoc theoremate locũ habet: nam paralleli gnomones rectæ sunt lineæ; sol verò oculus est infinito à nobis recessu diiunctus: at umbræ plano exceptæ gnomonum sunt proiecturæ: igitur vt parallelarum linearum parallelæ sunt proiecturæ, ita & gnomonũ parallelæ sunt umbræ in planũ traductæ; quod probandum erat.

CONSECTARIUM.

Plurima scioterica vni corpori breuissimo tempore, accuratissimeq; inscribere.

EX hac propositione insignis quædam praxis elici potest, qua, licet imperitus, quisque Gnomonices horologia quamplurima eidem corpori polyedro breuissimè inscribere possit, eaque perfectione, vt ne hilum quidem ab inuicem discrepent. Quod sanè ex ipsius scientiæ principijs efficere nemo vnquam præsumet, cum & superficialium inæqualitas, & stylorum difformitas licet exigua, & operatio ipsa, qua horæ ex arte describuntur, ex paruo errore initio admissa, non exiguam discrepantiam in scioterica pluribus superficiebus vnus corporis inscripta inuehere soleant. Quo nomine de scientia

Atiæ æstimatione aliquid decedere videbitur, siquidem id perficit ea ars, quod licet adhibito totius scientiæ præsidio, factu tamen est impossibile, eaque facilitate id præstat illa, ut nihil excogitari posse expeditius videatur. Praxis autem sic se habet:

Esto quodcumque corpus multis iucisum planis, quibus Horarias umbras inscribere oporteat. Primum gnomones singulis planis insigantur, ea inclinatione situque, ut mundanum axem repræsentent, hoc est ut omnes sint mundano axi paralleli, qui proinde & inter se paralleli erunt per 9. vndecimi Euclidis: firma deinde tabula comparetur ex denso assere, cui recta quædam linea inscripta sit: tum tabulæ propositum corpus imponatur, ita dispositum, ut quæ in suprema ipsius superficie futura est linea Meridiana, subiectæ linæ sit parallela: præterea super eadem tabula vulgare quoddam solare horologium constituatur, accuratè confectum, ex ijs quæ circumferri solent; sitque id ita in tabula dispositum, ut ipsius Meridiana linea inscriptæ in tabula linæ exactè respondeat, sitque ipsius gnomon ceteris parallelus.

His ita comparatis, vniuersa machina soli exponatur, ac primò quidem ea situs positione, ut minoris horologij umbra in Meridianam lineam incidat, quo tempore ea qua fieri poterit celeritate, in singulis planis polyedri umbrarum linæ puncto quodam notentur: deinde eadem tabula, immotis iis quæ ipsis insunt, paululùm circumducatur, donec umbra gnomonis parui horologij in horam primam, vel aliam quamcumq; cadat, eoque situ in singulis planis corporis, ut prius umbrarum linæ quantocyus signentur; idemque fiat in ceteris horis: cumque ita in omnibus corporis superficiebus horarum linæ notatæ erunt, per singula puncta ex centro cuiusque horologij regulæ beneficio linæ rectæ describantur, eritque opus perfectum: nam horarum linæ omnibus hisce superficiebus corporis insignitæ cum sint, singulæ singulis, quæ vnus sunt nominis parallelæ, easdem horas, quæ paruo horologio ex arte inscriptæ supponuntur, repræsentabunt: quæ etiam ne puncto quidem discrepare ab inuicem poterunt, quòd eodem omnes tempore sui gnomonis umbram eadem horæ lineam excipiant.

Hæc ars præclara sanè est, atque iis præcipuè utilis, qui ex scientiæ principiis horologia describere nesciunt: nam hi illius ope id saltem consequentur, quòd horologia designabunt non minùs perfectæ, quàm ea sint quæ extant perfectissima: habito enim delectu parui horologij quàm accuratissimi, & ea quæ in hunc modum ex eo describentur accuratissima erunt. Deinde quæ hac ratione pluribus superficiebus inscribentur horæ, ad amissim omnes conuenient, quòd alioquin tantæ est difficultatis, ut ex scientiæ præscripto id nullus vnquam consequi soleat. Est autem illius consensus præcipua habenda ratio: siquidem leue quidem peccatum erit, secundùm hominù existimationem, si descriptum horologiù vnum veram horam exigua portiuncula mentiat, præsertim quando id plurimos latet: at si inter se plura dissentiant, error erit grauissimus, nec venia dignus, cum omnium oculis pateat, ac dubium relinquat, cui ex omnibus adhibenda sit fides.

PROPOSITIO LXXIX. THEOREMA.

E*In Astronomicis horis, si axis mundi planum horologij secet, omnes umbrarum projecturae in communi axis & plani sectione, quæ centrum horologij nuncupatur, conuenient.*

QUONIAM enim Astronomicarum horarum circuli sese in Polis mundi interfecant, erit axis communis omnium sectio: quare & umbræ quæ sole in singulis Horariis commorante, ab axe profunduntur, sese omnes in eodem axe ceu communi linea interfecant. Rursus planum horologij secans axem, secat & omnes quæ ab axe proueniunt umbras; quare umbrarum & plani intersectiones rectæ linæ erunt per 3. vndecimi Euclidis, quarum commune congressionis punctum erit vnum aliquod illorù quæ in axe existunt, quemadmodum axis ipse communis est linea, in quam omnes Horariæ umbræ conueniunt. Cum igitur rectæ illæ linæ, quibus horologij planum umbras ab axe profundas interfecant, sint umbrarum ab axe productarum projecturæ, perspicuum relinquitur in Astronomicis horis umbratiles horarum lineas in communi puncto axis, planique quòd centrum horologij dicitur, congressionem facere, quòd demonstrasse oportuit.

Ex quo patet in omni horologio Æquinoctiali, iisque quæ in sphaera obliqua plano horizontali aut verticali inscribuntur, horarum Astronomicarum lineas in punctum plani, cui gnomon axi parallelus incidit, productas concurrere. Nam illud incidentiæ pun-

ctum, seu horologij centrum, ipsam plani ac mundani axis communem intersectionem A
repraesentat, eiusque vices gerit.

PROPOSITIO LXXX. THEOREMA.

*Si horologij planum axi parallelum fuerit, erunt proiecta
vmbra inter se parallela.*



M namque horologij gnomon mundano axi sit parallelus, vt liquet
ex antè demonstratis propositione 77. hic verò sit parallelus plano ho-
rologij ex hypothesi, erit & gnomon plano horologij parallelus. Itaque B
si per gnomonis lineam planum quoddam extensum intelligatur plano
horologij parallelum, quotquot à gnomone superficiales vmbrae proci-
dent, velut plana quaedam vtrique parallelorum planorum incidentia, facient commu-
nes intersectiones parallelas rectas lineas per 16. vndecimi Euclidis: quocirca omnes
vmbrae proiecturae gnomoni parallelae erunt; quare & inter se per 9. vndecimi Eu-
clidis; quod erat demonstrandum.

Hinc fit, vt in Horizontali horologio sphaerae rectae, omni que Polari horariae lineae,
quae à meridie vel media nocte inchoatas horas demonstrant, parallelae sint tum inter
se, tum gnomoni, siquidem horum horologiorum plana sunt mundano axi, proindeque;
& gnomoni parallela: igitur & communes ipsorum atque vmbrae sectiones parallelae C
sunt & inter se, & gnomoni, per iam demonstrata.

Huc vsque de vmbrae proiecturis, quae à sole fiunt vno in loco consistente,
dictum est satis: nunc de iis quae à solis motu proueniunt, quaedam proponenda occur-
runt, ad eandem Gnomonices facultatem apprimè vtilia. Est porro solis motus duplex,
vnus continuus, alter interruptus. Continuus ille est, quo sol nulla interposita quiete
cietur, qualis est is quo diurna latione per Aequatorem, aliumve huic parallelum circu-
lum circa terrae ambitum viginti quatuor horarum spatio circumfertur, temporibus D
equalibus equalia emensus spatia. Interruptus verò solis motus ille est, quo sol per
eundem aliquem circulum quotidie promouet, cum ad diuersas ipsius partes statis ho-
ris reuertitur, cuiusmodi est solis accessus & recessus, quo in Meridiano circulo di-
uersis anni temporibus quotidieque locum mutat. Nam à solstitio aestiuo per equino-
ctium ad hybernium delatus à vertice nostro recedit, hinc verò rursus per equinoctium
ad aestiuum solstitium vertici nostro propinquius reuertitur, quae spatij magnitudo
gradibus quadraginta septem continetur. Est autem hic motus interruptus, quod cer-
ta dumtaxat diei parte sol Meridianum attingat, in quo tunc quotidie portiuuncula ali-
qua spatij promouisse deprehenditur. Similis huic est motus ille quo sol diuersis anni E
temporibus in aliis atque aliis partibus Horizontis oritur vel occidit, quae latitudo
ortiua occiduaque nuncupatur.

PROPOSITIO LXXXI. THEOREMA.

*Sol per circuli maximi ambitum circumactus, vmbra à centro
in rectam plani lineam profundit.*



N AM per 67. propositionem libri quinti vmbra centri recta est linea, in di-
rectum cum luminis radio extensa: describet igitur vmbrae radius in orbem cum sole actus eundem ipsum circulum, per quem sol circumfer-
tur per 83. eiusdem libri 5. Hic ergo circulus, seu potius planum vndique F
infinisum, si alio quopiam plano secetur, erit vtriusque communis sectio,
hoc est vmbrae proiectura, recta linea per 3. vndecimi Euclid. quod erat demonstrandum.

Hinc porro consequens est, vt Aequator & Horizon in rectas lineas plano horologij,
quodcumque tandem illud sit, inscribantur, quarum ea quae Aequatorem repraesentat,
vtraque ex parte est infinita: ea verò quae Horizontem exhibet, vtrimque finita: nam par-
tem dumtaxat Horizontis repraesentat latitudine ortiua occiduaue definitam.

PRO-


PROPOSITIO LXXXII. THEOREMA.

Si sol per circulum Aequatori parallelum incedat, sitq; horologij planum eidem Aequatori parallelum, erit centri umbra ex solis motu in plano descripta circulus, centrum habens in axe mundi.



AM vt libro quinto propositione 84. demonstrauius, eo solis motu duæ superficies conicæ procreantur ad sphaeræ centrum velut communem verticem connexæ, quarum altera luminosa est ex radio solis circumactõ, altera vmbrosa ex ea vmbra, quam centrum profundit. Exempli gratia, sit sphaeræ ex centro A descriptæ maximus quidem circulus BC, idemque

Æquator; alius verò non maximus DE, at Æquatori parallelus, per quem sol circumferri intelligatur: describet solaris radius DG vel EF in A defixus, altera verò extremitate per circulum DE actus, duas conicas superficies ad centrum A ceu communem verticem iunctas, quarum altera DAE luminosa erit, vtpote à fulgido solis radio progenita; altera verò FAG vmbrosa, quam scilicet vmbrosus centri radius efficit. Sit igitur horologij planum HSK Æquatori BC parallelum: dico peripheriam HSK, in quam centri A umbra ex motu solis profusa incidit, circulum esse, qui centrum habeat O in axe mundi constitutum.



Ducatur enim à centro A ad circuli DE centrum L recta AL, erit AL ipsius circuli DE plano perpendicularis per 7. primi Sphaericorum Theodosij: producta igitur AL ad utramque partem, in Polos circuli DE cadet per 8. eiusdem primi Sphaericorum Theodosij; quare LO axis erit sphaeræ. Rursus cum circulus DE parallelus sit Æquatori BC ex hypothese, eidemque Æquatori BC positum sit planum HSK parallelum, erit planum HSK ipsi quoque DE circulo parallelum: secetur itaque circulus DE & planum HK plano quopiam communes faciens intersectiones LP & OS; erunt igitur LP & OS parallelæ per 16. vndecimi Euclidis: sed LE & OH eandem ob causam sunt parallelæ: quare angulus APL æqualis est angulo ASO, & AEL angulus angulo AHO æqualis per 29. primi Euclidis: est verò & angulus LAP angulo OAS æqualis, itemque LAE angulus angulo OAH æqualis per 15. primi Euclidis; anguli autem ad O & L recti sunt, ideoq; æquales: igitur æquiangula sunt ipsa triangula, hoc est LAP ipsi OAS, & LAE ipsi OHA: quapropter & latera æqualibus angulis subtensa, proportionalia; nimirum vt AL ad AO, ita LP ad OS, ac rursus vt eadem AL ad eandem AO, sic LE ad OH: quocirca per 11. quinti Euclidis vt LP ad OS, ita LE ad OH, ac permutando vt LP ad LE, ita OS ad OH: sed LP ipsi LE est æqualis per circuli definitionem: itaque & OS ipsi OH æqualis est. Cumq; eodem modo ostendi possint omnes, quæ ex O ad peripheriam HSK educuntur, inter se æquales esse, patet per circuli definitionem HSK circulum esse, quod erat probandum.

Hinc sequitur, in ea sphaeræ constitutione, qua Polus summum verticem tenet, omnium parallelorum, qui supra Æquatorem sunt, vmbrae signa plano horizontali circulari forma inscribuntur; idemque in quauis alia sphaeræ constitutione accidere, si horologij planum Æquatori parallelum existat: cuius rei ea est causa, quod circuli omnes, per quos sol diurna latione incedit, sint Æquatori paralleli: siquidem sol circa eosdem Æquatoris Polos toto anni tempore circumfertur.

Fit hinc etiam vt ea constitutione, qua planum horologij Æquatori parallelum supponitur, facillima sit horarum descriptio. Si namque plano horologij circulus inscribatur, cuius centro stylus secundum normam insistat, ac circuli peripheria in partes quatuor supra viginti distribuatur, peractum erit propositum. Nam quemadmodum sol, ita & vmbrae extremitas æquis temporibus æqualia absoluit spatia; quæ proinde si numero viginti quatuor accepta fuerint, ea profecto horarum interualla constituent.


PROPOSITIO LXXXIII. THEOREMA.

Si sol per circulum Aequatori parallelum incedat, sitq; horologij planum circulo maximo, qui utramque basin conicarum superficierum contingit, parallelum, erit umbra à centro in planum proiecta sectio conii, qua Parabola nuncupatur.



SINT in sphaera ex A descripta eadem, quæ supra, conicæ superficies communi vertice connexæ, vna luminosa A D E ex solis motu per circulum D E procreata; altera umbrosa, quam centri A umbra ex eodem motu progignit per 84. libri quinti: sitque circum E F maximus quidam circulus ita constitutus, vt vtriusque conii basin in oppositis locis E & F

contingat; huic verò parallelum sit H I K L horologij planum, faciens in umbroso cono A F G sectionem H S K: hanc dico Parabolam esse. Per Polos namq; circuli E F & contactum E circulus ducatur D E G F, qui & per Polos circuli D E, hoc est per axem vtriusque conii transibit, vt Theodosius demonstrat libro 2. Sphaericorum propositione 51. facietque in cono umbroso sectionem per axem F A G: cum ergo circulus I L circulo E F positus sit parallelus, erunt horum & circuli D E G F communes sectiones A F & S O parallelæ per 16. vndecimi Euclidis. Rursus cum maximus circulus D E G F cir-



culos non maximos F G & I L per Polos secet, vti ostensum iam est, & ad rectos angulos vtrumque secabit: quare H K, nempe communis sectio circulorum F G & I L, eidem circulo D E G F, hoc est triangulo per axem F A G, recta erit. Quoniam igitur conus F A G plano secatur F A G per axem: secatur verò & altero plano H S K, cuius basis H K ad basin trianguli per axem F G recta est, sitque sectionis diametrus S O lateri A F trianguli per axem parallela, erit per 11. primi Conicorum Apollonij sectio H S K Parabola; quod demonstrasse oportuit.

Ex his facile erit iudicare, quænam plana horologiorum Parabolas faciant sole quemcumque parallelum obtinente. Nam planum quodcumque parallelum maximo illi circulo, qui solis parallelum contingit, umbrae conum in Parabolam dispecit; oportet verò planum non ad eandem partem esse, ad quam parallelus in quo sol versatur; hic siquidem basis est conii luminosi; at horologij planum umbrosus conum secare debet, qui ad eandem partem cum parallelo, quem sol percurrit, existere nullo modo potest, quandoquidem conus opacus luminoso cono ex aduerso opponatur.

PROPOSITIO LXXXIV. THEOREMA.


Si sol per circulum Aequatori parallelum incedat, sitq; horologij planum circulo maximo, qui utrumque conum secat, parallelum, erit proiecta centri umbra Hyperbole.



ST O idem, qui supra, D E circulus Aequatori B C parallelus, per quem sol circumferatur; duoque aduersi conii ex circumactò solis radio producti, alter luminosus D A E, umbrosus alter F A G, quos maximus circulus M N secet; sit autem huic circulo maximo M N planum horologij I L parallelum: dico ipsius I L plani & conii umbrosi F A G sectionem H S K Hyperbolen esse. Nam quoniam parallela plana M N & I L, plano secantur D E G F, erunt huius & planorum M N, I L communes intersectiones M N & I L parallelæ per

per

A per 16. vndecimi Euclidis, quarum alteram MN cum secent vtriusque conii latera AE & AG , secabunt eadem latera AE & AG reliquam per 10. lemma libri quarti: quare & horologii planum IL vtrumque conum secabit, atque ea propter in communibus sectionibus Hyperbolas. efficiet per 14. primi Conicorum Apollonij: at altera illarum communium sectionum, nempe HSK , est vmbra à centro profusa projectura: igitur si sol per circulum Aequatori parallelum incedat, sitque horologii planum circulo maximo qui vtrumque conum secat, parallelum, erit projecta centri vmbra Hyperbole, quod erat demonstrandum.




PROPOSITIO LXXXV. THEOREMA.

C Si sol per circulum Aequatori parallelum incedat, sitque Horologii planum aquidistans circulo maximo, qui neque basibus conorum parallelus sit, neque eas tangat, neque secet, erit projecta centri vmbra Ellipsis.



VRVS fit in eadem sphaera circulus DE Aequatori parallelus, duoque aduersi conii DAE & FAG , vt prius: sit praeterea MN circulus, neque basibus conorum DE & FG æquidistans, neque eas secans, licet infinite producantur; huic autem parallelum sit horologii planum IL faciens in cono vmbroso FAG sectionem OS : hanc dico Ellipsin esse.

D Ducatur enim circulus $DEGF$ per vtriusque circuli MN & FG Polos, hic per circuli quoque IL Polos transibit, siquidem paralleli sunt ex hypothese IL & MN circuli, ac proinde vtriusque iidem sunt Poli per 1. secundi Sphaericorum Theodosij: quare per 15. libri primi Theodosij $DEGF$ circulus vtrumque FG & IL circulum bifariam & ad rectos angulos secabit, facietque communes circulorum IL & MN intersectiones IL & MN parallelas per 16. vndecimi Euclidis, & in vmbroso cono triangulum per axem FAG : sit item HPK communis sectio duorum planorum, in quorum altero est circulus IL , in altero basis conii vmbrosi FG . Quoniam igitur plana IL & FG recta sunt ad circulum $DEGF$, propterea quod hunc plana illa bifariam & ad angulos rectos secare ex 15. primi Sphaericorum Theodosij ostensum iam sit, erit quoque communis illorum sectio HK ad idem planum $DEGF$ recta per 19. vndecimi Euclidis, ac proinde per 3. definitionem vndecimi Euclidis, & ad rectam FG , hoc est basin trianguli per axem recta erit. Quia verò rectae MN & IL ostensae sunt parallelae, erunt anguli MAS & ISA simul sumpti duobus rectis pares per 29. primi Euclidis, ac proinde anguli FAS & ISA erunt duobus rectis minores: conuenient igitur per 11. commune pronuntiatum primi Euclidis rectae AF & IS : sed eadem IS conuenit quoque cum AG altero latere trianguli per axem, cum enim AG secet ipsam MN , secabit & ipsi parallelam IL per 10. lemma libri quarti: itaque cum conus FAG secetur plano per axem $DEGF$, secetur autem & altero plano IL , quod vtrumque latus AF & AG trianguli per axem secat: quod quidem planum neque basi conii FG æquidistat, neque ei subcontrarium est, (siquidem angulus OSA angulo PGS maior est, utpote externus interno & opposito per 16. primi Euclidis: ideoque & maior angulo GFA æquali) est autem HK communis sectio plani secantis IL , & basi conii FG perpendicularis ipsi FG basi trianguli per



axem, vel certè ei quæ in directum ipsi constituitur, erit igitur conic sectionis Ellipsis ^A per 13. primi Conicorum Apollonij; quod erat demonstrandum.

Ex iis quæ superioribus propositionibus sunt demonstrata, facile erit in dato plano lineas qualdam inscribere, in quas Gnomonis vertex umbram continuè projiciat, sole quemcumque parallelum, seu arcum ipsius diurnum percurrente. Cùm enim iam constet Æquatoris proiectionem semper rectam esse lineam, reliquorum verò parallelorum descriptiones, conic sectiones esse, si ex iuxta datum sectionis modum in plano designentur, peractum erit quod postulatur.

Multa supersunt, fateor, quæ de hac materia scribi possunt, & quæ alij, præsertim ^B Clavius noster in Gnomonicis, doctè iuxta ac copiosè litteris consignarunt. Itaq; ne vastos hosce patentesque campos ingressi, laxatis habenis longius à proposita meta abducamur quàm ratio exposcit, satis hoc loco esse duximus, primum aperuisse Gnomonices aditum, ac summa etiam viarum capita distinxisse, per quæ tutius incedat is, cui voluptati erit Gnomonicis rebus diutius immorari.

DE STEREOGRAPHICE ^C

ALTERO PROIECTIONIS GENERE

EX OCULI CONTACTU.

PRÆFATIO.



EXPOSITIS hætenus iis quæ ad Orthographicen pertinent, Stereographicen, alterum proiectionis genus aggredimur, quæ non modo summam corporis superficiem aspectui obiectam in planum ^D transfundit, uti Orthographicè & Scenographicè: verùm etiam soliditatem ipsam, ac totius corporis ambitum ita distinctè planum facit, ut nullæ omnino partes, præter eam cui oculus incumbit, plano exceptæ sibi mutuo incidant, quod vitium reliquis duobus proiectionum generibus manifestè accidit. Quare tamen si Stereographicen nomine nusquam vocatum hoc proiectionis genus reperimus, quia tamen nec alio quidem ullo solitum est appellari, placuit hoc nomen usurpare, quod nobis in præsentis visum est ad rem ipsam quàm maximè accommodatum. ^E A superiore proiectione toto genere distat Stereographicè: hæc enim ex contactu, illa verò ex infinita oculi distantia originem habet. Porrò quamvis mirum cuiquam iure videri debeat, & ab infinita oculi distantia, & ex contactu proiectionem aliquam accidere posse, præsertim cùm libro primo ostensum sit inter oculum ac rem visilem intervallum aliquod existere debere, idque nec minimum, ut propositione 58. nec infinitum, ut propositione 57. sed iustum, de quo accuratiùs libro 2. propos. 21. & 22. tamen quemadmodum ex infinita oculi distantia visio esse potest, secundùm eam infiniti notionem, quam in præfatione ad primum proiectionis genus explicauimus, ita ^F & ex contactu proprio quodam pacto visio fit, cùm vel re ipsa transparentis est corpus, quod aspicitur, vel eiusmodi esse mente concipitur: tum enim tota corporis profunditas conspicua est, ac præter solitarium punctum in ipsius corporis fastigio emmens, quod oculo attingitur, nullum est aliud, ad quod ab oculo radij non pertineant, qui proinde in subiectum planum incurrere possunt, si quoad necesse est planum radij, optici protendantur, qui & proiectionem aliquam in congressu efficient, quam ex contactu liceat appellare,

A lare, quia in ea oculus τὴν σφαίραν ἄνω ἀφ' ἄκρας, id est summa in parte attingit, vel, si maius, vno verbo Stereographicen voces, quòd vniuersam corporis obiecti profunditatem ac peripheriam ipsam vnico proiectu explanet: uti enim Stereometria corporum dimensiones capacitatesque metitur, & Geodesia superficierum areas, ita proiectio, de qua nunc agimus, non ineptè Stereographia nuncupabitur. Hæc à priscis neotericisque non vno in loco usurpata reperitur, sed in solius sphaerae tam caelestis quàm terrestris usu; nil tamen vetat, quin aliis quoque in rebus vsui esse queat. Eius generis extat in primis Ptolemæi Planisphaerium, ex quo postea Ioannes Stoflerinus sui particularis Astrolabij praxes desumpsit, demonstrationibus quæ potissimum in Ptolemæo desiderabantur, prætermisissis. Extant & apud nonnullos aliæ quaedam totius Orbis planæ descriptiones ex huius proiectionis rationibus depromptæ. Hanc Gemma usurpauit Frisius in suo Astrolabio catholico, quod à Stoflerini Astrolabio particulari non tantum hoc distat, quòd Gemma catholicum sit, & ad omnem regionem accommodatum; Stoflerini autem particulare, & ad vnã dumtaxat Poli sublimitatem; verum etiam situ obiectuque aspectus. Nam Stoflerini descriptio ex ea dispositione est, qua oculus depresso sub Horizontem Polo infigitur; Gemma autem ex eo situ, quo oculus principium Arietis vel Libræ attingit.

Est verò ea ad sphaerae institutum aptissima, quia omnium minimè partes à vero situ distrahit. Quod sanè ita est, mea quidem sententia, si non amplius, quàm hemisphaerium vna proiectione describatur. Nam quæ extra hemisphaerium excurrunt, in immensum aulescunt, vt ex decursu orationis fiet manifestum. Et quamuis commodissimum foret, vt solida corpora eadem prorsus forma ac partium proportione in planam superficiem traduci possent, quam in se habent, non est tamen prudenter optandum id, quod fieri non posse liquido constat. Quare inter omnes Proiectionum modos ille in re qualibet præcipuus est, qui speciem verò proximam representat, cum id in omni proiectione propositum sit, vt res plana solida simillima quoad aspectum reddatur. Eiusmodi autem esse dico hanc proiectionem, quam modò tractamus. Cum enim nequeant æquales sphaerae partes in æquales partes plani transcribi, necesse est proiecturæ partes, quæ equalibus sphaerae partibus respondent, vel augeri, vel minui, idque vel plurimum, vel ea mediocritate quæ tolerari possit. At orthographicè transcripta in planum sphaera ita circa ambitum coarctatur, vt partes quæ potissimum vsui esse debebant, inutiles propemodum reddantur: stereographicè verò cum sphaera projicitur, partes à proiecturæ centro ad hemisphaerium vsque exigua mutatione, & sensim aulescunt, quamuis inde, quæ longius projiciuntur, eæ ampliores semper euadant, non pari, sed multiplici analogia. Verum quis non fateatur moderatum extremarum partium incrementum longè minus incommodi adferre, quàm maximum earum decrementum? ac tale omnino, quale in Orthographica descriptione cernitur, vt iuxta ambitum proiectæ sphaerae decem gradus vix vnũ exæquent. Mihi sanè videtur incrementum illud & venustatem adferre, & usum præstare minimè contemnendum: nam cum oculi acies in proiecturæ centrum dirigitur, extremae partes, vt pote ab oculo remotiores, secundum aspectum minuuntur, ac proinde propius ad æqualitatem accedunt. Deinde cum in proiectæ sphaerae circuli prope extremitatem obliquioribus angulis sese interfecent quàm in medio, appositè omnino partes illæ vltimæ ampliorem formam nanciscuntur, vt interfecantium sese circularum notæ propriis in locis accuratiùs signari pos-

ri possint. Præterea hoc etiam in Stereographia maximo est adiumento, quod quicumque **A**
 in sphaera circuli extra oculum cadunt, in circulos proiecti incidant, quocumque tan-
 dem situ aspectui exhibeantur: in Orthographia vero plurimi in Ellipses transmu-
 tantur, ij nimirum omnes qui obliquè cernuntur. Constat autem ex lemmate 22. Elli-
 pses, si exquisitæ esse debeant, laboriosissimam habere descriptionem.

His igitur Orthographices Stereographicesque differentijs explicatis, ut sensim
 ad ea quæ propria sunt huius projectionis accedamus, statuendus in primis est ocu-
 lus, in qua libuerit parte sphaericæ peripheriæ, unde ad ceteras ipsius partes radij **B**
 directo euibrari possint: deinde exponendum est planum ea ratione ac situ dispo-
 situm, ut traiectus per centrum sphaeræ radius in illud secundum normam incidat: quod
 undequaue infinitum esse oporteat, ut omnes ab oculo procidentis radios excipiat.
 Hoc porrò planum Ptolemæus in suo Planisphaerio per centrum adigit, sic ut idem sit,
 ac Aequatoris planum undique infinitè protensum: (ipse siquidem in Polo Australi
 oculum ponit) Iordanus autem, & post eum Franciscus Maurolycus Abbas, planum
 Aequatori parallelum faciunt, ac tota diametro ab oculo disiunctum, ita ut sphaeram **C**
 in opposito Polo Boreali contingat. Et quamvis ex hac inæquali distantia projectura
 forma secundum partium proportionem minimè immutetur, sed sola magnitudine, quæ
 eo semper euadit maior, quo planum longius abscedit, seruata semper schematis simili-
 tudine ut superius prænotatione nona docuimus, tamen Ptolemæi constitutio magis
 nobis placet, quod in ea Aequator eiusque projectura sint æquales, & uniuersè hemi-
 sphaerij projectura maximo sphaeræ circulo æqualis. Quamobrem cum in multis huius
 projectionis inuestigationibus præsidio Orthographices opus sit, si planum per sphaeræ
 centrum actum intelligatur, accidet percommode, maximum sphaeræ circumulum, qui in **D**
 sectionem plani incidit, eundem esse cum totius sphaeræ Orthographica descriptione.

Quamvis hoc projectionis genere, de quo nunc agimus, ea omnia describi in plano
 possint, quæcumque superius per Orthographicen describi solere ostendimus, hoc est pun-
 cta, lineas, & superficies varijs figuris affectas, tamen quia ad nil aliud, quàm ad
 sphaeræ descriptiones hætenus usurpatum reperitur, de ijs solùm agemus, quæ in ea exi-
 stere possunt, nempe punctis, lineis, circulis, & circularum portionibus. Quæ enim in
 sphaerica superficie extant figuræ, peculiari descriptione non indigent, cum circularum **E**
 peripherijs definiantur, quarum projectiones iam docere propositum erit. Huiusce rei
 vnum vel alterum exemplum in mediũ proferre liceat claritatis gratia. Si Borealis he-
 misphaerij superficies describi in plano postuletur, oculo in Polo Australi collocato, id non
 aliâ ratione fiet, quàm transcripto in planum Aequatore. Quoniam enim Aequator Bo-
 reale hemisphaerium ab Australi dirimit, spatium quod projecti Aequatoris peripheria con-
 tinetur, hemisphaerium Boreale representabit, reliquum autem quod quaquaersum in-
 finitè expanditur, Australe. Eodem prorsus modo si Borealis hemisphaerij quadrans in
 plano designandus sit, quoniam is trium circularum quadrantibus comprehenditur, **F**
 Aequatoris scilicet, & vtriusque Coluri, his descriptis circulis perspicuum est, & qua-
 drantem illum Borealis hemisphaerij haberi qui fuerat designandus. Denique quodcum-
 que spatium in plano circulis, aut circularum portionibus continetur, eam refert sphaeræ
 plagam, quæ primitiuis circulis circumscribitur. Igitur quod in superiore projectione à
 nobis est factitatum, id vel maxime præsens institutum exposcit, ut scilicet prius quàm
 ad sphaeræ projectionem veniamus, explicemus simplicium partium productiones.

A PROPOSITIO LXXXVI. THEOREMA.

*Punctum omnifariam propositum stereographice
in punctum proyicitur.*

PER FREQUENS est in sphaeræ projectionibus punctorum vsus: siquidem omnia propemodum, quæ ex sphaera discuntur, ex communibus circulo- rum sectionibus (quæ puncta sunt) colliguntur: deinde si propositum sit è sphaera circulum quempiam in planum traducere, non alia ratione id fiet, quàm designatis primùm quotcumque punctis, per quæ propositi cir- culi proyectura deferatur: non enim possibile nobis est radium vnum ab oculo per to- tum circuli ambitum, velut conii superficiem, ducere: igitur punctorum designationi- bus circulo- rum proyecturæ absoluuntur.

Porrò cùm radius ille opticus, qui ab oculi centro per obiectum ducitur, recta sit li- nea, hæc autem in solo puncto subiectum planum attingat, manifestum est puncti pro- yecturam, quocumque tandem modo obuersetur, punctum esse, quod erat probandum.

PROPOSITIO LXXXVII. THEOREMA:

Linea qua producta per oculum transit, in punctum proyicitur.

EX perpendicularis situs definitione, quam ad propositionem 31. libri ter- tij explicauimus, constat lineam ita propositam, vt producta per centrum visus transeat, perpendiculariter exhiberi, consequens igitur est, vt ipsius proyectura indiuisibilis signi magnitudinem non excedat: nam vna ea- demque est recta linea ea quæ obijcitur, & radius opticus qui per om- nia ipsius puncta extenditur: at hæc recta linea in solo puncto attingit subiectum pla- num: igitur lineæ hoc pacto obiectæ proyectura punctum est, quod erat demonstrandum.


PROPOSITIO LXXXVIII. THEOREMA.

D*Linea directè spectata in lineam proyicitur, cuius partes primitiua
linea partibus proportionè respondent.*

SI ea, quæ in plano describenda proponitur linea, per centrum visus neu- tiquam transeat, quocumque ea situ ad aspectum se habeat, perspicuum est eius proyecturam lineæ instar semper accidere. Nullo enim situs dis- crimine per radiosum triangulum semper aspicitur, cuius vertex qui- dem est oculi centrum, basis autem ea ipsa linea, quæ videtur. Nam ra- dij omnes, qui ab oculo ad singula puncta lineæ obiectæ procidunt, in vno eodemque existunt trianguli plano per 2. vndecimi Euclidis: igitur producto hoc plano, quoad il- li, in quo proyectura excipitur, occurrat, erit vtriusque communis sectio recta linea per 3. vndecimi Euclidis: quare recta omnis linea, quæ vel directè vel obliquè aspicitur, modò producta per centrum visus non transeat, in rectam proyicitur lineam; quod pri- mùm demonstrasse oportuit.


Deinde partes lineæ directè spectatæ, partibus proyecturæ proportionè respondere ex similitudine triangulorum probari potest. Cùm enim linea quæ proponitur, eiusque proyectura parallelæ sint propter oppositionis similitudinem, erunt triangula omnia, quæ radijs opticis, & parallelis hisce basi- bus continentur, inter se similia per 4. lemma libri quinti: igitur per 4. sexti Euclid. vt totæ inter se bases, ita quoque abscissæ intermedijs radijs basium por- tiones.

Exempli gratia, sit in sphaera BAC cir- culi cuiuspiam non maximi diametrus BC proyecta in planum DE ex directo aspectu oculi in A cõstituti, dico vtriusq; partes BF & DG , itemque FC & GE proportionè sibi respondere, hoc est ita se habere DG ad GE , vt se habet BF ad FC .



Cùm enim parallela sit BC ipsi DE propter simili-

similitudinem aspectus, erunt triangula ABC , ADE ; itemque ABF , ADG ; $ACAF$ CGE A AGE æquiangula per 4. lemma libri quinti: igitur per 4. sexti Euclidis ut AB ad AD , ita BC ad DE : sed ut AB ad AD , ita est AF ad AG per 2. sexti Euclidis: igitur ut AF ad AG , ita se habet BF ad DG , & FC ad GE : quare ut BC ad DE , sic BF ad DG , & FC ad GE ; quod quia eodem demonstrandi genere ostendi potest, in ceteris partibus in quas vtraque linea BC & DE secari potest, palam relinquitur projecturæ partes primitiuis similes esse; quod erat ostendendum.



PROPOSITIO LXXXIX. THEOREMA.

Linea obliquè exposita in lineam projicitur, cuius partes primitiua linea partibus non ex æquo respondent: sed quæ à propinquiorebus oculo partibus obveniunt, ea maiori analogia excrescunt.



D R I O R huius propositionis pars, videlicet lineam obliquè expositam in lineam projici, ex præcedentis propositionis demonstratione patet.

Altera verò pars quamvis ex lemmate 31. huius libri perspicua sit, tamen in hunc etiam modum demonstrabitur: Sit oculus A , ei que obliquè proposita linea BC quæ secetur bifariam in F , ita ut altera eius medietas

BF oculo A propinquior sit, altera FC ab eodem remotior; productisque radijs AB & AC , sit primitivæ lineæ BC projectura DE , cuius portionem DF quæ proximam oculo medietatē lineæ BC repræsentat, aio reliquā FE maiorem esse: quoniam enim triangula ABC & AED similia sunt, ut ex demonstratione lemmatis 27. huius libri ostendi potest, erit ACB angulus angulo ADE æqualis: est verò angulus CAF æqualis angulo ACF per 5. primi Euclidis, quod nimirum FA & FC æquales sint, utpote eiusdem circuli semidiametri: igitur in triangulis DFA & AFE quoniam æquales sunt anguli FD A & FA E , item anguli A FD & A FE æquales, nempe recti, erunt & reliqui æquales per 32. primi Euclidis: quare per 4. sexti Euclidis ut DF ad FA , sic eadem FA ad FE : sed FA maior est quam FE per 19. primi Euclidis, quod maiori angulo A EF subtendatur (siquidem angulus A EF maior est angulo B CF externus interno & opposito per 16. primi Euclidis: igitur & angulo FA E maior erit) eodemque modo FD maior quam FA probabitur: quapropter FD quam FE multò maior erit; quod demonstrasse oportuit.


Rursus si lineæ BC portio BF bifariam secetur in G , & radius ab oculo A per G ducatur AH ; dico DH quam HF maiorem fore: nam cum rectus sit angulus A FD , ideoque maximus trianguli A FD , erit latus AD latere AF maius per 19. primi Euclidis: Rursus quoniam BF in G secta est bifariam, estque portio BG reliqua GF oculo propinquior, erit per 5. lemma libri quarti angulus B AG angulo G AF maior, quod latera AB & AG lateribus AG & AF sint minora: igitur lineæ DF portio DH ipsa HF est maior; si enim angulus D AH angulo H AF æqualis esset, maiusque latus AD latere AF , adhuc maius convinceretur segmentum DH segmento HF per 3. sexti Euclidis: nunc igitur cum angulus D AH angulo H AF ostensus sit maior, erit & segmentum DH segmento HF maiore analogia maius, quam sit lateris AD ad AF . Eodemque modo si in quocumque partes æquales primitiua lineæ BC diuidatur, eaque in planum DE projiciantur ostendi poterunt maiores projecturæ illarum, quæ oculo sunt viciniores: patet itaque propositum, quod demonstrasse oportuit.

A
PROPOSITIO XC. PROBLEMA.

Lineam in planum proiicere, eiusq; proiecturam ita representando secare, ut primitiua linea secta proponitur: & contrà, proiectura partes ad primitiuam lineam stereographice reuocare.

B **I**NEAM in planum transcribere haud difficile erit, si commune projectionum axioma attentius consideretur: quare exposita primùm perpendiculariter linea, ad planum vsque producat, punctumque in quod incidet, ipsius erit proiectura: deinde si directè vel obliquè obijciatur, radij ab oculo per ipsius extrema ad planum vsque protendantur: quæ enim incidentium radiorum puncta connectet recta linea, primitiuæ lineæ proiectura erit. Nunc quo pacto ea quæ in lineam projicitur, in partes distribuenda sit, doceamus.

C **E**sto in sphæra BAC proposita linea BC secta in F utcumque, eiusque proiectura DE, quam ita secare representando oporteat secundùm Stereographiæ præceptiones, ut primitiua linea BC secta est in F: ab oculo A radius educatur, qui per F delatus cum DE conueniat in G, factumque erit quod postulatur. Nam cum per commune projectionum axioma sit G ipsius signi F proiectura, & D ipsius B, necnon E ipsius C, erit quemadmodum tota DE totius BC, ita pars DG partis BF, & GE partis FC proiectura: itaque ut tota DE ad totam BC, ita representando DG & GE partes ad partes BF & FC.



D **R**ursus conuersa operatione, si in eadem sphæra sit oculus A, eiq; subiectum planum per centrum actum, atque in eo data lineæ proiectura DE secta utcumque in G, oporteat autem primitiuam lineam reperire, ac proiecturæ partes ad eam commendo reuocare: ab extremitatibus proiecturæ D & E radij ad oculum porrigantur DA & EA, qui sphæram secent in B & C: dico in primis rectam BC, quæ hæc sectionum puncta connectit, proiecturæ DE primitiuam lineam esse, quòd ambæ ipsdè radijs opticis contineantur. Deinde si à G ad A radius ducatur GA, qui ipsam BC in F secet: dico secundò F ipsius G primitiuum signum esse, ac proinde, ut suprà BC in F eodem modo stereographice sectam esse, quemadmodum DF representando secta fuerat in G, quod erat propositum.

E
PROPOSITIO XCI. THEOREMA.


Circulus ex perpendicularari aspectu in rectam proiicitur lineam ex utraque parte infinitam.

HOC in primis constat ex ipsius sphære natura & constructione, circulum omnem perpendiculariter obiectum, ad oculum in superficie positum ita se habere, ut centrum visus in circuli quoque peripheriam cadat: ceterorum enim, si qui sint, extra quorum circumferentiam est oculus, nullus omnino, quantumuis producat, ad oculi centrum umquam perueniet, siquidem ea quæ ab oculo educitur, ad ipsius planum est inclinata.

Hinc facile est primam propositionis partem demonstrare: cum enim in circuli ipsius circumferentia sit oculus, perspicuum est, radios omnes qui ab oculo ad circuli circumferentiam porriguntur, in ipso esse circuli plano. Hoc ergo productum vsque dum plano, quo proiectura excipitur, occurrat, erit circuli proiectura communis sectio vtriusque plani; ea autem per 3. vndecimi Euclidis recta est linea: erit igitur circuli proiectura recta linea; quod primò propositum fuit.

Est deinde ABC quicumque sphære circulus, siue maximus siue non maximus, in cuius circumferentia constitutus sit oculus ad signum A: planum verò FG diametrum
Ccc circuli

circuli $A C$ ad normam secans, in centro quidem, si maximus fuerit circulus; sin autem, A ultra centrum. Rursus per A ducatur $A H$ plano $F G$ parallela: quoniam itaque $A G F$ angulus rectus est, erit & angulus $G A H$ rectus per 29. primi Euclidis: quare per 16. tertij Euclidis $A H$ extra circulum cadet, & in locum, inter ipsam $A H$ & circuli peripheriam comprehensum, altera recta linea non



cadet, sed quotquot ab A intra parallelas $A H$ & $F G$ ducentur, ex omnes circuli peripheriam secabunt. Quia verò hæ ipsæ cum $A G$ angulum faciunt recto $G A H$ minorem, fit per 11. axioma Euclidis, vt, si quoad necesse erit producantur, tandem cum plano $F G$ item producto congrediantur; quarum eæ quidem excurrent longiùs, quæ per puncta oculo A viciniora aguntur: cumque in ipsa circuli peripheria nullum punctum sit oculo proximum (siquidem quouis datò aliud semper propinquius dari poterit) nullus quoque erit longitudinis finis, vltra quem alius radius protendi non poterit.

Quod quamuis perspicuum esse videatur, fiet tamen euidentius, si ex contraria hypotheti impossibile sequi ostendamus. Esto, si fieri potest, proiecturæ terminus F radio $A F$ constitutus: quoniam $A F$ cum $F G$ concurrat, adiuncta $A G$ triangulum perficitur, cuius angulus G rectus cum sit, erit $G A F$ angulus recto minor per 32. primi Euclidis; ac proinde per 16. tertij Euclidis $A F$ circuli peripheriam secabit: secet autem in B : quoniam $A B$ circuli portio est, & magnitudo quædam non minima, ea vtique diuidi poterit: sit verò diuisa in D , & ab A per D radius agatur $A D$; hic quoniam circulum secat, faciet cum $A G$ angulum angulo $H A G$ recto minorem: quare $A D$ producta cum $F G$ item producta aliquando concurrat, per 11. Euclidis axioma: esto igitur punctum concursus E : cum itaque maior sit angulus $E A G$ quam $F A G$, propterea quòd D quam B oculo A propinquius sit, erit angulus $A E G$ angulo $A F G$ minor, & linea $E G$ linea $F G$ maior per 21. primi Euclidis: non igitur circuli $A B C$ proiectura in F terminatur, quæ vltra F in E vsque excurrit aduersus hypothesin. Cumque in infinitum secare liceat omnem circuli peripheriam, quæ inter $A H$ tangentem, & radius quemcunque ab oculoeductum intercipitur: manifestè sequitur, circuli proiecturam infinitam esse; quod erat probandum.

Ex quo intelligas primò omnes circulos qui per oculum incedunt in rectas projici lineas, easque infinitas: nam ex ijs quæ ad propositionem 31. libri tertij sunt prædefinita, constat hos omnes circulos perpendiculariter ad aspectum se habere, cum radij omnes qui ab oculo ad ipsos ducuntur in eodem sint cum ipsis plano.

Deinde & hoc obseruatione dignum est, vniuersam spheram præter solum punctum in quo oculus, plano excipi, si infinite producat: nam præter illum radius, qui per oculum plano parallelus ducitur, quiq; spheram summam attingit, ceteri omnes spheram secant: quare nulla pars spheræ reliqua est, per quam actus radius cum plano non concurrat: igitur excepto puncto cui oculus incumbit, ceteræ omnes spheræ partes per radiorum productiones in planum infinitum transcribi possunt.

PROPOSITIO XCII. PROBLEMA.


Circulum ex perpendiculari aspectu in planum transcribere, eiusque proiecturam in partes representando distribuere; & easdem vicissim ex proiectura ad primitiuum circulum reuocare.

SIT $A B C D$ circulus perpendiculariter expositus, quem oculo in A posiro explanare oporteat: designentur in eo duo quæcumque puncta, nempe H & L , & per ea radij ducantur $A H$ & $A L$, qui producti planum secant in F & G : igitur si per F & G recta linea ducatur ex vtraque parte infinita, hæc erit portio $H C L$ proiectura, per præcedens theorema & commune projectionum axioma.

Deinde

A Deinde esto circuli $A B C D$ linearis proiectura $F G$, ex perpendiculari aspectu oculi in

A constituti producta, quam ita secare representando oporteat secundum Stereographiæ leges, quemadmodum circulus $A B C D$ octifariam diuisus est in H, B, I, C, K, D, L : ab oculo A per singula puncta circuli ad planum vsque $F G$ radij producantur, qui cum eo conueniant ad si-



B gna F, B, O, E, P, D, G , factumque erit propositum. Radij namque, vbi in lineam $F G$ incidunt, ibi eam ita secant secundum aspectum oculi in A positi, vt circulus antè reip̄sa fuit distributus. Quoniam enim per commune projectionum axioma ibi est cuiusque rei locus in plano, vbi id à radio per rem ducto attingitur, erit haud dubiè in lineam $F G$ punctum E locus apparens signi C , & O signi I , & P ipsius K , atque ita de ceteris. Vti igitur singula puncta lineæ $F G$ singula exhibent circuli diuisi puncta, propterea quòd lineæ $F G$ puncta, eorum in quæ circulus dispartitur, sint proiecturæ: ita interualla, quibus puncta lineæ $F G$ ab inuicem disiunguntur, ipsos circuli arcus, qui inter diuisionum puncta intercipiuntur, repræsentant. Itaque linearis circuli proiectura $F G$ ita repræsentando secta est in F, B, O, E, P, D, G , quemadmodum reip̄sa primitiuus circulus in H, B, I, C, K, D, L ; quod secundò erat faciendum.

C Naturalis quidem est isthæc proiecturæ distributio, quòd rem ipsam proximè imitetur; at quoniam incertæ sunt radiorum productiones per ea circuli puncta, quæ ad oculum propius accedunt, tum propter sectionum obliquitatem quibus circuli peripheria prope oculum interfecatur, tum propter spatij breuitatem, quòd oculum inter & punctum in peripheria circuli assumptum, intercedit, placet hunc etiam modum adiungere, illo quem iam proposuimus longè accuratiorem.

D Circa centrum A , interuallo quocumque, puta $A T$, semicirculus describatur $N T S$, qui & octifariam diuidatur, quemadmodum propositus circulus $A B C D$; & ab A per singula diuisionum puncta radij emittantur $A R, A V, A Q, A T$, & c. eritque vt prius confectum propositum. Nam vbi hi radij in rectam $F G$ incidunt, ibi eadem loca signant, in quibus ea repræsentando ita secatur, quemadmodum circulus $A B C D$ octifariam reip̄sa est distributus. Quoniam enim peripheria $T Q$ æqualis est peripheriæ $Q V$, erit & angulus $T A Q$ angulo $Q A V$ æqualis per 27. tertij Euclidis, quòd scilicet A sit semicirculi centrum: si autem angulus $T A Q$ æqualis sit angulo $Q A V$, erit & arcus $C I$ arcui $I B$ æqualis per 26. tertij Euclidis: est enim A in ipsius circuli $A B C D$ circumferentia. Eodem verò modo æquales ostendi possunt & reliqui arcus circuli $A B C D$: itaque radijs ab oculo A per æquales diuisiones semicirculi $N T S$ productis, & circulus $A B C D$ in totidem partes æquales dissecatur; atque ea propter vbi ijdem radij circuli proiecturam $F G$ interfecant, ibi eam repræsentando ita diuidunt, vt circulus primitiuus $A B C D$ reip̄sa sectus supponitur.

E Ex his facillè colligi potest ratio designandi in data circuli proiectura $F G$ gradum quemcumque postulatum ex ijs, in quos sphæræ circuli distribui solent. Si enim is in circulo $A B C D$, vel semicirculo $N T S$ sumatur, radiusque per eum ab oculo A ducatur, hic proiecturæ $F G$ occurrens eundem in ea repræsentando consignabit. Exempli gratia, sit inueniendus in lineam $F G$ gradus quintus supra quadragesimum, initio sumpto ab E , hoc est punctum quod eundem gradum circuli $A B C D$ repræsentet, à C sumpto initio. Diuidatur circuli quadrans $B C$ bifariam in I , & per I radius ducatur ab A ; hic inquam in proiectura $F G$ eundem gradum signabit ad punctum O . Eodemque modo propositum conficietur, si semicirculi $N T S$ quadrans $T V$ bifariam diuidatur in Q : nam vt proximè ostensum est, radius $A Q$ etiam per I transit, quòd eandem rationem habeat $T Q$ ad semicirculum, quam $C I$ ad circulum totum.

Iam si vicissim datæ proiecturæ partes ad primitiuum circulum reducendæ sint, reciproca operatione id perficietur: vt si in circuli proiectura $F G$ data sint quocumque

puncta F, B, O, E, P, D, G; oporteat autem hæc ad primitiuum circulum A B C D reducere: A id nullo negotio obtinebitur, si à signis in linea F G datis, radij ad oculum A porrigantur: hi enim vbi circulum A B C D secabunt, ibi ostendent primitiua illa puncta, quæ datis in proiectura F G signis aspectu respondent, vt ex dictis patet, & per commune Proiectionum axioma facîle demonstrari potest: eadem siquidem est via qua partes primitiuz ad planum deferuntur, & qua à plano ad originem reducuntur.

Si extremi radij F A & G A non satis exactè ostendant postulata loca H & L in circuli A B C D periphèria, propter interfectionum obliquitatem, ita vt meritò dubitari possit, quot gradus periphèria A H vel A L contineat; describeretur vt supra circum A centrum semicirculus N T S: hic verò quoniam à radijs F A & G A, eodem modo secatur quo B totus A B C D circulus; perspicuum est tot gradus contineri circulari portione A H, quot dimidiatos gradus continet N R, vel quot partes complectitur eadem N R ex 360. in quos semicirculus N T S distribuitur; atque ita confectum erit, quod vltimò proponebatur.


PROPOSITIO XCIII. THEOREMA.

Circuli perpendiculariter spectati æquales partes in inæquales partes recta linea projiciuntur, è quibus illa semper maiores sunt, quia à propinquieribus oculo partibus obueniunt; bina autem hinc inde à radio, qui per centrum ducitur, pari intervallo disiuncta, æquales.



IN T circuli A B C D perpendiculariter spectati æquales partes C I, I B, B H, eæque in rectam lineam proiectæ, in qua sectiones faciant E O, O B, B F: has dico inæquales inter se esse, maioremquè O B quàm E O, & B F quàm O B maiorem. Quoniam enim rectus est angulus A E F, erit A O E acutus, vt ex 17. primi Euclidis colligi potest; ideoquè A O B obtusus, ac multò magis A B F obtusus; quocirca maior est A O quàm A E, & A B quàm A O, & A F quàm A B maior per 19. primi Euclidis. Cùm verò per 27. tertij Euclidis angulus E A O angulo O A B in triangulo E A B sit æqualis; quòd nimirum æqualibus peripherijs C I & I B insistant, erit per 3. sexti

Euclidis vt A B ad A E, ita B O ad O E: sed A B ostensa iam est maior quàm A E; igitur & B O quàm O E maior erit. Eademquè ratione maior erit F B quàm B O, & sic de ceteris: itaque maiores semper illæ sunt proiecturæ, quæ à propinquieribus oculo peripherijs obueniunt; contrà verò illæ semper minores, quæ remotiorum ab oculo partium sunt proiecturæ; quod primò erat ostendendum.



Euclidis vt A B ad A E, ita B O ad O E: sed A B ostensa iam est maior quàm A E; igitur & B O quàm O E maior erit. Eademquè ratione maior erit F B quàm B O, & sic de ceteris: itaque maiores semper illæ sunt proiecturæ, quæ à propinquieribus oculo peripherijs obueniunt; contrà verò illæ semper minores, quæ remotiorum ab oculo partium sunt proiecturæ; quod primò erat ostendendum.

Deinde, quod secundo loco proposuimus, binas hinc & inde partes à radio qui per centrum ducitur, pari intervallo disiunctas æquales inter se esse hoc modo demonstrabitur: In triangulis A E O & A E P, quoniam æqualis est angulus A E O angulo A E P, vt pote rectus vterque, itemquè angulus E A O angulo E A P in æquali periphèria constituto æqualis, & latus A E quod æqualibus angulis adiacet, vtrique commune, erit per 26. primi Euclidis & latus E P lateri E O æquale. Rursus cùm eodem modo in triangulis A E B & A E D æqualia ostendi possint latera E B & E D, si ab his detrahantur portiones E O & E P iam ostensæ æquales, relinquentur per communem notionem O B & P D æquales: quia autem in ceteris eadem est demonstratio, perspicuum relinquitur, binas proiecturæ partes, æquæ à radio A E disiunctas, æquales esse; quod secundo loco erat demonstrandum.

PROPOSITIO XCIV. THEOREMA.

Circulus directè aspectatus in circulum proiicitur, cuius idem est centrum verum & apparens; partésque primitiui circuli partibus, quæ iisdem radiis continentur, proportionales.

CIRCULI omnes, quicumque in sphaera directè aspectui obijci possunt, bifariam discriminantur; aut enim maximi sunt, aut non maximi: si maximi, perspicua est in illis propositi demonstratio; siquidem suis proiecturis ita exactè congruunt, & situ & magnitudine, vt ab illis nullo pacto distinguantur, cum planum per centrum sphaeræ actum supponamus: & quamuis planum per centrum non ducatur, erunt tamen maximorum circulorum proiecturæ circuli, centrum habentes vnum idemque verum & apparens; quorum cum eadem sit, ac non maximorum demonstrandi ratio, eam in non maximis proponemus in hunc modum:

Esto in sphaera $ABCD$, cuius centrum E , circulus non maximus FHG , directè visui A oppositus: igitur quoniam planum ILK directè obijcitur, erit propter situs similitudinem proiecturæ planum ipsius circuli plano parallelum, per ea quæ ad propositionem 31. libri tertij docuimus: igitur per 16. vndecimi Euclidis communes eorum sectiones, quæ à triangulis per axem fiunt, parallelæ inter se erunt, hoc est OF ipsi EI , & OH ipsi EL : ac proinde per 4. lemma libri quinti æquiangula erunt ipsa triangula AOF & $A EI$, itemque AOH & AEL , ac eodem modo cetera: quamobrem per 4. sexti Euclidis erit vt AO ad AE , ita OF ad EI ; & rursus vt eadem AO ad eandem AE , sic OH ad EL : itaque per 11. quinti Euclidis, vt OF ad EI , sic OH ad EL ; & altera ratione vt OF ad OH , ita EI ad EL : sed OF æqualis est ipsi OH , quod FHG circulus esse supponatur: igitur & EI ipsi EL æqualis erit. Cumque in ceteris, quæ ex E ad proiecturæ circumferentiam educuntur, eadem sit demonstratio, palàm est circulum FHG , reliquosque qui directè aspectui obuersantur, in circulos projici, quod erat demonstrandum.

Præterea dico proiecturæ centrum E idem esse verum & apparens: nam verum quidem centrum illud est, à quo omnes qui ad circumferentiam pertinent radij inter se sunt æquales: at eiusmodi esse punctum E , ostensum iam est: igitur E verum est proiecturæ ILK centrum. Deinde apparens centrum est illud, quod primitiui circuli centrum repræsentat: sed idem punctum E cum in eodem existat radio AO , in quo & primitiui circuli centrum O , erit E apparens centrum proiecturæ ILK ; quod erat probandum.

Sed & proiecturæ partes IL & LK , ceteræque, primitiui circuli partibus FH & HG sunt proportionales: ducta enim AP vt cumque inter AI & AL , quæ circulum FHG secet in Q , triangula perficiantur FQH & IPL , quæ æquiangula erunt per 10. vndecimi Euclidis: quod nimirum per 16. vndecimi Euclidis singula eorum latera lateribus singulis sint parallela: igitur similia sunt FQH & IPL segmenta. Cumque eadem sit in ceteris demonstratio, probatum relinquitur circularis proiecturæ partes, quæ ex directo aspectu obueniunt, primitiui circuli partibus proportionales esse, quod erat præstandum.

Ex quo fit, vt quadrantes in quadrantes, & gradus in gradus; ac omnino cuiuscumque nominis partes, in partes eiusdem appellationis projiciantur: vnde iam planâ efficitur sequentis problematis explicatio.

PROPOSITIO XCV. PROBLEMA.


*Circulum directè spectatum in planum profundere, eiusq̄ proiec-
turam in partes representando secare, & easdem vicissim ad
primitivum circulum revocare.*



Hoc problema ex dictis facilem habet constructionem: nam si per circuli centrum, & punctum aliquod in peripheria ipsius, assumptum radij ab oculo ad planum vsque protendantur, quæ incidentium radiorum puncta connectet recta linea, semidiameter erit, circa quam descriptus in plano circulus propositum directè circulum representabit; siquidem connectens incidentium radiorum puncta, semidiametri erit projectura; sed & in circulum projicitur is, qui directè obijcitur circulus per præcedentem propositionem, eiusque centrum cum idem sit verum & apparens, palam est circulum ex semidiametro projecta descriptum, ipsius propositi circuli projecturam esse, in cuius etiam centrum vterque Polus incidet.

Si iam exceptus plano circulus ita secandus sit, vt eius partes primitiui circuli partes representent, constituendus erit ad projecturæ centrum angulus æqualis ei qui partem primitiui circuli subtendit: hic enim similem projecturæ peripheriam intercipiet.

Exempli gratia, sit ILK circuli FHG directè spectati projectura, quam ita secare oporteat secundum aspectum, vt circulus FHG sectus est in H : fiat IEL angulus angulo FOH æqualis: dico projecturæ portionem IL circumferentiæ FHG primitiui circuli similem esse, hoc est ita se habere secundum aspectum IL ad totum projecturæ circulum, quemadmodum se habet FH ad totum circulum primitivum. Quoniam enim per 20. tertij Euclidis angulus IEL qui ad centrum, duplex est eius qui ad circumferentiam IKL constituitur potest; & eodem modo FOH ad centrum, duplus eius qui ad circumferentiam FGH , erunt anguli qui ad peripherias FGH & IKL constituentur, æquales per communem notionem, quod videlicet ipsorum dupli qui ad centra O & E positi sunt, inter se sint æquales: quocirca segmenta FGH & IKL similia sunt per 10. definitionem tertij Euclidis: ideoque & reliqua FH & IL similia erunt, toti que circulo proportionalia per 19. quinti Euclidis.



Vicissim autem si projecturæ partem ad primitivum circulum reducere oporteat, eadem operatione id fiet; si nimirum angulo IEL ad centrum projecturæ constituto, æqualis fiat angulus FOH ad centrum circuli primitiui: hic enim per ea quæ proximè sunt demonstrata, portionem intercipiet FH ipsi IL similem, quod postulabatur.

At facilius multò vtrumque exequemur, si vterque circulus, primitivus scilicet & eius projectura, ex eodem centro in plano quopiam describantur, & per data alterius divisionum puncta rectæ ad centrum perducantur: hæ enim & alterum in eandem rationem secabunt.


PROPOSITIO XCVI. THEOREMA.

Circulus ex obliquo aspectu in circulum transcribitur, cuius centrum non idem est verum & apparens.



IT in sphaera $ABDC$, cuius centrum K , circuli obliquè spectati diameter BC , & planum quo projectura excipi debeat FR rectis angulis adiunctum ei, quæ ab oculo A in K centrum sphaeræ procidit: vtrumque autem, nempe planum & circulus visus, maximo sphaeræ circulo $ABDC$ ad normam insistant, in eoque communes sectiones faciant rectas lineas BC & FR ; sitque projecturæ diameter FE radijs AB & AC ad planum vsque protensis definita: dico

- A** dico conum ABC , cuius basis circulus ex diametro BC obliquè spectatus, plano EF subcontrariè secari, angulumque ABC angulo AEF , & ACB angulum ipsi AFE angulo æqualem esse. Ducta enim per sphaeræ centrum AD , iungantur BD & CD : quoniam igitur rectus est angulus ACD , utpote in semicirculo per 31. tertij Euclidis, itemque AKE rectus ex constructione, & angulus DAC utriusque triangulo ACD & AKE communis, erit & reliquus ADC reliquo AEK æqualis: sed cum per 35. tertij Euclidis sit rectangulū AHD rectangulo BHC æquale, erit per 16. sexti Euclidis ut AH ad BH , ita CH ad DH , angulusque AHB angulo CHD æqualis per decimam quintam primi Euclidis: itaque per 6. sexti Euclidis æquiangula ipsa triangula AHB & CHD : in quibus proinde angulus $A'BH$ angulo HDC erit æqualis: huic verò cum æqualis ostensus sit AEK , erit per communem notionem AEF angulus ipsi ABC angulo æqualis. At simili ratiocinandi modo ostendi potest angulus AFE angulo ACB æqualis, quod nimirum uterque vni tertio ADB sit æqualis: triangula igitur AEF & ABC , quibus & CAF angulus communis est, sunt æquiangula, ac propterea sectio EF sectioni BC similis & subcontraria est: quocirca uti BC circulus est, ita erit & EF circulus per 28. lemma huius libri; quod erat demonstrandum.



- Quod autem obliquæ circuli proiectionis non idem sit verum centrum & apparens, ex lemmate 31. perspicuè patet: nam si primitiui circuli diameter BC secetur bifariam in O , & per O radius ad planum vsque FR protendatur cum eo concurrens in Q centrum apparens proiectionis, hoc erit punctum illud quod primitiui circuli centrum representat: at per iam citatum 31. lemma constat in cono scaleno, qualis est obliqui circuli radiosus aspectus, si vna subcontrariarum sectionum in duas ex æquo partes distribuatur, ut BC in O , alteram in partes inæquales dissecari, ut FE in Q : non est ergo Q circuli, qui circum FE describitur, verum centrum, cum in vero circuli centro omnes diametri sese bifariam secent.

Deinde si proiectionis FE bipartitè diuidatur in P , & ab oculo A in P radius procidat, qui primitiui circuli diameter BC secet in S , palàm est per idem 31. lemma BC in S minimè ex æquo diuidi: quare S non erit primitiui circuli centrum: ac proinde cum P sit ipsius S proiectionis, nec P apparens proiectionis centrum erit, quod ostendisse oportuit.


PROPOSITIO XCVII. PROBLEMA.

- E** *Circulum ex obliquo aspectu in planum transcribere.*



P ER circuli obliquè expositi BOG diametrum BC radij ab oculo A ad planum vsq; profundantur AE & AF sectaque EF ,


- F** in P bifariam circa P centrum, interuallo autem PE vel PF circulus describatur $RQGE$: hunc dico esse propositi circuli obliqui BOG proiectionem. Cum enim per iam proximè demonstrata sit obliqui circuli pro-



iectionis circulus, & per 90. huius sit recta linea FE proiectionis ipsius BC diametri, erit & FE totius proiectionis circuli AGE diameter: quare in ea erit verum proiectionis centrum; at non alio loco quam vbi ea diuiditur bifariam: igitur descriptus circa P , ad interuallum PE vel PF circulus primitiuium circulum BOG obliquum in plano exhibebit.

Verum ut sciatur, quam in partem primitiui circuli diameter proijcienda sit, hac ar-

te utendum erit : Per oculum axemque sphaerae planum ducatur ad propositi circuli A planum rectum : hoc namque per 13. primi Sphaericorum Theodosij secabit circulum bifariam, ac proinde per centrum : itaq; communis illius & circuli sectio, erit illa diameter, cuius alterum extremum B oculo proximum est, alterum vero C ab oculo remotissimum; ita ut in tota propositi circuli peripheria nullum sit punctum oculo propinquius quam B, nec vllum quam C remotius. Quonia ergo A B C planum ad circulum B G C rectum est, erit A S quae ad communem sectionem B C



perpendicularis ducetur, ad ipsum quoque circulum recta : quare per 16. lemma libri quarti erit angulus A K B minimus illorum omnium, qui linea A K, eductisque e circuli centro K ad peripheriam semidiametris continetur : itaque per 33. sexti Euclidis peripheria A B minima est omnium illarum quae inter A & circuli B G C ambitum interiacent; atque idcirco B ipsi A proximum, C vero remotissimum est, quod angulus A B K maximus sit per idem 16. lemma libri quarti : ideoque & arcus A C omnium maximus. Ex quo fit, ut & F E maxima sit diameter per vtrumque, verum scilicet & apparens, projecturae centrum incedens : circa quam proinde descriptus circulus F G E ipsum B G C circulum obliquum repraesentat : alioquin si alia quaequam diameter in plano reperta sit non maxima, exempli causa D G, ut circa eam projectura describeretur, tertium aliquod punctum erit inuestigandum, & per tria data puncta circulus describeretur, quemadmodum quinta propositio libri quarti Euclidis docet.

Porro in maximorum circulorum obliquis projectionibus, descripto prius V G R circulo ex directo obruto, ut ex eo circuli obliqui projectio instituat, satis erit alterum extremorum signorum inuenisse : nam cum projectura circuli obliqui per communem intersectionem circulorum V G R & B G C transire debeat, reperto in linea E F puncto P aequè ab G & E distito, necesse erit circulum per E & G ex centro P decircinatum per F simul transire.

Hinc facile colligi potest omnem circuli obliqui projecturam ipso primitiuo circulo maiorem esse : quoniam enim non idem est eius verum centrum & apparens, licebit ex centro projecturae P ad D & G extremitates diametri obliqui circuli B G C rectas lines ducere P D & P G, quae simul sumptae aequales erunt ipsius projecturae diametro F E : sunt autem per 20. primi Euclidis P D & P G ipsa D G maiores : igitur projecturae obliquae diameter F E primitiuo circuli diametro D G maior est, proinde & projectura ipso primitiuo circulo obliquo maior.

PROPOSITIO XCVIII. PROBLEMA.


Verum obliqua projectura centrum reperire.

INVENTIS per superius problema extremis punctis E & F, per quae obliqui circuli B C projectura incedit, haud erit difficile centrum ipsius verum inuenire : diuisa namque E F bifariam in P, constat P esse verum ac proprium projecturae centrum : est enim id cuiusque circuli centrum, quod omnes dimetientes in duas ex aequo partes dispescit, est vero E F projecturae diameter, quemadmodum & B C diameter est circuli primitiuo : igitur P, quod ipsam E F bipartito diuidit, est projecturae centrum.

Verum quoniam subtilioris est inquisitionis, proposito circulo primitiuo B C ad aspectum obliquo, ipsius projecturae naturale, centrum in plano reperire, si necdum loca definita sint per quae transeat, fiet id hoc pacto : Ab oculo A ducatur A P, quae cum F E angulos faciat, iis quos A O efficit cum B C, similes, sic ut angulus A P F aequalis sit angulo A O C, & A P E angulus angulo A O B aequalis : dico peractum esse quod postulabatur, esseque P futurae projecturae proprium centrum. Cum enim in triangulis A B O & A P E sint anguli A P E & A O B iam facti aequales, itemque anguli A B O & A E P aequales

ex

A ex ea hypothefi, qua fimilia effe triangula ABC & AEF propter subcontrariam fectionem conii fcilicet optici fupponuntur, erit & reliquus angulus PAE reliquo BAO æqualis, quòd per 32. primi Euclidis tres vnus trianguli anguli tribus alterius fint pares, vtpote duobus rectis æquales: quare per 4. fehti Euclidis vt AB ad BO , ita fe habet AE ad EP , & permutando vt AB ad AE , ita BO ad EP : fed vt AB ad AE , ita quoque eft BC ad EF ex hypothefi: igitur per 11. quinti Euclidis vt BO ad EP , ita eft BC ad EF ; & diuidendo per 17. quinti Euclidis vt BO ad OC , ita EP ad PF : at BO æqualis eft OC : itaque & EP ipfi PF eft æqualis; ex quo fequitur P effe proprium proiecturæ centrum; quod erat inueniendum.



Deinde fi ab oculo A ad primitiuu circuli diametrum BC ducatur AS , ita vt angulos efficiat iis, quos AO producta in FE facit ad signum Q , fimiles, peractum rursus erit propositum. Nam producta AS in P futuræ proiecturæ centrum incidet, vbi nimirum EF bifariam diuiditur. Quoniam enim ASB angulus æqualis ponitur angulo AQE , estque CAS angulus angulo AEO æqualis propter triangulorum ABC & AEF fimilitudinem, erit quoque reliquus angulus BAS reliquo angulo EAQ æqualis per 32. primi Euclidis; adiuncto igitur communi angulo SAQ erit totus BAO toti EAP æqualis: cumque in iisdem triangulis BAO , EAP sint quoque anguli ABO & AEP æquales ex hypothefi, erunt & reliqui AOB & APE æquales: ac proinde ipfa triangula æquiangula vt prius; in quibus propterea cum latera BO & EP ad AB & AE eandem rationem habeant quam BC ad EF , erit vt BO ad EP , ita BC ad EF , & permutando vt BO ad BC , ita EP ad EF , hoc est diuidium ad duplum: quocirca P centrum erit proiecturæ EF postulatam.

Omnium autem expeditissima ratio inueniendi centrum obliquæ proiecturæ, hæc erit, si producta AO in T , fiat BT arcus arcui CT æqualis: adiuncta enim AV fecabit EF in proprio centro P . Nam quoniam per 27. tertij Euclid. æquales sunt anguli BAS & EAQ , adiuncto communi angulo PAQ , erunt in triangulis BAO & EAP anguli BAO & EAP ad verticem æquales: sunt verò & ex hypothefi æquales ABO & AEP ; igitur æquales sunt & reliqui AOB & APE , ipfaque triangula æquiangula: quare per 4. fehti Euclidis vt AB ad BO , ita est AE ad EP ; & vicissim, vt AB ad AE , sic BO ad EP : at vt AB ad AE , ita est BC ad EF ex hypothefi: igitur per 11. quinti Euclidis vt BO ad EP , ita BC ad EF , & per 17. quinti Euclidis rationis diuisione vt BO ad OC , sic EP ad PF : fed BO æqualis est OC : igitur EP ipfi PF est æqualis; ideoque vt supra P est proprium proiecturæ centrum.

Ex quo perspicue fit, vt si sumptus fuerit primitiuus circulus BC de numero maximorum qui in sphæra sunt circulorum, ducenda sit AS ad rectos ipsi BC angulos: Cum enim E ex proximè demonstratis constet AS in BC iisdem angulis incidere debere; quibus ea quæ à visu A per centrum primitiuu circuli acta in planum procidit FR ; sitque per 6. primi Sphæricorum Theodosij maximorum circulorum idem quod sphære centrum K , vbi AK ad planum recta est, manifestè fequitur & ipsius AS ad BC angulos rectos esse oportere.

Hinc etiam id colligi potest, quod propositione 96. ostendimus, in obliquis maximorum circulorum proiecturis non idem esse centrum verum & apparens. Nam cum AS ad BC secundum rectos ducta sit angulos, AO verò in eandem BC angulis cadat obliquis, non vna erit eademque linea AS & AO : productæ igitur in diuersa loca plani incident, quorum alter P centrum erit proiecturæ proprium, alter K centrum apparens.


F Præterea cum maximu obliqui circuli pars inter oculum, eumque circulum maximum qui directè videtur, cadat, pars verò vltra protendatur, necesse est eum radium, qui ab oculo ad remotiorem extremitatem circuli obliqui pertinet, intra proiecturam circuli directè spectati incidere, alterum autem, qui ad propinquiorem, extra procurrare: igitur maximi circuli obliqui proiectura circuli maximi directè spectati proiecturam fecat. Sunt autem ambæ proiecturæ circuli, eorum proinde nequit idem esse proprium centrum per 5. tertij Euclidis: at proiecturæ obliquæ centrum apparens idem est quod proprium circuli primitiuu; itaque illius non idem est centrum verum, seu proprium, & apparens.

PROPOSITIO XCIX. PROBLEMA.

Obliqui circuli Polos in plano stereographicè designare.



EST O obliquus sphaerae circulus BC orthographicè designatus, atque ipsius Stereographica proiectura EF, cuius oporteat Polos inuenire secundum Stereographiae leges. Ducatur axis DG ad rectos ipsi BC angulos: quoniam D & G Poli sunt ipsius circuli primitiui BC, si per ipsos radij eubrentur, qui planum secant in H & K, erunt hi ipsius proiecturae EF apparentes Poli per commune Projectionum axioma.



Absque axis DG praesidio Poli quoque reperientur, si angulus EAF recta AD bifariam diuidatur per 9. primi Euclidis, erit H, ubi AD planum interfecat, alter Polus: nam per 26. tertij Euclidis aequales ad circumferentiam anguli aequalibus peripheriis eiusdem circuli insunt: igitur si bifariam diuisus sit angulus EAF, erit quoque peripheria BDC in D secta bifariam, ac proinde ut D circuli BC verus est Polus, ita H est proiecturae Polus apprens.

Altero Polorum H inuento facile erit alterum assignare. Acta enim AC ipsi AH perpendiculari, productaque ad planum vsque, donec illud interfecat in K, erit K alter Polus, quem assignare oportebat. Nam cum DAG rectus sit angulus, erit DAG semicirculus; eodemque modo GCD semicirculus erit: igitur cum Polus vnus sit D, cuius data est proiectura H, erit alter Polus G, eiusque proiectura K.

Rursus si EFA ea ratione secetur in H, per 10. sexti Euclidis, ut sit EH ad HF quemadmodum AB ad AC: dico H alterum Polorum esse. Nam quoniam propter subcontrarias sectiones trianguli CAF per lineas BC & EF, similia sunt triangula ABC & AEF, erit ut AB ad AC, ita AE ad AF. Cum vero sit per constructionem EH ad HF, ut AB ad AC, erit quoque per 11. quinti Euclidis EH ad AF, quemadmodum AE ad AF: quare per conuersionem tertiae propositionis sexti Euclid. erit angulus EAF sectus bifariam, ac proinde aequales peripheriae BD & DC per 26. tertij Euclidis; ideoque D primitiuus Polus, eiusque proiectura H.

Præterea abscondat AH absv & PF aequales portiones PO & PH: dico H Polum esse circuli BC. Quoniam enim per 5. primi Euclidis aequalis est angulus PHO angulo POH, hic vero aequalis AOB per 15. primi Euclidis, erit quoque PHO angulus angulo AOB aequalis: sed in triangulis AEH & ABO præter hos aequales angulos, aequales quoque sunt AEH & ABO propter triangulorum ABC & AEF similitudinem: igitur & reliqui BAO & HAE inter se sunt aequales per 32. primi Euclidis: quare per ea quae iam ostensa sunt, H Polus est; quod erat probandum.

CONSECTARIVM I.

Obliqua proiectura Polus ab utroque centro, vero scilicet & apparente, distat.

EX dictis facile colligi potest, obliquae proiecturae Polum ab utroque centro, vero scilicet & apparente, diuersum esse, quod sigillatim ostendendum est. Ac primò à vero ac proprio centro differre sic demonstrari potest: Quoniam angulus EAF per eam quae ab oculo A ad Polum spectatum H protenditur, sectus est bifariam, erunt per 3. sexti Euclidis

A clidis basis EF segmenta EH & HF lateribus AE & AF proportionalia: at latera AE & AF inæqualia inter se sunt, propterea quòd opticus cònus, quo obliquus circulus BC aspicitur, scalenus sit: igitur & basis segmenta EH & HF inæqualia erunt; quocirca non potest H verum proiecturæ EF centrum esse.


Deinde aliud esse centrum apparens à Polo obliquæ proiecturæ EF , ex eo probatur, quòd ea quæ ab oculo A ad centrum apparens proiecturæ ducitur, ipsam BC secet bifariam: cum ergo in triangulo ABC inæqualia sint latera AB & AC , erit & angulus BAC non ex æquo diuisus per conuersionem quinti lemmatis libri 4. at per eam quæ ab oculo ad Polum apparentem ducitur, angulus BAC in duos ex æquo dispescitur; itaque non potest idem esse punctum H , seu Polus, & centrum proiecturæ apparens.

CONSECTARIVM II.

Qua à cõmunibus sectionibus directæ & obliquæ proiecturæ maximorum circularũ per Poles obliquæ proiecturæ producuntur rectæ lineæ, ea in extremitates diametri obliquæ proiecturæ terminantur.

H v c etiam spectat ea obseruatio in maximorum circularum proiecturis, $ABDC$ quidem directæ, obliqua verò $AFDE$, quòd ductæ à cõmunibus intersectionibus A & D

C per H Polũ obliqui circuli rectæ lineæ AN & DM in diametrũ proiecturæ obliquæ ad signa M & N terminentur; quoniam enim angulus CAN ad vtriusque circuli $ABDC$ & $AFDE$ circumferentiã constituitur, erunt per 39. lemma huius arcus EN & CL angulo



D NAC comprehensi similes: sed CL arcus est sui circuli quadrans, quòd à Polo L ad circuli peripheriam obliqui circuli BC protendatur: ergo & NE circuli $AFDC$ quadrans erit: at simili modo recta DM quadrantem ab E intercipit EM : igitur iuncta MN diameter erit circuli $AFDE$, ad quam rectæ AH & DH productæ perueniunt.


E Et si ab altero Polo K per A & D communes inter sectiones maximorum circularum $ABDC$ & $AFDE$ rectæ protendantur KA , KD : dico illas quoque in diametrum MN obliquæ proiecturæ incidere. Quoniam enim ME & EN ostensi iam sunt quadrantes circuli $AFDE$, erit MEN semicirculus: quare qui in eo sunt anguli MAN & NDM recti sunt per 31. tertij Euclidis: sed & recti sunt HAK & HDK , utpote in semicirculis: igitur per 14. primi Euclidis rectæ erunt ipsæ lineæ quæ ex K per A & D ad M & N protenduntur: vnde si inueniendi sint Poli obliquæ proiecturæ $AFDE$, ducta diametro MN ad normam ipsi FE , ducantur NA & MD , item MA & ND protrahantur vsque in K , eruntque H & K Poli.

CONSECTARIVM III.

F *Si ab externo Polo educta recta linea directam proiecturam circuli maximi contingat, ea producta in contactum obliquæ proiecturæ maximi circuli incidet.*

PRÆTEREA si recta KR circulum tangat in R , iuncta OR , ductaque IS ipsi OR parallela, dico eandem KR productam circulum quoque $AFDE$ in S contingere. Quoniam enim NO & DO recti sunt, erunt IN & OD parallelae per 28. primi Euclidis:

at ostensum est consecratio 2. rectam $K D$ productam in N incidere: igitur æquiangula A erunt triangula $K O D$ & $K I N$ per 4. lemma libri quinti; ideoq; per 4. sexti Euclidis, vt $K O$ ad $K I$, sic se habebit $O D$ ad $I N$: sed $I S$ ipsi $I N$, & $O R$ ipsi $O D$ sunt æquales per circuli definitionem: quare per 7. quinti Euclidis vt $K I$ ad $I N$, ita eadē $K I$ ad $I S$, & vt $K O$ ad $O D$, ita $K O$ ad $O R$, & permutando vt $K I$ ad $K O$, ita $I S$ ad $O R$: ergo quæ ex K ad R



ducitur recta linea producta in s incidit: si enim negetur in s incidere, dicatur in aliud quoddam punctū cadere lineæ $I s$ quodcūque, puta x : igitur cū in triangulo $I K X$ parallele sint $I X$ & $O R$, erit vt $K I$ ad $K O$, sic $I X$ ad $O R$, quod fieri nequit, quia ostēsa iam est $I S$ ad $O R$ quemadmodū $K I$ ad $K O$: quocircā $K R$ producta in s cadit: at rectus est angulus $I S K$ per 29. primi Euclid. quod posita sit $I s$ ipsi $O R$ parallela, sitq; angulus $O R K$ rectus, itaque $K s$ circulum $A F D E$ in s contingit per 16. tertij Euclidis; quod erat probandum.

CONSECTARIUM IV.

Educta ab externo Polo recta linea, de maximorum circulorum proiectionis similes peripherias rescindunt.

R $V R S V S$ ducta ex Polo K quacumque recta linea $K Y$, quæ vtrumque circulum D $A B D C$ & $A F D E$ secet: dico arcum $F Y$ arcui $V L$, & arcum $E \alpha$ arcui $Z \epsilon$, item $Y D \alpha$ arcum ipsi $L D \epsilon$ similem esse. Quoniam per 2. consecratio recta est linea $K D N$, & parallele sunt rectæ lineæ $I N$ & $O D$, erunt æquiangula ipsa triangula $K I N$ & $K O D$ per 4. lemma libri quinti, ac proinde per 4. sexti Euclidis vt $K O$ ad $K I$, sic se habebit $O D$ ad $I N$: iungantur ergo $O L$ & $I Y$, quoniam æqualis est $I Y$ ipsi $I N$, & $O L$ ipsi $O D$ per circuli definitionem, erit quoque vt $K O$ ad $O L$, ita $K I$ ad $I Y$ per 7. tertij Euclidis: sed in triangulis $K O L$ & $K I Y$ communis est angulus K , reliquorum verò vterque $I Y K$ & $O L K$, minor est recto, quod $K O L$ & $K I Y$ maiores sint rectis: igitur per 7. sexti Euclidis æquiangula sunt ipsa $K O L$ & $K I Y$ triangula, quorum proinde æqualibus angulis $K O L$ & $K I Y$ similes arcus subtendentur $L D Z$ & $Y D E$ per 39. lemma: his autem sublatis à similibus E semicirculis, relinquuntur arcus $V L$ & $F Y$ similes per 19. quinti Euclidis.

Simili prorsus modo ductis $I \alpha$ & $O \epsilon$, cū sit $I \alpha$ ipsi $I N$, & $O \epsilon$ ipsi $O D$ æqualis, erit vt $K I$ ad $K O$, ita $I \alpha$ ad $O \epsilon$, & triangulum $K I \alpha$ triangulo $K O \epsilon$ per 7. sexti Euclid. æquiangulum, ideoque & arcus $E \alpha$ arcui $Z \epsilon$ similis per idem 39. lemma huius libri: si igitur à similibus semicirculis $F D E$ & $V D Z$ similes arcus detrahantur $F Y$, & $E \alpha$, itemque $V L$ & $Z \epsilon$, relinquuntur $Y D \alpha$ & $L D \epsilon$ similes; quæ omnia erant demonstranda.

PROPOSITIO C. PROBLEMA.

Circulum maximum ex obliquo aspectu descriptum in partes stereographicè distribuere.


C **O** **N** **S** **T** **A** **T** in primis si circulus quicumque maximus vnà cum illis circulis, qui per æquales ipsius partes, & vtrumque Polum incedunt, ex obliquo aspectu in planum transcribantur, proiectionem quoque primitiui circuli per intersectantium sese circulorum proiectiones repræsentando ex æquo diuidi. Nam eadem in proiectionis proprio pacto contingere est necesse, quæ in ipsarum primitiuis circulis antè sunt constituta: at quia laboriosa est hæc ratio, & sæpè propter immanes proiectionum circulorum amplitudines etiam impossibilis,

A ea prætermiſſa, faciliores modos aliquot ſubijciemus, inter quos hunc, qui ceteris inuen-
tionis acumine præſtat, primo loco proponemus.

I.


Esto in eodem plano deſcriptus circulus $KIDG$ quidem vnus è maximis eorum qui
in ſphæra ſunt, ex directo aſpectu proiectus: ſit verò & $KFDE$ obliqui cuiuſpiam circuli
etiam maximi proiectura, quæ communem habeat cum $KIDG$ circulo diametrum KD :

B in partes ita distribuenda, vt ex partibus obli-
qui circuli primitiui ſecundum aſpectum reſpon-
deant: ſecetur circulus $KIDG$ in N eo modo, quo
obliquus circulus primiti-
uus ſectus proponitur
(quod quidem haud dif-
ficile erit factu, cum am-
bo æquales ſint, vt pote
C maximi) deinde produ-
cta communi diametro
 KD quantum opus erit,
ab I per N recta agatur,
quæ cum KD producta
conueniat ad ſignum H ;
iuncta FH , quæ proie-
ctum circulum $KFDE$
ſecet in O : dico O ſignum



D admodum reipſa circulus $KIDG$ diuiſus eſt in N . Cuius rei demonſtratio ſiet illuſtrior,
ſi alio ſitu hæc ipſa oculis ſpectanda exhibeantur.


Exponatur ſphæra $ABCG$, in cuius ſaſtigio A oculus ſit conſtitutus, vnde profuſis
radiis obliquus circulus BDC in circulum $DFKE$ projiciatur; quem primò oſtendere
oporteat, ita reſtando ſectum eſſe in O per t rectam FH , quemadmodum obliquus
circulus BDC reipſa ſectus eſt
in L per rectam BH : quoniam
enim BH recta eſt linea, in
oculum neſtquam incurrens
quantumuis producat, per-
E ſpicuum eſt ipſam formam re-
ctæ lineæ in planum produci,
cuius quidem alterum extre-
mum erit H ; ſiquidem in H
primitiua linea BH plano oc-
currit, alterum verò F , quòd
opticus radius AB in ſigno F
planum attingat: igitur tota
 BH ipſi FH aſpectu congruit:



F ſed & BL arcui FO ſecundum aſpectum conuenit: itaque cõmunes quoque ſe-
ctiones, quibus rectæ lineæ BH & FH ſuorum circulorum peripherias interſecant, nem-
pe L & O , in eundem ſimul aſpectum incidunt.

Deinde ſi obliquum circulum BDC circa communem diametrum KD ceu conſi-
ſtentem axem circumagi intelligas, futurum eſt aliquando, vt B in I , & C in G perueniat,
totuſque circulus BDC K toti circulo $IDGK$ vno in plano incumbat. Quod ſi factum
concedatur, dico & BH ipſi IH exactè congruere, quòd nimirum B punctum in I cadat,
reliquum autem punctum H vtriuſque circuli plano commune ſit, ideoque immotum
permaneat. Cum igitur circulus BDC circulo IDG , & recta BH rectæ IH congruant,
erunt & puncta L & N vnum atque idem: quocirca circulus IDG per rectam IH in N eo-
dem

dem prorsus modo secatur, quemadmodum BDC circulus in L per rectā BH . Si itaque A permutata vice circulus IDG in N ita secetur, quemadmodū primitivus circulus obliquus BDC sectus proponitur, & IN ad communem vtriusque diametrum KD producatur, donec cum eo in H congregiatur, probatū relinquatur FH secare obliquam proiecturam in O ea secundū aspectum ratione, qua primitivus circulus BDC re ipsa sectus in L supponitur; quod erat præstandum.



Si propter sectionis obliquitatem nequeat IHN per N exactè duci, ex G ad N recta euocetur, quæ KD secet in P , & ex E per P recta protrahatur EO : sic inquam eadem sectio obliquæ projecturæ habebitur quæ prius, vt in prima figura apparet, cuius demonstratio ex posteriore schemate petenda est, in quo EO ipsius CL est projectura, & eo quem antè diximus motu circuli BDC circum KD quiescentem axem, cum circuli BDC & IDG in vnum planum inciderint, CL in ipsam GN cadet: nam C ipsi G , & L ipsi N congruet: igitur per rectam EO secta erit obliqua projectura FDE eadem ratione quoad aspectum, qua obliquus circulus BDC in L , vel circulus IDG in N re ipsa sectus proponitur.


I I.

Alter modus secandi in partes obliqui circuli projecturam, priore nihilo minùs expeditus sic se habet.

Sit maximi in sphaera circuli obliqui BC projectura EDF , eiusque Polus apprensus seu internus H , sit item $ABDC$ projectura illius circuli maximi, qui directè aspectui obijcitur, & cuius diametrus LG . Si igitur ab H ad æquales re ipsa partes circuli $ABDC$ rectæ D euocentur, dico his quoad opus est productis ipsam quoque obliqui circuli BC projecturam EDF in partes æquales representando dissecari.

Exempli gratia, sit semicirculus GDL in partes Q, D & I æqualiter distributus, & per

singula puncta Q, D & I ex H rectæ educatur HQ, HD & HI , quæ projecturam EDF secant in O, D & P : dico Projecturam EDF punctis O, D & P in partes representatione æquales sectā esse, sic vt FPE tot gradus representet, quot re ipsa



continet LI , & EO tot, quot GQ , totque DP & DO , quot DI & DQ ; quarum singulæ singulis sint representatione æquales.

Nam cum lemmate 33. ostensum sit, circulos omnes, qui per aduersos Polos duorum circulorum maximorum ducuntur, ipsos circulos ex æquo diuidere, ostendendum nunc est id ipsum hoc loco accidere. Sint itaq; duorum circulorum maximorum diametri BC & LG , quorum alter BC ad aspectum obliquus sit, alter verò LG directus, huiusque sum-

A mus Polus A , illius autem imus Polus N , palàm per 33. lemma circulos omnes qui in sphæra per A & N ducuntur, secare ex æquo ipsos BC & LG circulos: igitur si hi omnes circuli in planum extendantur, idem in his proiectionibus eueniet, quod in primitiuis circulis. Nam circulus LG ex directo aspectu in circulum $ALDG$ producet, & circulus obliquus BC in EDF incidet: at ceteri qui in A & N sese interfecant, & per æquales portiones vtriusque circuli BC & LG incedunt, in rectas lineas procident per 91. huius libri propositionem, quæ & commune habebunt congressionis punctum H , nempe ipsius Poli N proiectionem. Vides itaque, id ipsum quod 33. lemmate orthographicè ostendimus, hoc loco stereographicè exhiberi; hoc enim loco $ALDG$ circulus ille idem est, qui in citato

B lemmate 33. notatur litteris CDE ; illic quidem obliquè Lectori oblatus, hinc verò directè. Deinde circulus hoc loco EDF ille ipse est, qui illic signatur RDV , vterque quidem ex obliquo aspectu oculi A proiectus; at hinc directè, illic obliquè Lectori propositus. Denique hoc loco H Polus est circuli BC in planum proiectus, vt illic S Polus proiectus circuli FDG : & hinc linea HI , vt ibi SKT proiectionem repræsentat circuli cuiuspiam ex iis qui per aduersos Polos propositorum circulorum ducuntur. Quare vt in lemmate illo ST secans circulum CDE , in K pariter secat obliqui circuli FDG proiectionem RDV in T ; ita hinc HP secat & circulum $ALDG$ in I , & obliquam proiectionem EDF in P . Cùm igitur in lemmate illo peripheria CK sit æqualis peripheriæ FH , & VT sit ipsius FH proiectionem; perspicuum est proiectionem DTV in T ita sectam esse secundum repræsentationem, vt

C DHF secta est reipsa in H . Quocirca in præsentī negotio si obliqui circuli Polus sit H , constat rectas ab H per æquales portiones circuli GD & L eductas ad æquales quoque partes proiectionem EDF attingere; quas quidem æquales dico non reipsa, sed repræsentationem: nam licet inæquales sint, vt mox ostendemus; tamen propter obliquam radiorum eui-
brationem vim habent æquales partes circuli obliqui BC repræsentandi.


III.

Huic non omnino ab similibus est tertius modus distribuendi in partes datam obliqui circuli proiectionem, qui rectas ab externo Polo apparente educit: vt si propinquior oculo Polus sit S , eiusque proiectionem K extra sphæram procidens, & circulus GD & L in Q , D & I **D** ex æquo diuidatur; dico rectam KI secare proiectum circulum obliquum EDF in O , & KQ eandem secare in P secundum vnā eandemque rationem: sic vt EO ipsi LI , & FP ipsi GQ sit repræsentatione æqualis; itemque DP æqualis ipsi DQ , & DO ipsi DI ; ac omnino singulæ singulis, quæ in oppositis locis sumuntur. Cuius rei demonstratio ex lemmate 34. euidentissimè patet: nam hinc per A & S , illic per A & B , propinquos nimirum Polos, planum extenditur; quod hinc proiectionem in linea KI interfecat, vt illic in recta sK : igitur quæ illic peripheria notatur CK , eadem hinc est LI ; & hinc KI , quæ illic sK ; obliquæ autem proiectionem portio quæ hinc EO , illic signatur RT : cùm itaque illic RT propria sit proiectionem peripheriæ GH , eaque ostensa sit ipsi CK æqualis, erit quoque eadem RT ipsi CK repræsentatione æqualis; siquidem per 7. quinti Euclidis RT ad æquales **E** CK & GH eandem rationem habet: quare & in præsentī KI oppositas portiones directæ & obliquæ proiectionem æquales repræsentando abscondit, nempe EO ipsi LI , & FP ipsi GQ , ac eodem modo ceteras.

IV.

Quarto quoque modo eandem obliqui circuli partitionem consequemur, ductis quidem per internum Polum H rectis lineis, vt in secundo modo: sed absque directi circuli $ABDC$ præsidio: nam si in obliqua circuli maximi proiectionem EAF , præter EF alia quædam recta ducatur linea OY , quod gradus reipsa æquales totius circuli $AEDF$ continet arcus FY , totidem repræsentatione æquales continet arcus EO , & contra, quot **F** veros gradus EO continet, tot capit secundum aspectum portio circuli FY . Itaque si proiecti circuli obliqui quadrans apparens ED bifariam diuidendus sit, ducatur per X verum centrum proiectionem recta linea TR normalis ipsi EF , & quadrans FT bifariam secetur in X , rectaque per H ducatur YO : dico apparentem proiectionem quadrantem ED in O secundum aspectum diuisum esse bifariam. Producat enim YO in Q : quoniam igitur per consuetarium 2. propositionis 99. huius libri AH producta incidit in R , alteram scilicet extremitatem diametri TR , estque TR ipsi AD parallela, quod ambæ eidem EF sint perpendiculares, erit per 12. lemma libri 4. vt XR ad YA , ita XH ad HV : quare per 40. lemma huius libri arcus GQ & FY sunt inter se similes; ideoque GQ quemad-

modum FY dimidia est quadrantis portio : itaque cum per secundum modum diui- A
dendi obli-
quã maximi
circuli proie-
cturam con-
stet EO pri-
mitiuo arcui
 GQ repræ-
sentatione si-
mitem esse,
erit & EO ar-
cui FY secun-
dum aspectũ
similis : est
verò ED qua-
drantis proje-
ctura, hæc
ergo in o ita
secta est re-
præsentãdo,




vti FT in Y reip̄sa: sic cum per idem 40. lemma huius libri sit arcus EO arcui LZ similis, hoc est æqualem graduum numerum reip̄sa complectens, estque per 2. modum secandi in partes maximorum circularum obliquas proiecturas FY primitiuo arcui LZ repræsentatione æqualis, erit & arcui EO velut primitiuo idem arcus FY secundum aspectum æqualis.

Rursus si proiecturæ quadrans DF bifariam repræsentando diuidendus sit: secetur quadrans verus ET reip̄sa bifariam in M , & MH producat̄ur in P : dico factum esse propositum, & quadrantem DF in P sectum esse secundum aspectum bifariam. Cum enim per iam citatum lemma 40. huius libri sit arcus LI arcui EM similis, erit & LI dimidia quadrantis portio: at per 2. modum paulò antè propositum FP ipsi LI repræsentatione est æqualis: igitur quemadmodum EM reip̄sa quadrantis ET dimidia portio est, ita & repræsentando FP ipsius FD pars est dimidia.

V.

Quintus modus secandi in partes obliquam proiecturam ex lemmate 35. originem habet: est autem eiusmodi. Sit BC Orthographica species obliqui circuli, cuius proiectura ex oculo in A sphaeram contingente sit $AEDF$; circulus autem ex directo aspectu sit $AGDL$ communem habens cum obliqua proiectura diametrum AD : iam si quemadmodum sectus proponitur circulus obliquus circum diametrum BC descriptus, ita diuidenda sit ipsius proiectura $AEDF$, secetur circulus $AGDL$ in N eo modo quo sectus mente concipitur obliquus circulus circum BC descriptus, sitque peripheriæ LN inuenienda portio obliquæ proiecturæ representatione æqualis: agatur NQ ipsi LG parallela, quæ proinde diametrum AD ad rectos angulos secet in I : deinde ab oculo A ad planum parallela ipsi BC demittatur AN : dico rectam ex H per I productam secare circulum EDF in O & P , sic vt EO & FP tum inter sese, tum ipsis GQ & LN secundum apparentiam sint æquales. Nam per 35. lemma pla-



ma pla-

A ma planum AHP abscindit de circumferentia obliqui circuli BC portiones æquales, cuiusmodi in schemate lemmatis 35. eæ sunt, quæ literis notantur FI & GH : at earumdem stereographicæ projecturæ hîc sunt FR & EO , ut illic VP & RT : igitur in præfenti schemate FP & EO portiones æquales circuli obliqui primitiui BC repræsentat. Quod autem portiones circuli $AGDL$, quæ hîc signantur GQ & LN , illic verò literis EL & CK , æquales sînt illis quas planum AHP resecat à circuli obliqui peripheria, per 6. lemma huius libri perspicuè potest demonstrari: siquidem ut in schemate lemmatis 35. videre licet diametrus zD , (quæ hîc notatur AD) utriusque circulo, directo scilicet CDE ; & obliquo FDC communis est, planoq; ASP vno in puncto secatur, nempe in x , ac rursus plano AVR vno in puncto secatur o : à quibus sectionum punctis x & o , cum perpendicularares ad utriusque circuli peripheriam excitatæ sînt FG & IH , itemque CE & KL , erit per iam citatum 6. lemma ut FI ad GH , ita CK ad EL : sed FI æqualis est ipsi GH : igitur & CK ipsi EL est æqualis.

B Ex quo patet, si circulus $AGDL$ in partes æquales diuidatur, initio factò à GL ; bina autem sectionum loca æquè ab GL distita rectis lineis iungantur ipsi GL parallelis, cuiusmodi hîc vna est NQ secans diametrum AD in I , nullo negotio ipsam quoque obliqui circuli BC projecturam EDF in partes æquales repræsentando diuidi, si nimirum ab H per singula puncta, quibus AD à parallelis attingitur, rectæ traijciantur lineæ: hæ namq; & circulum EDF in partes repræsentatione æquales dispescunt, cum singulæ earum binas utrimque partes æquales assunant; ut iam est demonstratum.

C Oseruatione dignum hoc loco ducimus, rectas AH & HD circulum $AEDF$ in A & D contingere. Sit enim K circuli $AEDF$ centrum, eique rectæ adiungantur AK & DK : quoniam igitur propositione 98. huius libri ostensum est AK ipsi BC perpendiculararem esse, erit in eadem AK ipsi quoque AH perpendicularis per 29. primi Euclidis, quod scilicet AH & BC ex hypothesi sînt parallelæ: itaque HAK rectus est angulus; ac proinde HA circulum $AEDF$ in A contingit per 16. tertij Euclidis. At cum in triangulis HAK & HDK latus HA lateri HD sit æquale per 4. primi Euclidis, (quod videlicet circum rectos angulos AVH & DVH latera AV & VD per 3. tertij Euclidis sînt æqualia; latusque HV commune) & eadem ob causam sit æquale latus AK lateri DK , basisque HK utriusque communis, erit per 8. primi Euclidis & angulus HDK angulo HAK æqualis, hoc est rectus; atque idcirco HD circulum $AEDF$ in D contingit per 16. tertij Euclidis.


D Sed & hoc dignum est admiratione, quâ fieri possit ut FE & PO productæ concurrant in H , cum parallelarum sînt projecturæ. Si inquam parallelæ, quas FE & PO repræsentant, quantumuis productæ numquam concurrant, fieri omnino nequit ut punctum aliquod commune habeant: quo igitur pacto FE & PO productæ in commune punctum H incidunt? an puncto H signum aliquod primitiuis parallelis commune respondet? Inexplicabilis in speciem est hic nodus, cum & necessarium & impossibile simul concludere videatur: verum haud difficilis erit eius dissolutio, si ea quæ ad hanc rem præcipuè faciunt, in schemate lemmatis 35. ostendantur: intelligas igitur Lector, quam hîc **E** FE nominauimus, illic expressam literis VR ; PO verò literis PT ; parallelas autem, quas VR & PT repræsentant in circulo obliquo FDC , esse FG & IH . Explicandum ergo quo pacto coire VR & PT in s possint, cum parallelarum FG & IH sînt projecturæ. Respondeo punctum s non exhibere in plano punctum aliquod commune parallelis FG & IH , cum hæ nil commune habeant; sed nec habere quidem possint, licet infinitè producantur. Est porro s velut negatio quædam, seu punctum illud, ad quod parallelæ, quamuis in infinitum protendantur, numquam tamen perueniunt: quæcumque autem in lineis VS & PS sînt puncta præter s , omnia propriis quibusdam punctis parallelarum FG & IH productarum respondent, ita ut parallelarum partes quod longius absistunt, eò propius ipsi s projectionum loca fortiantur. Deinde est etiam punctum s terminus ille, in quem remotiores partes parallelarum plano exceptæ sensim inclinant: constat enim parallelas FG & IH cum obliquè oculo obijciantur, nequaquam in veras parallelas procidere: ergo remotiora illarum inuervalla magis semper magisq; cōtrahuntur: quare necesse est projecturas ipsas in aliquod punctum cōtendere, nempe s , quo ipsarum inclinatio definiatur.

VI.

Sextus modus proximo non multò operosior, resumpto eodem superiore schemate quinti modi ita explicatur: Sit idem qui suprâ maximus sphaeræ circulus $ABCG$, qui & sphaeram repræsentet: sit & alius circulus circa diametrum BC , ipsi quidem $ABCG$ cir-

culo rectus, at secundum oculi A aspectum obliquus: hic ita animo concipiendus est, ac si in rectam lineam B C orthographicè profusus sit ex perpendiculari aspectu eius, qui hanc paginam directò intuetur. Sit autem eiusdem circuli B C Stereographica projectura E D F, quam ita repræsentando secare oporteat, quemadmodum obliquus circulus primitivus B C sectus proponitur: secetur B C in s per 12. propositionem libri huius, ea ratione ut s eam circuli obliqui sectionem orthographicè repræsentet, in quam is sectus supponitur; secetur inquam circulus A B C G in T, sic ut B T peripheriæ obliqui circuli propositæ sit æqualis, ex T verò ad diametrum B C perpendicularis ducatur T S: hæc ipsam B C in s ita secabit per 12. huius, ut s puncto orthographicè respondeat. Deinde punctum s ab oculo A in planum E F stereographicè transferatur, occurret autem ei in R: B igitur ab R ducta perpendicularis R P, projecturam F D E eo pacto secabit in P, quemadmodum obliquus circulus primitivus circa B C initio sectus fuit in T; quod facile poterit demonstrari, si peculiari schemate iidem circuli, mutata paululum dispositione, spectandi exhibeantur.

Sit obliqui circuli B D C Stereographica projectura F D E, propositum autem sit obliqui circuli signum T in projecturam F D E transcribere: ducatur T S ipsi B C perpendicularis, & ab A per s radius procidat, qui plano occurrat in R: erit igitur projecturæ diametrus F E in R ita secta secundum Stereographiæ leges, quemadmodum obli-



qui circuli B D C diametrus B C secta est in s per 6. libri huius. Quocirca ad R perpendicularis ipsi F E constituatur R P, quæ projecturam F D E secet in P: dico P ipsius T projecturam esse, & F D E in P ita repræsentando sectam esse, quemadmodum B D C circulus initio sectus proponitur in T. Quoniam enim A V plano F D E secundum perpendicularum insistit, erit quod per ipsam ducitur planum A F E ad idem ipsum planum F D E rectum per 18. vndecimi Euclidis. Rursus quia planum obliqui circuli B D C ad planum A F E rectum est ex hypothesi, erit & T S, quæ ad B C communem vtriusque plani intersectionem rectis angulis adiuncta fuit, eidem plano A F E recta per 4. definitionem libri vndecimi Euclidis: sed & P R eandem ob causam ad planum A F E recta erit: igitur T S & P R parallelæ inter se erunt per 6. vndecimi Euclidis: quare A S R in eodem est cum ipsis plano: sed A P cum A R & R P in vno est plano per 2. vndecimi Euclidis: itaque & T S in eodem est cum A P plano: quamobrem A P secat ipsam T S, at non alio in loco, quàm ubi eadem T S secat obliqui circuli B D C peripheriam, cum punctum P in eadem circuli B D C peripheria radio A P projectum sit: igitur A P per T transit: atque ea propter ut circulus D B C in T sectus est reipsa, ita circuli projectura F D E repræsentando secta est in P; quod erat demonstrandum.

VII.

Septimus modus, quo quidem totus circulus in partes commodè secari non potest, sed tantum quædam eius partes maiores designari, ex lemmate 36. pendet: is tamen ceteris aliquantò impeditior esse videatur, habet tamen insignem contemplationem.

Esto obliqui circuli B C projectura A E D F, in qua oporteat punctum designare, quod dato puncto circuli obliqui aspectu respondeat. Sumatur in circulo A B D C punctum K, sic ut arcus D K æqualis sit illi, qui in obliquo proponitur circulo, quiq; in planum transcribi postulatur: ex centro V per K recta producat, vsque dum fiat K N semidiametro projecturæ H E vel H F æqualis: iunctaque H N bifariam diuidatur in P, & ex P ipsi H N perpendicularis excitetur P L: dico H O, quæ ex obliquæ projecturæ centro H per L traicitur, auferre de obliqui circuli projectura arcum D O arcui D K repræsentatione æqualem. Nam cum in triangulis L P H & L P N latus H P lateri P N ex constructione sit æquale, P L verò vtrique commune, & angulus L P H angulo L P N æqualis, utpote rectus vterque, erit per 4. primi Euclid. & basis L H basi L N æqualis. Rursus cum ex cõstructione æqua-

A lis sit κN ipsi HO , si ab his æqualibus æquales portiones detrahantur LH & LN , relinquentur LK & LO æquales: quare si centro L , intervallo autem LK vel LO circulus describatur, tanget is vtrumque circulum $ABDC$ & $AFDE$, vti perspicuum est; & circulum quidē $ABDC$

continget in κ , circulum

verò $AFDE$

in o : nam per

B 11. tertij Eu-

clidis HO per

centra H & L

acta, etiam per

internū con-

contactum tran-

sit, nempe o : sic

VL , quæ per

centra v & L

traijcitur, in

externū con-

contactum κ in-

cidit per 12.

tertij Euclidis: itaque circulus κo circulum $ABDC$ in κ , circulum verò $AFDE$ in o

contingit: quamobrem per 36. lemma huius libri æquales aspectu sunt arcus DO &

DK ; atque idē obliqui circuli proiectura $AFDE$ in o ita representando secta est, quem-

admodum circulus $ABDC$ reipsa sectus est in κ , quod erat faciendum.

Aliter idem consequemur, si producta vt prius $v\kappa$ fiat κN æqualis semidiametro

proiecturæ, iunctaque HN ducatur HO , sic vt angulus NHO angulo HNK sit æqualis.

Hinc enim per 6. primi Euclidis ostendentur & latera LH & LN trianguli HLN æqualia

esse: quare & cetera quæ iam dicta sunt, eodem ordine consequentur.

D

Ex his facile erit quamplurimos alios modos excogitare, quibus obliqua proiectura in partes representando secari possit. Quot enim modis primitiuus circulus reipsa secatur in postulas partes, totidem modis eius quoque diuidetur proiectura, si quæ in primitiuis circulis assumuntur, ea ipsa in plano stereographicè exhibeantur: nam, vti non semel diximus, eadem in proiecturis secundum aspectum obueniunt, quæ in primitiuis circulis reipsa antè sunt constituta.

E

PROPOSITIO CI. PROBLEMA.

Circulum non maximum ex obliquo situ proiectum in partes representando dissecare.




QVEMADMODVM circuli maximi, ita & non maximi pluribus modis in quaslibet partes secundum aspectum scindi possunt, qui omnes à primitiua sphaera proueniunt: nam vti paulò antè dicebamus, quot modis reipsa primitiui sphaeræ circuli, totidem proiecti in propositas partes representando distribuuntur. Verùm ne multitudo memoriam Lectoris obruat, ex

F innumeris paucos dumtaxat afferemus, eosque faciliores, atque ad vsum magis accommodatos, ac iis quodammodò similes, quibus maximos circulos secandos esse superiore propositione docuimus.

I.

Primus itaque modus, illique similis quem superiore propositione primo loco proposuimus, sic se habet: Estò maximus sphaeræ circulus $ABCD$ sphaeram ipsam orthographicè representans, in eoque FG sit circuli cuiusdam non maximi forma secundum Orthographiæ leges in lineam proiecta, cuius centrum H , ductis ex H oculi loco radiis AF , AH , AG , qui rectam BD secant in I , L & K , erit circulus IK descriptus, circuli primi-

mitiui FG Stereographica proiectura per propositionem 96. & 97. eiusque centrum appa-
rens L , ac vna quidem diametrus apparens IK ; altera verò huic ad rectos excitata
angulos M, N .
Hæc itaque non maximi circuli proiectura $IMKN$ si in postulatam rationem scan-



da sit, producat DB versus B infinite, ac ipsa etiam GF producat ex parte F , donec
cum DB producta conueniat in P : deinde fiat PT ipsi PF , TV verò ipsi FG æqualis, & cir-
cum TV circulus describatur, qui ipsi FG circulo primitiuo proiecturæ $IMKN$ æqualis
erit, quod vtriusque diametrus TV & FG ponatur æqualis: tum per signum P ad rectos
ipsi DB angulos constituatur PS in infinitum producta. Demum secetur circulus TV pri-
mum quidem quadrifariam per rectas TV & YZ ad normam decussatas, quarum proin-
de communis intersectio X circuli centrum erit. Erit ergo huius circuli quadrans TZ
quadranti proiecturæ IN representatione æqualis, quoniam totus circulus TV primitiuo
circulo FG est æqualis. Quare si quadrans TZ secetur vt lubet in α , & per α ex centro X
recta ducatur, quæ ipsi PS occurrat in R ; ab R verò eadem ad centrum proiecturæ L infle-
ctatur, secans proiecti circuli peripheriam in O : dico O punctum puncto α aspectu respon-
dere, idemque punctum haberi, si recta ab V per α ad Q , hinc verò ad punctum K refle-
ctatur, vel si YS in M , aut ZS in N reducatur.


Quod in hunc modum potest demonstrari: Quoniam circulus FG , itemque planum
 BD in quod eius proiecta forma excipitur, recta sunt ad circulum $ABCD$, in cuius fasti-
gio est oculus, si vtriusque circuli planum producarur, tandem sese interfecabunt, eritque
illorum communis intersectio PS , eaque recta ad idem planum $ABCD$ vndique produ-
ctum per 19. vndecimi Euclidis: quare & ad VD communem huius & plani cui proie-
ctura inscribitur intersectionem recta erit per 3. definitionem vndecimi Euclidis: quo-
circa si planum per SPG extensum, & in quo circulus primitiuus FG procumbit, circa PS
velut quiescentem axem moueri intelligatur donec punctum F in T , & G in V , centrum
autem H in centrum X , totusque circulus FG in circulum $TVYZ$ incidat (quod sanè eue-
niet, cum posita sit PT ipsi PF , & TV ipsi FG æqualis) erit itaque circuli $TVYZ$ inuersus
situs: nam punctum I ipsius T proiectura erit, & K ipsius V , & quadrans TZ primitiuus erit
ipsius IN quadrantis, & ZV reliqui NK : sola autem puncta Y & Z proprium situm reti-
nent; siquidem M ipsius Y , N verò ipsius Z est proiectura. Si itaque circulus FG secetur vt
lubet, quemadmodum TZ in α , & per sectionis punctum à centro, vel cuiuspiam diame-
tri extremitate recta ad PS educatur, hæc ad centrum proiecti circuli IK , vel ad extre-
mitatem respondentis diametri inflexa secabit proiectum circulum in puncto O , quod pun-
cto α secundum aspectum responder, vt ex eadem demonstratione aperte conuincitur,
qua superiore propositione primum modum secandi in partes maximorum circulo-
rum proiecturas explicauimus.

A

I I.

Secundus modus omnium sanè expeditissimus is est, qui secundo modo præcedentis propositionis respondet.

Sit vt priùs Æquator $ABCD$, cuius centrum E ; sitque obliquus circulus non maximus IK ex primitiuo FG descriptus secundum oculi constitutionem in A , cuius Polus H ex primitiuo Polo Z , & centrù apparens L ex O centro primitiuo transumptum: fiat porro EP ipsi EO æqualis, ducaturq; MN parallela ipsi BD , quæ tanto intervallo à cetro E distet, quanto FE ; profusisq; radijs AMQ & ANR circum QR circulus describatur ex eodem centro E , qui proinde ipsius primitiui circuli MN proièctura erit. His peractis, secetur circulus QR in partes æquales per puncta S, T, V, X, Y , quæ & repræsentatione




æquales inter se erunt per propositionem 94. huiuslibri; acceptoq; circuli IK Polo apparente H , rectæ ex H ad puncta secti circuli QR destinentur, factumque erit quod postulatur: nam hæ ipsum quoque circulum IK in partes repræsentatione æquales distinguunt in punctis $\alpha, \epsilon, \delta, \lambda, \gamma$. Huius effectus demonstratio, quoniam similis prorsus est illi, qua superiore propositione maximos sphæræ circulos ex obliquo aspectu proiectos secundo loco in partes diuidi posse ostendimus, aperteque ex 33. lem mâte sequitur; eam D Lectori colligendam breuitatis causa relinquimus.

I I I.

Eodem pacto eductis ab externo Polo H lineis, circuli non maximi partitionem in obliqua proièctura instituemus. Esto idem qui supra maximus sphæræ circulus $ABCD$, in eoq; circulus FG obliquus ad aspectù A , & non maximus orthographicè in rectam lineam transcriptus, cétrum habens O , eius verò Stereographica proièctura sit IK ,


E externusque Polus H ex primitiuo Z proièctus, cuius beneficio obliquum circulum IK in datam rationem secare oporteat.



Fiat vt supra EP ipsi EO æqualis, & per P recta ducatur MN ipsi BD parallela, quæ orthographicè circulum repræsentet non maximum Æquatori BD parallelum, & æquæ ac FG à centro E disunctum, ideoque ipsi FG æqualem per 6. primi Sphæricorum Theodosij: ipsius porro MN Stereographica proièctura sit QR radijs AQM & ARN transumpta, cuius semicirculus QTR bifariàm diuidatur in T , & ab H per T recta agatur $H\delta$: dico obliquæ proiècturæ IK semicirculum IK in δ bifariàm repræsentando diuidi.

Deinde à puncto Q ad S arcus sumatur QS graduum triginta: dico rectam HS abscondere

dere de proiectura obliqua arcum $\kappa\alpha$ graduum triginta secundum oculi repraesentationem: Rursus fiat arcus κv ipsi qs æqualis; dico & 1ϵ , quem à proiecturæ circumferentia abscindit recta $h\epsilon$, ipsi $\kappa\alpha$ æqualem esse. Demum si circuli $q\tau\kappa$ quadrans $q\tau$ in partes siue æ-




quales siue cuiuscumq; rationis diuidatur, & ab h ad singula diuisionū puncta rectæ destinentur: dico his proiecturæ $1\delta\kappa$ quadrantem $\kappa\delta$ in partes diuidi partibus quadratis $q\tau$ repraesentatione æquales; ac proinde si-

milis: quo etiam pacto rectæ ab h per æquales portiones quadrantis $\kappa\tau$ actæ, æquales partitiones in obliqui circuli quadrante 1δ exhibebunt. Quæ omnia ex demonstratione tertij modi superioris propositionis, & ex 34. lemmate meridiana luce clariora existunt, cum lemma illud omnibus æqualibus circulis, tam non maximis quàm maximis vniuersè conueniat, & demonstrandi forma iam propositione antecedente tradita sit.

IV.

Rursus ex quarto modo superioris propositionis similis praxis elici potest, qua non maximi circuli iuxta æe maximi in partes æquales representando secari possunt, rectis lineis ab æqualibus portionibus ipsiusmet obliquæ proiecturæ per apparentem alterum Polum traiectis. Esto vt in secundo modo huius propositionis, maximus spheræ circulus $abcd$, in cuius fastigio oculus ad signum A , obliquus autem circulus $1\delta\kappa$ ex primitiuo non maximo fg descriptus, cuius Polus h ex primitiuo, item Polo z transfumptus: dico si 1τ verus sit quadrans circuli $1\tau\kappa$, ducta $\tau\delta$ per h esse $\kappa\delta$ eiusdem circuli quadrantem apparentem; & si 1α dimidius sit quadrans verus, esse $\kappa\rho$ dimidiam portionem quadrantis $\kappa\delta$ apparentem. Fiat enim $e\phi$ ipsi $e\theta$ æqualis, & per ϕ ipsi $b\delta$ parallela ducatur mn circulum orthographicè representans non maximum, ipsi fg æqualem, ductisq; radijs $a'm\theta$ & anr , circulus describatur $qs\tau$, qui ipsum mn stereographicè repræsenter.



His ita constructis, propositi demonstrationem aggrediamur. Quoniam propositione 96. ostensum est in triangulo $1\alpha g$ sectiones 1κ & fg subcontrarias esse, triangulaque $1\alpha\kappa$ & $g\alpha f$ æquiangula, erit quoque in triangulis $1\alpha h$ & $g\alpha y$, angulus $1\alpha h$ angulo $g\alpha y$ æqualis: cum verò arcus fz & zg sint æquales, erit in iisdem triangulis angulus quoque $1\alpha h$ angulo $g\alpha y$ æqualis: quare & reliquis reliquo, ipsaque triangula æquiangula, eorum proinde latera proportionalia erunt per 4. sexti Euclidis: igitur vt 1α ad $1h$, sic se habet $g\alpha$ ad $g y$, & permutando, vt 1α ad $g\alpha$, ita $1h$ ad $g y$: sed vt 1α ad $g\alpha$, ita quoque est 1κ ad $g f$ propter triangulorum similitudinem: itaque per 11. quinti Eu-


clidi

A ti Euclidis, vt IK ad GF , ita est IH ad GY ; vt autem IK ad GF , ita ipsarum dimidia IV ad GO per 15. quinti Euclid. quare per eandem IV ad IH , ita GO ad GY , & diuidendo per 17. quinti Euclidis, vt IV ad VH , ita GO ad OY . Rursus quoniam in triangulis $AP\sigma$ & ZOY anguli ad P & O recti sunt, ideoque æquales, itemque $PA\sigma$ & OZY in Isocele $A EZ$ ad basin AZ æquales per 5. primi Euclidis, erunt & reliqui $A\sigma P$, ZYO inter se æquales, ipsaque proinde triangula $AP\sigma$ & ZOY æquiangula, quorum proinde latera sunt proportionalia per 4. sexti Euclidis: sunt verò AP & ZO , quæ ab æqualibus AE & ZE ablati æqualibus EP & EO relinquuntur, æqualia: igitur & $P\sigma$, OY æqualia inter se erunt: at PN quoque & OG , nempe æqualium MN & FG dimidia, sunt inter se æqualia: igitur vt IV ad VH , ita quoque est NP ad $P\sigma$: sed vt NP ad $P\sigma$, ita est RE ad EH per 4. sexti Euclidis, adiuuante 4. lemmate libri quinti, quòd videlicet $N\sigma$ parallela sit ipsi RH : quamobrem vt IV ad VH , ita se habet RE ad EH , & permutando vt IV semidiametrus ad RE semidiametrum, ita VH ad HE ; atque idcirco per 40. lemma huius libri ducta TH & arcus RS & IT similes distinguit, hoc est vterque sui circuli quadrantem, cum ergo per secundum superiorem modum sit $K\delta$ proiecti circuli portio arcui RS repræsentatione similis, erit $K\delta$ proiecturæ quadrans secundum aspectum oculi in A constituti. Eodem modo quoniam $I\alpha$ & Re similes sunt suorum circulorum portiones per idem 40. lemma, sitque per secundum superiorem modum $K\rho$ ipsi Re repræsentandi proprietate similis, erit $K\rho$ tot graduum portio secundum apparentiam, quot graduum re ipsa est $I\alpha$: ita ergo secta obliqui circuli non maximi proiectura in partes quocumque, ductæ à singulis per Polum apparentem H lineæ, æquales secundum aspectum prioribus opposita extremitate signant.

De reliquis modis, quinto, sexto, & septimo superioris propositionis nil attinet dicere, cum illorum praxes ac demonstrationes in circulis, tam non maximis quam maximis, parem locum habeant.

Si autem plures simul paralleli circuli vna eademque opera in partes similes secundum datam proportionem distribuendi sunt, nulla alia commodiore ratione id fiet, quam ductis per ipsorum Polos, & datas vnus paralleli partes circulis: hi namque, cum illos repræsentent, qui per primitiuos Polos ducuntur, secabunt omnes proiectos circulos in eandem rationem secundum aspectum per 10. secundi Sphæric. Theodosij.

D Exempli gratia, sit sphaera $ABCD$, in eaque primitiuus aliquot circuli paralleli orthographicè designati FG , MN & PX , quorum proiecturæ circuli sunt circa diametros apparentes IK , LO & TV descripti, omniumque Poli H & R ex primitiuis Q & S transumpti.



Secetur iam per præcedentem propositionem vnus projectorum parallelorum, puta $AICK$, in partes æquales in punctis $\alpha, \epsilon, A, \delta$ & λ , perque tria puncta H & R circulus describatur ad punctum γ protensus; itemque alius describatur circulus per tria puncta H & R , qui ad punctum ρ pertineat, sicque per cetera puncta circuli $AICK$ & vtrumque Polum

lum H & R circuli describantur; dico hos per æquales quoque reliquorum omnium A parallelorum sectiones transire: nam in proiecturis id representando contingit, quod in primitiuis circulis fit reipsa: at per 10. secundi Sphæricorum Theodosij si sint in sphaera paralleli circuli, per quorum Polos describantur maximi circuli, parallelorum quidem circumferentia inter maximos circulos intercepta, similes sunt, maximorum autem circumferentia inter parallelos circulos intercepta, æquales.

PROPOSITIO CII THEOREMA.

In obliquis circuloꝝ proiecturis, præter eas medietates, quas vera diameter dirimit, cetera omnes sunt inter se inæquales. B



o c in primis constat, obliquas proiecturas illis lineis, quæ per apparens centrum traiciuntur, bifariam secundum aspectum diuidi: nam vti apparens proiecturæ centrum verum primitiui circuli centrum representat, sic quæ per apparens proiecturæ centrū aguntur rectæ lineæ, primitiui circuli diametros exhibent: igitur quemadmodum primitiuus circulus veris diametris in semicirculos reipsa æquales, ita proiectura apparentibus diametris in semicirculos representando æquales dispescitur. Cùm autem propositione 96. ostensum sit in obliquis proiecturis non idem esse verum centrum & apparens, necesse est C vnã dumtaxat rectam lineam per vtrumque centrum traduci, quæ proinde ipsam in duas medietates reipsa æquales diuidat per 17. definitionem primi Euclidis; ceteræ ergo quæ per solum apparens, non verò etiam per proprium proiecturæ centrum transeunt, proiecturam in duas medietates inæquales secabunt. Si enim in duas partes æquales proiecturam diuiderent, essent eæ veri semicirculi, & rectæ illæ secantes propria appellatione diametri vocarentur per 18. definitionem primi Euclidis, quod fieri nequit, cùm ostensum iam sit ipsas per verum centrum proiecturæ non transire. Itaque ceteræ apparentes diametri, verà excepta, proiecturam non ex æquo, sed in duas medietates inæquales secat, quæ tamen æquales primitiui circuli medietates representant.


Porro vt vera diameter secat proiecturam in medietates exactè æquales, quòd maxima sit omnium illarum, quæ per centrum apparens ducuntur: ita quæ hanc rectis secat angulis, quia minima est omnium illarum, quæ per apparens centrum aguntur, secat proiecturam in medietates maximè inæquales. Nam quæ minor est in circulo recta linea, ea longiùs distat à centro per 15. tertij Euclidis, ideoque hinc minus, illinc maius segmentum relinquit. D

PROPOSITIO CIII. THEOREMA.

In obliquis maximorum circuloꝝ proiecturis, medietatum incrementa sunt decrementis proportionalia. E



IT ABCD circuli maximi directè expositi proiectura; AFCE verò circuli obliqui, item maximi descripta forma vna quidem parte ab G crescens versus F , altera autem versus E decrescens: sit porro vtriusque circuli communis diameter AC , & centrum cõmune G : dico quanto minor est GE quàm GD , tantò secundum proportionem GF quàm GB maiorem esse. Quoniam enim A & C proiecturæ sunt illorum punctorum, quibus sese directus obliquusque circulus in sphaera reipsa interfecant, estque FE ad rectos ipsi AC angulos, erunt



A erunt BAD & EAF semicirculi: quamobrem cum in utroque sit AG ipsi FD perpendicularis, erit per 2. lemma huius libri AG media proportionalis, inter utriusque diametri BD & FE segmenta: quare ut GE ad GA , hoc est ad GD , ita est GA , id est GB ad GF ; & per rationis conuersionem ut GD ad GE , ita GF ad GB : quanto igitur GE ipsa GD minor est, tanto est GF ipsa GB maior: & per rationis diuisionem ut GE ad ED , ita se habet GB ad BF : quocirca in obliquis maximorum circulorum proiecturis medietatum incrementa decrementis sunt proportionalia; quod erat demonstrandum.

PROPOSITIO CIV. THEOREMA.

B *In obliquis circulorum proiecturis apparentium diametrorum maxima quidem illa est, qua per verum simul centrum incedit; minima vero, qua maxima est perpendicularis: at ceterarum illa maior, qua centro vero propinquior; sola autem minima bifariam secatur.*

C **A** P P A R E N T E S diametros in obliquis circulorum proiecturis illas esse, quæ per apprens centrum ducuntur, ex projectionis ratione nullo negotio probari potest: Cum enim proiecturæ centrum apprens sit punctum illud, quod primitiui circuli centrum repræsentat, utpote quod radium ab oculo per centrum primitiui circuli profusum suscipit, erunt & lineæ rectæ quæ per centrum apprens proiecturæ traiciuntur, diametrorum primitiui circuli proiecturæ, quæ proinde & proiecti circuli apparentes diametri erunt.

Quoniam igitur per 96. propositionem libri huius obliquæ proiecturæ aliud sit centrum verum, aliud apprens, fieri nequit, ut plures quàm vna recta linea per utrumque centrum traducatur: siquidem à puncto ad punctum vnam dumtaxat rectam lineam ducere conceditur: dico igitur eam, quæ in superiori schemate per utrumq. centrum H & G incedit, EF maximam esse obliquæ proiecturæ $AECF$ diametrum, quod ex 15. tertij Eucl. patet; eam verò quæ huic ad rectos est angulos AC , minimam esse: quæcumque enim præter EF & AC per G ducta fuerit, ut LN , maior ipsa AC in hunc modum demonstrabitur: Ducatur ex H centro vero obliquæ proiecturæ recta linea HK ipsam LN rectis angulis secans in O : quoniam igitur ex hypothesi rectus etiam est angulus HCK , erit per 8. sexti Euclidis triangulum HGO toti triangulo HKG simile: quare ut HK ad HG , ita se habet eadem HG ad HO : sed HK maior est ipsa HG , quòd per 47. primi Euclidis quadratum ex HK quadrato ex HG sit maius: igitur & HG quàm HO est maior: quocirca longius à centro H distat AC quàm LN ; atque ea propter LN quàm AC est maior per 15. tertij Euclidis. Quod cum in ceteris quæ per G ducuntur diametris locum habeat, perspicuum fit AC omnium minimam esse: at ceterarum illam maiorem esse, quæ centro H propinquior est, ex eadem 15. tertij Euclidis conuincitur.


E Denique solam AC bifariam secari in G , ex 3. tertij Euclidis patet: nam EF per centrum H extensa, solam AC ex illis omnibus quæ per H non transeunt, ad rectos angulos secat: igitur solam AC secat bifariam, quod ultimo loco propositum fuit: quare ex partium demonstratione ipsa hæc propositio demonstrata relinquitur.

PROPOSITIO CV. THEOREMA.

F *Partes obliquæ proiecturæ, quæ equalibus partibus primitiui circuli respondent, continua serie inæquales sunt: & quæ perpendiculari ab oculo in planum demissa propius adjacent, remotioribus sunt minores.*

P L V R I M Æ, fateor, demonstrationes in medium adferri possent confirmando proposito idoneæ, præsertim ex ijs rationibus desumptæ, quibus supra propositione 101. obliquam proiecturam in partes secare docuimus; tamen ne multitudo probationum obscuritatem inuehat potius, quàm certam perspicuamque scientiam, è multis vnam dumtaxat gratia exempli proponemus, quàm suggerit primus modus secandi obliquam proiecturam, propositione 101. explicatus.

Esto inquam communis sphaeræ & plani intersectio circulus $A B C D$, in cuius cen- **A**
 trum v perpendicularis ab
 oculo in planum demissa in-
 cidat: obliqua verò proiectura
 esto $A E C F$, quæ in partes se-
 cetur repræsentatione æquales
 secundum modum propositione
 100. primo loco explicatum:
 & ne partium numerus me-
 moriam obruat, secentur qua-
 drantes $E C$ & $C F$ singuli re-
 præsentando bifariam in G &
 H , sic ut totus semicirculus
 $E C F$ quadrifariam sectus sit:
 fiet autem id si primùm se-
 micirculi $B C D$ quadrantes
 bifariam reipsa diuidantur in
 I & K ; ex B verò per I , C & K ,
 rectæ eiciantur $B I$, $B C$ & $B K$,
 quæ productæ si opus fuerit,
 secent $A C$ item productam in
 punctis N , C & L , unde ad F re-
 ducantur lineæ $N F$, $C F$ & $L F$,



quæ proiecturæ semicirculum $E C F$ in partes repræsentando æquales secent ad signa G , O
 & H , ut in primo modo distribuendi in partes postulas maximi circuli proiecturam
 propositione centesima supra ostensum fuit.

Dico verò portionem $C H$ quàm $H E$, & $G C$ quàm $C H$, & sic deinceps continua serie
 remotiores à puncto v , cui perpendicularis ab oculo in planum demissa insistit, pro-
 pinquioribus semper maiores esse. Quoniam enim æqualis est periphæria $C K$ periphæ- **D**
 riæ $K D$ ex constructione, erit & angulus $C B K$ angulo $K B D$ æqualis per 27. tertij Eucli-
 dis, ac proinde per 3. sexti Euclidis ut $B C$ ad $B V$, ita $C L$ ad $L V$: sed per 37. lemma $B C$
 maior est quàm $B V$: itaque & $C L$ quàm $L V$ est maior. Rursus ducantur $B R$, $B P$ & $B O$
 ipsis $F L$, $F C$ & $F N$ parallelæ, singulæ singulis: quoniam igitur $B R$ parallela est ipsi $F L$,
 erit per 2. sexti Euclidis ut $F B$ ad $B V$, sic $L R$ ad $R V$: cum ergo B propinquius sit centro
 v quàm F , erit & R quàm L , & $B R$ quàm $F L$ aut $B L$ eidem v propinquior. Eodemque
 modo ostendetur $B P$ propinquior centro v quàm $B C$ aut $F C$, & $B O$ propinquior ei-
 dem v quàm $B N$ aut $F N$: igitur per 1. consecutarium lemmatis 37. superius citati maior
 est proportio $B C$ ad $B V$ quàm $B P$ ad $B V$; sed ut $B P$ ad $B V$, ita se habet $F C$ ad $F V$ per 4. sexti
 Euclidis, quod $B P$ parallela posita sit ipsi $F C$, ac propterea sit triangulum $B P V$ triangulo **E**
 $F C V$ æquiangulum per 4. lemma libri quinti: igitur $B C$ ad $B V$ maiorem quoque propor-
 tionem habet quàm $F C$ ad $F V$: at ratio $C L$ ad $L V$ eadem est, quæ $B C$ ad $B V$ per 3. sexti
 Euclid. uti paulò antè ostensum est: itaque & $C L$ ad $L V$ maiorem habet rationem quàm
 $F C$ ad $F V$: atque idcirco angulus $C F L$ angulo $L F V$ maior est: quare per vltimam sexti
 Euclidis & arcus $C H$ arcu $H E$ maior erit.

Simili verò modo ostendemus & arcum $G C$ maiorem esse arcu $C H$: nam cum æqua-
 les sint anguli $N B C$ & $C B K$, qui æqualibus periphærijs $I C$ & $C K$ insistent per 27. tertij
 Euclidis, erit per 3. sexti Euclidis ut $N C$ ad $C L$, ita $B N$ ad $B L$. Rursus cum angulus $N B L$
 æqualis sit angulo $C B V$; angulus autem $O B R$ angulo $C B V$ minor, ut pars toto, erit $N B L$
 angulus angulo $O B R$ maior: quare per consecutarium 4. lemmatis 39. maiorem ratio- **F**
 nem habebit $B N$ ad $B L$ quàm $B O$ ad $B R$: sed ut $B O$ ad $B R$, ita est $F N$ ad $F L$, quod $B O$
 ipsi $F N$, & $B R$ ipsi $F L$ positæ sint parallelæ: igitur $B N$ ad $B L$ maiorem quoque rationem
 habebit quàm $F N$ ad $F L$; ac proinde & $N C$ ad $C L$ quàm $F N$ ad $F L$ maiorem rationem
 habebit: quare angulus $N F C$ angulo $C F L$ est maior; ideoque & arcus $G C$ maior arcu
 $C H$ per vltimam sexti Euclidis. Cumque eodem modo in minoribus partibus locum
 habeat hæc demonstratio, probatam relinquitur partes obliquæ proiecturæ, quæ æqua-
 libus primitiui circuli partibus respondent, continuata serie inæquales esse, ac minores
 semper illas, quæ perpendiculari ab oculo in planum demissæ propius adiacent; quod
 erat demonstrandum.

A


PROPOSITIO CVI. THEOREMA.

Si obliqua circuli proiectura in partes repræsentando distribuatur, erunt ea, quæ in maxima medietate sunt, partibus primitiui circuli maiores; ea uerò quæ in minima sunt medietate, minores.

B



DESCRIBATUR vt suprâ maximi cuiuspiam obliqui circuli proiectura $AFC E$; circulus autem $ABCD$ fit communis intersectio spheræ & plani, ipseque maximus, ac primitiuo circulo obliquo æqualis: sitque K externus obliquæ proiecturæ Polus: à quo si rectæ educantur KG & KI , secantes vtrumque circulum; perspicuum est per tertium modum distribuendi in partes obliquas proiecturas propositione 100. explicatum FG ipsi $D S$, & GI ipsi



D

SR repræsentatione æquales esse, itemque BL & LM , ipsis EP & PO repræsentatione æquales: at maiorem esse FG ipsâ DS , & GI ipsâ SR , ac sic de ceteris, quod in hunc modum potest demonstrari:

Per 4. consecutarium propositionis 99. constat peripheriam FG peripheriæ BL , & GI ipsi LM , itemque EP & PO ipsis DS & SR similes esse: sed maior est circulus $AFC E$ circulo $ABCD$: itaque FG ipsâ BL , & GI ipsâ LM , & IC reliquâ MC maior existit: at DS minor est quàm BL ; ductâ enim LV ipsi BD parallela, æqualis est DV ipsi BL : at minor est DS quàm DV , vt pars totâ: igitur DS ipsâ quoque BL minor est; ac proinde FG multò quàm DS maior est: eodemque modo minor est SR ipsâ LM ; ductâ enim MT ipsi LS parallela æqualis est ST ipsi LM : sed SR minor est quàm ST : quare & quàm LM minor SR erit, hac proinde GI multò maior erit. Atque eodem modo in ceteris locum habet hæc demonstratio; igitur partes obliquæ proiecturæ; quæ in maxima medietate sunt, ipsis primitiui circuli partibus sunt maiores.

Rursus per eundem tertium modum diuidendi in partes obliqui circuli proiecturam propositione 100. traditum, constat EP & PO ipsis BL & LM repræsentando æquales esse: est uerò EP minor quàm DV , hoc est quàm BL ; & PO quàm ST , hoc est quàm LM minor: ac simili modo se res habet in ceteris; igitur partes quæ in minima medietate obliquæ proiecturæ sunt, primitiuis circuli obliqui partibus sunt minores.

F Qua in re hoc præcipue obseruatione dignum est, partes quæ maximæ diametro visæ FE propius adiacent, à primitiui circuli partibus, maiore excessu defectiue distare. Cum enim per proximè antecedentem propositionem æquales partes, in quas obliqua proiectura repræsentando secatur, ab F ad E continuo decremento minuantur, ab E uerò ad F continuo augeantur, fit vt prope maximam diametrum FE maxima incrementa & decrementa contingant: quare iuxta F partes obliquæ proiecturæ $AFC E$ primitiui circuli partes amplissimo interuallo excedunt; iuxta E autem ab iisdem plurimum deficiunt: quò uerò ipsi A vel C propinquoires fuerint, eò propius ad æqualitatem accedent, si illæ inter se comparentur, quæ ad easdem partes sibi mutuò secundum aspectum respõdent.


PROPOSITIO CVII. PROBLEMA.

Partes circuli ex obliquo aspectu proiecti ad primitiuum circulum reducere.



V T I propositione 100. & 101. partes obliqui circuli in propriam ipsius projectionem variis modis translatae sunt, ita vicissim retrocommendo per easdem operationes, projectionis partes ad primitiuum circulum possunt reuocari.

Nam vt à primo modo ordiamur; sit $KIDG$ circulus sphaerae maximus ex directo aspectu projectus, & in communem sphaerae & plani sectionem incidens; sit item $KFDE$ circuli obliqui maximi projectione, in eaque datum signum O , vt lubet, quod oporteat ad primitiuum circulum reuocare. Producat KD , si opus fuerit, & ab F per O recta ducatur FO , quae producta in KD incidat ad punctum H : hinc autem ad I recta reducat HI , quae circulum $KIDG$ secet in N : dico N punctum esse postulat.



Nam per ea quae illic sunt demonstrata, rectae, quae ab F & I ad communem vtriusque circuli $KIDG$ & $KFDE$ intersectionem ducuntur, secant eosdem circulos in partes representatione aequales, FH quidem obliquam projectionem in O , HN autem circulum directum in N : at circulus directus $KIDG$ in N per rectam HN in eadem rationem secatur, in quam obliquus circulus per rectam ab H ad primitiuum punctum signi F ductam, seu cuius HF propria est projectione, vt ex demonstratione eiusdem primi modi propos. 100. in posteriore schemate facile intelligi potest.


Deinde ex inuersa operatione secundi modi eandem partium reductionem consequemur. Vt si in schemate eiusdem secundi modi (in quo $ALDG$ communis est sectio sphaerae & plani; $A FDE$ vero obliqua projectione) datum sit punctum P , ei que postuletur reciprocum dari in circulo $ALDG$, qui obliquo circulo primitiuo projectione $A FDE$ aequalis est: quaeratur obliquae projectione $A FDE$ internus Polus H per 99. huius, iungaturque HP ; haec vbi circulum $ALDG$ secat, ibi punctum I exhibet postulat. Nam eadem propositione ostensum est rectas omnes, quae à Polo H euocantur, planorum per oculum & Polum remotiorem N transeuntium projectiones esse; ipsa autem vtrumque circulum, obliquum scilicet, cuius projectione est, $A FDE$, & directum $ALDG$ in partes aequales dissecare: quare necesse est eorumdem planorum projectiones, hoc est rectas à Polo apparente H ad data signa obliquae projectione ductas, vna eademque opera circulum quoque $ALDG$ ita secare, vt eis aequales in circulo obliquo primitiuo partes datis projectione partibus secundum aspectum respondeant: quae omnia ex superius demonstratis fient clariora, si non sit graue ea breui repetitione in memoriam reuocare.

Similis ratio sectionis erit, si ab externo Polo K ad datum punctum P obliquae projectione $A FDE$ recta ducatur. Haec enim secabit circulum $ALDG$ in Q ea ratione, vt quae ipsi in primitiuo circulo obliquo respondet, in punctum P radiorum profusione deportetur, vt ibidem in tertio modo fuit demonstratum; eademque ratio in quarto modo tenenda erit.

Per quintum modum eandem partium reductionem exequemur hoc pacto: Sit sphaera $ALDG$, in eaque obliquus circulus BC , cuius projectione $A FDE$; oporteat autem datum

A datum in proiectura punctum P ad primitiuum circulum BC, aut ei æqualem ALDG

reducere. Ex A, in quo oculus, recta agatur AH ipsi BC parallela, & PH iungatur, quæ ipsam AD secet in I, perque I parallela ducatur ipsi LG: hæc circulum ALDG secabit in N punctum ipsi P aspectu respondens: quæ etiam praxis non alia indiget demonstratione, quàm illa ipsa qua ibidem ex lemmate 35. ostendimus plana omnia per visum A & punctum H extensa, cuiusmodi hoc loco est AHP, facere in circulo obliquo communem sectionem diametro BC parallelam, qualis in circulo ALDG est QN, & ab eodem circulo obliquo rescindere utrimque peripherias æquales à punctis B & C inchoatas, quæ profusione eiusdem radiofi plani AHP in circumferentiam obliquæ proiecturæ incidunt ad signa P & O: itaq; hoc etiam modo licebit obliquæ proiecturæ partes ad primitiuum circulum reuocare.



B etiam praxis non alia indiget demonstratione, quàm illa ipsa qua ibidem ex lemmate 35. ostendimus plana omnia per visum A & punctum H extensa, cuiusmodi hoc loco est AHP, facere in circulo obliquo communem sectionem diametro BC parallelam, qualis in circulo ALDG est QN, & ab eodem circulo obliquo rescindere utrimque peripherias æquales à punctis B & C inchoatas, quæ profusione eiusdem radiofi plani AHP in circumferentiam obliquæ proiecturæ incidunt ad signa P & O: itaq; hoc etiam modo licebit obliquæ proiecturæ partes ad primitiuum circulum reuocare.

C Similis porò ratio tenenda est in ceteris modis omnibus, quibus obliqua quæcumque proiectura in partes secari potest: sola enim operationis reciprocatio partes proiecturæ ad originem reducit, & ut eadem est via Athenis Thebas, & Thebis Athenas; sic idem radius est, per quem partes à primitiuo circulo ad planum vsque deportantur, & quo iterum à plano in pristinum locum restituantur. De his igitur tantum; nunc coeptum rerum ordinem prosequamur.

Similis porò ratio tenenda est in ceteris modis omnibus, quibus obliqua quæcumque proiectura in partes secari potest: sola enim operationis reciprocatio partes proiecturæ ad originem reducit, & ut eadem est via Athenis Thebas, & Thebis Athenas; sic idem radius est, per quem partes à primitiuo circulo ad planum vsque deportantur, & quo iterum à plano in pristinum locum restituantur. De his igitur tantum; nunc coeptum rerum ordinem prosequamur.


D PROPOSITIO CVIII. PROBLEMA.

Data obliqua proiectura, primitiuu circuli obliquitatem situmque in sphaera designare.




CCIDERE subinde potest, ut detur in plano obliqui cuius-

E piam circuli proiectura, cuius obliquitas situsque in sphaera cognitu necessarius ignoretur. Proinde qua id arte inuestigandum sit hoc problemate docerimus: at quia sola data proiectura non satis est ad ipsius originem indagandam, alterius circumstantiæ adiumento opus erit, ut duobus simul conspiciantibus ignota veritas eliciatur.



F Primò igitur præter datam obliquam proiecturam AFCE circuli maximi, detur etiam oculus A à plano sublimis: his datis per proprium centrum proiecturæ diameter agatur FE, ad

eamque ab oculo A perpendicularis demittatur AG : perspicuum igitur est G centrum A esse apparens projecturæ, idemque & spheræ, quod maximus sit ex hypothesi primitivus circulus obliquus, cuius $AFC E$ est projectura. Quare centro G , intervallo autem GA circulus describatur, qui spheræ magnitudinē exhibebit, quia & ipse maximus est, & per oculum incedens: tum AE & AF iungantur, quæ spheram secant in H & K : dico HK circulum primitivum esse obliquæ projecturæ datæ, eumque habere in spherâ situm, secundum quem in datam projecturâ ab oculo A profunditur. Cum enim AE & AF radij sint optici, utpote ab oculo A emicantes, sintque partes spheræ H & K in eisdem radiis in quibus F & E , necesse est HK projectæ diametri FE prototypam esse, ideoque circulum, qui circa diametrum HK describitur, ipsius datæ projecturæ



$AFC E$ esse primitivum, cuius obliquitas in spherâ designari postulabatur.

Secundò data eadem maximi cuiuspiam circuli obliqui projectura $AFC E$, eiusque centro apparente G , reliqua invenientur hoc modo: Per G ad normam ipsi FE recta ducatur AC , secans projecturam in A & C , & circa A & C circulus describatur, erit is spheræ D magnitudinem repræsentans, & oculum in summo fastigio habens ad signum A : nam cum eadem sit spheræ & circuli obliqui maximi diametrum, erit communis sectio circuli obliqui primitivi, ipsiusque projecturæ eadem quæ spheræ diametrum AC , & oculi altitudo ipsius spheræ semidiametrum AG : itaque eductis ab oculo A ad projecturæ extremitates radij AF & AE , ubi illi spheram interfecant, scilicet in H & K , ibi circuli primitivi obliquitatem situmque designant.

Tertiò si præter obliqui circuli projecturam $AFC E$ nec centrum detur, nec oculi locus; sit autem cognita primitivi circuli ab oculo declinatio, exempli gratia, partium quinquaginta, qua oculo proximus est, supputandi erunt in circulo dato $AFC E$ ab E ad A gradus quinquaginta: hoc facto ducatur AC ipsi FE perpendicularis, & circum AC circulus describatur $ABCD$, quem radij AF & AE secant in H & K : dico HK primitivi circuli obliqui diametrum esse, eiusque projecturam FE , ac proinde effectum id quod erat postulatum. Quoniam enim FAE angulus rectus est, erit circuli $AFC E$ portio qua ille continetur, semicirculus: eodemque modo & HAK semicirculus erit, quod eundem angulum rectum A contineat. Ductis igitur HC & CK , cum anguli ACH & AKH in eodem sint circuli segmento AH , erunt ipsi inter se æquales per 21. tertij Euclidis: at quoniam in triangulis ACH & AFG angulus AGF rectus est ex constructione, angulusque AHC rectus, utpote in semicirculo, estque angulus FAV utrique communis, erit & reliquus ACH reliquo AFG æqualis per 32. primi Euclidis: quare & ipsi AKH angulus AFG æqualis erit: est verò utrique triangulo AEF & AHK communis angulus FAE : itaque reliquus quoque AHK angulus reliquo angulo AEF æqualis erit; ac proinde arcus AH arcui AE similis, itemque AK similis residuo arcui AF , per 39. lemma huius libri: est autem arcus AE graduum quinquaginta initio assumptus, & AF semicirculi complementum: igitur & AH graduum quinquaginta erit, & AK complementum semicirculi: ideoque HK obliquus est circulus projecturæ $AFC E$ situm in spherâ habens postulatum; quod erat peruestigandum.

Quartò eadem ratione licebit univèrsè etiam non maximi circuli projecturam in proprium spheræ locum restituere, si tamen perspecta sit ipsius ab oculo maxima ac minima


A nima declinatio: vt si obliqui circuli non maximi proiectura offeratur $I L M N$, cuius nec centrum datur, nec oculi locus, vnde profusi radij ipsius demonstrent originem; constet autem primitiuum circulum, cuius situs in sphaera quaeritur, qua minimum ab oculo distat, partibus abesse quadraginta, qua verò maximè, partibus septuaginta. Ducatur in data proiectura diameter $N I$, sumaturque arcus $I L$ partium 40. $N M$ verò partium 70. & iungantur $I M$ & $N L$ quæ sese decussent in A : dico A oculi locum esse; & si ab A ipsi $N I$ perpendicularis demittatur $A G$: dico rursus descriptum ex centro G , interuallo autem $A G$ circulum sphaeram repræsentare; quæ cum à lineis $I M$ & $N L$ secetur in O & P : dico $O P$ diametrum esse circuli obliqui primitiui, cuius proiectura $I L M N$ ex oculo A in planum transcripta est.

B P oest verò id eadem ratione demonstrari, quã priùs. Ductis enim $O C$ & $P C$, quoniam in circulo $A B C D$ anguli $A C O$ & $A P O$ eidem segmento inscribuntur, erunt ipsi inter se æquales per 21. tertij Euclidis: at in triangulis $A G N$ & $A O G$, angulus $A G N$ rectus est per constructionem; angulus verò $A O G$ rectus, quia in semicirculo; angulusque $N A C$ vtrique communis est: igitur & reliquus $A N G$ reliquo $A C O$ est æqualis: quare & idem $A N G$ angulus angulo $A P O$ æqualis erit. est autem triangulis $A N I$ & $A P O$ communis angulus $N A I$: igitur per 32. primi Euclidis, & reliquus angulus $A I N$ reliquo $A O P$ æqualis erit: quocircà arcus $I L$ & $A O$, qui æqualibus angulis $A N I$ & $A P O$ subiiciuntur, similes erunt per 39. lemma huius libri. Eodemque modo & arcus $M N$ & $A P$ propter angulorum, $A I N$ & $A O P$ quibus subtenduntur æqualitatem similes erunt: at $I L$ sumptus est graduum quadraginta, $M N$ verò graduum septuaginta: igitur & $A O$ gradus quadraginta, $A P$ verò gradus septuaginta complectetur: quare $O P$ diameter erit eius circuli, qui in circulum datum $I L M N$ profunditur, situmque habet in sphaera postulatum, quem inuestigare oportuit.

PROPOSITIO CIX. PROBLEMA.

Data circuli non maximi directæ proiectura, locum eius in sphaera adinuenire.

D **Q** VEM AD MODVM in superiore problemate, ita & in præsentī non erit difficile, dato præter proiecturam oculo, primitiui circuli situm in sphaera designare. Vt si data sit circuli cuiuspiam non maximi proiectura $E L M F$ ex directo aspectu oculi A in planum transfusa; postuletur autem primitiuus eius circulus in sphaera designari: centro G propositæ proiecturæ $E L M F$, interuallo verò $A G$ circulus describatur $A B C D$, radijque ab A ad E & F procidant $A E$ & $A F$, secantes circulum $A B C D$ in H & K : dico $H K$ diametrum esse circuli postulati. Cum enim A oculi sit locus, & $A E$, $A F$ radij sint optici, necesse est proiectæ diametri extremitates E & F , in aliqua parte radorum $A E$ & $A F$ primitiua signa habere: at primitiua hæc signa nequaquam extra sphaeram existunt, cum circulus $E L M F$ circuli cuiuspiam in sphaera constituti proiectura esse supponatur: igitur non alio loco esse possunt signorum E & F primitiua puncta, quàm vbi radij optici sphaeram interfecant, hoc est in H & K : quocircà $H K$ diameter erit circuli primitiui postulati.



At oculi loco ignorato, si tamen cognitum sit quot partibus ab oculo declinet circulus, cuius proiectura in plano datur, propositum conficiemus hoc modo: Sit declinatio circuli quaeriti ab oculo vndique graduum sexaginta: sumatur ergo in data proiectura arcus $E L$ graduum 60. ei que æqualis fiat $F M$, & $E M F L$ iungantur sese in A decussantes: dico A oculi locum esse; & si centro G , interuallo autem $A G$ circulus describatur,

tur, qui lineas EM & FL fecerit in H & K : dico HK diametrum esse circuli postulati. A
 Ducta enim HC , quoniam anguli ACH & AKH in eodem segmento sunt, erunt ipsi
 inter se æquales per 21. tertij Euclidis: sed in triangulis ACH & AFG anguli AGF &
 AHC æquales sunt, utpote recti; an-
 gulus autem FAC utrique est com-
 munis: igitur & reliquus ACH reli-
 quo AFG est æqualis: ideoque AFG
 angulus ipsi quoque AKH æqualis
 erit: quapropter & in triangulis
 AFE , AHK , quibus communis est
 angulus FAE , reliquus AEF reliquo
 AHK erit æqualis. Est verò angulus
 AFE angulo AEF æqualis per 27.
 tertij Euclidis, quòd scilicet æquali-
 bus peripherijs EL & FM insistant:
 itaque & AHK , AKH anguli æqua-
 les inter se erunt; ac proinde ipse et-
 iam, quibus insistant, peripheriæ AH
 & AK erunt æquales per 26. tertij
 Euclidis: at EL & FM arcus sumpti
 sunt partium sexaginta: igitur &
 AH , AK totidem partium erunt
 per 39. lemma huius libri: quocirca HK circulum illum refert, qui situm in sphaera
 habet postulatam, cuius proinde $ELMF$ propria est projectura, ex oculo A in planum
 transcripta.

Quòd si nota sit declinatio quæsitæ circuli à circulo maximo ipsi parallelo (exempli
 gratia Tropici ab Æquatore, dum oculus in Polo cõstituitur:) ducta PG ad rectos ipsi EF
 angulos sumemus arcum PL vel PM tot graduum, puta triginta, quot distat quæsitus cir-
 culus à parallelo circulo maximo; ductaque EM , vel FL secabit perpendicularem PG in
 A oculi loco ut supra, per quem proinde ex centro G ductus circulus $ABCD$ sphaeram
 repræsentat, in qua HK situm habet postulatam: sunt enim PL & PM arcus HB & KD
 similes, ut ex dictis patet.

STEREOGRAPHICA SPHÆRÆ DESCRIPTIO

Oculo in communi sectione Horizontis
 & Æquatoris constituto.




QUÆMADMODUM in tractatione Orthographicæ post uniuersales
 Projectionis leges earum usum explicauimus, primò quidem in sphaeræ
 descriptione, deinde in ijs rebus, quæ ex sphaera discuntur: ita hoc loco
 expositis uniuersè Stereographicæ præceptis sphaeræ descriptionem ag-
 gredimur, ex qua varijs consuetarijs ea omnia colligemus, quæ Orthographicis proie-
 cturis inesse antè ostēdimus. At verò tametsi quouis loco sphaerici ambitus oculus statui
 possit, atque ex ea oculi constitutione sphaera stereographicè in plano describi: quia ta-
 men non omnis oculi situs figuram sphaeræ exhibet vsibus accommodatam, paucis dum-
 taxat locis oculo posito sphaeræ projectionem instituemus, quod & in Orthographia ob-
 seruauimus. Ex paucis enim multa assequi prudens quisque poterit, si ea, ex quibus
 omnia pendent, exactè perdidicerit. Primùm igitur sit oculus in communi sectione Fi-
 nitoris & Libræ cõstitutus, ex cuius aspectu sphaeram plano inscribere oporteat, quem-
 admodum Gemma Frisius suum Catholicum astrolabium deformauit. Id ut ordine fiat,
 eaque

A eaque perspicuitate, quam res obscuræ exigunt, hunc in primis aspectum distinctis aliquot propositionibus, deinde reliquos singulos singulis propositionibus historica breuitate perstringemus, ne repetitis crebrò iisdem demonstrationibus tenebras potius rebus per se iam claris atque patentibus offundamus.

PROPOSITIO CX. PROBLEMA.

Vtrumque Colurum plano stereographicè inscribere.

B x prænotatione decima quinta huius libri constat, Æquinoctiorum puncta, eius Coluri qui per Solstitia transit, Polos esse. Cùm igitur in altero æquinoctiorum oculus constituitur, perspicuè patet solstitorum Colurum directè spectari; siquidem, vt ex 10. primi Sphæricorum Theodosij colligi potest, recta linea, quæ à Polo per circuli centrum ducitur, ad ipsius circuli planum recta est: igitur per ea quæ ad propositionem 31. libri tertij prædefiniui-



mus, solstitorum Colurus directè aspectui obuersatur: quare & in circulum præcidit per 94. propositionem huius libri, qui hoc loco sit, gratia exempli, A B C D: cumque is sit de numero maximorum in sphæra circularum, planumque per sphære centrum actum intelligatur, & hoc patet, intra ipsius circuli A B C D ambitum dimidiam sphære portionem transcribi.

Alter verò Colurus qui ab æquinoctijs nomen habet, cùm per oculum transeat, hoc in primis sequitur, ipsum in rectam lineam profundi per 91. huius libri propositionem, cumq; in Polis mundi secet alterum Colurum, sive A Polum esse Arcticum, c verò Antarcticum: itaque recta A C proiectura est dimidij Coluri æquinoctiorum, eius inquam semicirculi qui per Arietem incedit, quoniam initio huius descriptionis oculum in Libra constituimus, vnde Arietem oppositum sibi signum ex aduerso prospiciat. Si porrò recta A C ex vtraque parte infinite producat, erunt adiunctæ portiones, seu quæ extra circulum A B C D infinite procurrunt, illorum quadrantium proiecturæ, qui à Polis ad signum Libræ oppositum exrenduntur: non secus ac portiones E A & E C portiones illæ sunt, quæ ab Ariete ad solstitorum Colurum porriguntur: sic vt signi Libræ initium in plano designari nequeat, quòd in eo oculus sit constitutus, vt initio huius proiecturæ est demonstratum: quæ omnia ex eadem 91. propositione huius libri perspicuè parent.

PROPOSITIO CXI. PROBLEMA.


A

Æquatorem, Tropicosq̄, & Polares circulos in planum conijcere.



VE MA D M O D V M equinoctiorum Colurus, sic & Æquator per Libram, hoc est oculi locum, incedit : quare in rectam projicitur lineam per 91. huius. Rursus cum idem Æquator sit e maximis sphaeræ circulis, ideoque per sphaeræ centrum actus per 6. Sphaericorum Theodosij, secetq̄, utrumque Colurum ad rectos sphaerales angulos, erit BD, quæ per centrum E trajicitur, ipsamque A c secundum normam fecat, semicirculi Æquatoris projectura.

B



Tropicorum verò non eadem est atque Æquatoris ratio : nam cum obliquus sit illorum aspectus, in circulares formas transcribentur per 96. huius. Porro loca primum in plano inveniendâ sunt per quæ transeunt : itaque in peripherijs A B & A D, signentur puncta F & G, quæ gradibus viginti tribus & dimidio distent à B & D, quantum scilicet Tropici distant ab Æquatore: deinde regula ad B & G adiungatur, atque secundum ipsius lineam in recta A C punctum signetur I, quod cum sit ipsius G projectura, erit portio E I projecti Coluri æquinoctiorum arcui D G representando æqualis per 92. huius : inuento igitur trium punctorum F, I & G centro, si per 5. quarti Euclidis circulus describatur, erit is Tropicus Cancrî, utpote gradibus viginti tribus & dimidio ab Æquatore vndique distans, atque Septentrionali Polo A propinquior. Eodem prorsus modo alter Tropicus per puncta H, L & K, circulari forma ducetur, cui pròinde Capricorni characterismus w adscribetur.

E

Haud absimilis est Polarium circulorum designatio. Assumptis namque punctis M, O, P, R, quæ gradibus viginti tribus & dimidio à Polis A & c distent, regula à puncto B (quod vice oculi est) ad O & R extendatur, atque ipsius & projecti Coluri æquinoctiorum A C communes intersectiones notentur N & Q, perque puncta M N O & P Q R circuli describantur; hi inquam propriæ erunt Polarium circulorum projecturæ : nam cum portiones A N & C Q, projecti Coluri A C arcibus A O & C R representando æquales sint per 92. huius, erunt circuli M N O & P Q R partibus viginti tribus & dimidia vndique à Polis A & c distincti : quare ipsi circuli polares erunt per ipsorum definitionem prænotatione decimaquinta explicatam.

F

A PROPOSITIO CXII. PROBLEMA.

Eclipticam designare, ipsamque in signa & gradus distribuere.



ECLIPTICAM perpendiculariter cerni ex eo constat, quod per Libræ signum in quo oculus constituitur incedat: itaque in rectam profunditur lineam per 91. propositionem libri huius; cumque eadem Tropicos oppositis in locis contingat ad signa Cancrī & Capricorni, sitque Cancrī signum F , Capricorni verò K , Libræ autem E ; consequens est ut recta linea quæ per $F E K$ ducitur, Eclipticæ sit proiectura: siquidem rectæ $F E K$ in plano ductæ eadem conueniunt, quæ primitiuæ veræque Eclipticæ reipsa insunt: nam præter ea quæ iam diximus, & hoc notandum est, rectam $F K$ per spheræ projectæ centrum E transire, quod Ecliptica de genere sit maximorum spheræ circulorum, qui per 6. primi Sphæricorum Theodosij per centrum spheræ ducuntur.

B Nunc si in signa distribuenda sit eadem Eclipticæ projectura $F K$, non alia id arte fiet, quàm qua superius propositione 92. docuimus rectam lineam ex perpendiculari circuli aspectu projectam in partes dissecare. Quoniam verò $F K$ dimidium dumtaxat Eclipticæ orbem repræsentat, sex tantum signa continebit, ea scilicet quæ Arieti hinc inde proximè assistunt: quare diuiso semicirculo $F P K$ sextifariam, si ex O Eclipticæ Polo rectæ ad singulas diuisionum partes occultis notis destinentur, hæc secabunt Eclipticæ projecturam $F K$ in sex signa, quorum notæ sunt $\varpi, \text{♋}, \text{♌}, \text{♍}, \text{♎}, \text{♏}$, atque initium signi ♌ ut ex eadem 92. propositione huius libri manifestè patet.

C Si in plures partes recta $F K$ dissecanda sit, veluti in gradus, aut minuta, id eodem fiet modo: semicirculus nimirum $F P K$ totidem in partes diuidetur quot postulantur, & ex O ubi oculus est, ad singulas partes diuisionum rectæ protendentur, factumque erit propositum: nam ex iam proximè citata 92. huius aperte constat communes interfectiones lineæ $F K$, & earum quæ ab O ad semicirculi $F P K$ secti partes destinantur, proprias esse earumdem partium semicirculi projecturas. Igitur cum semicirculi $F P K$ partes Eclipticæ primitiuæ partibus æquales sint, similisque oculi aspectus, secta erit hac ratione Eclipticæ projectura $F K$ in gradus, partesque postulas, quod faciendum erat.

D PROPOSITIO CXIII. PROBLEMA.

Parallelos circulos Aequatori Tropicsque adiungere.



DVCANTVR rectæ lineæ $F H$ & $G K$, quæ ipsam $B D$ secent in S & T : deinde centris quidem S & T , interuallis autem $S F$ & $T K$ semicirculi describantur $F V H$ & $G X K$, hisque sextifariam diuisis, per aduersa sectionum puncta occultæ lineæ ducantur, locaque ubi circulum $A B C D$ intersecant, notentur, qualia hic duo tantum litteris inscripta reperies α & ϵ , quod de ceteris eadem sit ratio: itaque si per tria puncta $\alpha \delta \epsilon$ circulus ducatur per 5. quarti Euclidis, hunc dico parallelum esse qui per Tauri initium transit. Quoniam enim circulus $A B C D$ directè visui opponitur, erunt ipsius & parallelorum interfectiones cum primitiuis eadem: quare α & ϵ quas hoc loco orthographicè designauimus per 39. huius libri, etià stereographicè primitiuas interfectiones paralleli Tauri & Coluri $A B C D$ repræsentant: cumque iam in projectura Eclipticæ $F K$ habeamus signum δ stereographicè reperiunt per proximè antecedentem propositionem, perspicuè patet, si per tria puncta $\alpha \delta \epsilon$ circulus decircinetur, ipsum esse illius paralleli projecturam, qui per Taurum incedit: cumque eadem sit in ceteris ratio, perfectum est quod primò fuerat postulatum.

E Hinc patet projecti Coluri $A C$ portionem $E Z$ arcibus $B \alpha$ & $D \epsilon$ repræsentatione æqualem esse, rectasque quæ hic signatæ non sunt αD & $B \epsilon$ per punctum Z transire: nam circulus $\alpha Z \epsilon$ pari vndique numero graduum ab Aequatore $B D$ distat.

F Patet hinc etiam parallelum $\alpha Z \epsilon$ (vti & ceteros) Eclipticam $F K$ duobus in locis secare, nempe in δ , & alio quodam puncto extra circulum $A B C D$ ad partem F constituto: nam δ primitiuus circuli paralleli veram spheræ Eclipticam in duobus signis secant, quæ pari intervallo ab Aequatore ad eandem partem distrahuntur.

Si per certos numeros graduum paralleli ducendi sint, eodem modo id fiet quo Tropicos descripsimus. Exempli gratia, si eidem Aequatori paralleli postulètur, qui per denos gradus vtriusque Coluri pertransiant, secentur arcus $A B$ & $A D$ in denos gradus, & ex B per singula sectionum puncta arcus $A D$ rectæ lineæ occultis notulis ducantur: hæc ubi re-

ctam

etiam Coluri proiecturam $A E$ inuadent, ibi loca signabunt, in quæ partes arcus $A D$ proiecturæ per 92. huius, sic ut partes $A E$ partibus quadrantis $A D$ aspectu respondeant. Ergo si per terna puncta circuli describantur, uti factum est in Tropico $F I G$ & parallelo Tauri $z z \epsilon$, ducti erunt paralleli per denos gradus vtriusque Coluri incedentes; quod faciendum erat.

PROPOSITIO CXIV. PROBLEMA.

Declinationum ac latitudinũ circulos stereographicè representare.

H Declinationum circulis duo eodem modo describentur, quo superius Coluri prop. 110. hi siquidem inter declinationum circulos connumerantur, B quandoquidem per mundi Polos atq; æquales partes Æquatoris acti concipiantur, ut prænotatione decima quinta docuimus; ceteri autem nullo negotio in plano designabuntur, si prius Æquator in gradus seu partes æquales secundum oculi representationem distributus fuerit per 92. propositionem libri huius: nam circuli per singula harum diuisionum puncta & vtrumque Polum ducti illos exhibebunt, qui in sphaera astrorum declinationes metiuntur.


At latitudinum circuli licet nec per mundi Polos, nec per Æquatoris æquales partes transeant, similem tamen cum declinationum circulis proiecturam habent: uti enim Poli mundi ad Æquatorem, per cuius æquales portiones declinationum circuli incedunt; ita se habent Zodiaci Poli ad Eclipticam, per cuius gradus æquasque partes latitudinum circuli aguntur: quare ad illorum similitudinem hi quoque circuli stereographicè describendi sunt.

Vtrorumque porrò delineatam formam videre licebit in schemate prop. 118. vbi circuli verticales in planum profunduntur, quorum projectio horum quoque circulo-
rum projectio per omnia similis est.

PROPOSITIO CXV. PROBLEMA.

Horizontem ad datam Poli altitudinem in plano exhibere.

Q VONIAM in hac sphaera projectione oculum in communi Horizontis & Æquatoris sectione constituimus, hoc ipso constat Horizontem perpendiculariter aspectui obijci, inque rectam lineam projici per 91. propositionem libri huius, eamque per centrum actam, quia vnus est è maximis sphaerae circulis. Igitur si o Polus sit Borealis, p verò Australis, $o p$ autem



sphaerae diametrus, sitque designandus Horizon ad datam Poli altitudinem graduum sexaginta-

A sexaginta; id fiet hoc pacto: Circulus $A B C D$ in trecentos & sexaginta gradus, vt moris est apud Astronomos, distribuatur, & ab O ad M , itemque à P ad L gradus sexaginta supputentur, perque L & M recta agatur linea; hanc dico Horizontis proiecturam esse secundum datam Poli altitudinem in plano designatam: nam ea omnia in ipsam conueniunt, quæcumque Horizontis definitioni insunt.

CONSECTARIVM.

Latitudinem solis ortiuam occiduamque inuestigare.

B **C**VM latitudo solis ortiua occiduaque, ea sit Horizontis portio, quam sol oriens occumbensve toto anni tempore attingit, (non enim vno in loco perpetuò oritur, vnoq; occumbit, sed alio semper atque alio) perspicuum est, si in hac sphaera constitutione, Poli que sublimitate, Tropici describantur $F E G$ & $H A K$, quemadmodum propositione 110. docuimus, ab his portionem Horizontis intercipi $\alpha \epsilon$, extra quam sol oriens occumbensve numquam vagatur, cum ultra Tropicos non procurrat. Hanc Astronomi latitudinem ortiuam occiduamque appellant, cuius si magnitudo gradibus æstimanda sit, ex A vertice seu Polo Horizontis per α & ϵ occultæ lineæ ductæ intelligantur, vsque dum circuli $A B C D$ peripheriæ occurrant: quam inquam ex hac portionem illæ auferunt, ea est ipsius $\alpha \epsilon$ proiecturæ authographa per 92. propositionem huius: quare si totus circulus $A B C D$ in gradus distribuatur, quot ex his continet circuli portio lineis $A \alpha$ & $A \epsilon$ productis comprehensa, totidem $\alpha \epsilon$ representando complectitur.

PROPOSITIO CXVI. PROBLEMA.

Circulos altitudinum describere.

CIRCULI altitudinum cum omnes Horizonti sint paralleli, eundem habent proiectionis modum, quem circuli diurni Æquatori paralleli, quos propositione 112. in planum transcripsimus. Esto itaque idem qui supra, Horizon $L M$, summumque eius fastigium A seu omnium circulorum ab Horizonte æquidistantium Polus, arcus autem $A L$ & $A M$ in partes æquales secantur, nempe in gradus quindenos, per quos modò circulos altitudinum ducere placet: deinde à singulis partibus quadrantis $A M$ ad punctum L , vel à partibus quadrantis $A L$ ad punctum M rectæ lineæ ducantur occultis notis, quæ lineam $A E$ secant in partes representatione æquales per 92. propositionem huius, & per tria puncta circuli ducantur, factumque erit quod postulatur.

Exempli gratia, quadrantium $A L$ & $A M$ portiones $L I$ & $M N$ gradus habeant quindenos, & per $L N$ vel $I M$ recta occultè ducatur, quæ $A E$ secet in S , & per tria puncta iam reperta $I S N$ circulus ducatur per 5. quarti Euclidis; hunc dico vnum esse e parallelis Horizontis, seu circulis altitudinum, qui per quindenos gradus describuntur. Eodem modo si $L B$ & $M R$ arcus graduum sumantur triginta, & à B ad M , vel ab R ad L recta adiungatur, quæ ipsam $A E$ secet in T , erit $I S$ qui per $B T R$ ducetur circulus, vnus ex illis qui altitudines indicant, ab Horizonte gradibus triginta æquidistans. Quoniam enim circuli omnes Horizonti paralleli, quos altitudinum circulos vocant, præter solum Horizontem obliquè obijciuntur, necesse est eos, excepto Horizonte, in circulos projici per 96. huius: cum ergo tria puncta in plano habeantur, per quæ singuli transeunt, perspicuum est, ductos per hæc puncta circulos, illos esse, quorum primitiui in sphaera ab Horizonte reipsa æquidistant.

In quibus hoc notatu dignum est, omnium centra in recta lineæ $C A$ versus A infinite producta existere. Cum enim, exempli gratia, $B L$ & $R M$ æquales sint ex hypothesi, erit ea quæ ad $B R$ adiungitur recta lineæ ipsi $L M$ parallela: quare $C A$ in $L M$ rectis incidens angulis per hypothesin, erit quoque ad rectos ipsi $B R$ angulos per 29. primi Euclidis: sed $C A$ per centrum E circuli $A B C D$ transit; igitur $C A$ ipsam $B R$ secat quoque bifariam per 3. tertij Euclidis, ideoque in $C A$ producta erit circuli $B T R$ centrum: si enim id negetur, esto centrum circuli $B T R$ in quopiam puncto extra lineam $C A$ reperto, puta Y , & ab Y ad Q recta ducatur: quoniam igitur ostensum est $B R$ in Q sectam esse bifariam, & nunc asseritur $Y Q$ ex centro educi, erit $Y Q$ ipsi $B R$ perpendicularis per 3. tertij Euclidis, ac proinde anguli $Y Q B$ & $Y Q R$ recti: sed ostensi sunt recti $A Q B$ & $A Q R$; itaque fieri nequit vt sit Y circuli $B T R$ centrum. Quæ demonstratio cum in ceteris punctis extra li-


neam c A productam assumptis locum habeat, patet in c A producta circuli B T R cen- A
trum existere, atque eodem modo ceterorum circulorum qui Horizonti repræsentatio-
ne paralleli in plano describuntur.

PROPOSITIO CXVII. PROBLEMA.

Crepusculi limitem definire.



TERMINVS ille qui initium finemque crepusculi distinguit, circulus est B
Horizonti parallelus, vt ex prænotatione 16. huius libri constat: quocir-
cà eius projectio ab illorum circulorum, qui altitudines indicant, proje-
ctione haud abfimilis est. Sumantur itaque sub Horizonte arcus L v & M x
graduum decem & octo, adiunctaque regula ad v M, vel ad Lx, signetur li-
nea A C punctum z, quod dico ipforum v & x projecturam esse per 92. propositionem



huius: cum ergo tria iam puncta habeantur v, z & x, per que crepuscularis circuli proje-
ctura incedat, si per hæc circulus describatur centro in recta A C versus c producta acce- E
pto, erit circulus v z x crepuscularis circuli projectura postulata: nam cum is oblique vi-
sui opponatur, erit eius transcripta in planum forma circulus per 96. huius; at non alius
quam qui per puncta ducitur v, z & x, quæ primitiuis punctis crepuscularis circuli in
sphæra aspectu respondent: igitur v z x circulus, ipsius primitiui circuli crepuscularis pro-
pria est transcriptio, quæ erat designanda.

CONSECTARIVM I.

Crepusculi magnitudinem in vtraque sphæra, recta scilicet & obliqua, omni anni tempore dimetiri.


TAMETS I ex iis quæ superius propositione 42. de inuestiganda crepusculorum
magnitudine, initio ac fine ex Orthographica projectione docuimus, per facile sit
eadem in Stereographicis projectionibus reperire, quandoquidem vniuersali quadam
ratione hæc projectiones inter se conueniant; tamen quia magna est figurarum diuersitas
ex vtraque eorundem circulorum projectione, gratum futurum Lectori putauimus, si ea
quæ ad crepusculorum magnitudines, initia ac fines spectant, in hoc quoque projectio-
nis genere paulò distinctius explicata proponerentur.

Esto

A Estoque in sphaera primùm recta $ABCD$, Æquator BD , Tropici FG & HK , Horizon item AC , & crepusculi circulus vzx secans Æquatorem in z , Tropicos verò in L & N : patet igitur per ea quæ hæcenus sunt démonstrata, & ex ipsius projectionis

B natura, omnium parallelorum circulo-
rum portiones, quæ inter Finitorem AC & crepuscularis circuli proiectionem vzx interiacet, ut hæc sunt IL , EZ & LN , esse crepusculorum magnitudines, hoc est spacia illa quæ sol à matutini crepusculi initio ad exortum, vel ab occasu ad finem crepusculi vespertini diurno motu peragit.

C



Has si ad primitiuos circulos reuocare oporteat, id non vno modo in Æquatore, qui maximus est circulus, ac in reliquis non maximis circulis fiet. Sit itaq; primùm crepusculi portio in plano, cum sol Æquatorem tenet Ez ; ab A per z recta agatur linea Ax ; erit inquam Cx maximi circuli portio ipsius proiectionis Ez primitiua per 92. propositionem huius; quam si tempore metiri lubet, diuidetur totus $ABCD$ circulus in horas 24. & si opus sit etiam in horarum partes ac minuta, quotque ex his continebit Cx , tanto tempore crepusculum durabit, cum sol per Æquatorem diurna latitudo deferretur.


Sit deinde crepusculi portio IL , cum sol Cancræ Tropicum FG obtinuerit, per A , L & C circuli fragmentum occultè describatur, quod proiectionem Æquatoris BD secet in O , & ab A per O recta agatur As : dico Cs maximi circuli portionem primitiua portio ipsius IL similem esse, id est Cs ad totum circuli $ABCD$ ambitum ita se habere, quemadmodum se habet proiectionis IL primitiua portio ad totum Tropici circulum. Cum enim AEC & ALC maximi sint circuli, & per Polos A & C omnium parallelorum acti, erunt per 10. secundi Sphæricorum Theodosij parallelorum portiones IL & EO similes: at per 92. huius Cs primitiua est ipsius EO circularis portio: itaque eadem Cs ad circulum $ABCD$ ita se habet, quemadmodum ipsius IL primitiua circularis portio se habet ad Cancræ Tropicum: quare si totus $ABCD$ circulus in tempus conuertatur, tanta diei parte crepusculum perdurabit dum sol in Tropico Cancræ versabitur, quanta est Cs , totius circuli $ABCD$ comparatione.

Hinc id quoque perspicuè colligi potest, quod & propositione 42. ad notauimus, in recta sphaeræ constitutione crepuscula inæqualia esse: ac minimum quidem cum sol in Æquatore existit, maximum verò cum in Tropici versatur; totamque discriminis rationem portiuncula Cx contineri. Patet etiam parallelorum æquè ab Æquatore distantium crepuscula æqualia esse, quod scilicet circulus maximus AOC , qui per L ducitur, per N quoque transeat, vbi crepusculi circulus vzx parallelum HK æquè ac FG ab Æquatore disiunctum interfecat.

Eodem fermè modo crepusculorum magnitudines in obliqua sphaera ex proiectionibus inuestigare licebit. Sint enim ut priùs Æquator BD , Tropicus Cancræ FG , Tropicus Capricorni HK , mundi que axis AC ; at Horizon obliquus PQ , & crepusculorum circulus vzx , omnes stereographicè in planum proiecti: ex quibus hoc primò apparet, sole in Æquatore existente, proiectionem crepusculi arcum esse Ez ; cum verò in Tropico Cancræ sol versatur, proiectionem Tropici portionem IL eam esse qua crepusculum durat,

vti MN dum sol Tropicū Capricorni attigit. Quæ omnia ex dictis perspicuè patent, cum A crepuscula in ijs parallelorum portionibus fiant, quæ Horizontem inter & crepuscularem circulum intercipiuntur.

Ad primitiuas autem circulorum portiones eæ projecturæ reducentur hoc modo: In primis per extremitates æquinoctialis crepusculi E & Z ab A rectæ lineæ ducantur AC & AL: dico CL primitiuam esse circuli portionem, quam EZ projecta crepusculi portio repræsentat, quod patet per 92. huius. Deinde per tria puncta A, I & C, item per



A, L & C, circuli describantur AIC & ALC, qui arcū solstitialis crepusculi IL comprehendant, secentq; Æquatoris projecturam BD in O & T, & ab A per O & T rectæ ducantur Aθ & Aγ, quæ peripheriam θγ comprehendant: hanc dico primitiuæ peripheriæ projecturæ IL similem esse, vt paulò antè est demonstratum, hoc est eam rationem habere θγ ad circulum ABCD, quam habet primitiua peripheria projecturæ IL ad primitiuum Cancrī Tropicum. Tum simili modo si per AMC & ANC circuli describantur, qui Æquatoris projecturam secent in R & S, perque R & S ab A rectæ agantur Aα & Aε: dico peripheriam αε ad circulum ABCD comparatam, crepusculi MN magnitudinem esse, vt ex iam demonstratis patet.

Quare si totus ABCD circulus in tempus conuertatur, facile apparebit quanto tempore singula crepuscula durent: quot namque partes singuli arcus αε, Cλ & θγ de toto circuli ambitu sibi vindicant, tot horis vel horarum partibus crepuscula perdurant.

CONSECTARIVM II.

Qua hora Crepuscula incipiant ac desinant, ex projecturis inuestigare.


DA TIS in circulo ABCD ijs arcibus, quibus parallelorum portiones inter Horizontem & crepuscularem circulum interiectæ aspectu respondent, non erit difficile horam cognoscere, qua singula totius anni crepuscula incipiunt ac desinant. Nam si circulus ABCD in tempus conuertatur, in quod primitiuæ portiones crepusculorum incidunt, id crepusculi est tempus, siue initium siue finem spectes. Exempli gratia, quoniam arcus Cλ circuli ABCD primitiuus est crepusculi Æquinoctialis EZ, si semicirculus BCD in partes 12. secetur, erit Dλ tempus à media nocte vsque ad crepusculum matutinum, cuius initium λ, C verò finis seu solis exortus, CB autem diei pars ad meridiem vsque, ac rursus BC id quod à meridie ad occasum vsque insumitur, ideoque C vespertini crepusculi initium, λ autem finis, ac inde ad D id quod ad mediam vsque noctem naturalem diem complet. Eodem modo erit γ initium crepusculi matutini, finisq; vespertini, cum sol Cancrī Tropicum obtinet: quare conuerso, vt prius, semicirculo BCD in tempus, quot horæ à D puncto mediæ noctis, vel à B meridiei numerantur, tot à Meridiano abest crepusculi matutini initium ac finis vespertini. Cumque eadem sit in cereris supputandi ratio, modus repertus est, quo omni anni tempore, crepusculorum initia & fines ex projecturis cognosci queant, quod erat postulatum.

A

PROPOSITIO CXVIII. PROBLEMA.

Verticales circulos in planum profunderere.

T I haecenus sphaerae circulos per tria puncta in plano descripsimus, ita & verticales, inuentis primò punctis per quae singuli transeunt, commodissime proijcientur: cum verò per duo puncta omnes incedant, summum nempe caeli verticem, inumque Nadir, haec primùm in plano designanda sunt. Itaque si Horizon LM ad rectos angulos secetur recta AC , erunt B A & C Horizontis Poli: quae enim è circuli centro ad ipsius circuli planum ad rectos



angulos excitatur, per circuli Polos transit per 8. primi Sphaericorum Theodosij: sunt verò Zenith & Nadir Horizontis Poli: igitur A Zenith erit, & C Nadir: quare hoc in primis constat, omnes verticalium circulorum proiectiones per A & C duci debere.

Deinde cum per aequales quoque portiones primitiui Horizontis circuli verticales traiciantur, diuidenda erit Horizontis proiectione LM in partes representando aequales per 92. huius, quales hic sunt EP , PO , OL , LO , OP , PL , totidemque, ac similes in altera proiecti Horizontis parte EM , singulae capientes gradus quindenos, quibus & circulos altitudinum ante distinximus: per singula autem diuisionum puncta simul & vtrumque verticem A & C , circuli describendi sunt per 3. quarti Euclidis, quos constat verticales esse per 96. & 97. huius, quòd per eadem loca in plano ducantur, per quae primitiui circuli verticales in sphaera incedunt.

In horum ac similibus circulorum projectione notandum est, circulorum qui ab L versus B continua serie se mutuo sequuntur, centra in alternis Horizontis segmentis existerè quae ab E versus M protenduntur. Exempli gratia, circuli ALC centrum est E , dein circuli ALC centrum est δ , nempe secti Horizontis signum, quod vno interiecto tertio loco sequitur, tum circuli ALC centrum est i , quod quintum est diuisionis signum ab E supputatum, postea circuli ALC centrum est M , inter quòd & in vnum sectionis signum vacuum relinquitur, rursus circuli ALC centrum est e ipsius puncti R proiectione, intermissa scilicet proiectione puncti N , demum centrum circuli ALC est ipsius O proiectione, quae signi R proiectionem vna interiecta sequitur, & quae propter loci angustiam hic designari non potuit: cuius rei demonstratio in propositionem centesimam decimam quintam afferuatur.

CONSECTARIVM.

A

Proprium stellæ locum in projecta sphaera demonstrare.

Ex dictis facile erit stellæ locum proprium in sphaeræ projectura ostendere, si cognita fuerit ipsius ab Horizonte altitudo, & à Meridiano declinatio. Vt si triginta gradibus supra Horizontem emineat, constat ipsam in circulo altitudinis triginta graduum BTR locum habere: & si à Meridiano semicirculo AMC totidem absit gradibus, erit ipsa haud dubiè in verticali circulo AIC ; qui cum circumlo altitudinis BTR fecerit in g , perspicuum est g verum stellæ locum esse in hac sphaeræ projectura designatum: solum namque punctum g utriusque circulo BTR & AIC est commune.

B


PROPOSITIO CXIX. PROBLEMA.

Meridianum ceterosque Horarios circulos, qui à meridie vel media nocte horas auspicantur, decircinare.



VM hi circuli Horarij verticalibus in sphaera similes sint, solo nomine verticis in Poli nomen permutato, similem quoque habent projectionis modum: quare si A Polus sit Borealis, c verò Australis, & LM Æquator, perspicuum est per ea quæ de verticalibus circulis propositione proximè antecedente sunt demonstrata, $ALCM$ circulum esse Meridianum, AEC verò circulum Hectemorion seu horæ sextæ, ac reliquos qui inter hos interiacent reliquarum

C



D

E

horarum indices esse: siquidem linea LM quæ modò Æquatoris vicem gerit, per quindenos gradus representando secta est; hæc autem horarum sunt intervalla: igitur in hunc modum projecti iam sunt Horarij circuli, qui à meridie vel media nocte horarum seriem ducunt; quod erat faciendum.

F

CONSECTARIVM I.

Hinc quovis in plano Horolabium describere.

QVONIAM horarum notæ, quæ in plano designantur, sunt communes circulorum Horariorum & cuiuscumque plani intersectiones in Horologij planum projectæ, fit ut quovis aspectu, in quodvis planum hoc projectionis genere æquè ac per superiores Orthographiæ leges Horolabia describi possint, si nimirum descriptis Horarijs circulis, de-

signa-

A signatoq; plano, communes huius & Horariorũ intersectiones ad originem reuocentur.

Quod exemplo perspicuum fiet. Sint in planum proiecti Horarij circuli ijdem, qui prius per duos Polos

A & C, perque Æquatoris proiecti LM partes repræsentatione æquales acti; hos autem secet planum quoddam BD,

B cui inscribi postulatur horarum notæ. Sumatur seorsum linea BD secta in partes duodecim, ea ratione qua ipsa in superiori schemate secatur à circulis Horarijs, & circa ipsam circulus describatur:

C deinde per singulas notas lineæ BD à puncto P occulti radij ducantur, qui ad circuli peripheriam protensi primitiuas partes sectæ lineæ BD

designabunt: hoc est communes Horariorum & Horolabij intersectiones, quæ proinde horarum notæ erunt, ad quas si ex centro E rectæ educantur, erunt ex signa in quæ gnomonis umbræ procidunt: quare perfecta erit horolabij in proposito plano descriptio.



D. CONSECTARIVM II.

Horam ortus & occasus solis indagare, & diei noctisq; quantitatem metiri.

SIT in Sphæræ projectura ABCD Horizon LM in rectam transfusus lineæ per 115. huius:


E itemq; Poli altitudo A, depressioq; c gradus vnus supra 50. qualis in hoc nostro est sacri Imperij Marchionatu Antuerpiensi. Sit præterea Æquator BD, & Tropicus Cancræ FG, vel quiuis alius

F è parallelis circulis: constat in primis ex hac projectura solem, dum in Æquatore existit, hora sexta exurgere, eademq; hora occumbere, quod scilicet Æquatoris BD & Horizontis LM communis intersectio E ad primitiuum Æquatorem



reuocata ipsum bifariam fecet per lineam AC lineæ duodecimæ horæ perpendicularem, A quæ proinde horæ sextæ est linea: quare hora sexta eo anni tempore sol & oritur & occidit, estque dies nocti æqualis, nempe horarum duodecim.

Deinde sol ad parallelum FG peruenisse concedatur, oporteatque horam ortus & occasus indagare, & magnitudinem diei noctisque metiri. Esto ϵ communis sectio paralleli FG, & Horizontis LM, locus nimirum Horizontis in plano, quo sol parallelum FG tenens oritur & occidit, perque ϵ & AC circulus ducatur AEC, qui Aequatoris proiecturam BD fecet in I: ab A verò per I recta agatur AH: ab H demum recta ducatur HK ipsi BD perpendicu-



laris: dico segmentum circuli HBK diurnum esse, nocturnum verò HDK. Quoniam enim per 10. secundi Sphaericorum Theodosij ducto circulo maximo AEC per eosdem Polos A & C, per quos & circulus ABCD transit, primitiæ circularum parallelorum portiones, quæ proiecturis ϵ G & ID, itemque ϵ F & IB, aspectu respondent similes sunt, erunt & ipsæ proiecturæ inter se representando similes: quare vt representando ID ad IB, ita & representando se habet ϵ G ad ϵ F: sed vt ID ad IB secundum aspectum, ita reipsa se habet peripheria HD ad HB peripheriam per propositionem 92. libri huius: igitur & vt reipsa HD ipsi HB, ita ϵ G ipsi ϵ F aspectu respondet: quoniam HB, ipsique æqualis BK, proiecturæ ϵ F partes sunt primitiæ: itaque si totus circulus ABCD in tempus conuertatur, erit HBK segmentum diurnum, HDK verò nocturnum. Vides ergo solem in parallelo ϵ G existentem, paulò ante quartam horam oriri, & paulò post octauam occidere: diemque horas omnino sedecim & dimidiam, noctem verò horas septem & dimidiam completi, quod erat explorandum.

CONSECTARIVM III.

Cognita solis altitudine, locoque in Zodiaco, horam edicere.

Cum constet verum astri locum in congressione duorum circularum existere, quicumque tandem illi sint, si cognita sit solis altitudo, seu ad quem circulum altitudinis sol scandendo peruenierit, si item locus in Zodiaco notus sit, ac proinde quem parallelum circulum illo die percurrat, perspectus erit, & verus solis locus, nempe in congressu duorum circularum, quorum alter altitudinis est, alter Aequatori parallelus per datum punctum Eclipticæ transiens. Itaque descriptis præter hos duos circulos Horarijs, is horam indicabit, ad quem communis concursus illorum duorum circularum proximè attingit, vt ex Horariorum natura ac definitione patet.

Vel certè absque Horariorum circularum designatione breuius horam colligemus, si communem intersectionem circuli altitudinis, & paralleli, seu verum locum solis ad primitiuum parallelum reuocemus: hic enim conuerso primitiuo parallelo in tempus horam indicabit. Exempli gratia, esto solis altitudo gradu 45. ad cuius altitudinē in schemate superioris consecrarij descriptus est circulus OPN, esto item sol in Tropico Cancræ FG: erit ergo proprius solis locus plano exceptus in cōmuni horum circularum sectione P: quare

A Quare per $A P C$ circulus occultè describatur secans ipsam $B D$ in R , perque R ex A recta ducatur $A Q$: hæc cum primitium locum de monstrat pun $ti P$, palàm est eo tempore, quo sol in Tropico Cancrì existens altitudinem habet gradum 45 . horam esse fermè nonam antemeridianam, vel paulò supra tertiam pomeridianam.

CONSECTARIVM IV.

Ex hora, locoq; solis in Zodiaco altitudinem conuari.

H **V** **I** **V** **S** consecrarij praxis facilis est ex præcedentis consecrarij explicatione: descripto namque datæ horæ circulo Horario $A R C$, ductoque per locum solis quem in **B** Signifero obtinet parallelo FG qui Horarium $A R C$ secet in P , erit P verus locus solis: per quem si rursus altitudinis circulus describatur $O P N$, vera solis altitudo arcu LN vel MO continebitur, vt ex dictis patet: hic ergo si in gradus diuidatur, inuenietur vt supra graduum quadraginta quinque; quod fuit postulatum.

CONSECTARIVM V.


Perspecta altitudine, horâque, locum solis in Signifero ostendere.

S **I** **M** **I** **L** **I** **S** ratio est inuestigandi locum solis in Signifero, horâ altitudinèq; præcognitâ. Si enim propositæ horæ circulus Horarius describatur $A R C$, & per solis altitudinem, puta graduum quadraginta quinque, circulus altitudinis ducatur qui Horarium secet in P , ac rursus per P Æquatori $B D$ parallelus agatur FG , hic vbi Eclipticam secabit, ibi locum solis in Zodiaco exhibebit, cuius primitius locus est postulatus.

PROPOSITIO CXX. PROBLEMA.


Horarios illos circulos in planum projicere, qui ab Horizonte horarum seriem ducunt.

D **E** **S** **T** **O** idem, qui suprâ Meridianus circulus $A B C D$, in eiusque planum proiectus Horizon $L M$, supra quem alter Polus sublimis emineat A , alter verò subtus depressus procumbat c ; sitq; $B D$ Æquator, totius autem proiecturæ centrum E : duo verò circuli describantur Æquatori paralleli per 112 . huius, quorum alter $F K M$ omnium semper apparentium maximus sit, alter verò $G H L$ maximus illorum omnium, qui perpetuò delitescunt, qui in partes duode-



cim repræsentatione æquales diuidantur, secta prius Æquatoris proiectura $B D$ in partes sex

sex secundum aspectum æquales punctis N, O, E, P, Q, deinde descriptis occultè circulis A per singula hæc puncta simul & Polos A & C, quales hic ij sunt qui punctis notantur, Horariosque Astronomicos bina horarum interualla capientes repræsentant: hi in-



quam, cum per A & c ducantur, Polos nimirum circulorum F K M & G H L, quorum hic semper delitescentium, ille semper apparentium maximus est, secabunt & hos ipsos circulos in partes duodecim representatione æquales per centesimam primam propositionem libri huius, quæ duarum horarum spatia contineant.

Itaque ut singulos circulos qui ab ortu vel occasu horas incipiunt, explicemus, ab Horizonte sumemus initium, qui dictos circulos semper apparentium semperque delitescentium maximos in oppositis punctis contingit L & M, inque rectam profunditur lineam L M per I I γ. huius, & horam indicat 24. seu primæ initium: deinde in circulo F K M sumatur punctum I puncto M proximū, & in circulo G H L punctum R proximum ipsi L, itemque in Æquatore B D punctum O quod punctum E proximè sequitur, perque tria data puncta P O R circulus describatur per 5. quarti Euclidis, eritque I O R circulus ille Horarius, qui secundæ horæ finem signat. Nam ex prænotatione 16. huius libri constat hos circulos non modò per oppositas sectiones circulorum ex ijs qui semper apparent semperque oblitescunt maximorum, verùm etiam per æquales portiones Æquatoris incedere.

Si sola habeantur puncta I & R, ex R per centrum ρ recta ducatur R λ, itemque recta I λ quæ versus I producta in centrum δ incidat, erit harum linearum communis intersectio λ centrum, ex quo descriptus circulus I O R vtrumque circulum F K M & G H L continget in R & I. Nam cum circulorum I O R & F K M centra, in recta sint linea δ λ, cadet eadem δ λ in contactum per 12. tertij Euclidis: fecat autem vtrumque circulum in I: igitur in I sese hi circuli contingunt. Eodem modo & circulum G H L idem circulus in R contingit, quod recta R λ per vtriusque circuli centrum ε & λ transeat: itaque descriptus ex λ, interuallo autem λ R vel λ I, circulus vnus est ex ijs qui horas ab Horizonte auspicantur, horam indicans secundam.

Eodem modo tertius describetur per puncta S N T ex centro ε, in quo rectæ T ρ ε & δ s ε per centra circellorum ρ & δ actæ conueniunt, horam indicans quartam. Hos qui ordine sequitur quartus B K D α, circulus item est, circulum F K M semper apparentium maximum tangens in κ, maximum verò semper delitescentium G H R tangens in α, horamque indicans sextam. Postea quintus horæ octauæ circulus v Q X eodem prorsus modo descri-

A scribetur, quo tertius, & sextus $Y P Z$ qui horæ est 10. quemadmodum secundus: tandem septimus $F G$ horæ duodecimæ recta iterum est linea, vti & primus $L M$, nam ad planum Meridiani circuli $A B C D$ rectus est: quia ergo Meridianus $A B C D$ directè cernitur, erit horæ duodecimæ horarius circulus perpendiculariter expositus, vtpote per oculum transiens. Cumque reliqui similem habeant descriptionis modum, eos Lectori considerandos relinquimus, ne actum agere videamur, lineasque nulla necessitate multiplicemus.

PROPOSITIO CXXI. PROBLEMA.

Cælestium domorum terminos ponere.

B.



ACILLIMA est eorum circularum qui cælestes domos discriminant, explanatio, ex iis que de verticalium & Horariorum projectione diximus: vti enim verticales per Horizontis Polos, partesque æquales Horizontis & Horarij per mundi Polos, æqualesque partes Æquatoris; ita domorum cælestium circuli per communes Horizontis & Meridiani intersectiones, item per æquales portiones verticalis primarij aut Æquatoris incedunt. Quare diuiso primario verticali aut Æquatore in partes representatione æquales, si per has & communes Horizontis & Meridiani intersectiones circuli ducantur, erunt hi cælestium domorum in plano distinctores.

C Exempli gratia, sit Horizon in planum profusus $L M$ per 115. huius, verticalis autem primarius $A C$ per 118. Æquator denique $B D$ per 111.


seceturque verticalis primarius $A C$ in sex partes æquales secundum aspectum per 92. huius punctis F, G, E, H & K ,

D que singula simul & communes intersectiones Horizontis & Meridiani L & M circuli ducantur:

erunt ergo spatia inter hos interiecta, cælestes domus; ipsi autem circuli illarum distinctores,

E secundum Campanum: at si per Æquatoris $B D$ æquales sectiones N, O, E, P & R circuli describatur,

quales hic punctis notantur, erunt hi cælestium, quas vocant, domorum interstitia, ex Regiomontani sententia; quæ omnia ex dictis satis superque probari possunt.



PROPOSITIO CXXII. PROBLEMA.

Positionum circulos constituere.

F.



ADEM est horum circularum descriptio, quæ & illorum qui cælestia domicilia discriminant, vt propositione 47. in Orthographica ipforum projectione dicebamus: nam hoc tantum à cælestium domorum circulis distinguuntur, quod hi per certas dumtaxat Æquatoris vel primarij verticalis partes ducantur; illi verò per quodcumque punctum extra communes Horizontis & Meridiani intersectiones assumptum, quod discrimen nullam infert projectionis diuersitatem. Designato igitur in plana sphaeræ descriptione puncto quouis, puta N , si per id & puncta L & M circulus describatur per 5. quarti Euclidis, erit hic vnus è positionum circulis; vt ex dictis constat.

STEREOGRAPHICA
SPHAERAE TRANSFUSIO

Oculo in altero Polorum constituto :

IN superiore sphaera proiectione quam haecenus delineauimus, illud ob-
B seruatione dignum videtur, quidquid intra Meridiani ambitum projicitur, utriusque hemisphaerij vicem subire, solo oculo imaginariè transmutato. Cum enim oculus in communi Horizontis & Arietis sectione constituitur, descripta figura illud hemisphaerium representat, quod à Meridiano versus Occidentem spectat: cum verò in communem Horizontis & Librae sectionem oculus transfertur, proiectum schema alterù hemisphaerium exhibet, quod ad Orientem vergit Meridiano diremptum. Quod quidem ita se habet, si Arietis signum in communem interseccionem Aequatoris & Horizontis ortiui incidat, Libra verò in communem
C Horizontis occidui & Aequatoris sectionem, uti tota hac sphaera descriptione supposuimus. Ex quo perspicuè patet Meridiani ambitu vniuersam sphaeram proiectam contineri, ex alia atque alia oculi constitutione descriptam, ita ut circuli omnes, qui ad utramque Meridiani partem similem situm in sphaera habent, in eundem plani locum incidant, & duorum simul vicem gerant.

Nunc ergo ad illam oculi constitutionem, ac sphaerae situm aggredimur, quo eam primus omnium Claudius Ptolemaeus descripsit, cuius exstat libellus de Planisphaerio; D (sic verò ille appellabat hoc aspectu proiectum schema) quod postea Ioannes Stoflerinus ad usum particularis astrolabij accommodauit, ea dumtaxat assumpta sphaerae portione, quae intra Polum & extremum Tropicum continetur; reliqua praetermissa, quod in immensum augetur. Cum verò ea quoque pars sphaerae, quae inter Aequatorem Tropicumque oculo proximum intercipitur, extra proiectionem Aequatoris procurrat, Odo Malcotius, nostrae Societatis Mathematicus insignis, vniuersam sphaeram intra Aequatoris proiecti fines coegit: nam transmutato vicissim in utrumque Polum oculo, geminum hemisphaerium Australe ac Boreale, in idem planum
E proiecit, atque Aequatoris ambitu comprehendit, Gemmam hac in re imitatus Frisium, qui eodem pacto ex superiore oculi situ, quo per utrumque equinoctij signum radius ducitur, Astrolabium catholicum designauit, duplici aspectu vniuersam sphaeram complexus.

PROPOSITIO CXXIII. PROBLEMA.

Eos qui in sphaera mobili sunt circulos stereographicè explanare, F
oculo in antarctico Polo constituto.

HOC aspectu perspicuum est, Aequatorem in primis, omnesque ipsi parallelos circulos, (quales sunt Tropici, Polares, & qui diurni vocantur, illi item, quorum alter omnium semper apparentium, alter verò omnium semper delitescentium maximus est) in circulos projici, quorum idem sit verum atque apparens centrum. Nam quoniam punctum, in quo oculus, omnium horum circulorum est Polus, quae ab oculo ad cuiusvis circuli centrum ducetur
recta

A recta linea, ad eundem circulum recta erit per 11. primi Sphæricorum Theodosij secundum ordinem Arabum: quare directe vnusquisque aspicitur, per ea quæ ad propositionem 31. libri tertij sunt prædefinita: igitur per 94. propositionem huius libri omnes circulari forma decircinantur, cuius idem verum atque apparens centrum, quod & sphæra.

Cum ergo ex eodem centro hi omnes circuli describantur, quærenda dumtaxat sunt ipsorum interualla, inuenientur autem ea hoc modo: Est maximus sphærae circulus directe obuersus $ABC D$, ex centro E descriptus, qui & Æquator: hunc ad normam sescent duæ rectæ lineæ per centrum actæ $A C$ & $B D$, quæ in infinitum productæ duo-

B Coluros repræsentabunt, ex perpendiculari aspectu in planum Æquatoris profusos: hi itaque si in partes repræsentatione æquales distribuuntur, facile erit per singulas earum ex centro E circulos describere, qui parallelos Æquatori exhibebunt. Exempli gratia, sumantur arcus $B F$ & $D G$ graduum viginti trium & dimidij, punctaq; F & G radijs ab oculo A profusis in planum projiciantur,


C quæ per 92. huius in puncta H & K incident. Quare si A Polus Australis sit,

erit circulus ex semidiametro $E K$ descriptus Tropicus Cancræ; is verò qui ex semidiametro $E H$, Tropicus Capricorni. Quo etiam pacto quicumque alij circuli Æquatori paralleli describentur, vt polares, inuenta in plano ipsorum declinatione, vel certè designatis tribus punctis per quæ transeunt.

Porro si Æquator in partes quocumque diuidatur, & ex centro E per diuisionum signa rectæ lineæ protendantur, erunt hæ illorum circulorum proiecturæ, qui declinationes continent, inter quos & Coluri censentur: hi namque omnes per mundi Polos, in quorum altero oculus collocatur, & quascumque sectiones Æquatoris incedunt, vt prænotatione 15. initio huius libri docuimus.


E Ecliptica quoniam in oppositis signis Tropicos contingit, & Æquatorem bifariam fecit, erit ipsius proiectura $A H C K$: hæc enim Tropicos in oppositis locis H & K attingit, & Æquatorem $A B C D$ in A & C bifariam diuidit, sic vt A sit Arietis signum, K verò Cancræ; at C Libræ, H autem Capricorni: cuius reliqua signa si postulentur, secunda erit obliqua proiectura $A H C K$ in 12. partes repræsentatione æquales, per 100. huius; per hæc siquidem diuisionum puncta si ex centro E circuli ducantur, erunt hi circuli diurni, atque Æquatori paralleli.

F Si Eclipticæ paralleli desiderentur, quos latitudinum circulos vocant, primùm diuidendus erit semicirculus $F M G$ bifariam in M : nam iunctâ $A M$, quæ ipsam $H K$ secet in Z , erit Z Eclipticæ Polus, quem paralleli omnes intra Eclipticæ proiecturam $A H C K$ ducti ambiunt: itaque in quadrantibus $F B M$ & $G C M$, duo puncta accipiantur I & O , æquæ à Polo M , vel à diametro $F G$ disiuncta, vbi verò ductæ $A I$ & $A O$ lineam $H K$ intersecant, puncta signentur P & S , & sumpto centro in lineâ $H K$ circum $P S$ velut diametrum circulus describatur: hunc dico Eclipticæ repræsentando parallelum esse, & à Polo Z pari vndique interuallo distare. Nam punctum P ipsius I , & S ipsius O est proiectura, per commune proiecturarum axiomâ; centrum autem primitiui circuli qui per I & O ducitur,



tur, proiecturam habet in eadem recta HK . Cum enim circulus IO circulo FG sit parallelus ex hypothesi, erit idem vtriusque circuli Polus, per primam Sphæricorum Theodosij: at circuli FG Polus in semicirculo est FMG ad signum M : quia igitur semicirculus FMG , utpote maximus reclusq; ad circulum IO , secat eundem circulum IO bifariam per IS . primi Sphæricorum Theodosij, transibit communis vtriusque sectio per circuli IO centrum: est verò semicirculi FMG proiectura HK : itaque & circuli IO

centrum in lineam HK proiectum incidit: quare circulus qui centro in linea HK accepto circa diametrum PS describitur, parallelum IO repræsentat. Eodemq; modo si sumantur puncta L & N æquè à Polo M , vel circulo FG distita, iunganturq; AL & AN , quæ HK secant in Q & R , erit descriptus circû QR velut diametru circulus Eclipticæ repræsentando parallelus, pariq; intervallo à projecto Polo M vndique distractus, ut ex iam dictis patet.




Si per singulos gradus, aut alias quascumque partes, circuli ducendi sint Eclipticæ paralleli, secare oportebit quadrantes FM & GM in gradus, aut in partes postulas, & loca sectionum æquè ab M , vel ab F & G distantia rectis lineis coniungere, perque harum extrema radios ab oculo A ducere, qui HK , communem scilicet intersectionem plani & circuli $ABCD$, secant: hæc inquam loca apparentes diametros parallelorum circulorum qui postulantur, intercipient.

Alia ratione iisdem paralleli Eclipticæ describentur, quæ à priore non longè absimilis est, nec minus expedita. Diuidatur semicirculus projectæ Eclipticæ HCK in partes æquales per puncta $T, V, X, \alpha, \epsilon$, quæ, ut prius, arcus distinguant graduum 30. iunganturq; puncta æquè ab H & K disiuncta rectis $T\epsilon, V\alpha$, ad quarum extrema rectæ ab A protendantur: dico has per eadem puncta P, Q, Z, R & S transire, in quæ sectiones semicirculi primitiui Eclipticæ FMG proijciuntur, ideoq; & easdem apparentes diametros PS & QR haberi, ut prius. Quoniam enim AH & AT angulum continent ad vtriusque circuli $AHCK$ & $AFMG$ peripheriam constitutum, erunt arcus HT & FI similes per 40. lemma huius libri: eodem verò modo similis erit arcus KE arcui GO : igitur AT per I , & $A\epsilon$ per O transit, & $AIT, A\epsilon O$ rectæ sunt lineæ: quare AT & $A\epsilon$ etiam per P & S incedunt, eandemq; præbent apparentem diametrum PS , quam antè ex ductu linearum AI & AO inuenimus. Cumq; eadem sit in ceteris demonstratio, eam Lectoris industriæ colligendam relinquimus.

Porro ex eodem principio centra quoque vera circulorum Eclipticæ parallelorum nullo negotio inueniemus hoc pacto: A puncto σ vbi $T\epsilon$ ipsam $X\delta$, (quæ per Eclipticæ projectæ centrum diametro HK normalis ducta est) intersecat, recta ad oculum A destinetur: hæc inquam circuli PS centrum designabit. Cum enim $T\epsilon$ ipsi PS sit parallela ex hypothesi, erit triangulum TAS triangulo $PA\lambda$, itemq; $\sigma A\epsilon$ triangulum triangulo $\lambda A\varsigma$ æquiangulum per 4. lemma libri quinti: quare & proportionalia ipsorum latera per 4. sexti Euclidis, utq; $A\sigma$ ad $A\lambda$, sic $T\sigma$ ad $P\lambda$, ac rursus ut $A\sigma$ ad $A\lambda$, sic quoque $\sigma\epsilon$ ad $\lambda\varsigma$: ideoq; per 11. quinti Euclidis ut $T\sigma$ ad $P\lambda$, ita $\sigma\epsilon$ ad $\lambda\varsigma$, & permutando ut $T\sigma$ ad $\sigma\epsilon$, ita $P\lambda$ ad $\lambda\varsigma$: sed $T\sigma$ æqualis est ipsi $\sigma\epsilon$ per 3. tertij Euclidis, quod scilicet $X\delta$ ipsam

sed AE ipsi EG æquale est per circuli definitionem: igitur & AQ ipsi QH est æquale; A quare & QH , QK inter se sunt æqualia: ideoque Q est ipsius circuli AHC centrum; quod erat demonstrandum.

Quod in maximi circuli proiectura AHC particulari demonstratione probauit.



inus, id in omnibus etiam non maximis vniuersè demonstrari potest hoc pacto: Su- D mantur ab A versus C in proiecto semicirculo AzC gradus triginta vsque ad τ , à τ verò recta ducatur $\tau\lambda$, quæ circulum AzC contingat in τ , vel ei quæ è centro è ad τ ducitur, sit perpendicularis: dico λ centrum esse illius paralleli qui triginta gradibus ab Ecliptica vndique distat: constat enim in primis hunc parallelum per signum τ duci debere, vt supra ostensum est. Deinde descripto orthographicè parallelo IO , qui triginta gradibus ab F & G distat, ductisque radijs AI & AO , quæ ipsam HK secant in P & S , hoc etiam constat ex proximè demonstratis, parallelum qui ab Ecliptica triginta gradibus distat, per puncta quoque P & S transire: tria itaque habentur puncta τ , P & S , per quæ ductus circulus parallelum triginta gradibus ab Ecliptica disiunctum repræsentat.


Itaque hoc solum demonstrandum superest, rectam $\tau\lambda$ quæ circulum AzC in τ con- E tingit, vel ipsi τ quæ ex centro è ducitur, rectis adiungitur angulis, in centrum circuli $\tau P S$ cadere: id quod in hunc modum probatur: Si $\tau\lambda$ circulum AzC contingat, erit τ quæ à contactu τ ad centrum è ducitur, tangenti $\tau\lambda$ perpendicularis per 18. tertij Euclidis: quocircà è τ circulum $\tau P S$ vicissim contingit per 16. tertij Euclidis; ideoq; per 19. tertij Euclidis in $\tau\lambda$ erit circuli $\tau P S$ centrum: est verò & in HK eiusdem circuli $\tau P S$ centrum, quemadmodum & reliquorum parallelorum: igitur centrum circuli $\tau P S$ illud est punctum lineæ HK , cui $\tau\lambda$ circulum AzC contingens incidit; quod erat probandum.

PROPOSITIO CXXIV. PROBLEMA.

Ex eadem oculi constitutione Horarios circulos stereographicè in planum transcribere. F

ST O vt supra propositione 123. sphaerae Polus E Borealis, circa eum verò descriptus Aequator $ABCD$, & Tropicus Cancrini HRT , Tropicus autem Capricorni FSQ : quoniam Horarij illi qui à Meridiano principium horarum ducunt, per alterum quidem Polum E in quo est oculus, per alterum verò littera signatum E transeunt; perspicuum est per 91. libri huius, illos omnes in rectas lineas hac oculi constitutione incidere: incedunt

A dunt autem & per æquales portiones Æquatoris omniumque circularum, qui ab Æquatore parallelo interuallo distant: igitur secto Æquatore $ABCD$, vel quocumque è parallelis in partes 24. æquales, rectæ quæ à centro E ad æquales hæcæ partes diriguntur, Horarios illos, qui à meridie vel media nocte inchoatas horas signant, repræsentabunt, quales hîc sunt EF, EB, EQ, EG , & quæ has ordine consequuntur.



C Nunc si per 92. propositionem huius libri accipiatur distantia Poli ab Horizonte EL , erit BLD Horizontis proiectura; siquidem à Meri-

diano circulo in rectam lineam AC proiectum, portionem assumit EL elevationi Poli repræsentatione æqualem, ipsumque Æquatorem bifariam diuidit.

D Itaque BLD primus est illorum Horariorum, qui ab ortu vel occasu seriem horarum auspicantur. Ergo centro E , interuallo autem EL circulus describatur, eritque is illorum parallelorum, qui semper apparent, maximus per præcedentem propositionem, & à rectis horarum Astronomicarum radijs in partes 24. æquales secabitur: itaque si per opposita horarum signa in Æquatore assumpta circuli ducantur, qui circulum LN contingant, erunt hi illorum Horariorum proiecturæ, qui ab Horizonte initium horarum sumunt, qualis hîc vno intermissio alter ab Horizonte est GNM , horam indicans secundam; quartus verò tertio prætermisso KOP , horam quartam signans, ac ceteri eodem sequentur ordine; qui si perficiantur, cum sint inter se æquales, circulum quemdam in opposita parte contingent, eum scilicet qui semper delitescendum maximum repræsentabit.

E Porrò si circulus BLD in F incidat communem interfectionem Horarij EF & Tropici Capricorni (quod fortuitò euenire potest) necesse est eundem circulum BLD etiam per H transire, communem scilicet interfectionem Horarij EQ & Tropici Cancrî; quòd nimirum puncta F & H æquali graduum numero ab Horario EB distant: constat autem ex prænotatione 16. huius libri, hosce circulos, qui ab Horizonte horas inchoant, per æquales portiones omnium parallelorum incedere; quamobrem etiam circulus GNM per Q & R incedet, itemque circulus KOP per puncta S & T , ut non modò Æquatoris portiones BG & GK , verùm etiam vtriusque Tropici, nempe æstiuæ partes HR, RT , & brumalis FQ, QS sint inter se æquales: sic itaque se habet Horariorum proiectio, aspectu in Polo mundi constituto.

F

STEREOGRAPHICA
 SPHÆRÆ EXPLANATIO
 ex vario oculi situ.


PROPOSITIO CXXV. PROBLEMA.

*Sphæra mobilis circulos, Horariosq; ex obliquo aspectu
 in plano designare.*



TRIBVS præcipuè modis spectari possunt hi circuli: vnus est, cùm oculus in Polo constituitur: quo pacto illos iam proximè descripsimus; alter est, cùm oculus in Aequatore collocatur, secundùm quem proiecti fuerunt propositione 110. & sequentibus; tertius est, qui reliquam omnem varietatem complectitur: atque hunc in præsentī explicare intendimus.

Esto maximus sphærae circulus *A B C D* ex directo aspectu oculi in *E* signo Meridiani *C* posito descriptus; esto item *H* mundi Polus gradibus sexaginta ab oculo *E* difunctus,



κ verò alter Polus tota diametro ab *H* diffitus: & vt *E H* graduū sexaginta, ita fiat *EG* graduum triginta per 92. huius libri: sic vt tota perpendicularis proiecturæ portio *HG* sit graduum nonaginta: si itaque per *A G C* circulus describatur, perspicuum est hunc Aequatoris proiectam esse formam; siquidem quia *A G C* diametrum sphærae ambit, erit is de numero maximorum qui in sphæra sunt circulorum: distat autem ab *H* mundi Polo gradibus nonaginta: igitur ipsum Aequatorem repræsentat: reliqui autem eius paralleli, cùm omnes ad aspectum obliqui sint, eodem modo inuenientur, quo propositione 123. Eclipti-

A Eclipticæ paralleli seu latitudinum circuli explanati fuere; quorum etiam hoc loco eadem est descriptionis ratio.

Superfunt Horarij, ac illi in primis qui Horas à Meridiano auspicantur, qui hoc modo describentur: *Æquator* AGC in partes æquales representando distribuatur per 100. propos. huius, vt in $F, I, C, L, M, G, N, O, A, P, Q$, perque singula hæc diuisionum puncta, simul & vtrumque Polum H & K circuli describantur per 5. quarti Euclidis, erunt ij Horarij ex obliquo aspectu in planum proiecti: nam per vtrumque apparentem Polum mundi, & per æquales partes *Æquatoris* incedunt. Per duarum porrò horarum spatia alternos dumtaxat exhibuimus, ne multitudo confusionem pareret; est enim ceterorum eadem ratio. Ex his ita descriptis HK ex vtraque parte infinite protracta Meridianum circulum ostendit ex perpendiculari aspectu proiectum per 91. huius; deinde proximus huic HMK horæ decimæ vel secundæ circulus est; tum HKL horæ est octauæ vel quartæ circulus; postea HCK circulus est horæ vtrimque sextæ, atque eodem ordine ceteri qui deinceps sequuntur.

Alio modo iidem Horarij describentur, inuentis in vna eademque recta linea $s\gamma$ singulorum centris, locisque per quæ transeunt: inuentis, inquam, vt supra Polis H & K , per ANC circulus describatur, quem in primis constat circulum esse horæ sextæ, quoniam Meridianum HK rectis angulis interfecat: deinde per circuli ANC centrum R recta ducatur $s\gamma$ normalis ipsi HK , circuloque ANC in partes æquales distributo, ex K per singula diuisionum puncta recta eiiciantur, quæ ipsam $s\gamma$ secant in $s, T, V, X, R, Y, Z, \alpha, \gamma$, eruntque horum signorum interualla secundum aspectum æqualia per 92. huius, quod nimirum ab æqualibus primitiui circuli ANC peripheriis obueniunt. Quoniam igitur omnes proiecti horarum circuli per H & K transeunt, secantque $s\gamma$ ipsam HK ad rectos angulos & bifariam, perspicuum est omnium circulorum centra in recta linea $s\gamma$ infinite producta existere. Si enim extra lineam $s\gamma$ circulorum, qui per H & K ducuntur, centra esse dicantur, erunt quæ à centris ad punctum R ducentur rectæ lineæ ipsi HK perpendiculares per 3. tertij Euclidis: at posita est $s\gamma$ ipsi HK perpendicularis ad idem punctum R : igitur cum eidem lineæ ad idem punctum duæ perpendiculares excitari non possint, fieri nequit, vt circulorum qui per H & K ducuntur, centra extra lineam $s\gamma$ decurrant.

Hic aduerte Lector, non eundem esse centrorum & circulorum ordinem; sed circulorum vno interuallo lineæ $s\gamma$ distantium centra duobus interuallis dimoueri. Exempli gratia, circuli quidem HTK centrum est R , proximi verò circuli HVK qui vno interuallo TV à priore disiungitur, centrum non est Y punctum, scilicet quod ipsum R proximè sequitur; sed est Z , quod ab R duobus interuallis distrahitur. Eodem autem modo circuli HXK , qui vno interuallo circulum HVK sequitur, centrum est γ , quod ab Z duobus interuallis distat, non verò α quod ipsi Z ordine proximum est; quod ex Geometriæ principijs in hunc modum potest demonstrari: Esto primùm circulus HVK ex illo proiectus primitiuo circulo, cuius diametrus $C\rho$, vnoque interuallo distat à $T\alpha$: quoniam igitur per 98. huius proiecti circuli verum centrum in ea est recta linea, quæ ex K rectis ipsi $C\rho$ angulis incidit; (vbi nimirum hæc producta ipsam $s\gamma$ interfecat, hoc est in Z .) erunt anguli interfecantium sese KZ & $C\rho$ linearum ad σ recti: est verò & KRZ rectus ex constructione: igitur per 8. sexti Euclidis similia sunt inter se triangula σRZ & σKR , & hi ipsi anguli per 5. sexti Euclidis æquales: cum ergo σRZ ad centrum, σKR verò ad circumferentiam circuli HTK sit constitutus, erit arcus AN , cui is qui ad circumferentiam insistit, duplus ipsius $\alpha\rho$ cui insistit is qui ad centrum constituitur, vt ex 20. tertij Euclidis colligi potest: quare Z centrum verum proiecturæ HVK duobus interuallis ab R distabit.

Rursus sit circulus HXK duobus interuallis XV & VT à circulo HTK disunctus, cuius primitiua diametrus sit $\epsilon\delta$ duobus item interuallis $\delta\rho$ & $\rho\alpha$ distans à $T\alpha$: quoniam per iam citatam 98. propos. huius libri $K\lambda$, quæ ipsam $\epsilon\delta$ rectis angulis interfecat, producta centrum verum circuli HXK attingit in γ , erunt per 8. sexti Euclidis triangula $\lambda R\gamma$ & λKR inter se similia, anguli que $\lambda R\gamma$ & λKR , per 5. sexti Euclidis æquales; hic verò cum ad circumferentiam sit circuli HTK , ille autem ad eiusdem circuli centrum, erit arcus $H\rho$ duplus ipsius $\alpha\delta$: at $\alpha\delta$ duo continet interualla ex hypothesi; igitur $H\rho$ continebit interualla quatuor: quocirca & γ centrum verum proiecti circuli HXK quatuor spatijs distabit ab R , duobus verò à Z , quod erat demonstrandum.

Ex his perspicue elici potest modus Horarios ex obliquo aspectu describendi: secta


námque linea $s\gamma$ in partes repræsentatione æquales, si in alternis punctis circini pes immobilis defigatur, altero autem pede ad h vel κ extenso circuli describantur, erunt hi circuli Horariorum proiectionæ postulatæ. Nam vt iam ostensum est, proiectionum Horariorum centra in recta sunt linea $s\gamma$, inque alternis signis earum diuisionum quæ partes æquales repræsentant.

Si minùs accurata sit radiorum ex κ per æquales partitiones circuli $HT\kappa$ eiectiono propter sectionú obliquitatem, ducatur centro κ , interuallo autem quocumque, semicirculus $\theta C A \mu$, isque in totidem partes æquales diuidatur, in quot secandus erat circulus $HT\kappa$, & ex κ ad singulas partes radij destinentur: hi inquam, cum per æquales quoque partes circuli $HT\kappa$ incedant, vt propositione 92. libri huius est demonstratum, B secabunt rectam $s\gamma$ in easdem partes repræsentatione æquales, in quas secanda erat per radios ex κ per æquales partes circuli $HT\kappa$ transmisos.

Rectè autem descriptos esse hoc pacto Horarios, ex eo facile potest demonstrari, quòd linea $s\gamma$ vtrunque infinita circum illum Æquatori TE parallelum repræsentet, qui per Polum transit in quo est oculus, nempe AR : cum ergo Horarij per omnium circulorum Æquatori parallelorum æquales portiones transeant, sitque $s\gamma$ secta in partes repræsentatione æquales, luce meridiana clarius est circulos qui per has partes lineæ $s\gamma$ & vtrumque simul Polum h & κ ducuntur, Horariorum genuinas proiectiones esse, quod erat ostendendum.


Porro Horarij illi qui ab ortu vel occasu horas indicant, cum à descriptione Horizontis, illorumque circulorum, quorum alter semper apparentium, alter verò semper delitescentium maximus est, dependeant, his primò in planum proiectis, facile erit & ipsos Horarios aptè designare, si nimirum circuli semper apparentium semperque delitescentium maximi in partes æquales repræsentando distribuuntur, & ab oppositis sectionibus per vera circulorum centra rectæ ducantur: in harum enim congressione centrum erit, vnde describi poterunt circuli, qui priores illos semper apparentium semperque oblitescentium maximos in oppositis sectionibus contingant, qui proinde horas ab ortu vel occasu in plano indicabunt.

Exemplo res fiet manifesta. Sit sphaeræ magnitudo $ABCD$, in eaque oculus ad signum A , Poli F & G , Horizon BD secundum Orthographiam propositus, cuius Stereographica D projectura $ABC D$ per 94. huius: sint item ex eadem Orthographia descripti duo



circuli, vnus DFH omnium semper apparentium maximus, cuius Stereographica projectura $DQOM$ per 96. huius, alter verò BCK maximus omnium illorum qui perpetud deli-

A delitefcunt, cuius Stereographica descriptio B P N L. Si ergo hi circuli stereographicè primò quidem bifariàm diuidantur per B L & D M; deinde semicirculi rursus bifariàm in N & O; tum quadrantes B N & D O in P & Q iterùm bifariàm; erit primus quidem Hora-



D rius, isq̄ue præcipuus A B C D, qui & Horizon vnde horarum series inchoatur. Huic deinde oppositus A L C M, qui horam indicat duodecimam, vtrumque circellum in oppositis locis contingens L & M: tum qui horam sextam ostendit recta est linea N E O; hic enim per oculum transit, cui similis est circulus horæ 18. qui & ipse per oculum incedit, ideoq̄ue & in rectam projicitur lineam, quæ hîc quidem descripta non est, sed per v & x duci debet. Ad hæc tertiæ horæ circulus is est, qui vtrumque circellum in P & Q tangit, cuius descriptio ita se habet: Ex P per centrum R recta ducatur, itemq̄; ex centro s per punctum Q alia quæ priorem secet in T; centroq̄ue T, interuallo autem T P vel T Q circulus describatur; is inquam vtrumque circellum continget in P & Q, vt in simili casu propositione 120. à nobis est demonstratum. Ceterorum autem Horariorum circulorum projectio circuli iam iam descripti projectioni per omnia similis est: quare quo pacto ex hoc aspectu Horarij illi, qui ab Horizonte horas auspiciantur, in plano designandi sint, perspicuè patet; quod explicandum erat.

PROPOSITIO CXXVI. PROBLEMA.

Oculo in vertice constituto, Horizontem, eiusq̄ue parallelos, & verticales, ac caelestium domorum positionumq̄ue circulos in planum stereographicè consignare.

F **C**ONSTAT in primis hac oculi constitutione, seu recta seu obliqua sit sphaera, non aliam esse mobilium circulorum projecturam, quàm quæ hæc tenus abundè est explicata. Superfunt igitur circuli sphaeræ immobilis, in quorum etiam descriptione quæ ab oculo fit in vertice constituto, nulla difficultas esse potest, cum ex dictis perspicuum sit Horizontem, omnesq̄ue eius parallelos in circulos procidere; verticales autem in rectas linese in centro projecturæ, quod & verum & apparet, interfecantes, vt propositionibus 92. & 94. ostendimus. Labet tamen appposito schemate rem omnem dilucidiorẽ facere.

Esto A B C D Horizontis projectura, eaq̄ue primùm diuidatur quadrifariàm, duabus dimetientibus sese in centro E ad rectos angulos decussantibus; harum altera B D Meridianum, altera A C verticalem primarium repræsẽtabit: deinde si reliqui quadrantes

res in partes item æquales secentur vt in F, G & H, quæ per centrum E ad sectionum loca A rectæ producentur, reliquorum verticalium circularum vicem gerent.

Altitudinum verò circuli ita describentur: Secetur Meridianus BD, aut verticalis primarius, aut quivis ceterorum in tot partes representatione æquales, quot describendi sunt circuli altitudinum (quod fiet per 92. huius, ductis ex puncto A, in quod reflectitur oculus ad F, G & H occultis radijs, qui semidiametrum ED fecent in K, N & M) & centro E per harum diuisionum signa K, N & M, circuli decircinentur: hi inquam proiecturæ erunt illorum circularum, qui altitudines indicat; nam & Horizonti sunt paralleli, & per datos altitudinum gradus incedunt.

Si per communes intersectiones Meridiani & Horizontis, nempe B &

D, itemque per α , ϵ , ρ , partes scilicet verticalis primarij representatione æquales, circuli describantur B α D, B ϵ D, B ρ D, erunt hi similes illis qui domos cælestes distingunt, nisi D malis ex Regiomontani sententia illos per B, D, & æquales portiones Aequatoris ducere: tum verò designandus primùm erit Aequator ALCT per 97. huius, repertoque ipsius Polo N per 99. huius, ex N per æquales portiones circuli ABCD ductæ occultæ lineæ secabunt Aequatorem ALCT in partes representatione æquales ad signa O, P, Q, R, S, V, vt secundo modo propositionis 100. ostendimus: per hæc igitur ac per B & D si describantur circuli BVDQ, BSDP, BRDO, erunt hi similes illis qui domos cælestes discriminant, ex Regiomontani sententia.

His similes sunt positionum circuli tum essentia, tum descriptionis modo: nam quicumque per B & D incedit circulus, vnus est ex ijs qui Positionum circuli vocantur; siquidem positionum circuli per communes intersectiones Horizontis & Meridiani, & per quoduis aliud cæli punctum transeunt.

PROPOSITIO CXXVII. PROBLEMA.

Visu in Horizontis & Meridiani communi intersectione collocato, caelestium domorum & positionum circulos stereographicè in planum projicere.



HORIZON eiusque paralleli, & verticales circuli hoc casu ita ad aspectum se habent, quemadmodum superius oculo in communi intersectione Horizontis & alterius Aequinoctij constituto: proinde eadem est hos circulos describendi ratio ex proposita oculi constitutione, quæ superius oculo in communi Aequatoris & Horizontis intersectione collocato; quo aspectu Horizontem quidem propositione 115. altitudinum verò circulos propositione 116. crepusculi autem lineam propositione 117. verticales denique circulos propositione 118. in planum proiecimus. Soli ergo circuli, qui cælestes domos ac stellarum positiones indicant, peculiarem hoc loco habent designationem, minimè tamen difficilem, cum in rectas lineas procident, è proiecturæ centro per datum cæli punctum eiectas.

PRO-

A PROPOSITIO CXXVIII. PROBLEMA.

Ex obliquo aspectu Horizontem, eiusque parallelos, item verticales, & caelestium domorum ac positionum circulos proiicere.



IN hoc casu Horizon eiusque paralleli eundem situm ad aspectum habeant, nempe obliquum, quem propositione 123. Ecliptica & eius paralleli, qui latitudinum circuli vocantur, ad oculum in altero mundi Polo constitutum, erit quoque eadem Horizontis & parallelorum descriptio ex praesenti oculi constitutione, quae Eclipticae & parallelorum ex oculo in


B Polo collocato. Quare in schemate eiusdem propositionis 123. solis mutatis nominibus, esto secundum Or-

thographicam repraesentationem sphaera

ABCD, in cuius fastigio oculus ad signum A, sitque Horizon FG, atque eius paralleli IO & LN,

C omnes ad aspectum obliqui: erit igitur Stereographica Horizontis projectura circulus circa diametrum HK; paralleli vero IO projectura, qui circa diametrum PS descriptus est circulus: ac tandem projectura

D ipsius LN is cuius diametrum QR: ita ergo se habet Horizontis ad aspectum obliqui, & parallelorum descriptio.



E Verticales autem, & domorum caelestium positionumque circuli eundem habent projectionis modum, quem Horarij qui à Meridiano horarum ordinem ducunt, propositione 125. descripti: nam quemadmodum Horarij in duobus sphaerae punctis tota diametro oppositis congregiuntur, ita & verticales in summo imoque vertice, & caelestium domorum positionumque circuli in communibus locis Meridiani & Horizontis sese interfecant. Deinde uti Horarij à Polis ad aequales partes Aequatoris discedunt, ita verticales à Zenith in partes aequales Horizontis procumbunt, & domorum caelestium circuli per aequales partes verticalis primarij, vel Aequatoris incedunt: igitur eadem est horum circulorum atque Horariorum projectio. Exempli gratia, si in schemate propositionis 125. sit A G C Horizon in planum projectus, eiusque Poli H & K, seceturque projectura H G C in partes repraesentatione aequales, & per eas simul & Polos H & K circuli describantur, erunt hi verticalium projecturae, ut patet.

F PROPOSITIO CXXIX. PROBLEMA.

Omnes sphaerae circulos in unum schema conscribere.



PROPOSITIONE 123. circulos omnes sphaerae mobilis, propositione vero 124. Horarios descripsi mus ex oculi positione in altero mundi Polo: at Polus triplicem situm admittit: aut enim in vertice, aut in Horizonte, aut medio loco est constitutus. Igitur si oculus in altero mundi Polo collocetur, circuli quidem sphaerae mobilis, itemque Horarij illi qui à Meridiano horas auspicantur, eodem semper describuntur modo; ceteri autem non item:

sed

sed si in vertice Polus existat, vt in summa Poli eleuatione, illorum proiectiones ex propositione 126. instituendæ erunt, & Horizon idem erit qui Aequator, diurnique paralleli iisdem qui & altitudinum circuli erunt: si verò in Horizonte sit Polus vt in sphaera recta, erunt illi iisdem circuli ex præscripto propositionis 127. in plano deformandi: at in obliqua sphaera propositionis 128. habenda erit ratio. A

E contrario, si in vertice oculus statuatur, aut in communi Horizontis & Meridiani interfectione, soli circuli sphaeræ mobilis vnà cum Horarijs mutationem subibunt: nam siue vertex in Polum incidat, siue in Aequatorem, siue in locum qui inter Polum & Aequatorem interiacet, Horizon, eiusque paralleli, & verticales, & domorum caelestium positionumq; circuli eandem habebunt proiectionis formam propositione 126. explicatam: at reliqui circuli, vertice cum Polo concurrente in quo oculus, proijcientur, vt propositione 123. & 124. si verò vertex in Aequatore sit, iisdem circuli proijcientur vt propositione 110. & sequentibus. Rursus si oculus in communi sit Horizontis & Meridiani sectione, Horizon quidem eiusque paralleli, & verticales, caelestiumque domorum ac positionum circuli eam habebunt proiectionis formam, quam propositione 127. exposuimus: at circuli sphaeræ mobilis, Horarijque non eandem proiectionis figuram obtinebunt: nam si quidem Polus in communem Horizontis & Meridiani sectionem incidat in qua oculum constituimus, erunt horum circulorum descriptiones ex propositione 123. & 124. instituendæ; si verò per locum oculi Aequator incedat, ex propositione 110. & sequentibus; si demum alio quocumque situ sphaera mobilis aspectui obuerfetur, describendis eius circulis propositio 125. præsidio erit. B

Sic ex ijs quæ hactenus tradita sunt, poterit sphaera omnifariam exposita stereographicè describi: vnde eadem vtilitates colligi poterunt, quas superius tam in hoc genere proiectionis, quàm in Orthographia varijs confectarijs exposuimus. Vt si quocumque aspectu parallelus quispiam diurnus, itemque Horizon ad datam Poli altitudinem designetur, facile erit illius diei latitudinem ortiuam occiduamque cognoscere, horam item ortus atque occasus solis inuenire; ac diei noctisque quantitatem metiri; si nimirum vterque circulus, quæ se mutuò repræsentando secant, ad primitiuum statum reducatur, & ambo in tempus conuertantur. Eodem modo si Aequator atque Ecliptica in planum stereographicè proiciantur, oculo in communi vtriusque circuli sectione constituto; addatur verò Horizontis proiectura secundum datam Poli sublimitatem, quot lubet gradibus ab oculi loco disjuncta; nullo negotio solis ascensiones cognoscentur, portionibus nimirum Aequatoris atque Eclipticæ, quæ inter oculi locum & Horizontis proiecturam interiacent, ad originem reuocatis. Crepusculi quoque magnitudo omni anni tempore siue in recta siue in obliqua sphaera compendio demonstrabitur, descripto crepusculari circulo, itemque Horizonte, ac diurno illo parallelo quem sol percurrit: nam reducta ad originem paralleli proiecti portio quæ inter Horizontem & circulum crepusculi intercipitur, magnitudinè crepusculi indicabit. Rursus si ex vertice spectatus Horizon, itemque Horarij ad datam Poli sublimitatem describantur, erit Horizontis proiectura; quæ in partes ab Horariis dissepitur, horolabium propria forma expressum, quod proinde ad libræ æqualitatem expositum, gnomonis umbras signatis locis singulis horis excipiet. Ex Polo etiam; aut quouis alio loco spectati hi circuli proiectique horas dabunt in quouis plano, si plani proiectura, quæ ab Horarijs intersecatur, ad originem reuocetur. Quæ omnia ex ijs quæ hactenus crebrò repetita sunt, & perspicua & demonstrata relinquuntur. C

Hæc de sphaeræ proiectione dicta sufficiant, ex quibus promptum cuius erit vtrumque globum, caelestem scilicet ac terrenum, in planitiem redigere; hunc quidem quæ in regiones atque æquorum spatia distribuitur, illum verò quæ varij stellarum inerrantium characterismis insignitur. Porro ne proiecturarum studiosi falsò sibi persuadeant, omnes illas terre orbis descriptiones quæ passim extant, è proiecturis traxisse originem, monitos ipsos volui, rationes plurimas, quarum nonnullas videre est apud Ptolemæum libro primo Geographiæ cap. 24. Et apud alios alias, nequaquam opticas esse, seu ex oculi aspectu desumptas, sed arbitrarias. Unusquisque enim positus ad arbitrium legibus, Meridianos, & climatum latitudinumque circulos, ac totum denique telluris D

telluris E

A telluris ambitum conuenienti ratione iuxta Veritatem representare in plano nititur, ac tum rem quàm optime actam arbitratur, cum plana forma rei Vera simillima est effecta. Eiusmodi ergo explanationum modi quandoquidem ad institutum nostrum minimè pertineant, ad Scenographicen, tertium projectionis genus aggrediamur.

DE SCENOGRAPHICE

B TERTIO PROIECTIONIS GENERE EX IUSTO OCULI INTERVALLO.

PRÆFATIO.

C **F**ribus projectionum generibus, quorum hætenus sæpenumerò mentionem fecimus, nullum profectò est, quod æquè ad viuum res spectandas in plano representet, atque Scenographicè: hæc siquidem ex eo aspectu fit, quo res obiectæ quàm accuratissimè internoscuntur, nempe ex iusto oculi intervallo. Deinde quemadmodum ex immoderato oculi recessu minis quidem perfectè res videntur quàm è propinquiori loco, at longè perfectius quàm ex ipsius oculi contactu: ita Orthographicè formas in plano exhibet magis quidem rebus ipsis similes, quàm Stereographicè; Scenographicè autem omnium perfectissimè. Hæc illa est celeberrima nobilissimaque præcipuum, id est designatio, quàm omnis antiquitas, ceu matrem Sculptoriæ Pictoriæque, & his similibus artium, summo semper studio coluit. Est enim omnium velut inchoatum opus; & Pictoriæ quidem etiam substrata materia, ex qua varijs coloribus delibuta tamquam inducta forma picturæ constant: sculptor verò ad eius similitudinem signum facit, aliud sigillum aut anaglyphum cælat, aliud plasticum opus effingit, ac denique quotquot res viuas representare nituntur, hi omnes rudioribus primùm lineamentis in plano id quod moliantur graphidis seu designatricis ope adumbrant; deinde sensim expoliant perficiuntque. Porro rem actam agere videor, cum de hoc projectionis genere dicere instituo. Nam infinitus propemodum extat Scriptorum numerus, qui hoc argumentum **E** prosecuti sunt, in quibus docti quidem pauci, indocti verò mechanicique homines in omni arte quamplurimi, pictores, cementarij, lignarij, statuarij, argentarij, qui sola radiorum opticorum consideratione præses aliquas artis sunt affecti, earumque usum varijs in rebus ostenderunt: qui autem ex Geometriæ principijs, aut ex natura visionis quidquam demonstret, est nemo, præter Guidum Vbaldum è Marchionibus Montis, virum sanè in Mathematicis eruditum, qui hanc Optices partem sex libris complexus est, at exemplis potius quàm theorematibus aut regulis opus suum maiorem quàm necesse erat in modum amplificauit. Proinde nobis eritendum erit, primò quidem, **F** ut paucissimis propositionibus rem omnem perstringamus: deinde, ut illarum principia atque originem demonstremus: tum denique, ut singularum usum in paucis exemplis doceamus, ijsque non fortuitò assumptis, aut ad speciem conquisitis, sed omnino talibus, ex quibus Lector similia colligere, & in re qualibet ad conficiendum propositum idoneas præses extemplo adinuenire possit. Ut verò ad id quod nobis propositum est, propius accedamus, hæc præmittenda sunt velut præambula, huius projectionis propria, atque ad eius explicationem pernecessaria.

P R A E C E P T I O N E S .

A

I.



ANTE omnia, proposita re quapiam in plano designanda, statuendus est oculus rem intuens, qui iustam habeat à re *distantiam*, & *altitudinem* à terræ superficie, quam libuerit. Constat enim, si vel *distantia* vel *altitudo* oculi mutetur, utrouis modo ipsius quoque proiectionis formâ variari: ut si aream oculus è data sublimitatè prospiceret, quò hîc remotior fuerit, eò illa contractior in tabula apparebit; & seruata distantia, quò oculus fuerit demissior, eò rursus areæ longitudo breuior in tabula videbitur: igitur oculi *distantia* & *altitudo* antè constituenda sunt, quàm res in planum transcribatur.

B

I I.

PORRÒ cùm ea distantia, quæ in hoc proiectionis genere exigitur, nec iusto maior, nec iusto minor esse debeat, necesse est maximum ac minimum terminum *iustæ distantie* definire, vltra quem citraque non liceat oculum constituere, nisi id vel locorum ratio deposcat, vel ad fallendum intuentes proiectionis genus designandum sit, quod ex iusto quidem interuallò spectatum nil præter confusum chaos repræsentet, è proximo autem rei alicuius veræ imaginem referat, cuiusmodi extant picturæ quædam ex oculo tabulam propemodum contingente descriptæ, de quibus ad calcem huius libri aliquid curiositatis gratia dicemus.

C

De iusto oculi interuallò Democritum & Anaxagoram scripsisse refert Vitruuius in præfatione libri septimi: *Quemadmodum scilicet oporteat ad aciem oculorum radiorumq; extensionem, certo loco centro constituto, ad lineas ratione naturali respondere, uti de incertare certæ imagines adificiorum in scenarum picturis redderent speciem; & quæ in directis planisq; frontibus sint figurata, alia abscedentia, alia prominentia esse videantur.* Nunc igitur *iustæ distantie* terminos constituamus. Maximus ille est, quem initio huius libri infinitum & Orthographices minimum esse diximus; vbi inquam oculi recessus infinitus primùm esse incipit, secundùm eam infiniti notionem, quam in præfatione Orthographices explicauimus, ibi iusti interualli augmentum extrinsecè definitur; ita vt locus ille infinite diffusus omnem quidem *iustæ distantie* metam excedat, at omne quod citra est spatium, illo excepto quod æquo propinquius est, *iustæ distantie* appellationem admittat. Hic sanè magnitudinis terminus neququam in indiuiduo positus est, vt nec is qui minimus est *distantie* infinitæ, quemadmodum initio Orthographices dilucidè ostendimus. est enim vnus idemque terminus, infinitæ quidem *distantie* minimus, at *iustæ distantie* maximus, quo hæc primùm desinit, illa verò incipit: sed idem locus qui à magno visibili mediocri interuallò disiungitur, à minori obiecto subinde immoderatè distat, ita diuersorum obiectorum comparatione vna eademque intercapedo *iusta* esse potest & infinita: non igitur *iustæ distantie* ratio indiuiduo magnitudinis termino definitur, sed magnam admittit maioris & minoris diuersitatem.


D

E

At paruitatis seu minimæ *distantie* terminum facilius est exactè designare, etiam diuersissimorum obiectorum comparatione: nam minimum interuallum, quo res quælibet aptè concinneque cerni potest, & ad viuum in plano designari, illud est quo res visibilis cono optico continetur circa directum radium velut axem rectangulo: quæ enim extrà procurrunt, ob nimiam aspectus obliquitatem minùs accurate videntur; quod de illo aspectu intelligi volumus, qui immotis fit oculis. Constat enim obiectum quodlibet distinctè enucleateque posse dignosci axibus per omnes eius partes delatis, quantumuis propè constituentur oculi: at non æquè perfectè immotis oculis res è propinquo atque ex iusto interuallò internoscitur: nam defixa in vnum aliquod obiecti punctum acie, id solùm distinctissimè videtur; cetera autem quæ circumstant, tantò imperfectiùs, quantò obliquioribus angulis radij in illa incurrunt: itaque cùm eiusdem obiecti, in cuius medium axis opticus immotus desigitur, extremæ partes è propinquiori loco obliquioribus angulis cernantur quàm è remotiori, necesse est aliquem esse locum adeò propinquum, vt extremæ obiecti partes ex eo imperfectiùs quam deceat conspiciantur: hunc ergo locum vt à Scenographia excludamus, *iustæ distantie* terminum ea quam diximus nota rectè distinguimus.

Vt

- A** Vt si excelsa turris $A B$ ex fronte cernatur, & eousque spectator absistat, vt directus radius $C D$ cum illo radio qui ad A remotissimam obiecti extremitatem promittitur, angulum faciat $A C D$ semirecto æqualem; erit $B E$ communi omnium suffragio, minimum interuallum, quo altitudo $A B$ ex commode spectari potest; quod scilicet triangulum $A C D$ circum $C D$ velut quiescentem axem circumactum, conum opticum efficiat rectangulum; seu qui rectum habeat eum qui ad verticem est angulum $A C F$.
- B** Rursus si porticus directè obiciatur longissimam habens columnarum seriem, & radius directè in eius planum incidens, cum illo radio qui ad remotissimam partem extenditur, semirectum angulum efficiat; erit is oculi locus minimo interuallo à re disiunctus, è quo res exactè cerni potest; atque eodem modo in ceteris: itaque in Scenographicis descriptionibus, minorem hac distantiam sumere non liceat; nisi, vt initio dixi, peculiaris aliqua causa ad id impellat; maiorem autem sumere non modò liceat, verùm etiam porius
- C** laudabiliusque habeatur.



- Potest & hac nota iusti interualli minimus terminus designari, si tantum oculus à re abducatur, quantum ab axe optico distat pars obiecti remotissima: vt si opticus axis sit $C D$, pars verò obiecti à D remotissima A , sitque $C D$ ipsi $D A$ æqualis, dico C minimum esse iustæ distantæ terminum. Cùm enim per 5. primi Euclidis sit angulus $A C D$ angulo $C A D$ æqualis, & $A D C$ rectus sit, erit vterque reliquorum semirectus: quare vt suprà $C D$ breuissimus iustæ intercapedinis terminus erit.
- Vti maximus, ita & minimus iustæ distantæ terminus ex iis est quæ ad aliquid dicuntur: nam qui paruo visibili minimus est, is maioris obiecti comparatione iusto est minor. Quamobrem cùm ostensum iam sit minimam oculi distantiam $C D$ ipsi $A D$ æqualem esse, consequens est, vt aucto obiecto, minima quoque distantia oculi produci debeat: igitur minimus iustæ distantæ terminus, eorum quæ spectanda offeruntur comparatione dicitur.


- Ex dictis detegitur quorundam error, qui minimum iusti interualli terminum ibi esse dixerunt, vbi angulus qui rem complectitur rectus est: quod ex particulari schemate, in quo axis opticus in medium obiecti incidit, absolute pronuntiarunt: exempli gratia, obiectâ lineâ $A F$, oculus eousque abscedat (nempe in C) vt radij ab oculo ad extremitates ipsius A & F proiecti angulum rectum $A C F$ comprehendant, aiunt illi C iusti interualli minimum terminum esse ipsius $A F$ comparatione: idque ex eo probant, quòd ex loco C extremæ obiecti partes A & F perfectè satis, è propinquiore autem loco minùs quàm decet accuratè dignoscantur; quòd Guidus Vbaldus lib. 1. Perspectiuz alia confirmat ratione, ingeniosa quidem, at minùs solida: Oculus, inquit, cùm sit figuræ sphæricæ, visioque in centro pupillæ celebretur, si oculus C aciem in A conuertat, videbit nihilominùs signum F : nam cùm $C A$ sit axis opticus, transibit is per oculi ac pupillæ centrum, & $C F$ quæ ipsi $C A$ normaliter adiungitur, oculi orbem in pupillæ centro continget per 16. tertij Euclidis: igitur axe optico in A conuerso signum F conspicuum erit, imò & quocumque sese oculus conuerterit, totum obiectum comprehendet; quod neutiquam accidet si oculus propinquiore loco collocetur, vbi extremi radij obtusum angulum cum axe optico efficient.

Hæc in speciem rectè dici videntur, at facilè conuelli ex dictis possunt: nam prior ratio tum solum locum habet, cùm ab oculo C in medium obiecti $A F$, puta D , axis proiicitur; non item verò cùm axis opticus propositum obiectum in partes inæquales diuidit: vt si obiectum sit $A B$ idem quòd priùs, oculus autem in G constituitur, vnde emissi extremi radij $G A$ & $G B$ rectum angulum contineant, erit nihilominùs is æquo propinquior, quòd pars A ab oculo cuius axis in D immotus desigitur, non satis accuratè propter obliquitatem videatur.

Nec Guidi ratio conuincit. Est enim, videatur signum F ab oculo C axe optico in A

defixo, ad non satis videtur enucleatè: neque agimus hoc loco de eo intuitu, qui fit oculo per omnes rei partes delato, vt paulò antè dicebamus; itaque nihil ad præfens negotium facit, quòd acie defixa in A nihilominus quoquo modo videatur, cum id postulemus, vt etiam aptè concinneque cernatur.

Præterea si terminus iustæ distantia minimus is esset, ad quem extremi radij angulum rectum constituerent, sequeretur eiusdem obiecti comparatione nullum esse iustæ distantia terminum minimum: nam si circa obiectum A B semicirculus describatur A C B, & dicatur D G minimus esse iusti interualli terminus, dico minorem illo dari posse, nempe K H: oculo enim in H posito erit extremorum radij angulus A & H B ad H rectus per 1. tertij Euclidis, & quoniam omnes qui in semicirculo anguli recti sunt, oculo in quavis parte semicirculi A C B constituto, iusta erit ipsius à re distantia licet minima: cumq; rectæ linæ normales ipsi A B ad semicirculi peripheriam excitatæ, eò semper sint minores quòd ab umbilico seu centro remotiores per 15. tertij Euclidis, nec in his vlla dari queat minima, palàm est ex hac hypothese nullù posse dari iustæ distantia terminum minimum, etiam vnus eiusdemque visibilis comparatione; quod sanè nemo concesserit: igitur rectè à nobis supra minimus iustæ distantia terminus est definitus.



III.

STATVE NDVM præterea inter rem & oculum perpendiculi fide erectum planum (quod in presenti diaphanum finge eoa vitreum interseptum) per quod & res, & quæ ultra rem ipsam ad vsque Horizontem constituta sunt, liberrimè conspiciantur. Hoc planum instar *tabule* erit, in qua designabuntur quæcumque post ipsam existunt, sic vt quæ in plano notata erunt signa, rebus singulis secundum aspectum respondeant. Et quoniam, vti initio huius libri diximus prænotatione nona, nihil interest sitne planum ultra an citra rem obiectam constitutum, rursus an propè sit an procul, cum ex plani transpositione seruato situ, projectionis ratio non immutetur; liceat nobis tollendæ confusionis gratia tabulam vno semper in loco, eoque commodissimo, collocare, (quod & in superioribus projectionibus obseruauimus!) nempe proximè ante rem ipsam, sic vt primam rei frontem contingat, sitque planum idem & rei obiectæ initium.

IV.

IAM finge à pedibus videntis directè ad Horizontem vsque rectam lineam per terræ superficiem perreptare, quæ communem sectionem tabulæ solique subiecti rectis angulis peruadat: hæc *linea terræ* nuncupetur, quòd in terræ planitie existat, in eaque videntis à re distantiam metiatur.

V.

FINGE etiam linæ terræ parallelam emitti ab oculo, voceturque *radius principalis*, quòd in tabulam secundum normam rectosque angulos incidat. Hæc linea tametsi priori re ipsa parallela sit, non est tamen parallela quoad aspectum: nam qua ab intuentis loco ambæ vnà discedunt, stringi semper magis ac magis videntur, quòd per 44. proposit. libri quarti illarum intercapedo quòd à vidente remotior est; eò semper appareat minor: ob ingentem verò distantiam qua protenduntur, tandem in vnum aliquod punctum coire videntur; quod sanè punctum in apparente Horizonte existere necesse est, propterea quòd linæ terræ in Horizontem tandem terminetur. Porro an terræ linæ ad immotum principalem radium conscendat, an contrà ad immotam terræ lineam radius principalis deprimatur, an denique altera ad alteram inclinetur, ex iis quæ libro quarto docuimus haud erit arduum definire, tametsi prima fronte difficilis videatur hæc postulatio. Quoniam radius primarius ab oculo procedit, perspicuum est per 38. 39. & 40. proposit. libri quarti, omnes parallelas ad ipsum accedere: & illam quidem, quæ

A quæ inferior est, in sublime paulatim efferri per 39. eiusdem libri quarti: ex quo fit vt Horizon editiori loco appareat, quàm reuerà fit: nam partes terrestris lineæ quò remotiores sunt, eò altius assurgere videntur: itaque Horizon qui remotissimus est, apparet altissimus, in eadem nempe altitudine cum radio principali, quem transcendere secundum aspectum non potest. Hinc fit etiam vt Horizon scenographicè proiectus in rectam tabulæ lineam incidat: nam cum radius principalis & Horizon in vno appareant plano, vt iam ostendimus, sitque huius plani & tabulæ communis intersectio recta linea per 3. vndecimi Euclidis, erit Horizontis proiecta forma recta linea.

VI.

B **Q**UARE in proposita tabula designandum primo loco est punctum quoddam ad altitudinem oculi, seu eò loci vbi radius principalis tabulam peruadit. Hoc punctum *primarium* vocetur, tum quòd radij principalis sit proiectura, tum quòd quæcumque describenda occurrunt, eo sese referant vniuersa. Constat in primis radium principalem, quoniam ex oculo emicat, in punctum tabulæ procidere, at non in aliud quàm in id quod radio principali & tabulæ commune est, hoc est in quo principalis radius tabulam in transitu attingit: igitur *primarium* punctum nil aliud est, quàm ipsius radij principalis proiectura, quò spectant cetera omnia quæcumque circumstant. Hoc punctum tamen supra terræ superficiem sublime reipsa sit, atque adeò supra ipsum etiam verum Horizontem; tamen punctum aliquod apparentis Horizontis ab aspectu furripit; illud nimirum in quod terræ linea ad Horizontem terminatur: hoc enim propter longinquitatem cum ipso principali radio congregi videtur, vt quinta præceptione ostendimus. Cum ergo & ipse principalis radius in punctum proiciatur, necesse est punctum *primariũ*, quod in tabula signatur, duorum simul vices subire, principalis scilicet radij qui in punctum proicitur, & extremitatis lineæ terrestris, quæ in Horizontem definitur: hæc enim extremitas seu punctum Horizontis quoniam secundum aspectum cum principali radio conuenit, totusque principalis radius in punctum tabulæ incidit, perspicuè patet hoc punctum illud quoque punctum Horizontis obtegere, in quod terræ linea definit, & cum principali radio secundum aspectum congregitur.

C *Primarij puncti* comparatione *secundaria* non immeritò vocari possunt, quæcumque circumcircà designari possunt: quorum vsum suo loco inferiùs aperiemus, cum de parallelarum in tabula apparentium congressionibus ex instituto agemus.

VII.

D E I N D E ab eo loco, vbi linea terræ infernam tabulæ partem attingit, recta linea ad punctum *primarium* est perducenda: hæc eam portionem terrenæ lineæ repræsentabit, quæ à loco cui tabula insidet ad Horizontem vsque protenditur, vt ex dictis constat: siquidem infernum punctum designatæ iam in tabula lineæ vtrique scilicet tabulæ & lineæ terrenæ commune est, supernum verò extremum exhibet terrenæ lineæ terminum, quo in Horizonte deficit: igitur tota quæ ab ima tabulæ parte ad punctum *primarium* ducetur recta linea, eam repræsentabit terrestris lineæ portionem, quæ à tabula ad Horizontem vsque protenditur.

VIII.

D E N I Q V E si huic alia adiungatur recta linea normalibus ad signum principale angulis, erit hæc ipsius Horizontis circularis ambitus in rectam tabulæ lineam proiectus: nam quinta præceptione ostendimus Horizontis proiecturam recta linea in tabulam transcribi: cumque per sextam præceptionem constet punctum *primarium* puncto cuiusdam Horizontis obijci, manifestè sequitur rectilinearem Horizontis descriptionem per punctum *primarium* in tabula traduci: at quemadmodum Horizon verus vndique libratus æqualem altitudinem habet ad intuentis oculum qui ipsum è medio loco seu centro circumspicit, ita & proiectus in tabulam Horizon eandem vbi que sublimitatem à terra acquirit, ipsamque terræ lineam proiectam, quæ ad perpendicularum consistit, normaliter secat. Quocircà cum Norma perpendicularum à Libra discriminet, erit quæ per *primarium* punctum terrestris lineæ normalis ducitur, ipsius Horizontis proiectura.

Quæ hæcenus recensuimus, præcipuè circa expositam tabulam versantur: nunc quedam ex ipsis quoque rebus sunt prælibanda.

IX.

A

QVAE CVM QVE certa lege describi possunt, vt lineæ, & quæ his continentur figuræ, ea necesse est in planis quibusdam existerè: itaque ante omnia ipsa distinguenda sunt plana: deinde etiam lineæ quæ illis inscriptæ cernuntur. Plana igitur aut ad perpendicularum erecta consistunt, aut ad Horizontem librata extenduntur, aut obliquum situm obtinent. Quæ ad perpendicularum excitantur, aut directè aspectui obuertuntur, vt ædificiorum frontes, quæ ex aduerso intuentem respiciunt, ideoque *aduersa* nuncupantur; aut à spectatore Horizontem versus directò abscedunt, vt parietes qui aduersa plana rectis angulis secant, hæc autem *directa* vocentur. Ex ijs verò quæ Horizonti exæquantur, quædam supra, alia infra oculum sunt constituta: hæc inferna, illa superna, at omnia *Horizontalia* appellentur. Inferna sunt pauimenta, superna tabulata, & quæ his similia. Cetera autem *obliqua* sunt; ex quibus nonnulla perpendicularia quidem, at *declinantia*, vt perpendicularares parietes, qui nec ex aduerso spectantur, nec directò ad Horizontem procurunt, sed ab vtrisque declinant, & in vnam vel in alteram partem deflectunt. Alia *inclinantia* sunt, quòd in alterum latus propendeant, vt tecta quæ aduersis aut directis parietibus insistent: alia *declinantia simul & inclinantia* sunt, vt tecta quæ in obliquos recumbunt parietes.

B

Sub his planorum appellationibus continentur illa quoque omnia, quæ cuiusque nominis plano sunt parallela: vt quæcumque in structuris primæ aduersæ fronti parallela sunt, aduersa nuncupantur, & directæ, quæcumque ab vno planorum in directum abscedentium æquidistant: atque eodem modo in ceteris, propterea quòd parallela omnia, cuiuscumque nominis sint, plurimum inter se cum natura tum descriptionis modo conueniant.

C

X.

VT I planorum, ita & rectarum linearum quadrigemina partitio est. Sunt enim *directæ* quædam, ex scilicet quæ directò ad Horizontem procurunt, cuiusmodi in primis est radius principalis propria vocis significatione directus nuncupatus, deinde linea terræ, & quotquot radio principali sunt parallelæ. Alia *transuersa* sunt, quæ nimirum ad Horizontem perlibratæ directas ad normam secant, è quibus vna quidem est communis terræ & tabulæ intersecctio, ceteræ verò huic parallelæ. Alia sunt *perpendicularares*, quæ directis transuersisq; ad perpendicularum insistent: è quibus illa quæ per primariū punctum transit, *primaria perpendiculararis* appelletur. Alia denique *obliqua*, quæ à tribus iam nominatis quaquaversus deflectunt, omnemque reliquam varietatem complectuntur. Huius distributionis ratio tum ex corporum dimensionibus, tum ex positionum differentijs demonstrari potest. Cum enim tres dumtaxat rectæ lineæ sese ad rectos angulos in eodem puncto secare possint, quæ tergemina corporum dimensionem repræsentent, & ad sex positionum differentias porriguntur, erunt perpendicularares lineæ eæ, quæ à summo deorsum delapsæ ipsam indicant corporum longitudinem; transuersæ autem illæ, quæ dextram sinistramque petunt, velut in latitudinem extensæ; directæ denique illæ, quæ rectà in anteriora procedunt, corporumque profunditati respondent; at obliquæ sunt omnes reliquæ ad medias positionum differentias protensæ.

D

E

XI.

DIRECTÆ lineæ reperiuntur in planis directis & Horizontalibus, ijsque quæ in directos parietes inclinatur; non autem in aduersis neque in declinantibus. Transuersæ lineæ primò in aduersis habentur planis, deinde in Horizontalibus, tum in ijs quæ in aduersa plana inclinantur; non autem in planis directis, neque in declinantibus. Perpendicularares denique lineæ, in aduersis, directis, & declinantibus; non autem in Horizontalibus vel inclinatis planis existunt: at obliquæ lineæ in omnibus inveniuntur planis: nam cum ex propria naturæ conditione malæ sint, seu minus excellentes, facile omnia peruagantur.

F

Nunc quo pacto hæ omnes lineæ in proposita tabula designari secundum datam oculi altitudinem ac distantiam debeant, qua item ratione earum quæ in directum abeunt, interualla sensim constringi angustarique aptè possint; ac denique qua proportionem transuersarum distantiarum seu intercapedines minuendæ sint, sequentibus propositionibus velut regulis explicandum est. His enim cognitis, omnia quæ ad Scenographicas

A phices institutum pertinent, abundè perspecta erunt. Est verò id ante omnia supponendum, quod in superioribus projectionum generibus demonstrauius: si res quæ obijcitur, fuerit punctum, id quod in tabula apparet, punctum esse; si linea, quandoque in punctum, quandoque in lineam incidere per 3. vndecimi Euclidis; si superficies, id aut solam lineam, aut superficiem occupare; si denique fuerit corpus, perpetuò in superficiem transcribi. Nunc ergo ad rem accedamus.

PROPOSITIO CXXX. THEOREMA.


B *Directæ omnes lineæ ad punctum tabulæ primariũ contendunt.*



QUEM AD MODVM terræ lineæ, ita & ceteræ directæ lineæ, quæ radio principali parallelis interuallis assistunt, in immensum productæ cum ipso tandem principali radio cõcurrere ad Horizontem videatur. Nam quoniam sunt tum principali radio, tum inter sese parallelæ, omnesq; ab aspectu in directum abeunt, necesse est illarum intercapedines secundum aspectum paulatim minui, ac ipsas proinde quæ in directum porriguntur lineas sensim adduci. Quoniam verò principalis ipse radius ex oculo emicat, ad ipsum ceteræ omnes lineæ, velut à circumferentia ad circuli centrum radij confluere videbuntur, per

C 38.39. & 40. propositionem libri quarti, & inferiores quidem assurgere, atque in altum efferi; superiores autem, tamquam ex editiori loco in subiectum principalem radium delabi; quæ denique à dextris, in sinistram; & quæ à sinistris, in dextram nonnihil deflectere: sequæ omnes ad principalem radium qui medium locum obtinet, pari inclinatione adiungent, donec cum illo omnes secundum aspectum conueniant: at principalis radius in solitarium tabulæ punctum incidit, quod primarium supra nominauimus: igitur directæ omnes lineæ in tabulam transfusæ primarium punctum petunt, & in id omnes protractæ vnà congregiuntur. Id quamuis ex dictis perspicuum esse videatur, lubet tamen maioris claritatis gratia eius veritatem Geometrica etiam demonstratione comprobare.


D



E Oculo A duæ obijciantur directæ lineæ BD & EG infinite protractæ; tabula verò BH ad utramque BD & EG recta sit, in eaque primarium punctum K : dico directarum linearum BD & EG proiecturas ab extremis punctis B & E prodeuntes, in puncto primario K sibi mutuò occurrere. Quod vt palàm fiat, ducatur LM ipsi BE parallela, & AL, AM ab oculo promittantur, radius verò principalis AK versus K infinite protendatur in N :

F his peractis, duo fingantur plana, vnum per LD & alterú per MG extensa, quæ sibi mutuò incidant ad communem lineam AN : ex his planis vnà cum plano in quo datæ existunt directæ lineæ BD & EG , Prisma constituitur triquetras habens bases ALM & NDG : hoc ergo si plano secetur BH , quod tabulæ loco est, fiet in eo sectio BKE triangulum, cuius latus BK ipsius BD infinite productæ, & EK ipsius EG item productæ genuina authenticaque transumptio est. Nam cum plana $ALDN$ & $AMGN$ per oculum transfeant, erunt ipsa instar opticorum radiorum, quibus lineæ LD & MG conspiciuntur. Vbi itaque plana $ALDN$ & $AMGN$ tabulam in transitu interfecant, ibi linearum BD & EG proprias proiecturas exhibent, per commune proiecturarum axioma. Ostensum est au-

tem communes sectiones tabulæ HB & planorum $ALDN$ & $AMGN$ esse BK & EK A trianguli latera, K autem punctum esse primarium, quod radius principalis productus



in tabula signat: itaque directæ lineæ BD & EG , tabulæ inscriptæ ad primarium punctum contendunt. Eadem porro demonstratio fiet in ceteris omnibus directis lineis, quocumque tandem in plano fuerint: igitur vniuersè constat omnes lineas directò in anteriora productas, cum tabulæ scenographicè inscribuntur, ad signum primarium conuenire; quod demonstrare oportebat.

Hæc quamuis perspicua sit demonstratio, potest tamen & geometricè probari propositum hoc alio modo: Fiant BD & EG æquales: erunt ergo DX & DG ipsis BI & BE æquales & parallelæ per 33. primi Euclid. quare per DG extendi poterit planum tabulæ BHE parallelum: hoc verò simul & tabula cum secetur radiofa superficie DAG , erunt communes sectiones DG & RS parallelæ per 16. vndecimi Euclidis: quapropter ob similitudinem triangulorum DAK & RAE erit $vt DA$ ad AR , ita DX ad RE : est autem DA quàm AR maior: ergo & DX , hoc est BI eadem RE maior erit: ideoque lineæ BR & IE productæ aliquando conuenient, nempe in K .

Quòd autem in punctum primarium incident, sic probabitur: Quoniam BI & RE ipsi DX , ideoque & inter se sunt parallelæ per 9. vndecimi Euclid. erit ob triangulorum BKI & RKE similitudinem $vt BK$ ad KR , ita BI ad RE : cumque sit DX ipsi BI æqualis, eandem habebit proportionē DX ad RE , quam BI ad RE per 7. quinti Euclid. vt verò DX ad RE , ita est DA ad AR ; & $vt BI$ ad RE , ita BK ad KR : erit igitur per 11. quinti Euclidis BK ad KR , $vt DA$ ad AR ; & diuidendo $vt DR$ ad RA , sic BR ad RE . Est porro angulus ARK angulo DRB æqualis per 15. primi Euclidis: igitur per 6. sexti Euclid. æquiangula sunt triangua ARK & DRB , angulusque KAR angulo BDR æqualis; ideoque AK parallela est ipsi BD per 28. primi Euclidis: quocircà erit AK radius principalis, & E K , vbi BR & IE conueniunt, punctum primarium.

Super est vt ostendamus ipsam quoque ES productam in idem punctum K incidere. Cum sit $vt DA$ ad AR , ita BK ad KR , & $vt DA$ ad AR , ita DG , hoc est BE ad RS , erit etiam $vt BK$ ad KR , ita BE ad RS : quare per 41. lemma huius libri ES producta in K incidet, quæ omnia erant demonstranda.

PROPOSITIO CXXXI. THEOREMA.

Linea transfuersa, & perpendicularares, & quacumque demum directas ad normam secant, in parallelas tabula lineas transfuersas incidunt.

SINT transfuersæ lineæ BE , CF & DG , earumque proiecturæ BE , OP , & RS : has dico parallelas inter se esse. Nam cum transfuersæ omnes lineæ parallelæ sint inter se per 28. primi Euclidis, quòd nimirum directæ lineæ in illas rectis, hoc est æqualibus angulis incidant, poterunt per CF & DG plana quædam extendi tabulæ parallela. Esto igitur per CF actum planum CVF parallelum ipsi BKE , vtrumque autem planum secet radiofa superficies CAF , qua CF aspi-

A C F aspicitur : perspicuum est igitur per 16. vndecimi Euclidis, communes huius atque illorum planorum sectiones o p & c f parallelas inter se esse. Simili verò ratione actò per d g plano d n g, quod tabulæ b k e æquidistet, conspectaque d g per radiosam superficiem dag quæ ad vtrumque planum pertineat, erunt communes huius & illorum sectiones r s & d g parallelæ per eandem decimam sextam propos. vndecimi Euclidis : eodemque modo se res habet in ceteris : at b e, c f & d g ex peculiari conditione naturaque transuersarum linearum ostensæ sunt inter se parallelæ : igitur & b e, o p & r s ipsarum scilicet transuersarum proiecturæ, parallelæ inter se erunt per nonam vndecimi Euclidis ; quod ostendendum fuit.

B Non alia est in perpendicularibus demonstratio : constat enim posse per illas extendi plana quædam tabulæ æquidistantia ; hæc ergo simul & tabulam dum secant, radiosæ illæ superficies quæ ab oculo ad perpendiculares lineas euibrantur, sectiones in tabula faciunt primitiuis perpendicularibus parallelas ; quæ proinde & inter se parallelæ sunt per 9. vndecimi Euclidis.

Transuersis perpendicularibusque lineis similes quædam reperiuntur, medio inter utrasque loco constitutæ, quæ proinde de genere obliquarum sunt. Eiusmodi videre in primis licet in aduersis planis ; quotquot nimirum obliquam quancumque lineam ad rectos angulos secant, quæ omnes vt parallelæ reipsa sunt, ita in parallelas tabulæ lineas transcribuntur. Cùm enim aduersum planum à tabula æquè vndique distet, fient in

C vtrisque à radiosæ superficiebus sectiones per decimam sextam propositionem vndecimi libri Euclidis inter se parallelæ.

Deinde in tectis quæ directis nituntur parietibus, eiusdem generis parallelæ inueniuntur, quæ videlicet à summo tecti fastigio in imam basin, quæ directa est linea, demittuntur : hæc inquam in parallelas tabulæ lineas, vt priores destinantur : quod & simili modo ostendi poterit, si per singulas illarum plana quædam acta intelligas æquè à tabula vndique disiuncta : igitur transuersæ, & perpendiculares, & quæcumque demum directas ad normam secant, tabula exceptæ, parallelarum naturam retinent ; quod erat demonstrandum.

CONSECTARIVM.

D *Lineæ omnes libra perpendicularis, expensæ eundem situm proiectæ retinent.*

H I N c sanè perspicuè colligi potest, omnes illas quæ ex transuersis, & perpendicularibus, similibusque obliquis in tabula apparent, proiectas lineas, eundem cum primitiuis situm habere, hoc est transuersas in tabula iuxta ac in rebus ad Horizontem libratas esse, & perpendiculares communi tabulæ solique intersectioni ad rectos angulos insistere : nam omnes quidem illæ rectæ lineæ Horizonti æquantur, quæcumque vni ad Horizontem libratae sunt parallelæ : at ostensum est iam omnes transuersarum

E proiecturas primitiuis parallelas esse : sunt verò transuersæ omnes lineæ ad Horizontem perlibratae, vt ex ipsarum definitione constat : igitur & quæ in tabula illis respondent, libellæ æqualitatem retinent. Rursus cùm radiosæ illæ superficies quæ ab oculo ad perpendiculares destinantur, ad subiectum planum rectæ sint per decimam octauam propositionem vndecimi Euclidis, sitque & tabula ad idem planum recta ex hypothese ; erunt per decimam nonam propositionem libri vndecimi Euclid. & communes sectiones tabulæ ac radiosarum superficialium ad subiectum planum rectæ : sunt verò eæ communes intersectiones ipsarum perpendicularium conspectarum transcriptæ notæ ac propriæ proiecturæ : igitur quæ in rebus perpendiculares sunt, & in tabulam transumptæ perpendiculares subiecto plano erunt.


F Potest idem quoque in proiecturis perpendicularium linearum ex octaua propos. vndecimi Euclidis nullo negotio demonstrari. Cùm enim perpendicularium proiecturæ primitiuis ostensæ sint parallelæ, sintque eæ quæ in rebus ad subiectum planum rectæ, erunt proiectæ quoque perpendiculares lineæ ad idem subiectum planum rectæ. Nam per eandem octauam propositionem vndecimi libri Euclidis, si quotcumque sint parallelæ rectæ lineæ, quarum vna ad rectos cuiuspiam plano sit angulos, & reliquæ eidem plano ad rectos angulos erunt : igitur lineæ omnes perpendiculo expensæ eundem situm proiectæ retinent ; quod ostendisse oportuit.

Apparentium in tabula parallelarum intervalla secundum datum aspectum contrahere.



SUPERIORE propositione ostendimus triplex parallelarum genus in parallelas tabulæ lineas consignari, nempe transuersas, perpendiculares, atque vniuersim obliquas illas omnes quæ directas secundum normam secant: nunc in earumdem linearum transcriptionibus illud tantummodò desiderari videtur, vt ostendamus qua ratione plurium longa serie sese subsequentium remotiora ab oculo intervalla contrahi minuique debeant: id sanè omnibus compertissimum est, æqualium spatiorum ea quæ ab oculo remotiora sunt in minores formas transcribi: ergo si plures parallelæ lineæ paribus intervallis disiunctæ vna post alteram longo ordine dispositæ spectentur, erunt remotiorum intercapedines in tabula minores; cæ verò maiores quæ propinquiores. Hæc porro spatiorum decrementa quo pacto in tabula inueniri debeant, aperiendum est.

Sunto in plano LG expositæ quocumque transuersæ lineæ BE , CF & DG , A verò oculi locus, vnde perpendicularis in subiectum planum LG demittatur AT per 11. vn-



decimi Euclidis: hinc in eodem subiecto plano directæ lineæ signetur TX , quæ lineæ terræ erit, siquidem LG horizontale est planum: præterea ipsi BE tabula rectis insistant angulis HBE lineam TX secans in puncto I , à quo perpendicularis erigatur IK per 12. vndecimi Euclidis: hæc proiectura est ipsius IX infinite versus X productæ, punctaque omnia, quibus transuersarum intercapedines distinguuntur, in se recipit. Promissis igitur ab oculo ad I , Z & X opticis radijs, hi vbi lineam IK interfecant, ibi parallelarum BE , CF & DG æquales intercapedines in tabula signant, per commune proiecturarum axioma.

CONSECTARIVM.


Vt data transuersa lineæ distantia à vidente, ad eiusdem à tabula distantiam; ita oculi altitudo ad transuersa sublimitatem in tabula apparentem.

Ex demonstrato iam theoremate colligas, quemadmodum TZ composita ex oculi distantia TI , & parallelarum BE & CF intervallo IZ , se habet ad ipsum intervallum FI IZ , ita se habere oculi altitudinem AT ad IA intervallum parallelarum apparens. Cùm enim sit AT ipsi IA parallela, erunt triangula ATZ & IAZ æquiangulara per 4. lemma libri quinti; ac proinde proportionalia ipsorum latera per 5. sexti Euclidis: quare vicissim quoque vt TZ ad AT , sic IZ seu verum intervallum ad IA intervallum apparens.

Quod in horizontali plano inferiore ostendimus, idem & in superiore locum habet: cuius veritatis elucidandæ gratia nulla alia schematis delineatione opus esse video præter hanc ipsam inuersam: nec in transuersis modò, sed & in perpendicularibus, ac ceteris etiam omnibus quæ directas normaliter secant, eadem valebit demonstratio, si

A ab oculo A ad planum in quo parallelæ propositæ lineæ existunt, perpendicularis agatur, quemadmodum supra ad subiectum horizontale planum demissa fuit A T; ceteraque omnia eodem perficiantur modo.

Illarum autem parallelarum quæ vel in declinantibus planis sunt perpendiculares, aut in ijs quæ in anteriorem posterioremve partem inclinantur planis, cernuntur transf-




uersæ, non multùm discrepat contractionis modus: in his siquidem solius plani, quæ à directo processu defleat, habenda est ratio. Exempli causa, esto vt supra oculus A, eiusque ab horizontali plano altitudo A T, distantia verò à plano viso T I, quod ab Horizontis libramento inde ab I attoni versus X concedatur, ita vt B G planum exhibeat in anteriora inclinatum (de ceteris porrò quæ vel in posteriorem partem inclinantur, vel solum declinant, idem erit iudicium) in quo datæ sint transversæ lineæ B E, C F & D G, quarum interualla secundùm oculi constitutionem in A tabulæ inscribere, & iusta proportione contrahere oporteat. A puncto I, quod commune est terrenæ lineæ & tabulæ, recta agatur linea I X, quæ reliquas parallelas C F & D G ad normam secet in punctis Z & X, ad quæ ab oculo radij procidant tabulam secantes in α & ϵ . Per hæc ergo tabulæ puncta, si parallelæ ipsi B E ducantur O P & R S, perspicuum est per præcedentem propositionem has esse primitiuarum parallelarum C F & D G Scenographicas proiecturas: quare & interuallum I α ipsum I Z, & $\alpha \epsilon$ ipsum Z X repræsentat, quod erat propositum.

PROPOSITIO CXXXIII. THEOREMA.

Fieri potest, ut non parallela recta linea in parallelas tabulæ lineas transcribantur.



S I N T oculo A duæ propositæ rectæ lineæ B C & D E in horizontali plano ita dispositæ, vt radiosque superficies A B C & A D E, quibus datæ illæ lineæ videntur, ad planum rectæ sint: dico illarum transumptas B F & D G in tabulæ parallelas esse. Cùm enim ex hypothese sit tabulæ quoque H K ad rectos horizontali plano angulos constituta, communes etiam tabulæ & radiosarum superficierum




rum ABC & ADE intersectiones BF & DG , ad rectos eidem plano angulos erunt per 19. vndecimi Euclidis: quare per 6. vndecimi Euclidis BF & DG ex non parallelis BC & DE transumptæ, parallelæ inter se erunt; quod erat demonstrandum.

PROPOSITIO CXXXIV. PROBLEMA.

Locum oculo designare, unde non parallela data recta linea parallelis tabula lineis aspectu respondeant.

PRODUcantur data recta linea BC & DE , donec concurrant in L ; & B ab L plano, in quo data recta linea non parallela existunt, perpendicularis excitetur LA : dico e quouis huius lineæ signo spectatas lineas BC & DE in parallelas tabulæ lineas transfundi. Est enim oculus in A : quoniam igitur AL ad subiectum planum recta est, erunt & triangula ALC &

ALE ad idem planum recta per 18. vndecimi Euclidis: sed radiosæ superficies ABC & ADE , quibus propositæ lineæ spectantur, in iisdem sunt planis cum triangulis ALC & ALE : igitur illæ quoque ad subiectum planum rectæ erunt; atque



idcirco illarum ac tabulæ communes intersectiones BF & DG ad rectos subiecto plano angulos erunt per 19. vndecimi Euclidis: unde tandem efficitur per 6. vndecimi Euclidis, parallelas quoque inter se esse easdem BF & DG , quæ ex non parallelis BC & DE oculo in A posito in tabulam transportantur. Cumque hæc demonstratio omnibus punctis lineæ ex L ad perpendiculum excitatæ conueniat, perspicue patet locum oculo repertum esse, unde non parallela recta lineæ in parallelas tabulæ lineas deferantur, qui assignandus erat.


PROPOSITIO CXXXV. THEOREMA.

Parallela omnes lineæ, quæ directas obliquè secant, tabula exceptæ in unum aliquod idemque punctum concurrunt.

DIRECTÆ lineæ ijs quibus ad rectos angulos incidunt, contrariè quodammodo opponuntur: hæc namque in tabulam traductæ parallelis spatijs E disiunguntur, nec punctum aliquod commune habent, vt propositione 131. demonstrauius: illæ verò in punctum primarium, ceu directi aspectus umbilicum, centrumque eorum omnium quæ in tabula spectantur, conueniunt: inter has mediæ consistunt illæ quæ in directas obliquis angulis incidunt: nam partim in anteriora procedunt, partim verò ad latera, sursumve aut deorsum defleunt: quare huius generis parallelæ hoc quidem cum directis conueniunt, quòd in vnum aliquod punctum proiectæ congregiantur; hoc autem discrepant, quòd prius quàm coeant, longius quàm directæ excurrant, ac tantò profectò longius, quanto minùs directè in anteriora protenduntur; qua proprietate ad naturam illarum quæ directas normaliter secant, propius accedunt. Ex quo fit, vt puncta concurrentium eiusmodi obliquarum parallelarum ipsum primarium punctum vndique circumstant, e quibus illa quidem propinquiora sunt in quæ illæ definiuntur, quæ minùs oblique in anteriora feruntur; illa autem remotiora, ad quæ obliquiores terminantur. Pono qua arte punctum inueniri possit, ad quod data parallelæ lineæ in tabulam transcriptæ contendant, mox sequentibus propositionibus dicturi sumus: nunc id prius vniuersè ostendendum sit, parallelas omnes quæ obliquis angulis directas secant, tabulæ exceptas in vnum aliquod idemque punctum conuenire: quod Geometricè demonstrabimus in hunc modum:

Sit oculus A , eiusque altitudo AL ab horizontali plano, in quo datae sint quocumque obliquæ


A obliquæ lineæ B C, D E & F G inter se quidem, at non ipsi transuersæ lineæ π s paralle-
 læ, quarum projecturæ sint H K; O N & P R in tabula Q M, quæ transuersæ lineæ M s se-



cundum rectos horizontali plano angulos insistit: dico H K, O N & P R, in vnum quod-
 piam idemque tabulæ punctum productas concurrere; quod hoc modo licebit demon-
 strare: A puncto L duæ emittantur rectæ lineæ L F & L G, ab oculo verò A radij proci-
 dant A B & A C; item A D & A E, denique A F & A G: quoniam igitur puncta B, D & F
 E apparent in punctis H, O & P, estque signum π tabulæ subiectoque plano commune,
 perspicuum est eam quæ per T, H, O, P ducitur, rectam lineam esse, atque ipsius T B D F
 projecturam per 123. libri huius. Eodem modo recta ostendi potest linea s K N R, in
 quam projecta s C E G incidit: cum verò A L subiecto plano ad rectos sit angulos per
 constructionem, erunt radiosæ superficies A L F & A L G ad subiectum planum. rectæ
 per 18. vndecimi Euclidis: sed tabula Q M ad idem subiectum planum recta est ex hy-
 pothesi: itaque per 19. vndecimi Euclidis T P & s R, communes scilicet sectiones tabu-
 læ & radorum A L F & A L G, subiecto plano sunt perpendiculares, ideoque & inter se
 parallelæ per 6. vndecimi Euclidis. Si iam a puncto s recta ducatur datis obliquis lineis
 B C, D E & F G parallela, nempe s Y, ac per R s Y planum agatur, erit id quidem per 18, vn-
 decimi Euclidis ad horizontale planum rectum, siquidem ostensa est R s ipsi subiecto
 F plano perpendicularis; cum verò sit A L F, radiosæ nimirum superficies qua B F videtur,
 ad subiectum planum recta, erit & Z Y communis videlicet sectio plani R Y & A L F sub-
 iecto plano perpendicularis per 19. vndecimi Euclidis; atque idcirco erit. Z Y ipsi quo-
 que R s parallela per 6. vndecimi Euclidis: quare V K; X N & Z R erunt datarum
 parallelarum B C, D E & F G projecturæ in plano R Y apparentes: at quoniam s Y pa-
 rallela posita est ipsis B C, D E & F G, erunt & V K, X N & Z R tum inter se, tum ipsis B C,
 D E & F G parallelæ per 131. huius: sunt verò & Z Y & R s inter se parallelæ: igitur paralle-
 logramma sunt R X & X K, quorum proinde opposita latera R N & Z X, item N K & X V
 per 34. primi Euclidis sunt inter se æqualia. Rursum quoniam æquidistantes ostensæ sunt

z y & p t, erit in triangulis $A X V$ & $A X Z$ vt $A X$ ad $A O$, ita $x v$ ad $o h$, & $x z$ ad $o p$ per 4. sexti Euclidis, nimirum propter triangulorum similitudinem, quam nos lemmate 4. libri quinti ostendimus: est verò $A O$ ipsâ $A X$ minor vt pars totâ; igitur & $o h$ & $o p$ ipsi $x v$ & $x z$ sunt minores: ideoque & ipsi $N K$ & $N R$ minores erunt, quòd hæ ipsi $x v$ & $x z$ ostensæ sint æquales: quocircâ $R P$, $N O$ & $K H$ nequeunt esse parallelæ; sed ad partes P , O & H productas congrèdi necessum est.

In vnum autem idemque punctum simul omnes contendere in hunc modum pos-



[Faint, illegible text, likely bleed-through from the reverse side of the page.]

sumus demonstrare: Esto ϵ punctum in quod duæ $R P$ & $N O$ productæ conueniant: dico & tertiam $K H$ in idem punctum ϵ protractam incidere: cum enim æqualis sit $R N$ ipsi $z x$, habebit vtraque ad eandem $P O$ similem omnino rationem per 7. quinti Euclidis: sed $R \epsilon$ ita se habet ad $P \epsilon$, vt $R N$ ad $P O$; & $z A$ ad $P A$, vt $z x$ ad $P O$: igitur per 11. quinti Euclidis, vt $z A$ ad $P A$, ita se habet $R \epsilon$ ad $P \epsilon$. Rursus cum sit vt $z A$ ad $P A$, sic $R \epsilon$ ad $P \epsilon$, sitque $z A$ ad $P A$ vt $z v$ ad $P H$, erit & $R \epsilon$ ad $P \epsilon$ vt $z v$, hoc est æqualis ipsi $R K$ ad $P H$: quocircâ per 41. lemma huius libri $K H$ quoque si producat, cum $N \epsilon$ & $R \epsilon$ in idem punctum ϵ incidet, quod erat demonstrandum.

PROPOSITIO CXXXVI. THEOREMA.

Quæ directas obliquè secant parallela linea, in tabulam transcripta eo loci concurrunt ubi radius opticus primitiuus parallelis æquidistans tabulam inuadit.

Hæc proprietas directis lineis manifestè inest: nam propositione 130. ostendimus eas tabula exceptas in punctum primarium conuenire: est verò is qui ab oculo ad punctum primarium ducitur radius, directis omnibus lineis parallelis: igitur omnes directæ lineæ in illud tabulæ punctum secundum aspectum conueniunt, in quò radius opticus directis lineis parallelus tabulam in transitu attingit.

Non

A Non est autem hæc æquè perspicua veritas in ceteris parallelis, quæ proiectæ in vnum punctum conueniunt: quare in his quoque idem demonstrare nobis hoc loco propositum esto. Reposito superiore schemate iungatur $A \varepsilon$, hancque ostendere oporteat primitiuis parallelis BC , DE & FG parallelam esse: quoniam in præcedentis propositionis demonstratione ostensum est vt $Z A$ ad $P A$, ita esse $R \varepsilon$ ad $P \varepsilon$, erit quoque diuidendo per 17. quinti Euclidis vt $Z P$ ad $P A$, sic $R P$ ad $P \varepsilon$: sunt verò & anguli his proportionalibus lateribus contenti $Z P R$ & $A P \varepsilon$ inter se æquales, vtpote ad verticem secantium sese linearum $A Z$ & $R \varepsilon$ per 15. primi Euclidis: igitur per 6. sexti Euclidis æquiangula sunt ipsa triangula $A P \varepsilon$ & $Z P R$, angulusque $A \varepsilon P$ angulo $Z R P$ æqualis: quocircà per 28. primi Euclidis parallelæ sunt $A \varepsilon$ & $R Z$; est autem $R Z$ parallelæ ipsi primitiuæ FG , vt ex præcedentis propositionis demonstratione constat: itaque & $A \varepsilon$ ipsi FG ceterisque ab FG æquè distantibus est parallelæ per 9. vndecimi Euclidis; quod demonstrasse oportuit.

Iucundiùs autem, nec minùs solidè probari hæc propositio potest ex 38. 39. & 40. proposit. libri quarti: cùm enim $A \varepsilon$ ex oculo prodeat, videbuntur non modò BC , DE , & FG , verùm etiam quæcumque ipsi $A \varepsilon$ parallelæ sunt, in quocumque tandem plano existant, ad ipsam $A \varepsilon$ propiùs semper accedere, quoad tandem in immensum protractæ cum illa exactè coire videantur: at tota $A \varepsilon$ infinitè producta, apparet vt punctum, & in punctum ε proiicitur ob perpendiculararem eius aspectum: igitur quotquot ipsi $A \varepsilon$ sunt parallelæ, in punctum ε secundùm aspectum congregientur, ad quod nimirum ab oculo ducitur radius $A \varepsilon$ qui primitiuis parallelis est parallelus.

PROPOSITIO CXXXVII. THEOREMA.

Cum proiecta parallela linea in vnum aliquod punctum coeunt, punctum concursus, & oculus à plano in quo primitiuæ parallelæ existunt, æquè distant.

D **H** $STO \varepsilon$ commune signum concurrentium linearum $K H$, NO & $R P$, quæ parallelas BC , DE & FG in tabula spectatas repræsentant: dico ε à plano, in quo primitiuæ existunt parallelæ, BC , DE & FG , æquè ac A disiunctum esse; hoc est $\varepsilon \omega$ & $A L$, quæ rectis angulis in planum parallelarum incidunt, æquales inter se esse. Iungantur enim puncta A & ε per rectam $A \varepsilon$: quoniam igitur non semel ostensum iam est ita se habere $A Z$ ad $A P$, vt se habet εR ad εP , erit diuidendo per 16. quinti Euclidis vt $A P$ ad $P Z$, ita εP ad $P R$; est verò & angulus $A P \varepsilon$ angulo $Z P R$ proportionalibus lateribus comprehenso æqualis: igitur per 6. sexti Euclidis æquiangula sunt ipsa $A P \varepsilon$ & $Z P R$ triangula, angulusque $P A \varepsilon$ æqualis angulo $P Z R$: quocircà per 28. primi Euclidis parallelæ est $A \varepsilon$ ipsi $Z R$: sed $Z R$ iam sæpè ostensa est ipsi FG parallelæ: itaque $A \varepsilon$ ipsi quoque FG , ac ceteris etiam omnibus quæ ab FG æquabili interuallo distant, est parallelæ per 9. vndecimi Euclidis. Si ergo per $A \varepsilon$ duo plana extendi animo concipiantur, vnum plano in quo primitiuæ parallelæ existunt, parallelum; alterum ad idem illud planum rectum, faciet hoc quidem in parallelis illis planis communes sectiones $A \varepsilon$ & $L \pi$ parallelas per 16. vndecimi Euclidis: cùm verò $A L$ & $\varepsilon \omega$ ad planum in quo primitiuæ sunt parallelæ, rectæ sint ex hypothesi, erunt & ipsæ inter se parallelæ per 6. vndecimi Euclidis: quamobrem parallelogrammum erit $A \varepsilon \pi L$, ac eius proinde latera $A L$ & $\varepsilon \omega$, quæ sibi mutuo ex aduerso respondent, æqualia per 34. primi Euclidis: ex quo fit tandem, puncta A & ε pari spatio à plano, in quo sunt primitiuæ parallelæ, distare.

PROPOSITIO CXXXVIII. THEOREMA.

F *Parallela omnes lineæ quæ in vno plano ad varias partes ducuntur, si directas obliquæ secant, in vna etiam eademq; lineæ concursuum loca nanciscuntur.*

H εC adeò perspicua est veritas, vt vix probatione indigeat: ex eò tamen manifestè demonstratur, quòd planum ipsum, in quo primitiuæ parallelæ existunt, in rectam transcribatur lineam: in hanc igitur cadent parallelæ omnes quæ in ipso existunt plano, & directas obliquè secant. Si enim aliqua ex iis quæ in dato sunt plano extra eam tabulæ lineam procurreret, in quam ceteræ eiusdem plani lineæ incidunt, illius pars quidem in dato esset plano, pars

verò ab eo sublimis. Nam propositum quodcumque planum in sola recta linea tabu- A
lam fecat per 3. vndecimi Euclidis: igitur quoduis punctum extra hanc communem li-
neam in tabula assumptum, etiam extra ipsum est planum: quocirca si quæpiam, ex iis
quæ in plano sunt, linea ad punctum aliquod extra communem plani & tabulæ sectio-
nem constitutum pertineat; liquidò patet eius lineæ partem quidem in dato plano exi-
stere, partem verò ab eo sublimem esse: quod cum primæ propositioni vndecimi Eu-
clidis aduersetur, consequens est, parallelas quascumque lineas, quæ in vno existentes
plano directas obliquè secant, in vna eademq; recta linea concursuum loca obtinere.

PROPOSITIO CXXXIX. THEOREMA.

*Qua obliquioribus angulis directas intersecant parallela linea, pro- B
pius puncto primario in tabulam transumpta congregiuntur.*



ROPOSITIONE 135. ostendimus, eas lineas quæ directis sunt perpen-
diculares, directis ipsis contrariè quodammodò opponi, inter quas scilicet
ceteræ velut mediæ inseruntur. Vnde & illud nascitur illustre discrimen,
quòd quæ directis sunt perpendiculares, quantumuis protrahantur, nec in-
ter se conuenire, nec in tabulam, licet productam, incidere vnquam pos-
sint: directæ verò ad punctum tabulæ primarium, quod oculo proximum est, congregi-
antur: igitur è reliquis eæ quæ directarum naturam propiùs æmulantur, ad loca pun- C
cto primario viciniora coeunt; quæ verò à directis maiore dissimilitudine discrepant,
longiùs prouehuntur antè quàm congressionem faciant: vti ergo naturâ, ita & proprie-
tate illæ ad directas, hæ ad eas quæ directis normales sunt, propiùs accedunt. Porro illas
directis similes magis esse dicimus, quæ obliquioribus angulis directas intersecant: nam
quò intersecantium sese linearum anguli rectis sunt propinquiore, eò & lineæ cum iis,
quas contrariè directis opponi dicimus, similitudinem gerunt maiorem.

Si Geometricè idem confirmari postuletur, id ex 136. propositione huius libri perspi-
cuè fiet hoc pacto: Ostensum est propositione 136. radium opticum, qui ab oculo ad
punctum illud ducitur, quo apparentes in tabula parallelæ coeunt, primitiuis parallelis
re ipsa parallelum esse: igitur iisdem angulis hic radius principalem radium fecat, qui D
bus propositæ primitiuæ parallelæ secant directas: at radius principalis ad normam in-
sistit tabulæ, ideoquè omnium illorum qui ad tabulam pertinent radiorum breuissimus
est; ceterorum autem qui ab oculo egressi similiorem recto angulum cum principali ra-
dio continent, ij longiùs à primario puncto in tabulam incurrun: quocirca & primi-
tiuæ parallelæ, quò propiùs rectis angulis directas intersecant, eò longiùs à puncto pri-
mario prouehuntur priùs quàm in vnum conueniant.

*Ex his quæ proximè dicta sunt, facile est praxes aliquas adinuenire ad rem propo-
sitam vtiles, è quibus hic nonnullas tamquam consecutaria adiungemus.*

CONSECTARIVM I.

*Dato oculo, punctum in tabula inuenire, in quod propositæ
parallela secundùm aspectum conueniunt.*


EST Vt suprà propositione 135. oculus A, tabula verò M Q, at datæ in subiecto ho-
rizontali plano parallelæ lineæ B C, D E & F G, quæ cum non sint parallelæ ipsi M S,
seu tabulæ, transcriptæ occurrent in puncto quopiam, quod reperire oporteat. Ab oculo A
ad subiectum planum demittatur perpendicularis A L per 11. vndecimi Euclidis:
ab L verò agatur L ω propositis parallelis æquidistans per 31. primi Euclidis: ac rursus F
ex π ducatur in tabula ω e subiecto plano perpendicularis per 12. vndecimi Euclidis,
quæ proinde per 6. vndecimi Euclidis ipsi A L parallela erit: deniq; fiat π e ipsi A L æqua-
lis: dico e punctum esse concursus postulatam. Iuncta enim A e, quoniam A L & e ω æ-
quales sunt & parallelæ, erit & A e ipsi L π parallela per 33. primi Euclidis: quare & ipsis
B C, D E & F G eadem A e parallela erit per 9. vndecimi Euclidis; atque idcirco e punctum
est concursus postulatam per 136. propof. libri huius.

CON.

A
CONSECTARIVM II.

Si data recta linea producta tabulam secet, & à loco sectionis ad punctum concurrentium parallelarum recta ducatur; in hac necesse est datam rectam lineam apparere.

SIT data recta linea BC : hæc quoniam ex hypothesi non est ipsi tabulæ parallela, si producatur secabit tabulæ planum item productū in signo quopiam, puta λ . Inuento



E itaque puncto ϵ per præcedens consecrariū: dico in $\epsilon \lambda$ propositam lineam BC secundum oculum in A positum incidere: siquidem λ commune est vtriusque $M \lambda$ & BC ex vna parte productæ punctum, & ϵ proiectura est extremitatis eiusdem BC versus B infinite protractæ. Cum ergo ϵ & λ sint in ipsius BC vtriusque protensæ proiectura, erit datæ lineæ BC proiectura in recta tabulæ lineæ $\epsilon \lambda$: itaque si ducantur BL & CL quæ tabulam secent in T & S , ex T verò & S perpendiculares subiecto plano excitentur TH & SK quæ ipsam $\epsilon \lambda$ secent in H & K , perspicuum est HK ipsius BC proiecturam esse quæ erāt postulata.

PROPOSITIO CXL. THEOREMA.


F *Quæcumque in aduersis sunt planis, eadem proportione in tabula describuntur, quam in rebus ipsis habent.*



HIVS propositionis ea est ratio, quod tabula aduersumque planum æquidistant, eundemque situm ad aspectum habeant, per ea quæ ad propositionem 31. libri tertij prædefiniuimus. Quocirca omnes vtriusque partes, quæ iisdem radijs opticis comprehenduntur, eadem proportione auferuntur vel minuuntur: vt si oculo A triangulum obijciatur BCD è regione ac directè spectatum radijs AB , AC & AD , qui opticam pyramidem constituent ad ver-

ricem A ; hæc autem secetur aduerso plano EF , ceu tabula quæ eidem triangulo BCD A

fit parallela, cuius & pyramidis opticae communis sectio triangulum sit GHK : dico GHK triangulum primitiuo triangulo BCD & simile esse & æquiangulū. Cùm enim triangulum ABC in duo incidat plana parallela, tabulā scilicet




EF , & BCD triangulum, erunt communes interfectiones GH & BC parallelæ per 16. vndecimi Euclidis: quare per 4. lemma libri quinti æquiangula erunt triangula ABC & AGH : eodemque modo triangula ACD & AHK æquiangula ostendentur: igitur per 4. sexti Euclidis, vt AC ad AH , ita est BC ad GH ; & rursus vt AC ad AH , ita quoque CD ad HK : igitur per 11. quinti Euclidis, vt BC ad CD , ita se habet GH ad HK : sed per 10. vndecimi Euclidis angulus GHK angulo BCD est æqualis: itaque per 6. sexti Euclidis æquiangula sunt ipsa BCD & GHK triangula, ideoque similia, siquidem per 4. sexti Euclidis æquiangulorum triangulorum proportionalia sunt latera, quæ æqualibus angulis vel continentur vel subtenduntur. Quia verò in ceteris quibuscumque designationibus similis est demonstrandi ratio, palàm est transcriptas ex aduersis planis figuras eamdem in tabula proportionē retinere, quam in rebus ipsis habent; quod erat demonstrandum.

Ex quo patet, longas columnarum series arborumque ordines, si ex aduerso spectentur, æquali tum intercapedine tum magnitudine in tabula designari debere, vt & scalarum gradus, si illæ ad perpendicularum erectæ sint: qua in re celebres etiam pictores fœdè lapsos fuisse non semel deprehendimus, cùm superiores gradus, vt pote ab aspectu remotiores, spatijs angustioribus distinxerunt, aut aduersæ porticus remotiores columnas breuiore, earumque intercolumnia minora pinxerunt, aliaque eius generis quamplurima, quæ ex huius scientiæ ignoratione haud dubiè profluxerunt. Constat enim ex hac propositione, quæcumque in aduersis sunt planis, eadem proportione describenda esse, quam in rebus ipsis habent; hoc est transversas lineas transversim, perpendicularares verò ad perpendicularum, obliquas autem eadem, quam in rebus habent, obliquitate; ac vniuersè omnes quæ in rebus sunt parallelæ, parallelas in aduersa tabula ducendas esse.

Verùm eneruandum hoc loco superest quorundam argumentum, quo etiam è peritioribus nonnulli occupati censuerunt æqualium magnitudinum remotiores à visu, minores omnino in tabula delineandas esse, quòd ob maiorem intercapedinem minores appareant, vt nos quoque libro quarto propositione 11. docuimus: at non ita rem se habere licet iam vniuersè demonstratum sit; tamen quia in sola triangulari forma propositum explicauimus, libet claritatis gratia etiam in magnitudinibus ordine dispositis idem prius ostendere, quàm propositam obiectionem diluamus.

Esto igitur oculus A , ipsique ex aduerso obiectæ tres magnitudines æquales, BC quidem oculo proxima, deinde DE & FG remotissima, quæ paribus interuallis BD & DF ab inuicem disiungantur: harum verò proiecturæ in tabula KO propositis magnitudinibus parallelae sunt HK , LN & OP : dico has æquales inter se esse, atque ipsarum etiam interualla HL & LO æqualia, nec obstare distantia ab oculo disparitatem. Nam cùm tabula KO , planumque CF æquidistant, quæ in ipsis sunt sectiones, per radios opticos ab oculo A ad propositas magnitudines delatos, parallelæ erunt per 16. vndecimi Euclidis, hoc est BC ipsi HK , & DE ipsi LN , item FG ipsi OP , de-



A O P, denique B F ipsi H O : itaque ob triangulorum similitudinem vt A B ad A H, ita B C ad H K; rursus vt A D ad A L, ita D E ad L N: sed A B ad A H est, vt B D ad H L; & vt B D ad H L, ita A D ad A L: igitur per II. quinti Euclidis eadem est ratio A B ad A H, quæ A D ad A L: ideoque & ratio B C ad H K eadem est quæ D E ad L N; & permutando vt B C ad D E, ita H K ad L N: sed B C ipsi D E est æqualis ex hypothesi: itaque & H K ipsi L N est æqualis. Eodemque modo ostendemus O P ipsi F G, & vniuersè ceteras omnes proiectas magnitudines primitiuis æquales: igitur quæ in aduersis planis sunt æquales magnitudines, & in tabulam transfusæ sunt æquales. Nec aliter æqualia ipsarum interualla B D & D E, in æqualia proiecturarum interualla H L & L O transcribi ostendemus. Cùm enim sit

B H O ipsi B F parallela, erit propter triangulorum similitudinem vt A B ad A H, ita B D ad H L; & vt A B ad A H, ita B F ad H O: quare per II. quinti Euclidis vt B D ad H L, ita B F ad H O: & alternatim vt B D ad B F, ita H L ad H O; diuidendo autem vt B D ad D F, ita H L ad L O: sed B D ipsi D F est æqualis ex hypothesi: igitur & H L ipsi L O est æqualis, eodemque modo in ceteris: quamobrem æquales magnitudines paribus interuallis dispositæ ex aduersis planis, in proiecturas æquales æqualibus interuallis distinctas producuntur.

Nunc propositæ obiectionis nodum dissoluamus. Cùm oculi distantia ad formas tabulæ inscriptas eam rationem habeat, quam ad res ipsas primitiuis: quemadmodum in his remotiores ab oculo minores videntur, ita quæ remotioribus in tabulâ respondent proiecturæ, pro rata etiam minores apparent: quocircà si vt in rebus sunt, ita in tabula describantur, vno ambæ modo conspicientur, & qui designationem in tabula expressam aspiciet, rem ipsam videre se arbitrabitur; quòd ambæ similem omnino notionem in oculum intuentis ingerant. Itaque non quòd æqualium magnitudinum quæ remotiores sunt minores appareant, idèd minores in tabula sunt designandæ; aliter si quidem res obiectæ in seipsis spectantur, aliter in data tabula, vt initio huius libri diximus prænotatione 3. & ex eo manifestè patet quòd oculo obiectoque immutatis, quoties tabula in alium situm conuertitur, toties obiectum alia atque alia forma in tabulâ appareat, licet in se eodem semper modo spectetur.

PROPOSITIO CXLI. THEOREMA.

D *Obliqua parallela, quæ in plano horizontali existunt, ad puncta horizontalis lineæ in tabula designatæ contendunt.*



HORIZONTALIS lineæ quæ tabulæ inscribitur, communis est sectio tabulæ radijque optici ab oculo ad Horizontem proiecti: huic proinde parallelæ sunt, quotquot transfusæ vocantur. Nam vt transfusæ, ita & quæ in tabula Horizontem repræsentat recta lineæ, ad Horizontis æqualitatem libratur, & aliquam è directis secundum normam secat. Cùm ergo directæ omnes lineæ parallelæ inter se sint, erit & horizontalis lineæ transfusis omnibus parallela per 28. primi Euclidis. Ex quo fit, vt omnia horizontalia plana, ad illud quod per oculum incedit, contendere quoad aspectum videantur. Quæ enim in inferiore sunt horizontali plano transfusæ lineæ, remotiores ab oculo assurgere videntur, ac illi, quod per oculum ducitur, propinquiores fieri; quæ verò in superiore sunt plano horizontali transfusæ lineæ ab oculo remotiores, decidere videntur, atque ad illud quod per oculum fertur, propius accedere: cumque parallelum semper situm retineant ad horizontalem lineam, in quam planum illud, quod per oculum transit, proijcitur; perspicuum est transfusas illas lineas, quæ maximè ac propemodum infinite ab oculo absunt, secundum aspectum cum horizontali lineæ congruere: itaque & horizontalia plana, quorum areas infinitæ transfusæ lineæ complent, ad hanc ipsam horizontalem lineam, si infinite protrahantur, quoad aspectum aliquando conuenient. Et quemadmodum punctum primum communis est terminus omnium linearum, quæ principali radiò per oculum ac punctum primum incedenti sunt parallelæ; sic lineæ horizontalis communis terminus est omnium planorum, illi quod per oculum & horizontalem lineam incedit, parallelorum: at enim si horizontale quodcumque planum ad lineam horizontalem secundum aspectum contendat, dico & lineas omnes obliquas quæ in ipso existunt, ad horizontalem lineam pergere, si quantum opus est proferantur: aliàs enim pars earum in dato esset horizontali plano, pars verò à plano sublimis, quod primæ propositioni vndecimi libri Euclidis aduersatur.

Hæc prolixius quàm fortè opus esset, dixisse placuit, vt non modò probatum sit, A
quod fuit propositum; verùm etiam quo id pacto contingat, velut ad oculum sit de-
monstratum: quare si quis Geometricum demonstrandi genus hoc loco requirat, faci-
le, qui volet, ex propositione 130. & 137. id colliget in hunc modum: Propositione 130.
ostendimus directas omnes lineas, tametsi in rebus sint parallelæ, tamen proiectas, in
punctum tabulæ primarium, quod æquè atque oculus à plano horizontali distat, conue-
nire: rursus propositione 137. vniuersè probauimus ceteras omnes parallelas lineas (ijs
exceptis quæ directas ad normam secant) proiectas, in illud punctum tabulæ incidere,
quod à plano in quo parallelæ existunt, pari atque oculus interuallo disiungitur: quo-
circà omnia puncta in quæ conueniunt horizontalis plani parallelæ lineæ, est ipsa hori- B
zontalis linea per primarium punctum in tabula designata: hæc siquidem in eadem est
altitudine cum oculo, & quia ad Horizontem libratur, necesse est æqualem esse ip-
sius ab horizontali plano distantiam.

PROPOSITIO CXLII. THEOREMA.

*Quæcumque in directis planis sunt obliquæ parallela lineæ, proiectæ
in tabulam ad primariam perpendicularem porriguntur.*



VIVS propositionis eadem omnino est explicatio, quæ præcedentis: solo C
namque mutato plani situ à libella in perpendiculum, quod antè hori-
zontale erat, id nunc fiet directum: igitur & demonstratio vtriusque ea-
dem erit. Quippe si planum quoddam per oculum ac primariam perpen-
dicularem actum intelligatur, directò in anteriora protensum, erit hoc
illi quodammodò simile, quod per oculum & horizontalem lineam ad Horizon-
tem vsque extenditur, ideoque & similis vtriusque proiectura, nempe recta linea, hoc
solum discrimine, quod vna perpendiculum, altera libellam exæquet. Vti ergo omnia
horizontalia plana longissimè in anteriore partem producta, ad illud quod per oculum
extèditur, sensim sese propius adiungunt: ita & directæ omnia plana, ad id quod per ocu-
lum ducitur, paulatim accedunt, donec tandem omnino cum illo secundum aspectum D
coëant: cumque, vti diximus, vtraque hæc plana quæ per oculum transeunt, in rectas
tabulæ lineas transcribantur, ad has velut ad communes terminos reliqua plana illis
parallela conuenient; quare & concurrentium parallelarum puncta in his lineis repe-
rientur: quod etiam ex propositione 130. & 137. simili modo demonstrari poterit,
quo in horizontalibus planis superiore propositione vsi fuimus.

PROPOSITIO CXLIII. THEOREMA.

*Parallela obliqua lineæ, quæ è planis in latera inclinatis transcri-
buntur, ad eam lineam concurrunt, quæ in primario puncto E
Horizontis proiecturam obliquè secat.*



AM per ea quæ duabus proximis propositionibus demonstrata sunt, cum
planum quodcumque in latera inclinatum æquè ac directæ plana in par-
tem anteriorem rectà porrigatur, fit vt tandem cum lineæ aliqua ex ijs
quæ per primarium punctum traiciuntur congruere videatur, cum illa in-
quam, quæ proposito obliquo plano parallela est, quæque planum illud
quod per oculum punctumque primarium transit, velut propria imago in tabula repræ-
sentat: igitur & quæ in eiusmodi plano inclinato existunt parallelæ obliquæ lineæ, eæ
omnes cum in tabulam transcribuntur, ad eam contendunt lineam, quæ per punctum F
primarium ducitur proposito plano parallela: fieri siquidem nequit, vt pars aliqua illarum
parallelarum in ipso sit plano, pars verò à plano sublimis, per primam vndecimi Euclidis.

Oportet autem lineam in tabula designatam, ad quam proiectæ parallelæ plani in-
clinati referuntur, eandem inclinationem ad perpendicularem primariam habere,
quam habet inclinatum planum ad planum directum cui incumbit: siquidem lineæ
illa seu meta concurrentium parallelarum communi sectioni tabulæ & plani inclinati
est parallela: igitur primaria perpendicularis vtramque obliquam lineam æqualibus se-
cat obliquis angulis per 29. primi Euclidis.

A PROPOSITIO CXLIV. THEOREMA.

Linea obliqua parallela à planis in anteriorem vel posteriorem partem inclinatis, ad lineam horizontali lineam parallelam destinantur.

V T I Horizon illorum planorum quæ perlibrantur, est index; ita horizontalis linea terminus est eorum, quæ libellæ exæquata in tabula cernuntur: igitur quæcumque plana in rebus ipsis supra libellæ statum altera parte subleuantur, ea infinite producta supra horizontalem lineam in tabula definiuntur; quæ verò infra libellam deprimuntur, ea in tabulam transportata sub Horizontis lineam terminantur.

Potest verò id etiam hoc modo ex dictis ostendi: Quoniam per 137. propositionem huius libri omnia puncta tabulæ, ad quæ congregiuntur obliquæ parallelæ plani cuiusvis, eandem quam oculus habent à dato plano distantiam; perspicue sequitur, planum quod per oculum duci mente concipitur proposito æquidistans, in omnia illa puncta tabulæ incidere, ad quæ obliquæ parallelæ dati plani inclinati contendunt: igitur huius imaginarij plani & tabulæ communis intersectio, ea est linea in quam & propositum inclinatum planum, & omnes quæ in ipso sunt obliquæ parallelæ transcriptæ terminantur. Est porro hæc linea illi parallela, qua propositum planum tabulam secat per 16. vndecimi Euclidis; quod nimirum primitiuum planum, idque quod per oculum actum concipitur, ex hypothesi sint parallela: quamobrem, cum tabulæ & plani in anteriorem vel posteriorem partem inclinati communis sectio sit vna è numero transuersarum, transuersæ autem sint lineæ horizontali parallelæ: erit & illa, ad quam omnes inclinati eiusmodi plani obliquæ lineæ in tabula terminantur, horizontali quoque lineæ parallela.

PROPOSITIO CXLV. THEOREMA.

A *planis declinantibus transumpta in tabulam obliqua parallela ad puncta lineæ, quæ primaria perpendiculari æquidistet, congregiuntur.*

N I L discrepat hæc propositio à præcedente; quod sanè ei perspicuum fiet, qui naturam declinantis & inclinantis plani penitus introspexerit. Idem namque planum, quod nunc declinans appellatur, sola inuersione situque mutato fiet inclinans: quocirca non est, quod huius propositionis explanationi studiosius incumbamus, cum ex ijs quæ sæpenumerò repetita iam sunt, constet ad vnâ aliquam lineam omnes vniuscuiusque plani obliquas parallelas contendere, eamque lineam proposito plano esse parallelam. Quoniam igitur planum declinans ad horizontale planum rectum est, erit & ea tabulæ lineæ, ad quam parallelæ declinantis plani conueniunt, horizontali lineæ perpendicularis: atque ea propter primariæ perpendiculari parallela per 28. primi Euclidis; quod erat probandum.

PROPOSITIO CXLVI. THEOREMA.

Si lineæ quæpiam horizontalem lineam extra punctum primarium obliquè secet, ad eam parallela plani inclinantis simul & declinantis conuenient.

F I N G E primò planum quoddam directum, atque in eo quocumque directas lineas; hæc omnes, vt ex 130. propositione constat, transcriptæ in planum ad primarium punctum diriguntur: deinde si hoc planum conuerti intelligas, & seruata perpendiculari rectitudine in partem alteram obliquari, manebit quidem superiorum directarum linearum concursus in horizontali lineæ; at quantum planum à directo situ deflectit, tantum locus in quo simul concurrunt, à primario puncto recedet. Quoniam igitur hoc iam declinans planum ad horizontale planum rectum est, pergent ceteræ ipsius obliquæ lineæ ad eam lineam quæ rectis angulis horizontalem lineam in supradicto puncto secat per proposit. 145. huius:

huius: si denique seruata declinatione; hoc est immutata communi sectione horizontalis & declinantis plani, propositum declinans planum in partem vnam inclinatur; ad idem quidem quod antè punctum horizontalis lineæ, contendunt omnes illæ quæ primò directæ erant lineæ; at quæ per hoc punctum obliquis angulis ducetur lineæ, ceteras declinantis simul & inclinantis plani parallelas in tabulam profusas excipiet, vt ex dictis manifestè patet.

PROPOSITIO CXLVII. THEOREMA.

Si perpendicularis primaria extra primarium punctum lineam quapiam obliquè secetur, hæc puncta omnia concurrentium in tabula parallelarum plani in vtramque partem inclinati excipiet.



Hæc propositio priori haud absimilis est: nam si planum quoddam horizontale animo concipias, atq; in eo directas quotcumque lineas, quæ projectæ in punctum primarium dirigantur; si deinde fingas hoc idem planum supra libellam altera parte subleuari, vel infra eam deprimi, fiet ex horizontali inclinatum planum: quare ex quæ antè directæ erant lineæ, nunc ad punctum tabulæ pergunt supra vel infra primarium punctum in perpendiculari primaria constitutum; ceteræ autem quæ in illo sunt obliquæ parallelæ, ad lineam concurrent, quæ primariam perpendicularem supra vel infra primarium punctum normaliter secat per 144. huius; tandem si idem planum denuò mutari intelligas, & circa eam lineam quæ à prima constitutione directæ erat inter ceteras media, velut circa quiescentem axem conuerti, fiet planum in duas iam partes inclinatum, omnesque illius lineæ quæ initio directæ erant, in idem quod antè punctum primariæ perpendicularis conspirabunt: ceteræ autem ad lineam proficiscentur quæ per idem punctum primariam perpendicularem obliquè secabit.

Hoc planum quod in vtramque partem inclinatum diximus, idem reipsa est quod inclinans simul & declinans; & quæ horizontalem lineam extra primarium punctum obliquè secat recta lineæ, eadem obliquè secat & perpendicularem primariam: quia tamen hoc planum variè consideratum diuersos habet linearum respectus, placuit distinctis propositionibus vtramque rationem explanare.

Quæ hæctenus de variorum planorum obliquis parallelis proposita sunt, satis superque, vt opinor, ex dictis constant. Quare quod reliquum est huius instituti, Lectori contemplandum enucleandumque relinquo: prius tamen, quàm ad illorum theorematum praxin veniamus, lubet istud quoque adiungere instar paradoxo ad rem quam agimus minimè alienum.

PROPOSITIO CXLVIII. THEOREMA.


Fieri potest, vt oculo transmutato eadem equidistantes lineæ iisdem tabulæ proiecturis secundum aspectum respondeant.



PARADOXVM fortasse videbitur hoc theorema, & non dico vulgi, sed etiam sapientium hominum opinionem excedens. Quis namque fieri potest, vt oculus à primo loco semel digressus plures parallelas lineas in iisdem tabulæ lineis semper aspiciat? Sanè consequens videtur, vt si oculus situm aspectumque mutet, eius quoque quod in tabula apparet, quiescente obiecto, ac tabula immota, phantasia locum mutet: estque id verò ita simile, vt credi facilè posset, nisi contraria demonstratione reuinceretur, cui refragari est nefas: itaque quo id pacto contingat, ostendamus.

Esto oculus A, & duæ spectatæ parallelæ B C & D E ad partes C & E infinitæ, quarum projecturæ sint B K & D K in data tabula coëuntes ad signum K. Iuncta igitur K A, dico si K A versus A infinitè producat, è quouis eius lineæ puncto primitiuas parallelas B C & D E in eisdem tabulæ lineis B K & D K spectari. Transferatur enim oculus in F: quoniam

A niam igitur datae parallele BC & DE , ab A in tabula conspecte, conueniunt ad signum K , erit AK iisdem primitiuis parallelis æquidistantis per 136. huius. Rursus quoniam & FK iisdem primitiuis BC & DE est parallela,



erit & K punctum, ad quod parallelæ ipsæ ex F in tabula visæ contendunt, per eandem 136. huius. Atque

B eodem modo è quocumque signo lineæ KA infinitè protracte spectentur BC & DE , semper erit K punctum, in quod secundum aspectum congregi in tabula videntur. Cum ergo ex B & D ad K aliæ atque aliæ rectæ lineæ duci non possint, ne aduersus communem notionem spatium comprehendant, necesse est vt primitiuæ parallelæ BC & DE , è quouis loco lineæ KA infinitè productæ, in iisdem tabulæ lineis BK & DK semper appareant; quod erat probandum.

Alia etiam ratione non minùs solida demonstrari potest propositum ex 7. vndecimi **C** Euclidis. Sumatur in lineæ BC infinita punctum quodcumque C : dico punctum C è quouis loco lineæ infinitæ KA in lineam BK transcribi. Radij namque ad C ex A & F procidant: quoniam igitur per 136. huius parallelæ sunt KA & BC , erit BK in vno cum illis plano per 7. vndecimi Euclidis: sunt verò & AC , FC cum eisdem parallelis in vno plano per eandem 7. vndecimi Euclidis: igitur ambæ AC & FC ipsam BK interfecant, hæc quidem in G , illa verò in H . Cumque eodem modo ostendi possit, quoduis punctum infinitæ lineæ BC è quouis puncto lineæ KA item infinitæ in lineam BK videri, itaque in ceteris parallelis, demonstratum relinquitur fieri posse, vt oculo transmutato eadem æquidistantes lineæ iisdem tabulæ proiecturis secundum aspectum respondeant; quod demonstrasse oportuit.

D Hoc sanè diffidendum non est, si primitiua aliqua parallela puncto quopiam terminetur, vt BC puncto C , hoc punctum mutato oculo per lineam KA infinitam, in aliud semper atque aliud punctum proiectæ BK incidere. Sic ergo tota quidem lineæ BC infinita ex quouis loco lineæ KA etiam infinitæ spectata in lineam BK procidit; at secundum partes, mutato oculo, ipsa pariter proiecturam mutat.

Hucusque sigillatim ostendimus, quo pacto qualibet lineæ cuiusuis plani in tabula appareant: iam verò qua ratione eadem practicè in tabulam transcribi debeant, quo item pacto, quæ ex his ceu primis elementis constant rectilineæ figuræ cum planæ tum **E** solidæ, varia praxi in tabulam scenographicè consignandæ sint, ostendemus. Id quod non representando, vt hæctenus, sed re ipsa faciendum erit. Nam superiora Paradigmata non secundum Lectoris oculum rem in tabula designatam exhibent, sed à latere; sic vt is qui paginam intuetur, rem, oculumque, & tabulam simul obliquè aspiciat, & rei proiecturam non in se primò, sed velut in altera tabula expressam contempletur: ita sanè in hisce rebus exponendis magna persèpè opus est industria, dum in vno eodemque plano due occurrunt exhibendæ figuræ, quarum altera obiectum ostendat in proprio plano, altera eius in tabula proiecturam. Hæctenus igitur pagina pro plano **F** fuit, in quo tabulam obliquè representauimus; in posterum pagina pro tabula erit ex fronte spectata, in qua rei proiecturam exhibebimus. Porrò quoniam in proiecturis inuestigandis non rarò innumeras propemodum lineas ducere oportet, quarum aliæ alijs ita implicantur, vt mutuas congressiones ac digressiones internofcere facile nequeas, necesse subinde erit tollendæ confusionis gratia illarum aliquas in diuersas partes abducere (quod in superioribus quoque projectionum generibus à nobis est factitatum) ac tum præsertim, cum aliquæ huius projectionis praxes Ichonographicam obiecti designatio-


gnationem exposcent: sæpè enim ex ijs quæ in plano constituentur apparentes in tabula ^A formas elici necessum erit: quare non minore diligentia ac studio elaborandum cen- seo in commoda Ichnographica formæ designatione, quàm in eius transcriptione, ne linea- rum multiplicitas ac frequens concursus occursusque utrumque schema implicet, & obscurum reddat.

PROPOSITIO CXLIX. PROBLEMA.

Datas quascumque directas lineas in tabulam traducere. ^B



ESTO tabulæ & plani communis intersectio BC , datumque in tabula primarium punctum A , cuius altitudo à linea BC æqualis sit illi distantia, qua oculus à plano sublimis existit: sint etiam datae quocumque directæ lineæ BF , EG & CH , quas in tabulam transferre oporteat: iungantur BA , EA & CA : dico igitur datas initio directas lineas, in his quæ ad punctum A porriguntur, oculo, cuius à plano sublimitas AD , apparere. Quod sanè ex propositione 130. liquidò constat, vbi ostensum est directas omnes lineas ad punctum primarium



secundùm aspectum contendere. Cùm ergo signa B , E & C tam primitiuis quàm proiectis hisce lineis communia sint, necesse est eas quæ à punctis B , E & C ad primarium punctum A destinantur, ipsarum BF , EG & CH directarum vicarias esse in tabulam transfusas: ita vt BA ipsam BF , EA verò ipsam EG , ac denique CA ipsam CH repræsenter, quæ scilicet primitiux ipsæ lineæ versus F , G & H infinitè protenduntur.

PROPOSITIO CL. PROBLEMA. ^E

Transuersas, ac perpendiculares, easq; omnes quæ in directas normaliter incidunt, in tabulam consignare.



VONIAM per 131. propositionem huius libri lineæ omnes parallelis interuallis à tabula disiunctæ (cuiusmodi ex sunt quas modò enumerauimus) in parallelas tabulæ lineas transcribuntur, perspicuum est, repertis in tabula primitiuarum interuallis, si per illorum terminos rectæ ducantur lineæ communi sectioni tabulæ ac plani parallelæ; confectum esse propositum: hæ namque illas quæ in plano sunt dato oculo repræsenterant. ^F

Tametsi verò earum parallelarum, de quibus nunc agimus, interualla pluribus modis in tabula designari possint, tamen duos solummodò ex omnibus afferemus, quorum prioris est, quem propositione 132. tradidimus, sola radiorum profusione propositum exhibens. Alter verò non absolutè, sed ex hypothese rem peragit: supposita namque extrema parallela in tabulam proiecta, reliquas facillimo negotio inuenire docet. Extrema autem illa parallela quamuis ex propositione 132. transcribi in tabulam possit; lubet tamen hanc quoque eius inuestigandæ praxim adiungere non minùs expeditam.


A Sit extrema parallela in plano data FH , cuius proiecturam inuenire in tabula oportet: demittatur à puncto principali ipsi BC perpendicularis AD , & BC producaturs versus C infinite, fiatque DP ipsi DZ parallelarum BC & FH interuallo æqualis; sit verò PQ oculi distantia; iuncta ergo AQ , ducatur à P ipsi AQ parallela PN , quæ ipsam AD secet in N : denique per N parallela ipsi BC ducatur IK : hanc dico ipsius FH proiecturam esse ex oculi altitudine DA , distantiaque PQ spectatam. Constat enim ex demonstratis in consecutario propositionis 132. distantiam oculi PQ vnà cum parallelarum BC & FH interuallo DP , hoc est totam DQ ad oculi altitudinem DA ita se habere, quemadmodum primitiuum parallelarum interuallum DP seu DZ se habet ad interuallum apprensens: at quoniam PN posita est ipsi AQ parallela, erunt triangula ADQ & NDP æquiangula per 4. lemma libri quinti; igitur per 5. sexti Euclidis proportionalia erunt ipsorum latera, nempe vt DQ ad DA , ita DP seu DZ verum parallelarum BC & FH interuallum ad DN interuallum apprensens: erit itaq. DN ipsi DZ repræsentatione æqualis, & punctum I ipsius F , punctum verò K ipsius H vicarium: quocirca IK ipsius est FH proiectura.

Habitâ iam IK quæ ipsam FH in tabula repræsentet, intermediæ parallelæ inter BC & FH constitutæ vt LM facillimè inuenientur in tabula hoc modo: iuncta FM , producaturs vsquè in R , ac inde ad I reducta secet AC in V : dico actam per V parallelam vx ipsius LM proiecturam esse. Nam punctum R commune vtrique est lineæ FR & IR , puncta verò I & F vnum idemque sunt repræsentatione: igitur linea IR ipsi FR aspectu respondet, ac eodem modo AC ipsi HC : quamobrem necesse est V , communem scilicet intersectionem IR & FR cum puncto M aspectu conuenire, cum secantes sese in M lineæ FR & HC ipsis IR & AC aspectu congruant.

Si punctum R longius fortè procurrat quàm postuletur, secetur FH bifariam in G , demissaque perpendiculari GE , recta ab E ad punctum primarium A destinetur EA , in qua cum GE appareat per 131. huius, erit & IK in O repræsentando secta bifariam: quare si GM producaturs vsquè in S , indeque reductatur in O , secabit SO ipsam AC in eodem puncto V , quemadmodum suprâ. Atque in hunc modum quotquot intra BC & FH parallelæ constituentur, nullo negotio in tabulam transcribi poterunt.

Alia quoque ratione inuenietur extrema parallela linea propositæ areæ $BEFC$, quæ

D sic se habet: Sit communis areæ & tabulæ intersectio BC , oculus autem idemque punctum principale A , per quod recta agatur AM ipsi BC parallela, & BC producaturs, fiatq. BE areæ profunditati BE æqualis: ex



E BC areæ profunditati BE æqualis: ex


G porrò excitetur GL secundum rectos ipsi BC angulos, quæ oculi erit altitudo, ab L verò sumatur oculi distantia LM : iuncta BM quæ ipsam GL secet in N , ductaque NH ipsi BC parallela, dico HI ipsius EF proiecturam esse secundum oculi altitudinem GL & distantiam LM . Nam cum parallelæ sint LM & BC , erit per 12. lemma libri quarti vt LM ad GB , ita LN ad NG , & componendo vt LM vnà cum GB ad GB , ita LG ad NG ; hoc est vt oculi distantia LM vnà cum BC seu BE extremæ parallelæ ac tabulæ interuallo ad hoc ipsum interuallum, ita oculi altitudo GL ad extremæ parallelæ altitudinem apparentem GN : itaque per consecutarium propositionis 132. GN totius areæ $BEFC$ est contractura,

F quæ fuerat postulata.

Rursus fiat AD distantia oculi æqualis, BC verò vt prius æqualis profunditati areæ BE , iunganturque AG & BD , quæ sese secent in K , & per K ducatur HK ipsi BC parallela, quæ ipsam AC secet in I : dico spatium inter HI & BC comprehensum ipsius areæ contracturam esse, & H puncti E , I verò puncti F proiecturam. Nam per proximè citatum 12. lemma libri 4. vt AD ad GB , ita se habet AK ad KG , & componendo vt AD vnà cum GB , hoc est oculi distantia vnà cum longitudine areæ, ad eandem areæ longitudinem BC , ita est AG ad KG : sed vt AG ad KG , ita est LG ad NG , hoc est oculi altitudo ad areæ contracturam: igitur per 132. propositionem huius libri HI ipsius EF est proiectura,

iectura, spatiumque $BHIG$ propositam aream $BEFC$ scenographicè repræsentar.

Iam si proposita area BF secetur utcumque lineâ PR ipsi BC parallelâ, fiat BV ipsi BP æqualis, & AV secet ipsam BD in O ; dico eam quæ per O ducitur à BD æquidistans ipsius PR projectionem esse. Nam ut AD vnâ cum BV , hoc est oculi distantia cum intervallo, BP ad idem interuallum BP seu BV , ita se habet AV ad OV : igitur OV ipsi BP est repræsentione æqualis.




Ex his patet, posse quoque cognita altitudine distantiaque oculi, & primitiux areæ longitudine ipsius contracturam regulæ proportionum beneficio nullo negotio inueniri. Cùm enim sit ut oculi distantia AD vnâ cum BG profunditate areæ ad eandem BG , ita oculi altitudo LG ad areæ contracturam NG : si AD oculi distantia sit palmorum triginta, areæ verò longitudo BE palmorum viginti, item oculi altitudo palmorum quindecim, perspicuum est per regulam proportionum apparentem areæ contracturam fore palmorum sex: nam ut triginta vnâ cum viginti, hoc est quinquaginta ad viginti, ita quindecim se habet ad sex. Hæc ratio inueniendi profunditatum contracturas, locum subinde habere potest in magnis projectionibus, quibus sæpè locus deest ad quem tam amplæ designationes extendi possunt.

PROPOSITIO CLI. PROBLEMA.

Datam obliquam lineam, quæ tabulâ parallela non sit, scenographicè transcribere.

EST O horizontalis plani & tabulæ communis intersectio AB , atque in eodem horizontali plano obliqua quædam data recta linea AR acutum angulum cum AB faciens RAB , quam secundum datam oculi distantiam & altitudinem in tabulâ scenographicè designare oporteat. A quouis puncto datae obliquæ lineæ, puta C , perpendicularis ipsi AB ducatur CD , quæ

versus D producat, sitque in ea accepta oculi distantia DE : vel certè si datum sit punctum E , in quod demissa ab oculo perpendicularis incidit, ducatur ab E ad rectos ipsi AB angulos ED quæ producta ad partem D secet obliquam lineam AR in puncto C : sit verò EF oculi altitudo: igitur ab F in C radius procidat opticus, qui lineam AB secet in K , perspicuum est per 132. propositionē huius libri DK ipsius esse DC contracturam: quamobrem si fiat DG ipsi DK æqualis, & AG iungatur, erit AG ipsius AC Scenographica descriptio, & angulus BAG angulo BAC repræsentione æqualis. Nam in triangulis DAG & DAC latus AD commune vtrique est; DG verò ipsius est DC contractura: igitur & reliquum AG , reliquo



secun-

A secundum aspectum est æquale : quare inuenta est in tabula obliqua linea , quæ fuerat postulata.

Si iam fiat DH ipsi EF æqualis, erit H punctum tabulæ primarium; & quæ per H parallela ipsi AB ducetur, erit horizontalis linea, ad quam si producat AG concurrens cum ea in O , erit O punctum illud, ad quod omnes primitiæ lineæ ipsi AC reipsa parallelæ, cum in tabulam transcribuntur, pariter conueniunt.

Quod in horizontali plano ostendimus, id æquè in directo plano locum habet. Sola namque schematis conuersione fiet AB ex transuersa perpendicularis, communisque sectio tabulæ & directi plani, sic ut AC data obliqua linea in directo sit plano, eiusque in eo proiectura AG angulû continens cum AB angulo CAB representatione æqualem. Quocirca cum EF sit oculi altitudo, si ei æqualis fiat DH , erit H punctum tabulæ primarium; & quæ per H ducitur ipsi AB parallela, erit perpendicularis primaria, ad quam per 142. omnes oblique parallelæ conueniunt. Protracta igitur AG in O , erit O punctum concursus, ad quod proiectæ contendunt primitiæ omnes quæ ipsi AC reipsa sunt parallelæ.

Eadem omnino praxi quæ in ceteris obliquis planis dantur obliquæ lineæ, in tabula reperientur, si, uti propositione 132. docuimus, distantia puncti C à communi sectione plani & tabulæ AB in tabula secundum datam oculi constitutionem contrahatur. Habitis enim in tabula duobus signis, altero A , & G altero, per quæ projecta obliqua linea incedere debeat, si per hæc ducatur recta quædam linea, ea ostendet in tabula obliquam

C lineam quæ fuit proposita.

Est & alia huius problematis praxis, quam suggerit consecrarium alterum propositionis 139. Datâ oculi distantia DE , & altitudine EF , fiat DH æqualis ipsi EF , & per H recta ducatur ipsi AB æquidistans, quæ infinite utrimque protendatur : deinde ab E parallela ipsi AC agatur EB ; à B verò ipsi AB perpendicularis excitetur BO , & AO iungatur: dico AO ipsius AC infinite versus C protensæ projecturam esse. Quod quamuis ex consecrario 2. propositionis 139. manifestè constat, potest tamen paucis hoc pacto demonstrari: nam cum per 136. propositionem huius, ea quæ ab oculo ad punctum concursus porrigitur, sit primitiæ lineæ parallela, erit & EB , quæ demissas ab oculo F , & à puncto concursus O in subiectum planum perpendiculares connectit recta linea, eidem

D primitiæ datæ lineæ AC parallela: igitur per operationis reciprocationem; si EB fiat parallela ipsi AC , & BO ad rectos ipsi AB angulos excitetur, erit O punctum concursus, ad quod AC in tabulam translata secundum datam oculi distantiam DE , & altitudinem EF contendit.

Si exposita obliqua linea sit ex vtraque parte finita, sic ut neque tabulam neque Horizontem attingat, qualis hîc est LR , extrema eius R & L in infinita projectura AO reperientur hoc modo: Ex R & L euocentur duæ parallelæ qualescumque RP & LN , quarum alteri parallela constituatur ES , & ab S ipsi SB perpendicularis excitetur ST : erit ergo T punctum concursus, in quod parallelæ RP & LN in tabulam transcriptæ coëunt per ea quæ proxime sunt demonstrata : quare si PT & NT iungantur, in has ipsæ PR & NL projectæ incident; atque idcirco puncta X & V , in quibus PT & NT secant projectam lineam AO , datæ prius obliquæ lineæ LR extremitates repræsentabunt, ac tota VX totius LR projectura erit, quæ erat inuestiganda.

E Alio modo propositum confici poterit, si ab extremitatibus datæ lineæ R & L ad E rectæ ducantur lineæ, à locis verò ubi eæ ipsam AB interfecant; perpendiculares eidem AB excitentur: hæc namque in transitu lineam AO in punctis X & V postulatis interfecabunt, ut constat ex altero consecrario propositionis 139.

PROPOSITIO CLII. PROBLEMA.

F *Datam rectilineam figuram dato oculo in tabula repræsentare.*





G VM rectilinearum figurarum latera genere aliquo ex ijs, quæ initio huius projectionis recensuimus, contineri necesse sit; omnium verò linearum iam traditi sint projectionum modi, promptum cuius ac facile ex dictis esse potest omne rectilinearum figurarum genus in tabulam ex dato oculi loco consignare. Si enim figuræ oblatæ rectilinearæ, quædam sint transuersa latera, aut perpendicularia, aut quouis modo tabulæ parallela, eorum transcriptio ex propositione 131. & 132. petenda erit; si autem nonnulla obliqua sint, & quæ producta cum tabula concurrant, in his propositio 151. præsidio erit; atque in hunc modum

designatis in rabula lateribus, ipsa quoq; figura in tabulam transumpta habebitur, quod fieri postulatur. Id porrò tamen factu haud difficile ex dictis esse videatur, lubet tamen maioris claritatis gratia exemplum apponere, arque in triangulo, quod solis obliquis lateribus constet (hæc enim difficillimam habent descriptionem) rem propositam demonstrare; duplici etiam ad id assumpto schemate, quorum alterum speculatiuum magis tabulam ex latere spectandam exhibet; alterum verò ex fronte, quod magis ad praxin est accommodatum.

Esto A oculus in sublimi datus, eiusque altitudo A G à plano in quo sit datum triangulum D E F, quod in tabulam, cuius & plani communis sectio sit B C, transcribere oporteat. Producantur trianguli latera donec communi sectioni tabulæ ac plani B C occurrant in H, I & K; iisdemque trianguli lateribus parallelæ ducantur à puncto G, in quod demissa ab oculo in planum perpendicularis incidit, nimirum G B parallela ipsi E F, & G L ipsi D F, ac denique G C ipsi D E: à locis autem lineæ B C, quibus hæ parallelæ accidunt, perpendicularares erigantur B M, L N & C O altitudini oculi A G æquales, quarum summitates

ipsis K, I & H iungantur rectis M K, N I & O H, sic ut illa inter se puncta cõiungantur, quæ à parallelis in plano designatis proueniunt, ut M & K, quorum alterum M à linea prouenit G B, alterum K à linea F E, quæ duæ G B & F E ex constructione sunt parallelæ; atque ita in ceteris. Vbi ergo tres lineæ M K, N I, & O H sese interfecant, ibi triangulum efficiunt P Q R ipsius primitiui trianguli F D E proiecturam. Nam per consecutarium alterum propositionis 139. constat primitiui trianguli latus F E in linea M K apparere, latusque F D in linea N I, latus denique E D in linea O H: itaque punctum P, ubi scilicet M K & N I sese interfecant, ipsius F est proiectura, ubi primitiui lineæ E F & D F mutuo occursum iunguntur; sic Q ipsius D est proiectura, quod quemadmodum D in mutuo existit concursu primitiuarum F D & E D, ita Q apparentes copulet N I & O H; qua etiam ratione ostendetur R ipsum E primitiuum punctum repræsentare: quamobrem P Q R dati trianguli F D E imago est dato oculo in tabula apparens, quæ fuerat postulata.

Nunc practicè, quod initio polliciti sumus, rem propositam in aduersa tabulæ dispositione ostendamus. Est inquam ex alio situ, B C eadem quæ supra, tabulæ ac plani communis intersectio, oculi verò altitudo A G; G autem locus in quem perpendicularis ab oculo ad planum demissa incidit: denique triangulum datum esto D E F, quod in tabulam secundum datam oculi constitutionem transcribere oporteat. Producantur singula trianguli latera, vsque dum communi intersectioni tabulæ ac plani B C occurrant ad signa H, I & K: deinde ex puncto G ad eandem B C



A recte ducantur singulis trianguli lateribus parallelæ, nimirum GB parallela ipsi EF , & GL ipsi DF , denique GC ipsi DE . A locis autem B, L & C , in quæ iam ductæ parallelæ incidunt, perpendiculares excitentur BM, LN & CO altitudini oculi AG æquales, quarum summitates M, N & O illis punctis iungantur, in quæ trianguli latera producta cadunt, lineis ex G emissis parallelæ, ut quoniam FK parallela est ipsi GB , iungantur MK , eodemq; modo NI & OH : tres porrò hæ lineæ mutua interfectione triangulum complectuntur PQR , quod dico primitiui trianguli FDE apparentem in tabula formam esse. Nam per 148. huius constat, primitiui trianguli latus FE in linea MK apparere, atque eodem modo latus FD primitiui trianguli in linea NI spectari, ac DE in linea OH : ubi itaque B lineæ MK, NI & OH , sese interfecant, ibi puncta signant, in quæ primitiui trianguli extantes anguli projiciuntur: quocirca triangulum PQR ipsius est primitiui trianguli FDE spectata forma, quæ in tabula designari postulabatur.

ALITER.


MODVS describendi in tabula apparentem figuram rectilineam, quem proximè explicauimus, ex intima projectionis natura depromptus est: hic autem quem in præsentia tradere constituimus, externis quibusdam utitur adminiculis. Ne verò linearum frequens concursus rei, quam elucidare intendimus, tenebras offundat, figurâ primitiuâ ad vnum lineæ BC latus ichnographicè primùm designatâ, eius dein apparentem imaginem in alterum latus scenographicè proiecimus.

C Esto inquam primarium punctum A , communis verò plani ac tabulæ interfectio BC , datumque triangulum DEF ad vnum lineæ BC latus ichnographicè descriptum, quodque in tabulam projicere scenographicè oporteat: circa datum triangulum describatur parallelogrammum $BGHC$, cuius duo latera BG & CH directâ sint, ideoque per 149. propositionem huius libri projecta in tabulæ lineas BA & CA incidant; reliquum verò GH transuersum sit, atque idcirco per 150. huius in tabulam translatum respondeat lineæ NO parallelæ ipsi BC , & quæ ipsas BA & CA secet in punctis N & O : erit ergo punctum N ipsius G , & punctum O ipsius H in tabula vicarium, figuraque BNO ipsius $BGHC$ parallelogrammi apparens imago.

D His ita constitutis, propositum sit puncta D, E & F duarum intersecantium sese linearum beneficio pluribus modis in tabula inuenire: sic enim confectum erit Problema. Nam si transcriptæ punctorum formæ rectis iungantur lineis, hæ triangulum dabunt in tabula postulatam.

E Ac primò quidem per E duæ agantur lineæ, altera directâ EI , quæ projecta in lineam IA incidet per 130. huius, altera obliqua ex G excita GK , quæ in lineam KN transferetur, quòd nimirum N ipsius G sit projectura: quare punctum R in quo sese IA & KN interfecant projectura erit ipsius E . Vti enim projectæ lineæ IA & KN cum primitiuis IE & KG secundùm aspectum sunt eadem; ita & interfectionis commune punctum R puncto E , in quo sese primitiuæ lineæ IE & KG secant, aspectu respondet.

Deinde alio modo transcribendum sit punctum D . Ex C & H rectæ per D traiciantur lineæ GL & HM , quæ à punctis L & M ad ipsorum G & H apparentia puncta N & O reuocentur, factumque erit propositum. Nam LN & MO in communi interfectione Q punctum exhibent ipsius D in tabula vicarium; quod eadem ratione, qua supra, potest demonstrari. Cùm enim sit N ipsius G , & O ipsius H projectura; sintque puncta L & M tam primitiuis lineis GL & MH , quàm projectis LN & MO communia, perspicuum est totam LN ipsius LG , & MO ipsius MH projecturam esse: quare & punctum Q apparentibus in tabula lineis LN & MO commune, puncto D aspectu congruit, quod primitiuis lineis LG & MH est commune.




A

PROPOSITIO CLIII. PROBLEMA.


Apparens in tabula signum dato oculo ad primitiuum signum reuocare.

HISTO A G oculi altitudo; G verò locus, in quem demissa ab oculo A in planum perpendicularis incidit: B C autem communis tabulæ & plani intersectio; parallela ipsi G A: denique in tabula datum sit punctum D, quod ad primitiuum punctum reuocari postulatur, hoc est ad punctum illud, quod dato oculo in puncto D appareat: à D ad B C perpendicularis demittatur D B, cui æqualis fiat B C, A C verò & G B producantur donec sibi mutuo occurrant in E: dico E punctum illud esse, quod oculo dato apparet in D. Vti enim B C est æqualis ipsi B D, ita fiat G F ipsi G A æqualis, & G F ad perpendiculum plano insistat, sicut & B D: erunt ergo B D & G F parallelæ per 6. vndecimi Euclidis: cum verò ex hypothese sint quoque B C & G A inter se parallelæ, erunt triangula A E G & C E B æquiangula per 4. lemma libri quinti, ideoque & per 5. sexti Euclidis vt G E ad B E, ita se habet G A ad B C: sed G F æqualis est ipsi G A, & B D ipsi B C æqualis: igitur vt G E ad B E, ita quoque est G F ad B D: quare per 43. lemma huius libri si F D producat, in E incidet. Finge itaque in F oculum constitutum esse, à quo radius per tabulam eiectus pertingat ad planum, is in E incidens signabit punctum illud quod à dato oculo in tabula spectatur ad signum D, quod erat postulatum.



ALITER.

SIT rursus G locus, in quem demissa ab oculo in planum perpendicularis incidit, S oculique altitudo G A; B C autem tabulæ ac plani communis intersectio: propositum deniq. in tabula punctum D, cuius primitiuum in plano postulatur. Constituatur K L ipsi B C parallela interuallo ipsius G A à B C disiuncta, & per D utcumque agantur duæ lineæ B L & C K, quæ parallelæ K L occurrant ad signa K & L, vnde perpendiculares in ipsam B C productam, si opus fuerit, incidant K F & L H, iunganturque F G & H G: his si parallelæ ducantur à punctis B & C, nempe B E ipsi G H, & C E ipsi G F; dico in harum congressione punctum existere postulatum, hoc est E punctum illud primitiuum esse, quod puncto D in tabula secundum aspectum datum respondet. Quod ex propositione 151. demonstrari facile potest: ex ea namque constat lineam B E in linea B L, & C E in C K dato oculo apparere: quare quæ vtrisque communia sunt puncta D & E, sibi mutuo secundum datum aspectum respondent: est ergo E ipsius proiecti puncti D primitiuum; quod erat inuestigandum.



Ex his facile patet apparentem in tabula rectam lineam ac rectilineam figuram posse nullo negotio ad primitiuam formam, ex qua illa transumpta fuerat, reduci: nam reperiuntur per hoc problema primitiuis apparentium laterum congressionibus, si ex rectis lineis iungantur, confectum erit propositum.


PROPOSITIO CLIII. PROBLEMA.

A

Si datum sit in tabula punctum apparens, cuiusq; in plano prototypum, ex oculi distantia altitudinem, & contra ex distantia ipsius sublimitatem explorare.



IT punctum D in tabula apparens, cuius prototypum E ; sit etiam tabulae ac plani communis interfectio $B C$: ex D perpendicularis ipsi $B C$ adiungatur $D B$, fiatque $B C$ ipsi $B D$ æqualis, & ex E per B & C rectæ duæ lineæ traiectæ in infinitum protrahantur: perspicuum est igitur per præcedentem propositionem, in altera earum, nempe $E C$, oculi locum existere, in altera verò $E B$ punctum illud in quod perpendicularis ab oculo in planum demissa procidit. Quare si hoc punctum incidentis perpendicularis datum sit, puta G , quod distantiam oculi indicat, ductâ $A G$ parallelâ ipsi $B C$, erit $G A$ ipsius oculi sublimitas postulata; si verò oculi altitudo detur, fiat ei æqualis $C K$, & ex K parallela ipsi $E C$ productæ cõstituatur $K C$ ipsam $E B$ productam secans in G , erit G oculi distantia, hoc est punctum in quod recta illa linea incidit quæ ab oculo in planum secundum normam demittitur; quod fuerat postulatum.




PROPOSITIO CLV. PROBLEMA.

Dato oculo, inscripta q; tabula recta linea, aliam ei rectam lineam adiungere, quæ angulum cum ea efficiat dato angulo representatione æqualem.



IT communis tabulae & plani interfectio $B C$, & oculi distantia G , altitudo verò $G A$, deturque in tabula recta linea $B D$, cui adiungere oporteat alteram rectam lineam $D C$, quæ angulum cum ipsa efficiat dato angulo representatione æqualem: designetur in tabula ipsius $B D$ primitiua linea $B E$ per consecrarium propositionis 153. ei que adiungatur $E C$ angulum faciens dato angulo re ipsa æqualem, quæ in tabulam transcripta per 151. cadat in $C D$: palam igitur est ex ipsa constructione, angulum $B D C$ angulo $B E C$ secundum aspectum æqualem esse. Cum enim lineæ $B D$ & $D C$ lineis $B E$ & $E C$ aspectu respondeant, angulus $B D C$ angulo $B E C$ non modò æqualis, verum etiam idem esse videbitur.

Rursus quoniam K & L puncta sunt, in quibus ipsarum $C E$ & $B E$ parallelæ projectæ conueniunt, nempe parallelæ ipsius $C E$ in K , ipsius verò $B E$ parallelæ in L per consecrarium primum propositionis 139. perspicue constat $D K$ & $E K$ in K congregantes primitiuas parallelas lineas representare, atque eodem modo quæ ex D & E ad L porriguntur: igitur angulus $K E L$ angulum quemdam aspectui exhibet angulo $B D C$ æqualem. Nam is qui lateribus $K E L$ continetur angulus, alicui respondet, cuius latera lateribus $D C$ & $D B$ sunt parallela, qui proinde ipsi quidem $B E C$ re ipsa æqualis erit, ipsi verò $B D C$ sola representatione.



Ex

A Ex quo fit, vt si à quocumque puncto præter D in tabula accepto, puta E , ad K & L rectè destinentur lineæ, his contentum angulum primitiuum quemdam angulum repræsentare illi, quem angulus $B D C$ aspectui exhibet reipsa æqualem. Cùm igitur $B D C$ & $B E C$ anguli æqualium angulorum sint proiectionis, necesse est illos secundùm aspectum æquales inter se esse.

Hæc quæ de rectilineis figuris dicta sunt, licet pauca, satis tamèn esse arbitror ad perfectam omnium cognitionem facillè assequendam: de curuilineis verò vt circulis, aliisque incerto ambitu comprehensis, quamuis non ita certæ leges sanciri queant, vt re-


B *ctilinearum, id tamen vniuersè dici potest, earum figuracionem ex rectilinearum figurarum designatione pendere. Sumptis enim in circumferentiâ circuli quocumque punctis, si ea in tabula repræsententur, & per eorum proiectiones curua linea firma manu ducatur, habebitur in tabula ipsius circuli proiecta forma: & quò plura eiusmodi puncta in circuli peripheria accepta fuerint, eò certior erit proiectionis designatio. Nunc circuli transcriptionem exemplo ostendamus.*

PROPOSITIO CLVI. PROBLEMA.

C *Datum circulum in obiecta tabula scenographicè repræsentare.*




F *STO* oculi altitudo AG , G verò punctum, in quod perpendicularis ab oculo in planum demissa incidit, ipsius oculi distantiam repræsentans: esto item BC communis tabulæ & plani intersectio, datusque in plano circulus $FHIK$ ex centro E ichnographicè decircinatus, quem in tabulam transferre secundùm datam oculi constitutionem oporteat. Ducantur per centrum E dimetientes FI & HK vtcumque, producanturque in s & t ; ex G au-



tem ducantur $G\alpha$ & $G\epsilon$, ita vt angulus $G\alpha T$ angulo $ET\alpha$, & angulus $G\epsilon S$ angulo EST sit æqualis; & ex α & ϵ perpendiculares excitentur αQ & ϵR altitudine ipsius AG : dico Q & R puncta illa esse, ad quæ dimetientes FI & KH in tabulam proiectionis contendunt, totamque FT in TQ & KS in SR apparere. Cùm enim primitiuus circulus $FHIK$ ad vitandos linearum concursus citra tabulam sit constitutus, qui vltra tabulam esse debuerat, finge

tinge trianguli $s \delta T$ latera $s \delta$ & $T \delta$, lateribus $s E$ & $T E$ singula singulis æqualia: erit ergo δ ipsius primitiui circuli centrum E in alteram tabulæ partem repansum, totumque



triangulum $s \delta T$ toti triangulo $s E T$ æquilaterum & æquiangulum per 8. primi Euclidis: est verò ex constructione angulus $G \alpha T$ angulo $E T \alpha$ æqualis: igitur & angulo $\delta T \alpha$ angulus $G \alpha T$ est æqualis, ac proinde $T \delta$ ipsi αG parallela per 28. primi Euclidis: quocirca per 151. huius $T \delta$ seu quæ eadem est $T E$ in $T Q$ spectatur: eodem verò modo ostendi poterit $s E$ seu $s \delta$ in $s R$ apparere: itaque Q & R puncta illa sunt in quæ projectæ dime-tientes $F I$ & $K H$ secundum datum aspectum incidunt: quapropter per 135. huius ceteræ omnes quæ ipsi $F I$ reipsa sunt parallelæ, vt $H Z$ & $K C$, & reliquæ, in illis spectantur lineis, quæ à communibus tabulæ ac plani intersectionibus Z & C ad punctum Q porriguntur: vti parallelæ ipsi $K H$ nempe $F B$ & $I Y$ ac reliquæ, in lineis apparent $B R$ & $Y R$.

Repertis ad hunc modum in tabula lineis quæ primitiuas repræsentant, per quarum mutuas intersectiones datus circulus incedit, perspicuè patet punctum L ipsius H , & O puncti F, M verò puncti K , denique N ipsius I projecturas esse, per quæ proinde designata figura $L O M N$ datum primitiuum circulum $H F K I$ scenographicè repræsentat, cuius centrum in projectura appa-rens P esse conuenit, in communi scilicet diametrorum $L M$ & $O N$ intersectione existens.


Quamuis projectum circuli schema $L O M N$ plurimum sit ellipsis, vt propositione 66. libri quarti est demonstratum; tamen aliquando etiam circulus esse potest, cum nimirum tabula conum opticum, cuius basis est spectatus in plano circulus, subcontrariè secat, vt lem-mate 28. ostendimus: igitur quo pacto id contingat pretium operæ est ostendere.

PROPOSITIO CLVII. PROBLEMA.

Data oculi distantia, altitudinem ipsius definire, è qua datus in plano circulus in circulum scenographicè proiectatur.

D A T V S sit circulus $B C$, distantiaque oculi $B G$, per G & circuli centrum re-cta agatur $C G$, à G verò recta excitetur $G A$ subiecto plano perpendicularis, in qua locum oculo assignare oporteat, è quo circulus $B C$ in erecta tabula vt circulus appareat. Fiat per 13. sexti Euclidis $G A$ inter $C G$ & $C B$ proportione media: dico ex A datum circulum $B C$ in erecta tabula vt circulum spectari. Intelligatur enim conus opticus ab oculo ad datum in plano cir-culum

A culum profundus, cuius triangulum per axem ABC , quod in eodem erit plano cum triangulo AGC , propterea quod GC recta sit linea; cumque AG ad subiectum planum recta sit, erit etiam per 18. undecimi Euclid. triangulum ipsum AGC ad idem subiectum planum rectum: sed tabula quoque recta est ad subiectum planum ex hypothesi: igitur BD subiecto plano est perpendicularis per 19. undecimi Euclidis;



quapropter AG & BD sunt inter se parallelæ per 6. undecimi Euclidis.

Hisita comparatis, propositum concludemus hoc modo: Quoniam angulus AGC utrique triangulo AGC & ABG communis est lateribus proportionalibus sepeus (est enim per constructionem reperta AG eam proportionem habens ad GC , quam habet BG ad eandem AG) erunt ipsa triangula æquiangula per 6. sexti Euclidis: est ergo angulus BAG angulo ACG æqualis: sed angulo BAG æqualis est angulus ABD per 29. primi Euclidis: igitur ACB angulus angulo quoque ABD est æqualis: est verò angulus BAC utrique triangulo ABD & ACB communis: itaque & reliquus ADB reliquo ABC relinquitur æqualis, ipsaque triangula æquiangula, & similia; quocircà BD ipsius trianguli ABC subcontraria est sectio, quæ proinde figuram in tabula gignit primitiæ BC similem, hoc est circulum, per 28. lemma huius libri.

ADDITIO.

D **M**EDIA autem proportionalis GA inter CG & GB compendio inuenietur ad hunc modum: Productâ CG fiat GE æqualis ipsi GB , & circum EC velut diametrum semicirculus decircinetur qui GA secet in A : erit ergo per 2. lemma huius libri AG media proportionalis inter GE & GC : sed GE æqualis est posita ipsi GB : igitur AG inter GB & GC proportione media est, quæ erat inuenienda.

PROPOSITIO CLVIII. PROBLEMA.

Data oculi altitudine distantiam inuenire, unde datus in plano circulus circuli instar in tabula appareat.

E **S**IT in superiore schemate AG oculi altitudo, datusque in plano circulus BC , oporteat verò distantiam inuenire BG , ita ut sublimis ei insitens oculus A propositum circulum in tabula erecta BD ut circulum videat: per 44. lemma huius inueniatur BG , quæ iuncta BC eam rationem habeat ad GA , quam eadem GA ad applicitam GB , factumque erit propositum. Nam per propositionem proximè antecedentem in ea data linearum proportione conus opticus ABC cuius basis datus circulus, à tabula secatur subcontrariè: igitur in sectione circulum gignit: quare BG distantia oculi est postulata.


F Descriptis huc vsque figuris planis, haud erit difficile solidas formas quæ ex planis constant, in tabulam consignare. Hoc enim vera scientia proprium est, ut cognitis principijs cetera velut consectaria nullo negotio inferantur. Neque verò propositum nobis fuit instrumentorum præsidio (quod Albertus Durerus, alijque fecerunt) figuras in tabula apparentes inuenire: sed ex ipsius Optices primoribus causis Geometricas præces texere, ac velut imaginariè fabricando, loca in tabula reperire, in quæ puncta ac linee à quacumque primitiua figura siue plana siue solida transumptæ cadant. Quæcumque autem

autem de corporum regularium ac irregularium projectionibus Euclidis & Pappi elementis adiuti in medium afferre possemus, exempla potius sunt eorum quæ hætenus diximus, quàm noua huius scientiæ documenta. Quapropter ne circa ea, quàm par est, diutiùs immoremur, his prætermisissis, vno dumtaxat corporeæ projectionis exemplo contenti, mox ad Umbrarum projectiones progrediemur. Nobis enim satis atque abundè esse debet ea tradidisse, ex quibus hæc, ac cetera etiam omnia, quæ eiusdem sunt generis solo ingenij acuminè colligi possunt. Cæptum ergo prosequendo ordinem, ostendamus quo pacto instituendæ sint solidorum corporum projectiones. B

PROPOSITIO CLIX. PROBLEMA.

Datum Prisma octogonas habens bases secundum datam oculi constitutionem scenographicè in tabulam transcribere.

ESTO vt suprà primarium punctum A, oculi vicem subiens, communifque tabulæ ac plani interfectio BC, datumque Prisma octangulas habens bases, quarum ima ichnographicè descripta hîc notatur literis DEFGHIKL, in qua duo quidem latera sunt directæ FG & LK; duoque transuersa DE & IH, reliqua autem obliqua. Vt ergo Prisma huic inlîstens basi in tabulam transferatur, primò basin ipsam transferre in tabulam oportet. Id verò quamuis per propositionem 152. commodè perfici possit, tamen quia succinctè admodum de planarum figurarum projectionibus ea propositione est actum, spero haud ingratum Lectori fore, si huius octogoni productio ab origine hîc repetatur. C



Lineæ KL & GF vsque ad communem sectionem plani ac tabulæ BC producantur, sintq; congressionum puncta R & Q; ex D verò & E ipsis KR & GQ parallelæ ducantur DP & ES, quæ cum DI & EH rectas lineas efficiunt. Hæ omnes, quoniam directæ sunt lineæ, à communibus punctis R, P, S & Q ad primarium punctum A destinantur: igitur lineæ KL in RA, & GF in QA; eodemque modo IP in PA, & HS in SA spectantur per 130. propositionem libri huius: quocirca in hisce quatuor lineis RA, PA, SA & QA, omnes

Anes totius octogoni prominentes anguli secundum apparentiam existunt. Vno igitur illorum, puta D , in tabula reperto ad signum T per 151 . vel 153 . proposit. libri huius, ceteri nullo negotio inuenientur. Nam ducta in primis T V ipsi B C parallelâ, erit T V ipsius DE proiectura, & V puncti E in tabula vicarium: deinde L D in O protensa, & O d per T actâ, erit T X apparens forma ipsius D L , ac eodem modo producta F E , (quæ nunc quidem fortè in idem punctum O incidit) actaque O γ per V , erit V Y proiectura ipsius E F : rursus protractis I K & H G in B & C , iunctisque B γ & C d , erunt X Z & Z M primitiuarum L K & K I transumptæ formæ, vti Y N & N α ipsarum F G & G H : quare iuncta tandem M α , quæ ipsam I H repræsentabit, proiectum erit octogonum, ac numeris omnibus in tabula absolutum.

B Quæ in re hoc in primis apparet, transuersas D E & I H , in parallelas lineas T V & M α transcribi, quod propositione 131 . necessarium esse ostendimus: deinde lineas directas L K & F G in lineis spectari X Z & Y N , quæ ad primarium punctum A diriguntur per 130 . huius: denique ex obliquis eas quæ re ipsa parallelæ sunt, vt D L & G H , itemque E F & K I , cum in tabulam transcribuntur, ad vnum aliquod idemque punctum concurrere per 135 . nimirum T X & N α ad punctum d ; V Y verò & Z M ad punctum γ : quæ quidem puncta d & γ & in horizontali linea existunt per 141 . (quod videlicet Prismatis basis D H Horizonti æquilibris sit) & pari interuallo à puncto primario A distant, quod scilicet D L & E F , itemque K I & G H æqualibus angulis à directis deflectant, quæ omnia ex dictis manifestam habent demonstrationem.

C Descripta hunc in modum ima basi, suprema ex lineis quæ ab angulis infernæ basis ad perpendiculum excitantur, ipsique quæ in d , A & γ congregiuntur, peruestiganda erit. A puncto R , itemque à singulis proiectæ imæ basis angulis X , Z , M , α , N , Y , V & T rectæ excitentur subiecto plano perpendiculares, quæ omnes in tabulæ superficie parallelæ inter se erunt: fiatque R n veræ altitudini Prismatis æqualis, & n A iungatur: ergo perpendiculares ab X & Z excitatæ, cum n A concurrentes designant latus λ σ summæ basis quod lateri X Z imæ basis eminet, ipsique repræsentatione & parallelum est & æquale: deinde ex d per λ recta ducatur d ϵ , quæ perpendicularem insistentem puncto T fecerit in ϵ : ex σ verò recta ducatur σ γ perpendiculari M T occurrens in t : tum ex ϵ & t parallelæ ipsi B C ducantur, quæ perpendicularibus ex V & α occurrant in m & u : ac rursus ab m ad γ , & ab u ad d rectæ destinentur, quæ perpendiculares ex V & N fecerit in θ & ρ : denique θ ρ iungatur: erit ergo descripta Prismatis summa basis, ac ipsum Prisma in tabulam consignatum, quod erat faciendum.

Ad hunc modum facillè quilibet ceteras omnes corporum formas in tabula describet: quare ne exemplis recensendis immoremur, umbrarum projectiones aggredimur.

D E

E VMBRARVM SCENOGRAPHICIS PROIECTVRIS.

NON minùs umbrarum, quàm ceterarum rerum proiectiones huic nostro instituto congruere videntur: siquidem quod non semel diximus, luminosum corpus instar oculi est, quodque ab eo profunditur lumen, velut opticus radius, id verò cum in opacum impingit transitu prohibetum umbram à tergo facit, ceu quamdam intuitus priuationem, quæ ad planum vsque protensa obscurum quemdam locum complet, qui diffuso circumcircà fulgore cingitur. Quare de umbrarum productionibus nonnulla ex Scenographicis institutis proponenda sunt, quod & in superioribus proiectionum generibus fecimus, vt nosse quis possit, quorsum, & quousque à datis corporibus, luminique obiectis, umbrarum processus in subiecto plano protendantur. Id porrò in illis obseruari cupimus, vt lumen altius à plano subleuetur, quàm corpus propositum, vt scilicet tota in subiectum planum umbra excipi possit. Nam siue demissius sit, siue in eadem sublimitate cum corpore umbrifero


constitutum, semper in infinitum umbra abscedit, ut cuilibet rem attentius consideranti patet: quamuis in his etiam casibus, ex ijs quæ dicemus, non sit futurum inuentus difficile, quantum sese umbra hinc inde expandat.

PROPOSITIO CLX. THEOREMA.

Figura plana in subiectum parallelum planum similem sibi umbram profundit.



L S T O signum radiosum A, eique obiecta figura quæpiam plana, quæ nunc quidem circulus sit B.C.D, centrum habens L, cuius umbra in parallelum planum consignata figuram reddat EFG: hanc dico circulum esse. Producat enim AL in O, & LD, OG iungantur: quoniam parallela plana BCD & EFG secantur plano AOG, erunt communes illorum sectiones LD & OG inter se parallelæ per 16. vndecimi Euclidis: igitur æquiangula sunt ALD & AOG triangula per 4. lemma libri quinti: quapropter per 4. sexti Euclidis, ut AL ad AO, sic se habet LD ad OG. Eodem verò modo ostendi potest ut AL ad AO, ita esse LC ad OF: itaque per 11. quinti Euclidis ut LD ad OG, ita LC ad OF, & alterna ratione per 16. quinti Euclidis, ut LD ad LC, ita OG ad OF: sed LD & LC sunt inter se æquales per circuli definitionem: sunt ergo & OG, OF inter se æquales. Cumque eadem sit demonstrandi ratio in ceteris, quæ ex O ad projectæ umbræ peripheriam educuntur, sequitur per circuli definitionem umbram quoque parallelo plano exceptam circularem esse; quod demonstrasse oportuit.



Sit deinde figura, quæ de se umbram fundit, rectilinea BCD, tribus constans lateribus BC, CD & DB: quoniam his parallela sunt EF, FG & GE per 16. vndecimi Euclidis proximè citatam, erunt & hæc illis proportionalia per 4. sexti Euclidis, ob triangulorum quæ ad verticem A terminantur similitudinem: sunt verò & anguli vnus, alterius angulis pares per 10. vndecimi Euclidis: igitur per 1. definitionem libri 6. Euclidis figura EFG figuræ BCD similis est: at eadem est demonstrandi forma in ceteris figuris rectilineis: palàm igitur, umbram à figura plana in parallelum planum transfusam primitiuæ figuræ similem esse; quod erat probandum.

PROPOSITIO CLXI. THEOREMA.

Possibile est à figura non æquilatera in planum non parallelum umbram projici æquilateram.



D E M O N S T R A T hoc Franciscus Maurolycus in suis Photismis postumis theoremate 9. in hunc modum: Construatur pyramis æquilateram habens basin, seceturque pyramis plano quopiam ad basin obliquo: erit ergo hæc sectio nequaquam æquilatera: quocirca si in summo pyramidis fastigio luminosum signum constituitur, & ab obliqua sectione, in subiectam basin umbra profundi intelligatur, perspicuum relinquitur projectæ umbræ formam æquilateram esse, quod basi exactè congruat.


Hac sanè ratione fieri omnino potest, ut non modò triangulum isosceles, verùm etiam scalenum in triangulum isopleuron transcribatur; item ut quadrangulum altera parte longius, & rhombus, rhomboidesque schema, necnon trapezium, cuiuscumque tandem sit generis, in quadratum quod æquis lateribus atque angulis constet, commutetur: si nimirum radiosæ pyramidis sectio ita institui intelligatur, ut illi sit similis, quæ in pyramide basin habente æquilateram accidere potest.

PROPOSITIO CLXII. THEOREMA.

Circuli umbra plano obliquo excepta est vel circulus, vel Ellipsis, vel Parabola, vel Hyperbole.

Hoc in primis constat, luminis radium à signo luminoso per circuli ambitum transfusum efficere conì superficiem, cui circulus illustratus ceu basis subtenditur, conumque absoluit. Hic ergo conus si plano secetur subcontrario, erit eius & conì communis sectio, in quam scilicet umbra cadit, circulus, per 28. lemma huius libri: si verò plano secetur non subcontrario, quod tamen vtrumque conì latus secet, erit umbra hoc plano excepta Ellipsis per 13. primi Conicorù Apollonij: si autem planum in quod umbra profunditur, alterum tantum conì latus secet, alteri verò sit parallelum, Parabolam gignet apparens umbra; ut patet ex 11. primi Conicorù Apollonij: denique si planum vtrumque conì latus non secet, nec sit alteri lateri parallelum per 12. primi Conicorum Apollonij, hyperbolicam C vmbra producet.


Ex his colligi potest; si circulus AB plano cuiuspiam BC ad normam insistat, sitque luminosum signum D sublimiori loco quam circulus constitutum, fieri posse ut BGC umbra in planum proiecta sit circulus, si nimirum AB & BC conum DBC subcontrariè secent; sin autem, Ellipsin esse; rursus si luminosum E in eadem fuerit cum circulo altitudine, ita ut parallelæ inter se sint AE & DBC , vmbra HBL Parabolam esse: denique si luminosum F puncto A humilior sit, vmbra KBO esse Hyperbolem: quæ omnia ex conì sectionibus perspicua sunt.



PROPOSITIO CLXIII. PROBLEMA.

Dato lumine, vmbra pyramidis, cuius basis in subiecto sit plano, inuestigare.

Sit datum lumen A , eiusque à plano sublimitas AB normæ beneficio accepta; sitque data pyramidis CDK , cuius basis CD in subiecto sit plano, vertex autem K sublimè erectus: oporteat verò pyramidis vmbra in subiecto plano designare. A puncto K perpendicularis in subiectum planum demittatur KF per 11. vndecimi Euclidis; perque F & K rectæ ducantur BF & AK , quæ protractæ conueniant in O : erit ergo O puncti K umbra: at punctorum C & D vmbra in ipsis sunt c & d punctis, quod hæc in subiecto sint plano; ideoque pyramidi planoque communia: igitur iunctis CO & DO , erit locus, qui lateribus CD & CO & DO continetur, opacus; qui erat inuestigandus.



PROPOSITIO CLXIV. PROBLEMA.

Dato lumine, profusam à cono recto umbram in subiecto plano definire.

A

B


C

E

F



EST O vt suprà lumen A; B verò locus, in quem perpendicularis à lumine in planum demissa procidit, luminis sublimitatem repræsentans: sit præterea datus conus, cuius basis C G D in subiecto existat plano, vertex autem K sublimis; oporteatque coni umbram in plano definire: ex K in subiectum planum perpendicularis demittatur K F, & per F ex B recta agatur ad partem F infinite protracta; à lumine autem A per conii vertexem K rectus profusus radius cum B F producta cõueniat in O: denique ab O dux rectæ lineæ euocentur, quæ coni basin contingant in C & D per 17. tertij Euclidis: dico spatium C G D O opacum esse. Ductis enim K C & K D, perspicuum est conii superficiem excepta basi in duas partes dissecari, eamque quæ lumine perfunditur CEDK ab illa quæ in opaco est CGDK, triangulo dirimi quod sectio C K D progignit: igitur C O umbra est lineæ C K, & D O ipsius D K umbra: quocircà tota conii umbra in planum proiecta lineis C O & D O, itemque circularis perimetri portione C G D continetur; quæ erat definienda.



PROPOSITIO CLXV. PROBLEMA.

Dato lumine recti Prismatis umbram in subiecto plano inuenire.


D



SITERUM lumen A, eiusque à plano sublimitas A B, & B punctum illud, in quod perpendicularis à lumine demissa incidit: sit denique datum Prisma C K rectangula habens latera, basesque quadrangulas, quarum imà in subiecto sit plano, & Prisma secundum normam constitutum: oporteat verò in subiecto plano dati Prismatis umbram inuenire. A pun-

cto B per puncta C, G & D imæ basis rectæ eijciantur B C, B G & B D, quæ infinite producantur; atque à puncto A per puncta F, N & K summæ basis radij procidant, qui producti cum illis quæ ex B lineis congregiantur ad signa s, o & p; concurrent autem per lemma 14. libri 5. quoniam lumen A altius quàm Prisma supra planum eminet, maiorque proinde è parallelis est A B quàm F C, vel G N, vel K D. Iunctis itaque C s, s o, o p & p D, erit qui his lineis continetur plani locus opacus: nam cum C F in ipso sit A B s triangulo, erit eius portio C F s lumine destituta, obsistente eius profluentiæ linea C F; sic

& portiones D K p & G N o; uti ergo C F in C s, & D K in D p: ita F N & N K in s o & o p umbram




A vmbra profundunt : quocircà Prismatici vmbra plano excepta vna quidem parte Prismatici soliditate, altera verò lineis CS , SO , OP & PD terminatur, quæ inuenienda erat.

PROPOSITIO CLXVI. PROBLEMA.

Dato lumine, datoque cylindro recto, cuius basis in subiecto sit plano, eum plani locum, in quem vmbra cylindri incidit, determinare.

ITEM quod suprà repositum sit lumen A , eiusque altitudo à subiecto plano vt suprà AB : sit præterea datus cylindrus rectus CK , cuius ima basis CGD in subiecto sit plano: oporteat verò in plano locum illum designare, qui lumine destituitur obiectâ cylindri crassitie. A puncto B rectæ ducantur BC & BD , quæ peripheriam imæ basis contingant in C & D per 17. tertij Euclidis : ex C verò & D aliæ duæ excitentur CF & DK axi cylindri EL parallelæ, quæ



proinde vti & axis EL ad subiectum planum rectæ erunt per 8. vndecimi Euclidis : denique à puncto A radij per F , K & N procidant qui cum BC , BD & BG protractis conueniant ad signa S , P & O : perspicuum est igitur vmbre terminum per puncta C , S , O , P , D incedere. Itaque si per S , O & P circuli peripheria describatur, hæc vna cum rectis CS & DP lineis, eaque imæ basis portione, quæ litteris CGD notatur, vniuersum vmbre locum comprehendet. Quòd autem SOP portio sit circularis perimetri ex 4. primi Conicorum Apollonij, & ex propositione 160. huius libri patet. Luminosa namque superficies, quæ à puncto A ceu vertice ad basin FNK pertinet, si producat, altero plano secabitur SOP ipsi FNK parallelo. Quare per iam citatam 4. primi Conicorum Apollonij & 160. huius vtraque sectio similem figuram exhibebit: est verò FNK circulus: igitur & SOP circulus erit. Quare sufficiet ex A per L supremæ basis centrum rectam lineam ducere quæ cadat in T , & centro T , interuallo autem TO circulum describere SOP . ex quo constat propositi cylindri vmbra duabus circularum portionibus CGD & SOP , ac duabus præterea rectis lineis CS & DP contineri.


PROPOSITIO CLXVII. PROBLEMA.

F Dato lumine, vmbra obliqui conij reperire, cuius basis in subiecto sit plano.

QLIQVVS iam sit is qui lumini obijcitur conus, vt $CGDK$, lumenque vt suprà A , ac eius altitudo à subiecto plano AB ; non erit absimilis proiectæ vmbre inuestigatio ab illa, quam propositione 164. in cono recto explicauimus. Demissa enim à vertice conij K in subiectum planum perpendiculari KF , productaque BK donec promissa à luminari A per K verticem conij radio occurrat in O , duæ rectæ lineæ ab O ducantur, quæ conij basin

contingant in c & d per 17. tertij Euclidis, factumque erit quod postulatur. Nam A lineæ ck umbra est co , & do umbra lineæ dk , quod nimirum verticis k umbra in o procidat: est verò ea basis pars, quæ tangentibus oc & od continetur, in opaco: igitur locus cgo umbrosus est.


Eadem porrò ratio erit obliquæ pyramidis: inuenta siquidem, vt iam iam ostensum est, verticis umbra, ab ea ad prominentes hinc inde basis angulos rectæ ducantur, eritque locus plani his comprehensus opacus, qui postulatur.



PROPOSITIO CLXVIII. PROBLEMA.

Lumine dato profusam ab obliquo cylindro umbram in subiecto plano designare.

SIT rursus expositum lumen A , eiusque à plano altitudo AB : sit etiam obliquus cylindrus CD , cuius ima basis CE in subiecto sit plano: oporteat verò cylindri umbram in planum transfusam designare: sumantur in summa basi tria puncta vtrumque D, F & G , atque ab his perpendiculares in subiectum planum demittantur DH, FI & GK : ex B autem per puncta H, I & K , rectæ ducantur BH, BI & BK , quæ quantum opus est productæ cum radijs ab



A per D, F & G procidentibus congregiantur in o, p & s : dico si per o, p & s portio circularis perimetri decircinetur, hac umbram summæ basis in plano terminari. Nam cum summa basis parallela sit subiecto plano, erit per 4. primi Conicorum Apollonij, & per 160. huius vtraque coni luminosi sectio EDF & sop similis: at cdf circulus est: igitur & sop circulus erit: quocircà si per 17. tertij Euclidis rectæ ducantur sl & pn , quæ imam cylindri basin contingant in L & N , erit is plani locus, qui duabus rectis lineis sl & pn , ac duabus præterea circularum portionibus LEN & sop continetur, opacus.


In Prismate obliquo, cuius ima basis in subiecto sit plano, eadem ratio & praxis obseruanda erit. Inuentis enim, vt iam sæpè dictum est, & præcipuè propositione 165. umbris, quæ ab angulis supremæ basis in subiecto plano proueniunt, si ab his ad angulos imæ

A imæ basis, qui superioribus respondent rectæ lineæ protendantur, repertus erit umbrosus plani locus, qui postulabatur.

PROPOSITIO CLXIX. PROBLEMA.

Dato lumine, corporis in sublimi pendentis umbram in plano describere.

B EST ITERUM lumen A vt supra, eiusque altitudo AB, expositaque in sublimi pyramis CDEK, cuius umbra in subiecto plano describere oporteat. Ab extremitatibus, quæ quidem lumini obijciuntur, vt sunt C, D & K, perpendiculares in subiectum planum demittantur CG, DH & KF; perque incidentiæ puncta rectæ ducantur lineæ BG, BH & BF, quæ protractæ, radijs ab A per C, D & K emissis, occurrat in s, o & P. Quoniam igitur s puncti C, & P ipsius D, o denique verticis K umbra est, iunctis so, s P & P o, patet locum plani umbrosi figura sop contineri: nam s o ipsius CK, & P o ipsius DK, s P denique ipsius CD est proiectura. Ab EK autem nulla umbra extra spatium s o P effunditur, quod ipsa sit in opaco: igitur totius pyramidis umbra in planum recepta lateribus s o P comprehenditur.




Simili modo Prismatum, Conorum, ac Cylindrorum sublimium umbræ in plano reperientur: omnibus enim id commune est, aliquot prius punctorum umbras inuestigandas esse, ac postea per proiecta in planum puncta lineas vel rectas, vel curuas ducendas, quæ umbrosi locum comprehendant. Hæc quamuis abundè dicta sufficiant de umbrarum proiecturis: placet tamen claritatis gratia etiam spheræ umbram attexere.


PROPOSITIO CLXX. PROBLEMA.

Spheræ umbram, dato lumine, in planum consignare.

E ST ITVTO lumine A, eiusque altitudine AB, ac datâ spherâ in sublimi CDE, eius umbram in subiectum planum consignare propositum fit. Quoniam ex 50. libri quinti constat spheræ partem illustratam circulo contineri, finge à luminoso A radiosam quamdam superficiem ad spheram produci, quæ ipsam vndique ambiat, tangatq; in circulo CHDI qui partem illustratam ab opaca dirimit. Quæ igitur ad hunc circulum pertinet, radiosâ superficies ab A profusa, conum facit, cuius basis sit idem diremptor circulus CHDI, vertex autem luminare A: hic verò



luminosus conus longius productus, dum plano occurrit, sectionem ostendit, quæ A quidem & ipsa circulus erit, si quæ à luminoso A in subiectum planum perpendicularis procidit, centrum spheræ pertranseat; sin autem, vel Ellipsin gignit, si nimirum luminare A quàm spheræ altius fuerit, vt in præsentī designatione; vel Parabolam, si luminare A eãdem cum spheræ fastigio altitudinem habuerit; si denique demissius fuerit, Hyperbolam: quæ omnia ex Conicis Apollonij, & proposit. 162. huius libri perspicue patent. Vt autem hæ sectiones in subiecto plano inueniantur, recta è spheræ centro F demittatur FG subiecto plano perpendicularis per II. vndecimi Euclidis, iunctaque BC producat in O. C



Porro cum AB & FG sint subiecto plano perpendiculares, erunt ipsæ inter se parallele per 6. vndecimi Euclidis. Quare BO, quæ utramque secat, in eodem erit cum ipsis plano per 7. vndecimi Euclidis, & planum quod per ABO extenditur spheram per centrum secat. Sit ergo eius & spheræ communis intersectio circulus maximus CKDE per 6. primi Sphæricorum Theodosij, per cuius contactum D recta agatur AD per 17. tertij Euclidis, producatque donec cum BC etiam producta conueniat ad signum O, (conueniet autem, quoniam ambæ AO & BO in eodem sunt plano, & angulos faciunt BAO & ABO duobus rectis minores.) itaque triangulum ABO ad rectos angulos secans circulum CHDI, qui partem luminosam ab opaca distinguit, & bifariam ipsum secabit per 13. primi Sphæricorum Theodosij: quocirca CD, communis scilicet vtriusque sectio, circuli CHDI dimetiens est, per cuius extremitates profusi luminosi radij dum plano occurrunt ad signa O & L lineæ BO, maximam vmbre dimetientem exhibent LO ex qua per ea quæ lemata 22. huius sunt demonstrata, facile vmbrosi loci perimetris inuenietur, si nimirum data conij sectio, vt eo loci docuimus, in propria forma descripta exhibeatur. D


PROPOSITIO CLXXI. PROBLEMA.

Dato lumine, datoq; cylindro recto, vmbra à basis ambitu profusam, caua cylindri superficiem inscribere.



IT datum lumen A, eiusque altitudo AB; cylindrus autem CD basin habens sublimem EFDG, à cuius ambitu FEG profusam vmbra in caua

cylindri superficie designare oporteat. Per centrum basis recta agatur linea DE, quæ producta lineam AB secet in H: ab H verò duæ excitentur rectæ lineæ HF & HG, quæ basin contingant in F & G per 17. tertij Euclidis. His ita constitutis, perspicuum in primis est per lemmation ad proposit. 115. libri 4. demonstratum, radios AF & AG cylindrum quoque in F & G contingere. Quare caua basis portio FEG. in opaco est, ab eaque sola in cauam cylindri superficiem vmbra projicitur: reliqua autem à lumine radios suscipit, vmbraque extra cylindrum effundit. Deinde si cuiuslibet puncti, puta E, in periphæria FEG dati vmbra in caua cylindri parte expetitur, ea inuenietur hoc modo: A puncto



H per

A H per E recta agatur HE , quæ in alteram cylindri partem producta incidat in punctum D , & à D recta per cylindri superficiem ducatur DK axi parallela, radiusque ab A per B prociadat AE : hic sanè productus concurret cum DK , propterea quòd DK & AB parallelæ sint, ideoque in eodem cum DH plano per 7. vndecimi Euclidis: at AK in eodem est plano, in quo AB & DH : igitur & cum DK in eodem est plano: quocirca AK cum fecet alteram parallelarum AB , producta secabit & reliquam DK per 10. lemma libri 4. Sit verò sectionis punctum K : patet igitur K puncti E umbram esse. Eodemque modo alterius cuiuslibet puncti umbra inuenietur: vt si puncti O umbra postuletur, ab H per O recta ducenda erit HN ; ab N verò parallela axi cylindri demittenda NL , quæ proinde

B & ipsi AB parallela erit: deinde per O radius ab A eijciendus, qui cum NL concurrat in L (concurrat autem ob eandem iam dictam causam) itaque L umbra erit puncti O dati, quæ postulabatur. Quæ ratio si in ceteris punctis peripheriæ $FE G$ obseruata fuerit, tandem tota umbra in cylindri cauitate descripta habebitur $FKLG$, quod fecisse oportuit.

Porro obseruandum hoc loco est, umbram in caua cylindri superficie descriptam, Ellipseos peripheriam esse: omnium enim punctorum, quæ in portione basis $FE G$ existunt, umbræ in idem planum incidunt, quod cum obliquè cylindrum secet, Ellipsin in sectione exhibet.

PROPOSITIO CLXXII. PROBLEMA.

C *Dato lumine, profusam ab hemisphærij ambitu umbram in caua ipsius superficie adnotare.*




SIT vt suprà lumen A , datumque hemisphærium CGD , cuius sectio circulus $CEDF$, à quo profusam umbram in caua hemisphærij superficie inuestigare oporteat. A corpore luminoso A perpendicularis in planum circuli $CEDF$ productum demittatur AB per 11. vndecimi Euclidis, & ex B ducantur BE & BF , quæ circulum $CEDF$ contingant in E & F per 17. tertij Euclidis: erit ergo ECF ea circuli portio quæ lumini

D proximè obiecta in cauum hemisphærij umbram profundit: quare punctum in peripheria ECF assumatur quodcumque, puta C , atque ex B per C recta traijciatur BC , quæ in oppositam

E hemisphærij parté protendatur ad signum D , perque C & D circulus describatur CGD , cuius diametrus sit CD ,

immobile scilicet pede circini in peripheria CFD vel CED constituto, eo loci, vbi ea secatur bifariam: ac tandem radius ab A per C in circulum CGD cadat: hic inquam puncti C umbram in G exhibebit. Eodemque modo alterius cuiuslibet puncti, exempli gratia O , umbra inuenietur, si ex B per O recta educatur BN , sectoque arcu OFN bifariam, in medio diuisionis signo pes circini immobilis defigatur, & altero pede circumactò circulus decircinetur OLN : ad extremum autem radius ab A per O decidat, qui puncti O umbram projiciat in L , atque ita fiat in ceteris.

F Cum verò ea quæ ab hemisphærij ambitu in cauum superficiem profunditur umbra sit sphærx sectio, patet eam circulum esse: quare repertis tribus eius punctis E, G & F , si circulus per ea describatur, factum erit propositum.



DE SCENIS.

A

SCENARVM repræsentatio non minimam partem susceptæ contemplationis sibi vindicat: à scenis namque velut à præcipua huius scientiæ materia, Scenographices nomen acceptum est. Cùm verò lineis planisque superficiebus, ac solidis partibus, luminibus item vmbriisque variè compositis, scenæ effingi soleant, hæcquæ abundè sint pertractata, superuacaneum meritò videbitur plura addere: siquidem quæcumque in scenis repræsentandis necessarię sunt praxes, ex superioribus propositionibus tamquam ex communibus principiis defumi possunt. Verùm ne ieiunè nimis explicatum hoc caput, vel etiam omnino prætermissum esse videatur, pauca quædã huic operi coronidis loco summam adiungemus.

B

In primis in omni scenarum repræsentatione data communi sectione plani ac tabulæ, mox primarium punctum est constituendum secundùm datam oculi altitudinem: huc enim omnes directæ lineæ, siue in horizontalibus siue in directis sint planis, porriguntur; quod in porticibus animaduertere licet, cùm eas non ex aduerso, sed secundùm longitudinem inspicimus: tum enim omnium columnarum summitates, capitulorumque ac basium, necnon epistyliorum, & coronicum directiones ad primarium punctum, quod oculi loco est, contendunt. Huc etiam communes illæ lineæ pertinent quibus parua ac tabulata, & quæcumque demum ad Horizontis libramentum constituta sunt, directis parietibus committuntur.

C

Deinde cùm plurimum momenti in oculi altitudine positum sit, non parui ingenij erit opera, quo loco primarium punctum aptè collocetur; altè, an demissè, an medio loco? Hinc verò omnem cernendi modum in Opticam, Anopticam, & Catopticam distributum legimus, vt est apud Cælium Rhodiginum lib. 15. cap. 4. qui Opticam vocauit illam videndi rationem, qua aciem directè in Horizontem intendimus; Anopticam verò illam qua suspectamus; Catopticam denique illam qua despectamus.

Ergo cùm historia quæ repræsentari in plano postulatur, in illa est superficie quæ per oculum & Horizontem ducitur, scenæ descriptio ex Optica est instituenda; cùm verò historia supra oculi lineam eminent, ex Anoptica; ex Catoptica denique, cùm historia D oculi linea inferior est. Anopticæ vsus est in iis rebus designandis, quæ vel in montibus, vel in sublimi æthere, vel in superioribus domorum contignationibus existunt: has enim suspectando ab imo intuemur. Catoptica verò res illas exhibet quæ in vallibus, aut sub terra, aliisque inferioribus locis sunt, cùm nos eas è superioribus locis despectamus. Quæ autem medio loco sunt constituta, ad Opticam pertinent: in qua duplex iterum discrimen reperitur. Aut enim oculi altitudo humanam staturam exæquat, aut ab ea superatur: si exæquat, perspicuum est omnium erectorum hominum capita in eam rectam lineam quæ Horizontis proiectura est, incidere oportere: si verò inferior est oculus, altiores videbuntur homines propinqui remotioribus. Hunc verò modum quo historia E è medio loco inter elatum & depressum spectantur, probari à peritioribus atque etiam vsurpari animaduerto, quibus calculum adiicio, quòd plurimum supra humanam altitudinem pictæ tabulæ collocari soleant.

E

Ex his omnibus Scenographicarum projectionum modis quamuis nullus suapte natura ceteris præstantior sit, sed perfecti omnes, si ex artis præscripto instituuntur; tamen pro locorum diuersitate in quibus statuuntur, vel è quibus spectantur, fit ex accidenti, vt non æquè intuentium oculis placeant: nam si immissum lumen ex ea parte proueniat qua depictæ sunt vmbre, imago oculos offendet, cùm necesse sit vmbas lumini aduersas esse: rursus si facta secundùm Catopticam imago ex inferiore loco videnda proponatur, non eam ostendit venustatem, quam si è superiore loco conspiciatur; atque eodem modo quæ secundùm Anopticam facta est, si ex alto despiciatur, minùs ap- F paret perfecta: tum verò pictura intuentium oculis facit satis, cùm eum situm habet secundùm quem eius designatio est instituta. Similis fallacia contingit, cùm ex obliquo aspicitur id quod ex directo intuitu est deformatum. Vnde videre licet imagines quasdam secundùm lateralem seu obliquum aspectum designatas, quæ ex aduerso quidem spectatæ nihil repræsentant, at ex obliquo visæ, radio per exile foramen transmissone extra regionem primæ institutionis vagetur, rem propria ac naturali forma exhibent.

Tamet si planæ imagines numquam perfectiùs appareant quàm cùm ex præstituta oculi distantia atque altitudine videntur, tamen non quantum à proprio loco oculus intuentis

intuentis

A intuentis dimouetur, tantum expressa imago à veri similitudine aberrat. Nam nisi ad perpendicularem tabulæ respectum proximè accedas, quocumq; te vertas, eadem semper rei pictæ dispositio ac partium responsus sese offert: quod sanè fit occulta quadam vi ac proprietate; quam explicare est perdifficile. Vnde etiani illa reperta est ratio, qua humanus vultus ita exprimitur, vt intuentem, quocumque loco steterit, defixa semper acie contueatur, haud secùs ac si mobiles imago haberet oculos, quos ad omnem locum, quò se spectator conuertit, propria virtute circumferat: id verò tum euenire necesse est, cum pictor se intuentem humanum vultum ad viuum imitatur: ita siquidem expressa effigies oculis sequi intuentem quocumque videtur.

B Vti prima præcipuaque cura in scenarum descriptionibus circa principale punctum versari debet, ita secunda in constituendis punctis secundariis ad quæ obliquæ lineæ contendunt, est collocanda. Nihil enim ad hanc artem tantum prædij adfert, quantum ea puncta ad quæ parallelæ omnes lineæ se recipiunt. Nam quæcumque rectis lineis continentur, vt ædes, peristylia, atque horum partes, sine punctorum illorum cognitione in planitiem extendi scenographicè non possunt. De his porrò consulenda est propositio 141. huius libri & sequentes; ex quibus liquidò constat, obliquas omnes lineas in quibuscumque planis existant, præter aduersum, ad secundarium quodpiam punctum ducendas esse.

Rursus circularibus formis in tabulam transcribendis adiumento erit propositio 156. huius libri, vt etiam ea quæ de conic sectionibus tum hoc libro, tum libro quarto sæpè à nobis proposita sunt ac demonstrata: siquidem conus est is qui à circulo directè vel obliquè proposito ad oculum distenditur radius; hic igitur qua tabulam in transitu inuadit, figuram exhibet ex conic sectione ortam, quam proinde in tabula descriptam necesse est primitiuo circulo respondere.

Denique ceteræ curuæ lineæ quæ nulla certa lege constant, nulla etiam definita arte in tabulis repræsentari possunt, vt non semel monuimus; quare designatis primùm in tabula quocumque punctis per quæ ex necessitate incedunt, sinuosæ quædam lineæ firma manu ducendæ sunt, quæ primitiuis, si non verissimè, certè vero proximè congruant.

D Hucusque ea quæ ad Graphidin spectant, cetera ad Pictoriam pertinent, quæ factis designationibus lumen umbrasque adhibet, ac subindè etiam proprios cuiusque rei colores. Cum verò, vt initio diximus, ea omnia quæ in scenarum descriptionibus vsu venire solent, vel rectæ sint lineæ, vel circuli, vel obtorti sinus nulla certa lege curuati, sint, quæ iam horum omnium explicatæ rationes, perspicuum est nulla alia re opus esse ad propositas scenas hoc projectionis genere explanandas.

Igitur vt lumina in proiectas iam formas aptè ducantur, primò id admonendum censeo, in quo plurimos video halucinari, aliter à lucernis, aliter à sole effusos radios luminis admitti, non vno item modo illustrari ea quæ in aperto sunt aère, & quæ fenestris obiciuntur in concluso; alia denique ratione à pluribus luminaribus, alia ab vno lumine suscipi. Nam quæ à lucernis, aut suscepto per fenestras lumine in concluso illustrantur, secundùm Scenographicè sic exprimi debent, vt lumine quidem parciùs, umbris verò vberius perfundantur: quæ autem directos solis radios admittunt, orthographicè sunt designanda: ita vt parallelis radiis ex æquo lumen umbramque descriptæ formæ participent. Denique quæ in aperto sunt aère pari vndique lumine circumfusa exhiberi debent, vtpote quæ omni propemodum parte umbram excludunt.

Hoc præterè sedulò est adnotandum quod ad Opticè spectat, si pictura in pictura exhibenda sit, non secundùm eum intuitum quo antè facta est, illam designari oportere, sed vt in præsentem aspicitur: qua in re pictores plurimi haud vulgares, at rerum opticarum imperiti fœdè labuntur, cum nimirum eis sancti Lucæ argumentum proponitur

F Dei matrem cum Iesu filio in tabula exprimentis: ij namque expressam à S. Luca Virginis effigiem ita transcribunt, quemadmodum à S. Luca Virgo cum puero cernebatur, cum potiùs secundùm proprium aspectum eam repræsentare debuissent: siquidem Virginis simulachrum quod sancto Lucæ ectypum erat, ipsis archetypum est, eo proinde situ exprimentum quo aspectui ipsorum offertur.

Quæ toto hoc projectionis genere tradita sunt, de æquabili plano sunt intelligenda: fiunt verò in quibusdam etiam infractis planis laboriosè potiùs quàm ingeniosè designationes, quarum ratio ex Opticè principiis constat.

Eiusmodi in primis eæ sunt quæ in sulcatis tabulis exhibentur: spectatæ namque ex

vno latere vnam reddunt imaginem, ex alio autem aliam, quod mirum planè iis vide- A
tur qui nihil eiusmodi vniquam sunt experti, & causam mutatæ apparentiæ ignorant;
ita profectò in ceteris naturæ effectis rei insolentia & causæ ignorantio admirationem
pariunt. Res autem sic se habet: Ligna tabula sulcis perpetuis sibiq; cohærentibus ex-
cauatur, atque in porcarum lateribus hinc vnum, inde aliud simulachrum propriis li-
neamentis coloribusque exprimitur, sic vt qui tabulam obliquè intuentur, ab vno la-
tere vnam, ab altero aliam videant imaginem.

Si porrò ducti iam sulci aliis transuersim incidantur, atque in horum rursus parte
ima vna imago, in summa alia depingatur, ac supra tabulam speculum pronum de-
pendeat, vnde ad intuentis oculos forma redeat; quatuor videre licebit imagines, tres B
quidem recto aspectu, quartam verò à speculo repercussam.

Simile quiddam in porticibus videre licet, cum columnarum scapis figuræ quædam
sic inscribuntur, vt omnium lineamenta simul ex obliquo spectata perfectam quam-
dam imaginem oculis reddant; è directo autem nullius rei speciem præ se ferant. Quo
genere præctici quidam homines simpliciorum oculos perstringunt, ac summa admi-
ratione captos tenent: fieri namque haud posse credunt, vt certo oculi situ imago quæ-
dam appareat, quæ nusquam in rebus existit.

Denique huius quoque generis sunt designationes illæ, quæ in cameris fornicatisque
testudinibus ostentationis causa figurari solent ad fallendum aspectum comparatæ. Fit
enim vt cum ea loca multis angulis infracta sint, planisque constant è quibus alia an- C
trorsum prouolant, alia introrsum recedunt, in latera alia obliquantur, formæ quoque
ipsæ ex vno dumtaxat aliquo loco perfectè videantur, quem vbi mutas, ob diuersum
partium adspectum incondita colorum atque linearum permixtio visui sese offert.
Quare qui eiusmodi opus faciunt certo loco constituti, oculoque immoto, rudem pri-
mum formæ delineationem imprimunt oblongi radij beneficio, cuius extremitati hæ-
reat adstrictus carbo; vel certè noctu lucernam in oculi vicem substituunt, eiq; formam,
quam describere moliuntur, minore modulo efformatam obijciunt eo situ atque inter-
uallo, vt umbra illius in oppositam testudinem profundatur; hanc proinde vt fortè
in varia loca incidit carbone designant, ac tandem perfectæ designationi colores
inducunt. D

His infiniti alij adijci possent huius scientiæ effectus, quos tamquam naturæ miracula
imperitum vulgus admirari solet; sed quia eorum omnium rationes & causæ abundè
sunt explicatæ, libenter eius generis ludicra agyrtis relinquimus, quorum hoc proprium
est institutum, vt popularis auræ ac lucri gratia vanis præstigiis ignorantium hominum
oculos ludificent. Tu verò amice Lector, iis quæ ad veram scientiam Optices illustran-
dam hoc volumine à nobis tradita sunt, fruiere, ac studium erga te nostrum æqui bo-
niq; consule, & Vale.



INDEX IN OPTICORVM LIBROS VI.

ABSENS, ut absens videri impossibile est. 95. B
 Absolutè diaphanum quid. 32. B
 Abstractiua scientia, aliis simplicis intelligentia vocatur. 94. D.
 Abstractiua & intuitiua notitiæ discrimen. 94. C
 Academici scientiam de medio tollebant. 196. A
 Accessus & recessus ita visu cognoscuntur uti distantia. 188. B
 Accessus rei ex contractis continuò axibus opticis colligitur. 188. C
 Acies in præterlabentes amnes quietæ teneri non possunt. 186. D
 Actio breuissimis lineis intentatur. 54. D
 Actio realis obiectorum, sublata causa aliquantisper in oculo perseverat. 57. D
 Actio longius effusa languescit. 54. E
 Actio duobus modis uniformis dicitur. 379. F
 Actionis continue difformitas in quo consistat. 379. F
 Acutè & obtusè quomodo visu dignoscantur. 171. A
 Adhærens oculi tunica. 4. C
 Adoptron. Vide Opacum.
 Adnata tunica. 2. D 4. C
 Adnata tunica exterius alba. 4. C
 Adnata tunica oculum firmat. 4. C
 Adnate tunica origo. 2. E 4. C
 Adnate tunica partes. 4. C
 Adnate tunica situs. 4. C
 Adolescentis exemplum, cui res eminens geminari videbantur. 346. A
 Edificij frontem ex aduerso spectatam orthographicè describere. 561. D
 Edificiorum Idea. 456. B
 Edificiorum superiores ordines resupinari videntur. 221. E
 Edis constructio, quæ ingredientibus inopinata ruina corruiere videatur. 349. E
 Equale & inæquale ex cognitarum magnitudinum proportionem internis sensibus distinguit. 164. E
 Equales magnitudines visu translato quomodo æquales appareant. 251. E
 Equalia & inæqualia quedam sunt reuera, alia apparent tantum. 164. E
 Aqualia existimantur quæ eodem spectantur angulo, si distantia non percipiuntur. 228. E
 Equalium magnitudinum propinquior remotiore apparet maior. 230. B
 Equalibus spectata angulis si inæqualiter distare deprehenduntur, inæqualia iudicantur. 233. A
 Equalibus magnitudinibus ex inæquali distantia visus maior est ratio distantiarum quàm angulorum. 158. D

Equalitas atque inæqualitas è longiore intervallo qua ingenij sagacitate inuestigentur. 165. A
 Equalitatis inæqualitatisque vera cognitio ex veris magnitudinibus vis apparentium ex apparentibus magnitudinibus pendet. 164. E
 in Equalitatis & inæqualitatis æstimatione sæpè aspectum falli contingit. 165. C
 Equator seu Equinoctialis circulus quis. 499. D
 Equator cur ita dictus. 499. D
 Equatoris Poli iidem qui & totius orbis. 499. D
 Equator recta linea quomodo plano horologij inscribitur. 568. F
 Equatoris Orthographica transcriptio visu per Equinoctia & Horizontem incedente. 523. F
 Equatorem stereographicè describere oculo in altero Equinoctiorum constituto. 610. A
 Equinoctia quæ. 500. C
 Equinoctium alterum vernum, alterum autumnale. 500. C
 Aer quomodo sub aqua videatur. 59. A
 Aer neuitquam purus. 360. B
 Aer suapte natura caruleus est. 44. A
 Aer nebulosus visionem citius terminat. 60. B
 Aer rerum omnium formas recipit. 75. A
 Aer opacitatis aliquid habet tum ex propria naturæ conditione, tum ab admixtis vaporibus. 360. B
 Eruginis accensa flamma viridis. 34. E
 Etatis anno quadragesimo vigere incipit iudicium, prudentia & consilium. 104. C
 Etatis anno quadragesimo corporis vires minui incipiunt. 104. C
 Affectus animi vehemètes variè aspectu illudunt. 57. C
 Agens actione immanenti, instrumentaria virtute non indiget. 72. A
 Agentia similia ex mutua actione non conualescunt. 396. D
 Agentia similia dum simul agunt, singula propriam effectus partem producunt. 396. C
 Agentia dum simul conspirant, maiorem edunt effectum, quàm unūquodque solitaria actione. 381. B
 Agentia indeterminata ab alio moueri debent. 70. F
 Agentia naturalia necessitate naturæ ad agendum compelluntur. 53. E 396. D
 Agentia naturalia maximum semper, quem possunt, effectum edunt. 396. D
 Agentia & patientia reciprocam aptitudinem requirunt. 64. F
 Agentia & patientia certum postulant apparatus. 58. A
 Agentia creata præscriptum habent actiuitatis terminum. 376. A
 Agentium virtus primaria cum eorundem natura reciprocatur. 72. A
 Agentium virtus primaria incommunicabilis est. 72. A

I N D E X.

- Agentibus duplex inest facultas.* 71. F
- Agutatio seu trepidatio alia ex crebra motus recti in contrarias partes repetitione; alia ex circulari motu nunquam peracto, sed vicissim eunte & redeunte; alia ex diversis circularibus motibus componitur.* 186. A
- Agri solaribus radiis statim ab ortu acrius percussi trepidare videntur.* 439. E
- Albani quidam glaucis oculis noctu plusquam interdiu videre soliti.* 16. B
- Alba oculi tunica.* 4. C
- Albedo visum disgregat.* 41. C
- Albedo cur visum dissipet.* 39. F
- Albedo & nigredo contrarij colores.* 39. E
- Albedo nigredine prestantior.* 39. E
- Albedo ex omnibus coloribus luci simillima.* 39. E
- Albedo ceteros colores intendit.* 40. D
- Albertus Magnus coloris fundamentum absente externo lumine relinqui asseruit.* 37. B
- Albugineus oculi humor.* 2. E 6. B
- Albugineus humor non est excrementum à crystallini nutritione secretum.* 19. B
- Alcamenis & Phidia certamen.* 262. F
- Alexandri Aphrodisis sententia de geminato aspectu confutatur.* 346. C
- Alhazeni sententia de centrīs tunicarum oculi.* 11. C
- Eadem refutatur.* 11. F
- Alhazeni sententia visionem per οραυκέας fieri.* 7. 3. E
- Alhazeni sententia, an nervus opticus communis sit precipuum visus organum.* 23. E
- Alhazeni sententia an crystallinus humor sit precipuum visus organum.* 23. A
- Almucantarath circuli sphaera qui.* 501. C
- Altitudinem solis cognita hora locoque in Zodiaco ex Orthographia indagare.* 540. B
- Altitudinem incognitam ex umbra nota altitudinis inuestigare.* 438. D
- Altitudinem quanta sit, radio inuestigare.* 242. A
- Altitudinem solis ex hora locoque eius in Zodiaco stereographicè venari.* 621. A
- Altitudinum circuli in sphaera qui.* 501. C
- Altitudinum circulos orthograph. cè explanare, visū in Horizontis regione constituto.* 528. B
- Altitudinum circulos stereographicè representare oculo in Horizonte constituto.* 613. C
- Alto somno sopiti, postquam expergiscuntur, parum dormiuisse se existimant.* 225. B
- Amadei Mayret sententia de luminum concursu & occurso.* 398. E
- Amentibus omnia magna videntur.* 234. C
- Amentes cur reges haberi velint.* 234. E
- Amentes stramine ad postem alligati compefcuntur.* 134. D
- Amicitia quandoque inter absentes quàm inter presentes firmior.* 387. A
- Annibus diu spectatis, si oculos aliò transferas, que stant moueri videntur.* 57. E
- Amphitheatrum cur à nonnullis cauea sit appellatum.* 281. F
- Ampulla vitrea aqua plena susceptos solis radios à tergo colligit.* 122. A
- Ampulla vitrea aqua plena sculptoribus & gemmariis insignem usum prestat.* 122. A
- Analemma quid.* 493. C
- Analemma Ptolemai orthographica est sphaera proiectura.* 503. C. 521. A
- Analemma non rectè à Federico Commandino se-*
- Etionis nomine explicatur.* 493. C
- Andrea Vesaly mira circa nervos opticos cuiusdam observatio.* 15. C. 24. A
- Angulus ex quo loco minimus spectetur.* 276. A
- Angulus quicumque certa oculi mutatione augeti minuiue videtur.* 276. A 277. B 278. A
- Angulus trianguli æquilateri nullum admittit angulum in tripla ratione.* 254. E
- Angulus rectus, oculo supra alteram earum que angulum continent delato, semper apparet re-*
- ctus.* 274. B
- Angulus obliquus quo pacto mutatione oculi augeti minuiue videatur.* 274. A
- Anguli recti essentia in indiuiduo est cõstituta.* 129. D
- Anguli aspectus quomodo mutato oculo non mutetur.* 272. A 279. A
- Anguli aspectus idem, cum tantò oculus vertici propinquior sit, quanto altius à plano subleuatur.* 279. D
- Anguli aspectus varius organicè demonstratur.* 275. E
- Anguli cuiusvis multiplex angulus dari nequit in postulata ratione.* 254. E
- Angulo insensibili videri nil potest.* 161. D
- Angulo sensibili cur unumquodque videri necesse sit.* 161. D
- Angulum, quem axes optici in concursu efficiunt, visus non percipit.* 156. A
- Angulum datum in quotuis partes diuidere, hæcenus indemonstratum.* 254. C
- Angulis maioribus spectata, eidentius interno-*
- scuntur.* 219. A
- Angulares colūna cūr crassiores faciendæ sint.* 280. E
- Angulares forma ex interuallo spectata circulares apparent.* 280. A
- Angulosa aliter rotunda eminus videntur, quàm coram ea que verè rotunda sunt.* 280. D
- Anima triplex facultas.* 24. F
- Animas à corporibus secretas proprio loquendi modo videre multi S. S. Patres existimarunt.* 103. F
- Animalia que noctu alimoniam venantur instio oculis lumine vident.* 16. D
- Animalis spiritus eas dumtaxat partes irrigat, que sensus motusque sunt compotes.* 25. A
- Animalis spiritus origo cerebrum.* 24. F
- Animalis & vitalis spiritus discrimen.* 92. F
- Animalis spiritus cum sole collatio.* 25. B
- Animalis spiritus ductus sunt nervi.* 25. A
- Animalis spiritus vis in facultates anima.* 25. B
- Animali spiritu agitato, res externa moueri videntur.* 25. C
- Animales spiritus à prima origine flāma succēsi.* 14. B
- Animales spiritus lucidi.* 13. F
- Animales spiritus ad obiecta efferrī Stoici finxerunt.* 71. C
- Animantia que noctu vident, non crystallinum humorem luminosum habent.* 17. F
- Animantia que noctu vident; solam iridem luminosam habent.* 17. F
- Animantia quædam sensu hominem antecellunt.* 66. F
- Animantia que plus cogitant, minorem habent oculorum distantiam, maiorem verò que minus cogitant.* 131. E
- Animi vires ab anno quadragesimo augetur.* 104. C
- Animi vigor ab anno sexagesimo marcescit.* 104. D
- Animo delinquentes cur visu destituantur.* 78. F
- Animo delinquentes instantia temporis præteriti & futuri connectunt.* 225. B

I N D E X.

- Anoptica qua.* 682. C
Apertis oculis dormientes nihil vident. 8. F
Aphrodisæi sententia de iis qua noctu lucent. 17. C
Apothegma ferri, cui Adrianus Imp. oculum cruerat. 66. D
Apparentes colores in solo versantur diaphano. 45. E
Apparentes colores qui. 145. E
Apparentes qui vocantur colores ad certa capita revocantur. 43. A
Apparentes colores à veris quo differant. 43. A
Apparentes colores à nullo corpore simili colore affecto proficiuntur. 45. E
A puncto nec paralleli, nec secantes se radij profiliunt. 374. A
Aqua marina tum primum noctu splendet, cum valide agitur. 32. E
Aqua tepida cur citius calefiat quam frigida. 382. E
Aqua vino mista confunditur. 387. F
Aqua vino mista non fit vinum. 387. F
Aquam qui bibunt acutius vident. 25. F
Aqua suapte natura subvirides sunt. 44. A
Aqua immota cur virescant. 44. C
Aquarum deductiones et neorūque fastigia dioptris librantur. 175. C
Aqueus oculi humor. 2. E. F 6. B
Aqueus humor omnium maximè diaphanus. 6. B
Aquileges an aquas sub terra conspiciant. 62. F
Aquila quomodo solem fixis oculis intueantur. 67. B
Aquilis firmissimus est obtutus. 19. F
Ægyptiorū oculi tunica. 5. E
Aranea oculi tunica. 1. F 5. E
Aranea tunica descriptio. 5. E
Aranea tunica origo. 2. F
Aranea tunica admodum sensibilis est. 19. F
Aranea tunica proprietates. 5. E
Aranea tunica aqueū humorē à vitreo determinat. 5. E
Aranea tunica & crystallini humoris consensus. 27. C
Arbores eos qui subitus recumbunt suo colore perfundunt. 74. F
Arbores crevisse videmus, non crescere. 190. E
Arborum & columnarum anteriorem in partem longo ordine expositarum, qua longissimè distant, coniuncta videntur. 222. D
Arborum striga ab extremitate inspecta, contrahi in angustum videntur. 260. E
Archimedis elogium. 254. D
Archimedis sphaera. 453. D
Architectonica rudimenta. 455. D
Architectonica progressus. 455. E
Architectonica perfectio. 455. F
Architectorum quorundam error. 259. B
Argonauta visus acutissimus. 63. A
Aristoteles sensum communem centro circuli comparavit. 92. C
Aristoteles explicatur dicens sensibile proprium id esse, circa quod non contingit sensum errare. 215. D
Aristoteles quomodo visum potentiam passivam esse dixerit. 78. C
Aristoteles explicatus. 32. A
Aristoteles sensum communem ultimum sentiens nuncupavit. 93. C
Aly primum seu primum dixerunt. 93. D
Aristoteles sensum communē in corde collocavit. 92. D
Aristot. asserit strabonibus omnia gemina videri. 346. B
Aristoteles asserens strabonibus omnia geminari, explicatur. 346. D
Aristoteles explicatur dicens ea nobis notiora esse qua sensui sunt viciniora: illa autem notiora natura, qua longius absunt à sensibus. 99. B
Aristotelis sententia de talparum oculis. 67. C
Aristot. sententia, quinque esse communia visui obiecta. 29. F
Aristotelis sententia de vnius oculi visione. 81. F 83. C
Arteria sunt ductus spiritus vitalis. 24. F
Ascensiones descensionēsq, solis ex proiccturis cognoscere. 525. E
Aspectus simplex quid. 86. A
Aspectus simplex fit quousis optico radio. 87. B
Aspectus simplex momento fit temporis. 87. D
Aspectus vagus quibus ex causis obueniat. 130. F
Aspectus linearum & superficialium triplex. 498. F
Aspectabiles qualitates sunt velut latentis essentia nota. 184. D
Asperitas corporum quid. 170. D
Asperum & laeve ex luminis repercussione internoscentur. 170. D
Asphaltum, naphtha, & succinum è longinquo flammam suffurantur. 359. C
Astra quiescere videntur. 351. F
Astra orientia succendi, occidentia extinguī, Epicureorum commentum. 38. D
Astra quantum à nobis distent visu per se non assequitur. 223. C
Astra tum maximè agunt, cum præcipuè fulgēt. 358. F
Astrorum distantia ex Optica potissimum cognita fuerunt. 223. D
Astrorum phenomena hypothesebus explicantur. 148. E
Astris omnibus portio aliqua luminis cogenita est. 358. F
Astrolabium Roias catholicum. 521. B
Astrolabium Roias unde originem accepit. 521. B
Astrolabium Roias industria primum Huonis Held inchoatum. 521. B
Astrolabium Gemma Frisij. 624. E
Astrolabium Gemma Frisij ex Stereographia profuexit. 573. B
Astrolabium Stoflerini. 624. D
Astrolabij Stoflerini ex Stereographia manavit. 573. B
Astrolabium Stoflerini à Gemma Astrolabio quo discrepet. 573. B
Astrolabium Odonis Malcotij. 624. D
Astrolabij principia. 454. A
Astrolabij propria partes. 521. F
Astronomia exordia. 453. B
Astronomica theses. 453. B
Astronomica hypothesebus qua optima. 148. E
Astronomi non tam quid reipsa in celo sit querunt, quam quibus positis salventur phenomena. 453. C
Attendens facultas præter externos communemque sensum superflua est. 92. B
Atlas primus celestē spherā in Graciā deportavit. 453. C
Auditus ad capeffendas disciplinas aptissimus. 66. A
Auditus percipit distantiam. 225. F
Auempace colorem dixit absque externo lumine non existere. 37. B
Augustus oculos suos ab aliis curiosè inspicere indignè ferebat. 66. C
Anicenna lumen ratione mediū requiri negavit. 64. D
Auium, qua axes non iungunt, alter oculus semper feriat. 21. C
Auerroës confutatur. 64. A
Auerroës commentum de specierum ab internis sensibus regressu. 57. A
Auriginosi ceruleū colorem viridē arbitrantur. 215. D
Auriculari digito plicato & proximus sequitur. 21. A
Aureus color ex flavo & rubro componitur. 40. C

I N D E X.

<i>Austerus color Plinio quis.</i>	40. C
<i>Axioma projectionum.</i>	502. D
<i>Axiomata unde hauriantur.</i>	215. F
<i>Axiomata que ad apparentium magnitudinum fallacias demonstrandas necessaria.</i>	227. A
<i>Axis natura explicatur.</i>	142. C
<i>Axis opticus quid.</i>	107. C
<i>Axis opticus cur oculi acies nuncupetur.</i>	107. E
<i>Axis opticus solus ex omnibus radiis in superficiem visus rectis incidit angulis.</i>	118. D
<i>Axis opticus axi rotarum similis.</i>	107. D
<i>Axis opticus mundano axi similis.</i>	107. E
<i>Axis opticus per ipsius visus ac totius oculi centra transit.</i>	107. C
<i>Axis opticus maximum visionis robur sustinet.</i>	107. D
<i>Axis opticus omnium radiorum acerrimus est & viuacissimus.</i>	107. D
<i>Axis opticus recta in centrum visus penetrat.</i>	119. A
<i>Axis opticus verticem pyramidis optica subtendere non potest.</i>	143. B
<i>Axis communis.</i>	108. D
<i>Axis communis idem qui & medius axis.</i>	108. D
<i>Axis communis per se immutabilis est.</i>	108. F 129. A
<i>Axis communis cum opticis axibus radioque communi varie comparatur.</i>	134. & seq.
<i>Axis communis eam qua extrema neruorum opticorum connectit, bifariam secat.</i>	126. A
<i>Axis communis, ei qua connectit extrema neruorum opticorum, normalis est.</i>	108. F
<i>Axis pyramidis optica quis dicatur.</i>	110. B
<i>Axis pyramidis optica mouetur quidem mota pyramide, at situm in ea non mutat.</i>	142. B
<i>Axem opticum extra opticam pyramidem subinde excurrere nihil vetat.</i>	142. E
<i>Axe optico certissima fit visio, per ceteros autem radios tanto certior quanto sunt axi propinquiores.</i>	125. D
<i>Axes optici ad Horizontem sociati dextri ac sinistri medium indicant.</i>	175. D
<i>Axes optici quo intellectu moueri dicantur.</i>	129. D
<i>Axes optici motis oculis pariter mouentur.</i>	129. C
<i>Axes optici propius conuenire nequeunt quam ubi cum neruis opticis angulos rectos efficiunt.</i>	131. B
<i>Axes optici cum communi radio axeque communi varie comparantur.</i>	134. & seq.
<i>Axes optici eo adduci non possunt ut ad normam concurrant.</i>	132. A
<i>Axes optici in unum semper idemque punctum conspiciunt.</i>	126. D
<i>Axes optici in somnis laxantur.</i>	130. F
<i>Axes opticos cum ea que connectit centra visuum, eaque qua extrema neruorum opticorum iungit, in eodem plano necesse est esse.</i>	127. B
<i>Axiom opticorum dispositio qua ad visionem accommodatissima.</i>	134. B
<i>Axiom opticorum longitudines visu quomodo dignoscantur.</i>	133. C
<i>Axiom opticorum longitudines quod maiores sunt, eo incertius cognoscuntur.</i>	133. F
<i>Axibus a concursu diuisis nihil exacte cerni potest.</i>	21. D
<i>Azimuth sphaera caelestis circuli quos verticales appellant.</i>	501. D

B.

B ALENÆ arcta cum musculo societas.	68. A
Balenarum oculi plurimum clausi.	68. A
Basis pyramidis optica maxima non est circularis.	110. A

<i>Basin maxima pyramidis optica externa oculi partes definiunt.</i>	109. E
<i>Basiliscus venenato aspectu homines interimit.</i>	79. F
<i>Breuitas temporis veram distantia cognitionem non concedit.</i>	226. D
<i>Brigantinus quidam noctu minutissima quaque videre solitus.</i>	16. B
<i>Bruta animantes discernunt quidem, at nil iudicant.</i>	101. F
<i>Bruta animantes quibus minima cogitatio est, maximam habent oculorum intercapedinem.</i>	131. E
<i>Bulla sub aquis quo pacto cernantur.</i>	353. B

C.

C AELESTIS globi origo.	453. C
Caelestis sphaera initia.	453. D
Caelestes circuli imaginarij sunt.	149. B
Caelestes circuli quo pacto imaginarij sint.	114. D
Caelestes circuli alij lationum alij distinctiores vocantur.	499. B
Caelestes circuli qua occasione in planum projici ceperint.	454. A
Caelestes qualitates luminis ope agunt.	358. F
Caelestes qualitates in longinqua agunt.	358. F
Caelestes virtutes. Vide Virtutes caelestes.	
Caelestia corpora colorem non respuunt.	35. B
Caelestium domorum terminos orthographicè ponere secundum aspectum per Aequinoctia & Horizontem delatum.	544. A
Caelius Rhodiginus se noctu quandoque vidisse scribit.	16. B
Calum prope Horizontem longius a nobis distare videtur, quam iuxta verticem.	224. C
Calum terra coherere in ambitu Horizontis videtur.	223. E
Calum planum aspectui videtur.	312. D
Calum rotundum esse ex navigatione probat Cleomedes.	223. F
Cali in hac inferiora vitam & actiuitatem infundunt.	386. C
Calorū superficies exquisitè laeues esse oportet.	420. A
Calos variis motibus circumferri ex mutatis siderum interuallis cerio colligimus.	190. C
Caruleum vnde dictum.	44. D
Caruleum lumine candela percussum subuiride apparet.	39. C
Caruleus color visum attemperat.	42. B
Caruleus color inter simplices incundissimus.	42. D
Caius imperator rigentes oculos habuit.	7. F
Kara. d. d. d. schema quod.	432. F
Caligo quid.	61. A
Callimachus capitelli Corinthij primus inuētor.	432. F
Callimachus ab Atheniensibus Catatechnos appellatus.	432. F
Calor instrumentaria virtus ignis.	72. A
Calor a solis lumine velut effectrice causa progignitur.	383. F
Calor aërem diducit, frigus densat.	359. D
Calor non sine luminis ope propagatur.	359. B
Calor cur tempore producat.	375. B
Calor in igne proprietas est substantiae.	381. D
Calor naturalis quis.	14. C
Calor naturalis membra efficit agilia.	18. F
Calor naturalis qua conseruatrice causa in animalibus perennet.	14. C
Calor naturalis quo differat ab elementari.	14. C
Caloris naturalis oppositū nō frigus, sed priuatio.	14. C
Caloris naturalis praecipua sedes humor primogenius.	14. C

I N D E X.

- Calorem non rectè leuam dixeris, sed id quod calidum est. 359. C
- Cancellorum spectatorum forma clausis etiam oculis inheret. 56. D
- Caniculis diu conspèctis cur oculis clausis transfennarum lucida obscura appareant, reliqua sublucida. 56. D 57. F
- Cancric palpebris destituti. 8. F
- Cancric cur praduros oculos habeant. 8. F
- Canes interdum casij. 5. C
- Canicula quam quidam astinis mensibus sub aquis ostendunt, non canicula est, sed solis imago 420. C
- Canicula sub aquis interdum cur plano speculo exhibere non possit. 420. C
- Capilli infantium initio subalbi, mox flauescunt, dein stabilem colorem induunt. 5. D
- Capita piscium non idè noctu lucèt, quòd lanua sint. 17. C
- Capitellum Corinthium à Callimacho repertum. 432. F
- Cardialgia quomodo contingat. 91. E
- Cataphractus miles quomodo ingentem armorum exercitum representare queat. 330. E
- Cato dicere solebat, se senescere quotidie multa discentem. 104. C
- Catoptica qua. 682. C
- Cattorum pupilla in tenebris non splendent. 18. A
- Causa prima rerum omnium natura. 70. B
- Causa rerum plurimum abditæ sunt. 70. C
- Causa ex effectis plurimum colliguntur. 341. C
- Causa similes ex mutua actione non conualescunt. 396. D
- Causa æquiuoca contraria non semper contrarios effectus gignunt. 48. E
- Causa naturales necessitate quadam ceu fato ad agendum compelluntur. 396. D
- Causa naturales maximum semper, quem possunt, effectum edunt. 396. D
- Causa similes dum unà agunt, singula propriam effectus partem producunt. 396. C
- Causas rerum proximas sepe oportet inuestigare. 70. B
- Cauum. Vide Concauum.
- Centrum figura aliud est à centro grauitatis. 110. B
- Centrum verum circuli obliqui stereographicè proiecti reperire. 584. E
- Centrum Horizontis conspicui illud est, è quo spectator circumspicit. 174. A
- Centrum visus quod. 11. E
- Centrum visus opticum radii cuiusque rei definit. 116. F
- Centri veri & apparentes discrimen. 511. E
- Centra crystallini humoris totiusque oculi diuersa. 11. B
- Centra tunicarum oculi omnino quatuor. 11. E
- Centra oculi in directum iacent. 12. B
- Centra oculi in opticum axem uniuersa incidunt. 12. C
- Centrorum oculi schematismus. 11. E
- Kegetoidis oculi tunica. 4. D
- Cerebrum origo spiritus animalis. 24. F
- Cerebrum bipartitum. 14. F
- Cerebro affecto patitur ventriculus, & vicissim. 70. D
- Chalcedonij lapides insculptis insigniis, annulis inseruntur. 353. A
- Chamaleon multas ac varias affectiones patitur. 45. A
- Chamaleon quo pacto colores mutet. 45. A
- Chamaleon cur nec rubeat, nec candeat. 45. A
- Chamaleontis subiti colores veri sunt, non apparentes. 44. F
- Characteres ex obliquo inspecti cur legi vix possint. 238. F
- Charta candida luci obiecta vicinum locum obscurum illustrat. 74. F
- Chorographica designationes Ducibus militia utiles. 456. F
- Choroides tunica. 2. E 5. A
- Choroides tunica intus impense nigra. 5. B
- Choroides tunica pluribus venis resperosa. 5. B
- Choroidis tunica descriptio. 5. E
- Choroidis tunica origo. 2. E
- Cilia quid conferant oculis. 8. C
- Ciliaris oculi tunica. 5. E
- Cinnabaris minio & lacca concinne miscetur. 41. A
- Circini constructio quo uno ductu ellipsis decircinetur. 476. B
- Circulus crepuscularis. 501. C
- Circulus Hectemorius. 501. F
- Circulus, ut recta linea instar appareat. 280. F
- Circulus è quouis signo caua peripheria totus videtur. 281. C
- Circulus meridianus quis, & unde dictus. 501. D
- Circulus quo pacto ut ellipsis appareat. 214. E
- Circulus directè spectatus, ut circulus appareat. 283. D
- Circulus quodam obliquo aspectu, ut circulus appareat. 284. A
- Circulus directè spectatus, in circulum orthographicè proyicitur. 510. D
- Circulus ex perpendiculari aspectu, orthographicè in lineam transcribitur diametro æqualem. 508. B
- Circulus obliquatus in ellipsin orthographicè proicit. 512. D
- Circulus directo aspectu in circulum stereographicè proicit, cuius idem est centrum verum & apprens, partesque primitiuas proportionales. 581. A
- Circulus perpendiculariter spectatus stereographicè in lineam proyicitur ex utraque parte infinita. 577. E
- Circulus ex obliquo aspectu in circulum stereographicè profunditur, cuius centrum non idem est verum & apprens. 582. F
- Circulus obliquè spectatus subinde ellipsis appareat. 286. C 287. D
- Circulus in plano orthographicè descriptus primitiuo circulo est æqualis. 511. A
- Circuli orthographicè descripti partes sunt primitiuas æquales. 512. A
- Circuli quadratura à nemine hactenus inuenta. 254. D
- Circuli partes æquales ex perpendiculari aspectu in partes inæquales profunduntur. 509. C
- Circuli obliqui Polos stereographicè designare. 586. A
- Circuli nulla pars spectabilis est, oculo in conuexa peripheria constituto. 282. A
- Circuli pars minor medietate perpendiculari intuitus videtur. 282. D
- Circuli portionem, qua perpendiculari aspectu videtur, definire. 283. A
- Circuli obliquè spectati qua dimetientes appareant inæquales. 285. B
- Circuli non maximi stereographicè proiecti locum in sphaera primitiuum adinuenire. 607. C
- Circuli perpendiculariter spectati æquales partes in partes inæquales stereographicè proyiciuntur. 580. B
- Circuli obliqui maximi stereographica projectura primitiuo circulo est maior. 584. D
- Circuli ex obliquo aspectu stereographicè proiecti Polus ab utroque centro vero scilicet & apprens distat. 586. F
- Circuli stereographicè designati obliquitatem indagare. 605. D
- Circuli linearum projecturam in partes orthographicè secare. 509. A

I N D E X.

- Circuli bina puncta secundum perpendiculararē aspectū in idem punctum orthographicè procidunt.* 509. D
- Circuli obliqui partes in ellipsin representando transcribere.* 514. C
- Circuli in ellipsin proiecti partes ad originem reuocare.* 515. C
- Circuli obliqui stereographicè transcripti partes ad originem reducere.* 604. A
- Circuli orthographicè descripti centrum idem verum est & apparens.* 511. E
- Circuli obliqui stereographicè descripti verum centrum reperire.* 584. E
- Circuli umbra à puncto luminoso producta est consectio.* 675. A
- Circulum ex perpendiculari aspectu orthographicè in planum projicere.* 508. E
- Circulum directè spectatum orthographicè transcribere.* 511. C
- Circulum ex directo aspectu orthographicè proiectum in partes representando secare, & contrā.* 512. C
- Circulum ex obliquo aspectu in planum orthographicè consignare.* 513. F
- Circulum ex perpendiculari aspectu stereographicè describere, eundemque in partes secare.* 578. F
- Circulum ex directo aspectu stereographicè transcribere, atque in partes secare.* 582. A
- Circulum ex obliquo aspectu stereographicè explanare.* 583. E
- Circulum maximum ex obliquo aspectu stereographicè descriptum in partes distribuere.* 588. F
- Circulum non maximū ex obliquo aspectu stereographicè proiectū in partes representando secare.* 595. E
- Circulum, quem recta linea orthographicè representat secta utcumque, in partes reciproce distribuere.* 510. A
- Circulū scenographicè in tabula representare.* 669. C
- Circulo figuram quocumque laterum equalium inscribere necdum demonstratum.* 254. D
- in Circulo obliquè spectato qua dimetientes aequales appareant.* 284. D
- Circuli horarij varij.* 501. E
- Circuli domorum caelestium inter positionum circulos connumerantur.* 502. C
- Circuli caelestes quo pacto imaginarij sint.* 114. D
- Circuli caelestes alij lationum, alij distinctores vocantur.* 499. B
- Circuli caelestes qua occasione in planum transcribi cœperint.* 454. A
- Circuli sphaera primò mobilis enumerantur.* 499. D
- Circuli diurni.* 499. E
- Circuli sphaera caelestis sunt velut à motu astrorum relicta vestigia.* 453. C
- Circuli polares sunt vestigia polorum Zodiaci.* 500. A
- Circuli verticales, quos Arabes Azimuth nominant.* 501. D
- Circuli polares.* 500. A
- Circuli polares tantum distant à Polis mundi, quantum Tropici ab Aequatore.* 500. A
- Circuli semper apparentium, semperque delutescentium maximi.* 500. B
- Circuli Almucantarath seu altitudinum.* 501. C
- Circuli diurni non verè sunt circuli, sed vnius spirae volumina.* 499. F
- Circuli diurni impari intervallo ab invicem distinguntur.* 499. E
- Circuli latitudinum.* 500. F
- Circuli declinationum.* 500. F
- Circuli positionum.* 502. C
- Circuli domorum caelestium qui.* 502. B
- Circuli sphaera immobilis.* 501. A
- Circulorum diurnorum manus.* 500. A
- Circulorum diurnorum portiones qua supra Horizontem eminent, diem; qua infra procumbunt, noctem representant.* 500. A
- Circulorum inaequalium peripheria qua aequalibus angulis subtenduntur, siue ad centrum siue ad circumferentiam, sunt inter similes.* 590. A
- Circulorum ex obliquo aspectu stereographicè proiectorum medietates, quas apparentes diametri determinant, sunt inter se inaequales.* 600. B
- Circulorum ex obliquo aspectu stereographicè proiectorum partes partibus primitiuis comparantur.* 601. E 603. A
- in Circulis obliquis stereographicè proiectis qua diameter maxima, & qua minima sit.* 601. B
- in Circulis obliquis stereographicè descriptis medietatum incrementa sunt decrementis proportionalia.* 600. D
- Circulos Horarios ex obliquo aspectu stereographicè designare.* 630. B
- Circulos omnes sphaera planos facere secundum Orthographicen visu per verticem ac sphaera centrum procidente.* 550. A
- Circulos omnes sphaera in plano orthographicè describere aspectu per mundi Polos traiecto.* 546. A
- Circulos sphaera mobilis ex obliquo aspectu stereographicè describere.* 630. B
- Circulos quocumque parallelos stereographicè descriptos vna opera in partes representando distribuere.* 599. C
- Circulos sphaera mobilis stereographicè explanare oculo in Polo constituto.* 624. F
- Circularis perimetri portionem in quotlibet partes secare, haecenus indemonstratum.* 254. D
- Circularis forma theatro aptissima est.* 281. E
- Circularis figura, qua nota visu dignoscatur.* 171. E
- Circumferentia figura cuiusque essentiam constituit ceu propria differentia.* 171. E
- Circumstantiarū consideratio memoriā firmat.* 102. F
- Coccinilla quid.* 40. F
- Cogitabundis axes optici naves versus contrahuntur.* 21. D
- Cognitio ab experientia originem ducit.* 341. C
- Cognitio confusa naturā antecedit distinctam.* 97. A
- Cognitio confusa inter scientiam & ignorantiam media est.* 97. A
- Collimantes cur alterum oculum claudant.* 83. A
- Color est, quod mouet actu perspicuum.* 36. C
- Color proprietates est corporis opaci.* 31. F
- Color non est lumen, ut Plato voluit.* 37. A
- Color non est superficies, ut male Pythagoras.* 36. D
- Color est terminus perspicui in corpore definito.* 36. D
- Color non nisi lucis accessione videtur.* 28. B
- Color in extrema tantum corporis superficie conspicitur.* 36. E
- Color & lux visum terminant.* 33. A
- Color gemmarū quomodo in profundo videatur.* 58. F
- Color puniceus plus habet cyanei quàm amethystinus.* 40. F
- Color flauus visum attemperat.* 42. B
- Color simplicitati caelestium corporū non repugnat.* 35. B
- Color aureus ex flauo & rubro componitur.* 40. C
- Color croceus plus habet rubedinis quàm fuluus.* 40. F
- Color caruleus ex rubeo & caruleo componitur.* 40. C
- Color

I N D E X.

<i>Color flammeus Aristoteli quis.</i>	40. C	<i>Colores per tincta vitra translucentes, veri sunt, non apparentes.</i>	43. E
<i>Color floridus Plinio quis.</i>	40. C	<i>Colores quibus ex morbo oculi inficiuntur, specierum vim obtinent.</i>	61. C
<i>Color austerus Plinio quis.</i>	40. C	<i>Colores intentionales non sunt defusiva, ut antiqui.</i>	46. B
<i>Color caruleus inter simplices incundissimus.</i>	42. D	<i>Colores à rebus lumine decisi ab iis qui in rebus sunt, essentia tenuitate distant.</i>	46. D
<i>Color viridis ex flavo & cyaneo componitur.</i>	40. C	<i>Colores cur nocte delitescant.</i>	38. B
<i>Color materie inflammabilis in flamma apparet.</i>	35. A	<i>Colores intentionales pulchro experimento adstruuntur.</i>	46. F
<i>Color herbaceus plus habet flavi quam aruginens.</i>	40. F	<i>Colores intentionales cur sine lumine non producantur.</i>	47. D
<i>Color è duobus compositus inter utrumque mediùs est.</i>	42. C	<i>Colores intentionales cur clariùs in tenebris appareant.</i>	47. D
<i>Color non in superficie, sed in sola profunditate diaphani perspicuus est.</i>	32. D	<i>Colores corporei qui.</i>	45. C
<i>Color caruleus visum attemperat.</i>	42. B	<i>Colores concreti qui.</i>	38. E
<i>Color viridis cur omnium gratissimus.</i>	42. C	<i>Colores simplices & compositi quomodo ab Aristotele usurpentur.</i>	38. E
<i>Color intentionalis seu notionalis quis.</i>	45. D	<i>Colores à vicinis corporibus resiliens intentionales sunt, non materiales.</i>	43. F
<i>Color intentionalis tenuioris est essentia quàm corporeus.</i>	45. D	<i>Colorum nomina unde potissimum desumpta.</i>	40. F
<i>Color corporeus duplex.</i>	45. C	<i>Colorum simplicium quinque species, tres compositorum.</i>	38. D
<i>Color fuscus minùs remotè in visum agit.</i>	60. B	<i>Colorum triplex differentia.</i>	45. C
<i>Color viuacior interdum facit ut res propinquior quàm re ipsa sit, appareat.</i>	226. C	<i>Colorum varia permixtiones.</i>	41. A
<i>Color corporis admodum coruscantis minùs apparet.</i>	46. C	<i>Colorum cum sonis comparatio ex Aristotele.</i>	40. C
<i>Coloris cum lumine comparatio.</i>	36. F	<i>Colorum species sola intensiõne aut remissione distincta.</i>	40. E
<i>Coloris intentionalis cum lumine similitudo.</i>	49. A	<i>Colorum triplex compositio.</i>	39. B
<i>Coloris quã visibilis, forma est lumen.</i>	38. B 64. B	<i>Colorum realis compositio.</i>	39. C
<i>Coloris & luminis discrimen.</i>	36. C	<i>Colorum realis compositio in rebus fit.</i>	39. C
<i>Coloris species seu forma visibilis, est quidã color.</i>	51. F	<i>Colorum intentionalis compositio.</i>	39. C
<i>Colorem nihil aliud esse quàm lumen rationibus probatur.</i>	37. B	<i>Colorum intentionalis compositio in medio diaphano fit.</i>	39. D
<i>Eadem sententia refutatur.</i>	38. A	<i>Colorum notionalis compositio in oculo fit.</i>	39. D
<i>Colorem aliud esse quàm lumen, rationibus demonstratur.</i>	37. E	<i>Colorum notiones per species quomodo fiant.</i>	51. F
<i>Colores compositi simplicibus, quibus constant, suauiores sunt.</i>	42. B	<i>Colorum vires, quibus aspectum efficiunt.</i>	41. C
<i>Colores qui apparentes vocantur, ad certa capita reuocantur.</i>	43. A	<i>Colorum tres mediæ species simul permixta in gratum colorem gignunt.</i>	40. C
<i>Colores qui in mari variant ex luminis impulsu, veri sunt, non apparentes.</i>	43. F	<i>Colorum instabilitas in plumis pauonum unde.</i>	43. D
<i>Colores in profunditate corporis quomodo interdum videantur.</i>	36. E	<i>Colorum conuersiones mirabiles.</i>	38. F
<i>Colores apparentes à veris quo differant.</i>	43. A	<i>Colorum varietates physica ratione explicare quàm sit arduum.</i>	39. A
<i>Colores extremi cum ceteris omnibus amicam societatem ineunt.</i>	40. D	<i>Columna Traiani scamillum habet subiectum plinibo.</i>	262. D
<i>Colores à panno aut viridi prato cum lumine percussis, veri sunt, non apparentes.</i>	43. F	<i>Columna nubis & ignis ex qua fuerit materia.</i>	421. F
<i>Colores tunc tantum esse, cum videntur, Democriti sententia.</i>	38. D	<i>Columna nubis & ignis quanta fuerit molis.</i>	422. B
<i>Colores qua ratione organum variè efficiant.</i>	42. D	<i>Columna nubis & ignis, an vero igne succensa radiauerit.</i>	422. A
<i>Colores instabiles pauonum, veri sunt, non apparentes.</i>	43. C	<i>Columna quæ interdiu nubem, eadem noctu ignem pra se ferebat.</i>	422. B
<i>Colores pauonum cur sole affulgente viuaciores redantur.</i>	43. D	<i>Columna nubis & ignis Angeli ministerio deferebatur.</i>	422. C
<i>Colores nubium, veri sunt colores propria inserti materia.</i>	43. B	<i>Columna nubis & ignis lumen habebat diuinitus insitum.</i>	421. F
<i>Colores longè minùs efficaces sunt lucidis corporibus ad sui similes producendos.</i>	47. D	<i>Columna nubis & ignis fulgor par lunari splendori fuit.</i>	422. A
<i>Colores apparentes qui sint.</i>	45. E	<i>Columna qua in aduersis sunt planis aequales omnes scenographicè transcribuntur.</i>	654. C
<i>Colores qui verè apparentes dicuntur, enumerantur.</i>	45. B	<i>Columna quò sunt excelsiores eo minorem admittunt summi scapi contracturam.</i>	232. D
<i>Colores apparentes in solo versantur diaphano.</i>	45. E	<i>Columnarum summi scapi, & hypotrachelia ratione altitudinis contrahi debent.</i>	232. E
<i>Colores quidam sympathiam, alij antipathiam cum aspectu habent.</i>	42. E	<i>Columnarum strias secundum Orthographicen ducere.</i>	554. F
<i>Colores subito in chamaleonte orti, veri sunt, non apparentes.</i>	44. F	<i>Columnationes in circulum digestæ quomodo orthogra-</i>	

I N D E X.

<i>graphice sint designande.</i>	555. A	<i>Contiguum quid.</i>	183. E
<i>Coluri circuli in sphaera qui.</i>	500. E	<i>Continuitas non est distantia primatio.</i>	183. D
<i>Colurus alter Aequinoctiorum alter Solstitiorum dicitur.</i>	500. E	<i>Contiguum à continuo visus non discernit.</i>	183. F
<i>Coluros stereographicè plano inscribere, oculo in Aequinoctij signo constituto.</i>	609. A	<i>Continuitas unitatem parit.</i>	152. C
<i>Coluros in planum orthographicè transcribere, visu per Aequinoctia & Horizontem incedente.</i>	523. C	<i>Continuum qua ratione visu percipiatur.</i>	183. C
<i>Communia obiecta visus.</i>	29. D	<i>Conus quid ex Apollonio.</i>	443. B
<i>Communia obiecta visus enumerantur.</i>	30. C	<i>Conus opticus quis.</i>	109. C
<i>Communia sensilia proprias species sensiteriis incurrunt.</i>	50. C	<i>Conus ex inaequalibus circulis sibi mutuo incumben- tibus conflatur.</i>	322. D
<i>Communia obiecta qua nota distingui debeant.</i>	30. D	<i>Conus secundum basin spectatus in triangulum ortho- graphicè profunditur.</i>	552. E
<i>Communia obiecta cognoscuntur collatione, aut distin- ctione, aut praenotione, aut syllogismo.</i>	151. F	<i>Conus & cylindrus in longitudinem rectis lineis dis- tenduntur.</i>	169. F
<i>Communia obiecta visus alia ex aliis cognoscuntur.</i>	152. D	<i>Conus secundum axem spectatus in circulum ortho- graphicè projicitur.</i>	552. B
<i>Communia obiecta cur internorum sensuum praesidio ad sui cognitionem opus habeant.</i>	151. F	<i>Conus & cylindrus uno tantum respectu conuexitatem habent.</i>	169. F
<i>Communium obiectorum species sunt modi & velut appendices propriorum.</i>	50. F	<i>Conus si planis secetur subcontrariis, & qua per axem triangula, usdem planis subcontrarie dissecan- tur.</i>	482. A
<i>Communium obiectorum species à specie propriorum non distinguuntur.</i>	50. E	<i>Conus & cylindrus trauersis circulis ambiuntur.</i>	169. F
<i>Communibus obiectis visus annexa.</i>	30. C	<i>Conus in transuersum circulis cingitur inaequali- bus.</i>	169. F
<i>Compassione sola non fit visio.</i>	70. C	<i>Coni portio qua videtur eò fit maior quò oculus altius in eadem a cono distantia attollitur.</i>	329. D
<i>Compositio colorum triplex.</i>	39. B	<i>Coni sola basis videtur, cum radius ab oculo ad ver- ticem pertinens basin attingit.</i>	326. A
<i>Compositio realis colorum.</i>	39. C	<i>Coni sectio qua producta utrumque latus infra verti- cem secat, ellipsin representat.</i>	287. A
<i>Compositio intentionalis colorum.</i>	39. C	<i>Coni & pyramidis discrimen.</i>	443. D
<i>Compositio notionalis colorum.</i>	39. D	<i>Coni sectio subcontraria similem basi figuram exhi- bet.</i>	481. B
<i>Compositus color inter duos simplices est medius.</i>	42. C	<i>Coni sectio basi parallela circulum producit.</i>	286. D
<i>Compositi colores venusti tres.</i>	40. C	<i>Coni axis quis dicatur.</i>	142. B
<i>Compositi colores simplicibus, quibus constant, sua- uiores sunt.</i>	42. B	<i>Coni orthographiam in partes distinguere.</i>	554. A
<i>Compositorum situum species.</i>	177. D. 182. C	<i>Coni quintuplex sectio.</i>	286. C
<i>Compositi situs ex particularium notitia colliguntur.</i>	182. C	<i>Coni sectio per verticem acta triangulum praebet.</i>	286. D
<i>Comprehensio rei qua absoluta dicatur.</i>	172. E	<i>Coni sectio alteri laterum parallela, parabolam gi- gnit.</i>	286. B
<i>Concaui ex minore partium extremarum elongatione, quam in rectis accidat lineis, cognoscitur.</i>	168. E	<i>Coni sectio qua producta cum altero latere item pro- ducto supra verticem coit, hyperbolem exhibet.</i>	286. F
<i>Concaui aspectus triplex.</i>	168. E	<i>Coni sectio qua producta cum altero latere item pro- ducto infra congredditur, ellipsin offert.</i>	287. A
<i>Concaui & conuexi dignotio è propinquo, quam è lon- ginqquo certior est.</i>	169. F	<i>Coni orthographica proiectura, si radius axi normalis sit, triangulum est, basin habens dimidiatam elli- psin.</i>	553. A
<i>Concordes membrorum motus subinde ex sympathia proficiscuntur.</i>	21. A	<i>Coni superficiem oculus per radium ad verticem ex- porrectum incedens eamdem semper inuenerit.</i>	327. D
<i>Concretio musculorum, motus membrorum coniun- git.</i>	21. A	<i>Coni recti umbra scenographica.</i>	676. A
<i>Conditiones obiecti visus.</i>	58. B	<i>Coni obliqui umbra scenographica.</i>	677. F
<i>Conferentia organi visus.</i>	58. C	<i>Conum scalenum subcontrarie secare.</i>	480. D
<i>Confundi qua dicantur.</i>	387. E	<i>in Cono ut se habet unius circuli portio qua videtur, ad eam qua latet; sic visa superficies ad reliquam qua non apparet.</i>	322. C
<i>Confundi mixtilia tribus conditionibus accidit.</i>	388. A	<i>in Cono similes sunt omnium circulorum porciones, quas oculus unico aspectu contuetur.</i>	321. D
<i>Confundi qualitates momento temporis nequeunt.</i>	389. A	<i>Conica superficies, oculo supra verticem incumbente, tota conspicua est.</i>	324. E
<i>Confusa cognitio inter scientiam & ignorationem me- dia.</i>	97. A	<i>Conica superficies, oculo in latere supernè producto existente, tota sub aspectum cadit.</i>	325. C
<i>Confusa cognitio naturam antecedit distinctam.</i>	97. A	<i>Conica superficiei plus medietate videbitur, si radius opticus in verticem delapsus obtusum angulum fecerit.</i>	374. A
<i>Confusa mixtilia se mutuo nequaquam penetrat.</i>	389. D	<i>Conica superficiei minus medietate videbitur, si ra- dius ab externo oculo ad verticem destinatus acu- tum angulum fecerit.</i>	122. E
<i>Confusorum mixtilium singula partes distincta ha- bent loca.</i>	389. D	<i>Conica superficiei tum maior portio videtur, cum ra- dius</i>	
<i>Coniecturale iudicium ex propria opinione duci- tur.</i>	224. B		
<i>Coniecturale iudicium saepe fallit.</i>	224. B		
<i>Coniuncta hominum vires ingentia praestant moli- mina.</i>	381. C		
<i>Coniunctiua oculi tunica, gracè ἐπιπεφυκὴς.</i>	4. C		
<i>Connectēs centra visum recta linea qua dicatur.</i>	107. F		
<i>Connectens extrema neruorum opticorum recta linea qua dicatur.</i>	108. C		
<i>Contignationes domorum tanto altiores fieri debent, quanto ampliora subitus loca habent.</i>	260. D		

I N D E X.

- dus ad verticem ductus, ampliorem cum axe angulum facit.* 328. C
Conica superficiei media pars videbitur si radius opticus axi ad verticem normalis fuerit. 323. C
Conica superficiei pars que videtur, oculo per planum in quo & basis appropinquante, minor est; apparet autem maior. 326. E
Contrarium ab altero pugnâ deictum cedere cogitur. 386. F
Contraria tribus modis se mutuo excludunt. 386. E
Contraria iuxta se posita magis elucescunt. 353. A
Contrariorum contraria est ratio. 167. D
Contrariorum eadem est disciplina. 167. D
Convexum percipitur ex præcipiti partium extremarum recessu. 168. A
Convexi media & extrema partes que intelligenda. 168. A
Convexi & concavi astimatio è propinquo certior est quam è remoto. 169. F
Convulsio oculorû res distinctè videri prohibet. 127. A
Cor officina est spiritus vitalis. 24. F
Cordis agitatio à vitali, non verò ab animali fit spiritus. 92. F
Chordâ testudinis iclâ, cur altera consonet. 70. E
Cornea tunica. 2. E. 4. D
Cornea tunica descriptio. 4. D
Cornea tunica forma. 4. E
Cornea tunica proprietates. 4. D
Cornea tunica origo. 2. E. 4. D
Cornea tunica, & glacialis humoris suprema superficies non æquè distant. 12. D
Corpus diaphanû colore perspicuo infectû rarefactione aut condensatione essentia coloris non mutat. 35. A
Corpus lumini obiectum in opacum & illustratum distinguitur. 424. E
Corpus opacum inter rem visilem aspectumq; interiectum, si axibus comprehenditur, nullam rei partem obtegit. 145. B
Corpus opacum inter rem visilem & aspectum interiectum, si axes opticos non attingit, partem rei utroq; visu spectandam relinquit. 146. B
Corpus opacum inter rem visilem & aspectum interiectum, si opticos axes excedat, partem rei ab aspectu surripit. 145. D
Corpus omne suapte natura diaphanum. 32. F
Corpus omnifariam dividi potest. 431. C
Corpus umbram unius semper modi profert. 431. C
Corporis partes qua ratione distinguantur. 4. A
Corporis partes anime sunt instrumenta. 23. C
Corporis spectatiradius opticus pyramis est aut conus. 115. B
Corporis opaci umbra semper est corpus. 431. A
Corpora maiora cur longius actione profundant. 53. F
Corpora maiora cur è remotiore loco videantur. 53. F
Corpora opaca fiunt luminis aut coloris infectione. 32. F
Corpora caelestia colores non respuunt. 35. B
Corpora regularia qua. 552. A
Corpora beatorû subtilitate donata, densissima quæque corpora invadent. 388. B
Corporeus color duplex. 45. C
Corporei & mentalis aspectus discrimina. 104. A
Corporei colores qui. 45. C
Corybantia quid. 8. F
Cosmographia duobus constat, historia & delineatione. 455. B
Craffitiis propria est qualitas corporum qua se mutuo protrudunt. 387. B
Craffum & tenue in iis tantum locum habent que solidanuncupantur. 164. C
Craffum illud dicitur cuius dua dimensiones tertia sunt minores. 164. C
Craffum & tenue ad aliquid dicuntur. 164. C
Crepusculum qua hora incipit ac desinat, ex Orthographia indagare. 531. D
Crepusculum non est portio aliqua primi luminis in aère superstes. 383. C
Crepusculi magnitudinem ex Orthographica projectione indagare. 529. E
Crepusculi circulum orthographicè designare visu secundum planum Horizontis incedente. 529. A
Crepusculi dubium lumen umbra ac tenebrarum est interstitium. 426. A
Crepusculi lux cur crepera seu dubia sit appellata. 426. A
Crepusculi lumen non unius est gradus. 426. E
Crepusculi lumen ab aère illustrato procedit. 373. A
Crepusculi fines. 501. C
Crepusculi limitem stereographicè definire oculo in Horizonte posito. 614. A
Crepusculi magnitudinem ex Stereographica descriptione inuestigare. 614. E
Crepuscula Australia in sphaera obliqua Borealibus non respondent. 532. A
Crepuscula in sphaera recta semper ante sextam incipiunt, & post sextam desinunt. 532. A
Crepuscula in sphaera recta inaequalia sunt. 530. B
Crepuscula in sphaera obliqua subinde post sextam incipiunt, & ante sextam desinunt. 532. A
Crepuscularis circulus quis. 501. C
Crocus caruleo mixtus viridem colorem gignit. 39. D
Crocus color plus habet rubedinis, quam fulvus. 40. F
Crystallus, supposita argenti bractea colore infecta, tota tincta videtur. 354. A
Crystallinus oculi humor. 2. F 5. F
Crystallinus humor nobilissima oculi pars. 5. F
Crystallinus humor alitur è cerebro. 3. A
Crystallinus humor inter vitreum aqueumque interiacet. 6. B
Crystallinus humor aranea tunica spissamentum esse dixit Ruffus. 27. B
Crystallinus humor non est præcipuum visionis organum. 22. F 23. C
Crystallinus humor nõ est perfectè sphericus. 3. A 10. E
Crystallinus humor non est in oculi medio constitutus. 10. E
Crystallinus humor priore parte vitrei continetur. 3. A
Crystallinus humor non à vitreo, sed à sanguine alimentum capeffit. 19. A
Crystalloides terram, tunica verò oculi calos representant. 107. E
Crystallini humoris figura. 3. D
Crystallini alimentum per venas retina in araneam derivatur. 19. B
Crystallini humoris anterior pars depressior, posterior spherica. 10. F
Crystallini humoris situs pupilla propinquior. 10. F
Crystallini & aranea consensus. 27. C
Crystallini humoris substantia minus diaphana. 6. A
Crystallino humori inest principium sensus. 26. A
Crystallino humori cetera oculi partes subseruiunt. 6. A
Cubi Orthographica projectio secundum triplicem aspectum. 556. C
Curvus dum moventur, minori vi incitantur quam dum quiescunt. 382. E

I N D E X.

- Curvum rota quandoque circulares, quandoque ut ellipses apparent.* 289. C
- Curvitas irregularis quæ dicatur.* 167. D
- Curvitas irregularis quomodo visu percipiatur.* 167. C
- Cyaneus color inter simplices iucundissimus.* 42. D
- Cyanea insula ponti Euxini.* 349. D
- Cylindrus & conus vno tantum respectu conuexitatem habent.* 169. F
- Cylindrus & conus transversis circulis ambiuntur.* 169. F
- Cylindrus in transversum circulis cingitur equalibus.* 169. F
- Cylindrus & conus secundum longitudinem rectis lineis distenduntur.* 169. F
- Cylindrus fit ex conversione rectanguli circa alterum quiescens latus.* 315. C
- Cylindrus est ordinata plurimorum circulorum sibi mutuo incumbentium aggregatio.* 315. C
- Cylindri portio quæ spectatur, tangentibus radiis opticis continetur.* 313. C
- Cylindri æqualis semper portio cernitur oculo per lineam axi parallelam incedente.* 318. D
- Cylindri pars visa quandoque parallelogrammo continetur.* 315. D
- Cylindrus orthographicè profusus, si radius axi normalis sit, rectangulum gignit.* 553. D
- Cylindri Orthographica forma, si radius axi sit parallelus, circulus est.* 553. B
- Cylindri orthographica forma ex obliquo aspectu quadrilatera est, duas habens dimidiatas ellipses.* 553. E
- Cylindri sola basis conspicua est, oculo cum axe in rectam lineam incidente.* 319. C
- Cylindri conuexum, quod videtur oculo appropinquante, est minus; apparet autem maius.* 317. E
- Cylindri orthographiam in partes distribuere.* 554. A
- in Cylindri cauum quo pacto ab ambitu umbra incidat.* 680. D
- Cylindri recti umbra Scenographica.* 677. A
- Cylindri obliqui umbra Scenographica.* 678. C
- in Cylindro ut se habet circuli portio que videtur ad eam qua latet; sic visa superficies ad non visam.* 315. E
- in Cylindro æquales sunt omnium circulorum portiones, quas vicinus aspectus comprehendit.* 314. D
- Cylindrica superficies vno oculo minus medietate videtur.* 316. A
- Cymatilis color quis.* 40. E 44. A
- D.
- D**ACTYLI. 17. B
- Declinatio rei duplex.* 179. B
- Declinatio stellæ quæ.* 500. F
- Declinationis situs quomodo visu deprehendatur.* 179. B
- Declinationum circuli.* 500. F
- Declinationum circulos orthographicè explanare visu per Equinoctia & Horizontem transeunte.* 545. C
- Declinationum circulos stereographicè explanare oculo in Equatore collocato.* 612. A
- Deductiones aquarum dioptris librantur.* 175. C
- Delineatio, Anaglyptics, Sculptoria, Calatoria, Statuaria, & Plastica est mater.* 457. B
- Delinquentes animo temporis momenta coniungunt.* 225. B
- Deliquium animi patientes cur non videant.* 78. F
- Delirantium variæ imagines unde proveniant.* 25. D
- Democritus per vacuum medium formicam in celo è terris videri posse affirmabat.* 74. E
- Democritus tunc tantum colores esse censuit, eorum videntur.* 38. D
- Democriti error.* 62. B
- Democriticorum commentum de specierum defluuiis.* 49. F
- Densitas corporum lumini ac rerum formis non obstitit.* 31. E
- Depressio quo pacto visu deprehendatur.* 166. C
- Designatio Sculptoria & Pictoria fundamentum.* 637. C
- Designatio est pictura materia.* 637. D
- Deus sua essentia immediatè agit.* 77. F
- Deus in miraculorum ostensione naturales modos sæpè usurpat.* 422. C
- Dextri ac sinistri medium axes optici ad Horizontem sociati indicant.* 175. D
- Dexteriores apparent, quæ radiis videntur dexterioribus.* 257. B
- Dextrorum partes quò à visu sunt remotiores, eo magis in sinistram educi videntur.* 257. E
- Diaphanum quid.* 31. C
- Diaphanum dicitur, quod lumini peruium est.* 358. A
- Diaphanum in sublunaribus nullum perfectum.* 32. B
- Diaphanum duplex.* 32. B. 119. D
- Diaphanum absolutè quid.* 32. B
- Diaphanum omnino perfectum videri non potest.* 32. E
- Diaphanum medium quid.* 32. C
- Diaphanum primum ac secundum quod.* 119. D
- Diaphanum aliud rariius, aliud densius.* 120. A
- Diaphani varij intensiois gradus.* 31. D
- Diaphani diversitas ex opaci admixtione oritur.* 31. D
- Diaphani cum visu & obiecto collatio.* 62. E
- Diaphani & opaci mutua ad visionem subsidia.* 58. F
- Diaulisci rectos radios admittunt.* 372. B
- Dies vernaes & autumnales maioribus momentis augentur & minuuntur, quam hiemales & æstiuæ.* 380. B
- Diei noctisque quantitatem ex Orthographia explorare.* 538. F
- Diei noctisque quantitatem stereographicè metiri.* 619. D
- Dierum incrementa & decrementa uniformiter difformia sunt.* 380. A
- Dierum incrementa circa Equatorem maiora quam circa Tropicos.* 380. B
- Differentia positionum cur numero sex.* 642. D
- Differentia rerum aspectu quidem, at non sine intelligentia percipiuntur.* 101. F
- Differentias motuum, quibus oculi agitantur, inter-nus sensus distinguit.* 22. A
- Differentias ultimas multi etiã sapientes ignorat.* 100. D
- Diformitas actionis continuæ unde æstimanda.* 379. F
- Digito pedis ictu compatiuntur inguina.* 70. D
- Digito auriculari plicato proximus sponte sequitur.* 21. A
- Digitorum extremitates tactu polent acutiori.* 26. F
- Dimensionis trina ratio.* 642. D
- Dionysius Siculus eductos è carcere in candidissimam domum excacasse fertur.* 41. D
- Dioptris librantur aquarum deductiones alueorumque fastigia.* 175. C
- Directæ omnes lineæ ad punctum tabulae primariæ contendunt.* 643. B
- Directas lineas scenographicè describere.* 660. B
- Directè oculis oppositorum remotiores partes quæ à dextris sunt, dextroner sum magis; quæ verò à sinistris propius, in sinistram accedere videntur.* 258. C
- Directus situs quomodo visu percipiatur.* 179. F
- Directus atque obliquus situs duobus oculis indubitatè cognoscitur.* 180. E
- Directius visui opposita, perfectius videntur; & quò obliquius, eo imperfectius.* 238. E
- Discretio atque iudicium quo differant.* 101. F
- Discretio

I N D E X.

- Discretio numerum, multitudinem, paucitatemque gignit.* 152. C
- Discretio continuationi priuatiuè opponitur.* 183. E
- Discretum qua ratione visus percipiatur.* 183. C
- Disgregatio visus quid.* 41. E
- Disputatio aduersus Galenum de magnitudinis cognitione.* 159. D
- Distantia est coniunctionis priuatio.* 154. A
- Distantia duobus modis dicitur.* 153. E
- Distantia moderata qua dicatur.* 219. E
- Distantia immoderata qua.* 220. A
- Distantia moderata & immoderata. ad aliquid dicuntur.* 220. C
- Distantia oculi infinita qua.* 503. E 504. F
- Distantia infinita oculi ad aliquid dicitur.* 503. F
- Distantia infinita exemplum.* 504. B
- Distantia quantitas est magnitudo corporis quod inter rem visumque intercedit.* 154. A
- Distantia que maioris visibilis comparatione mediocris est, ea minoris respectu iusto est maior.* 220. B
- Distantia mediocris visui est quam maximè symmetra.* 217. D
- Distantia ex nota rei magnitudine inuestigari solet, cum certiora prasidia denegantur.* 158. A
- Distantia ex nota rei magnitudine intellectu potius quam externo sensu cognoscitur.* 158. D
- Distantia interdum ex nota rei magnitudine argumentando colligitur.* 158. A
- Distantia ex nota rei magnitudine aequè vno ac duobus oculis accipitur.* 158. D
- Distantia & distantia quantitas differunt.* 154. A
- Distantia duobus oculis per se cognoscitur ex axium opticorum longitudine.* 156. D
- Distantia affines proprietates.* 152. B
- Distantia variatio magnè est motus indicium.* 190. B
- Distantia cognitio qua ex nota rei magnitudine hauritur, rerum præcognitione & assuetudine plurimum iuuatur.* 158. C
- Distantia maiores & minores quo sensu accipiuntur.* 157. C
- Distantia exacta cognitio temporis moram deposcit.* 226. D
- Distantiam rei subductis intermediis corporibus quasi diuinando aspectus coniectat.* 224. B
- Distantiam ex axium cõcurrentium angulis cognosci posse, non rectè quidam dixerunt.* 155. F
- Distantiam auditus percipit.* 225. F
- Distantiam vnus oculus per se desinire non potest.* 154. C
- Distantiam quomodo vnus oculus ex accidenti cognoscat per interiecta corpora.* 155. B
- Distantiam duo etiam oculi per interiecta corpora explorant.* 155. C
- Distantia maiores ex ceruleo colore rebus affuso interdum cognoscuntur.* 223. C
- Distantia, minores semper quam reipsa sint, conspiciuntur.* 220. D
- Distantia minores ex axium longitudine, maiores ex interiectis corporibus exactius discernuntur.* 157. C
- in Distantiis rerum tum maximè visus hallucinatur, cum aut visile longius distat, aut nullum corpus inter visum & visile intercedit.* 222. A
- Distantia astrorum visus per se non assequitur.* 223. C
- Distare vnum ab alio nil certius, at quantum distet, incertissimum.* 154. A
- Distare aliud ab alio qua ratione probetur.* 154. B
- Distinctio atque identitas quomodo visu percipiuntur.* 184. A
- Distrahta luminum societate cuncta geminari videntur.* 345. F
- Dodecaèdri orthographica proiectio secundum triplicem aspectum.* 558. E
- Domus caelestes, si per aequales portiones Aequatoris agantur, in sphaera obliqua sunt inter se inaequales.* 544. F
- Domorum caelestium circuli qui.* 502. B
- Domorum caelestium circuli inter circulos positionum connumerantur.* 502. C
- Domorum caelestium terminos stereographicè ponere, oculo in communi Horizontis & Aequatoris sectione collocato.* 623. B
- Domorum caelestium circulos stereographicè proycere oculo in vertice constituto.* 633. E
- Domorum caelestium circulos ex obliquo aspectu stereographicè designare.* 635. A
- Domorum caelestium circulos stereographicè explanare, visu in communi Horizonti & Meridiani sectione collocato.* 634. E
- Domorum caelestium terminos orthographicè ponere, aspectu per Aequinoctia & Horizontem delato.* 544. A
- Dubium sitne aliquis sub luna concauitate elementaris ignis.* 31. D
- Duobus oculis quomodo idè distinctè videatur.* 85. A
- Duobus oculis spectatum cur non semper geminum videatur.* 85. B
- E.
- E** B R I I interdum res geminas vident. 25. C
- Ebrj cur balbutiant.* 25. D
- Ebriorum pedes cur labent.* 25. D
- Ebriosi cur omnia agitari videantur.* 348. E
- Eclipsis solis. Vide Solis defectus.*
- Eclipsis lune. Vide Luna defectus.*
- Eclipsi solis visa excacatos quosdam refert Galenus.* 35. G
- Eclipses solis non sunt vniuersales.* 503. F
- Ecliptica.* 500. C
- Ecliptica orthographica proiectio visu Aequinoctiis & Horizonti respondente.* 524. C
- Ecliptica orthographicam proiecturam, in partes representando secare.* 526. A
- Alius modus.* 526. E
- Eclipticam stereographicè transcribere oculo in altero Aequinoctiorum collocato.* 611. A
- Ecliptica stereographicam proiecturam in partes diuidere, oculo in alterius Aequinoctij puncto constituto.* 611. A
- Ectropia quid.* 8. F
- Ectypa ex protypis fiunt, hæc verò ex designatione.* 457. C
- Efficiens causa illa potentior est, qua vel aequalem effectum ad maius spatium profundit, vel eodem spatio maiorem producit effectum.* 379. C
- Effectus sua causa proportionatus esse debet.* 379. B
- Effectus sæpè causarum sunt indices.* 341. C
- Elementa non extant pura.* 44. A
- Elementares qualitates alia actiua, alia passiuæ.* 358. F
- Ellipsis quid.* 465. E
- Ellipsis vnde dicta.* 465. E
- Ellipsis est circulus diminutus.* 465. E
- Ellipsis primò in Coni sectionibus reperta.* 465. C
- Ellipsis media est inter parabolam & circulum.* 287. C
- Ellipsis vt regula & norma designetur, ex Guido Vbaldo.* 476. F
- Ellipsis

I N D E X.

<i>Ellipsis descriptio organica, unoque ductu.</i>	475. B	<i>inter communia visus obiecta numerant.</i>	31. A
<i>Ellipsis ut circino describi possit.</i>	476. B	<i>Error illorum qui similitudinem & dissimilitudinem</i>	
<i>Ellipsis descriptio difficilis.</i>	471. E	<i>inter obiecta communia visus referunt.</i>	30. E
<i>Ellipsis rectum latus quod, & quod transfuersum.</i>	465. E 466. F	<i>Error illorum, qui transparentiam, opacitatem, obscu-</i>	
<i>Ellipsis quodam oculi situ ut circulus apparet.</i>	293. F	<i>ritatem, & umbram communibus visus obiectis</i>	
<i>Ellipsis uno quidem obliquo situ in circulum proy-</i>		<i>adnumerant.</i>	30. F
<i>icitur, alio vero in dissimilem ellipsin.</i>	517. A	<i>Erubescencia in hominibus unde:</i>	44. F
<i>Ellipsis directo aspectu in ellipsin orthographice proy-</i>		<i>Essentia rerum ex quibus cognoscantur.</i>	385. E
<i>icitur primitiue aequalem ac similem.</i>	516. D	<i>Essentia rerum tempore cognoscuntur.</i>	96. D
<i>Ellipseos conjugata diametri que.</i>	480. C	<i>Essentia rerum non nisi ex praeotione dignoscuntur.</i>	96. A
<i>Ellipseos diametro ordinatim applicari recta quadam</i>		<i>Essentia rerum collatis indiuiduorum imaginibus</i>	
<i>linea dicuntur.</i>	480. C	<i>cognoscuntur.</i>	96. B
<i>in Ellipsi recta linea, iuxta quam possunt que ad dia-</i>		<i>Essentia inferiores superiorum comparatione ad suam</i>	
<i>metrum ordinatim applicantur, tertia est propor-</i>		<i>cognitionem maior e indigent tempore.</i>	96. E
<i>tionalis.</i>	465. B	<i>Essentia, quarum cognitio ex pluribus pendet, amplio-</i>	
<i>Ellipseos diametro maxima data, & puncto quoquam,</i>		<i>ri indigent temporis interuallo.</i>	96. E
<i>per quod ellipsis incedat, minimam diametrum re-</i>		<i>Euclidis theorema 25. Opticorum explicatur.</i>	306. E
<i>perire.</i>	477. F	<i>Euthygrammum obliquo aspectu examinari solet.</i>	166. B
<i>Ellipseos minima diametro data, punctoque per quod</i>		<i>Exemplum ranunculi de magnitudinis aestimatione ex</i>	
<i>ellipsis incedat, maximam diametrum inuenire.</i>	478. C	<i>Satyrico.</i>	235. C
<i>Ellipseos extremas diametros inuestigare, datis qui-</i>		<i>Experientia est magistra scientia.</i>	2. A
<i>buscumque diametrorum conjugationibus.</i>	479. A	<i>Experientia omnis cognitionis initium.</i>	341. C
<i>Ellipseos diametro quacumque data alteram ei coniu-</i>		<i>Experientia cur a pluribus actibus dependeat.</i>	215. F
<i>gatam assignare.</i>	480. A	<i>Experimentum insigne, quo ostenditur frigidum solo</i>	
<i>Ellipsin circa datas extremas diametros describe-</i>		<i>attactu sentiri.</i>	359. A
<i>re.</i>	471. D	<i>Experimentum ludicrum, probans incertam distantia</i>	
<i>Ellipsin describendi modus ex Guido Vbaldo.</i>	474. F	<i>cognitionem qua uno oculo accipitur.</i>	154. F
<i>Ellipsin per puncta ducere.</i>	472. A	<i>Experimentum quo intentionales colores adstruuntur.</i>	46. F
<i>Ellipsin describendi rationes omnes ad duo capita re-</i>		<i>Aliud.</i>	47. E
<i>uocari possunt.</i>	471. F	<i>Experimentum circa lucentes in tenebris catiorum</i>	
<i>Ellipsin in cylindri sectione ostendit Serenus.</i>	465. E	<i>oculos.</i>	18. A
<i>Ellipsin describendi ratio ex coni sectione desump-</i>		<i>Experimentum, quo inuestigandum an salua sit vi-</i>	
<i>pta.</i>	472. C	<i>dendi facultas.</i>	20. A
<i>Ellipsin describendi modus ex cylindri sectione reper-</i>		<i>Externae oculi partes qua.</i>	2. D 8. A
<i>tus.</i>	473. E	<i>Externae oculi partes oculum tuentur.</i>	8. A
<i>in Ellipsi descriptio circa extremam diametrum circulo,</i>		<i>Externus visus nullum per se essentia gradum percipit.</i>	98. D
<i>que a circuli peripheria ad diametrum normales ducuntur, ab ellipsi in eandem rationem dissecantur.</i>	468. C	<i>Externus visus sine ope sensus communis operari nil potest.</i>	93. B
<i>in Ellipsi earum qua a diametro ad peripheriam ordinatim educuntur quadrata ita inter se sunt, ut a diametri segmentis rectangula.</i>	467. E	<i>Externus visus nullas percipit rerum differentias.</i>	93. C
<i>Eminentiam quomodo visus exploret.</i>	166. E	<i>Externus visus propriam actionem non percipit.</i>	90. B
<i>Eminentia & profunditates si exigua sint ex umbris deprehenduntur.</i>	170. A	<i>Externus internusque visus ab obiecti pendent praesentia.</i>	93. F
<i>Emissitios oculos quadam animantia nata sunt.</i>	7. D	<i>Externi visu res absens videri ut praesens potest, asseruata in eo per diuinam potentiam specie.</i>	94. C
<i>Empedocles non recte lumen corpus esse dixit.</i>	33. D	<i>Externorum sensuum interni que consensus.</i>	93. D
<i>Empedoclis sententia, similia similibus cognosci.</i>	15. F	<i>Externorum sensuum impotentia non est somnus.</i>	90. D
<i>Empedocles dicens omnia similibus cognosci, Deum facit ignorantissimum.</i>	16. E	<i>Extra horopterem constituta in horoptere indefinitè videntur.</i>	149. D
<i>Empedocles secum pugnat, lumina corpora esse, & sibi minimè officere asserens.</i>	386. D	<i>Extremi colores cum ceteris omnibus amicam societatem inuent.</i>	40. D
<i>Epicurus tantillum esse solem putauit, quantillum apparet.</i>	231. D		
<i>Epicuri commentum de magnitudine solis resellitur.</i>	231. D		
<i>Epicurei astra orientia succendi, occidentia extinguere existimarunt.</i>	38. D		
<i>Epicurei visionem fieri per corporeos defluxus ab obiectis censuerunt.</i>	74. B		
<i>Eadem sententia refutatur.</i>	74. C		
<i>Epigramma de Phidia & Alcamenis certamine.</i>	263. A		
<i>Equi nonnulli caesi.</i>	5. C		
<i>Equis celeribus diu vecti, in quiete etiamnum equitare sibi videntur.</i>	186. E		
<i>Error illorum, qui pulchritudinem & deformitatem</i>			

F.

F ACIES humana horrendum in modum foedata, quo pacto eminus tamè formosa appareat.	232. A
Facultas anima triplex.	24. F
Facultas videndi non aqua est omnibus.	66. F
Facultas sentiendi ei inest quod patitur.	26. F
Facultas videndi solida parti inesse debet.	25. A
Facultas videndi in extremitate nerui optici praecipue viget.	26. F
Facultas videndi parti animata inesse debet.	25. A
Fallacia sensuum triplex.	214. E
Fallacia aspectus una saepe ex alia nascitur.	234. B
Fallacia tunc solum in visum irrepit, cum causa ignoratur.	218. C
Falla-	

I N D E X.

- Falacia** tum solim in visum irrepit cum causa ignoratur. 218.C
- Fallacia** illa est, qua res absens ut praesens videtur. 95.A
- Falacia** aspectus innumera. 195.F
- Falacia** aspectus tum mente, tum aliis sensibus corriguntur. 218.A
- Falacia** unius sensus alterius sensus praesidio arguitur. 218.E
- Falacia** aspectus circa communia obiecta potissimum contingunt. 195.F 215.E
- Falacia** aspectus aut depravato intuitu, aut falsa aestimatione, aut vitioso syllogismo inferuntur. 216.C
- Falacia** omnes aspectus ex octo circumstantiarum asymmetria oriuntur. 217.B
- Falacia** aspectus in mediis obiectis quam in communibus pauciores. 352.C
- Falacia** aspectus qua circa magnitudinem obveniunt, ex ignorata rei distantia originem ducunt. 162.B
- Falacia** aspectus circa similitudinem & dissimilitudinem, itemque circa pulchritudinem ac deformitatem nulla. 352.D
- Falacia** aspectus circa umbram & tenebras vix vlla. 352.C
- Falliciarum**, qua circa distantias contingunt, duplex causa. 222.A
- Fallicias** aspectus circa distantiam mens corrigit similitum comparatione. 221.B
- Fallicias** visus emendari non posse, quibus rationibus probetur. 218.A
- Fallicis** aspectus circa motum cur maxime pueri capiuntur. 349.C
- Fallitur** potissimum circa distantiam aspectus cum ea supra modum excrevit. 222.B
- Feles** solem fixis oculis aspiciunt. 67.B
- Feles** noctu vident. 16.A
- Feles** interdum ab interno oculorum lumine nihil praesidij accipiunt. 17.B
- Felium** oculi lucidi. 16.A
- Felium** pupilla in tenebris non splendet. 18.A
- Figura** glacialis sine crystallini humoris. 3.D
- Figura** sphaerica cur oculo accommodatissima. 10.D
- Figura** sectionis oculi. 3.D
- Figura** sine censenda inter communia obiecta visus. 29.E
- Figura** solida ex laterum dispositione aspectu cognoscitur. 173.C
- Figura** polygona que. 173.A
- Figura** polygona ex maiore angulorum quam laterum a visu distantia colligitur. 173.A
- Figura** retilinea qua dicitur. 172.E
- Figura** plana in parallelum planum similem sibi umbram profundit. 674.A
- Figura** plane centrum quod. 110.B
- Figura** affectiones. 152.B
- Figuram** retilineam scenographicè representare. 663.F
- Figura** omnes in sphaera superficie descripta circumulorum portionibus constant. 574.E
- Figura** omnes circumferentiis ceu propriis differentiis distinguuntur. 171.E
- Figura** cuiusque essentiam propria circumferentia constituit. 171.E
- Figura** omnes ex circumferentia inspectione cognoscuntur. 171.E
- Figura** similes ex parallelis planis in similes formas orthographicè prociidunt. 520.C
- Figurarum** solidarum discrimina. 173.C
- Flammeus** color Aristoteli quis. 40.C
- Floridus** color Plinio quis. 40.B
- Flavus** color visum attemperat. 42.B
- Fluminibus** diu spectatis, si oculos aliò transferas, que stant, moveri videntur. 57.E
- Fœtus** in utero primo vegetat, postea sentit, ac tandem movetur. 97.B
- Forma**. Vide Species, Imago, Simulachrum.
- Forme** rerum ultra crystallinum non progrediuntur. 6.B
- Forme** rerum distinctarum singula singulis radiis directè in oculos illabuntur. 115.D
- Forma** singularum rerum quomodo pluribus radiis in oculos inferri possint. 116.B
- Forma** rerum à qua parte proueniant quomodo visus dignoscat. 118.B
- Forme** per foramen transparentes inuversa apparent. 451.A
- Forme** per foramen transparentes interdum rebus ipsis sunt aequales, aliàs maiores vel minores. 451.D
- Formalis** similitudo que. 51.A
- Fornacis** accensa continuo aspectu visus hebetatur. 35.D
- Fraus** insignis prestigatorum. 47.A
- Frigidum** sola attrectatione sentitur. 359.A
- Frigus** aërem densat, calor diducit. 359.A
- Frigus** nullam de se frigiditatem effundit. 359.A
- Frons** quid commodi afferat oculis. 8.B
- Frontis** edificij scenographica descriptio. 652.F
- Frontem** edificij ex aduerso spectatam orthographicè describere. 661.D
- Furibundi** diuulsis circa latera oculis distinctè non vident. 21.D

G.

- G**ALENVS sententiam Platonis probauit de insito oculorum lumine. 15.F
- Galenus** luminis emissionem visionem fieri cum Platone censuit. 72.D
- Galenus** uno oculo clariùs nos videre putauit. 81.F 83.C
- Galenus** causam geminati aspectus proximè est affectus. 344.D
- Galeni** experimentum quoddam refellitur. 82.A
- Galeni** experimentum aliud, quo causam astruit geminati aspectus, confutatur. 344.F
- Galeni** duplex obiectio contra specierum usum. 75.F
- Eadem** diluuntur. 76.A
- Galeni** sententia de neruorum opticorum coitione. 15.A
- Galeni** rationes de coniunctione neruorum opticorum enertuntur. 15.A
- Galeni** sententia de causa geminati aspectus refellitur. 342.F
- Galeni** sententia de precipuo visionis organo. 22.F
- Galeni** sententia de figura ac situ crystallini humoris. 10.F
- Galeni** sententia de crystallini alimento. 19.B
- Galeni** sententia de magnitudinis cognitione excutitur. 159.E
- Galeni** sententia de causa dilatationis & constrictionis pupilla refutatur. 20.B

Galli gallinacei aspectu cur leo terreatur. 42. A
 Gallina dum pullos agnoscit, aut ouis lupum timet, discretione quadam, non iudicio id faciunt. 101.F
 Gemina videri omnia Strabonibus ait Aristoteles. 346.B
 Geminari cuncta videntur distracta luminum societate. 345.F
 Geminari omnia oculo suppresso videntur. 346.D
 Geminum videri vno oculo nil potest. 345.C
 Geminati aspectus rationem organicè representare. 341.B
 Geminati aspectus causam proximè Galenus attigit. 344.D
 Geminati aspectus causa ex Galeno. 342.E
 Geminati aspectus causa ex Vesellone. 343.D
 Geminati aspectus causa ex Philosophorum sententia. 343.B
 Geminatur aspectus quoties vnum pluribus in locis cernitur. 344.D
 Geminatus aspectus ex vitio oculorum interdum oritur. 346.A
 Gemini aspectus causa non aliunde quàm ab horoptere petenda est. 148.D
 Gemme factitiae attritu mole cognoscuntur. 354.C
 Gemmarum color quomodo in profundo videatur. 58.F
 Gemmarum impostura. 354.C
 Gemmas quibus modis ars imitari soleat. 354.B
 Gemma Frisij Astrolabium. 624.E
 Gemma Frisij Astrolabium ex Stereographia manauit. 573.B
 Gemma Frisij Astrolabium à Stofserini Astrolabio quo differat. 573.B
 Gemma Frisij error. 535.A
 Genæ quid commodi adferant oculis. 8.B
 Generica obiectorum ratio prius ac minori tempore percipitur quàm specifica. 98.D
 Idem experimentis & ratione confirmatur. 98.E
 Genus rei eminus cognoscitur cum adhuc species latent. 99.F
 Geodesia fundamentum. 241.D
 Geodesia ratio in duorum triangulorum similitudine consistit. 241.E
 Geographia duobus constat, historia & delineatione. 455.B
 Geographica descriptiones variæ. 455.C
 Geographica quedam descriptiones ex Stereographia petita. 573.B
 Geographica descriptio quæ optima. 637.A
 Geographica descriptiones cur Mappa vocentur. 455.C
 Geometria & Optica ratione obiekti differunt. 498.D
 Geometria practica præcipuum Analemma. 241.E
 Geometricorum instrumentorum ratio in quo posita sit. 241.F
 Glacialis oculi humor vnde dictus. 5.F
 Glaciali humori inest principium sensus. 26.A
 Glacialis humoris & corneæ tunica suprema superficies non aequè distant. 12.D
 Gladiatorum iniunctum par, qui ad nullam comminationem comminebant. 8.E
 Glaucoma quid. 60.F
 Glaucomate laborantes omnia tamquam per fumum aut nebulam vident. 60.F
 Globi caelestis origo. 453.C

Gnomon longitudine horam signans axem mundi representat. 565.B
 Gnomon qui solo vertice horam signat, centrum mundi representat. 565.B
 Gnomon solaris horolabij axi mundano statuentus est parallelus. 566.D
 Gnomonum parallelorum umbrae sunt inter se parallelae. 566.D
 Gnomonum umbras signa horarum præterisse videmus, non verò circumagi. 190.E
 Γράμμα eadem qua Scenographice. 637.C
 Γράμμα, id est designatio ex iusto oculi intervallo. 637.C
 Γράμμα & delineatio eadem. 457.B
 Graphidis & Pictoria materia. 683.D
 Grues sublimè volantes immotis subinde alis quiescere videntur. 351.F
 Gymnosophista. 67.C
 Gyratione quid. 185.E

H.

HALUCINATIO morbus oculi. 61.A
 Halo apparentes colores ostendit. 45.B
 Hebermorius circulus quis. 501.F
 Herbaceus color plus habet flani, quàm arugineus. 40.F
 Herba primùm virentes, cur maturitate flavescant. 44.C
 Herculeus lapis. 372.D
 Herculei lapidis vis. 54.E
 Heterogenium quid. 53.B
 Heterogenium à mixto quò differat. 53.B
 Hexaëdri Orthographica proiectio secundùm triplicem aspectum. 556.C
 Hieme acrius gelu cur vinaciores sint flammae. 359.D
 Hieronymi Fabricij diligens observatio circa congressum nervi optici. 15.C
 Hieronymi Fabricij sententia de primario visus organo. 24.E
 Hieronymi Fabricij rationes de radiorum infractione examinantur. 121.D
 Historia lepida cuiusdam ex Horatio. 25.D
 Homini cur natura minimam oculorum intercapedinem molita sit. 131.E
 Homines in Triballiis & Illyriis irato intuitu quos vident interimunt. 79.F
 Homines nonnulli, ut & lepores, apertis oculis dormiunt. 8.F
 Homo oculum indice demonstrans, præstantia hieroglyphicum. 66.D
 Homogenium quid. 53.B
 Homogenei corporis definitio. 363.
 Homogenei corporis materia, formaque & proprietates, atque harum vires proportionem sibi mutuo respondent. 363.B
 in Homogeneis corporibus luminosis ea est proportio totius luminis ad totum corpus, quæ partis luminis ad partem corporis proportionatam. 363.A
 Horam cognita Solis altitudine locoque eius in Signifero ex Orthographica proiectura pronuntiare. 539.D
 Horam ex solis altitudine locoque, in Zodiaco ex Stereographia edicere. 620.E
 Horam ortus & occasus solis ex Stereographia cognoscere. 619.D
 Horæ Astronomica quæ. 501.F
 Hora

I N D E X.

<i>Horæ ab ortu vel occasu, quales Horarios depofcunt.</i>	501. F	<i>Horizontem eufque parallelas ex obliquo afpectu ftereographice repræfentare.</i>	635. A
<i>Horæ inæquales quæ.</i>	502. A	<i>Horolabiorum principia.</i>	454. A
<i>Horarum lineæ funt quedam umbrarum proiectione.</i>	357. C	<i>Horolabium in quouis plano ftereographice defcribere.</i>	618. F
<i>Horarum, quæ ab Horizonte initium ducunt, umbra folo ftylæ vertice fignari poffunt.</i>	565. F	<i>Horologia folaria quàm plurima uni corpori breuiffime accuratiffimeque infcribere.</i>	566. F
<i>Horas inæquales circulis in fphæra maximis defignari non poffe.</i>	502. A	<i>Horologia folaria non neceffe eft in centro mundi collocari.</i>	504. A 565. B
<i>Horariæ lineæ in fciocticis quando funt parallele.</i>	568. A	<i>Horologij folaris in plano Equatoris facillima defcriptio.</i>	569. F
<i>Horariæ lineæ in fciocticis quando cõcurrant.</i>	567. E	<i>Horologiorum indices non moueri, fed motos effe videmus.</i>	190. E
<i>Horarij circuli varij.</i>	501. E	<i>Horopter quid.</i>	110. F
<i>Horariorum circularum, qui horas ab Horizonte incipiunt, explicatio.</i>	543. F	<i>Horopter eufque planum funt quiddam imaginabile.</i>	111. C
<i>Horarios circulos ex obliquo afpectu ftereographice defignare.</i>	630. B	<i>Horopter eft velut intuitus meta.</i>	148. B
<i>Horarios circulos, qui ab Horizonte horas aufpiciantur, ftereographice in plano reddere, oculo in communi Horizontis & Equatoris fectione conftituito.</i>	621. C	<i>Horopter eft velut translucidum interfeptum.</i>	148. B
<i>Horarios circulos qui à Meridiano incipiunt ftereographice defcribere, oculo in Horizonte pofito.</i>	618. B	<i>Horopter experimento aftruitur.</i>	148. F
<i>Horarios circulos ftereographice in planum tranfcribere, vifu per mundi Polos traiecto.</i>	628. F	<i>Horopter longius ab oculis diffita adducit, propinquiora promouet.</i>	111. A
<i>Horarios circulos, qui horas à Finitore aufpiciantur, orthographice complanare, vifu per Equinoctia & Horizontem traducto.</i>	541. A	<i>Horopter obliquo afpectu cum optice axibus inæquales angulos facit.</i>	147. F
<i>Horarios circulos, qui horas Aftronomicas fignant orthographice defcribere, vifu per Horizontis planum aëto.</i>	533. D	<i>Horopter omnium apparentium rerum loca excipit.</i>	111. A
<i>Horizon verus quis.</i>	411. A	<i>Horopter cum axibus optice, eaque qua centra vifuum connectit, in eodem eft plano.</i>	146. E
<i>Horizon fpectabilis feu apparens quis.</i>	501. A	<i>Horopter radio optico affinis.</i>	106. E
<i>Horizon apparens dimidio terreni orbis eft minor.</i>	303. F	<i>Horopter quo fenfu eorum qua videntur in fe loca recipiat.</i>	149. C
<i>Horizon apparens non plus duum millium ftadiorum dimetientem habet fecundum Proclum.</i>	304. A	<i>Horopter vifum terminat.</i>	110. F
	501. B	<i>Horopteris miranda vis.</i>	110. F
<i>Horizon confpicuus cali terraque eft interfeptum.</i>	175. C	<i>Horopteris planum quod.</i>	111. B
<i>Horizon editiori loco fpectatur, quàm fit reuera.</i>	259. D 641. A	<i>Horopteris planum incertam indefinitamq; loci æftimationem ingerit.</i>	150. A
<i>Horizon hemifphærium fuperum ab infero dirimit.</i>	501. A	<i>Horopteris planum eorum omnium apparentia loca excipit qua extra optice axium regionem excurrunt.</i>	149. E
<i>Horizon in rectam lineam plani cuiufcumque horologij tranfcribitur.</i>	568. F	<i>Horopteris planum inftar tabula eft in termino vifionis conftituta.</i>	111. D 150. A
<i>Horizon Latine Finitor.</i>	501. A	<i>Horopteris planum per Horopterem incedit.</i>	111. C
<i>Horizon fcenographice proiectus in rectam lineam incidit.</i>	641. A	<i>Humanus vultus etfi horrendum in modum deformatus, quandoque tamen eminus formofus apparet.</i>	232. A
<i>Horizontis munus.</i>	501. C	<i>Humiditas fubftantiam, non qualitatem fignificat.</i>	358. F
<i>Horizontis confpicui medius locus is eft vnde fpectator circumfpicit.</i>	174. A	<i>Humiditas in aquea fubftantia idem quod in oleacia pinguedo.</i>	359. A
<i>Horizontis infpectio libramenti regula eft.</i>	175. C	<i>Humectatio non eft alteratio, fed humidi corporis adhefuf.</i>	358. F
<i>Horizontis Poli funt Zenith & Nadir.</i>	501. B	<i>Humiliora apparent, qua radiis humilioribus videntur.</i>	257. B
<i>Horizontis fpectabilis magnitudo fecundum Proclum.</i>	501. B	<i>Humor oculi albugineus.</i>	2. E. F
<i>Horizontis fpectabilis magnitudo fecundum Macrobius.</i>	501. B	<i>Humor oculi aqueus.</i>	2. E. F 6. B
<i>Horizontis Orthographica proiectio vifu per Equinoctia & Horizontem traiecto.</i>	522. D	<i>Humor oculi vitreus.</i>	3. A
<i>Horizontis Scenographica proiectura.</i>	641. E	<i>Humor oculi cryftallinus.</i>	2. F 5. F
<i>Horizontem ad datam Poli fublimitatem ftereographice exhibere, oculo in eodem Horizonte defixo.</i>	612. C	<i>Humor cryftallino impactus vifionem adimit.</i>	62. E
<i>Horizontem eufque parallelas ftereographice defcribere, oculo in vertice conftituito.</i>	633. E	<i>Humor cryftallinus non à vitreo, fed à fanguine alimentum capeffit.</i>	19. A
		<i>Humor medio-diaphanus oculo infertus nebulofam vifionem reddit.</i>	61. E
		<i>Humor primogenius, vulgò humidum radicale.</i>	14. D
		<i>Humoris primogenij pabulum.</i>	14. E
		<i>Humores oculi tres.</i>	2. D
		<i>Humores oculi cur varij.</i>	18. E
		<i>Humores oculi coloris omnis funt expertes.</i>	18. B

I N D E X.

<i>Humores oculi vitæ sunt expertes.</i>	23. D	<i>Influxus caelestes. Vide Virtutes caelestes.</i>	
<i>Humores oculis impacti, non per se videntur, sed obiecti partem interceptiunt.</i>	61. B	<i>Infractio ad perpendiculararem, & ea quæ ab axe optico, in oculo eadem est.</i>	121. B
<i>Hyalinus color.</i>	44. D	<i>Infractio radiorum quæ in oculo fit res spectatas à propriis locis non diuellit.</i>	123. B
<i>Hyperbole media est inter parabolam & triangulum.</i>	287. C	<i>Infractio radiorum quæ in oculo fit rerum ordinem situmque non confundit.</i>	122. D
<i>Hyperbole unde dicta.</i>	465. E	<i>Infractio à perpendicularari fit per medium rarius.</i>	120. A
I.			
I CHNOGRAPHICE quid.	456. C	<i>Infractio ad perpendiculararem fit per medium densius.</i>	120. A
<i>Iscosaëdri Orthographica proiectio secundum triplicem aspectum.</i>	560. A	<i>Infractiois modus duplex.</i>	119. E
<i>Ictericis non tam colorem oculi, quam res externas flauedine aspersas vident.</i>	48. C	<i>Infractiois quæ caussa.</i>	124. C
<i>Ictericis omnia flaua videntur.</i>	18. C	<i>Infractiois quæ in oculo contingit utilitas.</i>	121. C
<i>Id omne ac solum videri à quo ad oculum radius opticus extendi potest.</i>	112. A	<i>Infractiois diuersitas quam adferat visui utilitatem.</i>	125. B
<i>Idea edificiorum.</i>	456. B	<i>Infractioes in oculo varia.</i>	120. B
<i>Idem seipso nunc maius nunc minus apparere potest.</i>	160. B 233. D	<i>Ingenium primo ætatis flore viget.</i>	104. C
<i>Identitas distinctioque quomodo visu percipiuntur.</i>	184. A	<i>Instantia coniungere quid sit.</i>	225. C
<i>Iecur fons spiritus naturalis.</i>	24. F	<i>Instrumentum ab agente vim accipit.</i>	23. C
<i>Ignis cur maxime supernè exsalfaciatur.</i>	359. C	<i>Instrumenta Mathematica radio optico plerumque viuuntur.</i>	106. C
<i>Ignis maior acriorem calefaciendi vim habet.</i>	161. E	<i>Intellectus agendo perficitur, oculus verò intueno figuratur.</i>	104. B
<i>Ignis calore ut instrumento viuatur.</i>	72. A	<i>Intellectus agendo proficit, non item visio.</i>	104. B
<i>Ignis emisso vapore igneo calefacit.</i>	359. C 372. E	<i>Intellectus abdita, oculus verò solam rerum extremitatem videt.</i>	104. A
<i>Ignis, non verò calor superna capessit.</i>	359. C	<i>Intellectus eo ordine singula cognoscit quo sensibus ingeruntur.</i>	98. E
<i>Igni proximè admota ustulantur.</i>	359. C	<i>Intellectus incorruptibilis est.</i>	104. E
<i>Ignes de suprema ætheris regione delapsi igneum post se relinquunt vestigium.</i>	347. D	<i>Intellectus cur tabula rasa dicatur.</i>	97. B
<i>Ignes noctu procul conspecti viciniore apparerent.</i>	225. C	<i>Intellectus noster vespertilionum oculis comparatur.</i>	39. B
<i>Ignes emissitij cometas representant.</i>	347. D	<i>Intellectus capacitatis quodammodo infinita.</i>	152. F
<i>Ignorantia casum gignit.</i>	2. B	<i>Intelligere quodammodo videre est.</i>	103. B
<i>Ignoratum per definitionem interdum explicatur, aliàs per proprietates nobis notiores.</i>	183. D	<i>Intelligentia imagines obscurius res representant, quam quæ in internis sunt sensibus, & hæc obscurius quam quæ in externis.</i>	102. B
<i>Illuminationis pyramis quæ.</i>	361. A	<i>Intelligentia opus est verum aut falsum argumentatione concludere.</i>	101. F
<i>Illustrationis pyramis unde dicta.</i>	361. B	<i>Intelligentia sensuumque comparatio ex D. Gregorio Nysseno.</i>	153. A
<i>Illustrationis varij modi pictoribus obseruadi.</i>	683. D	<i>Intelligibile mentem acuit, sensibile verò oculum pefsumdat.</i>	104. B
<i>Illustrari obiecta impensius quatuor de causis accidit.</i>	403. D	<i>Intensio qualitatis quid.</i>	380. D
<i>Imago. Vide Species, Forma, Simulachrum.</i>		<i>Intensio qualitatis proportionem respondet corporum quantitati.</i>	380. C
<i>Imago in speculo cur debilior appareat.</i>	52. D	<i>Intensio non differt reipsa à qualitate.</i>	380. D
<i>Imago in speculo apparens sine species.</i>	52. C	<i>Intensionis gradus non solum entitate, sed etiam dignitate agendique facultate sunt pares.</i>	363. F
<i>Imago in pupilla alterius apparens quid sit.</i>	52. E	<i>Intensionis gradus, qui primo adueniunt, imbecilliores non esse demonstratur.</i>	363. F
<i>Imaginis expressæ & intentionalis discrimen.</i>	48. C	<i>Intentionalis color quis.</i>	45. D
<i>Imagines per foramen transparentes inuersa videntur.</i>	451. A	<i>Intentionalis compositio colorum in medio diaphano fit.</i>	39. D
<i>Imagines rerum distinctarum singula singulis radiis directè in oculos illabuntur.</i>	115. D	<i>Intentionalis color tenuioris est essentia, quam corporeus.</i>	45. D
<i>Imagines per foramen transparentes interdum rebus ipsis sunt æquales, aliàs maiores vel minores.</i>	451. D	<i>Intentionalis colorum compositio.</i>	39. C
<i>Immoderata distantia quæ.</i>	220. A	<i>Intentionales colores non sunt destituta, ut antiqui.</i>	46. E
<i>Implexa oculi tunica.</i>	5. A	<i>Intentionales colores cur clarius in tenebris apparent.</i>	47. D
<i>Inæquales magnitudines quibus è locis æquales spectentur.</i>	253. C	<i>Intentionales colores cur sine lumine non producuntur.</i>	47. D
<i>Inæquales magnitudines in idem composita, quibus è locis æquales utriusque inæqualiù appareant.</i>	253. E	<i>Intentionales colores pulchro experimento adstruuntur.</i>	46. F
<i>Inæqualium corporum si quod maius est spectetur minus, id longius abesse necesse est.</i>	234. A	<i>Aliud.</i>	47. E
<i>Inclinata è duobus locis recta indicantur.</i>	256. F		
<i>Inclinabile Mathematicum quid.</i>	428. C		
<i>Indivisibile Physicum quid.</i>	404. D		
<i>Infantibus omnia magna videntur.</i>	234. C		
<i>Infinita oculi distantia quæ.</i>	503. E 504. F		
<i>Infinita distantia oculi ad aliquid dicitur.</i>	503. F		
<i>Infinita distantia exemplum.</i>	504. B		

I N D E X.

<i>Internus sensus externum visum sympathia quadam perpetuo comitatur.</i>	84. D	<i>Laterem lauare, prouerbiū.</i>	45. C
<i>Interni sensus sua simulachra propria vi sibi efformant.</i>	102. B	<i>Latio quid.</i>	185. D
<i>Interni sensus, affectis primū externis, per consensum in actionem prorumpunt.</i>	344. B	<i>Latio una recta, alia circularis.</i>	185. E
<i>Interni sensus circa propria simulachra ita versantur, quemadmodum externi circa res ipsas.</i>	102. A	<i>Latitudo stelle quæ.</i>	500. F
<i>Internarum facultatum catena.</i>	344. C	<i>Latitudo in superficiebus minor est è duabus dimensionibus.</i>	164. D
<i>Internorum sensuum imagines lumini à speculo repercusso sunt similes.</i>	102. B	<i>Latitudinem oblatam radio demonstrare.</i>	243. A
<i>Internorum sensuum imagines tenuioris essentia sunt quàm externorum.</i>	102. B	<i>Latitudinem solis ortiuam occiduamque ex proiecturis expiscari.</i>	527. E
<i>Intervalla equalia longo ordine in directum exposita, quò remotiora sunt eo minora apparent.</i>	221. B	<i>Latitudinem solis ortiuam occiduamque ex Stereographica proiectura inuestigare.</i>	613. A
<i>Intuitus quid.</i>	86. B	<i>Latitudinum circuli.</i>	500. F
<i>Intuitus & simplex aspectus prima sunt visionis differentia.</i>	86. A	<i>Latitudinum circulos orthographicè explanare, visū per Equinoctia & Horizontem transeunte.</i>	545. C
<i>Intuitus alius absolutè, alius ex prænotione dicitur.</i>	86. B	<i>Latitudinum circulos stereographicè representare, oculo in Equinoctij puncto defixo.</i>	512. A
<i>Intuitus ex prænotione vnus assuetorum, alter insuetorum.</i>	87. A	<i>Latum in solis superficiebus locum habet.</i>	164. D
<i>Intuitus ex prænotione quis dicatur.</i>	86. D	<i>Λεποφυξία quid.</i>	90. D
<i>Intuitus ex prænotione idem qui ex memoria.</i>	86. E	<i>Lemmata ex Pappo Alexandrino desumpta.</i>	203. A
<i>Intuitus interdum ratione & sillogismo utitur.</i>	86. C	<i>& sequent.</i>	
<i>Intuitus ex prænotione in quibus locum non habet.</i>	86. E	<i>Leones rubedinis aspectu terrentur.</i>	41. F
<i>Intuitus fit in tempore.</i>	88. A	<i>Leones conspecto gallo gallinaceo exhorrescunt.</i>	42. A
<i>Intuitus solo fit axe.</i>	87. B	<i>Lepores apertis dormientes oculis nihil vident.</i>	78. B
<i>Intuitus iterati formas rerum altius animo insigunt.</i>	102. A	<i>Libella inter elatum & depressum media est.</i>	175. C
<i>Intuitiua & abstractiua cognitionis discrimen.</i>	94. C	<i>Libra est recta perpendiculi intersectio.</i>	561. F
<i>Ioannis Roias error.</i>	535. B	<i>Libra ad Horizontem refertur.</i>	182. F
<i>Ionis statua tribus oculis insignis.</i>	66. A	<i>Libra à expensa quomodo aspectu iudicentur.</i>	182. F
<i>Iris oculi in infantibus adultorum iridem fermè exæquat.</i>	5. C	<i>ad Libram & ad perpendiculum constituta in mutuam cognitionem aspectū inducunt.</i>	182. E 183. B
<i>Iris oculi in hominibus versicolor.</i>	5. C	<i>Limacibus cornua pro oculis sunt.</i>	7. E
<i>Iridis oculi descriptio.</i>	5. C	<i>Limis oculis spectatum inæquales gignit pyramidum angulos.</i>	141. A
<i>Iridis colores apparentes sunt, non veri.</i>	45. B	<i>Limis oculis spectata cur non confusa videantur.</i>	141. A
<i>Israëlitæ per desertum noctu iter habuisse nusquam leguntur.</i>	422. A	<i>Linea connectens centra totius oculi & glacialis humoris omnibus oculi superficiebus normaliter insistit.</i>	13. D
<i>Israëlitæ castra in deserto propè tricies centena hominum millia numerarunt.</i>	422. C	<i>Linea connectens centra totius oculi & glacialis humoris, mediū pupillæ nerniq; optici pertransit.</i>	13. B
<i>Iterati intuitus formas rerum altius animo insigunt.</i>	102. A	<i>Linea & superficies cur duplicis generis umbram producant.</i>	431. A
<i>Iudicium atque discretio quo differant.</i>	101. F	<i>Linea opaco luminoso corpori obiecta perfectam umbram gignere non potest.</i>	429. B
<i>Inguaribus venis validè externis apprehensis collabascunt homines sensibus destituti.</i>	90. D	<i>Linea terra in Scenographia quæ.</i>	640. E
<i>Iusta distantia quæ dicatur.</i>	219. E	<i>Linea terra sensim assurgere videtur.</i>	641. A
<i>Inste distantia maximus terminus non consistit in indiuiduo.</i>	638. D	<i>Linea directæ.</i>	642. C
<i>Iusti interualli minimus terminus explicatur.</i>	638. E	<i>Linea obliqua.</i>	642. D
<i>Iusti interualli maximus ac minimus terminus ad aliquid dicuntur.</i>	639. D	<i>Linea perpendicularis.</i>	642. D
<i>Iusta oculi distantia quæ.</i>	638. B	<i>Linea transversa.</i>	642. D
L.		<i>Linea obliquè spectata secundum Stereographicen profunditur in lineam, cuius partes partibus primitiuis non ex aquo respondent.</i>	576. B
L ACCA adiuncto indico venustum puniceum gignit.	41. B	<i>Linea perpendiculariter spectata stereographicè projicitur in punctum.</i>	575. B
<i>Lacca cur sandaracæ non rectè admisceatur.</i>	41. B	<i>Linea ex directo aspectu stereographicè in lineam projicitur, cuius partes partibus primitiuis secundum proportionem respondent.</i>	575. D
<i>Læue atque asperum ex luminis repercussione internoscuntur.</i>	170. D	<i>Linea perpendiculariter spectata orthographicè in punctum projicitur.</i>	505. E
<i>Læua corpora interdū translucida putantur.</i>	353. C	<i>Linea directè intuita orthographicè projicitur in lineam maximam.</i>	506. A
<i>Læuor corporum quid.</i>	170. D	<i>Linea obliquè obuersa orthographicè in lineam projicitur contractam.</i>	506. D
<i>Læuigata corpora, qua parte nullum lumen ad oculos remittunt, nigra videntur.</i>	39. E	<i>Linea terrena Scenographica proiectura.</i>	641. D
<i>Lapis Herculeus.</i>	372. D	<i>Linea rectæ propria nota est, quod sua ex aquo interiacet puncta.</i>	181. D
<i>Lapidis Herculei vis.</i>	54. E		

I N D E X.

- Linea radius subinde linea est, aliàs superficies.* 115. A
128. F
- Linea opaca umbra quando fit recta linea.* 428. F
- Linea opaca umbra interdum est linea, interdum superficies.* 428. E
- Linea recta proiecturam orthographicè in partes secare.* 506. F
- Linea opaca umbra directo vel obliquo obiectu est superficies.* 429. D
- Linea proiecturâ sectâ vicumque similiter secare prototypam.* 507. B
- Lineam stereographicè in planum projicere.* 577. A
- Linea, quarum intervallum ubique aequale apparet, recta omnes esse non possunt.* 270. F
- Linea transversa, & perpendiculares, & que directas ad normam secant, in parallelas lineas scenographicè projiciuntur.* 644. F
- Linea omnes directâ ad punctum tabula primarium continent.* 643. B
- Linea que ad libellam aut ad perpendiculum consistunt, scenographicè transcripta, eundem situm retinent.* 645.
- Linea omnes que ad perpendiculum eriguntur, illa excepta in quam obtusus defigitur, inflexa apparent.* 266. A
- Linea omnes libella expensa, præter eas que Horizonti aspectu respondent, inflexa videntur.* 265. F
- Linea in terra superficie coeuntis si angulum quam maximè obtusum faciunt, è sublimi spectata in directum sita existimantur.* 167. B
- Linearum aspectus triplex.* 498. F
- Linearum quarum intervallum aequale ubique spectatur, si una sit recta, ceteras con sectiones esse oportet.* 271. A
- Lineas possibile est invenire quarum intercapedo æqualis ubique appareat.* 269. D
- Lineas describere que dato oculo pari intervallum distare videantur.* 271. A
- Lipporum aspectus fascinat.* 42. B
- Locus seu Vbi quid.* 174. A
- Locus rei proprius quis.* 330. C
- Locus alienus quis.* 330. C
- Locus apparens quis.* 330. C
- Locus proprius unicus tantum esse potest cuiusque rei.* 330. D
- Locus in axium opticorum congressu exquisitissime dignoscitur.* 174. E
- Locus rei vno oculo certò definiri non potest.* 174. C
- Locus visu cognoscitur ex distantia respectuque partium univèrsi.* 173. F 174. A
- Loci varia acceptiones.* 173. F
- Loci affectiones.* 152. B
- Loci cognitio duarum linearum præsidio efficitur.* 174. C
- Loci visu dignosci quibus argumentis probeatur.* 173. F
- Locum solis in Zodiaco ex hora altitudinè que orthographicè demonstrare.* 540. E
- Locum visui assignare unde non parallela recta linea ut parallela appareant.* 266. D
- Locum invenire, unde magnitudo datæ alterius appareat pars aut multiplex in postulata ratione.* 254. B
- Locum visui reperire ex quo ellipsis ut circulus appareat.* 294. C
- Locum visui constituere, unde datus circulus ellipsis appareat, centrum habens intra circuli peripheriam datum.* 293. C
- Que loco procul dissito moventur, quiescere sæpè existimantur.* 351. E
- Loca apparentia plura unius rei esse possunt.* 330. D
- Loca invenire, quibus mutatum visile oculo consistente, aequale semper appareat.* 247. C
- Loca constituere, è quibus inæquales magnitudines in idem composita æquales utrique inæqualium videantur.* 253. E
- Loca reperire, è quibus eadem magnitudo sui ipsius appareat pars aut multiplex in data ratione.* 255. C
- Loca in recta linea designare, è quibus immota magnitudo à visu moto quandoque æqualis, aliàs inæqualis conspiciatur.* 249. F
- Loca definire, quibus oculo moto obiectum immotum aequale semper appareat.* 249. C
- Longitudo in superficiebus, maior est è duabus dimensionibus.* 164. D
- Longitudo qua in linea reperitur, non ad latitudinem, sed ad brevitatem refertur.* 164. D
- Longitudinè incognitâ radij beneficio explorare.* 242. E
- Longitudines latitudinesque terrarum ex astrorum aspectibus cognoscuntur.* 457. A
- Longum & latum ad aliquid dicuntur.* 164. C
- S. Luca imago quomodo exprimenda.* 683. F
- Lucentis atque opaci corporis comparatio.* 357. B
- Lucentia nocte qua.* 17. A. D 31. F
- Lucerna iuxta solem posita longius lumen profundit, quam sol per se valeat.* 393. E
- Lucerna in terris posita ad supremum usque celum lumen protendit.* 393. E
- Lucerna una qua ratione secundum aspectum multiplicari possit.* 330. E
- Lucernam gestantes, manu flamma obiecta accuratius vident.* 65. E
- Lucernis quocumque in circulum digestis, quod minimè illustratur, est centrum.* 400. E
- Lucidum & coloratū cum opaco recipiuntur.* 32. A
- Lucidum corpus oculo comparatur.* 357. A
- Lucretij locus aduersus Academicos asserentes sensus semper falli.* 214. E
- Lumen est velut color corporis perspicui.* 33. B
- Lumen est lucis soboles & imago.* 358. D
- Lumen rectis lineis euibratur.* 372. C
- Lumen primum, secundum, ac tertium quod.* 360. A
- Lumen perfectum & imperfectum.* 360. C
- Lumen longius prouectum sensim languescit.* 375. C
- Lumen omnis vitæ activitatisque principium, fons & origo.* 359. E
- Lumen non à centro tantum, sed ab omni parte extime superficiæ corporis luminosi emicat.* 371. E
- Lumen temporis momento totam virtutis spheram complet.* 374. B
- Lumen in adificiis per Opticem rectè ducitur.* 357. C
- Lumen lumini non obstat.* 386. C
- Lumen minus presentia maioris in speciem tantum, non verò re ipsa obscuratur.* 387. C
- Lumen medium per quod transit non immutat.* 383. E
- Lumen res facit visibiles, uti veritas intelligibiles.* 103. C
- Lumen impeditum ab extensione convertit se ad intensionem.* 403. B
- Lumen primum umbra rationem habere non potest.* 361. D
- Lumen totius univèrsitatis gratia creatum est.* 373. C
- Lumen à puncto per foramen circulare traiectum conus est.* 443. B
- Lumen proportionè decrescens, quomodo non infinite protendatur.* 379. D
- Lumen luminis accessione augetur.* 386. E
- Lumen*

I N D E X.

- Lumen non ideò sensim minuitur, quòd radij in progressu diuaricentur.* 375. D
- Lumen secundum primi comparatione est umbra, uti tertium cum secundo collatum.* 192. F
- Lumen per foramen traiectum ipso foramine semper est maius.* 445. E
- Lumen minus maioris presentia obscuratur.* 389. D
- Lumen non ideò instanti temporis producitur, quòd ei nihil sit contrarium.* 374. B
- Lumen effusum circumcirca in sphaera modum distenditur.* 373. B
- Lumen sublato luminoso ne momento quidem temporis in medio persenerat.* 383. B
- Lumen uniformi diffinitate decrescit.* 379. F
- Lumen aequalibus spatiis proportionalibus decrementis languescit.* 379. A
- Lumen quo est intensius, eò longius prouehitur.* 380. C
- Lumen à corpore luminoso per foramen dissimilis figura proiectum, foraminis simul & corporis figuram imitatur.* 449. A
- Lumen per foramen dissimilis figura promissum, quòd propinquius est foramen luminoso, planumque remotius, eò perfectius figuram corporis luminosi assequitur.* 450. E
- Lumen quòd oculo à spiritibus inest, tenuissimum est.* 73. D
- Lumen ad species ita se habet, ut quantitas ad corporeas qualitates.* 65. A
- Lumen in medio quale requiratur.* 65. B. C
- Lumen ex compressione oculi excitatum.* 13. F
- Lumen quòd oculo còpresso emicat, intra oculum est.* 16. C
- Lumen quòd compresso oculo emicat, cur circulare appareat.* 17. D
- Lumen quòd oculo compresso cernitur, cur solum circuli ambitum representet.* 62. B
- Lumen quibus noctu apparuerit.* 14. A
- Lumen colores otiosos suscitatur.* 46. A
- Lumen à caua sphaera superficie effusum in centro minimum est.* 399. C
- Lumen non est corpus, ut malè Empedocles.* 33. D
- Lumen est actus corporis perspicui.* 33. B
- Lumen exquisitum diu spectatum visum hebetat.* 35. C
- Lumen eorù quae nocte lucet humori congenitum est.* 17. A
- Lumen à lucido corpore colorem trahit.* 46. B
- Lumen ad opacum corpus appulsum, non fit per se intensius.* 403. A
- Lumen est imago corporis lucidi.* 46. C
- Lumen per se sui est diffusum.* 33. C
- Lumen intensum cur organum ladat, vera causa ex Aristotele.* 35. F
- Lumen quòd oculo inest à spiritibus animalibus, tenuissimum.* 17. E
- Lumen per vitrum tinctum translapsum, vitri colore inficitur.* 18. C
- Lumen colorum intentionalium hypostasis.* 46. A
- Lumen umbraque circum immotum opacum corpus oppositis mouentur lationibus.* 441. D
- Lumen à corpore luminoso in oppositum planum per foramen exactè medium transfusum, luminoso corpore est maius.* 445. B
- Lumen quòd à corpore lucido per foramen in oppositum planum profunditur, in medio quàm in ambitu impensius nitet.* 444. A
- Lumen quo sensu dicatur moueri, progredi, contrahi, ac dilatari.* 33. F
- Lumen externum tribus modis visioni officit.* 65. C
- Lumen ratione obiecti ad visionem est necessarium.* 64. B
- Lumen ratione medijs ad visionem requiritur.* 64. B
- Lumen perfectum per foramen transmissum ab aequali corpore laminoso aequale est; à maiore minus; & à minore maius.* 446. D
- Lumen à puncto luminoso per foramen plano parallelum effusum foraminis figuram induit.* 447. C
- Lumen à puncto luminoso per foramen in obliquum planum effusum coni vel pyramidis sectionem exhibet.* 448. E
- Lumen coloribus, quos attingit, inficitur.* 46. B. C
- Lumen in exquisito diaphano non apparet.* 58. F
- Lumen procul vehendis colorum speciebus aptissimum est.* 64. D
- Lumen à puncto per foramen multilaterum transmissum, pyramis est.* 443. D
- Lumen non est corporea qualitas, sed intentionalis.* 34. A
- Lumen omne colore aliquo infectum est.* 34. D
- Lumen & species plurimis proprietatibus conueniunt.* 65. A
- Lumen alteri occurrens lumini, in eadem parte medijs lumen adauget.* 397. C
- Lumen alteri occurrens lumini, nec maiorem nec minorem effectum edit, quam per se solum.* 397. B
- Lumen maioris tantum luminis accessione augeri, non verò minoris aut equalis, quorumdam opinio.* 390. F
- Lumen alterius occursum adiutum longius prouehitur.* 397. C
- Luminis ducendi ratio.* 357. D
- Luminis decrementa si aequalibus spatiis aequalia essent, sequeretur toto spatio inter duo luminaria aequale lumen diffusum esse.* 377. D
- Luminis decrementa aequalibus spatiis inaequalia sunt.* 376. B
- Luminis profusio in minimum naturale terminatur.* 384. A
- Luminis totius virtus ad totum lumen ita se habet, ut pars virtutis ad luminis partem.* 363. D
- Luminis duplex munus.* 373. C
- Luminis decrementa remotioribus spatiis quàm propinquioribus sunt minora.* 377. E
- Luminis recta procidentia illustrius reddit obiectum.* 404. A
- Luminis paulatim deficientis causa, est finita luminosi corporis actio.* 375. F
- Luminis defectiones experimentis probantur.* 378. A
- Luminis actio ni sensim decrescat, infinite procedet.* 376. A
- Luminis & coloris discrimen.* 36. C
- Luminis & coloris intentionalis similitudo.* 49. A
- Luminis intentionalis cum spiritualibus rebus similitudo.* 34. B
- Luminis cum colore comparatio.* 36. F
- Luminis duplex existendi modus.* 34. A
- Luminis color eum qui in corpore lucido est euenpria imago representat.* 46. C
- Luminis varia proprietates.* 34. C
- Luminis perexigui amplissima est actiuitatis sphaera.* 65. B
- Luminis radij in unum punctum concurrentes, non semper lumen adaugent.* 121. E
- Lumini nihil aduersatur.* 37. F
- Lumina per idem medium distincta penetrant.* 387. E
- Lumina solis discrepant accidentibus.* 385. E
- Lumina omnia vnus sunt speciei atque essentia.* 385. E
- Lumina omnia proprietatibus natura conueniunt.* 385. B
- Lumina spirituum more in eodem medio se mutuo penetrant.* 387. B
- Lumina confundi qua ratione intelligendum.* 387. B

I N D E X.

- Lumina coloribus discrepant.* 46. C
Lumina à pluribus luminaribus in eadem parte medijs excitata, & mente, & re ipsa distinguuntur. 396. F
Luminum occurrentium proportiones numeris explicantur. 401. D
Luminum actiones ex mutuo occurſu nec ſegniore redduntur, nec vegetiores. 396. A
Luminum colores varij. 386. A
Luminum colores unde proveniant. 386. A
Luminum concuſſus quid. 384. F
Luminum occurſus quid. 385. A
Luminum concuſſus numeris explicatur. 394. A
Luminare amplum ſi in anguſtiorẽ molem compingatur, quantum corporis minuitur extenſio, tantum luminis augetur intenſio. 391. C
Luminare quò clariùs enitet, eò uberiùs obiectum corpus perfundit. 403. F
Luminare quò propinquius eſt corpori obiecto, eò impenſiùs illuſtrat. 403. F
Luminare maius cur preſit diei, luminare verò minus noſti. 373. C
Luminari moles, laminis intẽſione cõpensatur. 363. E
Luminari obiectum corpus in opacam & illuſtratam partem diſtinguitur. 424. E
Luminaria dum ſimul agunt, ſingula in quauiſ parte medijs eundem effectum edunt, quem ſolitaria actione. 390. A
Luminaria quocumque iuxta ſe poſita, eam virtutis rationem habent, quam partes unius proportionata. 364. B
Luminarium magnitudines, ſpatiis quibus actionem diſfundunt non ex aquo reſpondent. 381. D
Luminarium communi actione unumquodque in eadem parte medijs effectum edit ſuæ magnitudini proportionatum. 392. B
Luminarium inæqualium minimum lumen ex occurſu procreatum infirmiori luminari propinquius eſt. 401. A
Luminarium æquè intenſorum, quod maius eſt, longiùs actionem producit. 381. B
Luminarium communis effectus in eadem parte medijs ſingulorum effectus eſt maior. 390. D
Luminarium æqualium lumen ex occurſu conſlatum inter utrumque luminare exactè mediũ eſt. 399. B
Luminaribus interuallo diſiunctis, quod inter utrumque diſfuſum eſt lumen, ab extremis ad medium uſque perpetuò decreſcit. 398. B
Luminofus radius quid. 360. D
Luminofus umbroſuſque radius pari motus velocitate cientur. 441. E
Luminofa actio non tantò longiùs extenditur, quanto lumen intenſius eſt. 380. F
Luminofa corporis magnitudo ad perfectiorem illuſtrationem conducit. 403. E
Luminofa corporis partes ſingula ad extremam uſque virtutis ſphæram lumen protendunt. 381. E
Luminofa æquè vicina, pari illuſtrantur vigore. 404. E
Luminofa puncto propinquius interdum minus illuſtratur quàm quod remotius eſt. 406. A
Luminofum ſignum in centro vel peripheria ſphære conſtitutum, totam cauam ſuperficiem æquali nitore perfundit. 405. F
Luminofum ſpheroides minus eſt propinquo minorem portionem opaci irradiat, quàm eſt remoto. 413. B
Luminofum ſignum maiorem partem ſphære remotioris irradiat, quàm propinquioris. 408. D
Luminofum ſpheroides maius eſt propinquo ampliorem partem opaci irradiat, quàm eſt remoto. 412. A
Luminofum corpus aliud proprio coruſcat fulgore, aliud externo lumine affluente ſplendet. 357. E
Luminofum corpus dicitur id, à quo utrumque lumen profunditur. 357. F
Luminofa pyramis quæ. 360. F
Luminofa ſphæra maior, minoris opacæ plus mediæ parte illuſminat. 410. A
Luminofa ſphæra minor, opacæ maioris portionem mediæ parte minorem illuſtrat. 411. C
Luminofa ſphæra ſphære opacæ æqualis mediæ partem illuſminat. 409. C
Luminofa ſphæra plures radios ad externum ſignum remotius tranſmittit, quàm ad propinquius. 408. A
Luminofa ſphæra puncto medijs dumtaxat virtutis orbis illuſtratur. 404. B
Luminofa iunctis viribus longiùs agunt, quàm diſiunctis. 391. F
Luminofa dum ſimul agunt, ſingulorum actio ad extremam ſphære communis actiuitatis attingit. 393. C
Luminofa corpora non tantò longiùs ſimul agunt, quanto utrumque compoſitum altero ſolo eſt maius. 392. E
Luna ſole eſt minor. 434. B
Luna oriens nondum videtur, & ante occubitum diſparet. 411. E
Luna non ſtatim ab oppoſitione decreſcit. 410. E 415. A
Luna tertio ferè poſt oppoſitionem die decreſcere manifeſte incipit. 415. B
Luna augem aſſecuta, & ſoli proxima ſit, & à ſole remotiſſima. 412. F
Luna quo pacto à ſole lumen accipiat, ſuſceptumque ad nos tranſmittat. 419. D
Luna non aliter, quàm nubes à ſole lumen accipit. 421. F
Luna in terra ſuperficie diuerſitatem facit aſpectus. 503. F
Luna à quæſuſptos quæ. 417. F
Luna maculoſa facies ex inæquali opacitatis aſperſione. 422. D
Luna qua parte lucidior eſt, ea eſt opacior; qua verò obſcurior, ea magis tranſlucet. 422. D
Luna maculas ſordes eſſe eſt terra ſublataſ ac luna inherentes, Plinij ſententia. 420. E
Luna numquam illuſminatur minus quàm cum eſt plena. 412. E
Luna ſole inferior eſt. 433. C
Luna ſubinde præteractis nubibus moueri videtur. 350. B
Luna celeriùs quàm ſol moueri propria circumlacione videtur. 351. C
Luna ac ſolis orbis planus videtur. 312. E
Luna extimã ſuperficiem exquisitè læuem eſſe. 420. A
Luna ac ſolis diſparia interualla unde. 351. D
Luna pars medio-diaphana nubi ſimilis oſtenditur. 421. D
Luna facies quo pacto ad nos ſemper propèdeat. 421. D
Luna alterum hemiſphærium exquisitè diaphanum, alterum medio-diaphanum eſt. 421. C
Luna portio maior mediæ parte à ſole illuſtratur. 410. D
Luna fulgor argenteus. 34. E
Luna maculas, vallium, nemorum atque opaciorum locorum imagines eſſe quidam voluerunt. 420. F
Luna pars illuſtrata parſque viſa plurimum diſcrepant. 415. B
Luna

I N D E X.

- Luna maculas inter aspectus fallacias nonnulli retulerunt.* 420. E
- Luna varietates.* 413. E
- Luna quadratus aspectus quis.* 418. C
- Luna splendor qui in quadrato aspectu apparet, semicirculo maior est.* 418. C
- Luna splendor in quadrato situ semicircularis apparet.* 418. E
- Lune partes nitidiores, quo sensu densiores plurimi philosophi dixerint.* 422. E
- Lunam impensè opacam esse unde colligatur.* 419. F
- Lunam montibus & valibus asperam, opinio cuiusdam.* 421. A
- Lunam solis radios à se tamquam à connexo speculo ad nos propellere quorundam opinio.* 419. E
- Lunam non tamquam speculum solis radios à se depellere ostenditur.* 420. B
- Lunam dumtaxat inter planetas à sole lumen mutuari, Avicennæ & Macrobij sententia.* 419. D
- Lunare corpus in propriam epicycli cavitatem inferitur est.* 421. C
- Lunare corpus opacum esse qui senserint.* 419. E
- Lusci an post calamitatem clariùs videant quàm antè.* 82. F
- Lux proprietas est corporis opaci.* 31. F
- Lux sui per se est diffusiva.* 358. E
- Lux unius tantum est speciei atque essentia.* 37. F
- Lux quo sensu coloris forma dici possit.* 38. B 64. B
- Lux & color in diaphano corpore subsistere non possunt.* 31. F
- Lux & color visum terminant.* 33. A
- Lux mediocris ad optimam visionem est utilior quam aut maxima aut minima.* 217. C
- Lux ea dicitur, quæ fulgenti corpori congenita est.* 358. C
- Lux per se primò ad obiectum visus pertinet.* 28. B
- Lux è minùs in diaphano videtur, quò purius est.* 32. A
- Lux à ceteris qualitatibus quo differat.* 358. E
- Lychnis pensilibus amplissima illustrantur triclinia.* 381. C
- Lyncas.* 62. F
- M.*
- M** *ACVLÆ interdum ex oculi vitio rebus aspersæ videntur.* 60. E 61. B
- Magnes ferrum ad se rapit.* 72. A
- Magnes quò ampliorem molem habet, eò potentius agit.* 161. E
- Magnetis vis in rectam lineam exeritur.* 54. E
- Magnetis poli.* 54. E
- Magnetis vis obiecto corpore densiore non prohibetur.* 372. D. F
- Magnitudo quomodo per angustum pupillæ ambitum videri possit.* 76. C
- Magnitudo sensibilis sensibili angulo conspiciuntur.* 161. C
- Magnitudo unde alterius pars aut multiplex cernatur in ratione postulata.* 254. B
- Magnitudo sui ipsius pars aut multiplex in data ratione unde appareat.* 255. C
- Magnitudinis cognitio usu experientiaque perficitur.* 162. C
- Magnitudinis vera estimatio ex ratione atque experientia pendet.* 234. F
- Magnitudinis cognitio ab effecta parte aranea tunica primò profisciscitur.* 161. B
- Magnitudinem ex Galeni sententia è propinquo atque è remoto eandem videri convincitur.* 76. C
- Magnitudinem visu cognosci posse Galenus negavit, si visio susceptione fiat.* 159. E
- Magnitudines veræ quæ dicantur.* 162. B
- Magnitudines apparentes à veris quo differant.* 160. A
- Magnitudines rerum apparentes non ita se habent ut distantia.* 163. E
- Magnitudines inæquales maiorem inter se rationem habent, quàm anguli quibus conspiciuntur.* 162. D
- Magnitudines veræ maiorem rationem habent quàm apparentes.* 163. B
- Magnitudines veræ ex collatione anguli pyramidis optica cum distantia rei, syllogismo colliguntur.* 162. A
- Magnitudines rerum apparentes ita inter se sunt, ut anguli pyramidum opticarum, quibus conspiciuntur.* 160. B
- Magnitudines minores semper quàm reipsa sint apparent.* 163. C. 231. C
- Magnitudines inæquales è quibus locis æquales appareant.* 253. C
- Magnitudines rerum apparentes ex quantitate anguli verticalis pyramidis optica dignoscuntur.* 159. D
- Magnitudines pari altitudine sub visu constituta quò sunt remotiores eò altiùs euectæ conspiciuntur.* 261. A
- Magnitudines inæquales in idem compositæ quibus è locis æquales utriusque inæqualium videantur.* 253. E
- Magnitudines æquales qua ratione visu translato æquales appareant.* 251. E
- Magnitudines cum simul omnes videri non possunt, intellectu ac memoria æquales aut inæquales iudicantur.* 165. B
- Magnitudines auctæ oculo appropinquare videntur.* 239. C
- Magnitudines pari libra supra oculum imminentes quò sunt remotiores, eò depressiores apparent.* 261. C
- Magnitudinum apparentium minor est ratio quàm distantiarum.* 163. E
- Magnitudinum equalium si una duplo remotior altera existat, ea plusquam dupla minor apparebit.* 164. A
- Magnitudinum equalium si remotior propinquioris dimidia apparet, ampliùs quàm duplo intervallo eam abesse oportet.* 164. A
- Magnum & paruum, ad aliquid dicuntur.* 164. C
- Magnum & paruum, crassum & tenue, longum & latum quomodo visu percipiuntur.* 164. B
- Magno & paruo respondet in formis substantialibus perfectum & imperfectum, in qualitatibus intensio ac remissio, in motu velocitas tarditasque, in tempore disturnitas ac brevisitas.* 230. D
- Maius apparere potest minore minus; & quò minus est, maiore maius.* 233. D
- Maius reipsa, minus potest apparere, & maius quòd reuerà est minus.* 160. A
- Maioris corporis prospectum à minori interpellari nil vetat.* 433. D
- Maiora existimantur sub tenebras & per nebulam spectata.* 234. A
- Maioribus spectata angulis euidentius internoscuntur.* 219. A
- Maioribus spectata angulis maiora, minora minoribus, equalibus equalia videntur.* 229. D
- Mala quid commodi adferant oculis.* 8. B
- Malcotianum astrolabium.* 624. D.
- Mare ex aduerso solis spectatum visui impernium est.* 355. D.
- Mare*

I N D E X.

- Mare cur quandoque caruleum, quandoque viride
appareat.* 44. E
- Mare cur & quando potissimum purpureum appa-
reat.* 44. E
- Mare cur interdum canescat.* 44. E
- Mare qui navigant, scandere se perpetuo arbitran-
tur.* 259. F
- Mare ex parte solis spectatum opacam quamdam
profunditatem exhibet.* 355. C
- Maris convexitas gibbi in morem protuberare vide-
tur.* 259. E
- Marina aqua tum noctu splendet, cum valide agi-
tatur.* 32. E
- Marsilij sententia, de colorum qui in luce reperien-
tur, varietate, constat.* 34. E
- Materia rara luce perfusa candorem exhibet.* 39. F
- Maxima pyramis optica qua dicatur.* 109. D
- Maximas res per angustissimum foramen quo pacto
videri contingat.* 159. F
- Maxima pyramis optica nec proprie pyramis est, nec
conus.* 109. E
- Maxima pyramis optica augetur minuiturque pu-
pilla dilatatione & constrictione.* 109. F
- Medici nonnulli visum irradiationem esse dixe-
runt.* 68. B
- Eorundem argumenta proponuntur.* 68. C
- Eadem diluuntur.* 69. C
- Medici non ex libris sed experientia fiunt.* 2. B
- Medius aspectus quis.* 177. A
- Medius aspectus solius axis optici comparatione di-
citur.* 177. A
- Medij prospectus indices sunt libella ac nor-
ma.* 175. D
- Media luce qua propè sunt remota esse credun-
tur.* 225. D
- Medium visionis aliud rarius, aliud densius.* 120. A
- Medias duas proportionales inuenire nemo hucusque
demonstravit.* 254. D
- Medius aspectus à medio prospectu quomodo diffe-
rat.* 177. A
- Medius prospectus duplici relatione definitur.* 175. C
- Medius prospectus inter omnes positionum differen-
tias medius interiacet.* 175. C
- Medius prospectus ex radio communi ad Horizon-
tem librato, eique qua centra visum connectit
normali, cognoscitur.* 175. B
- Medio-diaphanum quid.* 32. C
- Medio-diaphanum opaco oppositum, transparentes vi-
detur, oppositum autem perspicuo, opacum.* 352. E
- Membra necessitate quadam simul moueri variis ex
causis contingit.* 21. A
- Memoria quomodo fiat.* 102. C
- Memoria localis unde originem ducat.* 102. F
- Memoria artificialis quibus perficiatur.* 102. F
- Memoria circumstantiarum consideratione firma-
tur.* 102. F
- Memoriam stabilit frequens meditatio, atque iden-
titem repetit intuitus.* 102. D
- Memoriâ aliquid discentes cur sapius idem rele-
gant.* 102. E
- Memiana edificia.* 493. D
- Mercurij fulgor rubicundus.* 34. E
- Meridianus circulus.* 501. D
- Meridianus circulus unde dictus.* 501. D
- Meridianus circulus unus est è verticalibus.* 501. E
- Meridiani circuli Orthographica projectio visu per
Equinoctia & Horizontem transspas.* 522. A
- Meridianum circulum stereographice in plano decir-
cinare, oculo in communi Horizontis & Equi-
noctij intersectione constituto.* 618. B
- Meridie cur magis sol aestuet.* 399. F
- Mens sola verum aut falsum argumentando conclu-
dit.* 101. F
- Mens in animo est, quod oculus in corpore.* 103. B
- Mentis oculus tum primò acutum incipit cernere,
cum corporis oculus deflorescit.* 103. A
- Mentis cognitio, sensum sequitur præcuntem.* 98. E
- Mentem hallucinari quibus modis contingat.* 214. F
- Mentalis & corporei aspectus discrimina.* 104. A
- Meta quid.* 443. B
- Metallorum inuentio per virgulam furcatam verane
sit, an superstitiosa.* 63. C
- Michaël Ephesus sensum communem attendentem
facultatem appellat.* 92. A
- Mixtilia tribus conditionibus confunduntur.* 388. A
- Mora & sepiam esitantes candidum chylum gi-
guunt.* 19. C
- Mors caloris naturalis extinctio est.* 14. C
- Moschi odor cur è proximo grauis, è remoto sua-
uior.* 62. A
- Motis internis spiritibus res externa moueri viden-
tur.* 25. C
- Motus oculi septem.* 7. A
- Motus alius ad locum, alius ad qualitatem.* 185. C
- Motus simplices sunt latius & gyratio.* 185. D
- Motus compositi sunt volutatio & agitatio.* 185. F
- Motus duplex causa, imperans & exequens.* 22. B
- Motus causa, qua imperat, & qua moderatur, una
eademque.* 22. B
- Motus velox ne an tardus sit, unde aspectus diuidi-
cet.* 189. D
- Motus sitne inter communia visus obiecta numeran-
dus.* 29. E
- Motus quo pacto etiam per se visu percipiatur.* 187. F
- Motus quomodo tactu percipiatur.* 187. E
- Motus sensibili percipitur tempore.* 189. B
- Motus tardissimus sensibili tempore insensibile spa-
tium conficit.* 374. F
- Motus plurimum cognoscitur ex oculi motione.* 186. C
- Motus interdum cognoscitur ex mutato corporis
situ.* 187. B
- Motus oculi si insensibilis sit, & rei motus impercepti-
bilis erit.* 186. F
- Motus si tardus est, ex comparatione vicini corporis
quiescentis percipitur.* 190. A
- Motus circularis perpendiculari aspectu rectus ap-
paret.* 348. A
- Motus in orbem equalis perpendiculari aspectu ina-
qualis videtur.* 348. B
- Motus qui ab animali spiritu excitatur voluntatis
subest imperio.* 92. F
- Motus quibus morbis adimatur.* 93. A
- Motus membrorum uniformis variae cause.* 21. A
- Motus imperfectè visu, perfectè intellectum cognosci-
tur.* 30. A
- Motus solis alter continuus, alter discretus.* 568. C
- Motus in siccis calorem, in humidis frigiditatem ex-
citat.* 32. E
- Motus oculorum uniformes.* 20. F
- Motus tardiores tempore interrupto certius depre-
henduntur quam continuo.* 190. E
- Motus accessus & recessus iisdem cognoscuntur mo-
dis quibus distantia quantitas.* 188. B
- Motus qui respectum ad corporis situm adsignificant,
sunt*

sunt progressio, reptatio, volutus, natatio, cursus, incessus, saltatio, ascensus, descensus, casus. 186. B
Motum tempus consequitur. 152. C
Motum tempus metitur. 189. C
Motum oculorum interna anima facultas persentiscit. 21. E
Motum etiam quiescens oculus ex diuersa sui parte successiue affecta persentit. 187. D
Motum facilius mouetur, quam quod nondum moueri est ceptum. 382. E
Motu in gyrum ocyssime delata qui intuentur, vertigine corripiuntur. 186. E
Motu tardissimo res non moueri, sed mota esse deprehenduntur. 374. F
Motuum differentia vnde sumantur. 188. F
Motuum differentia e spatio per quod res visa cientur percipiuntur. 188. F
Motuum, quibus oculi agitantur, differentias internum sensus distinguit. 22. A
Motuum qui ad aliquid sunt cognitio ex alterius cognitione pendet. 189. A
Motuum concordia interdum ex sympathia membrorum euenit. 21. A
Mulieres tempore mensium cur specula visu inficiant. 79. D
Multis occupati, temporis breuitate mirantur. 225. A
Murorum planities proxime admotis oculis quam optime deprehenditur. 167. A
Musca vnde interdum oculis oberrare videantur. 60. E 61. B
Musculus oculi superior cur inferiore validior. 7. B
Musculum oculi septimum negantes refelluntur. 7. B
Musculi oculorum septem. 7. A
Musculi erga balanam officium. 68. A
Musculorum oculi figura. 7. B
Musculorum concretio membrorum motus coniungit. 21. A
Musculorum oculi principium. 7. B
Mydriasis quid. 20. B
Mudpietatis causa. 20. B
Mydriasis effectus. 20. B
Myopes qua oculi parte laborent. 20. C
Myopes omphaloptris iuuantur. 20. C
Myoptra quid. 20. C 120. E
Myoptra omphaloptrae contraria. 120. F
Myoptris qui uti debeant. 120. F
per Myricas iter facientes, semper conscendere se putant. 259. F

N

NADIR quid. 501. B
Naphtha, asphaltum, succinumque e longinquo flammam suffurantur. 359. C
Natus culator membra efficit agilia. 18. F
Natura prima rerum omnium causa. 70. B
Naturam pro causa assignare, imperitorum asyllum. 70. B
Naturalis spiritus proprii ductus sunt vena. 24. F
Naturalia agentia necessitate natura ad agendum compelluntur. 53. E
Nauarchi aliquam Astronomia cognitionem habere debent. 457. A
Naves in alto mari, quamuis ocyssime pronebantur, consistere putantur. 351. F
Naves ferri videmus ex riparum vicinitate. 190. C
Nauigantibus littora praterire videntur. 349. D
Nauigantibus ipsa, qua vehuntur, nauis stare; cetera qua stant, praterire videntur. 349. A

Nauigantibus qua occurrunt naues, dupla celeritate praterlabi videntur. 349. B
Nauigantibus, qua pari velocitate congregiuntur, naues stare videntur. 349. B
Nauigantibus, qua anteit, nauis stare subiude videtur; quandoque accedere, aliàs abscedere. 352. B
Nebuloso aere res longius quam sereno calo distare existimantur. 226. A
Nemesis sensum communem putauit esse intellectricem potentiam. 92. A
Nero cur perpetuo oculis coniuuebat. 19. E
Neruo optico communi non inest primaria facultas cernendi. 23. D
Neruus opticus communis non est verè vnus, sed duo simul concreti. 14. F 15. C
Nerui optici. 6. D
Nerui omnium maxime sensibiles. 13. F
Nerui spirituum animalium receptacula. 13. F
Nerui optici toti sensu sunt pradi. 24. B
Nerui sunt ductus spiritus animalis. 25. A
Nerui punctura caesi grauissima inuehunt symptomata. 13. F
Nerui optici eo exquisitori sensu pollent, quo ad cerebrum propius accedunt. 24. C
Nerui sensifici motoribus molliores & ampliores sunt. 14. F
Nerui motores a cerebello & spinali medulla profiliunt. 14. F
Nerui sensifici ab anteriore parte cerebri oriuntur. 14. F
Nerui optici longitudine sunt pares. 22. C
Nerui optici ex Vitellonis sententia sese decussant. 15. D
Nerui optici a congressu dexter dextrum, sinister sinistrum oculum petunt. 15. D
Nerui optici cum axibus opticis numquam in directum iacent. 24. B
Nerui optici cum ea qua illorum connectit extrema, in vno sunt plano. 128. A
Nerui optici non ita respondent connectenti centra visuum, ut axes optici ei qua connectit extrema neruorum. 128. B
Neruos opticos quidam Patavij penitus disunctos habuit. 15. C 24. A
Neruos opticos perfecte in vnum neruum coire, perperam Galenus. 15. A
Neruorum opticozum vsus. 71. A
Neruorum opticozum pori. 13. E
Neruorum omnium duplex origo. 14. F
Neruorum opticozum equalitas ex illorum situ ac progressu probatur. 22. D
Neruis opticis duo insunt, spiritus & sentiendi facultas. 71. B
Nictare homini quam maxime naturale. 8. E
Nictatio crebrior pauoris indicium. 8. E
Nihil est quod nusquam est. 149. D
Nigredo & albedo contrarij colores. 39. E
Nigredo ceteros colores obfuscat. 40. D
Nigredo per se visum colligit. 41. F
Nigredo ex accidente visum hebetat. 41. F
Nigredinis, qua in interna parte choroidis spectatur, causa. 19. C
Nix cur candida. 44. E
Nocte iter facientes eminus se videre arbitrantur aedes, arbores, homines, turres, quibus tamen propinquus sunt. 225. E
Nocte lucentia qua. 17. A. D 31. F 358. C
 Nocte

I N D E X.

<i>Nocte lucentia interdum opacum corpus referunt.</i>	31. F
<i>Noctivaga animantia.</i>	17. B
<i>Nodi duo solvuntur eorum qui lumina confundunt arbitratur.</i>	389. B
<i>Notio, quæ ex primo aspectu concipitur, confusa est.</i>	101. B
<i>Notionalis color quis.</i>	45. D
<i>Notionalis colorum compositio.</i>	39. D
<i>Notionalis colorum compositio in oculo fit.</i>	39. D
<i>Notiora nobis cur illa quæ sensibus propinquiora.</i>	341. C
<i>Nox cur in calo nulla.</i>	373. D
<i>Nubecula in oculo quid.</i>	61. A
<i>Nubes moveri, ex proximarum adium aspectu deprehenduntur.</i>	190. C
<i>Nubes multis passuum millibus abesse imperitum vulgus arbitratur.</i>	224. F
<i>Nubes terræ coherentes, propè; anulsa, longissime abesse videntur.</i>	224. E
<i>Nubium colores veri sunt colores propria inserti materia.</i>	43. B
<i>Nubium ortus.</i>	224. E
<i>Numerare solius mentis est opus, adiuvante memoria.</i>	185. B
<i>Numeratio solius intellectus est opus.</i>	30. C
<i>Numerus alius ex discretione, alius ex distinctione producitur.</i>	184. F
<i>Numerus ex discretione vel distinctione aspectu cognoscitur.</i>	184. E
<i>Numerus ex divisione cognoscitur.</i>	344. D
<i>Numerus sine inter communia obiecta visus.</i>	29. E
<i>Numerus confuse aspectu cognoscitur.</i>	30. C
<i>Numus aureus quomodo congestum aureorum acernum exhibere possit.</i>	330. E

O.

O BIJECTUM. Vide <i>Visibile</i> .	
<i>Obiectum visus lux & color.</i>	28. B
<i>Obiectum formale visus.</i>	215. C
<i>Obiectum visus precipuum est lumen colore affectum.</i>	16. F
<i>Obiectum visus prestantissimum.</i>	65. F
<i>Obiectum visus magnitudine aliqua preditum esse debet.</i>	59. A
<i>Obiectum visus opacum esse debet.</i>	58. C
<i>Obiectum duobus oculis spectatum cur geminum non appareat.</i>	85. B
<i>Obiectum in illo apparet radio, quo ipsius simulachrum ad obtutum porrigitur.</i>	112. C
<i>Obiectum idem ex eodem intervallo sub diverso angulo spectari non potest.</i>	162. C
<i>Obiecti visus materia & forma quæ.</i>	28. E
<i>Obiecti visus forma non visibilitas, sed visibilitatis principium.</i>	28. E
<i>Obiecti visus partitio.</i>	28. B
<i>Obiecti visus conditiones sex.</i>	58. B
<i>Obiecti minima distantia quæ.</i>	60. E 61. F
<i>Obiecti minima distantia non ex natura specierum petenda est.</i>	62. A
<i>Obiecti magnitudo, quæ ad visionem requiritur, indefinita est.</i>	59. C
<i>Obiecta communia visus.</i>	29. D
<i>Obiecta communia visus enumerantur.</i>	30. C
<i>Obiecta communia quæ nota distingui debeant.</i>	30. D
<i>Obiecta communia visus propriam speciem sensiterijs</i>	

<i>inurunt.</i>	50. C
<i>Obiecta communia cur internorum sensuum presidio ad sui cognitionem opus habeant.</i>	151. F
<i>Obiecta visus quomodo distincta videantur.</i>	27. B
<i>Obiecta plura æquè distinctè simul videri non possunt.</i>	85. F
<i>Obiecta sensuum organa pessumdant; intellectus autem obiectum quò excellentius est, eò suavius potentiam afficit.</i>	104. B
<i>Obiecta duobus modis in externos sensus agunt.</i>	57. D
<i>Obiecta maiora è remotiore loco videntur.</i>	60. C
<i>Obiecta propinquiora maiori angulo, remotiora minore conspiciuntur.</i>	196. E
<i>Obiecta visus aut solo aspectu, aut accedente mentis cognitione, aut insuper syllogismo dignoscuntur.</i>	216. C
<i>Obiecta communia visus alia ex aliis cognoscuntur.</i>	152. D
<i>Obiecta communia cognoscuntur collatione, quæ distinctione, aut prænotione, aut syllogismo.</i>	151. F
<i>Obiecta aspectus viciniora evidentius cernuntur.</i>	197. C
<i>Obiecta in visum agere argumentis probatur.</i>	69. E
<i>Obiecta spatio definiuntur, quo videri possunt.</i>	60. A
<i>Obiectorum communium species à speciebus propriorum non distinguuntur.</i>	50. E
<i>Obiectorum communium species sunt modi & velut appendices propriorum.</i>	50. F
<i>Obiectis communibus visus annexa.</i>	30. C
<i>Obiectis oculo presentibus superhuacaneæ sunt species.</i>	61. E
<i>Obliquam lineam quæ tabula parallela non sit scenographicè transcribere.</i>	662. C
<i>Obliqua parallela lineæ plani directi, scenographicè quò porrigantur.</i>	656. B
<i>Obliqua parallela lineæ è planis inclinatis quò scenographicè contendant.</i>	656. E
<i>Obliqua parallela lineæ plani horizontalis scenographicè quò sint ducende.</i>	655. D
<i>Obliqua parallela lineæ plani inclinati, ad quod punctum scenographicè respiciant.</i>	657. A
<i>Obliqua parallela lineæ, quò obliquioribus angulis directas secant, eò propius puncto primario scenographicè transcripta congregiuntur.</i>	652. B
<i>Obliqua parallela lineæ plani declinantis ad quod punctum scenographicè sint destinanda.</i>	657. D
<i>Obliquitas ex intervallo spectata non perpenditur.</i>	256. C
<i>Obliquus situs quomodo visu percipiatur.</i>	180. C
<i>Obliquo aspectu horopter cum axibus opticis inæquales angulos facit.</i>	147. F
<i>Obscuro carcere diu detenti visu deficiunt.</i>	41. F
<i>Obscura macula in parietibus interdum umbra prætantur.</i>	217. E
<i>Obtusus idem quod intuitus.</i>	86. B
<i>Obtusus solo fit axe.</i>	87. B
<i>Obtusus alius absolutè, alius ex prænotione dicitur.</i>	86. B
<i>Obtusus ex prænotione quis dicatur.</i>	86. D
<i>Obtusus ex prænotione alius assuetorum, alius insuetorum.</i>	87. A
<i>Obtusus ex prænotione idem, quem Nemesis ex memoria appellat.</i>	86. E
<i>Obtusus interdum ratione & syllogismo vititur.</i>	86. C
<i>Obtusum & acutum visu quomodo percipiuntur.</i>	171. A
<i>Obtusa oculorum acie res propinquæ longius quandoque</i>	

I N D E X.

<i>doque abesse existimantur.</i>	226.C	<i>stituunt.</i>	2.D
<i>Obuersionis situs quis.</i>	177.C	<i>Oculorum musculi septem.</i>	7.A
<i>Obuersionis situs triplex.</i>	177.B	<i>Oculum igneum dixit Plato.</i>	18.D
<i>Obuersionis situs motu in loco variat.</i>	177.E	<i>Oculi pars corporis nobilissima.</i>	2.D
<i>Occulta multa cur Deus esse voluit.</i>	63.F	<i>Oculi cur in summo collocati.</i>	2.D
<i>Octaëdri Orthographica projectio secundum triplicem aspectum.</i>	557.E	<i>Oculi speculatores.</i>	2.D
<i>Octo circumstantiarum asymmetria omnium fallaciarnum aspectus est causa.</i>	217.B	<i>Oculi à cerebro originem ducunt.</i>	6.C
<i>Oculus mundo comparatur.</i>	107.E	<i>Oculi cur à cerebro profecti.</i>	6.E
<i>Oculus hominis nec antrosum, nec retrorsum mouetur.</i>	7.C	<i>Oculi non ipsointuitu, sed tetraexhalatione noxam inferunt.</i>	80.B
<i>Oculus corporis videndo fatigatur, intellectus autem perficitur.</i>	104.A	<i>Oculi cur ad proximè admoda cacutiant.</i>	132.B
<i>Oculus humore albugineo præter naturæ conditionem distentus, eminus non videt.</i>	120.F	<i>Oculi cur in anteriore parte capitis.</i>	7.D
<i>Oculus dum videt, externo lumine à rebus promisso illustratur.</i>	17.A	<i>Oculi nervorum opticorum apophyses.</i>	6.E
<i>Oculus supra terræ superficiem constitutus, ad calos comparatus ita se habet, ac si in centro mundi existeret.</i>	224.D	<i>Oculi ingenij nota.</i>	66.C
<i>Oculus propemodum velocior est, quàm animus.</i>	71.C	<i>Oculi affectionum animi indices.</i>	66.B
<i>Oculus optimè videt è tenebris.</i>	65.C	<i>Oculi quomodo pariter moueantur.</i>	20.F
<i>Oculus cur variis humoribus constet.</i>	18.E	<i>Oculi brachijs comparantur.</i>	6.F
<i>Oculus vnus quomodo plura simul videat.</i>	84.E	<i>Oculi emissitij animantibus quibusdam dati.</i>	7.D
<i>Oculus cuius albugineus humor siccescit, eminus quidem, sed minora omnia intuetur.</i>	121.A	<i>Oculi paralyti aut conuulsione laborantes nil exactè vident.</i>	127.A
<i>Oculus corporis extremitatem rerum intuetur, intellectus autem interiora & abdita.</i>	104.A	<i>Oculi infantum statim à partu casusculi.</i>	5.D
<i>Oculus id est in corpore, quod mens in animo.</i>	66.B	<i>Oculi profundiores acutiùs vident.</i>	65.E
<i>Oculus variis externis iniurijs expositus.</i>	8.B	<i>Oculi actionum omnium duces.</i>	66.D
<i>Oculus cur aqueus sit & frigidus.</i>	18.D	<i>Oculi exemptitij, commentum Luciani.</i>	7.F
<i>Oculus mentis tum primò acutum incipit cernere, cum corporis oculus deflorescit.</i>	103.A	<i>Oculi in extremis digitis depicti, cecitatis hieroglyphicum.</i>	7.E
<i>Oculi structura.</i>	3.B	<i>Oculi laxatis musculis abiectoque retentionis conamine incertum situm habent.</i>	130.F
<i>Oculi partium schema.</i>	3.B	<i>Oculi cur bini.</i>	6.F
<i>Oculi figura ad radiorum infractionem plurimum conducit.</i>	120.E	<i>Oculi propius adduci nequeunt, quàm ut axes cum nervis opticis angulos rectos efficiant.</i>	131.B
<i>Oculi partes externæ.</i>	2.D 8.A	<i>Oculi quomodo volubiles, cum frigidi sint.</i>	18.F
<i>Oculi temperamentum cur non aërium.</i>	18.E	<i>Oculi ita diuaticari nequeunt, ut axes firmentur paralleli.</i>	130.E
<i>Oculi partes immotæ persenserant.</i>	20.D	<i>Oculi faciliùs ad longissima spatia acies protendunt quàm ad proxima contrahant.</i>	132.A
<i>Oculi humores coloris omnis sunt expertes.</i>	18.B	<i>Oculi ad solem ita sunt comparati, ut intellectus ad Deum.</i>	103.C
<i>Oculi motus septem.</i>	7.A	<i>Oculorum numerus quomodo distincta visioni non officiat.</i>	85.A
<i>Oculi distantia quid projectionibus conferat.</i>	495.A	<i>Oculorum contractio animi attentionem conciliat.</i>	131.E
<i>Oculi ac mentis variæ comparationes.</i>	103.B	<i>Oculorum nimia contractione cur dolor excitetur, diuaticatione non item.</i>	131.E
<i>Oculi pars anterior myoptræ similis est.</i>	120.E	<i>Oculorum intercapedinem cur homini minimam natura molita est.</i>	131.E
	122.B	<i>Oculorum volubilitas visioni quid conferat.</i>	85.F
<i>Oculi partes pleraque ex sanguine.</i>	18.D	<i>Oculorum acie vnium dumtaxat punctum distinctè conspicitur.</i>	81.A
<i>Oculi tunica venarum fibris colligantur.</i>	20.D	<i>Oculorum mira societas.</i>	20.F
<i>Oculi motus diagnosticum est signum eius motus quores spectata cientur.</i>	187.A	<i>Oculorum mirus consensus.</i>	126.D
<i>Oculo utroque quàm altero tantum perfectiùs cernimus.</i>	81.E 82.F 83.B	<i>Oculorum diuersa figura, quæ in animantibus cernuntur, visioni nil officiant.</i>	123.F
<i>Oculo compresso lucidus circulus emicat.</i>	16.C	<i>Oculorum temperamentum humidum est & frigidum.</i>	18.D
	17.D	<i>Oculorum contractio non omnibus eadem est.</i>	132.C
<i>Oculo suppresso, res vna geminari videtur.</i>	346.D	<i>Oculorum situs natura aspectus quis accommodatissimus.</i>	129.B
<i>Oculo vno obiecto, alterius pupilla dilatatur.</i>	20.A	<i>Oculos infectos qui intuentur, contagione laduntur.</i>	79.E
<i>Oculo ei quod videtur appropinquante, spectatum augeri putatur.</i>	239.A	<i>Oculos plerique eò adducunt, ut axes optici cum ea quæ centra visum iungit, triangulum equilaterum efficiant.</i>	132.C
<i>Oculo humano nullum lumen à natura insitum.</i>	15.F 16.D		
<i>Oculo vno diutiùs intuentes visu deficiunt.</i>	83.E		
<i>Oculum tunica septem & tres humores con-</i>			

I N D E X.

Oculis libertatis vestigium inest. 66.C
 Oculis motis, & optici axes pariter mouentur. 129.C
 Oculis ita diuulsis ut axes non concurrant, impossibile est aliquid distinctè videri. 21.D
 Oculis à fluminum aspectu semotis, quæ stant moueri videntur. 57.E
 Oculis obiecta conuicia omnium acerbissima. 66.D
 Ocyssimè delata, totum, per quod feruntur, spatium complere videntur. 347.C
 Odores corporea exhalatione subnixi feruntur. 74.C
 Ομαλότητα quid. 20.C 120.F
 Omphaloptra myoptra contraria. 120.F
 Omphaloptris qui uti debeant. 120.F
 Opacum quid. 32.B
 Opacum dicitur, quod lumini imperuium est. 358.B
 Opacum corpus ex inequali distantia signi luminosi radii ex aquo perfundi potest. 405.C
 Opacum tot umbras fundit, quot opponitur luminariibus. 424.A
 Opacum maius maiorem umbram progignit. 425.C
 Opacum corpus in aduersam luminis partem umbram proicit. 424.E
 Opacum corpus quò plures radios luminis intercipit, eò ampliorem umbram producit. 425.A
 Opacum planum à puncto lucido illic apprimè illustratur, ubi radius ad normam incidit; hinc verò semper obscurius. 406.D
 Opaci & diaphani mutua ad visionem subsidia. 58.F
 Opaci ac lucentis corporis comparatio. 357.B
 Opaca si visui paterent, quæ incommoda sequerentur. 63.E
 Opacitas non est peculiaris qualitas corporibus ingenuita. 32.F
 Opacitas tamquam velum eorum quæ latere oportet. 63.F
 Opacitas ex aspectus prohibitione percipitur. 192.C
 Opacitas rei visibilis quanto est maior, tanto est visui accommodatior. 217.D
 Ophthalmicis ceruleus color purpureus apparet. 215.D
 Opinio Galeni de crystallini alimento. 19.A
 Opinio lucem in diaphano, colorem in opaco esse, Aristoteli attribuitur. 31.F
 Opinio quorundam, cur spherica esse debeat oculi figura, refutatur. 9.F
 Oppositio similis quæ dicatur. 178.C
 Oppositionis situs motu ad locum variat. 177.B
 Oppositionis situs duplex. 176.F
 Oppositum visui quomodo accipiendum. 59.D
 Opposita positionum differentie tribus planis dirimuntur. 176.B
 Optica & Geometria obiecti ratione distinguuntur. 498.D
 Optica medius videndi modus. 682.C
 Optice quibus rationibus nitatur. 2.B
 Optice distantias astrorum edocuit. 223.D
 Optico nervo communi non inest primaria facultas cernendi. 23.D
 Optici nervi. 6.D
 Optici nervi longitudine sunt pares. 22.C
 Optici nervi toti sensu sunt præditi. 24.B
 Optici nervi cum axibus opticis numquam in directum iacent. 24.B
 Optici nervi eò exquisitori sensu pollent, quò ad cerebrum propius accedunt. 24.C

Opticorum nervorum usus. 71.A
 Opticorum nervorum aequalitas ex illorum situ ac progressu probatur. 22.D
 Organum visus primum est aranea tunica. 26.E
 Organum visus nobilissimum. 65.F
 Organum visus cur diaphanum. 16.E
 Organum visus sphericum. 9.A
 Organum visus geminum. 26.A
 Organum sensus communis est cerebrum. 92.D
 Organo minus sensibili præditi latuorem habent pupillam. 19.F
 Organa omnium sensuum à propriis obiectis patiuntur. 26.E
 Ophthalmia rubedinis aspectu ingrauescit. 41.F
 Orthographice quid. 456.C
 Orthographice unde dicta. 505.B
 Orthographica projectio radii fit parallelis. 504.
 Orthographice imaginaria quodammodo est projectio. 562.D
 Orthographice primum projectionis genus ex infinita oculi distantia. 498.B
 Orthographice quomodo ex infinita oculi distantia esse intelligatur. 503.E
 Orthographices materia. 503.B
 Orthographices ac Stereographices discrimina. 573.D
 Orthographices usus. 503.D
 Orthographices cognitio ad Gnomonicen necessaria. 562.E
 Orthographices incommodum. 573.D
 Orthographice descriptiones possunt subinde coloribus leuiter depingi. 562.A
 Opus eadem quæ normalis. 505.B
 Ortus & occasus astrorum verus quis. 411.A.E
 Ortus & occasus horam ex Orthographia definire. 537.D
 Ortus & occasus horam ex Stereographia cognoscere. 619.D
 Οσείων Aristoteli quid. 39.E
 Oscitante uno, & alter oscitat. 70.E
 Otiosi temporis prolixitatem incusant. 225.B

P.

PALLOR in hominibus unde. 44.F
 Palpebra inferior in hominibus immobilis. 8.C
 Palpebræ quid conferant oculis. 8.B
 Palpebræ cur tennes. 8.E
 Palpebrarum celeri & crebro motu, & oculus custoditur, & continua visio non intermittitur. 8.D
 Panni quidam quomodo mutato oculi situ colorem mutant. 43.D
 Pantheon tribus imparibus scamillis in ambitu circumsum. 262.C
 Parabola quid cum triangulo & circulo commune habeat. 287.B
 Parabola inter ceteras conic sectiones medium locum obtinet. 287.B
 Parabolam quadrare docuit Archimedes. 254.D
 Paralogsismus quid, & quomodo procreetur. 216.
 Paralysis oculos inuadens rectæ visionis usum adimit. 127.A
 Parallela obliquæ lineæ plani declinantis ad quod punctum scenographice pergant. 657.D
 Parallela obliquæ lineæ è planis inclinatis quò scenographice porrigantur. 656.E
 Paralle-

Parallela obliqua linea plani directi scenographicè quò sint ducenda. 656. B
 Parallela obliqua linea plani horizontalis scenographicè quò porrigantur. 655. D
 Parallela obliqua linea quò obliquioribus angulis directus secant, eò propius puncto primario scenographicè transcripta congregiuntur. 652. B
 Parallela obliqua linea plani inclinati, ad quod punctum scenographicè destinentur. 657. A
 Parallela recta linea in parallelas rectas lineas orthographicè projiciuntur. 519. C
 non Parallela recta linea quomodo in parallelas lineas scenographicè transcribantur. 647. E
 Parallela linea que directas obliquè secant, tabulâ scenographicè excepta in unum punctum concurrunt. 648. D
 Parallela recta linea quò longius à visu protenduntur, eò propius coire videntur. 264. D
 Parallela omnes recta linea ad eam secundum aspectum tendunt, que ab oculo uni illarum parallela educitur. 266. B
 Parallela recta linea utcumque spectata nunquam apparent parallela. 265. B
 Parallela superficies perpendiculariter exposita, in parallelas rectas lineas orthographicè transcribuntur. 519. F
 Parallela esse oportet que similiter visui opponuntur. 178. D
 Parallela intervalla ex inaequali distantia spectata, si equalia sint, inaequalia apparent. 264. A
 Parallelarum in tabula apparentium intervalla secundum aspectum scenographicè contrahere. 646. A
 Paralleli diurni. 499. E
 Paralleli diurni non verè sunt circuli, sed unius spirae volumina. 499. F
 Paralleli diurni impari intervallo ab invicem distinguntur. 499. E
 Parallelorum diurnorum portiones que supra Horizontem extant, diem; que infra procumbunt, noctem representant. 500. A
 Parallelorum diurnorum munus. 500. A
 Parallelos diurnos stercographicè explanare, oculo in Equatore posito. 611. D
 Parallelos diurnos orthographicè describere, visu per Equinoctia & Horizontem effuso. 527. C
 Pari velocitate moveri, quanam oculorum iudicio existimentur. 351. B
 Pari velocitate delatorum remotiora postera fieri videntur. 350. F
 Pari velocitate delatorum remotiora minus secundum aspectum promouent. 350. C
 Parietes obtuso admodum angulo commissi, si ex adverso anguli ipsius aspiciantur, perpetui existimantur. 167. B
 Parietes ventorum procellas; tecta solis ardores, pluvias, nives, grandines arcent. 455. D
 Parietum aequales planities admotis proximè oculis examinantur. 167. A
 Partes externae oculi. 2. D 8. A
 Partes que animali spiritu incitantur, defatigatione molestantur. 92. F
 Partes corporis, animæ sunt instrumenta. 23. C
 Partes corporis qua ratione distinguantur. 4. A
 Partes oculi pleraque ex sanguine. 18. D
 Partium oculi constantia ad visionem pernecessaria. 20. E

Particulares notiones quomodo ex aspectu generentur. 101. D
 Pasiteles nihil fecit antequam finxit. 457. C
 Patera fallax, que cum vino plena videatur, bibere tamen volentibus nihil profundit. 354. E
 Pavimenta, templorum ingredientibus fastigiata videntur. 259. B
 Pavimentorum planities oculo in terram demisso expendantur. 167. A
 Pavonum instabiles colores veri sunt, non apparentes. 43. C
 Pavonum colores cur sole affulgente vivaciores redantur. 43. D
 Pensilibus lychnis maiora illustrantur triclinia. 381. C
 Perfectè diaphanum videri non potest. 32. E
 Perfecta que aspectu sit comprehensio, diligenti intuitu & syllogismo & prenotione indiget. 89. E
 Peripatetici nec semper nec nunquam falli sensus asseruerunt. 214. E
 Perpendicularis illa linea explicatur, à qua vel ad quam sit radiorum infractio. 119. E
 Perpendicularis primaria. 642. D
 Perpendicularis linea brevissima est illarum omnium que à puncto ad planum ducuntur. 488. C
 Perpendicularis situs quis. 177. B 181. D
 Perpendicularis situs quo pacto visu agnoscatur. 181. C
 Perpendicularis situs non in lineis tantum, sed etiam in superficiebus locum habet. 181. F
 Perpendiculari erecta quo pacto visu dignoscatur. 182. F
 que Perpendiculari aut libra expensa sunt, in mutua cognitionem aspectum inducunt. 182. E 183. A.
 Perpendicularares linea in parallelas lineas scenographicè transferuntur. 644. F
 Perpendicularares lineas scenographicè transcribere. 660. E
 Perpendicularum, verticem ac mundi centrum respicit. 182. F
 Perspicuum indefinitum quid. 31. D
 Perspicuum terminatum quid. 31. D
 Perspicuum duobus modis dicitur. 31. C
 Phantasia non ita componit, ut verum aut falsum argumentatione eliciat. 101. F
 Phantasia media est inter intellectricem potentiam externoque sensus. 95. B
 Philoponus sensum communem, attendentem facultatem appellat. 92. A
 Philosophiæ originem visui adscribit Philo. 66. A
 Philosophiam Plato aspectui acceptam refert. 66. A
 Philosophorum sententia de geminati aspectus causa confutatur. 343. B
 Phidie & Alcamenis certamen. 262. F
 Pictores primùm rudioribus lineamentis res designant, deinde emortuis coloribus velut prima forma adumbrant, tandem opus perficiunt. 97. C
 Pictores naturâ phlegmatici quamdam etiam in rebus ferocibus modestiam & suavitatem exprimunt. 194. D
 Pictores naturâ melancholici gravitatem in operibus affectant. 194. D
 Pictores qui angusto sunt pectore, res parvas exili tabella comprehendunt. 194. D
 Pictores quibus generosus est animus, magnis figuris præcipuè delectantur. 194. D

<i>Pictorum observatio.</i>	44. D	<i>Platonis de infito oculorum lumine sententia refellitur.</i>	16. E
<i>Pictoria partes quatuor.</i>	457. B	<i>Platonis sententia de infito oculorum lumine.</i>	15. F
<i>Pictus humanus vultus quomodo intuentem respiciat.</i>	683. A	<i>Plinius ex Stoicorum sententia luna maculas sordes esse dixit è terra sublata.</i>	420. E
<i>Pictura est quadam aspectus fallacia.</i>	218. F	<i>Plinij sententia de talparum cecitate.</i>	67. C
<i>Pictura in pictura quæ.</i>	683. E	<i>Plotinus à vera visus ratione non longè aberravit.</i>	70. E
<i>Pictura quedam cur eminus elegantes appareant, cominus turpes ac fædæ: alia è conuerso cominus venusta, eminus deformes.</i>	231. F	<i>Plotinus compassione fieri visionem existimavit.</i>	70. C
<i>Pictura quomodo collocande.</i>	682. E	<i>Plotini ratio, cur propinquiora remotioribus maiora appareant, exploditur.</i>	230. C
<i>Pictura loco editiori collocata antrorsum inclinande sunt vt ab imo spectantibus propensiores fiant.</i>	221. F	<i>Plura obiecta aque distinctè simul videri non possunt.</i>	85. F
<i>Picturæ sulcata.</i>	683. F	<i>Pluribus radiis spectata radiorum numero geminantur.</i>	116. D
<i>Picturæ que intuentes fallunt.</i>	684. B	<i>Polares circuli.</i>	500. A
<i>Pingere ita vt cominus tantum imago perfecta appareat, laboris est opera.</i>	232. A	<i>Polares circuli sunt vestigia Polorum Zodiaci.</i>	500. A
<i>Pingere ita vt eminus perfecta imagine appareat, magna artis est opera.</i>	231. F	<i>Polares circuli tantum distant à Polis mundi, quantum Tropici ab Equatore.</i>	500. A
<i>Pinguedo illita pinguefacit, vti humiditas solo adhafu humectat.</i>	359. A	<i>Polares circulos orthographicè proyçere, visu per Equinoctia & Horizontem translapso.</i>	523. F
<i>Pisces cur palpebris destituti.</i>	8. F	<i>Polares circulos stereographicè proyçere, oculo in altero Equinoctiorum collocato.</i>	610. A
<i>Plane figura centrum quod.</i>	110. B	<i>Polita corpora interdum translucida putantur.</i>	353. C
<i>Plane superficies libella expensa, cum visus altitudinem superant, alueolata videntur.</i>	261. F	<i>Polorum stereographicè projectorum insignes proprietates.</i>	587. B
<i>Planeta cur stationarij, progressiui, & retrogradi vocentur.</i>	348. C	<i>Polygona figura quæ.</i>	173. A
<i>Planeta insula ponti Euximi tamquam πλαγκται πέτραι.</i>	349. E	<i>Polygona figura ex maiore angulorum quàm laterum à visu distantia colligitur.</i>	173. A
<i>Planeta in epicyclis recto motu reciprocari videntur.</i>	348. A	<i>Pori neruorum optidorum.</i>	13. E
<i>Planetas omnes à sole lumen mutuari, communis Astronomorum sententia.</i>	419. D	<i>Porticus ab extremitate inspecta stringi in angustum videntur.</i>	260. E
<i>Plani accessus & recessus proiectura genus non mutat.</i>	496. C	<i>Positionum circuli.</i>	502. C
<i>Plani distantia quid proiectionibus conferat.</i>	495. A	<i>Positionum circulos, orthographicè planos facere, visu per Equinoctia & Horizontem incedente.</i>	545. A
<i>Planispherium Ptolemæi secundum Stereographicen descriptum est.</i>	573. B	<i>Positionum circulos ex obliquo aspectu stereographicè explanare.</i>	635. A
<i>Planispherium Ptolemæi oculo in polo stereographicè descriptum.</i>	624. D	<i>Positionum circulos stereographicè proyçere, oculo in vertice collocato.</i>	633. E
<i>Planities unico intuitu diiudicari non potest.</i>	167. A	<i>Positionum circulos stereographicè constituere, oculo in communi Horizontis & Equatoris sectione existente.</i>	623. E
<i>Planum quomodo visu cognoscatur.</i>	166. F	<i>Positionum circulos stereographicè planos facere, oculo in communi Horizontis & Meridiani sectione constituto.</i>	634. E
<i>Planum directum.</i>	642. B	<i>Positionum differentia sex.</i>	175. E
<i>Planum declinans.</i>	642. B	<i>Positionum differentia cur numero sex.</i>	642. D
<i>Planum declinans simul & inclinans.</i>	642. B	<i>Positionum differentia ex comparatione mediij prospectus colliguntur.</i>	175. E
<i>Planum inclinatum.</i>	642. B	<i>Positionum differentia tribus planis distinguuntur.</i>	176. B
<i>Planum obliquum.</i>	642. B	<i>Possibile est, vt quod ocyùs fertur, sequiùs moueri videatur.</i>	351. A
<i>Planum horizontale.</i>	642. B	<i>Potentia visua cur exercitatione non perficiatur.</i>	78. C
<i>Planum aduersum.</i>	642. A	<i>Potentia apprehensiuæ & appetitiuæ discrimen.</i>	75. E
<i>Planum obliquo aspectu certius cognoscitur quàm directo.</i>	166. F	<i>Potentia admittunt magis & minus.</i>	67. B
<i>Planum horopteris quod.</i>	111. B	<i>Potentia varie circa idem obiectum diuersa ratione versari possunt.</i>	91. E
<i>Planum horopteris per horopterem incedit.</i>	111. C	<i>Potentias cognoscitiuas oppido comparat D. Gregorius Nyssenus.</i>	153. A
<i>Planum horopteris tabula comparatur in termino visionis constituta.</i>	111. D	<i>Præcognitum esse oportet quod in alterius cognitionem ducit.</i>	187. A
<i>Planum horopteris ad planum quod per ingatos axes ducitur, rectum est.</i>	111. C	<i>Prænotio quantum visioni conferat.</i>	88. F
<i>Planum horopteris vti horopter sunt quiddam imaginarium.</i>	111. C	<i>Prænotio in iis locum non habet, quæ insigniter sunt</i>	
<i>Planorum sub oculo iacentium remotiores à visu partes in altum efferri videntur.</i>	258. E		
<i>Planorum quæ supra visum incumbunt, remotiores partes ad ima prolabi videntur.</i>	260. A		
<i>Plato cur oculum igneum putauerit.</i>	18. D		
<i>Plato philosophiam aspectu acceptam refert.</i>	66. A		
<i>Plato colorem non rectè lumen esse dixit.</i>	37. A		
<i>Plato luminis emissionem visionem fieri censuit.</i>	72. B		

<i>sunt inmutata.</i>	86.E	<i>in Projectionibus oculus semper alterum extremum occupat.</i>	494.D
<i>Prestigiorum insignis frons.</i>	47.A	<i>in Projectionibus res & planum subinde ordinem permutant.</i>	494.D
<i>Primo etatis flore viget ingenium & comprehendendi facilitas.</i>	104.C	<i>Proiectura quo differat à simplici rei phantasia.</i>	493.B 494.A
<i>Primus aspectus confusam notionem ingerit.</i>	101.B	<i>Proiectura ex oculi plani ve distantia quam diversitatem subeat.</i>	495.A
<i>Principia scientiarum quo pacto gignantur.</i>	215.F	<i>Proiectura ex rei & plani obuersione variant.</i>	494.E
<i>Priscorum scrupulus de specierum usu explicatur.</i>	76.E	<i>Proiectura sunt quedam aspectus fallacia.</i>	494.C
<i>Prismatis Scenographica designatio.</i>	672.B	<i>Proiectura adificiorum unde dicta.</i>	493.E
<i>Prismatis recti Scenographica umbra.</i>	676.D	<i>Proiectura bello peropportune.</i>	456.E
<i>Prismatis obliqui Scenographica umbra.</i>	678.F	<i>Proiectura in adibus qua.</i>	494.D
<i>Procul ab amne disuncti, res vteriores à ceterioribus non distinguunt.</i>	223.A	<i>Prominentia quomodo visu deprehendatur.</i>	166.E
<i>Procul distare illud necesse est, quod cum magnum sit, exiguum apparet.</i>	152.B	<i>Propè id esse conuincitur, quod cum paruum sit, magnum videtur.</i>	152.E
<i>Procul spectata carulea apparent.</i>	44.D	<i>Propinquiora plurimum videntur, quorum intermedia corpora non percipiuntur.</i>	225.A
<i>in Profunditatis ignota cognitionem radio ducere.</i>	242.C	<i>Propinquiora remotioribus maiora videntur.</i>	230.B
<i>Profunditates atque eminentiæ si parue sint, ex vmbri cognoscuntur.</i>	170.A	<i>Propinquitatis eorum qua in oculo sunt, triplex locus.</i>	60.F
<i>Progressiones omnes ab imperfecto ad perfectum per medium fiunt.</i>	97.A	<i>Proprietatum visibilium alia aliis citius percipiuntur.</i>	100.E
<i>Proiecta ob motus pernicitatem sæpè non videntur.</i>	347.A	<i>Promptius mouetur motum, quam quod nondum moueri est ceptum.</i>	382.F
<i>Proiectio quid.</i>	493.A	<i>Proverbium, Plus vident oculi quam oculus, unde deductum.</i>	83.C
<i>Proiectionis definitio.</i>	493.E	<i>Prune accensa cur, dum Soli exponuntur, quamdam aëris agitationem ostendant.</i>	439.E
<i>Proiectio idem quod designatio.</i>	457.C	<i>Ptolæmi planisphaerium ex Stereographia originem habet.</i>	573.B
<i>Proiectio naturam lationis emulatur.</i>	493.F	<i>Pueri diu circumacti in terram collabuntur.</i>	25.E
<i>Proiectio à Guido Vbaldo Sectio nuncupatur.</i>	493.C	<i>Pueri cur cum verti deserint, cadant.</i>	348.E
<i>Proiectionis appellationes variae.</i>	493.C	<i>Pueri cur maxime circa motum aspectu fallantur.</i>	349.C
<i>Proiectio solaris umbra ab Orthographia nil discrepat.</i>	562.C	<i>Puerorum lusus.</i>	234.C
<i>Proiectio umbra, Optica proiectioni simillima est.</i>	562.D	<i>Pueris omnia magna videntur.</i>	234.C
<i>Proiectio tribus absoluitur.</i>	493.E	<i>Pulchri & turpis vera aestimatio ex ratione magis quam ex aspectu pendet.</i>	194.E
<i>Proiectio Pictoris est fundamentum.</i>	457.B	<i>Pulchritudo & turpitude à visu qua ratione percipiuntur.</i>	193.E
<i>Proiectio qua optima.</i>	573.D	<i>Pulchritudo & deformitas sintne inter communia visus obiecta.</i>	31.A
<i>Proiectionis exemplum organicum.</i>	494.F	<i>Pulchritudo & turpitude non manant è subiecto.</i>	194.E
<i>Proiectionis genus non mutatur plani accessu & recessu.</i>	496.C	<i>Pulchritudinis & turpitudinis aestimatio ad iudicium pertinet.</i>	31.A
<i>Proiectionis genus triplex ex plani ipsius conuersione.</i>	498.A	<i>Pulchrum quid.</i>	193.F
<i>Proiectionis ex infinita oculi distantia meminit Gemma Frisius.</i>	521.B	<i>Pulchrum ex hominum opinione.</i>	194.D
<i>Proiectionem ex infinita oculi distantia negat Guidus Vbaldu.</i>	521.C	<i>Pulchrum ex fine propriaeque functione.</i>	194.A
<i>Proiectiones ad Architectonicam necessariae.</i>	455.D	<i>Pulchrum in aliquo genere quid.</i>	194.A
<i>Proiectionum axioma.</i>	502.D	<i>Pulchrum ex usu & consuetudine.</i>	194.C
<i>Proiectionum genera qua nota distinguantur.</i>	495.C	<i>Pulchrum in colore potissimum & figura versantur.</i>	193.F
<i>Proiectionum tria genera ex oculi transpositione demonstrantur.</i>	497.D	<i>Pulsuum differentia tactu quidem, sed ope intellectus perfecte cognoscuntur.</i>	30.B
<i>Proiectionum elogium.</i>	457.C	<i>Punctum unde quaque insectile est.</i>	431.C
<i>Proiectionum tria genera ex oculi transpositione.</i>	497.D	<i>Punctum semper in punctum orthographicè profunditur.</i>	505.C
<i>Proiectionum genera qua absolute dicenda.</i>	498.B	<i>Punctum stereographicè in punctum proicitur.</i>	575.A
<i>Proiectionis genus non mutatur ex rei ipsius diuerso situ.</i>	496.B	<i>Punctum primarium in Scenographicis descriptionibus quod.</i>	641.B
<i>Proiectionum cognitio ad Geographiam utilis.</i>	455.B	<i>Punctum primarium Scenographica descriptionis est umbilicus.</i>	648.E
<i>Proiectionum scientia Nawarchis necessaria.</i>	456.F	<i>Punctum primarium puncto cuiuspiam Horizontis respondet.</i>	641.C
<i>Proiectionum peritus calum secum deferre videtur.</i>	455.A	<i>Punctum primarium est principalis radij proiectionis.</i>	641.B
<i>Proiectionum gnarus, Sphaera aut Astrolabio opus non habet.</i>	454.D		
<i>Proiectionum materia, puncta, lineae, superficies.</i>	498.C		
<i>Proiectionum scientia ad res Astronomicas utilis.</i>	453.A 454.A		
<i>Proiectionum utilitas in sciotericis describendis ostenditur.</i>	565.D		

I N D E X.

Punctum nec obuerfionis nec partium inter se fitum habet. 178. B
Punctum solum admittit oppositionis fitum. 178. B
Punctum unius tantum modi umbram gignit. 431. C
Punctum opacum quod corpore luminoso illustratur nullam perfectam umbram producit. 428. D
Punctum coeuntium in speciem parallelarum innuenire. 266. B
Puncti visibilis radius opticus recta est linea. 115. A
Puncti opaci umbra est recta linea infinita. 428. A
Puncti primarij vis. 682. B
Puncta secundaria quae. 641. D
Puniceus color plus habet cyanei, quam amethystinus. 40. F
Pupilla oculi. 2. E 5. A
Pupilla ad intensum lumen constringitur. 19. D
Pupilla vis angustior est, quibus organum magis sensibile. 19. F
Pupilla inuentis imaginem quomodo reddat. 52. E
Pupilla ambitus constringitur & dilatatur. 2. F 19. D
Pupille ambitus in tenebris quam maximè dilatatur. 19. D
Pupille constrictio & dilatatio non subsunt voluntatis arbitrio. 20. B
Pupille constrictio & dilatatio non fit vi sphaencteris. 20. B
Pupilla facultas sphaencteris inest. 2. F
Pupilla dilatatio non fit ex affluentia spirituum, constrictio verò ex paritate. 20. B
Pupilla constrictio & dilatatio cordis agitationi similis est. 20. B
Pupilla magna constrictio dolorem infert. 20. B
Pupille constrictio causa non est cur excellens lumen organum ladat. 35. E
Pupilla dilatatione luminis plurimè suscipitur. 19. D
Pupilla in hominibus magna amplitudinis varietas. 19. F
Pupille constrictione externum lumen arcetur. 19. D
Pupille contractio maioris mali arcendi est causa instituta. 35. E
Pupille constrictio & dilatatio quid commodi visui adferat. 19. D
Pupillae in animantibus varia forma. 5. A
Pupille proximè admota cur non appareant. 16. C
Pupille catiorum in tenebris non splendent. 18. A
Pupillis geminis orti vim fascinandi habere creduntur. 80. A
Purpureus color ex rubeo & ceruleo componitur. 40. C
Pyramis optica scaphio comparatur. 160. A
Pyramis quid, ex Euclide. 443. D
Pyramis optica quae. 109. A
Pyramis optica maxima quae dicatur. 109. D
Pyramis optica maxima augetur minuiturque pupillae dilatatione & constrictione. 109. F
Pyramis optica per se immobilis est: mouetur autem ex accidenti interdum tota, alias ex parte. 141. D
Pyramis luminosa quae. 360. E
Pyramis illustrationis quae. 361. A
Pyramis luminosa interdum optica est. 360. F
Pyramis illustrationis conuersa proportionè respondet pyramidi luminosae. 361. A
Pyramidis optica vertex centrum visus. 26. B
Pyramidis optica axis quis dicatur. 110. B
Pyramidis & coni discrimen. 443. D
Pyramidis opticae verticalem angulum quo pacto visus percipiat. 143. C

Pyramidis optica axis mouetur quidem mota pyramide, at situm in ea non mutat. 142. B
Pyramidis optica magnitudo non ex re visa, sed ex amplitudine anguli verticalis pensanda est. 109. E
Pyramidis umbra scenographice proiecta. 675. D
Pyramides radiosa non omnes opticae sunt. 109. C

Q.

QUADRATVM obliquè spectatum nec equaliterum, nec parallelogrammum videtur, nec eius oppositi anguli aequales. 299. A
Quadrangulares turres è longinquo spectatae rotunda videntur. 280. B
Quadrati dimetientes obliquo aspectu quomodo aequales & inaequales appareant. 297. B
Quadrati latera directo aspectu infracta videntur. 295. E
Quadrati latera & dimetientes directo aspectu aequales apparent. 295. B
Qualitates elementares aliae actiuae, aliae passivae. 358. F
Qualitates specificae cominus agunt. 358. F
Qualitates caelestes eminus agunt. 358. F
Qualitates caelestes luminis ope agunt. 358. F
Qualitates unius proximi generis se in gradu perfectio non admittunt. 386. F
Qualitates specificae caelestibus similes sunt. 358. E
Qualitates diuersi generis se mutuo sine noxa penetrant. 388. B
Qualitates unius generis proximi, quibus similes. 387. A
Qualitates, paruis licet accessionibus, intenduntur. 387. D
Qualitates tam caelestes quam specifica effectus proferunt sibi dissimiles. 358. F
Qualitates actiuae duorum sunt generum, caelestes & elementares. 358. B
Qualitatum specificarum exempla. 358. E
Quantitas non differt re ipsa à substantia. 380. D
Quantitas completitur magnum, paruum, crassum, tenue, longum, latum, & aequale & inaequale. 152. B
Quantitas prima dispositio est eorum, quae ab agentibus naturalibus patiuntur. 64. F
Quantitas à substantia corporea seiungi non potest. 380. D
Quantitatis ratio in quo consistat. 380. D
Quatuor causarum genera in visione ex Aristotele. 78. B
Quatuor magnitudinum comparatio. 197. E 198. A
Quies in priuatione consistit. 152. C
Quies sitne inter communia visus obiecta. 29. E
Quies quo pacto visu percipiatur. 191. A
Quod nusquam videtur, non videtur. 139. D
Quod in actu est, alium actum eiusdem conditionis non requirit. 386. E
Quod potest maius, & id quod minus est in sua habet potestate. 384. B

R.

RADIVS luminosus est recta luminis profluentia. 360. D
Radius luminis à puncto per circulare foramen traiectus, conus est. 443. B
Radius luminis à puncto per multilaterum foramen transfusus pyramis est. 443. D
Radius umbrosus, cum radio luminoso à quo procedit, in directum extenditur. 423. E
Radij insectilis visus. 115. C
Radius opticus quid. 107. A
 Radius

Radius opticus in plerisque Mathematicis instrumentis locum habet. 106. C
 Radius opticus, quo punctum videtur, recta est linea. 115. A
 Radius opticus, quo linea videtur, interdum linea est, alias superficies. 115. B
 Radius opticus, quo corpus videtur, pyramis est aut conus. 115. B
 Radius principalis in Scenographia quis. 640. E
 Radius principalis est quidem terrena linea parallelus, at non videtur. 640. E
 Radius principalis in punctum primum scenographice projicitur. 641. B
 Radius Ptolemai. 106. D
 Radius communis. 108. E
 Radius communis in connectentem centra visum interdum rectus, alias obliquis angulis incidit. 108. F
 Radius communis cum axe communi opticique axibus varie comparatur. 134 & seq.
 Radius communis libratur Horizontis inspectione. 173. C
 Radius communis oculorum diuinatione & constructione locum non mutat. 130. B
 Radius communis qua oculorum mutatione situm variet. 130. A
 Radius communis cum axe communi quibus conueniat. 108. F
 Quibus iidem discrepent. 108. F
 Radius optici sola extremitas qua organum attingit videndi facultatem excitat. 118. B
 Radius communi ad horopterem obliquo, & quos horopter cum axibus angulos facit sunt inaequales. 147. C
 Radius communi in horopterem rectis angulis incidente, & axes optici cum horoptere aequales angulos efficiunt. 147. A
 Radius optici sunt vera formarum productiones, non autem imaginaria. 112. E
 Radius optici quarum formarum sint productiones. 113. D
 Radius optici sunt forma partim sectiles, partim insectiles. 114. F
 Radius optici radius luminis similes. 113. F
 Radius optici per oculi humores tunicasque varie franguntur. 120. B
 Radius opticos crystalloidem transuictos emori est necesse. 122. B
 Radius optici axi viciniores angulis maioribus, remotiores minoribus, aequè dissiti aequalibus franguntur. 124. A
 Radius optici varie inter se comparantur. 136. & seq.
 Radius omnes optici, praeter axem, per albugineum oculi humorem franguntur. 119. D
 Radius optici motu oculorum respectum mutant. 129. E
 Radius optici ab aliis Aranea nuncupantur. 113. D
 Radius optici quomodo à materia secerni possint. 114. A
 Radius optici, qui per extremitates parallelarum magnitudinum incedunt, sunt ipsis magnitudinibus proportionales. 241. C
 Radius optici à rebus corporeo quodam modo proficiunt. 114. F
 Radius optici non minus propter oculi figuram, quam propter humorum diuersitatem franguntur. 120. E
 Radius ad oculum pertinentes non omnes optici sunt. 113. F
 Radius qui circa lucerna flammam apparent, vnde. 114. A

Radius superficiem conii tangentes, in rectis lineis actiones faciunt. 320. F
 Radius à medio rariore per densius transuicti, ad perpendicularem inclinatur. 120. A
 Radius à densiore medio per aliud rarius transmissi, à perpendiculari resiliunt. 120. A
 Radius omnes, qui à recta linea ad centrum visus porriguntur, in eodem sunt plano. 128. F
 Radius qui ad cylindri superficiem tangentes ducuntur, omnes in rectis lineis actiones faciunt. 313. E
 Radius ab uno luminari profusi non confunduntur. 388. F
 Radius triplex genus. 373. D
 Radius in oculo collectio non est causa cur oculus ab excellenti lumine ladatur. 35. E
 Radius diuersa infractio quam utilitatem visui adferat. 125. B
 Radius inflexione qua extra oculum sit res alio loco apparet, quam sit. 52. D
 Radius infractio qua in oculo sit, res spectatas à propriis locis non diuellit. 123. B
 Radius opticos infractio, qua in oculo sit, rerum ordinem situmque non confundit. 122. D
 Radius omnium solus axis in superficiem visus rectis incidit angulis. 118. D
 Radius opticos quantitas sit usus. 106. B
 Radius opticos D. Basilus iactus oculorum appellat. 113. D
 Radius opticos illos putat imperitum vulgus, qui in tenebris ex lucerna flamma emicant. 113. F
 Radius opticos imaginarios esse illi senserunt qui visionem solam obiecti praesentia fieri docuerunt. 113. A
 Radius opticos imaginabiles esse, Mathematicorum sententia fuit. 112. F
 Radius omnes opticos in centrum visus coire est necesse. 116. F
 Radius opticos sensibiles esse rectè philosophi docuerunt. 113. B
 Radius opticos imaginarios esse, qua ratione probetur. 113. B
 Radius opticos Galenus visionem appellat. 113. C
 Radius omnibus opticos cur non aequè certa visio contingat. 125. D
 Radius singulis singula videri necesse est. 115. E
 Radius pyramides non omnes opticae sunt. 109. C
 P. apertus oculi tunica. 5. A
 Ranunculi exemplum de magnitudinis aestimatione ex Satyrice. 235. C
 Rara materia luce perfusa candorem exhibet. 39. F
 Raritas, densitas, qua prima sunt ortus atque interitus conditiones. 422. E
 Raritatis ac densitatis nomina calis minimè conueniunt. 422. E
 Ratio quorundam, qua probant nervos opticos pares esse longitudine, resellitur. 22. C
 Ratio quibus utatur Optice. 2. B
 Realis compositio colorum qua. 39. C
 Realis colorum compositio in rebus fit. 39. C
 Realis obiectorum actio sublata causa in oculo aliquantisper perseuerat. 57. D
 Recessus rei ex productis continuo axibus opticos conuincitur. 188. C
 Recta linea qua à circuli peripheria ad diametrum secundum normam ducitur, mediam proportionem inter diametri segmenta obtinet. 458. C
 Recta linea secans alteram parallelarum, producta secat & reliquam. 201. B

I N D E X.

<i>Recta interdum linea gemina apparet.</i>	341. A	<i>Scamilli impares visuntur in Pantheo.</i>	262. C
<i>Recta linea perpendiculariter visu obiecta, spectatur ut punctum; directè verò aut obliquè, ut linea.</i>	235. D	<i>Scamilli resimi proprium adferunt operi ornatum, minimè tamen necessarium.</i>	262. D
<i>Recta linea, quæ horopteris planoparallela sit, bina phantasia sunt inter se parallela.</i>	341. A	<i>Scaporum contractura ex Vitruvio.</i>	232. E
<i>Recta linea, quæ inæquales connectunt rectas lineas, producta ad partes minoris concurrunt.</i>	370. A	<i>Scana.</i>	682. A
<i>Recta linea propria nota, quòd sua ex aquo interiacet puncta.</i>	181. D	<i>Scenographice quid.</i>	456. C
<i>Recta linea, (si illa horopteris planum pertransit) bina phantasia se mutuo ad commune horopteris punctum interfecant.</i>	341. A	<i>Scenographice unde dicta.</i>	682. A
<i>Recta linea intra duas parallelas qua ratione se fecent.</i>	201. E & seq.	<i>Scenographice tertium projectionis genus ex isto oculi intervallo.</i>	498. C
<i>Recti anguli nullus alius duplâ habet ratione.</i>	254. E	<i>Scenographice eadem quæ Ispâum.</i>	637. C
<i>Rectum ac planum quomodo dignoscantur.</i>	165. D 166. F	<i>Scenographice ex oculi altitudine distantiaque pendet.</i>	638. A
<i>Rectilinea figura qua vocetur.</i>	172. E	<i>Scenographice res maximè ad viuum representat.</i>	637. B
<i>Rectilineam figuram laterum rectitudo conspicuam facit.</i>	172. E	<i>Scenographica umbrarum projectura.</i>	673. E
<i>Rectitudo vno intuitu, at planicies pluribus cognoscitur.</i>	167. A	<i>Scenographicas praxes plurimi scripsere mechanici.</i>	637. D
<i>Rectitudinis dignotio ex obliquo aspectu certior quàm ex directo.</i>	166. B	<i>Scenographicas projecturas ad originem reuocare.</i>	667. A & seq.
<i>Relectione memoria iuuatur</i>	102. E	<i>Schema partium oculi.</i>	3. B
<i>Reminiscencia qua ratione fiat.</i>	75. D	<i>Scientia principium experientia.</i>	341. C
<i>Remotiora quandoquæ, aliàs propinquiora ea existimantur, quorum intermedium spatium ignoratur.</i>	224. A	<i>Scientiam de medio tollebant Academici.</i>	196. A
<i>Res à tergo posita cur non videantur.</i>	55. A 59. E	<i>Scintilla raptu ignea cnitet linea.</i>	347. D
<i>Res in aperto minores apparent quàm in concluso.</i>	226. F	<i>Sciotericum horolabium ex Orthographicis projectiõnibus elicere.</i>	535. C
<i>Res eadem ex eodem intervallo sub alio atque alio angulo spectari non potest.</i>	162. C	<i>Scioterici in plano Equatoris facillima descriptio.</i>	569. F
<i>Res minima breui intervallo ab aspectu disiuncta depereunt.</i>	231. E	<i>Scioterica non necesse est in centro mundi collocare.</i>	565. B
<i>Res locusque se mutuo necessariò consequuntur.</i>	175. B	<i>Scioterica quocumque vni corpori breuissimè accuratissimeque inscribere.</i>	566. F
<i>Res omnes minores semper, quàm reipsa sint, apparent.</i>	231. C	<i>in Sciotericis horaria linea quando sint parallela.</i>	568. A
<i>Res sensibiles angulo sensibili conspiciuntur.</i>	161. C	<i>in Sciotericis horaria linea quando concurrant.</i>	569. E
<i>Res spirituales sub aspectum non cadunt.</i>	29. C	<i>Sclerodes tunica.</i>	2. E 4. E.
<i>Respublica experientia potius quàm mente administratur.</i>	2. B	<i>Sclerodes tunica ab Alba qua differat.</i>	4. F
<i>Retina oculi tunica.</i>	2. F 5. F	<i>Sclerodis tunica origo.</i>	2. E 4. E
<i>Retina tunica cur sic dicta.</i>	5. F	<i>Sclerodis tunica durities unde.</i>	4. F
<i>Retina tunica origo.</i>	2. F	<i>Sclerodis tunica munia.</i>	4. F
<i>Retina tunica figura.</i>	5. F	<i>Scotus & D. Thomas conciliantur.</i>	50. F
<i>Rubedo leonibus terrori.</i>	41. F	<i>Sectio apud Mathematicos quid.</i>	493. C
<i>Rubedo oculos accendit.</i>	41. F	<i>Sectionis oculi figura.</i>	3. C
<i>Rubedinis aspectus ophthalmicis noxius.</i>	41. F	<i>Semicylindri conuexum duobus oculis videbitur, si diametrus distantia oculorũ equalis fuerit.</i>	316. D
<i>Rufi sententia de Aranea tunica.</i>	5. E	<i>Senatus à senio dictus.</i>	104. D
S			
<i>SANDARACA rectè admiscetur cerussa vsta, non item lacca.</i>	41. B	<i>Senis exemplum, qui Viterbi apes horrido aspectu necabat.</i>	79. F
<i>Sanguis facultatibus partium proleclatur.</i>	19. C	<i>Sensilia communia proprias species sensiteriis inurunt.</i>	50. C
<i>Sanguis per venas non tamquam per canales deferitur.</i>	19. C	<i>Sensiones contactum saltem virtutis exigunt.</i>	71. B
<i>Sanguis cerebrum petens res externas sanguineo colore respergit.</i>	25. D	<i>Sensus formas sine materia suscipit.</i>	74. E 75. B
<i>Sancti quomodo visuri sint Deum in corpore.</i>	29. B	<i>Sensus cõmunis quibus argumentis oppugnetur.</i>	90. E
<i>Scalptores & Gemmarij cur vitream ampullam lumini obijciant.</i>	122. A	<i>Eorumdem argumentorum solutio.</i>	91. A
<i>Scamilli interdum gemini fiunt.</i>	262. D	<i>Sensus communis cur sic nuncupatus.</i>	91. E
<i>Scamilli impares apud Vitruuium qui sint.</i>	261. F	<i>Sensus communis organum est cerebrum.</i>	92. D
<i>Scamilli resimi qui sint, & quis illorum vsus.</i>	262. D	<i>Sensus communis duplex munus.</i>	90. A
		<i>Sensus cõmunis reliquorũ sensuum est arbiter.</i>	90. D
		<i>Sensus communis colorem non ut visibilem sed ut sensibilem percipit.</i>	91. B
		<i>Sensus communis colorem, quæ visibilem, ut partem sui obiecti cognoscit.</i>	91. C
		<i>Sensus communis interstitium quoddam est externorum internorumque sensuum.</i>	92. B
		<i>Sensus communis à Philosopho vltimum sentiens appellatur.</i>	93. C
		<i>Sensus communis externorum sensuum est complementum.</i>	93. C
		<i>Sensus</i>	

- Sensus cōmunis plura quā dāmōdō est & unum.* 92. C
Sensus communis externorum sensuum notiones in unam cogit & ad internos sensus transcribit. 92. C
Sensus communis suapte natura eō semper contendit ubi axes optici conveniunt. 148. C
Sensus communis circa omnium sensuum obiecta versatur. 90. C
Sensus, quibus morbis adimatur. 93. A
Sensus communis & externorum convenientia. 93. D
Sensus principium inest crystallino humori. 26. A
Sensui communi somnus & vigilia propriè accidunt. 90. D
Sensum communem dari, quomodo probet Aristoteles. 90. A
Sensum communem Aristoteles in corde collocavit. 92. D
Sensum communem Aristoteles centro circuli comparavit. 92. C
Sensum communem putavit D. Nemesius esse intellectricem potentiam. 92. A
Sensum communem Michael Ephesus & Philoponus Attendentem appellant. 92. A
Sensus, quomodo convenientium obiectorum perceptione oblectentur. 91. D
Sensus interni non per qualitatū traductionem, sed per consensum operantur. 344. B & C
Sensus interni externique magnam inter se societatem habent. 218. D
Sensus animæ sunt facultates corpori astrictæ. 69. A
Sensuum notiones seipsis cognoscuntur. 91. C
Sensibus viciniora cur nobis notiora. 341. C
Sensus interdum falli. 214. E
Sententia variorum de cecitate talparum conciliantur. 67. E
Sentiendi facultas ei inest quod patitur. 26. F
Sepiam & mora estantes candidum chylum gignunt. 19. C
Servi, cui Adrianus oculum eruerat, apophthegma. 66. D
Signum unum extra horopterem constitutum, utroque visu geminis spectatur locis. 332. A
Signi unius gemina phantasia obliquo aspectu æquè ab axium concursu distat; at minus intervallum videtur, quod obliquioribus radiis comprehenditur. 335. C
Signi unius gemina phantasia directo intuitu æquè ab axium concursu distat, & distare videtur. 334. D
Signa sex Borealia nobis æstiva sunt, reliqua Australia nobis hiberna. 500. D
Signa oculorumque distantia si non in eodem sint plano, nec in eadem recta linea signorum phenomena conspiciuntur. 339. D
Signa duo in eundem incidentes radium, tribus locis conspiciuntur, è quibus alter extremorum ex duobus fit unus. 333. D
Signa duo extra horopterem in axibus opticis posita duobus visibus tribus numerantur locis. 332. E
Signa non semper ad constitutam symmetriæ rationem; sed sæpè ad naturam loci faciendā sunt. 262. E
Signa duo interdum quatuor numerantur locis. 334. A
Signa duo in axibus constituta, cum tribus numerantur locis, horum medius è duobus efficitur unus. 332. E
Signa, oculorumque distantia si non in eodem sint plano, quæ signorum connectunt phantasias, sunt inter se parallele. 339. F
Signorum quæ ultra horopterem spectantur phantasia, situm retinent. 338. C
Signorum alia ad manum species est, alia in excelsis, alia in concluso, alia in aperto. 262. E
Signorum longius ab horoptere disjunctorum phantasia longius ab invicem distrahuntur. 340. E
Signorum duorum tres phantasia directo aspectu æquè ab invicem distant, & distare videntur. 336. A
Signorum celestium nomina & characterismi. 500. D
Signorum duorum tres phantasia obliquo aspectu æquè ab axium concursu distant; sed propinquius videtur quod obliquiori radio continetur. 336. E
Signorum quæ pluribus apparent locis phantasia non æquè evidenter cernuntur. 340. D
Signorum quæ citra horopterem spectantur phantasia situm mutant. 338. A
Signis in communi radio datis, si nunc in unum, nunc in alterum acies defigantur, phantasia loco per stare videbuntur. 339. A
Similia similibus cognosci Empedoclis sententia. 15. F
Similiter visui opponi quæ dicantur. 178. C
Similiter opposita parallela esse oportet. 178. D
Similitudo formalis quæ. 51. A
Similitudo virtualis quæ. 51. B
Similitudo & dissimilitudo quomodo visu dignoscantur. 193. B
Similitudo & dissimilitudo media sunt inter communia & propria obiecta visus. 30. F
Similitudo & dissimilitudo sintne inter communia visus obiecta. 30. E
Similitudinis formalis & virtualis differentia. 51. C
Simplex aspectus quid. 86. A
Simplex aspectus & intuitus prima sunt visionis differentia. 86. A
Simplex aspectus fit quovis optico radio. 87. B
Simplex aspectus momento fit temporis. 87. D
Simplicium colorum qui medijs sint. 39. F
Simulachrum. Vide Species, Forma, Imago.
Sinistram versus illa apparent, quorum radij in sinistram vergunt. 257. B
Sinistorum partes quò sunt à visu remotiores, eò magis in dextram educi videntur. 257. E
Situs proprietatis quadam est loci. 187. C
Situs triplex. 176. F
Situs obuersionis quis. 176. B
Situs obuersionis triplex. 176. B
Situs directus quis. 177. B
Situs directus quomodo visu percipiatur. 179. F
Situs directus atque obliquus duobus oculis indubitatè cognoscitur. 180. E
Situs absque loci mutatione non variat. 187. C
Situs declinationis quomodo visu percipiatur. 179. B
Situs obliquus quomodo visu dignoscatur. 180. C
Situs perpendicularis quis. 177. B
Situs perpendicularis quo pacto visu agnoscatur. 181. C
Situs perpendicularis non modo in lineis, verum etiam in superficiebus planis reperitur. 181. F
Situs qui ex aduerso est, ex obtutus perspicuitate cognoscitur. 178. F
Situs partium inter sese quis. 177. B
Situs partium inter sese ex notis positionum differentis perspicuus euadit. 182. A
Situs obuersionis & partium inter sese motu in loco variant. 177. E
Situs oppositionis motu ad locum variat. 177. E
Situs oppositionis alius ex aduerso dicitur, alius declinans.

<i>clinans.</i>	176. F	<i>Solidarum figurarum precipua genera.</i>	173.
<i>Situs compositi ex particularium notitia colliguntur.</i>	182. C	<i>Solstitia quæ.</i>	500. C
<i>Situs mixti sunt sessio, statio, cubatio, & illi quibus stantes recti aut inclinati, iacentes proni aut supini dicuntur.</i>	177. D 182. C	<i>Solstitium unum æstiuum, aliud hiemale.</i>	500. C
<i>Situum differentia.</i>	152. B	<i>Solstitium alterum boreale, alterum australe.</i>	500. C
<i>Situum omnium genera ad aliquid referuntur.</i>	182. B	<i>Somnus fit cum frigidus vapor organum sensus communis naturaliter occupavit.</i>	90. D
<i>Societas oculorum mirabilis.</i>	20. F	<i>Somno primo perfuncti, subinde multum, alias parum dormuisse se putant.</i>	225. B
<i>Societatis, quæ in motibus oculorum cernitur, utilitas.</i>	21. C	<i>Somnians qui longas texunt historias, expergefacti diu se dormisse arbitrantur.</i>	225. B
<i>Sol mundi oculus.</i>	357. A	<i>Somniantes res quandoque verè oculis obijci existimant.</i>	57. B
<i>Sol maior est quàm luna.</i>	434. B	<i>Somniantibus omnia magna videntur.</i>	234. C
<i>Sol altiori celo est constitutus quàm luna.</i>	433. C	<i>Spatium non est quid penitus confictum.</i>	114. C
<i>Sol maiorem medietate terræ plagam illustrat.</i>	410. F	<i>Spatium quomodo distinguatur ab eo quod spatium implet.</i>	114. C.
<i>Sol ante exortum, & post occubitum etiam tum spectabilis est.</i>	411. A	<i>Spatia imaginaria quæ.</i>	112. F
<i>Sol cur terreno orbe factus sit maior.</i>	410. F	<i>Spatia imaginaria extra cælos.</i>	149. B
<i>Sol altior à terra est quàm luna.</i>	233. F	<i>Sonus qui procul est præcipuè auditur, cum motus aer ærem pulsat.</i>	48. C
<i>Sol motu orbis excentrici nunc terræ propinquior est, nunc à terra remotior.</i>	433. E	<i>Soni longius prouecti remittuntur quidem secundum qualitatis intensionem; non vero secundum amplitudinem collii aeris qua gravitas & acumen spectantur.</i>	230. F
<i>Sol maiorem medietate portionem lunaris corporis illuminat.</i>	410. D	<i>Species communium sensibilium à specie sensibilis proprii reipsa non distinguitur.</i>	50. E
<i>Sol interpositione lunaris corporis non semper totus obscuratur.</i>	434. A	<i>Species. Vide Forma, Imago, Simulachrum.</i>	
<i>Sol per circuli maximi ambitum delatus umbram à centro in rectam lineam profundis.</i>	568. E	<i>Species continuati coloris continua est.</i>	53. A
<i>Sol per quadrilatera proficiens, circulum propius æmularatur.</i>	449. C	<i>Species in oculo est velut tinctum vitrum.</i>	51. F
<i>Sol qua hora oriatur & occidat, ex Orthographia describere.</i>	537. D	<i>Species coloris est quidam color.</i>	51. F
<i>Sol diu conspectus varias affectiones clausis oculis parit.</i>	56. B	<i>Species formalis & virtualis differentia.</i>	51. C
<i>Sol dum totus supra Horizontem emergit, equus decem, non minus, terræ stadia percurrit.</i>	231. E	<i>Species visibilis duplex munus.</i>	77. B
<i>Sol in terræ superficie nullam facit diuersitatem aspectus.</i>	503. F	<i>Species sunt virtuales rerum similitudines, non formales.</i>	51. A
<i>Solis lux aurea.</i>	34. E	<i>Species internorum sensuum lumini à speculo repercusso sunt similes.</i>	102. B
<i>Solis locum in Signifero, cognita altitudine horæque, stereographicè ostendere.</i>	621. B	<i>Species visibiles quomodo aspectum fallant.</i>	216. A
<i>Solis defectus maximi sunt cum luna terræ proxima est, sol autem remotissimus.</i>	433. F	<i>Species visibiles quò maiorem in oculo distensionem habent, eò vim imprimunt maiorem.</i>	161. F
<i>Solis motus duplex, continuus alter, alter discretus.</i>	568. C	<i>Species externorum sensuum sunt efficacissima, deinde quæ in internis sunt sensibus, denique illæ quæ in intellectu.</i>	341. C
<i>Solis & spiritus animalis comparatio.</i>	25. B	<i>Species coloribus dignitate sunt inferiores.</i>	49. C
<i>Solis vis in hæc inferiora.</i>	25. B	<i>Species visibiles non semper rebus similes.</i>	216. A
<i>Solis ac luna orbis planus videtur.</i>	312. E	<i>Species diuersorum colorum se mutuo distincte penetrant.</i>	53. A
<i>Solis macule.</i>	421. A	<i>Species sunt perennes quedam actiones.</i>	54. D 56. E
<i>Solis defectu quo pacto densissima tenebræ subinde inuehantur.</i>	422. F	<i>Species diuersorum colorum in unam speciem non coalescunt.</i>	53. A
<i>Solis magnitudo ex amplitudine luminis per foramen traiectioni non rectè colligitur.</i>	446. B	<i>Species non sunt ex illis, quæ firmæ qualitates vocantur.</i>	54. D
<i>Solis defectus minimi sunt cum sol proximus nobis est, luna autem remotissima.</i>	434. A	<i>Species spiritualibus substantiis quomodo similes.</i>	54. B
<i>Solis defectus non semper aequales.</i>	433. E	<i>Species medium traiciunt in instanti.</i>	54. A
<i>Solis ac lune distantia interualla vnde.</i>	351. D	<i>Species ex omni parte obiecti in omnem partem medij profliunt.</i>	53. D
<i>Solis defectiones non sunt vniuersales.</i>	503. F	<i>Species intentionales ab expressis imaginibus qui differant.</i>	48. C
<i>Solis accessus & recessus uniformiter difformis est.</i>	380. A	<i>Species sunt formæ sensibiles.</i>	51. D. E
<i>Solis proprius motus lunæ motum velocitate superat.</i>	351. C	<i>Species quomodo ab Augustino spirituales vocentur.</i>	48. F
<i>Solaris defectionis maxima & minima ex epla.</i>	434. A	<i>Species per pyramidem in oculum dilabuntur.</i>	49. D
<i>Solares umbræ à parallelis lineis profuse sunt inter se parallela.</i>	504. A	<i>Species rectæ semper lineis protenduntur.</i>	54. D
<i>Solarium umbrarum variæ proiectiones.</i>	563. A	<i>Species visibiles de subiecto in subiectum non commigrant.</i>	80. F
<i>Solida figura ex laterum dispositione aspectu cognoscitur.</i>	173. C	<i>Species diminutam quamdam habet essentiam.</i>	49. C
		<i>Species à rebus naturâ dissident, non representatione.</i>	48. D
		<i>Species</i>	

- Species sunt velut in aqua impressum vestigiū. 56. F
 Species nullo subiecti dispendio emanant. 49. F
 Species radici filicis femina comparantur. 50. B
 Species organum non degrauant. 49. D
 Species contrarietate non pugnant. 49. D
 Species se mutuo penetrant. 49. D
 Species quæ in intellectu sunt, omnium obscurissime obiecta representant. 102. B
 Species rerum visibilibus astrauntur. 48. A
 Species amoto obiecto illico euanescent. 55. E
 Species internorum sensuum obscurius res representant, quàm quæ in externis sunt sensibus. 102. B
 Species quò sunt à rebus ipsis remotiores, eò segniorum vim representandi obtinent. 102. C
 Species internorum sensuum tenuioris essentia sunt, quàm externorum. 102. B
 Species seu essentia rerum infima plerisque incognita. 100. D
 Species laruis dissimiles. 50. A
 Species in memoria asseruata, vicaria sunt absentium obiectorum. 94. A
 Species sunt formæ homogenie. 52. F
 Species ordinatè ad visum perueniunt. 55. B
 Species per diaphanum fortuito non oberrant. 49. D
 Species à calore ignis & odoribus quæ differant. 49. A
 Species quo differant ab habitibus. 77. E
 Species obiectorum communium sunt modi & velut appendices propriorum. 50. F
 Species naturà diuidua, representandi vi indiuidua sunt. 48. F 49. A
 Species inflexione hebetantur. 52. D
 Species & lumen multis proprietatibus conueniunt. 65. A
 Species sunt vicaria obiectorum formæ. 75. C
 Species visibiles nulla magnitudine prædita visum cedere non possunt. 161. F
 Species ad visionem formaliter non autem effectiue concurrunt. 77. B
 Specierum in medio permixtio quomodo visioni non officiat. 54. F
 Specierum momentanea traiectio pædet à lumine. 54. A
 Specierum multitudo visum non turbat. 49. D
 Specierum cum sigillo comparatio. 50. A
 Specierum inflexione res alio loco apparet, quàm sit. 52. D
 Specierum actio ab efficientia quo differat. 77. E
 Species per se sensu dignosci, experimentis probatur. 52. A
 Species formas sine materia dixit Aristoteles. 49. A
 Species esse expressas rerum similitudines Galenus putauit. 76. D
 Species negantium argumenta proponuntur & diluuntur. 48. B
 Species visibiles ad visionem effectiue concurrere rationibus probatur, & eadem diluuntur. 77. C
 Species amoto obiecto perdurare, quibus argumentis probetur. 55. F
 Eadem diluuntur. 57. A
 Species non esse sensibiles, quibus argumentis probetur. 51. D
 Speciebus plenum est totum diaphanum illustratum. 49. E
 Specifica obiectorum ratio cur subinde prius se aspectui offerat quàm generica. 100. C
 Specifica qualitates celestibus similes. 358. E
 Specifica qualitates cominus agunt. 358. F
 Specificarum qualitatatum exempla. 358. E
 Spectata eodem angulo, quorum distantia non perpenduntur, equalia existimantur. 228. E
 Speculi imago cur re ipsa debilior. 52. D
 Specula omnia desinita seu terminata esse oportet. 419. E
 Specula quædam suapte natura ingenuaque opacitate terminata sunt. 419. E
 Specula quædam arte terminari opus habent. 419. F
 Specula conuexa & plana non eundem effectum edunt. 420. B
 Specula plana imagines exhibent rebus ipsis equalibus. 420. B
 Specula conuexa res exhibent, quàm re ipsa sint, minores. 420. B
 Specula conuexa quò res longius absunt, eò minora reddunt idola. 420. B
 Sphæra tota è quouis puncto causa superficiæ spectabilis est. 308. E
 Sphæra mobilis est quæ circulos continet lationum. 499. B
 Sphæra immobilis est quæ circulos continet distinctores. 499. B
 Sphæra immobilis non est immutabilis. 499. C
 Sphæra cur altera mobilis, altera immobilis dicatur. 499. B
 Sphæra Archimedis. 453. D
 Sphæra tota, præter punctum in quo est oculus, stereographicè in planum transcribitur. 578. E
 Sphæra actiuitatis quid. 53. E
 Sphæra non omnes celestium lationum circulos capere potest. 454. C
 Sphæra luminosa, sphæra opaca equalis medietatem illuminat. 409. C
 Sphæra luminosa maior, opaca sphæra minoris plus medietate illuminat. 410. A
 Sphæra luminosa minor, opaca maioris portionem medietate minorem illustrat. 411. C
 Sphæra pars illustrata quando ut circulus appareat. 414. C
 Sphæra pars illustrata quando ut ellipsis videatur. 415. C
 Sphæra celestis initia. 453. D
 Sphæra in mobilem atque immobilem partitio. 499. A
 Sphæra circuli alij lationum, alij distinctores vocantur. 499. B
 Sphæra materialis difficillima constructio. 454. B
 Sphæra in plano descriptio accuratissima. 454. B
 Sphæra pars visa circulo continetur. 303. A
 Sphæra pars illustrata quo situ punctus ostendat schemata. 416. E
 Sphæra pars illustrata quando ut semicirculus appareat. 416. A
 Sphæra pars illustrata quo aspectu utrimque gibbosa cernatur. 417. D
 Sphæra pars illustrata, parsque visa, si bases habeant parallelas, lumen spectatum circulare & erit & apparebit. 413. F
 Sphæra causa portio maior oculo appropinquante videtur. 310. B
 Sphæra opaca minoris quàm luminosa sit, umbra est conus. 432. A
 Sphæra circulos omnes in unum schema stereographicè conscribere. 635. A
 Sphæra mobilis circulos ex obliquo aspectu stereographicè designare. 630. B
 Sphæra mobilis stereographia, oculo in Polo constituto. 624. F
 Sphæra aspectus nullam admittit obversionis differentiam. 178. B
 Sphæra

I N D E X.

<i>Sphæra portio quæ videtur, oculo appropinquante fit minor.</i>	304. A	<i>Spirituuum defectu quidam parum aut nihil vident.</i>	25. F
<i>Sphæra portio quæ spectatur, radiis tangentibus definitur.</i>	302. C	<i>Spirituuum volubilitas obtutum desigi non patitur.</i>	25. F
<i>Sphæra pars visa quò re ipsa est minor, eò maior apparet.</i>	304. E	<i>Splendor est lumē à tergo corpore repercussum.</i>	359. E
<i>Sphæra pars, quæ vno videtur oculo, hemisphærio est minor.</i>	303. D	<i>Splendor est lumen de lumine.</i>	360. B
<i>Sphæra circulos omnes in plano orthographice designare, aspectu per verticem ac mundi centrum traiecto.</i>	550. A	<i>Splendor luminis est propago.</i>	359. E
<i>Sphæra circulos omnes planos facere secundum Orthographicen, visu per mundi Polos procedente.</i>	546. A	<i>Splendor tenuioris essentia est quàm lumen.</i>	359. F
<i>Sphæra celestis circuli sunt velut à motu astrorum relicta vestigia.</i>	453. C	<i>Splendor propulsione corporis leuis retunditur ac hebetatur.</i>	359. F
<i>Sphæra Orthographica proicctio, visu per Equinoctia & Horizontis planum incedente.</i>	520. F	<i>Splendoris varij gradus ex alia atq; alia repercussione prognati.</i>	359. F
<i>Sphæra opaca umbra à luminosa sphæra equali cylindrus est interminatus.</i>	431. D	<i>Spuma cur candida.</i>	44. E
<i>in Sphæra cauum quo pacto ab ambitu umbra incidat.</i>	681. C	<i>Statua Iouis tribus oculis insignis.</i>	66. A
<i>Sphæra opaca maioris umbra formam turbinis Coluri infinitam acquirit.</i>	432. E	<i>Statua non semper ad constantem symmetriae rationem, sed sæpe ad naturam loci faciēda sunt.</i>	262. E
<i>Sphæra portio duobus oculis spectata interdum hemisphærio est equalis.</i>	306. A	<i>Statuary è rudi lapide detractioe factu signum absoluunt.</i>	97. C
<i>Sphæra portio duobus oculis spectata interdum hemisphærio est maior.</i>	307. C	<i>Stella firmamenti imperceptibili tempore amplissima emetiuntur spatia.</i>	374. F
<i>Sphæra portio duobus oculis spectata interdum hemisphærio est minor.</i>	308. A	<i>Stella in magnis Solis defectioibus apparent.</i>	389. D
<i>Si sphæra inæquales ex eadem distantia videantur, maiorem habebit rationem pars visa minoris, quàm maioris ad totum ambitum.</i>	311. C	<i>Stella è profundissimis puteis interdum conspiciuntur.</i>	65. D 389. E
<i>Sphærica figura cur oculo accommodatissima.</i>	10. D	<i>Stella proprius in sphæra locus quis.</i>	533. A
<i>Sphærica superficies, seu concava seu connexa, è longinquo spectata, plana videntur.</i>	312. B	<i>Stella proprium locum stereographicè in plano assignare.</i>	618. A
<i>Sphæroides luminosum maius è propinquo amphorem partem opaci irradiat, quàm è remoto.</i>	412. A	<i>Stella proprium locum in plano orthographicè assignare.</i>	533. A
<i>Sphæroides luminosum minus è propinquo minorem portionem opaci irradiat, quàm è remoto.</i>	413. B	<i>Stelle latitudo quæ.</i>	500. F
<i>Spiritus in corpore animalis triplex.</i>	24. F	<i>Stella declinatio quæ.</i>	500. F
<i>Spiritus animalis per nervos defertur.</i>	13. F	<i>Stella fixa quæ ex causa micent, propria sententia.</i>	441. A
<i>Spiritus animalis non est præcipuum visus organum.</i>	24. E	<i>Stellarum agitationem non posse à sublunari causa provenire.</i>	440. B
<i>Spiritus animalis eas dumtaxat partes irrigat, quæ sensus motusque sunt compotes.</i>	25. A	<i>Stellarum inquietudinem in formarum attenuacionem alij retulerunt.</i>	440. E
<i>Spiritus sensifiscus per poros nervorum opticorum in oculos derivatur.</i>	13. E	<i>Stellarum micantium causam longinquitati Aristoteles attribuit.</i>	440. C
<i>Spiritus naturalis fons iecur.</i>	24. F	<i>Stellas tremulas fieri pluribus adiuvantibus causis, Iulius Scaliger.</i>	440. F
<i>Spiritus naturalis propriu ductus vena.</i>	24. F	<i>Stellas moveri propter diurni motus perniciositatem, quidam dixerunt.</i>	440. F
<i>Spiritus vitalis officina cor.</i>	24. F	<i>Stellas fixas scintillare propter simulachrorum motum Vitellonis sententia.</i>	440. A
<i>Spiritus vitalis ductus sunt arteria.</i>	24. F	<i>Stellas tremulas videri ob potentia imbecillitatem, Cardanus.</i>	440. D
<i>Spiritus animalis origo cerebrum.</i>	24. F	<i>Stellas fixas tremere propter radiorum inflexionem aliorum opinio.</i>	440. A
<i>Spiritus animalis ductus sunt nervi.</i>	25. A	<i>Stellas fixas tremere non re ipsa, sed videri tantum quorundam opinio.</i>	439. E
<i>Spiritus animalis vis in facultates anima.</i>	25. B	<i>Stellas nocte deciduas cur continuo aspectu profequamur.</i>	186. D
<i>Spiritus animalis cum sole collatio.</i>	25. B	<i>Stereographicè quid.</i>	572. D
<i>Spiritus animalis & vitalis discrimina.</i>	92. F	<i>Stereographicè unde sic dicta.</i>	573. A
<i>Spiritu animali agitato res externæ moveri videntur.</i>	25. C	<i>Stereographicè à priscis neotericisque usurpata.</i>	573. A
<i>Spiritu concitato moveri quæ quiescunt existimantur.</i>	348. E	<i>Stereographicè à Stereometria & Geodesia quo differat.</i>	573. A
<i>Spiritus animales lucidi.</i>	13. F	<i>Stereographicè cur ex oculi contactu.</i>	573. A
<i>Spiritus animales sensus motusque sunt causa.</i>	92. E	<i>Stereographicè alterum proiectionis genus ex oculi contactu.</i>	498. C
<i>Spiritus animales à prima origine flama successi.</i>	14. B	<i>Stereographicè planum pascit per centrum sphæra actum.</i>	574. B
<i>Spiritus animales ad obiecta efferi non possunt.</i>	71. C	<i>Stereographicè prænotaciones.</i>	574. B
<i>Spirituuum in corpore series.</i>	92. E	<i>Stereographicè in sola sphæra est usus.</i>	573. A
<i>Spirituuum crassities visum hebetat.</i>	25. F	<i>Stereographicè & Orthographicè discrimina.</i>	572. D. E. 573. D

<i>Stereographices præstantia.</i>	573. C	<i>uexæ apparent, & contrâ.</i>	312. E
<i>Stereometria à Geodesia quo differat.</i>	573. A	<i>Superficierum aspectus triplex.</i>	498. F
<i>Stoici per aërem circumfusum, quasi per baculum obiecta attingi asseruerunt.</i>	73. C	<i>Superiores adificiorum ordines resupinari videntur.</i>	221. E
<i>Stoicorum gutta.</i>	71. D	<i>Syllogismus quibus modis vitietur.</i>	216. E
<i>Stoicorum sententia, spiritus animales ad obiecta æferri.</i>	71. C	<i>Sympathia amicos absentes mouet.</i>	70. D
<i>Stoicorum quidam videndi facultatem ad obiecta transmitti statuerunt.</i>	71. F	<i>Sympathia interdum motuum concordiam inuehit.</i>	21. A
<i>Stoikerini Astrolabium.</i>	624. D	<i>Symplegades insula ponti Euxini.</i>	349. D
<i>Stoikerini Astrolabium ex Stereographia manauit.</i>	573. B	<i>Syndromides insula ponti Euxini.</i>	349. D
<i>Stoikerini & Gemme Frisij Astrolabia quo differant.</i>	573. B		
<i>Strabones cur oculos distortos habeant.</i>	346. C		
<i>Strabones qua oculi parte vitium habeant.</i>	13. B		
<i>Strabones cur non omnia videant gemina.</i>	346. C		
<i>Strabonibus omnia gemina videri, ait Aristoteles.</i>	346. B		
<i>Structoria artis incunabula.</i>	455. D		
<i>Structoria artis progressus.</i>	455. E		
<i>Structoria artis perfectio.</i>	455. F		
<i>Structura oculi.</i>	3. B		
<i>Stulti cur se reges arbitrentur.</i>	234. E		
<i>Stulti interdum staminis nodo adstricti compeſcuntur.</i>	234. D		
<i>Stultis omnia magna videntur.</i>	234. C		
<i>Stylobatis cur adiectio facienda sit in medio per scammiles.</i>	261. F		
<i>Sublimiora apparent, quæ radiis sublimioribus cernuntur.</i>	257. B		
<i>Sublunaria nulla perfectè diaphana.</i>	32. B		
<i>Substantia corporea visu per se dignosci non potest.</i>	95. D		
<i>Substantia omnes creata per se inertes sunt, atque actionis expertes.</i>	95. E		
<i>Substantia corporea visu ex accidenti cognoscuntur.</i>	95. F		
<i>Succinum aliaque id genus bitumina flammam è longinquo suffurantur.</i>	359. C		
<i>Succinis quomodo muscæ & culices interdum innascantur.</i>	36. E		
<i>Suffusio quid.</i>	61. A		
<i>Suffusionis effectus.</i>	60. E		
<i>Sulcata pictura.</i>	683. F		
<i>Sulphurea flamma color cæruleus.</i>	34. E		
<i>Supercilia quid commodi adferant oculis.</i>	8. C		
<i>Superficies perpendiculariter obiectu orthographicè proyicitur in lineam.</i>	507. C		
<i>Superficies directè aut obliquè proposita orthographicè transcribitur in superficiem.</i>	507. E		
<i>Superficies plana non eadem figura apparet obliquo aspectu atque directo.</i>	236. F		
<i>Superficies plana perpendiculariter visui proposita, apparet vt lineæ; directè verò aut obliquè, vt superficies.</i>	236. C		
<i>Superficiei radius opticus interdum superficies est, aliàs corpus.</i>	115. A		
<i>Superficiei umbra ex perpendiculari obiectu est plana superficies.</i>	430. A		
<i>Superficiei umbra ex obliquo vel directo obiectu est solidæ figuræ genus.</i>	430. D		
<i>Superficies lineæque cur duplicis generis umbram profundant.</i>	431. A		
<i>Superficies planæ quomodo perpendiculariter visui obijciantur.</i>	181. F		
<i>Superficies cæcæ ex intervallo spectata non rarò con-</i>			
		T.	
		T ABIS propria causa.	14. E
		T actus in digitorum extremitatibus potissimum viget.	26. F
		T alpe perfectum visum habent, vti & oculos.	68. A
		T alparum oculi aduersus terræ impressionem comparati.	68. A
		T alparum oculi quomodo peruestigandi.	67. F
		T angat duos circulos recta linea, erunt quæ ex cætris ad contactum educuntur, inter se parallele.	366. A
		T angant duos circulos duæ recta linea, erunt quæ tactus iungunt parallele.	366. C
		T angant duos circulos duæ recta linea, quæ tactus iungunt diuident circulos in segmenta proportionalia.	368. A
		T angentes inæquales circulos recta linea, in illa conueniunt linea quæ per vtriusque circuli centrum ducitur.	369. A
		T angentes inæquales circulos recta linea, ad partes minoris circuli producta conueniunt.	368. B
		T angentes duos circulos recta linea, sunt inter se æquales.	367. D
		T angentes circumulum recta linea si in unum punctum conueniant, quæ à concursu ad centrum circuli ducitur, eam quæ tactus iungit bifariam secatur.	365. D
		T angentes circumulum recta linea si in unum punctum concurrant, quæ tactus iungit recta linea, à tangentibus æquales portiones refecat.	365. A
		T ardè delata non moueri sed mota esse deprehenduntur.	187. A 190. C
		T arditas motus quid.	189. E
		T arditas quietis est amula.	186. F
		T arditas velocitasque motus quo pacto visu æstimantur.	189. D
		T ardi motus tempore interrupto certius deprehenduntur quàm continuo.	190. E
		T arsi ciliorum bases.	8. C
		T ectæ solis ardores, pluias, nives, grandines; parietes ventorum procellas arcent.	455. D
		T emperamentum oculi igneum ex Platonis sententia.	18. D
		T emperamentum oculorum humidum est & frigidum.	18. D
		T emperamentum oculi cur non ærium.	18. E
		T emperamentum oculi cur aqueum & frigidum.	18. D
		T emplorum pauimenta ingredientibus fastigiata videntur.	259. B
		T empus mensura quadam est motus.	189. C
		T empus imaginarium.	149. B
		T empus ex Orthographia desinire, quo stella supra infraque Horizontem latatione primi mobilis immoratur.	539. B
		T emporis breuitas veram distantia cognitionem non concedit.	226. D
		T emporis moram non sentiunt qui grauioribus rebus distinguntur.	225. A

I N D E X.

- Temporis prolixitatem otiosi mirantur.* 225.B
Tenebrae quae dicantur. 426.A
Tenebrae meram luminis priuationem significat. 361.D
Tenebrae quo sensu densae vocentur. 425.E
Tenebrae ex totius luminis absentia visu percipiuntur. 193.A
Tenebrae & umbra quomodo differant. 193.A
Tenebrae ab umbris solo intensioris gradu distinguuntur. 426.A
Tenebrarum notio ex communi usu. 361.D
Tergemina dimensionis ratio. 642.D
Terminis intrinsicis omnia incipiunt & desinunt. 384.A
Terra natura sua flaua est. 44.C
Terra cur in medio mundi loco collocata. 400.B
Terram rotundam esse quo argumento probetur. 223.F
Terrae portio maior medietate a sole illustratur. 410.F
Terra si solis comparatione punctum est, cur quadam inhorrescunt gelu, alia torrentur aestu? cur item sol ad nos accedere, rursusque abscedere dicitur? 232.C
Terra longitudes latitudineque ex astrorum aspectibus perdiscuntur. 457.A
Terra umbra a sole promissa, cur subinde totum corpus lunare non inuoluat. 411.D
Terrenus orbis solis comparatione puncti rationem habet. 232.B
Terrenus orbis cur solari astro factus sit minor. 410.F
Terrenus orbis a loco solis spectatus puncti rationem habet. 504.A
Tersa corpora, qua parte nullum lumen ad oculos remittunt, nigra videntur. 39.E
Tersa corpora interdum translucida putantur. 353.C
Tertulliani locus de sensuum externorum auctoritate. 214.A
Tertulliani locus aduersus Academicos putantes sensus semper errare. 214.D
Tesudinum flexus unde inchoandi. 262.C
Terraedri Orthographica proeectio secundum triplicem aspectum. 555.B
Theatro circularis forma aptissima est. 281.E
Theses Astronomicae. 453.D
D. Thomas & Scotus conciliantur. 50.F
Tiberius Caesar noctu videre solitus. 16.B
Tincta aqua, ex eo loco spectata unde lumen proci- dit, obscura videntur. 355.A
Tinctura diaphana in maiore profunditate saturatio- rum apparet. 32.C
Titionis rotatu lucidus orbis emicat. 347.D
Topographicae designationes Ducibus militiae vi- les. 456.F
Totum ab omnibus simul sumptis partibus nil dif- crepat. 182.D
Traiani columna scamillum habet subiectum plin- tho. 262.D
Transparens & translucidum. Vide Diaphanum.
Transparentiam medij exquisitissimam visio depo- scit. 217.D
Transparentia visu quomodo percipiatur. 192.A
Transuersa lineae in parallelas lineas scenographicè transferuntur. 644.F
Transuersas lineas scenographicè transcribere. 660.E
Trianguli aequilateri angulo nullus dari potest tri- plus. 254.E
in Triangulo linea uni laterum parallela rescindit triangulum toti triangulo aequiangulum. 364.E
Triangulorum super aequalibus basibus constitu- rum anguli ad verticem multis modis inaequa- les. 198.E & seq.
Tribus modis obiecta visuque coniungi possunt. 71.B
Triplices fallacia sensuum. 214.B
Trochi impetu a spirae excussi, quiescere viden- tur. 348.D
Trochis insignita macula dum circumaguntur circu- los ostendunt. 347.D
Tropicos orthographicè proiecere, visu per Equato- rem & Horizontem traiecto. 523.F
Tropicos stereographicè in plano designare, visu in altero Aequinoctiorum posito. 610.A
Tunica oculi septem. 2.D
Tunicarum numerus rationibus stabilitur. 3.F & seq.
Tunica oculi venarum fibris colligantur. 20.D
- V.
- V**AGVS aspectus quibus ex causis obueniat. 130.F
Vapores in cerebrum delati visionem pertur- bant. 348.F
Velocitas motus quid. 189.E
Velocitas oculorum unde. 18.F
Velocitas tarditasque motus, quo pacto visu aestimen- tur. 189.D
Vena propriae sunt ductus naturalis spiritus. 24.F
Veritas ad res intelligibiles ita se habet, ut lumen ad res visibiles. 103.C
Veras magnitudines explorare, rationis est opus. 233.
Verum obliqua proeectura centrum reperire. 584.E
Verticalis primarius quis. 501.E
Verticales circuli, quos Arabes Azimuth nomi- nant. 501.D
Verticales circulos orthographicè describere. 532.B
Verticales circulos ex obliquo aspectu stereographicè exhibere. 635.A
Verticales circulos stereographicè profundere, ocu- lo in Horizonte collocato. 617.A
Verticales circulos stereographicè proiecere, oculo in vertice constituto. 633.E
Verticalium circulorum munus. 501.E
Vertigo unde generetur. 25.C
Vertigo ex aspectu rerum in gyrum ocyssimè actarum subinde oritur. 186.E
Vertiginosis cur omnia circumagi videantur. 348.E
Viarum flexus exigui a medio spectati non deprehen- duntur. 167.C
Videndi facultas solida parti inesse debet. 25.A
Videndi praecipua vis ad solam nerui optici extremitatem proprie pertinet. 26.F
Videndi facultas an salua sit, quomodo cognosca- tur. 20.A
Videndi facultas parti animata inesse debet. 25.A
Videndi facultas non aequa est omnibus. 66.F
Videndi actus nobilissimus. 65.F
Vino aqua infusa confunditur. 387.F
Vires corporis ab anno quadragesimo minuuntur. 104.C
Viridis color ex flauo & cyaneo componitur. 40.C
Viridis color cur omnium gratissimus. 42.C
Virtus agendi primaria cum essentia agentis recipro- catur. 72.A
Virtus agentis primaria incommunicabilis est. 72.A
Virtutes caelestes una cum lumine in hac inferiora in- fluunt. 386.B
Virtutes caelestes luminis comites sunt, non admini- stra. 586.B
Virtutes corporea corporeo modo subiectis in- sunt. 161.E

Virtualis

I N D E X.

<i>Virtualis similitudo qua.</i>	51. B	<i>Visio ex praeotione in rebus assuetis minimo fit tempo-</i>	
<i>Visile. Vide Signum.</i>		<i>re.</i>	89. C
<i>Visile duobus oculis spectatum, duas mittit radios</i>		<i>Visio reuera non est, cum res absens ut praesens vide-</i>	
<i>pyramides, quarum communis basis id quod spe-</i>		<i>tur.</i>	95. A
<i>ctatur; vertices autem in oculis sunt.</i>	140. D	<i>Visio rectis fit lineis.</i>	111. E
<i>Visile diuersis apparatus locis, geminum conspicitur.</i>	342. C	<i>Visio non fit radiorum emissionem.</i>	71. A
<i>Visile non eodem loco cerni ab altero oculo tantum</i>		<i>Visionis prima differentia, simplex aspectus & intuitus.</i>	86. A
<i>atque ab utroque.</i>	342. E	<i>Visionis ratio in duobus consistit.</i>	493. B
<i>Visile pluribus spectatum locis minus perspicue vi-</i>		<i>Visionis praestantia non ab obiectis pensanda est.</i>	99. F
<i>detur.</i>	340. C	<i>Visionis principium inest crystallino humori.</i>	26. A
<i>Visile in eodem cum axibus existens plano, in Horo-</i>		<i>Visionis quatuor causa ex Aristotele.</i>	78. E
<i>ptere verum vel apparentem locum habet.</i>	148. A	<i>Visionis intermissio tenebrarum & nigredinis speciem</i>	
<i>Visile in axium opticorum congressu positum, unum</i>		<i>ingerit.</i>	217. E
<i>videtur.</i>	345. D	<i>Visionem per corporeos defluxus fieri, Epicureorum</i>	
<i>Visile minus videtur obliquo aspectu quam dire-</i>		<i>commentum.</i>	74. B
<i>cto.</i>	237. A	<i>Eadem sententia refutatur.</i>	74. C
<i>Visile cum pluribus spectatur locis, nullus illorum</i>		<i>Visionem motu fieri quomodo intelligendum.</i>	88. B
<i>proprius est.</i>	340. B	<i>Visionem luminis emissionem fieri sententia Platonis &</i>	
<i>Visile in communi radio atque altero axe optico consti-</i>		<i>Galeni.</i>	72. D
<i>tutum, unum videtur.</i>	345. E	<i>Visiones Galeno eadem qui radij optici.</i>	113. C
<i>Visile in illo apparet radio, quo ipsius simulachrum</i>		<i>Visiva potentia cur exercitatione non perficiatur.</i>	78. C
<i>ad obtutum porrigitur.</i>	112. C 174. C	<i>Visus suapte vi nihil exterius operatur.</i>	79. D
<i>Visile limis oculis spectatum inaequales gignit pyrami-</i>		<i>Visus externus nullas percipit rerum differentias.</i>	93. C
<i>dum angulos.</i>	141. A	<i>Visus externus nullum per se essentia gradum perci-</i>	
<i>Visile uno oculo unico spectatur loco.</i>	331. B	<i>pit.</i>	98. B
<i>Visile in ea Horopteris parte conspicitur, ubi ipsum</i>		<i>Visus ab obiectis remotè, à specie proximè pati-</i>	
<i>radius per rem ductus attingit.</i>	330. F	<i>tur.</i>	51. E
<i>Visile in Horoptere existens unico cernitur loco.</i>	331. E	<i>Visus tactui comparatur.</i>	118. B
<i>Visile aliud per se, aliud ex accidente.</i>	28. B	<i>Visus externus propriam actionem non percipit.</i>	90. B
<i>Visile per se aliud proprium, aliud commune.</i>	28. B	<i>Visus potentia ex se est indeterminata.</i>	75. B
<i>Visile quod uno tantum spectatur oculo, cum in id oc-</i>		<i>Visus organum cur diaphanum.</i>	16. E
<i>clusi etiam oculi acies tacite dirigitur, acutiùs vi-</i>		<i>Visus ceteris sensibus dignitate praestat.</i>	65. F
<i>detur.</i>	84. A	<i>Visus agendo nil proficit, intellectus autem seruatis in</i>	
<i>Visile nisi illustretur non apparet.</i>	64. B	<i>memoria imaginibus scientiam auget.</i>	104. B
<i>Visibile in sola oppositione videtur.</i>	59. D	<i>Visus percipit angulum, sub connectente centra vi-</i>	
<i>Visibiles proprietates omnes inter se sunt conexas.</i>	97. F	<i>sum & axe optico comprehensum.</i>	133. A
<i>Visibilia communia media sunt inter propria, & ea</i>		<i>Visus externus sensusque communis ab obiecti pen-</i>	
<i>qua ex accidente.</i>	28. C	<i>dent praesentia.</i>	93. F
<i>Visibilia uno spectata radio, eodem apparent loco.</i>	331. C	<i>Visus centrum quod.</i>	11. E
<i>Visibilia communia magis accedunt ad propria quam</i>		<i>Visus non fit per συναιρέσιμ.</i>	73. E
<i>ad ea qua ex accidente.</i>	28. D	<i>Visus mente inferior tum propter ignobiliorem natura</i>	
<i>Visibilia quaedam ob paritatem delitescunt.</i>	59. A	<i>conditionem, tum propter incertitudinem functio-</i>	
<i>Visibilium proprietatum alia alijs citius percipiuntur.</i>	100. E	<i>nis.</i>	195. F
<i>Visibilium rerum admittenda sunt species.</i>	48. A	<i>Visus ac visilis eadem est ratio, si vicissim permuten-</i>	
<i>Visio ex lucis & aranea contactu quomodo fiat.</i>	27. C	<i>tur.</i>	247. F
<i>Visio non fit interni luminis cum externo commixtio-</i>		<i>Visus externus sine ope sensus communis operari nihil</i>	
<i>ne, ut voluit Plato.</i>	17. A	<i>potest.</i>	93. B
<i>Visio per vacuum fieri non potest.</i>	62. D	<i>Visus cur ad proximè adnota cacutiat.</i>	132. B
<i>Visio fit per species in oculum susceptas.</i>	74. B. D	<i>Visus circa proprium obiectum formale numquam</i>	
<i>Visio non fit per species formales.</i>	51. B	<i>fallitur.</i>	215. C
<i>Visio fit per pyramidem.</i>	26. B	<i>Visus ad nimis excellens obiectum non propendet.</i>	36. B
<i>Visio perfecta quales spiritus exigit.</i>	25. F	<i>Visus organum sphaericum.</i>	9. A
<i>Visio non fit sola obiecti praesentia.</i>	69. D. E	<i>Visus si semper erraret, nulla existeret in rebus scien-</i>	
<i>Visio non fit sola compassione.</i>	70. C	<i>tia.</i>	196. A
<i>Visio solo illo fit radio, qui ad centrum visus atti-</i>		<i>Visus unam solam visibilem proprietatem non perci-</i>	
<i>net.</i>	26. B	<i>pit.</i>	97. D
<i>Visio ab utroque oculo robustior est quam ab altero</i>		<i>Visus suapte natura infinitè extenditur.</i>	59. E
<i>tantum.</i>	81. E 82. F 83. B	<i>Visus discrimina unde.</i>	67. A
<i>Visio quaedam est passio.</i>	26. E	<i>Visus obiectum lux & color.</i>	28. B
<i>Visio non sola est passio, sed etiam actio quaedam.</i>	78. A. E	<i>Visus humanus & beluarum essentia non diffe-</i>	
<i>Visio duobus organo perficitur.</i>	26. E	<i>runt.</i>	29. E 67. A
<i>Visio per simplex medium rectis fit lineis.</i>	80. E	<i>Visus non est irradiatio.</i>	68. B. E
<i>Visio per intuitum tempore fit.</i>	88. A	<i>Visus plurimas rerum differentias comprehendit.</i>	65. F
<i>Visio ex praeotione, minore fit tempore quam intuitus.</i>	89. A	<i>Visus circa particulares luces & colores fallitur ali-</i>	
<i>Visio ex praeotione collatione perficitur.</i>	88. D	<i>quando.</i>	215. D

- Visus si nulli errori subiaceret, plus oculis quam rationi crederetur.* 196.A
- Visus ab animi affectionibus sæpe deluditur.* 57.C
- Visus si opaca corpora permearet, quid incommodi.* 58.E 63.E
- Visus ad inveniendas disciplinas aptissimus.* 66.A
- Visus est facultas organo ingenerata.* 69.A
- Visus post simplicem rei singularis aspectum primò essentiam lucis & coloris dignoscit.* 98.A
- Visus organum præcipuum non est spiritus animalis.* 24.E
- Visus organum præcipuum est aranea.* 26.E
- Visus obiectum formale.* 215.C
- Visus disgregatio quid.* 41.E
- Visui locum reperire, ex quo ellipsis ut circulus appareat.* 294.C
- Visui locum assignare, unde datus circulus ellipsis appareat, centrum habens intra circuli peripheriam datum.* 293.C
- Visum semper errare Academici senserunt.* 196.
- Visum inter & visile medium requiruntur diaphanum.* 62.D
- Visum numquam errare, quibus rationibus suaderi possit.* 213.F
- Visum subinde & falli & fallere.* 213.E
- Visum agentem malè quidam astruere sunt conati.* 79.A
- Visum numquam errare Epicurei putarunt.* 196.A
- Visum irradiationem esse, quidam partim verè, partim falsè senserunt.* 69.B
- Visum obiectorum actione excitari argumentis probatur.* 69.E
- Visus externo res absens videri ut præsens potest, asseruata in eo per diuinam potentiam specie.* 94.C
- Visu transportato quo pacto consistens visile aequale semper appareat.* 247.E
- Visu immoto quo pacto mutatum obiectum aequale semper appareat.* 243.C
- Vitalis spiritus ductus sunt arteria.* 24.F
- Vitalis spiritus officina cor.* 24.F
- Vitalis & animalis spiritus discrimen.* 92.E
- Vitellonis sententia, an crystallinus humor sit præcipuum visus organum.* 23.A
- Vitellonis sententia, an nervus opticus communis sit præcipuum visus organum.* 23.E
- Vitellonis sententia de causa geminati aspectus confutatur.* 343.F
- Vitellonidè paralogismus.* 427.
- Vitellonis ratio de momentanea luminis productione refutatur.* 374.C
- Vitellonis sententia de magnitudine anguli qui ad verticem est pyramidis optica, refellitur.* 143.E
- Vitellonis sententia de centrâ tunicarum oculi.* 11.C
- Eadem confutatur.* 11.F
- Vitellonis sententia de nervorum opticorum decussatione.* 15.D
- Vitrum tinctum, lumen traiectum inficit.* 18.C
- Vitrum triangulare non veros, sed apparentes colores exhibet.* 45.B
- Vitrum omne, nisi emendetur, subviride ex fornace prodit.* 44.D
- Vitreus oculi humor.* 3.A
- Vitreus humor vitro fuso substantia similis.* 6.B
- Vitreus humor cur post crystallinum situs.* 6.B
- Vitruvii observatio circa angulares columnas.* 280.E
- Vitruvii locus de imparibus scamillis à Bernardino Baldo explicatus.* 261.F
- Vmbra non est absolute lucis privatio, sed lux minor in luce maiore.* 192.E
- Vmbra ex vicinia lucis maioris spectatur.* 192.E
- Vmbra centri, sole per maximum circulum delato, in rectam lineam profunditur.* 568.E
- Vmbra sphaera opaca minoris, quam sit luminosa, est conus.* 432.A
- Vmbra inter lumen & tenebras media est.* 361.C
- Vmbra prima quæ, & quæ secunda, ac tertia, sicque deinceps.* 361.E
- Vmbra non secus ac lumen suos habet intensionis gradus.* 361.F
- Vmbra perfecta non undique aequè obscura est.* 362.C
- Vmbra non est mera privatio.* 361.C
- Vmbra plena seu perfecta quæ.* 362.A
- Vmbra imperfecta quæ.* 362.D
- Vmbra perfecta perfecto lumini conversa proportionè respondet.* 362.A
- Vmbra finita partim opaco corpore, partim lumine circumfuso terminatur.* 423.E
- Vmbra linea opaca quandoque linea est, quandoque superficies.* 428.E
- Vmbra multiplicata obscurior est.* 426.C
- Vmbra secunda obscurior est quam prima, & deinceps obscurior semper illa quæ proximo gradu subsequitur.* 426.E
- Vmbra opaco propinquior obscurior est.* 427.A
- Vmbra opaco propinquior, multò quam reipsa sit obscurior apparet.* 427.E
- Vmbra opaca linea perpendiculari obiectu est recta linea.* 428.F
- Vmbra opaca linea directo vel obliquo obiectu plana est superficies.* 426.D
- Vmbra superficiei ex perpendiculari obiectu est plana superficies.* 430.A
- Vmbra superficiei ex obliquo vel directo obiectu est solida figura genus.* 430.D
- Vmbra sphaera opaca, cui aequalis est sphaera luminosa, cylindrus est infinitus.* 431.D
- Vmbra superficiei opaca luminoso corpori perpendiculariter obiecta, perfecta esse numquam potest.* 430.C
- Vmbra iuxta ac lumen proprio quodam pacto intendi ac remitti potest.* 425.D
- Vmbra puncti opaci recta est linea interminata.* 428.A
- Vmbra centri, cum Sol per circulum non maximum incedit, conì superficiem describit.* 442.D
- Vmbra centri, cum Sol per maximum circulum incedit, eisdem percurrit circulum.* 442.D
- Vmbra, moto seu luminoso seu opaco, pariter movetur.* 438.E
- Vmbra sphaera opaca maioris formam turbinis Coluri infinitam acquirit.* 432.E
- Vmbra corporis opaci semper est corpus.* 431.A
- Vmbra definitio.* 361.B
- Vmbra magnitudo ex magnitudine intercepti luminis aestimatur.* 425.B
- Vmbra radius cum luminoso à quo procedit, in directum extenditur.* 423.B
- Vmbra ac luminis radius pari motus velocitate cidentur.* 441.B
- Vmbra ac luminis radius circum immotum corpus opacum oppositis moventur lationibus.* 441.D
- Vmbra solaris extremum cur tremere videatur.* 439.C
- Vmbra gradus non ex aequo luminis gradibus respondent.* 361.F
- Vmbra plurimum radiorum prohibitionè ampliores fiunt.* 425.A
- Vmbra*

<i>Vmbra luminarium multitudine numerantur.</i>	424. A	<i>Vnum identitate quid.</i>	184. F
<i>Vmbra solares à parallelis lineis profusa sunt inter se parallela.</i>	504. A	<i>Vnum secundum identitatem cum diuisione quantitatis consentit.</i>	184. F
<i>Vmbra lunares solaribus sunt longiores.</i>	436. C	<i>Vnum videtur quod uno cernitur radio.</i>	115. E
<i>Vmbra meridiana brumali tempore quam æstiuo sunt prolixiores.</i>	436. A	<i>Vnum continuatione, numerum qui ex distinctione est admittit.</i>	184. F
<i>Vmbra solares temporibus aequalibus inæqualia sumunt incrementa.</i>	436. A	<i>Vnus oculus quomodo plura simul obiecta videat.</i>	84. E
<i>Vmbra solares circa ortum & occasum longiores sunt quam meridie.</i>	435. F	<i>Vnius rei forma fractionis ope pluribus radiis in oculos inferri potest.</i>	116. B
<i>Vmbra in aduersam luminis partem proyiciuntur.</i>	424. E	<i>Vno oculo certus definitusque rei locus designari non potest.</i>	174. C
<i>Vmbra ac tenebra sola intensiois & remissionis inæqualitate distinguuntur.</i>	426. A	<i>Vno oculo filum in foramen acus transuersum immittere, incerti negotij est.</i>	154. F
<i>Vmbra à nonnullis arboribus delapsa cur graues sint & infesta.</i>	361. D	<i>Vno oculo difficile est signum in aëre vagum ex transuerso attingere.</i>	154. E
<i>Umbrarum qua à motu solis proueniunt descriptiones.</i>	569. A	<i>Vnea tunica oculi.</i>	2. E 5. A
<i>Umbrarum gradus.</i>	426. B	<i>Vnea tunica forma ac dispositio.</i>	5. A.
<i>Umbrarum scenographica proiectura.</i>	673. E	<i>Vnea tunica origo.</i>	2. E
<i>Umbras solares non moueri, sed motas esse aspectu cognoscimus.</i>	190. E	<i>Vulgi imperiti error circa opticos radios.</i>	113. F
<i>Umbrarum solarium varia projectiones.</i>	563. A	X.	
<i>Umbrosus conus mutata corporum intercapedine variat.</i>	432. B	X ENOPHONTIS milites per niuem iter facientes visu sunt hebetati.	41. D
<i>Voluatio quid.</i>	185. F	Y.	
<i>Voluatio alia ex gyratione & recta latione, alia ex gyratione circulari latione componitur.</i>	185. F	<i>Υαλοειδης oculi humor.</i>	6. B
<i>Vnitas ex continuatione vel idenitate aspectu cognoscitur.</i>	184. E	Z.	
<i>Vniformitas actionis duplex.</i>	379. F	Z ALEVCII in indicando seueritas inuicta clementia.	66. B
<i>Vniuersales rerum notiones quomodo ex indiuiduorum adpectu in animo nascantur.</i>	101. A	<i>Zenith quid.</i>	501. B
<i>Vnum aliud continuatione, aliud identitate.</i>	184. E	<i>Zodiacus.</i>	500. B
<i>Vnum continuatione quid.</i>	184. E	<i>Ζωροδον Aristoteli quid.</i>	39. E

E R R A T A.

<i>Pag. 22. D. 1. Itaque lege Ita.</i>		<i>Pag. 185. c. 5. leg. presenti agimus, sed non de eo.</i>	
<i>Pag. 29. F. 6. contingere leg. contingit.</i>		<i>Pag. 192. B. 5. Quò porro leg. Quà porro.</i>	
<i>Pag. 38. E. 3. ceteris leg. ceteri.</i>		<i>Pag. 197. D. 1. multa quædam partes. dele (quædam)</i>	
<i>Pag. 45. F. 8. polyedres leg. polyedri.</i>		<i>Pag. 234. A. 5. ex priua leg. ex praua.</i>	
<i>Pag. 47. B. 7. obumbulantis leg. obambulantis.</i>		<i>Pag. 243. D. 6. lege Ac primò obiectum motum, quamuis oculus loco consistat.</i>	
<i>Pag. 53. c. 8. disignare leg. delignare.</i>		<i>Pag. 314. D. 5. Prop. cxv. leg. xcv.</i>	
<i>Pag. 54. c. 8. iuxta lumen leg. iuxtà ac lumen.</i>		<i>Pag. 322. E. 1. qualis inest leg. qualis est in.</i>	
<i>Pag. 59. c. 6. obfistat leg. abfistat.</i>		<i>Pag. 443. A. 1. ea quæ leg. eaque.</i>	
<i>Pag. 86. E. 3. præcepta leg. percepta.</i>		<i>Pag. 559. c. 4. hentagonis leg. pentagonis.</i>	
<i>Pag. 88. D. 4. lege Visio enim ex præcedente scientia est.</i>			

APPROBATIO SUPERIORVM.

EGO FRANCISCVS FLERONTINVS Prouincialis Societatis IESV per Belgium, potestate ad hoc mihi facta à R^{do} admodum P.N. CLAVDIO AQUAVIVA Generali Præposito, facultatem concedo, vt OPTICA Parris FRANCISCI AGVILONII eiusdem Societatis IESV, sex libris comprehensa, ac designatorum Patrum eiusdem Societatis IESV iudicio approbata typis euulgentur. In cuius rei fidem has litteras nomine nostro subscriptas, & sigillo nostro munitas dedimus. Antuerpiæ Anno Domini M. DC. XII. Ianuarij die xv.

Franciscus Flerontinus Pro^{lis}, vt suprâ.

APPROBATIO CENSORIS.

HÆC OPTICA Auctore R. Patre FRANCISCO AGVILON Societatis IESV Presbytero sex libris comprehensa nihil habent nostræ Religioni contrarium. Quocircà vtiliter admodum imprimentur, vt sint in vsum Philosophorum iuxtâ ac Mathematicorum. Quod censuit IX. Decemb. Anno M. D. XI.

*Egbertus Spitholdius S.T.L. Canonicus
& Plebanus Antuerpiensis.*

SVMMA PRIVILEGII.

ALBERTI & ISABELLÆ CLARÆ EVGENIÆ, Archiducum Austriæ, Ducum Burgundiæ, Brabantiae, &c. Serenissimorum Belgicæ Principum Priuilegio cautum est; nequis FRANCISCI AGVILONII SOCIETATE IESV OPTICORVM LIBROS SEX præter Martinæ Plantinæ viduæ & Balthasaris & Ioannis filiorum Ioannis Moreti p. m. voluntatem, intra decennium imprimat, aut alibi terrarum impressos in has Inferioris Germaniæ ditiones importet, venalesve habeat. Qui secùs faxit, confiscatione librorum & alia graui pœna mulctabitur, vti latius patet in litteris datis Bruxellæ, xx. Ianuarij, M. DC. XII.

Signat.

Buschere.







RARE 84B
FOLIO 22604

